

清實錄

宣宗成皇帝實錄(三)

卷一三二至卷二〇三
道光八年至十一年

清實錄

第三五冊

中華書局影印

清 實 錄

(第 三五 冊)

宣 宗 實 錄 (三)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16·751/4 印張

1986 年 10 月第 1 版 1986 年 10 月北京第 1 次印刷

印數 0,001—1,500 冊

統一書號: 11018·1355—35 定價: 56.00 元

清實錄第三五冊目錄

宣宗成皇帝實錄(二)

卷一三三	道光八年正月	一
卷一三三	道光八年二月	二〇
卷一三四	道光八年三月	三九
卷一三五	道光八年四月	五八
卷一三六	道光八年五月	七五
卷一三七	道光八年六月	一〇〇
卷一三八	道光八年七月上	一二九
卷一三九	道光八年七月下	一三四
卷一四〇	道光八年八月上	一四五
卷一四一	道光八年八月下	一五四
卷一四二	道光八年九月上	一七〇
卷一四三	道光八年九月下	一八五
卷一四四	道光八年十月上	二〇二
卷一四五	道光八年十月下	二二〇
卷一四六	道光八年十一月上	二三九
卷一四七	道光八年十一月下	二四八
卷一四八	道光八年十二月上	二五九
卷一四九	道光八年十二月下	二七九
卷一五〇	道光九年正月	二九五
卷一五一	道光九年二月上	三一二
卷一五二	道光九年二月下	三三一
卷一五三	道光九年三月上	三四三
卷一五四	道光九年三月下	三五四
卷一五五	道光九年四月	三六七
卷一五六	道光九年五月	三八九
卷一五七	道光九年六月	四一一
卷一五八	道光九年七月	四二五
卷一五九	道光九年八月	四四七
卷一六〇	道光九年九月	四六二
卷一六一	道光九年十月	四八六
卷一六二	道光九年十一月	五〇三
卷一六三	道光九年十二月	五一九
卷一六四	道光十年正月	五三九
卷一六五	道光十年二月	五四九

宣宗實錄

卷一六六	道光十年三月	五六七	卷一八五	道光十一年三月上	九三一
卷一六七	道光十年四月	五八三	卷一八六	道光十一年三月下	九四二
卷一六八	道光十年閏四月	五九七	卷一八七	道光十一年四月	九五七
卷一六九	道光十年五月	六一三	卷一八八	道光十一年五月上	九七五
卷一七〇	道光十年六月	六三三	卷一八九	道光十一年五月下	九八六
卷一七一	道光十年七月	六四六	卷一九〇	道光十一年六月上	一〇〇〇
卷一七二	道光十年八月	六六八	卷一九一	道光十一年六月下	一〇一〇
卷一七三	道光十年九月上	六八一	卷一九二	道光十一年七月上	一〇三九
卷一七四	道光十年九月中	七〇三	卷一九三	道光十一年七月下	一〇四三
卷一七五	道光十年九月下	七三三	卷一九四	道光十一年八月上	一〇五九
卷一七六	道光十年十月上	七四四	卷一九五	道光十一年八月下	一〇六九
卷一七七	道光十年十月中	七六〇	卷一九六	道光十一年九月上	一〇八三
卷一七八	道光十年十月下	七八一	卷一九七	道光十一年九月下	一一〇一
卷一七九	道光十年十一月上	八〇〇	卷一九八	道光十一年十月上	一一一三
卷一八〇	道光十年十一月下	八三三	卷一九九	道光十一年十月下	一一三四
卷一八一	道光十年十二月上	八四四	卷二〇〇	道光十一年十一月上	一一三九
卷一八二	道光十年十二月下	八六六	卷二〇一	道光十一年十一月下	一一五一
卷一八三	道光十一年正月	八八四	卷二〇二	道光十一年十二月上	一二六六
卷一八四	道光十一年二月	九〇九	卷二〇三	道光十一年十二月下	一二八二

甲辰

上詣

皇太后宮問安。○御紫光閣。賜蒙古王貝勒貝子。公。台吉。及外藩使臣等宴。並賞賚有差。○乙巳。諭宗令定親王奕紹嗣後瑞親王。惇郡王。惠郡王。之子女應指婚。其餘不必指婚。○丙午。命熱河都統英和馳往江南。會同兩江總督蔣攸銑。查勘湖河應辦工程。○以禮部尚書松筠署熱河都統。都察院左都御史那清安署禮部尚書。鑲黃旗漢軍都統富俊署鑲白旗滿洲都統。○賞候補四品京堂敦良二等侍衛為烏魯木齊領隊大臣。○以督辦軍需妥速。護陝西巡撫徐忻下部優敘。賞署按察使何承薰花翎。○貸湖北江陵監利。二縣並屯坐各衛。上年被水軍民籽種。○貸山西定襄。長治。潞城三縣上年被旱被雹村莊常平社義倉穀。展緩和順縣應徵原借穀石有差。○丁未。

世祖章皇帝忌辰。遣官祭

孝陵。○諭軍機大臣等。蔣攸銑奏。新漕起運。渡黃。請將幫船所帶貨物。暫行起卸。一摺。所奏是。據稱向來漕船到淮。挽過清江福興等閘。溜急水深。未能迅速。以致開壩渡黃。易於脫空。固由過閘稽遲。亦因船身笨重。所致。現在順黃壩誌椿。黃水高於清水一尺五寸。節交春令。能否再行暢消。照常啟壩通漕。勢難豫必。惟渡黃必須迅速。無論開壩倒壩。總以船身輕便為要。本年出運幫船。於每船額帶土宜之外。准其再加三十石。船身喫水更重。將來行抵清江。萬一仍須倒壩。塘北渡如一船阻滯。則河口停淤。必致灌淤。延更為全漕之累等語。本年新漕起運。前經降旨。務於四月初十日以前。全數渡黃。若船身笨重。難渡遲延。致誤定限。自應豫為籌計。著該漕督等接奉此旨。即分飭各糧道。將幫船所帶貨物。於高坂頭地方。暫行起卸。俟渡黃後。再將貨物

歸載。並令該管河員。於各開多添關。攬人夫。俟漕船到時。即加緊催趲渡黃。俾臻妥速。以符定限。將此各諭令知之。又諭。前據那彥成奏。凱撤官兵過境。章程當降旨令鄂山於吉林。黑龍江官兵進關時。即令分二百名一起。間四日行走。現在凱兵於年前過京者。祇有吉林二起兵四百九十八名。黑龍江頭起兵一百名。今越二十餘日。黑龍江二起官兵始將到京。其三起官兵。尚無到京信息。該兵等或竟沿途逗留。管帶各員。不能約束。必致騷擾地方。鄂山。徐忻。楊國楨。屠之申。接奉此旨。即飭沿途地方官。妥速應付。並派明幹道府大員。鎮靜彈壓。俾得迅速行走。雖間遇雨雪。不能盡按間四日行走之期。亦須計程趲行。毋許任意遲延。轉致別滋事端。將此各諭令知之。刑部奏。滿漢司獄年滿升選。無期請量予調劑。下吏部議。尋議。嗣後刑部滿洲漢軍司獄。年滿人員。其應升知縣之七品筆

帖式。擬俟即升五人。輪用三班。後升用一人。應升通判。州同。州判。縣丞等官之八九品筆帖式。擬俟即升五人。輪用一班。後升用一人。均不積缺。若有改捐品級者。按其充補司獄時品級升用。不准照改捐品級升用。從之。○廓爾喀額爾德尼王熱尊達爾畢噶爾瑪薩野遣使表貢方物。賜敕褒獎。賞賚筵宴如例。○以刑部尚書明山署經筵講官。○命庫倫辦事大臣倫布多爾濟馳驛赴任。○戊申。諭內閣。張井等奏。瓜洲城外臨江埭壩。緯道坍塌。切近城垣。請照從前收進城牆之案。接築土城。讓出緯道等語。瓜洲臨江壩工。因江勢浩瀚。遷徙靡常。從前屢修屢塌。乾隆年間。曾將城垣收進。讓地與江。近又復形坍塌。逼近城垣。有礙緯道。自應以設法通緯為急。著照所請。即於春融後。接築土城。讓出緯道。責成江防廳營相機妥辦。無誤重運。經行。其所估築壩拋石各工。著該河督等隨時察看形勢。

從緩辦理○改派吏部右侍郎白鎔敬謹重修

泰陵大牌樓工程○江西學政福申緣事解任

命光祿寺少卿吳孝銘提督江西學政○實授邱樹棠刑部右侍郎○實授劉彬士浙江

巡撫○

上以次辛祈穀於

上帝自是日始齋戒三日○己酉享

太廟遣定親王奕紹恭代行禮○遣官祭

中書

十

伏歲之神○諭內閣陳若霖等奏查辦江西

學政福申家人招搖勒索一摺此案蕭三即

蕭岱隨伺伊主出棚考試執敢冒充前站到

處挑斥供應索詐多賊並嚇罰辦差人役肆

行無忌又於夜間乘坐四人轎懸掛學政官

銜燈籠私自外出且在署外另屋居住種種

藐法情殊可惡若僅照所擬發近邊充軍尚

覺輕縱著發往新疆給兵丁為奴到配仍加

枷號一箇月滿日照例折責以昭炯戒江西

學政福申職司考校關防至重乃不能約束

家人致蕭三種種恣橫倚勢妄為非尋常失

察可比著交部嚴加議處即回京聽候部議

○又諭江西學政福申於家人蕭三種種恣

橫藐玩漫無覺察以致物議沸騰被人叅劾

昨據陳若霖等查辦奏到業經降旨將福申

交部嚴加議處直省學政聲名各該督撫向

於年終出具考語密行陳奏遇有不公不法

及輿論未協者即應據實直陳豈容稍有隱

中書

十

飾乃琦善韓文綺具奏學政福申聲名摺內

均稱場規嚴肅開防慎密並無弊竇可見該

督撫蹈官官相護之陋習視為具文徒以一

奏塞責韓文綺近在同城見聞自確乃並不

留心查察其咎較重著交部議處琦善駐劄

江南相隔稍遠著交部察議嗣後各督撫於

該省學政務當隨時留心察覈於年終出具

考語秉公據實不可稍有含混經此次訓諭

之後儻仍相率緘默不肯直陳或別經發覺

或被人糾參必將該督撫重懲不貸將此通諭知之○庚戌

上詣

南郊齋宮齋宿○辛亥祈穀於

上帝

上親詣行禮○詣

皇太后宮問安○幸圓明園○奉

皇太后居綺春園○詣

安佑宮行禮○壬子諭內閣吏部議將福申照

縱容家人長隨招搖詐騙例革職福申以視學大員關防宜如何慎重乃不能嚴行約束家人致蕭三種種恣橫倚勢妄為豈竟形同輩曠從前陳嵩慶奉差典試伊家人於途次逞兇滋事雖經釀命事起倉猝尚得謂之失察若福申到任兩年有餘屢經出柵考試於蕭三到處詐索肆行無忌斷不能諉為不知又豈失察可比福申著即照部議革職琦善前在兩江總督任內有糾察之責韓文綺近

在同城見聞較切乃各於年終密奏摺內並不據實直陳部議將韓文綺降二級留任琦善降一級留任之處俱不准其抵銷○又諭

屠之申奏請動項興修漕運要工一摺潮白

河上游北寺莊地方上年伏秋汛漲新刷岔

河亟應建壩切灘使水勢歸入北運正河以

濟漕行而資捍禦所有勘估各工段共需工

料銀二千七百五十一兩零著照所請准其

於通永道庫河灘淤地租銀項下照數動支

責成該道督率廳員趕緊購料集夫興工務

於大汛前一律完竣覈實報銷如有草率偷

減即行嚴參○修湖北荊門州官隄並荊州

府民隄從總督嵩孚請也○癸丑

上詣綺春園問

皇太后安○甲寅

上御奉三無私殿賜皇子親藩等宴○御山高

水長賜王公大臣蒙古王貝勒貝子公台吉

及外藩使臣等食翼日如之○諭內閣琦善

奏。失察教匪之文武各官。懇恩寬免處分等語。上年山東鄒縣等縣。有習教匪徒。經該撫飭屬查拏。茲據奏稱鄒滕兩縣。拏獲教匪李成文等三十三名。安邱縣拏獲教匪劉三道士等八名。俱經審明奏結。該地方官於奉到檄飭。立即查拏。跟追徒黨。獲案究辦。各犯不至漏網。功過尚足相抵。所有此二案。應任文武各官失察處分。著加恩一併寬免。○賞廓爾喀正使畢熱格薩然咱和禮副使諾蘭根則嘎爾格。花翎。○乙卯。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○丙辰。

上御正大光明殿。賜大學士尚書等宴。○丁巳。諭內閣。張井等奏。設局清釐河庫積平墊款。並各員欠繳銀兩一摺。南河各廳常年所辦另案各工。借動河庫存款。及扣存平餘飯食等項。並各員覈減欠繳銀兩。案卷繁多。款目

瑣碎。自上次清釐後。復閱多年。自應按款查明。分別辦理。著該河督等即於廳汛各員內。選派熟諳鈎稽。公正精細之員。詳議章程。調齊案卷。設局趕辦。將各項銀數。分晰明確。應追繳者。即向各員嚴催追繳。務使各款俱有著落。不許遷就牽混。稍有遲延。致干咎戾。○戊午。諭內閣。屠之申奏。營伍應否接閱請旨一摺。上年直隸省輪屆查閱營伍。經兵部奏准。派令那彥成巡閱。該督現在出差。除業經閱竣各營外。所有尚未查閱之正定天津大名馬蘭四鎮。通州河間二協。即著屠之申前往校閱。○諭軍機大臣等。屠之申奏。拏獲河間府屬獻縣之尹店村民人孫榮即孫富等傳習邪教。並究出同教夥黨戴朝鳳等十餘人。趕緊按名查拏等語。直隸河南山東接壤地方。屢有教匪滋事之案。必須時刻留心。有犯即懲。方足以安良善。若姑容日久。未有不為害者。該護督飭屬查拏。甚屬認真。現在派

委天津道前赴河間。督同府縣各員。提犯研訊。據供止於習教斂錢。並無為匪不法。亦查無圖像經卷。惟所供夥黨戴朝鳳等十餘人。恐尚不止此數。並此外有無勾結。著該護督嚴飭承審之員。務向各該犯嚴切根究。一有指出夥黨確供。立即按名緝獲懲辦。固不可張皇滋擾。拖累無辜。亦不可寬縱姑容。致留餘孽。總期無枉無縱。淨絕根株。方為妥善。將此諭令知之。○以福建福州城守營副將汪道誠。為直隸天津鎮總兵官。○以緝捕出力。予福建署同知李慎彝等。升敘有差。○己未上御山高水長。賜王。公。大臣。蒙古王。貝勒。貝子。公。台吉。及外藩使臣等食。○諭內閣。大阿哥惠郡王。於二月二十日。前往南苑駐園。富俊著充為總詣達。同賽冲阿輪班隨駐。其應行隨從之散秩大臣侍衛等。著各該處照例奏派。○免雲南銅廠民欠無著工本銀。○庚申上詣綺春園問。

皇太后安。○辛酉。孝穆皇后忌辰。遣官祭陵寢。○壬戌。上幸萬壽山。○諭軍機大臣等。據韓文綺奏。江西道府密考單內。九江道克蒙額。出具鎮靜。詳明老成持重考語。該道年逾六旬。精力是否不致就衰。辦事能否周到。不致誤公。著韓文綺密行察看。遇便據實覆奏。將此諭令知之。尋奏。克蒙額年力未衰。辦事均屬周到。報聞。○揚威將軍軍大學士長齡等。紅旗提報。生擒首逆張格爾。上遣首領太監詣綺春園請皇太后安。賀喜。○以籌辦回疆兵餉出力。予戶部郎中玉英等。議敘有差。○癸亥。孝聖憲皇后忌辰。遣官祭泰東陵。○上詣安佑宮。

恩慕寺。

恩佑寺。行禮。○詣綺春園問。

皇太后安。○諭內閣。三載考績。為激揚大典。滿

漢大臣中。如能盡心職守。勤勞懋著者。自應

給予甄敘。年老而精力未衰。仍堪留任。其年

力已衰。或素有疾病者。亦難曲為姑容。此次

京察。吏部將內外各大員。開單具奏。朕細加

酌覈。大學士曹振鏞。尚書文孚。王鼎。王麟。穆

彰阿。去歲因贊襄軍務。承旨宣勤。業經分別

施恩。此次無庸再行議敘。協辦大學士理藩

院尚書富俊。年已八旬。精神強固。辦事照常。

前在吉林將軍任內。宣力有年。公慎勤果。克

稱厥職。戶部尚書禧恩。自簡授御前大臣。以

來。勤慎。管理諸事。俱能妥協。俱著交部

議敘。工部侍郎韓鼎晉。年近七旬。身體多病。

著以原品休致。直隸總督那彥成。自調任以

來。盡心職守。操兵緝盜等事。不遺餘力。其屬

認真。閩浙總督孫爾準。於道光六年辦理臺

灣滋事匪徒。遠涉重洋。克臻妥速。俱著交部

議敘。餘著照舊供職。○又諭。長齡等奏。生擒

首逆。由八百里加緊馳報。紅旗一摺。覽此。捷

奏。實深嘉悅。上年十二月。逆裔張格爾。糾約

布魯特多人。欲乘歲除潛入卡倫。經長齡。楊

芳。分帶官兵。探聞該逆向阿爾圖什回莊前

來。因被黑帽回子四百餘人。持械攔阻。旋即

折竄。出卡。楊芳帶領官兵。連夜趕至卡外。喀

爾鐵蓋山內。追及賊尾。分路兜剿。立斃賊匪

二百餘人。該逆在前。率領馬賊三百餘人。迎

面衝突。我兵排槍抵敵。先令馬隊官兵。抄及

賊後。領隊大臣阿勒罕保等。復分路帶兵下

壓。賊匪向山溝逃竄。我兵力追。斃三百餘

人。僅賸馬賊三十餘騎。擁護該逆上山。總兵

胡超等。飛騎直前追捕。山高路滑。眾賊棄馬

而上。胡超等率領官兵回子。亦棄馬窮追。斃

賊五名。餘賊滾山逃竄。復奔大梁。該逆祇賸

賊匪十餘名。擲石回擊。都司段永福。及額爾

古倫胡超。各帶兵擁上山巔。盡力追及。該逆情急。將欲自刎。胡超。段永福。錫伯馬甲。訥松。阿舒。與阿。兵丁。楊發。田大武等。奮刀生擒。並獲賊目八名。餘賊殲戮無遺。飛章奏捷。此皆仰荷。

吳蒼加佐。

祖。

考。垂麻。俾得元光就縛。遺孽肅除。洵足以安邊徼。而快人心。朕實感之餘。與中外臣民同深。

慶幸。長齡等統師進剿。若能於克復喀什噶爾時。就地擒渠。其顯功丕績。當與兆惠。阿桂。後先媲美。現遲至十月之久。始將該逆擒獲。功已稍次。惟念該將軍等督率官兵。不避艱險。於卡外臨陣生擒巨寇。檻送京師。與機諭外夷。設計縛獻者。迥不相同。其在事將領官兵等。爭先效命。自係該將軍督率有方。仍當渥沛殊恩。用昭懋獎。長齡著加恩。錫封威勇公爵。世襲罔替。並賞戴寶石帽頂。兩團龍補。

朕授為御前大臣。賞用紫韁。換戴雙眼花翎。並解賜佩囊二件。寶石頂一箇。雙眼花翎一枝。龍補一副。白玉雙喜翎管一箇。御用白玉搬指一箇。白玉吉祥如意佩一件。黃辦珊瑚豆大荷包一對。小荷包四箇。楊芳著加恩。錫封果勇侯爵。世襲罔替。並賞用紫韁。換戴雙眼花翎。在御前侍衛上行走。並頒賞雙眼花翎一枝。白玉已圖魯翎管一箇。御用白玉壽字搬指一箇。黃辦珊瑚豆大荷包一對。小荷包四箇。其子有無官職。現年若干。著查明具奏。長齡。楊芳。並開復一切處分。楊遇春。武隆阿。雖未與其事。惟前曾督兵進剿。克復四城。此時首逆就擒。大功告成。亦應量予恩施。楊遇春。武隆阿。任內一切處分。悉予開復。總兵胡超。著加提督銜。賞給騎都尉世職。並頒賞白玉翎管一箇。白玉搬指一箇。大荷包一對。小荷包四箇。總管額爾古倫。著賞加副都統銜。都司段永福。著賞給雲騎尉世職。仍以參。

將即行升用。並頒賞白玉翎管一箇。白玉搬指一箇。大荷包一對。小荷包四箇。馬甲訥松阿。著賞給侃勇巴圖魯名號。舒興阿。著賞給紹勇巴圖魯名號。俱仍以防禦即用。兵丁楊發。著賞給直勇巴圖魯名號。田大武。著賞給確勇巴圖魯名號。俱仍以守備即用。以上四員。均照例賞戴花翎。貝子伊薩克。自軍興以來。諸事奮勉。實心出力。茲復帶領回眾。隨同楊芳等出卡擒賊。忠勤可嘉。著加恩晉封郡王。並頒賞白玉翎管一箇。白玉搬指一箇。大荷包一對。小荷包四箇。所有在事出力官弁兵丁。著查明秉公保奏。候朕施恩。其攔阻張逆之黑帽回子四百餘人。及隨同伊薩克出卡回子。著長齡等查明。分別從重獎賞。現據該將軍派誠端等押解張逆來京。進關後。著沿途督撫。派令文武大員。帶兵按站接督護送。無稍疏虞。長齡自赴回疆。總統軍務。宣力年餘。今得肅此大功。旋師奏凱。著俟那彥成

到彼。將善後一切事宜。詳細交代。即迅速來京展覲。以慰廕懷。將此宣諭中外知之。○又諭我朝定鼎以來。

闡帝屢彰靈佑。昨據長齡等奏。上年張格爾煽亂。遣其逆黨。擾近阿克蘇。當官兵銜擊之時。陡起大風。塵沙飛揚。該逆等遙見紅光燭天。遂被殲擒。又長齡等督兵進剿。師次渾河沿。該逆等竟夜擾營。風起猛烈。官兵乘風衝賊。俘馘無算。次早接仗時。據活賊僉供。又見紅光中。兵馬高大。不能抵敵。即各竄逸。此皆仰賴。

闡帝威靈顯赫。默禱賊魄。用克生擒巨憝。永靖邊圉。必應加展誠敬。以期億萬年護國安民。著禮部擬加封號數字具奏。用答神庥。尋議上。得旨。加威顯二字封號。○諭軍機大臣等。昨據長齡等馳奏。張逆已於除夕生擒。檻送京師。派誠端。吉勒通阿。祥雲保。帶領吉林。黑龍江。官兵。押解前來。東三省官兵。

已經全撤哈喇阿無須再往軍營。著那彥成於何處接奉此旨。即傳知該都統會同誠端等。押解張逆來京。前據那彥成奏留吉勒通阿。赴喀什噶爾差委。現經長齡派令押解張逆。亦即令其來京。無庸再行帶往。現在逆首雖已就擒。其善後事宜。尚須妥為籌辦。本日已降旨。令長齡於交卸後作速來京。那彥成仍當迅速前赴喀什噶爾。與長齡會晤。以便長齡將一切經手事件。面為交代。即帶揚威

將軍印信。起程回京。該督與揚芳武隆阿。務將應辦善後各事。妥協經理。以副委任。將此由八百里諭知那彥成。並諭長齡知之。以武隆阿病痊。仍授為喀什噶爾參贊大臣。賞伊犁協領端多布副都統銜。為領隊大臣。命察哈爾都統安福頭等侍衛巴清德。在御前行走。以督辦糧臺始終勤奮。賞署陝甘總督鄂山山西巡撫盧坤頭品頂帶。以紅旗報捷。賞奏事處接報員外郎興保兵部

清 實 錄 道光八年正月

捷報處總辦郎中恩齡花翎候補主事恆祥藍翎。餘下部議敘。沿途弁兵升賞有差。甲子。諭內閣。兵部將失察偷挖鹿窖之前任盛京將軍晉昌等議處一摺。盛京將軍有統巡圍場之責。每年十月。例應行圍打牲。周歷巡視。非副都統並不行圍。可比晉昌在任較久。圍場偷挖鹿窖。並非起自近年。已有失察之咎。上年雖經派員查出。又未飭拏要犯究辦。因循廢弛。不勝將軍之任。著回京另賞差使。

其部議罰俸一年之處。著改為罰俸二年。安福在任未久。著照部議罰俸一年。俱不准其抵銷。又諭。蔣攸銑等奏。訪查被參幕友並無實在劣跡一摺。此案幕友平二愚即平衡。被人劾參。在兩淮商人家居。干預鹽政事務。欺朦婪索等情。當交蔣攸銑等嚴密訪查。茲據奏稱。該幕友從前就幕兩江督署。曾因聲名平常。被參驅逐。近年為淮商公延管理善舉。並未與惡任鹽政交通。實無欺朦婪索。

情弊。惟被逐後不安分在籍。復潛赴揚州。圖就鹽館。致滋物議。殊屬不合。平二愚即平衡。著照所擬。革去捐職知縣。交地方官嚴行管束。不許出境。以示懲儆。○諭軍機大臣等。前據長齡等奏。移建葉爾羌英吉沙爾兩處城垣衙署。朕以該二處祇因隔住回城一隅。非喀什噶爾情形可比。自應修復故城。不必另費周章。當經諭令那彥成於經過時。悉心察看。茲據恆敬等奏。葉爾羌舊城連西罕那里克地方。業已勘定界址。先築城基。著暫行停辦。仍俟那彥成到彼。相度形勢。定議具奏。候旨辦理。至所稱查出續墾官荒地。照較輕之阿勒板科。量減升科。每歲增糧九千餘石。合之原額歲徵糧七千餘石。足供防兵二千名口食。即照所議辦理。其從前隱匿未報回戶。著免其查究。又所稱於屬境西北隅。墾出荒地一百餘里。地土肥饒。引水尚易。著照所議試墾。其舊額糧石內折收布匹。暫停一

年。全徵本色一節。該城歲徵糧石。向以布棉抵交三分之二。今全徵本色。是否不至苦累回民。亦著那彥成悉心體察情形。妥議具奏。將此諭知恆敬。孔克桑阿。並諭那彥成知之。○以都察院左副都御史李宗瀚。為工部左侍郎。○調福州將軍果齊斯歡。為綏遠城將軍。江寧將軍普恭。為福州將軍。以京口副都統春升。署江寧將軍。○以烏什隨辦軍務出力。予千總趙鉞等。升補有差。○贈故翰林院侍講學士銜秦承業。三品卿銜。賞銀三百兩治喪。○貸江蘇江寧京口八旗兵丁房屋修費有差。○乙丑。諭內閣。自道光六年喀什噶爾用兵以來。軍機大臣曹振鏞等。佐朕運籌軍務。夙夜勤勞。承書諭旨。鉅細無遺。去歲因四城雖復。首逆未獲。曾經稍示恩榮。朕意未愜。茲元兇生獲。紅旗報捷。軍機大臣等尤當再沛恩施。用昭獎勵。大學士曹振鏞。著晉加太傅銜。賞用紫韁。吏部尚書文孚。著晉加太

子太傅銜。賞用紫綬。戶部尚書王鼎著賞戴花翎。兵部尚書玉麟著晉加太子太保銜。工部尚書穆彰阿著晉加太子少保銜。即在軍機大臣上行走。仍俱著照軍功交部議敘。其滿漢軍機章京等。著軍機大臣編列一二三等。候旨施恩。○又諭大學士。軍機大臣。會議那彥成奏回疆積弊。請加考覈一摺。新疆西南兩路。分設大臣駐劄。皆受伊犁將軍節制。自應分隸考覈。以期撫馭得宜。著照托津等

所議。嗣後哈密辦事大臣。與吐魯番。巴里坤。古城。庫爾喀。喇烏蘇。歸烏魯木齊。都統。專轄喀喇沙爾。庫車。阿克蘇。烏什。葉爾羌。和闐。英吉沙爾等七城。歸喀什噶爾參贊專轄。均屬於伊犁將軍統轄。每屆年終。該將軍。都統。參贊大臣等。將各城大臣出具切實考語。密行陳奏。如有人地不宜。及才不勝任者。隨時奏明更換。儘有失察徇隱。一經發覺。即將該將軍。都統。參贊大臣等。交部分別議處。其將軍。

都統。參贊大臣內。有不正己秉公者。亦准各城大臣據實奏。以資維制。各城章京糧員。責成該城大臣認真考察。務期人地相宜。新疆駐防人員。非實係守潔才優者。不准保奏。儘所保之員。或犯贓私。即將原保大臣一併議處。其操守才具平常者。亦即隨時奏咨更換。至各城大臣。及司員筆帖式等。原設養廉。不敷辦公。亦應量為議增。伊犁將軍現支養廉銀三千兩。著加一千兩。伊犁參贊大臣現

支養廉銀一千兩。著加五百兩。伊犁領隊大臣現支養廉銀七百兩。著加二百兩。烏魯木齊都統現支養廉銀一千八百八十八兩。著加五百兩。庫爾喀喇烏蘇領隊大臣現支養廉銀四百兩。著加四百兩。哈密辦事大臣現支養廉銀七百兩。著加二百兩。哈密幫辦大臣現支養廉銀四百兩。著加二百兩。喀什噶爾參贊大臣現支養廉銀一千五百兩。著加五百兩。喀什噶爾幫辦大臣現支養廉銀七

百兩著加三百兩。葉爾羌辦事大臣現支養廉銀一千一百兩著加二百兩。葉爾羌幫辦大臣現支養廉銀七百兩著加二百兩。烏什辦事大臣現支養廉銀七百兩著加二百兩。阿克蘇辦事大臣現支養廉銀四百兩著加六百兩。庫車喀喇沙爾辦事大臣和闐英吉沙爾領隊大臣現各支養廉銀六百兩著均加二百兩。其章京筆帖式等鹽菜銀兩何員應酌加若干應由何項支給之處著交那彥

成詳細議奏。明辦理該大臣等俱著准其攜眷願否攜帶聽其自便。○又諭楊遇春自簡署陝甘總督以來辦理諸務悉臻妥協前因逆回滋事授為參贊大臣差赴軍營上年進兵克復喀什噶爾英吉沙爾葉爾羌皆係楊遇春身親統率其派委將領收復和闐亦復調度有方實為盡心出力著加恩實授陝甘總督。○又諭長清奏請將辦理軍務人員量加錄用等語原任太原府知府沈琮因審

辦間思虎一案錯謬革職發往新疆效力前經英惠派赴阿克蘇辦理文案糧餉事務嗣長清等保奏該員出力賞給七品頂帶送部引見已足以償其微勞茲長清復以該員到處均著循聲誠實可靠奏請再予恩施殊屬冒昧。該思該員於間思虎強姦趙二姑重案既失察屬員賄囑各情又復親審不實刑逼勒結有心回護誠實可靠之人豈應如是此而謂之循聲卓著該大臣豈非矛盾其詞乎

沈琮現已回烏魯木齊著仍遵前旨送部引見所奏著不准行。○又諭昨有御前行走科爾沁土謝圖親王諾爾布林沁等六人因聞揚威將軍長齡等擒獲渠魁張格爾特來圓明園叩賀該蒙古王公台吉等世受深恩朕復加優待視如股肱伊等此時正冀速淨塵氛茲於四城克復以後生擒巨憝解送京師由茲邊陲永靖內地居民與外夷人等共享太平之福洵屬膺歡大慶今諾爾布林

沁等六人前來叩賀。未免浮費。所有土謝圖親王諾爾布林沁車臣汗阿爾塔什達喀喇沁親王銜郡王滿珠巴咱爾巴林郡王那木濟勒旺楚克。教漢公那木扎勒多爾濟喀喇沁公瑪哈巴拉等。著加恩均各賞給半年俸銀。以示朕曲體至意。所賞銀兩著由該院即行給發。至內外扎薩克蒙古王公台吉等。一聞紅旗捷音。諒必不勝歡欣。俱各踴躍來京叩賀。惟是年班已來之蒙古王公台吉呼圖

克圖等甫回遊牧。又復前來遠路風塵。轉失朕體恤之意。著理藩院通行曉諭。內外扎薩克蒙古王公台吉呼圖克圖等。不必來京叩賀。丙寅。

上幸靜明園詣

龍神廟拈香。諭內閣。自道光六年。逆回張格爾入卡滋事。經朕命將出師天戈所指。克復四城。因首逆竄逃。留兵防範。昨據長齡等將巨憐生擒。紅旗奏捷。此次用兵。道途寫遠。

調派需時。迥非內地可比。計收復四城。以至生獲首逆。為期僅閱十有一月。辦理尚為迅速。現在回疆底定。永靖邊陲。朕與天下臣民同深慶幸。在廷諸臣。允宜渥沛恩施。大學士托津著賞還紫韁。大學士兩江總督蔣攸銑。軍興時尚在軍機大臣上行。走襲贊機務。頗著勤勞。著晉加太子太傅銜。協辦大學士尚書富俊著交部議敘。協辦大學士尚書盧蔭溥兼管順天府府尹。支應兵差。妥速無誤。著

與府尹何凌漢俱交部議敘。戶部兵部堂官或籌備餉需。或督辦軍報。均臻妥協。除戶部尚書王鼎。兵部尚書王麟業經加恩外。所有戶兵二部堂官。俱著交部議敘。熱河都統英和。前在戶部尚書任內。於軍餉一切悉心籌畫。甚為出力。著加恩賞還太子太保銜。以示嘉獎。○又諭富俊奏。融奢尚儉。以維風化。一摺。厚生之道。首在崇儉。惟承平日久。生物滋豐。以致踵事增華。風俗日形奢靡。朕御極之

初。曾經降旨。諄諄垂誡。期於返樸還淳。乃奉行不力。日久仍成具文。如富俊所奏。近日京師外省風氣。競尚浮夸。較前更甚。誠不可不防其漸。查官員軍民人等。一切冠履服飾。以及冠昏喪祭等事。載在會典。具有品級等差。因卷帙浩繁。民間不能家有其書。致使爭相誇耀。積慣成習。視為固然。於風俗人心。大有關繫。著內外各衙門。將民間應用服色。及昏喪儀制。悉照會典所載。刊刻簡明規條。徧行示諭。務使家喻戶曉。嗣後各實力祇遵。毋再蹈侈靡故習。以副朕崇儉黜奢之至意。將此通諭知之。○諭軍機大臣等。前據長齡等奏。生擒首逆。紅旗報捷。克成大功。現在善後一切事宜。尚須妥為經理。業經降旨。令那彥成迅速馳往。並令長齡詳細交代。即行來京。展覲。那彥成接奉此旨。仍著趕緊馳赴喀什噶爾。會同楊芳妥辦。以便長齡交代起程。欽差大臣關防。仍即帶往鈐用。容照仍著隨侍前

往。至此時軍務雖竣。仍有需員差遣之處。伊犁領隊大臣布彥泰。乾清門頭等侍衛舒倫保。三等侍衛貴成。大名府知府壁昌。並該督奏請帶往之河間府同知濮城。西安協領德惠。直隸都司郝永泰。守備劉正。並酌留直隸陝甘千把外委等。俱著那彥成帶往。以資任使。其餘文武各員弁。俱著回任。兵丁飭令歸伍。將此由六百里諭令知之。○阿克蘇辦事大臣長清奏。阿克蘇舊設土城。周僅一里。請於西南隅至西北隅。另築外郭。並礮臺各工得旨。阿克蘇展寬城垣。修建兵房。自係應辦之工。惟應否於現在勘定處所增築。修建著那彥成到彼。悉心相度。妥議具奏。再行分別辦理。○朝鮮國王李瑔遣使表賀。萬壽冬至元旦三大節。進貢方物。賞賚筵宴如例。○暹羅國王鄭福。以頒賜敕寶。遣使奉表謝恩。恭進方物。賞賚筵宴如例。○以工部右侍郎申啓賢。署禮部左侍郎。○命庫倫辦事

大臣倫布多爾濟駐藏大臣惠顯等。頒賞哲布尊丹巴呼圖克圖達賴喇嘛。班禪額爾德尼黃哈達並宣示紅旗捷奏。○以首逆張格爾生擒。予阿拉善王瑪哈巴拉貝子倫布多爾濟扎薩克圖汗。賽因諾顏兩部落之汗王貝勒貝子公扎薩克台吉杜爾伯特汗齊旺巴勒楚克等。土爾扈特王三達克多爾濟等。和碩特扎薩克台吉布彥克什克等議敘。賞額爾德尼班第達呼圖克圖喇嘛等。緞匹有

差。○丁卯諭內閣。昨因西陲紅旗奏捷軍務。藏功業將在廷臣工分別施恩。諸王貝勒等。分屬宗親。誼關休戚。允宜同被恩綸。用昭篤眷。儀親王。瑞親王。綿忻。定親王。奕紹。博郡王。綿懌。慶郡王。綿懿。俱著賞給紀錄四次。鄭親王。烏爾恭阿。肅親王。敬敏。克勤郡王。尚格。郡王銜貝勒綿志。貝勒綿馨。御前侍衛載銓。俱著賞給紀錄二次。御前大臣禧恩。瑪呢巴達喇。內廷翊衛。夙夜勤勞。亦應一體恩霽。禧恩。

著賞加太子少保銜瑪呢巴達喇著賞加郡王銜並賞給四團龍補服。支食貝勒全俸。以示朕嘉賞成功。覃敷閭澤至意。○又諭烏里雅蘇台將軍上年曾經賞給養廉銀兩。其烏里雅蘇台參贊科布多參贊仍各月支鹽菜銀兩。庫倫辦事大臣亦係按日支給盤費。俱無例支養廉。昨將新疆西南兩路將軍大臣等酌加養廉。該參贊等亦應一體賞給俸資辦公嗣後烏里雅蘇台參贊大臣科布多參

贊大臣俱著每年支給養廉銀七百兩。無庸再領鹽菜。庫倫辦事大臣每年應支盤費銀七百二十兩。亦著改為養廉名目。以昭畫一。○以首逆張格爾生擒。賞軍機章京光祿寺少卿吳孝銘戶部郎中阿達順花翎候補四品京堂趙威奎等議敘。賞養有差。○戊辰諭內閣。昨因車臣汗阿爾塔什達等在理藩院具呈請復奉祀清吉斯汗墳墓舊有之太師等虛名。托津富俊二人意見不同。各自具摺

請旨。此案於道光四年。經前任歸綏道岳祥等。將達爾哈特之蒙古羅布桑沙喇布霸占產業。商同太師畢哩提達春兒畢桑喇嘎爾第一案。審明定擬報部。並因太師等名與例不符。另請改定別號。茲據理藩院以蒙古人更張風氣。斷不可長所議。駁者尚屬循例辦理。惟念看守清吉斯汗墳墓之蒙古。歷年已久。太師虛名由來如此相傳。伊等既無頂帶錢糧。又不干預公事。尚屬無關緊要。著加恩

即照車臣汗阿爾塔什達等所請。准其仍復此項承辦祭務之太師太保。扎濟桑渾津等虛名。著該院轉行嚴諭該盟長濟農等所有充當太師等名之蒙古。止准令其奉祀清吉斯汗墳墓。毫不可干預公事。儻有假此名號妄生事端者。不惟將該蒙古治罪。仍將該濟農一併議處。○引見京察三品以下京堂各員。得旨。內閣侍讀學士格圖肯。年力就衰。著以原品休致。餘俱著照舊供職。○以故奉恩

鎮國公果勒豐阿子有麟。輔國公達什德勒克子班丹扎布。各襲爵。○命喀爾喀扎薩克親王車登巴咱爾。在御前行走。○予接遞軍報之署奏事領班內閣學士裕誠等議敘。○修山東運河。泗河。上河。三廳隄閘石工。從河道總督嚴烜請也。○修浙江海寧。仁和。二州縣東西海塘。從巡撫劉彬士請也。○己巳孝儀純皇后忌辰。遣官祭

裕陵。○

上詣綺春園問

皇太后安。○諭軍機大臣等。前降旨。令那彥成馳赴喀什噶爾。會同楊芳辦理善後事宜。以便長齡來京展覲。惟現在首逆就擒。大功告成。善後事宜。是否尚須楊芳在彼幫辦。著該督察看情形。據實具奏。如無須楊芳暫留。即傳旨著與長齡一同來京。將此由五百里諭令知之。尋奏。請暫留楊芳。以資商榷。俟諸事辦有頭緒。即令先期入都報聞。○又諭據步

軍統領衙門奏。直隸河間府獻縣文童樊泳清。來京呈報。該縣尹店村交河縣霍家莊等處。有民人孫黃等。製造刀槍。練習邪教。並供稱伊在李家莊居住。去年見尹店村等處。搬家者甚多。曾向本村民人李保。詢知尹店村民孫黃。孫富。與戴朝鳳。趙炳等。製造刀槍。桿子等器械。演習邪教。又聞得雙坦村民臧安。本縣城內民人吳庭芳。魏家村民人王勝三父子。俱係邪教。又有交河縣霍家莊民人張居四。亦是邪教。現在天津地方貿易等語。此案前據該護督奏稱。已將匪犯孫榮。即孫富等父子。拏獲。並究出夥黨戴朝鳳等十餘人。查拏審辦。曾否續行究出勾串習教之犯。按名悉數掩捕。起有器械。現據樊泳清所供。不止尹店村一處。且有製造刀槍器械。若無為匪不法別情。何至村民紛紛遷徙。其所指之雙坦村。教犯臧安。亦藏有器械等物。此外吳庭芳。王勝三父子。及張居四等。是否已經拏

獲。有無刀槍等件。必須確切查明。不可稍涉顛預。該護督前已飭委天津道金洙。前往河間。會同該府提訊。著即嚴飭該委員等。悉心嚴鞫。務將勾結黨羽。及製造器械實情。逐一究訊明確。按名悉數查拏懲辦。不可回護。前奏。存化大為小之見。致令稍留餘孽。但不可過事張皇。拖累無辜。現已將原告樊泳清。解交屠之申。先行審訊。如有別情。再發交金洙等。歸案質訊可也。將此密諭知之。○庚午

上詣

大高殿行禮。○還宮。○諭內閣。章嘉呼圖克圖。敏珠勒呼圖克圖。經藝純熟。且俱掌管喇嘛印多年。所辦一切捐輸事件。均屬妥協。昨因長齡等生擒首逆張格爾。大功告成。允宜量予恩施。所有章嘉呼圖克圖。著加恩。將伊前世所得印信敕書。仍舊賞用。並賞坐金頂肩輿。敏珠勒呼圖克圖。著加恩。賞用貂皮金紅坐褥。○護直隸總督屠之申。奏嚴禁州縣差

役藉端苛派得旨如有不肖州縣藉差肥己或縱容吏役苛派等情即據實嚴參斷不准稍有徇隱懷之○賞陝甘總督楊遇春紫韁○朝鮮暹羅二國使臣在西安門內叩賀上溫語慰問並賞奏有差○撫恤琉球國遭風難夷如例

大清宣宗效天符運立中體正至文聖武智勇仁慈儉勤孝敏成皇帝實錄卷之一百三十二

大清宣宗效天符運立中體正至文聖武智勇仁慈儉勤孝敏成皇帝實錄卷之一百三十三

敬修

道光八年戊子二月辛未朔諭軍機大臣等

昨據楊遇春來京陛見已降旨實授陝甘總督並即令回任鄂山俟其到甘應即交卸督篆至所辦軍需報銷事宜總須一手經理陝西巡撫現有徐忻護理鄂山著暫留甘肅督同局員將報銷一切事宜全數辦竣再行奏明回任將此諭令知之○壬申以舉行仲春經筵遣官告祭

奉先殿

傳心殿

上御文華殿經筵直講官富俊湯金釗進講中庸舜好問講畢

上宣御論曰自古致治之道不外乎廣諮博訪而尤難於明目達聰昔夫子稱舜為大知而於好問首及之以舜之濬哲文明溫恭允塞固已五典克從百揆時敘矣又何待於下問而孜孜不倦顧事必集益於所好好之而不篤雖近且易猶不能致況以天下之大萬民之眾而欲於耳目之所不及思慮之所未周

書經卷之三

二

一一洞悉而條貫之非好問不為功舜之咨四岳咨十有二牧稽于眾也維時俊乂在官虛懷延納舉夫禮樂刑政工虞水火莫不奮庸亮采庶績咸熙皆由舜之舍己從人樂取為善以視堯有衡室之問何多讓焉開四方之門以來天下之賢儔廣四方之視聽以決天下之壅蔽書曰好問則裕自用則小舜大知而不以為知其勤於好問也乃其不自用也此舜知之所以為大也直講官穆彰阿李

宗昉進講書經明于五刑以弼五教講畢

上宣御論曰帝王承天以出治惟任德教而不任刑作士如皋陶而舜諄諄然命之曰明于五刑以弼五教弼輔也聖人以教為化民之本而刑特以輔教之不逮而已示人以常刑墨劓剕宮大辟五刑之正也修道之謂教父子親君臣義夫婦別長幼序朋友信此五者察於人倫而垂為教令也教令既行咸知三綱五常天理民彝之大節則有所敬畏而不

書經卷之三

三

敢犯不忍犯若謂五刑糾萬民而以刻覈為能以鍛鍊為事禁網愈密奸慝愈多欲民無冤獄而頌聲作也得乎刑者不可任以治世故以之助教而不可專用民罹於刑而教乃偕民趨於教而刑自措蓋聖人之法有盡而心則無窮其變民也易其化人也著教過宥罪而法莫施所謂善教得民心也刑於何有皋陶能體舜之意使人知契與伯夷之教而不知有皋陶之刑民協于中舜美皋陶之功

而非取傷肌膚之效也。世操用刑之柄者重民五教。惟刑之恤。俾好生德洽而民不犯于有司。於以遠溯唐虞之盛軌也。其庶乎禮成上幸文淵閣。賜講官及聽講諸臣茶。復賜宴於本仁殿。○諭內閣。回疆遠在西陲。徵調未易集事。前此逆裔張格爾入卡煽亂。各路官兵應援不及。遂被該逆竊據四城。生靈遭其荼毒。甚至我大臣官兵效命捐軀。慘罹鋒鏑。實為天討所必誅。自長齡等於上年二月間督兵進剿。三戰皆捷。未及弔月。四城以次蕩平。固已大張國威。稍紓眾憤。惟逆黨雖就駢誅。而兇渠尚稽顯戮。是遺孽一日不除。則軍務一日不竣。屢經飭諭該將軍等。妥籌善後。仍一面設法擒渠。以期迅速。嚴功昨長齡等靈布馳奏。元惡生擒。從此邊徼乂安。外夷警服。宜修告功之典。用昭寅感之誠。本年孟夏時享。

太廟及

常雩
方澤大祀。朕將躬展明禋。其飭所司。於祝冊內敬舉受釐宣捷之忱。用申虔告。恭惟盛京三陵禮應親詣叩謝。惟念畿輔陪京地方。應付東三省凱撤官兵。尚未竣事。恐蹕路所經。重勞民力。宜先遣親王前往恭代行禮。

東陵
西陵。朕於九月間。敬詣展謁。仲秋恭祀社稷壇。亦當親詣將事。並著於祝文內敬載。申悃。其應行禮儀。及此外一切典禮。各該衙門察例具奏。以次舉行。○又諭刑部。題駁前護山東巡撫賀長齡。審擬王庭桂等強姦刃傷。並造言汙蔑。致鞠王氏自刎身死一案。所駁甚是。此案王庭桂圖姦鞠王氏。並不隻身前往。反邀賈書昇攜刀同行。是商謀嚇逼強姦情形畢露。且被控後。伊弟王庭梅復以姦賊事跡。造言誣控。致該氏追忿。潛赴賈書昇家自刎身死。覈其抱忿之由。其為賈書昇共往。

強姦已可概見該前護撫僅將王庭桂等擬軍案情既屬支離罪名尤關出入著交琦善親提人證覆加研訊務得確情另行按律定擬具奏尋奏王庭桂圖姦鞠王氏未成復主使伊弟誣控致鞠王氏追忿自刎身死應改照誣告致死擬絞例擬絞監候王庭梅應於絞罪上減一等杖一百流三千里賈書昇訊無與王庭桂商謀嚇逼強姦情事惟聽糾同往實屬不合擬杖九十加枷號一箇月下部議從之○以故甘肅平番縣屬大營灣土司魯憲章子勵權莊浪廳屬土千戶王天佑子積福各襲職○除山西歸化城被淹地三項七十六畝額賦○癸酉遣官祭文昌帝君廟○諭內閣那彥寶等奏籌計兵糈以節糜費一摺前由烏魯木齊運往阿克蘇庫車存貯糧石據該大臣等查明內有粟米一項其質不能經久該二城有前經豁免應行買補之糧現在大兵凱撤應留之兵所

需口糧減少各城採買糧石已足敷用該二城分貯之糧現有三萬餘石除供支凱撤官兵口糧外尚有餘存著照所請將所存粟米小麥照應買額數劃出豫備支放其喀喇沙爾如有應行採買之糧亦著於途次運到糧石內照額數截留毋庸運往以省經費○又諭德英阿等奏請將理事同知暫留本任俟部選得缺後補行引見等語伊犁理事同知達春布上年辦理軍需出力曾降旨以六部員外郎即用茲該員升署三年期滿應照例送部引見惟現有經手查辦事件尚未完竣一時難以更換著照所請達春布准其暫留伊犁理事同知之任即以六部員外郎選用俟得缺後補行送部引見○諭軍機大臣等德英阿等奏請飭甘省籌解布匹以備易換哈薩克牲畜一摺向來喀什噶爾葉爾羌和闐三城每年額徵回布九萬九千餘匹運至伊犁分撥塔爾巴哈台為易換哈薩克牲畜

之需。茲據德英阿等奏現在伊犁庫存布一萬餘匹。又上年和闐回眾交布二萬匹。共計庫布僅存三萬餘匹。殊形短絀。上年該將軍因布匹不敷。奏准由甘肅購辦布六萬匹。分撥伊犁及塔爾巴哈台以備易換牲畜。本年庫存布匹既屬不敷。自應豫為籌備。著鄂山即查照道光七年辦理章程數目。再為採買一年。即於本年春間陸續分起解運。毋誤貿易之期。所需布價著即於調撥例餉內遞年

分限接扣歸款。牲畜布價分別報部。其分給各官兵者照價扣餉。餘著照該將軍等所議辦理。將此諭知鄂山。並諭德英阿容安知之。

○以內閣侍讀學士萬方雍為湖南按察使。

○甲戌遣官祭

先醫之神。○諭軍機大臣等長齡等奏訊明拏獲賊目分別辦理一摺。此次在喀爾鐵蓋山生擒賊目及陸續搜獲活賊概予駢誅。並將賊目邁瑪特玉素普等九犯於昭忠祠前

盡法處治。摘心致祭。忠魂庶可稍紓積憤。惟叛逆伯克博巴克與邁瑪特呢雅斯等俱係逆裔親信夥黨。得受偽職。前由霍罕逃出。往尋張逆。又於途次迎拒。傷及官兵。必應查拏。務獲盡法懲辦。以申國憲。現在首逆就擒。餘黨悉獲。而博巴克等逆賊尚在稽誅。曾否查有下落。諒總不過在近卡各部落藏匿。務當設法擒捕。更不值動用大兵。至所奏阿坦台聞知張逆被獲。業經遠竄。該將軍檄諭汰劣

克等責令阿坦台搜捕。零賊贖其前罪。但使其知感懼。不必盡以法繩。所見極是。前此該將軍等因張逆家屬及玉素普尚在霍罕布噶爾地方。檄諭該部落令其送出。如果畏我兵威。遵檄解送。盡絕根株。固屬妥善。儻竟有意觀望。亦不值與之相較。但當明白宣諭。以張格爾八卡肆逆。現已生擒。檻送京師。明正其罪。國法用申。其家屬潛匿外夷。苟全生命。無足重輕。爾等部落能知大義。悉行縛獻。

固見惘恍。即力有不能。天朝亦不以區區逆回子方重勞師旅。壓境撻拏。致沿途恭順各部。落驚懼滋擾。長齡等當善體此意。傳檄前往。斷不可令其窺我虛實。或別生枝節。重費周章也。此時那彥成已經出關。長齡計算該督何時可抵喀什噶爾。該將軍何時可以交代起程。何時可以到京。先期由六百里覆奏。以慰廑盼。將此由六百里諭知長齡。楊芳並諭武隆阿知之。○以貝子喇特納什第為青

海左翼副盟長。○以生擒首逆及勦賊奮勇並辦理糧餉軍火文案出力。賞喀什噶爾幫辦大臣蘇清阿吉林副都統吉勒通阿協領阿精阿總管烏齊拉爾佐領阿勒吉訥巴圖魯名號副將琦忠等花翎。知縣丁文鈞等藍翎。餘加銜升敘有差。○以隨同出卡擒逆出力。賞庫車五品商伯克斯底克沙雅爾五品伯克托胡達四品頂帶五品藍翎回子愛散邁瑪薩賴邁瑪特等花翎六品頂帶回子阿

布都拉依木等藍翎。○乙亥春分朝日於東郊遣鄭親王烏爾恭阿恭代行禮。諭內閣諸王大臣等。以紅旗奏捷。元惡生擒。合詞籲請加上尊號。雖係援據典章。斷難俯加。俞允前者西陲用兵。原非得已。幸賴吳蒼默佑。

宗社鴻庥。迅奏膚功。永綏邊徼。朕方日深祇懼。豈肯崇尚虛文。欽惟我

列祖聖德神功。超越往古。殊勳彪炳。史冊昭垂。

康熙乾隆年間。廷臣屢請加上尊號。俱未允行。仰見

聖懷沖抑。洵足為奕禩法守。惟念銘勳偃武。皆由

聖母福庇。國有大慶。允宜祇循令典。備極

顯揚。朕謹當躬率王大臣等。加上

皇太后徽號。共申賀悃。用昭

慈幃燕喜。所有應行典禮。其敕所司敬謹詳議。以聞。○引見各衙門保送京察一等官員。得

育此次京察一等圈出人員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知。通判。遇有缺出。與舊記名人員一體帶領引見。漢軍人員。著交部以撫民通判等官。分別選用。工部主事福謙。理藩院主事雙明。太常寺丞善祥。海運倉監督工部堂主事福保。內閣典籍童宗顏。通政司經歷福爾明。阿太常寺贊禮郎廣昌。國子監博士周曾毓。鴻

臚寺鳴贊祥璋。鑾儀衛鳴贊鞭官吉祿。著交部照例以應升之缺升用。翰林院侍讀文蔚。文慶。詹事府司經局洗馬戚人鏡。左中允明訓。俱著准其一等。其餘內閣侍讀嵩齡等二百六十二員。俱准其一等加一級。

上以祭

社稷壇。自是日始齋戒三日。○丙子。諭內閣。屠之申奏酌議熱河刑錢事件。改歸都統辦理。章程照例分別題奏。一摺。熱河為肄武綏藩

之地。每遇巡幸木蘭。經由道路橋梁暨一切支應經費等費。道庫既無款可動。即州縣正佐各官。亦不敷調派。著仍照歷屆舊章。由總督會同都統。飭屬公同豫備。以期無誤。至熱河都統管轄一府六州縣。審辦命盜重案。有應將案犯立正典刑者。仍照向例辦理。該護督請援照各省督撫之例。頒發王命旗牌。殊可不。著無庸議。其承德府屬平泉等六州縣。原領印信。均係理事同知通判管州縣事。

該護督請改鑄某州某縣之印。刪去理事同知通判字樣。又承德府司獄兼管道庫收放銀兩。請改鑄承德府司獄兼熱河道庫務印信。以重職守。事屬可行。俱著交禮部改鑄頒發。至所稱熱河都統道府原設養廉不敷辦公。各該衙門書吏應給心紅紙張。請撥運庫鹽斤加價。水利生息銀五萬兩。解交熱河道發商生息。將所得息銀分別數目。作為都統等衙門加增辦公及心紅紙張銀兩等語。熱

河都統衙門向有刑部理藩院司官各一員。辦理刑名案件。現經英和奏准添派刑部司官一員前往幫辦。該司員以京官派赴該處辦公亦恐不敷。自應一體酌給。著照該護督所議以生息銀六千兩分給都統等衙門。作為加增辦公及心紅紙張銀兩。即於該都統道府每年酌加項內各劃出銀二百兩。共六百兩分給刑部理藩院司官三員。各二百兩作為幫貼。其遇閏加增銀五百兩留為別項。

充公之用。至所請於都統熱河道衙門各添設繁缺典吏二名。六房各設經承一名。典吏缺出即於本衙門經承內遴補。五年役滿由都統考取咨部一節。著交該部覈議具奏。○又諭屠之申奏起程查閱營伍一摺。據稱於本月初八日出省。將天津等鎮各營伍次第巡閱完竣。計期已在三月初旬。正值覈閱秋審勢難再赴馬蘭鎮等語。馬蘭鎮距古北口較近。即照所請著署提督馬騰龍前往校閱。

○諭軍機大臣等寄諭署陝甘總督郭山前據長齡等奏生擒首逆張格爾業於正月初六日派委誠端等帶領凱撤吉林等處官兵解送起程並咨明前途一體派撥官兵接替前進張逆罪大惡極必應生致京師明正典刑以彰國法而快人心惟道路遼遠官兵等沿途護解是否將該逆照例囚檻抑係設法哄誘暫為鬆放刑具著該署督查探明確據實奏聞至該逆進關後該署督務飭派送文

武各員弁妥為照料總須將該逆生俘輩下顯就刑誅是為至要將此諭令知之尋奏張逆行走迅速並未加以刑具約計三月初十內外即可入關添派副將實德挑帶通曉回語之內地回兵會同升任鹽茶同知陳士楨跟隨誠端等小心照料妥速抵京報聞○護直隸總督屠之申奏拿獲傳習邪教各犯現曉諭各屬鄉民俾安本業得旨邪教黨羽固不可任一名漏網而良民斷不可致令驚慌

失所慎之○成都副都統依密揚阿乞假葬親允之○丁丑

孝淑睿皇后忌辰遣官祭

昌陵○祭

先師孔子遣協辦大學士富俊行禮○諭內閣吏部將長齡等公爵侯爵應作何等秩之處查照定例請旨大學士長齡著封為二等威勇公陝西固原提督楊芳著封為三等果勇侯○諭軍機大臣等此次回疆用兵自渾

巴什河堵禦賊匪痛加殲戮已為勦賊先聲迨大兵雲集先將柯爾坪伏匿回匪勦洗盡淨絕其應援嗣是長驅直入勢若摧枯迅復四城生擒大魁凡我將士勞績卓著均應繪成戰圖以彰武成盛典著將渾巴什河柯爾坪洋阿爾巴特沙布都爾蔣阿瓦巴特攻克喀什噶爾克復和闐及喀爾鐵蓋山各戰功繪圖八分所有各該處山川形勢及將帥士卒若何督兵若何接仗各情形詳晰聲敘分

條貼說迅速具奏將此由六百里諭知長齡楊芳並諭武隆阿知之○戊寅祭

大社

大稷

上親詣行禮○幸圓明園○詣綺春園問

皇太后安○己卯諭軍機大臣等寄諭大學士

兩江總督蔣攸銑江南河道總督張井副總

河潘錫恩河東河道總督嚴烺山東巡撫琦

善據給事中張銘奏風聞洪澤湖清水高於

黃水一尺五寸上下禦黃壩業經啓放其流

甚暢首進漕船俱已頂壩守候其不能即時

渡黃者由山東運河尚未鋪水江境邳宿運

河無水下注是以黃河北岸楊莊口門黃高

於清攔壩未啓糧船不得挽進等語重運經

臨時如禦壩及時開啓運河鋪水充足各幫

挽渡北來自可無虞阻滯據該給事中所奏

現在湖水高於黃水一尺五寸禦壩已開而

東省尚未鋪水是否屬實於漕船大有關繫

著該督等察看情形。如果清高於黃。禦壩已開。即飭東省運河廳汛各官。及早鋪水。不可坐失機會。若重運未到。輒即放水鋪灌。於事無濟。亦為可惜。該督等總當不分畛域。豫為籌畫。相機妥辦。俾糧艘迅抵通壩。勿稍耽延。貽誤。是為至要。將此各諭。令知之。尋奏已定。於二月十九日。將微山湖大壩。啓通過水。江省得水接濟。漕船自可進行。報聞。○庚辰。遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠。

河神廟。○諭內閣。禮部。遵旨。將回疆底定。應行告功各典禮。查明具奏。朕於四月初一日。孟夏時享。親詣行禮。即於是日。遣官告祭。

奉先殿。其釋奠

先師孔子。著於明春舉行。至御製碑文勒石。太學。著該衙門。將碑石。妥為豫備。候旨頒發。碑文。敬謹摹勒。所有撿獲首逆地方。應行勒石之處。前因紅旗奏捷。御製詩章。著俟書寫。發交那彥成等。於喀爾鐵蓋山。前建碑。礪刻。以垂久遠。○又諭。朕惟此次回疆用兵。首逆就擒。西陲底定。仰荷

天

祖垂佑。迅奏膚功。現在軍務告嚴。該將軍參贊等。輸忠奮勇。各將士效力行間。其端委曲折。非紀載詳明。無由稽考。且朕於此事。始終經畫。宵旰焦勞。不可不垂之方策。著照歷屆辦理成案。編纂方略。以示成功。而昭奕禩。○引見內務府京察保送一等人員。得旨。此次內務府三院等處京察。一等圈出人員。著各該堂官。再行出具切實考語。帶領引見。圈出之主事。瑞琤。庫掌。常明。德芳。筆帖式。那崑。全福。

吉忠著交吏部記名。照例選用。所有一等官員筆帖式達他等俱著准其一等加一級。○濬山東四女寺支河並修築壩工。從巡撫琦善請也。○辛巳。

孝康章皇后忌辰遣官祭

孝陵。○修直隸永定河石土各隄。從護總督屠之申請也。○壬午遣官祭

關帝廟。○諭內閣吉林佐領色普青額驍騎校扎隆阿出征凱旋沿途攜帶民人高孝周

景成跟隨服役雖訊係高孝等因貧難度自願隨往該員等不遵禁令輒敢收留攜帶本應照律治罪惟念東三省官兵此次遠赴回疆甚為出力現值大功告成普沛恩施亦應稍從寬贖色普青額扎隆阿俱著加恩改為降一級調用以示薄懲。○又諭張井等奏江境黃河宿桃以下各廳隄工單薄請撥銀趕辦一摺據該河督等稱查明宿南北以下八廳河身積淤所存底水較大隄壩彌形單薄

係必應趕辦之工共估需銀八十餘萬兩請於就近藩關各庫撥銀七十五萬兩等語著戶部速議具奏。至前借撥存庫之龍江關餉銀十五萬兩著照所請准其就款抵撥以濟急需。○復引見各衙門京察一等園出人員得旨宗室吉勒章阿祥康二員著交軍機處記名遇有應升缺出提奏其餘各員除文蔚存興無庸記名外德舒玉鈞楊勳明訓廖鴻藻周之楨李鈞張日最方傳穆吳繼昌恆桂

平慶蔡世松春林薩興阿周祖蔭王琦慶聯昌陸蔭奎延齡葆謙蘇誠額英文恩齡王貽桂恆昌蔣明遠春昭新會昌蘇廷玉梁恩照鄭敦允怡良奇成額圖明額經武濟椿年恆泰吳傑賡福賀熙齡黃德濂但明倫訥蘇鏗額俱著交軍機處記名以道府用。○癸未上御勤政殿聽政。○遣官祭昭忠祠。○諭內閣禮部將祇告各

陵典禮查照向例具奏朕於九月間祇謁

東陵次日親詣

裕陵行大饗禮

昭西陵

孝陵

孝東陵

景陵同時遣王恭代

孝穆皇后陵寢遣官行禮祇謁

西陵次日親詣

昌陵行大饗禮

泰陵

泰東陵同時遣王恭代至告祭盛京

三陵著該衙門於九月內諏吉先期奏請簡派

親王等前往○達賴喇嘛之呼畢勒罕遣使

呈進貢物及丹書克賜敕褒獎賞賚如例並

頒班禪額爾德尼噶勒丹錫呼圖薩瑪第巴

克什等賞件○察木多之帕克巴拉呼圖克

圖遣使請安賜敕獎賞並頒西瓦拉呼圖克

圖等賞件○以散秩大臣慶敏詹事府詹事

陳用光為內閣學士兼禮部侍郎銜○以候補四品京堂多山大理寺卿楊懌曾為都察院左副都御史○甲申

上詣綺春園問

皇太后安○撫卹琉球國遭風難夷如例○乙

酉諭內閣德英阿等奏請鼓勵辦事廢員一

摺方士淦前因徐蔡氏命案督檢不實發往

新疆上年在伊犁辦理軍需文案出力准其

俟經手事竣即行釋回現在該廢員經手事

件完竣著即飭令回籍所請捐復原官之處

著不准行至恩德前於侯際清贖罪一案以

大員子弟得受贖銀情節較重俟本年六月

遣戍期滿著即准其釋回不准留於伊犁辦

事○又諭奕顯等奏會議查禁民人私藏鳥

槍並請將雜項壯丁私藏鳥槍一律禁止一

摺前據奕顯等奏奉天旗民私造私藏鳥槍

應立限赴官呈繳並請飭吉林將軍一體照

辦朕以該處近年流寓民人甚多往往私藏

鳥槍偷打牲畜。自應嚴行查繳。至旗人操練技藝。藉資得力。豈得因流民有偷打牲畜之事。併將旗人所用鳥槍。一概禁止。當經降旨。令奕譞博啓圖等會同妥議章程。茲據奏八旗滿洲蒙古漢軍。及正身旗丁學習武備。原不在禁止之列。奕譞等前奏未經聲敘明晰。其各邊門額設兵丁。如有自備鳥槍守禦者。亦可酌留。惟八旗兵丁所用鳥槍。應查明數目。鑿刻旗佐花名。編號註冊。如有損壞。報明該管官發給執照。持赴槍鑪銷燬。照式更換等語。旗丁操演鳥槍。總以勤加訓練為重。若均須持照赴鑪打造。槍上鑿刻旗佐花名。徒滋紛擾。具文有名無實。必致將操練廢弛。豈不因噎廢食。所奏著無庸議。該將軍等當嚴飭該管官於圍場漫山一帶認真稽查。如有越邊偷打牲畜者。拏獲治罪。仍隨時密派員弁訪查。儻該管官並不實力查禁。及得賄縱放諸弊。嚴行叅辦。至所奏雜項壯丁等與正

身旗人不同。所有私藏鳥槍。自應與民人一律禁止。著自奉旨之日為始。予限半年。凡土著流民及雜項壯丁等。私藏鳥槍。一概赴官呈繳。給予例價銀兩。盛京由漫餘銀內動支。吉林於稅銀內發給。覈實報銷。餘俱照所議辦理。○復引見內務府京察一等圈出人員。得旨。祝麟百壽。榮桂。恆榮。毓泰。慶琛。鍾靈。恒玉。長良。文興。俱著交軍機處記名。○命熱河總管廣亮查勘估挑旱河。並補修荆條單壩。

工程○丙戌遣官祭

歷代帝王廟。○旌表逼嫁捐軀湖北鍾祥縣民姚運太妻胡氏。○丁亥諭內閣。戶部議覆張井等奏。江境黃河宿挑以下各廳隄工單薄。請於就近藩關各庫撥銀七十五萬兩。著照所議。除將上年借撥存庫之龍江關餉銀就款抵撥外。其餘銀六十萬兩。即於上年秋撥留協銀內撥安徽地丁銀一十萬兩。浙江地丁銀三十萬兩。江西地丁銀一十萬兩。江

蘇漕項銀一十萬兩。著各該撫派委妥員。迅速解交河庫。以濟要需。南河每年春秋兩撥。及例解各項約銀三百數十萬兩。原為一切修防搶險之用。如查有隄壩單薄處所。即應隨時趕緊增培。何至逐次請帑。漫無限制。該河督等前於奏估河湖四項工需案內。豫請備料撥銀五十萬兩。茲又另案請撥銀七十五萬兩。姑准其照數動撥。嗣後該河督等務將撥解銀兩。撙節動用。如有應辦要工。統於

歲修撥款內籌辦。以昭覈實。不得藉口另案名目。任意虛糜。輒以無款墊發。率行陳請也。○又諭松筠奏查訊未結蒙古控案一摺。此案布里訥什。因伊長子四等塔布囊福恩與本管扎薩克克興額口角之嫌。輒敢砌詞誣捏。殊屬謬妄。經該署都統提訊。福恩供詞偏執。堅不輸服。福恩著暫行革去塔布囊頂帶。交松筠歸案訊辦。○命山東臨清武城恩。三州縣修堰原借庫銀。自本年起。分限攤徵。

戊子。補行道光七年軍政。江蘇卓異官六員。不謹官二員。罷輟官一員。年老官二員。有疾官一員。才力不及官二員。浮躁官一員。安徽卓異官三員。才力不及官一員。江西卓異官四員。罷輟官一員。年老官三員。才力不及官二員。浮躁官三員。分別議敘處分如例。○展緩江西各幫旗丁借領銀。○己丑。諭內閣嚴飭奏豫省北岸祥河廳請擇要估拋碎石一摺。豫省北岸祥河廳祥符汛一帶壩工。全河

溜勢。側注埽前。每年大汛。鑲修工險費繁。應行擇要估拋碎石。以資捍衛。現據確切估計。需碎石五千七百八十餘方。共需銀五萬五千二十餘兩。著照所請。准其於豫省藩庫照數撥給。先於河北道庫存項內酌發銀兩。飭廳趕緊興辦。俟撥款到日。再行分別歸還。找發。該河督務督同該道。隨時查催。於大汛前拋護完竣。覈實驗收。毋任草率延誤。○命吏部尚書文孚。刑部左侍郎英瑞。馳赴黑龍江

查辦參領海清阿等控案○以戶部尚書禧恩署吏部尚書協辦大學士富俊署管理戶部三庫事兵部尚書玉麟署正黃旗領侍衛內大臣大學士托津署鑲藍旗滿洲都統○以正白旗漢軍副都統巴琿阿為江寧將軍內閣學士桂翰為正白旗漢軍副都統○以盛京副都統蘇冲阿署黑龍江將軍○以安徽懷遠縣興修水利予知縣周天爵貢生陳汝諧等升敘有差○庚寅湖廣總督萬壽泰監利縣濱江民隄勢甚險要請借款興修漢川縣水道前經借款籌辦茲已開挖深通所借銀兩均請自本年秋後分限徵還從之○以前任巴里坤領隊大臣霍忠武署鑲白旗漢軍副都統○以承辦湖北漢川縣水道安速予知縣胡源等升敘有差○辛卯清明節上詣安佑宮行禮○遣官祭永陵

福陵
昭陵
昭西陵
孝陵
孝東陵
景陵
泰陵
泰東陵
裕陵
昌陵○命皇長子奕緯祭孝穆皇后陵寢○遣官祭端慧皇太子園寢○奉皇太后幸觀瀾堂進膳○諭內閣此案已革塔布囊布里訥付因伊子福恩與本管扎薩克克興額爭角被控並不候該都統審訊奏結復行砌詞遣人赴京呈控殊屬刁健伊子福恩前經署都統松筠奏請暫行革去塔布囊頂帶著將所控呈詞仍發交松筠秉公嚴訊

持平定斷務使兩造允服不可稍有偏袒○
壬辰

上詣綺春園問

皇太后安○諭軍機大臣等長齡等前遣副都
統阿勒罕保齎遞賀摺現於二十二日到京
行走甚為迅速朕召見該副都統詢悉官兵
追擒張逆情形深堪嘉悅阿勒罕保已加恩
在御前行走并補授正黃旗護軍統領矣昨
據那彥成奏現已星夜出關計三月內可抵

喀什噶爾長齡俟那彥成到彼交代後即速
起程來京沿途有可加站之處酌量趲行及
早展覲先行寄賞白玉喜象暖手一件御用
大荷包一對小荷包二箇用示廕盼之意至
此次平定回疆生擒逆裔軍務嚴功自應照
從前成例將在事功臣繪像紫光閣紀實銘
勳用示酬庸懋典除長齡楊芳楊遇春武隆
阿四人應行列入外其餘戰功最多勞績最
著及隨同轉戰各員分別功績開具銜名詳

註事實迅速覆奏候朕酌定並將前降諭旨
所繪戰圖作速呈覽將此諭知長齡楊芳並
諭武隆阿知之○癸巳

上幸靜明園詣

龍神廟拈香○諭內閣長齡等奏回疆西四
城盡節滿漢官兵並無卷冊可查請由各原
營確查造報並查明陸續投出官兵分別辦
理一摺前年張逆進卡滋事西四城相繼失
守各該城糧員侍衛廢員及換防之滿漢官
兵被賊戕害擄掠者甚多前經降旨令該將
軍等於克復四城後詳悉查明奏請卹賞茲
據查明四城文案冊檔全被焚燬無從查考
已分咨原派換防官兵之各該營及由京派
往之各該衙門查明造具妥冊辦理著照所
請即飭各該處分別奏咨籲懇恩卹以慰忠
魂至陸續投出官兵內卡倫二等侍衛連成
瑪納斯營把總張洪均係職官被擄拘禁不
知盡節捐軀本應按律正法惟念連成受傷

被擄後因與黑帽回子商謀刺殺張逆事覺。送往霍罕拘禁。張洪因差赴阿克蘇調兵。中途被擄。尚有一綫可原。連成張洪俱著加恩免死。飭令各回旗籍。嚴加管束。永不敘用。原任葉爾羌辦事大臣音登額次子哈當阿。隨侍伊父任所。城陷之日。被賊衝失。遇救送還。葉爾羌主事職銜格僧額之姪扎勒罕布。隨同伊叔赴任。城陷被擄。念其年俱幼穉。隨任閒散。且音登額格僧額俱因督兵殺賊。盡節捐軀。情尚可憫。著加恩免其治罪。餘俱照所議辦理。又據另片奏。原任阿克蘇阿奇木伯克貝子邁哈默特鄂對。和闐六品伯克公爵阿布都莫們。葉爾羌五品伯克公爵邁瑪特伊布拉依木。均被張逆擒獲。賄囑賊目釋回。邁哈默特鄂對前已革去貝子。隨營效力。進征以來。前敵帶路。頗知愧奮。阿布都莫們回至和闐。隨同眾伯克拏獻賊目約霍普解送軍營。告懇隨征。克復和闐之時。尚屬出力。邁

瑪特伊布拉依木。回至葉爾羌。遁赴遠莊。並未理事。念其均係忠良。回子後裔。尚非甘心從逆。俱著加恩免其治罪。作為閒散。回子交該伯克嚴加管束。不准錄用。所襲之爵。除伊薩克前已承襲貝子。晉封郡王外。其餘應襲公爵。著該參贊大臣查明。奏請承襲。○又諭長齡等奏。先後查獲逆匪。並律應緣坐人犯。分別辦理一摺。上年克復四城。從逆各回均已審明正法。現在喀什噶爾各莊。搜獲伏賊。除將實係從逆者。分起正法外。其被脅入夥。情有可原。應行發遣者。一百餘名。又律應緣坐各犯內。有罪惡顯著之賊目家屬。男十歲以下。及婦女等。俱著造具清冊。派員解交刑部辦理。其餘緣坐逆屬。准其照例分給伊犁。烏魯木齊等處。辦理。並分賞回疆各城出力伯克為奴。緣坐男犯。同被脅入夥之犯。著一併發給伊犁。錫伯。索倫。額魯特。察哈爾。為奴。惟該遣犯等人數較多。著各該管大臣。分撥

零星安置。嚴加約束。毋令聚集一處。致生事端。○又諭武隆阿等奏酌舊制。請揀派章京各員。並分別咨調一摺。喀什噶爾各城額設章京人員。向係照例奏請揀派。茲據武隆阿等奏。現值辦理善後事宜。印房為文案總匯。若專俟揀派京員。未免需時。難資熟手。著照所請。所有喀什噶爾和闐。印房章京各一員。葉爾羌印房章京二員。准其於就近各城。有現任章京二員者。酌調一員。如無二員之

處。即在部缺筆帖式內揀送。酌量奏補。其喀什噶爾回務糧餉經牧章京三員。葉爾羌糧餉章京一員。著照例揀選。候旨發往。至西四城額設部缺筆帖式九員。額缺虛懸。著准其於東四城及烏魯木齊伊犁等處咨調。又委筆帖式三十一缺。著於伊犁烏魯木齊征兵內酌量挑補。再據查明喀什噶爾印房回務糧餉經牧四處。葉爾羌印房糧餉二處。和闐印房一處。所有鈐用關防。俱已失落。著禮部

另鑄頒發。○又諭武隆阿等奏。請將本年各班之各城回子伯克暫行停止。來年再令其照例赴京瞻覲等語。現在首逆張格爾就擒。地方甫經平定。本年若令各城回子伯克等年班來京。未免力有不逮。著交武隆阿等。即將八城大小伯克復行分班。俟來年年班再令其赴京瞻覲。至伊薩克呈請作為本年年班瞻覲。雖係伊之誠悃。惟是喀什噶爾一帶軍務甫竣。伊承辦事件。自屬繁多。若令其來

京轉興回務。無益。著即照武隆阿等所奏。俟伊輪應年班之時。再行照例令其來京瞻覲。○以故青海輔國公伊什達爾濟子珠爾默特圖布登車噶襲爵。○命兵部尚書玉麟稽察欽奉上諭事件處。○命四川重慶鎮總兵官胡超。於管帶凱撤官兵歸伍後。來京陛見。○以回疆底定。賞保守阿克蘇之副將王登科總兵銜。遊擊孫旺。花翎。遊擊彭玢等。藍翎。餘升補有差。○予故前任都察院左都御史

史致光祭葬如例○甲午旌表守正捐軀河南伊陽縣民陳冒撞妻王氏登封縣民婦王程氏姪女存妮○撥江寧太平寧國鳳陽等府屬帶徵漕米六千一百三十餘石給江淮興武鳳陽長淮等幫因災緩缺月糧○乙未贈故二等鎮國將軍綿總不八八分輔國公賞銀三百兩治喪○丙申

孝昭仁皇后忌辰遣官祭

景陵○以前明直隸舉人孫奇逢從祀

文廟從御史張志廉請也○丁酉

上詣綺春園問

皇太后安○遣官祭賢良祠○諭內閣屠之申奏查拏教匪破案請寬免歷任文武各官失察處分等語此案獻縣匪犯匪犯孫榮等傳習邪教經該府訪聞派員馳往會同地方文武各官將該犯等拏獲解省究出謀逆重情及續獲輾轉傳徒多犯並於所獲犯內究出另習一炷香天香教二案辦理均屬迅速功

過尚足相抵○所有各屬歷任文武員弁失察處分俱著加恩寬免該護督務飭該員等激發天良將逸犯查拏淨盡勿得稍留遺孽○又諭琦善奏請添雇衛河剝船一摺東省臨清開外衛水消長靡常又多古淺向設官剝船隻以資起剝據該撫查明本年衛河水源未旺南糧渡黃迅速官剝並例雇船隻不敷輪轉援案請添雇剝船以免臨事周章著照所請准其於例雇民剝船三百隻之外添雇船五百隻即於司庫發銀五千兩交臨清州具領承雇以雇到之日起支工食事竣查明起止月日覈實報銷○戊戌諭內閣廣亮奏應賠短收盈餘銀兩請將廉俸全行扣繳一摺熱河總管廣亮前在淮關監督江寧織造各任內應賠短收盈餘銀兩除先後措交銀一萬兩外尚未完銀十六萬餘兩著將該總管廉俸及伊子員外郎松桂筆帖式昌桂多桂應支俸銀均按年坐扣一半加恩仍各支

犬清宣宗效天符運立中體正至文聖武智勇
仁慈儉勤孝敏成皇帝實錄卷之一百三十三

[illegible]

救修

巡視北城御史英敏等奏據已革給事中李
達烈呈報被賊毆傷並劫去銀兩請飭查拏
一摺京師為輦轂重地該賊犯等膽敢持棍
入室口稱報仇毆傷事主劫去銀至七百餘
兩之多必應徹底根究著步軍統領順天府
五城一體嚴拏務獲按律究辦北城吏目謝
持平疏於防範著先行交部議處併勒限嚴
緝俟限滿有無弋獲再行照例辦理（文諭）
英和等奏查勘湖河各工完竣一摺前據張

井等奏。湖河應辦要工四條。經朕特派英和馳往江南會同蔣攸銛查勘。茲據英和等勘擬情形。分別緩急具奏。內除添做埽壩一項不能疏通。積淤徒糜經費。毋庸置議。並海口接築長隄。俟一二年後察看辦理外。其高堰山盱兩廳加砌湖隄石工。運河廳修建劉老澗石壩。揚河廳西岸補砌石工。俱列為急辦。中河廳補還南岸緯隄。為糧運經行要道。亦應及時修整。著張井等俟今冬水涸時再行確估。又揚河廳西岸增培緯隄。揚糧廳東西兩岸補修緯隄。輒石並移建昭關壩及林家西建立滾水石壩等工。俱列為次辦。至高堰山盱兩廳洪湖大隄一律幫寬。五大需項較多。著自明年春間為始。分三年趕辦。現據約估銀三百八萬七千八百餘兩。內除劉老澗石壩及堰盱湖隄石工。揚河廳西岸加補石隄並修整殘缺土工需銀三十三萬三千三百餘兩。業經張井等於奏准撥銀五十萬兩。

內先行動用。其餘銀二百七十五萬四千五百餘兩。著照所請。准其分年興辦。隨案陸續奏撥。此次勘估各工。動帑甚鉅。該河督等務當認真督辦。嚴切稽查。總期料足工堅。悉歸實用。毋得少有虛糜。致干咎戾。○又諭松筠奏訊辦布里訥什控案情形一摺。此案布里訥什因伊子福恩誣捏本管扎薩克興額邁越其肩起釁。不候審訊。復行砌詞遣人赴京呈控。現經松筠訊明種種謬妄。堅執情形。布里訥什前因獲咎。發遣伊犁。因病釋回。迄今刁悍之性。尚不改悔。松筠請將福恩革退。塔布囊同布里訥什發往伊犁。交該將軍嚴加管束。實屬情真罪當。惟布里訥什父子情詞刁健。必應折服其心。著解送刑部會同理藩院覆審。請旨辦理。克興額家中債戲。不自檢點。著交理藩院先行議處。並著松筠飭令該扎薩克同應訊人等。赴理藩院聽候刑部傳訊。至另片奏布里訥什所遞呈詞。聞有井

姓民人常在伊家代寫著嚴飭建昌縣知縣
留心訪查獲案究辦○以庫車承辦軍需出
力賞通判鳳奎花翎以同知用餘升敘有差

○辛丑

上詣綺春園問

皇太后安○諭內閣寶興奏訪查朱華山千總
衙署收藏木料甚多顯有偷砍情弊請將該
千總撤任究辦一摺朱華山地方附近

陵寢所有該處樹株理宜敬謹守護現據寶興

派員查明朱華山千總王靖祥署內收存大
柁標柱椽木共計四百餘件之多並該處溝
峪間有椿楂等情訊之該千總藉詞搪塞千
總王靖祥著革職交寶興提同該營弁兵嚴
切審訊務得確情按律定擬具奏寶興於此
案業經訪查得實果能認真究辦定案時朕
尚可加恩寬免處分僅稍存回護致有不實
不盡之處別經發覺惟該總兵是問署守備
酒成章於該管千總署內收藏木料並不據

實稟明且於寶興查辦時置若罔聞著先行
交部議處若訊有別情即嚴叅具奏○命禮
部尚書湯金釗馳往直隸宣化府查辦事件

○以阿克蘇防守差委出力都司李萬餘慶
和以遊擊用守備員麟以都司用賞千總馬
萬春等藍翎餘升敘有差○以葉爾羌防堵
出力賞委前鋒西布清額等六品頂帶藍翎
馬甲穆屯布金頂藍翎餘升補有差○旌表
守正捐軀安徽太和縣民蘇三洙妻賀氏河

南虞城縣民李俊傑妻傅氏○壬寅

上幸南苑○旌表守正捐軀河南羅山縣民吳
舍母閔氏○修山東衛河埽壩從河道總督
嚴烺請也○是日駐蹕新衙門行宮○癸卯
諭內閣德英阿等奏請以慶祥入祀伊犁祠
宇一摺慶祥前由伊犁將軍調任喀什噶爾
參贊大臣因逆裔滋事為國捐軀念其曾在
伊犁將軍任內宣力有年今已歿於王事著
准其入祠春秋致祭以慰忠魂○又諭嵩孚

等奏查辦濱湖私築隄垸分別存毀並永禁升科一摺前據御史賀熙齡奏湖南濱臨洞庭湖各屬多有居民私築隄垸以致阻礙水道當經降旨交該督等詳查飭禁茲據奏稱該省私築隄垸從前屢經查禁迨後日久玩生小民趨利若鶩或藉舊日應毀之處未經毀盡及禁修之處私行加修或於依山傍岸處所堆築土塊播種雜糧並因清查漏賦報升藉有應完魚草各課湖地以報壅升科為

詞增築私垸日多請分別創毀存留並永禁升科所有私築及應毀隄垸如偶遇偏災毋庸蠲緩以杜影射俱著照所議辦理該督等當嚴飭該道等督同地方官隨時認真稽查毋得有名無實除現在勘明免毀禁修各私垸外不准再有增添每屆年終出具並無私增印結通報儻有朦混情弊即著嚴叅懲辦○又諭鄂山奏留辦軍需報銷遇有題咨事件是否會銜蓋印抑借用總督關防等語前

因楊遇春即日回任降旨令鄂山於交卸督篆後暫留甘肅督辦報銷原期一手經理所有題達事件應須鈐印之處准其借用陝甘總督關防徑行題咨辦理不必拘泥覆覈會銜徒延時日一俟覈辦全竣即行奏明回任○又諭慶山由驛奏參狂悖妄為之副都統一摺寧夏副都統噶普唐阿甫經到任即有校閱官兵點驗馬匹之事亦應會同該將軍公同查看何以晝夜傳備馬匹鳥槍以致人

心惶惶次日又不約會該將軍自行前赴教場狂妄已極噶普唐阿著先行交部嚴加議處即來京聽候部議○以吉林協領安楚拉為寧夏副都統○予喀什噶爾陣亡伊犁換防主事音登額等七十九員祭葬世職兵役德綢額等一千六百二十三名賞卹如例○是日駐蹕團河行宮至乙巳皆如之○甲辰諭內閣現在回疆底定軍務藏功所有直隸審辦獻縣教匪案內擬發回疆為奴各犯無

庸復行監禁。著即照例發遣。以清園圖。○賞看守南苑各行宮苑戶一月錢糧。海戶銀一千兩。○貸直隸保定、滄州八旗兵丁一年錢糧。修補官房。○乙巳。

上行園。至丁未皆如之。○祭

先蠶之神。

皇后親詣行禮。○諭內閣奕訢奏嚴加管束之宗室屢次滋事。請改發吉林一摺。宗室祥佩前因健訟刁詐。並包姦婦女各案。革去頂帶。

發往盛京。照例折園責罰。嚴加管束。不知畏懼改悔。輒以碩海犯案被審。竟敢私戴頂帶。挺身糾眾瀆稟。復撫拾已經密辦及尚未審定之案。指為有弊。意存挾制。實屬怙惡不悛。祥佩著奕訢當堂重責三十板。改發吉林交博啓圖嚴加管束。如再不知斂戢。仍敢稍滋事端。即著據實一面奏聞。一面圍禁。以為不服約束者戒。○賞南苑苑丞及管園章京兵丁等銀幣有差。○旌表守正捐軀浙江建德

縣民吳玉成女詹吳氏。○丙午駐蹕舊衙門行宮翼日如之。○丁未諭內閣伊里布奏上年專差齎遞本章摺件中途遺失。自請交部察議一摺。伊里布前次差弁齎遞摺本行至良鄉縣地方遺失。當經該地方官將所失本箱尋獲查看。封固無損。所失各摺現經該撫另繕具奏。該差弁不能小心照料。以致遺失。應由該撫查明自行懲辦。至雲南距京道里遼遠。該撫查察難周。情尚可原。所有自請察議之處著加恩寬免。○戊申。

上還宮。詣

關帝廟拈香。○旌表守正捐軀直隸東鹿縣民梁思溫女任姐。○己酉諭內閣英惠奏兵丁領買官鋪貨物懇恩緩扣餉銀一摺。烏魯木齊所屬各滿營兵丁需用貨物向於甘肅藩庫借項官為置辦。兵丁陸續取用。在於月餉內將價銀扣還。茲據英惠查明吐魯番烏魯木齊二城道光六年春間借餉所置各貨

因軍興後車駝短少運到較遲各兵尚未取用未便將月餉先行坐扣著照所請吐魯番烏魯木齊二城兵丁共應扣道光八年分餉銀六萬八千兩准其緩至八年十月扣起按十五個月扣至九年年底清還歸款前借置本銀兩甘肅藩庫已於八年應解餉銀內扣除該二城本年兵餉不敷支放著陝甘總督即將前扣八年分餉銀飭司籌款補撥銀六萬八千兩俾資支給仍著於撥解九年分第

二次餉銀內扣清歸款○又諭喀喇沁扎薩克克興額管轄蒙古旗務自應檢束身心以資表率乃輒於家中演劇致予人以口實咎有應得克興額著退出乾清門照理藩院所議罰扎薩克俸一年不准抵銷至蒙古地方風氣素來淳樸祇知練習弓馬從不競尚奢靡近日習為逸樂漸染澆漓若不亟加整飭恐致忘其本務各旗扎薩克有管轄旗務之責自宜認真辦事克勤乃職即聞散蒙古亦

應以騎射為重不但扮演梨園之事有干例禁其一切浮華氣習均當力為漸除庶不失淳樸舊俗各王公扎薩克等其懷遵勿替無負朕諄諄訓誡至意○諭軍機大臣等據彥德等奏管屯都司自戕身死一摺塔爾巴哈台管屯都司善慶自用小刀扎傷身死經彥德等委員驗明實係自戕並提集該家丁等僉供該故員生前曾說家中母老子幼乏人照料又以天寒水土不慣時常愁悶復因廳

官欲請廢員郁獻琛課子伊曾經議說修金後思廢員本為上司辦公恐被申飭該家丁等再三勸慰仍憂悔莫釋遂爾輕生既據彥德等將應訊人證審明並無別故著即照所奏完結惟事關職官自戕著那彥實到任後仍隨時訪察案情是否確實儻其中另有別情即行據實查辦不得因前任已經奏結之案稍存回護將此諭知那彥實並諭蘇布通阿德勒格爾桑知之○庚戌

孝賢純皇后忌辰遣官祭

裕陵○諭內閣鄧廷楨奏本年戊子科江南鄉試輪應安徽巡撫入闈監臨惟籍隸江寧住居省會據實陳明請旨等語本年戊子科江南鄉試著派陶澍入闈監臨○又諭據綿岫等奏

昌陵總管太監楊進忠因病呈請歸家調治一摺

陵寢總管首領太監均有看守之責自未便聽

其因病呈請告退若紛紛效尤殊不成事楊進忠著在彼調養不准歸家以杜趨避○江南河道總督張井等奏春修各工並河湖情形得旨水有所歸即不為患抽挑豫備務宜認真及早如遇減洩之時斷不可令橫遭淹浸戒之○命前任熱河都統昇寅馳往甘肅會同陝西巡撫鄂山查辦事件○正白旗護軍統領富蘭因病賞假以正黃旗蒙古副都統法克興阿署正白旗護軍統領○調江西

南贛鎮總兵官張佑溪為安徽壽春鎮總兵官甘肅寧夏鎮總兵官史善載為南贛鎮總兵官以甘肅安西協副將郭繼昌為寧夏鎮總兵官○辛亥

上耕藉詣

先農壇行禮更服至耜田所

躬耕三推復加一推

御觀耕臺命肅親王敬敏定親王奕紹順承郡王春山各五推吏部右侍郎白鎔戶部右侍郎

李宗昉署禮部左侍郎申啟賢兵部尚書王宗誠刑部右侍郎鍾昌工部左侍郎奕經都察院左都御史潘世恩通政使司參議常英大理寺卿廉敬各九推畢順天府府尹率農夫終畝賞耆農夫耆老如例○幸圓明園詣綺春園問

皇太后安○壬子賞參贊大臣楊芳子承注舉人一體會試○癸丑

上臨故喀爾喀郡王臨端多爾濟園寓賜奠

陝西巡撫鄂山謝賞頭品頂帶恩報聞。又批。派昇寅同汝查辦之事務。要逐款嚴密訊問。據實具奏。斷不准稍有徇隱。致令不實不盡也。懷之。○甲寅。諭內閣。曹振鏞等奏請刊御製詩初集。頒示中外一摺。朕在藩邸。學為詩古文詞。著有養正書屋全集。付諸剞劂。自臨御以來。孜孜圖治。原不宜效文人學士。撿藻摘華。擅長藝苑。然於幾暇。拈毫寄情。吟詠率皆由涖朝將事之典。承歡侍膳之儀。以及較晴量雨。望捷勤民。治河轉漕之事。而發者居多。其他留連景物之作。十不逮一。篇章所積。現已盈篋。曹振鏞等奏懇頒刻。敬思皇考仁宗睿皇帝聖學淵深。天章富有。每八年為一集。朕曷敢仰希聖製。惟是覽奏情詞殷懇。著俯如所請。將元年至八年御製詩。照曹振鏞等所擬卷數。編為初集。詳加校刊。以惠藝林。而示來茲。○又諭鄂山等。奏查明防堵野番出力各員。請分別

鼓勵。一摺。青海蒙古地方。每年派撥防兵。巡查保護。即令防堵嚴密。野番不敢渡河肆劫。亦該員弁等循分盡職之事。非勦力疆場者可比。何得率請儘先升擢。姑念稽查究屬認真。亦未便沒其微勞。所有奏請升用。加銜之遊擊馬鳴謙。阿克敦保。署遊擊都司富森布。千總米兆祿。王永貴。趙玉儉。著與副將周佐勝。遊擊丁玉柱。都司楊福增。守備徐戊麟。俱交部議敘。該督等仍當於每年派防時。嚴行飭諭。該弁兵務須認真巡察。不得以照例防堵。無可邀功。輒欲喜事見長。別滋釁端。尤不可因此視為具文。稍存疏懈。致虛邊備。○又諭前據福珠隆阿奏。籌議積引帶款章程。可歸年清年額。以收實效。當交軍機大臣會同戶部。覈議。茲據奏上年兩淮奏報。滯引已積至兩綱。且自道光三年清查以後。甲申等綱於額徵之外。每綱又有帶徵銀一百六十餘萬兩。統計每年共應徵銀五百六十餘萬兩。

積引日增。帶課日重。均應設法清釐。該鹽政請將舊引全行統銷。欠款全行遞緩。從此可期年清。年款係為剔清積弊。整理全規。起見。惟銃引數及兩網之多。帶款遲至五年之久。其戊子等五網折免疲商引課。歸入通綱代賠。雖帑項無虧。於運務亦非正辦。等語。兩淮鹽引滯銷。商力疲乏。未銷舊引。日漸加多。現在應開戊子新綱。若令新舊並銷。不能以一網行運。數綱之引。且恐舊引未清。新引又積。

必致那新掩舊。帶款徒屬虛名。正款仍無實際。既據該鹽政奏稱。從此引目課賦必可年清。年額著准。其將淮南丙戌正帶半綱。淮北乙酉殘綱。丙戌全綱。及淮南淮北丁亥全綱。並丁亥以後。淮南灑帶戊寅各引。全行統銷。賠完引課。並將留運丙戌以前殘引。改於本年二月奏銷。期內埽數銷完。即自戊子年起。專辦本綱新引。每年應交課銀。按限全清。所有折引賠課及免完雜款。均著歸淮南通綱。

於當年代還。限以五年歸復十分全額。後即自癸巳綱起。將應賠丁亥以前銃引各解款。分作十綱帶徵。俟徵完後。再自癸卯綱起。將清查案內舊欠帶款未完二十七限銀兩。仍按原限接徵歸款。其辛卯綱引亦毋庸提出。分年帶運。惟丙戌丁亥兩綱歲支懸墊一款。道光三年戶部於兩淮清查案內奏明。嗣後不准再有墊撥。今甫經數載。又有懸墊銀至二百二十五萬兩之多。豈得任令久懸。著即

於戊子等五綱內分限歸還。以清庫項。其戊子等五綱每綱總以徵足銀四十五萬兩為斷。癸巳等十綱每綱總以徵足銀九十四萬六千四百兩零為斷。分解各款。即於此內均勻撥解。不得將數少者先行完報。以杜趨避。並著該鹽政督同運使。先行查明淮南未統丙戌半綱及淮南北留運丙戌以前殘引。應徵各項課款銀數。共有若干。分別應撥應解。迅速報部。並自本年戊子綱為始。按四季行

鹽之法飭商按季銷完徵齊正雜錢糧入於春秋季報聽候撥用其每季應解京外帑利匪費等項向不專案報部無可稽查易滋弊混嗣後著於起解時逐案呈報毋稍遺漏至每綱鹽斤加價銀一百八十餘萬兩本係出自編氓與商課並無干涉著仍照戶部前議由司道各庫按三箇月徵齊造報餘俱照所議辦理此係朕格外施恩該鹽政務督同運使將新引新課按綱埽數全清即癸巳以後

各限帶徵銀兩亦必應依限報完不准屆時再行請緩儻有分毫蒂欠即將該商人查抄治罪並勒令通網攤賠立時完繳不得復有拖延仍將督催不力之鹽政運使交部加等嚴議朕言出法隨不能稍從寬貸也○又諭寶興奏審擬朱華山千總衙署收藏木料一摺此案署守備酒成章於該管千總署內收藏木料該總兵查問時並不據實稟明前已降旨將酒成章交部議處茲據寶興訊明該

署守備於寶興業經奏辦後含混具稟又不將匿贓諱竊情節確實指出希圖朦混酒成章著再交部議處寶興於此案訪查得實辦理尚屬認真所有自請交部議處之處著加恩寬免餘俱照所擬完結○乙卯諭內閣湯金釗奏查辦懷來縣南山等八村多派差徭分別裁革一摺前據給事中托明叅奏懷來縣添派差徭按月苛斂該地方官奉旨飭查出示朦混並委員等押令鄉民出結拘傳多

人踉蹌赴署當派湯金釗前往查辦茲據奏查訊該鄉民食稱所辦柴炭等項均屬舊規並非該縣添派該典史下鄉取結並未鎖拏嚇逼拘傳多人該同知亦無逼勒情事兩造供詞如出一口與原奏所奏情節不符該護督所出告示係將奏明情詞敘入亦非朦混該給事中所奏未免過當惟事關民隱言官之所當言雖言之不實朕再不罪之然嗣後給事中御史等遇有應奏事件亦不可不加

審察濫行入奏。尤不可因有此旨。概行緘默。反失朕聽言從實。欲周知民間疾苦之本意也。該縣現辦差徭。雖係循照舊章發價採買。其書差輒敢相沿剋扣短發。且此內果品一項。向不發價。該典史衙門。並無採買成案。亦各相率收取。俱屬有干例禁。著照所議將懷來縣所屬各村承應果品及該典史衙門果品柴炭等項。即行裁革。以省擾累。至該縣呂崇修。既於吏役扣價折錢。未能覺察。又復相

沿陋例。收受時物。該典史周振恒。亦收受無價柴炭等項。均屬不合。呂崇修周振恒著交部分別議處。應任應議之知縣典史。並著查取職名。照例議處。○以故四川建昌道屬瓦迷曲登長官司工布羅布弟工布彭錯湖北江夏縣忠崗司世襲千總銜田連保弟詔元告休甘肅大通縣屬土千戶才他爾加布弟端住布巷加爾各襲職。○丙辰
上幸萬壽山。詣

廣潤祠拈香。○諭內閣。騎射為滿洲根本。旗營各員。均宜一體習練。昨正紅旗滿洲帶領引見人員內。駢騎校擬陪之印務筆帖式領催桂麟。射箭竟不到靶。其平日之並未學習。可知。印房辦事。雖與各營分專事操演者不同。然既係應入軍政之員。即為分內應習之業。豈可任其生疏至此。皆由該管都統副都統等。不能隨時教誡。致相率偷安。漸忘本務。不可不亟加整飭。都統賽沖阿副都統凱音

布。俱著交部察議。以示薄懲。經此次飭諭之後。凡我八旗官弁兵丁。務當勤習弓馬。期於精熟。該管大臣等亦宜時加訓誡。認真操練。若仍前怠玩因循。必當嚴懲不貸。○又諭。松筠奏。每年出青應留差馬不敷。請再酌留一摺。熱河圈馬。向於每年出青時。留馬八十匹。備差騎用。茲據該署都統體察該處近日差務較繁。尚須酌留備用。並籌及馬乾經費。著照所請。每年於出青馬內。再添留差馬四十

匹自四月十五日起至八月十四日止共應需馬乾銀三百二十兩。遇閏應加銀八千兩。准其於該衙門右司庫貯生息公用。二項存款內撥銀五千兩。交熱河道發商按月一分生息。遇閏加增。每年所得息銀除應支馬乾外。餘騰銀兩。按年分給十圍。俾資棚槽器具等項之用。即自本年四月十五日為始。遵照辦理。其未得息銀以前。先於庫貯生息項下。如數動支。彙冊報銷。○展緩長蘆嚴鎮海豐。

二場上年被水應完工本銀○丁巳

上詣

安佑宮行禮○諭內閣巡視北城御史英敏等奏督飭司坊官會同營弁將強劫已革給事中李遠烈家要犯緝獲訊出毆傷事主情形起獲贓物查拏甚屬認真。陳六陳七及夥開被局之辛福俱著交刑部嚴審。照例辦理。要犯李二據供現已逃回冀州武邑縣城內。著屠之申即飭該縣作速查拏務獲解交刑部。

歸案嚴審。勿任遠颺。至該吏目謝持平前因疏於防範降旨交部議處。茲於十數日內會同營弁將要犯拏獲功過尚足相抵著於定案後將前議處分准其開復。營弁周文達等並准其開復頂帶。揀發指揮張立銓督飭捕役會同該吏目查拏尚屬能事著於定案後送部引見。○諭軍機大臣等前因寧夏將軍慶山與副都統噶普唐阿互相揭叅特派昇寅前往會同鄂山查辦。本日又據噶普唐阿奏稱寧夏滿營通益庫所存恩賞等項及另存馬價銀兩慶山到任一年有餘未經查過。僅派協領阿里達一員管理該副都統屢催會查推諉日期彌補顯然。迨遲至二月初會同抽查大數尚未虧缺。惟一色新紙包封。今查出官拴馬虧缺四百五十七匹並未隨時買補。現飭該協領等趕緊採買足額等語。著將兩次具奏各摺鈔寄鄂山閱看。昇寅已於本月十八日自京起程鄂山計算昇寅於何

日可抵甘肅境。即將奏銷事宜暫交該藩司局員等詳覈辦理。迎赴前途會晤昇寬。作速前往到彼後。即傳旨著昇寬署理寧夏將軍。將慶山等互叅各款會同逐一秉公查辦。勿令稍有其實不盡。致干咎戾。將此諭令知之。○又諭國祥曾任寧夏副都統。該處庫貯銀兩有無虧短。官拴馬匹有無缺額。該將軍副都統每年是否會同盤查。慶山到任後。曾否自行查驗。國祥與慶山共事。幾及一年。該將

軍辦事若何。並該處營務情形若何。務即逐一據實覆奏。不許稍有隱飾。將此諭令知之。

○緩徵直隸高陽青靜海滄鹽山正定靈壽邢臺玉田隆平寧晉十一州縣被水被旱新舊額賦。○戊午。

上詣綺春園問

皇太后安。○御含輝樓。閱侍衛等騎射。○命內閣學士桂輪在御前侍衛上行走。○己未。諭內閣阮元等奏滇鹽溢餘銀兩懇恩酌留以

濟邊費一摺。滇省辦理邊務需費。向無閒款可支。遇有巡防彈壓事件。皆係隨時設法。奏墊供用。往往不能應手。據該督等奏稱該省鹽務現在極力整理。大有起色。上年鹽課奏銷溢出餘課銀一萬五六千兩。覈計本年竟可較上年溢餘數倍之多。請將此項銀兩酌撥量濟邊費。所辦甚好。嗣後著於每年五月奏銷時。查明鹽課溢餘銀共有若干兩。不必限以定額。以一半造收報部。一半存於藩庫。

以備沿邊諸事之用。並將所留銀數及動用款目。隨同奏銷。造具清冊報部。以憑查覈。○庚申。諭內閣劉彬士奏審擬已革千總魏大鵬呈控遊擊錢芳耀濫派捐項。並查訊提督蕭福祿咨革把總李世祿等各一摺。此案已革黃巖鎮標遊擊錢芳耀於該提督巡閱時各員弁攢湊財物辦差。既為經手支發。又將餘存捐項為總兵墊送分金。並不即時發還錢芳耀著開復原官。交部嚴加議處。磐石營

都司項培溫州城守營守備袁浦訊無經手支用情事。惟攤捐本營廉俸亦有不合。俱著交部議處。溫州鎮總兵楊繼勳於四營湊銀辦差。既失覺察。其致送提督分金。雖因舊交寅誼。與寅緣餽送有聞。惟令屬員暫墊。因該提督未經收受。始行發還。實屬違例。楊繼勳著交部嚴加議處。提督蕭福祿於總兵餽送並未收受。惟各營湊銀辦差。失於覺察。迨魏大鵬之父魏登庸告發。又不據實奏明查辦。

實有應得之咎。念其曾經出師著績。年已就衰。蕭福祿著即以原品休致。無庸交部察議。其應否食俸之處。該部照例辦理。提標左營遊擊李萬清提標後營千總馬殿祥訊無得受酬應。惟失察丁役收受折席洋銀均著交部察議。至蕭福祿原咨斥革把總李世祿傳得義外委鄒光耀謝應雷訊無擅離職守確據。著無庸議。○又諭韓文綺奏請將各屬未買缺穀展限買補一摺。江西省各廳州縣厯

任交代案內折價流交缺穀。前經奏准分作三限買補。嗣因初二兩限穀石屆期未據買足。復經該撫先後奏准展緩。茲據奏稱所有各廳縣應買初二兩限同三限及遞展各缺穀九萬八千五百四十八石零。內除龍南縣三限遞展未買穀三千七百六十八石。扣至本年秋後始屆限滿外。其餘各缺穀已報買上倉者共七萬四千八百三十石零。尚有定南彭澤贛縣大庾西廳縣未買穀一萬九千

九百四十九石零。或因本境產穀無多。恐妨民食。或因鄰境價昂。遠道採買。腳價倍增。以致未能一律買齊。尚非無故遲延。著照所請。准其將該廳縣限滿未買穀石展至本年新穀登場後。同龍南縣三限遞展穀石埽數買齊。其實缺人員仍停升調。署事人員概停委署補缺。儻再有逾限買不足數之員。即同督催不力之本管知府一併叅辦。○又諭韓文綺奏審擬會匪案內首要各犯一摺。著刑部

連議具奏。此案黃沅龍、鍾心瀧均罪應斬決。此等要犯自應明正刑誅。因何俱令其監斃。是否該犯等畏罪自盡。抑係地方官詭避處分。縱令禁役人等凌虐致斃。此時姑免其深究。嗣後各直省督撫。遇有此等要犯。務須飭屬嚴行羈禁。小心防守。毋得鬆放刑具。致有疏虞。重干咎戾。將此通諭知之。○大學士兩江總督蔣攸銑等奏。挑濬吳淞江工程完竣。請將原借平糶緩漕米價銀二十六萬五千

七百三十二兩零。即作為挑濬吳淞江經費。就款開銷。從之。並予籌辦精詳之江蘇布政使梁章鉅等升敘有差。○又奏。故松江府知府贈太僕寺卿周中銘。捍潮效靈。請於吳淞江岸建立專祠。列入春秋祀典。從之。○以山西太原鎮總兵官王雄為浙江提督。○旌表守正捐軀直隸清豐縣民楊崑得妻張氏。○辛酉。諭內閣。嵩孚等奏。請將辦工出力之捐升人員。留楚差委等語。襄陽府同知捐升道

員繼德。候補通判捐升知州馬宏圖。辦理王家營隄河各工。尚為出力。著交部議敘。嵩孚等請將該二員留楚差委補用之處。與例不符。著不准行。試用府經歷虞家惠。試用未入流高文津。催督人夫。始終奮勉。俱著遇有本班缺出。儘先補用。○又諭琦善奏。廢兵守餉。請飭部准銷等語。山東省廢兵守餉。前經降旨。不准續添。當以道光六年七月為限。茲據該撫奏。該省報銷嘉慶二十三年暨道光

元二等年裁支守餉各案。經戶部駁令查追。惟念此項委係支領在前。報銷在後。若以先經准給之項。復令追還。此等殘廢兵弁。無力完繳。轉恐追呼滋擾。著准其照案查銷。○又諭琦善奏。籌添書院經費一摺。山東省城濼源書院。前於乾隆年間。將登萊二府餘米變價等款銀兩。發商生息。每年所收息銀。除支銷經費外。計歷年積存銀三千二百八十四兩零。茲據奏。肄業人數日增。費用日多。本款

息銀不敷支給。自應設法籌添。著准其將前項積存銀三千二百八十四兩零。仍發商行息。每年息銀四百九十餘兩。添補書院經費。嗣後將新舊兩款息銀儘數支銷。並自道光六年起。免其造冊報部。以惠士林。而昭覈實。○又諭。松廷等奏海運經紀長支耗米銀兩。請予限扣還。並令前任坐糧廳照案分賠一摺。北倉賠米經紀應繳還海運耗米價銀一萬二百一十八兩零。據松廷等查明。前任坐

糧廳琦琛注鑑。於支發時。並未奉倉場侍郎批給。現在該賠米經紀業經革役。且均已苦累。勢難繳還。請照案令坐糧廳分賠四成。著於前任坐糧廳琦琛注鑑。每員名下。各賠二成。銀二千四十三兩零。下少六成。銀六千一百三十一兩零。即在長支經紀名下追賠。以清帑項。至經紀每年有承辦運務。且係代賠之款。著予限五年。於每年腳價內坐扣。○命戶部尚書王鼎。左侍郎敬徵。馳往天津。查辦

鹽務。○賞前任倉場侍郎福綿。頭等侍衛。為庫車辦事大臣。○以廣西義寧協副將李白玉。為山西太原鎮總兵官。○壬戌。諭軍機大臣等。張井等奏。桃汛安瀾。摺內據稱。南河從前每遇黃水長高。即以倒灌濟運。受淤過甚。兩年來堅守禦壩。稍見刷滌深通。現在偶逢黃長。即將臨黃壩堰封閉。不敢任聽倒灌等語。本年黃河水勢。雖旋長旋消。該河督等隨時相機。啓閉壩堰。趲渡漕船。甚為迅速。頃據

蔣攸銘等奏報。已將二進軍船全數渡黃。所辦甚好。惟節候已交夏令。黃水長發更勤。在後江廣各幫船。較為笨重。尤當加意催趲。斷不可踵借黃濟運之弊。致運道更淤。即倒塘灌注之法。亦殊多周折。該河督等總須堅持定見。視黃水之長落。將臨黃壩堰相機啓閉。趲挽軍船。勿令黃水涓滴入運。方為妥善。將此諭令知之。○以吏部左侍郎凱音布。署戶部右侍郎。兼管錢法堂事務。○以西安軍政

年逾六十官三十三員。精力未衰。命留任。修江蘇天然閘下河堰。從大學士總督蔣攸銑請也。○癸亥。旌表守正捐軀山東厯城縣民張慶妻王氏。○濬直隸北運河淤灘。從護總督屠之申請也。○甲子。

上幸靜明園詣

龍神廟拈香。○諭軍機大臣等。此次入卡肆逆。原係張格爾首先倡亂。現已法網難逃。生俘闕下。明正刑誅。該逆裔家屬潛匿外夷。苟

全生命。原無足重輕。如果該部落遵檄解送。盡絕根株。固屬甚善。儻竟視為奇貨。斷不值與之相較。前降諭旨甚明。該將軍等又復傳檄前往。那彥成到彼。看其若何稟覆。如該夷等尚存觀望。但當嚴守卡倫。不准通商貿易。一面將卡內善後事宜。布置周妥。總令各回眾畏威懷德。不復思亂。自當絕其煽誘。永靖邊陲。切勿勞師遠出。嚴索窮搜。方為得體。至博巴克等甘心從逆。固屬罪不容誅。然視逆

裔家屬。更無關輕重。總責令布魯特等嚴拏。縛送。盡法懲治。亦不必派兵出卡查拏也。再發去御製詩清漢文各一張。那彥成等即遵前旨。於喀爾鐵蓋山勒石建碑。將此由五百里諭知那彥成。楊芳並諭武隆阿。蘇清阿知之。○又諭長齡奏。已於三月初三日。自喀什噶爾起程回京。展覲。覽奏欣喜。那彥成出關已久。此時早當迎晤。該將軍交代後。自己迅速前來。朕專待面晤。途次有可趨程之處。務

上詣綺春園問

皇太后安。○御勤政殿聽政。○以故喀爾喀郡王溫端多爾濟子多爾濟喇布丹襲爵。○以

翰林院侍讀學士胡開益為詹事府詹事。太常寺卿桂齡為大理寺卿。○丙寅。諭內閣。楊國楨奏估挑湯河故道並酌開引渠疏洩積水一摺。豫省湯河。伏道河並廣潤陂上游之姜河。新惠等河。向皆朝宗於衛。因故道久被湮塞。不特廣潤陂停淤積潦。兼受姜惠等河有源之水。無從宣洩。頻年漫溢淹及民田。經該撫委員詳加籌勘。窮源竟委。因勢利導。悉令暢流入衛。不致再有泛濫。為一勞永逸之

計。其一應開挖引渠。挑復故道。共估需銀三萬八千七百三十餘兩。著照所請。准其援照漳工成案。借動司庫徵存。雇工加價銀兩。照估興辦。仍於安陽湯陰內黃三縣地糧內各就所用銀數。酌議分年攤徵還款。該撫即督飭該道府等。率屬實力妥辦。務於大汛前一律完竣。覈實驗收報銷。○又諭多貴奏請將出力之委員加以鼓勵。留辦公一摺。烏什委員郭效儀。前因隨辦糧運出力。以未入流

歸部。即選。茲據該大臣以該員現已期滿。仍請留於烏什幫辦。以資熟手。惟於留辦期滿後。即准以府經歷縣丞。不論雙單月遇缺。即補。未免過優。郭效儀著准其留於該處。俟再滿二年。免補本班。以府經歷縣丞歸部。即選。○雲貴總督阮元等奏賀平定回疆。得旨。此皆仰荷。

天

祖加佑。成此大功。朕初願未敢豫期者也。從此

與天下臣民共慶昇平。時存保大定功之念。深戒窮兵黷武之心。惟有日加儆惕耳。○貸直隸開元城大名南樂清豐廣平六州縣上年歉收貧民口糧。○丁卯。

上詣

大高殿行禮。○還宮。○賞喀爾喀扎薩克郡王

多爾濟喇布丹三眼花翎。○以孟夏時享

太廟。自是日始。齋戒三日。○戊辰。諭內閣。蘊端

多爾濟之子多爾濟喇布丹等。前隨伊父駐

劉庫倫多年。俱堪造就。多爾濟喇布丹著加恩。仍在乾清門行走。多爾濟帕拉木著賞給頭等侍衛。仍在乾清門行走。多爾濟旺楚克著賞給二等侍衛。在大門上行走。伊等俱著留京當差。多爾濟納木凱著賞給頭等侍衛。遣往庫倫。交倫布多爾濟令其學習印房一切事務。用示朕追憶蒙古耆臣特沛恩施至意。○又諭長清奏阿克蘇收發軍需糧餉。請統歸蘭州總局報銷一摺。此次軍需動撥糧

奏

餉。前經戶部奏准。由蘭州肅州兩局支撥者。總歸蘭州總局報銷。其由各城動支本處銀糧。即令自行咨部覈銷。茲據長清奏阿克蘇支發各款。與各糧臺均有牽涉。各官兵支領鹽糧等項。先後參差不齊。款目繁多。必須會同糧員查覈。現在各糧臺委員。均已攜帶案卷進省。未便令其復至塞外。籌辦報銷。且各城分辦冊籍。一時未能彙總。報部將來往返駁查。徒稽時日。自係實在情形。所有阿克蘇

清 實 錄 道光八年三月

動用軍需銀兩。著准其統歸蘭州總局彙造報銷。以昭覈實。○又諭長清奏查出叛產變價充公。並確勘回戶私墾地畝等語。阿克蘇從逆伯克鄂斯滿等逆產。據長清飭令該阿奇木伯克逐細查出地畝八十一段。房屋四百四十間。果園五十七處。准其變價存公。俟那彥成到彼查勘。阿克蘇增築城垣。應行興辦。即將此項變價銀兩。作為修築城工之用。至阿克蘇各回莊私墾地畝。自應覈實勘辦。

奏

奏

著嚴飭該員及阿奇木伯克等。務妥為履勘。據實查報。斷不准稍滋擾累。○諭軍機大臣等。逆回到京。禮宜獻俘。現定於五月十一日。行獻俘禮。著哈琅阿等約計行程。務於五月初十日。押解到京。為要。將此諭令知之。○以本年鄉試。考試應開列試差人員於乾清宮。○封浙江太湖神徐賁為廣濟伯。鄒溪廟神裴肅為顯應伯。從巡撫劉彬士請也。○己巳諭內閣。向例翰林院每逢值日。將修撰編

五七

另立巡船。按縣長年派委員升校織巡查。所用巡船。請將乾隆五十一年撥給南昌等五縣船隻變價充公。另設堅固巡船四十隻。自省城起。上至贛州。下達饒州。所屬之餘干縣。止。上下校巡。每船估造費銀八十兩。共需銀三千二百兩。查有藩庫報部開款內。義寧州寺產租息一項。原係發給巡船工食。及營船修費之用。並不報撥。現在節年積存銀三千三百兩。著准其動支建造。其試用委員薪水

等項。每年共需銀九千六百餘兩。另備犒賞銀一千兩。除糧鹽並贛南各道。每年共捐銀五千兩外。著每年於鹽務公費項下。動支銀五千六百兩。以備支用。嗣後該撫務當按照新定章程。督飭所屬。認真巡緝。實力奉行。勿致日久生懈。如有巡緝不力之員。即著隨時嚴叅懲辦。該部知道。○又諭。韓文綺奏查出永新縣歷任那塾無著民欠。酌擬追賠歸款一摺。江西永新縣歷任各員。於無著民欠。不

早設法清釐。又不據實揭報。以致輾轉那塾。遞相交抵。本屬咎有應得。但念官非一任事。閱多年。姑著從寬免其治罪。所有前項那塾銀二萬三千四百四十七兩零。著於歷任經徵那抵各員名下。按在任月日追賠。數在一千兩以上者。限六箇月。一千兩以下者。限三箇月。在省之員。以奉旨之日起限。離省人員。以咨明旗籍准咨之日起限。逾限不完。現任人員。革職治罪。叅革病故人員。照例知府分

賠五成。巡道藩司各分賠二成。巡撫分賠一成。其短交捐雜各款銀三千九百八十七兩。亦均係應解之項。原欠各員。率多叅革病故。無可追繳。若責令現任攤補。又啓那移之漸。著一併於各上司名下分賠歸款。儻經此次查辦之後。再有不實力催徵。仍任疲頑之戶。拖欠及捏報那掩。即嚴叅懲處不貸。該部知道。○命工部尚書穆彰阿。在南書房行走。○軍夏副都統安楚拉。因病休致。賞食全俸。○

以緝捕奮勉。賞山東知縣吳梯夏建謨知州銜。餘升敘有差。○修浙江海寧仁和二州縣東西海塘坦水柴埽各工。從巡撫劉彬士請也。○癸酉。常雩祀。

天於

園丘。

上親詣行禮。○幸圓明園。○詣綺春園問

皇太后安。○甲戌。諭內閣。劉彬士奏甄別知縣摺內。請將饒芝以教職改用等語。定例各省

知縣到任後。該督撫於半年限內。察看才力不及。准其奏請改教。若已逾半年。即以原品休致。浙江分水縣知縣饒芝。前於嘉慶二十五年題補海鹽縣知縣。經前任浙江巡撫帥承瀛。以該員才不勝任。奏准撤回酌量另補。嗣於道光二年題補分水縣知縣。現據劉彬士奏稱。該員辦事遲鈍。才欠開展。請以教職改用。饒芝到任已閱七年之久。與改教之例不符。著勒令休致。劉彬士未將饒芝履歷據

實聲敘。率請以教職改用。著交部察議。嗣後各督撫於應行甄別人員。務當遵照定例分別改教勒休。並將該員得缺到任年月詳細聲明。勿許稍有含混。以嚴考覈。○乙亥。諭內閣。訥爾經額奏盤驗浙江各幫米色未能純淨。押令篩搗一摺。據稱查驗浙省米色雖較柔嫩質粒尚乾。惟有未經罄淨及舂碎之米夾入。當經責成各幫弁丁雇夫趕緊篩搗。計共篩出舂碎飽稻灰土共一萬六千一百四十四石零。訊據弁丁供稱。實因兌運期迫。恐致誤漕。是以出結兌收。此項篩出米石。若專令弁丁著賠。置經徵之員於不問。該弁丁等未免向隅。且州縣不知儆畏。於漕務大有關係。著照所請。准其按照篩出數目。著令縣幫各按成數劃半分賠。以昭平允。其應賠米石為數稍多。該丁等力難一時購買。如將行月等米撥抵。轉恐沿途食用不敷。若俟今冬起運時。飭令各縣幫照數買備好米。隨船運北

交納不准稍有延宕。所有篩出舂碎飽稻等項。即著糧道領回變價。分給各幫抵補篩搗人工費用。浙江糧道尹世衡辦理未善。著交部議處。如嗣後仍不認真督率各縣篩搗。再有攙雜等弊。必將該糧道重懲不貸。浙江巡撫劉彬士著傳旨申飭。下屆收漕務須留心妥辦。如米色仍不純淨。定將該撫一併議處。其經徵領運各員弁俱著查取職名交部分別議處。至該省米色除去攙雜質粒均乾。尚

非不可久貯。無庸先行搭放。著倉場侍郎查覈辦理。此後有漕各督撫及漕運總督務須嚴飭糧道督率各州縣選擇米色一律純潔。秉公兌運。毋許稍有弊混。致弁丁有所藉口。各弁丁等尤須認真受兌。不得恃有州縣分賠貪圖貼費。含混出結。轉致疏於矚瞭。該督撫漕督仍當隨時查察。如有前項弊端。即行據實嚴參懲辦。該部知道。○諭軍機大臣等。都察院奏承德府平泉州民人邊文選具控

李振基等扎斃父命。頂兇不完一案。已明降諭旨交英和審訊矣。據該民人邊文選呈稱。李振經因與伊父邊福口角微嫌。率領李振綸等來家尋毆。李振基持刀將伊父扎傷。伊弟邊文明持刀救護。亦將李振安砍傷兩處。呈報。至十六日方行相驗。三月十三日李振安無故自縊身死。李振經賄串書役將邊文明監禁凌虐。知州任聽書役舞弊。因李振綸

係過繼孤子。即以李振綸頂兇。冀圖留養上年八月。控經都統發州審訊。知州勒令伊子邊克讓具誣告甘結。十二月復控都統。聞欲將伊嚴押。情急來京控訴等語。此案關繫二命。究竟李振安因何自縊身死。李振綸是否實係頂兇。平泉州知州有無任聽書役舞弊情事。不可不徹底根究。以成信讞。著英和提集人證卷宗。將邊文選所控各情節逐加研訊。務得確情。按律定擬。勿任稍有枉縱。將此

諭令知之。尋奏。訊明李振安因伊兄振綸。見伊被傷。將邊福扎傷身死。以致擬抵。忿急輕生。並無別故。李振綸委非頂兇。應按律擬絞。監候。李振經訊無賄串凌虐情事。知州為光。亦未任聽書役舞弊。應無庸議。下部議。從之。○封未婚守節和碩額駙多爾濟林布聘妻莊襄親王綿課女。為誠節和碩格格。○丙子。命調任江西南贛鎮總兵官史善載。仍留甘肅寧夏鎮總兵官任。調安徽壽春鎮總兵官張佑漢為南贛鎮總兵官。寧夏鎮總兵官郭繼昌為壽春鎮總兵官。○丁丑。諭內閣。本年加上。聖母皇太后徽號。前據禮部題請應用。金冊。金寶。茲據內務府聲明請旨。乾隆年間。歷屆加上。徽號。既經博考彝章。將恭奉冊。

寶。改用嘉玉。並將編入喜字號玉料。交內務府敬謹存貯。以備舉行慶典時。鐫用。此次恭上聖母皇太后徽號。自宜遵用。玉冊。玉寶。以極尊崇。著內務府即敬謹揀選備辦。○戊寅。諭內閣。給事中吳傑奏。請將新疆免罪釋回遣犯。飭交該地方官稽查管束。一摺。新疆遣犯。或隨赴軍營效用。或在該城隨同官兵防堵出力。節經該將軍大臣等奏請准予免罪釋回。飭交地方官妥為安插。嚴加管束。該犯等既經得有軍功執照。即應革面自新。乃屢有免罪回籍。身帶軍功執照。復出外疊次行竊之案。著該督撫嚴飭該州縣隨時稽查認真管束。毋許一名出境。該犯等如果在籍安分守法。所給軍功執照。尚可存留。儻敢恃符玩法。或稍滋事端。即將執照追繳塗銷。嚴行懲辦。經此次申諭之後。該地方官無得視為文告故事。自取咎戾。○乙卯。

上詣綺春園問

皇太后安。○諭軍機大臣等。前據長齡等奏。籌議善後章程。請留防兵八千名。分布各城。以資鎮守。茲既查明烏什地方。近接外夷。較葉爾羌尤為緊要。自應將議留葉爾羌防兵二千名內。酌撥一千名。添留烏什。共計已有防兵二千名。足敷分撥。著照所請辦理。並另降清字諭旨。准其將布彥泰調補烏什辦事大臣。其烏什應設幫辦大臣。亦即准以德惠補授。惟請將和闐幫辦大臣裁汰一節。此時和闐甫經戡定。雖僻在一隅。防範亦關緊要。未便遽行裁撤。著暫仍其舊。俟一二年後。再行體察情形。辦理。現在和闐幫辦大臣富盛阿。據稱精力漸衰。是否尚能勝任。著那彥成等詳加察看。如難期稱職。即據實奏請撤回。另行就近酌保一員。請旨補授。至葉爾羌辦事大臣。已降旨賞給扎隆阿頭等侍衛。更換恆敬著那彥成隨時詳察。扎隆阿如能辦理裕

如。即隨時據實具奏。將此由五百里諭令知之。○又諭署喀什噶爾阿奇木伯克伊薩克。自軍興以來。諸事奮勉。實心出力。忠勤可嘉。前經降旨加恩。晉封為郡王。朕思乾隆年間。出力回臣。如額敏和卓玉素布。俱曾用為回城辦事大臣。伊斯坦達爾。曾任喀什噶爾幫辦大臣。現在伊薩克於喀什噶爾情形。自為熟悉。其能否堪勝該處幫辦大臣之任。著那彥成等留心察看。據實覆奏。將此諭令知之。

○又諭此次平定回疆。生擒巨憝。大功告成。軍營將帥大臣。或督率有方。或轉戰克捷。應擇其勞績卓著者。圖像紫光閣。以彰武功。著楊芳、武隆阿、各繪小照一分。並繪伊薩克小照一分。附報呈覽。以便繪圖。將此附本日報便諭令知之。○命葉爾羌辦事大臣恆敬來京。賞長蘆鹽運使扎隆阿頭等侍衛。為葉爾羌辦事大臣。西安協領德惠頭等侍衛。為烏什幫辦大臣。伊犁領隊大臣布彥泰副都統

銜為烏什辦事大臣。調烏什辦事大臣多貴為伊犁領隊大臣。庫爾喀喇烏蘇領隊大臣。常格為庫車辦事大臣。庫車辦事大臣福綿為庫爾喀喇烏蘇領隊大臣。○修陝西寶雞縣被水衝坍棧道。從護巡撫徐忻請也。○庚辰諭內閣。昨由兵部將卓異之京口協領全亮。張家口佐領塔克什布。帶領引見。朕視此二人。步射甚屬生疏。所有全亮。塔克什布。卓異之處。著不准行。協領佐領俱有管束兵丁之責。弓馬騎射自應嫻熟。乃全亮。塔克什布。步射甚屬生疏。安能訓練。該將軍大臣。將此等之人。保為卓異。並不論其騎射。殊屬不合。前任江寧將軍普恭。前任京口副都統穆朗阿。署理察哈爾都統事務。副都統福克精阿。俱著交部察議。將此傳諭各省將軍副都統等。嗣後保舉卓異人員。務須秉公。擇其著有勞績。辦事妥幹。騎射精熟之員。僅仍將此等之人。保為卓異。於引見時。經朕看出。定將該

將軍副都統等。交部議處。決不寬貸。○又諭甘肅省現貯軍需本款。止存銀一萬餘兩。不敷支發。據楊遇春查明。該省藩庫儲備專款。現貯有山西等省。並本省提收銀兩。懇暫行借用。著照所請。准其暫借貯備銀五十萬兩。歸入軍需款內。以備支用。此項貯備專款。原不准率請動借。既經借用。必應及早還款。戶部於今春續撥銀五十萬兩。解甘應用。著俟到時。即行撥還原款封貯。○又諭琦善奏。凱撤官兵。損失軍裝器械。請先行動款修製。分別應銷應賠一摺。前由山東省派往回疆官兵。現已凱撤回營。所帶軍裝器械。多有損壞不全。應行趕緊修製。據該撫查明。請將已逾例限之帳房等件。照例銷用。其損壞腰刀銅鍋。亦因修理銅鐵等項器械。俱無原物繳回。應著落管帶之升任副將周志林。及守備馬現。賠補。除周志林應賠左右兩營銀一百九十六兩零。馬現應賠濟南城守營銀七十兩

零外。應銷例價津貼銀共六百四十兩零。著照所請。准其於司庫存公耗羨項下動支。其周志林等。應賠銀兩。一時未能完繳。著先於耗羨項下借支趕辦。仍於該二員廉俸內。照數分限兩年扣繳。所有該二員管帶不慎。應行查議之處。著加恩寬免。○諭軍機大臣等。本日都察院奏。山西孝義縣甲頭王文燦。控告該縣知縣。侵剋駝價。朦放倉穀一案。已降旨交盧坤親提嚴訊矣。此案據控孝義縣採辦駝隻。應發價銀一千四百餘兩。該縣僅發銀七百餘兩。而門丁書役。又復多方需索銀五百餘兩。豈非將價銀全行剋扣。其出借倉穀。亦復朦混多放。任聽丁胥勒折浮收。雖係該甲頭等一面之詞。未必盡出無因。前經該甲頭等於湯金釗出差經過時。具控批交藩司查辦。轉委汾陽縣審訊。該縣何以不提集人證。秉公審辦。輒將該甲頭等責押。孝義縣知縣。是否有給銀賄和情弊。均須徹底根究。

以成信讞。著盧坤務即親提犯證。秉公嚴鞫。如果所控屬實。即當嚴叅懲辦。以肅官常。儆係逞刁妄控。亦須治以應得之罪。斷不可稍有枉縱。將此諭令知之。○又諭琦善奏。凱撤官兵損失軍裝器械。請先行動款修製一摺。已降旨准行矣。該撫摺內稱。據該管將備冊報原帶撞礮二十位。已移交善後局存貯。現在該省應否補製。未據該撫聲明。此項礮位。前經武陟河由山東帶赴軍營。是否係武陟阿在山東添製。於該省各營操防。有無裨益。並是否必須另製之處。著該撫確切查明。據實具奏。將此諭令知之。○以揚威將軍大學士威勇公長齡。將次進關。命其子內閣學士桂輪。馳驛迎赴前途。隨同來京。並頒賞珍玩。○辛巳。鑄給長蘆鹽運司知事鈴記。從鹽政阿揚阿請也。○予塔里克達巴罕勦賊陣亡兵丁余伏成等一百名賞卹如例。○壬午。上奉

皇太后幸蓬島瑤臺進膳。○諭內閣曹振鏞等
數議兵部奏軍臺效力廢員無力完繳臺費
請照舊例辦理一摺。嗣後坐臺廢員三年期
滿無力措繳臺費。曾任州縣都司以上者著
照乾隆五十四年舊例。由部行令該旗籍詳
查結報。並無捏飾。將該廢員再留臺五年。始
准釋回。如能於留臺五年限內設措完繳。亦
准該都統隨時具奏。請旨釋回。其縣丞守備
以下坐臺廢員無力繳費。仍著於三年期滿

時。照例改擬杖徒完結。兵部所請免其餘罪
之處。著無庸議。○諭軍機大臣等。此次軍務
藏功。應將在事功臣。繪像紫光閣。前經降旨
令長齡等查明。隨同轉戰各員。開具銜名。詳
註事實具奏。茲據將滿漢大臣官員。並乾清
門侍衛副都統。及賞加升銜各員。分別開單
呈覽。朕披閱單內所開人數過多。著長齡再
行詳加覈減。除長齡。楊芳。楊遇春。武隆阿。及
伊薩克。應行列入外。其餘各員。并無論有無

勇號。及官階之大小。總須擇其戰功最多。勞
績最著者。始得列入。統計不得過四十人之
數。回子。中伊薩克之外。有實在出力者。亦應
查明開列。至容照。桂輪。恩緒。英山。慶安。五人
著毋庸列入。將此諭令知之。○癸未

上幸靜明園。詣

龍神廟拈香。○貸杭州乍浦滿營修理坍塌
衙署銀。○甲申。諭內閣。文孚等奏查辦將軍
派兵不公大概情形。據實參奏一摺。黑龍江

將軍祿成。於上年派兵時。藉口日期緊急。並
不親赴公所考驗。復於派定後。任意更換數
人。且將馬匹發交站丁餵養。並交給馬匹代
為變價。又不能約束家丁。致有短發物價情
弊。祿成著即革職。並著文孚等將伊任所費
財什物。一概嚴密查封。候旨施行。斷不准令
其隱匿偷漏。即提同全案人證。嚴加審訊。務
得確情。據實具奏。不可稍有含混。○調綏遠
城將軍果齊斯歡。為黑龍江將軍。以署甘肅

提督特依順保為綏遠城將軍。○乙酉以拏獲私鑄私硝及壘竊積匪予揀發副指揮聶鎮敏儘先補用。○貸湖北坐落災區荊州水師等營兵丁倉穀。○丙戌

孝端文皇后忌辰遣官祭

昭陵○

上詣綺春園問

皇太后安。○諭軍機大臣等御史曹宗瀚奏陳

河工積弊四款如堆築料垛外實中空錐試

隄工灌水舞弊堆積土牛以舊作新隄內植

柳日漸廢弛皆係河工例辦之事僅查察不

嚴即不免玩誤滋弊著嚴煥揚國楨嚴飭廳

營員弁於每年購料辦工之時務期遠用得

人無得任聽兵弁及辦工幕友仍前滋弊其

土牛隄柳尤不可視為具文不加督責漸形

廢弛該河督等仍當隨時留心查察迨至親

往驗收不得任其蒙蔽總期認真覈實以重

河防而除積習該御史摺著鈔寄閱看將此

諭令知之。○以全漕渡黃辦理妥速大學士

兩江總督蔣攸銓漕運總督訥爾經額下部

議欽賞江南河道總督張井三品頂帶副總

河潘錫恩四品頂帶並賞還同知于頤發等

頂帶。○丁亥諭內閣戴三錫奏官兵借支銀

兩並口糧米價夫價等項懇准分別扣銷一

摺前因勒辦送回調派四川省出征官兵借

支行裝銀兩並沿途所需人夫口糧等項該

督先後題奏經戶部逐條覈議行令遵照辦

理茲據該督查明出征官兵借支整裝一項

因赴軍營道里遼遠行期迅速且時值嚴寒

置備皮衣借支並無浮濫若照議扣繳在官

則辦公竭蹶在兵則事有無資自係實在情

形著照所請准其將該官兵等借支整裝銀

兩一併分年扣還如有無著照例查辦以紓

兵力至夫價一項既據查明兵行山路崎嶇

勢難按站定為百里人夫計日給價較之例

用有減無浮應扣站夫已於隨行運送軍火

器械項下扣除。其米價一項。因兵行遑急。就地採買供支。尚為簡速便捷起見。所有該官兵經過各州縣支給米價等項。俱准其查照原辦覈銷。該部知道。○緩徵山東陽穀縣被雹村莊本年額賦。○貸山西吉代。濕忻豐鎮和林格爾翼城。左雲陽城。萬泉榆社。夏絳永寧。大同。陵川。曲沃。屯留。靈邱。河津。孟鳳。臺沁源。武鄉等一十四州廳縣歉收貧民倉穀。並緩天鎮。右玉。靈石。臨汾。大同。五縣買補助缺。

倉穀○戊子。

上詣

時應宮。

昭顯廟拈香。○還宮。○宗人府呈進新修

玉牒。

上詣乾清宮東暖閣行禮恭閱送

壽皇殿東西室尊藏。○諭內閣。文孚等奏查訊

已革黑龍江將軍祿成。派兵不公。及私馬交

站餵養變價等款。祿成於取供後。自戕身死。

一摺。此案祿成所供各款。若就現在情節而論。其挑派出征官兵。陸續更易數名。祇係聽受阿勒精阿等懇求。並無賄囑情弊。交站養馬變價。亦祇見小圖利。即其家人徐添桂。於出示驅逐流民時。因賈錦義央求暫緩。乘機詐騙。亦非伊自行勒索。雖有應得之咎。何致於取供後遽爾輕生。恐查訊各情。尚有不實不盡。現在祿成業已身故。正可向其家人徐添桂。及案內人證逐細嚴究。並須加以開導。

勿再代為隱飾。期得實情。以成信讞。所有徐添桂等。應得罪名。及額外驍騎校阿勒精阿。應得處分。著俟覆審明確。再行覈辦。驛站監督筆帖式穆僧額。蘇勒通阿。於祿成發交馬匹。執印分發餵養變價。俱著交部議處。副都統春勝。保。近在同城。於祿成派兵草率扶同。遷就。又不將交站養馬變價等事。據實奏。著交部嚴加議處。文孚。英瑞。於祿成自戕身死。未能先事豫防。所有自請交部議處之處。

著改為文部察議。○己丑。

上御太和殿視朝。王以下文武升轉各官謝恩。

○辛酉。明國。○諭內閣。傳。啓圖等奏。雙城堡公倉應糶歸款穀石請照時價出糶一摺。吉林雙城堡穀石。前經富俊奏准。每倉石以三錢五分出糶。價銀歸補動用款項。至道光六年出糶五年分穀石。富俊按照時價減至二錢五分。經戶部覈與奏定之數不符。駁令加增。報部覈辦。茲據該將軍等奏稱。該處連歲豐收。糧多價賤。係屬實在情形。且該處官兵又有每歲認買公倉出陳之糧。統計不下五六萬石。自未便於時價之外。再為加增。著照所請。准其將雙城堡六七兩年所糶五六兩年倉穀。照依該年時價以二錢五分報銷。嗣後此項倉穀出糶時。著該將軍等即將現年實在時價。據實奏明。報部覈銷。該部知道。○以重運渡費。祈禱靈應。頒

御書南河

惠濟祠。淮安府城。

天后祠。扁額曰神慈顯貺。南河。

風神廟。扁額曰功宣時阜。

黃大王廟。扁額曰安流利濟。○庚寅。諭內閣。

蘇成額奏。清查各屬種山游民一摺。前據御史周炳緒奏。廣西各屬外來游民。請旨飭查。

編入保甲。當經諭令蘇成額。飭屬認真辦理。

茲據奏酌定規條。嚴飭各府廳州縣。及苗疆土司。將現在種山客民。逐細清查。除來歷不

明。形跡可疑者。即行遞籍管束外。其餘概令詳載戶口姓名年貌籍貫。各舉誠實之人。作為客長。令其約束。一體編入保甲冊內。由地方官隨時稽察。毋許滋事。其有退佃回籍者。

所蓋蓬房。無人居住。立即拆毀。仍嚴禁書差藉端需索。及里保私租官地。以杜弊端。嗣後該撫即遵照所定章程。實力奉行。務期地方

安靜。匪徒無從託足。儻該管官日久玩生。有名無實。著即據實嚴參懲辦。其外來難民。固

當加意安撫。毋令失所。如有奸宄涇跡。尤須嚴拏懲治。斷不可稍有疏縱。○貸福建金門鎮標兵丁存營穀價銀。○辛卯。諭內閣。那彥成等奏查勘阿克蘇展寬城垣基址一摺。前因長清奏請展寬阿克蘇城垣。修建兵房。當降旨交那彥成相度具奏。茲據奏稱舊城西門外隙地。祇有客店三家。計房一百一間。估值銀四百三十餘兩。給價不多。無庸另建兵房。存貯軍火器械。並可居住兵丁五百名。其濠溝三柵之外。尚有隙地一段。堪以分修兵房一百間。較為寬展。城內兵丁駐紮。即用現在官買店房。此項節省。即修城外兵房。並都齊特等三處軍臺應修工程。通共原估工費。連房價銀四千五百餘兩。不須增添。著准其照原估興辦。在查出逆產變價內撥用。即責成長清督率工員。乘此夏日天長。趕緊興辦。限至秋間一律完竣。務須工堅料實。毋得草率偷減。此項工程。免其造冊報銷。以歸簡易。

○又諭。那彥成奏酌議阿克蘇歸併防兵一摺。據稱長齡移交善後條議內。擬將阿克蘇添兵一千名。並於所屬之柯爾坪設兵五百名。阿克蘇為南路適中之地。形勢最要。設兵千名。除各項坐卡差役外。所餘不過五六百名。未足以壯聲威。柯爾坪距城三百餘里。該處回戶眾多。設兵五百名。恐兵單勢弱。非惟不足彈壓。且無事時徒滋擾累。著照那彥成等所請。將柯爾坪議設防兵五百名。統歸於阿克蘇以收實效。又阿克蘇所屬拜城地方。原設分防參將一員。管領官兵七十餘員。該處回莊富庶。向多苛斂相沿之弊。不可不除。著即將拜城一營裁撤。所有官兵亦全行歸併阿克蘇。仍於該處設臺兵二十名。把總一員。以供文報往來之役。統計新歸舊設防兵二千二百餘名。除設卡及各項差兵外。可得操兵一千二百名。控制南北兩路。足成勁旅。至冰嶺一路。向為南北通衢。其阿克蘇

所屬西南巧塔爾達坂及賽哩木所屬之阿爾通霍什均為赴伊犁捷徑著概行封禁以杜弊端並著酌派本城官兵數十名分撥設卡嚴查偷度以稽茶葉大黃之出入儻封禁之後有私販經由即行嚴拏治罪並著伊犁將軍由北路派撥員弁設卡盤查毋稍疏懈該部知道○諭軍機大臣等鄧廷楨奏已革州同於結案後呈出多贓提訊供情狡展一摺已明降諭旨將捐納直隸州議敘知府銜

顧亨斥革與已革壽州州同多齡一併拏問交蔣攸銑督同藩司賀長齡秉公嚴訊矣據奏該革員多齡向藩臬兩司呈稱該州紳士顧亨遣張廷昂等送伊黃金二百一十兩銀二百二十兩合計銀四千兩並隨封銀一百五十兩伊不敢收受等情顧亨係上年多齡在壽州州同任內巡夜拏獲李登科案內指票挾妓飲酒之人嗣經審明並無其事將顧亨免議多齡因擅責監生案內叅革今案結

數月顧亨忽於事後致送多贓多齡於收受後又復赴司呈首若顧亨於此案果無劣跡何肯以財行求至四千兩之多至多齡若非先行勒索顧亨又何肯無端送給顯有先侵後吐情弊且提訊送銀之張廷昂等僉稱多齡於叅革後與顧亨之表兄張應元結為師生託其借銀四千兩以為捐復盤費後因銀數不足復換金送給多齡收受質之多齡供稱張應元曾經許銀伊向阻止不想張廷昂

將銀帶省是以呈首顧亨供稱伊因另案在府候審並不知張廷昂送銀之事顯係逞刁抵賴等語案關職官婪索多贓紳士以財行求數至四千兩之多該省藩臬等俱係原審之員例應迴避蔣攸銑總制兩省於撫藩臬各員如有不公不法均應秉公叅奏此案更無所用其回護著即將鄧廷楨所奏各情節嚴切根究務得確情按律定擬並將安慶府知府程懷璟於上年審辦時曾否給與多齡

親供底稿。一併查訊明確。據實具奏。毋得稍有徇隱。將此諭知蔣攸銘。並傳諭賀長齡知之。○又諭。那彥成奏高疆大概情形。所奏俱是。向來安集延進卡貿易。轉販內地。大黃茶葉硝磺。接濟外夷。漁利其流。寓各城者均已私行置產安家。與卡內回民無異。乃相率助逆。戕害官兵。蹂踐回民。實屬可惡。現在各城寄居安集延之人。自數十戶。至數百戶不等。那彥成已委員確查。驅逐出卡。朕思此項人數較多。相沿已久。固不可姑息容留。任其盤踞貽患。但欲全行逐出。設辦理不善。轉恐激成事端。該督務當實心體察情形。持以鎮靜。通行各城妥辦。並著參贊大臣。每年查覈具奏一次。以收實效。至大黃茶葉。嚴禁出卡。現擬設立官商承運行銷。以免私販偷漏。那彥成已派員前赴涼州確查。並札商鄂山。必須實能絕其出卡。而於卡內回民。仍無不便之處。方為妥善。著俟議定時。即行具奏。嗣後各

外夷。即恭順聽命。亦應照伊犁貿易。派官經理。只准來卡交易而退。不准在各城安家置產。永絕後患。其烏什卡倫侍衛。著即一律裁撤。改歸綠營。至近年各城大臣。及本處章京司員筆帖式等。並大小各伯克剝削回眾。弊非一端。必應將陋規概行裁汰。前據那彥成奏。請加增各城大臣養廉。業經降旨分別酌量加增。其司員筆帖式等。亦著籌議加增鹽菜銀兩。茲據奏擬將現辦地畝徵收糧石內。籌議津貼各城大小官員。自己足敷辦公。斷不准再有收受陋規。違者嚴叅懲辦。現在各該城應辦事宜尚多。那彥成請與各該大臣會商辦理。所見極是。此後事關善後者。著隨時會商妥議具奏。將此諭令知之。○又諭。普爾錢以一當五。行用多年。茲那彥成等請改鑄當十錢。相間通行。事屬創始。必須試行無弊。方為妥協。著詳加體察。如果通行便利。固屬甚善。僅有輕重攙雜。格礙難行之處。即

據實奏明停止。將此諭令知之。○壬辰

上詣

黑龍潭神祠拈香。○癸巳

上詣綺春園問

皇太后安。○諭內閣。理藩院奏。色革喀喇沁塔

布囊布里訥什之妻。係成哲親王之格格。不

候該扎薩克呈報該院。遽行違例進京。請照

例將該格格罰俸二年等語。布里訥什之妻

固山格格。不候報院。遽行進京。殊屬違例。著

交宗人府。理藩院。嚴催令其回原游牧。交該

扎薩克等妥為約束。毋許私行進京。該院所

奏罰俸之處。著加恩寬免。嗣後該格格僅再

私自歸寧。著載銳遵奉此旨。不准容留。若擅

自容留。不惟將該格格從重治罪。定將載銳

一併懲處。○又諭。陶澍奏。蘇州銀價昂貴。暫

借銅鉛工本銀兩發換制錢。以平市價一摺。

蘇州省城。因近來商貨未能流通。又多匯票

往來。銀價頓增。現值上忙開徵。民間易銀納

賦。較之往時。多寡懸殊。商民均多未便。自係

實在情形。著准其於司庫現存錢價銀內借

撥銀二十萬兩。由蘇州府督同長元吳三縣

陸續具領。發換制錢。解局收貯。一俟銀價平

減。仍飭該府等易銀解還司庫歸款。如借撥

之項。尚未發完。而銀價已經平減。即行停止

發換。該撫即責成該府縣認真查察。勿任牙

行經紀等抑勒擾累。據奏寶蘇局庫現存餉

錢六萬餘串。尚數數月搭放兵餉之用。所有

未鑄道光七年五卯錢文。亦准其暫停鼓鑄。

該部知道。○諭軍機大臣等。每遇帶領察哈

爾八旗官員引見。該旗官員步射。大半生疏。

殊無可觀。著安福將該官兵馬步。平日如何

操演查閱之處。明白奏聞。嗣後該官兵等當

善為指教。不時操練。以嫻熟為要。斷不可含

混塞責。致令生疏。將此諭令知之。○以故烏

蘭察布盟烏喇特扎薩克輔國公多爾濟帕

拉木子車楞旺楚克多爾濟襲爵。○以戶部

郎中王英為齊齊哈爾副都統。○改鑄福建臺灣嘉義縣笨港縣丞條記。從巡撫韓克均請也。○修江蘇黃快船。從巡撫陶澍請也。○緩徵江蘇海清河沐陽阜寧四州縣積歉新舊額賦。○乙未。調正白旗蒙古副都統貴慶為正藍旗滿洲副都統。以刑部右侍郎鍾昌兼正白旗蒙古副都統。○賞故正藍旗滿洲副都統全善保銀三百兩治喪。○丙申。命惠郡王綿愉分府後仍在上書房讀書。○以鎮國將軍恆齡署正藍旗滿洲副都統。○丁酉。以國子監司業胡達源為雲南鄉試正考官。刑部主事瞿溶為副考官。翰林院編修丁善慶為貴州鄉試正考官。陳官俊為副考官。○戊戌。

上詣

黑龍潭神祠拈香。○諭內閣各衙所守備千總等官。辦理漕運事務。雖與綠營專事操防者不同。但究係武職。平日自當練習弓馬。不

惟該管上司。例應考驗。其引見赴部時。該部亦必先行堂考。於綠頭牌內填註。遇有技藝生疏者。應即扣除。昨兵部將選補江蘇興武衛五幫領運千總崔廷蘭帶領引見。該弁一經開弓。即將箭枝落地。實由平時全不演習。本應即行斥革。念其年力正強。著降為把總。交直隸總督留營學習。當差。此次兵部考驗之堂官。著查取職名。交吏部照例議處。嗣後該部每遇堂考。務宜認真校閱。詳加甄別。毋得虛應故事。稍涉姑容。

14

軍大學士公長齡。凱旋到京。著照禮部所擬。遣廷臣於盧溝橋地方舉行迎勞典禮。所有應行事宜。著各該衙門照例豫備。其揚威將軍印信。著在勤政殿恭繳。至賜宴典禮。著於正大光明殿舉行。屆時再行示期。○又諭。德英阿等奏。索倫部落分檔馬甲三音扣肯索布岱等。此次前往喀什噶爾出師。與另戶兵丁一體出力。而其弟兄之內。亦有陣亡者。三音扣肯索布岱等二十四人。著加恩均照從

前所辦。准其作為另戶。此內如有人才出眾。差使奮勉者。再行與正身另戶之索倫達呼爾。一體間用官缺。○鑄給喀什噶爾印務同務糧餉。糧牧等處葉爾羌印房司官糧餉同知。和闐印房筆帖式各關防圖記。從參贊大臣武隆阿等請也。○賞福建巡洋漂沒巡檢程士教主簿銜。予祭葬卹廕如例。○予喀什噶爾陣亡藍翎兵丁伍占龍。吳安邦。王聯陞。祭葬世職。病故藍翎兵丁方殿弼。賞卹如例。

○庚子。

上詣綺春園閱

皇太后安。○以拏獲盜犯。予揀發副指揮熊常

銑儘先補用。○辛丑。

孝誠仁皇后忌辰。遣官祭

景陵。○

上幸萬壽山。詣

廣潤祠拈香。○諭內閣。安福等奏遵旨訓練察哈爾八旗官兵一摺。察哈爾八旗官兵甚

宣宗實錄卷一三六

二

眾。平日自應責令各總管妥為訓練。著安福等責令該總管務須將官兵留心訓練。該都統等於秋令查閱時。亦當據實查看。妥為教導。俱令嫻熟。並嚴飭總管等不時操演。嗣後凡遇揀選。應行引見人員。該都統將伊等弓馬騎射。詳加驗看。擇其嫻熟者。咨送引見。毋得仍以生疏者咨送。○山東巡撫琦善奏。山東帶赴軍營擡礮。已於上年照數補製。並於操防有益。得旨。務要認真督飭練習。不可曠廢。○壬寅。諭內閣。嚴煥奏。估修隄壩土石工程一摺。山東運河廳屬鉅嘉汎馮家壩。舊裏石隄工一段。據該河督查明。年久殘缺。應行徹底拆修。估需料匠夫土。例幫二價銀一萬六百三十七兩零。如河廳屬嶧滕二汎微山湖大石隄工。攸關蓄水行緯。其嶧字九號滕字一號三號。河面海漫墊壩。碎石坍塌。亟應補修完整。估需料匠夫土。例幫二價銀五千七百三十四兩零。上河廳屬聊城。堂博清平。

宣宗實錄卷一三六

三

三汛運河兩岸官隄二十段。隄身單薄。必須幫寬加高。共估土方銀七千二百五十四兩零。泉河廳屬東平州汛戴村滾水壩。臨河一面。歷經汛漲撞擊。椿木朽腐。石塊脫落。應即照舊拆修。估需料匠夫去並築壩。共例幫二價銀四千二百三十一兩零。著照所請。准其於山東司庫照數動撥。分別發辦。上河廳隄工。及泉河廳滾水壩。須於大汛以前。一律完工。其運加二廳石工。應先購齊各料。一俟重運過竣。即行趕緊興修。勒限立秋前全完。以備儲蓄。著先於運河道庫存項下墊發銀兩。飭廳趕辦。該河督即移咨東省籌撥。解交運河道。分別歸款找發。並著督飭該道嚴催。依限迅速完工。毋任遲延草率。工竣覈實驗收。該部知道。○癸卯。

上奉
皇太后幸同樂園進膳。○甲辰。旌表守正捐軀山東蘭山縣民胡全和女拔姐。○乙巳。

上詣

大高殿行禮。○還宮。○諭內閣李鴻賓奏潮橋鹽商前借運本依限繳清。請酌量再借一摺。粵東嘉應等八疲埠。無商承充。前經阮元奏請暫借運本專辦疲引。今此項銀兩業已依限完繳。瞬屆奏銷。若復責成通橋現商代拆輸納。仍不免顧此失彼。自係實在情形。著照所請。准其於運庫彌補鹽本項下。仍酌借銀四萬兩。交運同另行選商。設局專辦八疲埠懸引。所借運本。自道光八年為始。分限五年按數完解歸款。儻有延欠。著落該運同賠繳。該督即飭令上緊設法召募殷商。認埠承充。實力經理。以昭覈實。而免牽累。該部知道。○又諭福珠隆阿奏。現開戊子新綱。辦理情形一摺。兩淮引積課滯。前經福珠隆阿奏定年清年款章程。經軍機大臣會同戶部議奏。將丙戌等綱歲支懸墊銀兩。先於戊子五綱歸還。業經降旨允行。茲據奏運引全藉岸銷暢。

旺方無壅積。此次清釐之後。尤須上緊緝私。請令各該地方官設法疏銷。著江蘇安徽湖廣各督撫嚴飭所屬文武。隨時緝捕。毋稍疏懈。並著責成該鹽政實力督銷。認真經理。務期引銷課裕。全復舊規。不得以該地方官緝私不力。豫為將來推卸地步。自干重咎。○以供備軍需辦理糧臺出力。予土爾扈特哈屯喇什丕勒議敘。喀思臣多爾濟襲頭等台吉。賞土爾扈特盟長汗策登多爾濟章京銀格。

花翎。外委郝子凝。藍翎。餘升擢有差。○以夏至祭

地於

方澤。自是日始齋戒三日。○丙午。諭內閣。蔣攸銑奏審訊字識張顯稟控撫標參將吉祥保私役兵丁。違例用刑一摺。此案參將吉祥保於向設辦公兵丁之外。復添派二人當差。即屬私役兵丁。且於素服不理刑名期內。輒將字識張顯棍責。並出入衙署。擅用鼓吹。實屬

違例。吉祥保著交部照例議處。○諭軍機大臣等。昇寅等奏會同查辦慶山噶普唐阿互參一案。於行抵寧夏時。據噶普唐阿送到奏事摺件。懇為轉遞。並呈明被參不符各款。朕閱其摺內所稱。以剋扣補馬私幫二款為最重。私幫一項。每月扣銀六百六十兩。自七年正月。起至本年二月止。已扣銀九千九百兩。據該副都統訪詢。幫給摺差銀一千二百三十兩。其餘八千餘兩。是否有著。訪查未確。補馬一項。每月扣銀六百六十兩。已扣十九月之久。數在一萬二千餘兩之多。此外如餉封上另貼一簽。捏造扣款名目。三項內有年終協領等。私湊制錢一萬餘串。散借八旗眾兵。俱加一分利息扣繳。若果屬實。均係大干法紀。務將該將軍嚴密看守。勿致又有祿成之事。任所贓財。亦應嚴密查封候旨。其噶普唐阿傳點馬匹。據稱係二月二十二日未刻。有手諭可憑。慶山捏為亥刻傳諭一節。究係何

時所傳。不難傳集承辦人員。確切查訊。著昇寅等務將噶普唐阿所奏所呈各節。逐一詳細嚴訊。該處人數眾多。難保其不通同串捏。聯為一氣。昇寅等總當虛衷秉公。勿任狡飾。勿涉顛預。據實查辦。以副委任。如有不實。不盡之處。別經發覺。惟昇寅鄂山是問。噶普唐阿摺及原呈。均仍發交閱看。將此諭令知之。○考試應開列試差滿漢二品以下京堂各官於上書房。○戊申夏至祭

地於

方澤。

上親詣行禮。○諭內閣。文孚等奏覆審案犯。究明已革將軍祿成實係念悔交加。自尋短見。並無別項情弊。請仍照原擬分別辦理一摺。此案祿成。於取供後自戕身死。既據文孚等覆向伊家人徐添桂等及被累之流民賈錦義撤退之兵丁諾們濟爾噶勒等隔別訊問。反覆開導。均堅執原供不移。是尚無不實不

盡之處。祿成業經身故。所有查封家產。即行發還。交伊親屬具領。徐添桂侵扣物價。詐騙多贓。著照原擬於犯事地方枷號兩箇月。滿日發往新疆給官兵為奴。額外驍騎校阿勒精阿。取巧派征。殊屬不合。著交部議處。○又諭。鄧廷楨奏委審命案人犯。猝病身死。屍子控係縣審冤抑。委審刑拷致斃。請將原審出差之知縣解任質訊一摺。此案休寧縣民潘蔚昆。是否係被汪右奇因姦砍傷致斃。棄屍

河內。抑係自戕後投水身死。休寧縣知縣李儀。原審犯供有無刑逼捏詳情事。委審各員。是否將汪右奇刑拷致斃。抑係該犯猝中身故。必須確切究明。期無枉縱。該縣李儀著於出差回皖時扣留備質。不准回任。交該撫提同全案人證。徹底根究。如係該縣原審錯誤。及委員安慶府等實有濫刑情弊。即行嚴叅究辦。該部知道。○鑲紅旗蒙古都統哈喇阿等解送俘囚張格爾至京。○己酉。獻俘於

太廟

社稷都統哈喇阿等率解俘將校以俘囚張格爾自天安門入至

太廟街門外俟承祭王至俘囚張格爾北向跪伏承祭王入行禮畢都統哈喇阿等率諸將校以俘囚張格爾至

社稷街門外北向跪伏承祭王入行禮如前儀

○諭內閣禧恩等奏昨日致祭

地壇前引大臣公熙敏甫進

壇門即不能前引請旨將伊前引大臣開缺仍

罰俸三箇月等語熙敏身軀羸弱不勝前引

大臣之任著革去散秩大臣加恩賞給頭等

侍衛在大門上行走毋庸罰俸○以病痊總

兵官德楞額為廣西右江鎮總兵官○以解

俘到京賞四品頂翎庫車五品商伯克斯底

克三品頂帶五品頂翎喀什噶爾六品密喇

布伯克邁瑪特四品頂帶無頂帶回子庫圖

魯克五品頂帶尼雅斯托等六品頂帶鄂素

滿等七品頂帶並章服文綺有差○以解俘到京賞鑲紅旗蒙古都統哈喇阿等章服文綺有差○庚戌

上御午門樓受俘都統哈喇阿等率解俘囚將校以俘囚張格爾豫俟於午門外之西大樂鼓吹金鼓全作

上升座解俘囚將校行禮畢令俘囚張格爾北向跪伏兵部尚書跪奏平定回疆生獲俘囚張格爾謹獻闕下請旨命王大臣會同刑部

嚴訊刑部尚書跪領旨兵部司官以俘囚張格爾交刑部司官自天安門出王公百官行慶賀禮○幸圓明園○詣綺春園問

皇太后安○諭內閣逆裔張格爾自嘉慶二十

五年以後屢次入卡擾我邊陲道光六年復

勾結布魯特安集延等回眾搶占四城朕命

將出師天戈所指迅就克復嗣因該逆乘間

逃逸留兵防緝乃故智復萌敢以釜底游魂

復於上年除夕潛入卡倫希圖窺伺經長齡

督同楊芳統率將領官兵立擒巨魁檻送闕廷朕仰賴

昊蒼加佑

祖

考垂麻於本日御午門受俘禮成感慰之餘益深祇懼因念該將軍等先事豫籌督兵追獲克奏膚功前已懋賞酬庸茲當大禮慶成尤宜渥加恩賚揚威將軍大學士公長齡著加恩晉加太保銜賞戴三眼花翎參贊大臣侯

楊芳著加恩賞加太子太保銜哈喇阿誠端吉勒通阿祥雲保解俘來京一路管束妥協著交部照軍功例從優議敘其自軍營派出長解到京官兵亦俱著照軍功例從優議敘至沿途接替護解官兵俱著照軍功例議敘在京王貝勒貝子公等著加恩各賞給紀錄四次在京文武大小官員俱著加恩賞加一級八旗兵丁著普賞半月錢糧以示朕大武告成覃敷闡澤至意○又諭前因長蘆鹽政

阿揚阿奏另籌歸補帑課章程部議以加價帑本等款所奏多有未符特派王鼎敬徵前往天津覈實確查具奏到日復交戶部覈議

茲據奏查明新舊欠款該鹽政前奏以堰工加價二文全數歸商彌補本屬漫無限制著自本年六月為始將每年加價銀四十六萬餘兩以二十三萬餘兩解部充公其餘銀二十三萬餘兩儘數抵交新欠俟新欠完清再將舊欠接續抵完仍隨同歸公一半加價按

引嚴提完報至道光六七兩年未完加價該鹽政前奏數目未符據王鼎等飭查更正銀二十七萬六千五百餘兩著即照此數准其於八年八月起按半年一提分五限徵完解部其八年春夏二季應徵加價銀二十二萬八千六百餘兩既係未經滿限著該鹽政趕緊催提仍於本年照數完繳所有新拔繳帑本銀八十萬五千兩著停利三年限滿後加一倍利完繳本息銀一百六十一萬兩舊拔

繳水利帑本息銀一百十七萬六千六百餘兩。亦著准其停徵三年。統於道光十一年起。每年徵銀十萬兩。以五萬兩完繳舊拔本息。以五萬兩完繳新拔本息。俟舊拔本息全清後。即以十萬兩全數完繳新拔本息。仍同現在輸息各款。帑本銀一百五十七萬餘兩。一體照浙江勻帑成案。按成勻配。此外豫省料價帑本銀四十萬兩。著俟河南巡撫查覆到時。再行覈定。至長蘆商力疲乏。不能豫買生鹽存坵。以致新鹽質嫩易消。漸多折耗。經王鼎等訪查屬實。著准其每包於舊定鹽斤之外。再加鹽二十斤。免其交課。俾資貼補。一俟商力稍寬。即著該鹽政奏明停止。以上各款。通計除去交項。足敷商人成本。所有本年應完道光七年正帶各項帑課。著照王鼎等查覈清單。趕緊追繳。於十一月奏銷時。照例題報完繳。毋任稍有延宕。此後按年應徵引課。照例於次年十一月奏銷全完。一切雜項帑

利。及彌補各欠。撥繳帑本利銀。悉照該鹽政前奏清單限期。均於各該年內埽數全完。凡應支應解款項。概不准再由運庫那墊。商人拖欠。立予斥革。查抄治罪。運司墊解。即將所墊銀兩著落賠繳。仍查取鹽政運司職名。交部分別議處。又另片奏蘆商未補加價銀兩。經王鼎等確查。實係折於銀價之內。且現已歸入舊欠積款。將堰工加價一文陸續抵完。所有未補銀一百八十四萬八千餘兩。著加恩免其追繳。仍將半文加價。併給予商人貼補成本。此外各商應追應交之款。多有未經查報者。該鹽政前奏聲明。原查恐有不實不盡。或庫墊之外。各商另有拖欠。著予限三月。該鹽政督同運司。設局徹底清釐。並將未經開列節年內外欠款。詳細檢查原案。造具銀款銀數細冊。另行奏報。立限完交。毋稍遺漏。舛錯。以昭覈實。○又諭阮元等奏。應修城垣營署等工銀兩。請分別捐辦報銷一摺。貴

州鎮遠府城垣兵房衙署等工。前經奏明。亟應修理。先已動項給發興辦。嗣准部咨。因軍務概行停止。而該處各工。旋即陸續修竣。茲據該督等查明。城垣兵房竣事。在已。准部咨之後。承修知縣。自願捐修。其武營各工。修竣在前。且武員末弁。難以賠繳。仍請報銷。自應分別辦理。著照所請。該處城垣兵房修費銀五千六百兩。即由鎮遠縣知縣照估捐繳。還款。委員驗收。免其造銷。所有修理營署演

武廳等項。動支留半養廉及公費銀兩。准其報銷。實用銀三千四百六十八兩零。以清工款。其刪減之銀。仍令繳還。應造估銷各冊。按例具題。報部覆銷。該部知道。○以受俘禮成。賞鑒儀衛校尉。暨樂部承應人等銀鍰。○辛亥遣官祭

關帝廟。○諭內閣。京師自入夏以來。雖時得雨澤。尚未透足。本月初十日。

方澤大祀。朕虔申祈禱。於禮成後。陰雲密布。自

十一日戌刻起。至十二日丑刻止。時雨霑濡。疏密相間。已刻以後。更復大霽甘霖。入土極為深透。畿輔地方。皆得普律均霑。秋稼可期。豐稔。此皆仰荷。

洪慈垂佑。朕心實深寅感。著派定親王奕劻。於

十五日恭詣

皇祇室。敬於

皇地祇神位。

列聖神位前。依次拈香。行祀謝禮。用答

靈貺。著太常寺敬謹豫備。○諭軍機大臣等。據

長齡覆奏。酌擬功臣繪像大臣官員。開單呈

覽。朕思烏魯木齊提督達凌阿。前在渾巴什

河。與巴哈布督兵攻賊。同著戰功。亦著添入

繪像。所有長齡酌擬繪像單開各員。俱著照

擬列入。本月十二日。朕御午門受俘禮成。當

經降旨。加恩晉加長齡太保銜。賞戴三眼花

翎。現據奏稱。趕緊遄行。六月初旬即可抵京。

務即迅速前來。以紓廑盼。將此諭令知之。○

以綏遠城軍政年逾六十官十一員精力未衰命留任○壬子。

上詣綺春園問

皇太后安○幸靜明園詣

龍神廟拈香○御廊然大公殿廷訊逆俘張格爾罪狀畢諭內閣逆裔張格爾著即寸磔梟示派協辦大學士尚書富俊尚書明山侍郎鍾昌英經前往監視行刑慶祥以喀什噶爾參贊大臣遭變被困力竭捐軀領隊大臣

副都統烏凌阿因帶兵圍捕臨陣陷歿皆由該逆倡亂以致傷我大臣殊堪髮指著慶祥之子侍衛文輝烏凌阿之子侍衛忠春同往市曹看視俾抒積憤並將該逆摘心交文輝於伊父慶祥墓前致祭用慰忠魂○又諭回疆未隸版圖以前各城回眾內受準噶爾之欺凌外遭布魯特之擄掠幾致日不聊生迨我朝戡定以來輕徭薄賦減免者奚啻倍蓰而布魯特亦多向化歸誠咸得各安生計縱

有逆首遺孽偷生卡外亦不過亡命遁逃原可網開一面從前逆裔薩木薩克等雖在卡外潛滋煽惑尚未敢公然肆逆乃張格爾以伏匿餘生竟敢妄生覬覦而布魯特安集延又利彼剽掠助其逆焰遂致屢擾邊圉前年復又入卡煽亂勾結逆回抗我顏行傷及大臣官兵竊據四城罪大惡極實為天討所必誅前此命將出師大申撻伐天戈所指有戰皆捷四城迅就蕩平而逆首竟致竄逸彼時

朕即料該逆自作不靖荼毒生靈斷無久稽顯戮之理是以屢諭將軍參贊等總宜設法掩捕不值多勞兵力今幸神機其魄天網自投業經檻車解京獻俘

廟

社本日廷訊盡法懲治寸磔梟示實足以申國憲而快人心在該逆自取誅夷固無足論惟各城回子受天朝覆育深恩垂六十餘年何致自外生成甘就夷滅總由惑於崇信和卓

之習。未能消除。致被煽誘。詎知逆酋當竊據
之時。惟事誅求。悉索。迨天討所加。亦祇窮蹙。
奔竄。其伎倆不過如是。各城回戶中能深明
大義。矢志忠誠者。固不乏人。而聽其脅誘。死
於鋒鏑者。亦復不少。何迷而不悟。以至於此。
現在元惡伏誅。邊疆大定。該回眾等益當明
於順逆之理。咸思怙冒之仁。懷德畏威。交相
誠勉。慎勿冥頑不靈。受人愚惑。庶可棄世蒙
庥。永享昇平之福也。將此通諭中外知之。○

又諭。阿里雅。係例應緣坐之犯。毋庸在刑部
監禁。著發往貴州。在該省按察司監內永遠
禁錮。毋許與外人交接。及傳遞信息等事。每
屆年終。該臬司將該犯在監是否安靜稟詳
巡撫具奏一次。邁滿達里一犯。訊據張格爾
供稱。該犯僅止隨伴阿里雅並未與官兵打
仗。著貸其一死。即發往廣東。給駐防官兵為
奴。○諭軍機大臣等。現在回疆軍務告竣。應
行繪像紫光閣大臣官員。昨據長齡酌擬人

數開單具奏。經朕酌加達凌阿一員。此內除
來京各員。隨時繪像外。其現回本任不能來
京者。著吉林黑龍江伊犁各將軍陝甘總督
查照開列清單。行知所屬之員。各繪小照一
分。由該將軍總督等具奏呈覽。其察哈爾都
統安福應繪小照。著自行具奏呈覽。以便繪
圖。將此諭令知之。○以翰林院編修田嵩年
為廣東鄉試正考官。李鈞為副考官。編修陳
憲曾為廣西鄉試正考官。刑部主事史致蕃

為副考官。翰林院修撰戴蘭芬為福建鄉試
正考官。戶部主事張祥河為副考官。○以辦
理進征凱撤兵差始終出力。賞甘肅道員桂
葛按察使銜。道員朱樹遊擊袁鋼。花翎。餘升
補議敘有差。○以解逆首張格爾來京。沿途
接辦妥協。予阿克蘇辦事大臣長清前任庫
車辦事大臣果良額喀喇沙爾辦事大臣巴
哈布。吐魯番領隊大臣賡音岱。哈密辦事大
臣恩銘幫辦大臣國勒明阿。陝甘總督楊遇

春護陝西巡撫徐忻河南巡撫楊國楨直隸總督屠之申優敘並開復陝西巡撫鄂山處分○以查驗出關官兵軍器馬匹認真予甘肅肅州鎮總兵官劉瑞議敘○以幫辦兵差出力賞甘肅莊浪土司魯紀勛二品頂帶○以辦理兵差車輛迅速予休致甘肅府經歷胡彬以吏自巡檢補用○癸丑旌表逼嫁捐軀安徽蒙城縣民蔡玉良妻李氏○甲寅諭內閣松廷等奏南糧幫船遲滯請飭沿途添備剝船趕緊趲運一摺本年南糧自大河前首幫抵通後在後泗州等幫均未能跟接前進據倉場侍郎等查明因山東臨清閘內外恩縣德州及直隸故城南皮景州等處水勢微弱剝船不敷輪轉以致行走遲滯著屠之申琦善各嚴飭所屬州縣即將淺澀處所設法撈濬深通添備剝船以資起運並嚴飭沿河文武員弁一體趕緊催趲勿任一幫脫空如有遲誤即行叅處○以隨同解停進京

出力賞陝西副將劉鳳翥實德總兵銜把總朱資義等藍翎復原任副將候補都司滿德坤職餘升補有差○以護解停囚並督辦兵差出力陝西總兵官得志下部議敘賞道員尹佩珩花翎○以辦理進征凱撤兵差出力賞陝西同知張聰賢知州鮑珊知府銜餘升補有差○減免直隸安南宮新河隆平寧晉五州縣積蕩地畝新舊額賦有差○乙卯皇后千秋節宮內行禮如儀停止筵宴及在外福晉命婦行禮○諭內閣孫爾準等奏籌議成兵春米改給折色章程一摺閩省福州興化泉州漳州等營戍兵春米向係將臺灣府屬徵收供粟撥交商船運回發給前據該督等以近年商船較少內運愆期各兵春米不能久待請將此項春米每石折給銀二兩經部議以較之延建邵等營每石折銀九錢之數多寡懸殊請飭令妥議覆奏並將臺屬徵粟如何出糶歸款及道光七年以前未運穀石

查明另議章程。茲該督等奏稱。此項米石改
放折色。係在臺屬供粟內變價解給。與延建
邵等營。動支庫項不同。現在米價。每石糶銀
二兩。若折銀九錢。實屬不敷買食。且銀由米
出。於度支並無增費。臺屬米價。二兩上下不
等。若照月報變糶。易啟廳縣趨避捏報之弊。
今畫一定價。盈絀相參。各屬尚無賠累。著照
該督等所議。自道光八年。起將臺屬應運養
米。每石折銀二兩。由藩司籌款。隨同養銀。一

併給發。仍於臺餉內扣收歸款。其節省運腳
銀兩。俟定案後。按年提出報撥。所有道光七
年分未運穀石。准其一體改解折色。至六年
以前欠運養米。著仍照部議。飭令臺屬解運
本色。歸還內地各倉墊款。毋庸採買歸補。該
部知道。○又諭。博啓圖奏。查明圍場情形。並
請添設卡倫。嚴定章程一摺。吉林圍場。與奉
天圍場。地界毗連之處。及該圍場要隘處所。
據該將軍逐細詳查。尚無偷它鹿害。及偷牲

蹤跡。惟卡倫間。均有車轍。難辨新舊。原設封
堆。亦多參差不齊。疏密不一。封堆以外。均有
旗民居住。村落甚多。難免潛入偷牲砍木情
弊。若不嚴定章程。認真整頓。積弊安能盡除。
著照所請。於卡倫相距較遠之二道溝康家
口子。錫伯霍落地方。准其添設卡倫三處。共
設卡倫十四處。俾查緝易於周密。其按月撥
派卡倫值班兵五名。不敷稽查。並准其每卡
增添兵五名。官一員。每日以兵六名。分兩路

巡查。至適中木椿處。兌換木牌。見有潛入偷
竊蹤跡。即嚴追務獲。餘俱留卡防守。此項官
兵。仍歸管圍協領管理。以專責成。從前圍場
添設翼長二員。專司查緝。嗣因開缺。並未補
派。著仍照前議。於佐領內遴委二員。專司督
緝。其原設叢章京一員。亦令同翼長等按月
輪流。一體查訪。仍責令管圍協領隨時稽察。
如該章京翼長等查緝疏懈。該協領不據實
稟揭。即當一律嚴參。至原設封堆。有疏密參

差之處。著嚴飭管園協領等官帶同旗民界官各分段落。將封堆增補高大齊全。各相距五十步。易於瞭望。其間私越封堆之田。無論旗民。悉令距封堆五十步外。方准墾種。其各卡倫間出入車轍。亦責成管園協領等官督令旗民界官。鋤墊平坦。如再有車跡。即將該卡倫官兵及管園場各官叅辦。該將軍務督飭該員等認真嚴查。勿得有名無實。日久懈弛。重干咎戾。○丙辰。諭軍機大臣等。此次平定回疆。大功告成。應照成例。將在事功臣。圖像紫光閣。用昭酬庸懋典。楊遇春前次參贊軍務。督率有方。茲當紀實銘勳。著即繪小照一分呈覽。以便繪圖。將此諭令知之。○河東河道總督嚴烺奏。河道庫額貯銀數短絀。另籌撥貯。近年河底逐漸墊高。工段多至數倍。即使額銀照前足數。已覺不敷輪墊。今道庫額貯之項。少至十餘萬兩。亟應籌款撥貯。以符原額。得旨。不可先為此語。以為日後不敷

地步。○丁巳。命繪平定回疆勦擒逆裔功臣。揚威將軍大學士威勇公長齡參贊大臣固原提督烏能伊巴圖魯果勇侯楊芳參贊大臣陝甘總督莽阿巴圖魯一等男楊遇春喀什噶爾參贊大臣阿勒精阿巴圖魯武隆阿。都統西朗阿巴圖魯威勇侯哈喇阿護軍統領喀屯巴圖魯阿勒罕保提督銜署固原提督莽阿巴圖魯胡超貴州提督法福哩巴圖魯余步雲庫爾喀喇烏蘇領隊大臣副都統巴哈布副都統奇成額巴圖魯蘇清阿阿克蘇辦事大臣副都統長清塔爾巴哈台參贊大臣達凌阿多羅郡王博多歡武巴圖魯伊薩克察爾都統格綢額巴圖魯安福頭等侍衛法式尚阿巴圖魯巴清德直隸提督強謙巴圖魯齊慎吉林副都統薩奇克起巴圖魯吉勒通阿安徽壽春鎮總兵官伊清阿巴圖魯郭繼昌喀什噶爾幫辦大臣副都統銜果勒明阿巴圖魯額爾古倫陝西西固營都

司即補參將阿察本巴圖魯段永福頭等侍衛塔爾巴哈台領隊大臣德勒格爾桑頭等侍衛額圖琿巴圖魯華山泰寧夏副都統沙噶巴圖魯伊勒東阿吉林協領剛安巴圖魯壽昌黑龍江協領喀勒崇依巴圖魯鄂爾托彥黑龍江協領阿勒金圖巴圖魯全凌阿黑龍江總管副都統銜舒凌阿伊犁察哈爾總管扎布都勒噶巴圖魯烏齊拉爾三等侍衛綽克托巴圖魯得勝額吉林佐領博啓巴圖

魯烏凌額吉林佐領蘇彰阿巴圖魯德成額黑龍江佐領蘇爾巴圖魯占布黑龍江佐領扎薩克圖巴圖魯阿勒吉訥伊犁錫伯佐領齊朗阿巴圖魯德克精阿伊犁索倫副總管達哈遜巴圖魯哈丹保伊犁錫伯馬甲防禦銜騎校法福哩巴圖魯訥松阿伊犁錫伯馬甲防禦銜騎校西喇琿阿巴圖魯舒興阿陝西馬兵升甘肅寧遠堡守備西吉爾琿巴圖魯楊發陝西馬兵升撫標左營守備騰

奇楚克巴圖魯田大武欽差大臣直隸總督那彥成四十人像於紫光閣

御製序曰。兵凶戰危。古人垂戒深矣。然兵可百年不用。豈可一日無備。歷觀史冊。凡開創之初。無不兵強將勇。中葉以後。享承平而尚安逸。率以偃武為辭。不加練習。設遇不逞之徒。將何以禦之。漸形衰弱。職此之由也。夫偃武非棄武也。蓋不可無故興戎。貪功搆釁。又其可不訓練於平時。以待不得已之用也。況我

大清

龍興東土。統壹寰區。

祖

宗之神謨大烈。無遠弗屆。伊古以來。幅員未有如今日之廣大。疆域愈廣。保守愈難。予小子仰承

皇考付託之重。兢兢業業。勉紹

鴻圖。於今八載。深恐弗逮。幸天下乂安。海內無事。乃和卓木逆裔張格爾者。包藏禍心。殆非

一日突逞狼貪攘竊我

皇祖所開之邊域戕害我官兵此國法所難容人心所共憤者也事已至此豈容置之而弗顧實應兵非佳兵也是特簡元戎邁徵勳旅雖萬里而遙諸端匪易朕志先定默叩

天

祖勉竭寸忱非敢邀功拓土祇以失守舊疆是懼且醜虜無厭得隴望蜀其事尚可言乎幸賴

上天鑒佑

祖

考神威三戰三捷四城繼下附逆眾回雖云喪膽特首逆未擒厥功未竟也豈料逆惡貫盈天奪其魄遽爾故智復萌仍思煽誘揚威將軍長齡參贊大臣楊芳急率精兵不舍晝夜莫不抒忠勇奮雄威卒追擒之獻俘告捷威震邊荒在朕曷敢以功自居而將軍將士不避艱險成此大功于以見我朝人材輩出其可

泯不傳乎回疆大兵之餘撫綏尤要朕命那彥成前往籌辦善後事宜剔除積弊整飭官方規畫周詳厥功甚偉較之埽穴擒渠戰績未可遽分軒輊允宜列其名於諸臣之左與長齡後先輝映而斯事之成始成終亦可昭示來許爰命圖四十功臣像於紫光閣親為製贊所以彰偉蹟而表殊勳一遵

成憲敬誌保大定功守成不易兵非不得已而不用之意也○命繪軍機大臣大學士曹振

鏞吏部尚書文孚戶部尚書王鼎兵部尚書

玉麟像於紫光閣

御製序曰朕寅承大寶日理萬幾孜孜焉惴惴焉嘗恐用人行政或致闕失每遇事必虛懷延納不敢自作聰明而軍機大臣曹振鏞等皆能感戴

皇考之

遺澤暨朕之信用是以知無不言一心一德即如前歲西陲用兵諸臣夙夜在公襄贊機謀

承書諭旨。無不盡心盡力。與朕同一憂勤。而大學士曹振鏞。自簡授軍機大臣以來。公正慎勤。班聯領袖。尤能彈心據實。鉅細無遺。茲大功告成。特欲循照舊章。繪入功臣像。而朕之不自大其事。不自尚其功。亦可昭示來許。奈曹振鏞等善則稱君。真誠遜讓。朕亦難于強勉。在朕心終未愜也。試思漢高祖之大度。唐太宗之英明。運籌決勝。亦必須蕭曹房杜。輔助而成也。矧戎為國之大事。朕臨御以來。

興戎首舉。嘉予內外文武諸臣。各殫心力。迅奏膚功。不然。則成功未能如此其速。籌畫未能如此其善也。朕思之再三。大學士曹振鏞。吏部尚書文孚。戶部尚書王鼎。兵部尚書王麟。允宜別繪一圖。親為製贊。以遂諸臣不敢列入功臣之心。而又能彰明帷幄之輔弼得人。不亦善乎。至大學士蔣攸銘。已授外任。工部尚書穆彰阿。軍興之時。尚未入直。均可毋庸繪入。是為序。○諭內閣。那彥成。奏查辦烏

什私墾地畝。並分設卡倫一摺。烏什地方。自乾隆年間。戡定以來。回戶孳生日繁。多有私墾地畝。據該督逐一查明。請將徵收糧石。以資增兵口糧。無論舊戶新增。均照從前按二石四斗交納。以示體恤。又於舊屯附近。勘明隙地八千餘畝。以一種二畝計之。歲可種植三千畝。除去籽種。約可收糧二千四百餘石。築壩開渠。約需工費銀三千餘兩。即於新增防兵內。分撥一百五十名開屯。將渠壩工程。

趕緊興辦。以便來春耕作。俱著照所議辦理。至該處原設巴什雅哈瑪。沙土畢底爾貢古魯克畢得里克。雅滿素卡倫六處。前據長齡等奏。裁各城卡倫侍衛。改用綠營官兵。惟烏什尚未裁改。茲據該督查明。除畢底爾雅滿素二處。向未設有卡倫侍衛。其巴什雅哈瑪等四處卡倫。統計二百餘里。接壤外夷。若零星散布。兵分見單。著照所請。將四處卡倫。分設三堡。中堡駐兵八十名。左右兩堡各駐兵

五十名。三堡之間。設卡房二處。各駐兵十名。會走開齊。聲勢聯絡。務令巡防周密。以期得力。並於留防綠營備弁內。遴委守備千把共三員。帶兵前往接替。○又諭前據長齡等奏。移建葉爾羌城垣。並據恆敬等奏。勘定舊城迤西罕那里克地方界址。當經諭令侯那彥成到彼。相度形勢。再行辦理。茲據該督查明。該處滿城。原建在回城之西隅。形勢逼仄。不足以壯觀瞻。而資捍禦。復將恆敬等所勘舊

城迤西三里許之罕那里克地基。詳加履勘。該處地勢高阜。渠流環繞。移建城垣衙署。形勢亦復相宜。著照所請。准其在罕那里克地方另建新城。所需工費。即著在該城查抄逆產變價項下支撥。毋庸動用正項。○又諭盛泰奏。協領於旗民犯賭之案。濫責濫押。違例定斷。請文審辦一摺。此案盛京步營司協領色卜興額。於盛泰車夫賀昇等夥同旗人聚賭。何以不照例辦理。輒即各予責處釋放。是

否將領催金姓。及步營司同賭差人白姓等。故為疏縱。並據盛泰奏。該協領見有打鬚鬚髮之徒。輒行鎖禁。門監剃去髮辮一半。懸挂額前。游街自辱一款。此等不堪惡習。本當禁止。然亦當按法懲治。何以任性妄為。又恆盛碾房車夫與旗民爭扭。該協領將該碾房商人一併禁責一款。亦當分彼此曲直。該府尹奏稱。自應罪坐車夫一語。殊失平允。著奕

顯親提全案犯證。逐一秉公研審。按律定擬。無得豫存成見。稍有枉縱。盛泰失察車夫犯賭。自請交議之處。著俟定案時。再降諭旨。○諭軍機大臣等。那彥成奏。據恆敬等於上年派令回子庫爾班等。出卡按捕餘匪。訪有霍罕回子逃竄前藏。推依博特地方。已被該頭目敦諾善納莫扎爾截擊圍禁。當據將逃匪阿布都薩塔爾等二十四名。交庫爾班等管解。並添派小頭目薩莫等協解進卡。訊明分別辦理等語。在逃零匪阿布都薩塔爾等或

從逆攻搶。或被賊脅從。既據那彥成逐犯研訊屬實。自應分別正法發遣。惟所奏前藏推依博特地方。是否即藏內所轄處所。抑另係部落名目。其頭目敦諾普納莫扎爾。是否番子。抑係回子。摺內亦未聲明。該頭目於回疆從逆人犯。竄匿在境。協拏護解。甚屬恭順。該督祇將差來之小頭目薩莫優加賞賚。其頭目敦諾普納莫扎爾。亦須加以賞賚。如該頭目再有遣人效順之處。即著從優獎賞。以勵其餘。至喀什噶爾葉爾羌新築各城。自應另錫嘉名。著將各該處舊有名目。一併奏明。以便頒給。將此由四百里諭令知之。○戊午。

上詣綺春園問

皇太后安。○諭內閣。楊國楨奏查明豫省各營。道光五六年。買補倒馬價銀。委係覈實支銷。懇免追賠一摺。豫省各營額設馬匹。每遇倒斃。均係動支該年官兵朋扣銀兩。發給各兵。就近買補。道光四年。經部申明定例。行令

赴口購買。該省於道光五六年未經遵辦。仍係就近買補。其應銷馬價。該部駁令追賠。係屬照例辦理。茲據該撫查明。實因差員赴口經費不敷。輟轉籌議。遵辦稍遲。所有道光五年分共買補馬七百一十五匹。動支朋扣銀六千七十七兩零。六年分共買補馬五百八十七匹。動支朋扣銀四千九百八十九兩零。著准其循照道光四年以前歷次准銷成案。仍行作正支銷。嗣後該省務當遵照部定

章程。差員赴口購買。送部烙印。趕回補額。不准仍前就近買補。以符定例。該部知道。○命翰林院侍講學士湖南學政程恩澤。回京供職。編修汪世樽。提督湖南學政。○己未。上御勤政殿聽政。○以光祿寺卿蔣祥墀。為太常寺卿。○以烏里雅蘇台將軍格布舍。為正白旗蒙古都統。○以服闋總兵官常遇恩。為廣東陽江鎮總兵官。○庚申。上幸萬壽山。詣

廣潤祠拈香。○諭內閣奕額奏復州蓋平。二州縣被控情形。並參奏府尹盛泰挾嫌妄奏。協領各一摺。奉天府蓋平縣民人鄒士傑呈控該縣浮收蠶稅。並上年派交兵差銀兩一案。前經降旨。交文孚英瑞親提審訊。所有復州民人許潤堂等呈控該州加增苛派等情一案。著文孚等一併提集人證。秉公審辦。此二案關繫州縣苛斂商民。並加增地畝錢糧。文孚等務當切實根究。查訊明確。不可稍有

含混。至協領色卜興額於盛泰車夫賀昇等夥同旗人聚賭。違例定斷一案。前已有旨。交奕額提犯審訊。茲據該將軍奏該協領辦理此案。並無朦朧情弊。府尹盛泰因伊車夫犯賭。門丁求放未允。反受板責。負氣挾嫌。捏詞入奏等語。此案奕額無庸辦理。亦著文孚英瑞親提人證卷宗。逐一秉公查訊。據實具奏。無得豫存成見。稍有偏袒。○諭軍機大臣等。昨據李鴻賓奏廣東陽江鎮總兵文應舉患

病開缺。已有旨將常遇恩補授陽江鎮總兵。該鎮係水師要缺。朕看常遇恩年力就衰。能否勝任。著李鴻賓俟該員到粵時詳加察看。據實覆奏。不可稍有瞻徇。將此諭令知之。尋奏常遇恩精力尚健。熟諳洋面情形。尚足以資整理。報聞。○以重運渡黃安速予催漕出力道員鄒錫淳等議敘。賞副將楊占先花翎。餘升補加銜開復處分有差。○准致仕大學士戴均元重赴鹿鳴宴。賞

御書扁額曰三朝耆舊。○辛酉。

孝恭仁皇后忌辰。遣官祭

景陵。○諭內閣嵩溥奏查明工程費減等銀。分別催追完繳。並請將估修各工酌留成數。以備裁減一摺。黔省承修貢院倉廩等項工程。應追裁減銀兩。現據該撫分咨各省並在黔各員名下嚴行催追。著俟完繳清款。報部撥用。至所請嗣後黔省各屬工程。估報銀數。先行咨明。酌發八成。扣留二成。以備裁減。並將

承修接修各職名。一併咨部查覈等語。著照所議辦理。並著各督撫於所屬應辦工程。確實估報。不得稍有浮冒。以致報銷時經部駁飭刪減。輾轉咨追。終歸懸宕。○諭軍機大臣等多貴奏。前因查穆蘇爾嶺。西由伊犁通烏什之路。經德英阿派往之領隊大臣端多布稟稱。由伊犁通烏什之路甚多。一時難以周查。俟旋回伊犁稟知德英阿。再為酌定。當即派前曹屢過此路之主事銜雄煦率同回子

伯克布魯特比。及回子布魯特等一百名。令帶應需物件。前往修治山徑一摺。此路究屬可開。抑或封閉之處。著德英阿容安等。與那彥成彼此札商。悉心參酌。定議具奏。俟奏到之時。再降諭旨。多貴摺內。既奏稱俟德英阿查辦山徑如何酌定。再為遵行。自應聽候辦理。今迫不及待。即派官員伯克回子布魯特等。前往修治山徑。殊屬冒昧。多貴所派官員伯克等著。即撤回。俟德英阿等如何酌定。再

為遵行。將此寄知多貴外。併諭令布彥泰知之。○壬戌。諭內閣屠之申奏。旗女誣指良民為奴。請解部查對檔冊審擬一摺。此案保定省城駐防旗女戴氏。先後呈控清苑縣民歐大嘴父子不認本主。盜典地畝。訊據歐永安供明伊家自高祖歐大榮遷居直隸。入於民籍。已歷數世。並非戴氏莊頭。亦無盜典旗地等情。節經該護督咨查京外冊檔。亦無戴姓地畝。及莊頭歐之貴其人。乃戴氏狡執鈔存

雍正年間廢契。堅指歐之貴既係莊頭。歐大嘴等即係家奴。屢訊屢翻。案懸未結。著屠之申將案內人證卷宗解交刑部。就近移查戶部。及本旗冊檔。質訊明確。按律定擬具奏。○又諭。奕緒等奏。應升總管人員。請將舊例量為變通一摺。向來

陵寢總管缺出。祇以京旗應升人員帶領引見。茲據奕緒等奏。本處翼長八員。與總管一體辦理八旗事務。頗有才堪造就。並無升轉之

途懇請變通舊例嗣後

東陵

西陵總管缺出著該管大臣等於本處翼長內秉公揀選一員送京與京旗應升人員一體帶領引見如翼長中不得其人毋許濫竽充數○又諭已革塔布囊布里訥什以屢次犯案因病釋回交該盟長嚴加管束之犯不知悔改輒因口角細故將本管扎薩克揪扭復於該署都統傳訊時不候審斷砌詞妄控情殊刁健即照部議發往伊犁實屬罪所應得惟念布里訥什係成哲親王額駙格格現在其家若將該犯遣戍新疆致家屬遠離朕心有所不忍黑龍江係根本之地風氣淳樸著將布里訥什及其全家發往安置交該將軍嚴加管束不准出外滋事喀喇沁旗扎薩克克興額因邁越伊族叔福恩之肩致被爭扭復於具報理藩院後差家人探聽文書均屬不合著交理藩院照例議處至布里訥什以

蒙古旗人輒為伊子取名福恩福康沾染漢人習氣殊屬忘本著通諭各該扎薩克等嗣後各蒙古旗人總當以滿洲蒙古字義取名不准輒用漢字○癸亥諭內閣揚威將軍大學士公長齡凱旋入覲昨據奏於六月初旬可以抵京屆期著派鄭親王烏爾恭阿松筠格布舍哈琅阿奕經前往良鄉迎勞所有應行典禮該衙門照例妥為豫備○諭軍機大臣等昨據那彥成奏葉爾羌上年派六品藍翎回子庫爾班出卡按捕餘匪在前藏推依博特地方訪有霍罕回子逃竄到彼已被該頭目敦諾普納莫扎爾截擊當經指交阿布都薩塔爾等二十四名令庫爾班等管解並添派小頭目薩莫等協解進卡推依博特地名是否係藏內所屬在前藏何方距藏若干程該頭目敦諾普納莫扎爾及小頭目薩莫等是否皆係番子是何等頭目係何官所管著惠顯等詳細查明據實覆奏將此諭令知

之○甘肅肅州鎮總兵官劉瑞年老休致。賞食全俸。以陝西神木協副將寶德為肅州鎮總兵官。○以督辦駝隻製造鑼鍋妥速。予山西知州林樹雲等升補議敘有差。○以委解駝隻轉運軍餉妥速。予山西都司保芝琳等升補有差。○甲子。諭內閣。吏部具題。浙江糧道尹世衡辦漕未善。比例議以降一級調用。准其抵銷一本。已依議行矣。浙江徵收漕糧。連年以來。俱未能一律純淨。上年該省糧艘抵通。經倉場侍郎等查出攙雜灰暗情形。責令該糧道認真督率弁丁篩颺。本年該幫船過淮盤驗。又經納爾經額查驗米色不純。飭令篩出舂碎飽稻灰土一萬六千餘石之多。該道府州縣徵收兌運。所司何事。該撫率據所屬稟報。收成米質。不能一律飽湛。輒於收漕時先行奏明。並咨會倉場。以為將來卸責之計。殊屬非是。經此次飭諭之後。劉彬士當豫行嚴飭該府州縣。於收漕時務期米質純

潔。不准少有夾雜。該糧道兌運漕糧。是其專責。如查驗各州縣所兌之米。有舂碎灰溼等弊。即應據實揭報。將經徵督徵之府州縣嚴行叅辦。儻扶同遷就。別經查出。定將該糧道從重懲處。不能復邀寬貸。該撫總宜認真督率稽察。既不得輕聽所屬藉口於天時不齊。率行奏咨。豫為地步。亦不得任令該州縣幫丁因此復有苦累刁難。致滋流弊。○以翰林院編修沈兆澐為湖南鄉試正考官。山東道御史牛鑑為副考官。刑部員外郎馬光瀾為四川鄉試正考官。翰林院編修卞士雲為副考官。○賞借睿親王仁壽王偉五年修理墳塋。○乙丑。諭內閣。昨據御史孫善寶奏。經紀掣欠米石逾額。倉場並不照奏定新例即交刑部治罪。仍予限購買。與上年原奏不符。當降旨交倉場侍郎明白回奏。茲據奏稱上年倉場及戶部議奏掣欠一條。係屬申明定例。加以嚴密。並未更定新例。所有七年分漕糧

全數進倉後。查出掣欠數目。飭令坐糧廳照例將該經紀等送交刑部治罪。家產交地方官變賣著賠。嗣據坐糧廳以該經紀等情願趕緊購買。於七月內全數交倉。因現值漕糧抵壩之時。勢難另募生手。有誤漕運。是以照詳立限完交。逾限不交。仍即按名送部照例治罪。係屬從嚴覈辦。期於公事有裨。並未與定例不符等語。經紀掣欠折耗。逾額過多。原不能保其必無情弊。定例甚嚴。前因歷年追

宣宗實錄

卷一三六

賠。每致延宕。上年經御史條奏。特令覈議。既經倉場及戶部申明定例。奏請照辦。與新定條款何異。即或因現在情形不無窒礙。亦應據實奏明更正。何以率准通融予限。既已寬其期限。不即送部。何以謂之從嚴覈辦。是該侍郎等覆奏之摺。不知其自相矛盾。殊屬回護。松廷。朱桂楨。俱著交部議處。○丙寅。

上詣綺春園問

皇太后安。○戶部議准。福建巡撫韓克均疏報。

閩侯官。古田。福安。四縣開墾田十六頃二十二畝有奇。照例升科。從之。○除福建侯官縣水衝田二十二畝有奇額賦。○丁卯。諭內閣。屠之申奏。請將派委停解逆酋之道將分別加恩等語。此次停解逆酋至京。及沿途接解官弁。前經降旨。照軍功例給予議敘。該員等共沐恩施。已屬從優。所有該護督請將署清河道李振翥賞加升銜。署督標副將廣瑞賞予議敘之處。著不准行。○貸湖北黃州協營

宣宗實錄

卷一三六

上年被水歉收。兵丁倉穀。○戊辰。諭內閣。向例七品以下人員頂帶。各有等差。不得違例僭用。從前嘉慶年間。欽奉

皇考仁宗睿皇帝諭旨。飭查嚴禁違例。及失察之該管官。應得處分。均經載入則例通行。乃近日陋習相沿。八九品及未入流人員。往往不按品級。僭用素金帽頂。殊於體制有乖。著大學士九卿。詳查會典所載。歷屆奏准成案。悉心參酌。妥議具奏。務期等秩分明。經久遵

行。毋致稍有淆混。○又諭御史常恆昌奏外省審理詞訟勒罰銀兩請飭嚴禁一摺。直省地方官審斷案件。原應覈其情罪。按律辦理。何得違例勒罰。致滋弊竇。如該御史所奏。各州縣審理詞訟。動以充公備用為詞。勒罰銀兩。雖係風聞。必當嚴行飭禁。著通諭各督撫嚴飭所屬於民間一切詞訟。務當平情聽斷。毋許取巧營私。如有藉端勒罰情事。一經查出。即將該州縣嚴參治罪。以杜苛累而肅官

實錄卷一百三十六

吳

常○以辦銅溢額。賞還雲南知府丁錫羣。花翎。

翎○旌表守正捐軀四川眉州民張萬統妻

添氏。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十六

實錄卷一百三十六

聖元

刑部左侍郎英瑞為鑲白旗護軍統領○調鑲黃旗漢軍副都統綿恩為鑲白旗滿洲副都統以喀什噶爾參贊大臣武隆阿為鑲黃旗漢軍副都統○辛未以鎮國將軍恆齡署鑲白旗護軍統領○命湖北學政王贈芳來京以京畿道御史賀熙齡提督湖北學政○壬申

上詣綺春園問

皇太后安○諭內閣朕於九月初九日自圓明

園啓鑾恭謁

東陵翼日親詣

裕陵行大饗禮十六日旋蹕圓明園十七日自

園啓鑾恭謁

西陵翼日親詣

昌陵行大饗禮二十五日還宮所有應行典禮

著該衙門敬謹豫備○貸山海關八旗官員

二年俸銀補修官房○癸酉

上幸靜明園詣

龍神廟拈香○諭內閣朕於九月間自西陵回蹕二十四日駐圓明園○又諭德英阿

等奏請撤卡倫侍衛改派駐防官員接替一摺伊犂等處卡倫由京城侍衛派往防守未能熟悉口外情形難期得力該將軍等請照南路章程畫一辦理所有伊犂卡倫侍衛十一員塔爾巴哈台卡倫侍衛八員著照所請全行裁撤俱改用本處駐防官員該將軍等務當秉公揀選小心幹練通曉夷情者派令

接替飭令該員等實力巡防並隨時認真查察如有疏懈偷漏及混行勒索情弊即行嚴參懲辦餘著照所擬辦理又另片奏駐防章京守卡請暫戴花翎等語嗣後派出坐卡章京無花翎者准其於坐卡之日起暫戴花翎差竣仍不准戴用該部知道○又諭德英阿等奏伊犂出征兵丁應賠騎馬匹一摺道光六年征勦逆回由伊犂各營挑派兵丁二千名隨同出征在官廠內調撥馬匹每兵一

名給騎馬馱馬各一匹共給馬四千匹又酌給民遣等馱馬三百三十四匹現經凱撤回營據該將軍等查明各營兵丁原領馬匹由冰嶺行走倍形疲乏且歷時既久倒斃愈多若照例分別銷賠兵力未免拮据加恩著照所請所有伊犁兵丁原領馬四千匹准其於定例騎馬五分准銷外再銷三分照馱馬八分准銷例著律著賠二分其民遣等原領馱馬三百三十四匹均已倒斃應行追賠之處

著全行豁免以示體恤該部知道又諭前因土爾扈特哈屯喇什丕勒呈進駝馬等物備應軍需降旨交理藩院議敘並將伊子盟長汗策登多爾濟賞戴花翎呼恩臣多爾濟賞襲頭等台吉茲據理藩院奏喇什丕勒係蒙古哈屯未便給予加級紀錄請賞給緞匹等語喇什丕勒前此呈進駝馬踴躍急公深堪嘉尚著賞給大緞四匹由喀喇沙爾庫存項下支給伊次子呼恩臣多爾濟並著賞戴

花翎以示恩獎○諭軍機大臣等德英阿等奏查明霍罕在皮斯格克地方祇築土堡並卡外安靜情形一摺霍罕所築之城既據查明祇係土堡且在布魯特境內距那林換防巡邊大路尚有數站自未便過事苛求致啓外夷疑懼惟哈薩克遊牧地方與皮斯格克相距不遠恐其倚恃天朝威勢稍攝釁端伊既係臣服部落設若倉卒求援不應則失於撫綏應之則徒勞兵力不可不豫為籌計德

英阿等當檄諭阿布拉以爾上年經霍罕邀往皮斯格克遊牧並未允從奏明大皇帝嘉爾恭順特頒賞件現在查明霍罕所築土堡原係防範布魯特搶掠而設並無別情又值首逆張格爾就擒諸夷震懾爾當督同部落人等各安生業不可倚恃天朝威力與霍罕及布魯特肇釁生事儻霍罕復以甘言多方引誘亦須堅持定見勿為所愚庶可長守藩封永承恩眷如或約束不嚴致爾屬下人等

與諸夷有構怨之事。在爾等彼此相爭。天朝體制。從不過問。即使事急求援。天朝亦不應以紀律之師。出為爾部落爭勝負之理。特此先行剴切曉諭。爾其懷遵。勿替。毋謂教誡之不豫也。該將軍等當善體此意。傳檄前往。仍須將沿邊卡倫。隨時留心防範。為要。將此諭令知之。○甲戌。旌表守正捐軀河南上蔡縣民張環女杭姐。○乙亥。諭內閣。本日長齡親詣御園恭繳揚威將軍印信。朕御勤政殿行。

抱見禮。見其精神矍鑠。重定邊疆。生擒巨惡。朕喜悅嘉獎之心。實難備述。前已加恩晉錫公爵。並紅寶石帽頂兩團龍補服。雙眼花翎。紫纁。嗣因受俘禮成。復賞換三眼花翎。晉加太保銜。茲當凱旋入覲。告厥成功。允宜再沛恩施。用酬偉績。長齡著賜御用珊瑚朝珠一盤。四團龍補褂一件。並准即行穿用。四團龍補服用。示朕眷念忠勤。懋賞褒功。有加無已之至意。又諭揚威將軍大學士公長齡前。

此奉命專征。聲威遠播。四城迅復。巨惡生擒。從茲永靖邊陲。厥功甚鉅。朕嘉績酬庸。錫封懋賞。而外。並授為御前大臣。以昭榮寵。現值振旅還朝。必思勉奉厥職。惟念長齡年逾七旬。精力雖健。若令照常趨直。翊衛奔馳。轉非所以示優異。長齡著兼御前大臣。不必進內侍直。並無庸辦理該管事件。用示朕體恤耆臣至意。又諭那彥成等奏請簡派換防總兵等語。喀什噶爾准其添設換防總兵一員。

即著舒倫保補授。○又諭那彥成等奏請建設義祠。以慰忠蓋等語。葉爾羌舊城為前任喀什噶爾參贊大臣慶祥之祖義烈公納木扎爾殉節之所。向有義祠。此次業經燒燬。現已另建新城。著仍在舊城建立專祠。春秋致祭。並頒發御筆扁額。以垂久遠。○又諭那彥成等奏酌定回夷難廕章程一摺。喀什噶爾被害伯克之子阿布都熱依特邁買底雅底噶爾邁瑪斯底克吐爾底伊斯瑪依爾等六

人前經降旨賞給五品翎頂著加恩准其作為世職承襲罔替內向無品級之小回子著查明另議至嗣後遇有伯克缺出仍應擇其才具明白辦事可靠者遴選補用不得概以世職充補其應交種地糧賦及阿勒板等項錢文著概行豁免那彥成等即將現定章程繕寫告示頒發西四城徧貼曉諭並著各大臣詳查被難殉節各伯克及小回子分別辦理其各城從逆伯克亦著咨令確查據實懲

辦以昭激勸○又諭那彥成等奏查勘移建新城並設兵情形一摺喀什噶爾滿城前經長齡奏准在喀喇哈依地方改建茲據那彥成等奏新建城垣工程業已全竣其去該處回城二十餘里之七里河為適中之地應分設兵丁形勢方為聯絡著照所請准其於河口築堡設兵六百名並將舊城修葺留兵二百名以資防守至英吉沙爾舊滿城向在回城之內地勢湫隘兵回雜處既多未便且衙

署兵房俱經焚燬與其修復舊城不如擇地另建現在新勘城基距回城不及一里著准其移建俾官兵另居一城一切俱照舊制辦理所需工費即在抄獲叛產內籌撥無庸動支正項○諭軍機大臣等那彥成等奏霍罕遣人投書道喜當經遵旨傳諭該夷使即日撥兵八十名酌給口糧押送卡外不與傳見亦無犒賞等語前據長齡等檄諭霍罕布噶爾罕送逆裔家屬特降諭旨令那彥成到彼

看其若何稟覆具奏辦理乃霍罕於未奉檄諭之先遣人投書嘗試殊為詭詐那彥成等於該夷使到卡時派撥弁兵嚴密防查不准與流寓安集延及本處回子交接亦不准其開包貿易一面遵旨傳諭並未犒賞即行撥兵送出卡外所辦深得大體與朕意相同可嘉之至霍罕每借通市獲利用以恐嚇附近外夷此時惟嚴守卡倫禁絕貿易該大臣等務當遵照前旨妥為辦理其從逆逸犯總責

令布魯特等嚴拏縛送不必派兵出卡達索窮挖至伊薩克現已蓄留髮辮並伊子孫及現充伯克各回子等均願蓄留髮辮情詞真切具見愛戴之忱洵堪嘉獎其賞世職之回子等願留髮辮固屬可嘉若習俗相沿難於驟改亦聽其便所有新建各城應另錫嘉名前已有旨令那彥成將各該處舊有名目一併奏明以便頒給著俟奏到時再行覈定現在那彥成於接見阿奇木伯克阿渾時宣諭

朕意撫綏開導並繕發告示譯寫回字張貼各城所辦甚好發去御筆畫扇一柄扇套一箇香袋四箇著交那彥成祇領以昭眷注將此諭令知之○贈故內大臣賽冲阿太子太師遣散秩大臣一員帶領侍衛十員往奠茶酒賞銀五百兩治喪尋命皇長子奕緯賜奠予祭葬諡襄勤○丙子命大學士托津毋庸兼管理藩院事以大學士威勇公長齡管理藩院事○丁丑諭內閣楊國楨奏請興築南

陽浙川二縣壩工一摺河南南陽郡城東南向有清河一道俗名白河發源於嵩縣之雙雞嶺由南召繞南陽府城下注新野境匯入襄江歷來遷徙靡定近因河勢坐灣頂衝郡城東南角之琉璃橋一帶又南陽府屬之浙川縣城西有丹江一道發源於陝西秦嶺迤邐至浙川繞城下達襄江近因西岸長有沙灘逼溜東趨致東岸日就塌卸水勢浩濶現俱切近城根情形極為險要亟應築壩分別

挑溜抵禦以資保衛據該撫勘明南陽白河北岸應築碎石磨盤等壩十六道又土壩三道亦用碎石拋護估需工料銀一萬五千五百二十五兩零浙川丹江東岸應築碎石磨盤壩十道估需工料銀一萬三千一百七十八兩零此項工程例應民辦惟需費較多民力未逮著照所請准其於司庫徵存睢工加價項下先行借支給領興築即遴委妥幹工員會同該府縣實力趕辦毋許草率偷減事

竣數實報銷其南陽縣所借銀兩除浙川一屬自有應辦工程免攤外著於府屬南陽等十二州縣即按道光九年地糧內限一年均勻攤徵浙川縣地瘠賦少所借銀兩著自道光九年為始於該縣地糧內分作十年攤徵以完原款該部知道以江蘇瓦窯鋪增闢歸江新河工竣賞通判朱楹同知銜餘升敘有差戊寅諭內閣向來朝鮮使臣到京如遇恩賜外藩王公筵宴該使臣等均得入宴

此次回疆用兵大功告成該國王遣陪臣李球等來京慶賀具見惻忱朕甚嘉悅現值長齡凱旋舉行筵宴屆時著該使臣一體入宴
諭軍機大臣等盛京肇基

帝業

橋山具在朕自御極以來無日不以躬親展謁為念現值回疆大功慶成雖於本年遣王恭代祇告尚不足以申忱忱擬於明年秋間恭謁

祖陵並臨莅盛京循例舉行一切典禮惟各處應行修葺工程及關內外道路橋梁均須豫為籌辦著奕顯屠之申察看本年各該省收成若何民力若何有無辦理竭慶之處據實迅速奏聞再降諭旨將此諭令知之又諭慶保奏本年輪應副都統花沙布年班該副都統現已因病出缺新任到粵需時該將軍請屆期來京等語本年班慶保毋庸前來明歲年班著該將軍來京瞻觀將此諭令知

之○又諭此次酌增常例報捐分發人員於本月籤掣各省試用例應引見發往者共一百餘名其例不引見發往人員為數更多此後每月尚有陸續分發之員向例試用期滿該督撫鹽政甄別去留此項捐納試用人員固未便遇事苛求斷不可稍有姑容致滋冗濫著各該督撫鹽政等於該員等到省後留心察看如有不識詩書或限於才識實難稱職者不必拘定年限隨時認真甄覈據實具

奏將此各諭令知之。調密雲副都統興住為廣州漢軍副都統。正藍旗蒙古副都統霍忠武為密雲副都統。以喀什噶爾幫辦大臣蘇清阿為正藍旗蒙古副都統。頒葉爾羌納木扎爾義祠。

御書扁額曰忠貞世篤。己卯。

上詣綺春園問。

皇太后安。諭內閣軍機大臣等會同長齡議覆那彥成等奏增設防兵通盤籌擬一摺。前

因回疆甫經平定。暫添防兵八千名。合之舊設防兵共計一萬餘名。分布各城以資守禦。現在首逆就誅。邊陲安謐。那彥成等體察情形。請於伊犁滿兵及綠營兵內共減兵一千五百名。以節糜費。著照所擬辦理。其喀什噶爾新設總兵著將甘肅涼州鎮總兵一缺改為該處換防總兵。班滿三年由參贊大臣奏請簡派。應行增設副將等官著那彥成等妥議具奏。現任涼州鎮總兵哈豐阿著留於甘

省交該督差委俟有缺出請旨簡放。其涼州鎮營汛即以甘肅莊浪協副將移駐該處。以資統領。並將涼州中營遊擊移駐莊浪。至涼州既改鎮為協。應裁汰額兵一千五百名。分撥甘肅督標及河州鎮標各營。一切事宜著該部行知。陝甘總督照例辦理。至口外換防官兵向係儘陝甘兩省口內外十四標營派撥。從前內地派兵換防故習。大半以衰老充數。到戍後復准告駐一兩班至三班不等。以

致虛糜糧餉。嗣後該管督撫提鎮等務須認真挑派兵丁。內年逾四十者即不准換防。其班滿告駐陋習著永遠禁止。並著參贊大臣等務將派往之換防兵丁加意操演。俾得悉成勁旅。以歸實用。此項換防兵丁三年後應酌減二千名。五年後再減二千名。屆時何城應減若干。或有暫難裁減之處。由參贊大臣等酌量奏辦。現在留防均係前此出征官兵已經三載。著陝甘總督自本年秋季起按照

現定數目分三季派遣前往更替此後仍循五年舊例分三班更換以期經久餘俱照所議行○諭軍機大臣等那彥成等現抵喀什噶爾一切善後事宜自己商有就緒此時楊芳在彼如無應辦之事即著來京陛見後回任供職再喀什噶爾幫辦大臣蘇清阿朕意令其來京所有幫辦大臣一缺著那彥成武隆阿於現留回疆各員內詳加察看有才堪勝任者即秉公據實保奏候旨簡放以便更

替蘇清阿來京並發去御書扁額交該督等於新建納木扎爾義祠懸掛將此由四百里諭令知之○以不入八分公敬敷署鑲白旗漢軍副都統○朝鮮國使臣李球等三人於大紅橋瞻觀○庚辰諭內閣本日戶部議覆倉場侍郎松廷等奏經紀掣欠應賠米石一摺漕糧為天庾正供轉運進倉廩糈民食均關緊要近來經紀掣欠至數千餘石之多均在京城買交若年復一年實於民食有礙嗣

後如何禁止不致浮多之處著該倉場侍郎等妥議章程具奏○又諭前據訥爾經額奏請將江蘇淮安衛守備溫良與安徽新安衛守備傅立綱對調茲兵部查明溫良任內有經徵屯折正耗銀兩未完停其升轉戴罪徵收之案係督催分數錢糧例不准調奏請更正溫良傅立綱著仍撤回各本任以符定例該漕督未將該員不合例事故於摺內聲明交部覈覆率行奏請實屬不合訥爾經額著

交部照例議處○又諭楊遇春奏新疆駐防旗員補署丞倅收令請照例迴避一摺口外府廳州縣等官向由陝甘兩省實缺旗員內揀選調補茲據該督奏稱近年率多以該處駐防年滿之員輒令補署與例不符著照所請嗣後新疆駐防旗員當差年滿經烏魯木齊都統保奏堪膺民社者悉令迴避近地准其咨送口內對品酌量補署不得仍留該處以杜瞻徇而符定制○諭軍機大臣等屠之

申奏逸盜糾眾奪犯拒殺兵役派委臬司前往督辦一摺此案開州知州會營緝拏逸盜既將盜犯季考等擒獲僅距州城七十餘里即應飭令兵役小心管押迅速解回乃該州張良志與都司平保在彼督押竟任聽兵役等中途停歇甚至兵役七人盡皆解衣喫飯致逸盜季丙寅糾眾追及殺傷兵役雖未致竟被奪犯而地方營伍之急玩廢弛於此可見其在逸盜季丙寅家探獲鐵礮鳥槍該匪

等從何而得該護督現已派委署臬司陶樑前往會同審辦務即飭知該委員等究明槍礮來歷如係官存軍器必有鑒明字號即不應落於盜犯之手若非官物又係從何得來必須嚴切根究據實具奏斷不准稍有隱飾至未獲盜犯季丙寅及聽糾奪犯殺傷兵役各犯著即督飭該地方官認真嚴拏務獲按律懲辦勿使一名漏網致干重咎將此諭令知之又諭屠之申奏開州地方逸盜季考

季丙寅二犯經該州訪聞該犯等潛回州屬北遊店地方會營往拏該犯季考持槍拒捕將兵丁李志道扎傷適兵役等追及將季考並幫同拒捕之逸盜馬遂等擒獲季丙寅先已逃逸在其家內探獲鐵礮鳥槍等件該州等督押回州路經保安集地方停歇季丙寅糾邀數十人追至欲行奪犯將管解兵丁扎死拒傷追兵役追捕又用鳥槍傷斃兵丁一人拒傷兵役數人二死九傷實屬目無法紀

現經該州將已獲之季考押解回州等語季丙寅係行劫山東鄒縣錢鋪案內逸盜恐有夥黨在彼潛投藏匿其聽糾拒捕各犯亦恐此拏彼竄開州地方與東豫兩省毗連著琦善楊國楨飭屬一體協拏俾該匪等不致遠颺藏匿至京師五方雜處尤恐該犯等因查拏嚴密潛逸來京並著步軍統領順天府五城各飭所屬細加訪察如有該犯來京在附近地方潛匿者亦即一體嚴拏勿任漏網將

此諭知琦善楊國楨並諭步軍統領順天府五城知之○以前任浙江布政使富呢揚阿署福建布政使○以直隸承辦兵差出力予同知顧汝壽等議敘○辛巳諭內閣前經大學士軍機大臣議覆那彥成奏同疆積弊請加考覈摺內請將西南兩路各城辦事領隊大臣分隸統屬由該將軍都統參贊大臣認真考察如將軍都統參贊大臣有不正己秉公者亦准各城大臣據實奏奏以資維制當

降旨悉照所議本日朕恭閱

皇考仁宗睿皇帝實錄內載嘉慶六年二月奉聖諭向來回疆總辦大臣遇有公事會同協辦領隊大臣等列名具奏其協辦領隊大臣遇有應奏之事亦准專摺密陳烏里雅蘇台塔爾巴哈台兩處應畫一辦理該二處協辦之參贊領隊大臣有應行據實密陳者俱准於請安摺便專摺具奏等因欽此仰見我

皇考整飭邊疆豫垂

成憲曷勝欽服本年所議於北路未經併及所有烏里雅蘇台塔爾巴哈台二處如有應行密奏之事不惟將軍等職司綜領務期秉公覈實不得稍有瞻徇即將軍參贊等如有不法之處該協辦之參贊領隊大臣亦准其據實密奏總期互相維制以重邊陲庶幾仰副

聖訓及朕諄諄申諭之至意○以工部左侍郎李宗瀚為浙江鄉試正考官陝西道御史但

明倫為副考官詹事府詹事胡開益為江西鄉試正考官兵部郎中王貽桂為副考官翰林院編修吳文鎔為湖北鄉試正考官孫瑞珍為副考官○修築浙江上虞縣呂家埠等處臨江柴塘從巡撫劉彬士請也○壬午諭內閣文孚等奏查訊協領於旗民聚賭違例審斷一摺此案步營司協領色卜興額拏獲窩賭犯姦旗民交涉之案並不照例送交刑部及地方官審理輒將罪應擬徒擬枷之犯

僅予責釋。復令犯姦人犯剃髮遊街。又未將領催步甲同賭實情究出。種種錯謬。實屬任性妄為。色卜興額著交部嚴加議處。佐領熙明四品官兼佐領金亮於色卜興額辦案錯謬。隨同畫稿。殊屬不合。俱著交部議處。將軍奕額失察護衛探聽公事。並所屬旗員違例妄斷。且將應擬滿徒枷號人犯率准責釋。而於盛泰遞摺亦未查明。輒稱伊借用驛馬馳遞。均屬不合。奕額著交宗人府議處。府尹威

泰失察車夫犯賭。並門丁囑託公事。亦有應得之咎。著交部議處。至失察賭博之文武各官。著吏部兵部查取職名。照例辦理。嗣後奉天城關等處街市間。如旗民偶有過犯無關罪名者。即由該步營司協領飭拏。報明將軍分別發落。如犯至徒杖罪者。即遵照前奉諭旨分別送交刑部府尹衙門照例審辦。以符定制。○又諭文孚等奏審擬蓋平縣客民鄒士傑控案一摺。此案福珠倫等因蓋平縣額

徵商稅無著。輒任意更改舊章。將繭稅全數著落各蠶戶攤交。殊屬不合。裘紉蘭攤派津貼兵差錢文。訊因該府尹奏明酌派協濟車輛。係仿照各城辦理。惟將無力貧民一律攤派。致招物議。亦有應得之咎。蓋州防守尉升任熊岳協領福珠倫蓋平縣知縣升任遼陽州知州潘彭年。現任蓋州防守尉集成。現署蓋平縣知縣錦州府經歷裘紉蘭俱著交部議處。餘著照所擬完結。至蓋平縣蠶廠現據

文孚等查明。均因各蠶戶圖賣柴薪。並開墾地段。以致出繭既少。商稅有虧。但以商人應納之稅責之蠶戶。而每年仍以商稅全完具報。辦理既未平允。名實亦不相符。並恐復州金州岫巖廳等處應收繭稅亦有似此情形。著盛京將軍奉天府尹一併派委妥員逐細履勘。蠶樹應補植者。飭令補植。田畝應升科者。查報升科。並添雇巡攔飯食腳價。應如何覈實辦理之處。通盤籌畫。妥擬章程具奏。

又諭文孚等奏審擬復州民人許潤堂等呈控知州加增苛派等情一摺此案奉天復州知州李武曾徵收丁地銀米聽民以錢交納官為採買訊因該處陋習相沿尚無侵蝕情事究有不合且於奉文協濟兵差未能通盤籌畫始則按畝派攤並未另款劃辦致涉牽混繼復加派錢文雖尚未收取亦屬辦理不善錯謬之咎實無可辭李武曾著交部議處餘俱照所議完結至該州徵收丁地銀米聽

宣宗實錄

卷一三七

民交納錢文事閱多年官非一任姑從寬免其查叅著奉天府府尹即出示曉諭嗣後均按本色完納如實係零星小戶自願交錢官為採買仍聽其便毋許抑勒折交以杜侵蝕而順輿情盛京將軍奕額奏詳查各卡倫情形並分晰駐守更換章程一邊外三道浪頭等三處卡倫官兵請整年駐守並撥帽爾山卡倫官一員兵十名在三道浪頭放卡小黃溝口等十四處卡倫官兵每年自四月初

宣宗實錄

卷一三七

一坐放至九月底撤回邊內佛小島子等三處卡倫官兵請整年坐放牐牛河等十四處請照舊安設卡倫每年自十月初一坐放至下年三月底撤回一邊外整年坐卡官每員酌加鹽菜銀六兩兵每名四兩邊內整年坐卡官每員加銀三兩兵每名二兩邊外十四處半年卡差官每員加銀二兩兵每名一兩邊內新添十四處卡倫除開枝子溝一卡酌設兵十名責令就近鄰卡代管毋庸設官餘十三處每卡設官一員兵十名官每員應給半年鹽菜銀六兩酌加三兩兵每名應給四兩酌加二兩一每年每季添派密查官四員每員酌給鹽菜銀二十兩一珠魯牐卡地方請添設官一員兵十五名每年於立夏前放卡秋後撤回官每員酌給鹽菜銀八兩兵每名五兩得旨俱著照所議行嗣後該將軍務當遵照此次奏定章程督飭每年出派官兵於邊內外坐放處所實力巡查毋使再有偷

啟偷越情事。儻該官兵等奉行不力。著該將軍查明。據實嚴參。懲辦不可日久生懈。致干咎戾。○癸未

上御同樂園。賜御前大臣侍衛及朝鮮國使臣食。○甲申

上幸萬壽山。詣

廣潤祠拈香。○諭內閣。現在回疆底定。大功告成。在事各員。均已分別施恩。因思斌靜色普徵額二犯。事屬既往。亦可量從末減。用示

法外之仁。斌靜色普徵額俱著加恩釋放。斌靜著交該族長嚴加管束。色普徵額著交該旗都統等嚴加管束。永不敘用。○諭軍機大臣等。德英阿等奏查明道路。籌議情形。一摺。冰嶺迤西。皆係布魯特遊牧。現經德英阿等派令滿多布。前往踏勘。明確伊犁西南卡外各站。接替馬匹。勢所難行。其現通南路之軍臺。向由額魯特遊牧。此時亦難將該處軍臺輕議改設。但既查得此路可以直通烏什。惟

中間七站。係布魯特地方。著那彥成就近酌量實在情形。是否應於無事時。豫為修治。備而不用。抑或竟行封禁。以杜偷越之處。悉心籌度。據實具奏。原摺著鈔寄閱看。將此諭令知之。○長蘆鹽運使阿揚阿。代蘆商奏謝調劑恩得旨。經此次釐剔之後。再無詞可藉。如不能按限清完。年清年款。自問當如何耳。懍之。○除直隸武清縣被水衝坍民田七十一頃三十四畝。有奇額賦。○乙酉

上詣綺春園。問

皇太后安。○諭內閣。國家建立營伍。修明武備。全在平時訓練精熟。方能得用。惟承平日久。各省駐防綠營將弁。不免自耽安逸。諸多廢弛。各該管大員。果能竭力整頓。隨時認真操練。自能使營務日有起色。著通諭各將軍都統。督撫提鎮。於駐防綠旗將弁士卒。督率練習。務期一日有一日之功。一兵有一兵之用。斷不可任其萎靡不振。無裨戰守。經此次訓

敕之後。儻不痛懲惡習。實心振刷。以致兵力漸形軟弱。經朕覺察。定將該管大員。無論現任歷任。一併從重治罪。決不寬恕。該將軍督撫等身受重恩。其各加意策勵。簡練精嚴。以副朕整飭戎行。諄諄誥誡之至意。併著將此旨各錄一通。實貼衙署。或教場。俾觸目警心。日久毋懈。○又諭上年回疆滋事。徵調各處官兵。據長齡楊遇春等奏稱。烏魯木齊駐防官兵。最形軟弱。昨那彥成奏回疆增設防兵摺內。亦稱該處馬隊。弓馬平常。技藝生疏。難期得力。總由該都統領隊大臣等平日因循廢弛。昧良耽逸。不肯隨時整頓所致。本應嚴加懲治。念其事屬已往。非止一人一任。姑免查究。嗣後該都統務當督率領隊。實心實力訓練操防。必期一兵有一兵之用。如仍前毫無起色。恐該都統等不能當此重咎也。並此外各城辦事領隊大臣。俱著一體督飭弁兵勤加操演。悉成勁旅。俾平時可資捍衛。有事

可以折衝。方為不負委任。不可因軍務告竣。又形懈弛。儻有視為具文。仍前怠玩者。經朕查出。或因事顯露。必將該管之員。無論現任歷任。一併從重治罪。決不寬貸。著將此旨實貼衙署。或教場。俾知儆省。日久毋怠。將此通諭知之。○以服闋布政使費丙章為河南布政使。○丙戌。旌表守正捐軀山西榮河縣民孫任娃妻楊氏。○丁亥。諭內閣。訥爾經額等奏本年衛河水淺異常。五月間經琦善專差

道員虔禱

漳神廟。旋即來源旺盛。停積在後各幫船全數督催出閘。

神靈顯佑。寅感實深。著禮部議加封號。並御書對聯。發交該河東河道總督摹製。敬謹懸掛以答。

神貺。○諭軍機大臣等。高孚等奏查湖北已故荆門直隸州知州郎錦駿任內短交正雜各款及盤折倉穀折價。共銀一萬九千三百

四十七兩零。該故員之子郎汝琳曾任良鄉縣知縣。現在尚未到楚。已降旨令屠之。申嚴飭該員迅速前赴湖北。交該督等提同經手。丁書人等質審究追。定擬具奏。該故員原籍係山西代州。應將家產查封備抵。近年州縣虧空倉庫錢糧。動輒盈千累萬。迨至查封資產。該督撫等並不認真查抄。竟有資財少至數兩者。實屬革革從事。蹈官官相護之惡習。此案郎錦駿短交各款。至一萬九千餘兩之

多。自應覈實懲辦。著盧坤將該故員家產嚴密查封備抵。毋得仍前玩視。致有寄頓隱匿之弊。將此諭令知之。○戊子。加山東臨清州漳河神通佑封號。頒

御書對聯曰。交流清濁通雙派。輓粟東南濟萬艘。○己丑。諭軍機大臣等。楊國楨奏接徐忻信稱。四川查辦青蓮教匪。究出夥犯尹正劉日瑚。由西安取道。逃赴河南孟津。渡河北上。當即飭屬於孟津下古鎮地方拏獲。訊明尹

正改名賴克明。劉日瑚改名游順。均係四川華陽縣人。曾拜青蓮教犯楊守一為師。傳習十參四報經語。因楊守一破案。該犯等與同教之方運紅。一同外出躲避。因西安地方川陝人多。恐被識破。改名潛赴河南。方運紅因盤費不敷。並未同來。並據陝西差役齊稱。方運紅徐會先已在陝省拏獲等語。四川新都縣民楊守一。因習教傳徒。編造書詞。惑眾斂錢。業經該省拏獲審辦。其夥犯尹正等膽敢

於破案後。由陝西逃赴河南。恐該省有其黨羽。或尚有同來匪徒。在彼潛匿。惑眾傳徒。謀為不法情事。著楊國楨嚴切根究。夥黨悉行拏獲。毋使一名漏網。並密飭南陽河北兩鎮總兵。不動聲色。嚴密訪查。毋得稍有騷擾。至豫省與安徽毗連。該省素有習教匪徒。此案夥黨。或因查拏嚴緊。逃赴該省。希圖煽惑。亦未可定。並著鄧廷楨派委妥員。密加訪察。毋任藉端騷擾。是為至要。再楊國楨奏片內。於

方運紅犯名並不檢點殊屬粗心著傳旨申飭將此諭知楊國楨並諭鄧廷楨知之庚寅諭內閣御史阿成等奏內倉收米逾限請飭遵照新定條款辦理一摺內倉收貯漕糧限紅單到後十日完竣茲據該御史奏稱本年頭進南糧收倉已逾正限五日難保二進南糧及白糧不再逾限嗣後內倉收米著戶部務照議定章程不准稍逾限制儻再有不遵者該部堂官查明如係該倉監督遲延即

行參處如係該倉書吏花戶勒指延緩即照例嚴懲如旗丁交納遲誤即將該押運官參處毋稍徇縱○命奉天府尹盛泰來京以三品京堂候補以江西按察使興科為奉天府府尹兩淮鹽運使鄭祖琛為江西按察使○調哈密幫辦大臣果勒銘阿為烏嚕木齊領隊大臣烏嚕木齊領隊大臣敦良為哈密幫辦大臣○辛卯遣官祭

火神廟○諭內閣著於八月初七日在正大

光明殿舉行凱旋筵宴所有應行典禮著各該衙門照例豫備以翰林院編修池生春為陝西鄉試正考官內閣中書易長華為副考官刑部右侍郎鍾昌為江南鄉試正考官翰林院編修黃爵滋為副考官士辰上詣綺春園問

皇太后安○諭內閣嚴烺奏請添撥防險銀兩一摺豫省河工例撥銀兩業經動用完竣該河督查明本年黃河疊次長水舊險新工鑲

修甚多懇請循例添撥銀兩以濟工需著照所請准其於河南藩庫添撥銀三十萬兩另款提存司庫如遇必須動用之項即由該河督酌定銀數各行提用務當認真稽覈力加撙節毋任稍有虛糜俟霜降安瀾後統將先後撥過司庫銀兩及各工用銀總數數明奏報如有存餘仍撥還司庫原款該部知道又諭英惠奏查辦軍需報銷完竣並例內節省銀數一摺烏嚕木齊支撥軍需項下共銀

二百四十萬九千二百九十六兩零內除實
用實銷之款共銀一百四萬八千七百四兩
零現已分別造冊咨部覈銷外其由口內派
出官兵按臺按城支領銀糧等項共用銀八
十四萬九千六十二兩零據該都統移咨蘭
州報銷總局將出口官兵銜姓花名按起鈔
錄覈明起止月日是否符合著俟查造到日
另行造冊咨部如覈與定例浮多概行刪除
責成具領將弁及濫應之各臺糧員分賠以

昭覈實至裝糧口袋並製辦鞴鞋布匹藥料
等物共用銀十三萬五千八百八十五兩零
因軍興後商民販運貨物價值昂貴著准其
照依時價據實造報其各糧臺截留支用及
阿克蘇軍需局實收起運糧石據該都統飭
令按照戶部覈准例銷運腳格外節省三成
銀五十五萬八百七十八兩零以一成銀歸
補實用不能實銷各款仍歸入運腳項下造
報其餘二成銀毋庸再行找發俱著移咨蘭

州軍需總局查覈辦理並分案造冊咨部覈
銷其續撤官兵沿途供支一切著另行造冊
咨送陝甘總督覈明題銷又另片奏因公支
用例難開銷各款共應賠銀十七萬七千九
百二十九兩零著加恩准其於劃出節省一
成銀十八萬三千六百二十六兩零內支用
尚有餘贖銀兩著存貯州庫充公並免其造
冊咨部該部知道○又諭英惠奏請將幫辦
軍需之廢員懇恩釋回等語張文浩朱錫爵

俱著不准釋回○以吏部左侍郎凱音布順
天府府尹何凌漢監臨順天鄉試○癸巳以
烏魯木齊承辦軍需糧運出力賞知州海順
花翎餘升擢有差戶部議准江西巡撫韓
文綺疏報新建萬載二縣開墾田十四頃七
十四畝有奇照例升科從之除江蘇丹徒
縣坍荒民田二十一畝有奇額賦甲午以
鑲黃旗蒙古副都統松齡署正白旗蒙古副
都統○命御前侍衛都統威勇侯哈琅阿管

火器營事○乙未諭內閣博啟圖等奏年滿倉官清稟入選請予懲處一摺吉林管檔主事例不補用漢軍人員烏爾登額係漢軍倉官期滿自有升降乃牽綴例案疊次在該將軍等前清稟殊屬不合烏爾登額著交部議處○丙申

上詣

大高殿行禮○還宮○以經理庫車軍糧妥協賞四品伊什罕伯克阿布拉花翎七品伯克

泰來巴海阿散伯爾第等藍翎餘升擢有差○以緝私出力予江西試用縣丞張昆祥儘先補用○准江蘇前任兩廣總督降補主事吳熊光重赴鹿鳴宴賞四品卿銜展緩山東夏津縣被雹災民應徵新舊額賦以孟秋時享

太廟自是日始齋戒三日○丁酉以直隸承辦兵差出力予知府王開雲等議敘○戊戌諭內閣李鴻賓等奏究出命案絞犯捏報留養

審擬更正一摺此案絞犯林一潰捏供丁軍屬令伊弟林亞正賄求鄰保捏結朦朧留養迨經該縣訪拏復行逃逸致伊父林位任被差役催迫欲圖自盡伊弟林亞正起意冒名頂認該督等究出實情仍照原擬定罪審究甚屬認真餘著刑部覈議具奏至前任歸善縣知縣張大凱前此查報不實事後旋即訪聞檢舉並經該員留緝家丁隨同該署縣獲犯審辦著加恩免其議處○福建臺灣道劉

重麟奏臺灣難治情形非內地可比全在地方文武立心公正執法嚴明辦理神速不以事大而存顧慮之私不以事小而萌姑息之念廳縣為親民之官尤宜時出巡察俾總董人等平時無敢欺朦遇事供其任使即有奸匪竊伏立時摘發亦可使聞風斂跡消患未萌得旨以上所論豈止臺灣任州縣者若能如此急公何患民事不理也吁惟得人之難耳又奏各屬如有初終易轍萎靡不振之員

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十七

道光八年戊子秋七月己亥朔享

太廟。

上親詣行禮。○幸圓明園。○詣綺春園問

皇太后安。○諭軍機大臣等。昨據步軍統領衙門奏。拏獲搖鼓賣藥形跡可疑之周正厯等。三起人犯共十六名。皆係黃州府黃安縣人。訊據周正厯等一起。供係五人合夥賣藥治病。鍾克奇等一起。供係十人合夥賣藥。袁志見一起。係該犯與袁大慶及吳姓三人同來等語。該犯等十六名。均籍隸黃安縣。於本年

二月間先後來京。據供三起人犯。各不相識。而騙人之術。不約而同。且據周正厯等五人在步軍統領衙門初供係廣西人。後經辨其語音。嚴加詰訊。始供籍隸湖北黃安。是其行蹤詭秘。必有別情。現據該犯等供出里居親屬。著嵩孚、楊健、遶委妥幹員弁。按照單開各犯親屬里居。查訊該犯等在籍有無習教為匪。及別項不法。負罪潛逃情事。此外有無在他處賣藥治病之人。取具鄰保切結。一面據實由驛覆奏。但不可稍涉張皇。致滋擾累。為要。將此諭令知之。○又諭。昨據步軍統領衙門奏。拏獲形跡可疑之周正厯等三起人犯。訊據周正厯等供。於本年二月間。在籍同金得有、劉士元、鍾泳盛、周正華等五人合夥。由河南光州杞縣蘭陽一路賣藥。誑言看簪環。即知病症。並據金得有供。伊於嘉慶十八年間。曾在河南光州固始商城等處賣藥。即用此術騙人。鍾克奇等供。係鍾克奇為首。邀同

鍾光元、鍾宗泰、鍾宗幅、袁紹林、袁紹柯、袁紹意、袁紹湯、袁志康、鍾直斌等九人合夥賣藥。由河南汴梁衛輝一路來京。袁志見一起。係該犯與袁大慶、吳姓三人一同來京。其二人已往別處賣藥未回。不知去向。並據鍾宗泰供。伊於嘉慶十七年間。在陝西商州山陽縣中村。承領監生梅勝福資本。與伊戚姚盛烈合夥開設布匹燒鍋店鋪。二十二年拆夥回楚。次年始改業賣藥等語。河南陝西前此皆據四川省咨緝青蓮教內逸犯。此案周正厯等同時外出。結夥由河南一帶來京。行蹤詭秘。焉知非負罪潛逃之犯。前此陝豫所獲犯內。有無供稱籍隸廣西。曾經問明開釋之犯。著楊國楨將該犯在豫省各處賣藥治病情形。細加察訪。有無煽惑情事。切實查明。並著徐忻將鍾宗泰在山陽縣中村地方承領監生梅勝福資本。與伊戚姚盛烈夥開店鋪。有無其事。是否確知其人。各取切結。據實由驛

覆奏。將此各諭令知之。○命京營右翼總兵福泰。毋庸兼鑾儀衛鑾儀使。以乾清門侍衛聯順為鑾儀使。仍在乾清門侍衛上行走。○庚子。諭內閣。我朝肇基東土。

橋山弓劍。

謨烈昭垂。自

祖

宗以來。祇修謁

陵鉅典。

皇考仁宗睿皇帝臨御二十五年。曾兩次

躬詣陪都。恭謁

祖陵。朕寅承

統緒。已經八載。無日不以躬親展謁為念。現在

回疆大功慶成。雖於本年遣王恭代祇告。尚不足以申悃忱。特涓吉於明年八月十六日。

恭奉

皇太后安輿。自京啓鑾。由山海關一帶。前赴盛

京。恭謁

三陵。所有一切典禮事宜。著各該衙門照例敬謹豫備。此次巡幸盛京。與每年展謁

東陵

西陵無異。各該地方官承辦差務。總當仰體朕意。力從節省。屏絕繁文。所有橋梁道路。止須修墊平坦。以利邁行。其各處應修工程。均著照舊略為修葺。儻仍有前項踵事增華。致滋糜費虛文之事。朕必重懲不貸。至向來辦理大差。往往以供應為名。藉端擾累。著概行禁

止。將此通諭知之。○又諭。前派李宗瀚恭送玉牒。前往盛京。現在李宗瀚已出試差。著改派穆彰阿前往。並著沿途查看各該處行宮橋梁道路。○又諭。前因御史阿成等奏。內倉收米逾限。降旨令戶部遵照議定章程辦理。茲據戶部查覈。此次該倉收米。尚無弊竇。嗣後著嚴飭該監督。務遵照議定章程。迅速驗收。毋稍逾限。並嚴禁書役人等。無得勒指延緩。如稍有弊端。立即叅辦。並著倉場衙門於給

發紅單時。務按新定條款。嚴催弁丁。將文冊席片米樣。一同投交。毋得前後參差延緩。致干叅處。○又諭。松廷等議奏。經紀掣欠逾額。章程一摺。前因近來經紀掣欠米石過多。諭令該倉場侍郎妥議。章程具奏。茲據奏從前掣欠逾額之米。均經戶部咨准。令該經紀等折交銀兩。著照所議。准將掣欠在額內者。仍照收買餘米例。其掣欠逾額者。援照歷次成案。比照市價。議增五成。令其折價交銀。每年全漕完竣後。由大通橋監督。覈明額內額外數目報部。自漕糧進倉完竣之日起。至次年二三月止。統限六箇月。將應交銀兩。一律完結。並令坐糧廳監督。按限督催。如逾限不完。即將所欠之經紀指名交刑部治罪。其家產查抄備抵。所有督催不力之坐糧廳滿漢監督。一併查明交部議處。除此次逾額之米。仍照原議起限三箇月完交外。嗣後著照新定章程辦理。○諭軍機大臣等。據奕額等覆奏。

盛京現在情形。於辦理巡幸事宜。恐不無竭蹶一摺。前降諭旨。擬於明年秋間恭謁祖陵。並臨蒞盛京。今該將軍等察看收成民力。若何。原以盛京為我朝發祥之地。橋山具在。慕切羹牆。八載之中。無時或釋。允宜祇遵成憲。虔申叩謁。茲據該將軍等奏稱。奉天本年收成。尚難豫定。民間蓋藏無多。物價漸致昂貴。且連年俱有供應差役。所奏自是實在情形。然必欲待連歲豐收。又無別項差役。方可前往。即使盛京能然。又恐直隸稍有不便。若俟兩省屢獲有秋。連年均無事故。是又不可期必之事。恭謁大典。豈容日久稽遲。朕意已定。明年秋間親詣舉行。惟一切務當節減從宜辦理。所有各處應修工程。止宜照舊略為修葺。不得稍事華靡。其黃旗堡等三處。向係安設大營。著毋庸添建行宮。巨流河河神廟內。亦毋庸添建備用房。以省糜費。至

橋梁道路。應於何處搭架修治。著該將軍等詳加查勘。總期簡便得宜。酌量妥辦。不可過勞民力。方為至善。將此諭令知之。○武備院卿福德。年老休致。以江西廣鏡九南道克蒙額為武備院卿。○辛丑。諭內閣。禧恩等奏。承修

文廟碑亭工程。查勘情形。分別酌議。一摺。現當大雨時行。購辦大件石料。人力難施。著俟交冬令。即將石料趁時採運。明歲仲春致祭

後。擇吉興修。其現擬

大成殿前西南隅建亭地。址舊有大柏樹一株。有礙亭座。著移於

大成門外西南隅建立。至拉運石料。工部按照定例估算。實屬不敷。著援照各工拉運大件石料。遞加驟掛之例。覈給。工竣咨部據實報銷。所有原估大臣王引之。顧臬。並未詳悉。聲叙。殊屬草率。著交部議處。○又諭。前因伊薩克實心出力。忠勤可嘉。諭令那彥成等看

其能否堪勝幫辦大臣之任。據實覆奏。茲據奏。伊薩克遇事奮勉。頗具忠誠。其才實屬可用。伊薩克著即以喀什噶爾阿奇木伯克。加恩作為該處幫辦大臣。仍照伊斯坦達爾幫辦之例。一切營制軍民交涉事件。不准干預。凡遇回務與邊外各事宜。准其會銜具奏。名列幫辦大臣之次。以示優獎。至土爾扈特汗前因西四城軍興。協濟蒙古兵丁。打仗出力。恭順可嘉。近已有旨。加恩將策登多爾濟。並

其弟台吉呼思臣多爾濟。均賞花翎。又另摺奏。和闐幫辦大臣富盛阿。年力漸衰。辦事不洽。輿情。富盛阿著以原品休致。該員曾經出師著績。著兵部照例覈辦。○又諭。那彥成等奏。敬陳回疆歷年補放伯克積弊。擬定章程一摺。所議甚屬周妥。定例各城大小伯克缺出。由本城大臣擬定正陪。咨送喀什噶爾夾贊大臣驗放。分別奏咨。現據那彥成等查明。從前伯克缺出。往往有賄囑營謀等弊。積

習相沿。回民受累。現在回疆底定。首重撫綏。欲戢眾心。先清弊竇。自應明定章程。以垂久遠。著照所議。嗣後各城三品至五品伯克缺出。由本城大臣查明。先儘出力受傷或家口被害之人。次儘死事人之子孫。次儘出力世家。並視其人才能否辦事。逐細聲明。照內地體制。造具四柱清冊。一勞績。二資格。三人才。四家世。填註事實。出具切實考語。將應升應補之人。開列四五員。咨送參贊大臣驗看。其應升之員。亦定為歷俸三年之例。俸滿者方准保送。如有朦混不清。即行駁查。如果覆覈無異。即照各城大臣原送考語。開單奏請補放。此後該伯克犯有公過。與原保大臣無涉。若有擾累回眾。或將已革陋規改易名目。斂錢肥己等事。一經發覺。即將原保大臣嚴加議處。其六七品伯克及金頂回子缺出。由各城大臣詳加遴選。查明俸滿應升及應補之人。亦造四柱清冊。酌保三四員。咨送參贊大

臣驗放。毋庸具奏。仍咨明理藩院查覈。此外回子工匠及阿奇木家人。並在京為奴遇赦釋回之回子。均因通曉漢話。充當通事。各城辦事大臣。以其當差熟識。或瞻徇情面。遂至違例升用伯克。此輩出入衙門。內外串通。遇事滋擾。著於現在伯克內查明。如有曾充工匠家人。及有罪赦回之犯。有已放伯克之人。即行斥退。以後此等出身之回子充當通事。不准升補伯克。至各城阿奇木伯克伊什罕伯克。都管伯克。均有經管糧賦差徭之責。一切苛派弊竇。皆出其手。乾隆年間舊例。大伯克迴避本城。小伯克迴避本莊。近來阿奇木伯克多用本城回子。小伯克以本莊之人。辦本莊之事。該伯克等情形熟悉。剝削尤甚。嗣後升補各城阿奇木伊什罕都管等伯克。迴避本城。五六七品伯克。迴避本莊。如有朦混錯誤補放者。理藩院查出。照例請旨交部議處。該參贊大臣仍隨時密訪。如有前項各弊。

嚴行參奏。從重辦理。以昭炯戒。至舊制英吉沙爾屬於喀什噶爾。和闐屬於葉爾羌。屬城與本城著一律迴避。該衙門知道。○欽差大臣那彥成等奏。請裁喀什噶爾副將一員。添設遊擊一員。都司三員。守備六員。千總十一員。把總二十員。外委二十六員。添設英吉沙爾守備把總外委各一員。裁葉爾羌副將遊擊都司各一員。改設參將一員。添設守備二員。千總一員。把總二員。外委三員。裁阿克蘇遊擊二員。改設參將一員。添設都司一員。守備二員。千總把總各一員。外委三員。裁烏什參將守備各一員。改設副將一員。添設都司一員。把總二員。外委四員。得旨。此項換防人員。每屆班期。著陝甘總督於陝甘兩省酌派實缺人員一半。其餘於候補各員內。或品級較小之員。擇其才技堪以造就者。給與委牌。令其統帶該屬兵丁出口。到防後。再有不敷。由參贊大臣及各城大臣按缺委署。照例咨

部。其各城現應凱撤各兵。俱著照所議辦理。該部知道。○調伊犁領隊大臣孝順岱。為和闐幫辦領隊大臣。賞三等侍衛貴成。頭等侍衛。為伊犁領隊大臣。○修浙江仁和海寧二州縣東西兩塘柴坦各工。從巡撫劉彬士請也。○壬寅。諭內閣。前據李鴻賓等奏。廣東歸善縣緞犯林一瀆。捏供丁單。賄求鄰保捏結。朦朧留養。該縣知縣。前此查報不實。事後訪聞檢舉。且已獲犯究辦。是以加恩免其議處。試思該犯現有弟兄四五人。尚能捏報單丁。足見外省書吏。無弊不作。深堪痛恨。嗣後各省審擬命盜軍流各犯。或據犯供親老丁單。務當認真確查。實係獨子。方准查辦留養。其鄰保族長。必須取具切實甘結。勿許稍有假捏情事。儻承審之員。不能查訊明確。受其朦混。甚至該犯賄求捏結。毫無聞見。一經發覺。不但將承審州縣。及審轉道府臬司各員嚴加懲處。並將失察之該督撫一併處分。決不

寬貸。將此通諭知之。○又諭屠之申奏。查明開州逸盜糾夥拒捕一案。就現獲夥犯研鞫大概情形。請將疏脫首犯之地方文武。摘去頂帶。責成嚴緝一摺。此案開州知州會營緝拏逸盜。既將盜犯季考等擒獲。乃於中途任聽兵丁散行停歇。致逸盜季丙寅糾眾拒捕奪犯。又不能將首夥各犯全行拏獲。實屬咎無可辭。開州知州張良志。開州營都司平保千總高振德。均著摘去頂帶。責令緝拏未獲盜犯季丙寅。及糾眾奪犯殺傷兵役各犯。務獲勿使一名漏網。並著該護督將現獲各犯。嚴切根究。有無別項為匪不法情事。審明按律定擬具奏。○癸卯。

上幸靜明園詣

龍神廟拈香。○諭內閣。朕恭閱

皇考仁宗睿皇帝實錄。內載嘉慶七年四月奉聖諭。國家設官。內外各有體制。督撫身任封疆。自司道而下。皆係幫同辦事之人。至署中一

切案牘。自有幕友襄理。若由部院簡放督撫者。皆得各帶所屬司員前往辦事。恐司員等揣知該堂官堪膺外擢。豫為趨奉。一經簡放督撫。即可帶往辦事。補用道府。易啓屬官營求之弊。亦不可不防其漸。嗣後在京部院大臣。除有兵差審案等事。仍准隨帶司員外。其簡放督撫及署理督撫者。不准請帶御史。即所屬官員。亦均不准奏請隨帶。如有違例陳請者。即當交部議處。以肅政體而杜弊端。將此通諭知之。欽此。仰見我

皇考整飭官方。杜絕夤緣之至意。曷勝欽服。必當恪遵。

聖訓。永遠奉行。因思上年蔣攸銑簡放兩江總督。奏請隨帶刑部司員王瑞徵前往差委。俟有相當知府缺出。酌量奏補。彼時雖准所請。究與

皇考前降

諭旨不符。且人才隨地皆堪任用。豈必需隨帶

之員方足以資治理。王瑞徵著即撤任回京。仍在原衙門行走。嗣後在京部院大臣簡放督撫及署理督撫者俱著遵照舊章。不准奏帶所屬官員以符定制。違者朕必重加懲處不貸。○又諭鄧廷楨奏奏相驗不實。延不提解要證之知縣請革職審辦一摺。安徽婺源縣知縣朱元理於逆倫重案先犯服毒身死。輒將先後相驗捏為同日報驗通詳。現據屍親指控該縣刑件有諱傷捏報情弊。經該撫

飭司屢提要證延不解省。必須徹底根究。以免冤縱。朱元理著革職。交該撫飭提屍棺。詳加檢驗。並嚴拏要證黃添喜等務獲。嚴審確情。按律定擬具奏。尋奏黃時進毆死嗣母黃程氏屬實。律應凌遲處死。已被該族長黃添喜等毒斃。仍照例戮屍梟示。黃添喜將該犯拏獲時並不送官。輒將黃時進毒斃。合依尊長擅殺應死罪人律杖一百。已革知縣朱元理審辦逆倫重案種種錯誤。按律應予杖徒。

下部議從之。○甲辰江南河道總督張井等奏報伏汛安瀾。黃運各工搶護平穩。洪湖水勢接漲。現籌減洩。竭力防範。得旨加意防守。斷不可致長隄有意外之虞。至啓壩放水尤當審度。不至萬不得已。守為正辦。○朝鮮國王李琮遣使表賀平定回疆。並謝頒給敕書恩。恭進方物。命賞收賀貢。其謝恩貢物留抵下次正貢。宴賚如例。○以翰林院編修張日晟為河南鄉試正考官。戶部主事劉夢蘭為

副考官。國子監祭酒何彤然為山東鄉試正考官。翰林院編修帥方蔚為副考官。編修吳式敏為山西鄉試正考官。繼志為副考官。○以辦理兵差出力。予河南道員蔣明允等議叙有差。○乙巳諭內閣。惠瑞奏請酌給馳驛員弁經過首站廩糧一摺。盛京兵部所轄五路驛站。凡遇自京馳驛前往各項差務經過。俱照勘合火牌。應付車馬廩糧。惟盛京首驛。僅止應付車馬。不給廩糧。事涉兩歧。著照所

請嗣後凡馳驛經過盛京首驛之官員兵役除照票應付車馬外。按依各驛之例一體給予廩糧以歸畫一。如係自奉天省城馳驛赴京各項差務及差竣抵省者。於盛京首驛仍照舊章辦理。該部知道。○以工部左侍郎奕經署步軍統領。○旌表守正捐軀安徽六安州民馮有緒妻馮氏。河南太康縣民斬正倫女軒氏。○丙午。

上詣綺春園問

皇太后安。○諭內閣。朕聞乾清門侍衛恩緒有打死家人之案。經步軍統領衙門咨交刑部審辦。自應將現訊大概情形。先行據實陳奏。且恩緒係世襲二等男。充乾清門頭等侍衛。曾賞副都統銜。與大員無異。乃託病在家。任情酷虐。毆斃家人。或竟有致死別情。實屬膽大不堪。何以遲至二十餘日之久。屢經該部奏事。並無一字陳及。著刑部堂官明白回奏。○又諭。陶澍奏審明控爭灘地一摺。此案孫

景韶等前在海州報買灣大等港下則新淤地畝。該地與官蕩毗連。屢經爭控查勘。茲據該撫查明。葦營官蕩生長柴薪。有裨工用。若召變歸民。轉恐工料昂貴。請照案退地歸營。所有孫景韶等前買新淤共八百六十六項。零著即盡行退出歸公。撥還原價給領。追照塗銷。至原文召變新淤。尚有間雜灘租老糧地。並周殿華等價買共地九百餘頃。該撫即飭令勘明辦理。餘照所議完結。該部知道。○

以戶部右侍郎李宗昉管國子監事。○丁未。諭內閣。本日刑部將恩緒毆斃家人之案。遲延緣由。遵旨明白回奏。恩緒係乾清門行走之員。輒任性毆斃家人。如果自行檢舉。據實陳明。朕亦不過交部照例辦理。乃恩緒託病在家。不肯先行陳奏。刑部於步軍統領衙門咨交之後。亦無一字奏及。以致案情不能上達。顯係恩緒巧為彌縫地步。膽大已極。實屬可惡。不可不嚴加懲創。恩緒著革去副都統

街頭等待衛。逐出乾清門。即著御前大臣軍機大臣傳伊至奏事門外。重責四十板。加恩留其世職。回旗當差。交該都統等嚴行管束。儻敢再滋事端。著即據實奏。朕必從重懲辦。至御前大臣於恩緒託病不出。不即查明。奏實屬疏忽。著傳旨申飭。刑部堂官於此等案件。應即先行陳奏。迅速審明定擬。乃瞻顧遲延至二十餘日之久。設遇有關係較重之事。亦復如此延宕。成何政體。刑部堂官俱

著交部議處。○又諭昇寅等奏查明將軍副都統互相參揭各款。分別定擬一摺。此案慶山。噶普唐阿。身任大員。輒因意見不合。挾忿撫拾。互訐不休。均失大臣體制。其互參款內。據昇寅等查訊明確。該協領等於私扣私借庫貯馬匹各重款。實無浮冒侵蝕。即慶山亦無侵吞情事。惟慶山查驗富雲患病屬實。輒於軍政冊內填註考語。朦混咨部。是其咎所應得。噶普唐阿錯誤傳鈔諭旨。已非尋常疏

忽。且黃夜傳馬。業經奉旨嚴議。輒復具摺捏辦。希圖規避。尤屬狡飾。慶山。噶普唐阿。俱著交部嚴加議處。即行來京聽候部議。協領科普通武。阿呢揚阿。多倫布。阿璽達。扎隆阿。於私扣各款。雖非侵蝕入己。惟未經呈明立案。究屬不合。俱著交部議處。其私幫私借各款。著永遠飭禁。尋議上。得旨。慶山著降三級。加恩賞給二等侍衛。噶普唐阿著革職。○又諭昇寅等奏。籌議調劑寧夏滿兵事宜一摺。甘

肅寧夏滿兵。舊有私幫私借二款。現經昇寅等查明飭禁。該營幫差公項不敷。自應量為調劑。著照所議。於通益庫現存馬價銀內。提借銀二萬兩。交寧夏府發商按年一分生息。每年可得息銀二千兩。以五百兩歸還原款。以一千五百兩加幫差務。俾免苦累。至該處滿兵。除月支錢糧外。別無生計。情形不免竭蹶。著加恩照綠營豫支餉銀成案。於每年歲底。豫支次年餉銀一萬一千三百四十四兩。

按馬甲二千二百名。每名借給銀四兩。步兵養育兵匠役一千二百七十二名。每名借給銀二兩。於次年二月至十一月。按十箇月扣還。該署將軍即將生息項下應行加幫差務各款。逐一詳覈咨部立案。以便年終報銷。其豫支餉銀。著咨會陝甘總督。自本年年底為始。遵照辦理。仍俟生息馬價歸款後。即由馬價項下借給。將豫支餉銀停止。該部知道。○河東河道總督嚴烺奏請借款挑辦山東運

河廳屬濟城塘河積土。允之。○以熱河都統英和為寧夏將軍。吉林協領伊勒東阿為寧夏副都統。前任熱河都統昇寅為熱河都統。○以禮部尚書松筠署熱河都統。都察院左都御史那清安署禮部尚書。協辦大學士理藩院尚書富俊署鑲白旗滿洲都統。○戊申。孝懿仁皇后忌辰。遣官祭。

景陵。○諭內閣。前派松筠恭送王牒前往盛京。現在松筠署理熱河都統。著改

派裕恩前往。○己酉。諭內閣。松筠奏請將未完交項。以都統養廉全行扣繳一摺。松筠前於嘉慶四年。在陝甘總督任內。借用養廉銀兩。除陸續扣還。及奉

恩旨賞免外。尚未完銀八千兩。又道光二年。管理崇文門稅務。分賠銀兩。除措繳外。尚未完銀一萬三千餘兩。茲據奏請以每年應得都統養廉全行坐扣。陸續完款。松筠宣力中外。歷有年所。其操守廉潔。朕所深知。所有前二項共應交銀二萬一千餘兩。著加恩全行寬免。以示朕體恤耆臣至意。○旌表守正捐軀河南商邱縣民王太和妻張氏。湖北隨州民潘玉林妻田氏。○庚戌。諭內閣。吏部奏請將刑部堂官照例各降二級留任。不准抵銷。著依議行。此案刑部堂官。於恩緒毆斃家人一案。瞻顧遲延。前此回奏摺內。含混聲敘。顯有不實不盡。朕若欽派王大臣切實根究。何難水落石出。現在案尚未結。於罪名亦無關出

入該堂官等業經懲處。不值深究。試思恩緒年幼無知。性情乖張。凌虐家丁。若使刑部於咨交後即行奏明。朕亦不過交部照例辦理。乃遲至二十餘日之久。並無一字奏及。皆由該堂官不能督飭司員勤敏辦事。以至於此。刑部為刑名總匯。似此瞻顧宕延。必至顛倒是非。難成信讞。流弊殆不可問。是該堂官已屬辜恩弱職。嗣後該部審辦案件。務當督率司員認真訊辦。期得實情。應奏即趕緊具奏。

不許稍涉顛預。僅仍有延宕瞻徇情事。經朕查出。或科道糾參。朕必將該堂官從重治罪。決不寬貸。○又諭楊遇春奏請減金廠人夫一摺。甘肅敦煌縣沙州金廠。開於乾隆年間。廠夫定額二千名。嗣於嘉慶年間。因廠金微細。奏准減夫六百名。留夫一千四百名。採挖抽課。茲據該督奏稱。自減夫以後。迄今又將二十年。礦老金微。情形更非昔比。本年開廠。商夫畏累不前。招募不能足額。懇請再行覈

減。著照所請。准其再減夫四百名。以一千名定為正額。該督即飭該縣會同廠員。趕緊募夫。督率開採。務期課項覈實。毋許稍有短絀。該部知道。○又諭楊遇春奏請留推升都司一摺。甘肅迪化城守營守備賈芳。業經推升貴州仁懷營都司。該員並無出征勞績。茲回疆軍務已竣。亦無必須該員一手經理之事。賈芳著仍照部推升補貴州仁懷營都司。飭令赴部引見。該督請將賈芳仍留烏魯木齊

提屬差遣。遇有相當都司缺出。請補之處。著不准行。○又諭傅啓圖等奏查獲偷挖鹿窖人犯。審明辦理一摺。此案佐領富勒東阿等。在松花江之東岸一帶禁山內。查出鹿窖十五處。緝獲人犯十名。富勒東阿。陽森保俱著交部議敘。嗣後即責成派出員弁。嚴密稽查。如有挖窖偷牲人犯。立即嚴拏懲辦。毋稍疏懈。○補製陝西固原提標五營並延綏鎮各營軍械。從總督楊遇春請也。○辛亥。禮部奏

八月初十日

萬壽節。應行禮儀。得旨。照例行禮。停止筵宴。○
壬子。

上詣綺春園問

皇太后安。○御勤政殿聽政。○諭軍機大臣等。
本日有人陳奏。江蘇武進縣東安鎮地方。訟
棍莊午可。盤踞鄉隅。把持公事。上年該地方
有爭奪地畝。傷斃人命一案。該縣下鄉相驗。
莊午可即挑唆事主。將該縣拘開祠堂。逼寫

屍格傷單。並勒蓋印信。該縣茫無主見。竟照
依填寫。因未帶印信。勒印手模。始能脫身。回
署。後委員拘提。莊午可抗不到案。該縣遂延
訪教師。並招致竊賊。隨同差役。潛往。誤拏莊
午可之弟。致莊午可乘間鳴鑼聚眾。轉將差
役縛禁凌虐。並將竊賊扣住挾制。經該役等
再四哀求。許還伊弟。始行釋放。至今該縣竟
未能將莊午可等拏獲一犯。而爭地斃命一
案。亦尚未審有端倪。並聞該縣周錡。素好紛

華。癖嗜鴉片。並時赴佐貳衙門挾妓飲酒等
語。知縣身膺民社。既未能將地方訟棍。先事
查拏懲辦。迨因案赴鄉相驗。轉被拘禁。聽從
勒寫屍格。况緝捕人犯。自有差役。何至延訪
教師。潛用竊賊。尤為紕繆。著蔣攸銑。陶澍。即
查此案。訟棍莊午可等。犯曾否就獲。何敢公
然將該縣拘禁。勒寫屍格。該縣何至用教師
竊賊。隨同差役。緝犯。是否尚有別情。如莊午
可等。迄未就獲。即委幹員迅速查拏。究訊確

情。嚴行懲辦。並著該督等。密加察訪。該縣周
錡。平日辦事如何。如果有癖嗜鴉片。時與佐
貳挾妓飲酒之事。即行據實嚴叅。勿得瞻徇
回護。將此諭令知之。○又諭。據彭浚奏。稱盛
京邊外新添戶口。至二三萬之多。盡係種地
謀生。誠恐占種官荒。日積日多。驅逐不易。請
飭嚴禁等語。盛京為我朝根本之地。風氣素
淳。近來流民趨之若鶩。占種官荒。漸致因此
滋訟。不可不加以禁止。該處流民。惟由直隸

山東前往者居多。與其驅逐於出關之後。不若豫禁於遷徙之時。著屠之申。琦善悉心籌議。應如何豫行曉諭。勿致輕離故土。並於天津登萊青各府屬州縣海口。除商賈海船通行無禁外。如有二三十小船。可以徑渡至瀋陽處所。如何設立條規。嚴行禁阻。詳籌妥議。據實具奏。將此諭令知之。○以通政使司副使吳椿為光祿寺卿。○命加烏魯木齊巴里坤古城吐魯番塔爾巴哈台領隊大臣養廉銀

各二百兩。○癸丑中元節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后陵寢。○遣官祭

端慧皇太子園寢。○諭內閣御史常恆昌奏直隸豫東交界地方。匪徒時出滋擾。請飭議會緝章程一摺。直隸大名與山東曹州河南

衛輝各府屬地方。境壤參錯。三省毗連。向為通逃淵藪。總由於地方官各存此疆爾界之心。致宵小易於潛匿。即如本年開州逸盜季丙寅在彼潛藏。一經官兵掩捕。輒敢持械抗拒。復糾集匪徒。中途奪犯。殺傷官兵。若該管地方文武各官。當時不分畛域。一體截擊。何致竄逸無迹。至今未能就獲。著直隸山東河南各督撫於各該省毗連扼要地方。妥議會緝章程。並各嚴飭該管文武員弁。平時則認

真查察。遇事則協力擒捕。無得互相推諉。務期經久遵行。至前此飭拏之逸盜李丙寅等。現已一月有餘。尚未將首犯弋獲。殊屬延玩。該匪等膽敢於幾輔地方。糾眾奪犯。傷斃官兵。目無法紀。已極。斷難任其日久稽誅。屠之申琦善。楊國楨。務即嚴飭所屬。一體勒限迅速查拏。務獲。無得稍形疏懈。致干咎戾。○賞休致和闡幫辦大臣富盛阿全俸。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十八

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十九

監生陳鳳章等因自撰是法官太不保保人關大崇文大湖關防等管理七部事務二書院內傳抄死字阮家士忠官順天府尹事務各等事加五批紀錄十八次臣等核議該官經受職官吏部內書院監生陳鳳章等管理七部事務大崇文大湖關內
七倉大臣穆麟等因四庫事務各加一級隨帶加一級軍功加三級紀錄五次臣等核議該官文湖關提舉關事兵部尚書總管
內務府大臣僕臣福滿等因乾隆皇帝上倉大臣管理吏部兵部銀庫正具該官等 家事官自國八庫庫務提督辦理七部事務太
書院內傳抄死字阮家士忠官順天府尹事務各等事加五批紀錄十八次臣等核議該官經受職官吏部內書院監生陳鳳章等管理七部事務大崇文大湖關內

救修

道光八年戊子七月甲寅諭內閣那清安等

奏查明都察院及步軍統領衙門咨交各處
逾限未結各案彙叅覈辦並開具清單呈覽
著交吏部查明承審逾限各督撫將軍都統
府尹鹽政及委審各員分別議處其未結各
案著各督撫等迅速審辦完結毋許任意懸
宕干咎○又諭陶澍奏三次清查案內提補
銀兩請每年酌減提解一摺江蘇省三次清
查案內無著銀兩前經議定章程每年酌提
羨餘彌補嗣因被災之年州縣羨餘無出不

能一律派提。經該撫奏明。准其展限提解。茲屆應行提補之期。據該撫查明。江寧藩司所屬。每年應提羨餘銀二萬三千三百兩。蘇州藩司所屬。每年應提羨餘銀六萬兩。適當連年積歉之後。元氣未復。拖欠尚多。蠲緩歲所常有。與其剋期提補。徒滋弊端。莫若減數緩提。較有實濟。著照所請。准其自道光八年為始。按照原數。酌定三分之一。江寧藩司所屬。每年提補銀七千七百六十六兩零。蘇州藩

司所屬。每年提補銀二萬兩。如遇極歉之年。仍照奏定章程。准其展限提解。該部知道。○刑部奏。審明副都統銜頭等侍衛世襲男爵恩緒。毆死孫世路一案。定擬請旨。得旨。恩緒前已革去副都統銜。頭等侍衛。退出乾清門。仍留世職。本日刑部結案摺內。請將伊世職降調。交兵部辦理之處。著無庸議。○乙卯。諭內閣。前因七品以下人員。違例借用素金帽頂。應嚴行禁止。諭令大學士九卿詳查妥議。

茲據奏。查明歷屆改定章程。至嘉慶五年議准後。分別詳備。實足以示區別。而辨等威。所有七品用素金頂。八品用陰文鏤花金頂。九品未入流。用陽文鏤花金頂。及由進士舉人出身。除授八九品小京官教職者。仍用進士舉人頂帶。其由進士舉人出身。降補佐雜等官者。各照現任品級戴用。其大銜借補小秩者。各照本銜戴用各條。俱著照嘉慶五年原議。分別遵行。至舉人一項。應照七品官例。戴

素金頂。貢生一項。應照八品官例。用陰文鏤花金頂。毋庸更用銀托。生員監生。仍戴用銀頂。武職八品以下。頂帶與文職同。俱著照所議。畫一辦理。並著通諭內外各衙門。申明例禁。務當實力稽查。行之久遠。在京文武各員弁。責成該部院寺各堂官。及步軍統領。各將所屬隨時查察。毋得視為具文。外省文武。由吏兵二部行文各該省將軍都統督撫提鎮。認真查辦。生監等責成國子監堂官及直省

學政。嚴切曉諭。俱著勒限半年。一體更換。如再有違例僭用者。一經發覺。即著照違制律。嚴行叅究。儻該管官失於查察。意存容隱。著科道據實糾叅。定將該管官一併交部議處。其有無職人員。妄用頂帶者。並著一律查禁。以肅功令。○又諭盧坤奏請調陝西撫標弁兵來晉教演陣式等語。所辦甚好。山西省營兵。據盧坤奏稱。擬令演習速戰陣式。所需臺礮。現已捐貲於陝西製辦。解往備用。惟操練之法。晉省將備。向未諳習。必須熟悉員弁。教演方能得力。著徐忻即於陝西撫標內。選派諳悉速戰陣式之千把總二三員。並著帶演放臺礮兵丁數名。飭令赴晉教演。俾資學習。俟省標弁兵操演純熟。再行分撥太原大同兩鎮各營。一律照演。其所調弁兵。著於晉省兵丁熟悉後。即令仍回原營當差。○丙辰。諭內閣。御史吳敬恆奏。戕官重犯。逾年未獲。請嚴飭勒緝一摺。緞匹庫員外郎富瑾。於道光

六年十二月。被戕身死。正兇無獲。例限已逾。前經刑部奏明。降旨飭緝。至今又經一載。前後扣限。將屆二年。尚未獲案。實屬延玩。所有該管衙門承緝各員。俱著該部查取職名。照例議處。至此案兇犯戕斃職官。情節甚重。斷不可任其漏網。仍著步軍統領。順天府。五城一體嚴拏。務獲究辦。毋再宕延。○湖南綏靖鎮總兵官巴呢音泰。年老休致。以福建福州城守營副將徐錫。為綏靖鎮總兵官。○旌表守正被戕陝西紫陽縣民洪啓顏女洪氏。○丁巳。諭內閣。稽恩等奏。請派員查看盛京存貯鹵簿等件一摺。著穆彰阿。裕恩。於恭送玉牒抵盛京時。督同鑒儀衛派往章京。覈實查驗。所有冠軍使盛筠。陳現瑞。二員。並著照例馳驛前往。○刑部奏。吳七呈控倉給事中薩斌。勾通舞弊案內。要證日久未獲。先將現犯審擬請旨。得旨。此案吳七即吳鑑。具控查倉給事中薩斌。勾通舞弊。現經刑部以要證

日久未獲。先將現犯審擬具奏。著步軍統領順天府五城。將在逃之曹二。金八。趙四。王九。張升兒。迅速嚴拏務獲。解部究辦。再曹二一犯。係查倉給事中薩斌家人。該給事中應於被控時即行拏送。何得任聽脫逃。輒以早經逐出。飾詞搪塞。此時薩斌無庸先行交議。著勒限三箇月。責令交出曹二。歸案嚴審。儻限滿無獲。定將該給事中從重懲處不貸。其失察該倉花戶倉書商議索錢之監督。著吏部

查取職名。照例議處。○戊午。諭內閣。惠郡王於本年十二月初八日成婚。所有一切事宜。官為經理。著派管理伊家務之內務府大臣阿爾邦阿妥辦。○又諭。敬徵奏。請將繙譯科場同考官裁撤一摺。繙譯科場。專論清文。清字易於辨認。非若鄉會文場之有謄錄對讀。關防嚴密。向來同考官銜名。先期由各衙門咨送。而各部院精通繙譯之員。為數無多。半皆熟手。易啟揣摩賣緣之弊。不可不防。且試

卷至多不過一千餘本。閱卷大臣。無難全數閱看。嗣後凡遇繙譯科場。此項同考官。著即裁撤。屆期該部將應試人數。奏明請旨。候朕酌派大臣。公同校閱。以拔真才而杜弊端。○諭軍機大臣等。張井等奏。洪湖接漲情形。現擬酌發錢糧。分貯料物。竭力防守等語。本年洪湖水漲。既早且驟。全在防護宣洩。相機妥辦。隄工方資穩固。據該河督等奏稱。各該處應擇應鑲險工。均經分投搶辦。信壩及車南

中三壩。於拆啓後仍復長回。即啓南關新壩。而邵伯一帶隄工。盡行入水。僅賴子堰馬鞍埽攔禦。所奏自係實在情形。但各壩業經啓放水。勢當日見消落。何以復行增長。總由下游不能通暢之故。該河督等務當督率道將廳營。小心防守。斷不可稍存疏懈。以致長隄有意外之虞。至現在攔湖昭關二壩。均因跌塘太深。不能輕啓。此後秋汛方長。啓壩放水。尤須加意審度。計出萬全。該河督等現已親

赴河干。周歷履勘。其水勢消長若何。著即據實由驛覆奏。將此諭令知之。○已未。諭內閣。盛京。

三陵及各處應修要工。著穆彰阿。裕恩。於恭送玉牒抵盛京時。敬謹詳細履勘。分別緩急。據實具奏。○又諭。松廷等奏。豫籌在後幫船迅速起卸一摺。本年頭二進南糧幫船。均已起卸完竣。現距回空滿限。僅止四十餘日。尚有三進幫船漕米。未經起卸。其儘後之江廣各幫。

水程最遠。尤應及早回空。無誤新漕兌運。著照所請。將江廣在後之九江前幫起。至湖南三尾幫止。共十一幫。漕米四十二萬餘石。即在楊村全行寄剝。該倉場侍郎等當加緊督催趲運。隨時相機妥辦。○以鑲紅旗蒙古副都統塔斯哈為伊犁領隊大臣。○庚申。

上詣綺春園問

皇太后安。○准回疆凱撤山東兵丁借支甘肅藩庫餉銀。分半扣收。○辛酉。諭軍機大臣等。

有人叅奏山東黃縣。有私增錢糧滋事。案懸日久。拖斃人命一案。據稱該縣錢糧。每兩向折京錢三千四百文。本年三月間。知縣又欲每兩加二百文。有鄉間百姓進署懇求照舊完納。該縣痛加杖責。是日正值市期。趕集人多。遂鬧至大堂。將屏門等物擠倒。當有登萊青道。會營前往彈壓。拏獲數人。迄今數月之久。未知如何辦理。而差役紛紛四出。按拏不止。或竟晝夜入人住屋。嚇詐擾害。至不堪言。

其拏獲之人。已有在府城拖斃者。並聞黃縣滋事以後。接任知縣。仍逼令照新漕之數完納。百姓竭力輸將。莫之敢違。又據奏山東錢糧。嘉慶年間。每兩收至三千一二百文。今有加至四千文者。以市價二千六百計之。折收幾於加倍。此外如逼富戶之捐輸。勒里長之攤派。養牛馬者。按頭索息。作商賈者。逐戶斂錢。種種朘削。雞犬皆空。前年山東壽光等縣。因歲災歉收。匪徒即乘間蔓延煽惑。今歲山

東年成已屬豐熟。而劫盜之案。仍復頻聞。結會斂錢之徒。依然未淨。賭博為盜賊之原。匪類之藪。樂安益都一帶。沿街大路。擺設賭局。毫無畏忌。其無賴少年。身無寸縷者。三五成羣。所在多有。上年疏失餉鞘重案。即係此地等語。地方官因浮收錢糧。致刁民恃眾滋鬧。即應一面據實嚴參。一面查拏懲辦。方足以儆官邪而懲刁惡。本年四月間。祇據琦善附片奏。黃縣知縣李肇敏。催科失當。以致官民不能相安。將該員撤任。札飭該府確查辦理。何以至今三月有餘。並未據該撫復行奏到。此案人犯。既經文武各員在彼查拏。不難立時就獲。何至今差役夤夜挖拏。嚇詐擾害。其已獲之犯。詢明即當擬結。或因要犯未獲。亦當迅速勒緝。不應將現犯遽行拖斃。著琦善將所參各情。確切查明。秉公究辦。該撫身為大吏。既已延宕於前。若此時再涉瞻徇回護。致有不實不盡。將來或經朕派員查訪。或被

科道糾參。惟該撫是問。至該省徵收錢糧。自有舊章。何致日漸加增。幾至一倍。其逼捐勒派等弊。及匪徒聚賭。毫無忌憚。如果實有其事。何以不行嚴拏飭禁。任令貽害閭閻。並著詳細確查。據實具奏。無稍隱飾。致干重咎。將此諭令知之。○旌表守正捐軀河南臨漳縣民楊和尚妻顏氏。汜水縣民張丑妻邢氏。○

癸亥。
仁宗睿皇帝忌辰。遣官祭

昌陵。

上詣

安佑宮行禮。○諭內閣。阮元等奏。鹽井煎不足額。酌擬照案在於旺井代徵抵補一摺。雲南安寧井額徵課銀二萬八千四百四十六兩零。曾於上年奏准酌減銀一萬三千八百六十三兩零。所減銀兩。即自道光七年為始。在各旺井抵補。作為代徵。入冊造報。該井仍應徵銀一萬四千五百八十二兩零。現據該督

等查明該井酒水短絀煎鹽仍不能足額懇再行酌減課銀著照所請除該井七年分短徵銀兩照例先行撥補題銷外其自八年起加恩准於上年減定課銀內再行酌減銀四千兩統於元興永濟較旺二井飭令代徵抵補該井每年尚應徵銀一萬五百八十餘兩遇閏照加徵解該督等務飭井員實力煎銷如將來該井酒源暢旺仍令儘收儘解儻辦理解弛即行嚴參懲辦該部知道○予故前任山東曹州鎮總兵官劉清祭葬命其孫兵部候補主事熾昌遇缺即補生員堯賞給舉人一體會試○甲子諭內閣烏爾恭阿等奏請飭催應用木植一摺

昌陵

聖德神功碑樓工程所需楠柏木植業經四川省採辦委員解運本年三月全數渡黃至今數月未據咨報挽入東境要工所需豈容日久在途遲滯著屠之申琦善即飭沿河文武

員弁嚴催該委員迅速趨解務於本年冬初運交工次毋許任意耽延○諭軍機大臣等據徐忻奏稱陝省所獲習教各犯徐繼蘭等訊據供出係拜貴州龍里縣人袁無欺本名袁志謙為師上年閏五月間楊守一等破案後袁志謙聞知川省查拏咨緝當有同夥新都縣人黃金榜將袁志謙送往湖北漢口黃金榜旋即回川述及袁志謙改為姓吉扮作賣綢客人在漢口潛匿又楊守一曾令兩起人進京一起係陳芳榮戴大經及本京人王姓於本年二月由成都東門外下船取道湖北河南行走一起係胡元慶王澤申亦於二月由嘉定府約會余彪取道湖北河南進京請飭查拏等語該犯等習教傳徒因楊守一等破案後四處逃竄現據徐忻向拏獲之徐繼蘭鍾瑞章根究各逸犯年貌籍貫得有所端倪豈可任其潛蹤涸跡著嵩孚楊健戴三錫楊國楨嵩溥各飭所屬嚴密查拏務獲歸案

審辦。至京師五方雜處。尤恐該犯等易於藏匿。並著步軍統領。順天府。五城。飭屬細加察訪。一體緝拏。勿任漏網。原單著鈔給閱看。將此諭知嵩孚等。並諭步軍統領。順天府。五城。知之。○又諭松筠奏。喀爾喀貝勒因病自縊一摺。昭烏達盟之喀爾喀扎薩克貝勒沙克都爾扎布。在房院樹上縊斃。詢據該福晉稱。該貝勒平日往往動氣動刀。似有魔病。其因何輕生之處。該盟長所委台吉索諾木等。亦未查訊明確。該署都統現已委員帶領刑件前往相驗。並派員外郎德英額先赴該盟長奈曼王旗。會同該王徑赴該遊牧詳查。著查訊明確後。即行據實具奏。將此諭令知之。○

乙丑

上詣

大高殿行禮。○還宮。○諭內閣。胡超自調赴軍營。屢次打仗出力。且將首逆生擒。前已渥沛恩施。本日來京召見。益深嘉悅。著加恩在乾

清門侍衛上行走。賞給緙絲蟒袍料一件。大卷江綢袍褂料一套。大卷實地紗袍褂料一套。大荷包一對。小荷包四箇。並著於八月初七日入凱旋筵宴。○又諭福建莆田縣治。於宋治平元年。有長樂錢氏室女。傾資築陂。該處土人立廟崇祀。據孫爾準等奏稱。現在尚著靈異。著照所請。即將長樂縣錢氏室女列入祀典。每年於東作方輿之時。飭令地方官致祭一次。以慰輿情而昭祈報。○准成都將

軍瑚松額來京陛見。以四川總督戴三錫署成都將軍。○以修復福建莆田縣木蘭陂各工完竣。予督辦出力知府徐鑑等議敘。賞監生鄭道立副榜。餘升敘有差。○貸卹滿洲蒙古兵丁一年餉銀。修理房屋。○以祭社稷壇。自是日始。齋戒三日。○丙寅。諭內閣。前

據那彥成奏。請續展酌增常例。內有捐復人員。除六法等項外。凡情節較輕者。由吏部詳敘案情。分別開單具奏。加成報捐一條。當經

部議允行。嗣據該部以具呈到部各員。雖非六法等項。而緣事案由。難以議准者。未便一律開單。仍覈其情節。分別准駁具奏。昨據奏上。朕詳加披閱。非特擬駁各員原犯案情。應行駁斥。即所擬准其捐復降捐各員內。非營私不肖。即庸劣無能。亦俱斷難允准。因思捐復定例。固予降革人員自新之路。其或因公罹議。情節本輕者。原可寬其既往。責效將來。前於該督陳奏部議准行時。朕尚未閱及該廢員等緣事案由。今覈其情節俱重。若仍准棄瑕錄用。其能力改前轍者。得有幾人。勢必因循玩誤。貽害地方。殊於治體大有關繫。所有此次議展酌增常例內推廣捐復一條。著即行停止。○又諭德英阿等奏。籌酌稽查北路茶葉大黃章程一摺。所議詳細周妥。前據那彥成奏稱。張格爾滋事。悉由安集延內外勾結。請嚴禁安集延貿易茶葉大黃出卡。降旨飭令體察情形。嚴立章程。實力稽查。以杜

偷漏。茲據德英阿等奏南路章程。由那彥成議定具奏。其界在北路之伊犁塔爾巴哈台。在在毗連。哈薩克。布魯特。諸部落。及南路各城。必須一律設法嚴禁。向來卡外如霍罕。諸回部落。多食雜茶細茶。往往私販出卡。有流寓伊犁之安集延。豫用重價購買。每俟哈薩克貿易事竣時。混雜攜帶。以致每年茶葉私販出卡者。竟有十餘萬及二三十萬餘斤之多。該安集延等。並有夾帶硝磺違禁諸物。於邊防大有關繫。欲禁安集延交通之弊。必先禁外夷所用之茶。現在出卡者多係細茶雜茶。皆北商自歸化城私販。由古城轉運伊犁等處。為安集延偷販出卡之用。著即嚴行禁止。不准販入伊犁及塔爾巴哈台境內。以絕安集延私販之斂。其大茶斤茶。安集延外夷向不興販。亦係北商運賣。便於兵民。嗣後准其販運。其副茶一項。向由伊犁置辦官貨時。搭買三萬餘斤。聽官兵領買。著自明年為始。

再加置副茶數萬斤。隨時酌定數目。即配官引運至伊犁。存貯備用。毋使奸商居奇。以致兵民食貴。至大黃一項。兵民歲需無幾。著一律稽查。妥為辦理。所有行茶之法。應安設官商經理。著烏魯木齊都統。陝甘總督。酌定伊犁塔爾巴哈台兩處行商。無論蘭商北商。均屬便於稽查。其未定官商以前。商民所販之茶葉大黃。著於經過烏魯木齊時。由該都統發給印票。註明名色斤數。以便查察。並於緊

要隘口。派委官兵驗明。與票相符。方准放行。稍有夾帶雜茶細茶。即照私販究辦。僕該官兵等有勒索賄縱。及隱匿偷漏情弊。查出一併嚴懲。並著庫爾喀喇烏蘇領隊大臣。派員在所屬之奎屯地方。設卡嚴密稽查。逐起備文報明伊犁塔爾巴哈台兩城。及販至伊犁。由該大臣等派委官兵。在塔爾奇第一臺站。復行稽查。已到之後。責成撫民同知。設立循環簿。按月彙數詳報。並著知照塔爾巴哈台

參贊大臣等。一體辦理。至伊犁境內各卡倫。每於哈薩克貿易事畢。派協領等員稽查。迭加並無私販茶葉大黃出卡甘結。如有偷漏私販。將出結加結之員嚴參懲辦。以除安集延交通之弊。現在安集延因不能私販。無利可謀。大半自願出卡。各歸部落。所有寄居伊犁之安集延。內有願歸該部落者。給與路票。分起解送。其居住在十年以外者。准其編入伊犁種地。回子戶籍。一體耕種當差。不准婚

娶置產。仍飭該管理事同知等。隨時嚴查。如有囤積私茶。從重懲辦。伊犁塔爾巴哈台兩處。均無殷實富戶。領運官茶。著烏魯木齊都統。於議定官商後。商民販運副茶。即以配引為憑。其大茶斤茶。以古城官商戳記為憑。伊犁塔爾巴哈台兩處行銷。以該都統印票為憑。凡無配引戳記印票者。悉照私茶懲辦。至伊犁歲需茶葉總數。著於一年後酌定確數。行知陝甘總督及烏魯木齊都統。定數配引。

運銷永遠奉行○伊犁將軍德英阿奏伊犁
每歲經費向由甘肅先期一年調解銀六十
一萬兩現奏定議卹應襲雲騎尉俸銀並各
兵家屬孀婦錢糧等項共需銀四萬餘兩請
嗣後撥銀六十五萬兩以供支放再伊犁原
存備貯銀十萬兩經慶祥帶赴南路遺失無
存請飭陝甘總督如數籌撥解交照例封貯
下部議行○以武英殿恭辦

聖訓清漢文刊本告成開復督催奮勉郎中廣
敏等降革留任處分○丁卯免甘肅宜禾縣
因災緩徵未完額賦

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十九

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十

監修總裁官經筵講官太子太保體仁閣大學士劉世安等
監修副總裁官經筵講官太子太保禮部侍郎劉世安等

纂修總裁官經筵講官太子太保禮部侍郎劉世安等
纂修副總裁官經筵講官太子太保禮部侍郎劉世安等

纂修總裁官經筵講官太子太保禮部侍郎劉世安等
纂修副總裁官經筵講官太子太保禮部侍郎劉世安等

纂修總裁官經筵講官太子太保禮部侍郎劉世安等
纂修副總裁官經筵講官太子太保禮部侍郎劉世安等

纂修總裁官經筵講官太子太保禮部侍郎劉世安等
纂修副總裁官經筵講官太子太保禮部侍郎劉世安等

教修

道光八年戊子八月戊辰朔祭

大社

大稷

上親詣行禮○幸圓明園○詣綺春園問

皇太后安○遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○諭軍機大臣等徐炘奏遵旨查訊

鍾宗泰供出之梅勝福姚盛烈據供該犯鍾

宗泰前在山陽縣中村地方借給資本夥開

店舖屬實並不知其有習教不法情事各具

切結等語該護撫現訊梅勝福等供詞與鍾

宗泰在京所供俱屬脗合此時無可訊問之

處著徐炘即將梅勝福姚盛烈省釋現在飭

查鍾宗泰等原籍尚未據該督等覆奏將來

如再有應行訊問梅勝福等之事不難立即

傳訊未便拖累無辜也將此諭令知之○已

遣官祭

文昌帝君廟○諭內閣前因西陲首逆生擒

大功告成朕於九月間恭謁

東陵

西陵用申虔告一切應行禮儀降旨令該部察

例具奏嗣據禮部援照會典請於謁

陵次日行大饗禮稽覈舊典奏請遵循並無訛

并乃於七月二十二日復據奏稱

隆恩殿行大饗禮讀祝三獻畢復更素服至

寶城明樓前奠爵行禮等語

陵大典一切禮儀均應詳明考覈何得率意援引

增嘉慶十年

皇考仁宗睿皇帝恭謁

祖陵因禮部奏請於大祀禮成後復有辭

陵儀注稽諸舊典未經舉行曾奉

聖諭嚴飭且會典所載本有御禮服不至

明樓前例文該部俱未經詳細檢閱率行援引

具奏殊屬錯誤禮部堂官著交部察議○又

諭據御史阿成等奏嘉興白糧幫水手與台

州前幫水手在通州劉格莊東岸聚眾械鬪

各持槍刀傷斃多命將屍身拋棄並傷及無

辜平民迨官兵往拏兇犯均已逃逸實屬目

無法紀著屠之申訥爾經額嚴飭所屬即將

械鬪水手全數拏獲奏交刑部嚴行究辦該

幫弁等不能約束水手致有械鬪斃命之案

著訥爾經額查明叅處又裕豐倉花戶王四

被控經大興縣派役帶同原告作眼查拏被

王四之弟約同該倉花戶及幫開人等各持

木棍鐵尺幫毆王四喝令將縣役二名及原

告毆毆重傷該倉監督僅將王四交縣其餘

俱未拏送著順天府即將王四解交刑部嚴

審其在倉幫毆之花戶等著倉場侍郎責令

該監督查明一併拏解刑部歸案訊辦所有

此二案未獲各犯著步軍統領順天府五城

一體嚴拏務獲毋任一名漏網○命定親王

奕紹署理上駟院事以協辦大學士理藩院

尚書富俊署工部尚書刑部尚書明山署鑲

白旗漢軍都統戶部右侍郎著著鑲黃旗

滿洲副都統兵部左侍郎奎照著鑲黃旗漢

軍副都統○庚午諭內閣朕每日召對內外

大小臣工分起進見一遵舊制法至善也但

宮中園內以及巡幸處所殿宇規模不一頗

有不能嚴密之處亦不可不防其漸嗣後無

論何處。凡豫備次起召對之人。及奏事處帶領之總管首領太監等。俱著在廊下祇候。不准擅進明殿。著軍機大臣傳知奏事處總管太監王住。責成伊隨時稽查。本處首領太監等。如有不遵約束之人。據實奏聞。候旨辦理。與伊無涉。若日久生懈。稍有不法情事。一經發覺。除本人從重治罪外。總管太監一併重處不貸。並著軍機大臣留心查看。一有弊端。即行叅奏。諒卿等必能體朕之心也。著將此

旨於宮內。圓明園。軍機處。奏事處。各錄一通。敬謹懸挂。永遠遵循。毋忽。○命大理寺少卿沈維鐸提督順天學政。工部右侍郎申啟賢提督江蘇學政。詹事府詹事胡開益提督安徽學政。工部左侍郎李宗瀚提督浙江學政。內閣學士陳用光提督福建學政。翰林院編修吳文鎔提督河南學政。國子監祭酒何彤然提督山東學政。翰林院編修周之楨提督陝甘學政。郭尚先提督四川學政。徐士芬提

督廣東學政。曾元海提督廣西學政。王煜提督雲南學政。國子監司業胡達源提督貴州學政。奉天府府丞兼學政彭淦。江西學政吳孝銘。山西學政李煜。湖北學政賀熙齡。湖南學政汪世樽。仍留任。○以吏部右侍郎白鎔署工部右侍郎。兼管錢法堂事務。戶部左侍郎顧鼎署禮部右侍郎。○辛未

上辛靜明園詣

龍神廟拈香。○遣官祭

關帝廟。○以署直隸古北口提督前任陝西陝安鎮總兵官馬騰龍為四川重慶鎮總兵官。重慶鎮總兵官胡超署古北口提督。○旌衣宇正被戕直隸晉州民劉二小妻彭氏。宇正捐軀東鹿縣民張琢子妻邢氏。江蘇宿遷縣民岳大椿母邱氏。○壬申諭內閣。穆蘭低奏。玉舒番族。因被搶劫。逃奔青海。西南色爾克地方。請暫令住牧等語。西寧管轄之玉舒百戶原牧地方。被四川果洛克賊番搶劫窮

因該族番人帶領四十餘戶逃奔青海情形實為可憫。著照所請准其令該百戶即在色爾克地方暫行住牧。一俟明歲春融後即將該百戶並其屬下番戶一併逐回原牧。母任日久逗留。○諭軍機大臣等。穆蘭岱奏本年六月間據青海右翼正盟長郡王棍楚克濟克默特呈報有四川所屬果洛克賊番二百餘人前來搶劫南柴達木地方住牧之扎薩克台吉布彥達賴旗下羊二百餘隻牛七十餘隻貝子喇特納什第等旗蒙古馱鹽牛二百四十餘隻阿里克番子馬牛一百數十隻蒙古番子聚集多人追趕不及賊已逃逸各等情。又另片奏前因出口途次察罕托洛亥地方接見歸隸西寧管轄之玉舒雍希葉布族百戶多爾濟旺吉爾回稱本年二月內被四川果洛克賊番前來搶劫牲畜並傷斃屬下百長噶布藏納木加立等三命以致該屬番人不能住守原牧遂帶領四十餘戶於三

月間逃奔青海西南色爾克地方住紮等情現俱移咨川省查辦等語。南柴達木及玉舒地方相距青海俱遠與四川西藏所屬果洛克族番毗連該處住牧蒙古屢有被果洛克賊番搶劫之案。茲據穆蘭岱查明扎薩克台吉布彥達賴等旗被搶牛羊共有數百餘隻之多甚至玉舒番族被搶斃命窮困逃奔該賊番等膽敢聚眾越境肆行搶奪實屬目無法紀必應嚴拏懲辦俾該蒙古番子各安遊牧著瑚松額等嚴飭該管文武認真勒緝此二案賊賊務獲審明按律定擬勿使一名漏網將此諭令知之。○江南河道總督張井等奏報洪湖及高郵邵伯一帶漲水漸消險要各工搶護平穩得旨覽奏俱悉竭力保護平穩甚屬可嘉之至。此後仍當處處留心務臻妥善禦壩可啓時即行啓放回空船隻勿誤歸次為要。○蠲緩浙江淳安建德桐廬壽昌四縣水災村莊新舊額賦有差給貧民一月

口糧○撫卹日本琉球二國遭風難夷如例○
○癸酉以協辦大學士吏部尚書盧蔭溥為
順天鄉試正考官戶部尚書王鼎右侍郎李
宗昉為副考官○以兵部尚書王宗誠署兼
管順天府府尹事○以直隸萬全縣捐建書
院予知縣張慶成紳士羅本立等議敘有差
○旌表守正捐軀浙江浦江縣民錢啓紅妻
王氏○甲戌

上御正大光明殿賜揚威將軍大學士威勇公

長齡並成功諸將士貝勒貝子公文武大

臣及朝鮮國使臣等宴將軍長齡奉觴上

壽

上親賜酒餘命侍衛分觴授飲並賞賚有差○

以

萬壽節奉

皇太后御同樂園進膳賜皇子內廷王公大臣

及朝鮮國使臣食○諭內閣那彥成奏裁革

各城陋規條款一摺所奏甚是回疆各城大

小衙門一切需費繁多阿奇木伯克等往往

藉辦公之名向各回戶攤派苛斂從中肥己

據那彥成等查明相沿陋規分別條款或此

有彼無或此多彼少其尤甚者每月按戶派

錢名為克列克里克如有不敷再行續派名

為色里克似此行同饕餮殊出情理之外若

不嚴行禁絕何以安回眾而靖邊陲著照那

彥成等所議即將前項擾累之事勒石永遠

革除一勒各城大臣衙門一勒各城阿奇木

衙門通行刷印分貼各回莊明白曉諭並令

各城大臣按季查覈有無干犯例禁之人報

明參贊大臣每屆年終彙奏一次至伊犁將

軍統轄各城尤當破除情面認真查察儻章

京伯克等違禁滋擾該管大臣奏明嚴辦若

瞻徇容隱經參贊大臣查奏即將該管大臣

照例議處各城大臣或受已禁陋規或改易

名目仍有侵削參贊大臣奏明參辦即照乾

隆年間格額額之例立行正法所有濫應中

飽之阿奇木等亦予正法。若參贊大臣不能潔身表率。干犯禁令。及徇庇各城大臣。有犯不舉。著伊犁將軍訪查奏。並准各城大臣指實揭參。如將軍有瞻徇容隱情事。別經發覺。除將不法之員治罪外。定將該將軍一併嚴懲。決不寬貸。至各城回子。如有受該處大小官員賂削者。准其赴參贊將軍各衙門呈控。如該衙門不為究辦。即於年班進京時。赴理藩院呈控。僅理藩院仍不代奏。准其赴在京各衙門控告。如所控得實。免其坐罪。其中訴不實。或未經在參贊將軍等衙門呈告者。仍照例治以誣告及越訴之罪。自此次明定章程。各城大小臣工。務當各矢天良。潔己奉公。毋得仍蹈前轍。致干咎戾。將此通諭知之。○又諭那彥成等奏。查出各城私墾地畝。增收糧石。以供兵糈。並就餘糧抵作官員加增養廉鹽菜銀兩一摺。回疆各城大臣。前已加恩酌加養廉銀兩。其章京筆帖式等鹽菜銀

兩。何員應酌加若干。應由何項支給之處。並令那彥成覈議具奏。茲據奏各城章京等原設鹽菜銀兩。不敷辦公。酌議章京每月加增銀十兩。部缺筆帖式每月加增銀六兩。委筆帖式每月加增銀二兩。喀什噶爾等城。通共歲需加增鹽菜銀五千餘兩。回疆無款可籌。請將新增餘糧。按回疆例價。每石合銀五錢。折給各大臣及章京筆帖式等養廉鹽菜銀兩。惟不准大臣等發交阿奇木擡價勒變。致滋擾累。所有喀什噶爾英吉沙爾。葉爾羌。和闐。阿克蘇。烏什。庫車。喀喇沙爾各城。應行折給口糧養廉鹽菜銀兩。並撥補章程。俱著照所議辦理。至阿克蘇為南路適中之地。必當熟籌儲備。以資緩急之需。應將葉爾羌餘糧留備本處一年餉需外。以後續有盈餘。或酌微折色。或出糶變價。解赴阿克蘇採買存倉。將來喀什噶爾試墾地畝。增糧漸多。亦著照此妥辦。其北路各城。並吐魯番。哈密。章京筆

帖式應加鹽菜與南路情形不同應如何加增支給著伊犁將軍烏嚕木齊都統妥為籌議覈實具奏至烏什新設幫辦大臣著加恩加養廉銀二百兩其應得原額養廉銀兩著在裁撤卡倫侍衛鹽菜項下動支毋庸另行籌款該部知道○諭軍機大臣等此次平定回疆大功告成軍營將帥大臣及出力各員弁經朕酌定人數圖像紫光閣以彰武功因念那彥成派赴喀什噶爾辦理各城善後事宜籌畫悉臻妥協公忠體國甚屬可嘉著即繪小照一分附報呈覽以便與各功臣一體繪像用示朕褒獎賢勞至意將此諭令知之○又諭此次平定回疆成功迅速軍營將帥大臣及在事出力員弁經朕酌定人數圖像紫光閣紀實銘勳因念長清當逆裔煽亂援及阿克蘇彼時大兵尚未調齊該大臣督率有方竭力捍禦得保安全應與各功臣一體繪像用示褒獎著即繪小照一分呈覽將此

諭令知之○山東巡撫琦善奏懇分年接徵汶上縣南旺湖隄工借款從之○乙亥上詣綺春園問皇太后安○以都察院左都御史潘世恩署吏部尚書○丙子太宗文皇帝忌辰遣官祭昭陵○河東河道總督嚴烺奏循例請撥豫東司庫銀兩採辦來年歲料得旨購備齊全務要認真驗收稍有弊混即行叅辦不可瞻徇也○命國子監祭酒程恩澤仍在南書房行走○丁丑萬壽節遣官祭太廟後殿○遣官祭福陵昭陵昭西陵孝陵孝東陵

景陵	泰陵	泰東陵	裕陵	昌陵○遣官祭	孝穆皇后陵寢○遣官祭	顯佑宮	東嶽廟	城隍廟○	上詣	安佑宮行禮○詣綺春園	皇太后前行禮○御正大光明殿皇子及王以下文武大臣官員蒙古王貝勒朝鮮國使臣等行慶賀禮○御同樂園賜皇子及內廷王公大臣蒙古王貝勒朝鮮國使臣等食○祭先師孔子遣大學士長齡行禮○諭內閣陶澍奏籌補災缺兵糧以濟支放一摺江寧各屬每年額編司倉漕屯等米為旗營月支兵
----	----	-----	----	--------	------------	-----	-----	------	----	------------	--

糧之需。茲據該撫查明道光七年份上元江寧江浦六合等四縣秋禾被水歉收緩缺米石請於上元等縣帶徵各年還漕米內撥案撥解濟用。著照所請。所有上元江寧江浦六合四縣因災緩缺應解道光七年省倉漕屯等米四千二百九十六石零准其於上元江寧六合等縣徵完各年漕屯等米四千七百五十石零內按數撥解省倉以資支放。除動撥之外。所餘米石著存俟下屆派幫搭運。再上年淮揚各屬歉收緩缺漕標河標各營道光八年夏秋二季兵米一千四百二十三石零著准其就近在於海州山陽二州縣徵存道光六年還漕米內分別支給。就俟徵完道光七年災缺米款按數還漕搭運。該部知道。○諭軍機大臣等據陶澍奏本年湖水盛漲啓放三河及智信兩壩後揚河臨湖西隄節節掣通東隄僅出水一尺餘寸至二尺餘寸不等現將車邏壩南關壩中壩次第啓放以	糧之需。茲據該撫查明道光七年份上元江寧江浦六合等四縣秋禾被水歉收緩缺米石請於上元等縣帶徵各年還漕米內撥案撥解濟用。著照所請。所有上元江寧江浦六合四縣因災緩缺應解道光七年省倉漕屯等米四千二百九十六石零准其於上元江寧六合等縣徵完各年漕屯等米四千七百五十石零內按數撥解省倉以資支放。除動撥之外。所餘米石著存俟下屆派幫搭運。再上年淮揚各屬歉收緩缺漕標河標各營道光八年夏秋二季兵米一千四百二十三石零著准其就近在於海州山陽二州縣徵存道光六年還漕米內分別支給。就俟徵完道光七年災缺米款按數還漕搭運。該部知道。○諭軍機大臣等據陶澍奏本年湖水盛漲啓放三河及智信兩壩後揚河臨湖西隄節節掣通東隄僅出水一尺餘寸至二尺餘寸不等現將車邏壩南關壩中壩次第啓放以
---	---

資宣洩。開壩後高郵及下游各屬田禾不免淹浸。恐民居亦多被水。已飭揚州府連赴查勘。設法疏消等語。高郵河湖長水久逾定則。前據張井等奏。因高郵及下游各屬田禾茂。各壩遲開數日。即可收穫。現於七月初八日。開放車邏壩後。南開壩中壩亦次第啓放。高郵及下游各屬田禾。是否已經刈穫。抑竟被淹浸。該督現赴清江浦防河。當可就便親往察看。如有應行撫卹之處。著即籌商妥辦。

勿令被水居民一夫失所。至現在洪澤湖水漲盛。堰盱石工情形危險。雖經該河督等督飭所屬保護平穩。而秋汛正長。必須加意防範。此時黃河水勢消長若何。如能即啓禦壩。不但黃水資其刷滌。而湖水大加減洩。堰盱石工亦不致有他虞。即日回空船隻陸續南下。斷不可令其日久守候。著蔣攸銑與張井潘錫恩察看情形。迅將禦黃壩折啓俾糧艘及早歸次。河湖各工亦可兼資其益也。將此

諭知蔣攸銑並諭張井潘錫恩知之。○戊寅太祖高皇帝忌辰遣官祭

福陵。○諭內閣。凱音布等奏散卷科道辦理不善。請旨交議。並自請議處一摺。本年順天鄉試士子八場。偶值驟雨。擁擠擦損試卷。至三百餘本之多。雖經照數換給。該給事中等專司點名散卷。辦理不善。實難辭咎。蘇秦廖敦行俱著交部議處。凱音布何凌漢未能先事豫籌。著一併交部議處。○以歸化城副都統

富爾嵩阿署綏遠城將軍。○予故奉恩輔國公晉昌祭葬如例。○己卯諭軍機大臣等。前因甘肅軍需總局報銷未竣。命鄂山暫留該省督辦。計今數月。如稽覈均已就緒。著將其餘事宜交藩司顏伯壽督同局員妥辦。即回陝西巡撫本任。將此諭令知之。○寧夏將軍英和因病解任。以熱河都統昇寅為寧夏將軍。廣東巡撫成格為熱河都統。調山西巡撫盧坤為廣東巡撫。以陝西布政使徐忻為山

西巡撫前任雲南布政使史譔為陝西布政使○命山西按察使戴聰來京以貴州貴東道烏爾恭額為山西按察使○庚辰

上詣

安佑宮行禮○壬午秋分夕

月於西郊遣順承郡王春山行禮

宣宗實錄

十一

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十一

監修總纂官歷日議起居注官太子太保體仁閣大學士文淵閣領閣事管理戶部事務上書房總辦翰林院掌院學士兼官撰
天所府尹事務總辦加五級紀錄十八次臣實授總纂官歷日議起居注官太子太保體仁閣大學士文淵閣領閣事管理戶部事務上書房總辦翰林院掌院學士兼官撰
七倉大臣稽察倉用四庫館纂修加一級隨帶加六級軍功加三級紀錄五次臣花沙納爾圖著官文淵閣總纂閣事兵部尚書經官
內務府大臣兼管滿洲總管察內七倉大臣管理宗人府銀庫左翼副官等 出塞官開明國庫庫務提督御茶膳房御藥房太
醫院總辦處事務加十八級臣阿爾圖著官文淵閣總纂閣事兵部尚書經官加七級紀錄二十次臣周祖培著奉

教修

道光八年戊子八月癸未

上詣綺春園問

皇太后安○遣官祭昭忠祠○諭內閣奕繪奏
辦理宗學事務與同管之烏爾恭阿意見不
合著烏爾恭阿明白回奏尋奏上得旨大學
士軍機大臣查明具奏○以工部尚書王引
之署戶部尚書○甲申諭內閣朕此次恭謁

東陵

西陵啓鑾後著派定親王奕紹大學士托津協
辦大學士尚書富俊尚書陳若霖留京辦事

○又諭屠之申奏查明浙江幫船水手互毆斃命情形請將現獲犯證解部審訊一摺浙江嘉興白糧幫與台州前幫水手互相爭鬪各有殺傷現經該護督飭屬拏獲犯證研訊均不能供指起釁根由與實在正犯該幫運弁耳目切近斷不能諉為不知前經降旨令訥爾經額查明嚴叅著該漕督即飭該管運弁等將起事情由及逞兇正犯查訪明確迅速嚴拏務獲解部審訊嚴辦示懲所有現獲

實錄卷二百一

二

滋事水手林東禮等並受傷各犯及應訊人證先行解交刑部審訊至浙江嘉興幫船水手前因械鬪曾經懲辦何以仍未稍知儆戒該水手各立教名是否傳習邪教抑係各樹黨羽所稱老官是何名色著刑部就現獲各犯嚴究教首指名飭拏盡法懲治以儆兇頑○諭軍機大臣等直隸開州地方前因該州緝拏盜犯已將季考等拏獲押解回州中途停歇經逸盜季丙寅糾邀數十人奪犯拒傷

兵役二死九傷實屬目無法紀現經該護督飭屬拏獲夥犯究訊季丙寅下落據供有開州人鄭四現在甘肅蘭州季丙寅逃往依附躲避業據該州張良志派役帶同眼目前往躡緝並經屠之申咨會甘肅查拏著楊遇春即飭所屬查拏鄭四根究季丙寅蹤跡嚴緝務獲並飭各屬一體訪拏無任遠颺漏網將此諭令知之○命軍機大臣穆彰阿無庸兼內務府大臣以馬蘭鎮總兵官寶興為總管

實錄卷二百二

三

內務府大臣福建漳州鎮總兵官黃文煜為馬蘭鎮總兵官服闋總兵官唐文淑為漳州鎮總兵官○命御前侍衛載銓往奠故喀喇沁親王銜郡王滿珠巴咱爾茶酒賞銀一千兩○免回疆軍營奪獲應繳馬匹從陝甘總督楊遇春請也○乙酉

上奉

皇太后幸獅子林進膳○諭內閣李鴻賓奏奏辦理不善之運同請暫行革職究追一摺廣

東潮橋鹽務欠解未完雜款銀項現據該督查明自嘉慶二十三年起至道光六年止積至一十七萬九千餘兩之多七年及本年銀款未屆奏銷尚難確覈該運同楊紹庭在任十餘年果能實力督銷何至接續拖延積成鉅欠其為辦理不善咎實難辭潮州鹽運同楊紹庭著暫行革職交該督提同商人逐款查覈是否商欠有無侵那訊究勒追以重庫款而免延宕○又諭李鴻賓等奏請裁撤內

河漿快船隻一摺廣東陸豐海豐二縣向設有巡河漿快船隻茲據該督等查明該二縣內河淤窄船隻久停無用應行裁撤著照所請所有碣石鎮碣字第一第二號額設內河平底漿船二隻碣字第五第六號入額內河快船二隻著即全行裁去其駕船兵丁撤回另行派防臺汛並將前船估變舊料價銀造冊咨部該部知道○又諭本日鑲白旗滿洲將承襲騎都尉舒爾哈善之子德成額德

平阿帶領引見朕已加恩著德成額承襲騎都尉矣舒爾哈善前因勦殲逆匪在軍營陣亡甚屬可憫伊次子馬甲德平阿著再加恩賞給本地領催委官用示朕追念宣力臣僕之至意○諭軍機大臣等李鴻賓等奏稱噶喇吧國夷人十四名並福建客民十二名同搭福建廈門綠頭船自越南國開行放洋於六月二十三日駛至老萬山外洋寄碇福建客民轉雇漁船先到澳門該綠頭船舵工水手於二十四日夜將夷人殺死十二名另有二名鳧水逃走一名已經淹斃一名遇救得生逃至澳門稟報現將搭船之福建客民李生等十二名查獲訊據供稱該綠頭船主名劉亞五現住廈門並不在船其船上代管之人吳吳捆舵水林亞享等約五十餘人該船尾刊刻源榮二字等語該夷人被害處所雖在黑水夷洋並非濱海營縣所轄惟該夷雇覓內地船隻竟被舵水人等中途謀害殊有

關於國體。閩粵洋面毗連。該匪船乘風迅駛。或潛回原籍。或棄船竄匿。總不出兩省海洋地面。著李鴻賓督飭水師提鎮。嚴飭出洋舟師。並陸路營縣。一體迅速查拏。務獲無任。違颺漏網。仍嚴飭水師官弁。於洋面地方。隨時實力巡察。無致再滋事端。現已究出該商稍姓名及船尾書寫字樣。經李鴻賓等咨會閩省截拏。著孫爾準一面飭屬查拏。船主劉亞五。根究該管事舵水人等姓名下落。按名悉數擒拏。一面督飭水師將弁。於海洋及濱海營縣。一體盤詰截拏。務在必獲。勿稍疏縱。將此諭令知之。○又諭。惠顯等覆奏查明推依博特。即前藏界外拉達克部落。曾據該部長稟稱。拏獲逃至彼處。逆回一百餘名等語。拉達克部落。在藏屬堆噶爾本邊外。距葉爾羌較近。該頭目敦諾普納莫扎爾。因逆回竄入其境。即行拏獲。遣人隨同差員。將該犯等解交。實屬恭順可嘉。該部長敦諾普納莫扎爾

著加恩賞給五品頂帶花翎。並賞大緞二匹。小頭目薩莫著加恩賞給金頂藍翎。並賞宮綢二匹。所需紬緞。均由該處賞需項下頒給。並著惠顯等傳旨嘉獎。俾知感奮。至所稟拏獲逆回一百餘名。僅解交二十四名。是否前稟不實。抑該部落尚有匿存餘匪。惠顯等已派員確查。俟覆到時。即行據實具奏。將此諭令知之。尋奏據該部長夷稟譯稱。前次押送逆回實止五十七名。餘四十五名。係避難良夷。釋放回籍。除已解交二十四名。並先後病故十九名外。應續交回犯薩領景等十四名。現已起解報聞。○倉場侍郎松廷等奏。泰大通橋監督辦運遲延。恐逾回空例限。得旨。監督保淳。宋傳曾俱著摘去頂帶。倉場侍郎松廷。朱桂楨。督催不力。均著交部察議。○以都察院左都御史那清安署正紅旗漢軍都統。理藩院右侍郎那丹珠兼鑲黃旗蒙古副都統。鑲白旗滿洲副都統。綿恩署正白旗蒙古

副都統○旌表守正捐軀河南唐縣民李平志女李氏山東冠縣民趙來有媳劉氏○緩徵直隸滄鹽山青三州縣被水竈戶額課○丙戌。

上詣綺春園問

皇太后安○諭內閣瑞親王綿忻自本年春間遺疾半載有餘醫治未愈不意其未及壯年遽爾薨逝聞之殊為感惻著賞給陀羅經被派本日在園值班之散秩大臣吉祥保帶領

侍衛十員前往奠醑並派總管內務府大臣敬徵辦理喪事所有一切事宜及將來營建園寢均由官為經理其餘飾終典禮著各該衙門察例具奏尋諭曰懷○補行道光七年軍政烏魯木齊等處卓異官二員年老官二員分別議敘處分如例○丁亥諭內閣刑部將喀什噶爾解到應行緣坐逆屬請分給八旗大臣為奴此起逆屬情罪較重未便留於京師除年屆十二歲之男犯邁瑪特尼雅斯

一名照例牢固監禁俟成丁時發往極邊足四千里安插外其餘緣坐婦女二十六口十歲以下男犯五名著刑部酌發河南青州太原江寧京口杭州乍浦荊州成都各處駐防為奴到配後該將軍副都統城守尉等每屆年終將該犯等是否安靜咨報軍機處備查○又諭那彥成等奏請更調各城辦事幫辦大臣一摺蘇清阿著來京供職喀什噶爾幫辦大臣員缺著額爾古倫補授那桑阿著調補烏什幫辦大臣多隆武著調補英吉沙爾領隊大臣所遺和闐領隊大臣員缺著德惠調補至喀什噶爾幫辦大臣向祇辦理本城事件嗣經慶祥奏明將八城事件協同參贊經理茲據那彥成等奏稱該幫辦大臣與各城大臣相等若亦隨同參贊節制各城於體制未協著照所請嗣後喀什噶爾幫辦大臣祇辦本城事件不得干預別城公事以復舊制所有各城辦事大臣照例摺奏若該處一

時事務無多。未便徒勞驛站。著照本年五月間所降諭旨。附於鄰近各城大臣奏事之便。一同發遞。如有緊要事件。或條奏奏劾等事。仍著專摺陳奏。不得藉詞推諉。○又諭。那彥成等奏嚴禁奸商私販茶葉。並設局稽查一摺。甘肅官引額銷茶葉。每年例應出關二十餘萬封。近來行銷竟至四五十萬封之多。顯係以無引私茶。從中影射。其行銷各城。又復遞加價值。每副茶一封。售銀七八兩至十餘

兩不等。此等奸商私販。勾通外夷。剝削回眾。不可不嚴行禁絕。現據那彥成等酌請每封官為定價。阿克蘇價銀不得過四兩。喀什噶爾葉爾羌不得過五兩。作為永定之價。不許增添。並於嘉峪關地方照殺虎口。歸化城。張家口等處設立稅局。阿克蘇。照古城設立稅局。喀什噶爾葉爾羌為行銷總要之區。均設立稅局。稽查奸商私販。以杜流弊。俱著照所議辦理。其詳細章程。著那彥成等另行妥議。

具奏。尋議上。命大學士托津。長齡。協辦大學士富俊。會同戶部覈議。尋奏。商人販茶遠赴口外行銷。原為利往。如層層納稅。節節盤驗。恐商人仍取給於食茶之人。茶價勢必增昂。回民轉滋苦累。若慮回民買食價昂。抑勒商人減價銷售。尤恐該商等裹足不前。回民或至乏食。開繫非淺。且原奏內稱商人因避西四城茶稅。將茶斤賣與東四城回子。轉運西四城販賣。亦令回子在西四城一體納稅。是

因徵商稅而並及回眾。於邊地尤不相宜。查烏里雅蘇台。科布多二城。向食北口商茶。並未議徵稅課。今伊犁等處同係口外地方。獨令該處兵民買食納稅。貴茶亦不足昭平允。俱無庸議。從之。○軍機大臣會同刑部議奏。查明賣藥人犯金得有等。並無不法重情。照例擬結。從之。○欽差大臣那彥成等奏。報驅逐南路各城流寓在十年以內之安集延回子出卡。查起囤積茶葉大黃入官。其餘未經

驅逐各外夷。一體編入回戶。當差種地。如有犯禁令。及囤積違禁物件。即行驅逐。每年逐出若干。將增減戶口。責成參贊大臣查覈具奏一次。數年之後。不難驅逐淨盡。得旨。數年後果能驅逐一空。豈非安邊之良策。總要實力奉行。斷不可日久疏懈。○又奏。各城現充伯克之回子等。均因伊薩克得蒙恩獎。紛紛請留髮辮。以表愛戴之忱。但漫無區別。轉不足以示優獎。應請嗣後凡阿奇木伯克以下至四品伯克。及盡忠有功伯克之子孫。方准蓄留髮辮。以昭寵榮。其餘均不准妄自蓄留。以示限制。從之。○鑄給喀什噶爾換防總兵印信。並修喀喇沙爾城垣兵房。從欽差大臣那彥成等請也。○戊子。

上詣綺春園問

皇太后安。○諭內閣。松筠奏熱河挑挖旱河等工。每年報銷酌覈改題為奏一摺。熱河每年挑挖旱河等工。所需工料銀兩。向例在熱河

道庫生息項下支給。仍由直隸總督題明冊結咨報工部覈銷。茲據松筠奏稱。歷屆報銷。直隸總督因業已具題者。未經工部覈覆。不能越次題銷。以致辦理稽延。現在熱河錢穀等件。均歸都統辦理。著照所請。將道光二年至六年挑挖旱河等工。並元年至五年開通水道。用過銀兩數目冊結。統報工部覈銷。免其具題。其道光七年歲修旱河等工。六年開通水道動支銀兩。著一併報部辦理。嗣後每年報銷此項工料銀兩。著即由該都統專摺具奏。冊結咨部覈銷。以歸簡易。該部知道。○諭軍機大臣等。朕明年巡幸盛京。恭謁祖陵。所有隨從人等騎乘馬匹。應早為豫備。現在大凌河馬羣內實有若干匹。能否足備差務。分撥著穆彰阿於事竣回京時。行抵該處查驗明確。據實具奏。將此諭令知之。○又諭。松筠奏現據三座塔理事司員理藩院員外郎塔爾尼善。差人稟知風聞喀爾喀貝勒沙

克都爾扎布身故不明。訪察尚未得有確情。請親往查訊等語。該貝勒是否因病自縊。情殊可疑。如果被人戕害。貝勒之母之妻並其使女暨協理旗務台吉等。俱應質訊。自未便解送熱河。即著松筠親赴喀爾喀貝勒遊牧提集應訊人證。嚴查究辦。並著帶印前往。就便巡查地方。餘著照所議行。將此諭令知之。

以庫爾喀喇烏蘇領隊大臣福綿為喀喇沙爾辦事大臣。喀喇沙爾辦事大臣巴哈布。

為庫爾喀喇烏蘇領隊大臣。○己丑諭內閣。瑞親王綿忻薨逝。伊子奕約甫及週歲。著派定親王奕紹管束伊府中大小官員人等。內務府大臣敬徵管束首領太監。並一切家務。妥為經理。其園內居住之房屋。著內務府管園大臣於瑞親王靈柩進城後。派員接收看守。俟奕約及歲時。再行賞給居住。○安徽巡撫鄧廷楨奏。遵旨訪察青蓮教匪。派員馳赴潁州府屬嚴密訪查。實無匪徒習教。亦無外

來教匪潛匿。現飭該道府認真督查。毋任日久懈弛。得旨。盤查固不可疏懈。尤不可邀功見長。波累無辜。○庚寅。

世宗憲皇帝忌辰遣官祭

泰陵。

上詣

安佑宮行禮。○諭內閣。一等鎮國將軍瑞泰之職。係由伊四世祖固山貝子準達緣事降為鎮國公。降等襲替。茲據奕紹等奏。瑞泰病故。

查明準達一支子嗣內並無世職。章京著准其將瑞泰之弟兄子嗣內揀選承襲。○又諭。阮元等奏。查出謀刻石篆並寫造逆詞之匪犯。分別緝拏。審明辦理一摺。此案在逃之趙應龍。在越南小潮地方起意謀為。不軌商同李映川編寫逆詞。至開化糾約。希圖滋事。並王士林偽雕石璽。圖往越南小潮。詎惑滋事。經生員李宗唐首報。該督等派委文武各員弁。將相連兩起匪犯訪拏迅獲。併案審明定

擬所辦甚好。除李映川等犯業經於審明後恭請王命分別凌遲斬決梟示外。餘著刑部速議具奏。生員李宗唐舉首可嘉。著加恩賞給舉人。准其一體會試。至王士林先後在滇黔犯事。現在首夥各要犯皆經拏獲。僅逸餘犯二三名。覈其功過尚足相抵。所有滇黔二省失察各地方官俱著免其議處。其未獲首逆趙應龍是否匪跡越南抑係潛逃內地著該督等勒限嚴飭各屬文武員弁認真訪緝。嚴拏務獲。並在逃各犯及此外有無轉糾逸犯一體實力拏獲究辦。如限滿無獲即著照例叅處。○又諭阮元等奏籌議增給運銅經費銀兩一摺。滇省歷年運員沿途借支水腳銀兩雖經隨時報部於報銷找領銀內扣還。但我領之項不敷撥抵仍應於運員名下著追。往往有名無實以致借款虛懸。該督等議請增給運費即將借支之例停止。計每年正運每起增給銀二千五百兩。加運每起增給

銀一千五百兩。正加六起共需銀一萬三千兩。除於奏銷鹽課溢餘留半案內每年動支銀六千兩入冊造報外尚不敷銀七千兩。由本省籌捐辦理著照所請此項增給運費即自道光八年起查照水腳等款之例由湖北江寧二省藩庫各半發給作正開銷。滇省於請撥銅本銀內扣除並照支領幫費成案免其入冊報銷。至本年各起運員將次前赴瀘州領運著該部飛咨各省停止借支。並令湖北江寧二省查照應增正加運費各數動款支給俟滇省下屆請撥銅本案內聲請扣除。自此大奏定章程該運員等不得以經費不敷仍前濫借致滋流弊。該部知道。○雲貴總督阮元等奏越南國小潮地方與內地邊界接近難保無匪類潛蹤當經札飭鎮道確查並撤土官四路撥拏首逆隨時清查夷戶如有內地匪徒逃入即為縛獻邊界已可靜肅毋庸再行照會該國王查辦以歸簡便得旨

所辦是有關外夷邊界之事。總以鎮靜而有防。是為至要。切不可受人邀功。肇釁之舉也。慎之。○以故伊克昭盟鄂爾多斯扎薩克固山貝子永嘯多爾濟子達什多爾濟襲爵。貸長蘆被淹竈戶工本銀五萬七千五百兩。有奇。並緩徵節年借領工本銀。○辛卯。旌表守正捐軀陝西金縣民張維新妻趙氏。○壬辰。諭內閣。已革侍衛富英。疊次盜賣官物。經刑部訊明。照監守自盜律擬以杖徒。折枷鞭

責發落該革員係在

西陵當差。輒將所住官房門窗等物。疊次盜賣。並令張大等偷賣空閒官房窗扇。膽大已極。僅予枷責。不足蔽辜。富英著於枷滿鞭責後。發往熱河充當苦差。以示懲儆。○又諭。訥爾經額奏。擊獲浙江幫船水手滋事案內犯證。解部審辦。並將約束不嚴之運弁撤叅一摺。浙江嘉興白糧幫與台州前幫水手鬪殺。前經降旨著該漕督等嚴拏究辦。並將該管運

弁等查明叅處。茲據訥爾經額奏稱。委員拏獲案犯楊德等十九名。所供起釁情由。是否止因聚賭。抑另有挾嫌別情。著即將各犯解交刑部歸案審訊。至該管運弁等不能妥為約束。實屬疏玩。推升湖廣沔陽衛守備嘉白幫千總李廷佐。著先行撤任。交部嚴加議處。仍令戴罪隨幫查拏。未獲各犯。委運台州前幫金衢所幫千總徐廷柱。失察水手賭錢釀案。著先行交部議處。俟刑部審明定案後。再

行分別辦理。未獲各犯。著該漕督等飭屬嚴拏懲治。以儆兇頑。○命直隸承德府屬刑錢案件。改歸熱河都統辦理。從護總督屠之申請也。○修浙江杭州府貢院。並寧海象山。蕭山三縣所屬營房官舍塘工。從巡撫劉彬士請也。○癸巳。諭內閣。昨據托津等奏。查詢奕繪與烏爾恭阿。因整頓宗學。意見不合。據奕繪稱上年揀選右翼副管。鄭親王烏爾恭阿。有面奉諭旨。圈出鳳綸擬陪之語。當命托津

等向奕繪根究證據復稱上年十月間揀選時烏爾恭阿曾經向說伊叔父積拉堪之子鳳綸上知其學問曾奉有副管缺出可令擬陪之諭又於前數日閱看記名單內並無鳳綸之名及至揀選時即已名列第二等語質之烏爾恭阿堅稱並無其事即奕繪指出是日在旁之右翼總管副管等亦稱皆無所聞惟調查記名原單本無鳳綸之名而揀選單內竟將鳳綸添列第二已據該學總管崇鳳供稱實係烏爾恭阿囑其添入自書親供此時若再向烏爾恭阿追詢前言諒亦不敢承認而即其揀選不公顯有瞻徇情弊是奕繪所奏不為無因烏爾恭阿前欲增扣學生公費已係任情偏執茲復查出伊從前捏稱之事實屬欺罔膽大已極是伊無福承受朕恩烏爾恭阿著退出內廷行走即將左宗正管理宗學先行開缺交宗人府嚴加議處限三日內奏上至兩翼宗學一切功課支用章程

著仍照嘉慶十三年議定條款辦理嚴飭該學總管副管等認真督課其副管記名人數過多未免冒濫著管理宗學王等於新舊記名各宗室內秉公遴選酌定人數記名辦稿存案以杜流弊○又諭盧坤奏請仍復奇嵐州歲試考棚一摺山西奇嵐州向設考棚每遇歲試由學政調集該州暨興縣嵐縣保德州河曲縣生童赴奇嵐應試嗣經成格奏准改照五州縣科試之例將奇嵐與縣嵐縣歲試改附省棚保德河曲兩州縣歲試併附寧武府棚分考茲據該撫奏五州縣生員等以歲試附棚分考數年以來頗形苦累懇請仍復舊制並經該撫查明該生童等赴省院試每值夏秋雨大為水所阻前赴寧武較之奇嵐路程遙遠且五州縣生童人數無多該州物價不致驟昂有妨民食至稽查彈壓有該州吏目及五學教職足資差遣如有不敷亦可於鄰縣佐雜中就近添委所奏自屬實在

情形著照所請。准於奇嵐州復設考棚。以後歲試。仍令奇嵐。興縣。嵐縣。保德。河曲。五州縣生童。就近赴州應試。以免勞費。其科試仍著照舊定章程。附棚分考。該部知道。○又諭。已革世襲男兼佐領恆齡。前因獲罪發遣。釋回後。輒敢以田土細故。擅遞奏章。實屬不安本分。恆齡著交刑部審訊。按律定擬具奏。○甲午。以肅親王敬敏。為宗人府左宗正。大學士長齡。為正黃旗領侍衛內大臣。禮部尚書松筠。為閩兵大臣。定喀什噶爾城名恢武。葉爾羌城名嘉藝。英吉沙爾城名輯遠。和闐城名威靖。阿克蘇城名普安。烏什城名孚化。庫車城名鞏平。喀喇沙爾城名協順。命繕滿洲蒙古漢文回子四體字頌發。○乙未。上詣綺春園問皇太后安。○遣官祭賢良祠。○諭內閣。奕顥等奏恭查。啓運殿應修工程。請諏吉移奉。

神牌。勘估興修一摺。永陵。啓運殿西間大梁。因越時既久。又值陰雨連綿。沈墜下壓。現經誠端勘明。妥為保護。亟應移奉。神牌於東西配殿。以便興工。著欽天監於十月內選擇吉日。吉時。奏明行知。該將軍等敬謹遵行。所有應修工程。著穆彰阿等一併詳勘估計。歸入陵寢應修工程。敬謹修理。以資鞏固。○又諭。鄭親王烏爾恭阿。前欲更改宗學章程。增扣學生公費。與奕繪意見不合。雖係商辦公事。已覺任情偏執。乃上年揀選宗學副管時。欲徇私情。竟囑令該學總管崇鳳。將鳳綸之名添列記名單內。第二選定擬陪。雖捏造之言。恃無證據。未敢承認。而瞻徇囑託。已有確憑。前於托津等傳旨詢問時。堅稱並無其事。實屬欺罔。膽大已極。現經宗人府議以革去王爵。

是其戾由自取。本應照議辦理。惟念鄭親王所襲之爵。係開國勳封。律以議親議功之典。不忍遽褫其爵。烏爾恭阿著加恩留其王爵。及正紅旗總族長。其餘一切管項。悉行革去。仍罰王俸五年。以示朕垂念前勳量從寬典至意。○又諭理藩院奏阿奇木伯克回子郡王伊薩克可否給予王俸一摺。伊薩克係閒散回王。例不給俸。惟伊薩克此二年間。在軍營實心輸誠。宣力報效。特旨封為郡王。究與別項散秩王爵不同。著加恩即照伊斯堪達爾邁瑪薩依特之例。賞給王俸。以示朕優待宣力回僕至意。○又諭松廷等奏內河剝船失風一摺。浙江金衢所剝船。在孔官屯等處遭風沈湮米石。據該倉場侍郎等查明該幫軍船僅止四十餘隻。自武清縣孔官屯至通壩。水程僅一百餘里。先後遭風剝船至三隻之多。雖據查明該旗丁尚無捏飾情弊。該運弁不能督率旗丁小心照料。實屬怠玩。運弁

支秀升著革職。所有沈湮米石。責令趕緊照數賠交。如有不敷。著於下次搭運帶交。不准以餘米抵補。仍飭生糧廳嚴查。如另有侵盜捏報等弊。著即嚴叅懲辦。該部知道。○又諭巡視中城御史祥鑽等奏寧河縣職員王大成呈控該縣知縣倚勢勒借那帑抵債事。開控告職官。如果屬實。大千法紀。著刑部審訊確情具奏。尋奏寧河縣知縣唐宗泰訊無勒借那帑重情。惟託典史秦焜轉向王大成借銀追還銀時。秦焜私自那用。致王大成挾嫌誣控。請將唐宗泰下部嚴議。秦焜杖一百徒三年。王大成杖六十徒一年。從之。○以都察院左都御史那清安為稽查

壇

廟大臣。吏部尚書文孚為十五善射大臣。○調鑲黃旗漢軍都統富俊為鑲紅旗滿洲都統。以正紅旗滿洲副都統耆英為鑲黃旗漢軍都統。總管內務府大臣寶興兼正紅旗滿洲

副都統○前任浙江巡撫帥承瀛因病未痊奏懇回籍調理允之○旌表守正捐軀安徽阜陽縣民婦張宋氏女縣姐○丙申諭內閣給事中宋其沅奏秋審矜緩案件前後兩歧恭請欽定一摺本年秋審有陝甘絞犯李滋著拉跌劉統漢身死一案刑部以此起彼此奪概究無欲毆之心死非意料所及由緩改矜○覈與道光五年湖北絞婦陳氏拉跌劉潮北身死之案相同該給事中查兩案原題均

照闕殺定擬則李滋著奪概撤手放跌與陳氏被罵拉衣死由失跌者同一爭鬪應畫一辦理李滋著著照原擬入於緩決毋庸改入可矜○又諭松筠奏請添設蒙古官學一摺熱河都統衙門常有各扎薩克蒙古字來文及各旗蒙古控案據該署都統查明該衙門僅有喀喇沁土默特數旗粗知繙清之章京等輪流住班所譯情詞難免舛誤著照所請熱河駐防八旗准其添設蒙古官學其教習

即以馬甲西凌阿克補並准將前鋒德克精額幫同教讀現已考有閒散旗丁二十名著即作為蒙古學生定額一年後學生內有能繙寫者儘先挑補馬甲其教習等即以委署驍騎校等缺儘先拔補如遇蒙古來文暨控告呈詞已挑馬甲之學生有能譯清文者著即作為額外貼寫筆帖式以示鼓勵所有新水等項著照滿洲官學於印房生息項下一體支給該署都統既為造就人才起見添設

官學務當認真辦理隨時考覈期有成效不得日久視為具文以致有名無實○又諭松筠奏請照歷任都統舊制揀派協領等官幫辦刑司事務一摺熱河都統衙門向於本地駐防協領佐領中酌派一二員幫辦刑司事務前經英和以該處駐防旗人案件該協領等應行迴避奏准裁撤茲據松筠奏稱該都統衙門所管口外蒙古王公各旗案件僅有理藩院司官一員三年更換若無本地旗員

幫辦。恐新派司員。遽難盡悉。著照所請。仍行揀派協領佐領各一員。幫同理藩院司員。專辦都統所屬蒙古王公各旗案件。並於刑司貼寫前鋒領催內。擇其清文通順者二名。作為額外貼寫筆帖式。幫辦蒙古呈詞繕清事件。該章京筆帖式等。均不准干預本地駐防旗人案件。至所請協領三年期滿。由都統奏請送部引見之處。未免速而且繁。兼恐日久視為故套。轉不足以昭覈實。嗣後所派協領等官。著該都統隨時察看。必須始終奮勉。辦事秉公精細。方准於該員六年俸滿例應引見時。出具切實考語保奏。儻僅止循分供職。斷不准濫行奏請鼓勵。以嚴考覈。○又諭。門軍長安。逞醉將門領張仙保毆傷。並供稱張仙保與門甲葉布冲額等。得錢署差。私出未石。如果該門領等實有此項情弊。自應照例懲辦。若係長安挾嫌逞刁捏控。即應從重治罪。門軍長安。門甲葉布冲額。門軍恆山。珠隆

阿善路。寶亨富寬。王成寶。俱著交刑部審訊確情。據實具奏。門領張仙保。併著聽部傳質。○以刑部左侍郎英瑞署鑲黃旗滿洲副都統。戶部左侍郎敬徵署正紅旗滿洲副都統。○命御前侍衛阿勒罕保。乾清門侍衛祥雲保。禮部左侍郎舒英。恭詣東陵。查看紅椿。御前侍衛桂輪。乾清門侍衛奕山。理藩院左侍郎色克精額。恭詣西陵。查看紅椿。○丁酉諭內閣。松筠奏據報查訊喀爾喀貝勒被害緣由一摺。前據松筠奏喀爾喀扎薩克貝勒沙克都爾扎布。因病自縊。其因何輕生之處。未據查明。經該署都統委員前往相驗。並派員外郎德英額會同奈曼王。徑赴該遊牧詳查。旋據松筠奏。三座塔理事司員塔爾尼善。差人稟知。風聞該貝勒身故不明。當即諭令松筠親往查訊。茲據奏德英額稟覆該旗台吉喇嘛帕爾賴前來訴稱。有伊屬下曼都瑚曾說伊等九人聽從貝

勒胞叔台吉喇嘛濟闌。邀約指使戕害貝勒等情。德英額及該盟長等。將曼都瑚等拏獲。訊據供稱。喇嘛濟闌主令伊等勒斃貝勒。裝點自縊掛於樹上。情形屬實。其呈報自縊。俱係濟闌捏詞代述。並查明棺殮貝勒屍身時。不准近前看視。實屬膽大兇殘。可恨之至。德英額及塔爾尼善等。能將此案訪察確實。並將各犯全行拏獲。均屬可嘉。惟沙克都爾扎

布。身係扎薩克貝勒。其左右豈無親近伺候之人。彼時該犯等入室行兇。何至竟無一人知覺。其中顯有別情。著提集應訊人證。將此案實在情形。詳細查明。嚴切根究。按律辦理。以成信讞。尋奏。沙克都爾扎布。府第荒涼。並無親近伺候之人。伊胞叔喇嘛濟闌。因其無子。謀得世爵家產。起意將該貝勒勒斃。請將濟闌及聽從加功之烏爾凡。呼土克。呼魯爾。歹毛。霍几格爾。並裝點自縊之章申保。巴圖

爾。均擬斬立決。傳首該貝勒墳墓。致祭後。懸竿示眾。下部議從之。○諭軍機大臣等。據刑部奏。研訊浙江嘉興白糧幫與台州前幫水手兇闖各犯大概情形。現據各犯供稱。伊等自道光五年。在浙江械鬪後。夙讎未釋。本年七月內。嘉興白糧幫停泊通州。該幫水手王大小。上街購買衣物。與台州前幫水手現被嘉興白糧幫殺死之李大楞。並在逃之李二和尚。曹二楞等會遇。李大楞等報復前讎。將

王大小殺死。經嘉興白糧幫現已到案之楊德。糾合眾水手等。約有百十餘人。各持槍刀器械。前往尋毆。其時台州前幫水手力不能敵。被傷之人甚多。內有李大楞被殺身死。屍棄河內。伊等滋事後。台州前幫水手。因處州後幫多係老安教。近來亦有潘安教之人雜入其中。遂走至處州後幫。勾結老安教水手。將潘安教內在處州後幫充當水手之人。殺斃多命。伊等親見河內屍身紛紛拋棄。並據

供出處州後幫滋事兇犯耿鬚子等。現在通
州等語。此案幫船水手挾讎兇闖殺斃多命。
實屬目無法紀。必應趕緊查拏。按律究辦。著
直隸總督漕運總督順天府府尹迅飭所屬。
將現犯供出處州後幫殺斃多命情節。據實
確查。並嚴緝耿鬚子等各兇犯務獲。即速送
部歸案審辦。不得互相推諉。致令兇犯聞風
遠颺。將此諭知屠之申。訥爾經額。並諭順天
府府尹知之。

毋庸議○旌表守正捐軀直隸豐潤縣民畢茂讓妻陳氏○己亥諭內閣盧坤奏審擬孝義縣甲頭王文燦京控案件一摺此案山西孝義縣知縣段國奎於採辦駝隻分飭各里長購買雖係循照舊章辦理惟駝隻交官之後不自行捐貲起解輒聽里長隨往照料並任令丁役收取銀兩為沿途餽養運送之用且於徵收倉穀並不親身督察以致丁胥乘機勾串骫法作奸實屬有乖職守段國奎著

即革職以示懲儆其孝義縣未完倉穀九百二十五石零現屆秋收著即飭令現任知縣照數催徵完報不得再任延欠餘著刑部議奏其另片奏銜途差務情形著照所議辦理○庚子

上御洞明堂勾到新疆雲南貴州廣西情實罪犯停決新疆絞犯一人雲南斬犯七人絞犯二人貴州斬犯十四人絞犯六人廣西斬犯十二人餘六十七人予勾○諭內閣奕緒等

奏。

孝穆皇后陵寢木門外牆根潮溼情形寶華峪地宮新建甫過夏令木門外已有潮溼及現有水痕處所木門以內各券情形是否相同不可不詳加察看著派敬徵於初四日起程前往會同寶興將地宮內外逐處履勘是否僅止涇潮抑竟現有水跡其水跡是否因滲漏所致抑由地氣蒸溼一面據實奏明一面令守護太監迅速修治乾潔朕即日啓鑒

寶興不必前來接駕俟將木門內外情形查勘明確再與敬徵一同迎赴行在覆奏○又諭給事中錢儀吉奏浙江糧船水手習教情形請飭查懲辦並妥議章程一摺浙江嘉興幫船水手前在該省械鬪致斃多命雖經懲辦並未散其黨羽昨又在通州地方尋釁爭鬪互有殺傷業經降旨交刑部嚴究起釁之由並習教傳徒各樹黨羽實情盡法懲治將來刑部定案後應如何散其徒黨另募良善

管駕船隻。永杜爭競之處。並著該部妥議章程具奏。○又諭那彥成等奏請建貿易亭。控馭外夷。通商杜弊。一摺。喀什噶爾葉爾羌地臨極邊。卡外各部落商販往來。均必由霍罕經過。該部落皆以貿易為生。未便因禁絕霍罕不與通市。而令恭順各部落生計缺乏。茲據該督等查明要隘處所。請照伊犁與哈薩克貿易章程辦理。係為因時制宜起見。著照所請。於喀浪圭卡倫外明約洛地方建設貿易

易亭。修展堡卡。派都司守備一員。帶兵二百名。前往彈壓稽查。一切貿易置貨。均照伊犁官鋪章程辦理。惟所奏嗣後貿易各物。當議定價值。以貨易貨。永禁內地元寶出卡。商民回子中。有以銀置貨者。一經查出。將所置之貨概行入官。仍從重治罪。果能如此辦理。自係籌邊良法。但恐有名無實。日久玩生。嗣後該大臣等總當認真查禁。永遠遵守。無任玩法滋弊。餘俱照所議行。○又諭那彥成奏查

明伊犁通烏什道路。酌議封禁。備用一摺。伊犁西南卡倫外。有直通烏什捷徑。經由布魯特地方。前飭德英阿派員查勘。據奏應於無事時豫為修治平坦。各在原設卡倫添兵巡防。每年由伊犁烏什派員會哨一次。當經降旨。令那彥成悉心籌度。茲據奏南路通伊犁捷徑。如巧塔爾達板。阿爾通霍什。均經奏請封禁。此路並無險阻。為行兵捷徑。亦請封禁。備用。著伊犁將軍烏什辦事大臣。即將伊犁

西南哈布哈克卡倫烏什迤北貢古魯克卡倫。各添派官兵認真巡防。不准夷民取道往來。儻有匪徒潛越。一經盤獲。照越度邊牆例從嚴治罪。儻守卡員弁不實力稽察。任令潛越。即一併嚴參懲處。該將軍前奏每年會哨修治之處。著無庸議。○命撤葉爾羌喀什噶爾英吉沙爾三城換防滿洲官兵歸伍。從欽差大臣那彥成請也。○以承辦回疆軍需出力。賞哈密協副將倭恆額。同知志奎。花翎主

事銜莫爾根等藍翎餘升補有差○貸回疆西四城兵丁茶價銀○辛丑

上詣綺春園問

皇太后安○御洞明堂勾到四川情實罪犯停決斬犯三十六人絞犯十一人餘九十一人予勾○諭內閣寶興奏查拏紅椿以內偷窆人漫賊犯請解交刑部審辦一摺李旺陶進碌著即解交刑部嚴行審訊向來紅椿以內偷窆人漫例無作何治罪專條本日據寶興

另摺奏請分別紅椿內外偷窆斤多寡明定罪名已批交刑部議奏此案該犯等罪名著於議定條款後即照新例辦理該汛弁兵一經知覺即隨同查拏賊贓並獲所有疏防處分著加恩寬免該部知道○又諭楊遇春等奏差弁毆斃隨兵咨革審辦並鄂山自請議處一摺陝甘督標千總米兆祿經楊遇春派隨鄂山前往寧夏充當巡捕輒敢夤夜潛出聚飲將隨帶馬兵徐文昇毆傷致斃復捏

稱病故私令屍父領回實屬藐法米兆祿著即行斥革交楊遇春提集人證嚴訊有無起釁別情及賄和等弊按律定擬具奏鄂山失於覺察著先行交部議處○又諭戶部筆帖式五明繕寫條陳越職妄瀆實屬不安本分念其呈明該堂官代奏尚與擅自呈遞奏章者有間五明著革去筆帖式賞給馬甲交該旗當差○以故鎮國將軍瑞泰子德本襲職○以頭等侍衛烏魯木齊領隊大臣富勒琿

凝珠為委散秩大臣○予湖南故大學士劉權之入祀鄉賢祠從巡撫康紹鏞請也○以直隸永定河秋汛安瀾出力員弁升敘有差○補予甘肅承辦兵差理藩院委署主事富惠等升敘有差○壬寅諭內閣朕恭閱皇考仁宗睿皇帝實錄內載嘉慶十年閏六月那彥成百齡參奏廣東南海等縣私設班館濫羈人犯致斃多命一案奉聖諭地方官私設班館本干例禁粵東獄訟繁

興省城首縣即因待質人犯較多自應稟知該管上司妥為辦理設法羈押乃南海一縣設有班館三處差役私館五十處番禺縣則有帶候所一處差役私館十二處且任聽蠹役於各館安設木柵四圍堵塞將訛詐不遂之人閉錮其中竟同黑獄致令無辜拘繫痰死多人甚至將各案未結女犯發交官媒收管設立女館名目遇有年少婦女官媒逼令賣姦得贓該令等置若罔聞尤為可恨州縣為親民之官似此藐法殃民該督等僅請將該令等褫職辦理尚輕南海縣知縣王軾番禺縣知縣趙興式均著革職發往伊犁效力贖罪等因欽此仰見我

皇考矜恤民命剔釐弊端至意彼時該督撫等雖已嚴察厲禁惟恐日久玩生且恐不祇廣東一省為然即或者會地方有大吏不時查察不敢復設而偏僻州縣仍恐前弊未除州縣官職司民牧豈得任聽蠹役官媒濫羈無

辜冤同黑獄著各該督撫飭司一律嚴行申禁無論繁要偏僻地方俱不得設立班館等所濫行拘繫如敢視為文告故事仍踵前弊該督撫等一經察出即行嚴參懲辦儻竟漫無查察或瞻徇不即參奏將來別經發覺或經朕訪聞或被科道糾參定將該督撫等一併重懲不稍寬貸○又諭昨刑部題覆安徽省回民李大本等因與郭六爭賣私鹽互相糾鬪傷斃六命一案內馬六一犯槍傷劉大

和身死與郭六商謀將致斃各屍身棄入水中馬六起意將劉大和頭顱四肢割落剖取腸臟併棄水中情節極為殘忍該省以該犯於毆殺後欲求避罪割屍棄置原無支解之心仍照毆殺本例定擬絞候刑部並未詳覈亦即照擬具題朕詳閱案情引例殊未允協當命軍機大臣交該部詳查成案據覆並無成案可稽試思馬六等一造殺死屍軀共有五具同時棄置水中何以止將劉大和一屍

支解。若以劉大和周身俱有疤痕。恐屍浮起。被屍屬認明控究。則支解之殘屍頭顱。豈無疤痕可認。而其餘四屍。又何以不慮其浮起。被人認明。此而謂其原無支解之心。仍依本例治罪。豈得情法之平。即使有成案可循。尚須衡情酌改。况據該部檢查。從無似此成案。何得率行題覆。著將原題發交刑部悉心酌覈。另行妥議條例。奏明更正。再降諭旨。○又諭奕顯奏查明法庫邊門外科爾沁郡王旗

界台吉。私招流民開墾地畝。一摺。科爾沁郡王僧格林沁旗界台吉那沁等。將該旗庫都力等處牧馬荒廠。招集流民。私行開墾。據該將軍委員查明。共有一千四百餘戶。均係無業貧民。攜眷種地度日。若按戶驅逐。未免失所。請查照卓哩克圖王冰圖王二旗招留民戶成案。准其容留之處。是否可行。著交理藩院議奏。○盛京將軍奕顯奏

皇上明年東巡。請照嘉慶二十三年成案。頒給

辦差銀十三萬兩。得旨允行。○調甘肅提督齊慎。為直隸古北口提督。古北口提督何占鼐。為甘肅提督。以署古北口提督四川重慶鎮總兵官胡超。署陝西固原提督。○以盛京軍政年逾六十。官六十七員。精力未衰。命留任。○癸卯

上幸靜明園。詣

龍神廟拈香。○遣官祭

都城隍之神。○諭內閣。瑪呢巴達喇。現因患

病。請假。聞伊欲於初八日銷假。隨朕恭謁

東陵。惟啓鑒僅隔二日。恐臨期不能速痊。著毋

庸隨扈。俟本月十七日。朕由圓明園啓鑒時。再行隨往。儻屆期未痊。儘可在家安心調理。

統俟痊愈。再行銷假當差。○又諭富勒琿凝

珠。前經加恩賞給委散秩大臣。昨伊謝恩。召

見。據奏在烏魯木齊領隊。已越三年。朕思上

年回疆帶兵大員。俱稱烏魯木齊駐防官兵。

最形輟弱。該都統領隊等。因循廢弛。不能隨

時整頓均有應得之咎念其事屬已往曾降旨嚴加訓飭並通諭各城大臣俾知儆省日久毋怠都統英惠職司統轄且兩年以來辦理糧餉轉運事宜均屬認真妥協功過尚足相抵富勒琿凝珠係領隊大臣在任三年之久訓練操防是其專責乃不知奮勉盡職一任官兵等弓馬平常技藝生疏以致徵調不能得力殊負委任若復行加恩其何以示懲儆富勒琿凝珠著撤去委散秩大臣仍以頭等侍衛在大門上行走○諭軍機大臣等據都察院奏山東登州府黃縣民人閆世鵬呈控該縣李知縣本年夏間因加徵丁銀將鄉保鎖禁並詐嚷民叛劫奪會營查辦迨委萊陽濮知縣署任依舊加徵並藉民叛為名恣意查拏伊父閆浩務農安分忽被捆拏解府以致被刑殞命等情已明降諭旨交琦善審訊矣前有人叅奏山東黃縣因私增錢糧滋事接任知縣仍復依舊加徵案懸日久拖斃

人命曾降旨交琦善秉公查辦茲該民人復以加徵誣叛濫刑斃命等情赴京呈控地方官徵收錢糧原不准任意加增遇有刁民恃眾滋鬧即應據實叅辦該縣知縣李肇敏本年四月間該撫以催科失當奏明撤任查辦其接任之員自應妥為辦理何致仍前加增以民叛為名恣意鎖拏濫刑釀命如果屬實殊屬大干法紀著琦善即將此案實在情形詳細確查提齊人證秉公審辦按律定擬具

奏無稍隱飾將此諭令知之○甲辰

上御洞明堂勾到廣東福建情實罪犯停決廣東斬犯九人絞犯六人福建斬犯四人絞犯一人餘一百一十人予勾○諭內閣琦善奏查明營兵夥竊餉鞘請將失察及接解原解文武各員分別辦理一摺此案失察營兵夥竊餉鞘復捏飾具稟之山東沙溝營都司楊紹坤及值宿不到之外委程開導俱著革職交該撫提同案犯嚴審按律定擬具奏○滕縣

知縣孫宗燦。接解餉鞘。並不遵例派役迎護。守宿著照例革職留任。解員廣東嘉應州吏目孔昭光。率因餉已交營。遂不督同兵役小心防守。自赴旅店投宿。著照例革職。未獲銀兩。著落該縣及解員按成分賠足數。另委妥員。押同孔昭光。將前項關餉解部交投。仍押回山東。俟本案審結之日。再赴廣東原省。○緩徵山東德平。長山。新城。臨邑。陵商。河。樂陵。陽信。鄒。濮。濟寧。海豐。霑化。臨清。夏津。武城。

上詣綺春園問

皇太后安。○諭內閣。敬徵等奏遵旨查勘

孝穆皇后陵寢木門外牆根潮溼情形一摺。據稱恭啓木門。察看門內地面。有積水五分。逐層石券。至地宮石券地面。俱有積水五六

分不等。寶牀上及石券東西金剛牆俱無水跡。北面石牆七層以下間有成片水氣。券頂石及石門枕樞。俱有蒸溽水珠等語。木門內外各券。既無滲漏痕跡。若謂地氣蒸溽。亦何至積水有五六分之多。著敬徵等督同守護太監。迅速收拾乾潔。俟朕於十二日到彼看視。其地面牆根應查之處。著於擦拭後。再行詳細查勘。總須查出存水之由。方好修理。敬徵等查勘明確。即於行在覆奏。至承修後段

監督如有應行叅辦之處。著俟查明修工年月。再行具奏。○又諭。訥爾經額奏查拏處州後幫滋事水手解部。並請將該管運弁先行革職歸案審辦一摺。浙江處州後幫千總張京魁。於該幫水手在通州滋事。朦混具稟。任聽離船遠颺。殊屬疏縱。著即革職。解交刑部歸案審訊。所有現獲之徐永年等九名。著分飭天津通永二道。派員同先經獲解通州之耿鬍子等十一名。並原告朱士奎楊達春錢

永太三名一併押解刑部。仍將現在供出未獲各犯及朱士奎等指控之逸犯飭令浙江糧道暨各該地方官上緊查拏解部歸案審訊。○丙午

上啓鑒恭謁

東陵○禮部奏十月初十日

皇太后聖壽節應行禮儀得旨是照例行禮奉皇太后懿旨停止筵宴。其在外福晉命婦進內行禮之處並著停止。○免蹕路經過地方本年額賦十分之三。○是日駐蹕煙郊行宮。○

丁未諭內閣前據奕緒等奏

孝穆皇后陵寢木門外牆根潮涇情形當派敬徵前往會同寶興將地宮內外逐處履勘務查明存水之由據實覆奏。茲據奏稱木門內罩門券兩邊馬蹄柱門枕石下往外浸水明堂券穿堂券地平石縫金剛牆根俱有浸水處三層門洞券門枕石後及金券寶牀下三面石縫俱有浸水一二分不等復履勘各

券牆根似有消水涇氣數寸木門後陰涇微溥尺餘究其券内存水之由竟係空山水由地平浸涇泛溢所致等語寶華峪地宮新建甫經夏令即有由內浸水之處迨經擦拭隔宿又復普行積水二分據敬徵等查明情形若此是該監督等於地平以下工程辦理不善喪盡天良保無偷減情弊必須嚴切根究總監督內閣侍讀學士牛坤及始終承辦後段監督內務府郎中百壽員外郎延鳳併接辦後段監督郎中慶玉監修主事定善候補筆帖式長淳副司庫瑪彥布俱著革職交留京辦事王大臣會同刑部嚴審牛坤現在隨扈著行在刑部派員押令回京聽候審辦英和承辦萬年吉地之工始終其事其罪尤重著先行革去頂帶拔去花翎其餘先後承修各員查明在工年月具奏再降諭旨。○又諭寶華峪地宮浸水情形由於地平以下工程辦理不善據軍機大臣查明承辦工程各員

在工年月及開工並地平落成年分開單具奏。其在工最久始終其事者惟莊親王綿課及戴均元、英和三人。伊等受恩深重，應如何鄭重詳慎，督同工員覈實妥辦，乃一任承辦之員草率從事，使綿課其身尚在，朕必加以嚴譴。今已身故，著與已故之阿克當阿、嵩年、慶惠均免其置議，仍俟將來定案再行照例罰賠。致仕大學士戴均元前因工程加恩賞加太子太師銜，並伊子戶部員外郎戴詩亨，

以郎中補用。今查明工程辦理不善，豈能復邀恩賚？戴均元著革去宮銜，降為三品頂帶。伊子戴詩亨仍降為員外郎候補。英和已降旨革去頂帶，拔去花翎，著即革職，以示懲儆。穆彰阿接辦時地平尚未完工，不能指斥妥辦。著交部嚴加議處。繼昌、廣泰前任馬蘭鎮總兵兼辦工程，均著交部議處。仍俟定案後分別議賠。阿爾邦阿敬徵寶興接辦時已在，前項工完之後，恩銘交卸馬蘭鎮總兵時甫

經開工，俱著加恩無庸置議。○又諭嵩孚等奏各衛軍戶隄膳歲修工程請改歸屯坐州縣就近經理一摺。湖北屯坐各州縣軍戶隄工係歸各衛守備經管，茲據該督等奏稱每年秋後水落應修隄膳之時正值趕辦新漕該衛守備等僉丁造船兌糧起運無暇督辦隄工，其屯頭隄長人等任意延宕以致書役串通侵蝕土方工程不能堅固且軍隄俱係濱江臨河一經汎漲漫潰即致貽害民隄請

將每年歲修工程改歸屯坐各州縣就近經理著照所請即飭令各衛限一月查明屯坐地方管修隄工之首事隄長屯頭業戶造冊移送該州縣存貯自本年秋後勘辦民隄之時順道查勘軍隄凡低矮單薄之處按段加高培厚估計應需夫工造冊詳報一面責令首事隄圩人等趕辦土方自行興修毋許書役涉手以杜弊竇並責成該州縣暨汛員等一體督率查催務與民隄同時興工報

竣工程一律堅鞏俾資捍禦每年汎水漲發亦責令該州縣等認真搶護巡防僅有草率偷減及防護不力即著嚴行叅處該部知道

○是日駐蹕白澗行宮○戊申遣官祭

歷代帝王廟○以刑部尚書明山為滿洲繙

譯鄉試正考官詹事府詹事穆馨阿為副考

官國子監司業嵩安為蒙古考官○是日駐

蹕隆福寺行宮翼日如之○己酉

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○至寶華峪

孝穆皇后陵寢奠酒○諭內閣寶華峪地宮積

水情形前據敬徵等節次查勘水痕旋拭旋浸本日朕復親臨閱視金券內北面石牆全行溼淋地面間段積水細驗日前積水痕跡竟逾寶牀而上現在

孝穆皇后梓宮微溼之痕約有二寸計存水有一尺六七寸之多與木門以內各券水痕尺寸相同是必有山泉湧溢亟須妥為相度修治著派敬徵阿爾邦阿寶興帶同精於堪輿諳習工程之人詳加履勘奏明辦理此項

工程當開通時如果詳慎體驗豈竟毫無情形乃綿課等屢經帶同堪輿相度漫不經心昧良負恩莫此為甚前降諭旨不足示懲綿課之子莊親王奕劻著降為郡王戴均元著即革職英和之子兵部侍郎奎照通政使奎耀俱著革職作為拜唐阿交敬徵等帶赴工次效力○諭軍機大臣等本日朕親臨寶華峪地宮及寶城上下詳加閱視券內存水係由空山水浸溢所致現在北面石牆全行溼

淋金券內連日擦拭。尚有間段積水。驗看舊存水痕。竟逾寶牀上至。

孝穆皇后梓宮。微涇之痕。約有二寸。寶牀僅高一尺五寸。而存水竟至一尺六七寸。合之木門以內各券地平水跡。尺寸相同。是今夏存水之時。總有一尺六七寸之多。必有山泉浸溢。當時開通地壙。未經興作以前。豈無浸泛情形。何以仍聽興工。難保非綿課等因已相度奏明於前。意存回護。著奕紹等將已革

監督等隔別嚴訊。務令供出開工時實在情形。一面摘提承辦工頭匠役等詳加開導。隔別訊問。令其將開壙時土性若何。及開通時有無山石夾雜。泉水浸泛。並地平以下不露明工程。是何做法。此二層為緊要關鍵。必須逐一切實研訊實情。並告知此事與伊等無涉。務令據實供吐。無任稍有諱飾。此時就朕閱視。與敬徵等節次查勘情形。其為山水浸溢無疑。而水勢自外內注。抑從地泉湧出。總

當確切究明。以便設法修治。奕紹等當善體

此意。不可稍涉含混。並將兩日來訊問情形。先行據實具奏。將此諭令知之。○調盛京戶部侍郎常文。為兵部左侍郎。以都察院左副都御史多山。為盛京戶部侍郎。盛京工部侍郎誠端。管奉天府府尹事。○以兵部右侍郎保昌。兼署工部右侍郎。兼管錢法堂事務。○以圓明園營總達哈布。為鑲藍旗漢軍副都統。吏部右侍郎貴慶。署正紅旗護軍統領。正

黃旗蒙古副都統音登額。兼署鑲黃旗漢軍副都統。○庚戌。

上恭詣

裕陵行大饗禮。王以下文武大臣官員均隨行禮。○諭內閣嵩孚等奏。道員隨帶夫役中途釀命。提省審辦。請將該道先行交部議處。一摺。湖北漢黃德道吉光。因差公出。不能約束。隨從人役致押送行李之夫役徐棟。樁中途踢斃人命。著先行交部議處。至該犯徐棟。樁

以道署打雜人夫。輒敢乘坐竹兜。是否實因患病。抑竟有倚勢逞兇。故殺捏飾。及該道有無縱容情事。著該督撫飭屬嚴切根究。務得確情。按律定擬具奏。○賞蹕路經過看守各行宮弁兵半月錢糧。○賑雨淮中正板浦臨興三場被水竈戶。並蠲緩錢糧有差。○是日回鑾。駐蹕桃花寺行宮。○辛亥。諭內閣。前經降旨。命留京辦事王大臣會同刑部堂官。將寶華峪地宮開通土工時。有無山石夾雜。泉水浸透。及地平以下工程做法。向已革監督等切實根究。本日據奕紹等奏。訊據百壽等供稱。當開通時。土係黃色。惟北面壙幫間有石母。石內滴水。該革員等曾告知英和。用土攔攔。令水旁流。不使流於壙內。自興工及完工時。均未見壙內有水。又據供。伊等開工時。恐日久壙內微溼。原議兩旁安置龍鬚溝出水。因英和告以不用安置。是以停止。並據牛坤供稱。伊祇管開發銀兩。不管工程。亦無剋

扣情事等語。前於寶華峪開工時。曾經詢問英和。所開土性若何。有無泉石顯露。據奏土性甚純。並無泉石。其龍鬚溝應否安置。亦據奏地甚乾潔。可以停辦。至牛坤在工。曾據英和在朕前保奏。有伊在彼。英和即不必常往親自督工。此時牛坤則稱。不管工程。是此三事。顯敢在朕前欺飾。是誠何心。英和著即拏問。交刑部。添派盧蔭溥。文孚。會同奕紹等。切實究訊。務令逐一供明。伊現在患病。著伊子奎照。奎耀。隨往刑部。並嚴訊已革監督等。英和。牛坤。有無侵蝕帑項。暨曾否將開出石母滴水情形。告知綿課。載均。元。伊二人曾否親往驗視。商同辦理。仍遵照節次諭旨。逐細根究。無任稍有隱飾。○又諭。繼昌。廣泰。前在馬蘭鎮總兵任內。有兼辦工程之責。乃不能商同妥辦。著即照部議。降三級調用。○又諭。刑部覆奏。安徽省回民李大本等與郭六爭賣私鹽互鬪傷斃六命一案。內馬六一犯。於各

屍身棄入水中時起意將劉大和頭顱四肢割落。割取腸臟併棄水中。情節極為殘忍。若仍照原題擬以絞候。實屬情浮於法。檢查條例內毆故殺人後復扶忿逞兇。似此情節者未經議及。茲另行酌議條例。奏明更正。馬六一犯著即改為絞立決。嗣後謀故及鬪毆殺人之犯。罪止斬絞監候者。若於殺人後扶忿逞兇。割落屍頭四肢。並剖腹取臟擲棄者。俱各照本律例擬罪。請旨即行正法。該撫等於馬六一犯並未詳覈案情。輒照毆殺本例定擬絞候。刑部照擬具奏。亦有不合。鄧廷楨、岳良並刑部堂官俱著交部察議。○又諭嗣後殺死一家三四命以上之案。審明被殺之家實係絕嗣。將兇犯之子年未及歲者送交內務府閹割。奏明請旨分賞。著刑部纂入例冊。循照辦理。○又諭琦善奏審擬藉糧滋鬧各犯。並請將辦理不善之知縣斥革一摺。此案知縣李肇敏在黃縣任內徵收錢糧並不循

照舊章辦理。率藉銀價昂貴為詞。勒照市價折錢。以致輿情不協。雖訊無侵蝕入己。及非法嚴酷情事。實屬溺職。李肇敏著即革職示懲。○刑部議奏大學士兩江總督蔣攸銑等奏審訊已革壽州州同多齡藉案圖詐等情一案。得旨此案已革壽州州同多齡前在州同任內。寅夜往州書李登科家入室搶拏。刑逼教供。必欲將顧亨扳為挾妓飲酒蓄心圖詐。迨被叅革。審後復藉案恐嚇。逼令顧亨之表兄張應元許給銀四千兩。復以借為名。先向張應元取用銀二百兩。迨顧亨之母鄭氏令張廷昂赴省送銀。又先取用銀二百兩。嗣因家人黃潯需索。隨封銀兩。恐事敗露。始行稟首。其先行取用銀四百兩。又並未首出。現經蔣攸銑等審明。該革員猶敢逞其刁健。堅不承招。實屬貪酷狡詐。多齡著發往新疆充當苦差。以示懲儆。縣丞曾政衡奉委看守。乃於多齡嚇詐滋事。未能覺察。著交部議處。原

審定案之知府劉湜同知陳其松未究出多齡濫刑逼供等情著交部議處安慶府知府程懷璟因多齡供詞牽混開寫問條令其逐層登答並無投意情弊惟發給問條當時不即收回致被藉口挾制亦屬疏忽著交部察議○陝甘總督楊遇春奏請動款豫買甘肅兵糧以資備貯允之○調署福建布政使富呢揚阿署江西布政使以刑部員外郎前任山東巡撫程含章為福建布政使○修浙江錢塘縣大雲寺灣壓沙塘閘並寧波台州溫州三府水師各鎮標協營鈞槓船隻從巡撫劉彬士請也○是日駐蹕白澗行宮○壬子諭內閣穆彰阿前此接辦寶華峪工程彼時地平尚未完工不能指斥受辦即照部議革職實屬咎所應得姑念接辦以來除出差給假日期實計在工僅止一年有餘著加恩改為革職留任○諭軍機大臣等昨據奕紹等向已革監督百壽等究出寶華峪開通土工

時有石母滴水情形是此時金券内存水之由似竟係地泉湧溢所致當時相度山勢曾經堪輿宋泗等隨往履勘宋泗之外尚有何人同往所見有無異同著奕紹等即傳提宋泗等究訊彼時擇定寶華峪伊等俱稱為盡善盡美抑尚有指摘之處其土中山石夾雜曾否有人看出及開通後顯露石母滴水伊等是否眼同開看曾否將開出情形聲明抑商同回護前失務當逐一根究不可稍任狡飾此外一切應訊之處遵照節次所降諭旨向英和等嚴切究明據實具奏將此諭令知之○命五城於冬春二季設廠煮賑○緩湖南應解二限減半通米及漕船沈失米石○是日駐蹕煙郊行宮

事

一八五

民欠並短交捐雜各款銀兩前經該撫奏請

將追賠無著銀兩一併歸於各上司名下分賠歸款。茲據該撫查明郭元揆等短交捐雜各款銀三千九百八十餘兩。與歷任墊解民欠那缺正項不同。將來咨追無著。應由該省自行籌補。不應併歸該管上司名下分賠。據實奏明更正。著照所請。此項短交捐雜各款。先於原欠各員名下咨追。如果無著。該省另行籌補歸款。韓文綺暨該藩司繼昌前此未經詳查。率行具奏。實屬疏忽。著交部分別議處。○免蹕路經過地方本年額賦十分之三。

○是日駐蹕黃新莊行宮。○乙卯河東河道總督嚴烺奏報秋汛安瀾。命嚴烺詣

河神廟祀謝。並下部議敘出力員弁。升敘有差。○是日駐蹕半壁店行宮。○丙辰諭內閣德英阿等奏請由伊犁新設錫伯部落兵丁內添設前鋒四十名。並請在錫伯索倫兩部落添設防禦八員等語。伊犁索倫部落兵丁內有前鋒四十名。而錫伯部落並無前鋒。今

錫伯部落既添設兵丁三百名。著即照德英阿等所奏。由新設兵內挑選前鋒四十名。委前鋒校四名。並於該部落左右兩翼各添防禦二員。索倫部落左右兩翼亦各添防禦二員。令其管轄前鋒兵丁。每年輪班與戍守巡哨喀什噶爾塔爾巴哈台之滿營官員。按照坐卡侍衛之例一體坐卡。其官兵每年所需俸餉銀一萬四百八十兩。著即由那彥成原奏百分減二節省項下動支。○諭軍機大臣

等寶華峪地宮既有浸水情形。朕昨親臨閱看。所辦工程亦多草率。是該監督等顯有偷竊侵蝕情弊。現究出百壽等曾將開出石母滴水之處向英和等告知。商同攬護。並飭奕紹等向百壽等嚴切根究。著耆英福泰即將英和牛坤及已革監督百壽延鳳已革監修定善長淳瑪彥布等七人家產嚴密查抄。福泰現在駐圍著中營副將謝麟代為值班。福泰即會同耆英前往查辦。勿任稍有寄頓。將

此諭令知之。○又諭已革內閣侍讀學士牛坤經綿課等派赴工次總司一切所辦工程甚屬草率現飭奕紹等嚴究偷減侵蝕情弊除伊在京資產已經籍沒外著屠之申即委委員將牛坤原籍家產嚴密查抄勿任稍有寄頓將此諭令知之。○又諭分發雲南鹽提舉趙佩琳現在寶華峪工程有應訊事件該員籍隸江蘇著陶澍查明如尚在本籍逗留即行派員解赴刑部如該員已由本籍啓程著飛咨沿途各督撫查明該員行抵何處即行截留派員解送刑部毋任遲延將此諭令知之。○又諭河南內黃縣知縣蔡鴻升現因寶華峪工程有應訊事件著楊國楨即派員將該員解赴刑部毋任遲延將此諭令知之。○又諭奕紹等奏連日究訊英和等並堪輿宋泗供情一摺寶華峪北面墳壠有石母滴水情形既據現犯僉供如一其所稱灰漿未能乾透及地氣蒸溽之供斷無其事若果係

灰漿蒸溽則一經擦拭當必立見乾潔豈有屢拭屢浸之理即使空山水所致現已時交霜降水泉力弱似亦不應頻經擦拭浸溢如故看來此水或係自下上湧或係自外內注必須詳細根究明確不得稍涉含混當時戴均元等所帶堪輿既有宋泗趙佩琳蔡鴻升姚紹基毓慶等五人究係何人首先看定其餘所見是否相同有無指斥此地當有石泉之論其宋泗所供之玉風水是否即係筆帖式毓慶除趙佩琳蔡鴻升業經出京已降旨令該撫等即行解部審訊外其欽天監挈壺正姚紹基筆帖式毓慶奕紹等即應提同嚴訊務得確情現查出吳烜等覆勘寶華峪時曾帶同監生吳灝刑部主事余毓祥兵部主事周彥前往詳勘伊等所見有無異同曾否指摘此地土色泉石不純亦應向該監生等詳加詢問不得因此時復行究詰意存回護至地內石母滴水情形該監督等既向綿課

戴均元英和等三人告知。其以後接辦之穆彰阿阿爾邦阿敬徵及兼辦工程之馬蘭鎮總兵恩銘等俱曾經該監督等告知與否。當時看出石泉商同攬護。係祇用土抵禦。抑用石填塞。其如何作法。均須向百壽等切實究明。無任稍有隱飾。此項工程。既經開有泉石。若果該監督等認真修築。其浸水情形。何至如此之速。朕昨親臨閱視。所辦工程。本多草率。是否侵蝕偷減。奕紹等務向百壽等嚴切

究訊。勿涉顛預。將此諭令知之。○是日。駐蹕梁格莊行宮。翼日如之。○丁巳。

上恭謁

泰陵

泰東陵

昌陵俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員均隨行禮。○諭內閣恭守

昌陵之侍衛。現在惟有三等侍衛奎英。哈豐阿。安慶西等侍衛宗室綿律。藍翎侍衛壽喜等五員。俱著加恩來京。交領侍衛內大臣等分別察看。此內有能當差者。仍令充當原品侍衛。差使。儻有精力就衰。不能當差。前在軍營出力者。著兵部查例辦理。外其餘年力就衰者。著原品休致。照依前次成案。賞食馬甲錢糧。○又諭。訥爾經額奏請照例掣發。○空武舉。並將頭二卯新捐衛守備千總。請暫停分發。一摺。漕標候補備弁。前因人數眾多。經該漕督奏請暫停分發。茲據查明。漕標應掣空運候補衛千總。覈計今冬應用人數。不敷掣委。著照所請。交該部照例掣發。武舉三十名。以資委用。至新捐衛守備千總。甫經分發。尚須試看。未便遽令押空。致有貽誤。將來二卯截數後。與頭卯未經分發人員。俱著該部暫停分發一年。又據另片奏。向來分發衛千總掣委空運。舊案兩歧。請酌改章程。漕弁督押

空船雖非重運可比。而催趲彈壓均關緊要。自須酌量委任。武舉一項本有由部掣發委押空運之例。此次復遵新例捐納。自與由生監報捐者不同。亦著照所請。現在新例分發捐納衛千總內。有武舉出身加捐者。准其即照部掣武舉押空之例。一體籤掣空運。如有才具中平。尚須試看者。仍不准入掣。其餘由生監捐納者。未經試用期滿之前。照例隨時差委試用。不准即掣空運。該部知道。○又諭。

英惠等奏。立秋後領隊大臣果勒銘阿。照例帶領官兵進山。在有獸處所。演習行圍等語。郊外行圍。係滿洲人舊業。一切技藝。均應精銳。上年回疆滋事。烏魯木齊等處官兵。騎射平常。技藝生疏。此皆該都統領隊大臣平日因循。並不留心。妥為訓練所致。是以朕降旨令該都統領隊大臣等。嗣後務須將各該管官兵認真訓練。今英惠等奏領隊大臣果勒銘阿帶領官兵演習行圍。係屬循例事件。著

傳諭英惠嚴飭該協領等。務將官兵勤加訓練。至郊外行圍殺獸。務須便捷。馬上技藝。務須妥善。出眾者鼓勵。平庸者嚴懲。斷不可有名無實。其巴里坤古城吐魯番等處滿營。俱係英惠所屬。並著傳知各該領隊大臣等。將官兵妥為訓練。經此次訓諭之後。儻仍前因循塞責。經朕查出。不惟將該協領嚴行治罪。並將該都統領隊大臣等一體治罪。決不寬貸。○諭軍機大臣等。昨經降旨。令奕紹等傳

到相度寶華峪山勢之原。看覆看各堪輿詳加詢問。自己傳集覆訊。此案雖究出石母滴水情形。然皆由土石工程。未能堅固。如式致有浸溢。其罪在於承辦工程各員。與相度官本無干涉。節經降旨。向宋泗等研訊之意。原欲得其前後相度實情。並伊等所見所論之有無同異。同論者若何。異論者若何。既可知此地之純疵。於全局有無妨礙。若從前有議論此地開至若干丈尺。即應有水石者。此時

證諸所言不謬將來即當再令前詣詳勘並非因地宮業有浸溢情形即坐伊等以相度不實之罪惟恐伊等畏罪不肯將當日所看實情據實陳明奕紹等即將此意向伊等反覆開導勿令畏懼務從實供當時係何人首先看定後至之人或不肯直斥其非或因業經奏明不復指摘在戴均元等及吳烜等前後所奏之摺亦未必盡將伊等所見所言悉行入告現經特旨垂詢若因戴均元等未經

奏出輒復隨聲附和將來別經訊出則是伊等本無咎愆轉自蹈欺飾之罪奕紹等當善體此意隔別訊問詳加開導務得確情不可稍涉含混將此諭令知之○又諭寶華峪地宮浸水情形前據奕紹等向已革監督百壽等究出開通土工時北面墻幫間有石母滴水之處曾經告知英和等商同攬護連日訊據英和供稱地宮地盤開至北面見有似石非石似土非土幾塊土人謂之石母綿課戴

均元俱曾親見伊在工時並未見有水滴嗣經監督告知有時滴水即與綿課戴均元公同商酌用土攬護等語寶華峪山勢係戴均元首先帶同堪輿相度此地既有石泉當時同往堪輿五人豈無一人指摘及此即使彼時所看之人並無異議迨開通地盤顯有石母究於風水有無關礙亦應妥為籌議何以直至該監督等告知滴水情形始商同用土攬護彼時若不同護前失即應據實奏明何

以始終並無一言奏及著韓文綺即向戴均元傳旨詢問務令逐一詳細登覆現仍令奕紹等向在工人員嚴切究訊若戴均元所供與京中所訊各供相符是尚自知其罪若稍有不實不盡即是敢於欺飾伊自問當得何罪令其據實書敘親供韓文綺即迅速由驛具奏將此由四百里諭令知之○戊午

上恭詣

昌陵行大饗禮王以下文武大臣官員均隨行

禮○諭內閣屠之申奏請豫籌來年應辦工程懇撥銀兩一摺前經降旨於來歲親詣盛京恭謁

三陵所有各工年久坍塌應即分別修整茲據該護督查明估計除蘆商照舊幫差銀三萬兩外約需經費銀十二萬兩方敷工用著照所請即在鹽斤加價拔本項下動撥銀十二萬兩由運司解交藩庫該護督務飭承辦各員覈實妥辦勿稍冒濫○又諭琦善奏查明

綠營兵丁歲支紅白銀兩請照舊卹賞一摺山東省綠營兵丁歲支紅白卹賞銀兩前經部議請與陝甘等省俱照例定銀數酌減十分之三茲據該撫查明節年歲銷銀數不致增加支用並無不敷若與歲有增加省分一例酌減未免向隅著照所請所有山東撫鎮各標兵丁及黃運兩河之河兵堡夫應領紅白銀兩著准其照依舊數卹賞免其酌減三成以示體恤惟額無一定究恐日漸增多嗣

後凡遇有閏之年著定以八千兩無閏之年定以七千兩作為歲額覈實支放如有餘騰提存司庫遇有支用稍多之年即將存項湊發如再不敷即於各該廳營公費內支給不准於歲額外加增以節經費該部知道○大學士兩江總督蔣攸銑江南河道總督張井副總河潘錫恩奏報秋汛安瀾命張井潘錫恩詣

河神廟祀謝蔣攸銑下部議敘賞還張井二

品頂帶潘錫恩三品頂帶出力員弁升敘有差○賞蹕路經過看守各行宮弁兵半月錢糧○以黑龍江各屬被旱歉收免呼蘭官莊屯兵應交錢糧並展緩齊齊哈爾黑龍江墨爾根打牲烏拉四處兵丁舊借糧銀○是日回鑾駐蹕秋瀾行宮○己未諭內閣那彥成等奏回疆各城印房章京請復由京揀派舊制並請酌留在外奏補一摺回疆各城額設印房等處章京向俱由京揀派嗣因京員情

形不熟不能得力。每於駐防筆帖式內遴才奏補。日久相沿。難盡覈實。且該員等把持固結。流弊日滋。茲據該督等請復舊制。並酌留三缺。俾駐防筆帖式中才堪造就者。亦不致阻其上進之階。著照所請。除英吉沙爾向無章京外。其餘七城印房章京七缺。悉用京員作為掌印章京。喀什噶爾回務章京一缺。亦著由京揀派。其經牧一缺。公事無多。改歸印房掌印章京兼管。其缺改為印房幫辦。准其留補駐防人員。葉爾羌原設印房章京二缺。內一缺已用京員作為掌印章京。其一缺准其改為幫辦。留補駐防人員。喀什沙爾夷回章京一缺。亦准其留補駐防人員。以上所留三缺。遇有缺出。該城大臣務擇其才品兼優者保送。該參贊大臣覈定奏補。不得仍前徇情濫竽。其由京揀派章京缺出。亦著照所請。將通曉清漢文義之滿洲筆帖式。由各部院衙門保送一員。彙考錄取。帶領引見補放。作

為委署主事。前往換班。三年期滿。如果得力出色。奏明咨部。以主事即選。得缺後。即由部奏請咨取。帶領引見。更換俟由京揀派之員到日。再行給咨回京。嗣後遇有掌印章京缺出。永不准通那奏補駐防人員。違者。照徇庇例議處。現在各城印房章京。或早經奏補。或甫經升調。未便一時更撤。著俟各該員年滿。再行奏請。照新定章程辦理。該部知道。○又諭那彥成等奏籌議操兵章程一摺。回疆增設防兵。籌給餉糈。原期折衝禦侮。悉成勁旅。俾外夷震懾。永靖邊陲。茲據該督等籌議。按期操練章程。與朕本年通飭各省營伍勤於訓練。諭旨相符。其令滿兵於草肥馬壯時。演習行圍。尤當如是。辦理著照所請。將喀什噶爾現設防兵四千三百名內。除分派防守及各項差役外。挑選年力精壯技藝可觀之兵二千名。責成總兵舒倫保督率將備。分為十班。按所定日期。操演各項技藝。每日派將備

輪流看操每屆十日由該總兵校閱一次每屆一月該參贊大臣校閱一次儻有步伍不整技藝不熟者將鎮將等記過一次記至三次即行據實叅辦以肅軍令該總兵校閱時分別槍礮弓箭中靶多寡長矛步伍捷速者照所定數目分賞其有生疏怠玩者隨時責處每屆該參贊閱視之期一切賞需俱准加俸其伊犁滿兵五百名亦令勤習騎射該參贊於秋末冬初之時遵照舊例帶同演習行

圍酌加賞賚其餘各城防兵亦著各該大臣等酌量挑拔隨時簡練武隆阿等嗣後當照此章程認真督率加意策勵務期日久勿懈以簡軍實而壯聲威○又諭那彥成等奏回疆遣犯請給章京衙門服役並駐防人員請挈眷赴任一摺向來發遣回城人犯例給伯克回子為奴近因漸積漸多回子難於管束且各城印房等處章京筆帖式役使乏人著照所請嗣後發給回城為奴之犯准其酌量

撥給印房各章京筆帖式等供役該章京等卸任之時列入交代不准攜回本旗俟撥給各章京衙門足數役使再分給大小伯克為奴毋庸分給小回子以免拖累著該部載入條例通行各直省及回疆各城大臣一律遵照辦理至回疆大小官員向例不准挈眷茲議定章程各城大臣已降旨准其挈眷該駐防章京筆帖式等事同一例亦著照所請嗣後各城駐防官員均准其攜眷赴任祇准帶

本身子孫其親族人等一概不准帶往以示限制該部知道○又諭楊國楨奏請籌發銀兩易錢暫貯以平市價一摺前因江南銀價昂貴經陶澍奏准撥銀易錢茲據該撫查明現在豫省採辦歲料錢價尚平瞬屆歲暮各商賈以錢易銀農民糶賣糧石均係用錢彼時更受錢賤之累似應設法調劑著照所請撥發銀二十萬兩由司庫發給府縣易換制錢貯庫儻撥項尚未發完而銀價已減著即

停止。將來該省例支河工歲修等項易錢應用。即照市價銀兩內三成搭放。其扣存銀兩以次歸還原款。該撫務飭所屬覈實辦理。以平市價而裕國課。○諭軍機大臣等。著英等奏查抄英和等七家資產。已將牛坤、百壽延、鳳、定善、長淳、瑪彥布各家房間衣物查明開單具奏。英和家房田資產現已查明。尚有衣服什物未經點查。另行分晰開單具奏等語。著將查出英和等七家除房田資產照例入

官外。其衣服什物等件仍即封鎖嚴密。照單存貯。派委妥員看守。候旨遵辦。將此諭令知之。○欽差大臣那彥成等奏。回疆西四城三品至五品伯克四十六缺。請以托克托尼雜爾等升補。並請裁改喀什噶爾英吉沙爾等處伯克員缺。得旨。照所請升補。責成各城大臣隨時察看。如果實在潔已辦公。俟一年期滿。出具考語。咨明參贊大臣。另行奏請實授。如不稱職。立即撤參。另揀妥員請補。至葉爾

羌所屬之色呼庫勒地方。向設五品阿奇木及伊什罕等小伯克。距卡倫較遠。與什克南巴達克山連界。非本莊之人熟悉情形。不能勝任。毋庸照卡內迴避本莊之例。著遇有缺出。由該城大臣秉公揀補。咨明參贊大臣分別奏咨辦理。喀什噶爾額設五品訥可布伯克五品密圖瓦利伯克五品莫提色布伯克三員。管理工匠及田地契等件。均無重任。罕愛里克和色爾布依二莊回戶較多。原設

六七品伯克。照料難周。察拉根地方。係大河拐開壅新田處所。向無伯克經營。著將前項五品伯克三員。各給與五品阿奇木職銜。移設罕愛里克等處駐劄。其阿爾瑚莊額設六品阿奇木伯克。與六品哈資伯克品級相等。無所統屬。著將六品哈資伯克移駐察拉根管理農田。又阿斯圖阿爾圖什莊額設七品明伯克五員。著裁撤二員。以一員移駐察拉根。幫辦農田事務。以一員移駐阿爾瑚莊抵

補六品哈資伯克裁缺英吉沙爾額設四品阿奇木一員並無伊什罕伯克幫辦該城公事較繁所有六品哈資伯克著照拜城之例賞給五品伊什罕職銜以資襄理○河南巡撫楊國楨覆奏查明周正厯等並無在豫煽惑情事報聞○賞還泰寧鎮總兵官武忠額二品頂帶○賞英吉沙爾四品阿奇木伯克邁瑪達瑪哈素特世襲三等台吉頂翎葉爾羌色呼庫勒莊五品阿奇木伯克邁買沙三

品頂帶喀什噶爾回子哈底爾努魯斯六品頂翎○展緩河南蘭儀臨漳內黃封邱考城武陟原武七縣積歉沙壓各村莊應徵額賦有差○是日駐蹕半壁店行宮○庚申諭內閣英紹等奏覆訊已革監督等供情並詳究堪輿宋泗等原勘覆勘情形一摺寶華峪相度山勢朕特委任戴均元承辦工程則責成英和現據案犯僉供地宮土盤開至距金井四丈餘壙邊顯露石母浸出水珠每逢陰雨

涓滴不止且壙底土性潮溼間雜細碎腐石應手即破經該監督等向綿課戴均元英和告知不即改圖仍商同用土攔護其修砌石工取材既粗又未堅固如式遇有不能合縫之處輒用松香白蠟調和黏補究其草率之由僉供屢經英和飭令牛坤督催緊急伊等竭蹶從事如期報竣等語當時開通地宮朕曾屢向英和詢問土性乾溼若何伊不但未將滴水攔護情形奏及並稱普律乾潔且自

開工以後從未向英和催促何以飭令牛坤剋以期限任聽該監督草率彌縫英和之罪實在於此至戴均元帶同各堪輿相度吉壤曾據宋泗以點穴太後恐穴中有石應移前十丈戴均元輒拘泥規制僅止移前五丈以致北面開出山石朕前令戴均元勘定福基曾經降旨祇期地臻全美不必拘四至之廣狹即照從前規制稍從儉約亦無不宜乃師心自用並不據實陳奏迨至目擊浸水之處

仍復商同攔護。曾無一言奏及。開工未幾。旋即乞休。伊年雖屆八旬。精力尚健。何至遽思歸田。明係潔身遠引。其居心尤為可惡。戴均元前已降旨革職。著韓文綺即傳旨拏交刑部治罪。派委妥員迅速解京。朕即日回鑾。著仍派奕紹。托津。富俊。盧蔭溥。會同軍機大臣。刑部堂官嚴審定擬。具奏。穆彰阿曾派辦工程。應行迴避。至刑部侍郎英瑞。因與英和誼屬師生。摺內並未列銜。殊失公爾忘私之義。

著傳旨申飭。即不必令其會審。○諭軍機大臣等。戴均元因寶華峪地宮積水。已先後明降諭旨革職。並拏問解交刑部矣。著韓文綺即親赴伊家。將戴均元本籍財產嚴密查抄。勿任稍有寄頓。將此由四百里諭令知之。○又諭盛京刑部員外郎毓慶。前經戴均元等帶往寶華峪相度地理。現有應訊事件。著奕額即行派員將該員解赴刑部。毋任遲延。將此諭令知之。○鑄給直隸保定府兼河鹽捕

通判關防。從護總督屠之申請也。○補予貴州興義府屬嘉慶二年逆苗滋事殉難士民夏承榮等二百三十二名。婦女趙高氏等五十口。入祀忠義孝弟節孝祠。從巡撫嵩溥請也。○是日駐蹕黃新莊行宮。○辛酉。

上還圓明園。○詣綺春園問

皇太后安。○諭軍機大臣等。盛京刑部員外郎毓慶。河南內黃縣知縣蔡鴻升。分發雲南鹽提舉趙佩琳。昨因寶華峪工程有應訊事件。

諭令奕額等將各該員解赴刑部。茲據奕紹等提集相度寶華峪山勢之堪輿宋泗等連日訊問俱已供明。當日察看詳細情形矣。毓慶等均毋庸押解來京。著奕額傳問毓慶。楊國楨傳問蔡鴻升。向其反覆開導。勿令畏懼。務將當日所看情形據實詳敘。親供毋稍隱飾。含混。即著該將軍等迅速由驛覆奏。其趙佩琳一員。著陶澍等查明。如該員尚在江蘇原籍。即由陶澍訊供具奏。如已由本籍起程。

前往雲南著飛咨沿途各督撫無論行抵何處即由該省督撫訊供具奏若已到雲南著伊里布訊供具奏該將軍等接奉此旨如已將各該員押解起程著仍飭令折回各原省訊取確供後即令各赴本任將此各諭令知之○壬戌諭內閣寶華峪地宮浸水情形現據奕紹等向已革監督等究出開通土工時北面壩幫間有石母浸滴水珠英和與綿課戴均元公同商酌用土攔護其修砌石工用

材既粗又未堅固如式致有浸溢寶華峪山勢係戴均元穆克登額阿克當阿三人首先帶同堪輿相度勘定福基乃拘泥規制點穴未臻全美綿課英和等派辦工程未能督率監督等認真修築任其草率從事除英和戴均元等業經降旨查抄家產拏交刑部究訊恩銘在任時尚未興工敬徵接辦在地宮工竣之後均無庸議外其餘在事各員均應照例分別罰賠以示懲儆綿課辦工最久著罰

賠銀十萬兩穆克登額係相度之員著罰賠銀三萬兩阿克當阿亦係相度之員兼派辦工著罰賠銀四萬兩其接辦未久之穆彰阿著罰賠銀八千兩阿爾邦阿著罰賠銀二千兩至前任馬蘭鎮總兵兼辦工程之嵩年繼昌著各罰賠銀三萬兩廣泰著罰賠銀六千兩慶惠著罰賠銀八千兩寶興著罰賠銀二千兩所有此項罰賠銀兩俱著按限完繳毋許稍有延宕○又諭御史孫善寶奏兌運漕

糧間遇米色不純應於交兌時查驗駁換一摺各省漕糧定例未兌以前責在州縣既兌以後責在弁丁遇有米色不純者原應照例查覈分別辦理若概令州縣分賠不特補運稽遲且恐幫丁變詐多端將受兌之好米沿途易換或攪水潮溼俾米質漲溢原額取以私賣得價則專歸於己著賠則分之於人殊滋弊竇著通諭有漕各省督撫及漕運總督將定例各有專責之處先期出示嚴諭俾弁

丁共知受兌後不能以兌運期迫為辭再存妄想尤不得藉選擇米色勒增貼費並嚴飭州縣務選好米。儻經監兌官指出不純與歷年受兌之米樣稍有參差除照例嚴叅外仍勒令易換好米。如受兌後米色再有改變即專責弁丁賠補。至天時不齊米色未能飽湛向來准其具奏係指明被水被旱報災有案而言不得以他故藉辭朦混奏咨嗣後均應查例照辦。其另片奏風聞近日兌漕情形幫

丁重在索費並不著意米色頻年以來逐漸加增著責成該糧道嚴行禁革除舊定限制外絲毫不得多取並將徵漕不善之州縣挨次查辦儻該道辦理不能得力該督撫不妨於所屬道員中酌量相宜之人奏明對調以資整飭其監兌押運等差該督撫務須遴委妥員期收指臂之效不得濫行差委致滋弊混。○癸亥諭內閣莊親王綿課派辦寶華峪吉地工程經歷數年之久伊係親王受恩深

重經朕特加簡派應如何慎重詳審督率工員妥辦乃漫不經心一任承辦之員草率從事實屬昧良負恩綿課之子除奕劻已有旨降為郡王外奕劻著革去不入八分輔國公奕劻著革去鎮國將軍奕劻著革去頭品頂帶以示懲儆。○又諭孫爾準等奏擒獲在洋謀害夷人多命之首從兇犯審訊大概情形一摺此案前據李鴻賓等奏佛蘭西國夷人十四名

於本年六月間在粵省老萬山洋寄碇被閩省綠頭船舵工水手謀財殺斃多命僅咭浪晒吐咕一名遇救得生當經降旨飭緝兇犯務獲並令孫爾準一體飭屬查拏茲據孫爾準等奏擒獲此案首從各犯吳滾等審訊大概情形咨會廣東督撫委員帶同通事將該難夷護送至閩以憑質對該難夷現住澳門飄泊餘生隻身遠寄必應加之體恤馬有長途往返遞解之理所奏殊不曉事著孫爾準

等迅將現獲各犯解赴廣東交李鴻賓等嚴
審按律定擬具奏其逸犯林贊成等著督飭
嚴拏務獲歸案審辦○又諭松筠轉奏昭烏
達之盟長阿宛都瓦第扎布等自請交部議
處一摺此案喇嘛濟闊膽敢糾眾將喀爾喀
貝勒沙克都爾扎布戕害情甚可惡該盟長
等俱有應得之咎惟於事發之後即將案內
所關人犯全行拏獲所有盟長奈曼郡王阿
宛都瓦第扎布副盟長敖漢鎮國公那木扎

勒多爾濟幫辦盟長巴林郡王那木濟勒旺

楚克等自請交部議處之處著加恩寬免該

院知道○命前任山西按察使戴聰以四品

京堂候補○甲子

孝慈高皇后忌辰遣官祭

福陵○

上詣

大高殿行禮○還宮○諭內閣我朝掄才取士
於定立制科之外復設繙譯科目既以廣八

旗士子登進之階亦識不忘本業立法洵為
至善無如近日旗人力學者少轉視科目為
迂途不復勉圖進取即如從前乾隆年間繙
譯鄉試滿洲約五六百人蒙古約五六十人
本年應試人數計考滿洲繙譯者僅一百三
十餘人蒙古繙譯者僅二十餘人人數既較
前多寡懸殊取中之卷自係簡拔其尤乃昨
日覆試中式滿洲繙譯舉子八名內即有文
理欠通錯誤太甚者四名罰令停科其餘未

經中式之卷文義字畫概可想見清語騎射
為旗人根本近日八旗生齒日繁而勤學應
舉者轉日見其少豈國家設立科目本意特
降旨申諭八旗人等嗣後務當父教其子兄
誡其弟勤加策勵共效觀摩期於精研本業
以備旁求無負朕諄諄誥誥至意○河東河
道總督嚴烺奏勘減黃河兩岸隄堰壩戲各
工擇要估辦以資保衛得旨必須工堅料實
覈實驗收不准草率徇隱又奏蘭儀下北兩

廳埽工續估拋護碎石並於中河祥河兩廳最險之工酌辦碎石備防以資固工節費批務要認真有益不可虛冒從事惜目前小費而誤大局固屬不可然必要激發天良工歸實用日後有益不受屬員之欺蔽方為至善詳慎辦理毋忽○貴州巡撫嵩溥奏遵旨查拏傳教逸犯先經訪獲聽從茹素念經之人得旨務要嚴飭所屬暨差役人等不得邀功滋擾○旌表守正捐軀山西陽曲縣民孟如

會妻張氏○以孟冬時享

太廟自是日始齋戒三日○乙丑諭內閣楊遇春奏護送回疆進貢伯克請由內地挨省派員以專責成一摺喀什噶爾等城阿奇木伯克每年額貢金絲緞果膏等項向派年班進京侍衛押解現在各城侍衛業經裁撤所有此項貢物嗣後著即於年班伯克進京時解送前來沿途仍照向例由各省派委妥員各按界址分段護送本年該伯克等停止進京

著將本年額貢留於明年年班伯克帶京呈進○諭軍機大臣等朕本日召見裕全據奏伊行抵山海關外有百餘人攔輿遞呈口稱寧遠州辦理差務並不發給錢文轉將伊等二人押禁求為說情釋放其所遞呈詞彼時未經接收等語著奕訢誠端即將山海關外之民人等當裕全經過時紛紛遞呈其所控係屬何事果否該州曾因辦差押禁二人嚴密查明據實具奏勿稍隱飾該處辦理差務自有一定章程朕明歲蹕路經臨儻有勒派苛累情事以致民人聚眾遮道尚復成何事體奕訢等務將此案詳悉根究如有應行叅辦之處立即叅辦並將各該處辦差事宜先期妥為籌畫勿致小民受累負冤呈控是為至要將此諭令知之○調綏遠城將軍特依順保為黑龍江將軍以塔爾巴哈台參贊大臣那彥寶為綏遠城將軍烏魯木齊提督達凌阿為塔爾巴哈台參贊大臣仍兼提督銜

以陝西漢中鎮總兵官呂天俸為烏魯木齊提督○予故黑龍江將軍果齊斯歡祭葬賞銀三百兩諡文僊○予葉爾羌喀什噶爾英吉沙爾陣亡甘肅副將烏大魁遊擊蘇超鍾虎翀祭葬世職兵丁張璧等四名賞卹如例

○丙寅

孝敬憲皇后忌辰遣官祭

泰陵○諭內閣穆蘭岱奏請與西寧鎮一體校閱營伍一摺西寧辦事大臣向遇軍政之年

會同該督出考舉劾並不開看官弁騎射平時亦不督同操演茲穆蘭岱因接奉前此訓飭新疆各城大臣勤加操練諭旨請督同西寧鎮一體閱伍尚為覈實起見著照所請准其督同該鎮隨時勤加訓練每遇軍政之年開看副將以下官弁騎射再行出考以符名實該部知道○命廣東按察使姚祖同來京以三四品京堂補用調山西按察使烏爾恭額為廣東按察使以江蘇蘇松糧儲道額騰

伊為山西按察使○西安右翼副都統卓爾琿保因病解任以廣西梧州協副將佈勒亨為西安右翼副都統○加賞廣安門外普濟堂煮賑小米三百石

大清宣宗效天符運立中體正至文聖武智勇仁慈儉勤孝敏成皇帝實錄卷之一百四十三

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十四

監修總裁官經筵講官太子太傅體仁閣大學士文淵閣領侍衛內府掌院學士書房總纂修翰林院掌院學士書房總纂修

天府府尹等處學政加五級紀錄十八次直隸總督臣李鴻章奏請將各省城內官房文廟等處

七倉大臣稽察會同稽察等事加一級實功加三級紀錄五次直隸總督臣李鴻章奏請將各省城內官房文廟等處

內務府大臣稽察會同稽察等事加一級實功加三級紀錄五次直隸總督臣李鴻章奏請將各省城內官房文廟等處

醫院總辦處等處加十八級日阿寶阿副總辦處等處加六級日阿寶阿副總辦處等處加六級日阿寶阿副總辦處等處

數修

道光八年戊子冬十月丁卯朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

奉陵

泰東陵

裕陵

昌陵○遣官祭

孝穆皇后陵寢○遣官祭

端慧皇太子園寢○頒道光九年時憲書○

調甘肅涼州鎮總兵官哈豐阿為陝西漢中

鎮總兵官○改江西信豐縣為要缺○臨江府

樟樹鎮通判為中缺○從大學士總督蔣攸鈺

請也○緩徵湖南醴陵○澧○攸茶陵○四州縣水

災節年帶徵額賦○戊辰

上幸圓明園○詣綺春園問

皇太后安○諭內閣○鄧廷楨奏○查明各州縣動

缺倉穀○籌議分年買補一摺○安徽省各州縣

歷年動缺常平倉穀○自應隨時買補○以備緩

急○但該省係積穀之區○本年各屬秋禾○又因

被水被旱○收成不能豐足○誠恐同時採買○必

致糧價增昂○有妨民食○著照該撫所請○酌分

六年。以道光九年為始。隨時察看州縣糧價情形。責成該管道府州。督飭分限領買。每年採買後。即令出具倉收。送候委員盤驗。按年於奏銷案內。列入新收登報。俟依限買補齊全。借放銀兩。可以陸續歸還。而查免清查兩案虧缺抵缺穀價。亦可先後追完。統俟各項完繳清楚。再行接續飭領買補。以實倉儲。該部知道。○修浙江東塘坦水。西塘柴埭盤頭。及錢塘縣境江塘橋閘運洞等工。從巡撫劉

彬士請也。○庚午。

上諭。勤政殿聽政。○諭內閣。奕紹等會同嚴審英和等辦理吉地工程草率。分別定擬一摺。此案英和承辦寶華峪吉地要工。始終其事。自應慎重詳審。乃明知壙幫石母滴水。因係廢塋。商同綿課。戴均元。用土攪護。並以龍鬚溝恐洩地氣。奏明停辦。而於石券旁議請添設臺落石格漏之處。又復駁令中止。其砌牆海墁等石工。遇有碰樑。僅用松香白蠟攪和。

石麴拘抹。且飭令牛坤催促工程。勒限完竣。英和於此等要工。但止信用牛坤一人。以致工多草率。遂有浸溢。奕紹等審訊明確。比依定例擬斬監候。本屬罪所應得。姑念英和曾任尚書。協辦大學士。於此案訊無贓私。尚可寬其一綫。且吉地工程。係朕一人之事。不肯因辦理不善。誅戮大臣。既不置之於法。即不必久繫囹圄。英和著加恩發往黑龍江充當苦差。以示朕法外之仁。伊現患病未愈。伊子

奎照。奎耀。亦不必交敬徵等帶赴工次效力。著即隨侍前往黑龍江。伊孫蔭生候補員外郎。錫祚著即革職。牛坤派充總監督。常川駐工監視。較之各監督責任尤重。雖訊無剋扣侵蝕情弊。惟不能監視妥辦。著發往伊犁效力贖罪。已革監督百壽。延鳳。訊無偷減侵蝕情弊。惟既於認領工程結內。自限七年完工。不知及早妥辦。臨期竭蹶。任令工匠草率結補。俱著發往烏魯木齊效力贖罪。已革監修

定善。長淳。瑪彥布。監工是其專責。目擊工程草率。所司何事。俱著發往軍臺效力贖罪。已革監督慶玉。到工接辦。在地平落成之後。免其發往軍臺。著在工次效力。○又諭富俊等奏。此次所調應給隨扈人員馬匹。內察哈爾馬匹。較往年疲瘦身小。以致各官兵藉口礙難挑揀。請飭加意牧放等語。明歲巡幸盛京。所需馬匹較多。察哈爾解京馬匹。必須臚分健壯。方可乘騎。若不豫先籌備。以致臨時難以驗收。殊屬不成事體。著該都統副都統等將明歲應調馬匹。加意牧放。以備調用。僅再有身小疲瘦。不堪乘用之處。惟該都統等是問。○辛未。予陝西承辦兵差道員慶祿等議敘選用有差。○修山東運河。加河。捕河。三廳開壩隄岸橋梁土石等工。從河道總督嚴順請也。○貸奉天正黃。鑲白。鑲藍。三旗界內及廣寧。小黑山。白旗堡。巨流河等處水災旗民一月口糧。緩徵新民屯等處被淹民地額賦。

並貸錦州府被災各屬半年馬乾銀。○緩徵山東恩。金鄉。魚臺。郟城。博興。樂安。昌邑。蘭山。日照。高密。膠。即墨。十二州縣被水村莊新舊額賦有差。並德。恩。二州縣境內屯莊舊貸口糧倉穀籽種。○壬申。上詣安佑宮行禮。○諭內閣。奕綺等奏。請將八旗等兵役餉米。仍照舊章送營散放一摺。西陵八旗禮部工部兵役。及內務府家口米石。向由易州如期運送至營。就近支放。嗣經直隸總督奏明。改令該兵役等自赴州倉支領。茲據奕綺等查明兵役領米情事煩難。懇照舊章辦理。著照所請。除各衙門文武官員俸米。仍自行赴州關領外。所有八旗禮部工部兵役餉米。及內務府家口米石。著仍照舊令易州如期運送至營。奕綺等隨時派員監放。其例銷運送腳價銀兩。仍令歸該州支銷。該部知道。○諭軍機大臣等。前經降旨令奕顯

傳問員外郎毓慶。當時隨同戴均元等相度寶華峪情形。據該將軍具奏所詢供詞。僅將戴均元等原摺照錄。並無切實詳敘情節。著奕顯仍飭知毓慶。令其迅速來京。聽候傳訊。將此諭令知之。○刑部奏。門軍酗酒毆傷本管官一案。得旨。此案門軍長安。酗酒毆傷本管門領張仙保。迨到案審訊。復敢捏詞抵飾。情殊可惡。從前嘉慶年間。有步甲二柱。乘醉逞兇。毆傷本管官一案。經刑部擬發黑龍江。

先行枷號示眾。曾經奉

旨改為永遠枷號。常川遊示九門。並令嗣後即照此例辦理。今該部於長安一案。並不將前奉

諭旨聲敘。援照辦理。僅擬發駐防當差。實屬疏漏。長安著照例永遠枷號。常川遊示九門。以昭炯戒。刑部堂官著交部議處。○癸酉。

上詣綺春園問

皇太后安。○予喀什噶爾換防被害之烏嚕木

齊。吐魯番。巴里坤。古城。四滿營。委協領多克金泰等三十三員。陣亡主事銜舒明安等四員。並堵禦積勞病故都司潘士品。卹廕如例。○旌表守正捐軀安徽涇縣民王細妻賀氏。○甲戌。諭內閣。屠之申奏。購買稽料。加增運腳銀兩。請照舊辦理一摺。直隸永定河南北兩岸歲搶修各工。所需稽料。節年因運腳不敷。奏准加增。仍令體察情形。酌量裁減。茲據該護督查明。本年雖屬豐稔。惟近隄村莊產

料無多。仍須赴遠處購辦。原定例價。實不敷用。著照所請。准其循照成案。每束加增運腳銀二釐五毫。共銀八千五百兩。以備購運。並著該護督隨時查察。可減即減。毋任工員逐年請增。以昭覈實。該部知道。○又諭。德英阿等轉奏。土爾扈特汗策登多爾濟等。籲懇本年入都瞻觀。請旨一摺。策登多爾濟等。呈請入都瞻觀。具見誠悃。殊屬可嘉。惟是伊等各有所司事件。若令同時來京。於該部落事務

無益而往返路程未免浮費。即照所請著策登多爾濟於本年內自遊牧起程由內地行走。於明春到京瞻覲。土爾扈特親王翰克濟爾噶勒郡王那木扎勒車登貝勒巴圖納遜貝子察罕布彥等俱著暫行不必來京。俟德英阿等將伊等分定班次各行理藩院再由該院照例令其輪班瞻覲。○又諭德英阿等奏籌款增給伊犁各員養廉鹽菜銀兩一摺。伊犁將軍參贊及領隊大臣等前經降旨加給養廉。其官員等亦應一律增給鹽菜銀兩。據該將軍等議將額設司員章京八員。每員按月加增銀十兩。糧員五員。每員按月加增銀六兩。部缺經制筆帖式四員。每員按月加增銀四兩。委筆帖式二十七員。每員按月加增銀二兩。此項應加鹽菜並該將軍等應加養廉共需銀四千六百六十兩。籌款給支。著照所請。准其於伊犁牛馬稅房租項下動支。下餘銀兩仍照向例覈入經費正項內充

用。於調取內地經費時聲明。並造冊咨部覈銷。又據另片奏塔爾巴哈台司員章京三員。每員按月加給銀十兩。經制筆帖式二員。每員按月加給銀四兩。委筆帖式十員。每員按月加給銀二兩。統計加增鹽菜並領隊大臣新加養廉共需銀一千零九十六兩。亦照所請。准其於每年扣收紬布茶封變價及官廠牲畜扣價項下動支。按數造冊報銷。該部知道。○又諭英惠奏籌款酌加章京筆帖式等鹽菜銀兩一摺。烏魯木齊吐魯番古城巴里坤庫爾喀喇烏蘇等處共額設章京三員。部缺筆帖式七員。委筆帖式三十二員。據該部統請照伊犁所加銀數。章京每員按月加給銀十兩。部缺筆帖式每員按月加給銀四兩。委筆帖式每員按月加給銀二兩。共計每年加增銀一千四百六十四兩。著照所請。准其於房租稅項下動支。其哈密額設章京一員。部缺筆帖式一員。委筆帖式六員。亦著照

烏嚕木齊各城加增鹽菜銀數。一律加給。每年共需銀三百一十二兩。該城既無閒款可籌。並准其於該處經費項下動支。俱令年終造冊咨部覈銷。該部知道。○緩徵直隸大城。滄。鹽山。寧晉。東安。五州縣被水被雹各村莊新舊額賦。及舊貸銀穀。○乙亥。

上詣綺春園侍

皇太后膳。並賜皇子及內廷王大臣等食。○丙子。

皇太后聖壽節。遣官祭

太廟後殿。

奉先殿。

上率皇子及王公大臣官員詣綺春園行慶賀禮。禮成。侍

皇太后膳。並賜皇子及內廷王大臣等食。○丁丑。以都察院左都御史潘世恩。為順天武鄉試正考官。內閣學士龔守正。為副考官。○戊寅。

上詣

安佑宮行禮。○諭內閣。惠郡王綿愉分府之後。

著加恩在內廷行走。○諭軍機大臣等。朕明

年恭奉

皇太后安興。巡幸盛京。恭謁

祖陵。所有該處宮殿內。

皇太后及

皇后妃嬪居住之所。應行先期妥為豫備。著

奕額即查明乾隆年間

巡幸盛京時。

皇太后及

內廷主位所住宮殿房屋。詳細繪圖。黏籤呈

覽。將此諭令知之。○己卯。

上詣

大高殿。

壽皇殿。行禮。奉

皇太后還宮。○諭軍機大臣等。張井等奏。回空軍船二進尾幫及三進在前各幫渡黃日期

一摺。本年回空軍船。仍用倒塘灌放。未能啓壩。趕渡。現已渡船二千六百五十餘隻。未渡之船一千八百餘隻。據奏於本月二十內外。即可全數渡竣。雖不致誤歸次受免之期。惟每年啓放禦黃壩。原期暢洩清水。資其刷滌之力。並非僅為趕挽軍船。現在特有倒塘之法。於漕運固不致過於遲滯。而黃河淤墊之處。毫不能資其利益。是徒補救目前。未能漸復舊制。據奏湖水已報長五寸。此後天氣日寒。黃水自日見消落。張井等務當相機仍啓禦壩。俾清水暢出刷黃。方冀湖河日有起色。其在後幫船。前據嚴頌奏稱。即日可以全數趕過濟寧。著訥爾經額迅速派員迎提。務令跟接南下。及早趕渡。並著該漕督將已經渡黃軍船。催令通行。並移咨沿途各督撫一體催趕。無誤歸次受免。將此諭知張井。潘錫恩。並諭訥爾經額。知之。○戶部議准。廣西巡撫蘇成額疏報。天保縣開墾水田二十七埧。照

例升科。從之。○庚辰上詣

皇太后宮問安。○諭內閣。嗣後凡遇朕御養心殿召見時。除內廷諸臣。例得由內右門行走者。仍照舊行走外。其餘文職三品以上。武職二品以上。各大臣內有年逾六十五歲者。均加恩著奏事處官員。帶領一體由內右門出入。以示體恤。○又諭。綿課之子英寶。現已降為郡王。所有護衛官員等項。著照例裁汰。其軍功親王分內所得金冊金寶。著無庸撤回。○辛巳。諭內閣。屠之申奏。查抄牛坤原籍家產一摺。已革內閣侍讀學士牛坤原籍家產。據該護督查明。該革員已改籍大興。原籍天津並無產業。惟查出薊州平谷兩處。有祖遺墓田祭田。並牛坤自置房地。一併查抄。除天津。薊州。平谷等處墳地祭田家祠莊房。並已連契紙給予伊姪牛錦居住房屋一處。俱著免其抄沒外。其坐落薊州地十三頃。經該護

督究明係牛坤自置之產。查無契據。訊之代
買地畝之夏文仲。不能供明地價確數。著順
天府府尹即傳提牛坤家屬。查起原契。送交
內務府入官。毋任稍有隱飾。○諭軍機大臣
等。奕穎奏。主祭宗室當差拮据。請每月各賞
給津貼銀八兩。各添給養贍地五頃等語。宗
室奉恩將軍福嵩阿等六員。祇承祀典以來。
因生齒日繁。所得俸銀地租。不敷用度。自應
量為體恤。惟據該將軍所請。將已革莊頭方
豁。然名下入官地畝。每員撥給五頃。令其自
行招佃取租。此項地畝。究有若干。著奕穎查
明。當時入官頃畝確數。覆奏到日。再降諭旨。
將此諭令知之。○命翰林院編修池生春。在
南書房行走。○以兩淮鹽運使佟景文。為廣
西按察使。○調發浙江富陽。建德。淳安。遂安。
桐廬。分水。仁和。錢塘。海寧。臨安。烏程。德清。諸
暨。十三州縣被淹田地。新舊額賦有差。並貸
富陽縣貧民穀石。賑建德。淳安。遂安。桐廬。分

水。五縣災民。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十四

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十五

監修政官題定日講起居注官太子太保體仁閣大學士文淵閣領閣事管理戶部事務上書房總辦翰林院掌院學士兼管順

天府府尹事務隨帶的五級紀錄十八次臣賈禎麟職官經茲滿官吏部尚書錄藍旗漢軍都統管理所管各城內官房大臣稽察內

七倉大臣樞密會同四譯館事務加一級領事和六級軍功加三級紀錄五次臣花沙納經廷議官文瀾開提舉開辦兵部尚書總管

內務府大臣鑲白旗滿洲都統稽察內上倉大臣管理宗人府銀庫左翼幼官學監壽寧圖明園子成積提督御茶膳房御藥房太

醫院造辦處事務隨同加十八員原阿奎阿副總兵官擬奏漢官兵部尚書隨帶加六級紀錄二十次原周祖培等奉

救修

道光八年戊子十月壬午諭內閣琦善奏各

屬解存藩庫穀價銀兩。均經戶部撥用。請照原價撥還。分別歸欠買補一摺。山東省撥用穀價。前經咨准部覆。令將買穀價銀。在於地丁項下照依例價動支。毋庸撥還。茲據該撫查明。此內有各州縣先經採買。以原價歸於交代案內作抵欠款者。並有列入蠲免案內。抵除已徵未解銀兩者。若照例價給發。則原解原扣銀數較多之處。均不能照數領回。其前次抵欠之款。即不敷歸補。且現在承買之

員亦復無端賠累。自係實在情形。著照所請統計兩次部撥穀價銀一十一萬四千餘兩。內道光六七兩年已買穀石。應照各原價扣除銀二萬一千八百九十四兩零。又除已買糶穀盈餘及津貼銀三百一十二兩零。均毋庸撥還外。實應撥還銀九萬一千九百七十六兩零。准其於藩庫節年地丁項下照數撥還。各該州縣歸欠買補。該部知道。○山東巡撫琦善覆奏遵查東省錢糧差徭。並無勒折各屬亦無匪徒開局聚賭等事。現飭逐款訪查。分別究禁。得旨所奏俱悉。務要隨時訪查。切忌朦混回護。慎勉為之。○以故奉恩將軍景祿子定佳襲職。○命烏里雅蘇台參贊大臣八十駐藏幫辦大臣廣慶來京賞浙江布政使慶善頭等侍衛。為烏里雅蘇台參贊大臣。候補三品京堂盛泰頭等侍衛。為駐藏幫辦大臣。○修山東膠州南汎成山東汎登州北汎戰船艍船。從巡撫琦善請也。○緩徵山

東鄒平縣被水村莊新舊額賦有差。○癸未諭內閣。那彥成等奏請增給換防滿洲兵馬料。添設綠營差馬一摺。喀什噶爾換防伊犁滿洲兵。向在原營支領馬乾。錫伯索倫兩營向無馬乾。官兵所騎馬匹。俱係自行餵養。以致占據回莊地畝。或強派回子交納糧料。均所不免。自應籌給草料。將馬匹全行存城餵養。以利差操。而免擾累。據那彥成等查明。新增糧石充裕。歲需馬料足數供支。著照所請。

著照所請

三

錫伯索倫兩營兵四百名。均給予馬匹草料。伊犁駐防滿洲兵一百名。著於原給五十匹馬料之外。加給五十匹草料。俾得普律支領官料。仍免扣原營馬乾。以示體恤。統計額馬五百匹。並領兵官員例馬。准其每匹日給料三京升。春冬二季全數在槽餵養。夏秋四分在槽。六分出青。以備調遣。至南八城內之喀什噶爾等四城。換防綠營馬兵無多。每遇查探卡外差務。俱騎用回子烏拉馬匹。不免擾

累。著於綠營內每營添設差馬十匹。喀什噶爾城守中左右前後六營。設馬六十匹。葉爾羌。英吉沙爾。烏什等三城。共六營。設馬六十匹。均於抄獲逆回馬匹。並各愛曼布魯特呈遞馬匹內撥給。其錫伯索倫兩營兵丁。如有未經攜帶馬匹者。亦著於前項馬匹內給領。班滿繳還。所需馬料。著照滿洲營馬匹之例。在新增糧內照數支給。所有滿洲營及綠營馬匹。均著責令帶兵章京將領等實力稽查。

著照所請

四

並著參贊辦事幫辦各大臣按月點驗一次。如有短缺疲瘦。從重究辦。現在滿洲營及索倫錫伯官兵。既已官給馬料。僅有仍前強派回子供應。及占據地畝等事。一經查出。即行從嚴懲辦。至喀什噶爾附近地方。無處樵採。據那彥成等請於阿克蘇軍需餘賸車輛內撥調大車七十輛。分給各營。為運送柴薪之用。所需車馬一百四十匹。准其於抄產馬匹內撥給。俾兵丁輪流驅使。以資便利。餘俱著

照所議辦理。該部知道。○又諭那彥成等奏伊薩克額懇入都瞻觀等語。回子郡王喀什噶爾幫辦大臣阿奇木伯克伊薩克前自軍興以來克著忠勤茲因受恩深重額懇展觀並帶同伊次子邁瑪特來京求賞差使覽奏具見惻怛朕心甚為嘉悅伊薩克即著於明年年班時帶同伊子邁瑪特來京以示眷注。○又諭那彥成等奏移改軍臺道路並擇地改建軍臺一摺所辦俱是阿克蘇至葉爾羌向設軍臺處所近年渾河水大東注不暢每當漫溢大路不通而河形遷徙日久難免衝刷茲據那彥成等查明葉爾羌境喀拉塔克軍臺迤北舊有徑路一道與阿克蘇之渾巴什河相通請動項遷移為一勞永逸之計著照所請所有阿克蘇境內移設軍臺二處葉爾羌境內移設軍臺四處裁撤軍臺二處即各按新勘地面如式建蓋僅有占礙回子地畝即行撥還並將程途里數由各該城大臣

繪圖咨部查覈又烏什所轄察哈拉克軍臺地濱大河土性鬆浮尤難捍衛著將臺西五里哈拉克齊地方之隙地一段移建軍臺除將察哈拉克舊房拆取料物添補外估需工料銀四百七十餘兩即在西四城叛產變價項下動支毋庸報銷該部知道。○又諭那彥成等奏各城小回子戴用五六七品頂帶者甚多並有戴用藍翎之人查係領兵將領隨時給與並無奏明案據請祇准其頂帶榮身與小回子一體納糧當差等語頂帶為名器所關原不容稍滋冒濫既據該督等查明前此帶兵將領等隨時給與均無票據若此時一律革除其中有實在出力者轉致向隅著加恩將此項回子祇准其頂帶榮身凡未經奏明濫戴翎枝者概令拔除均著與小回子一律納糧當差遇有伯克缺出如有實在才具可用者由各城大臣切實保奏方准錄用其餘不得濫入揀選並著西四城辦事大臣

逐細查明實在出力確有憑據者隨時奏明辦理其餘祇准戴用虛頂之回子即行造具花名清冊咨送理藩院存案以杜冒濫○又諭那彥成等奏查明大河拐試墾情形一摺喀什噶爾大河拐一帶空地前據長齡等奏撥回兵先行試墾俟有成效再行添設屯兵當經降旨交那彥成詳勘籌辦茲據查明該處濱臨大河水源甚遠本年春間派撥回兵等播種雜糧均已一律成熟交納糧石著俟

明年麥熟再定歲賦科則惟防兵專事操練未便仍派屯田所有該處空地著即責成伊薩克廣募無業窮回及情願試墾之人陸續認種逐年加增照額納糧以期經久該部知道○又諭韓文綺奏傳旨將戴均元拏問委員於十月初四日押解起程著派乾清門侍衛聯順馳驛前往迎提小心管押來京○又諭據刑部奏查覈浙江處州後幫滋事水手名冊所註半係自行散去並未載有被殺之

人。覈與現犯所供情節未符著訥爾經額派委幹員迅將處州後幫水手取具確實親供註明現在該船及散去有據並查無下落者係屬何人並將何人係老安潘安各教均於名下註明另造清冊送部以憑嚴訊至在逃之要犯王麻子等及起釁滋事並幫同下手之費老曹二楞李二和尚等著該漕督一併迅速嚴拏送部究辦無任違颺○又諭御史常恆昌奏外任捐升人員請飭一體離任候

選一摺所奏是外省現任人員已遵新例捐升除任內有展叅處分例不准其離任外餘俱應照例開缺赴部候選豈容日久觀望稽留該御史所奏此項人員有經該督撫指叅飭令離任者有經該上司查催懇缺觀望遲之又久始行離任者更有部掣名次在後銓選較遲日久朦混不復離任者輕則玩誤職守重則藉端那移此種情弊在所必有現在久經掣籤該部已經行知著各該督撫查明

該省現任人員。已經捐升者。除例不准捐離任各員外。其餘各員。查明任內並無虧缺。均即飭令報捐離任。赴部候選。如有意存觀望。日久規避遷延者。即行指名查叅。交部議處。該部知道。○又諭楊遇春奏查拏開州案內奪犯傷差夥盜。並請將失察要犯潛匿境內之文武員弁。先行議處一摺。直隸開州逸盜李丙寅。前於奪犯拒殺兵役後。逃赴甘肅靖遠縣。在已經釋免流犯劉道青家藏匿。現據該督委員會同該縣文武各官。將同案逸犯鄭奉年等拏獲。究明李丙寅已先期竄逸。陝西涇陽一帶。該縣知縣永銓。千總單煙。於要犯藏匿在境月餘之久。未能先事查拏。現雖會同委員將夥盜鄭奉年拏獲。而要犯李丙寅。仍先達颺。永銓單煙。俱著先行交部照例議處。仍予限兩月。責令購線訪拏。要犯李丙寅等務獲。如限滿不獲。即著嚴叅具奏。並通飭陝甘地方文武各員一體嚴拏。毋任日久。

稽誅其已獲鄭奉年等。著即解赴直隸歸案審辦。○署熱河都統松筠奏。孝穆皇后陵寢工作有煩。聖慮已派敬徵等妥為相度修理。伏見東陵山脈綿長。孝陵之右。裕陵東北一帶。可否令精於堪輿之人。詳加履勘。得旨朕自有主見。徐為之。○正黃旗漢軍副都統恆敬因病解任。以兵部右侍郎保昌兼正黃旗漢軍副都統。○以吐魯番屯田豐收。予員弁議敘。賞兵丁一月鹽菜銀。○旌表守正捐軀福建淡水廳民魏馨妻孫氏。○甲申。上詣大高殿行禮。○奉皇太后幸悅心殿進膳。○諭內閣奕綺等奏請將西陵太牢。交就近州縣採買一摺。

西陵大祭所用牲牢。向由該處禮部委員赴太常寺領取價銀。前往張家口外採買。存圈餵養備用。茲據奕綺等查明該處購買牛隻。長途往返。諸多未便。不若就近地方州縣。另行經紀辦理較易。著照所請。此項牛隻。即照太常寺交順天府採買成例。交直隸就近州縣採買。統限於中元前交該處禮部敬謹餵養。其例價銀兩。即由直隸總督徑行太常寺領取。將來該州縣交納牛隻。如有不堪充用者。

著奕綺等駁斥更換。僅該衙門驗收時。有刁難情事。即著直隸總督據實奏。○諭軍機大臣等。昨經降旨。將吳麓升授兩淮鹽運使。該員平日辦事若何。於鹽務事宜能否諳習。著蔣攸銑確切查明。據實覆奏。將此諭令知之。尋奏。吳麓居心誠實。辦事幹練。得旨。所奏均悉。該運使已調補山東矣。○又諭。據申啓賢奏。沿途經過地方。民間大半豐收。惟直隸阜城。景州。積潦七十餘里。水深自三四尺至

丈餘不等。詢之該處民人。據稱秋雨在收割之後。所以尚報八分年歲。惟澆水太深。恐來春不能涸復。於翻犁布種有礙等語。著屠之申迅即派員查明。督飭該州縣。趁茲冰凌未經返結之時。將該處積潦。趕緊疏消。務令被淹之田。全行涸復。無誤明春耕種。將此諭令知之。○又諭。據步軍統領衙門奏。山西沁源縣民孫元珍。呈控孫萬年因謀奪家產不遂。率同孫文林等持刀將伊妹韓孫氏砍傷。並

將伊妻楊氏。伊子孫學忠。殺傷身死。控縣不為擬抵等情。已明降諭旨。交徐忻審訊矣。此案既經該縣驗明屍傷。如果實係二死一傷。自應按律辦理。何以僅將孫萬年擬徒。孫文進擬流。並無抵命之人。著徐忻於到任後。提齊人證卷宗。確切查明。秉公審訊。按律定擬具奏。毋使罪名稍有出入。將此諭令知之。○修福建福州城守右軍。並將軍標軍裝器械。從總督孫爾津請也。○乙酉。諭內閣。德英阿

奏。伊犁採辦軍物。俱係實用實發。懇敕部准照時價覈銷一摺。伊犁前此運送大營軍械等件。經該將軍按照時價報銷。戶部以無例可循。行令酌中定價。以示限制。茲據該將軍奏稱。前當軍需孔亟之時。商賈不通。若概令拘泥例價採辦。恐致貽誤。自係實在情形。著照所請。將採辦軍械各項需用銀三萬九千二百六十餘兩。准其按照前奏時價覈銷。該將軍即逐款據實造冊送部。該部知道。○蠲

緩江蘇海沭陽。山陽。桃源。高郵。寶應。沛。六合。阜寧。清河。安東。鹽城。泰。東臺。江都。甘泉。興化。銅山。豐。蕭。碭山。邳。宿遷。睢寧。贛榆。華亭。奉賢。上海。南匯。川沙。太倉。鎮洋。三十二廳州縣並淮安。大河。徐州。鎮海。四衛被水被旱田地新舊額賦。及各項銀米有差。賑海沭陽。三州縣並大河衛軍民。給山陽。高郵。寶應。沛。桃源。清河。安東。七州縣並淮安。大河。二衛軍民一月口糧。○丙戌。諭內閣。直隸總督那彥成。經朕

派赴喀什噶爾辦理善後事宜。歷次具奏。籌畫諸務。悉臻妥協。雖未親歷戎行。其勞績實為卓著。那彥成著加恩賞加太子太保銜。賞戴雙眼花翎。實用紫韁。並發去雙眼花翎一枝。白玉翎管一箇。元狐馬褂一件。碧霞弘鼻煙壺一箇。黃綢珊瑚豆大荷包一對。小荷包四箇。交那彥成祇領。以示優眷。○諭軍機大臣等。御史姜梅奏。風聞閩粵二省聚賭。向有花會名目。浙江溫台等府尤甚。其賭法由開

局者製籌三十三根。每根各有字誌。隨掣一根。封存厨櫃之內。令人猜壓。或十日。或半月。一啓封。以決勝負。猜得者壓錢一文。開局者配給錢十五文。甚或壓至數十金。頃刻間可獲利數百金。愚民聞風奔赴。有不遠數十里而往者。且有數百里之外。輾轉寄託。遙相猜壓者。每次聚賭。勝負以數千兩計。此處花會纔歇。而彼處又開。流倡土妓。游民奸棍。蜂擁蟻聚。累月經年。窩竊藏奸。皆由於此。又浙江

江蘇接壤地方。春間多開花鼓戲場。其始不過祀神報賽。恃在法所不禁。遂至男女獲雜。搬演淫褻戲劇。秋間則為鬪蟋蟀之會。名曰冊場。而演戲開冊之處。各種賭博。無所不有。外來船隻聚集。恆以千計。其窩倡窩賊情形。與花會相同。且該犯等往往於兩省接壤。或兩府兩縣交界地方聚集。一聞往拏。即遁入他境。不過數里。頃刻可至。衙門蠹役得規包庇。如聞本官往拏。則先送信使之早遁。及本官親到。而賭場早散。該州縣自顧考成。但求散出本境。便可塞責。不知數里之外。又復聚賭如故。請飭查禁等語。此等開場聚賭。最為風俗人心之害。若不認真查拏懲辦。其何以警刁頑而靖地方。著江蘇浙江福建廣東廣西各督撫。嚴飭各該府州縣。嚴密偵緝。如親往查拏時。必須知會鄰境。不分畛域。一體協拏。按律辦理。務期淨絕根株。使惡棍無可遁匿。將此各諭令知之。○添建湖北鍾祥縣王

家營新隄石壩。從總督嵩孚請也。○予修築湖北荊州府隄工出力知府方長慶等升補有差。○丁亥。

上御懋勤殿。勾到奉天湖廣情實罪犯。停決奉天斬犯三人。絞犯四人。湖廣斬犯三十人。絞犯十三人。餘五十九人予勾。○諭內閣屠之申奏。估挑淤塞溝渠以利民田一摺。直隸冀州東海子溝渠淤塞。前經量加疏濬。茲據該護督查明衡水縣近聞一帶。尚屬通順。其東

海子迤北三十餘里。淤塞溝身。未經一律議挑。本年夏秋雨大。南宮東強等處滙水下注。窪地均有積水。一時不能涸復。有礙春耕。亟應疏濬以資利導。估挑旱土。若按官工例價。每方給銀七分。為數稍多。既據該村民等呈稱。情願出夫挑挖。因工段較長。力有未逮。懇請酌給方價。著照該護督所請。准其援照道光四年以工代賑成案。挑河者每方給銀四分五釐。共需土方銀二千四百五十兩零。即

於藩庫存貯辦理水利工程餘騰銀內撥給飭令冀州衡水縣領回分別趕辦完竣報候驗收此係必應辦理之工該護督當督飭該州縣等認真經理務收成效斷不准有名無實該部知道○又諭蔣攸銛等覆奏查明武進縣知縣周錡被叅各情並無其事惟於在逃訟棍莊午可久未緝獲請暫行撤任責令協緝一摺江蘇武進縣劣生莊午可屢次唆訟變亂是非兼有監生儲光等為之羽翼迴

非尋常兇惡棍徒可比前已斥革經該督等通飭嚴拏日久尚未就獲該縣周錡雖查無別項劣跡惟於飭緝要犯久未獲解著暫行撤任責令協同該署縣鄧東乾偵緝莊午可務獲從嚴懲辦以警刁惡該部知道○欽天監奏道光十年庚寅

祈穀大祀日期查正月十一日辛丑未初三刻十四分立春是日雖係辛日其致祭時刻適在立春之前可否擇於二十一日下辛致祭

得旨庚寅年

祈穀大祀著於正月十一日次辛舉行○旌表守正捐軀安徽靈璧縣民陳萬揚妻張氏河南寧陵縣民鄧汶妻李氏○戊子。

上詣

皇太后宮問安○命禮部尚書湯金釗都統耆英富僧德格布舍總管內務府大臣達三副都統高喀霨在紫禁城內騎馬○蠲緩安徽泗五河宿靈壁天長懷遠壽鳳陽盱眙定遠。

鳳臺無為繁昌懷寧桐城潛山東流歙休寧婺源廬江含山巢毫蕪湖當塗二十六州縣並屯坐各衛被水被旱村莊新舊額賦及各項銀米有差賞泗五河宿靈壁天長五州縣及屯坐各衛軍民一月口糧○己丑

上御懋勤殿勾到陝甘浙江江西安徽情實罪犯停決陝甘斬犯十一人絞犯七人浙江斬犯十三人絞犯二人江西斬犯二十一人安徽斬犯九人絞犯一人餘六十人予勾○諭

內閣前因吏部保送稅差。又孚與凱音布意見不合。當派托津富俊查明具奏。本日據托津奏稱吏部員外郎善慶係此次另行保送之員。另為一班與上次保送之平慶無涉。要知平慶若不出差。則善慶無從保送。所謂另為一班無涉之語。殊屬勉強無根。富俊則以員外郎平慶係原保送稅差之員。因出差數月。並無過犯。差竣改送。似無不合。所見又不相同。各具摺陳。奏平慶既係吏部原保之員。

前此出差事屬因公。差竣自應復送。若吏部仍以平慶咨送戶部。現有稅差缺出。一體帶領引見。嗣後各衙門保送稅差之員。如有因公出差等事。該衙門另行補送者。俟其差竣回京。仍以原保人員咨送。帶領引見。其餘因告假等項事故不能引見。經該衙門另行補送後。原保之員復行回任者。應如何酌定章程。胥歸畫一之處。著戶部秉公妥議具奏。尋議奏各衙門保送稅差人員。有出差丁憂。該

衙門補送一員者。如補送之員未放。該員差竣孝滿進署。將補送之員撤換。若已放。俟咨取新班。再將該員保送。有因省親修墓患病給假。該衙門補送一員者。如補送之員尚未引見。該員銷假。仍以原送之員帶領。若曾經引見。不得將原送之員更換。俟咨取新班。再將該員保送。從之。○四川總督戴三錫等奏。秋操省標官兵情形報聞。又批。川兵尚稱得力。即如前歲徵調回疆。詢之領兵大員。皆稱

勇敢。是平日操練已有成效。朕甚嘉悅。此後務要精益求精。以備緩急。斷不准稍形廢弛。汝諸臣應共勉之。慎之。○湖北巡撫楊傑奏。委員迎提回空幫船。得旨受兌開行。斷不可誤。務要嚴行催飭。○以故瑞懷親王綿忻子奕約襲封郡王。○緩徵湖北荊門漢川沔陽潛江鍾祥京山天門江陵監利漢陽江夏孝感十二州縣及屯坐各衛被水被旱田地。新舊額賦有差。○庚寅。

上御懋勤殿。勾到江蘇河南情實罪犯。停決江蘇斬犯九人。絞犯四人。河南斬犯十一人。絞犯十三人。餘五十九人予勾。○諭內閣齊慎奏請撤回廠馬過冬。以重馬政等語。所奏是。直隸古北口中左右三營騎操馬匹。向於立夏後。以一半牧廠出青。節省乾銀。貼餒存槽。一半馬匹。至霜降後。全馬歸槽。前經楊芳奏准。三成歸廠過冬。節省乾銀。貼餒在槽。七成馬匹。茲據齊慎查明馬匹在廠過冬。從前未

見起騰。近年以來。冬寒雪大。多致瘦斃。且過冬在廠買草及牧馬弁兵口食。諸多糜費。節省所贖無幾。不能貼餒在槽之馬。自應量為變通。所有該處馬匹。著即停止在廠過冬。全數歸槽。如例支乾銀。不敷餒養。著照所議。於領到銀兩時。差派妥幹弁目。以現銀購買。乘草豆價賤之時採辦。不致昂貴。兼之夏秋照舊一半牧青。計所省乾銀。足敷貼餒。俾春冬全馬在槽。可期操練得力。該部知道。○又諭

據戶部議覆。松筠奏銷承德濠平等府縣供應宮倉收放米石用過人夫席片等項銀兩。除所用銀數。經該部查覈相符。應准其於熱河道庫徵存地糧銀內撥給清款外。至此項銀兩。向由直隸總督按年具題。現在口外錢糧既歸熱河都統覈辦。自應由該都統照例題銷。該署都統松筠專摺具奏。與例未符。嗣後凡遇該處應題應奏事件。該署都統務當遵照一定章程辦理。以免兩歧。而符體制。○

諭軍機大臣等。訥爾經額等奏。向空尾幫於十月十四日。全出山東境。江南邳宿一帶。水勢充盈。順流直達。五六日可抵楊莊等語。本年回空軍船出山東境日期。較之上年已遲數日。現在訥爾經額先赴河口。照料放渡。著該漕督分委員弁。節節催趲。無誤歸次。明年新漕起運。著仍遵照上年所降諭旨。咨會各省督撫。督飭各糧道。早兌早開。訥爾經額當隨時嚴催。無分幫次。總令於四月初十日以

前全數趨至清江。剋期抵壩。以便渡黃北。上母許稍有延誤。將此諭令知之。○以故二等鎮國將軍敬散子治循。降襲輔國將軍。○旌表守正捐軀直隸長垣縣民李四妻王氏。○辛卯。

上詣

時應宮拈香。○諭內閣。惠郡王綿愉。本日分府年歲尚幼。前已派內務府大臣阿爾邦阿管理家務。著阿爾邦阿管束首領太監並府

中一切事務。其長史護衛官員人等。著派定親王奕紹稽查管束。○諭軍機大臣等。寄諭大學士兩江總督蔣攸銑。本日據張井等奏。請撥南河次辦各工經費。計中河廳補還南岸緯道。山盱廳添建滾壩。揚糧廳移建昭關壩。山盱兩廳幫寬大隄。共需銀一百二十九萬餘兩。已照所請。敕戶部速議照撥矣。此項工程。動款鉅萬。若辦理稍不如式。不過虛糜帑項。仍於河務無裨。該督兼轄河務。前經降

旨。於河湖隨時修治工程。不過綜其大綱。若遇興舉要工。鳩工購料。籌款發項。以及甄覈河員。稽察弊竇等事。無得稍存諉卸。現在興辦之工。非尋常河務可比。蔣攸銑務當懍遵前旨。嚴飭工員。照估妥辦。總期工堅料實。有裨河湖。方為不負委任。儻工員有偷減草率情弊。即應據實嚴叅懲辦。如不行糾叅。將來別經查出。惟該督是問。將此諭令知之。○又諭張井等奏。南河分年次辦各工。請撥銀一

百二十九萬兩一摺。已降旨交戶部速議具奏矣。南河分年次辦工內。補還緯道。添建滾壩。移建昭關壩。幫培山盱大隄。動款數逾鉅萬。朕不惜帑金。准令撥發興辦。總期於河務實有裨益。俾河湖運道。悉復舊規。該河督等當督飭所屬。照估妥辦。務令工堅料實。無得再蹈前此。開孟兩灘覆轍。徒糜經費。倘修建未能妥善。任令稍有偷減。將來完工之日。或經朕派員往查。或別經訪察得實。必將張井。

潘錫恩從重治罪。決不寬貸。又據另片奏。堰盱大隄新舊石工。又經風浪掣塌二百五十段。計長九百七十餘丈之多。現雖搶護無虞。其掣塌石工亟應查明層路細數。分別應修應賠。照例估計。速行飭辦。此時湖水尚未消落。其智壩被掣埽戩暫緩加鑲。任其宣洩。尚無不可。若日內稍見減落。即須照舊鑲築。慎蓄湖潴。此外信壩石底及揚河廳中壩底石。殘缺衝損處所。及所奏一切工程。著即覈

實妥辦。以資啓閉而利運行。將此諭令知之。

○以阿克蘇屯田豐收。予員弁議敘。賞兵丁

一月鹽菜銀。○旌表守正捐軀河南安陽縣

民閻付京女黑姐。○壬辰

上御懋勤殿。勾到山東山西熱河直隸情實罪

犯。停決山東斬犯六人。絞犯六人。山西斬犯

十二人。絞犯四人。熱河斬犯二人。絞犯一人。

直隸斬犯六人。絞犯六人。餘七十四人。予勾

○諭內閣。琦善奏遵旨籌議條規。禁阻出海

流民一摺。山東省出海口岸較多。登萊各屬貧民。往往前赴盛京邊外。占種官荒。前經彭浚具奏。降旨令琦善詳籌妥議。嚴行禁阻。茲據該撫酌擬條款具奏。著照所議。將越度關塞私出口外。及夾帶流民私渡奉天。分別問擬。流徙各律例。由登萊青道摘敘簡明告示。就近徧行曉諭。並刊板刷印。每有商漁船隻。俱發給一張實貼船上。俾各知禁令。如有故違。照例究辦。至牌頭保甲等。嚴飭該地方官

責令就近稽查。遇有出口民人。曉以禁令。實

力勸阻。如所言不聽。許其指名稟究。審實量

予獎賞。儻或徇情賄縱。或挾嫌誣稟。分別從

嚴懲辦。其專管海口之巡檢汛弁。於商船出

口時。務先親往按票傳驗。其沿邊採捕小船。

亦令一體查察。如有冒混夾帶。人票不符。立

即嚴究。仍按季出具鈐印各結。申送備案。查

考。儻有疏縱。即行奏參。辦理。至各州縣受理

詞訟案件。或有人證不到。指稱現赴關東者。

即先查問該家屬於何年月日由何處口岸何人船隻前往曾否領有印票如係私渡即傳該口岸船戶及原籍牌甲分別訊究其有久在奉天等處種地成家挈眷貿易者或隻身回籍准其據實呈明地方官給予印照出口將所呈情由於照內敘明不准於本籍出口時增添人數至奉天等處海口營縣凡遇船隻收口逐加查驗如有無照流民即行嚴拏同夾帶船戶照例分別治罪自此次奏定

章程著該撫督飭登萊青道總司其事會同地方文武各員弁實力奉行認真稽察固不可稍滋紛擾尤不可日久生玩以杜偷越○又諭刑部議覆嵩溥奏畢節縣民王小滿因姦不遂殺死本夫孫泳潰等一家三命一摺此案王遇柱係兇犯王小滿之子年僅十齡尚未及歲如果孫泳潰別無子嗣是被殺之家業已絕嗣應將犯子王遇柱送交內務府閹割奏明請旨分賞該部現在查閱供招死

者有無子息是否絕嗣均未聲敘著該撫即行查訊明確分別辦理嗣後各督撫遇有殺死一家三四命以上之案均著將被殺之家是否絕嗣據實查明隨案聲敘○山東巡撫琦善奏查辦積案及歷年領解銀款已就清釐得旨一力督辦務期清楚○浙江巡撫劉彬士奏浙省杭嘉湖三府屬水利前因江南高堰興工奏明緩辦現在江蘇吳淞江各工辦竣查湖州府屬烏程縣百名橋等港北塘

三十六澚港烏程歸安二縣之碧浪湖暨郡城各水門歸安縣之黃蕩漾菜花涇長興縣之運糧河龍潭灣六合港二十二澚港均應疏濬請借款興挑其杭嘉兩府屬各工各該縣捐廉認辦從之○命禮部尚書湯金釗兵部右侍郎保昌馳往四川審理控案○以山東查辦積案及清釐銀款出力予試用府經歷趙品全等儘先補用○展八旗兵丁應扣借支庫銀限期兩月○緩徵湖南鳳凰乾州

永綏。古丈坪。保靖。瀘溪。麻陽。七廳縣被旱。屯田租穀貸弁丁口糧及兵勇等經費。○癸巳上詣

皇太后宮問安。○諭內閣。博啟圖等奏查明命案堂稿。並未畫押。請將刑司各員議處一摺。吉林刑司。專派協領等官。承辦一切命盜案件。所有文移稿案。自應詳慎辦理。茲據該將軍等查明。協領扎隆額。佐領永奎。於呈堂稿案均未畫押。有三案之多。且於各案過司堂

時。該員等並未到司。實屬任意疏懈。扎隆額。永奎。俱著交部議處。以示懲儆。○又諭奕顯奏。派委察邊官員。巡察不力一摺。盛京東邊內外。山界遼闊。每季派員巡察。甚關緊要。本年秋季。派委察邊佐領富成等。並未緝獲賊匪一名。顯係巡察不力。殊屬怠玩。即照奕顯所奏。佐領富成。防禦吉順驍騎校陳世慶。慶祿等。俱著交部議處。以昭炯戒。○又諭劉廷斌等奏。戍兵逞忿生事。審明定擬。並查叅

該管員弁一摺。此案臺灣戍兵林鴻英。因窺視居民婦女。穢語惡謔。甚至逞兇尋毆。已屬無故生事。迫經控發。不候審斷。輒復糾人滋鬧。欺壓擾害。周連標等聽糾助惡。情節俱為可惡。林鴻英。周連標。李增新。陳占春。均著加枷號兩箇月。滿日。林鴻英發往新疆充當苦差。周連標。李增新。陳占春。發往極邊足四千里充軍。以示懲儆。吳培蓊。俞得邵。被脅隨行。並未在場滋事。著照所擬。即與不能約束之

隊。目莊有梅。林帽棟。各加枷號兩箇月。滿日。分別折責發落。遞籍革伍。失察之專管官。鎮標中營把總陳開成。著即革職。兼管官中營守備林士泰。著交部議處。統轄官署中營遊擊馬麟輝。雖有失察之咎。惟一聞該兵等滋事。即往查拏。辦理尚為迅速。著加恩免其議處。○又諭前據楊遇春奏。陝西磚坪營都司一缺。揀發各員。內人地未宜。請以升銜留任之守備管永清升補。業經降旨准行。茲據兵

部查明。此缺例應輪用揀發旗員。管永清係應坐補選缺之員。不應占補旗員題缺。既與輪缺次序不符。並於揀發旗員升途有礙。著該督即將管永清撤回本任。仍以揀發旗員請補。如實在人地未宜。再行照例揀員對調。以符定制。○護直隸總督屠之申奏。修理行宮及橋梁道路。仰承節次訓示。概從樸實。得旨。遵旨從儉。勿以面諭為故套也。○馬蘭鎮總兵官黃文煜奏。揀發樹蟲情形。得旨。隨時

認真查拏。勿令滋蔓為要。○以都察院左都御史潘世恩署禮部尚書。內閣學士福勒洪阿署兵部右侍郎。內閣學士桂輪署鑲紅旗護軍統領。○以吉林軍政年逾六十官七員。精力未衰。命留任。○貸齊齊哈爾。黑龍江。額裕爾。墨爾根。博爾多。打牲烏拉等處。歉收旗營官莊人等銀糧有差。○甲午。

上詣

皇太后宮問安。○諭內閣。此次恭上

皇太后徽號。應頒朝鮮國詔書。著俟該國年班貢使到京。即交該使臣敬謹齎回。○又諭。朕幾餘披閱宮內彙存

皇考仁宗睿皇帝批摺。內有朕與惇郡王綿愷具奏嘉慶十八年賊人擅入蒼震門滋事情形。一摺。彼時事在倉卒。經朕自用烏槍擊斃二賊。餘賊始退。朕於深夜擬出摺稿。令惇郡王繕寫馳奏。仰蒙

皇考褒嘉批示。今恭覽淚垂。益深欽感。因念上

年惇郡王引出太監苑長清藏匿府中。又復私令逃走。希圖掩飾。年幼無知。不能不加之懲創。將伊降為郡王。冀其改過自新。現在追思往事。急難禦侮。感同懷。且伊自獲咎後。距今已及一年。尚知愧悔。若不曲予恩宥。朕心實有所不忍。綿愷著加恩賞還親王。嗣後益當加意檢束。諸事小心。用副朕誼。篤懿親愛。誨成全之至意。○又諭。松筠奏承德府屬一州五縣請仍專用旗員。以符舊制。一摺。所

奏甚是。直隸承德府所屬一州五縣。前經將攸鈺等奏准於出缺時。先儘本省口內實缺旗員州縣及理事同知通判內。揀選分別升調。如不得人。即咨部揀選。曾任外省州縣之旗員。請旨補放。嗣經那彥成奏明。間以漢員對調。茲據松筠奏外藩蒙古。非漢員所能制馭。且口外命盜案件。一切詞訟。多係蒙古與民人交涉。旗員審斷。蒙古信服。漢員視民人較為親近。辦理交涉事件。與蒙古言語不通。需用通事傳話。難免有聽斷維艱情事。自應仍循舊制。以資治理。著照所請。准其將承德府屬一州五縣。專用旗員。至俸滿州縣既經撤回。儘省中一時無缺升補。著即送部引見。以應升應補之缺。不拘省分。儘先選用。所有俸滿人員。俟新任到後。交代清楚。即行咨回內地。分別升補。毋庸留於地方協辦。現在新調赤峯縣知縣秦恆齡。尚未到任。其赤峯縣知縣一缺。著咨會直隸總督。於口內應調旗

員揀選調補。如不得人。著咨部揀選。曾任外省州縣之旗員。奏請補放。儘揀補乏人。即於京察一等記名。以同知通判用人員內。揀選帶領引見。候旨補放。該部知道。○戶部奏。罰賠寶華峪工程銀兩之王大臣。覈定年限。請旨。得旨。此案奉旨罰賠之項。如數在一千兩至五千兩者。著定限二年。五千兩以上者。定限二年半。一萬兩以上者。定限三年。二萬兩以上者。再加半年。以此遞加。至數在十萬兩者。定限七年半。此次係特旨罰賠。與尋常賠項不同。著按現定期限完繳。無許延宕。○除甘肅河州水衝沙壓民屯地八項七十九畝。有奇額賦。○乙未。

上奉

皇太后幸悅心殿進膳。○諭內閣。河工需費。為度支之大端。近年例撥歲修搶修銀兩外。復有另案工程名目。自道光元年以來。每年約共需銀五六百萬餘兩。昨南河請撥修隄建

壩等項工需一百二十九萬兩。又係另案外所添之另案。而前此高堰石工。以及黃河挑工耗費。又不下一千餘萬之多。果使河湖日有起色。豈復新此帑金。惟常年所撥例項。原為修防搶險而設。若一切修治得宜。則不應險工新工層見疊出。雖據該河督等於請帑摺內聲稱。如有節省。存為下年工用。亦未見實有節省。向來河工積弊。廳汛員弁。總利於弊工。即如黃河坐灣迎溜之處。時而鑲做埽

段。固有不得不然之勢。然其間有不應鑲而妄施工段者。尚不知其凡幾。總不過為開銷錢糧地步。甚至溜隨埽斜。對岸生險。險生而工費迄無已時。迨至失事。則又指為無工處所。冀圖影射規避。縱有應行賠修工段。亦祇先以帑項興辦。賠項終無繳期。在該河督等受恩深重。具有天良。或不致稍為沾染。豈能保工員之必無浮冒。國家經費有常。斷不容以如許帑藏。供此漏卮。前經降旨不得藉口

另案名目。任意虛糜。嗣後該河督等務將年例撥解工需。加意撙節。如有應辦之工。不能不假手廳汛員弁。然總須責成該管河道各夫天良。認真督辦。有犯必懲。該河督等亦應破除情面。時加查察。稍有偷減虛冒等弊。該道徇隱不揭。即一併嚴叅懲辦。以期力挽錮習。工歸實用。經此次飭諭之後。無論歲修搶修。及隨時興舉要工。仍不能工堅料實。致令帑項虛糜。或經朕訪聞。或被入糾叅。定將工

員河道及該河督等一併執法嚴懲。不稍寬貸。無謂誥誡之不豫也。將此通諭知之。○諭軍機大臣等。張井等奏現在黃高於清。不能開放禦黃壩情形。並據另片奏清水尚存一丈六尺。較向來冬令存水過大。現啟智壩宣洩等語。南河近年敝壞已極。費帑動逾鉅萬。原冀漸有轉機。現值天寒水落之時。黃水尚高於清數尺。不能啟放禦壩。資其刷滌。轉以清水過大。不能多蓄。復暢放智壩分洩。固由

於河身。高仰湖隄不固。若似此年復一年。何時始復舊規。據奏黃河下游高仰丈餘。兩年來嚴守閘壩。漸有刷深之機。必須各工歲歲平穩。積淤始能漸去。是即河湖永保安瀾。尚須遲之又久。方有轉機。設或稍有疏虞。豈非前功盡棄。張井等處萬難措手之時。亦須集思廣益。加意講求。務期河湖迅復以清。刷黃舊制。方為不負委任。至拆展智壩。宣洩清水。固為保守堰工起見。然分洩過多。更無敵黃

之期。該河督等當察看情形。如來源不增。即應封堵。以資儲蓄。或日內黃水落低。立即拆展禦壩。庶使河湖兩有裨益。其移建雙孔磯心石閘。並改建鉗口柴壩等工。務期如式堅鞏。覈實驗收。以收實效。將此諭令知之。○旌表守正捐軀山西太平縣民任成兒女武任氏。○丙申。

上詣

壽皇殿行禮

關帝廟拈香。○諭內閣。嵩溥奏請借項支放買運兵糧銀兩一摺。黔省各屬買運兵米。所需銀兩。向於糧儲道庫收存餘米變價並司庫備用銀內支發。據該撫查明不敷支放。懇請借動司庫現存款項。著照所請。准其於制錢易銀款內。暫行借動銀八千兩。將七千兩撥貯道庫。其餘一千兩另存司庫。隨時支放採買。以裕兵食。該撫務嚴飭道府認真稽查。督率所屬實心妥辦。毋許剋扣。抑勒滋弊。僅查有短發。礙累情事。即行嚴叅懲辦。仍俟事竣造冊報銷。分別歸款。該部知道。○又諭。向例親王郡王。年未及歲。祇准支食半俸。惠郡王綿愉。現係內廷行走。並在上書房讀書。著加恩自明年春季為始。賞給郡王全俸。○又諭。前據奕綺等奏。八旗等兵役餉米請照舊令易州送營散放。摺內誤將工部匠役列入。茲據奕綺等查明檢舉。著即更正。奕綺、綿岫、武忠額俱著交各該衙門察議。其原擬奏稿

之翼長慶善。尚膳正德至。俱著交各該衙門議處。○准貴州貴陽等十六處舊缺倉穀十一萬八千三十餘石。展限三年買補。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十五

大清宣宗效天符運立中體正至丈聖武智勇
仁慈儉勤孝敏成皇帝實錄卷之一百四十六

蘇修德職官經歷月講起居注官太子太保陳仁嗣大學士史館同修國事管理戶部華涼寺書房明卿翰林院掌院學士兼管順天府府尹事務等加一級紀錄十八次臣曹振鏞職官吏部尚書經筵講官鑲黃旗內務府大臣日精保內
七倉大臣稽察倉司四旗館奉加一級隨等加六級軍功加三級紀錄五次日托沙納職官天山關提舉關守兵部尚書總管
內務府大臣張由斌滿洲都統侍衛內大臣大管理宗人府政事左翼副都統
院通判處事務隨等加十八級日阿靈阿副都統官經筵講官三都尚書隨等加六級紀錄十次日根根塔等奉

道光八年戊子十一月丁酉朔遣官祭

先醫之神。○諭內閣奕顥等奏。審訊張泳忠
控案大概情形。奉天錦縣民人張泳忠呈控
該縣書役藉差科斂民錢。加增地糧。現據經
承及各鄉保供出該署縣因公科斂。並典史
疊索雜差錢文。自應徹底根究。署錦縣知縣
王榮鑣典史俞一清著一併解任。交奕顥海
齡嚴審確情。按律定擬具奏。○諭軍機大臣
等。奕顥奏查明盛京宮殿豫備

皇太后及內庭主位住所繪圖呈覽著該將軍

將介祉宮。繼思齋及

崇謨閣後身七間房三處。房間門徑裝修隔斷。一切照原式燙樣進呈。以憑指示。飭交奕額。遵照豫備。將此諭令知之。○又諭。朕於明年恭詣盛京。例有頒賞綢緞等件。必須豫為籌備。盛京內務府存貯緞匹及續行發交存貯之件。自嘉慶二十三年動用外。現存若干。並向例何人應賞何項綢緞。共需各項綢緞等件各若干匹。此時庫內所存。數之明年賞需。

是否足用。著奕額詳晰查明。逐一開單具奏。將此諭令知之。○又諭。楊遇春等奏接據前藏安木加達倉寺貿易番目納木云達克等呈稱。伊等隨同西藏貢使。赴歸化城等處貿易之前。藏差人古竹巴即羅桑沃色爾等。於七月間行至通天河竹古拉山東溝地方。被四川果洛克番賊五六百人。將所有貨包牲畜鍋帳口糧。盡數強劫無遺。又搶斃回京之白塔寺喀爾沁喇嘛呼畢爾罕一名。貿易番

人一名。雇工三名。除照達賴喇嘛執照將古竹巴噶爾本貨包衣物口糧牲畜等項。全行索還外。其餘貿易番目納木云達克等貨物二千三百九十五包。衣物口糧八百零六包。馬騾牛二千一百七十三頭。盡被搶去。又據隨同行走之甘肅循化廳屬宗喀寺喇嘛他卜克報稱。同日被果洛克番賊強劫衣物經卷佛像共二十馱。馬騾五匹。銀一百五十兩等語。四川果洛克等處番賊。屢經搶劫。玉舒

番族。本年青海柴達木地方蒙古阿里克番子。又被果洛克賊番劫掠。飭令該將軍等查辦。總未緝獲賊。懲治。此次復致糾眾搶劫。西藏貿易番人貨物牲畜。計賊至盈千累萬之多。實屬目無法紀。若不大加懲創。尚復成何事體。業經楊遇春等開具失單。咨會該將軍等查辦。著瑚松額等即遵派妥幹大員。迅速嚴緝勒拏。務獲賊。從嚴懲辦。所有被劫番子等。即照楊遇春等所請。選派弁兵。由甘

肅陝西一路押送四川省城就近聽候認領原贓以示體恤將此諭知瑚松額戴三錫桂涵並諭楊遇春穆蘭岱知之○修盛京城垣各工從將軍奕額請也○戊戌

上御乾清門聽政○刑部左侍郎英瑞因病解任調盛京刑部侍郎海齡為刑部左侍郎盛京禮部侍郎特登額為盛京刑部侍郎吏部左侍郎凱音布為盛京禮部侍郎轉吏部右侍郎貴慶為左侍郎調禮部右侍郎裕恩為

吏部右侍郎理藩院左侍郎色克精額為禮部右侍郎轉理藩院右侍郎那丹珠為左侍郎以正紅旗滿洲副都統寶興為理藩院右侍郎○以光祿寺卿嵩惠為都察院左副都御史詹事府詹事穆馨阿為通政使司通政使○以內閣學士桂翰兼鑲白旗護軍統領兵部左侍郎常文兼鑲白旗漢軍副都統內閣學士裕誠署鑲紅旗護軍統領○修浙江定海鎮標米艇船隻從巡撫劉彬士請也○

賑浙江富陽縣被水災民○撫卹朝鮮國遭風難夷如例○已亥

上詣

皇太后宮問安○諭內閣德英阿等轉奏哈薩克汗愛畢勒達等呈懇瞻覲請旨哈薩克汗愛畢勒達等呈懇瞻覲具見悃忱殊屬可嘉惟伊等俱有約束該部落之責若同來瞻覲不惟沿途行走人數過多於該部落等亦無裨益著俟朕臨幸熱河之年德英阿等再行

豫為籌度酌將該汗王等分作數班由草地前往熱河瞻覲○調鑲黃旗漢軍副都統武隆阿為正紅旗滿洲副都統以正藍旗參領國春為鑲黃旗漢軍副都統○以按捕土匪出力予廣東知縣溫恭等議敘有差○庚子上御懋勤殿勾到朝審情實罪犯停決斬犯三人絞犯三人餘五人予勾○諭內閣屠之申春遵旨籌議查禁流民出口一摺前據彭浚奏盛京邊外種地流民甚多當經諭令屠之

申籌議章程。嚴行禁止。茲據奏直隸水陸關口。定例盤查。本屬嚴密。因道光二三年被災較廣。以致貧民攜眷出口覓食。日積日多。不可不豫為查禁。著照該護督所議嚴飭守關各員。謹遵定例查驗。持有執照者。始准放行。並通飭各該州縣於所屬地方。無論鄉村僻壤。徧行出示。曉諭民人。不可輕去其鄉。仍剴切聲明。關禁甚嚴。勿得悻然前往。徒勞往返。儻該州縣曉諭未能周悉。該民人仍或私行偷越出關時。經守關各員查出。係屬何州縣民人。即將該地方官懲處不貸。其有呈請出口執照者。除實係貿易探親同行止一二入者。照例發給外。凡攜帶妻子遷移家屬出口。概不得妄行給照。州縣既不濫行給照。關口必須驗照放行。毋稍疏縱。至天津寧河各海口出洋船隻舵水人等。均有例定名數。給發票照。查驗放行。並著奉天等處海口營縣。凡遇船隻收口。逐加查驗。如有無照流民。即

行嚴拏治罪。該護督務當遵照奏定章程。飭屬認真辦理。不可視為具文。日久生玩。○又諭已革山西榆次縣知縣陳樹猷。於該縣考試文章時。究出許阜山。姬珏。傳遞槍卷。既訊明文字尚未入場。事屬未成。即應照例杖責示懲。乃先將許阜山等管押。旋復濫行收禁。迨其父兄呈請捐輸。又即提禁開釋。雖訊無挾嫌誣拏及婪索等情。實屬任意妄為。且於許漸達等子弟犯事。率准捐輸銀兩至七千之多。尤屬駭人聞聽。若僅照因公科斂坐贓治罪。律以滿徒。尚覺輕縱。陳樹猷著發往新疆效力贖罪。以示儆戒。○辛丑

上詣

雍和宮行禮。

火神廟拈香。○河東河道總督嚴烺履奏。縣十字河一帶受淤情形。得旨批。它務要認真。斷不准受屬員朦混。為河督者。非自潔其身。即謂了事。此語要深思時省。○予回疆陣

亡陝西都司周之仁。祭葬世職如例。○修山東鄒城縣沂沐二河隄工。從巡撫琦善請也。○濬山東上河。捕河運河。沁河。四廳所屬河道。從河道總督嚴烺請也。○緩徵山東臨邑陵。德平。恩。陽信。商河。樂陵。七縣被水村莊雜糧。○壬寅。諭內閣。蔣攸銑奏。江廣重運漕船攬帶貨物過多。請重申禁令等語。所奏甚是。江廣重運漕船。向准跨帶竹木。原以禦風浪而資貼補。近年以來。幫丁惟利是圖。每有逾額多帶。或包攬客貨。以致運行遲滯。且於過關時。並不照例納稅。必應嚴定章程。認真稽查。嗣後江廣幫船。於天運船旁跨帶竹木。高寬不得過二尺之外。其在大江行走。定例不准船尾拴縛木筏。若進瓜口運河。或過水淺著將例准跨帶木植起卸。拴於船尾抵關時責成該幫弁丁。將例帶土宜竹木開列清單呈關查驗。該關即給一印票。立刻放行。不得稍有留難。如查有違例包攬多帶情弊。即照

例押令起卸入官。丁商從重治罪。押運員弁嚴加叅處。儻有徑直過關。並不呈單候驗者。俟該弁丁船糧到通交完日。由該省總運丞倅查明稟請究辦。現當徵收新漕。來春必須趕早兌開。速抵禦壩。前已有旨。令訥爾經額咨會各省督撫。督飭各糧道早兌早開。於明年四月初十日以前。全數趲至清江。剋期抵壩。以便渡黃北上。著各該督撫遵照辦理。毋許稍有延誤。○諭軍機大臣等。御史張曾奏風聞廣東省行使錢文內。有光中通寶。景盛通寶。兩種最多。間有景興通寶。景興巨寶。景興大寶。嘉隆通寶。謂之夷錢。攬雜行使。十居六七。潮州尤甚。並有數處專使夷錢。內地奸民利其錢質澆薄。依樣做鑄等語。廣東福建濱海地方。俱與外夷接壤。各該夷人通市貿易。自應以銀易換制錢。豈可令外夷錢文公然於內地攬雜行使。且有奸民利其錢質澆薄。依樣做鑄。著該督撫嚴飭所屬確切查明。

如有前項弊端。立即嚴拏究辦。將此各諭令知之。○修陝西鳳縣棧道。從巡撫鄂山請也。

○癸卯。以恭上

皇太后徽號。遣官告祭

天。

地。

太廟。

社稷。

上禮服御中和殿。恭閱奏書畢。

上升輿。由右翼門至永康左門。降輿。大學士捧

奏書由中路前行至

慈寧門。

上由東階升。至門下東旁立。

皇太后禮服升慈寧宮座。儀駕全設中和樂作。

上詣正中拜位。跪。大學士捧奏書在左旁跪進。

上受奏書。恭獻。授右旁大學士跪接。置正中黃

案上。宣讀官捧起。跪宣奏書曰。

徽音懋著。含章裕綏靖之模。

懿範光昭。錫福啓昇平之瑞。歌頌允孚於海宇。顯揚益著於彝倫。欽惟

聖母皇太后

道贊乾元

德侔坤載。襄

九重之宵旰。燕翼攸隆。極四海之

尊親。鴻規式煥。臣躬膺寶祚。仰被

仁帙。敬奉琅函。用彰鉅典。伏冀

聖慈俞允。俾展微忱。偃武修文。備沐

崇恩之覆幬。

延禧薦慶。常符嘉頌。於升恆。臣不勝惓惓之至。

謹奏。

上率王大臣官員行禮禮成。

皇太后還宮。詣

皇太后前問安。侍午膳。○諭內閣。本日常文自

盛京回京。在隆宗門外道旁謝恩。請安。竟以

漢語陳奏。殊乖體制。清語為滿洲根本。似此

偶爾奏對。尚且不能。豈復勝管理旗務之任。

常文著革去副都統調補理藩院右侍郎。仍交部議處。其兵部左侍郎員缺。著寶興調補。○又諭松筠奏。土默特扎薩克旗下之圖薩拉克齊違例演劇。請旨查辦等語。已彥巴圖爾。係土默特扎薩克貝勒屬下之人。乃敢私雇邊內戲班。在家演唱。並將蒙古子弟引誘習演。此等惡習。遠近均沾。可惡之至。已彥巴圖爾著摘去頂帶。交該署都統親提審訊。按律定擬具奏。○又諭那彥成等奏。建設堡卡。

酌定分巡駐守章程一摺。前據長齡奏。請裁撤喀什噶爾等城卡倫侍衛。改派綠營官兵駐卡防守。當經降旨准行。並令那彥成查明大小卡倫。應加兵額若干。及如何分布巡防稽查弊竇之處。妥為籌議。茲據奏喀什噶爾葉爾羌英吉沙爾三城通共卡倫二十處。中間俱有開齊小路。各卡相距數十里至百數十里不等。向來每卡駐兵十名。稽查未能嚴密。請於各卡倫適中要隘之地。添建土堡及

官兵額數。分巡駐守。著照所請。喀什噶爾所屬卡倫八處。內喀浪圭。圖舒克塔什。烏帕拉特。三卡。為通霍罕等外夷要路。該三卡適中之明約洛地方。著築土堡一處。遴派得力都司守備一員。管帶綠營兵二百名駐守。其貿易亭即建設堡內。並於巴爾昌。伊蘭瓦斯。伊斯里克。三卡適中阿爾瑚莊西。及玉都巴什。伊爾古楚。兩卡適中之馬廠地方。均築土堡一處。每處遴派得力千把總一員。各管帶綠

營兵六十名駐守。以上三堡俱著酌量兵數。添建兵房。其餘各卡。各派千把外委一員。帶兵十名。專司稽查出入。探信瞭望。及押送來往夷人。與各堡策應。遇有探報事件。就近報明駐堡員弁。派兵接報該城。再於各卡添設滿營驍騎校等官一員。各帶兵七名。專司查對開齊信牌。逐日踏看有無偷越蹤跡。該駐堡之都司守備千總把總。逐日派兵稽查所屬卡倫。及小卡開齊路徑。間日帶兵親查會

哨。至葉爾羌所屬卡倫七處。內亮噶爾卡倫。通巴達克山等外夷。庫車雅爾卡倫。通克什米爾等外夷。均係要隘。著於該二處各築土堡。添建兵房。每處安設得力千總一員。各帶綠營兵六十名駐守。其餘和什喇普。玉拉里克。奇靈。桑珠賽里克等五處卡倫。均非外夷必由之路。著各派把總外委等官一員。帶兵十五名駐守。其查對開齊等事。與喀什噶爾一體辦理。英吉沙爾所屬卡倫五處。惟烏魯

克為通各外夷及布魯特要路。著於該卡建築土堡兵房。選派得力千把總一員。管帶綠營兵六十名駐守。其餘圖木舒克。特爾克齊克。特比斯鐵列克。四卡。各派兵十名。責成駐堡千把總周歷巡查。足資控制。至和闐所屬卡倫十二處。並不與外夷相通。每卡兵數。著仍其舊。以上各官兵。均著按月更換。並著各該城大臣隨時派委大員。帶領兵丁。抽查開齊。如查有私越形跡。該管官未能盤獲。及匿

不稟報者。即行嚴叅懲處。其各守卡官兵。如有偷避潛回。及私放茶葉大黃出卡。或訛索外夷入卡貿易。並稟報遲延不實情事。一經發覺。即按依軍法辦理。各城所需建築土堡兵房工費。著歸於城工案內彙奏。該部知道。○又諭。那彥成等奏請設喀什噶爾等三城銀庫。並按例嚴定經管章程一摺。回疆南路八城。每歲食茶至少二十餘萬封。每附茶一封五斤。雜茶以五斤准附茶一封。自嘉峪關

至阿克蘇及喀什噶爾葉爾羌等三城。共四處。抽收稅課。請於各該三城設立銀庫。以昭慎重。著照所請。准其於喀什噶爾葉爾羌。阿克蘇。三城大臣衙署內。各設銀庫一所。專派掌印司員經理。應設書吏。著各該大臣於換防營兵內選擇。每城定為額設庫吏。經承二缺。貼寫二缺。專管簿籍。並一切有關庫項文案。所需工食銀兩。准其照例支給。作正開銷。惟是各城庫貯既多。若不嚴定章程。必至日

久弊生致滋侵蝕嗣後各城庫項如大臣中有那移情事准章京等援例阻止儻敢故違功令准章京庫吏揭報照上司通勒所屬那移庫項之例治罪匿而不舉者同罪章京與庫吏通同舞弊虧短錢糧照監守自盜不分首從併贓論罪章京與庫吏舞弊互相舉報各照監守自盜本例辦理知情不舉照故縱例治罪各該大臣及章京人等務當奉公守法認真妥辦其管庫章京三年期滿由該管

大臣查明庫項一無弊混准其咨部議欽庫吏五年役滿考取典吏一名准其咨部銓選照回疆各城額設書吏道光四年吏部奏定章程一律辦理俾知懲勸再各該大臣每遇遷轉更調當造具清冊交代新任歸新任大臣具奏司員班滿亦造具清冊交代接手司員由本城大臣造冊咨部查覈儻該大臣司員尚未到任暫署之人亦應將庫官冊據查報分別具奏如有造報不實及匿不奏報者

查出從重辦理該部知道○諭軍機大臣等那彥成等奏請以黑帽回子之才具明白者挑補伯克一節向來各城伯克曾否將黑帽回子一體挑補若向無此例該回子阿渾等既與白帽回子素不相能今竟補放伯克白帽回子未必咸相悅服在我朝撫卹夷貊原無分於種類惟恐伊等因此更相猜忌轉或別生釁端著那彥成再行體察情形籌畫周妥奏聞候旨遵辦將此諭令知之○以鑒儀

衛鑾儀使聯順兼鑲白旗漢軍副都統京營右翼總兵福泰署正紅旗滿洲副都統○賞回疆因差受傷之烏什阿奇木伯克木薩子邁瑪特塔里普三等侍衛○鑄給喀什噶爾葉爾羌英吉沙爾和闐四城換防參將遊擊都司伯克等關防圖記從欽差大臣那彥成請也○予回疆被害伯克回子阿布都拉里等世職並免應納糧賦○甲辰恭上皇太后徽號冊寶

上禮服御太和殿恭閱

冊

寶畢。奉安於綵亭前行。

上升輿隨後。由右翼門至永康左門。

上降輿行至

慈寧門外東旁立

冊

寶陳設於正中黃案

皇太后禮服升慈寧宮座。儀駕全設中和樂作

上詣正中拜位跪左旁大學士捧

冊

寶依次跪進

上受恭獻授右旁大學士跪接置正中黃案宣

讀官捧起跪宣

冊文曰

堯門篤祐。共球臚萬國之忱

如幄承庥。千羽洽兩階之化秉

璇闈而戢武。區宇歡騰。奉

瓊冊以揚徽。宮庭慶集。欽惟

聖母恭慈。康豫皇太后陛下。

道隆矩地

德備倪天

雖肅垂型。佐

皇考重華之治

泰和錫美。啓國家奕葉之謀。茲當邊徼之蕩平。

爰極隆儀之

尊顯。溯彼竊居蝸角。包容並育於化鈞。豈知漸

逞狼心。翦戮莫逃於威鉞。簡師命將。征西張

九伐之聲。執銳披堅。逐北壯六軍之氣。負固

而犂。由自作。羽翼齊推。捨渠而法有難寬。根

株盡剗。比歲運籌旁午。常從定省以

垂詢。際茲報捷元辰。仰荷

聖慈之曲慰。聽凱歌於夏甸。頌奏昇平。叨

福蔭於春暉。功臻耆定。祇承

燕喜。宜晉

鴻稱。鏤采鐫華。耀文玉精璫之色

嘉聲茂實。表纓弓脫劍之隆。謹告

天

地

宗廟

社稷率諸王貝勒文武羣臣恭奉

冊

寶上

徽號曰

恭慈康豫安成皇太后恪進

芝函肅申葵悃

配坤維而立極

安土敦仁

導頤悅以無疆

成民造福斯典章所特重尤中外所同欽伏願

景耀宣敷

祥和綏懋

闡元符於蘭殿金石含章熙

洪號於蘿圖。坡埏行祉被四海而輪裳畢集蕃

釐備協殷嘯歌九如而川岳同增戢穀永陳

周雅臣誠懽誠忭稽首頓首謹言

上率王大臣官員行禮禮成

皇太后還宮詣

皇太后前問安○旌表守正捐軀順天府宛平

縣民單緘妻李氏○免烏魯木齊從征兵丁

應賠倒斃馬匹銀○緩徵盛京寧古塔等處

被水災民新舊額賦並給口糧有差○乙巳

恭上

皇太后徽號禮成

上御太和殿王公大臣文武官員行慶賀禮禮

成頒詔天下詔曰朕誕膺

景祚寅紹丕基敕命於惟時惟幾迪

光於無荒無怠惟期坡埏訖暨遐邇謐清昭久

安長治之庥臻累洽重熙之盛鴻勳既集慶

典宜申張格爾者頑梗兇渠逋逃遺孽昔

高廟蕩平伊始未忍淨其根株維國家休養歷

年總未加之搜捕兇殘有種已邀寬大之恩

苞禁空存。敢外生成之化。而乃妄生逆焰。狡起戎心。肆厥披猖。遂擾莎車之四鎮。變由倉卒。且因疏勒之孤軍。特遣元戎恭行。

天討。銅符飛遞。爰蒐健銳之師。桐鼓交鳴。並發索倫之旅。飛黃合隊。軍令嚴申。太白懸旂。材官率職。當大兵之未集。敵壘先摧。逮精騎之方攻。重圍立潰。兼之番酋效順。伯克輸忱。奮偕作以前驅。矢同仇而敵愾。遂以四城克復。三捷全收。進圍瓦特之莊。直搗河圖之穴。屢

攻屢下。象直等於剝膚。彌入彌深。寇已窮於游釜。策籌善後。且撫且攻。兵貴乘虛。以防以捕。時值歲除既屆。元日初臨。家傳爆竹之春聲。地響都曇之臘鼓。飛蛾投火。自蹈危機。妖鳥失林。仍歸密網。在彼欲收餘燼。具有深謀。誰知轉戰爭先。已不旋踵。六師共奮。真堪鉅鹿。願沙萬隊齊呼。務期樓蘭對簿。至困不能鬪。先零之氣已衰。而窮且仍追。南越之纓遂繫。是役也。始自丙戌之夏。迄乎戊子之春。雖

地極邊陲。興師實逾萬里。而功成神速。藏事甫閱兩年。挽芻粟以常充。士皆夙飽。蠲賦租而屢詔。民不知勞。余一人宵旰單心。諸將士馳驅用命。仰賴

上蒼眷佑。

列聖詒謀。迅奏膚功。續成成績。威揚沙漠。十全之

駿烈光照。喜洽寰區。九塞之烽煙戢。靖乃申報於

圉丘。

方澤。祇告於

聖祖。

神宗。禮展

橋山。望崇嶽瀆。行受俘之典。舉飲至之儀。鐫碑

鐵蓋之山。紀績紫光之閣。第勳懋賞。錫爵酬

庸。凡武功遠震於遐方。皆

慈福溥敷於闔寓。同申忭悃。敬上

徽稱。謹告。

天。	地。	宗廟。	社稷。於道光八年十一月初八日。率王公文武羣臣恭奉	冊	寶。加上	聖母恭慈康豫皇太后徽號曰	恭慈康豫安成皇太后	安貞協吉。敦仁錫厚載之休	成祿延釐。順德垂永綏之慶。用光大典。特沛恩施。所有應行事宜。開列於後。一。五嶽四瀆。應遣官致祭。著照例舉行。一。	歷代帝王陵寢。應遣官致祭。著照例舉行。一。	先師孔子闕里。應遣官致祭。著照例舉行。一。	凡嶽鎮海瀆廟宇及	歷代帝王陵寢。該督撫查看有應行修葺者。動項報銷。一。內外文武大小各官。俱著照現
----	----	-----	--------------------------	---	------	--------------	-----------	--------------	--	-----------------------	-----------------------	----------	---

在職銜。給與封贈。一。軍營自將軍參贊至將弁等。其勞績懋著者。所有革職降留處分。概予開復。其無出眾勞績。而曾身經戰陣。所有降級留任處分。亦著加恩寬免。一。國子監貢監及各學教習。俱免監期一月。一。在京滿洲蒙古漢軍馬步兵丁。俱著加恩賞給一月錢糧。一。京城巡捕三營兵丁。著加恩賞給一月錢糧。一。大兵所過州縣。除侵盜錢糧及貽誤軍需外。一切降罰處分。事在恩詔以前者。概從寬免。一。喀什噶爾軍營前後所調各處馬步兵丁。借支行裝銀兩。例應於餉銀內分扣還項者。著加恩展限三年。一。滿洲兵丁披甲。隨征效力。被傷不能披甲。及年老有疾退閒者。俱加賞資。一。傷病回營兵丁。不能充伍者。該管將弁查明。本家如有子弟至戚。可以教練差操。即令頂食名糧。免致失所。一。在京刑部及各直省軍流以下人犯。並著加恩。概予減等發落。一。凡流徙人犯。在流徙處所身故。

其妻子情願回籍者該地方官報明該部准其各回原籍。滿洲兵跟役脫逃如無偷竊軍械馬匹等項情事著照乾隆年間寬免餘丁成案交部一體覈擬發遣。各省要路橋梁間有損壞者地方官查勘應修之處詳報督撫奏明修理。各處養濟院所有鰥寡孤獨及殘廢無告之人有司留心以時養贍毋致失所於戲錫極斂平康之福合九有以揚徽緝熙昭耆定之功奉三無而覃澤布告天下

宣宗實錄

卷一四六

咸使聞知○諭內閣太常寺讀祝官連貴初八日恭宣

冊文本日宣讀表文俱屬妥協著加恩賞換花翎並賞給五品頂帶○命惇親王綿愷在內廷行走○以三等承恩公智林署鑲白旗漢軍副都統○丙午諭內閣前因長齡等奏近年各處向緞匹庫支領布匹為數加增降旨令將因何增多之處查明各該處由管理三庫大臣彙齊具奏茲據奏稱各處近年支領

布匹因逢典禮備賞需用較多尚非漫無限制至庫中向憑印領給發無從覈減等語緞匹庫備用布匹各該處每年所領自應按例覈實咨取豈得稍有浮濫嗣後著禮部工部太常寺光祿寺欽天監理藩院內務府等衙門嚴飭該司員等務當於咨取時將何項布若干匹係照何例案咨取何項布若干匹係於例外增添詳細聲明以憑稽覈並著戶部及該管大臣等督飭司員等嚴行稽查移咨查庫御史及稽查三庫之江南道御史逐件詳覈毋許浮費再庫中存貯布匹例應豫備三年之用何項不敷支放即應照例派辦不得通融抵補致滋弊端鑒儀衛成造駕衣裏布向例以山東布給發前因庫存短少以江南布抵用現在江蘇商力竭蹶若仍以此項抵用未免偏枯著責成該司員等隨時稽察如山東河南等省布匹解庫遲延即行咨催解齊不准再有抵用至盛京應領三梭布條

備賞貢納貂皮人等之需。上年所領較嘉慶年間畧取至多之年。增至二千匹。該處每年所進貂皮是否增多。著該將軍將上年請領本年備用三梭布。因何較前此加增。確切查覆再行辦理。○又諭。前據給事中張鑒泰奏。湖廣總督嵩孚等請以黃州府通判周存義升補荊門直隸州知州。朦混濫保。請旨覈辦。當交軍機大臣查明具奏。茲據將周存義緣事案由。摘敘清單呈覽。該員在地方則虧缺

倉庫。在河工則貽誤修防。屢經獲咎。豈可復予升途。周存義著撤回黃州府通判本任。不准升補荊門直隸州知州。嵩孚等具奏原摺。但稱其緣事革職。並未將案由詳細聲敘。且以該員委署鍾祥縣知縣。辦理裕如。出具精明勤幹考語。實屬有心含混。嵩孚楊健俱著交部嚴加議處。○又諭。前據御史王兆琛奏。請飭禁地方佐雜改撥河工。當令吏部查明有無定例。茲據查明。河工佐雜改撥地方地

方改撥河工。向無定例。均由該督撫自行奏明辦理。地方河工人員。原准該督撫隨時奏明酌量改撥。但必須人地實在相需。方足以資治理。斷不可任意奏調。為屬員升補地步。開賣緣奔競之門。嗣後管河各督撫務當秉公保奏。儘地方人員改撥河工。後於河工有貽誤之處。除將該員按律懲治外。定將原奏之該督撫一併重處不貸。將此通諭知之。○移廣

西容縣大崗墟巡檢駐自良墟。從總督李鴻賓請也。○丁未

上詣

大高殿行禮。○奉

皇太后幸悅心殿進膳。○諭軍機大臣等。本日據奕紹等奏。會議富俊條奏。派撥八旗閒散赴雙城堡屯田摺內。據稱雙城堡移駐京旗願往者少。因該處霜早氣寒。歲惟一熟。按戶所給熟地十五晌。荒地五晌。人丁較少之戶

僅敷餬口。不諳耕耘者。又無幫助耕作之人。請援照乾隆九年初次移駐拉林成案。不必拘定每戶給與地二頃之數。如閒散內有能盡力耕作者。按丁酌量給與地畝。或有不能耕作者。准其照拉林章程。在彼附近契買奴僕。報明註於旗戶名下。代其耕作等語。現在雙城堡情形。是否與從前拉林移駐京旗時勢相同。或此次原定章程內。尚有未盡周備之處。致京旗人等觀望不前。著博啓圖等詳查妥議具奏。並將現已移駐之三百七十六戶所得地畝。按戶計口。是否足資養贍。將來生齒日繁。應如何接濟。不致缺乏。即飭該佐領等覈實呈報。該將軍等覆查明確。一併據實具奏。將此諭令知之。○命工部左侍郎奕經。上駟院卿福森。會同盛京將軍奕額。及工部侍郎誠端。恭修盛京陵寢宮殿各工。○戊申。諭內閣。前據給事中張鑒奏。朦混濫保一摺。已降旨將周存義撤回。

本任。嵩孚等交部嚴議。其另片奏袁斯鳳等朦混捐復等案。現經吏部查明各該員緣事案由。袁斯鳳前在東河黃沁同知任內。因馬營壩大工失事。叅奏革職。該工合龍後。題准開復。旋據嚴烺以該員修防全未究心。叅奏復行革職。該員在部呈請降捐地方。通判經部奏明。奉旨允准。王士鍾前在江南山清外河南岸同知任內。經魏元煜等以該員年力就衰。辦事遲鈍。叅奏奉旨勒令休致。沈學廉前在江南淮揚道任內。因高堰石工掣壩。該員曾將應堵應放情形。屢稟河督。俱未照辦。尚非由於該員貽誤。摘去頂帶。在工效力。旋經奏請開復。並奏准調補徐州道。至王涑以捐納知州。在吉地工程處捐辦估冊。議敘以知州選用。該給事中所奏。朦混濫敘之處。均無實據。俱著毋庸置議。○又諭。前據御史安明條奏。嗣後考試八旗文童。請照考試繙譯童生之例。無論食三兩四兩錢糧之人。准其

一體與考。當交禮部議奏。茲據奏請如該御史所奏。准其一體考試。朕思考試文章與考試繙譯不同。乾隆年間定例。八旗養育兵。准考試文章。其食三兩四兩錢糧者。不准與考。原因清語騎射。係旗人根本。分應熟悉。該兵丁以其平日當差所學。出應繙譯童試。事非兩歧。至文藝非兵丁所長。且既經挑補錢糧。即應在各旗營當差。若仍兼習文藝。無論所學未必精通。轉致有廢差操。殊失教育旗人

之意。嗣後著照舊例。不准考試文章。○諭軍機大臣等。瑚松額等奏遵旨派員查辦果洛克賊番越境肆搶之案。該委員等自漳臘營由黃勝關出口。至果洛克邊界。尚有二千餘里。現值冬令嚴寒。不能前進。請緩至來春雪化方可查辦等語。四川果洛克賊番屢經越境肆行搶劫。本月初間。又據楊遇春等奏。西藏貿易番人。於七月間。行至通天河竹古拉山東溝地方。被果洛克賊番強劫貨物牲畜。

計賊甚多。亦已降旨交瑚松額等派員迅速嚴緝。賊務獲。此時口外大雪封山。該委員等不能前進。著准其俟來春暖雪消。乘向例派兵出口遊巡之時。添委熟悉夷情明白幹練之員。調集各該管土司。令其將所搶西寧屬扎薩克台吉布彥達賴等旗。並玉舒番族及西藏貿易番人等案。正賊正賊分頭偵緝。俾夷犯迅速就獲。按律從嚴懲辦。以儆兇頑。將此諭令知之。○賞順天等省鄉試年老

諸生姚佩等六十六名舉人副榜有差。○予催趲漕船遭風淹斃江西千總馬琨祭葬卹。慶回疆陣亡馬步兵汪得元等賞卹如例。○已酉。

聖祖仁皇帝忌辰遣官祭

景陵。○諭內閣。楊國楨奏革職知縣官聲素奸民情愛戴。請捐復原官。留豫補用一摺。已革知縣高崧前在河南延津縣任內。因收受紳民壽屏。部議革職。尚無賊私款跡。且官聲素

好著准其捐復知縣原官。留於河南補用。仍先行送部引見。該部知道。○諭軍機大臣等。本日有人陳奏。江蘇蘇松兩府屬徵收漕糧。各倉俱有官親及幕友長隨收漕而外。恣為佚樂。或食鴉片煙。狎優聚賭。羣飲酣歌。無所不至。其世家大族之糧。無不儘先收兌。而貧戶完納。則故意駁斥。屢次不收。必待額數已數。概令折價。每石折銀四五兩不等。就蘇松現在市價而論。每米一石。約值制錢二千。每

銀一兩。約易制錢一千三百。今每石折銀四五兩。是直以三石之米價。完一石之漕糧。畸零小戶。為累不堪。民情洶洶。咸謂田土所入。僅足納糧。有以田交官者。幾至釀成鉅案。該處於監向多包攬。分肥州縣。平日給予漕規。藉以調停消弭。積弊最深。督撫大吏。但見州縣辦漕無誤。即以為民情安帖。不知此類大囊。把持壅蔽。實使民隱不得上伸。及至教成事端。勢必科民以罪。本地控告漕弊之案。不

出包漕於監之手。為之彌縫。及經上控。往往百無一直等語。漕務積弊。惟江蘇為尤。甚州縣浮收總藉口於兌費不足。然亦何致每石折銀四五兩之多。據奏該州縣官親幕友長隨。視為利藪。藉以佚樂。包漕於監。把持壅蔽。事所必有。該督撫等豈得以州縣辦漕無誤。民情尚為安帖。即任其培植。而不之禁。現值收漕之時。蔣攸銘等當嚴飭該州縣力除勒折積弊。盡撤於監陋規。並嚴行約束官親幕

友家丁及在官人役等。不得向完糧花戶。任意刁難。縱情違法。滋生事端。如有於向例外浮勒苦累者。即據實嚴叅懲辦。該督撫等務密加察訪。不得因其辦漕無誤。或工於消弭。即以為民情安帖。置之不問。總期公私無所侵漁。閭閻不致苦累。方不負再三申諭也。將此諭令知之。○撥安徽無為州屯米一千二百石。解赴省倉以濟兵糈。○
上以冬至祀

天於

團丘。自是日始齊戒三日。○庚戌諭內閣屠之
申奏營兵毆辱職官提省審辦。此案營兵丁
永年因縣丞李宣範查傳其父。輒赴署前吵
鬧。本屬應責之人。乃兵丁王宗元等護庇報
復。膽敢闖進縣丞衙署。毀壞什物。毆辱官員。
實屬目無法紀。該管守備等近在同城。是否
知情徇縱。並該縣丞李宣範採買草束。有無
派累別情。均應徹底根究。房山營守備蕭廷
翼把總張琪。房山縣縣丞李宣範。著一併撤
任。交屠之。申提同案內人證。秉公嚴訊。按律
定擬。斷不准稍有枉縱。尋奏該縣丞實係循
照舊規發價買草。並無科派情事。守備把總
亦非知情故縱。惟失察兵丁滋事。請交部議
處。兵丁王宗元。毆辱職官擬軍。李俊等為從。
擬徒。下刑部議。尋議上。李俊。魏玉。劉崑。王祥
同惡相濟。未便分別首從。應改為一體發近
邊充軍。餘如所擬從之。○辛亥。

上詣

南郊齋宮齋宿。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十六

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十七

蘇州總督臣德馨奏為日講官太僕卿仁開大學士文淵閣領侍衛內府都察院御史王慶雲順
天府府尹等奏請加五級紀錄一次奉旨准其照所請辦理欽此欽此欽此欽此欽此欽此欽此欽此
七倉大臣等奏為開辦賑務事加一級紀錄一次欽此欽此欽此欽此欽此欽此欽此欽此
內務府大臣等奏為開辦賑務事加一級紀錄一次欽此欽此欽此欽此欽此欽此欽此欽此
醫館總辦等奏為開辦賑務事加一級紀錄一次欽此欽此欽此欽此欽此欽此欽此欽此

道光八年戊子十一月壬子冬至祀

天於

圜丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后陵寢○遣官祭

端慧皇太子園寢○停次日朝賀○詣

皇太后宮問安○以

南郊大祀瑞雪應時○予御前大臣領侍衛內大

臣太常寺堂官並執事官員等加級紀錄有

差○賞兵丁半月錢糧○以捐修江蘇高淳縣

書院○予知縣許心源並紳士邢士昕等議敘

有差○癸丑○賞八旗兵丁一月錢糧○甲寅

諭內閣順天府奏審明世職旗員屢次計控

各情分別定擬○此案世襲二等輕車都尉那

丹珠○以並非己產○輒行減價勒贖○迨州廳傳

審○抗不候質○仍復屢次捏控狡展○拖累多人

殊屬恃符健訟○著交兵部照例議處○其誣控

那丹珠之碩格。現患瘋病。著交該旗領回。嚴加管束。毋許復出滋事。○又諭。松筠奏。前鋒藍翎長廣麟。哈當阿。委筆帖式。祿德筆帖式。伊吉斯琿等。委辦事件。俱能勤奮。請遇有應升之缺。儘先補用。以示鼓勵。前鋒藍翎長廣麟等。俱能繕寫清漢奏摺。遇有委辦事件。均屬奮勉。本係伊等分內之事。何至保奏。且該藍翎長筆帖式等。均係都統所屬之員。果有勞績。該都統儘可量加鼓勵。予以升階。茲據

專摺保奏。顯係松筠平日遇事。惟於所屬之員。市惠邀恩。殊屬冒昧。儻該處官員著有勞績。遽爾希圖幸進。轉開奔競之風。有何裨益。松筠所請著不准行。仍傳旨申飭。○乙卯。

上詣

宣仁廟。

凝和廟拈香。○諭內閣。盧坤奏。參。相驗率謬。並被控賄囑改傷之知縣吏目。請革職嚴審。一摺。山西平魯縣勒休知縣湯可學。代鄰封

朔州相驗屍傷。當時既不將張句氏是否自刎。抑係被殺。細心辨驗。事後率將原填屍格。更改傷痕寸數。顯有情弊。朔州告病吏目張奕璠。當該縣與刑件道及錯填屍格。應行改正。曾在旁聽聞。乃於改傷一節。又復諉為不知。現經屍親控有串通賄囑情弊。必須徹底根究。湯可學。張奕璠。俱著革職。交新任巡撫徐忻。秉公嚴訊。務得真情。按律定擬具奏。該部知道。○又諭。屠之申。奏。河工來歲豫防稽

料。請照成案添備一摺。永定河工近年埽段日增。原設歲搶修錢糧不敷動用。據該護督查明上年添備稽料。因本年河水節次盛漲。業已全數用完。請豫添備防稽料二百萬束。共需銀二萬一千兩。著准其照數添備。所需料價銀兩。著於鹽斤加價水利欠解息銀項下動支。即由長蘆運司籌款解工。該護督上年請備稽料。共需價銀一萬七千八百餘兩。此次所請料價。較上年多至三千餘兩。且上

年豫添稽料一百七十萬束。並前購五十六萬束。俱於本年全數用完。較前年又有加增。必至日漸糜費。該護督務當督飭工員認真撙節。如來年料有餘騰。仍留為下年之用。務期工歸實用。帑不虛糜。嗣後請備稽料銀數。若再增多。斷不能邀允准。該部知道。○又諭

理藩院奏。明年駕幸盛京。恭謁

祖陵。請旨飭令哲哩木。昭烏達。卓索圖。東三盟之御前乾清門行走蒙古王公台吉等。在山

海關外接駕。以便欽派數人隨扈等語。土謝

圖親王諾爾布林沁等二十六人。若令全行

隨扈。人數較多。且伊等往返。未免浮費。惟自

伊祖父均係世受

深恩。伊等隨扈前往叩謁

橋山。亦屬理所當然。所有御前行走科爾沁土

謝圖親王諾爾布林沁。巴林郡王那木濟勒

旺楚克。喀喇沁公瑪哈巴拉。乾清門行走喀

喇沁頭等塔布囊布呢雅巴拉等四人。屆時

著在山海關外接駕。即由彼隨扈前往盛京謁

陵。禮成後。由盛京回至山海關。途次再行酌令

各由就近地方回歸牧所。其御前行走固魯

扎布等二人。乾清門行走巴圖等二十人。著

毋庸前來接駕。至錫林郭勒。烏蘭察布。伊克

昭西三盟及喀爾喀四部落之牧所。尤為遙

遠。所有此三盟及喀爾喀四部落之扎薩克

蒙古王公等。均著毋庸前來。以示朕體恤至

意。○諭軍機大臣等。南河建立束清禦黃各

壩。以時啓閉。原為宣洩湖水。刷滌黃流。並不

僅為通漕始行啓壩。前經降旨令張井等。趁

黃水消落之時。相機啓放禦黃壩。既可減洩

清水。保守高堰。又可收刷黃之益。較之暢放

智壩旁洩。誠為兩便。乃前此僅據張井等奏

黃水尚高。不能開放禦壩。其以後黃水消落

若何。能否啓壩。至今並未續行陳奏。現已節

逾長至。黃水斷無不減落之理。是否已經暢

啓禦。抑或黃水雖減。仍高於清。不能得手。即將現在水勢情形。由驛據實覆奏。以慰塵注。將此諭知張井。潘錫恩。並諭蔣攸銑知之。○又諭。本日據盧坤奏。相驗率謬。被控賄濁改傷之平魯縣勒休知縣湯可受。朔州告病吏目張奕璠。已明降諭旨。交徐所審辦矣。此案張句氏死由自刎。抑係被殺。全以咽喉傷痕長短深淺。及起手收手重輕為斷。湯可受當場相驗屍傷。九寸與四寸。長短懸殊。不難一望而知。何以當時將屍格已填九寸。迨回至寓中。輒復改為四寸。又不將起手收手處辨明輕重。縱令荒謬糊塗。何至若是。且原驗該屍咽喉近左。尚有刃傷二處。肩甲肘肘手腕等處。均有墊傷。顯有按壓情形。何以屍格率填自刎。現經屍親控告。有串通賄囑改傷情弊。經盧坤飭令該府訪復目覩張句氏身死之婢女環咀子。訊出致死端倪。必須詳細查審。以成信識。著徐所親提犯證卷宗。細

心推鞠。務得實情。斷不准以湯可受等業經勒休告病。有心開脫。致案情不實不盡。將此諭令知之。○護直隸總督屠之申奏報得雪得旨。京師前於十四日得雪三寸有餘。十六十七連日雲陰。時飄雪霰。朕敬感天恩。深為吾民慶幸也。○丙辰。上詣皇太后宮問安。○調西安右翼副都統佈勒亨。為密雲副都統。密雲副都統霍忠武。為西安右翼副都統。○丁巳。諭內閣。刑部將此次恩詔應行減等軍流以下人犯。分別議定章程。開單具奏。其單內監守常人侵盜倉庫錢糧條下。註明因公那移准減。商船漁船私帶違禁軍器米穀貨物接濟洋盜條下。註明僅止圖利。無濟匪情事准減。及調姦婦女未成本婦追悔自盡條下。註明褻語釀命。並無圖姦污蠱之心者准減。三條著仍不准減等。餘俱著照所議辦理。其另片所請新疆。吉林。黑龍

江等處在配官犯准其一體查辦。開單請旨。在配常犯內情節本輕。覈與內地軍流准減各案相符者。一體准其減等。其餘情罪稍重。尚非有干不赦之犯。無論當差為奴。俱酌量情節。分別辦理。○准雲南前任臨安府教授楊嵩。貴州前任浙江同知趙式訓。重赴鹿鳴宴。○予回疆陣亡駝馬章京兵部員外郎增喜。糧餉章京主事銜全福。祭葬世職如例。○予廣東巡洋淹斃犯總盧鴻達。祭葬卹廕。受

傷守備黃吉。外委陳進陞。胡貴鵬。加級。兵丁徐得龍等一百三十八名卹賞有差。○戊午。旌表守正捐軀直隸定州民張洛興妻王氏。豐寧縣民張瑞妻趙氏。○己未。諭內閣。奕紹等奏會同嚴審戴均元。帶同堪輿相度寶華峪情形一摺。此案戴均元相度福基。自應倍加詳慎。乃既未將石母滴水處所。豫為測量詳明。迨目擊地盤壙幫滴水情形。仍商同用土攔護。並未據實奏請。及早籌辦。僅於會奏

摺內。聲明間有石塊。有意增減緊要情節。現經奕紹等說明比例。擬斬監候。實屬罪所應得。即減等量予遣戍。亦是從輕寬賞。惟念戴均元尚未始終經手工程。且已年逾八旬。老不加刑。著加恩免其死罪。併免發遣。即行逐回原籍。用施法外之仁。其子戴詩亨。著革去員外郎。其孫戴嘉秀。著革去知縣。戴嘉會。著革去鹽大使。戴嘉德。著革去舉人。以示薄懲。○又諭蘇崇阿等奏。發往黑龍江之已革塔

布囊布里訥什之戶口。迄今未到配所。請咨查經過地方。行至某處。飭令趕緊解赴黑龍江等語。從前布里訥什獲罪時。即將伊發往伊犁。實屬咎所應得。因念黑龍江地方風俗淳樸。將布里訥什之戶口。遣往安置。不惟伊不肖性情。漸可格化。且伊骨肉亦得聚首同居。此係朕法外曲體之恩。並非將布里訥什之戶口。一併發往。如此時布里訥什。福恩之妻子已到黑龍江。該將軍等仍遵前旨。妥為

約束。令其一同安靜居處。僮並未起程。尚在牧所。著理藩院明白飭諭該扎薩克等。竟毋庸將布里訥什。福恩之妻子遣往黑龍江。即嚴行約束。著在遊牧守分安居。毋許任意他往。僮或擅離來京。除將布里訥什之妻子嚴行治罪外。必將該扎薩克等一併治罪。仍著理藩院大臣等認真稽查布里訥什之妻子。將來僮或來京。該院即據實陳奏。如該院不行陳奏。或經朕察出。或被他人叅奏。不惟將

該婦女等照例治罪。必將該院大臣等一併嚴加議處。決不寬貸。○旌表守正被戕廣西龍州民區兆謨妻何氏。守正捐軀河南正陽縣民李成妻王氏。○庚申。諭內閣。博啓圖等奏。馳驛員升經過首站。請給廩糧一摺。吉林各站。凡遇過往馳驛各項差務。俱照勘合火牌。應付車馬廩糧。惟首驛烏拉站。向例僅止應付車馬。不給廩糧。事屬兩歧。著照所請。嗣後凡遇都京及黑龍江馳驛過往吉林首站。

即照盛京首驛新定之例。一體給予廩糧。以歸畫一。如係自吉林城馳驛赴京各項差使。及差竣抵省者。仍照舊毋庸支給廩糧。其每年所需銀兩。著歸入驛站題銷錢糧案內。造冊報部查覈。該部知道。○又諭御史慕維德奏。請釐剔積弊。以飭官方一摺。各省州縣官。有地方之責。原不准一日曠誤。近聞各官往往到任未久。即行回省謁見上司。甚至無故在省逗留。夤緣請託。無所不至。於吏治官方。

大有關係。著通諭各督撫。於所屬地方官。非緊要面詢事件。不得輒行檄調來省。各州縣官亦不得藉詞到省。以重地方而杜奔競。至屬員私充幕友。久干例禁。聞近時仍不免此弊。以候補佐貳丞倅幫辦幕務。或專司摺奏。俟有駐省缺出。以之題補。俾仍留署辦事。亦有題補省外之缺。聽該員倩人代署。遇有應請議敘事件。該員即未身莅其事。亦得開列儘先。有應升之缺。即可不次升擢。該員巧於

迎合。借端擅騙。流弊不可勝言。嗣後著嚴行飭禁。儻有以屬員充當幕友者。一經查出。定將該督撫嚴加議處。並將濫充幕友之員。從重懲辦。至州縣係正印官員。定例州同州判。府經歷縣丞等官。非曾經卓薦。或歷俸五年以上。不准委署正印。其照磨司獄等官。並非應升知縣之員。豈可委令代理。著各督撫遇有州縣缺出。仍遵定例。不得以佐雜人員濫行代理。並著吏部詳加查察。或委署任內得有處分。如係違例濫委之員。即將原委之上司。查明叅處。其各省違例升調官員。定例有經部議駁奉旨允准者。吏部註冊存案。嗣後著該部存記。凡因劣跡被劾者。如係曾經違例保題之員。即查明原保督撫職名。奏請嚴加議處。該部知道。○諭軍機大臣等。訥爾經額奏籌辦江浙等幫水手章程一摺。江浙糧船水手。屢經恃眾滋事。不可不嚴定章程。力加整頓。據該漕督查照例案。採訪輿情。酌擬

八條。開單呈覽。內各幫老官師傅。查拏解文原籍地方官管束一條。幫船水手。拜師授徒。聯結夥黨。原應設法查辦。但如該漕督所奏。無論曾否滋事。按名拏解原籍。並以水手老官四字刺面。伊等人數眾多。若一時遽欲查拏淨盡。轉恐該水手聞拏滋擾。或致激成事端。亦當豫為籌及。其雇用頭舵水手。官為經理一條。近來衛幫止聽本船頭舵雇用水手。該漕督擬責令重空千總。及協理之閒運備

升。督同旗丁。先儘本地善良水手雇募。如雇不足數。將歷年在幫安靜之人。選擇配用。亦恐有格礙難行之處。著該漕督悉心體察。飭屬詳慎妥辦。固不可使幫船水手。仍有習教名目。養癰貽患。亦不可過事紛更。徒滋擾累。將此諭令知之。○又諭訥爾經額奏。江廣各幫漫越浙江空船。全出瓜洲口。並鎮江一帶船行水淺情形。現在節逾冬至。鎮江一帶水淺。船行不能迅速。該漕督擬照陶澍咨會。或

改由橫閘進口南下。或先行築壩挑河。俟開壩鋪水。再行進口。著即相機妥為辦理。總期各軍船趕早歸次受兌。無誤開行。明年四月初十日以前。務將重運新漕。趲至清江。渡黃北上。至浙江幫船阻守壩外。水手人等聚集一方。必應巡防彈壓。著該漕督會同陶澍飭屬妥辦。毋任再滋事端。將此各諭令知之。○命湖南提督桓格留京。以湖北鄖陽鎮總兵官曾受為湖南提督。○辛酉。

上詣

壽康宮前殿行禮。後殿問

皇太后安。○諭內閣。奕訢奏。來年巡幸盛京。隨營當差及各項需用官兵。查照舊章。酌減數目一摺。朕於來年臨莅盛京。所有隨營當差及各項需用官兵數目。據該將軍查照舊章。分別酌減。著照所請。安設堆撥帳房十八處。共派官三十六員。兵三百六十名。分為兩班。輪流晝夜巡邏。其看管道路。派官四十員。兵

二千名。亦分為兩班。輪流分段站立。從前添派官四員。兵一千二百名。站立管道官兵之後。以資稽查。既有管道官兵。即責成該官兵稽查一切。所有添派官兵一項。著即裁撤。以歸節省。至該將軍隨帶官兵。著准其帶領前鋒章京二員。前鋒五十名。前引。派副都統一員。帶領前鋒章京二員。前鋒五十名。作為後扈。此外承修營盤道路。監放車輛等項。需用官兵。著該將軍查照上屆章程。酌中覈定。○

又諭屠之申奏。承辦橋工緊要。專員駐工。殊多糜費。請調署知府責成督辦等語。所見是。明年朕前詣盛京。蹕路所經永平府屬青龍河等處橋工。最為緊要。若照向例專派道府前往督辦。轉多糜費。現任知府王開雲不諳橋工。著照所請。以李鵬調署永平府知府。責成督率該州縣認真辦理。所遺順德府員缺。即以王開雲調署。該部知道。○又諭前據奕訢奏。主祭宗室當差拮据。請給月銀八兩。養

贍地五頃。以資用度。當降旨令該將軍將應賞入官地畝。查明究有若干。茲據詳查覆奏。此項入官徵租地畝。儘有贏餘。該宗室福嵩阿等六員。祇承祀典以來。生齒日繁。所得俸銀地租。不敷用度。自應量加體恤。著加恩將主祭宗室奉恩將軍福嵩阿。吉泰。宜里布。那當阿。景平。哈格等六員。各於入官租地項下加賞地八頃。令其自行招佃取租。免交官租。以資當差。毋庸再行賞給津貼月銀。此項賞給地畝。即作為主祭宗室公產。不准私自典賣。○護直隸總督屠之申奏。報名屬得雪分寸。得旨。

天恩如此優渥。吾君臣何以仰答。惟有誠敬存心。精勤莅事。清正愛民之員。擢之不次。尸祿殃民之官。去之勿遲。庶吏治蒸蒸日上。民無怨苦之心。可不日慎一日。永保天庥之佑也。覽奏欣感之至。○以直隸督標中軍副將台費音。為湖北鄖陽鎮總兵官。○壬

戌。諭內閣。朕伯儀親王。明年八旬有四。精神步履。甚屬康強。但遇有典禮。仍與諸王大臣等一體拜跪。高年勞勩。朕心實有所不安。嗣後凡遇

皇太后及朕升殿朝賀大典。俱著免其行禮。以示朕敬長篤親至意。王其勿辭。○癸亥。諭內閣。朕於明年親詣盛京。特為恭謁

祖陵。所有閱兵行圍。均屬無暇。著奕訢將豫備閱兵行圍事件。概行停止。其吉林為盛京鄰

省。博啓圖必赴盛京接駕請安。博啓圖儘可親自前來接駕。毋庸帶領豫備行圍官兵。黑龍江墨爾根兩處人等。亦著不必前來。屆時著奕訢祇將應射布靶官兵。按照從前豫備。○又諭。楊遇春奏。陝甘兩省滿洲營紅白銀兩。請俟三年後酌中定額一摺。陝甘兩省各營兵丁紅白賞卹銀兩。前經戶部議請於綠營兵丁應領例賞銀內。酌減十分之三。以抵不敷之數。不得再請加增。其滿洲營兵丁賞

項。應酌量撙節。或另行籌議變通之處。當交該督會同該將軍副都統等。妥商具奏。茲該督奏綠營兵丁賞項。已照部議一體酌減。其陝西駐防滿洲兵丁賞項。每年原額銀四千八百餘兩。從未逾額。甘肅滿洲營兵丁賞項。每年原額銀五千兩。恆有溢支。緣甘肅省例賞。較陝省本重。每年支發銀數亦多。惟該營賞項。每年既有逾額。自應酌定限制。著照所請。所有甘肅各滿洲營兵丁紅白賞項。自本

年為始。由該將軍等覈實散給。統俟三年後酌中定額。由該督會同該將軍等另行會議具奏。至西安滿洲營賞項。雖未逾額。亦應覈實定數。並著俟三年後一併會議。奏明辦理。該部知道。○烏魯木齊提督呂天俸。因病解任。以陝西漢中鎮總兵官哈豐阿為烏魯木齊提督。調署陝西固原提督。四川重慶鎮總兵官胡超。為漢中鎮總兵官。○旌表守正捐軀河南確山縣民王殿沅女梅妮。○修河南

沁河民隄。從巡撫楊國楨請也。○甲子。諭內閣。朕於明年前詣盛京恭謁

祖陵。向聞該處辦差官員。每藉供頓為名。任意升派。縱使隨從人員。不敢稍有沾染。而該地方官。亦必豫為開銷侵漁地步。積弊已甚。朕所稔知。因思我

皇考仁宗睿皇帝每於

鑾輅經臨之前。豫

飭隨從人員等不得收受餽送。地方官亦不得

藉端冰累。

訓誡至為詳盡。自應恪遵。惟恐積久玩生。罔知檢束。特再剴切申諭。凡明秋隨扈之王公大臣以及官員兵丁等。均當加意謹慎。不可絲毫需索。即地方官偶有餽遺。無論金物食品等儀。俱宜堅拒退還。該地方官吏亦應屏除嫁名影射積習。勿再科斂苦累。所有隨從人員。責成該管大臣嚴切稽查。並著總理行營王大臣隨時查察。如有需索。即著嚴參

懲辦。儻該管大臣知而不奏。即著總理行營王大臣查明。徇隱之該管大臣。一併叅處。該地方官吏。責成直隸總督。盛京將軍。奉天府尹。認真查訪。如有餽遺。或嫁名影射。即著據實嚴叅。總在該王大臣及將軍總督等。破除情面。有犯必懲。自能使風清弊絕。儻經此次訓諭之後。仍有前項情弊。該王大臣及將軍總督等。俱未叅奏。或經朕訪聞。或別經發覺。必一併重懲。不稍寬貸。至內務府官員。並

隨帶內監及各項匠役人等。應如何杜絕苛求之處。著內務府大臣嚴定章程。自行具奏。○諭軍機大臣等。朕於明年恭謁

祖陵。業經明降諭旨。通飭隨扈王公大臣官員等。不准收受餽遺。自各凜遵訓諭。加意謹飭。惟聞盛京歷屆辦差。往往豫備土宜及酒饌食品。並一切供帳之物。私相餽送。即使隨從人等奉公惟謹。潔清自愛。而地方官吏。已藉端科斂苦累。甚或本無供頓之事。輒嫁名影

射。漁利自肥。此等耗費。非取給民間。即剋扣兵餉。陪都為根本重地。朕蹕路經臨。諸凡曲加體恤。概從節省。豈可稍滋前弊。不加飭禁。著奕額等嚴飭所屬。除例辦差務。照舊供億外。其餘一切酬應。概行禁絕。不惟王公大臣官員兵丁。毋許絲毫供應。即內監執事人等。亦不得任其需索。私相應付。如有藉端誅求者。即著指名嚴叅懲辦。該將軍等亦應隨時查察。實力遵行。如尚踵從前陋習。朕必執法

嚴懲不貸。無謂誥誡之不豫也。將此諭令知之。○予從征回疆病歿四川外委楊映庭。祭葬卹廕。巡河淹斃兵丁全鳳等。賞卹如例。○乙丑。雲貴總督阮元奏。查閱營伍情形。得旨。邊疆重地。營伍最關緊要。隨時認真整飭。不可稍忽。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十七

實錄卷一百四十七

上

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十八

欽此

道光八年戊子十二月丙寅朔

上詔

大高殿行禮○諭內閣高溥奏請暫減課鉛成
數一摺。黔省媽姑福集等鉛廠。因開採年久。
峒老山空。砂丁採取匪易。新發白巖子廠。夏
間雨水過多。礮峒被淹。招丁車水。需費不少。
鑪戶倍形疲乏。據該撫查明懇請調劑。著照
所請。所有該廠等應抽二成課鉛。准照滇省
辦銅抽課一成之例。暫減一成。以紓廠力。俟
鉛礦豐旺。仍照二成抽課。用歸舊制。至媽姑

福集兩廠。每年抽課變價銀兩。除支銷廠費外。其餘課價銀兩。因楚運鉛斤。向於此項課價。及三兩水腳銀內。借支辦運。俟楚運委員售價領解回黔。覈數報部撥歸。餘銀撥入兵餉。現暫減一成課鉛。每年計少價銀九千四百七十八兩零。著由部按年照數補撥。以充兵餉。該部知道。○又諭奕額等奏酌擬籌辦橋梁木植一摺。向來辦理差務。橋梁木植。俱係借給票商工本銀兩。現據奕額等奏。興京

橋木舊借銀兩數目。實屬不敷。砍運擬請酌借工本銀一萬二千兩。指定無礙山場。砍運橋木八萬件。其長徑丈尺。必須足數。搭橋之用。不得以彎曲細小木植充數。差竣將原木發還該商變賣。飭令照例交還六成銀七千二百兩。至承德等五廳州縣橋木。請照結報實用數目。採買雜木十二萬八千一百六十九件。共覈例價銀五萬七千五百八十九兩零。差竣仍照四六回殘之例。變價歸款。著照

所請。此項需用銀兩。准其於盛京戶部庫貯項下。先行照依省城市平如數發給。除俟差竣交還銀四萬一千七百五十三兩零外。統共實用銀二萬七千八百三十五兩零。該將軍等務當飭屬如數購辦。趕運備用。並著隨時嚴查。斷不可令承辦商人。有影射偷砍情事。其木植式樣。例價銀數。仍造具清冊報部查覈。又另片奏。巨流河搭造浮橋。向係派員造船二十隻。共用價銀二千七百兩。於各廳

州縣庫貯款內撥給。差竣責成各該州縣。以原價變賣歸款。不無賠累。著即照例免追四成銀一千零八十兩。仍交還六成銀一千六百二十兩。以昭覈實。錦縣大凌河水深溜激。向係搭造椿橋。難期穩固。著照巨流河之例。造船二十隻。在於大溜處所。搭造浮橋。其沿岸淺灘。仍接用椿橋。以期節省。所需造船工料。亦照例飭撥各廳州縣庫貯銀二千七百兩。就近給發。錦縣知縣。妥為成造。派員驗收。

應用。差竣變價歸款。該部知道。○烏什辦事大臣布彥泰奏。遵旨添派守卡官兵。巡防封禁道路。得旨。隨時認真稽查。不可日久生懈。○裁貴州貞豐州屬羅浪亭土把總缺。從巡撫嵩溥請也。○旌表守正捐軀湖北襄陽縣民間正經妻趙氏。○丁卯。

上詣

皇太后宮問安。○諭內閣。工部議覆嚴烺奏。豫東黃河兩岸各廳隄堰壩餞等工。所開丈尺

土方銀數單內。土方價銀二錢一分六釐至三四錢不等。並未將例價津貼各若干。分晰聲敘。著該河督即飭該道於估銷冊內分別開明。具題覈辦。至例價外津貼一項。原係偶爾請加。乃自嘉慶十九年以後。除二十年及二十四五等年照例開報外。其餘各年。俱請加津貼。援以為常。年復一年。何所底止。嗣後該河督務當覈實估計。力求撙節。不得任聽工員率請津貼。致滋糜費。前經工部奏定章

程。令河督將一年統用銀數彙奏一次。並將上三年用銀多寡比較。以備查覈。乃該河督每年總未將增培隄工銀數列入彙奏單內。率以奏撥之項。非常年例辦銀款為辭。試思隄工年年增培。自應統入比較。著該河督嗣後彙奏單內。除歲搶修定額外。凡一年另案工程。俱併入單內開明。並將上三年用過銀數聲明比較。毋得稍涉含混。致干重咎。○又諭安福等奏。應行呈報事件。並未呈報。私

行派員會同地方官辦理之總管一摺。察哈爾總管蘇蘇勒通阿。於禮親王開墾所換地畝。將其餘旗人遊牧之察罕蘇巴爾罕地方。俾令開墾一案。接到豐鎮同知咨文。並未呈報該都統。輒派副參領喇先丕勒會同地方官察勘。指示交界。辦理殊屬任意。錯謬已極。著照安福等所奏。蘇蘇勒通阿著先行交部嚴加議處。此項察罕蘇巴爾罕地方。究係有無關礙遊牧。應否開墾之處。仍著安福等另

派妥幹人員。復行查明據實陳奏。○旌表守正捐軀山東汶上縣民楚文光大妮。○戊辰。諭內閣薩炳阿等奏。籌道倉應徵備供兵糧。粟麥兼收。通融搭放一摺。陝西督糧道倉。每年額徵也。更粟米。係供支西安滿洲營八旗官兵口食之需。歷屆徵收支放。俱用本色。據該將軍等查明現在各市粟米。價值貴於小麥。小民輸納不易。酌籌通融兼收搭放。著照所請。准將本年道倉應徵秋糧粟米七

萬八千一百二十九石零。以麥抵粟。兩項各半交收。自來年四月為始。覈明奏銷案內報收數目。以粟米七成。小麥三成。搭放滿洲營官兵。至下屆奏銷時。覈計搭放小麥若干。餘存若干。臨時察看情形。再行酌辦。該部知道。○己巳。諭內閣。前據松筠奏。熱河所屬各處蒙古民人樵採日遠。煤薪昂貴。請將前經封禁之小冰溝煤窰。仍准開採。及朝陽赤峯土城子等處。並蒙古各旗舊有煤窰。因水旺煤

盡封閉者。准其報明改移開採。並承德府灤平縣所屬地方產煤之區。一體試採之處。是否可行。著新任熱河都統成格體察情形。據實具奏。○又諭本日據宗人府轉奏和碩瑞親王綿忻之福晉。百日服滿。率領伊子奕約謝恩一摺。奕約現已承襲郡王。因未及歲。例應每年支領郡王半俸銀二千五百兩。惟念伊府內各項用度。未免不敷。著加恩除奕約每年應得半俸外。再加賞銀一千五百兩。俾

得生計從容。以示朕矜恤至意。至該府長史蘇通阿。前因降一級。現戴四品頂帶。今奕約年歲太幼。若該長史職銜較大。自然易於約束。府內護衛人等。蘇通阿著仍賞給三品頂帶。○庚午。諭內閣。琦善等奏。請籌款生息。挑選餘兵一摺。山東青州德州二處。俱設有駐防滿洲營。青州滿洲營。曾於嘉慶年間。挑選餘兵二百四十名。籌款生息。每名每月給銀一兩。而德州滿洲營未經一併籌議。茲據該

撫等奏稱該營壯丁弓馬漢仗均有可觀若令坐待挑補滿洲綠營兵缺未免曠日持久生計艱難著照所請准其援照青州滿洲營成案將馬價銀六千兩再於藩庫餘平項下提銀一萬四千兩湊成二萬兩發商一分生息每月可得息銀二百兩隨餉批解德州滿洲營由該城守尉在於德州四旗閒散壯丁內挑選一百五十名作為餘兵與馬步甲一體操練每名每月支給銀一兩計需銀一百五十兩尚餘銀五十兩即以陸續歸還原本俟歸足之後再將每月所餘息銀增挑餘兵五十名俾生計益臻寬裕該部知道○又諭兵部彙題官員承緝盜賊等案一本內汪清邊門章京復州防禦圖善於民人李貴等偷越邊門私宅鹿窖僅止拏獲李貴一名尚有劉姓等四名未獲該部議以降二級留任查有紀錄准其抵銷固屬照例辦理惟民人越邊私宅鹿窖例禁甚嚴現當加意整飭之時

豈可稍事輕縱所有圖善降留處分著不准抵銷並著勒限一年責成該章京將未獲各犯嚴行查拏務獲俟限滿有無弋獲再行覈辦○又諭盧坤奏省標教演速戰陣式漸臻純熟請撥赴南北兩鎮演習一摺前據陝西巡撫徐圻選派守備景福明把總程芝並帶兵丁咨送山西教演速戰陣式茲據盧坤查明該備等會同該省撫標城守三營將備逐日督率操演技藝漸臻純熟南北兩鎮自

應一體照演著仍飭令景福明等並選派省標熟諳弁兵次第前赴大同太原兩鎮認真教演以期咸成勁旅該守備景福明把總程芝訓練省標弁兵不辭勞瘁現又派赴兩鎮教演俟各營一律嫻習再行飭回原營奏明分別獎勵又另片奏各營操演每年需用火藥鉛丸等項銀二千三百兩係額外增用之款未便請動公項著准於存貯辦銅幫費款內提借銀三萬兩發交殷實典商承領按

月一分生息。每年所得息銀三千六百兩。以一千二百兩提歸辦銅原款。以二千四百兩同閏月息銀。一併歸於藥鉛項下支用。俟原款歸清後。即將此項歲息。永作操演經費。並津貼兵丁之用。每年由司造報巡撫衙門查考。毋庸咨部覈銷。○又諭劉彬士奏請修築塘工一摺。浙江東海塘。因本年雨水過多。潮沙較旺。以致各工間多淤損。亟應趕修完整。著該撫即飭該道督率廳備分辦。毋許草率

偷減。至另片奏浙省海塘歲修經費。前經奏定不得用過本款十五萬六千餘兩之數。本年支用已及一年之額。此次所修旦字等號各工。即係豫支來歲款項。雖姑允所請。但塘工歲定經費。原以杜虛糜而期節省。若年復一年。逐漸加增。必至漫無底止。嗣後著加意撙節。如過原定十五萬六千餘兩之數。斷不能邀允准。○又諭松筠奏。發員到戍。請給與馬甲錢糧一摺。已革侍衛富英係發往熱河

充當苦差。甫經到戍。應查照向例辦理。何得遽請恩施。該署都統所奏。著不准行。○又諭惠顯等奏。拏解逆回審明定擬一摺。逆回薩領景等十四犯。在喀什噶爾等處。均經從賊打仗。嗣因張格爾勢窮竄匿。該犯等由葉爾羌逃至拉達克地方被獲。據惠顯等審明該犯等跟從張格爾占據四城。擾亂地方。實係罪大惡極。俱著即行正法。又另片奏派員拏解逆回頗為出力。懇請鼓勵。加恩著照所請。

噶布倫敦珠卜多爾濟著賞加二品頂帶。五品番日朗噶布著賞加四品頂帶。遇缺即補。該部知道。○諭軍機大臣等。張井等奏。遵旨將現在湖河水勢情形。據實覆奏。摺內稱查外南廳順黃壩誌椿及高堰誌椿。較量水面。黃高於清。約有一尺餘寸。如向後再消尺餘。即當相機啟放禦壩。然亦僅能通漕。不足刷黃。以清水必高於黃水三數尺。又必啟壩時多。閉壩時少。乃能暢出滌刷。從前乾隆年間。

湖高於河。自七八尺及丈餘不等。一交夏令。折展禦壩。至一百數十丈。故能洩清刷淤。秋冬始收蓄湖。潴濟運。後因河底漸墊。至嘉慶年間。改禦壩為夏閉秋啓。已與舊制相反。雖亦時啓禦壩。而黃水偶漲。即行倒灌。今又積墊丈餘。縱遇清水能出。亦止高於黃水數寸及尺餘。且或暫開即堵。僅能免於倒灌。不誤漕運。殊未能收刷淤之效等語。江境禦黃壩上下一帶黃河。積年淤墊。如該河督等所奏。

以昔證今。已成不可救藥之勢。思之曷勝憂憤。該河督等祇知洩清水而保高堰。閉禦壩而免倒灌。不思經久之規。但為目前之計。增工請帑。總未能漸復舊制。一歲獲保安瀾。則為萬幸。似此年復一年。日後愈難施措。如國計民生何。試思南河利害。全繫清口。非藉清水刷淤。有何去淤之方。該河督等身膺重任。當如何激發天良。力圖補救。豈貪天之功。幸無失事。遂足以塞責耶。該河督等接奉此旨。

務將湖河全局。熟計妥籌。設法辦理。以期收啓壩刷黃之益。斷不可再事因循。致失機宜。將此諭知張井。潘錫恩。並諭蔣攸銘知之。○浙江巡撫劉彬士奏。遵旨查拏花會賭博情。形得旨。一力認真嚴查懲辦。不可稍涉大意。靖奸宄。挽頽風。封疆大吏之責也。勉之又勉。毋負委任。所奏已悉。○以塔爾巴哈台屯田豐收。予員弁議敘。賞兵丁一月鹽菜銀。○予回疆陣亡筆帖式扎爾罕泰巡檢倪繩從九

品李潔。典史李昌選。祭葬世職如例。○辛未。孝惠章皇后忌辰。遣官祭。

孝東陵。○諭內閣。蘇崇阿等奏。籌補各城倉貯一摺。齊齊哈爾。黑龍江。墨爾根。三城。公備倉貯糧石。現多缺額。據該將軍等查照。歷屆籌補成案。量為變通。著照所請。准於明春先將呼蘭倉糧三萬一千五百餘石。分別挽運。帶運分貯三城。並自道光十年為始。齊齊哈爾。黑龍江。二城。按年各以糧六千石歸補。墨爾

根城以糧三千石歸補。每年共計需糧一萬五千石。呼蘭挽運六成。各城採買四成。俟歸補足額。即奏明停止。該部知道。○又諭張井等奏查勘黃河上游各廳及邵宿運河廳應辦各工情形一摺。黃運兩河工程。該河督等勘明應行分別修辦。除運河挑工。照例動用生息銀兩。其蕭南廳張家壩切灘挑河。宿南廳朱工上首鑲築挑壩。及估幫運河緯隄。折修河清石閘。均係常年另案工程。著照所奏。

估需銀兩。即於例撥項下發辦。毋庸另請錢糧。該河督等當督飭工員認真經理。隨時稽查。總期工歸實用。帑不虛糜。如有草率偷減情弊。即行據實嚴參。毋稍徇隱。該部知道。○又諭那彥成等奏查明西四城先後抄獲逆產並叛產變價銀兩。動支城工衙署各工費一摺。喀什噶爾英吉沙爾葉爾羌新建城垣衙署兵房等項工程。及和闐修補城工。先後完竣。所需工費。經那彥成等於抄獲逆犯資

財及叛產變價銀內。共支銀十六萬六千餘兩。尚餘銀一萬四千九百餘兩。留為未辦各工及官鋪資本之用。回疆工程。向無例價。此次均係實用實銷。並未動支正項。著免其造冊報部覈銷。至辦理城工。該阿奇木伯克等捐備麵斤。供支工匠兵回食用。踴躍急公。殊堪嘉尚。喀什噶爾阿奇木伯克伊薩克英吉沙爾阿奇木伯克玉素普葉爾羌阿奇木伯克阿布都爾滿署和闐阿奇木伯克托克托

呢雜爾。加恩各賞大緞四匹。由各城庫貯內支給。餘著照所議辦理。○又諭那彥成等奏查明私墾地畝應增糧石。請量予輕減一摺。喀什沙爾所屬布古爾庫爾勒兩城。據那彥成等查明私墾地畝。各照舊則升科。共應增糧一千七百一十餘石。惟該城回子等於張逆滋事之時。始終效順。甚屬可嘉。所有查出私墾地畝。每城著增糧四百石。共增糧八百石。其餘應增糧九百一十餘石。概予優免。以

示獎勵。至該城歲徵屯糧回賦。共六千四十餘石。僅敷本處官兵口糧馬料之用。現在各城增設防兵六千五百名。分年換班。來往應需行糧。著准其將新增地糧八百石。留為該城支撥。歸入奏銷案內造報。所增糧石。於道光九年秋後啓徵。其應需折給加增領隊大臣章京養廉鹽菜糧二千八十石。著即在葉爾羌餘糧內撥給。每年於秋徵全完之後。由該城大臣委員備文赴葉爾羌洛領。該部知

道。○又諭。那彥成等奏。回子已革公爵查明支派。請旨承襲一摺。回子和什克噶岱默特。於乾隆年間。平定回疆。歷著忠勤。得膺公爵。世襲罔替。和什克之孫阿布都莫們噶岱默特之曾孫邁瑪特伊布拉依木。所襲公爵。前俱因罪斥革。自應於和什克噶岱默特各嫡支子孫內遴選承襲。茲據那彥成等查驗得應襲之人。並繪具宗圖。奏請承襲。所有和什克公爵。准其以邁瑪特熱依木沙承襲。噶岱

默特公爵。准其以木薩承襲。○又諭。刑部議覆順天府奏。傳習天主教犯張成善等於改悔後。仍用舊時邪教音樂。收藏經卷一案。請照原擬。將張成善等八犯。於聽從入教。不知悔改。改發回城為奴。例上量減。張文恭一犯。於收藏經卷發邊遠充軍。例上量減。俱減為杖一百。徒三年。殊覺過輕。此案張成善等既經改悔。何以仍敢沿用邪教音樂。且張文恭家復有藏匿未繳之經卷十字架。是其未能

真心改悔。已可概見。即不照本例定擬。亦不應遽減杖徒。著刑部詳查成案。另行酌中妥議具奏。尋奏。改擬杖一百。流二千里。於犯事地方加枷號三箇月。從之。○諭。軍機大臣等。前因卡外各部落。皆賴商販為生。未便因禁絕霍罕。致令羣夷生計缺乏。特允那彥成等所奏章程辦理。現在布噶爾籲懇貿易。該部落雖亦有逆裔家屬潛匿在彼。尚未若霍罕之公然助逆。准其通市。事尚可行。惟必須認

真查察。不致令霍罕夷商影射冒混。方為妥善。若名為禁絕霍罕。而仍墮該夷術中。不但該夷不知警懼。轉為他夷所竊笑。現據那彥成等查詢布噶爾夷商。實苦於霍罕之剝削。懇由喀拉提錦及巴達克山繞越前來。悉聽其便。但當時加訪察。不得任其與霍罕狼狽為奸。致滋流弊。此時立法之初。派出稽查彈壓官弁伯克等。或尚知奉公守法。惟恐日久弊生。殊於邊防大有關繫。著武隆阿額爾古

倫伊薩克督率所屬。實力奉行。無任稍滋弊端。致肇邊釁。將此諭令知之。○安徽巡撫鄧廷楨奏。各屬編查保甲情形。得旨。立法不為不周。總要持之以久。行之以實。勉之。○江南河道總督張井。副總河潘錫恩奏。南河工用。大要總在於河底刷深。黃水落低。清流暢出。庶一切工程減少。而錢糧自然節省。得旨。經費一層。朕原不靳。若歲歲例撥之外。又有另案疊出。年復一年。何所底止。果能河湖復舊。

漕運通行。而又無減洩橫流之患。雖費帑實多。朕亦樂於從事。再明歲重運經臨。如不能開壩放行。誤正供而難措施。汝二人自問何以對朕。至倒塘海運盤壩。均係偶一為之。不得已之舉也。焉可恃以為常。再為河督者。豈僅自潔其身而已。總要能查工員弊竇。破情任怨。方謂無欺。即如工員浮冒。立即嚴叅之語。無非摺奏故套。試問叅奏侵冒者何人。必曰實無侵冒之人。既無侵冒之人。何又欲不能必其皆無弊混之語。朕可欺。

天不可欺。懍之勉之。朕惟權其功過耳。○以喀什噶爾英吉沙爾葉爾羌和闐阿克蘇烏什六城辦工出力。賞同知陸有恆守備朱連花翎。餘加銜升補。伯克回子等分別賞給翎頂有差。○士申。

上詣

皇太后宮問安。○諭內閣。前據楊遇春奏。請以陝西延安府理事同知廣崇調補伊犁。撫民

同知。當交吏部叢議。茲據奏理事同知。例祇准升用京職。與撫民同知例得在外升轉者不同。廣崇係理事同知。若以調補撫民之缺。則該員即可由外升轉。不復以京職推升。班次混淆。於銓政殊有闕礙。且各省援案奏調。易啓屬員奔競之風。該督所奏。著不准行。所有伊犁撫民同知員缺。著該督照例另行揀員調補。如不得人。即行奏請歸部。於記名撫民同知人員內。揀選帶領引見。○又諭。總管內務府具奏。現在恭逢恩詔。乾清宮各等處總管首領太監等。可否賞給錢糧一摺。此次乾清宮各等處總管首領太監等。均著加恩賞給一月錢糧。嗣後每逢恩詔。其總管首領太監等。賞給與否。候朕酌量施恩。毋庸由內務府題奏。○命烏什幫辦大臣那桑阿回京。賞頭等侍衛景昌副都統銜。為烏什幫辦大臣。○癸酉。諭內閣。前因回疆底定。應行告功典禮。曾經降旨釋奠。

先師孔子。著於明春舉行。昨太常寺具題道光九年致祭。先師孔子。祇係照例題請遣員行禮。何以未將前降諭旨聲敘。著太常寺堂官明白回奏。明年二月初三日釋奠典禮。朕當親詣舉行。著各該衙門照例豫備。○又諭。奕訢奏。請酌借辦公銀兩。分年扣繳一摺。盛京承辦道路橋梁等項。嘉慶十年二十三年。俱請借漫餘銀三萬兩。該將軍即因向借銀數不敷辦公。亦應將從前成案。俱借若干。此時因何不敷。酌請多借之處。詳悉聲明。朕原可加恩准行。乃摺內僅稱前兩次請借辦公銀兩。分作五年歸款。並無數目。此次請借銀五萬兩。亦未聲明因何增多。殊屬含混。著傳旨申飭。所請銀兩。著仍照向例准其借銀三萬兩。即於本年徵收船規間款項下支給。分限五年。籌補歸款。嗣後該將軍應辦事宜。務詳查成案。聲敘明晰。奏請遵行。毋得再涉含混。致干咎戾。

○又諭戶部奏各直省道光七年徵收錢糧比較上三年新舊分數尚無全行以完省分惟該部於奏銷之外設立比較覆加考覈逐年開單彙奏原責令該藩司從嚴督催以期完數日增年清年款此次雖覈與往年完數稍有起色而福建江西未完新賦尚在一分以上未完舊賦尚在五分以上甘肅山東廣西安徽江寧蘇州浙江廣東河南湖北雲南直隸等省未完舊賦由一分至七分不等豈得以比較案內完數相等可免處分遂致漸形懈弛而未完分數逐年如故並不歸數完清於催課仍無裨益著各直省督撫督令各該藩司認真嚴催務期新舊一律十分全完以清帑項至山東省應徵道光二年以前積欠據該撫聲明均多遞緩但其中豈無屆限應徵之項著即查明應徵銀數併入比較毋得遺漏其山東江寧江西等省已完新賦蘇州甘肅二省已完舊賦直隸河南安徽等省

已完新舊二賦奏報單內銀數與奏銷撥冊數目不符直隸已完舊賦項下單內未經註明造入某季撥冊若干著各該督撫飭司詳查咨覆該部覈明辦結其甘肅已完項下有未據解司入撥之款著該督迅速提解報部並著嗣後不得以未解之數作為完數以杜虛報分數之弊○又諭御史何輝綬奏倉外號房存有積草致煙火將柱木燃焦一摺倉廩為積貯重地理宜嚴密巡查倉外號房所存積草不難立時飭役掃除該監督所司何事現在本裕倉已有燃焦柱木情形別倉亦難保無積草之弊著倉場侍郎通飭各該倉監督等小心防守隨時稽查以昭慎重○又諭阿揚阿奏查明蘆商欠交引課立限勒追清款一摺長蘆鹽務疲敝前經曲予調劑立定章程責今年清年款本年係立法之初蘆商仍有欠交銀九千三百餘兩雖據該鹽政聲稱本年正課已完至九分有餘惟既有分

毫拖欠。即不能符年清年款定例。著即勒限一月。務令埽數全完。不准遲至次年。嗣後若不遵照奏定章程。雖百計遷延。朕祇知執法辦理。不能變更曲宥也。○又諭御史奇成額奏請嚴禁蠹役。以肅漕務一摺。漕糧為天庾正供。向來承辦各衙門。俱有一定章程。豈容奸胥蠹役。肆行弊混。若如該御史所奏。糧船抵通時。倉中兵丁書役。及倉場侍郎坐糧廳各衙門在官人役。輒向旗丁需索使費。兌米時。又以給費之多寡。為遷船之後先。旗丁等所費既鉅。勢不得不勒索州縣。州縣無所取給。亦即浮收升斗。以供兌費。是州縣朘削民膏。祇以供運丁之悉索。運丁之勒捐。僅以飽倉中蠹役之私囊。種種積弊相沿。實情事之所必有。且近日倉中吏役經紀。竟多至數百人。朋比為奸。坐享厚利。若不及早釐剔。其流弊伊於胡底。著倉場侍郎各衙門。嚴查在官書役等。定額足數辦公。其餘悉皆裁汰。毋使

冒濫滋弊。其糧船抵通收兌時。務須嚴加管束。如稍滋事端。即行從重懲辦。以除積蠹。庶旗丁州縣均無所藉口。儻仍蹈前轍。著有漕省分各督撫。隨時嚴叅究辦。以肅漕政而惠民生。○又諭御史奇成額奏請飭禁生監包攬漕糧需索規費一摺。漕糧為天庾正供。州縣辦理不善。往往為刁劣監挾制。始而包攬。繼而砌詞控告。州縣因其刁健。給予漕規。藉以調停消弭。該生監等視為故常。祇知索之於官。殊不知官仍取之於民。矜監多一人分肥。即閭閻多一分苦累。如該御史所奏。蘇州太倉。松江常州等處。積弊尤甚。竟有勒索漕規。至盈千累百之多。並有一人兼索數州縣漕規者。此而不嚴行懲辦。何以甦民困而戢刁風。著江蘇巡撫並有漕直省各督撫一體查察。盡法懲治。務期弊絕風清。以肅漕政。○又諭英惠奏。廢員辦事奮勉。援案懇請送部引見等語。從九品職銜張金。前因在

烏嚕木齊承辦軍需文案出力。加恩釋回。經該都統奏留該處暫辦漢文事務。茲據奏該廢員始終奮勉。懇請送部引見。該廢員前在兵馬司吏目任內宿倡復誑騙銀兩。情節較重。所請著不准行。○修盛京金銀庫正樓。從將軍奕額請也。○甲戌諭內閣。訥爾經額奏。旗丁行月等米。懇請緩買一摺。江南各幫應領行月等米。如遇豐稔之歲。例應酌量收買運通。茲據該漕督奏稱本年江淮徐揚海州

等屬。安慶池太廬鳳潁泗等府州。均有成災之區。又蘇松等五府州。雖無偏災。未能一律豐收。糧價昂貴。例價不敷另購。自係實在情形。著照所請。俱准緩其收買。以恤丁力。○又諭孫爾準奏。原奏巡防疏懈之水師備弁。請分別降補一摺。福建金門鎮左營遊擊事守備林成全等。前因巡防疏懈。分別摘去頂帶革職留任。勒限緝犯。茲據該督奏該備弁等自奏參以後。尚知愧奮。獲盜解辦。又獲另

案盜犯多名。惟尚有二案未經獲犯。所有原參護理金門鎮左營遊擊事右營守備林成全。著降為千總。金門鎮左營千總彭三陽。外委尤春貴。崇武水汛把總陳瑞吉。均著遞降一等。酌量補用。飭令隨同水師出洋協緝。以觀後效。金門鎮總兵陳化成。在洋查緝。獲犯多名。功過尚堪相抵。著加恩免其議處。餘著照所議辦理。該部知道。○諭軍機大臣等。有人奏奏風聞安徽懷遠縣知縣現署阜陽縣

知縣周天爵。因該處向來積弊。民人每遞呈詞。門丁籤押等勒取制錢四千五百文。謂之籤子錢。其多者倍之。謂之雙籤子。經前任知縣勒碑禁止。該縣到任後。復更換名目。照舊勒取。輿情已覺不協。又攜帶懷遠縣差役十數人。到該處聽候差遣。總計差役頭目。有二百餘名之多。散役不下二千餘人。肆行無忌。其差役頭目中。如王遠龐思季祥謝萬四人。尤為惡毒。王遠龐思本係積匪棍徒。投充差

役充橫異常。該縣偏信用之。令為總役。又該縣子姪親友。類皆學習拳棒。素行無賴。常與差役交接往來。差役每邀伊等至倡妓之家飲酒住宿。商同訛詐。以致該處私設班房。管押多人。騷擾日甚。其稟傳之人。不必經人告發。但憑差役口稱。即以為訪犯。拘拏到案。酷刑審訊。或以鐵絲編成網段。用火炙紅。加人肩背之上。名為鐵床。或以炭火燒紅鐵條。將人兩腿合並穿通。名為火錐。或鞭撻肌膚。破爛。更用滾水澆灌之。或用刀砍去足指。割斷足跟筋骨。種種非刑。阜隸每不忍用。該縣輒親自動手。計其所加酷刑。傷殘肢體者。約百餘人。因傷斃命者。約二三十人。該縣每出必攜帶小刀。以便斷人腳跟。因有割人腳以修天爵之謠。又有阜陽縣賽似閻王殿之謠。尤足異者。李金曹七。不過行竊之犯。該縣輒用鐵釘將其手掌心穿通。釘著木上。曹七痛不能忍。用力拉裂手掌。復用大釘釘之。登時殞

命。李金忍痛不動。指掌未裂。踰時釋放。旋因眾役保舉。李金能幹。該縣又令充當總役。似此殘酷不仁。誠恐激變。請飭嚴行查禁等語。州縣為親民之官。當以愛民為本。據奏周天爵不能約束子姪親友。縱任差役擾民。加以造作非刑。濫斃多命。如果屬實。殊為大干法紀。著將攸銛嚴切查明。據實具奏。不可稍有隱飾。儻或查奏不實。別經發覺。惟該督是問。將此諭令知之。○又諭御史沈巍皆奏。汛員

擾累地方。請變通舊制。以肅營伍。一摺。據稱安徽潁州府屬之阜陽縣。從前有汛無營。員弁尚少。至嘉慶十二年。將該處守備一員。移駐蒙城。又將池州營遊擊移駐潁州府。改為潁州營。並添設汛員兵丁。統計該處營員。除遊擊千總各一員。同駐府城外。其餘分汛各鄉鎮者。把總四員。外委四員。二十餘年以來。大半皆用本營本縣之兵丁拔補。該員等到任。往往結交土豪。欺虐平民。或挾嫌借端報

怨。或無事生波。硬行訛詐。訛詐不遂。則拘拏到署。肆行杖責。愚民受其欺侮。多隱忍而不敢言。其強有力者。方向本縣地方官告訴。該處知縣又以分屬同寅。無可如何。訟獄因此益繁。又間有點而強者。檢知該員等出身顛末。行止不端。任意辱罵。該員等亦不與之計較。是該處汛員。於強者不能制服。不足以資彈壓。弱者受其欺凌。適足以資騷擾。其弊皆由於以本地之人。為本地之官所致。請倣照

教官之例。酌定專條。將阜陽縣汛員。不用本營本縣之人充補等語。武職員弁分駐鄉鎮。原為訓練兵丁。查拏盜賊。而設。例不准干預民事。致滋擾累。該御史所奏阜陽汛員情弊。是否屬實。著鄧廷楨查明嘉慶年間該處移駐章程。並現在情形。據實具奏。俟奏到時再降諭旨。將此諭令知之。○予盛京鳳凰城因公淹斃馬甲舒敏布卹賞如例。○旌表守正捐軀直隸深州民周會謙媳張氏。河南息縣

民趙秋妻馬氏。○戶部議准。江蘇巡撫陶澍疏報。丹徒縣開墾山田蘆地四頃八十四畝。有奇。照例升科。從之。○緩徵江蘇上元。江寧。江浦。六合。山陽。安東。句容。阜寧。鹽城。高郵。泰東。臺。江都。甘泉。興化。儀徵。寶應。銅山。豐沛。蕭。碭山。睢寧。邳。二十四州縣。暨淮安。大河。揚州。徐州。四衛水災。積欠錢糧。○乙亥。

上御乾清門聽政。○諭內閣。太常寺具題道光九年致祭

先師孔子本內。並未將前降舉行釋奠諭旨聲敘。實屬疏漏。本日該堂官明白回奏。自請處分。俱著交部議處。○又諭。國子監蒙古助教。專司訓課蒙古文義。向例由蒙古筆帖式教習內考選錄用。嗣准以蒙古繙譯進士舉人一體考試。尚以其通曉蒙古文義。得預考選。迨後因調劑滿洲蒙古文舉人。始准以大挑二等者。亦得銓補蒙古助教。現據李宗昉等奏。新選蒙古助教明魁係由二等文舉人

銓補。不諳蒙古繙譯。難資訓課。是其未經考選。僅以班次輪用。遂得濫竽。殊於督課名實不符。嗣後著仍復舊例。由理藩院會同國子監考試通曉滿洲蒙古繙譯者。擬定正陪引見。候旨錄用。不得以二等文舉人銓補。現補蒙古助教明魁著即撤任。交吏部遇有各項科甲小京官缺出。不入班次。儘先補用。該部知道。○諭軍機大臣等。伊犁回戶無多。固與南路各城情形不同。而陋規之弊。豈必盡向回戶需索。即使實無其事。亦應杜漸防微。認真查辦。該將軍等所奏。既稱尚無似南路需索陋規。又云或不免有苛派等弊。是有無需索情事。該將軍等尚未稔知。祇以一奏塞責。著德英阿等再行詳查明確。如有其事。應如何禁革。即無其事。以後應如何防範。務即妥議章程。奏明辦理。不可稍涉含混。將此諭令知之。○以故喀喇沁扎薩克郡王滿珠巴咱爾子布呢雅巴拉襲爵。○以翰林院侍讀學

士隆文。為詹事府詹事。國子監祭酒。鐵麟。為光祿寺卿。○以伊犁屯田豐收。予員弁議敘。賞兵丁一月鹽菜銀。○補製伊犁各營軍械。並貸官員兵丁餉銀。修補鑼鍋帳房。從將軍德英阿請也。○修浙江上虞縣呂家埠柴塘。從巡撫劉彬士請也。○丙子。諭內閣。朕明春親行釋奠典禮。係在丁祭之日。應即用丁祭儀注。由該衙門進呈。○又諭。派喀喇沁郡王布呢雅巴拉。公瑪哈巴拉。每年輪流一人。前

往巡查木蘭圍場。認真將偷獸賊匪。嚴行查緝。斷不可徒取虛名。每逢巡查後。著仍照前次之例奏聞。○賞喀喇沁扎薩克郡王布呢雅巴拉。三眼花翎。○以喀喇沁公瑪哈巴拉。為卓索圖盟長。圖薩拉克齊端約特多爾濟。為副盟長。○予福建巡洋淹斃兵丁柯若芳等十名賞卹如例。○丁丑。

上詣
皇太后宮問安。○諭內閣。情實二次免勾之官

犯阿丹保。現在監禁已逾二年。著自明年起扣滿三年。再行具奏。其戲殺緩決各犯。內張玉笙一犯。覈其案情。雖屬戲殺。究係對面毆打。此次不准減等。著歸於下次查辦。餘俱准其減等。服制情實二次免勾之劉小受等。及常犯情實十次免勾之黃剛一犯。均准其改緩。○又諭。理藩院轉奏賽因諾顏部落之盟長德木楚克扎布等。呈請可否將扎薩克和碩親王車登巴咱爾所屬三箇佐領之阿勒巴圖人等。停止出派公差等語。此三箇佐領。本係車登巴咱爾始祖策凌奮勉有功。於雍正十年。

特旨賞為使用之人。既經隨從多年。所有此三箇佐領之阿勒巴圖人等。著仍照從前所降諭旨。停止出派公差。惟聽車登巴咱爾各項差遣使用。該院知道。○以肅親王敬敏。暫署正黃旗漢軍都統。○予故喀爾喀土謝圖扎薩克輔國公霍羅齊祭一次。○戊寅。諭內閣。禧

恩等奏勘估石道工程。請派員承修一摺。所有西直門至圓明園及阜成門西便門福園門西南門扇子河南岸。並佟府柵欄內外。石道橋座涵洞等項工程。著派盧蔭溥。那清安。王宗誠。王引之。貴慶。裕恩。白鎔。耆英。達三。關分段落。於今冬備料。明歲分別乘時興修。工竣造冊。咨報原詹大臣驗收。俟查驗覆奏後。仍將查過丈尺做法。移咨承修大臣。據實奏銷。照例保固。限內如有損壞。著落原辦官賠修。並責成者。著英派步軍統領衙門官員。於石道甫經修竣。灰漿未乾時。嚴切稽察。不准車馬踐踏。以致壓損。○又諭。康紹鏞奏查明鉛廠開採年久。獲鉛短絀。請減額辦解一摺。湖南桂陽州屬馬家嶺。長富坪。鉛廠二處。所產黑鉛。解供京局鼓鑄。嘉慶年間。經部議定。每年辦解鉛二十五萬斤。據該撫查明。該廠開採以來。歷今八十餘年。產砂實形短少。煎煉無多。每年祇可辦鉛五萬一二千斤。難以增

辦。奏請減額。桂陽州屬鉛廠。額定辦解鉛斤。關繫緊要。儻採辦不力。輒以峒老山空為詞。解不足額。必致貽誤鼓鑄。明年姑允該撫所請。准照五萬一二千斤之數。儘採儘解。嗣後仍著照部議定額。每年辦解鉛二十五萬斤。不得短絀。以供鼓鑄之用。該撫務當督飭該州廣覓子壠。設法攻採。毋任稍有侵隱。該部知道。○諭軍機大臣等。寄諭湖廣總督高孚。本日康紹鏞奏。查明鉛廠開採年久。請減額辦解。已明降諭旨。明年姑允所請。照五萬一二千斤之數。儘採儘解。嗣後仍照部議定額。每年辦解鉛二十五萬斤。以供鼓鑄之用矣。湖南桂陽州屬所產黑鉛。關繫京局鼓鑄。據康紹鏞奏。稱該廠因攻採日久。實已峒老山空。廠員並無侵隱情事。是否屬實。該督接奉此旨。著即派委明幹大員。前往該州確查實。在情形具奏。並嚴飭廣覓子壠。設法開挖。不可徒託產砂短少空言。以致解鉛不符定額。

於鼓鑄之需。稍滋貽誤。將此諭令知之。○以山東恩縣被水歉收。准應攤展挑支河土方銀分限啓徵。○己卯。賞河南等省鄉試年老諸生張耀彩等七十名舉人副榜有差。○庚辰。諭內閣。御史邵甲名奏。浙江解京鹽款委員。僅管沿途押解。交庫係商人辦理。他省恐亦有此習。請飭查禁一摺。各省解部正雜款項。既係委員管解。自應親身赴部交納。如果浙江鹽課僅有委員管押。交庫時仍令商人經手。該委員所司何事。他省如有似此積習。亦應一體飭禁。著浙江巡撫及各督撫鹽政。凡遇起解京餉。務飭該委員始終經理。不得假手商人胥役。致滋弊竇。○又諭。太常寺讀祝贊禮各官。豫備祭祀差使。典禮攸關。必須慎加遴選。昨太常寺帶領引見人員內。該衙門學習讀祝官英成等。尚可錄用。其盛京禮部咨送補放贊禮郎讀祝官所擬正陪各員。均屬平常。因其遠來引見。姑准補授。嗣後盛

京等處咨送贊禮郎等缺。並在京欽派揀選各大臣。太常寺堂官。遇有揀選及擬定正陪人員。務須秉公認真。擇其唱贊較優者入選。帶領引見。不得以生疏之員濫行充數。如草率從事。漫不經心。引見時經朕指出。必將揀選保列之大臣懲處不貸。○又諭太常寺具題道光九年致祭

先師孔子本內。將前降舉行釋奠諭旨。遺漏聲敘。前經降旨交部議處。吏部將該堂官那

清安等議以降一級留任之處。著不准抵銷。

○又諭康紹鏞奏審辦扶嫌燒斃九命重犯一摺。此案陸續庵扶嫌逞忿。用火藥燒死陸書林等九命。並燒傷陸玉和等七人。係本年七月二十一日報官。九月十三日獲犯。該署縣王德謙並不即時詳報。直至府司稟詳之後。始於十月初八日據詳到省。似此慘斃多命重案。任意耽延。非尋常詳報遲延可比。署新化縣知縣題補新田縣知縣王德謙著交

部嚴加議處。以示懲儆。○補行道光七年軍政。吉林卓異官四員。年老官六員。有疾官二員。才力不及官六員。分別議敘處分如例。

大清宣宗效天符運立中體正至文聖武智勇仁慈儉勤孝敏成皇帝實錄卷之一百四十八

大清宣宗效天符運立中體正至文聖武智勇
仁慈儉勤孝敏成皇帝實錄卷之一百四十九

監修總裁官禮部侍郎臣等奉命纂修宣宗成皇帝實錄事上諭著禮部院掌院學士等官

天爵等奉命纂修宣宗成皇帝實錄事上諭著禮部院掌院學士等官

七舍大臣稽察會同稽察宣宗成皇帝實錄事上諭著禮部院掌院學士等官

內務府大臣稽察會同稽察宣宗成皇帝實錄事上諭著禮部院掌院學士等官

監院稽察會同稽察宣宗成皇帝實錄事上諭著禮部院掌院學士等官

教格

道光八年戊子十二月辛巳諭內閣科布多

為北地極邊所屬外藩部落最多凡事自應
秉公辦理乃額勒錦於民人任志高即楊貴
等偷竊蒙古馬駝事件並不妥為辦理又復
私將茶布與蒙古易換馬匹殊屬非是科布
多參贊大臣事務即派慶善前往署理額勒
錦著暫行解任交彥德車林多爾濟八十將
案內人等提集烏里雅蘇台秉公徹底嚴審
定擬具奏如額勒錦果有擾累蒙古情弊彥
德等務須嚴參斷不可稍涉瞻徇○以故三

等承恩公花沙布子安誠一等延恩侯朱秀
吉弟秀祥三等子德奎子文治三等男永清
孫祥安各襲爵○旌表守正捐軀甘肅渭源
縣民杜哈哈妻王氏○以盛京上年因災蠲
緩倉未不敷支放命採買粟米一萬五千石
從將軍奕額請也○壬午諭內閣屠之申奏
疏防盜犯之開州文武各員陸續獲盜多名
應否賞還頂帶等語此案季丙寅季考等均
係疊劫巨盜該州知州張良志會同都司平

保千總高振德乘夜掩捕業將季考擊獲因
中途疏於防範致被季丙寅糾眾奪犯殺傷
兵役經該護督奏明摘去頂帶責令緝拏該
員等如果能將案內首夥各犯全行弋獲按
律懲辦原可量予恩施現雖據陸續獲犯多
名尚有要犯季丙寅等六名未獲張良志平
保高振德俱著不准開復頂帶仍勒限嚴飭
緝拏季丙寅等務獲毋任日久遠颺漏網致
干重咎○諭軍機大臣等奕額等奏遵旨查

看宮殿房間。敬謹辦理。並將硃筆圈出介祉宮。繼思齋及七間房三處。照依原式燙樣進呈。朕詳加查閱。內七間房著照舊修理。其介祉宮繼思齋二處。門徑裝修隔斷一切。朕已酌為改定。著奕額等遵照妥辦。所有燙樣三分。一併發給閱看。將此諭令知之。○又諭屠之申奏據開州知州張良志稟稱。邇派丁役帶同眼目。於十一月間在甘肅平涼縣將奪犯傷兵之夥盜宋毛三擊獲。送縣收禁。該役等復在沿途訪見傷兵夥盜苗法清。並另案盜犯宋方。誘令回至開州界內擊獲到案。當向追究。季丙寅下落。據供與季四同赴河南一帶尋友告助等情。除咨陝甘總督將宋毛三解直外。並飛咨河南巡撫飭拏季丙寅務獲等語。此案季丙寅等以疊劫巨盜。復敢糾眾奪犯。殺傷兵役。不法已極。屢經降旨嚴拏。日久尚未弋獲。現據屠之申訊據夥盜苗法清等供稱。季丙寅與季四同赴河南一帶尋

友告助。著楊國楨即飭所屬嚴密查拏獲案。解直究辦。毋任遠颺漏網。將此諭令知之。○兩廣總督李鴻賓奏。拏獲盜匪會匪得旨嘉獎。下部議敘。並予署陸路提督蘇兆熊等升敘有差。○以故二等男賽冲阿孫特克慎。瑪昇阿族弟哈普琦賢三等男富順子巴彥泰。阜保族叔木通阿各襲爵。○癸未。諭內閣。蘇崇阿奏。患病懇請賞假。並據玉英奏。接管將軍印信各一摺。蘇崇阿著賞假一月調理。俟病痊即回本任。黑龍江將軍特依順保。已自京起程。將次到任。其未到任以前。著玉英暫行署理。○又諭。前據屠之申。楊國楨。琦善議奏會緝章程。當交該部叢議。茲據刑部奏。該督等所陳三省情形不同。辦理未能畫一。恐於會緝要務參差窒礙。且直豫二省議請移駐文員。專司緝捕。分次會哨。亦恐有名無實。請飭該督等會同妥議等語。直隸大名。與河南衛輝。山東曹州。各府屬地方。境壤毗連。該

管文武員弁。若不存此疆爾界之心。平時則認真巡察。遇事則互相截拏。何致宵小易於竄匿。總由意存推諉。遂致各分畛域。因而鄉保兵役。容隱縱放。無弊不作。浸為遁逃淵藪。前經降旨。令該督撫妥議會緝章程。原期三省交界。聲勢聯絡。協力巡查。若如屠之申。楊國楨所奏。移駐佐雜專司緝捕。責成文武按期會哨。亦不過有名無實。徒涉紛更。此時不必再交該督等會議。惟在各飭所屬州縣營

汛。責成鄉保。添派兵役。實力稽察。一有匪徒竄匿。即知會鄰境一體協拏。各按本境捕務之勤惰。以定賞罰。如鄰境協緝不力。致令匪徒遠颺。該督撫即查明一併懲辦。儻兵役鄉保有包庇故縱情弊。照例從嚴治罪。並將失察之文武員弁一體叅處。總期聲氣相通。協力巡緝。本境之犯。莫由藏匿。鄰境之犯。不致遁逸。以靖閭閻。○又諭著英等奏。滇省每年額辦京銅。解交戶工錢局。數計僅數一年鼓

鑄之用。遇有沈溺短少。及低潮攪雜。應照例如數賠補。況丙戌年加運銅斤。前經奏明裁減。滇省已省辦銅二百一十萬餘斤。乃該省掛欠銅斤。自道光五年以後。未據咨報帶解。其煎折之銅。自嘉慶二十三年以後。亦未帶解。殊屬延緩。現在戶工錢局所存銅斤。及滇員葉申薌一運。漸次解京。僅足數明年鼓鑄。其庚寅年以後。正需丙戌年加運接濟之時。業經戶部工部因節省銅本。將此項銅斤奏

裁。自應先事籌備。著雲南督撫即將積欠京局銅斤。妥速酌籌。勒限歸補。以濟急需。其作何分年帶解之處。並著趕緊造冊咨報。毋許再有遲延。○諭軍機大臣等。據御史王兆琛奏。稱山東省近年徵收錢糧。折錢日加日多。如寧海州每銀一兩。折收京錢四千二百。諸城縣每銀一兩。折收京錢四千二百六十。本年黃縣以加增錢糧滋事。則藉銀價昂貴為辭。現在他州縣亦皆持此說。巧為掩飾。年來

通省銀價。庫平一兩。值京錢二千五六七百文不等。時盈時絀。無甚懸殊。並非今年獨昂。且如果銀價昂貴。傾解不敷。何不恪遵定例收銀。既不肯收銀。即照舊收之數折錢。亦可安於無事。乃日加日多。靡有底止。官不足而版諸民。民不足又將誰版。且此官一加。後之賢者。亦必不復減。其不賢者。更照此加增。官之獲利。祇在蒞任之數年。民之受困。即數十年。而不能復去等語。各州縣徵收錢糧。自有一定章程。豈容任意增加。日甚一日。在偏僻地方。畸零小戶。有不能以銀納賦者。折收錢文。尚無不可。然亦聽民自便。不能抑勒概令折錢。若如該御史所奏。日加日多。靡有底止。小民之脂膏。豈盡供貪吏之豁壑。著琦善嚴飭各州縣徵收錢糧。務照舊章辦理。聽從民便交納。不得藉端於銀價昂貴。軌行增耗。亦不得概令折錢。任意加多。致滋苦累。將此諭令知之。○甲申。諭內閣。松廷等奏。山東省

應徵豆石。稍欠圓湛。據咨覈辦一摺。倉場衙門收受漕糧。例須乾圓潔淨。不容稍有參差。茲據奏山東省外河州縣應徵豆石。因本年秋雨較多。豆稈抽未滿足。以致顆粒不能如往年一律圓湛。查係實在情形。經琦善咨明該侍郎等查照辦理。此次姑允所請。俟明歲該省豆石抵通時。著該侍郎等親往查驗。通融覈辦。惟須示以限制。毋許稍有含混。仍著山東河南巡撫嚴飭慎選徵收。其未經被水地方。不得援以為例。該部知道。○又諭。博啓圖等奏。請將因瘋迷路自行投回之恩。騎尉富隆阿。交部議處等語。十月間。博啓圖等奏稱。富隆阿於九月二十七日。因瘋迷路。茲稱於十一月十九日。始行投回。合計業經五十餘日。乃竟未訊明一向隱匿何處。僅請將富隆阿交部議處。殊屬含混不明。即使從前瘋疾不知去向。今既痊愈投回。此一月有餘。豈猶不自知其所居何處乎。且果係瘋疾之人。

不過附近遊行而已。彼處邊界官員。何竟毫不覺其影響。著博啓圖等再將富隆阿嚴行審訊。伊究在何處。作何事端。一面交邊界官員等。將富隆阿一向所在查明。據實陳奏。不得仍前含混。○諭軍機大臣等。蔣攸銑奏。欽奉諭旨。敬謹查察辦理一摺。前據張井等奏。撥南河次辦各工經費銀一百二十九萬餘兩。降旨令該督嚴密稽察。河員有弊即參。茲據奏隄壩各工。皆屬循照舊制。次第興修。惟

堰盱幫寬大隄。由於水中摸砌。石工不能堅實。果能放盡湖水。拆卸大隄重砌。可禦風浪。再將二隄修復。更為重門保障。張井等以放水築隄。萬不能行。而修復二隄。不如幫寬大隄之得力。且可節省經費。本年秋冬間屢遭風暴。若非前次幫足十丈之土。幾至擊通。此其明證。現辦此工。請銀六十萬兩。亦僅照原奏先辦三股之一。實於保衛湖隄為最要。其承辦工員。隨時稽查。如有偷減草率。立即

叅懲等語。河務機宜。最關緊要。如果係應行籌辦之工。朕原不惜帑金撥給。妥為修治。若工程疊次興舉。動款輒逾鉅萬。仍於河務無裨。國家經費有常。豈能供此漏卮。現據該督查奏情形。以在工各員辦理並無浮冒。究竟此項工程。是否應辦。實於河湖兩有裨益。該督公正居心。精勤莅事。朕所素知。現在河湖舊規未復。歲歲仰荷

天慈。幸保瀾安。而修治訖無良法。要知河湖日

弊。漕運攸關。倒塘海運。不得恃以為常。至於盤壩。徒增糜費。尤為不得已之舉。朕宵旰焦思。徒深憂愧。該督務當通籌全局。期於河湖復舊。漕運通行。而又無減洩橫流之患。是為至要。若徒以工員並無偷減侵冒。而於興辦之工。不問其有益無益。帑項仍屬虛糜。殊失朕委任之意矣。將此諭令知之。○吉林將軍博啓圖等奏。派員採辦要工柁梁。得旨。木料必要堅實。不准遲誤影射。私行濫伐之弊。亦

須嚴查○以烏魯木齊屯田豐收予員升議敘賞兵丁一月鹽菜銀○予安徽故巢縣知縣秋寬河南故安陽縣知縣趙希璜入祀名宦祠從巡撫鄧廷楨楊國楨請也○予安徽故亳州訓導凌和錚山東故戶部主事郝懿行翰林院檢討王服經國子監助教郝元第河南故山西忻州知州宋竹苞舉人郭善鄰安徽貴池縣知縣李壽捐職州同王首質江蘇故恩貢生就職直隸州州判蔣華四川故敘永廳教諭周際同雲南故土典史王芝成舉人王向極工科給事中楊昭入祀鄉賢祠從巡撫鄧廷楨琦善楊國楨陶澍總督瑚松額巡撫伊里布請也○旌表守正捐軀河南汝州民李桂薪妻李氏○乙酉

上詣

皇太后宮問安○展緩長蘆嚴鎮海豐二場被水竈灘應交三限工本銀○丙戌

上御寧壽宮賜王公大臣蒙古王貝勒貝子公

額駙台吉等食並賞賚有差○諭內閣前據松筠奏請將熱河承德府所屬倭滿州縣撤回內地者如省中一時無缺升補送部引見以應升應補之缺不拘省分儘先選用當經降旨允准嗣吏部以各省邊缺恐致紛紛效尤有礙銓法分別奏明准駁茲松筠奏熱河地方遼濶政務殷繁非他省邊缺州縣可比請仍照原奉諭旨辦理以昭鼓勵著新任都統成格查明覈議具奏尋奏曰外州縣繁要松筠奏請鼓勵洵屬實在情形惟吏部既恐有礙銓法似未便仍請不拘省分選用應請嗣後口外倭滿州縣堪膺保薦之員若由撫民同知通判及旗缺州縣調補者仍照吏部前議入於即升班內升用其由理事同知通判調補人員即由熱河都統出考送部引見奉旨准其外升發回該省先以撫民同知通判對品調補僅一時無缺對調准其借補本省州縣仍照原銜題升則於吏部銓法無礙

而口外邊缺。亦可收得人之效。下部議從之。
○又諭松筠奏承德府屬一州五縣俸滿之缺。請由熱河都統奏明揀選。帶領引見。請旨補放等語。前據屠之申奏。新調多倫諾爾同知恆壽。人地未宜。降旨將恆壽撤回。經吏部揀員帶領引見。以記名同知通判用之。故文補授。係循照舊例辦理。何得因該省一時調補乏人。遂將承德府屬一州五縣俸滿之缺。改歸都統奏明。由部揀選。致與定例不符。嗣

後遇有承德府屬州縣俸滿缺出。仍著由直隸總督揀員奏調。如無員可調。再行奏明。由吏部揀選候補人員。帶領引見。請旨補放。松筠所奏。著不准行。
○又諭孫爾準奏。都司匿病避考。並於屬兵滋事。毫無覺察。請革職審辦一摺。浙江昌石營都司羅建勳。平時辦事懈弛。紀律不嚴。經該督飭調考驗。輒敢匿病避考。且於所轄兵丁莊耀貴。包庇釣船。混入禁山。揀捕多次。漫無覺察。難保無得規縱容

情弊。羅建勳著即革職。交劉彬士就近提集莊耀貴等全案犯證。嚴訊確情。同該管備弁一併分別參革懲辦。毋稍徇縱。
○命翰林院侍講許乃普。仍在南書房行走。
○展緩兩淮丁溪等場被水竈戶舊欠錢糧。
○丁亥諭內閣。前因寶華峪山勢。係戴均元。穆克登額。阿克當阿。三人首先相度。業將戴均元家產查抄。並責令穆克登額。阿克當阿。各賠繳銀兩。以示薄罰。朕思伊等三人。雖係同往勘定。而

有經手工程。與未辦工程之別。戴均元在工將及三年。於石母滴水情形。始終既未奏及。且商同用土攔護。是以將其查抄拏問。阿克當阿在工半年有餘。並未據實陳奏。前此罰賠之數。亦其咎所應得。惟穆克登額。僅止同往相度。究未承辦工程。自應稍示區別。所有罰賠銀三萬兩。著寬免二萬兩。餘仍責令按限措繳。用示朕權衡罰懲。期歸平允。至意。
○又諭穆蘭岱奏。前此被番賊搶劫。續行逃回

青海之玉舒番子。請暫行住牧一摺。西寧玉舒番族。前被四川果洛克賊番搶劫窮困。不能住守原牧。帶領番族四十餘戶。逃奔前來。准其暫行住牧。茲復有前此散失番子勒噶等二十五戶。奔回青海。呈明被搶牲畜物件。業經穆蘭岱移咨四川將軍等。一併嚴緝賊賊務獲懲辦外。著照所請。准其與該百戶多爾濟旺吉爾。同在色爾克地方暫時住牧。一俟明歲春融。即將前後逃奔各戶。一併逐回原牧。毋任觀望遷延。○以都察院左都御史潘世恩。著經筵講官。○以駐防西寧口外察罕托洛亥地方擊捕野番出力。准遊擊馬鳴謙。以副將儘先升署。○頒賞皇子及王公大臣內廷翰林各省督撫。

仁宗睿皇帝聖訓各一部。○賞福建等省鄉試年老諸生葉日春等十五名舉人副榜有差。○貸江西重運幫丁司庫銀解還直隸天津通濟二庫借項。○戊子。

上御瀛臺勤政殿。賜蒙古王貝勒貝子公額駙台吉及章嘉呼圖克圖等宴。並賞賚有差。○閱冰技。○諭內閣倫布多爾濟等奏哲布尊丹巴呼圖克圖之呼畢勒罕兄車登彭楚克退歸牧所一摺。哲布尊丹巴呼圖克圖之呼畢勒罕。係庫倫掌管黃教事務大喇嘛。車登彭楚克在庫倫九年。奉侍伊弟哲布尊丹巴呼圖克圖之呼畢勒罕。甚屬妥協。自應渥沛恩施。車登彭楚克著賞給五品頂帶花翎。以示眷念。呼圖克圖至意。○賞杜爾伯特汗齊旺巴勒楚克三眼花翎。阿巴哈納爾貝子伊達木扎布。雙眼花翎。○命荊州將軍觀喜。成都將軍瑚松額。雲貴總督阮元。在紫禁城內騎馬。○琉球國使臣毛世輝等二人。於西苑門外瞻觀。○己丑。諭內閣吏部議覆御史王兆琛陳奏。疏通正途銓選班次各條。內在籍候選人員。遇有事故。並不隨時咨報。迨經該部照例行查。仍不詳細查明彙報。往往有部

中銓選具題。發遞到籍。始行查無其人。報部開缺之事。以致員缺久懸。著直省各督撫轉飭各屬查明在籍應選人員。遇有事故。除照例隨時咨報外。仍於每年春秋二季。按限彙報一次。以憑稽考。儻經此次飭諭之後。各該省彙報冊內。復有遲延遺漏。經吏部銓選發遞後。始將該員事故查明咨報開缺者。即將開報遲延遺漏之地方官照例議處。○又諭。察哈爾總管蘇蘇勒通阿。於開墾察罕蘇巴

爾罕地畝一案。現經查明。止於未經呈報該管部然。尚無朦混文勘情弊。所有安福前摺奏請將該總管交部嚴議之處。著兵部另行叢議具奏。○以科布多屯田豐收。予員升議敘。兵丁賞賚有差。○庚寅。

孝莊文皇后忌辰。遣官祭

昭西陵。○

上詣

慈寧宮

壽康宮前殿行禮。後殿問

皇太后安。○諭內閣。宗室誼屬天潢。理宜整飭行止。守分安常。從前風俗醇樸。宗室人等最為安靜。嗣因沾染陋習。間有一二不肖之徒。不知自愛。蕩檢踰閑。近來積習更深。往往以不干己事。挺身出控。藉端訛詐。不一而足。此風斷不可長。若不定科條。何以警刁頑而挽頹俗。著軍機大臣會同宗人府刑部酌議條例具奏。○又諭。奕額奏請停止兵部點驗

軍器。以免擾累一摺。向例盛京駐防官兵。額設盔甲器械。每屆三年。盛京兵部侍郎點驗一次。茲據該將軍查明。從前每屆三年點驗之期。該部侍郎帶領官員及家丁書役人等。前往各城。需費較繁。究屬虛應故事。有損無益。嗣後盛京兵部點驗軍器之例。著照所請停止。飭令該城守尉協領防守尉等。每於年終將一切軍器。是否整齊。造冊呈報將軍衙門。並咨送兵部存查。責成該將軍隨時酌量。

密委委員前往抽查。以昭覈實。如有朦混情弊。致軍器損壞不全。別經發覺。惟該將軍是問。○又諭。奕額奏。年滿總管花良阿。可否再留五年。請旨一摺。總管花良阿。自恭守

昭陵。扣至明年三月五年期滿。自應令其回京。照舊當差。惟是伊母現年八十五歲。年老多病。茲據奕額奏。請可否將花良阿再留五年。就近特養伊母之處。尚屬可行。即照所奏。花良阿著准其於總管任內再留五年。○諭軍

機大臣等。奕額奏。本年係盛京兵部點驗軍器之年。該侍郎惠端。先將省城軍器點驗。復派委司員等前往興京開原等處地方查驗。該侍郎於十月初四日。親往遼陽牛莊等八城點驗。並調驗旅順海口一營及靉陽等三處軍器。於十一月初七日旋省。沿途隨帶家丁書吏人等。騷擾地方等語。該侍郎惠端。前往各城點驗軍器。理應嚴肅鎮靜。不容稍有滋擾。據奏此次騷擾地方之處。是否該侍郎

擅作威福。沿途需索。抑係該家丁書吏人等倚託聲勢。藉端訛詐。致累地方。未據切實聲敘。僅以騷擾地方一語密陳。殊難覈辦。奕額接奉此旨。著即詳細查明。據實覆奏。毋稍含混。將此諭令知之。○烏魯木齊都統英惠奏。密陳辦事領隊各大臣考語。得旨。朕閱單內云。某體面明白。才守兼優。辦事結實。又云。某人尚明白。辦事拘謹。此二人非朕不知者。今觀汝所出之考語。甚屬相背。顯有瞻徇不公之處。殊失朕望。殊負朕恩。在朕前欺詐。其心即是欺。

天。公是公非。日久畢露。看汝何顏對朕。朕平心拭目以待。懷之。○兩廣總督李鴻賓覆奏。查明花會開標等惡習。嚴行禁革。得旨。隨時認真查辦。不可疏懈。更不可受人朦蔽。○辛卯。上以歲暮。給祭太廟。自是日始。齋戒三日。○壬辰。諭內閣。前據奕額奏。請酌借辦公銀兩。未將因何增多之

處聲敘明晰傳旨申飭准其仍照向例借給銀三萬兩分年扣繳茲據奕額奏稱應次差務俱准借發餘銀三萬兩係為各州縣辦公之用惟將軍衙門所屬城守尉協領等官承修營盤道路及應備一切事宜向係各員自行籌畫捐資辦理每多窒礙是以請借等語著照奕額所請於本年徵收船規閒款項下動支銀三萬兩酌給承修營盤道路各旗員及該將軍衙門以資辦公分限五年籌補歸款該將軍務當飭屬撙節妥辦斷不可稍有奢靡致干咎戾○又諭奕額奏筆帖式揀選義學教習請照例免其引見一摺盛京漢軍八旗滿洲教習四員向由各部衙門繕譯筆帖式內揀選擬定正陪送部引見補放茲據奏赴京道路遙遠該教習等往返資斧維艱自應酌量辦理著照所請嗣後義學教習年滿即由各部衙門繕譯筆帖式內照依宗室覺羅之例揀選入學充當教習毋庸送部引

見該教習三年期滿果能教導有方成就多人再行照例保送引見交部議敘如無成效仍照舊章令其回原衙門當差該部知道○江蘇巡撫陶澍奏江廣幫船回空迅速催趨迎提歸次並鼓勵出力各員得旨所辦甚好前次朕亦懸念此舉曾經面詢額騰伊據云橫關甚可行走可保無虞該府縣及文武等自應量加鼓勵奏到時再降諭旨毋許冒濫○福建臺灣鎮總兵官劉廷斌奏查閱南北兩路地方察看民番情形考驗官兵技藝得旨臺灣民情浮動總在汝鎮道大員處以鎮靜而鎮靜之中又忌因循姑息務要清正持身公勤莅事操防緝捕尤為緊要萬不可稍有疏懈其共勉之以副簡任○修江南省塢黃快船從巡撫陶澍請也○癸巳以歲暮裕祭遣官祭太廟中殿後殿○諭內閣陰功保奏查出贖誤齋戒之

官員一摺。本月二十七日齋戒期內。二等男恩緒。三等輕車都尉兼佐領德東。並未赴本旗署內齋戒。著交部照例辦理。○又諭那彥成等奏。訊辦被脅從逆。及娶有回婦之漢回。分別定擬一摺。所辦甚屬周妥。葉爾羌地方。拏獲從前被脅從逆之漢回馬伏。趙永伏。二犯。著照所擬。發往雲貴兩廣極邊煙瘴充軍。其擅娶回婦之馬得隆。馬建林。二犯。亦著照所擬。杖一百。流二千里。漢回盤踞各城。有雜髮從夷。及擅娶回婦者。作何治罪之處。例無明文。著刑部分別定罪。並將雜髮而又娶回婦者。一併明定科條。奏准通行。遵照辦理。尋刑部議。漢回甘心雜髮從夷。助逆者。不分首從。擬斬立決。被脅雜髮。並未隨同戡官抗拒。復經悔罪投回者。擬遣。如又擅娶回婦者。到配加枷號一年。並未雜髮從逆。止於擅娶回婦者。擬流。從之。○又諭那彥成等奏。增兵鹽菜錢文。不敷搭放。請變通舊制。並籌補不敷

銀兩一摺。喀什噶爾等城添設防兵。應支鹽菜錢文。歲徵阿拉板。及阿克蘇錢局撥解普爾錢文。不敷搭放。據那彥成等查明各大臣養廉。除庫車阿克蘇烏什全支銀兩。喀什噶爾英吉沙爾葉爾羌和闐係銀錢各半支給。喀喇沙爾係按銀八錢二支給。每銀一兩。均折普爾錢一百五十。其各城官員鹽菜除庫車全支銀兩。其餘各城均係按成分別支給。每銀一兩。均折普爾錢一百六十文。請以搭放官員錢文。放給兵丁。其官員請改支銀兩。惟原定錢價參差不一。應需加增經費銀三千餘兩。請將阿克蘇改鑄當十錢文。以資添撥。著照所請。自道光九年為始。各城官員養廉鹽菜。向係銀錢搭放者。一律准其全支銀兩。阿克蘇錢局。即於春卯開鑄。加鑄當十錢十分之五。除舊額外。改鑄長餘錢文。分別撥解各城。搭放兵丁鹽菜。歸入奏銷造報。仍著武隆阿查明各城新增舊設兵額。及歲入普爾

錢文確數並酌定搭放兵丁成數均勻撥解。咨部查覈該部知道。○諭軍機大臣等霍罕每藉通商貿易漁利外夷又以逆裔家屬在伊部落居為奇貨此次因將安集延驅逐出卡嚴禁茶葉大黃不與通市該處管事頭目明巴什邁瑪特習里普聽遣回之毛洛阿奇木德邁遣人送信雖不似前此倨肆而詞語仍復不馴那彥成等仍未令其謁見即派人押送出卡所辦極是現自禁絕貿易以來外

夷各部落因諸多不便怨懟霍罕如果各城認真嚴禁該夷無利可牟日久自當窮蹙將來誠心誓服斷不敢大言不慚此時若以其意欲修好即信以為實必致伊誇耀外夷豈非墮其術中該督等既見及於此必妥妥為籌計務當嚴飭各城稽察要隘不准茶葉大黃稍有偷漏在卡外恭順各部落自當按照奏定章程通市互易惟不可任霍罕夷商有影射冒混情弊致查禁有名無實轉為外夷

所竊笑現在送出之官兵回子等固是無關輕重即張逆家屬在被潛匿不過苟全生命亦不值與之相較責令必為獻出該督摺內既稱張逆之子布素魯克差極不過又一張逆一二萬兵便可平定是亦有何緊要該督惟當遵照節次所降諭旨示以無足重輕斷不可勒令縛獻如果霍罕因絕其通市實形悔懼將張逆家屬送出絕其根株固屬甚善若必加之以威而仍居奇如故或竟以假清

真彼時又將如何辦理豈不又生枝節耶該督等雖已向送回兵丁回子德克金布等詢問霍罕情形惟恐或有串捏不實不盡著即於官兵回子等二十二人內擇其明白誠實者督同伊薩克隔別訊問務將霍罕一切情事及近日情形逐一詳加研鞫據實具奏至送回之兵丁遣犯回子等二十二名因被脅送至霍罕與甘心從逆者不同著加恩免其治罪德克金布等釋回本旗不准再挑差使

沈長發等釋回原籍。交地方官嚴加管束。回子等交該伯克就近安置嚴管。其五品哈資伯克阿布都拉係黑帽回子。因不降張逆。送往霍罕。情尚可原。著加恩賞還翎頂。仍交伊薩克察看。如無他故。將來遇有五品伯克缺出。仍准錄用。將此由四百里諭令知之。○又諭那彥成等奏招致附從霍罕之額提格訥布噶特部落。指與特依克達巴罕地方。妥為安置等語。覽奏嘉悅之至。額提格訥前此為霍罕所脅。強占其地。現因苦於悉索。遵檄率其部眾前來投誠。俾霍罕頓失羽翼。固屬甚善。然受降易。撫降難。在該部落現與霍罕為讎敵。或不致有虛假。惟伊歸附霍罕有年。一旦遵我檄諭前來。未必霍罕不以我納彼叛人為詞。設以此遣使致問。豈不又生邊釁。且特依克達巴罕地方。既在卡外。該布噶特等自往往收則可。亦未便即為天朝指與地方。令其安置。該督等當體察情形。妥為辦

理。慎勿視為易易。凡撫馭之方。或通商等事。尤期經久無弊。該部落向為霍罕羽翼。今復徙居他所。豈肯棄若敝屣。設有蠻觸相爭之事。該布噶特等必當求援。不應則失信外夷。應之則無此政體。亦當豫為議及。該督等當諭以爾部落既誠心歸命。大皇帝嘉爾效順。將該比阿里瑪卡。加恩賞換二品頂帶。與效順各布噶特愛曼一視同仁。善為撫卹。爾等當自安生計。永作藩籬。惟與外夷有構怨與兵之事。天朝體制。從不過問。不但爾部落一處為然。並非稍有歧視。如此豫為曉諭。庶將來有求不應。不致稍生缺望也。將此由四百里諭令知之。○賞已革副都統常德藍翎侍衛。為伊犁領隊大臣。○命杜爾伯特汗齊旺巴勒楚克。在乾清門行走。賞蘇尼特郡王布爾呢錫哩。三眼花翎。喀爾喀公銜頭等台吉額林沁多爾濟花翎。○予伊犁解送烏嚕木齊馬匹官員議敘。賞兵丁一月鹽菜銀。○以

烏什屯田豐收。予員弁議敘。賞兵丁一月鹽菜銀。○甲午。裕祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

奉陵。

奉東陵。

裕陵。

昌陵。○遣官祭。

孝穆皇后陵寢。○遣官祭。

端慧皇太子園寢。○遣官祭。

太歲之神。○朝鮮國使臣洪起燮等三人。於

午門外瞻觀。○乙未。

上御保和殿。筵宴朝正外藩。科爾沁。巴林。喀喇

沁。浩齊特。蘇尼特。阿巴噶。翁牛特。阿魯科爾

沁。阿巴哈納爾。鄂爾多斯。郭爾羅斯。烏珠穆

沁。烏喇特。杜爾伯特。喀爾喀。阿拉善。青海。和

碩特。額魯特。土爾扈特。土默特。綽羅斯。貝

勒貝子。公額駙。台吉。塔布囊等。及章嘉呼圖

克圖。朝鮮。琉球。國正副使。隨文武大臣。依次

就坐。諸樂並作。

上進酒。召左翼科爾沁。扎薩克。扎薩克圖。郡王。

敏珠爾。多爾濟。巴林。扎薩克。郡王。那木濟勒

旺楚克。喀喇沁。扎薩克。都楞。郡王。布呢雅巴

拉。浩齊特。扎薩克。郡王。額林沁。諾爾布。蘇尼

特。扎薩克。郡王。布爾呢錫哩。阿巴噶。扎薩克

郡王。阿爾塔什。第。翁牛特。扎薩克。貝勒。蒙克

濟雅。阿魯科爾沁。扎薩克。貝勒。丹津。巴勒桑

阿巴哈納爾。扎薩克。貝勒。巴勒楚克。貝子。伊

達木扎布。喀喇沁。扎薩克。輔國公。額外侍郎。

瑪哈巴拉。右翼杜爾伯特汗齊旺巴勒楚克。喀爾喀扎薩克親王車登多爾濟。阿拉善扎薩克親王瑪哈巴拉。青海扎薩克貝勒那木喀旺扎勒喀爾喀扎薩克貝子蘊端巴雅爾。喀爾喀貝子巴勒多爾濟。喀爾喀扎薩克親王車登巴咱爾。喀爾喀扎薩克郡王多爾濟喇布丹。回部郡王銜貝勒哈迪爾。喀喇沁貝勒托恩多。科爾沁扎薩克貝子濟克默特。至御座前。賜酒成禮。賞浩齊特扎薩克郡王額

林沁諾爾布。阿巴噶扎薩克郡王阿爾塔什。第三眼花翎。喀爾喀貝子巴勒多爾濟。雙眼花翎。○禮部議准閩浙總督孫爾準等奏。請於臺灣另編粵籍生員中額。於閩籍中額三名外。另編田字號中額一名。從之。○是年。旌表孝子。江蘇等省朱銓等十名。孝女。江蘇等省胡白玉等三口。孝婦。安徽等省蔣李氏等七口。守節合例。滿洲慶瑞妻班氏等一百一十口。蒙古富倫太妻博爾濟吉特氏等三十

三口。漢軍胡起祥妻張氏等三十二口。內務府常齡妻李氏等十九口。各省駐防隆太妻張氏等一百五十口。直隸等省袁光裕妻王氏等一千七百三十九口。夫亡殉節。直隸等省劉鍾妻王氏等五十八口。未婚守志。內務府德豐聘妻那拉氏一口。直隸等省馬驥聘妻王氏等四十口。百歲壽民婦。安徽等省戴家達等四十四名口。六世同堂。福建袁黃氏一家。五世同堂。江蘇等省趙吳氏等五十五

家。各給銀建坊如例。○一產三男。河南等省陳蔡來等十二家。○會計天下民數數。直隸等省通共大小男婦三萬八千六百五十三萬一千五百十三名口。存倉米穀三千二百九十八萬二千二百五十四石七斗四升一合六勺。

三

二九五

壽皇殿行禮○御乾清宮賜皇子親藩等宴○

是日立春順天府進土牛春山寶座○丁酉
上御重華宮茶宴廷臣及內廷翰林命和
御製新正二日重華宮茶宴詩韻○給安徽泗
五河宿靈壁天長五州縣並屯坐各衛上年
被水被旱軍民一月口糧○緩徵山東臨邑
陵德德平濮鄆城平度昌邑膠高密即墨臨
清武城濟寧魚臺陽信商河樂陵博興夏津
二十州縣並德州濟寧臨清三衛上年被水
被雹屯莊本年額賦○展賑江蘇海沭陽二
州縣上年被水被旱災民給山陽高郵寶應
沛桃源清河安東阜寧鹽城宿遷沐陽十一
州縣並淮安大河二衛軍民一月口糧○戊
戌
高宗純皇帝忌辰遣官祭
裕陵○命工部右侍郎奕經在乾清門侍衛上
行走○
上以上辛祈穀於
上帝自是日始齋戒三日○己亥諭內閣兵部

請將軍政卓異之鳳凰城城守尉常明於開
印後帶領引見常明現因年班來京疊經召
對著准其卓異即行回任無庸帶領引見併
著交軍機處記名○庚子
上詣
南郊齋宮齋宿○展賑兩淮板浦中正臨興三
場上年被水被雹電戶一月○貸山西代解
二州上年被水被雹村莊籽種○貸河南上
蔡縣上年被水村莊常平倉穀○辛丑祈穀
於
上帝
上親詣行禮○詣
皇太后宮問安○壬寅
世祖章皇帝忌辰遣官祭
孝陵○諭軍機大臣等張井等奏南河現在清
高於黃開放禦壩日期一摺前因禦黃壩日
久未啓節經降旨令該河督等將河湖全局
設法妥辦期收刷黃去淤之益茲據奏年來

堅閉上游各閘，不便分流，力守禦壩，不便倒灌。正所以杜致病之原，使大溜挾沙併力趨海，特受病太深，為效較遲。現在較量內塘清水，已高黃水尺餘，即於二十二日啓除臨黃堰，放清水外出。禦壩內外河口淤沙稍資刷滌。計現存水誌比上年底水落低二尺一寸。是於黃河不無小效等語。河身高仰，惟有蓄高湖水，藉以漸去積淤。然欲另創三隄勞費需時，固屬未可輕議。以現在情形而論，祇有

東水攻沙之一法。該河督等業已詳細講求，於海安海阜兩廳隄盡處酌估接築，以專歸壩之力。其外南廳顏家河等河寬溜散處，所則相機築壩，以求漫流，務當盡力為之。俾河湖漸復舊規。朕亦不責成近效，但啓壩固以滌淤而蓄清，乃可濟運。該河督等仍當體察湖水情形，可放則放，應閉即閉，斷不可任其宣洩消耗過多。或致重運，經臨難資浮送。總之河湖日敝，籌畫必須萬全，務使空重漕船

無阻。長河永保安瀾，方為不負委任。儻或辦理不善，稍有疏失，惟該河督等是問。懍之。勉之。將此諭令知之。○又諭朕聞閩、廣、江浙各省洋面近來雖無大夥匪船，仍時有盜劫之案。地方文武非竟不查拏，每因解省經費無出，遂存化大為小之見，並不認真嚴辦。若果如此，豈非因噎廢食哉！暴安良，係地方官專責。該督撫等自應將緝捕及一切經費豫為籌備，各州縣距省道里遠近不齊，既不能概

以解費浩繁，有所藉口。况離省寫遠之處，除罪應斬絞並斬絞案內遣軍流徒餘犯外，皆有就近解巡道審轉之例。何至輒形若累外海營汛地方如是內地土盜，因此從輕完結者，亦可想見。該管文武果能不分畛域和衷共濟，縱或一時偶疏防範，迨經緝犯懲辦功過原可相抵。每據該督撫陳奏，朕無不概從寬宥。其緝捕勤奮者，亦皆量予鼓勵，豈得稍有畏難養癰貽患。各該督撫接奉此旨，除向

有緝捕等項經費各處無庸籌款外其餘俱應一律酌議量加經費並嚴飭該管文武各官一體和衷力改前習以期安行旅而靖閭閻如嗣後仍有因循規避觀望延擱者即當據實嚴叅懲辦該督撫等亦當認真查察勿涉顛預致干咎戾懷之慎之將此各諭令知之○癸卯盛京將軍奕額等奏發遣黑龍江英和行抵盛京城患病已屆十日未見痊癒不敢擅自准其稽留養病得旨稍見痊可即

令前往○甲辰享

太廟命皇長子奕緯恭代行禮○遣官祭太歲之神○諭軍機大臣等嵩孚等奏守備呈報查獲前任四川學政潘光藻船上私鹽轉被誣搶勒賠與該學政信知圍船搶毆情節不符恐有滋事捏飾情弊一案已明降諭旨將巴東縣官渡口卡緝私之荊州水師營守備張湖革職交該督撫提集人證秉公審訊矣此案據張湖具報與該學政所稱情節

互異是否該守備縱容弁兵等藉查私鹽搶詐滋事飾詞捏報抑係該學政竟有不法情事或係家丁夾帶私鹽或係舵工水手等倚恃官船私行夾帶必應據實嚴辦該督等現已飭委道府馳往查確著即將實在情形秉公訊明具奏斷不准稍有隱混潘光藻係交卸學政給假回籍之員著暫留該省以備質對將此諭令知之○調安徽壽春鎮總兵官郭繼昌為陝西延綏鎮總兵官延綏鎮總兵

官姜長齡為壽春鎮總兵官○修江蘇宿遷縣各河隄岸從大學士總督蔣攸銛等請也○修湖北荊州府萬城大隄從總督嵩孚等請也○乙巳

上御紫光閣賜蒙古王貝勒貝子公額駙台吉及外藩使臣呼圖克圖等宴並賞賚有差○吏部尚書文孚因病賞假以禮部尚書松筠署吏部尚書○以訪獲邪匪出力予四川知府劉炯等議敘餘升補有差○丙午

上詣

大高殿行禮○幸圓明園奉

皇太后居綺春園○詣

安佑宮行禮○賞阿拉善扎薩克親王瑪哈巴

拉黃糧○丁未

上詣綺春園問

皇太后安○諭內閣那彥成等奏收撫從前畏

罪逃出之布魯特並叅辦已革回務章京一

摺希皮察克愛曼布魯特阿仔和卓前因伊

父被戮畏罪逃赴霍罕茲遣其弟熱仔並冲

巴噶什愛曼蘇蘭奇之族叔拜莫拉特及蘇

蘭奇之姪拜爾第阿里雅先後投誠情詞恭

順既據那彥成等先行宣示朕恩賞給熱仔

六品翎頂拜莫拉特三品翎頂拜爾第阿里

雅五品翎頂著即分別賞給至嘉慶二十五

年張格爾糾眾犯卡布魯特比蘇蘭奇入城

報信被已革回務章京綏善斥罵趕逐以致

該比達颺助逆現據彼時印房當差之回子

玉努斯與布魯特拜莫拉特等所供相符是

綏善任性乖謬貽誤軍機本應按律治罪姑

念事屬已往著發往黑龍江充當苦差以昭

炯戒○又諭那彥成等奏調剿防兵一摺回

疆南路八城換防綠營兵丁向例馬兵月支

銀一兩二分五釐步守兵月支銀一兩茲據

查明現因物價較昂食用拮据自應量加調

劑著照所請馬步守兵每月給銀一兩四錢

五分其應領馬兵分例者每月津貼銀四錢

二分五釐應領步守兵分例者每月津貼銀

四錢五分統計八城綠營防兵一萬六百餘

名共需銀五萬五千餘兩先行動支正項墊

給俟屆年終將喀什噶爾葉爾羌二城官鋪

款內所得六分餘利銀若干兩奏明撥還正

項墊款尚有盈餘歸下年動支不敷之年在

於茶稅項下撥補覈實造冊報銷以裕兵食

而重帑項該部知道○又諭那彥成等奏查

明阿克蘇烏什所屬卡倫侍衛現已改歸綠

營其駐卡巡防滿洲兵並無差使請一律裁撤等語著照所請所有阿克蘇烏什兩城原設滿洲營駐防官兵著概行裁撤各歸原營操防所挑委筆帖式貼寫滿洲兵准其照舊額咨留年滿仍在古城巴里坤各旗營咨取當差以符舊制該部知道○諭軍機大臣等朕聞上年十一月內有撤回陝甘新兵因應領鹽菜口糧等項武隆阿並未照前此凱撤征兵分例支給悉照防兵例支給以致眾兵

不服執旂操械糾約喧嚷後經許照征兵口糧支給始各散歸汛地征兵驕悍如此何以未據武隆阿據實陳奏此項兵丁既非換防自應照征兵例給予口糧因何遽加裁減武隆阿曾否與那彥成等商辦抑伊一人自出主見若以為例應如此乃因眾兵持械喧嘩竟爾改支豈不愈長驕橫是否因此起釁抑或別有情節著武隆阿據實明白回奏儻有不實不盡經朕另行訪聞武隆阿自問當得

何咎將此附報便密諭知之尋奏前奉部駁凱撤之兵不應再支駝價是以十一月內撤回之兵仍照前凱撤征兵分例支給故未商之那彥成各兵執械喧嘩實因裁減駝價而起且是日羣聚喧嘩惟稱討賞並無另有釁端至鎮將失於約束已商請那彥成參奏伊以陝甘兵氣驕悍恐長刁風是以未經具奏報聞○又諭據那彥成等奏差人赴卡外籌辦各逆犯情形一摺朕命那彥成前往喀什

噶爾祇為籌辦卡內善後事宜業將八城善後諸大端籌辦周妥即為不負委任是以疊經賞賚前降恩旨甚明至逆裔家屬及從逆餘黨潛匿卡外原無足重輕祇可檄諭外夷各部落如能擒獻固佳否則任其偷生親息亦不過釜底游魂有何緊要在我示以寬大無意購致尚恐外夷居為奇貨若屢次差人赴彼暗索窮搜終不能得豈不為外夷所竊笑其布魯特各愛曼有來歸附者祇可撫戰

羈縻亦不必特地招致指給遊牧地方設日久豁整難盈又將如何籌辦前經屢諭及此該督何以總未領會豈非必欲邀功轉生出許多枝節現在善後諸事業經辦竣已另行飭諭武隆阿等遵旨鎮靜辦理該督接奉此旨著即迅速起程來京勿再遲留將此由四百里諭令知之○又諭寄諭喀什噶爾參贊大臣武隆阿幫辦大臣額爾古倫伊薩克本日據那彥成武隆阿奏遣人出卡籌辦逆裔布素魯克及從逆匪犯阿坦台等一摺逆裔家屬潛匿霍罕按之愈急則愈視為奇貨現在張逆既已生擒明正刑誅卡內逆回業經大加懲創從此鎮靜撫綏按照奏定善後章程妥為辦理自可永靖邊陲至阿坦台汰劣克二犯前此雖經從逆尚未敢隨同張逆入卡滋事現已畏罪遠竄亦可置之不問前經屢降諭旨甚明何以屢次差人出卡按求各犯復欲必得逆屬而後已若如此布置竟不

能擒致豈不為外夷所竊笑縱令布素魯克將來似張格爾之所為又復何難剿滅現既將安集延驅逐出卡自當嚴密稽察勿任荼葉大黃稍有偷漏亦不得仍令該夷隱混貿易即為妥善何以授意於已驅之安集延為我籌謀逆屬該夷等聲氣相通豈能真心效順樂為我用至布魯特等之誠心歸附者自應就地撫戢以示羈縻斷不可指給遊牧地方有意招致武隆阿等當善體朕意鎮靜撫

綏一切悉照奏定章程辦理既不可稍形怠忽亦不得遇事張皇儻辦理不善致生邊釁惟伊等三人是問恐不能當此重咎也將此由四百里諭令知之○又諭那彥成等奏喀什噶爾官鋪餘利為調劑兵丁津貼各衙門公費請派員經管等語該城官鋪餘利既經奏明為津貼各項之需即係公事何得專令一人經管著派武隆阿額爾古倫伊薩克會同妥為經理其如何辦理章程並著覈議具

奏將此諭令知之○修熱河兵房五百五十間從都統成格請也○戊申諭軍機大臣等昨據那彥成奏陝甘新兵持械喧譁一事雖經該督傳見撫慰並加呵斥悉知悔罪隨即遣令入關歸伍密片奏聞免其究治叅辦固是權宜辦理惟此時喀什噶爾留兵尚多前有該督在彼羣皆畏服尚可安戢無事昨已降旨令那彥成迅速回京武隆阿如此措置是否能資鎮撫該兵弁回人不致因此心存

藐視儻兵將不能相安恐致別生事端朕心實深慮念著該督體察實在情形密速明白回奏將此由四百里諭令知之尋奏武隆阿久歷戎行眾咸知其奮勇惟多疑少斷未洽人心新兵喧譁一事實因其專意節省拘泥辦理所致參贊重任實不能放心報聞○又諭江蘇淮揚道專管河湖兼有地方之責員缺至為緊要該道鄒錫淳在任數載平日辦事如何將攸銘到任亦已兩年自必詳加察

看著將該道是否實能勝任據實具奏毋稍徇隱將此諭令知之○尋奏遵查淮揚道鄒錫淳在任兩載於河湖工程勘估驗收極為詳慎並能不避嫌怨實堪勝要缺河道之任報聞○浙江黃巖鎮總兵官羅光昭年老休致以瑞安協副將王國良為黃巖鎮總兵官○准江蘇員外郎銜前任戶部主事潘奕雋重赴恩榮宴賞四品卿銜○撥江蘇緩漕米六千七百石有奇支放狼山漕河三標各營災

缺兵糧○己酉

上御奉三無私殿賜皇子親藩等宴○御山高水長賜王公大臣蒙古王貝勒貝子公額駙台吉及外藩使臣等食翼日如之○庚戌

上詣

安佑宮行禮○御正大光明殿賜朝正外藩等宴作樂賜酒如除夕儀○展緩浙江各幫疲乏旗丁扣繳銀米○辛亥

上御正大光明殿賜大學士尚書等宴○壬子

諭內閣。本日楊芳來京召對。見其精神強健。朕實深喜悅。楊芳宣力邊疆。生擒巨寇。前已加恩錫封三等果勇侯。爵賞用紫韁。換戴雙眼花翎。在御前侍衛上行走。並將伊子蔭生。楊承注。賞給舉人一體會試。嗣因受俘禮成。復賞加太子太保銜。茲當凱旋入覲。允宜再沛恩施。楊芳著加恩晉封二等果勇侯。晉加太子太傅銜。在紫禁城內騎馬。並賞給人蔭四兩。緙絲蟒袍一件。大卷八絲緞袍褂料各一匹。大卷江紬袍褂料各一匹。大荷包一對。小荷包四箇。用示朕懋賞酬庸有加。無已之至意。○癸丑。諭內閣。高孚等奏盤查苗疆儲備銀穀無虧。請寬免歷任造報冊結遲延處。分一摺。湖南苗疆買補儲積穀石。經該督等委員盤查。均係如數分撥實貯。無虧其買補造報遲延。並嘉慶二十五年以後。未經按年造冊申送。應將歷任道廳各員查取職名。交部議處。惟念事出有因。尚非無故遲延。著將

各案造報遲延之咎。加恩寬免。並將未經分撥以前。每年年底未造冊結免其補造。自去年起。飭令按年造冊。不准再有延擱。仍飭該管之長。沅道督率各廳縣。將分貯穀石妥為收貯。遇有動用之處。奏明辦理。不准擅行借動。儻各廳縣經理不慎。該道擅行動用。即行嚴參懲辦。勿稍寬貸。該部知道。○又諭李鴻賓奏查出秋審捏報留養各案。分別辦理等語。前因廣東省歸善縣絞犯林一潰捏報留養。降旨諭令各省將留養人犯認真確查。勿許假捏。茲據該督復行查明。又有歸善縣絞犯陳文棕一起。海陽縣絞犯邵阿黨黃人和吳方盛三起。均係捏報丁單。聲請留養。廣東一省如此。他省似此者。想復不少。著通諭各督撫。督同臬司。於秋審時。遇有呈請留養者。務當親提犯屬屍親鄰族人等。逐加研訊。實係親老丁單及孀婦獨子。方准查辦。儻有捏報。即著據實懲治。不准稍涉朦混。致令兇犯

倖逃法網○甲寅

上詣綺春園問

皇太后安○御山高水長賜王公大臣蒙古王

貝勒貝子公額駙台吉及外藩使臣等食○

乙卯

上御同樂園賜御前大臣大學士威勇公長齡

都統繼勇侯哈琅阿固原提督果勇侯楊芳

護軍統領阿勒罕保食並賞賚有差○諭內

閣昨據李鴻賓奏廣東瓊州鎮總兵張兆麟

於外海水師情形不甚諳練且不能約束兵

丁南韶連鎮毗連三省地方緊要總兵蕭文

治難期振作張兆麟蕭文治俱著送部引見

現在水師總兵簡用乏人前有旨令各該督

保舉堪勝人員俟奏到時另行簡放所有瓊

州鎮總兵員缺著該督遴選員暫行署理○以

陝西漢中鎮總兵官胡起為甘肅提督未到

任前命寧夏鎮總兵官史善載署理以甘肅

涼州協副將蔡文瑾為漢中鎮總兵官陝西

兆岷協副將劉鳳翥為西安鎮總兵官調西

安鎮總兵官得志為廣東南韶連鎮總兵官

○福建汀州鎮總兵官王威宣年老休致賞

食全俸以前任建寧鎮總兵官趙龍章為汀

州鎮總兵官○贈故甘肅提督何占鼈太子

少保賞銀五百兩治喪予祭葬謚勤襄○丙

辰

孝穆皇后忌辰遣官祭

陵寢○丁巳

上幸萬壽山○諭內閣楊國楨奏請旨升補糧

鹽道以裨漕運等語河南糧鹽道員缺例歸

部選茲據該撫以新漕緊要必須人地相宜

著照所請准以栗毓美補授河南糧鹽道該

部知道○又諭鄧廷楨奏查明阜陽縣添設

專營章程一摺前據御史沈巍皆奏安徽潁

州府屬阜陽縣從前有汛無營員弁尚少至

嘉慶十二年改為潁州營添設把總外委大

半皆用本營本縣之兵丁拔補往往結交土

豪欺虐平民請做照教官之例變通舊制當交鄧廷楨查明據實具奏茲據奏從前因該縣界連豫省匪徒出沒較別屬尤為緊要是以陸續添派員弁分駐四鄉藉資巡緝自添撥改設以來迄今二十餘年防緝差操尚無貽誤亦無指名呈控營弁滋事之案間有一二牽控弁兵均經審係懷疑挾嫌擬議完結並查定例遊擊都司各缺迴避五百里以外守備員缺以隔府別營人員題補並無干把

外委迴避本籍明文所有該御史請將汎員一項做照教官之例著毋庸議惟此等未弁不讀詩書罔知大體或與鄉民睚眦口角恐所不免全在該管各上司委用得人仍隨時稽查約束一經滋事即行革究如遇鄉民呈控到官該府縣必須秉公審辦毋得稍涉瞻徇其有人地不宜者著隨時酌量更調俾該弁等各知儆懼以肅營伍而靖閭閻○諭軍機大臣等惠顯等奏哲孟雄部長妄行稟瀆

逐一嚴行駁斥一摺所辦極是哲孟雄部落久居邊外從前屢有妄干之事俱經駁斥茲復敢捏詞瀆稟妄有希冀實屬貪詐外夷部落祇應照常羈縻縱使他夷部落恃強侵占其地不過蠻觸相爭豈值以內地兵糧為其守禦至其措詞不當亦不必加以深究惠顯等總當照向來撫馭之法辦理如有分外妄求之事仍當剴切曉諭加以駁斥並督飭駐防員弁加意防範慎守邊圍將此諭令知之

○賞迎護回藏堪布番目敦珠策旺花翎○修直隸通州果渠村新河壩埽從護總督屠之申請也○戊午

孝聖憲皇后忌辰遣官祭

泰東陵○

上詣

恩慕寺

恩佑寺行禮○諭內閣朕因宗室近來積習往往以不干己事具控藉端訛詐降旨令軍機

大臣會同宗人府刑部酌議條例具奏茲據查明定例分別從嚴酌議嗣後宗室覺羅人等告訐之案察其事不干己顯係詐騙不遂者該管衙門立案不行仍將該原告咨送宗人府照違制律杖一百實行重責四十板如敢妄捏干己情由聳准及至提集人證質審仍係訛詐不遂串結捏控者即將該原告先行摘去頂帶嚴行審訊並追究主使教誘之犯儻狡辯不承照例先行板責訊問審係控

款虛誣除坐誣罪應斬絞者仍照向例請旨辦理外其餘誣控之案無論詐贓多寡已未入手但經商謀捏控不分首從俱實發吉林安置到配仍重責四十板以示懲儆其主使教誘以及添威助勢之犯無論軍民人等不分首從均照例發近邊充軍仍先加枷號三箇月滿日再行發還係旗人照例銷除旗檔一律辦理即使所控得實但因串詐不遂捏情圖准者亦即照此例定擬不准以事出有

因量為緩減著宗人府刑部即各纂入例冊永遠遵行並由宗人府刊刷條例通傳近支遠支各族及八旗滿洲旗分咨行步軍統領衙門出示曉諭務令周知用示朕明刑弼教之至意○總管內務府奏酌議行營各項章程一應用什物等件由敬事房總管太監覈定數目交內務府行知地方官備辦各立實數一冊臨期按款接收將原冊移交後營司員起營後如數查驗交地方官領回儻有到

營後傳用之件該處首領太監呈報由內務府發給委員印票持赴傳用每日總管太監奏派首領太監二名內務府派司官二員先赴前營嚴密管束躡訪其前營如有藉端索詐等事責成地方官拏辦如地方官徇隱不拏交部議處至到營後內務府官員並隨帶內監及各項匠役人等應責成內務府大臣稽查如有詐索苛求等事嚴拏懲辦如本日失於查察後經發覺將內務府大臣一併交

部議處。一應用清茶水。於起程前將每日大營應占井口酌定數目。豫期行知。地方官於附近擇定甘潔井口承應。餘俱不得濫行封禁。儻有看井披甲人等擾累。准地方官拏辦。如係冒名訛詐者。加等治罪。至清茶房及各他坦太監。責成該總管太監管束。除應行豫備之物。報明前營之內務府官員逐一指交外。如有妄行批斥。勒索使費。或使令本處人役在外招搖。除將本人究治外。並將失察之

總管太監。奏懲辦。至沿途中伙茶水鍋臺燒煙等項。仍由地方官照向例各豫備一分。儻有藉端需索。使費。准地方官拏辦。一應用車輛。應令敬事房總管太監覈實定數。彙奏交出。至內務府應用車輛。酌覈實數。查照向例辦理外。其協濟車輛。應先期咨行該總督將軍等。照依上屆數目。量加覈減。沿途按站備用。如遇雨水道路難行。或隨時交出帶用物件。必須添給車輛之處。均由各該處呈

明內務府發給印票。派員持向地方官傳用。如無印票。不許濫行給用。仍俟差竣。將用過確數咨行內務府查對。一擡夫責成跟擡之副內管領庫使達他等。每日會同地方官沿途管押。不論長夫短夫。儻有勒索弊端。即行拏辦。該員等隱匿不報。一經查出一併嚴叅懲處。一應用缸口柴炭蠟燭等項。向係先期由工部及內務府轉咨地方官備辦。屆期由內務府派員會同首領太監監放。不准稍有

缺短。亦不許太監等私行索取。儻私相授受。即據實嚴叅究辦。至茶膳房向有地方官應交什物柴炭等項。應先期開明清單。呈明本管大臣。由內務府行知豫備。儻有額外需索。及本處太監等任意批斥。其前營由地方官查拏究辦。本營由內務府查拏嚴叅。將該章京等議處。儻別經發覺。將內務府大臣一併議處。各處隨圍披甲匠役人等。應由內務府責令各該管隨圍官員。隨營點驗。行至山

海關及盛京。由都虞司按名點驗。如有私走前營。併在後留連不到者。即照隨營逃走之例。插箭示眾。後銷除旗檔。從重治罪。從之。○己未。諭內閣。本年屆應查閱廣東廣西浙江福建營伍。陝西甘肅二省。亦應補行查閱。廣東廣西著即派李鴻賓。浙江福建著即派孫爾準。陝西甘肅著即派楊遇春。逐一查閱。務各認真簡校。如查有訓練不精。軍實不齊者。即將廢弛之將弁。據實劾參。毋得視為具文。

○諭軍機大臣等。楊芳著於二月初間。恭詣

東陵

西陵叩謁。屆時著黃文煜。武忠額照例帶領。在大紅門外行禮。後並帶赴

裕陵

昌陵

隆恩門外行禮。將此諭令知之。○以故青海扎薩克輔國公格呼克喇布濟子達瑪林扎布襲爵。○以刑部右侍郎鍾昌禮部右侍郎史

致儼知貢舉。○命正藍旗蒙古副都統蘇清阿。在乾清門侍衛上行走。並賞文綺。○賞擬補甘肅寧遠堡守備楊發陝西撫標左營守備田大武。銀幣。○修裏河五閘運糧撥船。從倉場侍郎松廷等請也。○庚申。

上詣綺春園。問

皇太后安。○諭內閣。昨日兵部將擬補甘肅寧遠堡守備楊發。陝西撫標左營守備田大武。帶領引見。該二員年力精壯。均堪造就。著交

楊芳隨時訓練。策勵成材。並著兵部將楊發田大武俱調補固原提標營守備。俾得就近隨同學習。用示朕培養人材之至意。○又諭成格等奏。額魯特呈交牧廠請酌給該總管等馬乾銀兩一摺。熱河額魯特官兵自移駐伊犁以後。該處人丁稀少。遞年節省銀兩已多。各官員等徒步當差。並無騎馬。業將牧廠呈交。自應量為調劑。著照所請。准其照熱河駐防旗員本身拴養官馬。每月每匹支給乾

銀二兩之例。總管一員。拴馬四匹。副總管參領各一員。各馬三匹。佐領二員。各馬二匹。驍騎校並六品頂帶養鷹頭目共三員。各馬一匹。按照馬數。每月支放乾銀。以資當差。所有此項銀兩。除每年夏季照例出青分別扣給外。統計每年需銀二百七十二兩。由戶部照數給領。按月支放。該部知道。○又諭奕紹等奏審訊宗室善徵之妻鈕祜祿氏自縊身死一案。據善徵供稱與伊妻素日和睦。伊妻近

患痰病。自尋短見。屍姪恩緒則稱伊姑母與善徵素不和睦。平日並無痰病。原驗屍身脊背有紅色血暈。實係可疑。兩造各執一詞。是否釁因口角。抑或另有別情。不可不究。詢明確以成信。讞鑒儀衛治儀正宗室善徵著暫行解任。交奕紹等提同吏件人證詳訊。鈕祜祿氏縊死緣由。及有無傷痕。分別照例辦理。世襲二等男爵恩緒著聽候傳訊。尋奏審訊得善徵因伊妻鈕祜祿氏管理家務年節無

錢開發帳目。與伊妻口角。以致伊妻情急自盡。先因恐供出欠帳口角干咎。是以捏說伊妻素有痰病。至屍身脊背紅色血暈。係因生前解救時脊背倚靠枕頭血聚所致。並非傷痕。惟善徵捏供伊妻素有痰病。究有不合。應照不應輕律。答四十。從之。○諭軍機大臣等。御史章沅奏粵洋通市。不得違例私易銀錢。請旨飭議章程一摺。向來粵洋與內地通市。祇准以貨易貨。例禁綦嚴。近日夷商貨物務

為奇巧。炫惑漁利。取值不啻數十百倍。據該御史奏稱。該夷人賦性狡黠。純用機心。賣物則必索官銀制錢。買物則概用番銀。夷錢銀低錢薄。僅當內地銀錢之什七。或仍以番銀給還。則斷不收納。是以番銀之行。日廣。官銀之耗。日多。至鴉片煙一物。流毒尤甚。該處偽標他物名色。夾帶入粵。每歲易銀至數百萬兩之多。非尋常偷漏可比。若不極力嚴禁。弊將何所終極。嗣後該省通市。務當恪遵定例。

祇准易貨。毋許易銀。其番銀之在內地者。行用已久。自難驟加過絕。至內地官銀。則分毫。不准私出。其違禁貨物。尤應隨時稽察。不准私入。著李鴻賓、盧坤、延隆會同詳查。妥議。章程具奏。將此諭知李鴻賓、盧坤。並傳諭延隆知之。○辛酉。諭軍機大臣等。前據那彥成奏。武隆阿於陝甘新兵支領口糧。措置未能妥協。雖經該督密片奏明。免其究治。權宜辦理。但邊陲緊要。鎮撫未得其人。朕實深懸念。現

已諭令武隆阿來京。陛見。並另降清字諭旨。將扎隆阿署喀什噶爾參贊大臣。璧昌署葉爾羌辦事大臣。其餘各缺。俱已酌量簡調。扎隆阿、璧昌。均係那彥成保奏帶往之員。隨同該督在彼將及一年。於邊疆情形。自己熟悉。諒可足資撫馭。即此外所調各員。亦皆該督素所深知。當能不負委任。此時善後既妥。前已有旨令該督迅速來京。本年八月。朕恭奉皇太后慈輿。敬詣盛京恭謁。

祖陵。直隸總督現係屠之申署理。該督自應及早回任。以便督辦差務。一切事宜。著接奉此旨。即行迅速啓程。限於六月內到京。斷不可再有遲留。將此由五百里諭令知之。○以右春坊右庶子奕澤、翰林院侍讀文蔚充日講起居注官。○賞葉爾羌辦事大臣扎隆阿副都統銜。署喀什噶爾參贊大臣。直隸大名府知府璧昌頭等侍衛。署葉爾羌辦事大臣伊犁領隊大臣常德。三等侍衛為烏什辦事大

臣。喀什噶爾總兵官舒倫保副都統銜。為和闐幫辦領隊大臣。調和闐幫辦領隊大臣孝順岱。為伊犁領隊大臣。以烏什辦事大臣布彥泰為喀什噶爾換防總兵官。○朝鮮國王李琮遣使表賀。

萬壽冬至元旦三大節。及歲貢方物。賞費筵宴如例。○琉球國王尚灝遣使表貢方物。賞費筵宴如例。○壬戌。命工部右侍郎京營左翼總兵奕經辦理盛京工程。以禮部左侍郎舒

英署京營左翼總兵○以服闋布政使劉斯
嶠為山東布政使○癸亥諭內閣大阿哥惠
郡王於二月二十日前往南苑駐圍於三月
十五日回園明園著富僧德格布舍克總詣
達輪班隨駐所有應行隨從之散秩大臣侍
衛等著各該處照例奏派○戶部尚書禧恩
等奏酌議三家店大新莊蘭溝羅家橋巴克
什營五處行宮暫緩拆卸亦不必黏補修理
俟有附近別處工程拆卸即用每處各派兵

丁二三名看守其餘千總兵丁交

東陵總管內務府大臣熱河總管等分撥各處
仍食原餉當差遇有缺出取以此項人等扣
補其底缺毋容再挑從之○旌表守正捐軀
四川溫江縣民幹錦仲女○甲子

孝儀純皇后忌辰遣官祭

裕陵○諭內閣楊遇春奏請將羸老馬匹變價
充公並裁撤牧兵一摺甘肅西寧鎮馬匹孳
生蕃息而馬廐窄狹不敷牧放以致擁擠日

形疲瘦所產馬駒不堪經牧茲據該督查照
成案估計變價著照所請所有西寧鎮廐存
口老馬四千數百匹病廢碎小兒馬一千數
百匹即委道府大員赴廐詳驗除將臚壯者
留廐並撥補各營缺額外其餘殘廢不堪孳
生之馬以及碎小兒馬一併交地方官變價
分別等第造冊送部並將馬價銀兩解交藩
庫報撥其經牧兵丁即可裁撤歸營差操該
部知道○以兵部左侍郎朱士彥署經筵講

官○命御前行走貝子濟克默特往奠故郭
爾羅斯扎薩克鎮國公固魯扎布茶酒賞銀
三百兩賜祭如例

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十一

監修 鐵道官廳 役目 講越 尾花 信三 太子 太保 體仁閣 大學士 文淵閣 領侍 郎 事 管理 戶部 事務 六書 唐 禮部 翰林院 掌院 學士 兼 管 順

天府尹事祿隨帶加五級紀錄十八次。臣賈夔雖職官經交議官更部而需錄蘇珠漢家却對官理新營居城內主居大臣傍家內

七倉大臣猶於會同四等館事務第一級隨帶加六級軍功加三級紀錄五次並免沙納職任攝官又副關稅參隨事兵部尚書總管

內務府大臣銀印鑲藍洲都統修奉內上倉大臣管理宗人府銀庫左翼知官學憲等官國明國子處稽誥管御參議各御票序大

醫士處方 諸君如十八級 且阿靈斯利親王 官雖廷議官兵 部尚書頭等 加六級紀錄二十次 且開根塔牙奉

教修

道光九年己丑二月乙丑朔

上詣

大高殿行禮○奉

皇太后還宮。○諭內閣。向來新疆俸緞。均由有織造省分派員撥解甘肅。由甘肅轉運各城。聞近來所解之緞。匹絲紬。往往抽絲減料。賞賜外夷。不堪服用。殊屬不成事體。著通諭江南蘇州杭州各織造。嗣後撥解紬緞。務當加意經理。儻仍前玩視。著新疆各大臣將原解之紬緞。奏明駁回原省。仍將該省承辦之人。

議處。決不寬貸。○又諭前據那彥成等奏請將黑帽回子挑補伯克當降旨飭查各城是否向有成例。籌議具奏。茲據奏稱向來伯克挑用黑帽回子居多。白帽回子歷久相安。其阿渾向不當差。亦不挑用伯克。各阿渾子孫人多者。只有一二人充當阿渾。其餘或自謀生理。或充當伯克。均聽其便等語。著通諭各城。以後無論何項回子。當阿渾者。只准念習經典。不准干預公事。其阿渾子弟。有當差及

充當伯克者。亦不准再兼阿渾。以昭限制。○又諭屠之申奏。疏失銀鞘。訪有額外外委形跡可疑。請將該管文武暫行撤任查辦一摺。直隸雄縣於道光七年九月。接遞安徽押解蕪湖關課銀。行至下站新城縣。遺失一鞘。經那彥成奏飭緝。逾限未獲。現據該護督委員訪得存城額外外委白勤形跡可疑。訊無確切證據。難保非有心狡展。並恐該營縣意存回護。查辦未能得力。除都司李士剛先已

撤換外。其雄縣知縣胡鈞。新城縣知縣周良卿。均暫行撤任。著屠之申嚴密訪查。如得有端倪。即親提人證。質訊明確。按律懲辦。○又諭武隆阿等奏。請將各城交過應免紅錢分別抵免一摺。回疆八城。應徵六七兩年貢賦糧石等項。前經降旨普律豁免。茲據武隆阿等查明。六分西四城未陷以前。應徵普爾紅錢。雖未報部造銷。實已如數交納。各該城甫經安戢。回力拮据。自應量為變通。著照所

請。加恩將六年分交過應免之六箇月紅錢。抵免喀什噶爾英吉沙爾二城本年未完之六箇月錢文。其葉爾羌和闐二城本年並無未完錢文。著於九年應徵紅錢內如數抵免。以示體恤。該部知道。○又諭武隆阿等奏。喀什噶爾阿奇木伯克伊薩克。每年應領養廉普爾錢外。可否再賞普爾錢十串。請旨一摺。伊薩克著加恩除每年應領養廉普爾錢外。再加賞普爾錢十串。○又諭那彥成等奏。參

玩忽奏定章程之大臣將弁一摺。英吉沙爾城守營遊擊張作友於巴達克山夷人入卡貿易。誤認為布魯特。且僅撥兵一名押送。並未遵照奏定章程辦理。殊屬玩忽。著降為守備。卡倫外委治沛章著降為馬兵。領隊大臣多隆武失於覺察。著交部於任滿回京後議處。該城四品阿奇木邁瑪特瑪哈素特亦著撤回與喀什噶爾四品伯克斯底克對調。以示懲儆。○諭軍機大臣等。那彥成等奏布魯特全部效順。酌定歲俸以示羈縻一摺。所奏甚屬冒昧。從前乾隆年間。平定回疆。卡外各布魯特受曼甚多。並無賞給歲俸之事。彼時受曼中之出力者。並非無人。如必須給予歲俸。各該辦事大臣。早應籌議及此。當年從無一人議及。可見此事斷不可行。何以那彥成等此次辦理善後。因各受曼陸續來城請安遞馬。極為恭順。援引乾隆年間奇里克沖巴噶什希皮察克等受曼。曾有世襲歲俸。執行

分別等差。給予翎領銀兩緞匹。發給劄付。令其按年分季持照領賞。並令烏什照辦。卡外各布魯特部落。如果奮勉出力。朕原不靳帑藏量。加恩賞。現在該夷等雖相率來歸。並無勞績。不過請安遞馬。那彥成等遽欲給俸。以為羈縻之計。國家無此政體。且此事並非迫不及待。那彥成等即有此議。自當先行具奏請旨。乃並未奏明。率行發給劄付。那彥成武隆阿俱著傳旨嚴行申飭。此時業給劄付。殊不成事。必當設法停止。著那彥成、扎隆阿體察情形。妥為籌辦。據實具奏。那彥成著仍遵前旨。迅速起程。於六月內到京。將此由五百里諭令知之。○又諭寄諭署喀什噶爾參贊大臣扎隆阿幫辦大臣額爾古倫伊薩克。據那彥成等奏。差人前往霍罕。要出黑帽阿渾奈瑪特等四人。並霍罕伯克差人請安遞伯勒克等情。朕命那彥成前赴喀什噶爾籌辦善後事宜。並未責成伊於卡外擒捕要犯。及

逆裔家屬。乃那彥成有意邀功。屢次遣人赴卡外刻意接求。殊大員委任之意。本日復據奏報。設法要出黑帽阿渾奈瑪特等四人。給予翎頂。及賞給元寶綉緞茶葉等物。並有諭霍罕伯克說帖。欲其將逆屬弋獲送出。斷絕根株。如此布置。殊可不必。現在善後奏定章程。業已周妥。該大臣等務當遵照前旨。嚴密稽察。勿任大黃茶葉偷漏出卡。亦不得仍令該夷隱混貿易。即為妥善。至於卡外各犯。既

已畏罪遠竄。總當置之不問。斷不可意存招致。妄生邊釁。如辦理稍有不善。或致大黃茶葉仍有偷漏。惟伊等三人是問。恐不能當此重咎也。將此由五百里諭令知之。○以喀什噶爾幫辦大臣阿奇木伊薩克。辦理回務出力。命其子阿克蘇阿奇木愛瑪特在乾清門侍衛上行走。○以籌辦回疆善後事宜出力。子阿克蘇辦事大臣長清烏什辦事大臣布彥泰。優敘。賞和闐領隊大臣德惠副都統銜。

吐魯番領隊大臣賡音岱等。花翎。西安滿營驍騎校富通阿等。藍翎。餘升擢有差。○免雲南銅廠民欠無著工本銀。○以祭社稷壇。自是日始。齋戒三日。○丙寅。諭內閣。本年致祭先蠶壇。著改於三月二十三日行禮。○丁卯。祭先師孔子。上親詣行釋奠禮。○詣

雍和宮行禮。○遣官祭文昌帝君廟。○以平定回疆。勦擒逆裔。告成太學。命勒石於大成門外。御製碑文曰。征而滅之。謂之勦。生而致之。謂之擒。命將出師。聲罪致討。此可必得之數也。戢手張拳。生繫駢繫。此不可必得之數也。矧既已遁逃。而猶望其自投羅網。尤難之難矣。乃失之而復得之。且生得之。此豈人力哉。天也。逆回張格爾者。為薩木薩克之子。自稱係

和卓木後裔。嘉慶二十五年。沖巴噶什愛曼布魯特比蘇蘭奇。與張格爾糾煽回眾。殺傷卡倫官兵。欲圍喀什噶爾。經官兵擊敗。張逆等竄逸。道光四年。張逆復糾合同眾。黃夜搶卡。官兵殲獲助逆賊目。張逆復遁。五年。差人詐降。勾結四百餘人為亂。因奈曼部落不從。仍復竄赴薩雅克部落。勾結汰劣克等。同來喀什噶爾滋事。巴彥巴圖帶兵出卡。遇賊接仗。中槍自刎。朕諭慶祥往喀什噶爾督同永

芹辦理勦捕事宜。旋因永芹病歿。以慶祥為喀什噶爾參贊大臣。六年六月。張逆率安集延布魯特五百餘人。夜由開齊山路突至阿爾圖什回莊。眾回從逆者多。分投搶城。臺路斷絕。所調援兵。路梗未能猝赴。英吉沙爾葉爾羌和闐。既分兵應援。存城兵少。賊勢猖獗。各城紛紛告急。烏什阿克蘇二城亦俱戒嚴。朕遂授長齡為揚威將軍。楊遇春武隆阿參贊大臣。先後調派吉林黑龍江官兵三千名。

各路官兵三萬二千餘名。又簡派巴圖魯侍衛章京等。馳往帶兵進剿。隨頒發硃諭十條。指授機宜。而賊匪擾至阿克蘇。渾巴什河南岸屯聚。伺隙躡渡。經長清達凌阿巴哈布等督兵晝夜嚴防。兩路夾擊。殺賊甚夥。賊首奔竄。追斃之。楊芳搭勒柯爾坪從逆賊匪。殲戮殆盡。七年。長齡等於二月初六日。統大兵進剿。二十三日。至洋阿爾巴特。甫經接仗。賊勢披靡。布魯特俱奔竄。二十五日。進至沙布都

爾莊。兩次鏖戰。擒戮賊匪數萬。二十八日。進至阿瓦巴特回莊。三次續獲勝仗。三月初一日。克復喀什噶爾。張逆先已乘間竄逸。長齡留喀什噶爾。楊遇春等帶兵進剿。英吉沙爾葉爾羌。以次收復。楊芳分勦和闐。亦克復其城。朕以四城雖定。逆首未除。諭長齡派兵各要隘安營。務確探張逆蹤跡。期於必獲。五月。長齡奏張逆在木吉地方潛匿。飭安福等出卡追捕。添調楊芳督辦。張逆復竄拉克沙地。

方。檄令喀拉提錦部落助擒。朕諭楊遇春來京入覲。楊芳授為參贊大臣。長齡奏請仍留喀什噶爾。朕允其所請。並諭以張逆勢雖窮。感難保其不復來窺伺。該將軍等當嚴加防範。設法剿擒。張逆果於十二月二十七日。潛由開齊山路入卡。長齡楊芳分統將領。連夜勦捕。追及於喀爾鐵蓋山。兩路並剿。眾賊逃竄。張逆僅賸賊黨十餘人。情急將自絕頸。總兵胡超等奪刀生擒之。餘賊殲戮無遺。隨將

張逆解大營。檻送闕下獻俘。長齡等紅旗報捷。閱二十日。遞至京師。爰錫封長齡為威勇公。楊芳為果勇侯。其餘將士。升賞有差。朕思回疆自

皇祖高宗純皇帝平定以來。休養生息。六十餘年。彼回眾踐土食毛。無不感承

聖化。乃張格爾以逆裔遺孽。招集沙蟲之族。潛行梟獍之謀。朕何敢不導揚

先烈。勉迪

前光。是役也。擒渠於萬里而遙。奏績於一年以內。儻脅從之眾。一鼓就殲。而煽惑之魁。隻身遠遁。事未稱為盡善。功猶墮於垂成。且逆首或畏罪自戕。或拒追被戮。雖伸國法。未快人心。是既得而猶未得也。今則飛蛾赴火。自蹈危機。臨陣生擒。束手就縛。與檄諭外夷。設計獲獻者。厥功尤偉。然此豈人力所能為哉。罪人斯得。

天奪其魄也。我武惟揚。

天之所助者順也。禮曰。執有罪。告成於學。故據事書之。繫以銘曰。惟我

皇祖。拓土開疆。大小和卓。自取滅亡。背恩反噬。敢肆鴟張。爰敕將帥。翦彼披猖。二酋授首。獻馘廟堂。懾

威懷

德。綏靖遐荒。濟惡作奸。薩木薩克。遠匿深藏。苟延喘息。弗忍加誅。投畀有北。逞其詭謀。為鬼為蜮。助虐者誰。狼心叵測。曰安集延。曰布魯

特根株弗斷。滋蔓難圖。蠢張格爾。甘自速辜。巧營三窟。雄長一隅。窺邊越卡。常苦覲覲。有時擊敗。窘苦囚拘。乘間而遁。終為逃遁。煽亂游魂。稽誅遺孽。槍占城垣。棄離巢穴。虺毒豺兇。蜂屯蟻結。竟抗顏行。羣效據竊。前圍後攻。左牽右掣。燎之方揚。如火烈烈。恭行

天討。詰爾戎兵。卜云其吉。命將遄征。三戰三捷。克復四城。以少勝眾。猛助軍聲。狡哉鼠竄。惜死偷生。神人共憤。星殛機槍。窮猿投林。枯魚

泣釜。逖跡莫偵。孰襲而虜。自夏徂冬。以防為堵。彼若不來。我焉能取。惟

天不容。俾罹網罟。故智復萌。餘勇欲賈。霜鋒雪甲。桓桓我師。賊棄馬走。高山屢屨。揮弓電閃。激矢風追。逆渠生縛。援戈而麾。自我勦之。自我擒之。堂堂正正。盪定西陲。將軍長齡。首功懋賞。參贊楊芳。壯猷優獎。爾公爾侯。用褒忠讜。大小臣工。恩波浩蕩。押獻戎俘。又安邊壤。紫閣銘勳。凌煙畫像。凱歌除夕。慶洽元辰。萬

方迭喜。九寓同春。肇應靈序。允惠黎民。如天之福。如

天之仁。告功太學。勒碑成均。嚴恭寅畏。

天命懷遵。○署陝西提督漢中鎮總兵官胡超奏謝調缺恩。得旨。已授汝甘肅提督矣。汝其善體朕意。懷承任使之恩。潔己率下。認真整飭營伍。斷不可稍存恃功之心。或致縱佚。仍當一力慎勉。永存報效之心。則是有福之人。懷之慎之。○戊辰祭

大社

大稷

上親詣行禮。○遣官祭黑龍潭

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

潭

昭靈廣濟普澤龍王之神。○遣官祭圓明園

惠濟祠。

河神廟。○諭內閣。彥德等奏。酌量地方情形。請加調劑一摺。烏里雅蘇台地方。氣候早寒。不能種植。一切食用。取給他處。向來官撥駝隻。每年兩次赴古城採買米麵茶布等物。放給官兵。而日用諸物。未能悉行置辦。物價增昂。自係實在情形。著准其每年多撥官廠駝一百隻。添買麵斤紬布。及日用諸物。分給官兵。以資食用。仍在所領鹽菜銀兩項下扣繳。所用駝隻准銷之數。及添兵十名照料。並需用繩袋等件。悉照舊章辦理。並准其循照舊制。設立碾磨。將官兵應領麥石。自行磨食。即照所請。將庫房修補備用。所需工費。及置辦一切器用銀一百一十餘兩。在歲收房租項下支用。咨部覈銷。又所請酌留換防員弁一節。前據那彥成奏定章程。換防官弁。每藉奏留熟手。任其規避。即有奏留教習新兵者。祇准留一二人。亦不得過兩班。茲據該將軍等奏。烏里雅蘇台科布多二處。官弁無多。差務

在在需員。兼之路途寫遠。差委動需數月。若將年滿實缺營弁概行撤回。不敷差委。著准其於年滿已得實缺之把總外委內。每項酌留三四人。俟續有熟悉之員。即飭令回營當差。該將軍等於考拔時。驗其騎射。覈實保舉。僅回營後。有弓馬生疏。不諳營伍者。即分別降革。以杜規避。又所奏一切明發諭旨。烏里雅蘇台科布多二處。向無通鈔。請飭內閣照新疆南北兩路之例。一體發鈔一節。向來通

飭之旨。內閣照例發交在京部院及大小各衙門。各按所司。行令各該將軍都統督撫大臣等。一體欽遵。何以烏里雅蘇台科布多二處。獨無行知。嗣後如有應行通飭之事。著各該衙門一律辦理。○以教演山西大同太原二鎮弁兵陣式。擢陝西守備景福明為都司。把總程芝為千總。○修山東運河上河兩廳隄工。開座。並挑泃河廳河渠。從河道總督嚴烺請也。○己巳。以舉行仲春經筵。

遣官告祭

奉先殿

傳心殿

上御文華殿經筵直講官松筠王鼎進講孟子人有不為也而後可以有為講畢

上宣御論曰士之託於世而列於君子之林者非獨貴其有守也尤貴其有為而欲其有為者要必歸於有守此孟子精義之學而以不為決有為欲人之知所擇也天下畏蒞者不

能為一事躁妄者亦不能建一功輕發者始若勇終必怯慎重者始若怯終必勇成敗利鈍非所逆睹而不嚴於從違之介則擾亂其神明險阻艱難豈能備嘗而不權於是非之衡則盡惑其心志此而欲其任重致遠卒然臨之而不驚錯節盤根坦然由之而不懼其可得乎古君子合當世之所難圖而卓然有以自振舉眾人之所易濶而矯然有以獨存豈強致哉蓋其識精而其守固也彼自負非

常之才者豈無所為者哉而終不得謂之有為者蓋未嘗有為而先已無所不為則不知其何為而可志士勵行守之於為孟子所以為世道人心之防也直講官舒英潘世恩進講易經天之所助者順也人之所助者信也講畢

上宣御論曰天人之道一理而已易繫辭上傳引大有上九之爻辭曰自天祐之吉无不利天何以祐祐者助也天助之人亦助之舍逆取順天道也推誠布信人道也聖人明於天之道而察於民之故合天人者也自古聖人以天之心為心撫辰凝績救天命也遏惡揚善謹天戒也陳師鞠旅申天討也順乎天而天弗違靡悔靡阻如八風之無不通是為大順順以定功而天心享矣聖人亦以人之心為心正德厚生治人情也故準循繩修人紀也除暴安良立人極也信乎人而人弗疑何詐何欺如四時之無或爽是謂大信信以發

志而人心洽矣。天人相應。驩然交欣。所以陰陽調而風雨時。羣生和而萬民殖。而謂非天道之助順。人道之助信乎。易序卦又云。與人同者。物必歸焉。故受之以大有。節而信之。故受之以中孚。此履信思乎順者。人之所助在於信。明乎上九之能踐履於信也。天之所助在於順。明乎上九之能恆思於順也。體信達順。天人皆祐助之。而得其吉。无不利也。宜哉。禮成。

上幸文淵閣。賜講官及聽講諸臣茶。復賜宴於本仁殿。○詣

皇太后宮問安。○庚午。

上奉

皇太后幸惠郡王綿愉第。○幸圓明園。奉

皇太后居綺春園。○辛未

孝淑睿皇后忌辰。遣官祭

昌陵。○諭內閣。給事中吳敬恆奏。請嚴定緝捕章程。一摺。京師為輦轂重地。理宜肅清。豈容

宵小潛跡。屢經降旨。諭令各該衙門認真緝捕。並嚴禁捕役縱庇。乃近來五城竊案。愈積愈多。即間有報獲之犯。亦贓物微細。暫為搪塞。其計贓逾貫情節較重者。迄無弋獲。總由該捕役等縱容包庇。平日利其贓物。臨事得錢賣放。此等積弊。實為可惡。著通諭步軍統領。順天府。五城。嗣後務當嚴行督緝。有犯必獲。每年將報竊各案。統計已獲未獲及獲犯過半各若干。於春秋二季開列清單具奏。分

別勤惰。照例覈辦。如捕役等仍復養賊養奸。立即從重究治。儻該管官視為具文。漫不經心。或隱漏規避。致蹈故習。即著嚴叅。照例懲處。毋稍寬貸。○又諭奕訢奏。查明兵部侍郎點驗軍器。隨帶家丁書吏騷擾地方情形。一摺。前據奕訢奏。上年盛京兵部侍郎惠端。前往遼陽等八城點驗軍器。該家丁書吏等沿途騷擾地方。當經降旨。諭令詳細查明。據實覆奏。茲據奏。傳詢該委領催慶福等。會稱該

侍郎雖無需索情事。惟沿途任意逗留遊玩。致令各處供應需費過繁。隨帶家丁書吏。均有勒索。研訊書吏劉姓等供認屬實。惠端著交部嚴加議處。即行來京聽候部議。該家人錢姓。劉姓書吏劉姓等著派誠端會同特登額嚴行審訊。按律定擬具奏。○先是宗室英福喊告領催金幅通抵換官項。命刑部會同宗人府嚴審。至是審擬具奏。金幅通每月領放錢糧。均係參佐領會同驗放。偶因天晚。先拉回家。馬甲吉昌疑其抵換。告知英福英全。始而攔車索詐。繼而赴官喊控。請將英福英全照新定章程革去四品頂帶。不分首從。實發吉林安置。到配重責四十板。吉昌革去馬甲。並銷除本身旗檔。發往近邊充軍。先加枷號三箇月。滿日再行發遣。得旨英福等事犯均在本年正月二十三日章程未定之前。若即照新例問擬。轉不足以昭平允。著刑部會同宗人府將此案仍照舊例辦理。朕因英福

等案犯在前。是以仍令照舊例科斷。並非格外加恩。其正月二十三日以後。宗室以不干己事挺身出控之案。俱著照新章嚴辦。不准稍有寬貸。○以理藩院左侍郎那丹珠為盛京兵部侍郎。○以前任湖南提督桓格為鑲黃旗蒙古副都統。○以催趙回空糧船出力。予江蘇知府趙光祿等升敘有差。○壬申諭內閣。騎射為我滿洲舊制。凡爾官兵皆所素習。是以從前派往盛京木蘭隨圍官兵。俱令

演射布靶。無非欲使旗人服習勤勞。操練技藝。且於乾隆五十一年曾經

聖諭。所有派出隨圍文職官員。如有藉端不射者。下屆京察。不准列入一等。著為令。欽此。仰見

皇祖教育旗人之意。實為

至神且明。自應永遠遵奉。惟朕九年以來。未及進哨。並未閱看官員演射布靶。誠恐文武各員因循苟安。不肯嫻習。與其懲辦於臨時。孰

若嚴訓於先期。著曉諭各部院衙門及八旗各營。本年夏間。所有派出隨扈盛京文武官員侍衛章京等。朕親臨閱射布靶。僅有生疏者。定將該員交部嚴議。決不寬貸。其文職官員內。僅有藉端不射。著仍照舊例辦理。勿謂言之不豫也。○又諭。蔣攸銛等奏。籌撥展賑春賞口糧銀款一摺。本年江蘇省海州等州縣。展賑加賞口糧。應用款項。共需銀三十五萬數千餘兩。除上年正賑冬賞口糧餘存銀

二萬數千餘兩抵用外。實應撥銀三十三萬兩。據該督等奏稱。江寧藩庫無款可支。請於江蘇司道庫籌撥備用。著准其將蘇藩司庫應行造入道光九年春撥案內報完各款銀一十七萬兩。蘇糧道庫道光八年秋撥案內報完漕項銀一十六萬兩。共銀三十三萬兩。照數動撥。以資接濟。事竣覈實造報。如有多餘。另行報部撥用。設有不敷。即著於司庫正項銀內湊撥濟用。該督等即飭該管道府州

督同印委各員。趕查戶口。覈實散放。務使實惠均霑。仍隨時嚴密察訪。如有胥役剋扣冒濫情弊。即據實嚴參究辦。該部知道。○又諭。御史王琦慶奏。外倉領放甲米。進城遲延。請遵定例辦理一摺。各倉領放甲米。向有限定時刻。乃日久玩生。以致米車到遲。積壓城外。防範難周。且逐日所放米數。並不知照稽查御史覈對。至領米時。領催多不親身投票。每令車夫代遞。如該御史所奏。自應嚴行查禁。

著倉場侍郎飭令外倉監督。務須遵照定限。米車每日於巳刻到門。不得過午。每逢放米之日。先將本日定放米若干石。片行稽查御史。以便覈對。每日進城與出倉之數。並著各旗領米參佐領。督飭領米領催。親身到門投票。毋許差人代遞。僅有仍前疲玩。著即查取各倉各旗領放甲米職名。照例叅處懲辦。○諭軍機大臣等。從前乾隆嘉慶年間。每遇聖駕巡幸盛京。恭謁

祖陵盛京吉林各將軍均有例進土貢。但止就各該處所產土物呈進。以輸忱悃。原不准踵事增華。徒茲糜費。朕本年八月恭奉

皇太后慈輿。前詣盛京。祇謁

祖陵。該將軍等著仍准照例呈進土貢。惟此次諸事概從節省。該將軍等所進土貢。務當比照從前酌加覈減。斷不准稍有增多。致負朕黜華崇儉之至意。將此各諭令知之。○以內閣學士福勒洪阿為理藩院左侍郎。○以盛

京鳳凰城城守尉常明為盛京副都統。○鑄給貴州郎岱廳學正條記。從巡撫嵩溥請也。○旌表守正捐軀河南通許縣民王善妻張氏。○癸酉諭內閣。前據嵩孚等奏湖北漢黃德道吉光隨帶夫役中途釀命。提省審辦一案。降旨將該道先行交部議處。旋經吏部議以降二級調用。查該道抵銷。照例具題。茲據嵩孚等將此案人犯審擬具奏。該道吉光雖訊無知情縱容情事。惟不能約束隨從人役。致

有踢斃人命之事。非尋常失察可比。吉光著實降三級調用。不准抵銷。○又諭琦善奏各屬應徵積欠錢糧。年分較多。懇恩酌予調劑一摺。山東省歷年因災緩帶。及民欠錢漕。前於道光三年奏准停緩二年。復於七年奏准將二年以前停緩積欠。與三年以後原緩遞緩各案。統自七年起為始。各按最先年分遞年依次帶徵一年。茲據琦善奏稱。該省七八兩年。啓徵二年以前積欠錢糧。及九年應帶之項。已有三年。加以三四年五六七八等年舊欠。暨九年分應徵新賦。共有十年之多。同時並徵。民力實形拮据。自應量為調劑。著照所請。加恩將各屬七八兩年秋後業經啓徵未完二年以前舊欠。並八年未完錢糧。及九年分應徵新賦。共計四年。俱一律照常徵收。其應於九年秋後依次啓徵之二年以前積欠。並三四五六七等年民欠。及因災緩徵各案錢糧。併臨德等倉漕項。河銀。民佃鹽課。攤

徵隄工地租。出借倉穀籽種口糧等項。均絲至十年秋後。各按最先年分。遞年依次帶徵一年。至漕糧與錢糧款目。雖有區分。完納仍同一戶。著將九年應兌新漕。及八年分各屬應兌未完餘漕。照常徵收。其餘各案因災緩徵漕糧。皆與錢糧併計。如帶徵最先年分。只有錢糧。並無漕米。無庸另行議帶。如係錢漕均有。即先儘錢糧帶徵。俟該年錢糧全清。再將漕糧遞帶。該撫仍督飭藩司嚴切催查。如

各屬有於未經奉旨以前徵存銀兩。責成該管道府儘數提解司庫報撥。不准稍有那掩滋弊。該部知道。○以內閣學士桂輪為武備院卿。○以內閣學士裕誠管嚮導處事。○調正藍旗蒙古副都統阿勒罕保。為鑲藍旗滿洲副都統。以貝子綿清為正藍旗蒙古副都統。調右翼前鋒統領奕綽為左翼前鋒統領。未到京前。命吏部左侍郎貴慶兼署。以鑲黃旗護軍統領高喀鼎為右翼前鋒統領。調鑲

白旗護軍統領桂輪為鑲黃旗護軍統領。以內閣學士容照為鑲白旗護軍統領。未到京前。命鑾儀衛鑾儀使博克順兼署。○贈故鑲藍旗滿洲副都統阿彥托克托都統銜。賞銀五百兩治喪。予祭葬如都統例。○甲戌。遣官祭

先醫之神。○諭內閣盛京收貯中和丹陛並喜起舞等項樂器。著盛京禮部就近查驗。將應行修理架座衣飾樂器等項。交盛京工部

照式黏補。其笙簫笛管等件。即令派出前往設樂之供用官等帶往承應。又什榜音樂人員。亦著該衙門照例帶往。○乙亥。

孝康章皇后忌辰。遣官祭

孝陵。○諭內閣德英阿等奏。職官呈控冒濫。請飭部查辦一摺。此案伊犁巴燕岱營千總烏承志。呈控烏承鵬係異姓亂宗。冒承伊父烏大魁恩蔭。復思濫承難蔭世職。現據該將軍等提集人證究訊。與所控並無異詞。烏承鵬

現係光祿寺額外署正。著刑部傳提訊問明確。據實具奏。○又諭存華奏請借項生息以資辦公一摺。山海關八旗額設駐防官兵。向有官項二千四百餘兩。為兵丁出差等項支借之用。茲據該副都統奏。近年解送人犯一切差使。較前日增。前此借給修理官房銀兩。除將所支錢糧扣還各款。所賸無多。該兵丁等每遇派差。殊形掣肘。懇請借項生息。以資辦公。著照所請。准其於山海關監督徵收稅

課盈餘項下。借給銀二萬兩。就近飭交永平府知府發商按月一分生息。每年所得息銀二千四百兩。以一千二百兩歸還原借稅課盈餘項下之款。其餘一千二百兩。並遇閏加增銀二百兩。即作為山海關八旗兵丁出差盤費。該班兵丁冬月鑪火。以及操演獎賞。並各處公所歲修等項之用。年終按款造冊。報部覈銷。○又諭蔣攸銑奏審訊安徽休寧縣民潘蔚昆。自戕後投河身死。原審委審各員。

誤以汪右奇為正兇。現究明致死實情。據實平反一摺。此案已革休寧縣知縣李儀於潘蔚昆自戕投水之案。並不悉心驗訊。輒疑為姦殺棄屍。任意刑求。復嚇逼屍女指為汪右奇所殺。以致畏刑誣服。並捏詳屍妻先行供認姦殺。以實其罪。幾致釀成冤獄。現在案雖平反。而無辜之汪右奇業已拖斃。實屬乖謬。李儀著發往新疆充當苦差。事在恩詔以前。不准援減。池州府知府劉湜。委審要犯。不能

虛衷研鞠。輒以汪右奇為縣詳正兇。將其跪鍊審訊。以致猝中身死。雖訊明並非死於刑傷。實屬讞獄無能。劉湜著即革職。以示懲儆。○又諭博啓圖等覆奏。遵旨將瘋疾痊愈自行投回之員。審明一摺。前經博啓圖等奏請將瘋疾痊愈自行投回之恩騎尉富隆阿。交部議處。因其摺內含混不明。是以令博啓圖等覆行嚴審。茲據博啓圖等審明。富隆阿實係身患瘋疾。從伊家走失。不知居住何處。並

無棲止定所。亦無另生事端。著即照博啓端等前奏。將富隆阿交部照例議處。其管理交界之防禦蘇隆阿。原有緝捕之責。富隆阿在伊所屬界內潛居多日。並未查出。咎亦難辭。蘇隆阿著一併交部議處。所有博啓圖等自請交部察議之處。著加恩寬免。○伊犁將軍德英阿。參贊大臣容安奏。驅逐流寓安集延。並嚴定稽察貿易章程。得旨。所辦甚好。總要行之久遠。斷不可不數年間。又滋流弊。勉之。

慎之。○修安徽宿州境內奎河。從大學士總督蔣攸銑等請也。○丙子。

上詣綺春園問

皇太后安。○賞盛京將軍奕額辦公銀二千兩。

○丁丑。

上御勤政殿聽政。○遣官祭

關帝廟。○遣官祭昭忠祠。○以太僕寺卿普保為太常寺卿。○賞河南等省戊子科鄉試年老諸生張廷揚等二名。舉人副榜有差。○

賞借鑲黃旗蒙古都統公福克津俸銀十年。修其祖武勳王揚古利墳塋。○戊寅。諭內閣。那彥成等奏。請重申抽收外夷稅課定例一摺。回疆自開闢以來。曾經奏定章程。外夷貨物。入卡貿易。每三十分抽稅一分。原非重科。特藉以稽察各夷出入。慎重邊防。立法本為至善。乃近年以來。各城大臣。往往因外夷懇求免稅。即量准減免。且有全行免稅者。殊屬不知大體。著通諭喀什噶爾葉爾羌烏什各

城大臣。嗣後各夷入卡販易。務當遵照舊制。每三十分抽稅一分。無論何處部落。概不准絲毫減免。如各城大臣。濫行減免稅課。著該參贊大臣。據實參奏。儻參贊大臣有減免情事。著伊犁將軍及各城大臣。據實參奏。均照違制例。交部嚴加議處。毋得日久玩視。以肅法令。○又諭。那彥成等奏。請定限裁撤換防兵丁等語。喀什噶爾等五城。增設防兵六千五百名。前經軍機大臣等議准。三年後酌減。

二千名。五年後再減二千名。屆時由參贊大臣酌量奏辦。茲據那彥成等奏。現在回子安居樂業。卡外夷情靜謐。著照所請。於二年後在喀什噶爾增兵內裁撤一千名。阿克蘇烏什兩城增兵內各裁撤五百名。由參贊大臣先期咨明陝甘總督。於換防時將陝甘緊要營分均勻攤減。以實內地營伍。再二年後再減二千名。屆期仍由參贊大臣酌量情形具奏。毋庸拘定五年期限。該部知道。○又諭奕

額等奏。請酌借辦公銀兩一摺。本年盛京辦理差務。各廳州縣應修橋梁道路及豫備行營器具等項。內有定例不准開銷。並准開銷而例價不敷。歷屆俱請酌借。漫餘銀兩辦理。惟現在此項並無徵存。著准其在盛京戶部庫存俸餉盈餘項下。賞借銀三萬兩。以資備辦。仍由各廳州縣分作五年扣繳歸款。該部知道。○又諭奕額等奏。遵旨審擬寧遠州民人控案一摺。前因豫親王裕全奏。伊於上年

九月間行抵山海關外。有百餘人攔輿喊控。宣遠州辦理差務。並不發給錢文。轉押禁二人。懇求釋放等情。當降旨交奕額等詳細查究。茲據查奏。該州民人等實因求免錢糧。聚眾喊訴。其民人李銳係以拖欠地糧被押。嗣經封納。隨即釋放。並無科派苛累情事。將全案訊明。分別旋擬。前任寧遠州知州現調復州知州胡紹祖。於催徵地糧。未能嚴禁書役。妥為辦理。著交部議處。○又諭奕額等奏。辦

差各員。現在捐升。請暫留本任等語。奉天府岫巖海防通判吳琪。寧遠州知州李武曾。俱經捐升知府。未捐離任。該員等現在承辦營盤橋道。未便遽易生手。著准其暫留本任。辦理差務。俟完竣後。即飭令趕緊報銷。赴部報捐離任。他省不得援以為例。該部知道。○諭軍機大臣等。那彥成等奏。達爾瓦斯部落遣使遞馬。懇求內附。酌加賞賜一摺。前據那彥成等奏。卡外各布魯特愛曼全行歸順。聲明

酌賞俸銀俸緞。朕即以其事涉冒昧。降旨令那彥成扎隆阿設法停止。茲復據奏達爾瓦斯伯克差額爾沁沙阿布都拉等帶同跟役前來請安遞馬。並呈遞稟帖。情詞恭順。擬照現議酌賞布魯特歲俸章程。一體辦理等語。邊疆重務。全在鎮靜撫綏。即布魯特等果有誠心歸附者。亦祇當就地羈縻。從無酌給歲俸之事。達爾瓦斯遠在霍罕西南。若以其向與霍罕為仇。人民亦屬強富。遂欲將該部落

招致收復。以為鈐制霍罕之計。實屬不成政體。且外夷部落。如果蠻觸相爭。天朝從不過問。那彥成等所稱該夷希冀中國勦滅霍罕。坐收其地。諭以靜聽霍罕輕離巢穴。乘機深入。俟有用汝等之時。再差人告知一節。殊不成話。此等外夷貪黠性成。豈肯真心樂為我用。正當開誠布公。使知安分守己。何得以此言向其傳說。致該夷妄生冀倖。朕命那彥成辦理善後事宜。原不應妄圖卡外之事。乃於

此處費心饒舌。甚可不必。所有諭帖內酌賞達爾瓦斯銀緞給與劄付之處。斷不可行。著仍遵前旨。設法停止。至另片奏達爾瓦斯伯克懇求瞻覲。諭令靜候諭旨。再定行止。所見尚屬得體。著那彥成等傳諭該伯克差來之額爾沁等。以爾伯克情願遣人進貢。具見惻誠。深堪嘉獎。但爾部落距京寫遠。現已奏明大皇帝。不忍爾等跋涉。無庸進京。如此剴切宣諭。該夷等必當感激恩施。那彥成接奉此

旨。仍著迅速起程。限於六月內到京。將此由五百里各諭令知之。○班禪額爾德尼遣使請安。呈進貢物及丹書克。賜詔褒獎。賞賚如例。併頒達賴喇嘛等賞件。○葉爾羌幫辦大臣扎克桑阿因病乞休。允之。賞刑部郎中常豐四品卿銜。為葉爾羌幫辦大臣。○賞阿勒坦淖爾烏梁海總管壽爾默克花翎。○修盛京北塔法輪寺。南塔廣慈寺。從禮部侍郎凱音布請也。己卯諭內閣。楊遇春奏特參承

緝要犯不力之知縣一摺。前因直隸開州逸盜李丙寅等潛匿甘肅靖遠縣境內。該縣文武各員未能即時緝獲。致令遠颺。經該督奏。降旨將該縣知縣永銓千總單煙先行交部議處。責令按限查拏。李丙寅務獲。茲據楊遇春奏。該縣僅於限內拏獲夥盜一名。現已限滿。尚未將要犯獲案。實屬承緝不力。永銓單煙俱著交部嚴加議處。即行撤任。聽候部議。此案李丙寅等事犯本在開州。因該省先

後訪聞該犯等逃匿甘肅河南地方。是以諭令甘肅河南各督撫飭屬一體嚴拏。節據該二省具奏。飭緝情形。雖經獲有夥盜。而要犯仍然在逃。本日已將甘肅承緝不力之員交部嚴議。直隸係屬本境。該地方文武員弁。應如何上緊查緝。豈可藉口要犯竄逸他省。希得置身事外。巧為推卸。致令兇徒日久稽誅。除陝甘河南仍通飭嚴行偵緝外。著屠之申嚴飭所屬勒限訪拏。務將李丙寅等獲案審

辦。如限滿無獲。即著嚴叅懲處。毋得稍事姑容。○諭軍機大臣等。奕額等奏遵旨修理宮殿房間。將直房門徑應否裁撤改移之處。聲明請旨。所有由繼思齋兩山夾道經過。至崇謨閣東西直房各一所。著毋庸裁撤。照舊修理。其保極宮後門。改安明間。及川廊一併改移。現諭令漫樣發給閱看。著即照發去式樣妥為辦理。將此諭令知之。○修河南蘭儀縣城壕。郾城縣護城隄。從巡撫楊國楨請也。

大清宣宗效天符運立中體正至文聖武智勇仁慈儉勤孝敏成皇帝實錄卷之一百五十一

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十二

恭奉 聖訓 宣宗成皇帝實錄卷之一百五十二

宣宗成皇帝實錄卷之一百五十二

宣宗成皇帝實錄卷之一百五十二

宣宗成皇帝實錄卷之一百五十二

宣宗成皇帝實錄卷之一百五十二

奏

道光九年己丑二月庚辰月食○諭內閣車

登巴咱爾之祖拉旺多爾濟曾因獲罪將伊

喀爾喀親王應得俸銀銀數折米五百石全

行停止嗣後屢經加恩賞給米四百石今車

登巴咱爾已挑在御前行走著加恩於每年

領米四百石外再賞米一百石以足親王應

得分數用示朕眷念蒙古臣僕至意○辛巳

春分朝

日於東郊遣定親王奕紹行禮○諭內閣德英

阿等奏妥議伊犁查禁需索陋規章程一摺

前據該將軍等奏稱伊犁回戶與南路各城

情形不同尚無需索陋規惟恐或有苛派等

弊降旨令詳查明確妥議章程奏明辦理茲

據奏該將軍到任之初即嚴飭理事同知暨

回務章京阿奇木伯克等諭行各回戶如各

衙門有指稱官差需索供應代辦皮張糧料

等事准令該回戶指控得實奏明懲辦嗣復

將南路各城新定章程飭令逐條譯寫回字

告示在固爾扎回城勒石以垂久遠此外兩

城滿洲營錫伯索倫額魯特察哈爾四部落

並理事撫民同知及所屬巡檢四員屢經督

同各領隊大臣伊犁鎮總兵嚴密稽查委無

需索陋規情事所辦甚好嗣後著該將軍等

隨時查禁嚴加防範統於年終確查具奏一

次其新任將軍參贊大臣無論正署人員均

於到任三箇月後確切查訪如有干犯禁令

者立即奏參懲處不必待至年終彙奏僅將

軍參贊大臣不能潔己率下營私貪污及徇

庇所屬。有犯不舉。除將軍參贊大臣互相稽查。據實奏外。並准各該營領隊大臣單銜密奏。各領隊大臣。總兵官。及同知章京等。簠簋不飭者。著該將軍等即時參辦。勿稍姑容。該將軍等務當遵照奏定章程。行之以實。不可日久視為具文。致干重咎。○旌表守正捐軀山西榆次縣民杜中行義女張燕女子。○壬午。

上詣綺春園問

皇太后安。○諭內閣。前因有人參奏安徽阜陽縣知縣周天爵殘酷不仁。不協輿情。各款當經降旨交蔣攸銑嚴切查明具奏。茲據該督遵委升任江寧府余霽元前往密加訪察。並赴縣署查勘提訊。該縣周天爵被參各款。雖非盡屬無因。而訛傳太甚。如該縣用鐵釘將竊賊李金曹七手掌釘著木上。曹七因痛扯裂。復用大釘釘穿。登時殞命。李金忍痛不動。踰時釋放。復任保充總役一款。現據查明。曹

七即陶七。係曾經墓竊七次。復持刀強姦婦女已成之犯。該縣因其強詞狡展。加以刑訊。後因在監患疫病斃。李金一犯。因掖刀犯案。詳帶鐵桿。該犯銼斷桿上橫釘。欲圖潛逃。經看役稟驗屬實。即令將銼斷橫釘扎其手背。該犯負痛。泣求改悔而止。因帶桿期滿釋放。該縣恐其復萌故智。令充更夫。並非保充頭役。業經余霽元提驗。李金傷痕。並向犯父陶法禮。及鄰證等訊明。陶七所犯情罪屬實。又原參酷刑。有鐵牀火錐。或鞭撻肌膚滾水澆灌。或刀砍足指。並割斷足筋。傷殘肢體者。約百餘人。因傷斃命者約二三十人。一款現據查明。該縣拏獲搶犯王妮孜。王好二犯。內王妮孜悍惡異常。屢經扭斷刑具欲逃。該縣於招解時恐致疏脫。曾飭役將其足筋割斷。並未成廢。提驗尚能行走。此外並無非刑殘傷斃命之事。亦無鐵牀火錐之刑。屢訊差役堅供不移。訪詢紳耆。亦無聞見。其餘各款。或事

屬有因。或查無其事。復經藩司賀長齡嚴行確究。尚屬相符。並據該督聲稱。該縣周天爵平日愛民如子。嫉惡如仇。因地制宜。用刑稍嚴。皆允惡不法匪徒。實未嘗濫及常犯。輿情愛戴。信而有徵。惟不應將搶犯王妮致割斷足筋。扎傷李金兩手。及失察土娼。請交部議處等語。此等不避嫌怨之員。最為難得。既據查明刑傷各犯。皆允惡棍徒。並無殘暴之事。自可宥其小過。周天爵著毋庸交部議處。該

部知道。○刑部奏。遵議盛京將軍奕額奏。錦縣民人張泳忠。呈控該縣因公濫派錢文。加增地糧。並典史墨索雜費。書役藉差侵贓。分別審明定擬一摺。均應如該將軍所請。得旨。此案前署錦縣知縣候補經歷王榮鑣奉文措備官兵飯食。既有車價及協濟幫項。自當撙節籌辦。乃於兵車之外。浮派車輛。折價累民。復向鋪商攤派食物。攢斂多錢。演戲犒賞。任意糜費。雖訊無侵漁情事。實屬濫派濫應。

王榮鑣著即革職。典史俞一清。以監牆所用刑刺。派民折價斂錢。又以告示索取紙筆費用。並將憲書散給鄉民。冀圖得利。藉充雜費。實屬鄙陋不職。俞一清亦著革職。所有失察之錦州府知府。著查取職名。交部議處。嗣後各項雜差。著奉天府尹分別出示。嚴行禁革。以杜擾累。○癸未。諭內閣。特依順保等奏。查明此次由喀什噶爾凱撤黑龍江官兵。原帶棉甲馬褂烏槍刀箭等物。俱不堪用。請補行

置造。所需價銀。著落官兵俸餉內限年坐扣賠繳一摺。此次黑龍江官兵征剿喀什噶爾賊匪。俱屬冒險勤勞。所有此項應行補置棉甲馬褂烏槍刀箭價銀。著落官兵賠繳之處。著加恩全行寬免。其應行補造之棉甲馬褂烏槍箭鐵腰刀。仍照從前著該將軍委員於內務府行取。以補原款。所有戰箭。著照所奏由本地置辦。該衙門知道。○旌表守正捐軀山西榆次縣民冀晚善妻白氏。○乙酉。

上幸靜明園詣

龍神廟拈香○諭軍機大臣等據博啟圖等奏吉林採覓恭修

永陵

啓運殿應換柁樑木料委員徧歷產木山場選擇於徑過尺寸不敷間有合式之樹木心斲朽不堪備料工用在即恐誤要需已飛咨盛京將軍就近設法採辦等語

陵寢要工需用木料必須選擇精良一律乾潔

堅實方資鞏固即使現時採買山場新料徑尺相符而未能乾透豈堪應用現在

啓運殿工程曾否拆卸著奕額等於就近地方採辦堅實舊料以便更換作速敬謹修整如一時不得其選務即妥為保護俟本年秋間朕親詣行禮後再行購料興修以昭慎重將此由四百里諭令知之○以故喀爾喀土謝圖汗扎薩克輔國公霍羅齊弟達什多爾濟襲爵○丙戌諭內閣前歲回疆軍興口外轉

運糧餉需用駝隻較多曾經烏里雅蘇台蒙古王公進駝三千二百隻科布多蒙古王公進駝八百三十二隻該蒙古等踴躍急公軍需益資迅速洵堪嘉獎現在大功告成糧運已停據英惠查奏各處按成賠交官駝共有五千九百一十五隻著加恩於此項駝隻內照該王公等前次所進之數分別賞還收回遊牧俾資生計即著該處將軍大臣飭令該蒙古派人前往烏魯木齊自行收領用示朕

體恤外藩之至意○又諭刑部奏傳提應訊職官現未到京請旨飭查一摺此案光祿寺額外署正烏承鵬被控冒廢世職據刑部查明該員在伊犁將軍衙門呈明八年正月起程現在尚未到京是否在途逗留抑係仍在伊犁藏匿著直隸河南山西陝甘各督撫及伊犁將軍等飭屬沿途查訪如仍在口外或在陝甘地方即行截留解交伊犁將軍歸案審訊如距京較近即解交刑部訊取確供奏

明辦理尋刑部奏准陝西撫臣將烏承鵬解送到部訊得烏承鵬原姓馬氏係烏大魁抱養之子例不准其承廕惟其承廕係由父命未便科以應得之罪至烏大魁所得世職應以何人承廕例由兵部辦理兵部奏烏大魁應得卹廕世職請以其三子烏承翎承襲從之○又諭英惠奏酌定運糧駝隻賠銷數目一摺此次回疆用兵烏嚕木齊運糧駝隻因沿途戈壁水土惡劣策之行走緊急以致倒斃者多尚係實在情形著照該部統所請所有烏嚕木齊及托克遜實收到協濟官駝一萬四千七百八十七隻准以六分報銷四分著賠其隨駝破爛之鞍屜繩索鍋帳什物著即飭地方官變價所得價銀咨交陝甘總督劃入應行找撥軍需項下收支該部知道

又諭英惠奏倒斃駝隻懇免解員賠補等語前次自古城至烏嚕木齊倒斃軍駝二百九十五隻據該部統查明道遠草枯催趲甚急

倒斃尚屬有因該解員等力難賠補著照所請准免著賠至烏里雅蘇台官廐前曾撥駝八百隻著於各處現在賠出駝隻內如數撥回原廠牧放其餘駝一千八十三隻即行飭令變價該部知道○刑部奏遵議兼署雲貴總督雲南巡撫伊里布奏審明已革署廣西州建水縣知縣龔正讓濫刑毆責致傷民婦湯張氏身死定擬一摺均應如該署督所請得旨此案已革雲南署廣西州建水縣知縣

龔正讓因民婦湯張氏攔輿呈控縣民胡麻五強姦未成該革員查訊供詞不符不即准理復以該民婦扳轎撒潑擅用竹條毆傷其脊背臂膊致斃事後又不詳請委驗以致被告得以賄和幾致釀成冤獄實屬任性躁妄龔正讓著發往軍臺效力贖罪○以吐魯番承辦軍需出力賞陝西都司曹天佑花翎吐魯番回子墨勒章京下尼雅斯等藍翎餘升補議故有差○旌表守正捐軀江蘇六合縣

民昌添受妻范氏。丁亥遣官祭賢良祠。諭內閣鍾昌奏代賠官項。先將房地呈繳一摺。鍾昌之父伊湯安前在貴西道任內有應賠官項未完銀三萬七千餘兩。伊兄繼昌前在馬蘭鎮總兵任內兼管寶華峪工程罰賠銀三萬兩。尚有未完銀二萬五千兩。據鍾昌奏請將伊房屋先行呈繳。並將每年應得俸銀養廉全行坐扣。先儘伊湯安賠項扣抵。俟扣完後再將繼昌賠項接扣等語。鍾昌之父

伊湯安應繳官項。本係分賠代賠之款。除已交外尚有未完銀三萬七千餘兩。著加恩全行豁免。所有鍾昌奏繳之房屋田產著免其呈繳。應得廉俸亦無庸坐扣。其繼昌未完罰賠銀二萬五千兩仍著按限完繳。又諭王琦慶奏請整飭五城捕務一摺。近來五城竊案緝獲甚少。而各該坊官拏獲鄰境逃犯奏請引見者頗不乏人。皆由該坊官等以本任竊案逾限不獲。不過罰俸而止。即偶有弋獲

亦屬分內之事。不能格外邀恩。遂任捕役縱容包庇。且遇地方報竊往往設法諱飾。而於鄰境逃犯則多方購求希圖甄敘。是以本任竊案愈積愈多。不可不覈其功過。示以勸懲。著通諭五城御史嗣後凡有坊官拏獲鄰境逃犯奏請議敘者必須確查本任有無承緝竊案。隨案聲明。若無承緝未獲之案。方准送部引見。如有承緝未獲之案。祇准照例將其本任處分計案抵銷。無庸奏請鼓勵。儻能於

限內將本任承緝之犯拏獲。再准其送部引見。以嚴考覈。並著該巡城御史督率坊官嚴行飭禁認真查察。如有捕役縱庇竊賊情弊一經查出立即按律懲治。毋稍寬貸。○戊子諭軍機大臣等。本日據步軍統領衙門奏山西翼城縣生員撒大瀛呈控該縣書役門丁因縣官懦弱任意貪婪。門役索要呈詞規費。兵書侵用幫貼銀兩。工書科斂鋪戶錢文。戶書楊紹禮加徵地糧銀兩。倉書張天幅等浮

收穀石勒折錢文。張天幅復令伊弟張天貴捏稱眾百姓拆伊住房。赴府道控告。批發該縣。張天幅蒙官差役將伊捕拏等情。已明降諭旨交徐所親提審訊矣。州縣為親民之官。必須精明強幹。遇事整頓。而於家丁書役。尤應嚴密查訪。方不至受其朦混。該生員所稱該縣居官懦弱。以致門丁書役肆意滋弊。是否屬實。著徐所將該縣平日辦事如何。能否勝任。詳細查明。並該生員所控有無別項情

節。親提案內人證。秉公嚴審。務得確情。按律定擬具奏。將此諭令知之。尋奏撤大瀛。控款多誣。祇刊書需索詞訟錢文。事出有因。知縣戴鈴年壯才明。辦事勤慎。惟失察書差得受規費。咎有應得。請交部議處。從之。○子道光六年葉爾羌殉節正紅旗滿洲副護軍參領烏勒喜蘇。祭葬世職如例。○己丑上詣綺春園問皇太后安。○遣官祭

歷代帝王廟。○諭內閣各部院學習行走人員才具優劣。差使勤惰。並其平素行止若何。該堂官俱當留心察看。於其行走年滿時。嚴定去取。分別咨留。始無浮濫。近來各衙門報滿之員。該堂官多係保留。而咨回吏部者甚少。未免無所區別。著通諭各部院堂官嗣後務將所屬賢否秉公查察。於應留者准其奏留。不應留者即據實咨部。不准姑容。並著吏部詳加稽覈。除各該衙門奏留人員不計外

其咨出之員。於每年年終彙奏一次。以資查考。而昭覈實。○又諭李鴻賓奏遵旨查辦夷錢一摺。前據御史張曾奏廣東省行使錢文內有夷錢攙雜。並有另立名號。託為夷錢等弊。降旨令該督撫確查究辦。茲據李鴻賓查明。粵東各屬多係濱海。向與外夷各國通市貿易。各店鋪攙用夷錢。實所不免。現雖飭屬嚴禁。恐日久仍然行使。必須設法收繳淨盡。永杜弊端。著照所請。通飭各屬曉諭鋪戶居

民人等如有積存夷錢立即檢出交地方保甲於每月朔望各赴該管州縣彙繳每斤照部議給制錢六十文在通省文職各員勻捐公費內按數支給統限半年呈繳淨盡並責成各州縣認真查繳按月將收繳過夷錢若干千文計重若干斤稟報一次所收夷錢毋庸運局搭鑄俟限滿解省銷燬其各關津要隘處所並令一律查驗收繳如逾限不繳復敢留存攬使一經查出立即嚴拏照例治罪

仍將收繳不力之地方官嚴行懲辦並著粵海關監督嚴諭洋行各商嗣後各國夷人買賣俱令以銀易換制錢並於洋船進口時詳加查察如有夾帶夷錢不准開驗飭令帶回如違惟洋商是問至依樣做錢及另立名號託為夷錢等弊尤應隨時稽察如有此弊即行查拏重究並將該管地方官嚴飭該督等務當嚴飭所屬認真查辦不可有名無實日久視為具文致干咎戾○庚寅

孝昭仁皇后忌辰遣官祭

景陵○諭內閣給事中李達辰奏請申嚴保甲一摺京師五方雜處宵小易於涸跡前經屢降諭旨飭令該管衙門認真緝捕嚴禁包庇司坊營汛各官若能實力奉行自可日清盜源若如該給事中所奏五城地方設立保甲並不按照章程稽查填注以致賊匪潛匿捕役縱容而雜院茶館尤為藏垢納污之所查驗率多呈漏是盜源未清捕務焉有起色著

五城御史嚴飭司坊官將門牌戶冊分款認真稽覈無論軍民人等或自立門戶或數家共處一院務隨時按名點驗詳悉註明其茶肆中有深夜聚賭喧嘩及容留來歷不明之人住宿者並著司坊營汛各按地面時加巡察禁止但不得藉端騷擾復滋流弊該巡城御史仍當隨時查察有弊即參以期輦轂肅清閭閻靜謐○辛卯封浙江仁和縣興福廟神施全為顯惠伯從巡撫劉彬士請也○撫

卸琉球國遭風難夷如例。○壬辰諭內閣。福綿奏。叅擅離職守致被毆傷之主事。及挾嫌主毆之叅將。請一併革職。一摺。喀喇沙爾糧餉主事興廉。以現任職官。膽敢私赴蒙古烏爾古濟庫家內圖姦。致被毆傷。實屬有玷官箴。城守營叅將班金布。因與興廉夙有口角。微嫌。主使家人尋毆洩忿。又不據實具奏。殊屬朦混。興廉。班金布。俱著革職。交福綿提集案內人證。秉公嚴審。按律定擬具奏。○諭軍

機大臣等。昨據宗人府奏。派考試盛京宗室覺羅肄業年滿學生。已派克勤郡王尚格。會同侍郎凱音布特登額。考試矣。此項學生。考取後。例得以侍衛筆帖式分別錄用。為官學生進身之階。數年考試一次。若入場時查察不嚴。致有槍倩等弊。豈能拔取真才。著奕顯查明。向來考試。係由何衙門派員稽察。務當關防嚴密。認真查察。勿得有名無實。仍滋弊端。將此諭令知之。○又諭張井等奏。重運首

幫漕船。於本月二十一日相機倒塘灌放。已遇幫船三百九十餘隻。並將銅鉛剝船趲放。全數渡黃。黃水高於清水尺餘。尚未倒灌等語。所辦好。此時黃水來源頗旺。漕船抵壩守候。不能不權宜灌放。嗣後幫船陸續前來。該督等總當察看水勢。相機妥辦。遇有可乘之機。立即啓壩放船。俾得迅速趲渡。當不待諄諄飭諭也。將此諭令知之。○又諭。據楊遇春奏稱。上年十二月間。在平涼縣白水鎮地方。

盤獲形跡可疑之歐陽貴。又名趙應龍。並於衣領內捺出字單一紙。語多狂悖。據供係湖南湘潭縣人。本名歐陽貴。道光五年八月內出外遊蕩。七年九月間到湖北老河口開鞋鋪之李老六家住歇。為伊取名趙應龍。將其兩手腕痣。用藥起除。並將字單一紙。令其帶在身上。往蘭州避難。李映川是李老六之弟。現在雲南。伊並未到過彼處。經該臬司等查驗疤痕年貌。與雲南咨緝所繪圖形。間有符

合其髮短而齊。訊係道光六年在四川巫山縣地方為僧。被逐還俗。與咨緝單內髮短還俗情節相同。惟所供為僧地方不符。詰以實在姓名籍貫。則又供名周國盛。年二十七歲。住湖南湘潭縣西門外十八總居仁巷鄉間。本族住花石河黎洞橋。父名周書培。兄周國泰。周國安。弟周國順。究訊雲南逆犯案情。則又忽認忽翻。狀類瘋癲。現已因病身死等語。該犯姓名屢易。供詞支離。雖其年歲狀貌疤痕與咨緝圖形間有符合。而未經審訊明確。旋即病斃。前經楊遇春繪具圖形咨會滇省。著阮元傳提的當眼目。詳加辨認。是否與逆犯趙應龍狀貌相同。如辨認不確。在該犯身帶狂悖字單。本屬有罪之人。死無足論。惟不可因此轉令首逆趙應龍漏網。仍當嚴飭地方官查拏務獲。勿稍疏懈。並著嵩孚查明李老六有無其人。曾否有為該犯改易姓名。起除疤痕。交給字單。教令逃匿之事。並查湖南

湘潭地方有無歐陽貴及周國盛其人。取具家屬確供。一併據實覆奏。將此諭知阮元。嵩孚。並諭楊遇春知之。○癸巳諭內閣。光祿寺豫備筵宴桌張品物。自嘉慶二十年酌定例價。纂入則例。遵行已久。茲該寺復以採辦各項品物。四季時價不一。請照時價例價分別覈銷。事涉紛擾。易滋流弊。所請不准行。著仍照定例辦理。○又諭。湯金釗等奏。審明定擬大邑縣民人張玉秀控案一摺。此案大邑縣典史馮洽。於任臆呈報失竊。未能緝獲正賊。轉將任臆學徒石良玉濫刑掌責。實屬任性乖謬。馮洽著即革職。以示懲儆。署大邑縣知縣按察司經歷王善寶。於該典史違例濫刑。並未揭參。著交部照例議處。○又諭。琦善奏。請添雇衛河剝船一摺。山東臨清關外衛水消長靡常。又多古淺。據該撫查明本年來源未旺。南糧渡黃加早。向設官剝並例雇船隻不敷輪轉。援案請添雇剝船以資起運。著照

所請。准其於例雇民剝三百隻之外添雇船五百隻。即於司庫發銀五千兩。交臨清州具領承雇。以到次之日起支工食。事竣查明起正月日。覈實報銷。該部知道。○又諭德英阿等奏。酌議各營步兵演習擡槍擡礮章程一摺。前由喀什噶爾阿克蘇將擡槍擡礮運赴伊犁。分撥各營演習。當經降旨交該將軍等查明滿洲營是否專用步兵演習。酌議章程覆奏。茲據奏。惠遠城滿洲營前經添設鳥槍步甲四百名。遇有馬甲缺出。儘先挑補。今專派協領一員。總司操演。所撥擡槍擡礮五十尊。即於鳥槍步甲內挑選二百五十名。責成該協領督率常川操演。該將軍等隨時認真校閱。期於精銳。遇有徵調。此項鳥槍步甲。仍照馬甲按名給發馬匹。並撥給馱馬載運槍礮。一經臨敵。該步甲自可舍馬而徒。最為得力。其練營兵丁。如遇徵調。仍按照綠營之例。俱著照所議辦理。所有此項演習擡槍擡礮準

頭兵丁著該將軍等親加校閱。連中三鞭者賞銀一兩。連中五鞭者賞銀二兩。即由官布鋪息銀項下動支。照例免其報部。該兵丁內如有演放純熟。百發百中者。無論滿洲營綠營兵丁。准其立予超補。即派令教習各兵。以示獎勵。並將該管官弁記功。其演放不能如式者。除將該兵丁責懲外。仍將該管官弁記過。以肅營政。○又諭德英阿等奏伊犁茶務請分別茶色酌定落地稅則及抽收盤驗茶

章程並請借兵餉赴古城置買大小斤茶設立官茶局酌定價值以免商販擡價居奇各一摺。除將塔爾巴哈台應議章程飭令該參贊另行體察情形妥議外。著交戶部覈議具奏。○諭軍機大臣等據德英阿等奏伊犁茶務請分別茶色酌定落地稅則及抽收盤驗各章程塔爾巴哈台茶務情形相同應否照伊犁所定落地稅則一體抽收其應如何設局派員徵收存貯及巡查卡倫嚴防偷漏各

事宜。著達凌阿體察情形。妥議章程。奏明辦理。又據奏。伊犁既定稅則。恐商販藉詞擡價。攸關兵民食用。請於伊犁設立官茶局。每年由伊犁庫貯俸餉經費銀內撥借銀五萬兩。赴古城置買大小斤茶。官定價值。散給官兵。扣餉歸款。塔爾巴哈台應否一體照辦。及若何設局定價。官為經理。一併籌議。周妥。奏明遵辦。將此諭令知之。○旌表守正被戕直隸南宮縣民岳三女岳氏。○甲午。諭內閣。著英

等奏。操演五營兵丁技藝。已逾三年。請示期閱視等語。著於三月二十日。朕御閱武樓閱視。○又諭。劉彬士奏。查明浙江省補奏案內。修造艇船銀兩。懇免著賠一摺。此項修造艇船銀兩。該省具奏遲延。實難保無捏飾浮銷之弊。經工部議令著賠。著該撫查照前次奏案。著落歷任巡撫藩司等照例分賠。○命吉林將軍博啟圖。來京。在御前大臣上學習行走。署鑲紅旗漢軍都統。調成都將軍瑚松額。

為吉林將軍。寧夏將軍昇寅。為成都將軍。以歸化城副都統富爾嵩阿。為寧夏將軍。調鑲黃旗蒙古副都統桓格。為歸化城副都統。○裁山西平定州甘桃驛驛丞。復設陽曲縣蘭村主簿。從巡撫徐忻請也。○旌表守正捐軀山西大同縣民臧恭妻賈氏。○修浙江西塘柴埭各工。從巡撫劉彬士請也。○貸浙江疲乏幫丁辦運銀。

大清宣宗效天符運立中體正至文聖武智勇仁慈儉勤孝敏成皇帝實錄卷之一百五十二

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十三

監修處官修日錄起原注官太子左傳禮仁閣大學士文淵閣學士等所著上書職制翰林院掌院學士等官滿

天府府尹等官修日錄起原注官太子左傳禮仁閣大學士文淵閣學士等所著上書職制翰林院掌院學士等官滿

七倉大臣等官修日錄起原注官太子左傳禮仁閣大學士文淵閣學士等所著上書職制翰林院掌院學士等官滿

內務府大臣等官修日錄起原注官太子左傳禮仁閣大學士文淵閣學士等所著上書職制翰林院掌院學士等官滿

醫院通判處等官修日錄起原注官太子左傳禮仁閣大學士文淵閣學士等所著上書職制翰林院掌院學士等官滿

續修

道光九年己丑三月乙未朔諭內閣戶部議

議屠之申奏請製造新斛一摺著照所議易
州斛斗一套由倉場衙門如式製就較準烙
印併咨行工部製備斛斗一套一併送交戶
部與部存祖斛三面較準分頒易州及承辦
事務衙門以昭畫一其存貯舊斛均即送部
拆毀自此大製備之後各宜加意收貯不得
損裂以致斛面增添該州不得仍以米石不
數為詞致虧倉貯○丙申清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后陵寢○遣官祭

端慧皇太子園寢○奉

皇太后幸獅子林進膳○諭內閣理藩院奏議
卹隨從回子郡王被害之護衛七員請將伊
子均賞戴金頂仍照跟役回子陣亡之例卹
銀各十二兩五錢該護衛等係回子郡王邁

瑪薩伊特典儀與各城伯克有間亦與跟役
回子不同其隨從致力為國捐軀情殊可憫
愛里阿拉打爾掛特們爾海提普邁買沙依
提阿們爾阿布都艾里美爾牙斯阿哈滿提
除照所議各賞戴金頂毋庸襲替外均著格
外加恩卹銀各二十五兩即由該處大臣就
近覈給○又諭已革筆帖式明喜經管倉廩
於廩牆倒塌塌出糧石及廩底土麥並不將
實數稟明輒將麥石朦混出倉變價入己計
銀一百五十兩實屬監守自盜著照該部所
議先於犯事地方枷號三箇月滿日發往黑
龍江充當苦差所得贓銀雖限內全完不准
免罪倉書張華盜賣倉糧計贓一百兩以下
著照例准徒五年該二犯事犯在恩詔以前
均不准援減以示懲儆○以刑部右侍郎海
齡兼鑲黃旗蒙古副都統○予回疆陣亡陝
西都司阿穆昌守備李景雲甘肅千總康喜
貴外委陳士俊蔡菲世職有差兵丁張廷棟

等七十五名賞卹如例○賞江西戊子科鄉
試年老諸生周卜成等三名副榜○旌表守
正捐軀甘肅靈州武生談宗珠女貴姐○修
熱河
城隍廟從都統成格請也○丁酉
上詣
大高殿行禮○遷宮○諭軍機大臣等奕額等
奏請修廣寧城垣並夏圍巨流河兩處廟宇
工程一摺盛京廣寧城工已逾保固例限據
奕額等勘明城東西兩面城樓並鼓樓甃城
等處急應修理著照所請將估需工料銀一
千二百九十九兩零准其於盛京戶部銀庫
內先行動支發交地方官趕緊購料興修務
期完竣整堅固工竣要實驗收報銷至夏圍
關帝廟及巨流河
河神廟殿宇等工既勘有殘圯情形自應修
整以肅觀瞻亦著准其擇要勘估交奕額等
一體興修此兩處廟宇內如向有御座房不

惟無庸估修。並可全行拆卸。以歸簡易。將此諭令知之。○盛京將軍奕顯等奏。興京

啟運殿工程。應用柁梁大木。已在奉天遼外山

場採獲。得旨。所辦甚好。深慰朕懷。○命盛京

戶部侍郎多山。協管移居宗室。○戊戌。諭內

閣。江蘇原任戶部主事潘奕雋。前經降旨加

恩賞。加四品卿銜。准其重與恩榮筵宴。茲據

蔣攸銘等據情代奏謝恩。並懇屆期赴京。恭

衷盛典。潘奕雋。恭摺再達。因應來京與宴。但

念伊年踰九秩。長途跋涉。難著加恩。免其

前來。以示體恤。其應得賞件。仍著該部照例

賞給。○又諭。楊國禎奏。請將捐監銀兩。分別

封貯起解。以復原額。一摺。豫省藩庫。於雍正

年間。設有封貯銀三十五萬兩。尋常不准動

用。迨嘉慶年間。辦理川楚軍需。動撥無存。旋

於道光三年。兩次撥歸封貯銀十萬兩。六年

分復將前項全數撥解甘肅。嗣後每湊足五

萬兩。即解赴甘肅藩庫交收。於該省封貯歸

補無期。現在回疆善後。業已辦竣。甘肅庫貯

漸臻充裕。豫省儲備。亦關緊要。著照所請。准

將該省收捐監生銀。俟收足五萬兩。即歸補

本省封貯。仍俟續收五萬兩。再行解赴甘肅

相間輪轉。俾於甘肅庫貯無誤。而豫省封貯

亦可漸次補足。以復原額。而實儲備。該部知

道。○以廣東潮州鎮總兵官蘇兆熊。為廣西

提督。兩廣督標中軍副將恆安。為潮州鎮總

兵官。○己亥。

上耕藉詣

先農壇行禮。更服至耕田所。

躬耕三推。復加一推。

御觀耕臺。命睿親王仁壽。豫親王裕全。成郡王

載銳。各五推。吏部右侍郎白銘。戶部右侍郎

李宗財。署禮部尚書潘世恩。署兵部左侍郎

福勒洪。阿。刑部右侍郎海齡。工部尚書穆彰

阿。都察院左副都御史嵩惠。通政使司通政

使穆馨。阿。大理寺卿桂齡。各九推。畢。順天府

府尹率農夫終畝。賞資農夫耆老如例。○詣
開帝廟拈香。○幸圓明園。○詣綺春園問
皇太后安。○庚子。諭內閣。那彥成等奏。推依博
特。夷使續拏。逸犯協解。進卡一摺。葉爾羌六
品頂翎回子庫爾班。在推依博特地方協同
該夷使索爾莽素。續獲從逆逸犯。及被脅逃
出各犯。訊明分別辦理。所有前經隨賊攻城
戕害官兵之齊魯克。多斯薩比爾。沙米爾。雅
四犯。均著即行正法。其庫爾班。推米爾。柔則

三犯。俱係被脅同行。並無抗拒官兵情事。著
發往伊犁。錫伯。索倫等營。給官兵為奴。牙和
普米爾。雅巴。依巴拉特三名。均係布噶爾回
子。前在卡內貿易。因賊匪搶掠。逃出卡倫。並
未被脅入夥。著給票遣令出卡。即回本處。○
又。諭。著英等奏。戶部寶泉局鼓鑄卯額。前經
奏准。每月按六卯鼓鑄。茲據查明。現存銅鉛
斤數。自本年三月至九月。仍按六卯鼓鑄。惟
局存銅斤。僅敷給發。在途各運。自應趕緊解

交俾免貽誤。所有滇省委員葉申。鄺領運丁
亥年加運一起銅斤。於上年十月已入東境
符其珍。何蘭汀。蔭德合。郭安齡。陳師慶等五
運。均於上年九月前已過龍江關。著兩江總
督。山東巡撫。直隸總督。確查各該運銅船。因
何遲滯。嚴飭承催督催各員。實力催趨。葉申
鄺一運。限於四月內運局。符其珍等五運。統
限五六月內交局。以資接濟。毋得再有稽延。
○諭軍機大臣等。那彥成等奏。查明霍罕。削

弱情形。並投出回子漢民。據供辦理逆裔家
屬。各一揭。霍罕以叢爾之區。近復翦其羽翼。
日就削弱。不致為我邊患。因屬甚善。然當處
以鎮靜。聽其自斃。斷不可喜事邀功。別滋釁
端。惟該夷貪利無恥。現因嚴立章程。不准通
市。未必不賄囑附近各布魯特。影射貿易。該
大臣等。惟當嚴飭各卡倫。及經理貿易之官
弁。伯克等。嚴密稽查。勿致墮其術中。轉為羣
夷所竊笑。至所奏飭知各布魯特。如有該夷

販貨之人及時稟報。即將私販貨物全行賞給。此外尚有重賞一節。行之恐有流弊。若布魯特貪圖重賞。輒將他夷貨物。指為霍罕私販。豈不又生邊釁。尚當悉心妥酌。務期嚴絕偷漏。不致日久滋弊。方為至善。現據投回漢民回子供稱。從逆回子塔迪里克。能將張逆之子布素魯克。設法縛獻。若能如此辦理。自可贖其前罪。儻不能如其所言。亦不必刻意求獲。即謂可以永除孽萌也。將此由四百里

諭知那彥成。並諭扎隆阿。額爾古倫。伊薩克知之。○以大學士曹振鏞。為會試正考官。兵部尚書玉麟。右侍郎珠士彥。戶部右侍郎李宗昉。光祿寺卿吳椿。為副考官。○以禮部尚書松筠。署兵部尚書。工部尚書穆彰阿。署翰林院掌院學士。○命四川布政使董淳來京。以河南按察使桂良。為四川布政使。山東兗沂曹濟道惠吉。為河南按察使。○以辦理烏什各處城工出力。賞甘肅都司馬奉三。花翎。

古城佐領瑪勒洪阿等。藍翎。餘升敘有差。○辛丑。諭內閣。兵部將軍。臺效力各官。犯查明開單請旨。何元瀛。賈亮。采慶。蔣。花尚阿。吉升保。俱著仍遵再留三年之旨。扣滿期限。即行釋回。無庸奏請。雷文枚。秦耀曾。崔恆達。陸錫曹六典。俱著准其釋回。玉藻。蔣紹棟。喀勒冲阿。牛元鏞。謝新陽。吳崑定。善。長。淳。瑪彥布。俱不准釋回。○諭軍機大臣等。昨將恆安補放潮州鎮總兵。朕連日召見。該總兵人尚誠實。

恐欠才幹。潮州地方界連閩省。民風犷悍。該總兵能否勝任。著李鴻賓詳加察看。或應酌調。或應改補。務當據實具奏。不可因係特加簡放之員。稍為遷就也。將此諭令知之。○以捐建安徽太平府育嬰堂。予知府陳雲紳。士張寶榮等議敘。○准大通橋車戶承買黑豆二萬石。津貼車價。○壬寅。諭內閣。前經降旨。將烏魯木齊追繳駝五千九百餘隻。內賞還烏里雅蘇台蒙古王公原進駝三千二百隻。

科布多蒙古王公原進駝八百三十二隻並撥還烏里雅蘇台官廠駝八百隻其餘駝一千八十三隻飭令變價以省牧放朕思阿拉善王瑪哈巴拉前因回疆用兵首先進駝一千隻甚屬急公著英惠即於變價餘駝內撥出一千隻實還如數領回該都統行知該王瑪哈巴拉派人前往烏魯木齊自行收領以示朕體恤外藩至意○又諭劉彬士奏審出命案正犯照例定擬請將原審不實各員分

別革職議處一摺浙江前任遂昌縣勒休知縣鄭鴻文於縣民章石桂向俞雙桂逼姦被殺一案初審不實迨隨同該府覆審仍不能究出正犯誤將蘇丙南誣指之王圻擬絞雖訊非有心故勘惟案關人命兩次詳報正犯錯誤實屬玩忽鄭鴻文著即革職處州府知府李蔭圻委審不實失入絞罪雖後經稟明臬司會同委員審明更正例有處分著交部議處○諭軍機大臣等松齡奏商綱項下每

年津貼織造絲斤銀四萬兩本年尚有盈餘請作為織造衙門辦公之用等語此項津貼銀兩原係調劑織造衙門採辦絲斤不敷之用本年既有盈餘著准其留於該衙門以資辦公嗣後此項銀兩如有盈餘亦即作為公用儻有不敷著該織造自行賠補將此傳諭知之○以戶部左侍郎顧皋兼署錢法堂事務○撥浙江省倉穀七百五十三石有奇協濟嚴州應故幫丁不敷米石○癸卯

上奉

皇太后幸萬壽山對鷗鵲進膳○諭內閣博啓國等奏遵旨籌議雙城堡屯田事宜一摺上年據奕紹等會議富俊條奏雙城堡屯田請援照乾隆年間初次移駐拉林成案辦理當經諭令博啓國等詳查妥議並查明現在移駐之戶是否足資養贍據實具奏茲據該將軍等奏稱從前拉林地方移駐京旗三千戶每戶給地三頃外有閒荒聽其招佃開墾其

不諳力作者。准其契買奴僕代耕。此次雙城堡移駐之戶。得地較少。將來生聚日稠。難免缺乏。自應酌減原定移駐京旗戶數。量為添給地畝。俾資充裕。著照所議。雙城堡原定移駐京旗三千戶。改為移駐一千戶。將所餘二千戶京旗地畝四萬晌。添給一千戶京旗。每戶酌添給地十五晌。共添地一萬五千晌。本地旗丁三千戶。每戶亦酌添給地八晌。三分餘。共添地二萬五千晌。計京旗旗丁共添地四萬晌。每戶京旗可得地三十五晌。每戶旗丁可得地十八晌。三畝三分餘。通堡地畝九萬晌。均予撥竣。至此後生齒日繁。需田添補。前經富俊勘有大封堆外閒荒六萬餘晌。著俟將來奏明開墾接濟。其京旗閒散素未習耕。著准其契買奴僕。註明旗冊。代其耕作。或雇覓長工。助其力穡。所有應得地畝。不准私行典賣。務使各有專業。以期經久。又諭。博啟圖等奏。請將木植變價。暫行歸款一

摺。雙城堡蓋成房屋。足數移駐京旗四年居住。計至道光十三年始應興修。現存木植甚多。堆放日久。必致不堪應用。著照所請。將該處現存房木五百餘所。照依原條砍木鹽菜銀。每所十二兩之數。暫行變價歸款。報部查覈。俟屆興修之年。再行動用此項。派員砍伐。該部知道。○甲辰。諭內閣。文孚等奏。兩淮應解健銳營息銀。逾限未解。現在支用不敷。著兩淮鹽政。將道光八年四月至十月應解下

半息銀三千兩。迅即全數解交該營。嗣後著照奏定期限。按年兩次解交。其欠解道光六年十月至七年十月息銀。並閏月加增銀。共六千五百兩。並著照原限按年完解。毋許再有延緩。○又諭。理藩院奏。請將擅用行糧。及攫取被災人等什物入己之扎薩克頭等台吉濟克默特多爾濟等。分別罰俸罰九等因。一摺。喀爾喀車臣汗部落扎薩克那木濟勒多爾濟等旗。將被災人等。移於鄰近接壤之

扎薩克頭等台吉濟克默特多爾濟旗分遊牧處所通融接濟。乃濟克默特多爾濟等膽敢於被災人等擅用行糧。並攫取馬駝等物入己。所行殊屬卑鄙。若不加以懲辦。遂失蒙古醇樸舊俗。著照所請。扎薩克頭等台吉濟克默特多爾濟著罰扎薩克俸三年。圖薩拉克齊垂布蘇倫當蘇倫。甲喇布彥德勒格爾。梅楞達克丹等。著各罰三九牲畜存公。○賞借喇沁貝勒托恩多十年俸銀。修理墳塋。

○乙巳

孝賢純皇后忌辰遣官祭

祔陵。○

上詣綺春園問

皇太后安。○諭內閣。蔣攸銘等奏。請緩辦劉河挑工。並緩漕米石。請俟下年搭運一摺。江蘇劉河挑工。前據該督等奏請。雖變緩漕米石。借給興舉。攤徵歸款。嗣經部議。飭令另籌借款。茲該督等查明。此項挑河工費。計需銀數

十萬兩。司庫實無閒款可籌。著照所請。暫緩興挑。俟籌有銀款。再行辦理。其蘇松等屬道光八年徵存歷年緩漕。及徵存七年未完米石。本應即行派幫搭運。現在該省各幫漕船業經兌運開行。趕辦不及。著留俟下年搭運。該部知道。○又諭。宗室綿熙等以不干己事。希圖訛錢。具控庫丁書吏吞帑過賄等情。不實。均屬不安本分。所有桂璣慶典志道受祿。應得罪名。俱著不准援減。綿熙事同一例。若

以其係世襲職官。遽予寬貸。不足以昭平允。綿熙著不准援減。革去奉恩將軍。交宗人府照例辦理。○旌表守正被戕河南祥符縣民鄭稍杆妻張氏。守正捐軀。永城縣民魏儒林女運姐。○修江蘇丹陽縣練湖閘座。從大學士總督蔣攸銘等請也。○修江西豐城縣石隄。從護巡撫富呢揚阿請也。○丙午。上幸南苑。○諭內閣。富爾嵩阿奏。伊現在患病。懇請開缺回旗調理一摺。富爾嵩阿舊疾復

發暫時不能就痊。著照所請。准其來京調理。昨已將柩格補放歸化城副都統。計期月內即可到任。俟那彥寶柩格。無論何人先到任所。富爾嵩阿著即交代來京。○又諭富孚奏漢岸引鹽滯銷。懇恩展限奏報一摺。湖北湖南兩省。上年夏秋雨澤愆期。收成稍歉。以致歲額鹽斤。缺銷六萬九千八百九十二引。鹽水販已買未售之鹽。停積二十四萬二千八百四十四引。雖於應納鹽課及加價銀兩並

無虧短。惟按例限歲數奏報。則舊鹽新引層遞積壓。愈形壅滯。商力未免支絀。著照該督所請。准其援照成案。將本年正月間應行奏報八年銷數之期。展限至六月內再行彙數具奏。接銷新引以後。每年提前一月。至五年後。仍遵原限於正月內奏報。不准再有推展。該部知道。○又諭徐所奏。知縣相驗率謬。審明定擬一摺。山西已革平魯縣知縣湯可受。於張榮昌故殺妻命一案。並不細心檢驗。辨

明傷痕。輒聽仵作誤報。於屍格內將被殺改填自刎。實屬昏愎糊塗。湯可受著照該撫所擬。杖六十。徒一年。不准援減。○以正白旗蒙古都統格布舍。為寧夏將軍。調鑲紅旗漢軍都統德英阿。為正白旗蒙古都統。以惇親王綿懌。為鑲紅旗漢軍都統。○予故前任浙江提督蕭福祿祭葬如例。諡襄懷。○免四川山東陝甘各營兵丁。前赴回疆應賠倒斃駝馬銀。○是日。駐蹕新衙門行宮。○丁未。

上行園。○諭內閣。著欽天監擇吉恭移孝穆皇后梓宮於寶華峪妃衙門饗殿中間暫行奉安。神牌恭移於饗殿東間。所有應行典禮。著各該衙門敬謹妥議具奏。○又諭孔隆阿等奏。欲領伊犁撤補軍臺馬牛沿途倒斃。請分別銷賠一摺。葉爾羌都司馬天賜。帶領兵丁前赴沙土阿蔓。接領伊犁解到馬一百五十四牛五十隻。因回途經過穆素爾達巴罕戈壁。

致倒斃馬十三匹。牛四隻。若照滿洲營舊規。在於綠營官兵名下攤扣買贖。該官兵等每月所得鹽菜無幾。未免拮据。加恩著照所請。自此次為始。嗣後每年由伊犁接領馬牛。經由穆素爾達巴罕戈壁。按每百匹隻准倒六匹隻。咨部覈銷。如有多倒者。著該承領官賠補足額。以示體恤。而昭限制。該部知道。又諭。武隆阿等奏。查出續增回莊。酌擬改移事。簡額設伯克員缺。以資管束一摺。葉爾羌新

增回莊。據武隆阿等查明。相距舊莊或一百餘里。至二百餘里不等。各伯克勢難兼顧。與其議增額缺。徒滋糜費。莫若移簡就繁。較為省便。著照所議。於額設管理詞訟五品斯帖哈資伯克二員內。改移一缺。管理伊犁蘇阿拉斯莊回戶。仍留一員。管理詞訟。原管回子烏拉馬匹之五品喀喇都管伯克一缺。著移管密沙爾莊回戶。管理禮拜寺之六品莫提色普伯克一缺。著移管塔哈爾齊莊回戶。所

遺禮拜寺。飭令各阿渾自行經理。管理官園之六品巴克瑪塔爾伯克一缺。著移管奎里鐵里木莊回戶。所遺官園。飭令明巴什接管。經管讀書幼子之六品羅布提瑪克塔普伯克一缺。著移管卡木拉莊回戶。所遺讀書幼子。飭交教書之莫洛接管。經管街道之六品色依得爾伯克一缺。著移管塔爾莫克哩特莊回戶。所遺街道。併飭緝捕之帕提沙普伯克接管。坡斯坎木舊莊回戶。著將經管工

匠之五品訥可普伯克一缺。移往與原設六品伯克一員分管。該大臣等即公同商酌。或就本員改移。或另選對調。奏咨補放。其另片奏和闐與開雅兩處回戶殷繁。原設七品伯克各一員。照料難周。著將管理烏拉馬之七品喀喇都管伯克一缺。改移和闐本城。幫辦回務。管理讀書幼子禮拜寺之七品莫提色普伯克一缺。著改移開雅幫管回戶。所遺讀書幼子禮拜寺。交給阿渾莫洛自行經管。其

管理工匠之七品訥可普伯克一缺著移管卡倫軍臺回戶稽查來往商回該伯克等應得養廉燕齊地畝均照原設毋庸另議增損併嚴禁私役新管回戶以杜擾累○是日駐蹕圓河行宮至己酉皆如之○戊申

上行圍○諭內閣著派禧恩著英帶同諸習堪輿之人前往平安峪等處詳細覆勘○己酉諭內閣誠端等奏審擬前任盛京兵部侍郎點驗軍器隨帶家丁書吏騷擾地方一摺此

案惠端家人錢昇等跟隨伊主點驗軍器輒敢向各城藉端需索共合銀至五百三十餘兩之多該侍郎等僅照律擬以杖徒殊屬情浮於法有意從寬著嚴行申飭錢昇劉玉俱著改為杖一百流三千里書吏劉國平等向各城需索銀二百二十兩係屬知法犯法該侍郎等所擬杖罪亦屬輕縱劉國平崔永祥徐顯均著改為杖六十徒一年該五犯均著於犯事地方各加枷號一箇月滿日定地發

配折責安置以示懲儆該部知道○諭軍機大臣等徐所奏副都統因病身故暫令城守尉就近署理一摺新授綏遠城副都統桓格業已自京起程計月內可抵新任綏遠城將軍那彥寶亦於二月初四日據報入關計四月初間即可到任現在富爾嵩阿因病身故已據徐所委令右衛城守尉慶祿就近署理副都統並代辦將軍事務著即傳知慶祿於桓格那彥寶未到以前暫行兼護那彥寶於

途次接奉此旨即著趕緊前往莅任不可耽延將此諭知那彥寶徐所並傳諭慶祿知之○甘肅布政使顏伯燾奏查此次軍需節次請撥銀兩除撥解大營暨口外各城外蘭州總局應請銷銀三百一十七萬三千二百兩內進征七十案請銷銀二百四十一萬八千六百四十九兩零連現辦凱撤十五案統共請銷銀三百一十五萬六千五百九十四兩零餘銀一萬六千四百七兩零應俟各州縣

查明具報。統歸尾案收支造報。再局中委員書吏不下百餘人。公費口食需用浩繁。茲查進征凱撤各案。已於二月內造報全完。辦理尾案。無須多人。於三月初一日將總局裁撤。以節糜費。報聞。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十三

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十四

監修陳敷官授廷日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼掌

天府府尹事穆隨等加天監紀錄十八次賈植總爲官經廷議宣吏郎書鎖監錄漢東都統管廩所營房城內官序大匠稽察四

七倉大臣稽察會同四譯館事務加一級隨帶加六級軍功加三級紀錄五次臣提沙納總辦官文蔚開提舉開事於部尚書總管

內務府大臣鑲白旗滿洲都統額駙內七倉大臣管理宗人府銀庫左翼副官學
與壽富國明開等處精捷營統領李慶雲領樂慶太

醫院遂辭處事徐隨帶和十八級臣阿靈阿副總裁官經廷議官兵部尚書隨帶和六級紀錄二十次臣閔祖培等奏

救修

道光九年己丑三月庚戌

寶錄卷一百五十四

上行圍請

閼帝廟拈香。○諭內閣屠之申奏籌議隨扈
官兵章程一摺。所議甚好。本年八月。朕恭奉
皇太后安輿。前詣盛京。祇謁

祖陵所有隨扈官兵據屠之申查明嘉慶年間

係分撥替換當差沿途逐日點派轉涉紛繁

著即照常年

東陵

西陵扈從章程。豫為派定該官兵等隨營伺候。

各當各差。紀律較為整肅。毋庸分撥替換。至應給盤費。向係每兵一名。日給銀八分。此次隨扈。站長日久。與常年差使不同。著每兵日給銀一錢二分。其領兵員弁。除都守以上。毋庸議及盤費外。千把外委。俸餉無多。未免稍形拮据。著每員亦日給銀一錢五分。所需銀兩。著即於直隸裁撤營馬節省馬乾項下覈實動支。無須另行籌撥。此係格外加恩。常年差使。不得援以為例。○又諭刑部奏議駁山

西巡撫徐忻審擬沁源縣民孫萬年率同伊子孫汶林等殺死孫沅吟妻子一案。查閱供招。孫萬年因胞姪孫沅吟屢次霸產。起意殺死。洩忿。並未謀及孫沅吟妻子。迨我尋孫沅吟不見。先後喝令伊子孫汶進。孫汶將孫沅吟之子孫學忠妻孫楊氏劈砍致斃。顯係威力主使。覈其兇砍情形。確有故殺之心。實無謀殺之迹。該撫將孫萬年照殺死功總卑幼一家二命之例。擬以絞決。於謀故罪名。並

無增減。而孫汶林等以主使為從之犯。科以謀殺加功之條。分別問擬。環首流戍。罪名出入攸關。且孫楊氏。孫學忠身受各傷。究係何人下手傷重致死。亦未詳細聲敘。著徐忻再行悉心研鞫。務得確情。按律妥擬具奏。前任沁源縣降調知縣察隆阿。相驗草率遺漏。又未能審出實情。著即革職。以示懲儆。尋奏孫萬年實係起意將孫沅吟全家殺害。先後喝令伊子孫汶林砍斃孫楊氏。孫汶進砍斃孫

學忠。應仍照謀殺例問擬。下部議從之。○又諭昨日射鵰。乾清門侍衛散秩大臣公文輝頭等侍衛多爾濟帕拉木二等侍衛敬敷。伊克唐阿四人所射。俱屬平常。伊等著退出乾清門。文輝著在散秩大臣上行走。多爾濟帕拉木敬敷。伊克唐阿著在大門上行走。護軍統領福勒洪阿。身軀單弱。二等侍衛綿岐身軀過笨。均於乾清門侍衛差使不稱。福勒洪阿著在外行走。綿岐著在大門上行走。○以

大學士長齡署正藍旗滿洲都統○西安左翼副都統富森阿因病解任○以呼蘭河城守尉明禪為西安左翼副都統○以報銷軍需出力甘肅布政使顏伯燾接察使薩迎阿下部優敘○賞道員程喬來知州諸能定花翎餘升敘有差○以頭等侍衛德克莫槍獲二狐一鵬賞穿黃馬褂○賞南苑總領防禦各章京苑丞苑副並馬甲等銀幣有差給看守南苑各行宮苑戶一月錢糧海戶銀一千兩○

是日駐蹕舊衙門行宮翼日如之○辛亥上行圓○詣

元靈宮

永慕寺行禮○諭軍機大臣等惠顯等奏拉達克部長呈進奏書哈達花綉謝恩一摺前因拉達克擊解逆回加恩賞給該部長及小頭目薩莫等頂翎綉緞茲據惠顯等奏該部長敬備奏書一分哈達一方花綉一匹祈為代進因於體制不符未敢遽行呈進亦不便即

行駁回現將遞到各件暫為收存請旨辦理等語西藏沿邊小部落遇有事件向未呈遞奏書拉達克本非廓爾喀之列在藩封者可比今呈遞奏書等件原與向來體制不合該大臣等所見尚是但該部長究因賞給頂翎備物謝恩且奏書等件業已遞到收存若速行駁回轉恐該部長別生疑慮所有此次呈遞之件著該大臣等遇便呈進並著傳諭該部長以爾部落原不應呈遞奏書茲經本大

臣據情奏聞大皇帝嘉爾恭順姑准呈進此乃格外施恩並示體恤之意將此諭令知之○以乾清門二等侍衛扎勒罕奏槍獲黃羊賞穿黃馬褂○旌表守正捐軀直隸青縣民侯得美妻劉氏○壬子

上還圓明園○詣

安佑宮行禮○詣綺春園問

皇太后安○癸丑諭內閣提督銜塔爾巴哈台參贊大臣達凌阿著照副都統職銜給予養

廉銀四百兩。其隨甲錢糧照例支給。○又諭戶部奏籌議沿途備賞銀兩。並官員兵丁行裝賞銀。查照舊章。請旨遵辦。本年前詣盛京所有沿途備賞銀兩。著仍交直隸總督盛京戶部侍郎豫備。其應賞官員兵丁行裝銀十萬兩。著由戶部動撥。屆時分別給領。餘依議。○又諭戴三錫奏拏獲南川縣滋事匪徒。審明定擬一摺。此案四川南川縣匪徒羅聲甫。以伊曾拜從陶月三學得符咒。自能舞弄拳棒。傳徒一百餘人。因得錢無幾。起意糾眾搶掠。並私築營寨。逼脅鄉民入夥。殺斃不肯隨從之黃占榮等三人。經該署縣張瑞瀚。把總常金帶同兵役馳往查拏。該匪等膽敢施放鳥槍。肆行抗拒。致傷兵役團勇十餘人。該署縣隨令常金分帶兵勇。繞至寨後。兩面夾攻。該匪等率眾各持刀矛器械。突出拒捕。格殺差役三人。並傷團勇數人。兵丁等併力圍殺。經在營食糧之武生王揚庭。首先用刀將羅

聲甫砍斃。兵役等遂殺斃羅聲典等四十二人。復擒獲羅正舉等十六名口。其寨內拒守之劉淙魁等男婦二十餘名口。因火發概行燒斃。該員弁等立時進寨。將火撲滅。餘犯逃逸。不致蔓延。辦理甚為迅速。除羅正舉等十七犯業經正法外。其餘各犯罪名。著刑部速議具奏。武生王揚庭首先殲斃首犯。奮勇可嘉。著加恩即以把總拔補。貴州正安州知州陳五色。會同營弁拏獲逃至該州境內要犯十五名口。不分畛域。緝捕勤能。著加恩賞加知府銜。以示鼓勵。署南川縣候補同知張瑞瀚。著戴三錫查明。委署該縣。係何時到任。其本任知縣原係何人。並著查明具奏。此次文武各員。著該督將實係在事出力者。據實保奏。毋得稍有冒濫。其不肯從匪之黃占榮等三人。應如何卹賞。查明具奏。在逃各犯。著嚴飭各屬。並飛咨鄰省。一體嚴拏。務獲究辦。毋許一名漏網。○又諭戴三錫奏請撥賞卹兵

丁。並補製軍裝等項銀兩一摺。四川省官兵於道光六年分調赴口外。曾經該督奏撥銀十一萬兩存貯。以備支給俸賞行裝口糧之用。茲據查明。除各項報銷外。僅存銀三千九百五十四兩零。現在應給官兵卹賞傷賞。計需銀七千餘兩。又各標鎮協營出兵甘省口外。配帶帳房藥鉛火繩。應行補製還額。計需工料銀二萬一千餘兩。共需銀二萬八千餘兩。除前項存銀外。尚不敷銀二萬五千餘兩。著照所請。准其在於道光九年兵餉建賑項下。動撥銀二萬五千兩。另款存貯。分別動支。事竣覈實報銷。該部知道。○又諭鄂山奏請將丁憂同知服闋仍發陝省補用等語。陝西丁憂同知鄭謙。服闋後例應歸部銓選。茲據該撫奏稱。該員熟悉地方情形。請於服闋後仍發原省補用。與例不符。且恐各省紛紛陳奏。易滋流弊。所請著不准行。○又諭德英阿等奏承襲五品頂帶伊犁回子帕塔爾之子

阿布都哈爾懇請賞戴花翎。世襲罔替一摺。此次南路各城陣亡回子伯克之子嗣等均已加恩賞戴五品頂翎。世襲罔替。今伊犁回子七品伯克帕塔爾在喀什噶爾抵死拒守。不肯降賊。以致捐軀陣歿。所有承襲五品頂帶回子帕塔爾之子阿布都哈爾著加恩賞戴花翎。准其世襲罔替。該院知道。○諭軍機大臣等。寄諭雲貴總督阮元等。據戴三錫奏。拏獲南川縣滋事匪犯供稱首犯羅聲甫。於道光八年九月與同里之韋紹開自外回歸。聲言在雲南開化府拜從民人陶月三。學得符咒。用清水一盞。燒然檀香。畫符念咒。喫水之人。即有神附體。自能舞弄拳棒。名為少林神打。傳徒一百餘人。起意糾眾搶掠。並稱伊在開化知該處與越南國小潮地方接界。聞得有趙應龍欲在小潮盤踞。儻不能抗拒。官兵即奔往小潮。官兵不至追捕。並據羅聲甫之子羅正舉等供稱。陶月三又名陶三老。聞

羅聲甫說遇係種地鄉民在開化府麻柳坡地方居住等語著該督等即行派委妥員前往該處將陶月三一犯嚴拏到案訊明是否另有邪術惑眾情事據實具奏將此諭令知之○甲寅

上御閱武樓閱京營操○奉

皇太后幸萬壽山詣

廣潤祠拈香○諭內閣本年五月初四日寅時奉移

孝穆皇后梓宮是日午時移請

神牌俱派大阿哥行禮所有移請

神牌著照禮部所議辦理至奉移

孝穆皇后梓宮及暫安饗殿後四時致祭禮

儀著軍機大臣妥議具奏○又諭管理值年

旗王大臣等叢議富俊陳奏旗營設立官弓

統較弓力揀選議請挑缺時仍視其箭之中

靶與否以為去取並稱不得以專開勁弓便

為合式不知挽強而不能命中固難取錄若

祇能命中而弓力過輾亦宜旗營儲才本意所議皆一片畏難討好之心巧為駁斥忘本偷安不思振作且於設立官弓何以難行並未明白聲敘殊屬含混著仍交該值年旗另行妥議具奏嗣後各項侍衛及各旗營練習技藝選拔官兵總期挽強命中不得偏廢儻該員弁等於引見及校閱時經朕察出弓輓技庸者除將該官員兵丁即行斥革外並將該管大臣嚴懲不貸○禮部以宗室會試中

額請得旨取中四名○以閱看步營技藝賞

乾清門頭等侍衛奕山華山泰寧黃馬褂命

奕山在御前侍衛上行走○旌表守正捐軀

河南羅山縣民吳帽順妻姚氏○乙卯諭內

閣武隆阿奏循例編派年班一摺八城回子

阿奇木伯克等年班朝覲向例分為九班茲

據武隆阿將每年領班之三品阿奇木伯克

編列班次開單呈覽著即照所擬令其依次

入覲至喀什噶爾阿奇木伯克郡王伊薩克

前經降旨。准其於今歲年班隨帶伊子邁瑪特來京瞻觀。現據武隆阿奏。喀什噶爾等四城新定一切章程。尚須該伯克等一手經理。兼之西四城大小伯克。均係甫經補放。更替之人。本年年班。先就東四城指派。著照所請。所有喀什噶爾葉爾羌和闐英吉沙爾四城阿奇木伯克。俱准其緩至一二年後再行入覲。○諭軍機大臣等。據那彥成等奏。撫取投誠外夷。嚴防通商影射。酌議章程各條。朕詳加披閱。如晚諭布魯特有互相爭奪之事。不得告稟求援一款。外夷蠻觸相爭。天朝從不過問。自應將前降諭旨。宣示遠近。各布魯特。庶免稍生倖冀。又撫取歸順各布魯特。及相機控制二款。前據那彥成奏。稱卡外各愛曼。由近及遠。齊心向化。請賞頂翎。並優予歲俸。緞布等物。發給劉付。當經降旨。飭即設法停止。至結以恩信。示以大方。使之自安生計。自是羈縻外夷之道。布魯特犬羊成性。固不必

招之使來。亦不必揮之使去。其有慕化歸附者。祇當善為撫馭。一視同仁。以資控制。作我藩籬。著扎隆阿等體察情形。隨時妥辦。又嚴查霍罕影射貿易。及布魯特為安集延包攬代銷二款。嗣後各夷入卡貿易。責令各城阿奇木伯克細心密訪。究其來歷。如查有安集延影射貨物。即行入官。將該商販及攜帶之夷人從嚴究辦。照例治罪。布魯特祇准入卡販賣羊馬。易換糧布。如有別項貨物。即恐代人銷售。務當詳查確實。照例懲辦。永不准入卡通市。又稽查貿易出入人數。及私販接濟霍罕二款。嗣後無論他夷及布魯特。總由坐卡官員稟報。分別派令官兵點明人數進卡。事畢押送出卡。如有疏漏。將原派官兵。科以軍律懲辦。逗留卡內之夷人。押逐出卡。其前此寄居日久。未經驅逐之安集延。祇准種地。不准貿易。如有涸迹。易換貨物者。即將稍違。噶爾回子及管帶商回之伯克。從重究處。布

嗜特赴官購茶不得過一斤。如有敢夾帶私茶出卡者。即行入官。照例治罪。仍通咨臨卡各城。凡遇布嗜特入卡貿易。均不准逾額易茶。並不准夾帶雜茶。以杜接濟之弊。以上各款。務當實力奉行。不得有名無實。日久懈弛。至禁絕霍罕。俟其恭順。仍准通商一款。可以勿論。霍罕伯克。泥金書名。妄自尊大。此等犬羊之性。其恭順與否。亦何足與之較量。此時嚴定章程。禁絕貿易。自當認真查察。勿使影

射覬覦。令其窮蹙。自斃。若因其恭順。即許通商。其誠偽。又豈能遽辨。此一條著毋庸置議。將此諭令知之。○又諭武隆阿等覆奏官鋪餘利章程一摺。前因該城官鋪餘利。為津貼各項之需。係屬公事。降旨派武隆阿等一同經營。現在武隆阿已飭令來京。陛見。著派扎隆阿。額爾古倫。伊薩克。公同管理。所有添設專管之伯克等。並加派回務章京。監查各章程。俱著照武隆阿等所議辦理。該大臣等當

隨時認真稽覈。毋任稍滋弊端。將此諭令知之。○以吏部尚書文孚。署戶部尚書。刑部右侍郎海齡。署戶部右侍郎。兼管錢法堂事務。工部尚書穆彰阿。署步軍統領。定親王奕紹。署管理鑾儀衛事務。工部左侍郎阿爾邦阿。署茶膳房事務。總管內務府大臣達三。署御藥房事務。○以大學士托津。署正黃旗滿洲都統。都察院左都御史那清安。署鑲黃旗漢軍都統。○命伊犁領隊大臣中山來京。○以巡捕五

營官兵操演認真。步軍統領著英。左翼總兵奕經。右翼總兵福泰等。下部議敘。賞都司尹開慶等。級。兵丁等銀兩有差。○旌表守正捐軀湖北漢陽縣民陳松妻黃氏。貴州仁懷縣民平盛妻唐氏。○丙辰。諭內閣。李鴻賓奏。潮橋引鹽奏銷期限。請酌量展緩一摺。廣東潮橋地方。近年被水被風。埤鹽衝失。商本虧折。額引又復滯銷。據該督查明。上年四月起。應銷七年分引餉期內。正須趕折六年分鹽

引及帶徵嘉慶二十四年分緩徵課餉商力竭勢難同時並徵著照所請准其援案將本年五月內潮橋應銷道光七年分引餉展至十月底造冊奏銷此後奏銷之期遞年趕早一月仍按年復歸原限不准再有推展其從前展緩之餉著仍督飭該運司等照案催徵完解如再有完納不前即將該商人斥革監追照例治罪該部知道○以副都統銜呼倫貝爾總管西朗阿為伊犁領隊大臣○丁

巳祭

先蠶之神

皇后親詣行禮○諭內閣軍機大臣奏遵旨妥議奉移

孝穆皇后梓宮及

神牌奉安後四時致祭各禮儀俱著依議行其由寶華峪奉移妃衙門一切應辦事宜著派內務府大臣敬徵阿爾邦阿前往敬謹詳度妥為豫備屆期並派禮部尚書松筠前往

經理○又諭惇親王綿愷奏現購塋地懇恩賞借俸銀一摺綿愷著加恩賞給內庫銀六萬兩俾資營建毋庸借支俸銀以示體恤○又諭成格奏熱河書院義學經費不敷懇請借項發商生息一摺熱河地方本屬口外當以武備為重其各屬生童有肄習文藝者亦應加意培植惟該處書院設立有年脩膳膏火本有銀四百五十兩在獨石口等處地糧項下提解支發上年復奏准於都統各衙門

養廉內每年捐銀三百兩所立義學亦經捐廉辦理均足以資教育該都統請借項生息作為書院義學經費之處此時可毋庸置議著俟將來察看情形如果文風日起肄業生童人數眾多再行奏請○又諭成格奏請酌量開採煤窯一摺前據松筠奏熱河所屬各處煤薪昂貴請將封禁之小冰溝等處仍准開採當經降旨交成格體察情形具奏茲據查明該處柴薪愈伐愈少舊時開採各窯多

因水旺煤盡報明停止。若封閉處所。不予弛禁。恐熬採更形缺乏。殊於生計有關。惟概准開採。稽察亦屬難周。自應酌量妥為辦理。著照所請。准其將產煤最旺距縣甚近之建昌縣屬小冰溝。及距縣數十里之豐寧縣屬四道溝。赤峯縣屬柳條子溝。朝陽縣屬大楊樹溝。均著招商試採。期限半年。如果煤旺。罷成再行領帖輪課。該都統務當嚴飭各該地方官。隨時認真稽查彈壓。毋許匪徒洩逆滋事。

並不准以煤線透露為詞。紛紛報採。藉端影射。總期於蒙古民人生計有裨。而於地方亦不致滋擾。方為妥善。該部知道。○禮部以會試中額請。得旨。滿洲取中八名。蒙古取中四名。漢軍取中五名。直隸取中二十二名。奉天取中二名。山東取中十八名。山西取中九名。河南取中九名。陝甘取中六名。江蘇取中十八名。安徽取中十三名。浙江取中二十二名。江西取中十七名。湖北取中九名。湖南取中

七名。福建取中十名。廣東取中十名。廣西取中六名。四川取中六名。雲南取中八名。貴州取中五名。○盛京將軍奕額奏。查明考試宗室覺羅稽察章程。場內稽察已屬嚴密。惟場外官兵較少。應酌添前鋒佐領二員。率領前鋒二十名。步營防禦一員。率領步兵十名。周圍巡邏。嚴行查拏。槍情傳遞諸弊。亦自可除。得旨。嗣後如遇考試之期。俱照此次辦理。然必須認真稽察。有犯必懲。不准含混為要。○

命盛京禮部侍郎訥音布。兵部侍郎那丹珠查勘夏園。

闕帝廟。巨流河。

河神廟工程。○戊午。

上詣

皇太后宮問安。○馬蘭鎮總兵官黃文煜奏。遵查三家店等行宮內陳設鋪墊。敬擬分別移存。併酌留兵丁看守。請將大新莊行宮陳設移於煙郊行宮。三家店蘭溝陳設移於南石

槽行宮。羅家橋陳設移於密雲縣行宮。另冊收存。至四處殿宇房間。並裝修等項。既緩拆卸。酌擬每處暫留兵四名。晝夜巡邏。照前看守。俟拆卸後。再行撤撤。其餘千總兵丁等。撤交盤山湯泉兩總管。分撥各處當差。遇缺扣補。再各升兵等承種營盤地畝。現既留兵看守。仍交該兵丁等照舊認種。俟將來拆卸行宮後。再為酌覈辦理。從之。○命山東巡撫琦善來京。以漕運總督訥爾經額為山東巡撫。

倉場侍郎朱桂植。為漕運總督。未到任。前命大學士兩江總督蔣攸銑兼署。調刑部右侍郎邱樹棠為倉場侍郎。以貴州布政使祁項為刑部右侍郎。福建按察使鄂順安為貴州布政使。調安徽按察使岳良為福建按察使。以山東濟東泰武臨道恩特亨額為安徽按察使。○予回疆陣亡甘肅把總王有貴。外委李珍祭葬。世職如例。○已未。

上幸靜明園詣

龍神廟拈香。○諭內閣屠之申奏。

西陵歲需太宰。請仍照定例辦理一摺。前經奕綺等奏准。將

西陵大祭所用太宰。交直隸就近州縣採買。茲據屠之申查明。附近州縣。除房山涿州等處。本已承辦太常寺牛隻外。其易州涿水廣昌三州縣。均屬近山之區。村莊本少。民間買賣牛隻無多。若將此項正用牛隻。改交州縣採買。諸多窒礙。著仍照定例。由承辦事務衙門。

赴口外採辦。免滋地方流弊。以專責成。而昭慎重。○閩浙總督孫爾準等覆奏。閩省獲解洋盜。無庸再籌捕盜解費。得旨。除著安良。封疆大吏之責。自不待言矣。惟當不時留心。如有捕務廢弛之文武。斷不准稍有姑容。以致閭閻商旅受害。且海疆尤關緊要。更宜加慎。○以故杜爾伯特親王貢噶諾爾布族弟棍布扎布襲爵。○庚申。

上御勤政殿聽政。○命禮部尚書松筠吏部右

侍郎白鏐馳往直隸審新城縣白馬氏控案
○以都察院左都御史那清安署禮部尚書
大學士長齡署兵部尚書○以刑部尚書明
山署鑲白旗滿洲都統○以詹事府詹事隆
文為內閣學士兼禮部侍郎銜翰林院侍讀
學士德興為太僕寺卿○命太常寺少卿程
德楷提督江西學政○辛酉貴州巡撫嵩孚
奏委臬司出省查辦南川縣匪徒得旨嚴密
查訪如有匪徒潛匿或煽惑愚民必須立即
拏究不可姑容苟且貽患將來至屬員等喜
事邀功吏書藉端滋擾尤當加意防之毋怠
○壬戌
上御含輝樓閱侍衛等騎射○諭內閣奉移
孝穆皇后梓宮
神牌暫安寶華峪妃衙門饗殿據敬徵等詳
細丈量覈計請於饗殿中間添安板牆扁扇
以備安奉
梓宮東暖閣

神龕內寶牀進深加寬三寸以數安設香龕
西稍間添安扁扇供奉佛龕收貯陳設著照
所議辦理其座褥幃幔著內務府照現議尺
寸用明黃緞製備至內園若用太監值宿常
川出入轉不嚴肅著於暫安後將殿宇宮門
扃鎖加用該總管內務府大臣印封每日清
晨著該處郎中帶同首領太監進內驗視灑
掃報明總兵兼總管內務府大臣一次該總
兵每屆數日親往查驗一次其宮門圍牆外
准添建堆撥房八處設八旗官四員兵二十
名綠營官四員兵三十名晝夜守護巡防並
著該處總管一員翼長二員常川輪班值宿
以資稽查而昭慎重○諭軍機大臣等據張
井等奏稱漕船倒塘灌放現已渡黃船二千
三百餘隻倒塘順利惟後船抵壩者祇二百
餘隻浙省並江廣幫船已報渡江者僅止湖
北兩幫及杭嚴三一幫其餘各幫尚未據報
進口等語本年倒放軍船既稱順利亟應乘

機趣渡時已將交夏令。在後漕船尚未跟接。抵壩是否江口一帶淺滯。抑別有耽延。蔣攸銑自己委員迎提。昨復降旨令該督兼署漕督。著再行嚴催趲進。務令跟接抵壩。以便及時挽渡。無得任令脫幫。致逾定限。將此諭令知之。○又諭張井等奏報桃汛安瀾一摺。本年桃汛期內。黃水報長。各廳臨黃埽壩。間有喫重之處。經該河督等飭令該管各道先期擇要加鎮。俾資抵禦。其餘埽段著趕緊鑲修。

完整。以禦大汛。至堰圩兩廳大隄。分年加幫。五丈土工。業已劃分工段。著即派員趕辦。其節次風掣石工。著查明新舊。分別應估應賠。責成原辦各員。即行採石興修。均勒限於大汛以前一律完竣。該河督等嚴飭承辦之員認真經理。務期工堅料實。不至虛糜帑項。該河督等仍當隨時前赴工次。留心稽察。如查有偷減草率情弊。或修理稍不如式者。即行據實嚴叅。並著於工竣後親往驗收。毋任屬

員稍有朦混。致滋弊竇。將此諭令知之。○又諭現在京中能書拉體訥字者。祇有謝觀廷一人。遇有應譯應寫文移等件。無人接續辦理。著李鴻寶延隆於廣東洋行貿易漢人能譯寫拉體訥字。通曉文理者。揀選二人。奏明送京。給與錢糧當差。將此諭令知之。○旌表守正捐軀直隸清豐縣民孫建汶妻谷氏。○癸亥。諭內閣。管理值年旗王大臣等。復將旗營設立官弓。覈實挑缺。另行妥議。著照所請。

嗣後前鋒護軍健銳火器各營。每營設立六力官弓數張。挑缺時先以官弓開試。裕如者方准較射。仍以中靶為去取。其挽強而不能命中。與中靶而弓力稍軟者。俱不准挑取其領催馬甲挑缺。著仍照舊制辦理。各該旗都統副都統等。仍不時嚴行教誡。勤加操練。勿任日久懈弛。○命正藍旗蒙古副都統乾清門侍衛蘇清阿在御前侍衛上行走。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十四

中書

五

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十五

欽此
道光九年己丑夏四月甲子朔享
太廟遣皇長子奕緯恭代行禮○諭內閣奕額
等奏敬謹籌辦
啓運殿柁梁一摺與京
啓運殿西間大梁北首現有朽朽沈垂情形著
照奕額等所請即於現在採獲柁梁二件內
擇其稍次之件趕緊將舊柁設法抽換所需
工價於工竣時覈實報銷並著欽天監擇吉
恭請
神牌還御用昭敬慎其選出質性堅實之料著

妥為安置。俟風晾乾透後。再行奏請興修。○又諭。伊里布奏。土司應贖田土。力難全贖。酌議辦理一摺。雲南省永北土司目夷。先年典賣田地。前經清查。奏分三限取贖。今因土司貧乏。夷民拮据。致限滿後。除已贖外。尚有未贖契價銀十萬四千九百餘兩。體察情形。委係力有未逮。自應量為變通辦理。著照所請。將前項未贖田土。免其再行勒限。准該土司目夷隨時措價。陸續取贖。如日久仍有未能回贖。情願將田土找賣與漢民者。即令漢民找價管業。其有願將田土計價劃歸漢民執業。餘田退還土司夷民耕種者。均聽其便。並令呈明該廳轉報查覈。仍著嚴飭該土司。將已贖田地督率夷民慎守耕管。以裕生計。如敢復行私自典賣。查出照例治罪。○諭軍機大臣等。御史朱士林奏。籌濬徒陽運河一摺。江蘇徒陽運河。每歲興挑。仍形淺阻。殊於漕運經行大有關係。據該御史奏稱欲通運道。

先濬河身。欲濬河身。先除岸旁積土。所奏不為無見。著蔣攸銓。陶澍會同悉心籌議。如何將岸旁積土設法起除。並挑出泥沙。不得再於岸旁堆積之處。體察情形。據實奏明。督同承辦各員。妥為經理。至該督等前經奏請修復下練湖。開墾以期蓄水。恐停蓄稍深。於上練湖民田易至浸滂。著該督等一併查勘具奏。該御史原摺。著鈔寄閱看。將此諭令知之。○旌表守正捐軀江蘇上元縣現官直隸蔚州知州包駿媳陳氏。○修山東運河。泗河二廳屬鉅嘉汛。汶上汛。滕汛。隄閘。從河道總督嚴烺請也。○乙丑。上詣綺春園問皇太后安。○諭內閣。吏部奏。覈議御史安豐奏。嚴禁京外書吏總役朋充一摺。著照所議。嗣後各衙門書吏掣補時。定限十日內。一面取結。一面承充。俟取結到部。即作為該吏著役日期。不准另有代辦名目。其取結時行文各

該省遵照定限。即行報部。毋得延緩。該吏家屬具結逾限。即將該吏黜革。如有朋充戀役情弊。將該吏按律治罪。並將出具保結之書吏一併斥革。至各關書吏頂替朋充。尤所不免。著責成各關監督。嚴行飭禁。有犯必懲。並不准於監督任滿時通情舉保。任意留充。盤踞。僅該監督有瞻徇情事。著各該督撫查明參奏。照例議處。自此次申諭之後。各該管官務當隨時認真查察。實力奉行。儻日久懈。

生。仍致該書吏有朋充戀役之弊。或被人告發。或別經參奏。除將該吏按律治罪外。定將失察之該管官一併懲處不貸。○又諭刑部議奏雲南巡撫伊里布具題恩樂縣民李迎燦毆傷胞兄李迎彩身死一案。查曩情節。該犯李迎燦與伊兄李迎彩口角爭辯。當伊兄撲毆之時。儘可脫身逃避。乃即奮拳毆打。迨後被揪被擒。該犯未受寸傷。輒敢逞肆毆踢。統計傷至九處之多。干犯情形顯然。案係互

鬥。與實在被毆抵格。無心適傷者不同。經該撫將李迎燦按律擬以斬決。仍援例夾簽聲請。於情罪殊未允協。應即照刑部所議更正。李迎燦著按律問擬斬立決。所有該撫聲明並非有心干犯之處。著無庸議。並著通諭各督撫嗣後卑幼毆傷期功尊長致死。罪干斬決之案。除係救親情切及毆死罪犯應死之尊長。仍俱照例夾簽聲請外。如尋常與尊長相毆致死之案。必係實在被毆情急抵格適

傷情可矜憫者。方准聲明並非有心干犯字樣。若傷多且重。雖被尊長毆毆抵格致斃。即係互鬥。按律擬以斬決。庶於矜恤之中。不廢明刑弼教之義。○諭軍機大臣等。朕聞湖北蘄水縣人潘奇峰精通堪輿。現有應須相度之處。著楊健飭屬傳到潘奇峰。量給盤費。並派委妥員伴送來京。將此諭令知之。○旌表守正捐軀江蘇鹽城縣民陳長春媳王氏。○丙寅諭內閣。劉廷斌等奏。拏獲強竊夥盜。並

窩匪職員。分別審辦一摺。此案臺灣府嘉義縣已革捐職州同李朝儀。於雇工陳修。夥同陳達強劫一案。恃符窩容不肯迴。非平民及尋常過犯可比。僅照例擬以發遣。不足蔽辜。李朝儀著於犯事地方枷號兩箇月。滿日發黑龍江充當苦差。不准援減。以示懲儆。○以正藍旗蒙古副都統蘇清阿。為正藍旗護軍統領。○以緝捕擒匪出力。賞河南知縣周以忻。同知銜。葉先張。知州銜。餘議敘有差。○丁卯。

上詣

時應宮。

昭顯廟拈香。○還宮。○旌表守正捐軀四川富順縣民婦何呂氏抱養女黃閨姑。○以常

雩祀

天於

圉丘。自是日始。齋戒三日。○戊辰。諭內閣。戶部奏。要議長蘆鹽政。阿揚阿奏。請將加價展限

一摺。蘆商加價銀兩。向係當年按季提完。分春秋二季報撥。上年籌補課帑章程。並未加緊限期。該商等自應按限清完。冬季加價銀數。雖屬無多。若一經展限。或致各項應徵課款。亦不能依限全完。殊於釐政大有關係。但據該鹽政奏稱。趕辦春運。為一年課項所關。若再兼完冬季加價。恐不免顧此失彼。亦係實在情形。姑著准其將道光八年冬季加價銀兩。展至本年五月徵完奏報。至九年春夏

秋冬四季應完兩項加價。仍著按限提完。報撥。於十年二月彙齊具奏。不得因上年冬季加價。業准奏展。以致遞行積壓。其餘隨引帶交課款。並引課租息。內外幣利。帶完六七兩年分限加價等款。並著均按原限上緊完交。如此後稍有拖延。即將該商等從重治罪。並將辦理不善之鹽政。運使。嚴參懲處。再蘆商應完正雜帑利等項銀兩。迄今未據造報。著該鹽政即將道光八年應交各款。遵照奏定

章程。分晰款目。彙總造冊。迅速送部。以憑綜覈。○又諭。延隆奏。請變通招募新商章程一摺。粵省開設洋行。向來止憑一二商保結。即准承充。自嘉慶年間。奏准設立總商經理。其選充新商。責令總散各商聯名保結。該總商等往往意存推諉。以致新商格於成例。不便著充。數年以來。夷船日多。行戶日少。照料難周。易滋弊竇。自應量為變通。著照所請。嗣後如有身家殷實。呈請充商者。該監督察訪得

實。准其暫行試辦。一二年。果能貿易公平。夷商信服。交納餉項。不致虧短。即照舊例。一二商取保著充。其總散各商聯名保結之例。著即停止。○又諭。倫布多爾濟等奏。總理土謝圖汗車臣汗兩部落卡倫之公薩滿達巴達喇。舊疾復發。暫時不能就痊。所遺員缺。請另揀人員管理等語。該部落參贊貝子蘊端巴咱爾。年力精壯。諳練事務。薩滿達巴達喇所遺員缺。著照所請。准其即派蘊端巴咱爾總

理土謝圖汗車臣汗兩部落卡倫。○旌表守正捐軀山東金鄉縣民賈瑣妻劉氏。守正被戕。廣東連山縣民唐成賜妻何氏。○己巳上詣

南郊齋宮齋宿。○諭軍機大臣等。據那彥成奏。回疆兵民商回有干例禁。應行出示永禁各條。朕詳加披閱。內如責成各城阿奇木逐戶搜查私藏私造軍械鳥槍一條。徒多擾累。嚴禁阿奇木伯克及眾伯克姦占淫靡一條。徒

增案牘之煩。嚴禁回子與外夷私買私賣人口一條。亦非備邊急務。此三條著毋庸置議。其餘查禁私礦私硝。嚴防私販私鑄。稽察各城回子出卡與外夷勾結。禁止大小伯克占據水利。稽查暫准居住卡內之安集延每月增減人數。不准與回子聯姻。嚴禁招引回婦私入滿城。飭禁牧放營馬踐食回子田禾。禁止商民重利盤剝窮回。及稽察內地漢回出關充當阿渾。擅娶回婦各條。所議俱是。又慎

選回子阿渾。嚴禁兵丁私入回莊游蕩。及防兵漢民霸占回子園地。稽查內地漢民私赴回疆各條。所議俱好。著照所請。交扎隆阿等。詳寫簡明告示。通行曉諭。城莊回戶商民等。務令周知。並著咨行回疆各城一體出示。徧行曉諭。如有干犯。均即據實究辦。勿得視為具文。將此諭知扎隆阿。並諭額爾古倫伊薩克知之。○又諭。那彥成覆奏。擬給恭順布魯特歲俸劄付。並未發給。現點交扎隆阿暫存。

一摺。前因那彥成請給布魯特等歲俸。並未奏明請旨。率行發給劄付。降旨令與扎隆阿體察情形。設法停止。茲據奏稱。擬賞之布魯特四十三人內。除乾隆年間曾賞有翎頂者十七人外。此次軍營出力獎賞翎頂者十六人。其餘如額提格訥之阿里瑪卡等五名。蘇蘭奇族人拜莫拉特等二名。善後出力之托依邁特等三名。均係節次奏明賞給。前摺止於未經分晰奏陳。其歲俸劄付。亦尚未發給。

所有那彥成自請交部議處之處。加恩寬免。其歲俸劄付。著扎隆阿詳細點明。即行銷燬。無得再行存留。又另摺奏將善後事宜。詳細交代扎隆阿照辦。尚無不可。惟稱霍罕不久必叩關效順。與之詳細條約。准其通商一節。仍在夢中。不特被擄內地兵民。無庸責令送出。即首逆家屬。亦何必示意令其縛獻。此後斷不准擅差卡內回子前往霍罕妄通一語。即使該伯克遣人來卡。亦斷不准該參贊等。

即令入卡接見。總當遵照節次諭旨。嚴查防範。勿致稍有冒混。通商偷漏茶葉大黃之事。如實在窮迫不支。誠心誓服。款關效順。一面仍示峻絕。一面據實奏明。請旨遵辦。斷不可輕聽妄信。草率從事。將此諭知扎隆阿。並諭那彥成知之。○庚午。常寧。記。

天於

圓丘

上親詣行禮。○詣

關帝廟拈香。○幸圓明園。○詰綺春園問

皇太后安。○諭內閣。本日恭祀

雪壇。舒英誤引失儀。著交部議處。尋議上得旨

吏部議將禮部左侍郎兼管太常寺事務舒

英。照溺職例革職。著拔去花翎。加恩改為革

職留任。○又諭。松筠等奏。查訊民婦白馬氏

京控新城縣營弁朋謀誣陷伊子白勤。致拖

累斃命大概情形一摺。署新雄營都司守備

楊銘。傳令妓女同坐共食。敬供。誣指白勤宿

倡月分。以為檢拾餉鞘之據。復留妓女住宿。

實屬可惡。楊銘著革職。交松筠等秉公

嚴審。勿任狡展。其白馬氏在都察院所供等

士剛說合賄和等情。務當究訊明確。按律定

擬具奏。○又諭。裕泰奏。漕船幫給北費銀兩

請由銜催收一摺。湖南三幫漕船。向有公幫

北費銀兩。係由各丁自行催收。其間運丁藉

詞浮索。或刁軍抗不幫給。迨至新漕緊急。每

因北費不齊。互相推諉。以致漕船等待。不能

速開。於運務殊有關係。茲據該護撫查明。改

由衛官催收。著照所請。嗣後各船北費銀兩

即責成各衛豫行催收。按船封固。解道驗明。

眼同押運。應弁及各衛散給各運丁親領。不

准書吏伍長經手。以杜侵扣。儻衛官有虧缺

情事。即行嚴參追辦。以利漕運。而免遲誤。○

又諭。裕泰奏。甄別辦事任性不洽與情之知

縣一摺。湖南巴陵縣知縣嚴暉吉。既據該護

撫奏稱該員偏執粗率。不洽輿情。著勒令休

致。各省牧令之賢否。關係地方之治忽。各該

督撫原應隨時查察。嚴行甄覈。然必須將其

庸劣款跡。據實陳奏。庶可以昭鑒戒。而飭官

常。近來各省大吏之於所屬。非不留心察訪。

隨時甄別。而亦有因其事若實。即不止於

斥革者。遂以平庸疏率等語。從寬空參。僅予

改降休致。轉令被劾者有所藉口。豈整肅吏

治之道。即如裕泰所參之嚴暉吉一員。既經

撤任於前。又復甄別於後。其庸劣不職可知。

是以降旨勒令休致。嗣後直省督撫甄別所屬。務須究明劣款。覈實參辦。不得僅以空詞奏效。致失平允。○貸湖南乾州鳳凰。永綏。古丈。保靖五廳縣上年被旱。屯丁苗佃口糧籽種。○辛未諭內閣。嵩孚等奏。已革房縣知縣王綱典史張紹宗。誣良為盜。捏稟冒功。審訊眾證已明。仍復狡執不服。請欽派大臣審辦一摺。著湯金釗。保昌。於四川審案完結後。即赴湖北提集此案人證。秉公嚴審。按律定擬具奏。○諭軍機大臣等。前據嵩孚等奏。荊州水師營守備張湖。呈報查獲前任四川學政潘光藻船上私鹽。轉被誣搶勒賠。該學政亦用印封致信該督等。稱係被守卡官弁圍船搶毆。與該守備所稟情節不符。當經降旨將張湖革職。潘光藻暫留該省備質。計期將及三月。尚未據審明奏結。是否該守備縱容弁兵等。藉查緝私鹽。搶詐滋事。飾詞捏稟。抑係該學政竟有不法情事。或係家丁舵工水

手等倚勢夾帶私鹽。著湯金釗。保昌。於赴湖北時。一併將此案人證卷宗提集。秉公審訊。務得確情。定擬奏結。勿稍含混。將此諭令知之。○又諭。昨因那彥成奏。霍罕生計日蹙。不久必叩關效順。與彼條約。仍准通商。降旨飭諭扎隆阿等。遵照節次諭旨。嚴防峻拒。不可輕聽妄信。該參贊等自當懷遵。照辦。控馭外夷之道。務在鎮靜。況霍罕妄自尊大。輒以逆裔居為奇貨。在我示以無足重輕。尚恐妄有希冀。乃前此那彥成等屢次遣人示意設謀。志在必得而後已。設該夷窺視此意。竟敢作偽嘗試。何從辨明真假。豈不墮其術中。為彼竊笑。此時無論該夷是否窮蹙。是否削弱。總不可有意招致。即使因禁絕貿易。嚴察偷漏。實有窮迫不支之勢。竟將首逆家屬縛獻。或函送首級前來。尤須防其以偽亂真。勿稍疏率。如果實無虛假。必須確有憑據。仍應飭令該夷使在卡外聽候。諭以此事必俟奏明大

皇帝候旨定奪。一面祇由五百里具奏請旨。不可以此即為該伯克奇功。稍涉張皇也。將此附報便密諭知之。○壬申。諭軍機大臣等。昨據松筠等奏。審訊白馬氏京控新城縣營弁等。朋謀陷害伊子白勤致死一案。究出署都司楊銘等。故供誣捏情由。業經降旨。將楊銘革職。等因。嚴審究辦。此案既經究出。故供情弊。則白勤之被誣受害。情事顯然。該省承審各員。未能虛衷研鞫。致白勤無辜斃命。著

於定案時。將承審各員。及該護督等一併附奏。本日又據御史王琦慶奏。該護督屠之申。於疏失餉鞘緝限。期滿不惟不行。奏。並欲為屬員開脫處分。徇庇於前。及白勤斃命。始請將胡鈞撤任。於熱審致斃一節。匿不聲敘。復朦混於後。辦理實為錯謬。著松筠等。務將所參各情。確切查明。據實具奏。勿稍顛預。該御史摺著鈔。等因。看。將此諭令知之。○又諭。本日據步軍統領衙門奏。盤獲形跡可疑。

欲行告狀人犯羅瓏州一名。據供向隨其祖羅起。著。在山東沂澤縣開設藥舖。嘉慶十八年間。回江西原籍。本年三月。又赴山東謀生。途遇素識民人艾光明。向伊告知山東定陶縣曹縣捕頭陸德。早役張姓等。勾串民人。起白蓮教會。有一百十餘人。又有白蓮教十餘人。俱在定陶縣吳把總衙門當兵。無人敢拏。艾光明因聞其進京。囑伊即便首告等語。山東定陶曹縣地方。向多習教匪徒。該犯所供。

是否屬實。抑另有別情。現已明降諭旨。將該犯羅瓏州解交訥爾經額審辦。著該撫即將艾光明一犯。密速查拏。究訊確情。並遴委妥員。密訪該役陸德等。有無起會習教之事。詳查明確。據實具奏。將此諭令知之。尋訊誣坐如律。○修直隸潮白河土堤草壩。從獲總督屠之申請也。○癸酉。以吏部尚書文孚。為滿洲總譯會試正考官。刑部右侍郎海齡。為副考官。○今四川總督戴三錫來京。以前任山

東巡撫琦善。為四川總督。○甲戌。以大學士長齡。署吏部尚書。理藩院尚書富俊。署鑲藍旗滿洲都統。吏部右侍郎祿恩。署工部右侍郎。兼管錢法堂事務。○調福建海壇鎮總兵官湯攀龍。為浙江黃巖鎮總兵官。○以捐修浙江江山縣城工。知縣楊紹霆。下部議敘。賞生員鄭宗健。民人王朝笏。八品頂帶。○乙亥。諭內閣。徐忻奏。查閱營伍一摺。馬槍一項。各營俱屬生疏。必須認真演習。該撫此次校閱。業經將施放馬槍。參差錯誤者。分別責懲。著即嚴飭各鎮。督率各營弁兵。勤加操練。務臻嫻熟。該撫仍當隨時查察。毋許稍有疏懈。○諭軍機大臣等。吳惠奏。酌議烏魯木齊抽收茶稅一摺。回疆行茶規條。前據那彥成德英阿等先後具奏。經朕特派托津。長齡。富俊會同戶部悉心覈議。已據覆奏。回疆伊犁抽收茶稅。事屬難行。各城茶務。應仍照舊章辦理。無須另議更張。業經降旨依議。烏魯木齊事

同一例。著該都統仍遵照舊日章程妥辦。其所奏烏魯木齊收稅各條款。並另片奏稱古城戶堡子地方添設卡倫之處。俱無庸議。將此諭令知之。○貸山西太谷。交城。襄陵。鄉寧。潞城。大同。山陰。廣靈。陽高。朔。猗氏。和順。沁源。定襄。靜樂。五臺。河曲。夏。稷山。霍。蒲。薩。拉。齊。二十三廳州縣上年歉收。常平倉穀。並緩石玉。臨汾。靈石。大同。霍。五州縣應買節年動缺穀石。○丙子。諭內閣。著於五月初四日寅時奉移。李穆皇后梓宮。暫安寶華峪正殿。是日午時移請神牌於東配殿。仍派大阿哥行禮。其一切應辦事宜。著派敬徵。阿爾邦阿。敬謹妥為經理。所有前議於妃衙門奉安。並禧恩等奏請添建觀殿之處。俱著無庸置議。○又諭。孫爾準等奏。甄別府廳知縣一摺。知縣改補敕職。從前定例。除自行呈請改敘者。不拘年限外。其

由督撫甄別之員。實任已逾半年。即以原品休致。概不准復行改敘。道光二年。復經御史趙柄陳奏。降旨通行。茲該督等以寧德縣知縣李瓊標才識迂拘。難膺民社。因係舉人出身。請以教職改用。該員在任已及四年。既係才不勝任。即應勒令休致。該督等何以不遵定例。含混奏請。孫爾準。韓克均。俱著傳旨嚴行申飭。李瓊標著勒令休致。所請以教職改用之處。著不准行。嗣後各直省督撫甄別屬

員。務須遵例覈辦。如有朦混具奏者。定即重懲不貸。○命土爾扈特汗策登多爾濟。在乾清門行走。賞三眼花翎。四團龍補服。○丁丑上詣綺春園問

皇太后安。○諭內閣。刑部題駁安徽巡撫御廷楨審擬謝亭照。聽從王垂紳。追毆捕役史懷身死一案。部駁甚是。此案王桂沅。富留賊匪。本係罪人。史懷奉差緝拏。亦有應捕之責。與王垂紳等毫無干涉。何以一聞犯父控告之

詞。輒起意糾毆。且原賊現在差役之手。該役等既向分辦。王垂紳等尚復逞兇。將差役毆斃。其所供不知窩竊情事。全不足信。且兩造人數相等。何致竟將獲犯打脫。尤恐糾毆尚不止此數。該撫以聚眾奪犯。殺差之案。並不詳細研訊。輒憑各犯狡飾之詞。率照凡關定擬。案情既多未確。罪名出入懸殊。著鄧廷楨悉心覆加研鞫。務得確情。另行妥擬具奏。以成信。尋奏。謝亭照實因誤信史懷等冒捕

妄拏。追毆致斃。委不知王桂沅有窩竊情事。請仍照原擬科斷。下部議從之。○又諭。屠之申奏。特參虧短倉庫之已故知縣一指。已故調任直隸永年縣知縣李景岱。前在獲鹿縣任內。經手倉庫錢糧。共虧短銀一萬六千九百七十餘兩。一字簡缺。在任二年有餘。何至虧空如許之多。該故員固屬可惡。總督藩司之姑姪。殆同輩。贖吏治官方。不問可知矣。所有該故員李景岱任所資財。及原籍家產。著

一併嚴密查抄。分別變抵。並著該護督飭提經手丁胥人等。及一切卷據。嚴切究辦。勿稍寬縱。○葉爾羌參贊大臣扎隆阿奏報到任得旨。汝係朕特加擢用。授以邊疆重任。務要刻刻留心。正己率下。撫馭內地。回眾暨卡外諸部。恩威並行。自不待言矣。而尤貴乎公明誠信。風土夷情。有難盡繩之以法。總在隨機審度。務得其平。文武屬員。以及服役人等。留心稽查。不准滋擾生事。違者從嚴懲辦。勿令回眾輕視。慎之勉之。○准山西武舉郝大興江西武舉候選衛千總李思廣。程庭拔。重赴鷹揚宴。○戊寅。諭內閣。五月初四日。奉移孝穆皇后梓宮神牌。著俱用寅時。先移神牌。安奉寶華峪東配殿。再移梓宮。安奉正殿。以便行禮。○又諭。觀喜等奏請將損壞礮位。照式改造。撞礮一摺。荊州滿洲營額設礮位。年久半皆損壞。該將軍查明不堪應用者。二十位。請做照直隸式樣。改造。

撞礮四十位。所需鑄鑄工費。著照所請。於該營獎賞項下。動撥製造。歸於年終聲明題銷。此項礮位。既經改製。務須堅固。如式。該將軍等督同勤加操練。悉臻純熟。勿稍怠玩。○撥奉天復州倉米七千石。蓋平縣倉米八千石。移貯新民廳。○己卯。諭內閣。松筠奏。拾獲匿名揭帖。因關繫通省政治。官方。據實密奏。一摺。匿名告訐。最為風俗人心之害。曾奉皇考仁宗睿皇帝諭旨。有拾獲者。即行銷燬。不准具奏。茲松筠因揭帖內。指控該省大吏。不敢不密行陳奏。摺內已將定例聲明。尚無不合。惟揭控各款。如果屬實。何不出名呈控。逞此鬼蜮伎倆。甚為可惡。著將所拾揭帖。發交松筠。即行銷燬。嗣後凡有拾獲匿名揭帖者。仍照定例。將原帖銷燬。斷不准率行入奏。致干吏議。○又諭。松筠等奏。參直隸疏失餉鞘。審辦錯謬。各員。請分別交議。一摺。此案外委白勤。被誣到官。保定府知府白明義。並不虛

吏研鞠訪求賊證率以傳播謠言臺次熬審致令病斃又不將白勤致死緣由即行稟報直至二月初三日始行出詳尤屬任意遲延署臬司清河道陶樸風聞無據之言不行確查輒稟該護督提省審辦又不嚴飭該府等悉心查審咎有應得白明義陶樸俱著交部嚴加議處委審候補知縣歐聲振隨同鞠訊未能究出被誣實情著交部議處護理直隸總督屠之申於御史王琦慶所參欲為屬員

開脫處分一節雖非徇庇究屬遲延且於白勤被誣之案不容虛實輒委守備楊銘查拏既不能究出教供情弊又未審有端倪率行具奏雖於摺內未經聲敘白勤病故緣由因該府遲延所致何至近在同城漫無覺察迨據詳報又不即時奏緝種種錯謬咎無可辭著交部嚴加議處尋議上屠之申降三級調用陶樸降四級調用白明義革職歐聲振降一級調用從之○以署鎮紅旗漢軍都統博

啓圖為正白旗蒙古都統○庚辰孝端文皇后忌辰遣官祭

昭陵○諭內閣土爾扈特汗策登多爾濟現回遊牧道途遙遠著加恩准其馳驛前往○辛巳諭內閣徐忻奏普商行銷豫省引鹽請仍照舊章辦理一摺河東各商行銷豫鹽自嘉慶二十四年改議章程商運民銷原為調劑商力俾資辦運上年據楊國楨奏潞鹽改歸民銷以來價值增昂請於河南汝州南陽三

府州各設一廠飭商分運發售酌加鹽價當經飭部覆議准行仍令山西巡撫體察情形務期行之久遠不致再議更張茲據該撫委員赴豫省行銷潞鹽各屬周歷訪查各該處城市村鎮均有行店鋪廠其僻壤遠鄉不乏肩挑馱載既無淡食之虞並亦不致食貴若分設鹽廠責令輾轉販運加一切繁費賠累難支民食未缺而商力轉疲難期行之久遠等語行銷引鹽之道恤民兼須恤商若果

民虞淡食。豈容該商藉詞推諉。既據該撫查明。商銷民銷。與問間毫無損益。而一經更改舊章。商力轉形疲乏。是未能恤民而先致累商。立法豈能經久。且近年以來。商民相安。運課無誤。何必復議更張。著照所請。仍照嘉慶二十四年議定章程辦理。該部知道。○以翰林院侍讀恩桂。充日講起居注官。○賞會試年老舉人梁履端等十一名編修檢討學正職銜有差。○壬午。

上奉

皇太后幸如園進膳。○諭軍機大臣等。屠之申奏派員雇備人夫一摺。此次奉移孝穆皇后梓宮。需用損失。業經工部行文咨會該護督。仍用鑾儀衛校尉。無須直隸豫備人夫。所有屠之申奏派員雇備之處。著無庸議。將此諭令知之。○禮部以繕譯會試中額請。得旨。取中三名。○以禮部尚書松筠。著直隸總督。調甘肅布政使顏伯璽。為直隸布政

使。未到任前。命按察使戴宗沅署理。以天津道李振書署按察使。○貸盛京派出應行出差官二百七十二員一年俸銀。兵六千一百十四名半年錢糧。○癸未。諭內閣。敬徵等奏奉移

孝穆皇后梓宮神牌。酌擬應辦事宜。著照所議。於寶華峪東配殿成做暖閣一層。外掛素黃緞幔。以備臨時將寶牀等件請出安設。再於臺階前接搭祭臺。其應用平臺錢橋三處。穩妥安搭。至寶牀供案等項。祭祀後係全行撤去。其八字牆本可不用。惟座罩須常川安設。即用明黃粧緞成做。以昭慎重。又該處現設堆撥較少。應行添設八旗官兵值班堆撥二處。總管翼長值班堆撥一處。綠營堆撥三處。連舊設共十三處。著敬徵等會同黃文煜悉心相度。趕緊添建。以資守護。○以故奉恩將軍文彥子祥來襲職。○以大學士長齡。協辦大學士盧蔭溥。內閣學士朱方增吏部左

侍郎杜瑞。戶部尚書王鼎。兵部左侍郎寶興。刑部尚書陳若霖。都察院左都御史潘世恩。為殿試讀卷官。○以陝西按察使方載豫。為甘肅布政使。江西督糧道孔昭虔。為陝西按察使。○甲申。策試天下貢士。劉有慶等二百一十一人。於保和殿。制曰。朕寅承洪緒。統馭寰區。夙夜兢兢。不敢暇逸。仰荷吳蒼篤佑。疆圉乂安。歲功康若。惟益勤求治理。以丕綏我億兆民。茲當臨軒額俊。式殷延訪。

用集嘉謨。惟民生厚。因物有遷。興化善俗。致治之本。虞書敷教。俾民親遜。周禮以三物教民。以八刑糾民。故風化維持。久而弗替。漢置三老。孝弟常員。徵拜美俗使者。唐賜孝義高年粟帛。遣使觀覽風俗。皆以勸民厲俗。惟懷遠圖。國家承平日久。芸生者眾。良莠不齊。將近漓者而使之淳。若多設科條。則易滋擾累。即廣頒文誥。或徒飾觀聽。昔呂氏鄉約。袁氏世範。或收令以化一邑。或措紳以教一鄉。其

言至為淺近。然由其道而實行之。俗美風淳。雖王政無以易。今欲使四海之內。獄訟衰息。邪慝不興。里黨輯睦。耆孺和樂。其操何術。以收勞來匡直輔翼振德之效。而致時雍之化歟。黃河水道。漢元光中。注鉅野。通於淮。泗。武帝築宣防。導之北行。建永平中。王景修渠築隄。偶合禹功。自漢至唐。不為害。石晉開運年間。浚汴曹濮。單鄆五州境。自北而東。宋元豐後。日趨於南。中牟以下。奪汴。徐州以下。奪泗。

清口以下。奪淮。而後注海。禹蹟遂不可復。今治河之法。曰疏曰隄。其要尤在蓄清以刷黃。束清壩。禦黃壩。清黃之關鍵也。因時啓閉。治河即以通漕。河道深通。南北重空。運自無阻。蓄清之法。尤以保護高家堰為急。務何以使黃水無倒灌之虞。洪湖無下溢之患。石隄模砌。難期穩固。謀經久之策。以何術為善。余闕邱濬潘季馴諸人。均有成法可稽。誠能會通其說而治之。俾河流順軌。漕艘遠行。庶可

一勞永逸歟。選賢任能。政之樞要。一代之治。必有一代之賢能。分任之。其德器必過人。而責效在專其任。堯舜之世。皋夔稷契。皆聖人各守一官。而治隆。三代用人。首德行。次才能。漢舉孝廉。及賢良方正。制為近古。魏立九品。官人法。論者何以有或損或難之譏。唐制科之外。擇人有四事。何者為先。崔祐甫薦舉。日除數十人。未逾年。除吏幾八百員。史稱允當者安在。宋司馬光云。專引知識。則嫌於私。止

循資序。未必皆才。欲設十科舉士。可詳陳其條目歟。抑行之果無流弊歟。夫賢才登進。則治道昌明。士人立德修行。宜何如圭璧束身。以應旁求之典。自古治平。不忘武備。整軍戢暴。馭世大權。漢唐以來。訓練之法。載在史冊。其制若何。歷代邊防。孰得上策。若賈誼是錯。趙充國陸贄之倫。其著為條議。見諸施行者。亦有可採歟。我朝中外一家。邊徼敕安。偶有不靖。命將出師。膚功迅奏。蓋有鑒於前代。死

備之弊。詰戎講武。未嘗一日不做也。綏遠之法。在乎疆內以警外。今西戎即敘。凡邊帥之侵漁屯師之墮廢。已增其祿糈。汰其衰庸。剔除積弊。禁令嚴申。任將帥之責者。將何以使之日久弗懈。振國威而懾荒服。以長保太平之治乎。夫敦化以善民俗。濬川以利民生。簡賢以勵官常。振武以靖邊圉。胥制治保邦之要圖也。多士稽古有年。先資拜獻。其各陳謨論。毋有所隱。朕將親第焉。○諭內閣。昨日正

白旗滿洲將盛京保送補放防禦之驍騎校花沙布。色爾崇額。帶領引見。伊等步射甚屬平常。而弓力亦覺過輕。咸何事體。盛京為我滿洲根本之地。官兵騎射。均應各期精銳。今閱其步射如此。生疏。顯係該將軍等平日並未留心訓練。奕額等著傳旨嚴行申飭。嗣後該將軍等所屬官兵。若不妥為訓練。於揀選保送人員內。儻仍有以此庸劣者。經朕看出。不惟將引見人員嚴行懲辦。定將該將軍等

一併交部議。決不寬貸。○又諭。兵部奏。差駝不敷。據咨另籌一摺。已依議行矣。此次巡幸盛京。需用駝隻。前經兵部奏准。調用察哈爾牧廠駝二千隻。茲據兵部奏稱。該處咨報僅有大駝一千一百餘隻。堪以調用。其餘除倒斃外。均係三四歲駝隻。弱小不堪馱載等語。察哈爾牧廠駝隻。原以備差調之用。該處左右兩翼。現有大駝四千五百八十隻。每年滋生既多。則駝即應不少。何以調用

二千隻。竟短少九百隻之多。可見該處所稱牧廠陸續取駒。及大駝駝四千五百餘隻之數。竟係有名無實。嗣後著該部統等隨時認真稽查。無論駝駝駝駝。務令一律臚壯足數。逐歲增多。一經奏調。不准以倒斃弱小飾詞搪塞。如再不敷應用。惟該部統等是問。○諭軍機大臣等。昨日召見分發浙江試用知府汪士薦。朕見其人才具平。常著孫爾準。劉彬士。於該員到省後。詳加察看。能否堪勝知府

之任。務當隨時據實奏聞。斷不可遷就姑容。致令貽誤公事。將此諭令知之。尋奏汪士薦請假回籍。旋即病故。報聞。○乙酉。引見丙戌科散館。及補行散館人員。得旨。修撰朱昌頤。林召棠。編修王廣蔭。賈植。周開麟。師方蔚。業經授職。其清書二甲庶吉士王珣。郭恆。黃琮。張琴。成觀。漢書二甲庶吉士王珣。郭恆。黃琮。張琴。成觀。宣。程應權。俞東枝。朱成烈。宗室德誠。松俊。高枝。王篤。孫日萱。李恩。俱著授為編修。三甲

庶吉士徐思莊。譚厚光。俱著授為檢討。陳熙曾。吳廷鈞。方寶慶。麟魁。朱應元。殷增。趙鍾。盧鴻。宗室奕書。溫承悌。洪錫璫。俱著以部屬用。汪懷。辛聯。譚。仇。致忠。陶克讓。史寶徵。舒恭受。吳儀。澄。周啓。運。書。著。顧。慶。陸。沅。趙。興。周。曾。維。植。李。嗣。棠。俱著以知縣即用。陳光亨。著仍以庶吉士留館教習。鄧錫。著歸班銓選。○丙戌。

上詣綺春園問

皇太后安。奉

皇太后御舍輝樓。閱皇子及侍衛等騎射。進膳。

○諭內閣。李鴻賓奏。訊明潮橋鹽務積欠雜款銀兩。請將積引分限帶銷一摺。廣東潮橋鹽務積欠雜款銀兩。據該督覈訊明確。實因積引未銷所致。尚與拖欠正課者不同。著照所請。准其援照舊案。將積引九百六十五程。即自本年四月起。分作六年。勒令接任運同督飭各商。按限帶銷。以完欠項。至該革職運

同楊紹庭。交代各款。除已繳外。尚有應交銀

四萬四千餘兩。著嚴飭按限繳完。毋任延宕。

○又諭慶山奏。杜爾伯特公諾爾布等呈請。願將齊旺巴勒楚克之長子棍布扎布。過繼與佟阿拉克為嗣。承襲王爵一摺。此案業經降旨。照理藩院所奏。任聽貢噶諾爾布之母佟阿拉克所願。於齊旺巴勒楚克二子內。擇一為嗣。令其承襲王爵矣。慶山接奉此旨。即將棍布扎布。過繼與佟阿拉克為嗣。承襲王

爵。曉諭眾蒙古等遵行。○署直隸總督松筠奏。接任謝恩。得旨。卿之立身行政。朕所素知。無可再諭。但當世人心不古。無論官民。多取巧之心。以圖名利。又知卿慈良長厚。妄希干進。其加意防之。不可一味寬厚也。○命吏部右侍郎白銘。馳往直隸。永平府審辦控案。○戶部左侍郎顧臯。以病解任。調禮部左侍郎汪守和。為戶部左侍郎。轉禮部右侍郎史致儼。為左侍郎。以都察院左副都御史楊懌曾

為禮部右侍郎。○丁亥。

上詣

大高殿行禮。○還宮。○御乾清宮。召讀卷官入

親閱。定進呈十卷。甲第。○戊子。

上御太和殿傳臚。賜一甲李振鈞。錢福昌。朱蘭

三人進士及第。二甲朱淳等一百六人進士

出身。三甲何俊等一百十二人同進士出身。

○幸圓明園。○旌表守正捐軀直隸肅寧縣民沈二刁妻高氏。○己丑。諭內閣。御史吳式

敬奏。州縣批解正項錢糧。請照定例申禁。各省藩司不得扣抵他款一摺。各省州縣徵收正項錢糧。攸關度支經費。經徵未完處分定例。恭嚴在該州縣規避處分。固不免有那移批解之弊。該藩司自應加意剔釐。若如該御史所奏。各省藩司往往於州縣批解正項錢糧。先行扣抵他款。令其自願考成。趕緊補解。欲杜弊而轉致滋弊。辦理殊屬非是。著該督撫飭諭藩司。於州縣批解正項錢糧。不得任

意扣抵。其雜項錢糧。仍當嚴行督催提解。無任拖延。以昭覈實。○又諭。德英阿等奏。請酌添北路軍臺牛馬一摺。阿克蘇所屬扎木至噶瓦察哈爾海軍臺七處。因附近冰嶺。半皆沙磧。水草缺乏。額設牛馬。不敷運載。向調回子馬匹。通融辦理。現當查禁各城藉差擾累。體恤回眾。自應另籌調劑。著照所請。於額設牛馬外。扎木臺添牛五隻。阿爾巴特臺添牛十隻。亮噶爾臺添牛十隻。圖巴喇特臺添馬

十二匹。瑚斯圖托海臺添馬十四匹。塔木哈塔什臺添馬八匹。噶克察哈爾海臺添牛十隻。此項所添牛馬。准其由伊犁官廠內照數撥給。按年報銷分數。所需馬料。除扎木阿爾巴特。亮噶爾。噶克察哈爾海等四臺。尚有水草可資牧放。原設牛馬及新添牛隻。仍照舊章。夏秋無須給料外。其圖巴喇特。瑚斯圖托海。塔木哈塔什等三臺。原設及新添馬匹。均准四季全支料石。仍照向例。每馬日支料二京

升。每牛日支料一京升。俱由阿克蘇糧餉局按月支領。歸於倉儲項下報銷。該將軍等仍當不時稽察。無任稍有偷減剋扣。如查有情弊。及餵養不善。以致疲瘦之處。即行嚴參懲辦。○又諭。扎隆阿奏。查明西四城歲需經費。銀兩。循例請撥一摺。喀什噶爾等城。歲需經費。向例奏明在於甘肅豫行撥解應用。茲據扎隆阿查明。道光八年分經費。均就各城解存軍餉等項動支。計至本年冬底。不敷支用。

其道光九年經費及應豫調十年分備用銀兩。循例奏請撥解。以實邊備。著照所請。所有喀什噶爾。每歲需銀九萬六千九百三十三兩零。英吉沙爾。每歲需銀八千一百一十五兩零。葉爾羌。每歲需銀二萬七千七十兩零。和闐。每歲需銀六千八十五兩零。統計四城。共需銀一十三萬八千二百一十五兩。著陝甘總督即將道光九年分及應豫調十年分經費。按款迅行撥解。分撥各城應用。該部

知道。○又諭。倭喀泰奏。餘銀兩。請緩限交納一摺。吉林承領。護票之攬頭。創夫等。向准將餘護。在本地銷售。抽收銀兩。以為歸補臥票減票及短放票張等項之用。茲據該署將軍查明。上年餘護。並無護商。前赴吉林購買。現據該攬頭等。懇請自赴內省銷售。再行交納銀兩。著准其援照道光二年護。餘緩限成案。取具該攬頭等互相結呈。並局員等加具印結存案。將餘護黏貼印花。給發路引執照。

派員押赴山海關納稅後。令其自赴內省銷售。限於九十月內。回至吉林。將本年應交抽收銀二萬六千二十一兩零。先行歸還。上年動用攬頭等。豫領臥票。護泡銀二萬五千九百九十兩。餘銀貯庫。歸補抵充俸餉項下。其不敷抵款銀二萬二千四十九兩零。准照嘉慶十六七兩年及道光三年奏案。歸於下年護餘銀內。抽收歸款。○又諭。慶山奏。遵旨將棍布扎布。過繼與休阿拉克。為嗣。承襲貢噶

諾爾布所遺王爵。可否俟伊及歲。再令補行引見一摺。前已降旨。令棍布扎布。承襲親王爵銜。著准其俟伊及歲。再令照例來京補行帶領引見。其棍布扎布。米及歲以前。所有該旗事務。即著該部。落副將軍公諾爾布。暫行幫辦。至貢噶諾爾布所遺副盟長員缺。亦著公諾爾布補授。該院知道。○庚寅。諭。內閣。彥德等奏。請將杜爾伯特盟長貝勒齊默特多爾濟。暫行解任。與伊所控額爾錦等質訊一

摺。杜爾伯特汗齊旺巴勒楚克等。會稱額爾
錦遣人給與茶布等物。欲用馬數匹。本旗即
送馬數匹。並無擾累蒙古等情。俱各呈報前
來。惟貝勒齊默特多爾濟。於四月初二日始
至烏里雅蘇台。經彥德等逐件面詢。據齊默
特多爾濟稱。額爾錦於杜爾伯特等旗索取
馬匹之事。俱係風聞。並無實據。飾詞支吾。顯
係倚恃盟長。任意妄為。此案若不審辦明確。
不足以服其心。即照彥德等所奏。貝勒齊默

特多爾濟著暫行解任。提同全案人證秉公
質訊明晰。定擬具奏。○又諭。理藩院轉奏。據
御前行走教漢公郡木扎勒多爾濟呈請。此
次巡幸盛京。伊在山海關外瞻覲。即由彼隨
往等語。那木扎勒多爾濟呈請本年隨朕巡
幸盛京。係屬伊之誠悃。屆期著照所請。俾伊
前至山海關外接駕。即由彼隨往盛京。俟朕
由盛京旋蹕山海關時。那木扎勒多爾濟著
再就近仍回原遊牧處所。○以正藍旗漢軍

副都統六十五。署密雲副都統。○辛卯。諭內
閣。奕額等奏。請酌借銀兩辦理差務一摺。盛
京差務。甫經賞借銀三萬兩。茲據該將軍等
查明。各廳州縣承辦營盤橋道。尚不敷用。著
照所請。准其於盛京戶部庫貯俸餉盈餘項
下。借支銀八萬兩。該將軍等詳察承辦各廳
州縣差務之緩急。及應領銀數之多寡。酌量
借給。俟報銷時全行扣繳歸款。仍時加督察
務期覈實。○以江蘇狼山鎮總兵官馬國用

年力就衰。命送部引見。○緩徵江蘇阜寧。山
陽。安東。三縣及淮安大河。二衛上年被水額
賦。○壬辰。

上詣綺春園問

皇太后安。○諭內閣。敬徵等奏。查勘

孝東陵水道。請於羅圈牆外添修泊岸。清完淤
淺。令水勢仍歸原流。著敬徵等造具丈尺。做
法清冊。移咨工部。覈算錢糧。奏請欽派大臣
修理。餘著照所議行。○又諭。楊遇春奏。軍需

報銷完竣。請嚴查倉庫一摺。上年辦理軍需。各路運征凱撤官兵。均由甘肅往返。供給倍於他省。各州縣支應浩繁。恐有那墊倉庫之處。前經降旨諭令該督照直隸一律查辦。茲據奏。自涇州以迄安西各案。往返兵差業已造銷完竣。亟應乘此嚴查。以杜虧挪牽混之弊。著照所擬。將各屬倉庫截止道光八年年底止。查明應存款項數目。先令本管道府直隸州親往盤查。果無那移虧短。即出具實盤印結。其有虧挪者。立即揭參。不得稍有徇隱。再委鄰封道府照案互盤。加具覆盤印結。查有虧挪。據實揭辦。不得因本管已經出結。扶同隱匿。統俟各結取齊。僅有不實不盡。著該督率同藩司遵委公正之員。再行分路抽查。如州縣那墊有虧。本管不實力查辦。互盤之員稍有瞻徇。均著一併嚴參。又另片奏。此次盤查。凡有短絀銀糧之州縣。若與兵差並無干涉。著究明照例嚴辦。其雖有那移。而尚有

經手未領軍需。及別項領款數足相抵。著俟領回即行歸款。免其開參。至未領軍需銀款。不敷所那。或並無領項可抵。實因承辦兵差。例不准銷。以致賠累。確有案據者。著覈其所那多寡。分別勒限完交。以昭平允。○以故四川煖帶密土千戶嶺金玉子華村襲職。○修浙江仁和海寧二州縣東西海塘坦水柴工。從巡撫劉彬士請也。○癸巳諭軍機大臣等。據禮部奏本年九月初一日辰時日食。彼時正值巡幸盛京途次。由杏山大營至興隆屯大營。應由行在禮部請旨。於扈從王大臣官員內酌派救護。其救護處所。請飭先期敬謹豫備等語。著奕訢等查明由杏山至興隆屯一帶地方。選擇潔淨廟宇一處。不必拘定附近大營。屆時朕降旨派員前往行禮。該將軍等接奉此旨。即行委員查看。酌定處所。於奏事之便具奏。將此諭令知之。○以陝西各屬歉收。緩道倉應徵麥豆。並舊欠糧石。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十五

宣宗實錄

卷一百五十五

清 實 錄 道光九年五月

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十六

奏

道光九年己丑五月甲午朔諭內閣李鴻賓

等奏請展緩商捐銀兩一摺洋商再次捐輸
東河工費銀三十萬兩據該督等查明商力
現在情形勢難依限完繳著照所請加恩准
其展限五年至道光十六年止每年繳銀三
萬兩按年移交藩庫以清借款其所捐甘肅
軍需銀六十萬兩仍照從前奏准成案俟東
河工費交清後再行接繳○山東巡撫訥爾
經額奏報到任得旨山左情形大概汝皆知
之隨時認真整飭可也朕所廑念者道府州

三八九

縣未能盡得賢能之員。汝當刻刻留心。破除情面。稍不稱職。即行酌量辦理。如有劣跡。必行嚴辦。其書吏舞弊。尤當重懲。務要官守法。民樂業。方不愧封疆大吏之任也。勉之慎之。

○以辦理阿克蘇善後事宜出力。賞陝西候補知縣段志倫藍翎。縣丞陳錫疇。以知縣儘先選用。並賞廢員丁垣七品銜。准送部引見。

○乙未諭內閣。昨日鑲白旗滿洲將盛京保送驍騎校人員帶領引見。其擬陪之領催德

安。步射未能到靶。是以未將擬陪者記名。德安步射如此生疏。著革去領催。作為馬甲近有申飭該將軍之旨。奕額等尚未接奉。故將該領催如此薄懲。嗣後由該將軍等處保送引見人員。其步射僅有如此平常者。不惟將該官兵斥革。定將該將軍等一併交部嚴加議處。決不寬貸。

丙申

孝誠仁皇后忌辰遣官祭

景陵。諭內閣。松筠奏酌定清釐案牘章程。通

飭各屬實力奉行。一摺。州縣為親民之官。若果於自理詞訟。勤明聽斷。則大而冤抑得伸。細而是非立判。不特兩造帖服。而架詞唆訟。誣張為幻者。焉得暇而逞其伎倆。無如近日州縣怠忽者多。勤敏者少。每遇差提案犯。動輒累月經年。即使剖判。毫無枉縱。而受其拖累者。已多。況未必悉臻平允。因而輾轉上控。該管上司。又未能滌除積習。或仍發交該州縣審辦。或復回護固結。而遇事生風之徒。遂

得乘機搆捏。淆亂黑白。以致小民含冤屢控。訟累日深。此外省之通病。深為可恨。此等劣員。不顧天理。不念人情。置百姓疾苦於度外。視國家法度如泛常。任聽書役如狼如虎。擾害閭閻。滅盡天良。所謂以不忍人之心。行不忍人之政者。安在松筠於接署督篆後。檢校各府州縣積案。酌定章程。以嚴考覈。尚為清釐積牘起見。著照所請。嗣後令各州縣將所收呈詞。按月詳報。已結若干。未結若干。兩造

自請息訟者若干。續接呈詞若干。逐案聲敘報明該督該司及本管道府查覈分別記功記過。以昭勸懲。該管道府及直隸州於所屬有關罪名出入之案。如能於上控及審轉時據實平反。改擬得當者。仍照例具題。由部覈明奏請鼓勵。儻該管上司不知勤恤民隱。或不能虛衷提訊。或仍批交該州縣審理。致有拖累無辜。冤獄莫伸之事。即一併從嚴參辦。以慎庶獄。而肅官常。又諭松筠奏查明疏

失餉鞘及承緝各員限滿無獲。照例分別辦理一摺。前因安徽解餉委員候補同知郭命錫由直隸雄縣行至新城地方遺失餉銀一匣。降旨將該委員革職。食差不慎之雄縣知縣胡鈞革職留任。勒限一年緝拏。茲據該署督查明現已逾限尚未弋獲。胡鈞著即革任。其前經暫行撤任之新城縣知縣周良卿既訊無回護情事。撤任之案准其查銷。飭令仍回本任。已革安徽候補同知郭命錫疏失鞘

銀業經賠交著飭令回籍此案正犯仍著該署督飭屬一體訪拏務獲究辦。培築山東曹縣中汛險要隄工並接鑲防風埽工從河道總督嚴娘請也。丁酉

上御勤政殿聽政。○奉移

孝穆皇后梓宮於寶華峪正殿

神牌於東配殿命皇長子奕緯行禮。諭內閣

兩淮應徵正雜各課及京外各衙門解款共

銀四百餘萬兩。前經軍機大臣會同戶部議

令自戊子綱為始將正雜各課銀二百餘萬

兩按季徵齊入於春秋季報聽候撥用其應

徵京外各衙門解款並淺斤變價銀約共二

百萬兩亦令將起解款項隨時逐案報部至

奏銷時仍將全綱額徵銀四百餘萬兩分款

分數詳晰註明。隨同奏銷各冊送部備覈朕

以兩淮商力雖疲經此一番調劑停舊徵新

商力稍紓藉以專辦新綱必可年清年額是

以特恩允准。茲據戶部奏該鹽政造報戊子

引課僅據報完正雜各課銀二百餘萬兩其應徵京外各衙門解款約二百萬兩是否照數解完並未彙同造冊送部且自上年十月本年二月呈報起解銀兩之案亦屬寥寥未能全數解清已可概見至已完正雜各課銀二百餘萬兩除據報解京協各餉六十餘萬兩外其餘應起解銀八十萬兩尚未全行起解存庫銀六十萬餘兩亦未全行入撥更難保無虛報已完情弊並據另片奏戊子正綱

引課內准北商人借出底馬銀十九萬四千五百五十餘兩亦應於九年二月內繳完該鹽政輒以尚未屆限應行扣除另報顯係以未完銀兩藉詞劃扣規避處分等語是甫議停舊徵新戊子一綱即不能照額全完勢必又形積壓該鹽政前奏年清年額竟是徒託空言所辦何事著福珠隆阿督飭運司將戊子綱應徵京外各衙門解款銀二百餘萬兩迅即分別報解全完其已完正雜各課銀二

百餘萬兩除已報解銀六十餘萬兩外下餘銀一百四十餘萬兩應分解者速行批解應報撥者存貯候撥仍遵前定章程將全綱額徵銀兩分款分數詳晰註明補行送部此外尚有帶徵丙戌丁亥歲支懸墊初限銀四十萬兩亦即分晰查明報撥起解日期報部勿稍延宕其劃扣出借准北商人底馬銀十九萬四千五百餘兩仍作未完彙入額徵數內覈定分數另冊送部開奏該鹽政自此次飭諭之後務當逐一查明詳悉覆奏如再有支飾含混自問當得何罪朕言出法隨勿致自貽伊戚○又諭屠之申著以候補道員發往直隸交署總督松筠飭令承辦本年巡幸盛京差務以翰林院侍讀學士德厚為詹事府詹事授一甲一名進士李振鈞為翰林院修撰二名進士錢福昌三名進士朱蘭為翰林院編修○除直隸廣昌縣水衝地五頃二十七畝有奇額賦戊戌

上奉

皇太后幸同樂園進膳○諭軍機大臣等盛京
移駐宗室嘉慶二十三年曾奉

皇考仁宗睿皇帝聖諭令其與盛京奉祀

陵寢諸宗室一體接駕並令各自具報平日所

習文藝騎射步射加以考校本年朕恭謁

祖陵親莅陪都著奕額屆期傳知諸宗室照向

時擬定處所一體迎送並即會同管理移駐

宗室之侍郎等詢問該宗室人等平日所習

或能文能詩及通曉繙譯能騎射步射者若

干豫先報名以備屆期校閱分別獎勵至宗

室內有因獲罪發往盛京管束及圍禁者並

著查明原犯案由及原定年限另繕清單具

奏以便酌予恩宥其吉林黑龍江等處如有

發往宗室事同一例亦應一體查辦著奕額

即行知吉林黑龍江將軍詳查該處發往宗

室將原犯案由咨明奕額分晰開單屆期一

併具奏將此諭令知之○命工部尚書穆彰

阿戶部左侍郎李宗昉教習庶吉士以催
趙重運漕船出力予江南鎮江營參將祥宗
等議敘升補有差 己亥諭內閣每年恭祭
太廟祝文內敬書

列后徽號向不恭讀嗣後祝版除敬將

列后廟號尊諡照常恭繕外無庸再書

徽號以昭敬慎著內閣禮部太常寺敬謹存記

○又諭御史奇成額奏請飭禁刪改供招及

勒薦幕友上下勾通擅改案牘各一摺讞獄

以兩造供詞為據豈容意為增減若如該御

史所奏外省辦案遇有情節支離恐被飭駁

輒將原供任意刪改完善是不但關罪名出

入而秋審時應實應緩由此區分豈成信讞

著各該督撫轉飭州縣嗣後審辦案件無論

初審招解悉照原供通詳不准稍有增減該

管上司過堂時亦須逐層推問如犯供與原

報不符務即虛衷研鞫覈實究辦期臻平允

至幕友資其襄辦原祇令幫同檢校例案仍

須自作主張若一切悉行謗付俾得勾通擅改委曲彌縫甚或勸薦屬吏暗中聯絡朋比為奸不可不嚴行飭禁著各省督撫通飭所屬不得為幕友轉薦私人仍隨時查察勿令上下交通有犯必懲以肅功令○庚子諭內閣本年春夏以來雨水調勻土脈滋潤於農田播種大有裨益朕祇承

昊眷備致嘉祥實深寅感茲涓吉於本月十四日親詣

黑龍潭拈香用答

靈臆○引見新科進士得旨一甲三名李振鈞錢福昌朱蘭棠經授職外朱淳步際桐李嘉端夏恆李國杞徐廣綬張沆度慶勛方錯陶澐朱其鎮王慶雲張集馨朱逢辛潘紹烈全慶彭舒芾姚振啓張寶璣倭仁李攀龍羅繞典陳蘭祥郭景儒徐雲瑞司徒照鄧瀛金熾福易長楨馬福安白謙卿劉良駒楊景李從圖何榮章金安瀾丁彥傳桂文耀蘇孟暘

李熙齡宗室恩來雷成樸崔燾穆通阿何俊錫麟嚴保庸孫葆元袁玉麟吳文林馬沅况澍俱著改為翰林院庶吉士王之斌汪本銓朱式璟胡元博主桂陳起詩陶文潞徐啓山周茂洋潘楷胡文柏賈允諧余坤林揚祖涂文鈞張修育易崇黃驤雲靳淦全順王寅王翼程德麟王選袁彥齡奎綬王健俞樹鳳干廷熹劉澐楊彤如劉成萬江鴻升倪杰張雲喬戴綱孫王禹堂徐有壬玉書宗室奎光寶

坊齡椿朱堅宗室瑞興鄧慶恩俱著分部學習程度何瑞榴趙光裕丁嘉藻吳銑李親賢李超咸崔綬劉禮章栗穗張亨衡劉元標李興元李城楊需劉坦袁俊白濬銳高士魁陳大忠潘麗襄房昭素林逢年董世億孫念祖宋炳垣文鳳喈李蓉鏡傅繹孫義吳葆晉楊遇升黃朝輔劉遂王元本袁振瀛李士燮龔自珍崔光笏熊廷基盧元良高紹曾胡林秀靈秀郭昌年田名徵江光唐增庥王春藻徐

林春馮錫鏞李廷榮彭斗山林先樑袁忻朱
艘劉有慶李崇照竺鑑曹榮楊兆晉胡丕昌
韓班辛衷亮張永福朱家學郎暉衛緒渙馬
筮乾車申田郎昀何朝恩劉士達潘濬宋賓
王王者政陳繼思張集成曾元卿舒貴王同
治黃位斗孔廣義祥玉丁德泰王德健王炳
麟胡峯一汪杰福淳蔡璋何浚李汝霖章道
宣解芑俱著交吏部掣籤分發各省以知縣
即用候補主事鍾裕著以六部主事即行選
用候補郎中章煒著以六部郎中即行選用
餘著歸班銓選○又諭玉麟等奏晉昌之子
祥林呈請減半坐扣俸銀一摺晉昌前在崇
文門監督任內應賠銀兩自行奏明坐扣廉
俸現除已扣外尚有未完銀三千九百五十
餘兩應於伊子祥林公俸內按年接扣完款
據祥林以當差竭蹶呈請減半扣抵原可准
行惟晉昌歷任各處辦事因循不知振作殊
屬負恩所有伊任內未完賠項仍著於伊子

祥林公俸內按年全行坐扣其呈請賞給一
半當差之處著不准行○貸湖北荊州城守
水師二營及宜都營被水歉收兵丁倉穀
辛丑
上御閱武樓閱宗室挑選侍衛馬步射 奉
皇太后幸靜明園進膳○諭內閣成格奏口外
知府邊俸期滿一摺熱河承德府知府海忠
三年俸滿例應撤回揀員對調現據查明內
地實無堪調之員該員海忠在任整飭地方
著有成效著再留三年如果始終奮勉該都
統據實保奏候朕降旨該部知道○除甘肅
皋蘭縣水衝地八頃十一畝有奇額賦 壬
寅
上御閱武樓閱挑選侍衛馬步射 諭內閣本
年巡幸盛京應行秩祀處所
北鎮廟朕親詣行禮
北海神
巨流河神

渾河神

遼陽太子河

遼太祖陵五處著於謄

陵禮成後遣官致祭

長白山

松花江二處著派吉林將軍致祭。又諭伊

里布奏同知邊俸屆滿請暫留任等語雲南

思茅廳同知成斌現屆煙瘴三年邊俸期滿
例應撤回內地候升據該撫奏稱該員於邊

界撫馭得宜一時乏員調補著照所請成斌

准其暫行留任俟揀選有員再令回省該員

邊俸業經報滿遇有應升之缺仍准隨時請

升該部知道○諭軍機大臣等禮部奏本年

巡幸盛京恭謁

祖陵請查照定例並乾隆八年欽奉

諭旨遵行一摺已依議行矣惟摺內奏稱乾隆

八年

諭旨

福陵右旁門內道路不平車輛難以行走

皇太后由正紅門過由右邊門入過正紅門時

皇太后降輿搭蓋圍席一節圍席與圍幕是否

相同從前係如何搭蓋並此項圍席作何應

用之處著奕額查明具奏將此諭令知之

命貝勒奕繪鎮國公溥喜守護

東陵戶部議准福建巡撫韓克均疏報閩福

安二縣開墾地二頃八十畝有奇照例升科
從之○貸乍浦副都統哈興阿養廉銀修理

衙署○癸卯署直隸總督松筠奏遵諭教誠

有司得旨整飭官方無非賞功罰過進賢退

不肖然必要以公以實徒託空言仍無益耳

又奏自六月初一日起限按月稽查已未結

各案以覈功過總期案件早完一日則百姓

即少受一日之累批立法何難行之維艱務

要實力而有恆方可奏績也勉之甲辰諭

內閣福珠隆阿奏戊子綱應解京外各衙門

款項因庫墊占礙難副解限上年具奏時不

能豫料及此致遲解款請交部嚴議等語兩淮應徵解京外各衙門款項上年甫經該鹽政額懇停舊徵新必可年清年額乃章程初定戊子一綱即未能符原奏四百餘萬兩之數又復奏請變通歸補以應解款福珠隆阿著交部嚴加議處尋議上得旨著降為四品頂帶又諭浙江幫船水手前因糾眾械鬪殺斃多命甫經懲創乃處州後幫水手王麻子輒因台前嘉白幫船水手互毆斃命復敢糾眾挖殺多命實屬惡不畏法王麻子耿翹子著即處斬梟示傳首犯事地方懸桿示眾以昭炯戒王三虎著即處絞韓魁元依擬應斬著監候秋後處決逸犯老劉大楞等著潛運總督及直隸山東江蘇浙江各督撫嚴拏務獲解部究辦失察水手滋事之該管各官及地方文武各員弁俱著該部查取職名分別議處東阿縣知縣李賢書前經盤獲假官克昇額一犯現又將要犯王麻子首先擒獲

尚屬能事著送部引見 命禮部右侍郎史致儼刑部左侍郎鍾昌馳往山西審案 乙巳 上御閱武樓閱挑選侍衛馬步射 詣綺春園 問 皇太后安 諭內閣直隸地方每於蹕路經臨派出辦差官員過多乾隆嘉慶年間曾經屢 奉 聖諭飭禁不得多行檄調致曠職守本年朕恭 奉 皇太后前詣盛京經過直隸地方一切除道清塵祇須酌派近屬各員幫同承辦官分段經理自可敷用何必紛紛遠調著申諭該督於應辦差務自道府以及各廳州縣佐雜計數分撥而止不准仍前多派以重職守 又諭扎隆阿奏查明庫車請補幫辦章京與新例不符一摺庫車印務章京前經那彥成等奏定專用在京筆帖式並無另設幫辦章京之

缺茲據扎隆阿查明常格前於印務章京興祿年滿並未遵照新例咨明該參贊大臣奏請由京揀派復請將駐防筆帖式慧奎作為幫辦章京實屬錯誤常格著交部議處其前此奏請以慧奎作為庫車幫辦章京之處著毋庸議○以鑲藍旗漢軍副都統倫忠署正白旗蒙古副都統○丙午遣官祭

關帝廟○諭內閣著英等奏整頓什家戶章程一摺京師稽查什家戶向係由步軍統領

衙門造具印冊分交各該旗令看街兵逐戶問明姓氏於冊內註明惟各衛衙所住兵民之家並蒼觀寺院以及大小鋪戶均歸一冊登註並不分晰造報難以稽考所有兵民之家自應專立一冊將旗民姓氏籍貫詳載冊內如兵民內有遷居者責令該旗官兵隨時查明將其遷移之處及原住處所均登記於冊以便查其來往蹤跡至蒼觀寺院內間房出租其各住持僧道有度牒者尚知小心查

考其無度牒住持僧道祇知以房租為生並不查其來歷易致藏奸此項人等應專立一冊並將租房之人姓氏籍貫備載取具該廟住持不敢容留匪人甘結黏連冊後儻有潛住來歷不明及為匪不法者一經發覺或被查出即訊無知情容隱亦將該住持僧道在本廟前分別枷號示眾所有稽察章程著專交左右翼正副尉督率各旗協副尉及步軍校按其所屬衛衙親往稽查每屆一月分造

清冊報明步軍統領衙門派委司員筆帖式等分頭按冊抽查察看該翼尉等分別勤惰記功記過以示勸懲至看街兵領催等如有藉端勒索情事即嚴行究辦該翼尉等若能將潛匿積匪猾賊及竊劫盜犯並來歷不明者一經盤獲准其隨案聲請鼓勵儻並不實力稽查一月之內失察容留匪人窩隱竊賊等案在四案以上或潛匿盜犯別經發覺者將正副翼尉及該旗協副尉步軍校等分別

吏部嚴議議處看銜兵及本地面領催各在犯事地方枷責如係自行查出該翼尉等應得處分准其寬免兵丁免其枷責餘俱照所議辦理諭軍機大臣等達凌阿等奏酌議塔爾巴哈台茶稅章程一摺回疆及伊犁行茶規條前於那彥成德英阿等奏到時特派托津長齡富俊會同戶部覈議已據覆奏抽收茶稅事屬難行各城茶務仍照舊章辦理無須更張業經降旨依議嗣據烏魯木齊都

統英惠議奏亦飭無庸另議塔爾巴哈台事同一例著該參贊等仍遵照舊日章程妥辦所奏抽查驗各條款及另片奏撥借庫貯銀兩置買茶斤官定價值俱無庸議惟回疆地方現既嚴禁茶葉大黃偷漏出卡塔爾巴哈台所屬卡倫多通外夷該參贊等務當督飭所屬認真稽查不得於例外絲毫偷漏如有奸商潛與外夷交結及卡倫官兵有受賄縱放情弊即當從重懲辦將此諭令知之

以先賢曾子後裔拔貢生紀瑚襲五經博士

上詣

黑龍潭神祠拈香諭內閣劉彬士奏罷職捐封人員在籍包訟害民請飭部先行查案革職追奪誥封一摺職員王祚愷籍隸浙江曾以大興籍捐納司務回籍後復以伊弟王祚悌州同職銜加級捐封茲據該撫查明該職員倚衿恃老包訟妄為起出親筆呈稿字

據劣跡昭著現在查拏究辦著吏部詳查王祚愷從前出仕罷官及加級捐封各原案即行褫革追奪誥軸以便該撫嚴行懲辦並著傳諭刑部都察院步軍統領衙門如王祚愷竟敢潛逃來京或遣抱具控無論控告何事即行奏明辦理戊申諭內閣特依順保奏本年秋間巡幸盛京伊懇請接駕隨扈當差一摺黑龍江距盛京較遠從前該處將軍並無前往盛京接駕隨扈當差之例此次不必

令伊前往盛京接駕。俟本年年終仍著副都統玉英來京陛見。又諭福綿轉奏據土爾扈特汗策登多爾濟呈請將已革旗務章京發往塔爾巴哈台之策伯克令回原游牧居住。一摺策伯克前因嗜酒賭博不能辦事革去旗務章京發往塔爾巴哈台之人。茲據該汗策登多爾濟呈稱策伯克已畏罪改悔並稱現已年邁。令回原游牧等情。加恩著照所請。策伯克准其回原游牧居住。又諭福綿

奏審擬擅離職守致被毆傷之主事並挾嫌主毆之參將一摺。已革喀喇沙爾糧餉主事興廉以現任職官膽敢私赴蒙古烏爾古濟庫家內圖姦致被毆傷實屬有玷官箴著杖一百發往伊犁效力贖罪。已革城守營參將班金布因與興廉夙有口角微嫌主使家人尋毆洩忿又不據實具報殊屬糊塗。照例降調不足蔽辜。該員業經革職著即飭令回旗。福綿於此案未能先事覺察咎有應得。惟經

查明據實奏。所有自請交部議處之處著加恩寬免。諭軍機大臣等福森著來京奕經俟工程完竣後再行回京。福森接奉此旨於經過大凌河時將該處馬羣查驗明確迅即起程前來。將此諭令知之。予江蘇故協辦大學士禮部尚書汪廷珍入祀鄉賢祠從巡撫陶澍請也。己酉予葉爾羌陣亡陝西外委韓祿祭葬。世職兵丁馬訓等四十一名賞卹如例。庚戌

皇后千秋節宮內行禮如儀停止筵宴及在外福晉命婦行禮。諭內閣徐斯奏勘明文水縣境內文峪河情形一摺。文峪河由山西文水縣西北發源河流遷徙靡常兩岸居民皆思豫防水患修築隄堰往往滋生事端現據該撫查勘情形勢難就地開挖並恐既開之後旋復淤塞現在新走之河由武陵營西城東莊等村入瓷窯河下達汾河極為通順自應順水之性無過來源暢水之流勿阻去路

著照該撫所議責令該縣相度地勢或切灘逼溜或督率疏濬酌量辦理其各村所築護村隄堰藉以防禦仍聽其便惟各須距河二十丈不得攔河堵築致阻去向仍令該管道隨時稽查以杜紛爭而資捍衛 辛亥上詣

大高殿行禮 還宮 諭軍機大臣等據嵩孚等奏審訊湖北荊州水師營守備張湖呈報查獲前任四川學政潘光藻船上私鹽轉被

誣搶勒賠並潘光藻信知該督等被緝私弁兵圍船搶毆一案朕細閱該督等審訊兩造供詞及定擬罪名無非一片彌縫將就多有不實不盡此案前因嵩孚等奏參後日久並未訊明奏結特交湯金釗等審辦今該督等所訊情節又與原參相去逕庭保無有意存消弭情事湯金釗等務當查提原卷向兩造逐一嚴切根究斷不可因該督等業經奏結依樣葫蘆顛預了事總須秉公審擬據實具

奏以成信讞將此諭令知之 以夏至祭地於

方澤自是日始齋戒三日 壬子諭內閣御史慕維德奏請嚴禁勒派借食倉穀浮收苛累一摺直省常平倉穀春借秋還原為便民之舉若如該御史所奏近日各該州縣官每遇出借倉穀按戶勒派於給領時胥役等從中剋扣斛面不平及至秋收時並不按照秋成分數一例追還斛面加三加五不等再加斛

口耗折拋撒往往二斛尚不足兌還一斛之用似此浮收苛累便民而適以病民著通諭各督撫嚴禁各州縣勿許按戶勒派扣剋浮收每歲於春放秋收時刊刻告示頒發各州縣村莊如該州縣不遵功令致有上告及開闢等情立即嚴參議處儻該管上司不為申理查辦別經發覺定將該上司一併重懲不貸 調甘肅西寧鎮總兵官榮玉材為直隸正定鎮總兵官正定鎮總兵官舒通阿為西

寧鎮總兵官 癸丑諭內閣張井奏設局清查河庫收支各款並各員欠繳銀兩查辦事竣一摺南河收支款項上年設局清查茲據該河督奏稱自嘉慶二十年起至道光七年止收過平餘等項除動用外應存銀八十二萬九千五百三十六兩零叢與是年霜降後河庫存銀並各廳存工料物價銀均屬相符其各員繳項自道光元年起至七年止及上次未經查出各員共應繳銀五十萬八千餘

兩又前次查辦各員繳項至嘉慶二十五年止尚有未完銀五十五萬九兩零並由部叢減奏明著賠各案未完銀十八萬二千五百二十四兩零著該河督查明現在南河服官各員按限追令完繳其升調他省及已回旗籍各員著該部咨行追繳以清帑項所有河庫各款現據查明有存無墊以後每年工用循例請撥扣存平餘飯食等銀自應隨時湊用報部毋庸另立還款名目總期年清年款

以免日久牽混 又諭張井奏請將委辦清查局務出力各員懇予鼓勵等語江南河庫收支各款前經設局委員鈞稽現已查覈完竣據該河督查明出力各員開單呈覽自應量予恩施著照所請所有河庫道庫大使徐琮准以縣丞主簿升用銅山縣呂梁巡檢張承淇准以應升之缺儘先升用候補未入流方樹德著遇缺即補未入流婁全沈照俱著儘先補用又據另片奏清河縣主簿陳勳文

熟悉檔案在局最為出力該員現已捐升雙月通判請留於南河補用等語陳勳文既經捐升原應赴部候選惟念該員在工二十餘年於河務既稱熟諳若令銓補地方轉非所宜著照所請准其留於南河以通判酌量補用即飭將捐足並分發銀兩就近繳存河庫遇便解部再行給咨赴部引見朕因該員在工年久破格施恩此外河工地方俱不得援以為例該部知道 又諭楊國楨奏降調知

縣緝捕勤能官聲素著請捐復留豫安用一
摺前署新野縣知縣易官善因查辦棍徒高
衡重利盤剝案內率紳民議罰高衡銀兩
為義學經費業經降旨照部議降調所有該
撫請以易官善捐復原官留豫委用之處著
不准行該部知道○緩徵河南濟源縣被電
村莊本年額賦並展緩祀縣被水被旱村莊
舊欠額賦○甲寅夏至祭
地於

方澤

上親詣行禮○幸圓明園○詣綺春園問

皇太后安○戶部議准浙江巡撫劉彬士疏報

鳴鶴黃巖金山玉泉雙穗名堰穿長海沙八

場開墾塗地灘田墾地竈田草蕩灰場六十

七頂八十五畝有奇照例升科從之○乙卯

諭內閣恭修

孝東陵水道各工著派貴慶白鎔汪守和會同

黃文煜敬謹修理現詠吉五月二十六日卯

清 實 錄 道光九年五月

時開工著黃文煜屆期先行破土興工○又
諭敬徵等奏移運木植完竣據實覈銷並請
每年派員查驗一摺○前經敬徵等奏請移運通州北渡口存貯現
據勘明北渡口切近運河仍不免浸淫之虞
改移竹木廠堆貯業將實存木植二千九百
六十九件派員督商陸運堆貯妥協交通永
道經管著敬徵等將盛京原冊及竹木廠存
貯數目細冊移咨總理工程處收管每年秋

間由該處派員前往查驗一次將查驗情形
及存貯確數覈實結報如查有短失損壞之
處據實呈請總理工程處奏明辦理此次所
需移運腳費除已領銀六千兩外尚應找領
銀八百三十七兩准其由造辦處給發○又
諭刑部議駁陝甘總督楊遇春審擬前任階
州知州馬嗣援盤獲形跡可疑之白法顯刑
訊後因病身死一案詳覈案情白法顯素藝
塑工念誦開光神咒所攜經本祇係祈福咒

語並無違悖不法字句該州即因白法顯不肯實供又復倔強頂撞自應依法決罰乃用木戒尺疊毆腳踝至五十下之多傷至骨損既非例載刑具又責於不應受刑處所雖據委員驗係因病身死難保非刑傷致斃是否該州非法故勘及卑役等聽從授意凌虐該督並未詳細訊明祇將該州馬嗣援請交部嚴加議處而於下手之卑役概予免議殊屬輕縱著楊遇春親提各犯覆加研鞫白法顯

是否因病身死抑係被拷斃命務得確情另行妥議具奏尋奏白法顯實係因病身死馬嗣援訊無故勘凌虐情事惟違例用刑請交部嚴加議處下部議刑部以該督所擬尚屬輕縱請照擅用非刑杖一百律即行革職從之刑部奏審明呈遞封章之安徽民人舒幗平定擬請旨得旨此案安徽民人舒幗平以失業平民輒敢繕寫封章挾制入奏實屬有干法紀著照刑部所擬照衝突儀仗妄行

奏訴例加一等發邊遠充軍該犯事不干己遽行來京恐有主使及扛幫別情抑或江西浮梁縣確有浮收等弊著蔣攸銛親提研究如所告得實即照擬發配儻屬虛捏或在籍另有別情照例治罪舒幗平著該部解往審訊予故兩淮巡鹽御史兵部督捕侍郎李贊元入祀江蘇名宦祠從巡撫陶澍請也添建直隸豐寧縣林家營移駐官兵衙署兵房從熱河都統成格請也丙辰

孝恭仁皇后忌辰遣官祭

景陵諭內閣安徽民人方廷添等前以方鎮泰等率眾砍伊祠樹將伊弟方廷楷槍斃相驗時搶去屍身嗣復以提省檢驗並無鳥槍傷痕顯有掉換屍身等情兩次赴都察院呈控發交該撫親提審辦尚未審結茲方廷添又以委員勒令和息並不將方觀輝擬抵等情遣人來京呈控著交蔣攸銛親提人證卷宗秉公嚴審按律定擬具奏抱告方廷學該

部照例解往備質至此案係道光七年發交該撫親提嚴審現據方廷添控稱巡撫委知府同知並本府等查勘審訊等語如果屬實是該撫於特交之案遲至二年之久並未親提審訊著鄧廷楨據實明白回奏尋奏上得旨案懸二載未結雖據奏稱因勘地檢驗並方加秋遣抱赴京續控催提兩造未經解省以致不能速結究屬審辦遲延鄧廷楨著交部議處諭軍機大臣等誠端等奏查出奉

天府屬有積年因公動缺各款請分別著追籌補一摺奉天府所屬各廳州縣倉庫積年虧短現經誠端等提集案卷徹底清釐查明各屬共虧銀四萬八千四百六十餘兩米五萬一千二百八十餘石查辦甚屬認真惟既經徹底查明自應勒限嚴追照例懲辦若再因循仍照前任兼管府尹等設法彌補成何事體在原虧之員任意那移豈能置身事外而歷任接收各員並不據實揭報虛出通關

亦有應得之咎著誠端等將查出原虧各員現官他省及已回旗籍者分別虧數多寡移咨各該省該旗按限追繳如於限內全完尚可從寬免罪若再逾限不完即行嚴參懲辦其有已經身故者即著於該故員子孫名下著追至歷任接收各員輾轉流交該管知府及府尹等又未據實覈辦著查明起自何年何任並在任月日分別奏奏交部懲處以儆將來又據另片奏東三省官兵俸餉經部撥

奉天府奏銷地丁俸工等銀七萬兩現止解銀四萬二千六百餘兩尚未解銀二萬七千三百餘兩即在現查虧項之內此時既不准因循籌補所需兵餉應如何撥解之處並著誠端興科等另行籌議具奏將此諭令知之宗人府奏奉恩將軍咸林身故無嗣查咸林所襲之爵由伊祖吉忠額封授請照八旗例賞原立官吉忠額妻咸林之祖母終身半俸從之丁巳諭內閣本年恭謁盛京

祖陵所有王公功臣墳塋應於禮成後祭奠充勤郡王功臣揚古利費英東額亦都四處朕親詣賜奠其餘照例奏派遣官賜奠（又諭托津等議覆長清奏酌撤阿克蘇銅廠官兵並免徵賽哩木拜城回戶糧石折交銅斤一摺阿克蘇歲收銅斤從前係派回子協同兵丁創完嗣將回子撤去專派兵丁承辦現據長清查明近來銅苗不甚豐旺兵丁採辦維艱訪察賽哩木拜城回子久住山內皆能辦

識銅苗情願採銅交納以抵應交糧石且阿克蘇糧儲充裕歲需兵食足敷若令該二城回戶採辦銅斤免徵糧石其生計不至苦累事屬可行著照所議自道光十年為始所有賽哩木拜城回戶准免徵糧二千六百八十九石零折交銅一萬六千二百斤其銅廠兵丁三百名概行裁撤選派五六品伯克二員專司銅廠事務並著隨時差委員弁認真稽察以杜弊端如該伯克員弁等有藉端勒索

刁難情事即行嚴叅懲辦（諭軍機大臣等黃文煜奏寶華峪正殿内存貯陳設內有書籍冊頁圖卷等件時屆溽暑應行曬晾等語現在

孝穆皇后梓宮安奉饗殿著將殿內陳設書冊圖卷即移貯東配殿南北稍間內以便隨時曬晾其餘物件仍在饗殿陳設再現派惇親王帶同熟諳堪輿之潘奇峯前往相度著黃文煜即豫備小肩輿二乘並覓妥夫昇行

將此諭令知之（追予前明四川巴州知州盧爾惇入祀忠義祠從總督戴三錫請也）戊午旌表逼嫁捐軀河南鞏縣民張會同媳趙氏（己未

上幸靜明園詣

龍神廟拈香諭內閣內外各衙門題奏事件遇有地名字面理應遵照全寫如熱河之但稱為熱多倫諾爾之但稱為諾烏魯木齊祇稱為烏順天府節稱為順從前乾隆嘉慶

年間歷經

聖諭訓飭並載入則例凡遇地名字面不得率用省文各該衙門自宜永遠恪遵本日據扎隆阿等奏請將餘糧酌改折色摺內葉爾羌書寫葉城並有阿烏喀三城字樣實屬簡率不成文理著再行通諭各衙門嗣後於應載地名字面務遵定例全行書寫斷不可任聽幕友胥吏祇圖省便致於體制有乖又諭扎隆阿等奏請將餘糧酌改折色一摺葉爾

羌先後查明私墾地畝議增新糧一萬九千四百餘石前經那彥成奏准就餘糧內撥補阿克蘇等處抵支養廉鹽菜不敷糧石嗣經戶部議准將喀喇沙爾應領糧石改撥銀兩茲據扎隆阿等查明按四城加增銀兩合計每年秋後應撥糧九千七百五十餘石各該城均以運費不貲難領本色若就本地糶變則葉爾羌向無囤積之戶不但零星出售守候需時且恐日久派員滋弊不可不防其漸

著照所請將前項抵折各城加增養廉鹽菜糧石照依奏定章程每石改徵折色銀五錢每年於徵收全完後知會阿克蘇烏什喀喇沙爾三城專弁領回按月給散以歸省便至另片奏和闐領隊大臣等額設養廉銀一千二百兩暨該城派赴各軍臺當差委筆帖式弁兵應領鹽菜歲支銀五百七十兩向係按月赴葉爾羌關領差弁長途往返不無賠累前此軍需該官兵等均在和闐存銀內就近動

支嗣後著即將前項劃入該城歲需數內全行撥解備貯俾得一律就近按月支給由該城併入奏銷冊內報部查覈如有缺曠計日扣除統歸於次年舊管造報用昭覈實以肅親王敬敏克勤郡王尚格正白旗蒙古都統博啓圖為內大臣庚申諭內閣昨據步軍統領衙門奏已革譯漢官那爾康阿之妻宗室氏遣抱告鄧力兒控告刑部審辦庫案顛倒是非故入伊夫流罪一案朕以刑部讞

獄若果有顛倒是非故出故入情弊自應查訊明確執法懲辦特派軍機大臣審訊茲據調查刑部全案卷宗提訊那爾康阿將狡辯情形據實陳奏朕閱該犯供詞無非刁控圖翻且復牽扯道光七年銀庫收銀弊端試思銀庫有無弊端自有管理三庫大臣查庫科道稽察辦理與那爾康阿有何干涉該犯前以不干己事在中城挺身具控旋復自具悔結起滅自由其索詐得贓情弊顯然若非事

後被人控告得贓賄和即庫丁等實有侵吞之事該犯亦必隱忍不言乃前此刑部審辦時已據供認前在中城因所告匿帑已虛聲言朱潮弼張孔昭尚有包捐情事張孔昭等因而免人說合給贓息訟眾證確鑿而該犯亦自行畫供迨案經奏結各犯俱已起解復思刁控翻異前供經軍機大臣窮詰無可置辯忽又牽扯本案以前之事似此案外牽控嘵嘵不已若復紛紛提質適以墮其拖累遷

延之計徒長刁風益滋案牘該犯如此居心行事既藉端訛詐於前又刁控圖翻於後行同無賴不顧行止刑部原擬銷除旗檔照例擬流實屬情真罪當此時竟不必再行株連那爾康阿著加重改發烏魯木齊以為逞刁健訟者戒○又諭松筠奏那彥成於六月初間可過保定省城應否接印等語那彥成著於行抵保定時接印任事進京復命松筠屆期交卸即著回京供職○調伊犁巴燕岱城

領隊大臣貴成為額魯特領隊大臣額魯特領隊大臣塔思哈為巴燕岱城領隊大臣賞內大臣肅親王敬敏三眼花翎修直隸清苑新安二縣城外石橋從署總督松筠請也○辛酉

上詣綺春園問

皇太后安諭軍機大臣等李鴻賓等奏越南國差官護送廣東遭風生監回省順帶貨物來粵售賣並請通市貿易一摺此次越南國

王因內地生監遭風漂收到境恤給衣糧盤費護送回粵實屬恭順可嘉所有帶來各貨及將來出口貨物均著加恩免其納稅至該國王請由海道來粵通市貿易一節自當照例駁回但須妥為曉示著李鴻賓等傳諭該國王現據爾國王請由海道來粵通市業經奏聞大皇帝以爾國王久列藩封素為恭順爾國地界毗連兩廣向與內地商民有陸路交易處所貨物流通足資利用非他國遠隔

重洋必須航海載運者可比外夷諸國如有於各海口越界求通貿易例禁甚嚴今若允爾國王所請誠恐各外夷船隻偶有攙越混入以致滋生事端於爾國王諸多未便轉非所以示體恤是以仍令爾國王恪守舊章於廣東欽州及廣西水口等關各陸路往來貿易毋庸由海道前來此係大皇帝格外恩施曲加優眷爾國王其善體此意敬謹遵循為要如此明白宣諭於示以限制之中仍寓撫

綏之道該督等接奉此旨即行遵照妥為辦理將此諭知李鴻賓盧坤並傳諭延隆知之宗人府奏折圈宗室覺羅分別援減得旨覺羅恩德布著減為杖一百徒三年仍照所減罪名圈禁宗室滿貴著減為杖一百即行釋放所減滿杖照宗人府奏定章程實行責打宗室成倫著不准援減照舊圈禁定三四品京堂服滿通補例吏部奏正三品宗人府府丞通政使司通政使大理寺卿三項太

常寺卿順天府府尹二項從三品光祿寺卿太僕寺卿二項正四品通政使司副使大理寺少卿二項太常寺少卿鴻臚寺卿太僕寺少卿順天府府丞奉天府府丞五項均對品升轉相同服滿候補之員請通融補用開列應補之次病痊假滿者仍專補本缺從之壬戌諭內閣章嘉呼圖克圖因朕本年前往盛京呈請恭進馬一百匹誠悃可嘉若不賞收轉不足示朕體恤呼圖克圖之意此項馬

著收五十匹俟護送來京時著交兵部以備應用諭軍機大臣等據長齡等奏移駐雙城堡閒散塔斯哈私行來京欲將伊父母骨櫬遷葬雙城堡曾向該管官告假未准是以隻身私行來京投該族長處呈明等語塔斯哈曾否以此情在該處告假未准抑另有別情藉詞私逃回京著倭楞泰詳細查據實具奏將此諭令知之○又諭據彥德等奏審訊齊默特多爾濟控告科布多解任參贊額勒錦遣人索取馬匹擾累各愛曼一案所控多係傳聞之詞若照所供人證遠道調取更滋拖累欲行文科布多轉行該愛曼確切查明聲覆即行定擬與車林多爾濟意見不合同日據車林多爾濟奏請簡派大臣前往提集案內人證審明辦理等語彥德等既各存意見必須派員秉公查辦朕欲派松筠前往著將彥德等清字漢字各摺鈔寄松筠閱看昨已有旨令那彥成於經過保定時接受督

篆松筠俟交卸後即行來京請訓屆時降旨派令馳驛前往將此先行諭令知之

大清宣宗效天符運立中體正至文聖武智勇仁慈儉勤孝敏成皇帝實錄卷之一百五十六

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十七

臣等謹將宣宗成皇帝實錄卷之一百五十七

臣等謹將宣宗成皇帝實錄卷之一百五十七

臣等謹將宣宗成皇帝實錄卷之一百五十七

臣等謹將宣宗成皇帝實錄卷之一百五十七

臣等謹將宣宗成皇帝實錄卷之一百五十七

奏修

道光九年己丑六月癸亥朔諭內閣予告尚

書黃鉞曾直內廷宣力有年學問素優人亦
謹飭本年八月為伊八十生辰特頒御書福
壽扁聯並錫以壽佛如意朝珠文綺等件用
迓福祉伊子禮部小京官黃富民著加恩作
為該部候補主事俾聞之益增慶慰並傳諭
黃鉞不必違道跋涉來京謝恩以示朕優禮
耆臣錫慶引年至意○以捐修安徽定遠縣
城垣橋梁賞知縣馮雲祥和州衙餘議敘有
差○予葉爾羌陣亡甘肅外委張朝得祭葬

世職和闐陣亡兵丁劉奇等一百一十八名
賞卹如例○乙丑

上奉

皇太后幸觀瀾堂進膳○諭內閣刑部議駁戴
三錫審擬左茂崑捏造御批一案以該犯捏
寫後尚未傳布慮問重罪而止與毫無畏懼
者有間將該犯依詐為制書未施行絞律上
量減擬流該犯果係心知畏法自必即時銷
毀何以尚置神龕且在家捏造如未傳布該
縣何由訪聞獲辦至該犯路遇曾坤耀時說
言御批批得極好曾否將捏寫之批與曾坤
耀觀看該前督原奏並未詳敘明晰罪關生
死出入著交琦善提集人證另行研訊確情
按律妥議具奏尋議照詐為制書未施行律
擬絞監候下部知之○又諭烏魯木齊釋回
遣犯常慶前因以子證父居心險惡從重發
遣乃該犯期滿釋回不知悔改輒因受人鄙
薄復妄控該處營弊藉端挾制實屬怙惡不

俊常慶著發往黑龍江當差以懲刁惡。諭軍機大臣等。本日刑部奏審訊由烏魯木齊釋回遣犯常慶控告該處營弊一案。據該犯供內有嘉峪關外各卡驗票放行時向人勒索銀錢等事。新疆地方正在嚴查諸弊之時。各處守卡員弁兵役豈容藉端勒索。致有偷漏。著恩銘等逐處詳察。如有向守法商民無端需索。或有夾帶違禁物件得賄縱放各情弊。即當據實參辦。若稍有瞻徇回護。含混覆

奏。將來別經發覺。惟恩銘等是問。將此諭令知之。○又諭常慶供稱伊在烏魯木齊時曾見該處提標右營都司守備役使官兵並占官地租與民人耕種等語。營員役使官兵私種官地有干例禁。該犯雖不能指出切實證據。亦難保該營員等必無此弊。並恐不止烏魯木齊一處為然。著德英阿等遴委妥員密行察訪。如有前項情弊。即著據實參辦。勿稍瞻徇回護。將此諭令知之。○貸江寧京口駐

防旗員司庫銀修理官房。○丙寅諭內閣著英等奏請嚴禁軍流徒罪暨遞籍人犯脫逃來京一摺。向例在京問擬軍流徒罪發配地方及枷責杖笞遞回原籍管束各犯如有私自脫逃者。將該地方官分別議處立法恭嚴。乃日久奉行不力。各該總甲等任意疏縱。並不照例收管。以致各犯往往潛逃來京。復行偷竊。迨經緝獲。閭閻已受其累。據著英等查明。本年拏獲疊竊多賊之逃軍李二竟自雲

南逃跑。其餘自配脫逃來京搶竊被獲者。自道光七年至今。共有四十餘案。此外未獲者尚多。總緣外省州縣人皆土著。溷跡甚難。京師人煙輻輳。潛蹤較易。與其緝拏於事後。不若嚴禁於事前。著通諭順天府暨直省各督撫。嚴飭所屬嗣後每遇軍流徒罪及遞籍人犯到配。務各遵照定例。於每月朔望親身按名點驗。如有脫逃立即申報上司。及原犯事地方查拏。並將疏縱之總甲人役等照例嚴

懲毋任隱匿。並著步軍統領衙門逐案稽覈。遇有軍流等犯脫逃來京搶劫疊竊於獲犯後究出逃逸日期查明該省有無申報隨摺聲明其贓數無多罪名較輕者仍咨送刑部照例覈辦。俾靖地方而杜奸宄。○又諭著英等奏酌議稽察餉鞘一摺。向來各省解京餉鞘一入京營交界該營汛撥兵接替護送迨進城歇店並派兵守護交納完竣後僅據該委員告知即將汛兵撤回稽察恐難周密嗣

後凡餉鞘到京其進城及入店出店日期著各該委員結報該營該營即稟報步軍統領衙門每屆一月由該衙門彙總分晰清單具奏一次以憑查覈。○諭軍機大臣等寄諭雲貴總督阮元湖廣總督嵩孚陝甘總督楊遇春等阮元奏查明甘省緝獲歐陽貴並非逆犯趙應隴正身現在仍飭查拏一摺逆犯趙應隴潛逃未獲必當認真查拏到案明正典刑以伸國法甘省所獲形跡可疑之歐陽貴

前據嵩孚奏稱委員查明湖南湘潭縣實有歐陽大亮改名歐陽貴與趙應隴圖形多有不合至周國盛周書培及老河口開設鞋鋪之李老六並李映川均查無其人茲據阮元奏詳覈原案歐陽貴與趙應隴情節實有不符是甘省盤獲之犯其為非逆犯趙應隴毫無疑義著該督等仍嚴飭地方文武員弁各於境內一體嚴密緝拏該犯務獲究辦斷不可任其漏網將此諭令知之。賞喀喇沙

爾辦事大臣福綿副都統銜為科布多參贊大臣藍翎侍衛棍楚克策楞三等侍衛為喀喇沙爾辦事大臣。○丁卯諭內閣松筠奏請將直隸降革各員留省辦理差務一摺前署臬司清河道陶樾候補知縣歐聲振保定府知府白明義俱因外委白勤被誣拾案一案審辦錯誤經松筠等奏參飭交部議分別降調革職茲松筠以該員等於差務素稱熟練奏懇恩施留省差委朕若遽加寬貸何以儆

不職而安枉死之人。且熟練差務者。捨此三人。則不可得耶。所奏著不准行。喀什噶爾換防總兵官布彥泰因病解任。以英吉沙爾領隊大臣多隆武為喀什噶爾換防總兵官。以正黃旗漢軍副都統陰功保為英吉沙爾領隊大臣。○戊辰。

上御勤政殿聽政。○諭內閣。鄧廷楨奏。創修安徽省志告成一摺。安徽自分省以來。未經輯有通志。道光五年。陶澍奏准予限纂輯。現據

鄧廷楨奏。稱業經修輯完竣。並繕寫正本呈覽。此書由陶澍具奏創修。鄧廷楨督辦。嚴事陶澍。鄧廷楨均著加恩。交部議敘。○又諭。朱桂楨奏。前次保奏。催漕出力之候補衛千總吉拉明阿。本名吉爾明阿。摺內書寫錯誤。今查明據實檢舉一摺。清語吉拉明阿。用爾字。本屬不協。著無庸咨部更正。該漕督自請察議之處。並著加恩寬免。○又諭。刑部題駁江西巡撫韓文綺審擬江世常銃傷江起組。並

江金玉銃傷江世輝。江道得銃傷江傳勝。各身死一案。查覈案情。江世常於銃傷江起組後跑走。當江世輝追趕時。江金玉江道得。如果意止攔勸。何不將鐵銃放下解紛。况肩負鐵銃。裝有藥砂。豈不慮震動火機。致斃人命。未有因息事而轉致滋事之理。其為幫護放銃情事顯然。該撫率聽狡飾供詞。僅將在監病故之江世常審屬有心施放。而江金玉江道得二犯。則各以被碰失跌。偶致銃發斃命。

寬其駢誅。殊覺輕縱。案關火器殺斃三命。罪名斬絞。出入懸殊。著該撫委員覆加研鞠。務得確情。另行妥擬具奏。以成信讞。尋奏。審明江金玉有心放銃。致斃江世輝。遵改照故殺律。擬斬監候。餘請仍照原擬。下部議從之。○以大理寺卿桂齡為都察院左副都御史。○調英吉沙爾領隊大臣陰功保為喀什噶爾辦事大臣。喀什噶爾辦事大臣棍楚克策楞為英吉沙爾領隊大臣。○以正白旗蒙古都

統博啓圖署鑲紅旗漢軍都統鑲藍旗漢軍副都統達哈布署正黃旗漢軍副都統戶部議准陝甘總督楊遇春疏報甘肅綏來縣開墾地四十四頃一十畝照例升科從之己巳旌表守正捐軀河南光山縣民張連母宋氏○免西藏喀喇烏蘇等處被雪成災番族貢馬銀並撫卹被災官兵戶口○修直隸張家口滿營兵房及禦水石壩從察哈爾都統安福請也○庚午

上幸萬壽山詣

廣潤祠拈香○詣綺春園問

皇太后安○辛未諭內閣禮部奏此次駐蹕盛京將應行禮儀先期奏明一摺本年九月二十日恭奉

皇太后安輿至盛京二十二日升崇政殿頒詔朕恭率王公等先詣

皇太后行宮行禮其所奏朕御內殿皇后率內庭主位等於朕前行禮

皇后還宮內庭主位等於皇后前行禮一節俱著停止至二十六日朕御大政殿舉行筵宴著於恩賜食品時先進世德舞樂曲俟喜起舞大臣進舞畢再進蒙古樂曲餘依議○又諭御史宋劬毅奏請嚴禁拐販人口並出差過黔官員買帶子女一摺貴州省屢有匪徒興販婦女轉賣圖利久經飭禁該省地方官員若能恪遵功令自行檢束認真查察不特匪徒知所斂戢即差員

到省亦何敢肆行無忌任意招買攜帶若如該御史所奏雖經該撫派有委員於思州石阡鎮遠等府交界處所駐劄稽查而匪徒出入亦不止思州一路且有鄰省出差州縣過境往往傳呼官媒招集貧民女子擇買攜帶因而奸媒競利輾轉圖售不可不加厲禁著該撫嚴飭所屬無分畛域一體設法實力截拏不特略拐人犯急宜捕治即官媒通同販賣亦應曉諭禁止其出差或過境官員尤

當嚴切飭誠無許再蹈前轍如仍敢招買攜帶即據實嚴叅懲辦並飭知沿途官弁一體盤詰但不得藉端擾累以肅功令而靖閭閻旌表守正捐軀直隸肥鄉縣民李不由妻李氏○展緩雨淮板浦中正臨興三場連年災歉積欠銀○壬申諭內閣伊犁錫伯部落總管和特恆額前在驍騎校佐領副總管任內恭逢恩詔為伊繼娶之孀婦請領封誥與例不符著將三軸誥封追出遇便咨部註銷

該總管雖係自行檢舉然從前請領封誥究屬不合和特恆額著交部議處諭軍機大臣等本日德英阿因病請假著賞假一月調養降旨令容安署理將軍印務惟容安年齒尚幼在伊犁參贊大臣任內未久伊犁將軍統轄西北兩路地方寬廣職任綦重容安署理將軍印務於一切公事必須與領隊大臣謹慎商辦虛心研訪遵照舊章妥為辦理斷不可任情誤事有負委任將此曉諭容安敬

謹遵行○癸酉諭內閣長蘆應徵道光八年引課正雜等款據該鹽政阿揚阿奏稱除叅商抄產變抵及叅課項下撥補過引課分限加價幣利各款外實應完銀一百九十一萬六千四百餘兩均已遵照新定章程按數徵完年清年款所辦甚好阿揚阿著賞加三品卿銜以示鼓勵諭軍機大臣等湖北荊州水師營守備張湖與前任四川學政潘光藻互訐一案前因嵩孚等審擬未協特交湯金

釗等覆訊茲據奏稱潘光藻於該督結案後已起程赴京當經飛咨沿途督撫並牌行各州縣一體截留現在曾否回楚著那彥成楊國楨即飭沿途各地方官無論潘光藻行抵何處即行截留飭令迅速回湖北備質將此諭令知之○命禮部尚書松筠馳往科布多查辦事件○命兩淮鹽政福珠隆阿來京以上駟院卿福森為兩淮鹽政郎中德增署上駟院卿○撥江寧寧國池州廬州鳳陽等府

屬緩漕正贈米四千九百七十餘石支放江
淮興武鳳陽長淮各幫丁因災緩缺月糧
甲戌諭內閣史致儼等奏審擬山西平定州
民婦朱葛氏等控案一摺此案平定州知州
恒杰雖無受賄徇私情事惟承審命案並不
詳細推求以致失出正犯累及無辜又失察
門丁得贓非尋常錯誤可比恒杰著即革職
以示懲儆該撫徐所於朱葛氏等兩次遞呈
據稱上年冬間往返該處實未見有婦女二

人偕來呈訴惟以未經接印無從執行覈辦
為詞殊屬不合徐所著交部議處命禮部
尚書湯金釗為上書房總師傅命工部尚
書穆彰阿為翰林院掌院學士調禮部尚
書松筠為兵部尚書未回京前命都察院左
都御史那清安署理以內大臣博啟圖為禮
部尚書命都察院左都御史那清安為武
英殿總裁官以兵部尚書王麟為伊犁將
軍大學士長齡署正藍旗滿洲都統贈故

伊犁將軍德英阿太子太保賞銀二千兩治
喪賜祭葬諡剛果乙亥諭內閣湯金釗昨
已派充上書房總師傅大阿哥師傅著即派
龔守正以故四川綽斯甲土司諾爾布斯
丹臻子工噶旺爾結襲職丙子命前任四
川布政使董淳以五品頂帶休致荊州將
軍觀喜以疾解任以湖南綏靖鎮總兵官徐
銀為荊州將軍未到任前命副都統齊克唐
阿護理以山東沂州營副將李約文為綏靖

鎮總兵官旌表守正捐軀山東招遠縣民
鄒克純妻李氏河南柘城縣尼奉奉除江
蘇崑山縣坍沒草蕩義田四十四畝有奇額
賦丁丑命察哈爾都統安福來京以副都
統福克精阿署都統大理寺卿廉敬為副都
統戊寅

上詣綺春園問
皇太后安諭內閣長齡等奏查獲私帶鴉片
煙及煙具各犯一摺鴉片煙久經嚴禁該犯

等竟敢攜帶煙土煙膏至一百七十餘兩之多並捆載煙具等件實屬目無法紀陳姓陸姓俱著交刑部嚴行審辦長齡舒英查拏甚屬認真俱著交部議敘查出人役著長齡等酌量獎賞○旌表守正捐軀河南林縣民董庭顯妻楊氏○己卯賞河南等省戊子科鄉試年老諸生常以辛等三名副榜○旌表守正被戕四川灌縣民王應元女金蓮○戶部議准護江西巡撫富呢揚阿疏報廣豐

縣開墾水田七十畝有奇照例升科從之庚辰諭內閣松筠奏請將庫倫學習事務之二等台吉多爾濟納木凱遣往烏里雅蘇台科布多隨同審辦案件一摺著照所請准其各行庫倫辦事大臣等飭令多爾濟納木凱減從馳驛前往烏里雅蘇台科布多隨同松筠審辦案件俟定案具奏後再由彼遣回庫倫○又諭扎隆阿奏酌調喀喇沙爾夷回章京並請飭部揀派和闐等城印房章京一摺

喀喇沙爾夷回章京一缺新例應於駐防筆帖式內揀選升補茲據該署參贊以該處印房章京富倫布熟悉情形奏請調補著照所請准其以富倫布調補喀喇沙爾夷回章京所遺該城印房章京員缺著該部查明新例揀補又和闐印房章京一缺新例應以京員改調現在員缺委員署理著該部一併揀派前往至和闐糧餉處向未設有專員經理著照所請嗣後和闐印房一缺作為掌印章京

兼管該城糧餉以專責成○諭軍機大臣等新調英吉沙爾領隊大臣棍楚克策楞著扎隆阿於其到任後詳加察看能否勝任遇有報便據實具奏將此諭令知之尋奏棍楚克策楞操守清廉為人靜正所辦事件均能詳慎明晰報聞○以故郭爾羅斯扎薩克鎮國公固嚕扎布子二等台吉揚贊巴拉襲爵賞故教漢鎮國公固山額駙那木扎勒多爾濟銀五百兩○辛巳諭內閣本年朕前詣盛

京恭謁

祖陵恐緣事降革各廢員有於關內關外恭迎鑾輅希冀查辦起用者不可不先期飭禁所有該廢員等概不准前來接駕○又諭陶澍奏江寧藩庫動缺封貯銀款請將捐監銀兩陸續歸補一摺外省收捐監生銀兩向係以十萬兩解部五萬兩歸補封貯嗣經戶部奏准暫停歸補每湊足五萬兩即行解京茲據該撫查明江寧藩庫額存封貯一款歷年動

缺銀四十五萬七千四十一兩零未便日久虛懸請以捐監銀兩陸續歸補著照所請所有江寧收捐監銀自本年為始仍以五萬兩為一次凡兩次解部之後再續收五萬兩即歸補封貯相間輪轉俟封貯足額即全行解京○諭軍機大臣等盛京士子每值鑾輅經臨進獻詩冊此次朕祇謁

祖陵著奕顯等先期曉諭該士子等毋庸仍前進獻將此諭令知之○修山東運河上河捕

河三廳屬開座隄壩從河道總督嚴琅請也○壬午

上幸靜明園詣

龍神廟拈香○諭內閣特依順保等奏遣犯巴克唐阿三年期滿等語巴克唐阿係奉旨遇赦不赦之犯該將軍等本不應率行具奏巴克唐阿著不准釋回○賞郭爾羅斯公楊贊巴拉花翎○以長蘆鹽課全完運使蔡學川下部議敘○以三姓地方糧價增昂命平

糶倉穀○癸未諭內閣訥爾經額奏審擬欲行叩關之德州衛旗丁一摺此案山東德州衛旗丁捐職衛千總鄧雲瓏即鄧雲瞻因頭船旗丁鍾明標短給錢文黃夜鑽入東華門外柵欄欲行控告即被拏獲著革去衛千總職銜照例量減一等杖一百徒三年該犯雖患痰迷病證時發時愈惟仍照常領運則不得謂之廢疾著不准收贖德州衛正幫領運千總謝恩銜於鄧雲瓏中途請假擅離職役

未向禁止。殊屬疏忽。著交部議處。以故奉恩將軍奎福子玉琴襲職。以甘肅按察使薩迎阿為河南布政使。甘肅蘭州道程喬采為按察使。修黑龍江呼蘭地方運糧船。從將軍特依順保請也。甲申。

上詣綺春園問

皇太后安。乙酉。遣官祭

火神廟。諭內閣。湯金釗等奏審擬已革知縣典史誣良為盜。捏稟冒功一摺。已革署房

縣事宣恩縣知縣王綱。於萬大儒被毆身死之案。誤疑劫殺。將馬老五等非刑拷認。並施斃無辜。且扶同張紹宗捏稟冒功。抽換文卷。尤為徇私舞弊。王綱著發往烏魯木齊效力贖罪。已革鄖縣典史張紹宗。捏稟冒功。輒將事主不肯領回之衣。妄指為贓。擅留已室。眾供已明。猶復狡執。且牽扯上司挾嫌。意圖挾制。實屬刁惡。張紹宗著發往伊犁效力贖罪。該革員等所犯情節較重。俱不准其援減。並

著都察院步軍統領等衙門。如張紹宗遣人赴京。仍將指留劉傳家。葱白布衫一件。指為盜贓。捏情具控。即行發回湖北。給與劉傳家具領。以免拖累。又諭直隸省開州盜犯糾眾拒殺兵役。承緝各員。雖於限內拏獲夥盜二十六名。其首盜李丙寅等五名。仍未弋獲。若僅照尋常盜案疏防之例議處。未免輕縱。所有疏防承緝之開州知州張良志。開州州判李祖森。均著革職留任。勒限一年緝拏。不

同城之代理大名府通判事直隸總督衙門筆帖式毓祥。署大名府事。試用知府普俊。均著降一級留任。再限一年緝拏。不同城之大名道李德立。著罰俸一年。限一年催緝。並著該督仍遵前旨。二案無獲。即行嚴參具奏。至前任該護督題參疏防。於此等糾眾傷兵盜劫重案。並不即時扣限查參。殊屬遲延。著該督查取職名。交部照例議處。刑部議駁。陝西巡撫鄂山。審擬趙儒英一案。得旨部駁。甚

是此案陝西永壽縣民趙儒英主使劉英誣控王鳳彩與弟婦吳氏有姦致伊妹劉氏被休差役黃進財聽許錢文王鳳彩等先後自縊詳覈案情劉英僅令趙儒英念聽休書何以輒行攜去迨王鳳彩令子服禮將劉氏接回趙儒英尚復指留休書且於唆令劉英誣控時王雲步浼人將劉英勸回許伊錢文抽還休書趙儒英猶復嫌少因不遂所欲迫令劉英具控是其唆訟索詐情形顯著即謂王

鳳彩之自盡係因痛子情切不知王鳳彩父子若非趙儒英主唆誣告即不致到官鎖押被差婪索王雲步無由自盡王鳳彩亦何遽輕生且既經被控亂倫王鳳彩亦當忿恨不得謂其自盡之由專因痛子至王雲步許給差役黃進財賄錢業已鬆放項鎖若非差役翻悔重復需索何肯遽尋短見其相驗王雲步屍傷時何以並未取有王鳳彩生供散役李幅等供稱王鳳彩屍身有磕擦傷痕原奏

並未聲明是否死後致傷亦未將原驗傷單送部查覈案情既多疑竇罪名尤關出入著鄂山委員覆加研訊務得確情按律妥擬具奏尋奏趙儒英圖財唆訟致斃二命遵旨改照誣告人因而致死者律擬絞監候至王鳳彩屍身傷痕係解救時磕擦所致原奏未經聲敘明晰黃進財雖無翻悔重索情事惟先經得受贓銀應仍照蠹役詐贓致斃人命不論贓數多寡律擬絞監候下部議從之○命

左春坊左中允翁心存在上書房行走○丁亥諭內閣御史佛恩等多奏經紀偷減漕糧請立法懲一摺此次二進米石運至大通橋間有攬和偷減經該御史等移會坐糧廳將各經紀嚴行懲辦並請明定章程以杜弊端著倉場侍郎傳集各經紀嚴行曉諭並責令坐糧廳認真查察毋得任聽該經紀朦混舞弊嗣後大通橋米石如升合雖無短欠而攬雜過多者即由大通橋將抽掣米石駁回

並行文倉場衙門將該經紀送交刑部治罪其家產交地方官變賣著賠並著該御史隨時稽查防範有犯必懲不得稍涉寬縱○戊子諭軍機大臣等據戴三錫奏雷波廳屬熟夷胡烟子因其胞姪胡宅黑素行不法縛交鄉約張世貴送官笞責因病保釋其母舅生番納子糾率夷眾重赴張世貴家肆鬧張世貴聞信先逃該夷匪將地鄰吳同發等房屋焚燒乘便搶掠捆擄漢民三十四名又拒傷田宗發楊科友等十二名田宗發即因傷身死該夷匪已逃竄歸巢現經該管文武將被擄民人陸續追回二十二名仍飭委員會同地方官上緊勒追被擄人口贓物並查拏滋事夷匪等語四川省生番屢有滋擾搶擄之案茲復藉端糾眾拒殺漢民肆行捆掠現雖將擄去民人追回過半尚有被擄人口十餘名未經追回且滋事夷匪亦未拏獲究辦何以肅法紀而靖邊圉著琦善會同昇寅桂涵

嚴飭委員及地方文武各官一體上緊嚴拏務獲按律嚴辦示懲勿任一名漏網並設法將被擄人口悉數追回妥為撫卹將此諭知琦善並諭昇寅桂涵知之尋奏捕獲挾嫌糾眾致傷多人造謀首惡之盧蜡難並夥同搶劫傷人之喀咀申納按律分別問擬斬梟絞決下部議從之○頒東河分水

龍王廟

御書對聯曰星瀆分流雙派匯雲帆利濟萬艘連○旌表守正捐軀陝西華陰縣民黃文學重養媳徐氏○免直隸南宮新河隆平寧晉四縣積水地畝上年額賦有差○己丑諭內閣軍機大臣會同刑部奏審訊解任御史安明沈巍皆互相奏揭一案已訊明該御史等及書吏家丁人等大概供情安明復呈訴左都御史那清安曾於本月十五日遣經歷景昌傳伊至私宅諭令將沈巍皆辦錯之案告知各堂官商辦並向言及沈巍皆再四向伊

子託情照拂之事。又於十六日接據知會。定於二十日到都察院公同商辦。至期有京畿道滿漢御史。向稱看伊四人情面。不必陳奏。令沈巍皆陪罪認錯等情。那清安既知該御史等意見不合。何以不會同該堂官等秉公查辦。輒令京畿道御史等調處。是否有因。沈巍皆請託情事。著那清安據實明白回奏。又諭扎隆阿等奏。修建葉爾羌顯忠祠工竣。請將新舊盡節諸臣設位致祭一摺。此次喀什噶爾等四城大臣將士。並滿漢各官兵。或致命行間。或捐軀殉節。自應循照舊章入祠致祭。並據查明乾隆年間舊祀各大臣將士銜名。現俱被焚失考。著禮兵二部將新舊盡節各大臣將士。詳細查明。錄咨該大臣等。按名設位。於春秋歲暮致祭。以妥忠魂。又諭扎隆阿等奏。請將盡節伯克回子附祠致祭等語。喀什噶爾英吉沙爾。葉爾羌和闐四城。盡節伯克回子。前經加恩賜卹。著一體附祠。

每逢春秋歲暮。遣令伯克致祭。以慰忠魂。至商民漢回隨同官兵防禦。抗志捐軀情殊可憫。應如何賜卹之處。著禮兵二部覈議具奏。諭軍機大臣等。扎隆阿奏陳經理官鋪現在情形一摺。喀什噶爾議設官鋪。前經那彥成等酌議章程。尚須試行有效。經久無弊。方為盡善。茲據扎隆阿體察近日交易情形。已與初時迥異。自不得拘泥原奏。致滋流弊。此事可行則行。不可則止。朕亦不為遙制。扎隆阿等惟當悉心體訪。斟酌盡善。據實奏明辦理。其葉爾羌情形。亦復相同。統俟彙覈奏到時。再降諭旨。將此諭知扎隆阿。並諭額爾古倫。伊薩克知之。刑部奏。審明毆斃姦夫棄屍滅跡。定擬請旨。得旨。此案張三等毆死姦夫王四。棄屍樂善園內。經步軍統領衙門密派中營千總鄧朝樑訪出正兇。跟蹤緝獲。茲據刑部訊明具奏。鄧朝樑著以應升之缺升用。所有管理樂善園內外之文武各官。失於

覺察著吏兵二部查取職名照例議處庚寅

上詣

大高殿行禮○還宮○諭內閣朕本年自盛京回蹕取道恭謁

東陵於十月二十一日還宮所有一應事宜著各該衙門敬謹豫備○諭軍機大臣等據奕顯奏查明搭蓋圍席並無辦過成案乾隆年間禮部漢字咨文與清字不符是當時譯漢

中書

主

錯誤無疑○所有搭蓋圍席之處著停止將此諭令知之○又諭本日召見保舉堪勝陸路總兵之副將湯占先朕見其人尚可用已降旨將該員補授壽春鎮總兵其狼山鎮總兵即令姜長齡前往署理姜長齡能否勝任著將攸鈺詳加察看據實具奏將此諭令知之○以江南江寧城守營副將湯占先為安徽壽春鎮總兵官壽春鎮總兵官姜長齡署江南狼山鎮總兵官○朝鮮國使臣徐能輔等

二人於神武門外瞻觀○以孟秋時享

太廟自是日始齋戒三日○辛卯諭內閣喀爾喀土謝圖汗衛多布多爾濟所遺員缺次子

車林多爾濟雖於伊父在日曾經豫保而現在身有疾病兼之年幼恐將來不能當差雅

凌泰係衛多布多爾濟之長子年二十七歲既據該旗官碩等情願保舉雅凌泰承襲汗

爵所有汗爵著加恩准其承襲○諭軍機大臣等實華峪地宮上年夏秋間曾有積水現

屆大雨時行地宮內外是否仍有積水之處著黃文煜帶同官弁人役親詣地宮詳加察

勘有無浸淫存水處所暨寶城上下有無情形據實覆奏將此諭令知之○前任廣東提

督何君佐以疾休致賞食全俸○壬辰諭內閣將攸鈺奏審擬秦學建控案應否照現訊

供情擬結抑或摘提人證解部覆訊等語此案安徽建德縣已革典史秦學建所控各款

現經將攸鈺提審數十次就其指出證據按

中書

主

款質訊眾供確鑿該犯於將次定案之際猶復刁抗不服蔣攸銛身任兩江總督於特旨交審之件親提屢訊已將該犯挾嫌誣陷之處逐一根究明確自無不實不盡此時若復將人證解京審訊適以墮其拖累遷延之計徒長刁風所有此案定擬罪名朕已批交刑部議奏著卽照蔣攸銛現訊供情擬結毋庸解部覆訊

大清宣宗效天符運五中體正至文聖武智勇
仁慈儉勤孝敏成皇帝實錄卷之一百五十七

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十八

[illegible]

道光九年己丑秋七月癸巳朔享

太廟

上親詣行禮○幸圓明園○詣綺春園問

皇太后安。○諭內閣朕親政之初曾降旨查辦

文武各廢員交該部帶領引見內有步軍統

領衙門。因刑訊張錡致斃革職永不敘用之。

增柱慶源定住三員當經分別用為筆帖式

俱不准回原衙門行走彼時

皇考仁宗睿皇帝實錄尚未纂輯成書該革員等緣事案由朕無從深悉而開列單內亦未

將其案情詳細聲敘。是以量予恩施。昨恭閱實錄。內載嘉慶二十三年四月。欽奉

諭旨。張錡實因刑傷潰爛身死。承審之員。鍛鍊多日。迄無確供。見人已垂斃。遂憐通英和奏交刑部。欲令張錡斃於刑部獄中。以卸其責。實屬任意妄為。郎中增柱員外郎慶源主事定住俱著照議革職。永不敘用。欽此。仰見我皇考平情執法。至公至當。必應恪遵。此時增柱等獲咎案由。朕既已閱悉。覈其情節甚重。豈可稍事姑容。濫膺官職。現任工部筆帖式增柱兵部主事慶源禮部筆帖式定住俱著仍遵

聖諭。即行革職。永不敘用。○諭軍機大臣等。張井奏履勘上游兩岸河勢工程情形一摺。南河蕭南廳梁家屯壩頭距河僅三十餘丈。將來愈塌愈近。恐致生工。必應先事籌防。該河督與道廳熟商。分年購備碎石。既資有備。亦可經久。著即飭令陸續辦運。其瓦窯鋪新河

對岸水口窄狹。各橋壩下。亦有露灘之處。應否分別展闢挑切。著張井即親往查勘。酌量辦理。以暢宣洩。現在已交伏汛。正大雨時行。水勢漲發之時。該河督另片奏。上游來源增長。據續報長水二尺餘寸。轉瞬秋汛。經臨為日方長。務當督飭廳汛各員。隨時認真防守。妥為籌備。不可稍形疏懈。致有意外之虞。將此諭令知之。○又諭張井奏運河劉老澗改建滾水石壩中河補還南岸緯隄工程完竣等語。此二項工程。著派蔣攸銑親往驗收。其工料是否堅實。並承辦工員有無草率偷減。著查明據實具奏。將此諭令知之。○修浙江東西海塘。從巡撫劉彬士請也。○甲午。諭內閣。新疆等處糧員。向係於廢員內揀選。帶領引見發往。現在各該廢員等。或因案情太重。或因年老有疾。一時揀派乏人。其應以何項人員酌量揀發之處。著吏部覈議具奏。尋議。此後新疆糧員。專用京員及應用廢員之缺。

咨取各部院現任筆帖式年力富強通曉滿漢文義者奏請派出大員公同考試揀選二十員交部註冊遇有缺出按考取名次每缺帶領三員引見派往作為委署主事其筆帖式毋庸開缺至期滿升用主事班次悉照舊定章程辦理從之○理藩院奏查明科爾沁台吉等招民私墾牧場議定章程請旨得旨著盛京將軍就近派委妥員會同該盟長委員親赴該處將庫都力等處四址立封堆勿使展占其民人籍貫戶口及承種地畝數目著該廳造具細冊報明理藩院查覈並出示嚴行曉諭該蒙古民人嗣後不得任意私招私墾令該盟長一體遵辦至此次私招之蒙古台吉及失察之該盟長扎薩克著查取職名交理藩院分別議處○刑部奏遵議禮部尚書湯金釗等奏審明已革知縣典史誣良為盜捏稟冒功一案得旨此案失察王綱擅用非刑之湖北前任鄖陽府知府升任江

西糧道李義文雖未能查出揭參而各犯罪名生死出入究由該前府審出實情李義文著加恩免其議處餘依議○以前任察哈爾都統安福署正紅旗蒙古副都統○廣西巡撫蘇成額疏報崇善縣隴礦熙旺岵吉等山開採鐵礦每年照例徵稅下部議行○乙未諭內閣薩炳阿等奏請將西安滿營舊存殘壞鳥槍鎔化改造擡礮一摺西安滿營舊存鳥槍業已不堪應用著照所請准其將舊存鳥槍一百六十桿鎔化改造擡礮四十位妥為操演以備應用所費工價銀兩著照例動用公項毋庸令本處官員捐辦○命前任廣東南韶連鎮總兵官蕭文治以頭等侍衛用○丙申諭內閣孫爾準奏查明官兵焚燒禁山柴草致傷兵丁實情一摺浙江省南田禁山每屆冬令焚燒柴草一次以絕游民覬覦上年提督巡查時千總郭殿魁分管地方因風大火烈致傷兵丁三命究屬辦理不善黃

巖鎮標左營千總郭殿魁著革職作為兵丁隨營效力。提督王雄親身在場督飭分燒仍有失事。著交部察議。總兵羅光燭業經休致毋庸置議。兵丁王丙升等因公傷斃。著咨部照例覈辦。○丁酉諭內閣那彥成奏修整練車橋道經費。請分案估銷一摺。

昌陵碑樓所需楠柏木植應用練車運送經過直隸容城等州縣沿途橋座均須鑲寬道路溝坎亦應一律平坦。據該督委員勘估共需

經費銀五千一百餘兩。著照所請准其於庫存道光三年賑案餘賸經費銀內動撥給領分案報銷。○又諭步軍統領衙門奏京城八旗五營竊案翼尉副將等官例無處分未能認真督緝。請定勸懲章程等語。著照所請嗣後八旗五營報竊之案責令翼尉副將等官務各督同所屬實力緝拏。若一季之內每翼每營未獲在十案以上者即將該翼正副翼尉該營副將參將遊擊等官交部議處。如一

季之內並無報竊案件准將該旗營各員等交部議敘。○軍機大臣大學士曹振鏞等會同刑部奏審明管理街道御史安明沈巍皆互相奏揭一案得旨此案解任御史安明於前任批准修理之件如果知其實有情弊何難立即查辦乃始而自往查勘聲言李時軒房基侵占街道四五尺繼復勒寫書吏筆據指為侵占二三寸是尚無真知灼見何以當時不會同沈巍皆前往查勘託故遷延必欲

票傳住戶致書吏謝宣微窺其意敢於懇令罰錢免究雖據訊明送到罰錢未經接收已屬有干功令至於家人卑役時時嚴行約束尚恐其遇事招搖乃竟遣令干預公事實屬謬妄安明著交部嚴加議處沈巍皆既與安明意見不合阻止不從即應赴都察院公署陳明乃輒至那清安等私宅訴說且於批發另案報呈並不加意致有筆誤殊屬疏率著交部議處都察院左都御史那清安既知該

御史等因事齟齬應傳令至署公同查辦乃將安明傳至其家詢問亦屬不合著交部議處○直隸總督那彥成奏朝鮮國使臣進京謝恩行抵撫寧縣副使呂東植因病不能前進停留調治正使徐能輔等先行該副使病愈即令進京得旨該副使病痊無庸前來著在彼等候正使偕回本國可也○馬蘭鎮總兵官黃文煜奏遵旨查明寶華峪積水由木門至頭層石門水深一尺五寸由頭層石門至二層石門水深一尺六寸由二層石門至三層石門水深一尺五寸五分由三層石門至四層石門水深一尺五寸四層石門內寶牀上水深二寸二分寶牀下水深一尺三寸五分得旨所以朕亟亟欲移出孝穆皇后梓宮者於茲可見尚云設法修理者不知是何肺腑可笑之至又奏現在券內積存之水或即淘洗乾潔抑或俟雨水過後查看有無增長再為淘洗之處伏候訓示祇

遵批所奏俱悉何必代人費此無用之力竟無庸收拾憑他可也○江蘇學政申啓賢奏考試情形並清釐案牘整頓士習得旨所辦周妥之至政貴有恒虛心實行誌之○移建陝西略陽縣城垣動帑給還園用民地價從巡撫鄂山請也○戊戌上詣綺春園問皇太后安○諭內閣御史慕維德奏私罪發遣廢員朦捐原官請旨查辦一摺原任山東鄆城縣知縣李經瀆據該御史奏稱該員前因徇庇縱盜分贓之捕役經該撫叅革發往烏魯木齊效力贖罪何以於釋回後徑往甘肅朦混報捐知縣原官並恐朦捐者尚不止此一人著吏部查明李經瀆原犯案情是否與所參相符並此外案情相同或案情較重朦混報捐原官者尚有若干著該部一併查明覈議具奏尋奏查李經瀆原案與原參相符請將所捐知縣撤銷以肅功令至此次報捐

原官人員現飭該司員等詳細查覈如有違例朦捐者覈其案情輕重另行彙奏請旨從之○又諭昨日阿勒罕保射布靶平常又擬指脫落阿勒罕保著革去御前侍衛在乾清門侍衛上行走○加浙江鄞縣茅山廟神張仁皓惠孚封號從巡撫劉彬士請也○己亥諭內閣朕此次恭謁

三陵及致祭之日著照乾隆四十八年以後之例出入俱由旁紅門著行知各該處敬謹豫

備○又諭向例月選衛千總年屆六十三歲者由該部聲明請旨其月選衛守備一項年屆六十三歲者例無明文嗣後此項人員年屆六十三歲者著該部於堂考時詳加察看如已就衰即行甄別奏請勒休其精力尚健者著隨摺聲明帶領引見所有此次月選江蘇淮安衛守備卬可鈞著該部帶領引見○又諭前據扎隆阿等奏查出喀什噶爾殉節商民漢回張明堂等八百八十八名葉爾羌

殉節荆中璞等一百一十八名英吉沙爾和闐現令咨會查報懇請一體賜卹當降旨交禮兵兩部覈議茲據禮部議請將該商民漢回等照鄉勇自衛村堡力屈陣亡之例准其與陣亡官兵一體入祠立傳又據兵部議稱該部例無議卹商民之條詳覈議卹鄉勇例義該商民等若係官為差遣隨同官兵打仗陣亡殉節自可照鄉勇議卹僅非官派抵禦則雖殉難捐軀止係自衛村堡准其入祀無庸議卹此次該商民等當防禦之時是否官派打仗抑係自為守衛請飭該大臣等詳細查明再行覈辦等語該商民等慘被逆賊擾亂始則與官兵一體防禦繼則抗志捐軀情殊可憫惟是否官為派往抑係自相守衛當時猝遭變亂現在從何詳查兵部堂官實屬拘泥不曉事體所有喀什噶爾殉節張明堂等八百八十八名葉爾羌殉節荆中璞等一百一十八名俱准其一體附入昭忠祠立傳

卹賞以慰忠魂其英吉沙爾和闐亦著查明人數咨部照辦○兩廣總督李鴻賓等奏遵議嚴禁官銀出洋及私貨人口章程一。例載洋商人等將銀兩私運夷船出口者照例治罪嗣後行商找給夷人貨價有攙用官銀者一經查出無論銀數多寡盡行充公仍將行商照私運例治罪。例載內地銀兩偷運出洋各口員弁丁役人等扶同隱漏者查出從嚴究辦嗣後查獲船載赴洋官銀先交地方官訊明在何處起獲除重賞查拏之人外所有該船經過之上游各口員弁丁役照扶同隱漏例究治。行中各口及地方不法匪徒將官銀偷運出口惟責成各關口員弁大關巡船巡洋舟師及地方文武於各夷船將次回國之時加倍嚴查遇有私載官銀立即拏解並究明來歷分別懲治儻係由洋行中發出將該商加等治罪仍將經過各口未能查獲之員弁兵役從重究懲。夷船到粵與各

行貿易以貨易貨不能數適相準如有數行均應找給夷商銀兩必同赴粵海關監督衙門聯名出具並無攙和官銀甘結夷人收銀後儻經員役查出官銀即將找付官銀之行商嚴行治罪聯結各行商亦一體治罪。香山縣澳門地方向許內地民人與各國夷商交易與省城皆歸行商者不同難以逐一稽查現責成澳門同知督率縣丞隨時稽查凡與夷人買物不許使用官銀亦不許將官銀換給夷人違者即行拘拏治罪如該同知縣丞漫無查察別經發覺即行嚴參。番銀可折官銀九成四五嗣後夷商如有以七八成低色番銀勒買貨物許內地賣貨商人呈報到官由官送交該國大班從重究懲儻隱忍收受一經查出將所收低色番銀概行充公仍將該商照例治罪。販賣鴉片罪有明條久經設法查拏現在嚴飭巡洋舟師及地方文武嚴密巡查儻有民船攏近夷船立即拏

解究辦以防代運至夷船進口仍飭沿途守口員弁逐一嚴查僅帶有鴉片等物即時飛稟查辦如稍隱匿從重懲處得旨覽奏均屬周妥實力奉行日久無懈為要○前任廣東瓊州鎮總兵官張兆麟以老病休致○庚子諭內閣御史宋劬穀奏河工覈減應繳銀款請飭隨案報追以清帑項一摺定例辦工員弁有未完覈減籌銀勒限全完如逾限不完即停其升補分別查覈現據該御史奏稱南

河清查各員繳項自道光元年至七年止共欠至四十八萬三千餘兩之多皆由該河督等於覈減應追之款當時俱未經報部無可稽查亦無定限處分以致工員任意虧欠直至清查後始造冊送部行追各員皆久經離任即現在服官南河者亦無多人是此項銀兩大半竟成虧缺日積月累愈欠愈多漏卮之出何所底止嗣後南河及東河承辦工程所有工料銀數多寡著該河督飭令各該道

逐案確切勘明凡有覈減應追款項即隨工程題咨各案報部照例起限著追如有逾限不完者即著分別查叅懲辦不得以墊發為詞致滋弊混○吏部奏遵議辦事謬妄管理街道事務江南道御史安明應照溺職例革職掌福建道御史沈巍皆並左都御史那清安均照例罰俸得旨安明著照部議革職沈巍皆與安明意見不合阻止不從不赴都察院公署陳明輒赴那清安等私宅訴說不勝御史之任著以六部員外郎用仍罰俸九箇月那清安不將該御史等傳至公署查辦乃令安明至其家詢問著改為罰俸一年俱不准其抵銷○辛丑諭內閣朕恭奉

皇太后安輿前詣盛京祇謁

祖陵著改於八月十九日啓鑾○又諭朕召見武隆阿詢及喀什噶爾軍務情形伊奏對時詞多掩飾特令御前大臣軍機大臣公同詢問據稱伊在軍營聞張格爾復來卡外窺伺

曾向長齡言及欲行前往長齡向其阻止伊云尚可勉力督帶馬隊武隆阿前於大兵進剿打仗三次旋即患病至張格爾復行進卡時伊尚不能乘騎安能督帶馬隊其派令黑帽回子截拏張逆本係長齡在彼公商定議出示曉諭乃伊在朕前口稱係伊指派實屬有心含混不知愧懼且於陝甘凱撤征兵一事又復辦理不善武隆阿著降為頭等侍衛在大門上行走伊子侍衛慶安著逐出乾清

門亦在大門上行走以示懲儆○命陝西道御史邵甲名提督湖南學政○以浙江按察使周之琦為廣西布政使兩淮鹽運使王定柱為浙江按察使○壬寅

孝懿仁皇后忌辰遣官祭

景陵○調鑲藍旗滿洲副都統敬徵為正紅旗滿洲副都統正白旗漢軍副都統桂輪為鑲藍旗滿洲副都統正黃旗蒙古副都統樂善為正白旗漢軍副都統以署正紅旗蒙古副

都統安福為正黃旗蒙古副都統○癸卯禮部奏八月初十日

萬壽節應行禮儀得旨照例行禮停止筵宴○甲辰陝西提督楊芳奏報回任接印日期得旨整飭營伍訓練兵丁皆汝能為之事精益求精斷不可稍有疏懈再楊發由大武務認真管教俾日後均成有用之人除甘肅安西州水衝地二百一十九頃八十一畝有奇額賦○乙巳

上詣綺春園問

皇太后安○諭內閣阮元等奏知縣捐升直隸州知州請留於滇省以資熟手等語雲南寶寧縣知縣周誦芬前經捐升直隸州知州例應離任茲據該督等以該員在滇多年熟悉邊務且拏獲要犯陶月三並協獲從犯多名緝捕實為出力周誦芬著准其留於雲南以直隸州知州補用其應捐過班分發銀兩即令就近解交雲南藩庫兌收報部朕因雲南

係邊疆重地該員久任邊缺熟悉情形且拏獲要犯緝捕勤能是以加恩允照所請他省不得援以為例○以功臣館編纂昭忠祠列傳清漢書成予收掌校對官及謄錄供事等議敘有差○丙午

上御勤政殿聽政○諭軍機大臣等本日據都察院奏江西萬安縣民黃遠青等控告匪徒朱光蘭等結會傳徒聚眾劫殺一案已明降諭旨交該督審辦矣據該民人控稱匪首朱

光蘭等歆血拜盟名添弟會傳徒惑眾威逼鄉民曾經該縣民人宋幅良等控縣究辦乃縣差朱亮等入會包庇以致肆行無忌嗣經該府委員會營緝拏匪犯二十餘名並獲有五色令旗及逆書等件餘犯俱被朱亮洩令縱逸已獲之犯該縣復陸續釋放上年復有拒捕之案並在良口地方劫殺伊弟黃金連滅屍無蹤又劫殺伊弟黃金盛俱係火槍等傷該縣拘獲謝羽鴻等六犯並不訊究等語

事關匪徒結盟聚會傳徒糾眾劫殺搶掠胥役入黨包庇必應徹底根究著該督密速查訪如果屬實即從嚴懲辦以靖奸宄而安閭閻將此諭令知之○刑部奏遵議大學士兩江總督蔣攸銑奏審擬安徽建德縣叅劾典史秦學建罪名尚覺情浮於法請改擬極邊充軍得旨此案已革安徽建德縣典史秦學建因被劾挾嫌輒捏砌知縣陳葵賊私各款並羅織數十人之多妄行揭控經該督審明

所控重情均屬虛誣於誣告律上加等擬發附近充軍尚覺情浮於法著照部議改為發極邊足四千里充軍雖事犯在恩詔以前情節較重不准援減解任建德縣知縣陳葵因恐誤漕擅碾倉穀墊兌事雖未成究係那移在先又違例以散役撥充禁卒並折給老民棉肉銀兩復於被水衝沒之處將報呈隱匿不申均屬辦理錯謬著即革職解任建德縣城守把總汪濤係專司緝捕之員乃入局監

修縣志實屬越俎著即斥革○又奏緝拏私酒請定勸懲章程嗣後崇文門宣課司衙門拏獲偷運私酒人犯覈計隱匿正課稅銀在五十兩以上罪應擬徒一百兩以上罪應擬流者咨送刑部審辦其罪止擬杖者由崇文門自行擬結所獲之酒照例入官官弁兵役知情故縱者與犯同罪受賄者計贓以枉法從重論失察者兵役責革官弁交部議處從之○大學士兩江總督蔣攸銑奏查勘鎮江

府屬徒陽運河兩岸積土歲久堅實無虞傾卸請俟經費充裕再行挑除每年冬底挑撥仍責成該管府嚴督工員認真稽察報聞○以詹事府詹事德厚光祿寺卿吳椿為大理寺卿○以督修江蘇鎮江府練湖開墾工竣賞知府趙光祿道銜○丁未中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○予甘肅陣亡千總楊世蘭外委楊著明祭葬世職兵丁徐尚達等十名賞卹如例○除陝西武功縣水衝地三頃八十八畝有奇額賦○戊申諭內閣朕本年

前詣盛京恭謁

祖陵前經降旨嚴飭隨從官員不准收受餽送

項匠役人等應行杜絕苛求之處業經禧恩等議定稽察章程並罪名條款該大臣等當認真嚴查以期弊絕風清內外整肅惟向來地方官往往藉辦差為名向各州縣苛派以供開銷並有指稱內廷各項支應款目者顯係藉端影射其情最為可惡試思例應行之項豫有明文其按日支放者均載在條款乃州縣官明知例外需索情願私行給與者不過藉此為開銷地步此等惡習必應嚴行

查禁著順天府尹直隸總督盛京將軍奉天府尹等嚴飭所屬各州縣此次蹕路經過地方如太監等有指稱各項款目需索之事准其稟明該管大臣據實奏聞從嚴究辦儻該州縣私行給與著該管大臣等嚴行叅究除接受之太監照新例治罪外將該州縣官照交結內侍例治罪其失於查察之該管大臣交部議處決不稍有寬貸○又諭英惠奏請撥官兵卹賞銀兩一摺烏魯木齊滿漢各營

議卹官兵應領葬祭卹賞銀一十四萬四千九百四十六兩據該都統查明鎮迪道庫現無備貯間款可以支墊著楊遇春即行籌撥如數飭解俾得早為給領以示矜卹又另片奏凱撤官兵應行供支鹽菜等項共約需銀十五萬兩除由蘭州局撥銀三萬兩外尚約需銀十二萬兩該廳縣等因官兵過境不容刻緩所有供支皆係隨時墊發其那撥各項亦難久懸自應籌款先行歸補著楊遇春一

併迅速照數籌撥飭妥員解往該部知道○

己酉

上幸靜明園詣

龍神廟拈香○諭內閣朕此次恭謁

祖陵駐蹕盛京所有盛京吉林黑龍江等處應行引見及補行引見之大計軍政卓異文武官員著交行在吏兵二部就近在盛京帶領引見○又諭朕本年恭詣盛京祇謁

祖陵外省督撫提鎮等奏摺俱著齋摺人前赴

行在奏遞該部通行傳諭知之○刑部奏遵議禮部尚書湯金釗等奏審明湖北已革守備張潮與前任四川學政潘光藻互訐一案得肯此案已革荊州水師營把總李仕華查起船內私鹽並未向舵工水手根究來歷當場指拏又不能督率兵丁善為防範於起出什物致多遺失復將彭中甫毆踢致傷並將彭中甫所帶婢女指為興販人口帶回稟究實屬藉端滋擾李仕華著發往軍臺效力贖罪已革荊州水師營守備張潮因李仕華查獲鹽斤並未獲人轉將坐船婢女帶送盤問該革備慮恐被告獲咎即出具查無私鹽甘結冀圖消弭迨聞潘光藻信知該鎮總兵復敢添捏情詞具文通稟種種錯謬實屬有乖職守業經革職著無庸議已革外委王得貴因潘光藻將伊扣留船上心懷不平指為捆縛毆打雖事出有因究屬失實著開復原官交部照例議處縣丞丁瑞章於查起私鹽時

並未在卡乃不查詢明確即行出具無鹽甘結亦屬疏忽著交部照例議處前任四川學政翰林院編修潘光藻原信指稱弁兵圍搶磕詐訊明事出懷疑並非有心捏飾惟輒將外委王得貴扣留船上又失察所搭船內夾帶私鹽著交部議處該省審辦此案訊取供詞既未確鑿定擬罪名亦有出入所有承審審轉及督率各員俱著交部查取職名分別議處○熱河都統成格奏承德府屬平泉建

昌赤峯朝陽四州縣遇有缺出請於灤平豐寧二縣內揀員奏調如不得人仍照例於內地人員中揀調下部議行○免安徽泗五河二州縣並鳳陽泗州二衛上年被水錢糧十分之一○庚戌諭內閣定例在外駐防旗員揀發各省候補如遇丁憂即回駐防本處守制俟服滿後仍赴原省候補並無於百日孝滿時先在本處衙門行走之例茲容安奏請將丁憂候補同知色拉本在本處章京上行

走吏部覈與定例不符。容安所奏著無庸議。色拉本著照例俟服滿後由該處將軍給咨赴甘肅以同知候補。○又諭嚴烺奏請添撥防險銀兩一摺著照所請准其於河南藩庫添撥銀三十萬兩另款提存司庫如遇工緊用迫即由該河督覈明銀數咨行撥發惟近年東南兩河往往於例撥歲修搶修銀款外復請另案添撥甚至日久視為故常或於另案外又有所添之另案不一而足該河督等

不知撙節逐歲請帑增添伊於胡底昨據張井奏道光七年南河另案工用銀數查閱單內比較上三年除淮揚道屬比較道光六年少用外其餘均屬有增無減國家經費有常豈容以向添銀數為例漸次增加任意浮費嚴烺此次所請添撥銀三十萬兩係方受疇奏後始行添撥本係從前所未有因據奏查明防守緊要情形姑允照數撥給仍俟霜降安瀾後覈明總數奏報如用有餘存即撥還

司庫原款嗣後該河督等務當激發天良認真稽覈力加節省不得復有另案工程以期工歸實用帑不虛糜如該河督等再有藉口籌備增多奏請斷不能復邀允准將此通諭知之。○以肅親王敬敏署正藍旗漢軍都統石氏。○辛亥諭內閣阮元奏世職訐控營員舞弊請分別革審一摺貴州長寨營左軍守備朱曜平日辦理營伍未協復被列款控告

串同把總劉文煥侵冒營私雲騎尉蕭得玉恩騎尉周金義既經訐控營員舞弊乃不服查訊輒將移文奪去殊屬刁劣朱曜劉文煥俱著革職蕭得玉周金義俱著革去世職交該督提同案內弁兵人等逐款嚴審分別定擬具奏雲騎尉上官國勳隨同附和有無串唆情事著一併歸案訊辦。○又諭誠端等奏籌議追補虧缺各款一摺前據誠端等奏查出奉天府屬有積年因公動缺各款請分別

著追籌補當經諭令將查出原虧各員現官他省及已回旗籍或經身故者俱分別按限追繳歷任接收各員及該管知府尹等查明在任月日分別叅辦茲據奏除飛咨原虧各員任所旗籍並故員子孫名下照例勒限一年追繳外其接收出結各員有代前任彌補過半者有曾經詳請咨追者該員等現俱有承辦營盤橋道差務著加恩准其暫緩叅處仍將咨追原虧各員完交不足之數著落

出結各員賠補償再不能完交即著嚴叅究辦所有原虧並歷任接收出結各員及歷任兼管府尹並府尹暨知府等在任月日清單俱著交戶部照例辦理至前項內有應解盛京戶部銀二萬七千三百餘兩現據誠端等查明各廳州縣實存地丁等銀並歷年餘騰耗羨項下實存銀共一萬二千餘兩著即飭令全數批解盛京戶部備用其不敷銀兩該部於年前奏撥官兵俸餉內向有盈餘足數

支放著照所議行○又諭倭樛泰將發遣吉林之宗室玉瑛格綢額緣事案由開單具奏此等人犯到戌三年從前原不奏辦嗣後每屆三年仍著毋庸具奏俟奉有諭旨再行查辦○歸化城副都統桓格以親老懇請來京當差允之以光祿寺少卿祥康為歸化城副都統○以浙江杭州嘉興湖州三府屬興辦水利工竣予在工出力同知方秉等升敘有差○壬子

實錄卷一百六十八

上詣綺春園問

皇太后安○以挑濬江蘇安東縣河道予督辦出力同知熊增優敘餘加銜補用有差○越南國使臣阮仲瑞等三人於大紅橋瞻覲○癸丑諭內閣御史常恒昌奏外城街道請飭管理各員認真查辦一摺京師為萬方輻輳之地五城街道自應隨時修治平坦其工部及步軍統領衙門派出司員應與滿漢御史會商辦理以昭慎重據該御史奏稱近來外

城街道每遇雨雪泥淖不除隨處皆成坎窞且派出司員往往遇事推卸一切戶民呈詞等件從不到署與御史會商殊非覈實辦公之道著責成管理街道御史協同各該司員如遇有停潦及車轍傾陷之處即時撥役修墊毋得日久因循所有該廳一切公事並著該員等到署會同商辦不得稍有推諉○諭軍機大臣等此次隨往盛京之總管首領太監等人數眾多恐有不法之人沿途生事業

宣宗實錄

卷一五八

經諭令總管內務府大臣定立章程嚴查需索詭詐之人按例究治矣因思

壽康宮及壽康東宮儲秀宮鐘粹宮之首領太監等恃無見證難保無假捏指稱諸弊著隨扈之總管內務府大臣等隨時嚴密稽查此四處之首領太監內如有向隨扈大臣官員或地方官員指稱傳行情事無論事之大小著禧恩等即行指名封奏立將該首領太監鎖拏交慎刑司重責八十板即日發黑龍江

給兵丁為奴遇赦不赦該管之總管罰月銀半年首領罰月銀半年革退首領如係首領犯法其該管之總管罰月銀一年決不寬恕此係朕防微杜漸之深意禧恩敬徽寶興務善體朕心認真查辦併諭那彥成奕額知之如有此等情弊必當隨時具奏如繕摺不及面告軍機大臣可也諸臣若稍存姑息避就之見獨不慮日後發覺何顏對朕耶○以工部尚書王引之署吏部尚書戶部右侍郎李宗昉署管理順天府府尹事○以前任葉爾羌辦事大臣恆敬署正白旗漢軍副都統○撫卹廣西雒容永福二縣被水災民○甲寅盛京將軍奕額等奏請將盛京五部司員中京察一等人員量予升轉之階以免積壓下吏部議尋議嗣後鴻臚寺卿太僕寺少卿缺出請將盛京一等郎中與在京一等郎中一同開列候旨簡用餘照舊辦理從之○乙卯諭內閣烏爾恭阿等奏

昌陵

聖德神功碑樓工程需用蓋面海墘大甃著工部行取山東臨清甃四萬六千塊於明春運送到工應用○又諭扎隆阿奏阿奇木伯克呈請留伊子幫辦事務一摺葉爾羌阿奇木伯克阿布都爾滿之子邁瑪特愛孜斯前經賞給頭等侍衛應進京當差惟念葉爾羌阿奇木伯克事務較繁需人幫理侍衛邁瑪特愛孜斯著准其暫緩進京留於葉爾羌隨同

實錄卷一百六

卷一百六

伊父當差俟有相當伯克缺出酌量奏補○又諭惠顯等奏請將番兵口糧餘存銀兩提交番商生息備用一摺唐古特番兵口糧從前奏明將抄產估變銀兩交各營生息以資散給除每年分散及因公動撥外尚有積存銀兩據惠顯等查明此項存銀若僅照常存貯如遇因公動用未免漸形短絀著照所請准其將積存銀提出一萬兩發交番商照向例按二分生息每年得銀二千兩作為新增

生息如遇因公調遣番弁番兵事件所需口糧即於此項內酌量動用自道光十年為始仍於年終將生息銀數及有無動撥之處造冊報部○直隸總督那彥成奏訪獲慶雲縣習教人犯王夢祥等提省審辦得旨必當嚴行究辦切勿擾累善良為要詳慎而行可也尋覆奏審明王夢祥等入會燒香屬實按律擬發邊遠充軍下部議從之○實授扎隆阿喀什噶爾參贊大臣○丙辰諭內閣奕繪等

奏恭查

陵寢殿座現應急修請派員勘估一摺

孝東陵

隆恩殿並琉璃花門等項現在情形過重自應妥為修理以昭慎重著工部奏派大員前往敬謹勘估覈實具奏○又諭奕繪等奏翼長患病呈請開缺一摺寶華峪翼長雙福著准其開缺所遺翼長一缺向由該衙門遴員升補送部引見尚需時日現在寶華峪有值班

差使不敷更替著於

孝陵

景陵

裕陵各衙門總管內添派一二員一體輪班值

宿稽查○又諭嘉慶二十三年曾奉

仁宗睿皇帝派出格布舍等四人輪流管帶黃

白布城此次朕巡幸盛京路途遙遠著派桂

輪奕山帶領布城一分容照巴雅爾帶領布

城一分輪流護送按日著該章京護軍等要

為管帶屆時務要齊備毋得遲誤○又諭阮

元奏請留要缺總兵一摺雲南普洱鎮總兵

懷唐阿歷俸將屆三年例應於俸滿後撤回

茲據該督奏稱該員熟悉邊務辦理妥協一

時副將內並無勝任之員堪以更替著照所

請懷唐阿准其於三年期滿後再留任二年

以資熟手○又諭奕顯等奏請另修副道一

摺本年巡幸盛京該將軍等承辦御路應照

向定章程於正道兩旁修墊配道茲該將軍

等以正道與配道相連恐車馬易致踐踏稽

察難周酌請另修副道是於配道之外另添

副道既不免侵占民田復須重勞民力徒滋

紛擾所請著不准行該將軍等仍照舊章辦

理惟當督飭管道各員認真查察凡應走配

道之官員人等並車馬驛駝均不准率由御

道行走如有不服攔阻擅行御道者即著奏

明懲辦○又諭黃文煜奏熟諳差務之期滿

總管懇請留任等語盤山總管昇安准其再

留五年○盛京將軍奕顯奏

永陵

啓運殿柁梁抽換如式謹遵欽天監奏明選擇

吉期於七月初七日辰時恭請

神牌安奉

正殿禮成得旨敬悉○長蘆鹽政阿揚阿奏請

萬壽聖節進京祝嘏得旨毋庸前來嗣後萬壽

前期該鹽政永不必奏請○丁巳

仁宗睿皇帝忌辰遣官祭

昌陵○

上詣

安佑宮行禮○諭內閣外夷各國進貢或由水路或由陸路定制遵行未可輕言改易越南國遣使來京進貢自康熙年間議定由陸路行走今該國陪臣於進表後在禮部呈遞稟啓欲改由廣東水路該部以事涉更張實不可行議駁甚是所有該陪臣稟請改由水路以省勞費之處著毋庸議至該陪臣稟稱該

國王之母年已七旬需用人漫調養懇請賞賜淺斤以例賞各件折給一節此係該國王孝養至情與無故率行祈請者有間著加恩賞給人淺一斤其例賞各件仍著照例賞給○又諭奕顯等奏查明圍場被賊偷砍樹株請將徇縱之官兵斥革交部嚴審一摺此案蒙古伏洛卡官驍騎校富來既將拏獲偷草人犯聽從領催等收受馬料遽行責放而於應管圍內樹株被賊偷砍二百餘棵之多難

保無賄縱情弊必應認真查辦驍騎校富來著革職領催父辛珠范懋忠著革役同說事人王均悅交盛京刑部嚴審按律定擬具奏其偷砍樹株賊匪及在逃之楊青山楊得山等犯著盛京旗民地方官並吉林將軍一體上緊緝拏務獲歸案審辦○湖廣總督嵩孚奏懇入覲得旨勤慎辦公務要振刷精神諸事從實不可日久怠生暫緩陛見下屆再行奏請又奏逆犯趙應龍潛逃未獲遵旨嚴密

飭緝批督緝必須認真斷不可擾及善良○四川道御史李鵬奏教習班次壅滯請酌議疏通下吏部議尋議將原定五年分發之例改為三年後准其呈請分發餘照舊辦理從之○戊午諭內閣御史王贈芳奏會匪鹽梟蔓延滋害請嚴飭捕勦一摺會匪鹽梟最為地方之害據該御史奏江西吉安府屬泰和萬安等縣向為私梟出沒之所加以會匪繁多與私梟合而為一或名添弟會或名添刀

會又稱千刀會均自南贛延入吉安其初猶知畏法近來黨與日多地方官懼滋事端惟思苟且調停即釀成巨案猶復一味姑息草草了結甚有鄉勇拏獲送官之匪徒仍從寬免縱之歸家似此選懦因循化大為小不過規避處分而縱匪養奸為害日深必應明定考成以靖地方而安良善著蔣攸銑韓文綺通飭所屬各就地面嚴密躡緝遇有此項匪徒立即弋獲明正典刑毋稍輕縱沿河添設

巡船專捕劫盜盡法處治其實由挾制入會者取具族鄰切結准其自首若能縛送積惡首匪仍予重賞其匪徒繁多之處責成明練有為之員撫勸兼施毋許稍有諱飾如果實力奉行地方肅清舊任准免處分新任即予擢遷儻有仍前將就了事者立即嚴行叅奏加等懲處不稍寬貸○諭軍機大臣等御史王贈芳奏請飭禁奸徒牟利開礦一摺據稱江西袁州府宜春縣石圍山間有銅鉛砂苗

奸民詭傳銀礦妄思開採前於嘉慶二十五年道光元年有生員林森等價買此山赴地方官具呈後詐稱官准試採盡惑鄉愚經前任巡撫嚴飭府縣查拏封禁今聞有瑞州府上高縣生員陳泰來於上年八月赴提督衙門具呈開礦經提督衙門批咨江西巡撫查覆陳泰來回至江省輒敢以京控批准為名議定股分開採銀礦各府屬有受其愚弄捐貲入股者自數百兩至數千兩不等儻不迅

速嚴禁誠恐招集無賴貽害將來等語奸民牟利惑眾最為地方之害該縣石圍山本經封禁豈可任其復行開採著蔣攸銑韓文綺迅飭該府縣嚴查禁止生員陳泰來赴京具呈指稱批准是否實有其事並現在曾否聚眾開挖著查明據實具奏不可稍有枉縱至該御史奏稱袁州府萍鄉縣湖塘地方有葉絲沖山亦有礦苗著該督撫一併飭屬嚴切查禁永除後患勿許偷採將此各諭令知之

○除直隸豐寧縣水衝地四頃二十六畝有奇額賦○己未

上詣綺春園問

皇太后安○諭內閣協辦大學士理藩院尚書富俊年逾八旬著於理藩院及該管旗分值日之期照常來園其餘加班奏事引見之日俱不必來園即在本衙門辦事以示朕優養耆年至意○庚申諭內閣每年朕於八月由圓明園進宮設儀仗作樂王公文武大臣於

三座門前接駕繁文縟節朕無取焉著自本年為始每屆八月內進宮回園之期將儀仗作樂及王公各大臣接駕之處俱行停止○又諭李鴻賓等奏革職留緝知縣懇准捐復原官一摺原任廣東歸善縣知縣陳星聯因謀命重犯張亞羣未能審出實情率准取保以致脫逃參革留緝茲據該督等奏稱該革員於被參後購線躡緝現獲另案盜犯五十名內問擬斬梟斬決者有二十名之多雖於

清 實 錄 道光九年七月

本案正兇未經弋獲覈其功過尚足相抵陳星聯著加恩准其捐復原官留於廣東補用照例送部引見仍責成該員將在逃之正兇張亞羣嚴緝務獲究辦朕因該員緝捕要犯多名尚屬認真是以姑允所請嗣後不得援以為例○又諭壁昌奏請添設軍臺一摺葉爾羌所屬之西路喀拉布扎什軍臺西至英吉沙爾所屬之察木倫軍臺中隔戈壁綿長一百四十餘里每值盛暑馳遞文報馬力難

支據壁昌查明黑色熱巴特地方土色肥沃試開渠道堪資播種為餵養馬匹之用著照所請准其在黑色熱巴特地方添設軍臺於葉爾羌東路奏改軍臺節省兩臺內撥馬十五匹回子十戶牛二隻車三輛接遞文報運送餉布該署辦事大臣即就修理軍臺餘騰物料建蓋房屋俟完工之日即行安設該部知道○以內閣侍讀學士趙盛奎為光祿寺卿○辛酉諭內閣吏部議奏湖北公安縣縣

四四五

丞丁瑞章於查起私鹽時並未在卡又不查
詢明確即行出具並無私鹽甘結著照部議
降二級調用准其抵銷前任四川學政翰林
院編修潘光藻擅將外委王得貴扣留船上
著降一級調用不准抵銷其失察船內夾帶
私鹽應罰俸一年著准其查抵已革外委王
得貴因潘光藻將伊扣留船上心懷不平指
為捆縛毆打雖事出有因究屬失實著罰俸
九箇月不准抵銷照例開復原官至此案取
供未確擬罪出入之承審審轉及督率各員
著該撫查取職名咨部分別議處○諭軍機
大臣等本日據都察院奏錦縣武童姜殿魁
呈控該縣藉差科斂一案已派富俊裕恩馳
驛前往審訊矣此案據姜殿魁控稱傳知縣
藉差科派合邑商民徧遭苛斂並有抽分折
價加派名目因將軍府尹及各部侍郎有會
銜告示諭令幫差無可伸訴是以來京呈控
等語本年巡幸盛京該將軍等承辦差務如

果有出示諭令商民幫差之事以致該縣任
意苛斂擾累閭閻實屬辦理不善此時尚未
啓鑾已有赴京呈控科派之案不日鑾輅經
臨若沿途紛紛叩閭控告無論所控虛實總
由辦理不善所致惟該將軍等是問總當循
照舊章妥為經理毋得任令屬員藉端苛斂
致干重咎將此諭令知之○命協辦大學士
富俊吏部右侍郎裕恩馳往盛京審案○以
戶部右侍郎耆英署鑲紅旗滿洲都統刑部
左侍郎海齡署鑲黃旗滿洲副都統○以國
子監祭酒文慶為詹事府詹事

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十八

寶曆元年五月

財庫

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十九

監修總裁官鐵道員攝起馬注官太子太保體仁閣太學士文淵閣領閣事管理戶部事務上書處卿師翰林院掌院學士兼管順

天府尹事據周知五叙紀錄十八次臣賈祖璋奏宣統題撰官吏部尚書錄監撰漢軍都統管理新營房城內官房大臣稽察內

七名大臣精家會同四譯館事務加一級隨帶加六級軍功加三級紀錄五次並花沙納達其旗官文淵閣提舉閣事兵部尚書總督

內務府大臣鑲黃旗滿洲副都統福塞內七倉大臣管理宗人府銀庫五旗牧官學
宣審官周明國等應請欽此欽此

醫所進刺處事務隨帶加十八級阿靈阿副總裁官經羅鎮官兵部尚書隨帶加六級紀錄二十次臣周祖培等奉

救修

道光九年己丑八月壬戌朔諭內閣趙盛奎

現放光祿寺卿。著暫留軍機章京上行走。俟纂輯平定回疆方略書成。再回本衙門辦事。

○諭軍機大臣等。寄諭盛京將軍奕額等。本年朕恭奉

皇太后安輿祇謁

祖陵該將軍等所奏。大臣官員之妻出郭迎送。著停止。將此諭令知之。○以浙江定海縣屬內外洋面疏防盜劫。摘知縣張華選等頂帶。守備梁漢階下部議處。○旌表守正捐軀戚

京岫巖廳民杜學成養女葛氏○增建浙江餘姚縣勝山地方營房從總督孫爾準請也

○癸亥諭內閣朕此次前往盛京恭謁

祖陵已降旨於本月十九日啓鑾著派定親王

奕紹大學士托津尚書湯金釗明山留京辦

事其月選之文員內佐雜等官武職內八旗

護軍校驍騎校及外省送到之驍騎校並年

滿千總等官弁俱著留京王大臣照例驗放

其東三省補放水師等官即就近於行在帶

領引見○又諭向來每遇巡幸駐蹕大營不

准閒雜伺候人等擅入嘉慶年間欽奉

皇考仁宗睿皇帝飭諭嗣後黃布城以外白布

城以內王公及蒙古王公祇准帶護衛二人

三品以上大臣祇准帶筆帖式官人二人御

前乾清門大門侍衛值宿臥具著自行攜帶

總管首領太監行李即著太監代為負運如

有僕役車夫帶入者將所帶之人插耳箭遊

營並加重責仍將本主及失察之該管王大

臣一併嚴懲欽此煌煌

聖諭必應敬謹遵循此次巡幸盛京著總理行

營王大臣督飭管門官員兵丁等隨時嚴切

稽查勿許廝役擅行出入儻有顯違禁令者

除將本人照例治罪外並將本主及失察之

該管王大臣一併懲處不貸至隨扈護軍統

領等專司稽查著常川輪值二人在大營內

認真督率各門章京兵丁等俟下錢糧時該

班之員值宿其餘各員始准散出以昭嚴肅

○又諭向來巡幸蹕路經由之地一切隨從

人役不准擾及閭閻塵市乃鑒儀衛校尉及

各侍衛跟役人等隨駕外出間有沿途滋事

強取民間什物搶掠出賣食物以致被搶失

業之人或在道旁跪喊該校尉等恃眾肆行

其情甚為可惡嘉慶年間因民人姜五被搶

柴捆銀錢情急喊訴一案曾經

皇考仁宗睿皇帝明定科條

特旨嚴切示禁朕此次恭詣盛京道途遙遠往

返需時。誠恐隨行校尉。並各項廝役。仍復沿途滋生事端。不可不剴切申諭。著總理行營王大臣。鑒儀衛堂官。於大營隨時約束稽察。如有強取民間什物者。一經查出。即照搶奪例治罪。其在途次著責成該管地方文武員弁。一體查拏。有犯必懲。毋得稍有寬縱。將此通諭知之。○旌表守正捐軀山東章邱縣民呂成仔妻張氏。○甲子。遣官祭

文昌帝君廟。○諭內閣。朕於本月啓鑾。行在

領侍衛內大臣等。俱各另有差務。所有帶領後扈。僅有福克津一人。著派富僧德興。福克津輪流帶領後扈。○兵部奏遵旨酌議步軍統領衙門八旗五營竊案。督緝勸懲章程。嗣後京城內外地面。除重大案件。及緝捕廢弛之員。由該步軍統領隨時奏參外。其尋常報竊。承緝官例止罰俸之案。請嗣後每翼每營於一季內。未獲正賊在十案以上者。翼副翼尉。副將。參將。遊擊等官。罰俸六箇月。如一

季內並無報竊之案。各給與紀錄一次。從之。○以大學士長齡署總理行營大臣事務。○以禮部尚書博啓圖署鑲黃旗領侍衛內大臣。○命病痊前任西安副都統富桑阿。以內務府護軍統領補用。○准福州將軍普恭來京陛見。以福州副都統富亮護理將軍。○賞河南布政使薩迎阿。副都統銜。為哈密辦事大臣。○以直隸按察使戴宗沅。為河南布政使。四川鹽茶道花志。為直隸按察使。○乙丑。

上詣

大高殿行禮。○還宮。○諭內閣。御史張曾奏。請飭禁刊刻落卷。以端士習一摺。所奏是。掄才大典。棄取一秉至公。在士子果有屈抑。原許赴該管衙門控訴。若於未發榜以前。鈔錄闌文。送人批點。並榜後刊刻落卷。均干例禁。茲據該御史奏稱。本科有浙江舉人顧宗伊。刊刻落卷。散布流傳之事。是否屬實。著禮部查明具奏。○諭軍機大臣等。松筠奏查訊齊默

特多爾濟控告科布多解任參贊額勒錦遣人索取馬匹大概情形一摺解任參贊額勒錦於應辦馬匹輒派筆帖式色勒彬等攜帶茶布前往易換已據供認屬實現在額勒錦及齊默特多爾濟均赴科布多候訊著松筠於行抵該處後即將該員勒所指干證已勒吉等八人並案內應訊各款秉公審辦按律定擬具奏至另片奏稱現在科布多辦事司員巴克圖因案獲咎有年滿換回筆帖式之

綏遠城驍騎校巴彥那蘇圖施蒙額二員熟悉蒙古事件已諭令那彥寶於該二員內選擇一員由臺迅速前往接辦以資熟手將此諭令知之○陝西巡撫鄂山奏新設佛坪廳採買常平倉額請以舊麥一石作穀一石下部知之○展修山東微山湖碎石坦坡從河道總督嚴烺請也○以祭

社稷壇自是日始齋戒三日○丙寅諭內閣前據御史慕維德奏請覆查廢員假借虛銜朦

混報捐降旨交托津長齡查覈茲據托津等將該御史指參情節逐條查明吏部於報捐廢員係遵照向例辦理尚無錯誤該御史所奏著毋庸議至二卯報捐廢員如有違例朦捐原官業經諭令確查其頭卯內儻有與李經瀆情節相似之案並著該部詳細查覈具奏毋稍隱混○又諭奕紹等奏宗人府衙門近年事務較前增多應用公項逐年均有不敷請查照成案籌款添給著准其在該衙門

銀庫所存空房飯食鑪火項下先撥出銀一千三百兩以補積年不敷之用再自明年起每年於此項內撥出銀三百二十兩添給公項連從前奏准應給銀一千九百八十兩共支用銀二千三百兩以資辦公○兵部議覆閩浙總督孫爾準題銷道光五年分臺灣水師各營朋馬一案得旨依議至各省朋馬奏銷例限於次年五月內具題不准遲逾臺灣鎮各營自嘉慶十三年起至道光五年俱係

分案題銷。尚有道光六七八等年。未據題報。實屬玩延已極。且孫爾準疏內稱。遲延職名。移取到日。另行開叅。自嘉慶十三年至今。未據逐案查取送部。殊非覈實辦公之道。著孫爾準嚴飭臺灣鎮總兵。即將各營節年任意遲延各職名。速即查取送部議處。以儆玩誤。○以詹事府詹事文慶。充日講起居注官。○丁卯祭先師孔子。命皇長子奕緯行禮。○以克勤郡

王尚格。署正紅旗漢軍都統。○陝甘總督楊遇春。及其妻田氏。七十五生辰。賞

御書扁聯福壽字。並珍玩文綺。○戊辰祭

大社。

大稷。

上親詣行禮。○幸圓明園。○詣綺春園。問

皇太后安。○遣官祭黑龍潭。

昭靈沛澤龍王之神。玉泉山

惠濟慈佑靈漢龍王之神。昆明湖

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園惠濟祠。

河神廟。○越南國王阮福暎遣使表貢方物。

賞賚筵宴如例。○以管理銅廠奮勉賞雲南

景東廳同知陳桐生。知府銜。○除陝西扶風

縣水衝灘地五頃十九畝有奇額賦。○己巳

上奉

皇太后幸同樂園。進膳。賜皇子及內廷王公大

臣蒙古王貝勒越南國使臣等食。○遣官祭

關帝廟。○諭軍機大臣等。李鴻賓等奏。遣羅

國王遣使具表。補進例貢。並另表叩賀。天喜

一摺。遣羅國王。上年屆當例貢之期。遣使入

貢。因船隻在洋遭風。貢品沈失。茲復備具表

文方物。遣使補貢。並因檢獲張逆具表叩賀。

情詞恭順。甚屬可嘉。所有應修貢船。著准其

先行回國修整。其壓艙貨物。照例免稅。該貢

使現已行抵粵東。著即飭令按程行走。如年內不能到京。即遲至明年正月。亦無不可。將此諭令知之。○喀什噶爾參贊大臣扎隆阿等奏。布噶爾外夷遣使呈進表文。抒誠恭順。報聞。○前任哈密辦事大臣恩銘等覆奏。查明哈密所屬各卡。現在並無向過往商民勒索賄縱情弊。報聞。○命御前侍衛載銓。查勘文殊庵行宮工程。○緩徵長蘆被水竈地上年額賦。○庚午。

太宗文皇帝忌辰。遣官祭

昭陵。○諭內閣。理藩院覈議惠顯等奏請將薩瑪第巴克什。定為札多爾呼圖克圖。查該薩瑪第巴克什。前曾派充達賴喇嘛正師傅。並賞給印敕。是已疊沛恩施。今復籲懇賞加呼圖克圖名號。實屬過當。且呼圖克圖名號。向無奏請賞加之事。著照理藩院所議。惠顯等奏請賞加名號之處。不准行。○又諭張井奏王營減壩挑河案內。關孟兩灘切灘銀兩。可

否比照漫工之例。分別銷賠一摺。前經降旨。以南河奏報王營減壩工程。挑河工段內。有關孟兩灘切灘處所。辦理錯誤。應行著賠。茲據該河督奏稱。挑挖該二灘。共用銀三十四萬九千五百五十兩零。應作何分賠之處。並無例案可稽。可否比照漫工銀兩。分賠四成。准銷六成等語。從前估辦關孟兩灘切灘工程。並不計及河底老淤膠結。難於刷寬。以致河流不能暢達。實屬辦理錯誤。與疏防漫口

者。迥不相同。豈得比照漫工賠四銷六之例。致滋含混。此項工程銀兩。即著落琦善張井。潘錫恩。三人分攤賠繳。以示懲儆。○又諭浙江太平縣民鍾乾敬。呈控已革監生鍾文瀾。聚集匪黨。橫行詐搶。因挾鍾乾敬理斥之嫌。將其拴至家內。刃械多傷。現經刑部驗明。鍾乾敬被刺右目。已成廢疾。其餘週身刃傷。鐵器各傷屬實。且據呈出該縣印示。該地方官明知鍾文瀾等藏匿處所。何以任其負固逞

免。不即查拏究治。著劉彬士遠委明幹大員。馳往該縣將鍾文端等逐一嚴拏務獲。按律懲辦。無任一名漏網。原告鍾乾敬。著兵部照例解往備質。尋奏。拏獲鍾文端。訊明毆傷鍾乾敬成廢屬實。按律問擬發極邊足四千里充軍。下部議從之。○諭軍機大臣等。朕於十月間。自盛京回蹕。恭謁

東陵。便赴成子峪相度。其平安峪不復往勘。著黃文煜祇將成子峪道路稍為修治。平安峪

樹株。即不必翦伐。至葦子峪。向為往來經行之路。此後著禁止行人。改由西峯口行走。將此諭令知之。○兵部奏。恭查駕詣盛京。於十月二十四日回鑾。擬於二十五日武殿試。二十八日紫光閣閱視馬步箭。二十九日御箭亭考試弓刀石。十一月初一日傳臚。從之。○調正白旗蒙古副都統鍾昌為鑲白旗滿洲副都統。以乾清門侍衛奕紀為正白旗蒙古副都統。○辛未。

萬壽節。遣官祭

太廟後殿。○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵。○遣官祭

孝穆皇后殯宮。○遣官祭

顯佑宮。

東嶽廟。

城隍廟。○

上詣

安佑宮行禮。○詣綺春園

皇太后前行禮。○御正大光明殿。皇子及王以下文武大臣官員蒙古王貝勒外藩使臣等行慶賀禮。○御同樂園。賜皇子及內廷王公大臣蒙古王貝勒越南國使臣食。○以駐藏大臣惠顯為理藩院左侍郎。仍留任。內閣學士容照署理藩院左侍郎。○壬申。

太祖高皇帝忌辰。遣官祭

福陵。○諭內閣。吏部查明降調知縣王衍梅。原犯案情。係因挾優飲酒。部議降一級調用。雖

該部舊例緣事降調官員。呈請改補教職。並無緣何事准改何事。不准改明文。惟此等人員。自不應令其訓課士子。著照吏部所議。嗣後凡官員宿倡。以及挾妓挾優飲酒。例應降調者。均不准以教職降補改補。於例內註明遵辦。所有王衍梅一員。即照此例。不准改補教職。至正途出身曾任正印人員。緣事降調。例准以正印官降補。亦無指明所犯情節。分別降補不降補明文。正印官率屬臨民。較之

教職。責任尤重。亦不應以此等人員降補。並著照該部所議。凡知縣以上之正印官。如有以宿倡挾妓挾優等事降調者。祇准以對品之佐貳降補。不准補用正印。以肅官方。○癸酉。遣官祭昭忠祠。○甲戌。

上詣

安佑宮行禮。○以捐修福建貢院。賞督辦出力知縣任沈錯。王益謙。知州銜。餘升敘。旌獎有差。○修福建建寧鎮標中左右三營礮械。從

總督孫爾準請也。○乙亥。

上詣綺春園問

皇太后安。○諭內閣。額林沁多爾濟之公爵。係乾隆五十三年

特恩所賞。並非世襲罔替。今額林沁多爾濟既經出缺。著伊子額爾德木圖。照例承襲頭等台吉。○前任兩淮鹽政福珠隆阿奏報交卸起程。即日馳赴行在。得旨。何顏馳赴行在見朕。著在京等候。○丁丑。諭內閣。向來恭謁

東陵。

西陵。在京王公文武大臣等俱穿常服送駕。此
次朕前詣盛京恭謁

祖陵。應行送駕人員俱著仍用常服。至將來回

鑾接駕。除有謝恩等事人員。遠迎兩三站外。

其餘均在煙郊接駕。○又諭工部奏查明張

井奏道光七年另案工程銀數比較單內。共

用銀二百九十七萬三千二百二十九兩零。

內稱專案辦理各工。用銀六十五萬二千三

百四十五兩零。均非常年所有之工。不入比

較。南河道光六七兩年。增培堰圩大隄。用銀

一百四十八萬五千八百餘兩。該河督奏內。

並未聲明。堰圩缺口善後。係奏明增培。或難

統歸比較。其餘均係常年另案工程。該河督

何得於此內復行剔出銀六十五萬二千三

百餘兩。以為專案辦理。非常年所有為詞。殊

非覈實辦公之道。國家經費有常。自宜加意

撙節。若每年比較懸殊。於另案之外。復添專

案名目。豈非為開銷地步。著該河督嗣後彙

奏一年另案銀數單內。除歲修搶修定額外。

如實係興舉大工。應於摺內奏明。不入比較。

其餘常年奏明另案工程。均合併入單內開

明。將上三年用過銀數。聲明比較。毋得另立

專案辦理名目。以杜虛浮而昭覈實。○諭軍

機大臣等。本日據都察院奏。浙江已革職員

王祚懌違抱控告京控山陰縣知縣周鏞。橫加

厚斂。挾其勸阻之嫌。串謀陷害。該撫徇庇同

鄉。藉詞入奏等情一案。已明降諭旨。交孫爾

準審訊矣。此案前據劉彬士以該職員倚矜

恃老。包訟妄為。起出親筆呈稿字據。劣跡昭

著。奏請褫革。追奪誥軸。嚴行懲辦。茲復遣人

控告該撫。因與知縣周鏞同鄉。抹煞伊所控

該縣陰謀陷害實情。竟以查拏究辦為詞。遽

行奏請斥革。並牽及原任廣東臬司李鴻標。

行鄉曲。呈出刊刻伊規勸李鴻標。周鏞原札控

關官吏勒折浮收。挾嫌串害。該省上司徇庇

所屬。必須嚴究確情。俾成信讞。如所控屬實。自應據實叅辦。以服其心。儻因嚴拏審辦。仍敢捏情控告。亦須嚴行懲治。以儆刁頑。該督於特交審訊之案。務當秉公據實。毋得遷就。稍存官官相護之見。有負委任。王祚愷呈出刊印筆札。著發給閱看。將此諭令知之。尋奏。山陰縣知縣周鏞。訊無浮收勒折。惟縣書與王祚愷關通舞弊。失於覺察。在籍臬司李鴻審無囑縣陷害各情。惟於佐雜祝壽知單。隨

同列名。究屬不合。均請交部議處。王祚愷恃符健訟。交接書役。投遞私書。刊刻無據之詞。藉端挾制。依律擬發附近充軍。下部議從之。○又諭。本日召見之綏靖鎮總兵李約文。著嵩孚詳細察看。能否勝任。據實具奏。將此遇有該督摺便諭令知之。○甘肅提督胡超。奏報接印日期。得旨。整飭營伍。訓練士卒。汝原熟悉。然必要行之以誠實。持之以久遠。無論人材事務。斷不可崇尚虛文。總期功收實效。

勉之慎之。○以前任四川總督戴三錫。署工部左侍郎。○戊寅。

上詣

大高殿行禮。○奉

皇太后還宮。○諭內閣。成格奏。請停止每年派員巡查鐵溝地方一摺。熱河所屬建昌縣之鐵溝地方。界連蒙古。山境遼闊。從前居民稀少。匪徒易致潛藏。每年秋季。由該都統衙門派令官兵前往巡查一次。茲據奏稱。現今鐵

溝一帶。人煙稠密。迥非舊日情形。縣境內設有都司各員。及捕盜弁兵。專司捕務。足資查察。若仍由熱河派官兵前往。相距五百餘里。往返僅止半月。不惟稽察難周。亦恐轉行滋擾。嗣後該都統衙門。每年派查鐵溝地方弁兵著停止。責成該地方文武官弁。隨時加意嚴密稽查巡緝。毋任匪徒容留滯跡。以歸簡易。○己卯。以詣盛京恭謁祖陵。先期祇告。

奉先殿。

上親詣行禮。○詣

壽皇殿行禮。○諭內閣。禮部查明御史張曾奏。參浙江舉人顧宗伊。刊刻落卷屬實。並檢查所刻卷內。附載致同考官袁文祥書。大肆譏評。此風斷不可長。考試為抡才大典。士子若實被屈抑。原有准赴該管衙門控訴之條。乃該舉人不安義命。妄生怨尤。輒刊刻傳布。且附載譏評該同考官原札。實於士習人心。大

有關繫。顧宗伊著即褫革舉人。以示懲儆。至檢討袁文祥閱看試卷。如僅將士子頭場三藝。點看起講。即行棄置。實屬草率。現在顧宗伊已將原卷領出回籍。著劉彬士即飭屬追取攜回場卷。送禮部查驗。如果屬實。再將該檢討袁文祥。移咨吏部議處。其批點之內閣學士朱方增。翰林院修撰朱昌頤。工部候補主事顧椿。俱著交部照例議處。○諭軍機大臣等。奕顯奏。查明盛京舊居宗室覺羅。及移

駐宗室接駕送駕處所等語。著照所請。將舊居移駐。分為兩班。俱於舊邊大營卡倫門以西跪接。方四屯失營以西跪送。即責成該管各官。帶領彈壓。其所開宗室覺羅習文習武人數。及獲罪發遣案由。俟到盛京。分別降旨。將此諭令知之。○盛京將軍奕顯等覆奏。遵旨循照舊章。出示剴切曉諭旗民。一體當差。並嚴禁旗民地方官。科派擾累。恭候鑒核。經臨。務期沿途肅清。以昭敬慎。報聞。○兩廣總

督李鴻賓等奏。越南國差官阮文章等。請由海道通市貿易等情。已遵旨照會越南國王。仍恪守舊章。於廣東欽州及廣西水口等關。各陸路往來。毋庸由海道前來。並將照會文緘封。面給該差官等齎回。報聞。○以光祿寺卿鐵麟。為都察院左副都御史。○以喀什噶爾參贊大臣扎隆阿。為正黃旗漢軍副都統。○賞通政使司通政使穆馨阿。副都統銜。為喀喇沙爾辦事大臣。○廣東潮州鎮總兵官

恆安。以不勝任開缺。以湖南沅州協副將張大鵬。為潮州鎮總兵官。○以廣東龍門協副將蒲立勳。署南澳鎮總兵官。○撫卹日本國遭風難夷如例。○庚辰。

上奉

皇太后啓鑒。東巡盛京。恭謁

祖陵。○詣

皇太后行宮問安。○詣

東嶽廟拈香。○諭內閣朕恭奉

皇太后前詣盛京。祇謁

祖陵。蹕路經過州縣。業經降旨。嚴飭地方官不得藉端科派。絲毫擾累。惟念安設行營。修除道路。未免有資民力。自應加以體恤。著直隸總督。奉天府府尹。查明各該地方。本年應徵錢糧數目。請旨酌量蠲免。以示朕軫念民莫。覃敷閭澤至意。○以大學士托津署管理理藩院事。○貸河南駐防各員司庫銀修理官房。○是日。駐蹕煙郊行宮。○辛巳。

上詣

皇太后行宮問安。○江蘇巡撫陶澍奏。沿江沿海。新漲沙洲。查照新例。召佃收租。撥充公用。酌議辦理章程。○已坍未報之案。應令各州縣查明豁免。○租額應分別定數。一律徵收折色。○升科地畝。應俟生有蘆草。再行起科。○報部清冊。應查照部議。年終開冊報部。毋庸逐案詳咨。報聞。○以江南漕標中軍副將明玉。為福建汀州鎮總兵官。○以浙江鹽運使多容。署按察使。○修浙江上虞縣柴土塘隄。從巡撫劉彬士請也。○是日。駐蹕白澗行宮。○壬午。

上詣

皇太后行幄問安。○是日。駐蹕陳新莊御營。○癸未。

上詣

皇太后行幄問安。○諭內閣那彥成奏。辦橋草率之知州。請旨革職一摺。直隸薊州知州

謝宗承辦驛路經由橋座並不認真經理以致臨時塌陷該督奏參革職實屬咎所應得惟念塌陷之處究係副橋非正橋可比謝宗著加恩改為降三級調用○以雲南永昌府灣甸土知州景慶長兄慶冬襲職○旌表守正捐軀直隸元城縣民李居女李氏○是日駐蹕八里鋪御營○甲申
世宗憲皇帝忌辰遣官祭秦陵○

上詣

皇太后行幄問安○調哈密辦事大臣薩迎阿為喀喇沙爾辦事大臣喀喇沙爾辦事大臣穆馨阿為哈密辦事大臣○以廣西太平府茗盈土知州李以仁孫茂發襲職○准大通橋車戶應扣逾額掣欠米價銀展限一年○是日駐蹕五里墩御營○乙酉

上詣

皇太后行幄問安○遣官祭賢良祠○實驛路

經過直隸地方辦差綠營兵丁一月錢糧○緩徵廣東南海三水二縣被水村莊本年額賦並貸司庫銀修衝決圍基○是日駐蹕柳新莊御營○丙戌

上詣

皇太后行宮問安○詣夷齊廟拈香○免驛路經過之大興通三河薊遵化豐潤玉田灤遼安盧龍撫寧臨榆十二州縣本年應徵地糧十分之五旗租十分之三○是日駐蹕夷齊

廟行宮○丁亥秋分夕

月於西郊遣肅親王敬敏恭代行禮○

上詣

皇太后行幄問安○諭內閣睿忠親王多爾袞當

太宗文皇帝時統師征明戰功甚多厥後首先率眾入關將流賊立即驅除大勳者定恭迎世祖章皇帝定鼎燕京忠誠懋著乾隆四十三年我

皇祖高宗純皇帝特降

諭旨。復爵予諡。配享立後。用敘成勞。朕此次祇謁

祖陵。路經永平。指日出關。皆係當時殄滅流賊

之地。王之大勳偉績。實堪嘉尚。著賜祭一壇。

派惠郡王綿愉前往王墓代奠。睿親王仁壽

著加恩賞戴三眼花翎。在內廷行走。御前大

臣戶部尚書禧恩著加恩賞戴雙眼花翎。以

示朕眷念勳親至意。○又諭。朕本日經臨盧

龍縣境內。灤河青龍河二處橋座工段甚長。

支搭穩妥。所有承辦各員。尚屬能事。允宜量

予恩施。永平府知府李鵬。盧龍縣知縣汪兆

鵬。霸州州同康誥。遵化州州判冀洪。永平府

經歷魏彥儀。盧龍縣典史朱效。候補未入流

鄭思遠。俱著各賞加一級。直隸總督那彥成

督率有方。著加恩賞給黃綬。珊瑚豆大荷包

一對。小荷包四箇。以示獎勵。○是日。駐蹕朝

陽坡御營。○戊子。

上詣

皇太后行幄問安。○是日。駐蹕深河村西御營。

○己丑。

上詣

皇太后行宮問安。○詣

天后宮。

海神廟。

龍王廟拈香。○諭內閣。本日朕由深河村西

大營。至文殊庵行宮一帶。道路間有泥淖。據

御前大臣等奏。請將承辦之員。交直隸總督

查叅。朕早間策馬經由蹕路。馬足易陷之地

亦不止一處。承辦道路之員。咎實難辭。姑念

究係雨後。一時未能趕墊堅實。尚非有心草

率。所有承辦各員。著加恩免其叅處。嗣後該

督務當嚴飭認真修治。一律平坦。如再有辦

理不善之處。定即從重懲處不貸。○又諭。禧

恩等奏本日朕所乘菊花青馬失蹕。請將試

壓御馬之高喀鼎等。交部嚴加議處一摺。本

日朕乘菊花青馬。因道路泥濘。偶失前蹤。而朕躬無虞。高喀鼎哈。阿吉勒通阿。德克默忠。山俱著加恩。從寬改為交部議處。德克默忠。患病。並未稟明御前大臣。擅自落後。亦屬不合。德克默著革去引馬御前侍衛。著派蘇清阿引馬壓馬。○又諭富俊奏。河南省絞犯王妮子。應改緩決一摺。王妮子係依謀殺加功例擬情實絞犯。著刑部仍照例辦理。俟勾到時。朕自有權衡也。○湖廣總督嵩孚等奏。遵旨查明鉛廠情形。並現在廣覓子壠。以濟京局鼓鑄。報聞。○旌表守正捐軀四川捷為縣民楊道義孫女楊氏。○是日。駐蹕文殊庵行宮。○庚寅。

上詣

皇太后行幄問安。○諭內閣。本日自姜女廟至西店子一帶。泥淖難行。昨日早間微雨即止。傍晚天氣晴霽。該地方官承辦道路。儘可趕緊修治。一律堅實平坦。何至今晨蹕路經臨。

仍多塌陷之處。實屬辦理不善。所有承辦之員。著該將軍府尹等。查取職名。交部議處。奕訢。誠端。興科。督飭不力。俱著嚴行申飭。此段道路。動用錢糧。不准開銷。嗣後該將軍府尹等。務當嚴催妥辦。如有仍前草率怠玩。定將該將軍府尹等。及承辦之員。從重懲處。不貸。○科爾沁土謝圖親王諾爾布林沁。巴林郡王那木濟勒旺楚克。喀喇沁郡王布呢雅巴。拉等於行營跪迎。瞻覲。賞賚如例。○追予宋季禦敵陣亡安徽寧國縣知縣趙與璉及倡眾守城力盡捐軀縣吏楊義忠。入祀忠義祠。從巡撫鄧廷楨請也。○是日。駐蹕中前所御營。○辛卯。

上詣

皇太后行幄問安。○諭內閣。連日天已暢晴。該地方官承辦道路。自宜豫備整肅。乃本日中前所至陡坡臺一帶。御道仍復不能堅實。承辦之員。殊屬草率。著奕訢等查明。交部議處。

此段道路動用錢糧著不准開銷以示懲儆。
○賞科爾沁郡王僧格林沁黃馬褂。○戶部
議准前任四川總督戴三錫疏報樂山縣淘
復舊坍鹽井照例徵課從之。○是日駐蹕周
家村西御營。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百五十九

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十

[illegible]

道光九年己丑九月壬辰朔日食○

上詣

皇太后行幄問安。○是日駐蹕沙河所東御營。

○癸巳。

上
詣

皇太后行幄問安。○免蹕路經過之承德新民。

廣寧錦寧遠五廳州縣本年額賦並幫辦差

務之岫巖遼陽海城蓋平復寧海開原鐵嶺

義九廳州縣本年額賦十分之五○是日駐

躡五里河村御營。○甲午。

上詣

皇太后行幄問安。○諭內閣據禧恩等奏本日駐蹕杏山大營。所有應用紅籬炭及一切器皿席片等項均未照例豫備。並無承應之人。亦無撻運夫役。殊屬疲玩。著盛京將軍奉天府府尹查明承辦之員指名奏。並著該府尹即將應用等項趕緊備齊放給。○又諭松筠奏科布多解任參贊額勒錦被控遣人索取馬匹。審明定擬一摺。此案貝勒齊默特多

爾濟因科布多參贊辦事司員以所報偷竊駝馬等件印文並不按例查辦。輒將原文駁還。心懷不服。據松筠稟集人證逐款質查。明實係該司員常明等辦事不知詳慎。糊塗冒昧。理藩院郎中常明著即革職以示懲儆。科布多兵部掌戳記司員巴克圖聽從遞籍民犯任志高央懇縱赴遊牧討帳復被該貝勒查獲始為起解實屬玩延。巴克圖著革去主事銜作為領催。咨回駐防本旗當差。委署

清 實 錄 道光九年九月

主事銜伊克精額既同常明以蒙古得背被

竊大馬任聽賊供小馬將賊犯鞭責發落復附同巴克圖縱放任志高討帳辦事任意著咨回綏遠城當差仍罰一年錢糧解任參贊額勒錦不知體察外藩情形率與常明連次駁飭以致該貝勒齊默特多爾濟銜忿牽控且於差便易換馬匹勢同擾累額勒錦著交部嚴加議處嗣後該參贊大臣差赴遊牧換馬之處著永行禁止貝勒齊默特多爾濟風

聞參贊額勒錦差赴土爾扈特烏梁海易換馬匹輒行越分牽連呈控業經自認冒昧著罰扎薩克俸一年即飭回遊牧辦理盟長事務將軍彥德等於此案並不奏明親身前往查辦彥德著交部嚴加議處前任參贊八十蒙古參贊車林多爾濟俱著交部議處○是日駐蹕杏山御營○乙未

上詣

皇太后行幄問安。○諭內閣行在兵部遵旨議

處試壓御馬未能調習妥善各員一摺。御前侍衛前鋒統領副都統高喀蘇都統哈琅阿。護軍統領副都統吉勒通阿。頭等侍衛兼騎都尉德克默。俱著降二級留任。乾清門頭等侍衛忠山。派充壓馬差使未久。著降一級留任。均不准其抵銷。德克默仍著加恩在乾清門侍衛上行走。○又諭奕額等奏遵旨查參貽誤差務之員一摺。署錦縣事候補同知傅鍾璩。承辦杏山大營差務。並未將柴炭器皿席片等件。妥為豫備。又無擡運夫役。實屬疲玩。著先行摘去頂帶。該員尚有承辦興隆屯金剛屯大營。並代昌圖廳辦理蔣家店大營。及回鑾差使。著仍責成妥辦。如果自知愧奮。勉圖後效。著該將軍等奏明施恩。償仍前貽誤。即行叅革示懲。誠瑞興科未能董率妥善。俱著交部議處。○又諭楊遇春奏撤防換防參將請降補遊擊。據實陳明一摺。原任甘肅督標左營參將長恆。前因換防未能得力。經

該督撤回。奏請降補固原提標前營遊擊。當即降旨。以該員既經撤回。何以遽令降補。是否另有別故。著該督查明具奏。茲據奏該員既不勝任。若僅予撤防。仍以原官補用。恐各城輕視邊防。轉得效尤。是以奏請降補。自係實情。長恆著准其降補固原提標前營遊擊。○又諭理藩院轉奏據六盟蒙古王公等請將所進馬匹。不必與官兵原領馬匹更換。情願備辦呈進等語。從前該蒙古王公等進馬時。朕以道路遙遠。官兵所乘之馬。沿途不無疲乏。是以諭令乘馬官兵。俟此項馬匹解到。准其更換。今哲哩木等六盟盟長土謝圖親王諾爾布林沁等。既請情願不換馬匹。竟行呈進。以備該官兵領騎。所有應換馬匹之官兵。即不必更換。著按名均各賞馬一匹。所餘馬匹。仍著該蒙古王公領回。惟念各蒙古王公等情願進馬一萬匹。以備隨駕官兵乘騎。殊屬可嘉。該蒙古王公台吉等俱著加恩交

理藩院議敘。用示朕眷念蒙古臣僕至意。○以兵部左侍郎朱士彥。知武舉。戶部左侍郎汪守和。為武會試正考官。禮部右侍郎楊懌。曾為副考官。○土謝圖親王諾爾布林沁。丁憂。賞銀一千兩。命回遊牧。○展緩陝西西安。乾。二府州屬被旱歉收新舊額賦。○是日。駐蹕興隆屯御營。○丙申。

上詣

皇太后行幄問安。○諭內閣朕昨日經過杏山

迤東之石門子地方。閱看馬廠內排列大凌河驕騾馬三十四羣。共一萬二千九百五十餘匹。均極臃壯整齊。從此逐歲孳生。日益蕃庶。遇有差調。何患不敷。因思嘉慶年間。富俊曾經奏請裁撤大凌河牧廠馬匹。分撥盛京吉林黑龍江三省官兵拴養。

皇考仁宗睿皇帝特降

諭旨飭駁。以其事斷不可行。仰見

聖慮周詳。至深且遠。馬政攸關緊要大凌河牧

場寬廣。水草茂盛。實足為蕃息之資。若輕議裁撥。則散之甚易。聚之甚難。必致馬匹缺額。不能仍復舊規。儻再有率為此請者。即係莠言亂政。定當執法嚴懲。現在該處馬羣充牣。已有成效。嗣後著該副都統留心稽查。認真經理。嚴飭各莊頭。每歲於馬匹歸槽時。加意餵養。出青時妥為牧放。務令孳息蕃昌。多多益善。俾一律肥壯可用。斷不可稍形懈弛。以致有名無實。若日久視為具文。馬羣內有疲

瘦殘傷。不堪調用者。一經查出。惟該副都統是問。○諭軍機大臣等。前因刑部奏審訊烏嚕木齊釋回遣犯常慶控告該處營弊。據稱烏嚕木齊提標右營都司守備役使官兵。並私占官地。租與民人耕種等語。降旨令伊犁將軍等委員密行查訪。茲據容安詳查密奏。伊犁綠營情形。尚無前項情弊。朕覽奏俱悉。至烏嚕木齊提標各營。有無私役兵丁。及私租官地之處。據容安奏稱該處距伊犁二千

餘里。若由伊犁委員前往查訪。僅據一面之詞。是否確實。未敢遽信。所見甚是。著玉麟於經過烏魯木齊時。親加查察。即將該處情形。由途次據實覆奏。將此諭令知之。尋奏。遵查烏魯木齊提標各營。並無私役兵丁私租官地等弊。報聞。○以太常寺卿普保為通政使司通政使。○是日。駐蹕金剛屯北御營。○丁酉。

上詣

皇太后行宮問安。○管理行營事務大臣禧恩等奏。風聞慶豐司廩長早住等在前營藉端撞騙。請嚴拏究辦。得旨。慶豐司廩長早住。上駟院已革廩長福明。著交軍機大臣內務府大臣會同嚴審。其錦縣長隨王姓著責成誠端興科。迅速嚴拏務獲。歸案審辦。○予甘肅陣亡把總張積福。外委趙紀良。祭葬世職。兵丁萬國安等六十八名。賞卹如例。○是日。駐蹕北鎮廟行宮。翼日如之。○戊戌。

上詣

皇太后行宮問安。○詣北鎮廟行禮。○諭內閣。行在兵部會同吏部議處。管道不妥各員一摺。散秩大臣公祿義。公有麟。俱著罰俸六箇月。盛京將軍公奕顯。兼管奉天府府尹工部侍郎誠端。奉天府府尹興科。俱著罰俸三箇月。均不准其抵銷。○己亥。

上詣

皇太后行轅問安。○諭內閣。朕於八月十九日。自京啟鑾。前詣盛京恭謁祖陵。經過關內關外。秋成普慶。豐登閭閻。安謐黃童白叟。夾道歡迎。蹕路省觀。實深嘉悅。仰惟我朝鴻業。肇基東土。二百年來。列祖列宗。厚澤深仁。周偏寰宇。培養教育之恩。淪肌浹髓。羣黎百姓。食舊德而服先疇者。咸安樂。

利。朕臨御以來。有何恩澤及乎百姓。乃鑾輅
經臨。瞻雲就日。愛戴出於至誠。可見小民具
有天良。各該地方官。果能實力實心。勤恤民
隱。未有不感慕德化。效惓輸忱者。朕實紹丕
基。兢兢業業。宵旰弗遑。無日不以敬

天法

祖勤政愛民為念。直省封疆大吏。當知仰體朕
意。潔己惟清。莅事惟公。督飭所屬府廳州縣。
各盡職守。勉為循良。嚴貪冒之防。戒因循之

習。至書吏胥役。舞文詭法。尤為地方之害。必
當隨時隨事。認真查察。有犯必懲。務期大法
小廉。吏治蒸蒸日上。俾民皆安居樂業。尊君
親上之心。油然而生。風俗益厚。人心益淳。億
萬斯年。永享太平之福。朕有厚望焉。將此通
諭中外知之。○兵部以武會試中額請。得旨。
滿洲蒙古取中二名。漢軍取中三名。奉天取
中一名。直隸取中七名。陝甘取中五名。廣東
取中四名。河南取中四名。山東取中六名。江

蘇取中二名。安徽取中二名。山西取中二名。
湖北取中四名。湖南取中一名。四川取中二
名。廣西取中一名。福建取中三名。浙江取中
二名。江西取中四名。雲南取中二名。貴州取
中一名。○是日。駐蹕常家屯御營。○庚子。

上詣

皇太后行幄問安。○諭內閣。前經降旨。令誠端
等嚴拏錦縣長隨王四。據奏派委錦州府知
府景煥。緝復降旨。令該府尹等迅速拏獲。

遲至今日。該犯尚未到案。王四係錦縣長隨
何難即時弋獲。乃經兩次嚴旨飭拏。輒敢宕
延。並不實力查緝。足見該府尹等平日辦事。
一味因循。實屬疲玩。可惡已極。誠端著降為
三品頂帶。興科著降為四品頂帶。景煥著降
為五品頂帶。仍責成該府尹等。迅將王四拏
獲。歸案審辦。如仍復延玩。竟令遠颺。定即重
治其罪。決不寬貸。○是日。駐蹕蔣家店御營。
○辛丑。

上詣

皇太后行幄問安。○是日駐蹕黃旗堡御營。○

壬寅。

上詣

皇太后行幄問安。○詣

河神廟拈香。○奉恩將軍景年等並移居宗

室正族長奇善等及朝鮮國使臣李相璜等

跪迎瞻覲。○是日駐蹕老邊御營。○癸卯。

上詣

宣宗實錄

三

皇太后行幄問安。○遣官祭

都城隍之神。○諭軍機大臣等御史王贈芳

奏補救兩淮鹽務積弊八條並陳鹽務經久

之法各一摺所奏是否可行著蔣攸銛福森

體察情形悉心妥議具奏原摺著鈔給閱看

將此諭知蔣攸銛並傳諭福森知之。○貴州

巡撫嵩溥奏新演速戰陣法馬隊居先擡礮

繼之鳥槍橫批鈎鐮長矛以次疊進首尾相

顧聲勢聯絡於狹隘之處甚為利便此後每

遇操演之期於演畢大陣後即接演速戰陣

一二次以冀益臻嫺熟得旨既飭學習務須

認真教演不可日久生怠有名無實也勉之

○命御前侍衛戴銓乾清門侍衛吉凌阿刑

部右侍郎鍾昌恭詣

永陵御前侍衛法克星阿乾清門侍衛奕紀理

藩院右侍郎常文恭詣

福陵御前侍衛道慶乾清門侍衛祥雲保工部

左侍郎奕經恭詣

昭陵查看紅椿。○是日駐蹕大臺御營。○甲辰。

上詣

皇太后行幄問安。○諭內閣孔隆阿奏請留撤

防副將一摺喀什噶爾留防參將賴允貴現

升甘肅涼州協副將例應撤防茲據該大臣

奏稱該員久歷軍營熟悉邊地情形藉資訓

練懇請暫留著照所請賴允貴准其暫留一

二年辦理營務俟接辦有人再行奏撤送部

引見並著兵部將該員升任副將劉付先行

頒給支領養廉其防所鹽菜等項即援照隨營分例支給作正開銷○又諭扎隆阿奏請將營員撤回另行揀調等語所奏是喀什噶爾換防遊擊方一彪年已六旬因舊傷時發步履維艱又署守備雲騎尉朱登雲不諳營規與回疆防所未宜俱著撤回著陝甘總督另於遊擊守備中擇其年壯才優曾歷戎行者調往以重營伍○又諭奕額等奏特參承修橋梁不力之員一摺承德縣知縣保定承

辦橋座並不實心經理以致蹕路經過後正橋即有塌陷之處保定著交部嚴加議處誠端興科督飭不力俱著交部議處奕額亦有督催之責著交部察議○諭軍機大臣等扎隆阿奏接據布庫愛曼布魯特比卻喇遣五品頂翎巴喇特到卡稟報汰劣克現被誘獲當令伊薩克飭令巴喇特旋回遵照前發諭帖傳示並未遣人出卡察探並咨會烏什辦事大臣常德等一律辦理等語汰劣克從前

雖為張逆助勢未敢進卡近因釋放其子遣人叩謝感激天恩今卻喇與之自構釁隙將其扣獲意圖賞賚藉洩私仇該參贊大臣鑒其肺腑拒絕不問所見正大之至該大臣有如此安邊之略朕嘉獎之餘別無可諭著發去玉翎管一件玉雙喜佩一件小荷包四箇交該大臣祇領以示恩賚將此諭令知之○又諭御史豫益奏請旨嚴飭回疆查辦卹典認真給領一摺喀什噶爾等四城殉節各商

民漢回等前經降旨一體賜卹據該御史奏稱該商民等多係四方貿易之人或一時流寓或萬里為商其有無家屬並姓氏籍貫是否確真必須詳細查明不得從中別有冒充假借著各城辦事大臣認真督率所屬按奏准名冊如數給領務使殉節者均霑實惠僅承辦屬員暨胥吏人役有侵扣朦混情弊一經查出即行按律懲辦毋稍寬貸將此由報便諭令知之○遣官祭達爾漢親王羅布藏

棍布墓。○築喀什噶爾新城沿河隄岸。從參贊大臣扎隆阿請也。○是日。駐蹕噶布垓御營。○乙巳。

上詣

皇太后行幄問安。○御行幄。

上親射。並閱盛京官員及兵丁等射。○諭內閣。

朕本日射箭。敬徵桂輪所備弓矢妥善。著加恩賞穿黃馬褂。○以翰林院侍讀學士德春。

為光祿寺卿。○旌表守正捐軀河南息縣民羅元修媳李氏。○是日。駐蹕蓮花背御營。○

丙午。

上詣

皇太后行幄問安。○御行幄。閱吉林官員及兵

丁等射。○諭內閣。長齡奏昨有驚馬馳入西

面白布城。請將值班之護軍統領副護軍參

領護軍校暨護軍等叅辦一摺。該章京護軍

等未能將驚馬攔阻。致令馳入白布城。殊屬

疏忽。長齡所叅甚是。惟念當時即將驚馬拏

獲。該章京阿勒經阿富忠。著加恩從寬改為交部議處。護軍校護軍等俱著免其革退。交該護軍統領從重鞭責。以示懲儆。其護軍統領阿勒罕保。著交部議處。此係朕曲體施恩。嗣後儻有似此怠忽。定將該章京護軍等一體重懲。決不寬貸。○以吉林將軍瑚松額中箭三枝。賞穿黃馬褂。○是日。駐蹕上夾河西御營。○丁未。

上恭謁

永陵。未至碑亭。即降輿慟哭。步入

啓運門。詣

寶城前行禮。躬奠哀慟。王以下文武大臣官員

均隨行禮。○詣

皇太后行宮問安。○諭內閣。朕本日蹕路經行

至瑪爾墩嶺東。見有民人欲由御道之右行

至左邊。彼時博啓圖隨扈在右。祇須勒馬。即

可攔住。乃僅用馬鞭略為指揮。徑即前行。並

未回顧。以致該民人竟從御馬後經過。博啓

圖近在御前。漫不經心。所司何事。非尋常疏忽可比。著交行在吏部議處。三日內具奏。再本日博啓圖等奏。盛京吉林官兵。射中布靶。恩賞銀兩摺單內。並未將銀數分晰開明。亦屬含混。博啓圖寶興。俱著傳旨嚴行申飭。○又諭禧恩等奏。本日頭分中伙。途中有一老民。從旁經過。法克興阿等竟未攔管。請分別罰俸一摺。御前侍衛隨朕巡行。遇有蹕路兩旁。無知小民。均應一體留心攔管。若以在前

罪重。在後罪輕。轉非秉公懲辦之道。法克興阿哈琅阿高喀。竊安福。已清德均著罰俸三箇月。以示懲儆。○鑄給福建臺灣北路協標右營分駐竹塹遊擊中軍分駐大甲守備關防條記。從總督孫爾準請也。○旌表守正被戕廣東番禺縣民葉林帶妻龍氏。○命五城於冬春二季設廠煮賑。○是日駐蹕夏圓行宮。翼日如之。○戊申。

上恭詣

永陵行大饗禮。王以下文武大臣官員均隨行禮。○詣

皇太后行宮問安。○詣

顯佑宮。

關帝廟拈香。○閱興京城。○諭內閣各省將

軍副都統等。向例年班輪應一人入都。陛見

此次朕親詣盛京恭謁

祖陵。該處自將軍以至總管。均已挨次召見矣。

所有本年盛京輪應年班之將軍副都統侍

郎城守尉總管等。均著不必入都。陛見。明歲

再行照例陛見。○己酉。

上詣

皇太后行幄問安。○諭內閣前因錦縣長隨王

四在逃。降旨將誠端等各降頂帶一級。茲據

奏。王四即王明業經拏獲。所有誠端與科景

煥頂帶均著加恩開復。○行在吏部議奏。御

前大臣禮部尚書博啓圖。照約束不嚴。例加

等請降三級調用。得旨博啓圖著革去尚書

都統降補兵部右侍郎。仍降三級留任。不准抵銷。○以戶部右侍郎耆英為禮部尚書。兼管太常寺鴻臚寺事。調兵部左侍郎寶興為戶部右侍郎。兼管錢法堂事務。轉兵部右侍郎保昌為左侍郎。○添備河南十三廳稽料二千垛。山東曹河糧河二廳稽料五百垛。從河道總督嚴烺請也。○是日。駐蹕上夫河西御營。○庚戌。

上詣

皇太后行幄問安。○諭軍機大臣等。刑部奏審訊京控案內附遞條陳之湖北歲貢生千總頂帶喻若印。請照例斥革。問擬杖罪。交該省折責管束。已依議行矣。此案喻若印所遞條陳內有該省均州武當山香客鳴鑼聚眾。商賈設立會館。結訟演戲。並私學天主教。青蓮教一節。聚眾習教。為害地方。不可不嚴行究辦。該處現在有無匪徒潛匿。著嵩孚確切查明。據實具奏。勿稍隱飾。將此諭令知之。尋奏。

遵飭司道及委員查明均州武當山。間有人赴廟燒香。並無鳴鑼聚眾。結訟習教。觀宇之外。亦無商賈設立會館等事。仍嚴行查禁。並責成安襄鄖荆道。每年於會哨四峯山之便。親詣細查。報聞。○都察院奏。正紅旗蒙古參將西林寶妻伊爾根覺羅氏。以夫死不明等情具控。請交刑部派員檢驗。得旨。著派海齡。戴敦元。帶同刑部司員。前往香山正紅旗上營子地方。查起已故參將西林寶屍棺。詳悉

檢驗屍身。是否因傷身死。抑係被煙熏斃。並著該故參將之妻眼同看視。務當檢驗明確。據實具奏。不可任聽伴作欺朦。致滋捏報。儻檢驗後。稍有不實不盡之處。惟該侍郎等是問。○直隸總督那彥成奏。報永定河秋汛安瀾。賞道員張泰運花翎。餘升敘有差。○是日。駐蹕蓮花背御營。○辛亥。

上詣

皇太后行幄問安。○遣官祭

歷代帝王廟○賞捕捉鹿獸吉林驍騎校凱
隆阿及領催人等銀幣○是日駐蹕噶布垓
御營○壬子。

上恭謁

福陵未至碑亭即降輿慟哭步入
隆恩門詣

寶城前行禮躬奠哀慟王以下文武大臣官員
均隨行禮○詣

皇太后行幄問安○臨宏毅公額亦都蒙賜奠

○諭內閣額亦都為我朝開國功臣

皇祖高宗純皇帝

皇考仁宗睿皇帝巡幸盛京皆

親臨賜奠本日朕恭謁

福陵後亦親往賜酹緬維

先代勲勞尤宜賞延後嗣鑲紅旗蒙古副都統

鑾儀使博克順當差有年且此次東巡每日
豫備

皇太后安輿諸臻妥協著加恩賞戴花翎並賞

穿黃馬褂一等公頭等侍衛巴雅爾綽克托

三等承恩公和世泰俱著賞委散秩大臣以

示朕篤舊推恩至意○修浙江錢塘縣沿江

驛路從巡撫劉彬士請也○是日駐蹕馬關

橋御營○癸丑

上恭詣

福陵行大饗禮王以下文武大臣官員均隨行
禮禮成恭謁

昭陵未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○詣

皇太后行幄問安○臨武勳王揚古利蒙賜奠

○諭內閣揚古利係國初功臣本日朕恭謁

昭陵後親臨賜奠追念舊勳尤宜推恩後裔一

等公領侍衛內大臣鑲黃旗蒙古都統福克

津前因修理祖塋奏准借支十年公俸分年

坐扣著加恩寬免五年其餘五年公俸仍按

年坐扣鑾儀衛雲麾使玉芳著賞給頭等待衛在大門上行走。又諭容安等奏審明職官畏累自戕並究出扶同徇庇那移公項各官兵照例分別定擬一摺。此素木敏布經管檔房錢糧因墊項負累那用官鋪貨物於事後一月內始行全數繳完以致驍騎校莫爾根阿畏累自盡木敏布著照擬杖八十加枷號兩箇月滿日鞭責發落告休佐領經文驍騎校莫爾根阿於木敏布因公那用並不斥究實屬徇庇除莫爾根阿業已自盡身死外經文著交部嚴加議處該管協領都克金泰未能及早查出亦有不合著交部議處。○降解任科布多參贊大臣正紅旗蒙古副都統額勒錦為三等侍衛調正黃旗漢軍副都統喀什噶爾參贊大臣扎隆阿為正紅旗蒙古副都統。○免湖南應碾搭運通米十四萬石。○是日駐蹕瓦子峪御營。○甲寅。

上恭詣

昭陵行大饗禮王以下文武大臣官員均隨行禮。○至盛京詣太廟尊藏冊寶前行禮。○遣官祭福陵之壽康太妃昭陵之懿靖大貴妃康惠淑妃並公主園寢其親王貝勒及大臣等墓以次遣官往奠。○奉皇太后居介祉宮上詣皇太后前問安。○御崇政殿賜御前大臣及蒙古王公等茶。○遣官祭長白山遼陽太子河巨流河渾河。

北海

松花江諸神○遣官祭

遼太祖陵○諭內閣朕此次展謁

祖陵駐蹕盛京所有民田旗地蠲租賜復業已

分別施恩惟是本年奉天所屬州縣田禾雖

屬有秋朕巡歷所經軫念貧民拮据益當加

意惠鮮無令失所著該將軍府尹等查明各

州縣地方如有間被偏災應行賑濟及蠲緩

之處即奏聞辦理○喀什噶爾參贊大臣扎

李

隆阿等奏開墾葉爾羌東南地一百六十餘

里又和沙瓦特荒地一百五十餘里本年試

種免其徵輸俟明年秋成後再定賦則升科

報可○免盛京興京遼陽牛莊蓋州熊岳復

州金州岫巖鳳凰城開原錦州寧遠廣寧義

州十五處旗地應納本年米豆草束十分之

五並道光八年以前積欠及各壯丁應完本

年丁米○免盛京各莊頭本年應交倉糧○

是日駐蹕盛京舊宮至庚申皆如之○乙卯

上詣

天壇

堂子行禮○詣介祉宮問

皇太后安奉

皇太后幸嘉蔭堂侍膳○詣

文廟瞻禮○臨克勤郡王岳託墓賜奠○諭

內閣朕恭奉

皇太后展謁

祖陵駐蹕盛京追念開國諸王勳績懋著允宜

李

推恩後嗣以獎成勞除睿忠親王後嗣已加

恩外禮親王全齡著加恩賞戴花翎鄭親王

烏爾恭阿著補授正白旗蒙古都統豫親王

裕全著賞戴花翎肅親王敬敏之子華豐克

勤郡王尚格之子承碩俱著晉封為不入八

分公順承郡王春山著賞戴花翎莊郡王奕

賈有應繳伊父綠課罰賠工程銀十萬兩著

寬免銀五萬兩以示朕眷懷勳舊至意○又

諭朕本年巡幸盛京所有各關監督及鹽政

織造等呈進例貢。均先期開單具奏請旨。朕詳加覈減。准其呈進者。始行呈進。福州將軍普恭。兼管閩海關稅務。其例應呈進貢物。並不先期奏明。請旨遵辦。遽將貢物呈進。實屬冒昧。此次該將軍所進貢物。著即擲還。○又諭此次巡幸盛京。恩膏壘沛。所有緣事發往盛京吉林黑龍江三處官犯。亦應覈其情節。量施法外之仁。著盛京吉林黑龍江各將軍。查明各官犯原案。開列清單。具奏請旨。○又

諭朕此次巡幸盛京。諭令奕額將緣事發往盛京吉林黑龍江三處之宗室覺羅等原犯。案由查明具奏。據奕額開單呈覽。朕詳加披閱。萬順因懇伊族兄武中阿讓地未允。具呈叩關。發往盛京。旋因思母。乘間脫逃。被獲仍發原配德克金泰。因見喀勒明阿逞兇強姦民婦。並不阻止。移駐吉林。嚴加管束。覈其情節。均尚非不可原宥。萬順著加恩釋放。回京。德克金泰著加恩釋回原駐盛京地方。伊等

家屬。並准其一併帶回。其餘各犯。情罪較重。俱不准其釋回。○又諭著英等奏戶部寶泉局鼓鑄印額。前經奏准。每月按六卯鼓鑄。茲查明現存銅鉛斤數。自本年九月起。至次年三月。仍按六卯鼓鑄。惟在途各運。日久未據各該省咨報過境。恐致臨時短絀。所有運員羅祖望喀勒崇阿李秉鈞泰士綸等。領運戊子年正加各運銅斤。均於本年夏間先後行抵湖北境內。著兩江湖北安徽山東直隸各

督撫。嚴飭承催督催各員。實力催趨。務令各運員迅速前進。毋任稍延。○又諭扎隆阿等奏酌量添設駐守卡倫弁兵一摺。喀什噶爾西北邊界。共設卡倫八處。前經那彥成奏准。分別駐劄弁兵防守。茲據扎隆阿等查明現在情形。奏請添設弁兵。自應酌量辦理。著照所請。准其於喀浪吉圖舒克塔什烏帕拉特三卡倫添建兵房。各派千總一員。帶兵六十名駐守。並於三卡倫相距中間。各建堆撥就

所派兵內分撥五名。輪流駐巡。其巴爾昌伊
蘭瓦斯。伊斯里克。玉都巴什。伊爾古楚。五卡
倫。照議各派外委一員。帶兵二十名。專司稽
查。並著每卡於原議專派驍騎校一員。帶領
滿洲兵七名之外。各添滿洲兵三名。仍於卡
倫相距中間。循照舊設推撥修整。各分派兵
丁二名。輪流值巡。設立傳牌。輪查各卡。按日
到城查驗。餘著悉照原奏章程辦理。其阿爾
瑚莊西馬廠。原議建堡駐兵之處。無庸照辦。

至七里河城堡。及英吉沙爾所屬烏魯克卡
倫城堡。現已修完。照數派撥官兵駐紮。著該
大臣等。派委章京協領。輪流前往各卡抽查。
如有曠誤疏懈。致滋偷越私販等弊。立即嚴
懲究辦。以資巡察而嚴邊備。○朝鮮國王李
琿遣陪臣於道傍跪迎。表貢方物。○賞御前
行走巴林扎薩克郡王那木濟勒旺楚克。喀
喇沁扎薩克郡王布呢雅巴拉。乾清門行走
喀爾喀扎薩克郡王多爾濟喇布坦。紫韁。○

賞隨扈喀喇沁公瑪哈巴拉貝子銜。○賞隨
扈蒙古王貝勒貝子台吉等銀。○命盛京滿
合二號。及奉天所屬各學。科考廣額一次。六
名以上者。廣額三名。四五名者。廣額二名。二
三名者。廣額一名。○以辦理喀什噶爾七里
河等處城堡工竣。予出力委員吳洪相等加
銜升補有差。賞阿奇木伯克郡王伊薩克緞
匹。並優敘。○以塔塔爾和沙瓦特開墾荒地
疏挖河渠出力。賞四品商伯克愛里木沙五

品密喇布伯克斯底克花翎。六品伯克阿里
等藍翎。餘升敘賞賚有差。○予回疆守禦盡
節副護軍參領倭什洪額藍翎侍衛文祥三
等侍衛諾朗阿。慶福。護軍校德康。富明。祭葬
世職。如陣亡例。○旌表守正捐軀四川西昌
縣民何應汶妻梁氏。直隸獻縣民畢士泐妻
冉氏。○丙辰
上以恭謁
祖陵禮成。奉

皇太后御頤和殿率扈從王公大臣官員蒙古王貝勒貝子公額駙台吉盛京文武官員朝鮮國使臣等行慶賀禮○詣介祉宮問

皇太后安○御崇政殿扈從王公大臣官員蒙古王貝勒貝子公額駙台吉盛京文武官員

朝鮮國使臣等行慶賀禮禮成頒詔天下詔曰朕惟典紀巡方備著隆儀之懋舉禮崇報

本尤思基緒之丕承故勤展覲於

珠邱恪修禋祀更布精誠於玉璣敬迓蕃釐緬

夫遼海隩區陪京舊蹟

弓劍聲開夫駿業車書式廓夫鴻圖在昔虎踞

龍蟠實鍾瑞氣迄今瓜縣椒衍永迪

前光溯夫

聖祖三巡

高宗四謁

皇考御極以後再詣

橋山恭申景慕朕寅承大統篤念

貽謀仰

締造之

宏規懷顯承於

盛烈幸際時調玉燭歲奏金穰况乎巨憝生擒

膚功告藏感

昊蒼之甄貺慶寰海之鏡清皆由

世德作求

重熙累洽茲者欽承

懿命恭侍

安輿虔舉馨香聿追孝享於道光九年秋祇謁

永陵

福陵

昭陵蠲潔升歌誕膺多祐謹循

成憲爰蒞留都臚

茂典以遵行昭

上儀之景鑠用施闡澤特沛恩綸所有合行事

宜條列於左○隨從王等紀錄三次大臣官

員及奉天文武大臣官員

三陵守衛官員俱加一級○隨從兵丁及內務

府執事人等俱賞一月錢糧。所賞錢糧俱在盛京給發。○奉天及山海關文武大臣官員兵丁。

三陵守衛官兵俱賞資。○奉天居住之宗室覺羅及國戚子孫並移駐宗室俱賞資。○奉天府屬應徵道光十年分地丁銀兩全行寬免。○奉天旗民男婦七十至九十以上者分別賞資。○盛京試職官員俱准實授。○奉天吉林黑龍江等處除十惡死罪不赦外其餘死

罪俱減等軍流以下寬釋。○奉天內務府莊頭所有道光八年以前積欠俱寬免於戲告武成於

九廟繼序毋忘。彰孝治於八埏承庥罔替。

萱闈集慶允膺祉福之增。部屋臚歡共抱尊親之戴。布告天下咸使聞知。○賜扈從王公大臣蒙古王貝勒貝子額駙盛京吉林將軍等食並賞資有差。○諭內閣此次恩詔內隨從王大臣官員俱加一級著該部查明此內如

舊有降級留任處分在降三級以下者加恩准其以所加一級抵降一級。○又諭此次考試習文宗室取列一等之福恆吉瑞著各賞絀二疋取列二等之常興壽泰著各賞絀一匹其名列三等之伸海恩成誠元景麗俱著無庸賞給。○又諭楊遇春奏籌擬改設涼州莊浪營制尚應酌留官兵及原設將備各官暫緩裁撤一摺前據那彥成等奏請以甘肅涼州鎮總兵改為喀什噶爾換防總兵其涼

州鎮營以莊浪協副將移駐並將涼州中營遊擊移駐莊浪所有涼州改鎮為協應裁額兵一千五百名分撥督標及循化保安起臺等營茲據楊遇春查明涼州鎮額兵七千六百餘名除分設各營外存城僅有馬步守兵二千四百九十三名若遽行裁撤一千五百名之多則操防彈壓殊形單薄著照該督所議止裁馬步守兵一千名仍留原設額兵五百名以資捍衛其裁汰之兵並著先儘空缺

事故退革各名糧。由該營確查。知會應增之督標循化。保安起臺各營。以次募補。原設將備十把。外委等官。統俟兵丁全行裁撤後。再行酌量。應裁應撤。並一切未盡事宜。分別題咨。請旨辦理。現在賴允貴已補新改涼州協副將。李遐齡已補莊浪營遊擊。所需印信。著該部先行頒發。俾資鈐用。該副將遊擊二缺。設處邊疆。地方緊要。俱如所議。作為題缺。至賴允貴前據扎隆阿奏請暫留喀什噶爾一

二年。辦理營務。業經降旨允准。所有涼州協副將。著楊遇春派員署理。○賜朝鮮國王李

御書扁額曰。懋服揚休。加賜

御書福字壽字。並賞齋國王及使臣如例。○賞

還禮部左侍郎舒英花翎。○以巡幸盛京。各

城旗員並地方官當差效力。開復因公降罰

處分。○修山東中東兩路墩汛營房。從巡撫

訥爾經額請也。○丁巳

上詣

清寧宮祭

神。○詣介祉宮問

皇太后安進胙。○賜扈從王公大臣蒙古王貝

勒貝子公額駙並盛京吉林將軍等食胙。○

諭內閣。朕恭謁

祖陵駐蹕盛京。八旗官兵等承辦差務。先經奕

額等奏准。每員借給一年俸銀。每兵借給半

年餉銀。於盛京庫貯銀內動支。分作四季坐

扣。於二年內歸款。但念該官兵等踴躍趨公。

若將借項按限扣繳。轉無以示體恤。所有奉

天官兵。此次借支俸餉銀九萬六千七百二

兩零。著加恩寬免銀四萬六千七百二兩零。

其餘銀五萬兩。著分作十年。於該官兵俸餉

內扣還。其借支盛京戶部庫貯銀。仍照嘉慶

十年之例。先於薄餘項下。分年如數撥還歸

款。○又諭前據奕額等奏請借撥薄餘銀三

萬兩。交各州縣承辦橋梁道路。分年扣還歸

款該地方官辦理差務一切春錫埽除之役不能不資民力今此項借支銀兩若責令依限清完該員等廉俸無多安得餘資歸款甚或再向民間攤捐灑派不免重累閭閻且恐假手吏胥致滋擾累所有此次各州縣借領淺銀三萬兩俱著加恩免其繳還以示朕軫懷民瘼至意○又諭奕顯著賞銀一千五百兩常明左廷桐奇明保多山凱音布那丹珠特登額著各賞銀四百兩誠端興科彭浚著

各賞銀三百兩總管金奇賢德勒啟善花良阿掌關防官書昇倭什理訥們達齊盛京內務府佐領克興額慶麟明奎著共賞銀一千兩○又諭朕此次巡幸盛京所有御前行走郡王那木濟勒旺楚克布呢雅巴拉貝子瑪哈巴拉均已隨扈多日著伊等行抵舊邊於十月初一日早膳請安後各回遊牧本年年班著無庸入都親王諾爾布林沁雖於中途緣事回伊遊牧而隨扈當差業經數日諾爾

布林沁本年年班亦著停止至此護送貢馬之王貝勒貝子公台吉塔布囊此內如有輪應本年年班者俱著無庸入都俟下屆年班再行進京用示朕體恤蒙古臣僕至意○又諭吉林將軍瑚松額著行至常家屯於十月初四日早膳請安後即行回任所有隨扈行營當差之吉林官兵仍照上次於上海關送駕後再行遣回○予隨扈軍機大臣內務府大臣各加二級○予總理行營事務御前

大臣禧恩瑪呢巴達喇大學士長齡吏部尚書文孚各紀錄四次○予吉林將軍瑚松額及吉林當差官員各加一級○戊午

上詣

地壇行禮○

孝慈高皇后忌辰遣官祭

福陵○詣介祉宮問

皇太后安○臨直義公費英東墓賜奠○諭內閣費英東係開國功臣朕本日親臨賜奠追

念舊勲。允宜推恩後嗣。一等公委散秩大臣盛榘著加恩授為散秩大臣。並賞戴花翎。鑒儀衛冠軍使盛籍著加恩賞戴花翎。並賞穿黃馬褂。○又諭特登額奏奉天吉林黑龍江等處犯事。簽發各省。已經到配軍流人犯。可否與未到配各犯一體查辦一摺。著准其一體查辦具奏。○又諭朕本月三十日。自盛京回鑾。奕穎奇明保多山。那丹珠誠端興科俱著隨扈。至山海關外紅牆送駕。不必至丈殊

蒼駐蹕處所。其餘盛京文武各官。應送駕者。俱著於西關外跪送。後即回本任供職。○阿克蘇辦事大臣長清等奏新增防兵全數到防。遵旨嚴飭將備。實心實力。勤加操演。得旨。汝是曾經患難之人。實心操練兵丁。整飭邊備。自無庸朕諄諄告誡。但須常存安不忘危。日加慎勉之心。朕無慮矣。○改鑄烏什副將關防。從辦事大臣常德等請也。○己未上詣介社宮問

皇太后安。奉

皇太后詣

清寧宮侍食。○御大政殿。賜扈從王公大臣官

員蒙古王貝勒貝子公額駙台吉。及盛京文

武官員朝鮮國使臣等宴。賞賚有差。○諭內

閣朕此次親詣盛京恭謁

祖陵。章嘉呼圖克圖由京隨扈。一切差使實心

奮勉。章嘉呼圖克圖著加恩照前賞用九龍

坐褥。○又諭孫爾準等奏參短缺倉庫之勒

休知縣一摺。各省州縣虧短倉庫錢糧。均應

奏請革職。拏問。福建建陽縣勒休知縣尚連

城。虧缺正雜各款銀一萬餘兩。穀米二千餘

石。既據該督等查明奏。何以不照例請旨。

尚連城著革職。拏問。交該督撫提同經手丁

胥人等。嚴審究辦。該革員寓所資財。及原籍

家產。一併查封備抵。○諭閩浙總督孫爾準

閩浙總督福建巡撫。每年秋間。例貢蜜浸荔

支。是物並無供獻之需。恐發熱。朕又不嘗。實

屬無謂。著自明年為始。永行停止。並諭韓克均知之。○軍機大臣等奏審明錦縣長隨王明。於州縣承辦差務。包攬圖利。誑騙錢文。應發近邊充軍。加枷號一箇月。已革廩長福明。因王明許以分肥。代為請託。應杖一百。徒三年。慶豐司廩長阜住實不知情。請免置議。從之。○命浩齊特扎薩克郡王額林沁諾爾布。在乾清門行走。○緩徵河南延津封邱考城。原武蘭儀儀封。祥符武陟。臨漳安陽。內黃。十

一縣積歲歉收。新舊額賦。並出借牛具籽種。倉穀口糧。○庚申。

孝敬憲皇后忌辰。遣官祭。

泰陵。○

上詣介祉宮問。

皇太后安。○諭內閣盛京清寧宮大清門兩處。本年應行修理。因朕臨幸陪都。為日已近。是。以止令擇要黏補。油飾見新。此項工程。俟一。二年後。仍應勘估興辦。著傳諭奕顯將來興。

修時。一切規模物件。仍照舊制。敬謹修理。整齊。不許稍有更改。以示。

前猷儉德。世昭法守至意。○又諭理藩院轉奏。御前行走郡王那木濟勒旺楚克布呢雅。已拉貝子瑪哈巴拉。懇請隨扈送至山海關。一摺。已林郡王那木濟勒旺楚克等。自山海關。接駕。逐日隨扈。均屬奮勉。茲復呈請隨扈。送至山海關。具見誠悃。殊屬可嘉。惟是再令伊等遠送。不免浮費。著仍遵前旨。於十月初一。

日。在舊邊早膳請安後。各回遊牧。以示朕矜恤蒙古臣僕至意。○又諭特登額奏。審擬賊犯偷砍樹株之徇縱官兵一摺。已革驍騎校富來泰派坐卡。輒敢受賄。縱令于二毛等在圍場界址砍伐木植。復將拏獲割草人犯楊青山等。受賄責放。實屬不法。富來著發往新疆充當苦差。並於犯事地方枷號一箇月。滿日解部轉發。已革領催艾辛珠范懋忠均係應捕之人。代于二毛等向本管官求情。過付。

錢文馬料。復聽從分贓。艾辛珠。范懋忠均著解部酌發。駐防省城當差。范懋忠雖係親老丁單。不准查辦。富來等及案內各犯罪名。均不准援免。○又諭那彥成奏。州縣自理詞訟。請仍責成道府稽查。以符定例一摺。前據松筠奏。清釐案牘。覈定功過章程。令各州縣將已結未結控案。按月具報。統計三箇月奏聞一次。現據該督奏稱。已屆彙奏之期。查明各屬詳報自理詞訟。月計不下數千案。積至三月。累牘甚至萬有餘件。瑣細繁多。殊於政體未協。至考察州縣。記功記過。向祇飭司存記。並不具奏。亦不報部。若即以此定為勸懲。形諸奏牘。是又於議敘處分之外。復添條款。實屬紛雜。著照所請。除題奏咨部。及內控上控案件。逾限照例叅處外。其各州縣自理詞訟。仍照定例。責成道府廳州。嚴查循環簿籍。將已結未結請息。續控案數。按季造冊報明。督撫衙門。及藩臬兩司查考。仍比較勤惰。分別

功過。歸於年終甄別。案內彙總覈辦。如有過多功少。才不勝任者。奏明分別降改。以符體制。所有松筠議請三箇月具奏一次之處。著即停止。將此通諭知之。○准西安將軍薩炳阿來京陛見。以副都統霍忠武署西安將軍。○賞還大學士托津雙眼花翎。○賞武備院卿克蒙額花翎。○以恭修三陵宮殿各工完善。賞工部左侍郎奕經兩淮鹽政前任上駟院卿福森。盛京將軍奕額。盛京工部侍郎誠端。各加一級。工部員外郎齡鑑等。升用有差。○辛酉。上奉皇太后回鑾。○詣皇太后行幄問安。○諭內閣。蘇成額奏。倉穀被水漂折。籌款買補一摺。廣西確容縣城垣。及所轄之平樂鎮地方。本年夏間。被水衝漫。漂折倉穀。除搶獲外。共漂失及浸爛穀一萬四千三十六石零。亟應買補。據該撫查明。共需

穀價銀七千一十八兩零。現在司庫並無閒款。可以動用。請將歲修衙署銀兩。發給該縣買補。著照所請。准將道光九年十年十一十二三十四十五等年。梧州潯州兩廠。每年解到巡撫司道歲修衙署銀一千兩。發給該縣於秋收後陸續買穀歸補。計算七年有銀七千兩。可買穀一萬四千石。尚少穀三十六石零。所需銀兩。即由該撫發給。照數買足歸倉。仍令按年造冊報部查覈。餘著照所議辦理。

○又諭蘇成額奏請將驗報命案不實之知縣解任質審一摺。此案廣西融縣客民萬亞目起意放火。焚燒陳亞羣草寮洩忿。延燒鄰人黃幗威住寮。以致燒斃黃幗威父子姪女四命。何以該縣原詳。僅具報燒斃黃幗威父子二命。恐有刪改諱匿。及受賄輕縱別情。必須徹底根究。融縣知縣儲嗣恩著解任。交該撫提集全案人證。嚴審確情。按律定擬具奏。尋奏覆審萬亞日實係與黃幗威夥竊不

識姓名黃牛一隻。賣錢八千文。黃幗威將萬亞日應分錢文一併花用。屢討無償。萬亞日起意燒燬黃幗威草寮洩忿。致斃黃幗威及其子黃亞金姪女黃官妹黃阿了四命。並延燒隣人陳亞羣住寮。該縣儲嗣恩拏獲萬亞日到案。該犯恐罹重罪。捏供與陳亞羣索欠被斥。挾嫌放火。延燒黃幗威住寮。該縣因燒斃四命。恐干例議。並因四命兩命罪名同一擬斬。即將黃官妹黃阿了二命隱匿未報。並

無受賄輕縱情弊。萬亞日擬斬立決。梟示融縣知縣儲嗣恩初審率忽。並將兩命刪減實屬錯謬。按例應予革職。已於大計案內奏革。應毋庸議。下部議從之。○命禮部尚書湯金釗刑部右侍郎鍾昌馳赴福建審閱縣知縣張騰控案。○協辦大學士吏部尚書盧蔭溥七十生辰賞。御書扁額福壽字。並珍玩文綺。○予喀什噶爾等處陣亡筆帖式慶祿來喜胡敦布阿清阿

強謙等祭葬世職如例。○旌表守正捐軀山東萊陽縣民耿方舉孀母褚氏守正被戕山西崞縣民張王虎女二娃。○是日駐蹕老邊御營。

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十一

太廟命皇長子奕緯恭代行禮○遣官祭
永陵
福陵
昭陵
孝陵
孝東陵
景陵
泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○

上詣

皇太后行幄問安○頌道光十年時憲書○兩

淮鹽政福森奏查明鹽務大概情形得旨兩

淮鹽務弊端已極皆由歷任鹽政自顧身家

不以公事為重或苟且因循不知天良為何

事實堪痛恨汝係朕特用之人必當奮發有

為力挽積習盡心整理任勞任怨諄記勿忘

如有起色何患不承朕恩若同前任依樣胡

盧汝自知之勉之又勉○河東河道總督嚴

烺奏報秋汛安瀾命詣

河神廟祀謝並下部議欽出力員弁升敘有

差○土爾扈特盟長貝子沙喇扣肯年老以

其子車林多爾濟襲職○以辦事妥協賞盛

京協領增福奇成額花翎主事果昇額藍翎

○撥戶部銀一百萬兩解交盛京永遠封貯

○是日駐蹕黃旗堡御營○癸亥

上詣

皇太后行幄問安○諭內閣向例各處永遠枷

號人犯非奉旨開釋不准因事暫行疏枷茲

據大理寺奏查出庫車孫自道一犯因有解

往烏魯木齊質對之案該辦事大臣常格並

未奏明遽行疏枷解往殊屬不合常格著交

部議處孫自道著於押回庫車時仍照舊永

遠枷號○又諭倫布多爾濟奏伊與伊子德

木楚克多爾濟輪應本年班懇請入都瞻

觀一摺庫倫距京過遠倫布多爾濟並伊子

德木楚克多爾濟本年班俱著毋庸來京

俟明年作為年班令其帶同伊子德木楚克

多爾濟入都瞻觀該院知道○又諭倫布多

爾濟等奏民人劉德山等串通熱河都統衙

門書吏陳五領有假票在公索諾木達爾濟

雅旗分遊牧處所私檢口磨業經拏獲審明等語。民人劉德山膽敢賄囑熱河都統衙門書吏陳五領有假票聚集百有餘人在蒙古地方支搭窩鋪私檢口磨復又倚眾拒逐情殊可惡著倫布多爾濟等將為首要犯劉德山等數名拏交刑部並著成格拏獲書吏陳五解送刑部嚴審定擬具奏俟定案之日即將失察官員一併効參。此次私檢口磨之民人著倫布多爾濟等概行逐出境外伊等雖不致蔓延另滋別故亦不可聽該蒙古等率意容留嗣後蒙古地方如有私檢口磨盜砍樹株之人惟倫布多爾濟等是問。諭軍機大臣等此次啓蹕以來在京文武各員陸續降旨升轉者均應照例俟回鑾時遠迎一二程謝恩但人數較多應令分日奏謝著留京王大臣傳到該員等面為酌定先後在桃花寺白潤兩處謝恩令各該員屆時遵照行走可也將此諭令知之。○又諭前據都察院奏

已故參將西林寶之妻呈控伊夫身死不明一案當派海齡戴敦元帶同司員前往香山地方查起屍棺並令屍妻眼同檢驗距今已閱十餘日何以該侍郎等尚未奏到現在曾否驗明著即據實具奏將此諭令知之。○署右翼前鋒統領鑲紅旗漢軍副都統敬敷因病賞假以鑲藍旗漢軍副都統六十五署右翼前鋒統領。○以緝捕出力予山東知縣王元濤等加銜升敘有差。○旌表守正捐軀直隸灤州民張緒妻郭氏。○緩徵山東長清陽信樂陵茌平恩濟寧魚臺章邱鄒平歷城齊河濱利津夏津海豐濰化荷澤濮范觀城聊城二十一州縣及屯坐各衛被水被旱被蟲被電村莊新舊正雜額賦有差是日駐蹕蔣家店御營。○甲子
上詣
皇太后行幄問安。○諭內閣李鴻賓等奏修製軍械例價不敷籌議借款生息一摺粵東水

陸各營操練緊要額製軍裝器械必須隨時修整所需工料銀兩按照例價領辦不敷自應籌款津貼著照所請准其於司庫報部米耗盈餘款內借撥銀四萬兩給商具領每年一分行息遇閏不加所得息銀四千兩按季提存司庫以一半歸還原本報部查覈一半留補修製軍械例價不敷之用統計二十年將本銀全數歸還仍永遠生息以資津貼嗣後軍械如遇限內損壞仍照例著賠其限外

應修之件酌量貼銀多寡由司詳請督撫批准支給毋許冒濫並隨案造報督撫查考無庸報部覈銷該部知道○又諭楊國楨奏查明佃種逆產積欠餘租請分別攤賠豁免並酌提逆產變價銀兩發當生息一摺河南滑濬二縣逆產地畝先後查出五百九十餘頃節年給佃徵租嗣將原查地畝停租變價其續查地畝現亦停租召變統計原續查地畝除各年錢漕加價均已完納並已解司庫餘

租銀五萬五千餘兩外尚共積欠餘租銀一十二萬四千四百餘兩據該撫確訪情形委係從前議租過重該貧民等力難完繳著照所請准其將前項積欠餘租豁免十分之五其餘未完一半銀兩責令歷任知縣各按在任月日攤賠完解並著於司庫存貯逆產變價項下酌提銀三萬兩發當商按月一分生息所得息銀除每年支給考城營遊擊守備廉俸銀一千餘兩外其餘息銀作為省城練

兵賞項隨時由該撫酌量技藝優劣分別給賞毋庸咨部報銷該部知道○以都察院左都御史潘世恩署禮部尚書○以按捕土匪出力廣東候補知縣杜念曾參將王文漢等下部議敘○是日駐蹕常家屯御營○乙丑上詣

皇太后行宮問安○諭內閣那彥成奏換防兵丁告留請明定限制以重營伍一摺烏里雅蘇台科布多二處換防弁兵前經那彥成奏

准止留一二人。嗣據彥德以差委不敷。奏准酌留三四人。茲據那彥成查明彥德於應換千總等官內。咨留五員。馬兵保升把總外委人員內。咨留八員。兵丁四百名。咨留三百七十三名。似此漫無限制。於內地營務殊有關係。嗣後該二處弁兵每屆班滿之期。犯總外委內。每項酌留不得過三人。兵丁不得過十人。所留弁兵均不許過兩班。以杜規避。而嚴考覈。該部知道。○又諭那彥成奏購備稽枋。

加增運腳銀兩。請照舊辦理一摺。直隸永定河南北兩岸歲修各工所需稽枋。節年因運腳不敷。奏准加增。仍飭令體察情形酌量裁減。茲據該督查明本年雖屬豐稔。惟近隄村莊產枋無多。仍須赴遠處購辦。原定例價實不敷用。著照所請。准其循照成案。每束加增運腳銀二釐五毫。共銀八千五百兩。以備購運。並著該督隨時查察。可減即減。毋任工員逐年請增。以昭覈實。該部知道。○命江西布

政使富呢揚阿。廣東按察使烏爾恭額。來京陛見。○命阿勒楚喀副都統精欽。保來京。以金州城守尉富經。為阿勒楚喀副都統。○以探捕匪徒出力。予四川同知張瑞瀚。千總王明福等。升敘有差。○賞廣安門外普濟堂。煮賑小米三百石。○是日。駐蹕北鎮廟行宮。○丙寅。諭軍機大臣等。海齡等奏。驗明已故參將西林寶屍身。並無傷痕。屍妻狡執不服。已故參將西林寶屍身。現據該侍郎等詳細看

驗。實係煙熏致斃。並無刀砍傷痕。屍弟西春寶。西隆寶。眼同看視。俱已甘服。該屍妻總以腐爛為刀傷。不肯領屍。又不願蒸檢。堅不具結。著刑部堂官向該屍妻。剴切開導。諭以如不心服。無難蒸骨檢視。但須伊出具切實甘結。即予蒸檢。毋得任其狡展。致滋懸宕。將此諭令知之。○修陝西留壩廳坍塌。棧道從巡撫鄂山請也。○是日。駐蹕金剛屯御營。○丁卯。諭軍機大臣等。松筠奏。鄂爾多斯貝子之

協理旗務圖薩拉克齊台吉貢楚克多爾濟呈控該旗台吉旺沁扎布即濟克默特各款一摺此案該台吉被控如果屬實自應究明懲辦現在原告圖薩拉克齊台吉貢楚克多爾濟已據松筠委令防禦海柱押赴綏遠城著那彥寶迅將旺沁扎布即濟克默特嚴密查拏到案質訊明確按律定擬具奏將此諭令知之○修山西運城鹽池五龍堰隄工從巡撫徐所請也○是日駐蹕興隆屯御營○

戊辰諭內閣那彥成奏採買駝隻難期變足原價請援案准銷二成一摺本年直隸省承辦盛京大差共採買駝一千九百隻向來領價變價均有奏定章程惟此次路程遙遠非常年春秋圍差可比據該督奏稱將來差竣後駝隻疲乏必多勢難變足原領價值該州縣未免賠累自係實在情形加恩著照所請所有宣化府屬採辦官駝一千九百隻除先期倒斃者仍赴部領價外其餘收回駝隻准

其照察哈爾成案一律報倒二成按八成變足原價歸款以示體恤此後春秋圍差仍照舊辦理不得援以為例該部知道○江南河道總督張井奏報秋汛安瀾命詣

河神廟祀謝蔣攸銘張井均下部議欽出力員弁升敘有差○署伊犁將軍容安奏伊犁西南卡倫外有直通烏什捷徑經由布魯特地方前經欽差大臣那彥成奏准嚴行封禁即札致烏什辦事大臣隨時查察並責令伊

犁烏什兩處守卡員弁每日具報一次並由烏什辦事大臣按月咨報一次一年以來實無夷民取道往來亦無潛越情事應請將現在查禁及按月稟報作為永遠章程仍於每年九月內伊犁將軍烏什辦事大臣確加察覈各由報便具奏一次得旨日久毋懈依議行○予伊犁解送烏魯木齊馬匹官員議敘賞兵丁一月鹽菜銀○緩徵直隸寧河滄南皮鹽山豐潤王田隆平寧晉安靜海大名長

垣。十二州縣被水。村莊新舊額賦。○是日。駐蹕杏山御營。○己巳。旌表守正捐軀河南虞城縣民謝隆玉母劉氏。○是日。駐蹕五里河村御營。○庚午。山東巡撫訥爾經額奏。參疏防匪徒拒傷官差之知縣。得旨。整飭捕務。疊邀恩卹。竟成虛文。此係官差被劫。不能隱瞞。想行路客商若是者。豈可勝計。汝若不大加振作。猛以濟寬。豈不流入因循疲玩之習。因循疲玩之人。朕不能恕。慎之。○是日。駐蹕沙河所東御營。○辛未。

皇太后聖壽節。遣官祭太廟後殿。

奉先殿。○

上率扈從王公大臣蒙古王公文武官員詣

皇太后行幄行慶賀禮。○是日。駐蹕周家村西

御營。○壬申。諭內閣。盛京橋梁道路。歷屆俱准其照關內之例。一體報銷。朕此次恭謁

祖陵。臨蒞陪都。山海關以外蹕路。除自姜女廟

至西店子。由中前所至陡坡臺。前經降旨。此段道路動用錢糧。俱不准開銷外。其餘各站橋道。仍著加恩。准其照關內之例。一體報部覈銷。○是日。駐蹕中前所御營。○癸酉。

上詣

皇太后行宮問安。○是日。駐蹕文殊庵行宮。翼日如之。○甲戌。

上奉

皇太后幸澄海樓。○乙亥。諭內閣。著派穆彰阿。

白鑲前往香山。傳提已故參將西林實之妻。

眼同看視。秉公覆驗。據實具奏。○又諭奕額

奏。宗室學正管長當差拮据。請添給公費口

米。盛京宗室學。向設正管長一員。副管長二

員。副管長除每年照例支領俸銀四十兩外。

每月尚有公費銀三兩。口米三斗。其正管長

則每年僅領俸銀四十五兩。並無公費口米。

未足以昭平允。著照所請。嗣後盛京宗室學

正管長准其照副管長之例。每月添給公費

銀三兩。口米三斗。應領公費。於該將軍衙門奏准借撥船規銀兩。交商生息。項內支給。所需口米。由內倉開領。以資津貼。○諭軍機大臣等。英額奏。拜唐阿外郎等當差拮据。懇恩賞給餉銀。餉米。以資接濟。一摺。據稱。

永陵有無餉拜唐阿十二名。

福陵

昭陵有無餉外郎四名。何以從前奏准增設時。與各處拜唐阿外郎支食餉銀。餉米者。並不

畫一。著富俊將各該處無餉拜唐阿及外郎等。應否支給銀米之處。詳查舊案。妥議具奏。再降諭旨。將此諭令知之。○以鑲黃旗蒙古副都統桓格。署鑲藍旗蒙古副都統。○以太僕寺卿德興。為太常寺卿。○實授姜長齡。江南狼山鎮總兵官。○以訪獲江南私梟出力。賞漕標參將舒大鯤。花翎。餘升補有差。○以興修水利。捐建考棚。予安徽知州朱士達。紳士許廷華等。升敘有差。○修江南省城。

萬壽宮。從大學士總督蔣攸銑請也。○展緩奉天旗員應繳積欠銀兩年限。○是日駐蹕深河村西御營。○丙子。

上詣

皇太后行幄問安。○諭內閣。嚴烺奏請添辦中河廳備防碎石。並曹考應估拋碎石一摺。豫省黃河南岸中河廳土性純沙。見溜即塌。本年搶辦埽工。賴有貯防碎石。工費較省。現在存貯無多。據該河督奏稱。來年大汛防險。應

添辦碎石五千方。按奏定方價銀八兩一分六釐。共需銀四萬八十兩。又北岸曹考應於頭道挑壩第四埽。拋護碎石一段。估需石二千八百二十餘方。該工水程較遠。照例加增運費。每方合銀十兩二錢六分六釐。共需銀二萬九千七百零。以上共需銀六萬九千八百七十兩零。著照所請。准其於豫省藩庫。照數撥發。各該道飭廳具領。趕緊採運。勒限來年大汛以前。如數辦足。報候驗收。其貯防碎

石著俟大汛內察看著重處所拋護隨時奏明覈銷餘存石方留為下年之用不許稍有短少至估定拋石非經驗收亦不准動用如有朦混捏銷情弊著即據實嚴叅該部知道○諭軍機大臣等本日據扎隆阿等奏審辦呢牙斯等勾結卡外糾斂謀叛各犯已明降諭旨將擬遣各犯交刑部速議具奏並將查拏出力各員分別施恩又據扎隆阿另摺密陳卡外情形覽奏深慰懷外必先靖內全在

嚴查奸慝杜絕覬覦以期消患未形芟除萌孽現經此次懲辦呢牙斯等內臺已除地方安靜但巡防不可稍弛該參贊大臣等業已嚴飭守卡備弁加意警防並派委員伯克仍於各莊隨時查察務須認真出力有犯必懲方為妥善至近邊各部落不准輕易遣人出卡察探歷次所降諭旨甚明該參贊大臣等惟當鎮靜訪查固不可有意探求致啓邊釁而各處曼情形必須密為防範斷不可稍涉

大意或致外夷乘間窺伺斯為安邊之要略將此諭令知之○以拏獲卡外糾斂謀叛各犯賞回務章京兵部員外郎福奎候選知縣周彭齡花翎幫辦章京金奇賢藍翎餘升賞有差○以拏獲開州逸盜季丙寅等予河南知府恆豫等加銜升敘有差○修綏遠城官兵住房從將軍那彥寶請也○是日駐蹕朝陽坡御營○丁丑

上詣

皇太后行宮問安○諭內閣慶保等奏駐防旗人生齒日繁請借項生息俾資養贍一摺廣東省城駐防滿洲漢軍閒散旗丁食指浩繁生計日形竭蹶自應酌量籌款調劑據該將軍等查明該處司庫報部雜項各款內有扣貯平餘一款可撥銀三萬二千兩武職空缺養廉一款可撥銀二萬五千兩米耗糶價盈餘一款可撥銀二萬二千兩著照所請准其於此三款內如數借撥發商具領周年一分

行息遇閏不加。每年所得息銀八千兩。按季提存藩庫。以三千兩歸還原本。以五千兩解貯旗庫。酌量分給閒散旗丁。以資養育。計二十六年零九箇月。可將原本全數歸還。俟歸足本銀之後。仍永遠生息。將所得息銀。統歸旗庫。其二十六年零九箇月。每年所得歸本息銀三千兩。按年造入扣貯平餘武職空缺養廉米耗糶價盈餘等款。新收項下。報部查覈。其五千兩。酌量分給閒散旗丁。每年終造

冊報明將軍並督撫等衙門查覈。毋庸報部覈銷。○又諭。琦善奏省城多有訟師潛匿唆控。查拏分別究辦。地方官失察。訟師在境例有處分。現當查拏究辦之時。各該州縣儘有明知故縱。著該督照例嚴叅。如能遇案詳審。自行拏獲。著即將該州縣失察處分。奏明加恩寬免。○又諭。李鴻賓奏。鹽商懇借運本。援案分年本息併繳一摺。運商李念德。承辦粵西臨全等埠。因程途寫遠。挽運維艱。致滋賠

累。兼以歷年彌補捐款為數甚多。運本益形支絀。據該督查明。懇請借本濟運。以資轉輸。著照所請。准其於運庫存貯彌補鹽本項下。借給銀一十二萬兩。交該商李念德收領。辦運所借鹽本。即援照從前雲南土練廣西捕費兩款本息併繳成案。分作十五年。連本帶息。共繳銀二十四萬兩。每年應繳本息銀一萬六千兩。按四季完納。遇閏不增。僅有延欠。著落保商錢德馨等五人分賠完繳。俟十五

年期滿。本息繳足。即行停止。該部知道。○先是。以

永陵照山北面煙筒山。瑪爾墩嶺。二處居民私砍樹株。開墾地畝。命盛京將軍奕額妥為查辦。至是覆奏。瑪爾墩嶺周圍三十餘里。內有開帝廟一座。香火地畝。應仍其舊。所有民間私墾地畝。飭令平毀。分別給價遷移。無令失所。仍查明地界。安設紅椿。以防偷砍。私開等弊。得旨。著照所議辦理。務要隨時認真。不准

日久生懈。○命御前侍衛吉倫泰、乾清門侍衛祥雲保、理藩院右侍郎常文恭詣

東陵查看紅椿。○以四川懋功協副將謝金章

為河南河北鎮總兵官。○以拏獲滋事水手

子直隸知縣沈蓮生等并敘有差。○以臺灣

軍需報銷完竣。予福建知縣秦爾馨等升敘

有差。○旌表守正捐軀江蘇銅山縣民朱羊

母劉氏。○除安徽無為州水衝沙壩田六十

二頃五十七畝有奇額賦。○除河南湯陰內

黃三縣開治衛河灘占地一百三十七頃九

十一畝有奇額賦。○是日駐蹕夷齊廟行宮。

○戊寅

上詣

皇太后行幄問安。○諭內閣容安奏籌禁大黃

茶葉潛通外夷詳酌現行實在情形一摺。庫

爾喀喇烏蘇所屬奎屯地方設卡稽查不准

細茶雜茶販入伊犁塔爾巴哈台境內。一年

以來西北兩路私販之源已絕。而安集延交

結偷漏之弊亦除。伊犁塔爾巴哈台兩處所

需附茶及大小斤茶該商民等照常販運。食

用無虞缺之現在邊境相安著該將軍參贊

嚴飭奎屯派撥官兵認真稽查嚴禁細茶雜

茶私販入境並奎屯及塔爾奇第一臺卡房

兵弁毋許勒索留難違者准商民等控告懲

辦如等治罪。其沿邊各卡倫隨時加意巡防

不可日久稍有疏懈。○又諭容安等奏擊獲

逃出卡外偷盜哈薩克馬匹之伊犁察哈爾

部落聞散塔喇朗等審明遵例辦理一摺。察

哈爾聞散塔喇朗那木濟勒膽敢起意糾約

霍托依德里克扎布偷盜哈薩克馬二十匹

情殊可惡據容安等派出官兵拏獲審明援

照成案將為首塔喇朗那木濟勒在該遊牧

處所立即梟示將為從之霍托依德里克扎

布擬以從重枷號三箇月發往煙瘴地方充

軍所奏是著照所請。所有失察之統轄烏柯

克布克仲喀普塔海卡倫錫伯防禦烏勒欣

有。著交部嚴加議處。署理總管事務副總管克什克特依。布林特古斯。署佐領事務驍騎校鄂斯庫。雖係失察。惟念伊等將塔喇朗四犯全行拏獲。尚屬奮勉。著准其功過相抵。容安。孝順。俗。亦屬失察。著交部察議。○又諭。禧恩等奏。審擬差次得受銀兩之太監披甲人等一案。除太監披甲人等均照所擬分別治罪外。其辦理周家村。五里河。金剛寺。將家店大台子。老邊。六處大營之地方官。著奉天府

中華書局影印

府尹查取職名。交部嚴加議處。盛京將軍奕額。工部侍郎兼奉天府府尹誠端。府尹興科。失於覺察。均著加恩。改為察議。此案係由禧恩等查出。所有禧恩。敬。徵。寶。興。自請議處之處。俱著加恩寬免。○是日。駐蹕柳新莊御營。○己卯。

上詣

皇太后行幄問安。○以福建按察使岳良為江西布政使。調甘肅按察使程喬采為廣東按

察使。以直隸霸昌道惠豐為甘肅按察使。○以吐魯番屯田豐收。予員弁議敘。賞兵丁一月鹽菜銀。○是日。駐蹕五里墩御營。○庚辰。

上詣

皇太后行幄問安。○調河南按察使惠吉為福建按察使。以河南開歸陳許道麟慶為按察使。○賞蹕路經過直隸地方文武官員一級。○以行在武備院支搭行幄便捷。予內務府大臣敬徵等紀錄二次。餘給銀帶有差。○以

中華書局影印

捐賑出力。予浙江知縣劉紹琦。紳士黃金鐸等議敘有差。○旌表守正捐軀山東蘭山縣尼本松。○修浙江海鹽縣石塘。從巡撫劉彬士請也。○蠲緩浙江仁和。海寧。歸安。烏程。長興。五州縣被旱田畝。正雜額賦有差。○展緩湖南澧。沅。茶陵。三州縣積欠額賦有差。○是日。駐蹕八里鋪御營。○辛巳。諭內閣。黃文煜奏。查看盤山行宮殿座情形。一摺。盤山行宮內殿宇房間牆垣等項。據該總兵查看。尚堪

保護者十三項著派員妥為支架其坍塌倒壞不能保護者七項著即行拆卸將料物各件收貯至外圍大牆坍塌處所著該總兵覆加查勘據實具奏交總理工程處酌量辦理○禮部議准安徽巡撫鄧廷楨疏報採訪壽州貞節婦女薛段氏等一千三十八口請建總坊旌表從之○旌表守正捐軀河南許州民劉林妻徐氏項城縣民趙慎祿媳張氏○是日駐蹕隆福寺行宮○壬午

上恭謁

裕陵未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○遣惇親王綿悛詣

昭西陵睿親王仁壽詣

孝陵

孝東陵慶郡王綿懋詣

景陵恭代行禮○遣貝勒奕綸祭

孝穆皇后殯宮○詣

皇太后行宮問安侍午膳○諭內閣楊遇春奏軍需實用不能實銷各款懇免分攤等語此次軍需實用各款有例不准銷者前經鄂山等奏准歸入分攤彌補現據該督奏稱甘肅苦瘠之區若令攤廉還款驟難歸補並查明口內口外各廳報銷共節省銀一百一十六萬八千餘兩俱經隨案收撥尚有各項借支應行扣還歸款銀三十九萬八千餘兩懇恩

抵補動支著照所請加恩將實用不能入銷銀十九萬六千一百二十六兩零免其分攤即在節省銀內劃出抵補於借支應還項下動支毋庸另行請撥仍將扣還撥補銀數隨時報部查覈該部知道○以陝甘報銷完竣予甘肅候補知府王簡等升敘有差○是日駐蹕桃花寺行宮○癸未諭內閣蔣攸銘等奏酌議興挑徐州府屬河道及動用銀兩一摺江蘇徐州府屬河身淤墊民田常遭淹浸

亟應擇要興修。據該督等查明蕭縣之龍山河。邳州睢寧縣交界之白塘河。邳州之舊城民便河。碭山縣之利民永定二河。又沛縣之東北西三面隄工。邳州之沂河民埝。豐縣之太行隄。實皆最要之工。議請動用節省開河經費銀兩。次第估辦。著照所請。將徐州府庫每年由兩淮運司及安徽藩司撥發銀款。共存銀二萬九千兩。零作為挑河經費。以後按年催解。擇其實在有益者。分起辦理。仍酌留一年為銅山蕭縣睢寧三縣啓開挑河之需。如九年挑河。祇准動用八年及以前各年餘賸之項。十年挑河。亦祇准動支九年之費。總以當年之項。留備本工之用。該督等務悉心籌畫。督飭所屬妥為經理。以除水患而安民業。○大學士兩江總督蔣攸銘覆奏。江西吉安贛州一帶。毗連廣東。向有匪徒結會。屢經懲辦。尚未淨絕。現在黃遠青等所控案內。先後獲犯多名。並無起獲旗書等件。朱亮現充

萬安縣捕役。聞其從前曾與朱光簡同師學習。有無入會包庇。俟提齊質訊。無難水落石出。從嚴懲辦。得旨。除惡務本。安良尤要。卿自知之。勉力而行。慎勿受人蔽蔽也。○蠲緩安徽盱眙五河鳳陽靈璧泗水長廣德懷遠壽鳳臺宿定遠懷寧桐城潛山太湖和當塗蕪湖繁昌。無為。廬江。巢。亳。二十四州縣及屯坐各衛被水被旱村莊新舊額賦有差。給盱眙五河鳳陽靈璧泗水五州縣及屯坐各衛貧民一月口糧。○是日。駐蹕白澗行宮。○甲申。以都察院左副都御史吳光悅為江西巡撫。江西巡撫韓文綺為都察院左副都御史。○賞蹕路經過直隸地方看守行宮弁兵及辦差兵丁等半月錢糧。○是日。駐蹕煙郊行宮。○乙酉。上奉皇太后還宮。○丙戌。上詣

皇太后宮問安。○諭內閣大學士托津曹振鏞年逾七旬協辦大學士理藩院尚書富俊年逾八旬著於該管旗分衙門應行帶領引見之日俱免其帶領以示體恤者臣至意。○試中式武舉劉兆蘭等三十七人於太和殿前。○丁亥上詣

壽皇殿行禮。○命皇長子奕緯詣

奉先殿恭代行禮。○諭軍機大臣等前據都察

院奏原任四川會川營已故參將西林寶之妻伊爾根覺羅氏具控伊夫於凱撤時在中途身死不明伊接隨往出征之維州守備鍾得勝信稱伊夫係染病身故面見提督桂涵諭伊不必等候送銀四千兩令其回旗因聞余步雲向桂涵告稱伊夫被人謀斃又稱被煙熏斃是以未收其銀及迎柩回旗割去棺上纏繩於棺蓋開縫處開視屍身目出口張額項有傷約數寸之長俱用棉圍塞等情當

派海齡戴敦元詳細開驗已據覆奏驗視該屍身為煙熏致斃並非因傷身死該氏堅執不服將屍身腐爛處所指為刀傷復行控告特派穆彰阿白鎔覆加詳驗據奏該屍身皮僵腐爛據仵作結稱委係並無刃物傷痕是否煙熏致斃無憑指驗該屍妻堅執額項處所為刃傷並將其餘腐爛處亦指為傷痕稱係被人謀害等語此案既經兩次詳驗雖無傷痕但經兩年之久亦難憑信該氏堅執未服必須查訊明確以成信讞現在凱撤之兵俱已歸伍不難訪察得實至該提督桂涵曾否有送該氏銀四千兩及余步雲曾否向桂涵告稱西林寶被人謀斃之事此二節更不容含混琦善係新任總督辦事勇敢朕所素知諒不至有心徇隱致朕輕視也著逐一密訪明確據實具奏伊爾根覺羅氏兩次具控呈詞並著鈔給閱看將此諭令知之○免廣東仁化縣應徵屯羨銀。○戊子

上御懋勤殿勾到新疆雲南貴州廣東情實罪犯停決新疆新犯一人絞犯一人雲南新犯九人絞犯一人貴州新犯十七人絞犯五人廣東新犯十二人絞犯三人餘五十二人予勾○以戶部左侍郎敬徵管上駟院事實授德增上駟院卿○旌表守正捐軀山西永和縣民馬如龍妻李氏○展八旗兵丁應扣借支庫銀限期兩月○緩徵江蘇上元江寧句容六合山陽阜寧清河桃源安東鹽城高郵泰江都甘泉儀徵寶應銅山沛蕭礪山宿遷吳陽湖宜興荆溪丹徒丹陽金壇溧陽武進太倉鎮洋華亭三才三州縣並淮安大河徐州鎮海四衛被水被旱災區新舊正雜額賦有差○緩徵湖北潛江荊門江陵監利沔陽公安京山天門漢陽江夏漢川黃岡鍾祥十

三州縣並屯坐各衛被水村莊新舊額賦有差○貸黑龍江災區補買牛隻銀○貸齊齊哈爾等城被水被旱災民口糧並展應繳積

欠糧餉年限○己丑上御紫光閣閱中式武舉馬步射○予故荊州將軍觀喜祭葬賞銀三百兩治喪諡果毅○修浙江蕭山縣柴塘從巡撫劉彬士請也○庚寅上詣壽皇殿行禮○御箭亭閱中式武舉技勇○御乾清宮引見中式武舉親定甲乙○諭內閣御史姜梅奏役滿書吏應隨時勒限回籍一摺各部院經承例應於五年役滿飭令回籍原因該書吏等充役有年熟悉衙門事務易啓勾通賄囑之弊是以役滿不准逗留在京立法至為嚴密如該御史所稱近來役滿書吏回籍者不過十之一二並有因役滿即須回籍每於將及五年之時先行告退即可不在役滿之列又有冒入大興宛平籍貫改名捐納微職以候選為名遂得潛留京中串通線索或說事過財或指名撞騙或造作假偽

或幫同訛詐其弊不一而足至戶部捐納房書吏向係本衙門貼寫充補亦俟五年役滿另行更換該書吏等雖係貼寫亦應與役滿經承一體飭令回籍嗣後各該衙門書吏役滿後著隨時行知順天府五城勒限即回原籍其充役將及五年無故具呈告退者亦著督飭回籍僅有役滿後改名冒入大興宛平籍貫捐納職官並戶部捐納房役滿貼寫著一併嚴查照例辦理不准在京稽留以除積弊。

宣宗實錄卷一六二

十一

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十一

宣宗實錄卷一六二

十一

[illegible]

救修

上御太和殿傳臚。賜中式武舉一甲吳鉞。秦定三。張斯奎。三人武進士及第。二甲馬從凱等五人武進士出身。三甲齊從龍等二十八人同武進士出身。○壬辰。

上詣

皇太后宮問安。○諭內閣富俊等奏審擬錦縣武童姜殿魁呈控該縣藉差科派等情一摺。此案署錦縣知縣候補同知傅鍾璪承辦差務。向各鋪戶借用銀錢墊辦。差竣歸還。據富

惟於縣署設席邀請鋪戶並會同協領諭令
 大店借收船銀中店加收用錢實屬辦理不
 善傳鍾瑒著交部議處錦州協領富陞與該
 署縣聯銜發給各店諭帖雖未經手亦有不
 合富陞著交部察議○諭軍機大臣等已故
 參將西林寶之妻伊爾根覺羅氏具控伊夫
 身死不明一案前經兩次開驗並無傷痕究
 係因何致死降旨令琦善密訪明確據實具

奏現經軍機大臣向該氏訊問所控各情有何憑證據呈出跟隨伊夫書識兵丁等自軍營寄伊信字內有夾單一紙言及伊夫於打仗時得有馱子兩隻無主認領該兵丁等曾為伊夫收存內有金珠等件以為伊夫被謀斃命根由並據供稱凱旋帶兵之城守營弁張靖及提標左營安姓亦曾向伊面告收取馱子之事又供余步雲見桂涵時言及西林寶被人謀害桂涵阻止不令提起係伊夫舊

屬胡守備。及余步雲巡捕徐千總。聽聞告知。其向隨伊夫出兵之守備鍾得勝。及書識營兵等。回至川省。始終並未見伊。致無從向問。伊夫身故情由等語。此案既經兩年之久。開驗雖無傷痕。西林寶究係因何致斃。必須提同原隨該參將凱撤弁兵等。審訊明確。以成信讞。除守備鍾得勝。現經查明病故外。其餘應訊人等。著琦善查照單內所開將確有姓名之弁兵。速即飭提。委員解京審訊。此外有

胡守備徐千總及凱撤帶兵回川之提標左營安姓官弁。詰訊該氏。不能確指何名。惟既有營分可查。亦著該督詳查訊明。一併解京歸案審訊。將此諭令知之。○命工部勘修泰陵各園寢暨

昌陵官兵住房。○旌表守正捐軀河南項城縣民李魁妻楊氏。○以阿克蘇屯田豐收。予員弁議敘。賞兵丁一月鹽菜銀。○癸巳上御懋勤殿。勾到四川情實罪犯。停決斬犯四

十人。絞犯十二人。餘八十一人。予勾。○諭內閣。兵部會同戶部議駁。奕顯請添設奉天省官兵騎操馬匹。裁減南省駐防馬乾。撥給餼養。祇將江寧等處駐防原設馬數。及現在實拴馬匹。籠統具奏。其各省駐防。每處拴馬若干。每處原設乾銀若干。究竟於奉天添設馬數。是否足敷餵養。均未聲敘明晰。著該部詳悉妥議具奏。尋奏詳查江寧實拴馬二千八百六十三匹。存價馬五千七百二十六匹。共

額設馬乾銀八萬六千五百七十七兩。京口實拴馬一千一百三十七匹。存價馬二千二百七十四匹。共額設馬乾銀三萬四千三百八十兩。福州實拴馬四百匹。存價馬三千一百二十匹。共額設馬乾銀四萬五千六百十九兩。廣州實拴馬九百六十四匹。存價馬四千零四十四匹。共額設馬乾銀四萬三千二百兩。荊州實拴馬四千匹。存價馬八千匹。共額設馬乾銀十二萬九百六十兩。杭州實拴馬六

百匹。存價馬三千二百匹。共額設馬乾銀五萬一千五百二十八兩。乍浦實拴馬四十匹。共額設馬乾銀六百七十八兩。所有各處每月支乾銀。自一兩一錢至七八錢不等。皆因不敷餽養。經各該將軍等陸續奏准。酌留實拴馬匹外。其餘改為存價。所支原額馬匹乾銀。仍給兵丁貼餽實拴馬匹。並添贍家口及添設養育兵丁之用。今該將軍奏請添設奉天省官兵騎操馬匹。裁減南省駐防馬乾餽養。查南省各駐防。共兵一萬五千餘名。現實拴馬一萬匹。已屬兵多馬少。若量為移撥。不惟不敷奉天餽養。且於南省武備有妨。該將軍所奏。應無庸議。從之。○吏部奏查明酌增捐例頭二卯。據捐官員。開單請旨。得旨。童槐著仍以郎中用。不准捐升道員。其餘各員。俱不准報捐。所有酌增捐例頭二卯報捐各員內。恐尚有廢員更名改籍。另捐監生及各項職銜。朦捐原官者。吏部無從稽察。且恐

廢員中有業於各舊例。曾經朦捐原官。以及改捐降捐別項官職。今復於新例加捐。此項人員。係由職官報捐。其從前緣事案由歷時既久。考覈較難。自應嚴定章程。以杜弊混。嗣後捐納各官。例由本籍起文赴選者。著責成地方官。取具該員族鄰甘結。加具印結送部。其隨任赴選人員。著責成本任官出具文結。至例由本員具呈註冊銓選者。即責成同鄉京官出具確實印結。均令於文結內詳敘捐

生出身履歷。此內如有由降革人員報捐。並令將該員從前曾任何項官職緣事降調案由一併詳細註明。以憑查覈。倘有徇隱。除將朦捐原官之員隨時奏明辦理外。並將出具文結各官。照徇隱例議處。○內務府奏前任兩淮鹽政四品頂帶福珠隆阿。呈請代奏賞給苦差。藉贖前愆。得旨。福珠隆阿著革去四品頂帶。以主事用。在內務府候補。○甲午。以恭修

孝東陵

隆恩殿先期遣官告祭

孝東陵及

后土之神○

上御懋勤殿。勾到廣西福建陝甘情實罪犯。停決廣西斬犯七人。福建斬犯四人。絞犯一人。陝甘斬犯十人。絞犯八人。餘七十二人。予勾。

○遣官祭

先醫之神。○諭內閣奕紹奏宗室淳池因控

告朱八等隱匿地冊。未能指出憑據。忽供西城御史。刑部書吏。俱受請託。復牽及朱潮弼已結之案。聲稱在部涉訟時。託伊與宗室噶爾漢。榮玉德等。向宗人府刑部兩衙門代為行賄打點。案關官吏受賄營私。虛實均應究辦。著派曹振鏞。盧蔭溥。王鼎。穆彰阿。潘世恩審訊。按律定擬具奏。○以散秩大臣哈當阿為正白旗漢軍副都統。○以故貴州爛土長官司張治澤子燦極襲職。○乙未調鑲黃旗

蒙古副都統桓格為鑲紅旗漢軍副都統。○以左春坊左庶子松峻翰林院侍講丁傑充日講起居注官。編修廖鴻藻署日講起居注官。○丙申。

上御懋勤殿。勾到奉天湖廣情實罪犯。停決奉天斬犯一人。湖廣斬犯三十八人。絞犯十三人。餘三十四人。予勾。○丁酉。

上詣

皇太后宮問安。○皇三子奕繼生。○御懋勤殿

勾到浙江江西安徽江蘇情實罪犯。停決浙江斬犯十三人。絞犯三人。江西斬犯二十人。安徽斬犯六人。絞犯三人。江蘇斬犯五人。絞犯五人。餘五十四人。予勾。○諭內閣楊遇春奏滿營兵糧不敷估支。暫請加增採買一摺。甘肅寧夏滿營。道光十年遼閏一歲。應需兵馬糧料六萬五千二百四十七石零。除將寧夏寧朔二縣現貯倉糧。盡數估撥。並酌估本年額徵新糧。已逾十分之三外。尚不敷上色

糧三萬一千八百四十二石。零。據該督奏。查明無可再撥。著准其照數採買。以資兵食。該部知道。○又諭。嚴煥奏。勘估運河。應挑淤淺工段一摺。東省運河。為漕船經由要道。每屆冬令。例應估挑。本年因汶泗各河長水多次。兼之大雨時行。各路山水匯注。較往年受淤尤甚。亟應挑挖。以利新漕。據該河督等查明。應挑之臨清等汛。覈實確估。除兵淺開泉額夫挑挖之外。按例加添募夫。趕挑統計。上捕

運。加四廳。共應添募夫工價器具銀二萬四百五十八兩零。外加津貼銀二萬九千五百二十五兩零。著准其動撥司庫及生息銀款。發交沿河州縣。衛置備器具。集夫興挑。責成運河道督。催趕辦。務須依限完竣。該河督仍隨時親往查驗。如有偷減草率。即行據實嚴參。其沛汛長河募夫工段。著照例移咨江南。省。轉飭該縣會同趕辦。該部知道。○又諭。嚴煥奏。確勘豫東黃河兩岸工程。擇要減准一

摺。豫東黃河兩岸。估辦堤堰壩戢各工。據該河督查明。分別減准。擇其最為緊要者。覈實確估。計豫省兩岸十三廳。估需例價及津貼銀共十四萬四千三百餘兩。東省曹河糧河二廳。連曹考廳之曹上汛。估需例價及津貼銀共一萬七千一百餘兩。均係必應急辦之工。著照所請。准其於河南山東兩省藩庫。分別照數撥發各道。轉給工員。先期雇定夫車。交春興工。照估堅築。大汛以前。一律完報。該

河督仍於來春查驗工料時。挨工查看。儻有偷減草率。即行指名嚴參。毋許稍事姑容。至另片奏。現估土工津貼銀兩。未能遽省。請俟此後年豐糧賤。物價漸平。察看辦理等語。河工津貼銀兩。原係於例價外加增。豫東黃河兩岸隄工。自道光六年以後。增培之費。既已漸減。津貼一項。亦應隨時斟酌裁汰。嗣後該督務當力求撙節。不得沿襲成案。致滋浮冒。該部知道。○修直隸張家口石土壩工。從總

督那彥成請也。○添備直隸永定河河工稽料一百九十萬束。從總督那彥成請也。○戊戌諭內閣。御史何輝綬奏。請定保舉御史章程一摺。所奏甚是。御史為風憲之官。必當慎重遴選。此次保送御史內。兵部郎中李燦。曾任湖北荊州府知府。因才不勝任。改用今職。刑部郎中錢學彬。前在福建泉州府知府任內。有意規避。以才不勝任。請改京職。部議革職。旋經捐復員外郎。推升郎中。復朦混截取繁缺知府。部議降調。又經捐復郎中。此等人員。何得濫行保送御史。李燦錢學彬均著該部即行扣除。毋庸帶領引見。嗣後各部院堂官於所屬司員內。凡因私罪降補京職。及不勝外任。特旨改用人員。不准保送御史。並不得截取外用。○諭軍機大臣等。成格奏熱河八旗官兵生齒日繁。每兵一分錢糧。養贍親丁八九口。至十數口。實屬不敷。兼之近年物價較昂。生計倍形竭蹶。請添養育兵缺一百

分。借銀三萬兩。交熱河道發商生息。以資調劑。所奏自係實在情形。然如此調劑。終非長久之策。朕思以君養人則不足。使之自養則有餘。熱河地方。非內地可比。如有可開墾之區。俾資生計。與其為外來流民占種。不若使該兵丁等藉以自養。較之添給兵糈。豈不更善。著該部統查明該處是否可行。悉心籌議。據實具奏。再降諭旨。將此諭令知之。○賞廣東戊子科鄉試年老附貢生麥鳳榮副榜。○旌表守正捐軀山東館陶縣民張興志妻李氏。○己亥。上御懋勤殿。勾到河南山西情實罪犯。停決河南斬犯三人。絞犯十人。山西斬犯七人。絞犯六人。餘六十人予勾。○建河南鄧州移駐弁兵衙署兵房。從巡撫楊國楨請也。○庚子。諭內閣。特依順保等奏。查明黑龍江官犯開單請旨一摺。英和著再扣滿三年請旨。富綸著釋回。黃兆蕙布里訥付塔清額韓元培范樹

椿阿薩拉。巴克唐阿。俱不准釋回。○修黃新莊半壁店。秋瀾村梁格莊。四處行宮。從泰寧鎮總兵官武忠額請也。○辛丑。

上御懋勤殿。勾到山東直隸熱河情實罪犯。停決山東斬犯七人。絞犯六人。直隸斬犯六人。絞犯四人。熱河斬犯二人。絞犯一人。餘五十人。予勾。○封未婚守節輔國公拉旺哩克森聘妻莊襄親王綿課女為貞嫔。和碩格格。○廣東高州鎮總兵官馬驥。年老休致。以前

任潮州鎮總兵官。恆安為高州鎮總兵官。○以葉爾羌承辦軍臺出力。賞伯克毛拉黑孜。滿等藍翎。餘加銜升敘有差。○給奉天遼陽鳳凰城新民廳承德廣寧五處被災旗民一月口糧。緩徵錦縣歉收民地額賦。○以福建福安縣糧價增昂。命平糶倉穀。○壬寅。諭內閣。兵部。彙題本內。議敘派管侍衛營房之頭等侍衛吉齡阿。紀錄一次。二等侍衛敬敷。按品升等。雖係照例辦理。惟該員等同一管理。

三年期滿。一則予以紀錄。一則予以升階。定例殊未平允。嗣後該管侍衛三年期滿。均著紀錄一次。無庸按品升等。此次吉齡阿敬敷。俱即照新例。各予紀錄一次。餘依議。○又諭英惠奏。運糧官弁。支過駁折夫價等項。懇准報銷一摺。前年回疆軍興。由烏魯木齊動運糧石至阿克蘇。所有押運官弁。按照口外進征例。加給駁折夫價草乾等項。業經戶部覈咨。令其刪賠。茲據英惠查明。此次軍需。該員

弁隨駝趲運。實屬苦累。若令承辦臺員代為賠墊。未免向隅。著照所請。將前項運糧官弁支過駁折夫價草乾銀九千五百八十六兩零。准其報銷。該部知道。○以故四川牟托土巡檢溫清遠。弟清近襲職。○癸卯。

聖祖仁皇帝忌辰。遣官祭景陵。○

上詣壽皇殿行禮。○詣

皇太后宮問安。○馬蘭鎮總兵官黃文煜奏遵將葦子峪口門堵砌改為涵洞並種松樹報可。○甲辰

上御懋勤殿勾到朝審情實罪犯停決斬犯三人絞犯二人餘六人予勾。○諭軍機大臣等本日步軍統領衙門奏江蘇上元縣民人白維一喊告安徽湖北有西洋白蓮邪教一案已明降諭旨將白維一解交蔣攸銑審辦矣訊據白維一供稱道光五年赴安徽五河縣

行醫在文生員凌先立家居住凌先立自稱已入西洋堂教勸其入教未允六年四月復至湖北行醫在麻城縣屬地方易家飯店居住因染病服藥被易姓用藥惑迷亦是凌先立先期令人教使並稱有道士自稱白蓮教又有教匪一二十人鳴鑼聚眾復呈出光中景盛銅錢二箇供係在安徽池州府錢鋪易錢及山東兗州府賣畫錢內挑出等語該犯所供習教既指有凌先立其人並呈出夷錢

字樣與上年廣東查禁夷錢字樣相同必須將夷錢來歷及此外有無攙雜行使之處詳細查明飭禁其生員凌先立有無習教情事著蔣攸銑委員逐一細加察訪據實具奏將此諭令知之尋奏查訊白維一委因痰疾混告凌先立並無習教之事夷錢無憑追究即行銷燬並飭嚴行查禁以杜流弊報聞。○修山西省會城垣從巡撫徐忻請也。○乙巳諭內閣黃文煜奏覆勘盤山行宮工程一摺盤山四面雲山外圍大牆等處坍塌並跨空淤沙各段著交總理工程處派員踏勘辦理。○命署禮部尚書都察院左都御史潘世恩戶部左侍郎汪守和禮部左侍郎史致儼在紫禁城內騎馬。○丙午

上詣皇太后宮問安。○以翰林院侍講張岳崧署日講起居注官。○修江蘇寶應縣通湖開工從大學士總督蔣攸銑請也。○丁未

上奉

皇太后幸翊坤宮。○諭內閣。禧恩等奏。查勘熱河圍庭行宮工程一摺。吉爾哈朗圖阿穆呼朗圖行宮等處庫房值房。著暫緩修理。○又諭富俊等奏。議給拜唐阿外郎等銀米一摺。前因奕額奏稱無餉拜唐阿外郎等懇賞給銀米。當交富俊覈議。茲據查覈舊案具奏。著照所請嗣後

永陵無餉拜唐阿十二名。每名准月食餉銀一

兩。

福陵

昭陵無餉外郎四名。每名准歲支餉銀十二兩。餉米三十斛二斗。以示體恤。而昭畫一。○又諭兵部議覆宗室存華請將防守尉缺改升為調一摺。山海關副都統所屬喜峯口防守尉一缺。有兼轄羅文峪官兵之責。差務較繁。著照部議。嗣後遇有缺出。准該副都統於永平府冷口二處防守尉內。揀員奏調。所遺員

缺。照例於所屬五處防禦內揀選補放。如永平府冷口二處防守尉。實無堪調之員。仍著於五處防禦內揀選正陪。咨送京旗引見。候旨升補。總期於缺有裨。以收得人之效。○又諭長清奏請鼓勵阿克蘇支發糧餉承辦冊案出力文員一摺。辦理糧餉局事務。非軍興及籌辦善後可比。該員等即能辦理妥善。亦是分所當然。不應動輒破格乞恩。且德楞額曾任山西歸綏道。前於補授寧遠廳通判時。

交接書吏。請託餽送。經刑部審明。奏請革職。朕豈遺忘。該大臣摺內僅稱該員於道光七年緣事革職。殊屬有心含混。長清著傳旨嚴行申飭。所請將主事職銜德楞額以同知儘先選用。先換頂帶。及未入流劉萬貴俟得缺後。以府經歷縣丞儘先即補之處。均著不准行。其另片請將吏書蔡國秀張進忠卜吉。兵書王久蕓歸部以從九品未入流二項掣籤。分別扣滿年限儘先選用。亦著毋庸議。○又

諭朱桂楨等奏回空漕船全數渡黃完竣一摺本年回空漕船業已全數渡黃經該督等先後派委員弁分段催趲可期及早歸次至來年條閏四月辦理新漕為期較寬仍須迅速兌開趁黃水未漲之前及早挽渡著有漕各省督撫督飭各糧道早兌早開總令於前四月內全數趲至清江剋期抵壩以便渡黃北上無許稍有延誤將此通諭知之○又諭宗室淳池捏控隱匿地冊以為干己情由迨

到案不能指實輒敢捏詞誣人請託並牽扯上年朱潮弼已結之案供有贓私重款旋又具呈消弭現經曹振鏞等提集人證質對審係虛誣仍復抗不具供該犯於道光二年因在孫開成茶館內肆毆曾經問擬杖徒折圖發落此次復敢誣控妄供怙惡不悛情殊可惡宗室淳池著照新定條例實發吉林安置到配重責四十板以示懲儆餘依議○予扈從東巡盛京王公紀錄一次尚書紀錄二次

○以阿克蘇移建軍臺出力賞甘肅遊擊穆隆阿克蘇伯克愛瑪爾花翎伯克邁瑪特薩里等藍翎餘升賞有差○戊申諭內閣那彥寶奏請將鄂爾多斯準噶爾貝子年班推於明年等語鄂爾多斯準噶爾貝子察克都爾色楞本年輪應年班現在該旗有控案行提人證須該貝子在旗辦理本年年班著無庸前來俟明年再令進京○又諭那彥寶奏參縱放應拏人犯之土默特參領一摺鄂爾

多斯圖薩拉克齊台吉貢楚克多爾濟控告該台吉旺沁扎布即濟克默特一案經該將軍派委土默特參領博克前赴該遊牧訪拏乃該參領見過濟克默特兩次並不拏獲復敢空言搪塞具稟輟轉延擱致令要犯逃匿實屬玩法玩誤情殊可惡土默特參領博克著革職仍勒限一月令其戴罪在鄂爾多斯地方協同該盟長派出之人嚴拏務獲如再逾限即著嚴參治罪尋奏濟克默特已由該

參領等於十二月初八日拏獲。據濟克默特供認。誑用印信。強奪地畝。侵食差銀屬實。應發往新疆效力贖罪。從之。○諭軍機大臣等。那彥寶奏。本年年班應行進京。現有交審案件。計全案人證到齊。尚需時日。可否先行來京。再回任接辦等語。那彥寶現有交審鄂爾多斯台吉貢楚克多爾濟呈控該旗台吉旺沁扎布即濟克默特一案。已飭提人證。自應速為審辦。本年該將軍年班。著無庸來京。俟

審案奏結。於明年春間再行奏請。陞見。將此諭令知之。○已酉。禮部議奏。一子兩祧服制。一獨子兼承兩祧。兩房分祧之子。皆獨子之親子。無降服之義。應各為父母服斬衰三年。一兩房承祧之孫。各為祖父母服齊衰不杖期。父卒。嫡孫承重。俱服斬衰三年。一獨子之子承祧別房者。其本身為本生親屬。俱從正服降一等。其子孫為本生親屬。祇論所後宗支親屬服制。又小宗子出繼小宗。如已為所

後父母丁憂持服。嗣經兼祧兩房者。自應照禮經不貳斬之義。為所生父母服期年。如雖出繼在前。尚未為所後父母丁憂持服。旋經兼祧兩房者。應仍以所生為重。為所生父母服三年。為兼祧父母服期年。又查道光七年。浙江翰林院庶吉士王端履。與王端榮同父分祧。兄弟編入官卷。惟既已分祧。服應從降。應一併更正。嗣後毋庸編入官卷。以昭限制。從之。○以故浩齊特扎薩克郡王貢楚克棟

囉布子永隴珠爾默特襲爵。○予故喀喇沁固山額駙旺沁棍扎布。輔國公拉旺哩克森祭。遣官往奠如例。○辛亥。

上詣

皇太后宮問安。○諭內閣。容安等奏。已將入卡盜馬致傷人命之哈薩克賊匪。審明辦理。請旨一摺。哈薩克賊匪江阿那那呢雅爾膽敢入卡傷人。偷盜馬匹。實屬目無法紀。情殊可恨。經容安等審明後。不論首從。立即全行梟

首示眾。所辦甚是。其駐劄春濟卡倫之錫伯佐領色明阿。雖疏於防範。旋經查出。即行追趕。將所盜馬匹全數奪回。功過相抵。著無庸議。哈薩克阿哈拉克齊提留必。巴圖爾恭順引路。將賊匪馬匹訪獲。幫同官兵解送到城。殊屬出力。提留必。巴圖爾俱著加恩賞給六品頂帶藍翎。以示鼓勵。○大學士兩江總督蔣攸銑奏。遵旨審辦方廷禛控案。訊明方觀輝因誤砍無服族叔方廷禛祠樹起釁鬧毆

致方廷禛落河身死。檢驗並非槍斃。亦無掉換屍身等事。方觀輝擬絞監候。方廷禛誣輕為重。擬杖徒。下部議從之。○以故教漢鎮國公那木扎勒多爾濟子烏爾占扎布襲爵。○壬子諭內閣。三等承恩公熙敏因病出缺。其子恆壽又已病故。著准以伊堂兄明寬之子雙印承繼為嗣。所遺三等承恩公爵著該旗照例於年終帶領引見。○又諭福克精阿等奏太僕寺右翼協領喇錫扎木蘇所遺員缺

該翼委協領內不敷揀選可否由兩翼委協領內一體揀選抑或將左翼委協領瑪哈巴勒生補請旨一摺。喇錫扎木蘇所遺阿克塔牧場協領員缺係右翼官員未便將左翼委協領瑪哈巴勒生補現在右翼委協領內既不敷揀選著福克精阿等即行秉公由左右兩翼委協領內一體揀選。○癸丑諭內閣著英等奏靜明園香嚴寺玉峯佛塔塔頂坍塌砸損山門佛殿等處一摺著交總理工程事

務大臣估計做法錢糧奏明派員會同修理。○又諭禧恩等奏烏魯木齊軍需項下找撥銀數不符請旨飭查一摺烏魯木齊報銷案內官兵賞裝及各員墊辦運腳二款共銀七萬一千餘兩據戶部查明即在該處統案報銷應行找撥銀十萬八千餘兩之內陝甘總督現已奏報在二卯移捐項下撥解銀十萬八千餘兩是應找銀款業經清結著毋庸再行撥解其軍需項下先據陝甘總督咨報原

撥續撥共銀二百十四萬餘兩。該處報銷案內。僅收內地銀二百十三萬餘兩。計少收銀一萬兩。嗣據該督於第七十一案內題銷續撥銀數。又係七萬三千餘兩。較原咨多撥銀四萬三千餘兩。統計不符銀五萬三千餘兩。茲屆統案報銷完竣。著楊遇春、英惠、將前項不符銀兩。查明係如何舛錯之處。迅即聲覆。以備查覈。至軍需支發章程。惟征兵支給鹽菜口糧。兼支馱折夫價。其運送軍糧軍火。但

支鹽菜口糧。不支馱折夫價。英惠前此奏請一併兼支。朕已格外施恩。俯允所請。准其報銷。其餘各處題銷。凡有與例不符。經戶部飭令刪除之款。俱不得援照烏魯木齊之案。再於例外請增。以符定制。○賞前任烏里雅蘇台參贊大臣八十。副都統銜。署正藍旗滿洲副都統。○甲寅諭內閣。給事中章沅奏。屯丁備編審屆期。請飭確查一摺。向例各省屯丁備僉責成。糧道按四年編審。如有故縱殷富軍

戶。竄入民籍者。將原查官弁叅革。例禁甚嚴。至若誣扳民籍。指為軍戶。藉端擾累。如該給事中。所奏漕船僉運。奸胥蠹役。欺軍刁民。糾結播弄。或親族妒富。或同姓認宗。甚至絕不相識之人。架詞局詐。妄訴漏丁。巧為扳陷。其扳陷之術。大半於編審冊籍時。吏役勾通。軍民攙雜。數年以後。遂據此名冊指證勒僉。迨經訊明。而被扳之家。財產已盡。不可不嚴行查禁。現屆編審之期。著通諭有漕省分各督

撫責成。糧道統以道光五年編冊為據。詳查確覈。斥絕弊端。務使冊內毋許脫漏一名。冊外毋任增添一戶。如有前項藉端擾害等弊。著即從重科斷。以示懲儆。○諭軍機大臣等。楊遇春奏請籌款生息。增設滿洲營餘兵額。缺一摺。甘肅涼州莊浪二營披甲。例有定額。成丁閒散眾多。挑補甲缺需時。生計艱難。每多曠廢。自係實在情形。惟此時借款生息。歲有定額。而該丁等生齒日繁。養贍仍未能普

偏殊非經久之策。即以所奏調劑情形而論。涼州營成丁閒散一千二百餘名。挑選餘兵僅二百名。莊浪營成丁閒散三百餘名。挑選餘兵僅五十名。每名月給餉銀一兩。不惟閒曠仍多。且所給餉銀有限。焉能資其養贍。所謂以君養人則不足。不若使其自資生計。庶期經久可行。著該督悉心酌議。此外有無長策。行之久遠。詳籌周妥。具奏到時。再降諭旨。將此諭令知之。○緩徵甘肅隴西狄道張掖

武威寧礪伯寧夏寧朔中衛平羅靈臯蘭浮靈臺崇信十五州縣被水被旱村莊新舊額賦。○乙卯。

上詣

壽康宮前殿行禮。後殿問

皇太后安。○丙辰。諭內閣。孫爾準奏訪查副將備弁賄囑事主。捏報被劫洋面。請旨革審一摺。此案童增盛船隻。在浙江官山洋面被劫。經該副將等賄囑事主。捏報失事處所。規避

處分。該督據實奏。查辦甚屬認真。著將現署浙江瑞安協副將事玉環營參將沈清瑞署瑞安右營守備事。温州左營千總鄭建功。瑞安左營千總金殿鼇。一併革職。交該督提同全案人證。審訊確情。按律定擬具奏。尋奏沈清瑞於童增盛船隻失事時。先已出洋巡緝。並無通同行賄情事。惟平時督緝不力。事後復聽所屬弁備含混具報。實屬不職。業已革職。金殿鼇起意賄和。捏改洋面。擬發新疆效力贖罪。業已病故。均毋庸議。鄭建功隨同賄囑。希圖規避處分。應擬杖徒。下部議。從之。○准浙江湖州府屬水利案內動借銀兩。分五年攤徵。○丁巳冬至祀

天於

圓丘。命惇親王綿愷恭代行禮。○遣官祭

永陵。

福陵。

昭陵。

昭西陵

孝陵

孝東陵

景陵

泰陵

泰東陵

裕陵○命皇長子奕緯祭

昌陵○遣官祭

孝穆皇后殯宮○遣官祭

清實錄

端慧皇太子園寢○停次日朝賀○命烏嚕

木齊都統英惠來京調熱河都統成格為烏

嚕木齊都統以吏部右侍郎裕恩為熱河都

統調兵部左侍郎保昌為吏部右侍郎轉兵

部右侍郎博啓圖為左侍郎以內閣學士桂

翰為兵部右侍郎○調正白旗漢軍副都統

樂善為鑲黃旗滿洲副都統以兵部左侍郎

博啓圖兼正白旗漢軍副都統○戊午命前

任貴州威寧鎮總兵官恩特赫原品休致○

己未諭內閣

昌陵

聖德神功碑樓工程著添派武忠額會同敬謹

辦理○和闐領隊大臣德惠因病回旗以頭

等侍衛武隆阿為和闐領隊大臣○以前任

葉爾羌辦事大臣恆敬署鑲黃旗滿洲副都

統○賞八旗兵丁一月錢糧○庚申諭內閣

嵩溥奏請歸補封貯分貯銀兩一摺貴州藩

庫額定封貯銀三十萬兩貴東道暨安順等

處各庫分貯銀四萬一千兩因從前軍需動

撥據該撫查明尚有未補銀二十三萬九千

六百二十兩自應趕緊籌補著照所請准其

將捐監銀暫停解部俟將司庫封貯原額補

足再行撥補分貯銀兩此二款歸補齊全後

非奏明動用不准任意挪移其續收捐項每

足五萬兩即行解交部庫該部知道○又諭

梁章鉅奏請量免捐款並將養廉仍令坐支

一摺江寧等屬之句容高郵桃源安東宿遷

碭山。昨寧沛縣等八州縣地衝缺痛。每年應支養廉捐墊款項。不免辦公支絀。現經該護撫體察情形。量為調劑。著照所請。所有該句容等八州縣額支養廉。自道光十年起。准由該州縣自行坐支。毋庸再行提解。○又諭。正黃旗蒙古奏。現因承襲保慶所遺男爵兼一雲騎尉員缺。照例將出缺之子孫揀選擬正。其餘應行擬陪之薩拉勒子孫。可否列入揀選。請旨一摺。桂齡前因獲罪褫重。所有伊本支人丁。均不准其列入揀選。今此職業經另支承襲一次。而現在薩拉勒一支。並非桂齡子孫。著該旗仍將薩拉勒一支。一併列入揀選。照例擬定正陪。帶領引見。○調正白旗蒙古副都統容照。為正黃旗蒙古副都統。正黃旗蒙古副都統安福。為正白旗蒙古副都統。

宣宗實錄

卷一六三

十一

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十二

宣宗實錄

卷一六二

[illegible]

道光九年己丑十二月辛酉朔諭內閣鄂山

奏道倉現貯粳米不敷支放酌籌暫行折價一摺陝西省西安滿洲營大小官弁廩祿向定專關粳米本折兼支本年因糧石緩徵道倉存貯粳米來春不敷支放附省各州縣亦無可借撥據該撫奏請暫時概行折價著准其自明年二月起除將軍副都統應支一半本色俸米仍照向折銀數關支外八旗協領以下官弁向來一半關支折色者照舊每石折給銀二兩六錢其一半關支本色者若概

兩著歸入叅課正款內冊報將此傳諭知之
○禮部奏道光十年元旦應行禮儀得旨是
照例行禮奉

皇太后懿旨停止筵宴其在外福晉命婦進內
行禮之處並著停止壬戌

皇太后宮問安○旌表守正捐軀安徽霍邱縣民余守全妻林氏○癸亥諭內閣康紹鏞奏知縣戒飭生員致生童等藉端阻考請解任

審訊一摺此案湖南長沙縣知縣王渭審理詞訟將生員徐邦俊飭責該縣生童等藉端阻考滋鬧現經該撫拏獲究辦該知縣王渭是否因徐邦俊恃符頂撞戒飭抑係任性濫責必應徹底根究王渭著暫行解任交該撫歸案審訊在逃之已革副榜屈伸著嚴緝到案質訊明確據實究辦毋稍枉縱○又諭奕綺等奏請借項調劑旗兵一摺著照所請准其於廣恩庫歷年累存長蘆鹽政解交息銀

所餘銀內撥出五千四十兩按一分生息賞借八旗駐防兵丁每月於伊等錢糧銀內分別銀數本利坐扣仍於每年息銀內提出二百五十二兩貯庫分作二十年歸還原款俟扣足本銀後再行體察情形酌量辦理其一切章程俱著依議行該部知道○修東北兩路行宮從馬蘭鎮總兵官黃文煜請也○移建湖南苗疆積穀倉廩從巡撫康紹鏞請也○甲子諭內閣都察院奏正黃旗蒙古馬甲

玉椿控告已故世職保慶私改宗譜朦混承襲一案著該旗副都統容照詳悉查明據實具奏○雲貴總督阮元奏緬甸國王孟既遣使表賀生擒逆裔張格爾恭上

皇太后徽號照例宴賚報聞○以福建澎湖協副將孫得發為廣東瓊州鎮總兵官○緩徵兩淮丁豁草堰劉莊伍祐新興廟灣六場被旱新舊蠲課○撫卹山東益都臨朐二縣地震災民○乙丑諭軍機大臣等李鴻賓奏喚

咭喇夷船延不進口及曉諭防備各緣由等語所奏甚是各國夷船來粵貿易惟喚咭喇夷商最為桀驁現在該國大班等因洋行連年閉歇拖欠夷銀屢次呈控並隨列條款具稟查辦該督業經咨提商人訊追並將所稟各款飭司妥議諭令洋商轉諭恪遵該夷船仍然觀望停泊澳門外洋延不進口輒敢擁拾前陳各條曉曉漬辯語言不遜該國貨船每言在粵海關約納稅銀六七十萬兩在該

夷以為奇貨可居。殊不知自天朝視之。實屬無關毫末。且該夷船私帶鴉片煙泥入口。偷買內地官銀出洋。以外夷之腐穢巧獲重貲。使內地之精華潛歸遠耗。得少失多。為害不可勝言。必應實力嚴查。此次該夷等業經該督將來稟嚴行批飭。如果漸知悔悟。相率進口。即可相安無事。儻仍以所求未遂。故作刁難。著即不准開船。嚴行驅逐。即少此一國貨稅。於國帑所損無幾。而夷煙不入官銀不出。

所全實多。至該夷各船現泊澳洋。夷情叵測。不可不豫為之防。該督已密行咨會李增階飭令各營將弁等不動聲色。整齊防備。所辦甚是。此事交涉外夷。有關國體。該督等務當鎮靜防閑。詞嚴義正。折其桀驁之氣。杜其貪詐之謀。斷不可稍涉遷就。致失大體。其該夷人稟內夷船規銀。不論船隻大小。一律徵收。懇請分別納餉等款。尚可量為變通。著該督等妥議具奏。將此諭令知之。○命盛京工部

侍郎誠端來京。以江西布政使富呢揚阿為盛京工部侍郎。兼管奉天府府尹事。○丙寅

孝惠章皇后忌辰。遣官祭。

孝東陵。○命噶勒丹錫呼圖克圖之呼畢

勒罕。在紫禁城內騎馬。○緩徵寧古塔三姓

歉收新舊旗租。○丁卯。命於

大高殿設壇祈雪。○諭內閣嵩孚奏請將副將

府經歷分別革職解任審辦一摺。此案湖南

寶慶協兵丁李希得等在府經歷大堂酗酒

滋事。被責辱罵。該管副將周添章縱容徇庇。

猶復捏詞支飾。該經歷邵廷熙是否因兵丁

醉鬧責懲。抑或尚有別情。均應徹底根究。寶

慶協副將周添章著革職。寶慶府經歷邵廷

熙著解任。交該督提同兵弁人證秉公嚴審

確情。分別定擬具奏。毋稍枉縱。○以緣事革

退鄂爾多斯扎薩克貝子桑齋旺沁子巴達

爾瑚襲爵。○以伊犁屯田豐收。子員升議敘。

賞兵丁一月鹽菜銀。○除陝西武功縣水衝

馬廠地十四項九十七畝有奇額租○戊辰上詣

大高殿祈雪壇行禮○諭內閣蔣攸銛等奏粵鹽移撤地方久未勘丈定議請飭該督委員會勘行鹽地界等語江西贛縣所屬攸鎮地方界連淮粵私梟充斥曾於嘉慶年間經前督議將切近淮界鄰店移撤三十里外其在三十里以內者止准酌留一二店便於本處居民買食茲據蔣攸銛等查明應移地界迄

無定論近復開設子店日多並有窩留梟匪之事著李鴻賓即委公正大員會同江西該管道府秉公覆勘議定行鹽地界以固藩籬勿再延宕○命兵部左侍郎博啓圖在紫禁城內騎馬○以捐修直隸萬全縣張家口石道予知縣張慶成升用餘議敘有差○以擊獲大夥私梟賞江蘇參將秦攀萼副將銜餘升用有差○以回疆軍務暨高堰隄工告竣命停止兩淮鹽斤加價○科爾沁卓哩克圖

親王巴圖等二人喀爾喀車臣汗阿爾塔什達教漢郡王幹咱巴拉扎嚕特扎薩克貝勒布木色楞郭爾羅斯扎薩克鎮國公揚贊巴拉喀喇沁二等塔布囊布彥圖於神武門外瞻覲○己巳諭內閣曹振鏞等奏查明江南河庫欠繳銀兩請飭嚴追並禁濫行支發一摺江南河庫錢糧每年該河督盤查加結送部不容絲毫虧短乃自乾隆四十七年起至嘉慶二十五年止經前任河督黎世序奏報

在外追繳之款現在尚未完銀五十二萬二千九百九十餘兩該部節次行追因各員久經離任未能剋期歸繳茲又據張井奏清釐河庫各員應繳之項自道光元年至七年共銀四十八萬三千餘兩並未按限追繳是河庫之銀一經支發即歸無著迨日久咨追完繳甚少若不嚴行懲辦以後相率效尤國帑攸關豈容任意侵蝕著照所議將現在冊報各員外追之款照冊報原欠年月扣限如逾

限不完。照承追南河欠項定例辦理。不得按此時奏咨到部起限。以致日久懸宕。並著嗣後每年盤查河庫。俱應據實結報。不得復有外追名目。儻仍前濫行支發。又不立時嚴追。著照河工僉差不慎本例。如本人無力完繳。著落上司攤賠。及特款支銷錢糧動款時。不報部。著落擅動官獨賠各條。嚴叅覈辦。即責成該河督暨河庫並管理河務各道。隨時認真稽查。毋得置身事外。俾各工員知所儆懼。

而錢糧不致侵那虧短。以昭覈實。○以福建臺灣道劉重麟為江西按察使。○予故前任禮部尚書穆克登額祭葬如例。○鑄給山西陽曲縣復設分防主簿條記。從巡撫徐忻請也。○以烏什屯田豐收。予員弁議敘。賞兵丁一月鹽菜銀。○庚午。

上詣

皇太后宮問安。○諭內閣正黃旗蒙古馬甲玉柱控告保慶私改宗譜。朦混承襲一案。現據

容照查明。保慶實係托克托霍依之嫡派子孫。覈與宗譜相符。眾證確鑿。並無情弊。玉柱輒以無據之詞。疊次具控。實屬不安本分。著革退馬甲。交該旗嚴加管束。此次承襲世職。著將玉柱扣除列名。至該旗都統副都統等。接據玉柱呈詞。並不究明奏辦。僅交該參佐領等含糊了結。復於薩拉勒之子孫應否列入揀選。請旨時。並未將不准承襲之處。聲敘明晰。均屬不合。著交該部查取職名。照例察

議。其承辦之該參佐領等。著該部照例議處。○辛未。諭內閣。扎隆阿奏請停辦官鋪。並另籌生息一摺。喀什噶爾等處試辦官鋪。前經降旨令扎隆阿悉心體察具奏。茲據查明。各城現在茶價較賤。羊隻進卡亦少。礙難照原議章程辦理。自係實在情形。著將試辦官鋪易羊事宜。即行停止。仍循舊制。聽令夷回自行交易。即照新定章程。官為稽查彈壓。以杜流弊。其請將茶價息銀發商生息一節。著交

戶部覈議具奏○又諭慶山奏請將科布多倉穀廣為積貯循例於各卡官兵等一半放給茶煙一半將穀石減半折給銀兩其滿洲蒙古綠營及各臺站屯田官兵等應領穀石均請一半放給本色一半折給銀兩一摺科布多倉內現存穀一萬一千五百餘石僅敷一年支放著照慶山所請自明年為始各卡官兵等准其援照從前所辦一半放給茶煙一半將穀石減半折給銀兩其滿洲蒙古綠營及各臺站屯田官兵等應領穀石均著一半放給本色一半折給銀兩所有折放銀兩著照時價每石折銀二兩五錢支給即由庫支錢糧銀內動撥除將運解烏里雅蘇台穀石仍舊辦理外所有普安寺及犯人口糧亦著照舊放給本色○禮部議覆御史牛鑑條奏外省鄉試房考參用即用分發各員當由該督撫專摺奏明以重分校而杜弊端從之○以科布多屯田豐收賞賚兵丁有差○士

申故伊犁將軍德英阿靈樞到京命慶郡王綿慤前往賜奠○續貸盛京等處馬乾銀○戶部議准前任江西巡撫韓文綺疏報分宜縣開墾山地十九頃七十七畝有奇江蘇巡撫陶澍疏報上海縣蘆洲轉升漕田四分有奇均照例升科從之○癸酉諭內閣伊薩克所封郡王著和恩世襲罔替○以故甘肅西昌縣土司吉晴雲子步漢襲職○禮部議准安徽巡撫鄧廷楨疏報採訪滁州貞節婦女陳張氏等一百五十九口請建總坊旌表從之○除浙江錢塘縣潮衝地九頃二十畝有奇額賦○甲戌諭軍機大臣等戶部奏稱直隸多倫諾爾同知裕昆應解道光七八兩年雜稅正額盈餘銀三萬七千六百餘兩又道光四年起至八年止陸運木稅並蒙古木稅銀二千六十餘兩疊次嚴催未據解到等語該同知裕昆前經吏部以該員推升盛京工部員外郎例限久逾尚未到部奏請開缺另

選嗣據工部以該員自道光五年起至八年止欠解木稅銀二萬六千八百四十餘兩奏請飭查本日又據戶部奏該員欠解各項稅銀屢催未解顯有侵蝕情弊必應徹底根究該員久經卸任一應經手錢糧該督自應速飭依限交清結報何以任其延宕不加叅辦著那彥成即查明裕昆在何處羈延即委妥員解交刑部審辦將此諭令知之○又諭李鴻賓等奏請暫停採買缺穀一摺廣東常平

倉穀據該督等查明截至道光八年止前項缺穀一百三十萬九千四百餘石已買補一百六萬七千餘石所贖無多不難依限購足惟該省地氣潮濕倉穀不宜多貯且歷年出陳易新減價出糶小民未能踴躍爭先若再照舊買補愈積愈久紅朽堪虞自係實在情形著照所請將前項未補缺穀二十四萬一千八百餘石暫停採買俟各屬陳穀糶出十分之五六再行酌量買補其津貼銀兩仍著

照舊按年提解司庫於歲首密奏一次提解足數即行停止餘著照所議辦理將此諭令知之○以吏部右侍郎保昌內閣學士容照為國史館清文總校官○調西安將軍薩炳阿為福州將軍以塔爾巴哈台參贊大臣達凌阿為西安將軍庫爾喀喇烏蘇領隊大臣巴哈布為塔爾巴哈台參贊大臣正紅旗蒙古副都統查隆阿為庫爾喀喇烏蘇領隊大臣○修浙江上虞縣境內柴塘並添建塊石

坦水等工從巡撫劉彬士請也○乙亥諭內閣御史達鏞奏請飭禁京官出結積弊一摺各直省人員投供赴選及報考報捐等事向例取具同鄉京官印結呈驗原以同鄉素相識認有無情弊不能朦混立法至善乃近來例准出結各員但係同鄉即並未識認之人亦為出結又有暗向銀號勾通不問有無違礙頂冒含糊包攬並有五城候補正指揮偶過署事多將空白鈴印以為日後售結之計

如該御史所奏。不可不防其漸。嗣後著各衙門堂官詳論該管六品以上例准出結之員。務須與取結之人素相識。認方准出結。即將前項情弊嚴行禁止。並著該出結之員。同查覈。儻有弊竇。立即指叅。以杜冒濫。而昭覈實。○以故一等忠勇公富勒渾凝珠子慶興三等承恩公熙敏子雙印。三等襄勇侯聯慶子恩昌各襲爵。○撫卹西藏三十九族被雪成災番民。○丙子。

上詣

皇太后宮問安。○諭內閣禮部議准御史牛鑑奏請以李容從祀。

文廟一摺。先儒升祔學宮。祀典至鉅。必其人學術精純。經綸卓越。方可俎豆馨香。用昭崇報。若僅著述家言。闡明心性。未有躬行實踐。超越等倫。列祀鄉賢。已足彰褒旌之義。豈宜升祔。

廟庭稍滋冒濫。綜覈李容生平學行。雖足為

閭黨矜式。然似此者亦豈乏人。何能盡登兩廡。該部請如該御史所奏。准其從祀。

文廟之處。著無庸議。○又諭御史葛天柱奏。各省分發人員。請飭嚴行甄別一摺。各省分發道府州縣及丞倅佐貳。到省後或委署地方。或派審案件。一切均關緊要。若不認真稽覈。一概照例保留。漫無區別。則庸冗之員。必致貽誤於吏治。甚有關係。著通諭各督撫於分發各員。秉公察看。務當破除情面。隨時甄

別。不准稍事姑容。並著吏部每屆年終彙奏一次。以資查考。而昭覈實。○又諭那彥成奏。推升人員交代未清。以致赴部遲延一摺。直隸多倫諾爾同知裕昂。前經吏部具奏該員推升久未赴部。降旨飭查。復經戶部工部具奏該員欠解各項稅銀。屢催未解。當經降旨交該督查明。該員在何處羈延。委員解交刑部。茲據該督具奏該員現因短解稅銀。留於直隸勒追。著仍遵前旨。即行派委妥員迅速

解部審訊○又諭誠端等奏經制歲需等項銀兩不敷請撥款動支一摺盛京戶部存貯銀兩應給發本年各州縣額需養廉等項約需銀三萬餘兩除動支遼陽等九州縣廳徵收本年地丁耗羨十分之五外約計不敷銀二萬餘兩無項可撥著照所請所有道光九年各廳州縣歲需並應扣留十年分額需俸工經制等銀准其在於盛京戶部庫貯俸餉盈餘項下陸續動支仍將用過銀數造冊報

部核銷該部知道○又諭韓文綺奏省倉穀石買有成數請移建採買一摺江西省城建設義倉每年於鹽務公費項下支銀八千兩按照時價買穀貯倉據該撫查明自道光五年起至本年共已貯穀四萬一千餘石請分貯各郡先於贛州府建倉買貯次及他郡以期周徧著照所請所有此項義穀准其自道光十年為始移至贛郡採買先建倉廩所需工價銀二千六百兩著於鹽務公費項下動

給責成贛南道督飭贛縣妥辦每年於秋收後領銀買穀一切收放各事宜均著照省倉章程辦理該撫仍飭藩司鹽道隨時稽查於覈銷鹽務公費案內由該撫按年奏報俟贛郡買足三年再於他郡酌量次第照辦以資積貯該部知道○諭軍機大臣等朕聞外夷洋錢有大髻小髻蓬頭蝙蝠雙柱馬劍諸名在內地行使不以買貨專以買銀暗中消耗每一文抵換內地紋銀計折耗二三分自閩

廣江西浙江江蘇漸至黃河以南各省洋錢盛行凡完納錢糧及商賈交易無一不用洋錢番舶以販貨為名專載洋錢至各省海口收買紋銀致內地銀兩日少洋錢日多近年銀價日昂未必不由於此又鴉片流行內地吸者日眾鬻者愈多幾與火菸相等耗財傷人日甚一日皆由番舶裝載鴉片駛至澳門廈門等處附近關津停泊或勾通書差暗中抽稅包庇進關或巡哨兵役遊奕往來私為

奸夷夾帶代為發販。或得規容隱。任聽奸夷分銷各省商船。載往各處售賣。行銷之路既多。來者日眾。該兵丁等且藉以抽分。吸用賤價留買。南北各省情形。如出一轍。較洋錢之害為尤甚。若不究明弊端。嚴行查禁。不特徒滋紛擾。轉使作奸犯科之輩。益復無所顧忌。前因內地間有夷錢攬雜行使。曾經降旨飭禁。然尚不似洋錢行使之多。折耗之甚。至鴉片煙泥。則又以外夷之腐穢。潛耗內地銀兩。昨據李鴻賓等密陳。啖咭喇請改貿易章程。摺內亦經籌議。及此該督等通達治體深悉。積弊必須將如何截其來路。如何禁其分銷。外夷之詭譎不行。內地之銷耗胥免。期於言出法隨。不致徒為文告故事。有名無實。方為妥善。該督等素稱曉事。當能仰體朕意。也將此諭令知之。○又諭韓文綺奏拏獲張貼揭帖。恐嚇村民之會匪首。從各犯提省審辦。一摺。江西贛南一帶。為會匪出沒之區。現經上

猶縣拏獲會匪鄒學洪等。竟敢張貼揭帖。語涉狂悖。顯有不法重情。恐夥黨亦不止此數。已將獲犯提省審辦。著吳光悅嚴行究訊。如有供出夥黨。即派妥員密速查拏。總期不動聲色。務盡根株。不可稍涉張皇。致滋擾累。將此諭令知之。○以故一等延恩侯朱秀祥族祖貽。襲爵。○予故廣西梧州府知府謝凝道。山東武定府同知劉大紳。明四川重慶府同知周作樂。各入祀名宦祠。四川故南溪縣歲貢生包寬。直隸故山東海豐縣守備侯肇。客江蘇。故刑科給事中費振勳。山東故安徽來安縣知縣韓夢周。安徽故婺源縣生員汪綏。陝西故雲南富民縣知縣朱久。插雲南故山東武定府同知劉大紳。福建故廣東廣州府知府藍鼎元。明安徽壽州殉節生員趙炳然。各入祀鄉賢祠。從總督琦善。巡撫蘇成額。總督戴三錫。護總督屠之申。巡撫陶澍。鄧廷楨。鄂山。伊里布。韓克均。請也。○予回疆陣亡

副護軍參領倭什洪額等二十六員祭葬世職軍營病故知府伍敏等十八員減半祭葬世職兵丁吉升等一千三百八十六名賞卹如例○予福建巡洋淹斃把總蔡金成祭葬卹廕兵丁余萬和等九名賞卹如例○予廣東巡洋淹斃外委溫安祭葬卹廕如例○予湖南因公淹斃兵丁馬宏元等四名賞卹如例○暫停直隸寶直局鼓鑄卯錢兵餉改放銀兩從總督那彥成請也○以天暖冰薄停止冰拔仍給半賞○予伊犁解送烏魯木齊馬牛官員議敘賞兵丁一月鹽菜銀○丁丑諭軍機大臣等朕聞河南本年銀價大錢一千四百有奇地方官徵收錢糧如新鄭禹州許州靈寶等州縣每兩竟折大錢兩千及兩千二三百文較之去年各加二百文之多現在大河南北糧價尚賤麥米豆倉斗每石市價大錢不滿兩千地方官任意折收如臨漳縣麥每石折大錢九千米每石折大錢八千

豆每石折大錢七千其餘州縣亦大略相同至河工加價乃因災攤派不得已之舉地方官亦有藉以為利與正項錢糧一例折收致使愚民呼為小糧各州縣徵收錢糧原應遵守定例不准絲毫浮收即云今昔情形不同亦當示以限制何得任意賒削逐年遞加較市價多至數倍各上司或謂地方官僅就糧漕等項生發不必即為劣員殊不知官聲素好之員必謹守舊規不忍復加分毫其肆意浮收者無非官私虧欠盈千累萬操守平常之員即使更加數倍亦難望其潔已愛民著楊國楨悉心體察仍照定例於開徵之先出示曉諭令民交納隨到隨收不得仍有前項陋習致干重咎又有人奏新鄭縣典史傅禮陶每年冬季勒令保長納錢若干免其守望名曰更錢鄰邑佐雜亦多類此以致盜賊不時竊發集市輻輳之區無賴棍徒竟敢白晝行竊河北號為紅錢棍河南號為跑明錢大

清 實 錄 道光九年十二月

為民間之害。其尤甚者。豫省東南一帶毗連江南山東等處地方。每有一家不時被劫一物。屢次勒贖。以及捆毆事主。搶奪婦女各案。呈報到官。不過一批了事。而盜賊輒宣言於眾。自謂為官寓子。事主即指名揭告地方官。亦不肯認真辦理。開封府鄆陵縣有劉姓被劫。該縣拏獲盜犯多名。究出寓主係臨潁縣棍徒某人。饒有貲產。屢經行文關提。臨潁縣延不緝拏。迄今一年有餘。尚未結案等語。搶

劫勒贖等弊。各地方官如果認真緝拏。何難盡法懲治。著楊國楨確切該查。新鄭縣典史傅禮陶。是否有勒令保長納錢之事。臨潁縣是否有棍徒關提未到。並有無紅錢棍等名目。據實具奏。按律嚴行懲辦。以靖閭閻而肅捕務。將此諭令知之。尋奏。近年銀價過昂。徵收錢糧。州縣未免竭蹶。新鄭縣於九年每兩加錢二百文。許州於八年加錢一百文。均係與士民議定。餘俱遵守舊規。其河工加價一

項每兩較正糧少收錢二百文。至典史傅禮陶並無得受更錢情事。紅錢棍跑明錢條民間指斥小竊之詞。並無匪徒自立名目。各屬間有搶劫之案。均隨時懲辦。勒贖之風久已止息。報聞。○又諭。朕聞山東江南等省各地。方官徵收錢糧。往往任意浮折。較市價多至數倍。小民輸納錢糧。本有定額。不准各州縣絲毫浮收。其有今昔情形不同。不能不資漕糧義餘以為津貼者。亦應示以限制。若任意

蝕削。逐漸遞加。年復一年。何所底止。在各上司或謂地方官僅就糧漕等項生發。不必即為劣員。殊不知官聲素好之員。必謹守舊規。不忍復加分毫。其肆意浮收者。無非官私虧空盈千累萬。操守平常之員。即使更加數倍。亦難望其潔己愛民。現在漕務積弊。惟江蘇為尤甚。山東近年以來。屢有京控浮收勒折之案。著蔣攸銑陶澍訥爾經額體察情形。務須遵照定例。於開徵之先。出示曉諭。令民交

納隨到隨收。不得藉口陋規。任意浮收。苦累閭閻。如有例外苛求者。一經查出。立即嚴叅懲辦。勿稍徇隱。將此各諭令知之。○以故一等男福勒洪阿姪順慶寶慶子奎祥恆德子保慶。一等繼勇侯蘇冲阿子倭什訥。二等子珠爾松阿子盛保各襲爵。○戊寅

上御乾清門聽政。○諭軍機大臣等。江西萬安縣民黃達青京控匪徒朱光簡等拜會傳徒劫殺搶掠一案。前經降旨交蔣攸銛審辦。茲

據該督奏稱。此案犯證眾多。相距遙遠。往返提解。恐多株累疏虞。請交該撫就近先提審訊。再將正犯解交該督覆審等語。此案原控匪犯有一百數十名之多。現經拏獲首夥朱光簡等二十餘名。其餘人犯正在分投查拏。著吳光悅先提現獲各犯。親加鞫訊。一面飭屬查拏案犯。務獲歸案。審訊明確。再將正犯及要證人等摘提解至江寧。交蔣攸銛覆審定擬具奏。以免拖累。其萬安縣知縣魏綢著

截留江西備質。將此諭令知之。尋兩江總督陶澍奏准。江西撫臣吳光悅摘提要犯解臣覆審。現已究明黃達青等京控粘單開列會匪一百七十八名。除現獲之朱光簡等五十八人。同在逃之黃正東等八人外。均係良民。原告亦不能指實。查曹幫貴朱光簡等拜會傳徒。依例擬絞立決。李通求刀傷黃金達致死。依例擬絞監候。黃際祐等聽從曹幫貴拜會。黃惟山除刀傷黃金盛輕罪不議外。依例

擬發回城供役。餘俱按律問擬。下部議行。○以乾清門頭等侍衛聯順為內閣學士兼禮部侍郎銜。○以大理寺少卿寶善為太僕寺卿。○予故福州將軍普恭祭葬如例。○旌表守正被戕甘肅靈州民牛彥杰妻李氏。○修本裕倉營房。從倉場侍郎松廷等請也。○加修直隸溫榆河上游果渠村壩埽各工。從總督那彥成請也。○己卯。以故甘肅莊浪廳土千戶管志兄王襲職。○加修湖北萬城隍從

總督嵩孚請也○開採湖南郴州三元冲上坪地方鉛砂從總督嵩孚請也○庚辰

上詣

皇太后宮問安○封克勤郡王尚格子承慶順承簡郡王倫柱子春英春定春靜貝子載錫子溥吉三等鎮國將軍順承簡郡王倫柱子春安三等奉國將軍成郡王綿懃子奕繻鎮國公奕顥子載受一等輔國將軍貝子綿岫子奕桓輔國公成秀子繼峯二等輔國將軍

鎮國將軍惠恩子安壽鎮國將軍德文子蘇淳三等輔國將軍奉國將軍哲林子奎安奉國將軍成英子淳齡奉恩將軍○予福建運米在洋漂沒巡檢祁泰紹祭葬卹廕如例○命刑部將緩決三次以上人犯減等發落○辛巳諭軍機大臣等據御史劉光三奏河南省經前任巡撫程祖洛飭各州縣設立義學多處或勸紳民捐貲或勸富戶創修規模既定窮檐子弟皆得入學肄業第此項銀兩發

商生息仍由地方官經理終非善策即如新鄭縣捐輸義學之項於道光八年發商即於本年勒令呈繳洧川縣書院道光八年甫經創立今年已廢講課請明立章程令各州縣分派老成殷實紳民經管發商生息買田招佃聽其自便地方官設簿立案公事稍暇親赴義學考其功課其繁要地方即令教官代為稽察等語地方設立義學最為善舉各紳民所捐經費必須籌畫經久之計乃為有益

著楊國楨查明所屬紳民捐出義學經費各就地方情形妥為籌議立定章程務須行之久遠斷不可令地方官任意侵那日久視為具文以致有名無實將此諭令知之○命江宣將軍巴琿阿廣州將軍慶保在紫禁城內騎馬○甘肅寧夏鎮總兵官史善載因病解任以湖北竹山協副將中福為寧夏鎮總兵官○以捐廉創修郡志告成直隸承德府知府海忠下部議敘○免直隸南宮新河隆平

宣晉案五州縣水占淀淤地畝本年糧賦並減隆平寧晉二縣積水半涸地畝本年糧賦之半○壬午諭軍機大臣等據御史陸以烜奏稱浙江幫內寧前寧後杭頭杭二海寧所等處丁力素疲辦運竭蹶近年復以水手橫恣貪得無厭除應發身工等項外。在途屢次勒索一經加增永遠為例。日復一日。各船竟有加至百餘千者。向來幫船沿途給發水手錢文由各幫頭船開寫一單遞交在後各船

照單開發謂之溜子。不法水手一遇重空兩運水淺停滯。或催趕開壩輒藉端向頭船旗丁加索錢文。逼寫溜子。溜子一出。即須挨船給付。儻頭船不發溜子。未遂所欲。一二次以後懷怨即深。每於停泊曠野處所。晝夜聚眾滋鬧以洩其忿。打船進艙。持刀恐嚇。無所不為。不但旗丁畏之如虎。甘心隱忍。即該管之丞倅運弁亦以人役無多。莫敢過問。間有能知大義出而彈壓者。倉卒之間。聲援莫及。又

往往受其欺凌。迨至稟報上司交地方官審辦。則已化大為小。不過將水手從輕擬罪。而稟報之員已因約束不嚴。先干吏議。請飭漕運總督出示嚴切曉諭。有犯嚴懲等語。浙江幫船水手向多無業窮民募充。兇悍性成。每致恃眾滋事。該御史所奏藉端勒索加錢逼寫溜子。恐各省幫船水手亦不能免。此積習必應一體查禁。以肅漕政。著朱桂楨查明。浙江及各省漕船水手應給款項共有若干。遇

有沿途趲運剝淺等事。向皆如何加給詳立章程。逐款刊發。按幫出示曉諭。飭令幫弁等隨時給領。不准拖延。此外亦不准水手格外多索。如有仍前藉端勒索糾眾滋鬧之事。應如何責成該糧道及總運丞倅押幫運弁。並沿途地方官稽察彈壓。如何將滋事水手嚴行懲辦。俾知儆畏。詳籌妥議。務期經久可行。不致有名無實。方為妥善。該御史摺著鈔寄閱看。將此諭令知之。○以大學士長齡署禮

部尚書都察院左都御史潘世恩充經筵講官。吏部右侍郎白鎔署經筵講官。○癸未上幸瀛臺。○御勤政殿賜蒙古王貝勒貝子公額駙台吉呼圖克圖等宴。並賞賚有差。○諭內閣蔣攸銛等奏場商疲乏。未能及時收鹽。請援案籌款調劑一摺。兩淮商窳交困。窳鹽存積甚多。場商無力收買入垣。自應設法籌濟。著照所請。准其於運庫徵存鹽課內借動銀十二萬兩。以為收買窳鹽之用。現屆隆冬。

窳丁生計維艱。即責成各該分司酌量各場緩急情形。分別銀數多寡。先由運庫放給銀三萬兩。以濟急需。其餘九萬兩陸續放給。不許假手書役商人。以致弊混。俟運商捆鹽。按引扣收還庫。不准稍有帶欠。並著嚴催運商趕緊解運。付價捆鹽。以資垣商收買。勿使壓攔存積。致啓偷漏。該部知道。○又諭蔣攸銛等奏准鹽奏銷趕辦不及。懇恩賞限一摺。兩淮鹽務奏銷。前經福森奏明勒限趕辦。茲據

該督等查明淮南岸引銷數。僅及十分之三。商力積困。明歲二月奏銷例限。不能趕辦。自係實在情形。著加恩展至明歲五月底。將應納課銀全數完解。不許再有延宕。至該鹽政請於來年開印後。馳赴楚省。會同該督撫設法疏銷。自係為整頓鹺務起見。惟江西口岸現亦滯銷。從前歷任各鹽政。曾否親往該省巡視。此次應否於馳赴楚省時。便道至江西一併查看之處。著該鹽政體察情形。自行酌

量辦理。具另片奏。准北引鹽仍照舊章。以三引併為一包。運岸銷售。著照所請行。該部知道。○賞乾清門行走喀爾喀土謝圖汗雅凌泰三眼花翎。科爾沁頭等台吉喇特納噶爾畢花翎。○教漢扎薩克郡王達爾瑪濟爾第等三人。蘇尼特扎薩克郡王齊旺扎布喀爾喀扎薩克郡王托克托瑚圖魯等九人。扎薩克貝勒布木色楞等二人。土默特扎薩克貝勒濟克默特扎布。茂明安貝勒達木丕勒等

二。翁牛特扎薩克鎮國公烏呢濟爾噶勒
阿拉善鎮國公德勒格爾布彥科爾沁輔國
公巴圖等二人。青海扎薩克輔國公達瑪林
扎布等二人。附在察哈爾旗下輔國公桑魯
布多爾濟等二人。喀喇沁多羅額駙巴勒丹
蘊丹等四人。土爾扈特二等台吉諾爾布策
林等三人。附在察哈爾旗下和碩特四等台
吉多爾濟錫喇布賽哩木三品阿奇木伯克
玉素普等三人。阿克蘇伊什罕伯克色提巴
爾底等四人。布古爾四品伊什罕伯克色提
等四人。烏什五品阿奇木伯克哈莫特等二
人。庫爾勒五品商伯克阿布都克勒木等二
人。伊犁五品噶雜納齊伯克額依莫爾等二
人。土司明正宣慰司甲木參多結等三十八
人。於西華門外瞻觀。○暹羅國使臣呷雅唆
滑里巡段呵叭臘車突等四人。於西苑門外
瞻觀。○甲申以前任阿勒楚喀副都統精欽
保署正紅旗蒙古副都統。○乙酉。

孝莊文皇后忌辰遣官祭
昭西陵。○
上詣
慈寧宮。
壽康宮前殿行禮。後殿問
皇太后安。○諭內閣恭修
孝東陵
隆恩殿。並琉璃花門泊岸等工。著派貴慶李宗
昉前往敬謹詳晰查勘具奏。○又諭那彥成
奏。廳員虧短稅銀。解部審辦。並籌議稽考章
程一摺。直隸多倫諾爾同知裕昆虧短稅銀
據稟數目。與戶工二部叅追銀數不符。著即
解交刑部。派富俊。盧蔭溥會同刑部審辦。此
項稅銀。向係該同知徑自解部。以致無所稽
考。著照所議。嗣後多倫諾爾同知經徵水旱
木稅雜稅。飭令該員按季造冊報明藩司暨
總督衙門查考。俟一年期滿。將徵收銀兩。統
限一月內詳由藩司一律請給咨批勒令全

數解部。掣批備查。仍由司詳請覈題報銷。俾年清年款。不致積壓虛懸。儻有遲延虧缺。隨時查明叅辦。該部知道。○以承辦回疆軍需報銷完竣。予戶部員外郎恆文等升敘有差。○丙戌諭內閣。章嘉呼圖克圖習學經藝。甚屬優長。且掌印數年。辦理一切事務。悉臻妥協。昨由理藩院轉奏。據該呼圖克圖呈稱。請假回伊遊牧。驗看新寺工程。順途省視伊母。一摺。已准所請。惟念伊母年已七十餘歲。該呼圖克圖理宜歸牧省視。著加恩賞給呼圖克圖之母佛一龕。御書福字一紙。壽字一紙。如意一柄。珊瑚數珠一串。大卷五絲緞袍褂料兩套。紬四色。交呼圖克圖齋往領給伊母。用示朕推恩至意。○又諭新調烏魯木齊都統成格。著賞戴花翎。馳驛前往。嗣後新放西北兩路將軍大臣等奉旨後。著仍照舊例。賞戴花翎。馳驛前赴新任。○修浙江東西塘石埽工程。從巡撫劉彬士請也。○

上以歲暮禋祭
太廟。自是日始齋戒三日。○丁亥以察哈爾副都統福克精阿為都統。實授壁昌葉爾羌辦事大臣。○戊子以歲暮禋祭。遣官祭太廟中殿。
後殿。○皇三子奕繼薨。○命蘇尼特扎薩克郡王齊扎布。喀爾喀扎薩克郡王托克托瑚圖。噶存乾清門行走。○賞科爾沁卓哩克圖親王巴圖喀爾喀扎薩克圖汗瑪呢巴咱爾。紫鞭茂明安貝勒達木丕勒。雙眼花翎。○己丑。禋祭太廟。
上親詣行禮。○遣官祭永陵。福陵。昭陵。昭西陵。孝陵。

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○遣官祭

太歲之神○諭內閣孔隆阿等奏請籌備經

費等語○喀什噶爾歲需經費向由甘肅省豫

年撥用道路寫遠撥解動須半載該處地處

極邊自應豫籌銀款以資儲備據該大臣等

查明道光十年係閏四月除已調經費外應

就九年十年分連閏應徵賦錢提出補用並

照例按成搭放實抵出已調經費銀一萬八

千五百一十一兩零又軍需存騰及善後經

費銀一萬九千四百七十六兩零並抽收茶

稅至停止日止共銀六千三百一十五兩統

計銀四萬四千三百二兩零又徵收八年半

歲賦錢未經搭放連存騰九年十年賦錢共

計三千三百四十九兩零著照所請將此項

銀錢作為備用銀款另行封貯不准尋常動

用以備緩急之需俟下屆應調經費時再將

十一年歲入賦錢覈除減調其西回城每年

所用經費嗣後著歸各城自行奏調以符舊

制該部知道○以拏獲盜犯予甘肅道員雙

興等議敘知縣永銓等開復原官○緩徵江

蘇上元江寧江浦山陽句容六合阜寧清河

桃源安東鹽城甘泉興化江都儀徵高郵泰

東臺寶應銅山豐沛蕭錫山邳宿遷睢寧海

沐陽贛榆三十州縣淮安大河揚州徐州四

衛積歉田畝舊欠正雜銀米有差○貸江蘇

駐劄災區京口等營兵丁一季糧餉○濬江

蘇丹徒丹陽二縣運河從護巡撫梁章鉅請

也○朝鮮國使臣柳相祚等六人於午門外

瞻觀○庚寅

上御保和殿筵宴朝正外藩科爾沁教漢蘇尼特扎魯特土默特茂明安郭爾羅斯翁牛特喀喇沁喀爾喀阿拉善青海土爾扈特綿羅斯賽哩木阿克蘇布古爾烏什庫爾勒伊犁王貝勒貝子公額駙台吉塔布囊伯克土司並朝鮮暹羅國使臣等隨文武大臣依次就坐諸樂並作

上進酒召左翼科爾沁扎薩克卓哩克圖親王巴圖郡王多克默特教漢扎薩克郡王達爾

中書

卷

瑪濟爾第郡王幹咱巴拉蘇尼特扎薩克郡王齊旺扎布右翼喀爾喀土謝圖汗雅凌泰車臣汗阿爾塔什達扎薩克圖汗瑪尼巴咱爾扎薩克親王車登巴咱爾車林多爾濟扎薩克郡王托克托瑚圖魯至

御座前賜酒成禮○命喀爾喀扎薩克親王車林多爾濟在御前行走○以伊犁領隊大臣塔斯哈為喀什噶爾幫辦大臣喀什噶爾幫辦大臣額爾古倫為伊犁領隊大臣○以喀

喇沙爾屯田豐收予員弁議敘賞兵丁一月鹽菜銀○是年旌表孝子江蘇等省楊師曾等二十名孝義陝西楊俸等二名孝女江蘇等省程玉如等四口孝婦江蘇等省趙顧氏等四口守節合例滿洲圖他布妻郭烏爾氏等一百十七口蒙古清山妻馬佳氏等三十口漢軍李泰妻康氏等四十口內務府得善妻朱氏等十六口各省駐防扎迎阿妻關氏等一百九十三口奉天等省辛清妻魯氏等一千三百十三口夫亡殉節直隸等省王訓之妻劉氏等五十二口未婚守志八旗海義聘妻瓜爾佳氏一口漢軍秀三聘妻李氏一口荆州駐防官祿聘妻伊爾根覺羅氏一口江蘇等省程三恆聘妻倪氏等四十三口百歲壽民婦江蘇等省傅濂等三十二名口六世同居湖北胡廷瑞一家五世同堂直隸等省楊茂發等六十一家各給銀建坊如例○一產三男山東等省貫景然等六家○會

計天下民數穀數直隸等省通共大小男婦
三萬九千五十萬六百五十名口存倉米穀
三千三百八十萬六千一百六十石一斗三
升八合六勺

實錄卷一百六十三

聖

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十三

清 實 錄 道光十年正月

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十四

奏請將各省督撫及各省按察使等官
天府府署添設知縣八次並請將各省按察使等官
七次大吏稽察會同詳報事務加一級隨帶加六級軍功加三級記敘五次並請將各省按察使等官
內務府大臣稽察會同詳報事務加一級隨帶加六級軍功加三級記敘五次並請將各省按察使等官
奏請將各省督撫及各省按察使等官
奏請將各省督撫及各省按察使等官

恭

道光十年庚寅春正月辛卯朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

五三九

命科爾沁郡王多克默特教漢扎薩克郡王

達爾瑪濟爾第在乾清門行走。○癸巳

高宗純皇帝忌辰遣官祭

裕陵。○

上詣

奉先殿

壽皇殿行禮。○甲午

上御紫光閣賜蒙古王貝勒貝子公額駙台吉及外藩使臣等宴並賞賚有差。○命科爾沁

卓哩克圖親王巴圖在御前行走土默特扎

薩克貝勒濟克默特扎布在紫禁城內騎馬

○貸直隸滄鹽山二州縣上年被水被旱村

莊倉穀。○給江蘇沛縣上年被水災民一月

口糧。○給安徽盱眙鳳陽靈璧泗天長五河

六州縣並屯坐各衛上年被水被旱軍民一

月口糧。○乙未諭內閣正月十六日正大光

明殿入廷臣宴之大臣等皆在廊下謝坐謝

宴著為令。○丙申

上詣

皇太后宮問安。○諭內閣烏里雅蘇台參贊大

臣車林多爾濟現赴任所道路遙遠著加恩

准其馳驛前往。○又諭理藩院議覆慶山泰

請將三達克多爾濟補放土爾扈特正盟長

一摺三達克多爾濟係現任副盟長慶山前

因具奏沙喇扣肯之子車林多爾濟承襲貝

子摺內祇將沙喇扣肯籲懇之詞代為請旨

並未將應升副盟長之處聲明已屬非是且

道光四年經巴琿阿具奏三達克多爾濟尚

未出痘茲未查明遽行奏請將三達克多爾

濟驛送京師亦屬不合慶山著交部議處其

正盟長員缺即著三達克多爾濟補授所遺

副盟長員缺著車林多爾濟補授。○展緩山

東陽信濮潯范朝城觀城樂陵濱利津海

豐霑化濟寧魚臺在平恩夏津齊河長清章

邱十九州縣並德州臨清二衛上年被水被

旱被雹被蟲村莊本年額賦及漕河鹽課銀

○貸甘肅臯蘭狄道西和寧永昌秦安清水禮兩當涇崇信靈臺鎮原十四州縣上年被水被旱災民銀數○丁酉

世祖章皇帝忌辰遣官祭

孝陵○戊戌命奉天府府尹興科來京以山西按察使烏爾恭額為奉天府府尹○

上以次辛祈穀於

上帝自是日始齋戒三日○己亥享

太廟遣惠郡王綿愉恭代行禮○遣官祭

太歲之神○庚子

上詣

南郊齋宮齋宿○修湖北省會江岸並添建石壩從總督嵩孚請也○辛丑祈穀於

上帝

上親詣行禮○詣

皇太后宮問安○是日立春順天府進土牛春

山寶座○壬寅諭內閣貴慶等奏恭查

孝東陵

隆恩殿並琉璃花門等處工程應行分別添換惟

隆恩殿山牆後檐牆必需拆驗著承修大臣敬謹拆視如有應行添換之處即交貴慶等再行詳細查勘○癸卯

上詣

大高殿行禮○幸圓明園○奉

皇太后居綺春園○詣

安佑宮行禮○甲辰

上詣綺春園問

皇太后安○御奉三無私殿賜皇子親藩等宴

○修雲南尋甸州至貴州威寧州運銅橋道從雲南巡撫伊里布請也○乙巳

上詣

安佑宮行禮○御正大光明殿賜朝正外藩等

宴作樂賜酒如除夕儀○御山高水長賜王

公大臣蒙古王貝勒貝子公額駙台吉及外藩使臣等食○賞蘇尼特扎薩克郡王齊旺

扎布三眼花翎○以烏魯木齊屯田豐收予員弁議欽賞兵丁一月鹽菜銀○丙午

上御正大光明殿賜大學士尚書等宴○福建布政使程含章因病解任以服闋布政使魏元煊為福建布政使○免雲南銅廠民欠無著工本銀○戊申諭內閣朕於三月十四日恭奉

皇太后啓鑾十八日祇謁

西陵禮成後

皇太后於二十一日回綺春園朕於二十一日駐蹕南苑二十六日回圓明園所有應行事宜著各該衙門照例敬謹豫備○又諭大阿哥惠郡王著於三月初五日住宿南苑行圍二十六日回圓明園松筠富僧德著充總誥達輪流隨從大阿哥等住宿其應隨往之散秩大臣侍衛等著各該處照例奏派○又諭已革署福建福州府糧捕通判閩縣知縣候補知州張騰因各任內虧短捐雜銀兩聞欲

叅追輒敢砌款稟揭雖所控未至全誣惟以屬員肆行誣訐上司意圖挾制又以毫無影響之言污蔑在籍大員名節此等刁風斷不可長張騰著發往軍臺效力贖罪以示懲儆聞浙總督孫爾準福建巡撫韓克均於司庫盈餘未經報部工程在五百兩以上並不照例具奏又失察家人得受銀兩俱屬不合著交部議處前任藩司吳榮光不將兌竣盈餘詳請咨部本任藩司程含章於五百兩以上工程未經詳請具奏又未將盈餘申詳報部均屬錯誤著與未經詳報之歷任各藩司交部查取職名分別議處○又諭山東已革知縣陳醇前在濰縣任內虧那庫項至一萬七千四百四十餘兩之多著照部議發近邊充軍不准援減○又諭民人楊生發以所販引茶圖利向私越開齊之布魯特易換紬匹金線實屬違禁著照部議發邊遠充軍布魯特胡達巴爾底阿布都爾哈里攜帶紬匹金線

偷越進卡。與楊生發貨賣。易換茶葉。俱著發雲貴兩廣煙瘴地方充軍。回子阿巴斯。窩藏私貨。並從中說合換茶。著改發邊遠充軍。該犯等著各於犯事地方枷號三箇月。以昭儆戒。至回疆現當嚴禁霍罕通商之際。該部將私越該處貨物入邊。及違禁易茶。酌定專條著照所議。嗣後商人有攜帶引茶貨物。在喀什噶爾等處。與私越進卡之布魯特等易換貨物。或相買賣者。除違禁軍器實犯死罪外。

餘俱照私通土苗互相買賣例。發邊遠充軍。如係私茶。即照私茶與外國人交易例。發煙瘴地方充軍。知情容留之歇家。說合之牙保。各與本犯同罪。貨物入官。如商人攜貨私越卡外。及越卡進內交易之布魯特。仍從重照私越開齊奏定章程。發雲貴兩廣煙瘴地方充軍。該部即纂入則例。永遠遵行。○命盛京兵部侍郎那丹珠。協同將軍辦理內務府事。盛京刑部侍郎特登額。管理移居宗室事。盛

京工部侍郎富呢揚阿。管理宗室覺羅學事。○己酉

上御山高水長。賜王公大臣蒙古王貝勒貝子公額駙台吉及外藩使臣等食。○諭內閣那彥成奏請動項採買兵米一摺。山海關駐防應支道光十年本色兵米八千八百石。除奉天省協撥米石外。其餘四千四百石。應於永平府屬各州縣屯米內派撥。據該督奏稱現計不敷撥運米三千石。援案請令各州縣領

價採買。第現在該府屬米價較昂。若照從前成案。每石一兩之數採買。實屬不敷。如照時價買運。各屬米價又多寡不齊。著准其按部價。每米一石。給銀一兩四錢。計買米三千石。共需銀四千二百兩。在於司庫地糧銀內動撥。該督即飭永平府領價酌量所屬情形。均勻分派。照數買運。交山海倉收貯支放。所需運腳。仍照例動支。屯耗糶價。報部覈銷。○又諭劉彬士奏幫丁扣款繁多。辦運竭蹶。請分

別扣展一摺。浙江各幫素稱疲乏。上年重運起剝。回空阻淺。費用較多。所有應領新運錢糧。若將積欠銀米。同時按限扣除。辦運未免竭蹶。加恩著照所請。准將各幫原借未扣道庫銀八萬三千九百六十一兩零。藩庫銀六萬七千六百六十六兩零。自九年冬運為始。查照原扣年限。先將未歸道庫銀兩。按年扣清。後再行接扣原借藩庫之款。並歷年借欠司道各庫銀十七萬九千二十六兩零。自九年冬運為始。各按未扣銀數。一律展分十限。暨九年造船公借銀三萬九千二百四十兩。自九年冬運起。分作六年扣清。其歷年積欠米四萬六千一百九十石零。著自九年冬運為始。查照未交米數。展分十限。按年帶交。餘米變價項下。應扣還縣庫銀兩。並著展緩一年。以紓丁力。而速漕運。○直隸總督那彥成奏。文安永清東安武清天津各縣減賦窪地。秋禾有收。請照額徵賦。允之。○江蘇巡撫陶澍奏。

請以搭運緩漕米石。搭解三成。及撥補災缺兵米外。餘米糶變。為挑劉白茆孟瀆三河之用。允之。○撫卹日本國遭風難夷如例。○庚戌諭軍機大臣等。寄諭大學士兩江總督蔣攸銓。湖廣總督嵩孚。江西巡撫吳光悅。河南巡撫楊國楨。兩淮鹽務。現在弊端已極。固由歷任鹽政辦理不善。而引滯課虧。亦未必不由於私梟之侵越。上年福森奏。請本年開印後。馳赴楚省。會同該督撫設法疏銷。朕以江西口岸。現亦滯銷。諭令該鹽政酌量使道至江西一併查看。惟淮鹽之累。總由引積。而疏引之法。首在緝私。私鹽之為害。不獨有妨引課。且梟徒聚集。擾害地方。尤為可惡。淮鹽引地最廣。各口岸私販眾多。該地方官或以事涉鹽務。意存畛域。並不實力緝拏。必致梟徒毫無顧忌。愈積愈多。勢將何所底止。著各該督撫嚴飭所屬文武員弁。認真巡查。遇有大夥私販。立即嚴拏懲辦。務期奸徒斂跡。鹽務

日有起色。儻因循不辦。以致私梟充斥。惟各該督撫是問。將此各諭令知之。○辛亥

孝穆皇后忌辰遣官祭

殯宮。○壬子

上幸萬壽山。○詣綺春園問

皇太后安。○賞一等忠勇公慶興。一等繼勇侯

倭什訥。委散秩大臣。命慶興在乾清門行走。

以三等襄勇侯恩昌為三等侍衛。三等承恩

公雙印。一等延恩侯朱貽垣。為四等侍衛。○

癸丑

孝聖憲皇后忌辰遣官祭

泰東陵。○

上詣

恩慕寺

恩佑寺行禮。○粵海關監督中祥奏。喚咭喇商

船仍不進口。恃強觀望。臣雖職司權務。裕課

為先。而國體所關。亦斷不敢稍存遷就。惟有

會同督臣相機籌辦。以肅功令。而杜狡謀。得

旨。此事總要同李鴻賓妥商辦理。斷不准祇

圖裕課。妄行作主。懷之慎之。○湖南巡撫康

紹鏞奏。荆右衛屯田被水。旗丁吳聰先應造

糧船。請暫停造。運允之。○甲寅。諭內閣。嗣後

恭遇

常雩及冬至

園丘新正

祈穀諸大祀。著太常寺少卿元祿充贊引官。此

外祀典。仍著舒英贊引。元祿充贊引時。遇應

用緣貂朝服。准其穿用。○又諭。本年係應行

查閱山東河南江蘇安徽江西營伍之期。山

東著即派訥爾經額。河南著即派楊國楨。江

蘇安徽江西著即派蔣攸銑。逐一查閱。務各

認真簡校。如查有訓練不精。軍實不齊者。即

將廢弛之將弁據實劾參。毋得視為具文。○

乙卯。諭內閣。御史王瑋慶奏。直省州縣交代

請飭照定限結報一摺。直省各州縣交代不

清。皆由倉庫多虧。接任之員未肯遽受。遂至

不能依限結算。各該上司意存瞻徇。往往於咨部文內倒填出結月日。捏稱造冊舛錯。再三駁查。以為耽延歲月。規避處分地步。即或叅劾。皆係病休降革之員。查抄監追。多屬無著。仍於帑項無補。如該御史所奏東省虧空。屢經查辦。比年以來。仍復時有叅案。一省如此。各省可知。嗣後著各督撫於州縣交代。嚴行督催。務令遵照定限。盤查清楚。扣明到任。及出結日期。即時咨部查照。不得於限外捏

稱造冊舛錯。扣除往返駁查日期。借詞延宕。其任內一有虧短。立即奏叅懲辦。如逾限已久。始行揭叅者。將該上司照徇隱例議處。決不稍寬。○又諭阿揚阿奏長蘆山東試用人員。缺少人多。不特候補無期。即輪流差委。一二年亦不能周徧。且差務本屬簡少。各員在省守候。頗形竭蹶。懇請暫停分發。著照所請。即將長蘆山東鹽務人員。暫停二三年。俟候補各員稍為疏通。再請揀發。以免壅滯。○諭

軍機大臣等。御史王瑋慶奏山東州縣徵收錢糧。加派錢文。日增日多。請旨飭禁。據稱道光八年。琦善查辦李肇敏一案。原奏內稱。黃縣徵收錢糧。向來每兩折京錢三千四百文。李肇敏因銀價昂貴。每兩加錢二百文。當即奉旨將該員革職。現在山東銀價約京錢二千七百餘文。照黃縣所折銀數。已多收錢六百餘文。乃各州縣竟有加至四千有零者。請旨嚴禁等語。地方官徵收錢糧。必應循照舊章。妥為辦理。斷不准任意加增。苦累閭閻。若如該御史所奏。屢年加派錢文。日增日多。勢將何所底止。現當開徵之時。著訥爾經額嚴飭所屬州縣。務須遵照舊章。出示曉諭。俾小民照數完納。如有格外加派者。一經查出。即著嚴叅懲辦。勿許稍涉徇隱。致干咎戾。將此諭令知之。○協辦大學士理藩院尚書富俊等奏。審訊多倫訥爾同知裕昆虧欠稅課銀兩。請將裕昆暫行革職。以便提同稅書等審

訊得旨裕昆著暫行革職並著那彥成查明已故同知毓芳有無虧短稅課議令攤捐案據及裕昆續交道廳庫銀是否屬實仍提集多倫廳自前任同知毓芳以後歷任交代卷冊及裕昆在任徵收稅課號簿並將經手稅書徐樹成徐慎之辦理交代之戶房書吏沈瑞一併解部歸案質審尋刑部奏裕昆有墊解前任同知毓芳虧短銀二萬六千八百兩有奇續交道庫銀二萬四千兩實虧稅銀六千四百兩有奇請監追餘省釋從之○丙辰諭內閣各省道府州縣於應辦案件必須迅速提訊隨案審結斷不准稍有積壓拖累閭閻前據嵩孚等奏湖北候補知縣唐樹義幫同審辦案件一年之內訊結一千餘起本日據訥爾經額奏山東委員審結京控奏咨及本省上控新舊各案六百餘起濟南府知府吳振棧審結案數較多朕均已分別施恩鼓勵惟各該省積案如此之多總由地方官延

不審結或聽斷不公因而上控及上控後並不急為清釐又致京控並有將就了結兩造未能輸服旋結旋翻者且或藉口人證不齊或以監候待質咨部展限耽延時日致原被告均受拖累而訟師乘間播弄情偽百出鄉愚墮其術中為害尤甚現在各省祇知於委員審案出力者奏請鼓勵而積壓案件之員總未據實奏殊不足以昭勸懲著各該督撫嚴飭所屬於自理詞訟及奏咨各案務須隨到隨結遇有因循不辦積案過多者一經查出即行從嚴叅辦總期功過分明力除疲玩積習以清庶獄而肅官常將此通諭知之○又諭彥德奏調劑換防弁兵一摺著照所請烏里雅蘇台換防弁兵准照科布多兩班更換之制本年換防時留弁兵一半再屆換防時將此次所留弁兵全行更換即有留駐把總外委仍每項不得過三人兵丁不得過十人均不得過兩班以符定制其每屆保舉

之年。烏里雅蘇台馬兵內。祇准保舉外委六員。實缺外委內。有奮勉出力者。准保把總一人。馬兵不得越保把總。○又諭彥德奏烏里雅蘇台地方。可否仍循舊章。額外筆帖式內揀選妥幹一員。作為委署主事。幫同理藩院章京辦理事務一摺。蒙古事務較繁。理藩院章京或經出差。竟責成額外筆帖式署理。不足以示鄭重。著照所奏。於額外筆帖式內揀選妥幹一員。作為委署主事。幫同理藩院章京辦理事務。果能勝任。俟理藩院章京缺出。再行請旨奏補主事。○朝鮮國王李璿遣使表賀

報銷。近年以來。各夷呈納之馬。多係殘廢。入廠後。易於倒斃。該官兵等格於成例。不能溢額報銷。賠償官馬。情形日增。竭蹶自應量加調劑。著照所請。嗣後此項馬匹。收交該兩營另廠牧放。續有倒斃。准其每年每百內報銷三分。自道光九年為始。另冊造報。照新定章程覈銷。以示體恤。其孳生廠出羣備差之馬。仍照舊例。按年以六釐報銷。勿得牽混。○暹羅國王鄭福遣使表賀。回疆底定。並貢方物。賞賚筵宴如例。○戊午

上詣

大高殿行禮。○還宮。○撫卹琉球國遭風難夷

如例。○己未

孝儀純皇后忌辰。遣官祭

裕陵。○以拏獲福建臺灣匪徒。免知縣張縉雲

處分。准鳳山縣知縣徐必觀。送部引見。復把

總朱國珍職

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十四

宣宗實錄

卷一百六十四

清 實 錄 道光十年二月

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

宣宗實錄卷一百六十五

子之詔子張所為必於居與行加之意也。夫為政者莫不思久安長治。與天下相見以心。顧往往氣盛則易衰。願奢則難副。好大喜功而倦以乘矣。美言小數而忠未著矣。為政不先立乎誠。而欲其成。久道臻大同也得乎人。君正位居體。設誠於內而致行之。日新時憲至密也。宵衣旰食至勤也。章志貞敬至切也。推心置腹至公也。萬年不拔之基。務遠圖不期速效。兆民允懷之治。崇實德不襲虛文。慎修所以思永。中孚所以化邦。萬世永賴。四海來格。實心實政。皆一誠之發見而充周也。豈不懿哉。直講官禧恩。白鎔。進講書經位不期。驕祿不期。侈恭儉惟德無戴。爾偽講畢。上宣御論曰。建官之制。莫備於周。凡所以勸官守。儆官常者。無不詳且慎焉。國家設位以辨等。詔祿以酬功。必使盈廷之臣。宣三德而為大夫。嚴六德而為諸侯。乃見爵非輕予。賞非濫膺。故欲防驕侈之萌。當先懷恭儉之度。誠

有非飾貌矯情所得而偽託者。周書之戒卿士。試申其旨。人臣有位於朝。受祿於國。未嘗不知寅恭之足尚。節儉之可師。然而氣既盈。則滿假潛形。用既廣。則奢靡漸啓。貴不與驕期。而驕自至。富不與侈期。而侈自來。驕侈之心。勝德則病矣。而猶欲以訓恭儉。則是襲而取之。相率而為偽者也。惡得為恭儉。古之為大臣者。銘三命而滋益恭。恥盈禮而示以儉。其備位也。為有恪。其受祿也。為不誣。果能允迪厥德。而無毫髮之偽於其間。則躋是位。必罔以寵利居功。饗是祿。必思以淡泊明志。恭以行己。而矜驕之氣悉除。儉以養廉。而怙侈之習自遠。夫然後可以致君。可以澤民。可以律身。可以寡過。兢兢焉以存誠戒偽為心。而襄贊弼諧。克成一德明良之盛也。庶幾有古大臣之風矣。禮成。上幸文淵閣。賜講官及聽講諸臣茶。復賜宴於本仁殿。○遣官祭

文昌帝君廟。○癸亥諭內閣蔣攸銛等奏籌辦建間挑河工程一摺。江蘇揚河廳高郵汛車邏南關新壩中壩等四壩上承山盱壩河減下之水每當大汛水長全賴各壩啓放宣泄惟歷次放壩河道受淤較厚據該督等勘明請分別興挑著照所請准其將新南中三壩做照車邏壩旁各建耳閘一座本年先辦新壩耳閘其南中二壩各閘分年次第興辦所有每座估需銀一萬三千餘兩共銀四萬九百餘兩著即動用河庫錢糧毋庸專款請撥所用銀兩仍由河工叢銷至壩下河道七處共估銀十萬五千餘兩除總澄子河菱絲溝二處暫行緩辦外其餘市河北關河新河運鹽河頭閘引河五處共需銀四萬三千餘兩該河本係借帑選舉民董領辦此次著照揚河廳屬閘月緩工最小方價於司庫蘆課款內借支責成該州領銀雇夫挑辦分六年攤徵還款工竣該督等覈實驗收所用司庫

墊款照例歸地方報銷○又諭奕䷄奏請於盛京將軍衙門及五部添設宗室筆帖式額缺京師各衙門除宗人府外向未設有宗室筆帖式額缺原因筆帖式職分較小未便以宗室充補盛京各衙門與京師事同一律該將軍請於將軍衙門戶禮兵刑工五部各添設宗室筆帖式一缺之處著不准行○又諭奕䷄等奏盛京從前添設委官一百員與現任職官輪流差遣尚不敷用可否再行增添委官五十員盛京自乾隆二十六年添設委官一百員以後事隔數十年一切差使並無貽誤現在該處亦未增添別項差使且翎頂國家之名器專備獎賞有勞績之人茲無故增添許多頂帶官員殊於體制不合所有奕䷄等奏請增添委官之處著不准行又諭那彥寶奏蒙古上控案件有應緝蒙古人犯未獲請定期限處分等語所奏是蒙古地方控案如有牽涉民人者責成地方官查傳向

有例限。其蒙古人證。該盟長接據咨行。轉行該扎薩克等傳喚。往往任意遷延。不即解送。屢催罔應。以致案懸莫結。豈成政體。著理藩院將蒙古上控案件。覈其情事之大小。酌定期限之遠近。如有逾限不獲者。該管扎薩克王貝勒貝子公等。應如何議處。詳定條例。奏明行知遵照。以清訟獄。尋奏。請將綏遠城各旗。照熱河定限。凡奉旨關提。及人命搶劫重案人犯。逾限一月。章京等革職。三年無過。方准開復。扎薩克罰俸六箇月。台吉罰五牲畜。盟長罰俸三箇月。逾限三月以上。章京等革職。扎薩克罰俸九箇月。台吉罰一九牲畜。盟長罰俸六箇月。如現有其人。該盟長扎薩克延不起解。從重治罪。尋常命盜案件。以次遞減。其解犯程限。定日行六十里。從之。○以福建金門鎮總兵官陳化成為水師提督。○鑄給甘肅肅州鎮屬新設金塔協副將嘉峪關鎮夷。二營遊擊清水營都司關防。從總督楊

遇春請也。○予故福建水師提督劉起龍。祭葬如例。○甲子。遣官祭先醫之神。○旌表守正捐軀安徽鳳臺縣民陳繩修女琴姐。○修山東運河廳開河閘。泗河廳丁廟閘。捕河廳靳口閘。從河道總督嚴烺請也。○乙丑。諭內閣。御史王瑋慶奏。六部重修則例。宜率由舊章。如有更改。應專摺奏明通行一摺。各衙門頒行律令。原期垂諸久遠。其有今昔異宜者。固應隨時酌改。然不必定限十年。即開館重修一次。若如該御史所稱。各部則例。十年一修。往往不能依限告成。每遲至六七年。始刊刻完竣。又未能即時頒發。其間數年之久。各省官員。既無新例可遵。又謂舊例已改。茫無所措。而書吏得以高下其手。及至刊刻頒行。將屆則例重修之時。新例又成廢本。無所遵循。且有舊例本屬美備。因回護辦法兩歧。或致舍例就案。輕為更改。甚或因開館為書吏邀請議敘地步。種種情

弊實不能保其必無。嗣後各部已頒成例。無得輕議更張。如有因時制宜。必應更正之處。隨時專摺奏明。改定。立即通行各省。一體遵照。以免書吏影射弊混。不必定限十年開館重修。致滋流弊。○又諭彥德奏。扎薩克圖汗部落之鎮國公剛當多爾濟。五年期滿。所出學習班次員缺。請另擇人員頂補。扎薩克頭等台吉齊旺扎布之長子班扎巴雅爾扎布。年幼尚堪造就。著即頂補學習行走。○諭軍

機大臣等。孫蘭枝奏。鹺務情形一摺。兩淮鹽務敝壞。由於私鹽充斥。以致官引滯銷。前已據該督等。將緝私章程奏明辦理。茲該給事中奏稱。兩湖江西等處行運之鹽。都用泥土攪雜。名曰腳鹽。民間不願買食。是以私販益銷。官引益滯。並有中途私賣。朦混領出到境印照。其實官鹽並未到境。而鄰私均係白鹽。易於銷售。又淮北鹽船載運。守淺守凍之時。往往沿途售賣。且商人收買竈戶之鹽。每多

賒欠。以致竈戶不服盤查。商人不能禁其私售。種種弊端。均應嚴行查禁。著蔣攸銑會同福森。認真查察。妥議章程具奏。務須革除積弊。以期官引暢銷。毋得有名無實。如有應飭兩湖江西遵照辦理之處。再降諭旨。該給事中原摺。著鈔給閱看。將此諭知蔣攸銑。並傳諭福森知之。○吉林將軍瑚松額丁憂。賞銀二百兩治喪。以副都統倭楞泰護吉林將軍。

上以祭

社稷壇。自是日始。齋戒三日。○丙寅。

孝淑睿皇后忌辰。遣官祭。

昌陵。○諭內閣。御史王兆琛奏。宗聖廟林傾圮。請飭動存款修葺。山東境內各聖廟林。祀典攸關。必應隨時修葺。據該御史奏。宗聖曾子廟林。自雍正年間重修。迄今百有餘年。未經補葺。碑亭寢殿及廊廡門牆。均多傾圮。急需動項修理。該處藩庫舊有民捐廟工生息一

項著訥爾經額查明此項銀兩現在實存若干。如存項寬裕。即著派委妥員前往宗聖廟林。據實勘估興修。並將元聖亞聖復聖各廟林一體查勘。如有應行修理之處。該撫即酌量緩急。分年辦理。以昭崇祀而肅觀瞻。○又諭。本日召見新授陝西西安府遺缺知府柱慶。年紀尚輕。須加歷練。著仍回戶部郎中之任。○以故喀爾喀扎薩克輔國公齊旺多爾濟弟喇布丹多爾濟襲爵。○丁卯祭

先師孔子。遣大學士長齡行禮。○諭內閣。前據御史陸以烜奏。浙江寧前等幫水手橫恣。沿途勒索旗丁錢文。逼寫溜子。稍不遂意。往往聚眾滋鬧。朕恐各省幫船亦不能免。此積習當交朱桂楨詳議章程。嚴行懲辦。茲據該漕督查明。各省幫船水手。多係貧民。強悍性成。每致恃眾滋事。全在各省糧道及總運各員。並沿途地方官協力稽查彈壓。各就滋事之大小。有犯必懲。不可意存推護。化大為小。

致兇徒罔知儆畏。著通諭有漕省分各督撫。責成糧道督率所屬各官弁。隨時認真稽查。遇有守閘守水停泊處所。將各幫水手花名年貌按冊查點。平日留心默記。一有滋事之案。即可知為某幫某人。迅即會同地方官立時查拏懲辦。如能將為首之犯拏獲。並獲犯過半者。准其寬免處分。儻日久不獲。即將本運幫弁及總運丞倅。並該管糧道分別從嚴議處。至沿途地方官催趲不能久駐河干。即

間委道員督催彈壓。亦多係棲止公館。於糧船聲援不能相通。嗣後著各該督撫派令道府一員。再酌委能事丞倅二三員。多帶兵役分段輪流乘舟稽查。設有水手滋事。及岸上游幫匪徒藉端滋鬧。立即督率州縣上緊查拏。遵照刑部奏定新例。通詳懲辦。仍由各該督撫於奏報糧船出境時。將水手有無滋事及如何懲辦之處。於摺內詳細聲敘。務期實力奉行。不可有名無實。以儆兇徒而肅漕政。

○諭軍機大臣等。朕聞河南陳州歸德。例食蘆東引鹽地方。與汝寧。光州。例食兩淮引鹽各屬。壤地相接。鹽價多寡懸殊。數日往還。即獲倍利。該處匪徒。罔知法紀。聚眾興販。由歸德之鹿邑。陳州之項城等縣置買。或以驢馱。或以車運。每起數十人。至二三百人不等。明目張膽。挺刃各持。晝夜南行。毫無顧忌。所過州縣。又有本地土棍。每一頭目。率領夥匪多人。各分地界。沿途守候私鹽經過。勒成械鬪。

地方官耽遲畏難。希圖息事。不肯認真辦理。率皆化大為小。化小為無。有息縣著名土棍李幅。不但包販私鹽。竟敢窩藏賊匪。各處竊掠。更於農民耕種之時。奪取牛隻。公然恃失主持錢贖取。屢經犯案。該上司催緝行提。總未擎獲。如此類者。尚恐不止一縣。一縣之中。亦不止此一人。聚時興販。散則即肆劫掠。曳刀手。擒匪。紅鬍子。皆由此出。上年汝光一帶。雨雪無多。收成未能十分豐足。該匪徒即夥

出滋事。乘機竊劫。地方行旅。深受其害。該管文武各員。所司何事。楊國楨由藩司升任巡撫。在豫有年。豈竟毫無聞見。若任聽梟徒肆行無忌。是不特有妨。螻政。抑且貽害閭閻。著將梟匪出沒情形。密行察訪。切實覆奏。無許稍有諱飾。自干咎戾。其息縣著名匪徒李幅。何以屢經飭屬查拏。迄未就獲。務即勒限嚴緝。速獲懲辦。以靖地方。儻有包庇隱匿情弊。並即嚴查究辦。勿得再任延玩。懍之慎之。將

此諭令知之。尋奏。私販之敢於越境。全恃擒匪為之護送。而擒匪之糾集。必有土棍為之把持。近年節次訪獲著名擒匪王發魁。趙大山。傅白牛。鄭鍾峰等。均經隨案懲辦。雖零星私販。尚難淨絕。而匪徒實已日就斂跡。惟息縣之李幅。王經。二犯尚未弋獲。報聞。又批。必須嚴拏務獲。○黑龍江副都統德海。因疾解任。以協領鄂爾托彥為副都統。○戊辰祭大社。

大稷。

上親詣行禮。○遣官祭黑龍潭。

昭靈沛澤龍王之神。玉泉山。

惠濟慈佑靈濩龍王之神。昆明湖。

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園。

惠濟祠。

河神廟。○幸圓明園。○詣綺春園問。

皇太后安。○庚午。

孝康章皇后忌辰。遣官祭。

孝陵。○命協辦大學士理藩院尚書富俊。吏部

右侍郎保昌。馳赴盛京。查勘宮內工程。○辛

未。

上幸靜明園。詣

龍神廟拈香。○遣官祭

關帝廟。○遣官祭昭忠祠。○諭內閣蔣攸銛

等奏革職知縣官聲素好。民情愛戴。請捐復

留省補用一摺。原任安徽阜陽縣知縣李復

慶。前因處決斬絞重囚互相錯誤革職。非尋

常疏忽可比。該督等所奏著不准行。○以步

軍統領耆英署鑲紅旗滿洲都統。○旌表守

正捐軀直隸東光縣民高名德妹貞姐。○貸

山東青州德州駐防官員兵丁司庫銀修理

衙署官房。○壬申。諭內閣。各衙門實缺筆帖

式。專司繙譯。每遇考試。與各項正途考試無

異。應如何嚴加防範。以杜槍替弊混。著吏部

妥議章程具奏。○又諭孫爾準等奏。請定臺

灣道出巡章程一摺。臺灣地處海外。漳泉粵

三籍民人雜處。動有械鬪搶掠之事。經前任

道孔昭虔奏定章程。道員與總兵。每年親歷

巡查一次。藉資彈壓。茲據該督等奏稱。該道

事務殷繁。巡查往返需時。若遇將軍督撫及

水陸提督過臺巡閱例期。請將該道停其出

巡。著照所請。嗣後該道除常年照例巡查外。

如屆將軍等過臺巡閱。即無庸出巡。以免煩

擾其臺灣鎮總兵。仍著每年出巡一次。○又諭已革禮部筆帖式慶芬。因王光裕等取錄譯字生。有槍替情弊。藉端勒借錢文。不遂聲言控告。迨案交刑部。輒誣為明誠告知弊端。起意為首。並在步軍統領衙門列控明誠等。及刑部承審司員各款。現經曹振鏞等逐款質訊。惟廣粵不諳清文屬實。其餘均不能指出實據。慶芬以職官屢次索詐。行同無賴。著發往新疆效力贖罪。已革禮部筆帖式廣粵。

訊無槍倩情弊。惟以筆帖式不諳繙譯。入場考試時。輒敢剽竊成篇。弊混完場。著發往軍臺效力贖罪。至禮部考試譯字生。亦應嚴防槍替。嗣後著該部覈實辦理。以除冒濫。○達賴喇嘛之呼畢勒罕。遣使呈進貢物。賜敕褒獎。賞賚如例。○旌表守正捐軀河南上蔡縣民趙驢妻胡氏。○癸酉諭內閣。各衙門筆帖式。向無在章京上行走名目。已革禮部筆帖式廣粵。上年派儀制司委署主事。該部堂諭

內。何以有並在該司章京上學習行走字樣。著那清安。潘世恩。舒夢。汪守和。色克精額。史致儼。明白回奏。尋奏堂諭錯誤。命交部議處。部議罰俸九箇月。得旨。著改為罰俸一年。不准抵銷。○甲戌月食。○諭軍機大臣等。楊遇春奏。懇免口外梨貢一摺。口外梨貢。向例由陝甘總督衙門差派弁兵。赴吐魯番採買進呈。該處距內地數千餘里。所辦梨果。仍交伯克代為採購。惟念該處窮苦回子。咸藉所藝

梨果為生。每年差往弁兵。雖經嚴立期限。飭令照額採辦。毋許擾累。誠恐道遠稽察難周。其承辦之大小伯克。輾轉假手。亦不免有藉端滋擾之弊。著自本年為始。將此項梨貢。即行停止。以杜滋擾。而示體恤。將此諭令知之。○以大學士長齡署步軍統領。定親王奕紹署鑾儀衛掌衛事大臣。○乙亥。

上詣綺春園問

皇太后安。○以鄭親王烏爾恭阿署正黃旗滿

洲都統肅親王敬敏署鑲黃旗漢軍都統大學士托津署鑲紅旗滿洲都統○丙子諭內閣據布勒亨奏護送朝鮮使臣還國中途走失朝鮮從人一名請將派差之協領交部議處一摺三河縣協領榮泰護送朝鮮使臣還國僅派令委驍騎校豐紳一人帶領兵丁護送以致走失朝鮮從人一名殊屬疏忽榮泰著交部議處委驍騎校豐紳著革退以示懲儆布勒亨亦屬失察著一併交部察議其所失朝鮮從人韓通著交直隸總督嚴飭該地方官於三河縣一帶地方訪查務獲○又諭解任四川開縣知縣孔昭焜於棍徒曹旺兒當堂罵官毆差自應依法處置乃因其不知畏懼輒聽其入棺內贖臥即飭役闔棺以致氣閉身死實屬任意妄為非法致斃孔昭焜著照部議革職按律杖一百徒三年雖事犯在恩詔以前不准援減○諭軍機大臣等前因水師總兵缺出簡用乏人降旨令該督等

保奏嗣據李鴻賓保奏萬超蒲立勳二員將攸銛保奏莊方機一員至今尚未遵旨送部引見現在福建金門海壇南澳三鎮俱係委員署理員缺久懸殊多未協著將攸銛李鴻賓即將所保各員給咨赴部引見以備簡用將此諭令知之○大學士兩江總督蔣攸銛等覆奏御史王贈芳條陳課歸場窰一摺不可行者六一場窰有商埠窰埠本池客池之別窰埠客池多極貧戶若銀歸其手然後官徵其課必至以多報少甚至有售無徵一淮引地連六省若任客商自便則鄰私侵越行銷短絀未售之鹽何能責窮窰納課必至窰鹽日積售私尤甚課額益虧一隨處販賣不憑引目官私莫辨必有占踞壟斷夥眾逞强者為地方害一向來鹽課歸商窰丁止納折色每遇蠲緩在折色不在鹽課若課歸窰戶偶遇偏災不能與折色同辦蠲緩必至藉口災荒日久課歸無著一數十場無城可恃鉅

萬鹽課。置諸海濱。若隨徵隨解。日日僉差。程護課。無此政體。一。根窩既裁。捆工算秤等。人又裁。一時失所窮民。不下數十萬。恐利未興而害先見。得旨。所奏均悉。○旌表遍嫁捐軀山東魚臺縣民王迎妻姜氏。○丁丑。諭內閣。朕聞安徽學政胡開基考試各屬。士論未能翕服。降旨。令蔣攸銛密行察訪。茲據奏。胡開基上年考試徽州寧國二府屬歙縣涇縣等處。取進文章。每有家資富足。文理平常之

人。一時士論。未能翕服。即無賄囑情弊。而雇倩槍替。懷挾鈔襲。在所不免。是胡開基局試場規。不能嚴肅。已難辭咎。豈能勝學政之任。著來京以翰林院侍讀侍講降補。○又諭福克精阿等奏。甄別總管一摺。察哈爾鑲白旗總管常德。不識滿洲蒙古文字。於公事未能明晰。不勝總管之任。著飭令仍回本營當差。太僕寺右翼牧羣總管都噶爾。前因馬匹倒斃過多。降為六品頂帶。該員近來辦理牧務。

仍多廢弛。尚無別項劣跡。著降為翼長。仍留該翼候補。以觀後效。各該處總管。有統轄一旗之責。似此不識滿洲蒙古文字者。安能辦理公事。嗣後各該旗營保送總管及揀選之王大臣。務須認真考察。毋得以不識滿洲蒙古文字之員。濫竽充數。○諭軍機大臣等。御史程煥采奏。稱江西南安府屬之上猶縣。有營前水安二處。僻處山巖。道途險峻。居民別無生業。惟以燒炭鑄鐵營生。俗尚頑悍。向為

奸宄藏匿之區。近來會匪叢集。糾黨聯盟。毫無顧忌。且妄布邪言。諸多狂悖。愚民被其欺誘。稍知退避者。又復藉勢脅從。肆行搶劫。往來行旅及本處鋪戶。無不受其擾累等語。前因江西吉安府屬泰和萬安等縣私梟會匪。為害地方。曾經降旨。飭諭蔣攸銛等。通飭嚴緝。茲據該御史所奏。較泰和等處為害滋甚。著吳光悅委員確查。如有會匪糾約肆劫。即飭屬認真查拏。淨盡。嚴行懲辦。勿任養癰貽

患。又據該御史另摺奏稱。吉安府知府劉體重。出示嚴禁匪徒賊盜。責成鄉約留心察訪。該鄉約等藉稱官有此禁。遂爾武斷鄉曲。欺嚇愚民。聚眾斂錢。私立公所。即張掛該府告示。並於告示中。蓋用鄉約某人鈐記。且有大鄉約副鄉約之名。互相勾結。供其呼喚者。多則百餘人。少亦數十人不等。有指為偷竊者。輒於公所用刑審訊。且將蔑簍包裹。沈入深潭。更難保無誣枉無辜。及挾嫌致斃情事。受其害者。多不敢經官控告。即有時控告。該鄉約眾口一詞。州縣亦無從申理等語。各州縣設立鄉約。原為約束鄉里。稽察牌保。如有盜竊及不法匪徒。即應送官究治。豈得擅行處斷。著吳光悅察訪該鄉約等。有無藉詞擾害。及致斃人命之事。如有前項情弊。立即嚴拏懲辦。並飭所屬於派充鄉約時。慎加遴選。以資董勸。而靖閭閻。將此諭令知之。尋奏。該御史所奏。均實有其事。現已派員逐細查訪。嚴

拏懲辦。報聞。○以肅親王敬敏署管理圓明園八旗內務府三旗官兵事。○命兵部左侍郎朱士彥。提督安徽學政。以禮部右侍郎楊懌。曾署兵部左侍郎。○修山西平陽府帝堯廟。蒲州府帝舜廟。從巡撫徐忻請也。○戊寅。舉行道光九年大計。熱河章異官二員。奉天年老官一員。吉林卓異官一員。直隸卓異官十六員。罷輟官一員。年老官六員。有疾官三員。才力不及官二員。浮躁官三員。江蘇卓異官九員。不謹官二員。罷輟官一員。年老官四員。有疾官二員。才力不及官一員。浮躁官一員。安徽卓異官八員。不謹官一員。年老官三員。有疾官一員。才力不及官三員。浙江卓異官十二員。不謹官二員。年老官三員。有疾官二員。才力不及官一員。福建卓異官十員。不謹官一員。年老官四員。有疾官二員。湖北卓異官十員。罷輟官一員。年老官三員。有疾官三員。才力

不及官二員。湖南卓異官十員。不謹官二員。年老官五員。有疾官二員。才力不及官一員。浮躁官一員。河南卓異官十二員。不謹官一員。罷輟官一員。年老官一員。才力不及官二員。山東卓異官十三員。不謹官二員。年老官四員。有疾官一員。浮躁官二員。山西卓異官十二員。不謹官六員。罷輟官一員。年老官二員。有疾官五員。才力不及官二員。浮躁官一員。陝西卓異官九員。年老官四員。有疾官二

員。才力不及官二員。浮躁官二員。甘肅卓異官八員。年老官五員。有疾官一員。才力不及官一員。四川卓異官十五員。年老官四員。有疾官三員。才力不及官三員。廣東卓異官十三員。不謹官二員。罷輟官一員。年老官二員。有疾官二員。才力不及官一員。雲南卓異官九員。不謹官一員。罷輟官一員。年老官二員。才力不及官二員。浮躁官二員。南河卓異官三員。年老官一員。有疾官一員。東河卓異官

一員。年老官一員。分別議敘處分如例。○己卯。軍機大臣等奏。據奕訢咨。上年

皇上巡幸盛京。交出

仁宗睿皇帝御用鞍轡威禽槍木桿槍等件。未繫皮囊。懇請補給。謹照數繕寫清漢合璧字樣進呈。候交奕訢分別拴繫。敬謹存貯。得旨。遇便發交盛京。○旌表守正被戕雲南麗江縣民和苴女阿加。逼嫁捐軀浙江義烏縣民陳世權妻朱氏。○庚辰。諭內閣。訥爾經額奏

審訊副將提貯中軍都司銀櫃。都司稟揭失實一摺。此摺撤任山東文登營都司劉興隆。於領到兵丁紅白銀兩。並不存貯公所。迨兵丁請領。不按舊章。隨時散放。多方查察。雖無剋扣情弊。而兵丁不能及時應用。經該管副將飭令製造銀櫃提署。督同支發。輒敢率行稟揭。稟詞又復失實。劉興隆著交部嚴加議處。撤任副將范樹桐。因該都司支放銀兩遲延。恐有情弊。飭令製造銀櫃。提貯該署備放。

意存慎重。並非自行經營。惟既知屬員辦理未妥。未即申請覈辦。亦有不合。范樹桐著交部議處。○諭軍機大臣等。有人奏河南省驛站額設馬匹。多則十存四五。少則十存二三。除草料工食。仍照舊報銷。侵蝕入己外。復依額設數目。勒買民間草料。所發錢文。照時價減半折扣。名曰官價。並有不給分文。逼令空具領狀。抑或按地畝攤派。竟用印票徵催。且交納之時。各處需索規費。稍不如意。料則一石僅作數斗。草則數斤祇作一斤。餘騰大半。均按官價加倍折納。稍稽時日。即斥為抗違。笞杖交加。其科派車馬。大河南北。則有飛車。牌子車。舉人車。銀兩車。紅差車。趂子車。坐馬支號馬等名目。豫省西南附近祥符等縣。凡有牛驢之家。無不編派。竟有終歲未曾當差。按日勒其納價。合計一年差費。不啻正項錢糧。各屬佐雜等。因而效尤。每年各包攬車馬若干。作為正項出息等語。各處驛站馬匹。遇

有不敷。原應隨時買補足額。其雇覓民車。本有例給銀兩。豫省州縣各驛。馬匹既多。缺額派用民間車馬。並不照例發價。又復從中漁利。楊國楨身為巡撫。豈竟毫無見聞。臬司麟慶管理驛站。是其專責。著楊國楨。督同麟慶。將各處驛站逐一清查。缺額者勒限買補。不得於民間派借。遇有驛遞額車。實不敷用。雇覓民車。即照例給價。不許擾累閭閻。如查有缺額不即買補。及藉差侵蝕勒折等弊。即行據實嚴叅懲辦。儻查辦不力。仍有前項弊端。或經朕訪聞。或有人叅奏。惟楊國楨麟慶是問。將此諭知楊國楨。並傳諭麟慶知之。○旌表守正捐軀直隸東鹿縣民靳小扶妻強氏。○辛巳。諭內閣。英惠等奏請補放防禦。所擬驍騎校人員名內。有應敬避之滿洲字。並未避寫。實屬粗心。該驍騎校之名。業經令其改寫齊克唐阿矣。著玉麟通行西北二路將軍大臣等。嗣後該管官員兵丁名內。儻有應避

字樣俱令改寫。○又諭賡音岱奏吐魯番收穫十五石細糧之官員兵丁等給予議敘並賞給鹽菜銀兩。帶領謝恩轉奏一摺。每年多收糧穀官員兵丁議敘賞賚。不過照例加恩之事。他處亦未有以此等事件具奏之案。即彼處新放幫辦旗務之伯克愛哈特巴黑謝恩。遇有應奏公事之便具奏。亦無不可。茲賡音岱以此等無關緊要之事。輒勞驛馬由報奏聞。殊不曉事。賡音岱著傳旨申飭。○壬午。

上詣綺春園問

皇太后安。○貸成都駐防官兵俸餉銀修理衙署兵房。○癸未。諭內閣。孫爾準等奏漳州臺灣二廠前任道員積壓未修各船。請飭分別遣丁齎價修辦一摺。前護汀漳龍道富信任內。有應修船五隻。盛安任內。有應修船四隻。年久愈形朽壞。必須另造。計富信名下不敷例價銀一萬三千餘兩。盛安名下不敷例價銀八千餘兩。又糜奇瑜前在臺灣道任內。積

壓未修船。除裁改外。尚有八隻。已解到銀四千兩。尚未解銀一萬二百餘兩。戰艦關繫海洋緝捕。豈可任聽久延。著該部即飭催富信盛安暨糜奇瑜各旗籍。迅速遣丁齎帶津貼不敷銀兩到閩。該督等檄飭藩司覈給各該船應領例價。一併發廠責成。現任道府督同該丁屬趕辦完竣。交營配緝。毋許再有延誤。○諭軍機大臣等。松筠等奏覈議玉麟請停止伊犁河工歲修。將生息本銀暫緩歸款。另

擬增設巴燕岱兵額一摺。巴燕岱駐防兵丁生齒日繁。原須有所瞻養。然徒議增設兵額。國家經費有常。不可漫無限制。恭查乾隆五十五年欽奉

諭旨。伊犁滿兵駐防。年久生齒日繁。自應予以養贍之資。但國家錢糧。原有定數。不容屢議增加。此次所奏四百名步甲錢糧。暫准其增添外。嗣後不得再請增給。若果因伊等人口眾多。錢糧有限。不能養贍。伊犁地方現有可

耕之地甚屬寬廣。滿洲兵丁。即不諳耕作。自可酌按名數。分給伊等地畝。令其雇人耕種。即以取得租息養贍。用資生計。著傳諭該將軍。令其盡心籌畫。務期久遠遵行等因。欽此。聖諭煌煌。誠為萬世永賴之至計。現據松筠等籌議駐防養贍之策。惟有屯田一法。可以歷久無虞。從前籌辦屯田。總因灌溉乏水。自嘉慶七年。松筠相度泉源。設法疏渠。以資灌溉。即巴燕岱地土肥潤。儘有可耕。請飭交該將

軍採擇膏腴地畝。分給各旗閒散餘丁。開墾屯種。如果因派令種地之人。牛具籽種。不能置辦。即於原奏所籌停止修河款項內酌量給予。妥為覈辦。著玉麟容安查明妥議具奏。再降諭旨。松筠等覈議原摺。著鈔寄閱看。將此諭令知之。○頒賞皇子及王公大臣內廷翰林各省督撫

御製詩初集各一部。○甲申。

上詣

大高殿行禮。○還宮。○遣官祭賢良祠。○乙酉。孝昭仁皇后忌辰。遣官祭

景陵。○諭內閣。前經降旨。令玉麟等察看額爾古倫。如與巴燕岱領隊大臣之缺不宜。即另選人員對調。茲玉麟等擬定人員。均屬人地相宜。著即照所奏。塔斯哈所遺巴燕岱領隊大臣員缺。著西朗阿調補。所遺錫部落領隊大臣員缺。著滿多布調補。所遺索倫部落領隊大臣員缺。著額爾古倫調補。○又諭嗣

後考試各衙門實缺筆帖式。著照吏部所議屆期奏派。揀檢大臣數員。彈壓副都統一員。外場監試御史六員。內場監察御史二員。在貢院考試。試前一日。監試御史在貢院門外點名揀檢。並令本衙門認識官。逐名認識。如有假冒入場者。按例懲辦外。並將認識官交部議處。至入場後。監試御史。於龍門外按名給卷。各按卷面坐號歸號。如有越號者。查出叅辦。責令彈壓副都統。監試御史。不時巡查。

務期諸弊肅清。以昭覈實。○修築河南睢州護城隄。從巡撫楊國楨請也。○以捐修河南商邱縣城垣。歸德府知府恆豫等下部議敘。紳民獎賞如例。○丙戌春分朝日於東郊。

上親詣行禮。○詣

東嶽廟拈香。○辛圓明園。○丁亥諭內閣。那彥成奏。估挑漳河故道。籌議商捐並借廉捐辦一摺。上年秋間。漳河水勢異漲。由豫省內

黃縣之慶豐莊。奪溜南趨。挾洹水併歸新衛河下注。以致直省之漳河故道。斷流淤塞。據該督查明。應與豫省同時挑濬。自張兒莊起。至岔河嘴止。應挑段落。共估需銀一萬九千八百七兩零。由官商籌議捐辦。著照所請。准其將蘆商捐銀一萬四千兩。由運司撥解。其大名道與該府縣。懇借廉捐辦銀五千八百七兩零。即於司庫耗羨項下借撥。自本年夏季為始。分作十年。在於應支養廉銀內。按季

坐扣。該督即責成大名道稽查督辦。務與豫省同時興工。統限本年三月底完竣。不准遲延草率。此項工程。係官商捐辦。著免其報銷。○又諭扎隆阿等奏。布魯特庫瓦特請安遮馬。可否賞給頂翎等語。布皮察克愛曼布魯特庫瓦特。係二品頂翎圖爾底邁買特之孫。伊祖曾經出力著績。該布魯特恭順歸附。著加恩賞給六品頂翎。○又諭扎隆阿等奏。新建盡節諸臣祠宇。請賜嘉名一摺。喀什噶爾死事諸大臣將士。現經伊薩克捐資興建。足垂久遠。覽奏惻然。著賜名彰忠祠。用昭忠蓋。該郡王急公慕義。甚屬可嘉。著將其第三子瑪默特。賞給五品頂翎。以示獎勵。○又諭已革刑部書吏周載。所控前充戶部捐納房書吏龐瑛等。私賣假照一節。據刑部行查安徽尚未咨覆。著將周載暫行監禁。俟該撫咨覆到部。及龐瑛等到案質對明確。再行分別辦理。龐瑛即龐燦。係陝西試用縣丞。現已丁憂

回籍該員寄籍宛平。祖籍山陰。著順天府府尹。浙江巡撫。一體查傳。迅速解部質審。其在逃之任松字。蔡繩祖著步軍統領衙門。順天府五城嚴拏務獲。歸案審辦。○又諭驍騎校阿勒金泰。潛逃出京。改名巴彥布。詐稱差官。在三河縣捏報中途被劫。希圖詐騙。現經該縣嚴押。其中恐尚有別情。阿勒金泰著革職。由順天府委員解交刑部。嚴審定擬具奏。失察之參領佐領族長。並該管之都統等。俱著俟定案後。再降諭旨。尋奏阿勒金泰。以在京旗員。私自潛逃。冒充現任守備。向地方官嚇詐。雖財未入手。應按律發近邊充軍。銷除旗檔。該管之都統以下各官。照例下部議處。從之。○戊子。

上詣綺春園問

皇太后安。○諭軍機大臣等。據禧恩等奏。相度鳳凰臺。魏家溝。山勢情形一摺。所奏尚屬公誠。詳細明確。惟

西陵地方寬廣。著禧恩等於此二處外。再行悉心履勘。據實具奏。朕於三月十四日。啓鑒。禧恩等即屆期在梁格莊接駕。將此諭令知之。

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十五

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十六

蘇林總督奏道員請補唐官太子太傅經仁閣學士文淵閣學士管理戶部事務上書房總辦翰林院掌院學士等官

天府府事務徐國帶加五級紀錄十八次並賞補總督官經道員吏部尚書蘇林漢軍副都統管理新營房內官房大德福等

七舍大臣楊慶會同四譯館事務加一級隨帶加六級軍功加三級紀錄五次並充鈐鈐鑄鑄官文淵閣提舉閣事七部尚書經

內務府大臣錄由蘇滿洲都統積慶內七舍大臣管理吏部尚書蘇林吏部尚書蘇林吏部尚書蘇林吏部尚書蘇林吏部尚書蘇林

蘇林總督奏徐國帶加十八級並阿副都統奏官經道員吏部尚書蘇林吏部尚書蘇林吏部尚書蘇林吏部尚書蘇林吏部尚書蘇林

奏

道光十年庚寅三月己丑朔旌表守正捐軀

浙江慶元縣民周任受妻張氏○庚寅諭內

閣朕此次恭謁

西陵啓鑒後著派定親王奕紹大學士托津長

齡協辦大學士尚書盧蔭溥留京辦事○又

諭已故參將西林寶之妻覺羅氏上年具控

伊夫身死不明經朕疊次降旨特派大臣驗

訊並交軍機大臣提到四川人證質審尚未

結案茲該氏復在都察院呈遞封章著改派

托津盧蔭溥松筠明山史致儼審訊定擬具

奏○以故未入八分輔國公敬敷子蔚樞降

襲鎮國將軍○追旌江蘇宜興荆溪二縣明

季殉節士民張琳等六十一名婦女曹黃氏

等三十七口入祀忠義孝弟節孝祠從巡撫

陶澍請也○修直隸冷口喜峯口羅文峪及

永平府等四處兵房從山海關副都統存華

請也○辛卯旌表守正捐軀河南杞縣民宋

善長妻程氏○壬辰諭內閣曹振鏞等奏審

擬回民張殿文因索欠訐訟牽控各款一摺

此案步軍統領衙門主事實和置買房間始

立典契不將佐領中保寫明迨投稅駁回誤

填佐領雖訊係業主自行謄寫不得諉為不

知且不將原契收存咎有應得理藩院額外

主事扎克當阿事不干己輒向張西柏說合

欲令和解並稱轉託刑部員外郎霍隆阿照

應雖係空言並未和息究係私和公事寶和

扎克當阿俱著交部議處○又諭刑部議奏

御史宋劼穀奏請嚴定官民藉端訛索章程

嗣後官民人等告訐之案。察其事不干己。顯係詐騙不遂。因懷挾私讎。以圖報復者。內外問刑衙門。不問虛實。立案不行。及呈內臚列多款。或涉訟後復告舉他事。但擇其切己者。准為審理。其不係干己情由。亦俱立案不行。仍各將該原告照違制律杖一百。再加枷號一箇月。係官革職。已革者與民人一例辦理。如敢妄捏干己情事。律准及至提集人證審辦。仍係不干己事者。除誣告反坐罪重者。仍

從重定擬外。其餘無論所告虛實。詐贓多寡。已未入手。俱不分首從。問發近邊充軍。仍先在犯事地方枷號三箇月。示眾滿日再行發配。係旗人。照例銷除旗檔。一例問發。該部即纂入例冊。永遠遵行。○以內閣學士容照為武備院卿。○癸巳祭先蠶之神。

皇后親詣行禮。○諭軍機大臣等。李鴻賓等奏妥議酌減夷船進口規銀一摺。各國夷船來

粵貿易。於船鈔貨稅之外。另有進口規銀一項。原與正餉不同。據該督等查明。懇請量為變通。著照所請。嗣後各國夷船進口規銀。倣照康熙二十四年酌減洋船鈔銀二分之例。將一二三等各船規銀。均減去十分之二。以示體恤。將此諭知李鴻賓。盧坤。並傳諭中祥知之。○以故廣西羅白土官梁懋英姪維嵩襲職。○緩徵河南湯陰縣涸復地畝舊賦。○甲午。

上詣綺春園問

皇太后安。○諭內閣。扎隆阿等奏。前此回疆軍務。隨同大兵出關餘丁。及運送軍裝夫役人等。凱撤時多半未隨入關。此項無業流民。散處各城。必須給以口糧。遣令各歸原籍。著照所請。准其每名每站日給口糧麵一斤。沿途支領。至嘉峪關為止。俾令回籍。即著知照各城大臣一體查辦。並著陝甘總督吐魯番領隊大臣。嗣後凡由內地出關。及由北路南來

各人民。務飭該管道廳查明實係客商帶有貨物者。方准給票出關。其單身無業之人。一概不准給票。以杜冒混。○又諭扎隆阿等奏拏獲糾眾謀搶糧餉局逆匪。並究出曾經另案搶擄得贓各犯。分別辦理一摺。此案高連陞以釋罪遣犯。因病逗留。前曾乘機搶劫阿奇木衙門元寶衣物。漏網經年。尚未獲辦。復敢勾結新兵羅興海。轉糾約謀搶市集。恐致期遠事洩。起意先行放火劫庫。現經扎隆阿等聞報密飭查拏。訊明分別正法。所辦甚好。換防藍翎馬兵馮敏。因案犯羅貴兩次往尋。詰出欲糾各情。隨即前往探實逆謀。立時密稟查拏。隨同偵獲各犯。實屬能知大義。奮勉出力。著以千總即行超補。以示獎勵。換防馬兵馬永和。先報風聞。隨同獲犯出力。著以經制外委即行拔補。代理中營遊擊涼州協副將賴允貴。一有風聞。即行嚴備。不動聲色。密速查拏就獲。尤為出力。著交部從優議敘。

該管右營署千總恩騎尉王進才。把總于士魁。經制外委馬繼武。於兵丁羅興海勾結謀逆。毫無覺察。著一併斥革。王進才恩騎尉世職。並即革去。所遺各缺。准其於在防出力人員內揀選拔補。該管城守營遊擊阿克敦保。管理臺市。是其專責。乃平日不能查逐流氓。迨高連陞等糾結謀逆。漫無覺察。著交部議處。其該管右營將備及臺市備弁。均經隨同先事獲犯。著免其議處。○命和闐領隊大臣武隆阿來京。賞盛京工部侍郎誠端副都統銜。為和闐領隊大臣。○禮部議准。安徽巡撫鄧廷楨疏報。採訪鳳臺縣貞節婦女陳沈氏等六百九口。請建總坊旌表。從之。○戶部議准。陝甘總督楊遇春疏報。烏魯木齊所屬開墾田九頃六十畝。照例升科。從之。○乙未諭內閣。御史王鑄奏。請嚴禁州縣書差擾害一摺。國家設官在於安民。安民莫切於州縣。州縣中擾害百姓者。莫甚於書差。書差之弊不

除州縣雖潔已奉公。百姓終不免於擾累。如該御史所奏。州縣書差奉票傳人。必向兩造需索差錢。差役需錢。至百餘千及數百千之多。書吏所索。必加一倍。其欲不飽。必多方勒索。遂其所欲而止。又於地方殷實之家。搭臺擾害。每每結連訟師土棍。平空捏造事端。商令一人出控。隨令數人說和。詐錢分用。魚肉鄉愚。至州縣辦理命案。傳訊鄰佑。期得實情。書差輒借查傳鄰佑之名。將同村居民挨門

傳喚。用言恐嚇。並擾及數里之內。名曰飛鄰。致無辜濫行拖累。至匪徒結夥營私。必不能瞞書差耳目。書差受其成規。代為包庇。或潛通消息。是以州縣緝捕雖勤。匪徒每不能即時弋獲。種種擾害情弊。不可不嚴行查禁。著通諭各督撫嚴飭州縣。於書差人等務須嚴加約束。遇有前項情弊。立即徹底根究。按例懲辦。毋得稍事姑容。並令該管道府不時留心查訪。以除積蠹。○又諭御史范承祖奏刑

部現審案件。請按限審結。以免拖累。刑部現審事件。例有定限。如有逾限不結者。視其遲延月日。定以處分之輕重。載諸令甲。原以刑部總理庶獄。不准例外拖延。致滋弊竇。近來該部於奏交之案。尚不致過於稽延。而尋常咨送案件。藉端延宕。在所不免。該堂官從未將承審逾限司員查明參處。定例幾成虛設。該御史所奏。不為無因。嗣後該堂官於現審案件。不特奏交之事。當飭承審司員趕緊鞫

訊。即各衙門咨送事件。亦須依限審結。如有入證不齊。或正犯患病。必須展限者。務即呈堂存案。不准藉端扣展。僅逾限不結。或藉詞延宕。即將承審司員參處。以清訟獄。而免羈累。○諭軍機大臣等。寄諭陝西巡撫鄂山。有人條奏陝西同州府屬之朝邑縣。數年之內。除盜竊不計外。前後掘冢取財者。至數十案。如附近縣城之白家社。田子村。寺後社。東林村。嚴伯村等處。或二三起。或五、六起。均報案

未經獲賊。又道光六年。有長隨黃升。自直隸回籍。經過朝邑。被人劫殺。取財。兇犯至今無獲。屍親催緝。轉被掌責。又大荔蒲城。間有無賴棍徒。名曰刀客。皆係械鬪餘黨。因平時抵禦回民。練習拳勇。無事則掖刀遊食。散居各邑市鎮。結交捕役。每一招呼。百十為羣。奸民得所倚仗。良民被其逼脅。如縣令嚴明。則刀客不敢入境。或招告按拏。遂相率迭竄。又西安府屬之臨潼。渭南。同州府屬之大荔。蒲城。

朝邑。一帶毗連之處。名羌白鎮。該地方回漢雜居。因事械鬪。無歲無之。前年臨潼縣回漢互殺之案。甫經辦結。又有大荔縣八女井械鬪之事。均距羌白鎮不遠。緣春初麥苗發生。回民與販羊隻千百為羣。持鐵鞭斧刀等物。乘夜牧放。肆行踐踏。漢民防護田苗。截斷羊隻。因此糾結相鬪。至冬間回民盜砍樹木。漢民追捕。又至相鬪。彼此各集數百人。並有烏槍鉛藥兵器。傷害多命。經地方官緝拏。而械

鬪自若。莫可禁止等語。發掘墳冢。及劫殺取財之案。如果地方官上緊緝兇。何至日久無獲。至刀客結交捕役。聚眾生事。逼脅良民。最為地方之害。著該撫查明。責成該州縣迅速嚴拏究辦。毋任遠颺。其回漢械鬪。相尋不已。成何政體。地方文武所司何事。自應設法嚴禁。並著飭屬認真稽查。其縱容之縣令。即行叅劾。隨時懲創。以靖閭閻。若畏難苟安。一味寬縱。貽患將來。責有攸歸。朕不能稍為寬貸。

也將此諭令知之。○丙申。遣官祭

歷代帝王廟。○諭內閣。兵部議覆楊遇春奏。籌款生息。增設甘肅涼州。莊浪。滿洲營餘兵。請照該省駐防滿洲營閒散。酌補附近綠營兵缺。可期行之久遠。著該督即於涼州。莊浪。二處綠營額兵內。酌量馬步之多寡。均勻挑補二成。以資調劑。其所請籌款生息。增添餘兵之處。著毋庸議。○又諭。蔣攸銛奏。失察兵丁聚賭。拒捕傷官之該管前任都司。請交部

議處等語。所參是。此案如臬縣營兵楊必耀在家聚賭。經如臬縣主簿陳德培巡夜查拏。膽敢令伊子楊殿魁等趕奪。復將陳德培誣姦挾制。據該督查明。係前任都司在任姑息。以致營兵藐視官長。釀成巨案。除該管都司孫萬清現在飭查照例咨參外。其前任都司升署江南蘇松鎮外海水師中營遊擊俞大銓著交部先行議處。以示懲儆。○又諭喀什噶爾陣亡之原任護軍校德保之妻孀婦無嗣。又不願朱克特恩為嗣承襲。著照例賞給雲騎尉半俸。以養餘年。○諭軍機大臣等。禧恩等奏。覆看各山情形一摺。梁格莊西南之郎山等處。及涑水境內山勢。經禧恩等詳加相度。均難備選。半壁店左近。尚有山地。禧恩等履看後。回京覆命可也。將此諭令知之。○命御前侍衛吉倫泰。乾清門侍衛慶敏。武備院卿容照恭。詣西陵查看紅椿。並周圍風水牆垣。○鑄給山西

平定州屬柏井驛丞兼管甘桃驛條記。從巡撫徐忻請也。○以校刊安徽省志完竣。予州判龔鉞等升敘有差。○丁酉上詣大高殿行禮。○還宮。○諭內閣。嵩孚奏。已革寶慶協副將周添章。於兵丁酗酒滋事。不即責革。輒聽受挾制之言。罰經歷演戲。該督前請革職。咎所應得。惟該員曾在軍營出力。且寶慶協任內操防尚屬勤奮。著降為都司。歸部選用。寶慶府經歷邵廷熙。因李希得出言頂撞。量子責懲。與擅受不同。惟聽從受罰。殊屬不合。著交部議處。邵陽縣知縣甘慶增。聽從調處。勸令演戲。著交部察議。○戊戌。諭內閣。朕於本月十四日。啓鑾領侍衛內大臣。祇餘瑪呢巴達喇等四人。著派綿恩。博啓圖。隨同領侍衛內大臣進班。綿恩同福克津。輪流帶領後扈侍衛隨扈。○又諭昇寅等奏。拏獲搶奪西藏商人等貨物之賊番一摺。前藏貿易

番目納木云達克等被四川果洛克賊番搶奪貨物牛馬槍斃人命。前經降旨令該將軍等派員緝拏賊賊。茲據昇寅等奏已將首犯桑珠蚌等躡拏。該犯於被拏時。輒敢糾眾拒捕。當經官兵將抗拒之桑珠蚌等當時格殺。其現獲之亦當笑等。於審明後業已分別斬梟。各按罪名定擬。所有按獲原賊著照向例飭司委估變價。解交西寧。飭令番商承領。○又諭兵部議覆裕恩奏調劑熱河駐防閒散。

請移駐吉林雙城堡屯田。以資養贍。事屬可行。所有現在情願移駐之間散一百餘戶。著准其前往。其移駐章程著戶部覈議具奏。至挑補綠營兵額。前經該部議定十分之二。自應遵照原議章程辦理。該部統所請酌加三成。及成格前請添設養育兵之處。均毋庸議。○又諭山東候補道員王殊渥上年試用期滿。降旨留於該省以簡缺道員酌補。茲據訥爾經額奏山東道員並無簡缺。現在南漕將

次入境。派令該員彈壓照料。可否將該員留於東省差委。遇有相當道員缺出。酌量奏請恩施等語。該撫既稱東省道員均係請旨簡放之缺。並無簡缺可補。又稱遇有相當道員缺出。將該員奏補。實屬自相矛盾。且該省催趲漕船。尚不乏人。豈必需該道在彼方能照料。所請不准行。王殊渥著即飭令赴部。照例銓選。○河東河道總督嚴烺奏河南蘭儀廳屬蘭陽汛八堡東柴壩頭埽水勢湍激。請添

拋碎石以資蓋護。從之。○己亥。

孝賢純皇后忌辰。遣官祭

裕陵。○

上耕藉。詣

先農壇行禮。更服至耜田所。

躬耕三推。復加一推。

御觀耕臺。命睿親王仁壽。豫親王裕全。成郡王

載銳。各五推。吏部右侍郎白鎔。戶部右侍郎李宗昉。禮部右侍郎楊懌。曾兵部右侍郎桂

輪刑部右侍郎祁項。工部左侍郎奕經。都察院左副都御史鐵麟。通政使司參議恩銘。大理寺卿德厚。各九推畢。順天府府尹率農夫終畝。賞賚農夫耆老如例。○詣關帝廟拈香。○幸圓明園。○庚子。上詣綺春園問皇太后安。○修熱河河屯協左右兩營兵房。從都統裕恩請也。○辛丑。清明節。上詣安佑宮行禮。○遣官祭永陵。福陵。昭陵。昭西陵。孝陵。孝東陵。景陵。泰陵。	輪刑部右侍郎祁項。工部左侍郎奕經。都察院左副都御史鐵麟。通政使司參議恩銘。大理寺卿德厚。各九推畢。順天府府尹率農夫終畝。賞賚農夫耆老如例。○詣關帝廟拈香。○幸圓明園。○庚子。上詣綺春園問皇太后安。○修熱河河屯協左右兩營兵房。從都統裕恩請也。○辛丑。清明節。上詣安佑宮行禮。○遣官祭永陵。福陵。昭陵。昭西陵。孝陵。孝東陵。景陵。泰陵。
--	--

泰東陵。裕陵。昌陵。○遣官祭孝穆皇后殯宮。○遣官祭端慧皇太子園寢。○諭內閣。理藩院。額外主事扎克當阿。著照部議降三級調用。不准抵銷。步軍統領衙門主事寶和。典置房契。誤填佐領。不得諉為不知。且不將原契收存。咎有應得。乃不遵旨聽候部議。率以儻被降革。餉口無資等詞。在吏部呈訴。意在求輕處分。實屬不安本分。此風斷不可長。未便仍照不應重私罪律降三級調用。寶和著即革職。以示懲儆。○諭軍機大臣等。據御史徐廣縉奏。江蘇候補道張應銓。曾任通州分司。卸事後即在揚州行鹽。立有店號。嗣又捐升道員。將資本交伊甥婿出名經理。而出入會計。仍係該員暗中主持。且該員在揚州雙橋巷置有房產。住居十餘年。人所共知。乃於分發江蘇之	泰東陵。裕陵。昌陵。○遣官祭孝穆皇后殯宮。○遣官祭端慧皇太子園寢。○諭內閣。理藩院。額外主事扎克當阿。著照部議降三級調用。不准抵銷。步軍統領衙門主事寶和。典置房契。誤填佐領。不得諉為不知。且不將原契收存。咎有應得。乃不遵旨聽候部議。率以儻被降革。餉口無資等詞。在吏部呈訴。意在求輕處分。實屬不安本分。此風斷不可長。未便仍照不應重私罪律降三級調用。寶和著即革職。以示懲儆。○諭軍機大臣等。據御史徐廣縉奏。江蘇候補道張應銓。曾任通州分司。卸事後即在揚州行鹽。立有店號。嗣又捐升道員。將資本交伊甥婿出名經理。而出入會計。仍係該員暗中主持。且該員在揚州雙橋巷置有房產。住居十餘年。人所共知。乃於分發江蘇之
--	--

時既不呈請迴避於前。及委署兩淮運司。又不呈請迴避於後。以致物議沸騰。有既作官來。又作商之謠。該員不得已。始將運司印信進省呈繳。請旨飭查等語。所奏甚是。各地方官如在商籍。省分行銷鹽務。本有住址產業。定例俱應迴避。候補道張應銓。如果向在揚州行鹽。置有房產。何以分發江蘇。及委署運司時。兩次均不呈請迴避。著陶澍即將該員在揚州地方。有無行鹽店號房產住址。及因

何不請迴避之處。確切查明。據實具奏。將此諭令知之。○湖南巡撫康紹鏞奏。澧州上下夕陽二垸。及濱湖水涸淤高田一百四十二頃有奇。請照例升科。仍豁免木浪。熊家烏衣。夜鶴大池。五垸未涸田畝額賦。並前借籽種銀從之。○壬寅

上奉

皇太后啓鑒恭謁

西陵○詣盧溝橋

龍神廟拈香。○詣

皇太后行宮問安。○諭軍機大臣等。現在四川省總督藩司臬司。俱係滿洲人員。必須以漢員調補。著琦善於桂良。吉恆。二員內詳加酌量。應以何人留任。何人調任。據實覆奏。再降諭旨。將此諭令知之。尋奏詳加酌量。應以布政使桂良留任。按察使吉恆調任。報聞。○調綏遠城將軍那彥寶為成都將軍。成都將軍昇寅為綏遠城將軍。○以告病廣西都結州土官農恩注子際蘭襲職。○旌表守正捐軀山西靈石縣民郝大貴妻宋氏。江蘇銅山縣民賀得申妻宗氏。○免蹕路經過地方本年額賦十分之三。○貸湖南乾州鳳凰永綏古丈坪保靖五廳縣屯丁及苗佃籽種口糧。○是日駐蹕黃新莊行宮。○癸卯

上詣

皇太后行宮問安。○諭軍機大臣等。孫爾準奏請將福建浙江各營添製擡礮一摺。擡礮一

項。攜用靈便。原是軍中利器。惟南省北省。人力不齊。即閩浙水陸標營地勢情形。亦復不一。若遽概行添設。將來演用不能得力。轉恐有名無實。孫爾準現已照式製造一門。著於督標之外。或令水陸各提鎮先製造一二門。試行演放。如果用之得力。各標營俱能取法。再行詳細奏明。候旨遵辦。將此諭令知之。○以辦理烏什軍需報銷出力。賞八品筆帖式職銜繩格。以七品小京官。即補。餘選補有差。○是日。駐蹕半壁店行宮。○甲辰。

上詣

皇太后行宮問安。○諭內閣。朕聞盛京將軍奕顯有演戲宴會之事。特命富俊等前往詳查。茲據奏稱。沿途採訪輿論。知瀋陽城本有弋腔戲兩班。近又到一徽班。將軍府內時常演劇。比到省密訪相同。並查得該將軍服用一切。諸近奢華。務耽豐美。副都統常明亦喜演戲宴會。性近奢靡等語。盛京為根本重地。風

俗素稱淳樸。將軍副都統表率一方。遇有旗民及地方官吏。習尚澆漓。尚應力加整飭。乃竟時常宴樂。自蹈繁華。豈能勝將軍副都統之任。奕顯常明著交宗人府兵部嚴加議處。即來京聽候部議。富俊著暫留盛京。署理將軍印務。保昌即帶同司員回京覆命。陪都地方。斷不容戲班聚集。日趨侈靡。著富俊即將盛京城內外所有戲班雜劇。概行驅逐。飭令地方官嚴行查察。嗣後再不准潛行入境。每屆年終。著該將軍會同五部侍郎奉天府府尹。將境內並無戲班之處。聯名具奏。如再查有潛留之事。惟該將軍等是問。○調吉林將軍瑚松額。為盛京將軍。以察哈爾都統福克精阿。為吉林將軍。泰寧鎮總兵官武忠額。為察哈爾都統。調鑲紅旗蒙古副都統額爾登。為盛京副都統。○以戶部左侍郎敬徵。署泰寧鎮總兵官。兼總管內務府大臣。○是日。駐蹕秋瀾行宮。○乙巳。

上詣

皇太后行宮問安○命定親王奕紹署管理欽

天監事○以理藩院右侍郎常文兼鑲紅旗

蒙古副都統○以正藍旗漢軍副都統六十

五署正紅旗護軍統領○賞看守黃新莊半

壁店秋瀾梁格莊行宮弁兵半月錢糧○是

日駐蹕梁格莊行宮○丙午

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○詣

皇太后行宮問安○諭內閣福綿奏科布多屯

田緊要請留熟悉換班弁兵一摺科布多每

歲應放兵糧向於屯田所獲糧石內支放該

處蒙古兵人數雖多不諳耕耨全賴綠營兵

丁教引播種該大臣因值弁兵換班之期恐

全行更換有誤屯田自係實在情形著照所

請准其將應換弁兵一百六十九員名內酌

留管屯官弁三員屯兵六十名以資熟手俟

下屆換防時將此次所留弁兵全行更換該

大臣即將新到換防官兵挑撥屯田學習農

務○鑄給陝西西甯府屬丹噶爾撫邊同知

並隴西縣丞訓導關防條記從總督楊遇春

請也○以故雲南騰越廳土司刀如蓮子永

壽襲職○旌表守正被戕廣東曲江縣民朱

慶元妹松娣朱醮保妻江氏○是日回鑾駐

蹕秋瀾行宮○丁未

上詣

皇太后行宮問安○諭內閣塔爾巴哈台領隊

大臣德勒格爾桑上年於所帶官兵在卡倫

與哈薩克交結往來漫無覺察及至釀成命

案又不親訊明確率行呈報非尋常疏懈可

比著降為三等侍衛即行撤任回京○賞二

等侍衛尤盛德頭等侍衛為塔爾巴哈台領隊大臣。○是日駐蹕半壁店行宮。○戊申。

上詣

皇太后行宮問安恭送

皇太后回綺春園。○撫卹日本國遭風難夷如

例。○是日駐蹕黃新莊行宮。○己酉。

上幸南苑。○以呈進馬匹乘騎穩速賞前任塔

爾巴哈台領隊大臣降補三等侍衛德勒格爾桑二等侍衛在乾清門行走。○旌表守正

捐軀四川西充縣民王自權妻趙氏。○是日

駐蹕新衙門行宮。○庚戌。

上行圍。○江西巡撫吳光悅奏察看江西現在

情形得旨覽奏均悉朕看何增元是一長厚之人薩興阿無非中等人物皆難望其理繁

治劇至王鳳生已另有用處南贛道府二缺

汝可在通省道府中留心查看如有可調者

即行奏調若不得其人素所深知者亦可

密奏總要人地相宜方好通省營務尤當加

意講求認真訓練斷不可專尚虛文圖治之道不出乎除莠安良進賢退不肖汝切誌之日久必有功效也勉之。○旌表守正捐軀湖南湘鄉縣民蔣俸翔妻成氏河南鹿邑縣民徐尚林妻劉氏。○是日駐蹕團河行宮。至壬子皆如之。○辛亥諭內閣奕勳奏圍禁宗室圖克坦許控官員撞騙究出該犯誘姦雇工並私出高牆姦宿婦女請交部嚴審一摺此案圖克坦以嚴行銷錄永遠圍禁之犯復敢出入自由種種任意妄為實屬怙惡不悛藐法已極覺羅族長萬德職司彈壓不能嚴行約束轉商同托莫爾歡等代擬保奏釋放摺底未必僅為搪塞借貸起見難保無別項情弊必須徹底根究以成信讞筆帖式萬德佛保住均著解任交署將軍富俊提同宗室托莫爾歡及案內一千人證嚴審確情按律定擬具奏至高牆內彈壓各官及值班官兵等任聽圖克坦私開刑具出外妄為顯有知情

故縱情弊。著於定案時分別參辦。奕額失於覺察。亦俟定案時附參再降諭旨。○又諭伯都訥理事同知文慶。於該處民人王安等私開荒地隱種一千餘畝之多。未經查出。非尋常失察可比。著照部議革職。嗣後如有似此失察私墾地畝之案。即照部議辦理。毋庸票擬雙簽。○涼州副都統武爾袞布因病解任。以呼蘭城守尉壽昌為涼州副都統。○以射鵠中箭三枝。賞乾清門侍衛巴里善黃馬褂。

○賞看守南苑各行宮苑戶一月錢糧。海戶銀一千兩。○壬子。

上行圍。○諭內閣。玉麟等奏據哈薩克汗阿勒坦沙拉等呈請遣子入覲。仍遵前降諭旨。明白曉諭一摺。哈薩克汗阿勒坦沙拉等呈請入覲。係伊等誠悃。甚屬可嘉。玉麟等已遵前降諭旨。明白曉諭。令其暫回遊牧候旨。所辦甚是。嗣後如有似此籲請朝覲者。即照此明白曉諭。俟朕巡幸熱河有期。再行豫降諭旨。

該將軍玉麟等即將所屬哈薩克汗王台吉等酌定人數。分為年限。照從前辦過之例。由草地行至熱河陞見。將此遇便明白曉諭。哈薩克汗阿勒坦沙拉等。俾各遵行。○又諭蔣攸銛等奏。審訊屢請試採禁山之廩生。並嚴定章程。禁止開採一摺。此案上高縣廩生陳泰來。屢請試採封禁山場礦苗。且將原勘有礙居民田廬之山。捏詞呈控。雖訊無惑眾捐資情事。殊屬申訴不實。事在赦前。准其免罪。

著即將廩生斥革。不准開復。以示懲儆。生員林春及借銀之羅作棟。均不知情。著免其置議。至宜春縣所轄登坼裏及毗連之松樹壁。韓婆坳棚卜裏等山。萍鄉縣所轄之葉絲沖山。著概行永遠封禁。不准開採。即照該督等所定章程。責成該管文武各員。嚴行稽查。結報。如有匪徒偷挖情弊。立即嚴拏懲辦。儆該管員弁巡察不力。該管上司結報不實。即行叅處。○賞南苑總領章京等銀幣有差。○展

緩江西漕船應還前借天津道庫銀限二年

○癸丑

上詣

永慕寺行禮

關帝廟拈香○諭內閣朱桂楨奏蘇州重運幫船未能遵照向例隨同首進各幫過淮盤驗請交部議處等語向來首進幫船過淮盤驗總有蘇州重運數幫隨同截數據該漕督查明因蘇常一帶運道淺澀蘇州首幫僅止

離次在後各幫仍未跟接前進該漕督督催不力著照所請交部議處蘇松糧道陳鑾於該地方寬濶催剝事宜未能先事豫籌著一併交部議處並著陶澍嚴飭該地方官認真上緊撈挖多備剝船起運務令依次抵壩渡黃勿再延誤干咎○雲南開化鎮總兵官胥耀宗年老休致調臨元鎮總兵官鶴凌阿為開化鎮總兵官以四川督標中軍副將張琴為臨元鎮總兵官○是日駐蹕舊衙門行宮

○甲寅

上還圓明園○詣綺春園問

皇太后安○乙卯調黑龍江將軍特依順保為

寧夏將軍以正黃旗蒙古都統富僧德為黑

龍江將軍兵部左侍郎博啓圖兼正黃旗蒙

古都統○予故寧夏將軍格布舍祭葬如例

並賞銀三百兩治喪謚昭武○丙辰諭內閣

盛京為王化所基俗尚敦龐人安樸素洵足

為直省觀型自前任將軍晉昌莅官有年不

知振作遂致風氣漸不及前朕特簡任奕顯

前往更代瀕行屢經面諭務宜力崇節儉勤

習騎射俾旗民咸知本務共挽澆漓朕上年

躬莅陪都又復屢次召見諄諄訓誡勸勉不

啻至再至三奕顯當如何感激思奮加慎加

勉仰副朕意乃不能崇實黜華轉以表率一

方之人先蹈侈靡陋習豈不大負委任茲據

宗人府兵部奏請將奕顯等照溺職例議處

實屬咎所應得奕顯著革去盛京將軍並奉

恩鎮國公爵賞給頭等侍衛常明著革去盛京副都統賞給四等侍衛俱在大門上行走以為習尚奢靡者戒○又諭阮元等奏營員訐控上司旋據具悔仍請解任質訊一摺此案遊擊石鑑稟控總兵孔廣源坐轎役兵派扣盤費等款事關屬員揭告上司違例妄為虛實俱應究辦該督等正在委員嚴查即據石鑑以前稟冒昧備文具悔是否係屬誤聽營書之言始控旋悔抑實有各款情弊必須

徹底根究以肅營伍鎮遠鎮標左營遊擊石鑑經手之署中軍遊擊事准補都勻協左營都司都隆阿俱著解任鎮遠鎮總兵孔廣源亦著暫行解任交阮元親提案內弁兵人等調齊營卷秉公研審確情分別虛實按律定擬具奏○又諭吳光悅奏劣員假公挾制請旨查辦一摺江西蓮花廳黃陂司巡檢馮懷因在覈辦大計之時自知劣跡難掩輒稟訐該廳歷任徵收錢漕有侵那流抵情弊冀圖

挾制此種刁風斷不可長江西吏治廢弛已極必應認真整飭馮懷著仍歸大計案內叅劾即行撤任交該撫提省審辦並提該廳歷任徵收印冊交代案卷飭調先已告病卸事之同知徐榮等逐一秉公覈算明確如果所稟屬實即將該廳前後各任嚴叅審辦儻該巡檢捏砌妄稟著即拏問治罪毋稍寬縱以儆官邪而肅吏治○以署鑲黃旗滿洲副都統恆敬為正白旗漢軍副都統鑲紅旗蒙古

都統哈琅阿管善撲營事○修江南省城關帝廟並昭忠祠從大學士總督蔣攸銑請也○丁巳諭內閣奕顯前在盛京將軍任內時常演戲宴樂該處五部侍郎近在同城豈竟毫無聞見乃平日並無一人奏及迨朕上年躬莅陪都疊經召見該侍郎等又不據實面陳殊屬非是多山凱音布那丹珠特登額誠端均著交部議處興科彭淩亦有奏事之責均未具奏俱著交部察議○戊午

上奉

皇太后幸如園進膳。○諭內閣各省關稅徵收銀兩。本有定額。不容絲毫虧短。近來各監督具奏徵不足額者甚多。即如恆榮前奏淮關一年內短收銀至六萬九百五十餘兩。文祥奏浙甯關一年內短收銀至六萬五百八十餘兩。似此徵收不力。年復一年。何所底止。嗣後各關應如何立定章程。分別功過賞罰之處。著戶部會同內務府妥議具奏。○又諭劉

彬士奏援案停止鹽斤加價一摺。兩浙正票肩餘各引。加增餘價。無論新舊綱引。著以奉旨之日為始。停止加價。仍將在前徵存餘價截數報撥。該部知道。○又諭徐圻奏省標兵糧。請照舊本折兼放一摺。山西撫標左右兩營及太原城守營兵丁應支月米。向係本折兼放。嗣以糧價昂貴。奏准改放本色。茲據該撫查明各州縣轉運米豆。所給運費不敷。轉滋虧累。著照所請。即將省標各營兵米。仍照

舊本折兼放。並將籌給州縣運費銀四千兩。零賞給各兵。俾均勻津貼。得霑實惠。該部知道。

大清宣宗效天符運立中體正至文聖武智勇仁慈儉勤孝敏成皇帝實錄卷之一百六十六

大清宣宗欽天符運立中體正至文聖武智勇
仁慈儉勤孝敏成皇帝實錄卷之一百六十七

監修纂修官臣等謹將宣宗成皇帝實錄卷之一百六十七

天序神武聖德昭著五載紀年十八歲實錄纂修官臣等謹將宣宗成皇帝實錄卷之一百六十七

七全大皇帝實錄纂修官臣等謹將宣宗成皇帝實錄卷之一百六十七

內務府大臣等謹將宣宗成皇帝實錄卷之一百六十七

醫院等處事務處等加十八日阿爾巴特等處事務處等加十八日

就修

道光十年庚寅夏四月己未朔享

太廟命皇長子奕緯恭代行禮○修築山東四

女寺支河壩座從巡撫訥爾經額請也○度

申

上御勤政殿聽政○諭內閣此次熱河兵丁移

駐吉林徑由口外行走著直隸總督派委道

府大員會同該處協領等官彈壓護送務令

安靜行走沿途不許滋生事端○至錦州後仍

照向例由威京將軍奉天府尹錦州副都

統遞派文武員弁接管前進○以詹事府少

詹事沈岐為詹事○以捐修陝西沔縣城垣

予監生曹宗鑑等議敘○准大通橋車戶承

買黑豆二萬石津貼車價○辛酉諭內閣敬

徵奏遵旨查明具報未修等工一摺前據吉

倫泰等奏查看

西陵周圍有續報未修等工當經降旨著敬徵

詳細覆查茲據查明西口子門及許家峪等

處應行分別修理所有西口子門南至南山

根一段原設大柵欄著改設鹿角木三十七

丈責令西口子門弁兵就近看守其許家峪

蕨菜溝巴蓋溝三峯嶺金龍背泰寧寺六段

柵木著添設紅椿二百二十根即就近汛派

撥弁兵看守○至周圍牆垣東北口子門迤東

裏皮坍塌一段西口子門西北口子門東北

口子門門樓門扇均已朽脫落俱著交易

州工部如式修理安設工竣著敬徵親往查

勘以昭慎重○諭軍機大臣等昨日吏部引

見三月分月選官內山西浮山縣知縣潘名

魁。西川仁壽縣知縣馬百齡。原選彭山縣調補山東范縣知縣葉稱齡。俱係捐班人員。年歲尚輕。恐少歷練。貽誤地方。著該督撫等詳加察看。能否勝任。不可因其年力尚壯。稍事姑容。將此各諭令知之。○修直隸保定府南關外河道。並徐河石橋。從總督那彥成請也。○以防禦野番出力。予陝西副將馬鳴謙等議敘。賞加咱族千戶什噶洛。千布桑族千戶完的。花翎。剛查族千戶完的。塔爾。藍翎。餘加

銜升補有差。○准浙江提督王雄。復姓戴氏。○壬戌。

上詣綺春園問

皇太后安。○免盛京錦州莊頭折交租穀。並應

納租銀。○癸亥。以翰林院侍講張岳崧。充日講起居注官。○甲子。

上奉

皇太后幸萬壽山鑑遠堂進膳。○以大學士托津。署戶部尚書。工部尚書穆彰阿。署總管內

務府大臣。定親王奕紹。署管理鑾儀衛事。肅親王敬敏。署管理圓明園八旗內務府三旗官兵事。兵部尚書松筠。署正黃旗滿洲都統。○乙丑。以故鎮國將軍碩壽子寶英。襲職。○修建直隸大城。安。新安。青。并。涇。沙河。曲。周。雞。澤。邯鄲。大名。保安。懷來。廣昌。安平。十四州縣監獄。撫寧。容城。高陽。獻。阜平。贊皇。懷來。懷安。廣平。開。大名。易。遵化。十三州縣常平倉廩。並文安縣典史銜署。從總督那彥成請也。○丙

寅。旌表守正被戕山東益都縣民仇泳和女仇氏。○丁卯。緩徵直隸寧河。安。靜海。滄。南皮。鹽山。大名。長垣。豐潤。玉田。陸。平。寧。晉。十二州縣被水被旱災民新舊糧租。○戊辰。

上御合輝樓。閱侍衛騎射。○添雇山東臨清開剝船五百隻。以資起運。從巡撫訥爾經額請也。○給江蘇沛縣貧民口糧。○庚午。諭軍機大臣等。那彥成奏永定河渾水南徙東流。直通千里長隄。恐妨運道。親往查勘。籌議修防

一摺。永定河。潭水入淀。東淀長隄。胥受其害。該督因東淀楊芬港以下逐漸淤塞。致大清河之水與永定河潭水合而為一。俱由楊芬港之岔河。經杜家溝。歸韓家樹正河行走。直逼千里長隄。隄出水面僅三尺許。恐汛期長。水難資保護。於運道民田廬舍。均有關礙。現議幫培杜家溝隄身。原係急則治標之法。此外有無別策。俾淀不受淤。水有歸宿。該督現已親往履勘。著詳細勘明籌議。覆奏到時。再

降諭旨。將此諭令知之。○又諭。萬孚奏。湖北湖南兩省堵截鄰私情形一摺。前因行銷淮鹽口岸。私梟充斥。降旨令各該督撫嚴飭所屬認真查辦。茲據萬孚查明湖北湖南兩省設卡巡查。並委員密訪。飭令藩司鹽法道籌添經費。期歸周密。漢岸行銷淮鹽引地最廣。各路鄰私浸灌為尤甚。該督因緝私經費不敷。現議籌添。必須嚴飭所屬文武員弁。及生卡緝私委員認真查拏。若遇大夥梟徒。得規

縱放。轉藉查緝私鹽。擾害行旅。是不但徒糜經費。於難務民生。有何裨益。現已諭知琦善。嚴飭濱江營汎州縣稽察銅鉛船隻夾帶私鹽。此外凡鄰私浸灌。及梟匪出沒地方。著該督嚴查密訪。督飭所屬不分畛域。認真辦理。不得徒託空言。有名無實。將此諭令知之。○又諭。萬孚覆奏。楚省堵截鄰私情形。據稱上游之巴東縣。為川私入境門戶。向來川江銅鉛各船。往往夾帶私鹽。現已移咨該督互相

盤察等語。鄰私浸灌楚岸。必須各該督撫不分畛域。互相查拏。方有裨益。滇黔銅鉛船隻向多帶私。此外梟徒興販。亦所不免。著琦善嚴飭濱江營汎州縣設法稽查。認真堵截。既不使私鹽偷漏。又不致擾累行旅。與楚省一體互相盤察。不得稍分畛域。將此諭令知之。○以捐修直隸大名府城垣。予知府辛文泚等議敘。賞附貢生杜兆斗等八品頂帶。○辛未。

上詣綺春園問

皇太后安。○御舍輝樓。閣侍衛騎射。○諭內閣。御史王兆琛奏。才不勝任之員。該督遵例奏請改補京職。請旨更正一摺。所奏甚是。外省道府州縣。固不准以臬庸懸棧。而各部司員。佐理部務。亦豈得以此等人員。濫竽充數。前降諭旨甚明。業經吏部纂入例冊。乃前據那彥成奏。口北道福全。年力就衰。宣化府知府喻鴻。性情偏執。請以刑部司員改用。吏部亦未查明前旨。奏請更正。均屬非是。福全。喻鴻。俱著勒令休致。那彥成。率行奏請。著交部議處。吏部堂官未經請旨更正。著交都察院察議。至各部司員中。有以不勝外任改補者。該堂官務將臬庸之員。隨時澄汰。毋得稍事姑容。致滋曠誤。○又諭。御史鄭瑞玉奏。沿河淹斃人口。請飭令地方官驗明掩埋。並嚴禁書差藉端訛索一摺。所奏是。向來地方遇有淹斃屍身。責成地保牌頭報官驗埋。以免暴露。

若如該御史所奏。通州西關外八里橋下。及平上關二處。旬日之內。疊有浮屍。均未報驗。查詢土人。恐以報官受累為詞。八里橋距通州不過數里。何以該州日久毫無聞見。難保無畏累匿報情事。且恐不肖之徒。見此漂斃人口。並不查驗。致起挾嫌謀害等弊。尤不可不防其漸。著直隸總督順天府府尹嚴飭所屬沿河地方官。及押運文武員弁。嗣後遇有淹斃人口。即令地保牌頭隨時報驗。如無別故。刻即掩埋。並嚴禁書差等藉端訛詐。所需掩埋等費。官為籌辦。不得擾累閭閻。○又諭。楊國楨奏。校閱營伍一摺。該撫奏南鎮左營遊擊徐太平。汝寧營守備張鼎鼎。陳州營千總左銀。襄城營都司海進祿。各請以應升之缺升用。世襲雲騎尉候補守備賈清元。李丙寅。請以本班儘先補用。此等校閱營伍。係照例舉行。即該員等訓練實心。技藝嫻熟。亦屬分內之事。該撫率將各員保奏升補。殊屬冒

昧。所奏不准行。著傳旨嚴行申飭。○賞御前行走科爾沁扎薩克貝子濟克默特。紫韉。○旌表守正捐軀安徽蒙城縣民盛際開女盛氏。○癸酉。

上詣

大高殿行禮。○還宮。○諭內閣。琦善奏。查明各廳州縣應扣養廉銀兩。請分別免扣一摺。四

川省州縣以上各官應領養廉。疊經前任各督奏明扣收三成。歸還各款。據琦善查明原定章程。係屬一例扣收。並未有所區別。懇將實在銜繁瘁苦各缺。量為剔除。著照所請。加恩將成都府水利同知。理事同知。及松潘。理番。城口。石碛。四廳同知。茂州直隸州知州。成都。順慶。二府通判。並成都。華陽。劍州。昭化。梓潼。石泉。汶川。冕寧。蘆山。清溪。西充。筠連。興文。納谿。黔江。青神。墊江。等州縣應得養廉。自本年為始。全行給領。免其攤扣三成。以資辦公。該部知道。○改鑄江西贛州衛守備印信為

贛州守禦所千總關防。從漕運總督朱桂楨請也。○旌表守正捐軀福建上杭縣民陳材中妻李氏。○以常雩祀

天於

園丘。自是日始。齋戒三日。○甲戌。諭內閣。鑾儀衛奏。此次恭祭

天壇。請照例豫備玉輦禮轎一摺。朕思恭祭天壇。惟在心存誠敬。即不乘輦。亦無不可。著交該衙門。嗣後如遇恭祭

天壇日期。玉輦金輦。俱著在天安門外豫備。所有轎輦人役。或另派差使。或酌量裁減數名之處。著鑾儀衛會同內務府議奏。○諭軍機大臣等。富俊奏。吉林雙城堡屯田。原為疏通京旗閒散。並未議及各處駐防。今熱河閒散移駐雙城堡。若照京旗移駐之例辦理。所費未免過多。請依照嘉慶二十五年設立雙城堡左右二屯。移駐奉天各旗閒散之例辦理。所費較省。並請將伯都訥新城局改名為堡。

即令熱河閒散移駐該處。給與圍場荒地墾種等語。熱河駐防閒散生齒日繁。前經該部議照裕惠所請。准其移駐雙城堡。並酌議移駐章程。照京旗成案辦理。茲據富俊以伯都訥新城局圍場荒地。與雙城堡右屯毗連。若事尚可行。則與京旗另立一區。自較妥善。將來即將新城局改為新城堡。惟該處曾否蓋有房屋。現在移駐一百戶。尚須添建房屋若干。其原議奉天閒散移駐雙城堡。一切經費。

較之移駐京旗。節省若干。吉林自有成案可查。著福克精阿酌量該處情形。應如何籌畫辦理。據實覆奏。再降諭旨。富俊摺著鈔寄閱看。將此諭令知之。○以緣事革退鎮國公奕

額子載寬。降襲輔國公。○乙亥。

孝端文皇后忌辰。遣官祭。

昭陵。○

上詣

南郊齋宮齋宿。○諭內閣。孫爾準奏。巡緝疏懈。

限滿犯無弋獲之將弁。及督率不嚴之總兵。請分別革降一摺。浙江温州左營遊擊周壽清。前因所轄外洋。有船戶被劫之案。奏准摘去頂帶限緝。茲限期已逾。盜犯並無一獲。實屬怠玩。周壽清著即革職。所有已革留緝之專汛外委阮占龍。協防外委項廷光。著一併斥退。該督即委員接署各員缺。飭令嚴緝務獲。以靖海洋。至温州鎮總兵邵永福。不能督率調度。難勝專閫之任。著以參將降補。所遺

温州鎮總兵員缺。該督即委員署理。該部知道。○諭軍機大臣等。景福奏。請革退奸商。另行招募。以充國課一摺。據稱張家口稅務。惟官賺一項。偷漏不少。口外活多多諾爾等處。產鰵極旺。設立鰵商十名。向係儘收儘買。自上年五月該監督到任。至年底鰵稅分釐未交。傳到該商喬元惠等。驗看執照。內多頂充年貌不符。並有喬元謙一名。並無執照。飭令趕緊補交正課。今年二月始有納課之家。現

查得該商近年十家私立行規約足每年每商祇准買鹽若干。不得多運。以致內地鹽價有增無減。顯多情弊。請將爲元惠等十名全行革退。飭交地方官嚴查辦理等語。現在蒙古地方。產鹽如舊。何以該商等竟不照例納稅。復敢頂名代充。私立行規。限定買鹽數目。致內地鹽價日增。如果屬實。不可不嚴行懲辦。著武忠額等接奉此旨後。即將該監督所奏情形。確切查明。據實具奏。毋稍徇隱。將此

諭令知之。○又諭。向來遇有水師總兵缺出。均由記名副將人員內簡放。上年因簡用乏人。降旨令兩江閩浙兩廣總督各於副將內保奏。嗣據蔣攸銛保奏莊芳機一員。李鴻賓保奏萬超。蒲立勳二員。莊芳機甫經赴部引見。萬超蒲立勳至今尚未遵旨送部引見。現在金門海壇南澳三鎮。俱係委員署理。本日孫爾準奏。請將邵永福降補參將。其溫州鎮總兵一缺。竟致無員可委。似此員缺久懸。實

從來所未有。各省設立水師。巡緝洋面。最為緊要。全在督率得人。各營副將以下。均額設有參將遊擊都司等官。如果該督等平日勤加訓練。或於巡閱操演時。留心察看。或以獲盜之多寡。考其勤惰。則該員等各知奮勵。有志上進。遇有技藝精嫻。才具出眾者。以次遞升。均可備專閫之選。若一味因循。視操練爲具文。不惟人才無可造就。且捕務廢弛。必致盜賊充斥。貽誤洋面。關繫甚重。嗣後該督等

於所屬水師。務當力加整頓。認真訓練。總期營務日有起色。人才輩出。足資任使。儻仍前怠玩。漫不經心。遇有水師總兵缺出。仍至懸缺待人。惟該督等是問。恐不能當此重咎也。現在水師總兵出有四缺。各該省所保僅止三人。即使均已引見。尚不敷用。著該督等迅速再各保奏一二員。送部引見。候朕記名。以備簡用。至莊芳機本係江南京口協水師副將。著仍留江南。孫爾準請將該員調回福建

之處。著不准行。將此各諭令知之。○丙子。常
霽。祀。

天於

圓丘。

上親詣行禮。○幸圓明園。○詣綺春園問

皇太后安。○丁丑。諭內閣。前據蔣攸銛等奏。請

援案將江蘇試用知州馮思澄。借補知縣。茲

經吏部議奏。向例試用知州。並無本項之缺

可補。祇准借補通判。該員馮思澄。雖無知州

本缺可補。該省通判共有九缺。均可借署。該

員係由酌增頭卯捐納知州。著照部議。俟通

判酌增頭卯到班時。遇升調所遺缺出。比較

到省日期先後借署。所有該督等請將該員

借補知縣之處。著不准行。○又諭。原任四川

參將西林寶之妻伊爾根覺羅氏。上年具控

伊夫身死不明。當經降旨。派海齡等眼同該

氏驗明覆奏。實係煙熏致斃。並非因傷身死。

該氏將屍身腐爛處所。指為刀傷。復行控告。

特派穆彰阿等覆加詳驗。據奏該屍身皮僵
腐爛。據件作結稱。委無刀傷。該氏堅執如前。
復交軍機大臣行提川省原隨該參將凱撤
弁兵等。來京質審。尚未結案。該氏輒敢在都
察院呈遞封章。經朕改派托津等審訊。茲據
審明定擬具奏。此案伊爾根覺羅氏屢次具
控。朕以西林寶係原任參將。且人命至重。事
隔兩年之久。必須查訊明確。始成信讞。是以
屢次特派大員。虛衷驗訊。並將川省應訊人

證。行提來京。屢經逐層根究。眾供確鑿。並無
謀斃情事。乃該氏倚恃婦人。始終堅執。既不
輸服。又不肯具結蒸檢。實屬刁健異常。自未
便任其狡展。致滋拖累。伊爾根覺羅氏罪應
擬軍。係官員正妻。照例納贖。著交該旗嚴加
管束。勒休知縣林豐。將鄭宇等容留在家。藐
視王法。實屬可惡。著革去頂帶。交縣取具的
保。俟拏獲鄭宇等審訊明確。嚴行治罪。所有
代寫呈詞封章之逸犯鄭宇。張鈺。劉錫之。著

步軍統領順天府五城直隸總督浙江巡撫一體嚴拏務獲。○戊寅。賞休致湖南提督閻俊烈半俸。○己卯。諭內閣。那彥成奏。勘明渾水淤淀刷隄。請動項估辦土埽各工一摺。前據那彥成奏。永定河渾水南徙東流。直逼千里長隄。恐防運道。降旨令該督於親往履勘時。籌議覆奏。茲據奏疏挑永定河下口。此時趕辦不及。惟有就杜家溝隄身。大加幫培。並多鑲埽段。以資抵禦。著照所請。將現辦各工。

責成天津道李振書。永定河道張泰運。分別購料集夫。督辦工程。如有短缺草率。惟該二道是問。務於端午以前。普律全完。工竣覈實驗收奏報。所有估需工料銀三萬六千八百五十兩零。即著在司庫水利本款內照數動撥。該部知道。○旌表守正捐軀湖北光化縣民周廣文妻李氏。○貸山西嵐。興。壺關。澤源。靈邱。豐鎮。寧遠。高平。永濟。萬泉。榆社。沁。代。趙。城。永和。和林格爾。十六廳州縣上年歉收貧民。

常平倉穀。並緩右玉。臨汾。靈石。大同。四縣買補動缺穀石。○庚辰。諭內閣。江西南安。贛州。二府所屬廳縣。界連閩粵。民情獷悍。前經該撫以該地方拜會搶劫。訛詐逞兇之案。層見疊出。請加重治罪。當交刑部議。茲據議如所奏辦理。著照所議。嗣後南安。贛州。二府所屬地方。如有拜會搶劫。訛詐等案。除實犯死罪。及外遣為奴。罪無可加。並捆人勒贖。已照閩粵兩省之例。問擬。均各照舊例辦理外。其

餘軍流以下各犯。均於本罪上加一等定擬。該省現獲各案犯。即照新定章程辦理。以示懲儆。該撫當嚴督所屬認真稽察究辦。俟數年後此風稍息。再行奏復舊例。○又諭。此案鄧八興販鴉片煙已成。刑部照收買違禁貨物例擬軍。併以該犯供明親老丁單。請交該督查辦。固係照例定擬。惟鴉片煙貽害民生。屢經嚴禁。而奸徒仍敢藐法販賣。罪既無可復加。若再以親老丁單。准其留養。殊不足以

傲藐玩。鄧八一犯。著枷號一箇月。發近邊充軍。不准留養。嗣後遇有與販鴉片煙之犯。供明親老丁單者。著將此案聲敘請旨。逸犯鄧三。李觀。及承買鴉片煙之王姓。著步軍統領順天府五城。並直隸總督山西巡撫。飭屬嚴拏務獲究辦。○命禮部右侍郎楊懌曾。刑部右侍郎鍾昌。馳赴雲南貴州審案。○以禮部左侍郎史致儼。署兵部左侍郎。○以廣東督糧道夏修恕。為湖南按察使。○修山東上河。下河。泉河。三廳開墾埽工。從河道總督嚴琅請也。○辛巳。諭內閣。御史劉光三奏。直隸省奉旨勒限嚴緝盜案。含混延擱。請旨交議。並請將各省來限已逾之案。一併飭查。叅處一摺。直隸寧晉縣地方。被賊一夜連劫。前於道光六年四月間。經該督奏。降旨將知縣謝宇澄等摘去頂帶。勒限嚴緝。茲據該御史奏稱。屠之申前此護理總督時。因案犯逾限無獲。僅照尋常盜案。含混咨部。經吏部議駁。該

護督延不叅劾。致應議職名。迄今五年。尚未到部等語。著吏部詳查此案。因何延擱。現在曾否補叅。議。俟覆奏時再降諭旨。並著吏部兵部詳查各省員弁。有承緝限滿。例闕降革處分案件。該上司逾限不行題叅。及由該部查取應議職名。經年累月。並不咨覆者。一併叅處。以肅吏治。○又諭。楊國楨奏。校閱省城營伍。請將守備千總分別鼓勵一摺。此等校閱營伍。係照例舉行。即該員等嫻熟技藝。訓練認真。亦屬分內之事。昨據該撫保奏南鎮左營遊擊徐太平等。請分別升補。當經降旨不准行。並傳旨嚴行申飭。茲復請將撫標左營守備董光甲。儘先升用。右營千總高行之。以應升之缺候升。殊屬冒昧。所請不准行。仍著傳旨嚴行申飭。○諭軍機大臣等。山東學政何彤然。考試各屬士論。是否翕服。場規是否嚴肅。有無別項劣跡。著訥爾經額密加察訪。據實具奏。如察訪不實。或意存回護。經

朕另行查出。惟該撫是問。將此諭令知之。尋奏。該學政操守清廉。持躬勤約。為人沈默寡言。而處事甚為精細。且稔知其事毋最孝。舉動不苟。益信其不致有乖職守。訪諸輿論。眾口如一。實無別項多跡。報聞。○壬午。

上詣

大高殿行禮。○還宮。○以吏部右侍郎保昌署戶部右侍郎。兼管錢法堂事務。○癸未。上御太和殿視朝。王以下文武升轉各官謝恩。

○幸圓明園。○詣綺春園問

皇太后安。○以查辦糾眾滋事土夷。予雲南副將邱奉岐等議敘。○以擊獲聚眾結拜匪徒。予安徽巡檢李汝裕議敘。○旌表守正捐軀四川彭縣民文思仁妻吳氏。○甲申。

上御含輝樓。閱侍衛騎射。○諭內閣。前據御史徐廣縉奏。江蘇候補道張應銓。向在楊州行鹽。置有房屋。該員分發江蘇。及委署運司。均不呈請迴避。當經降旨令陶澍確查。茲據奏

查明前有李衡豐等店號。曾借用該員資本行鹽。現已歇業。該員由分公司加捐道員。自嘉慶二十五年離任後。在楊州置屋居住。並無田土墳墓。例不准其入籍。與實在行鹽。應歸商籍地方者不同。自可毋庸迴避等語。惟該員既在楊州置有房屋。曾出借資本行鹽。雖經停歇。究未便在江蘇候補。著吏部即將該員張應銓另掣省分。照例發往。○又諭吏部奏。查明御史劉光三奏。直隸省奉旨勒限嚴緝盜案。含混延擱。緣由一摺。直隸寧晉縣地方。被賊一夜連劫三家。前於道光六年四月。那彥成奏。奏時。曾降旨將知縣謝宇澄等摘去頂帶。暫行留任。勒限四箇月緝拏務獲。如逾限不獲。即行撤任。嚴參。乃自六年七月。限滿之日起。直至九年五月。始據屠之申。照尋常盜案開參。當經該部駁令遵旨將該員等撤任。嚴參。迄今屢催罔應。此案勒限四月緝拏。限滿無獲。撤任嚴參。前此所降諭旨甚明。

該督等何以不遵照辦理。延擱數年之久。未據奏。那彥成。屠之申。均著交部議處。所有此案承緝不力之寧晉縣知縣謝宇澄。典史吳孝瑛。署寧晉汎外委張錦增。寧晉汎外委張應凱。俱著仍遵前旨。即行撤任嚴參。以示懲儆。○乙酉。諭軍機大臣等。御史張曾奏。里紳義捐生息濟運。請飭遵奏定章程辦理。一摺。據稱江南省江淮興武二衛幫丁。有運快之分。快丁素不詣運。專食運丁。令快丁貼繳

運道二費。向來徵解此項。胥役每多勒索。自道光二年後。上江二縣等處紳民。呈請代快丁捐銀生息濟運。奏准遵辦。各縣本銀共止數萬。按典分領。為數無多。歷年以來。息不病商。運不累快。近聞奸胥蠹役。陰慝各商。藉詞脫卸。意在更張。以為需索快丁地步。請飭兩江總督嚴諭該商等。恪守成規辦理。又據稱嘉慶十九年。江郡紳民。因官賑災農。城廂向不得預捐銀十七萬兩零。分別散給。餘銀二

萬九百餘兩。亦經奏明交商生息。永作城內備荒之用。請飭地方官不得以別項公需。遽行那動等語。江南上江二縣等處紳民。代快丁捐銀交商生息。原以濟運。著蔣攸銑查明此項銀兩。仍飭屬照舊發商分領生息。俾丁民均安。毋任紛更。致令誤運。其江郡紳民自捐賑餘存貯生息銀兩。係為城內備荒之用。並著嚴飭地方官照舊辦理。不得因別項公需。輒將此項那用。以期經久。將此諭令知之。

○以刑部左侍郎海齡。為泰寧鎮總兵官。兼總管內務府大臣。轉刑部右侍郎鍾昌。為左侍郎。以廣東布政使阿勒清阿。為刑部右侍郎。○以理藩院左侍郎惠顯。兼錄黃旗蒙古副都統。○免運銅溺斃雲南知縣呂夢飛。應繳水腳銀。○丙戌。

上御含輝樓。閱侍衛騎射。○諭內閣。松廷等奏審擬王愾翰等。呈控千總昆芳等。剋扣養贍銀未一摺。此案山東濟寧衛右幫旗丁王愾

翰等呈控千總昆芳頭丁鄒永哲等剋扣銀米。據松廷等審係王惲翰等懷疑具控。昆芳等並無侵吞情事。惟該丁等所稱三升五合。及行運項下加增五釐一升七合六勺等款。銀兩數目。均事隸南漕。若報轉行查。恐耽延時日。有誤回空。是以據供擬結。其是否與例相符。並應否費銀散給之處。著訥爾經額俟該幫歸次時。查明向例。如果該丁等所供。與向來辦理章程相符。即照松廷等所擬。將王

惲翰等杖責發落。鄒永哲等予以免議。儻與向例未符。或另有別情。即將該丁等另行審訊定擬具奏。○諭軍機大臣等。本日據禧恩等奏。履勘山地。現擇有雲峯山一處。請令直隸總督派員馳赴密雲縣沿山一帶村落。令其開導彈壓等語。此地尚未定局。恐那彥成所派委員。稍涉張皇。轉滋紛擾。著毋庸令其派員前往。禧恩等即自行曉諭該處居民。以此處山地形勢尚可。是以履勘。其合用與否。

現尚未定。爾等仍照常耕種。各安本業。不必因此意存觀望。是為至要。禧恩等現在分往各路履勘。如有應行相度之處。著悉心詳勘。儻無可採擇。即行回京覆命。將此各諭令知之。○以吏部左侍郎貴慶署刑部右侍郎。○調四川布政使桂良為廣東布政使。以湖北按察使尹濟源為四川布政使。河南開歸陳許道栗毓美為湖北按察使。○旌表守正捐軀四川鄰水縣民梅成松妻吳氏。○丁亥。

上幸萬壽山。詣

廣潤祠拈香。○諭內閣。昨日阿勒罕保騎射中箭六枝。著加恩仍在御前侍衛上行走。○又諭。前因各省關稅。每多徵不足額。降旨令戶部會同內務府分別功過。妥議章程具奏。茲據查明各關稅課。有歷來有贏無絀。及從前間有短絀。近年尚能足額。及歷屆均屬虧短者。請將應徵盈餘銀數。以六成作為額內。以四成作為額外。覈其溢額絀額。分別功過。

著照所請。除歷係有贏無絀各關無庸置議外。其歷年缺額。及間有缺額各關。各按應徵盈餘銀數。以六成作為額內盈餘。遇有短少。著落賠繳。仍按額內盈餘短收分數。照舊例議處。以四分作為額外盈餘。遇有短少。著落賠繳。免其處分。如應徵盈餘足額之外。復有溢收。亦按其分數。照新定章程。給予議敘。以昭平允。至各關虧短之由。固云今昔情形不同。然奸商之偷漏繞越。丁役之賣放侵吞。在所不免。該監督等務當嚴加約束。認真查察。無任仍前弊混。並著各該省督撫隨時密為查訪。如有前項情弊。據實嚴參懲辦。毋稍徇隱。再歷年缺額。及間有缺額各關。著該督撫就近詳細查明具奏。覈實辦理。○諭軍機大臣等。那彥成奏。接據屠之申稟報。履勘得白旗村。松山。兩處規模宏敞。惟坐東向西。未能合用。祇有唐湖一處。形勢堂局為佳。又梁格莊山後一處。堂局足用。惟土色稍粗。現飭詳

細履勘等語。選擇吉壤。總宜以龍真穴的為主。所勘各處。固以唐湖為佳。惟白旗村。松山。二處。如果山體規模。皆有可取。不必以東西向為未能合用。著該督即飭該委員等。將此四處詳加履勘。繪圖具奏。現派白鎔。容照。前往大峪山相度。該督訪有熟習堪輿之人。迅即選派一二人。交白鎔。容照。帶往可也。將此諭令知之。○又諭。本日據步軍統領奏。山東樂安縣監生崔昞。呈控副將徐華清在籍聚賭。同弟徐揚清輪姦崔李氏。並挾嫌誣伊行竊等情一案。已明降諭旨。交訥爾經額督同臬司李文耕審訊矣。此案徐華清以在籍副將。輒有聚賭輪姦情事。如果屬實。必應嚴行懲辦。至所控該副將之叔徐守臣。將該監生之姪姪崔明。及伊堂妹先後毆斃。何以該地方官任令私和。自應徹底根究。著訥爾經額督同該臬司秉公嚴訊確情。毋得稍有枉縱。將此諭知訥爾經額。並傳諭李文耕知之。尋

未

清實錄
道光十年閏四月

道光十年庚寅閏四月戊子朔諭內閣給事

五九七

省逗留不回本任者。卽嚴叅示懲。概不准報轉委署。以杜弊端。而肅吏治。○諭軍機大臣等。寄諭欽差禮部右侍郎楊懌。曹刑部右侍郎鍾昌。據御史徐廣縉奏。河南蘭儀縣城垣久被黃水衝沒。城內低窪之處。夏秋雨潦。疏消積水。計工無多。乃該縣知縣鹿傳洵。因負裕興錢店岳德興私債數千金。起意挑濠。扣減工料。以爲彌補。遂囑岳德興約會貧民數人。呈請借項興辦。該撫未經體察情形。率行委員勘估。借項二萬一千餘兩。分作十年攤徵。興工後。該縣紳民始知底細。憤懣欲控。眾口一詞。該知縣聞知。遂飭差查拏。誣爲聚眾斂錢。嚴行看押。以致紳民迭次上控。該撫不行提究。但飭將看押之紳民釋放等語。此項挑濠工程。如果係該紳民呈請借項興辦。何至事後嘖有怨言。該知縣有無串囑捏飾情弊。並是否因該紳民欲行具控。輒卽妄拏嚴押。抑或另有別情。著該侍郎等沿途察訪。與

論行抵豫省後。卽提集人證。訊究確情。據實具奏。該御史原摺著鈔給閱看。將此諭令知之。○又諭。有人密陳兩淮巨梟黃玉林。以儀徵老虎頸水次。爲匯聚籌運之所。以湖北之陽運。江西之藍溪。爲屯私發賣之處。大者沙船載數千石。三兩連檣。由海入江。小者貓船載百石。百十成羣。由場河入瓜口。器械林立。輓轡轉運。長江千里。呼吸相通。甚則劫掠屯船轉江之官鹽。每次以數百引計。各路關隘俱河賄囑巡役。明目張膽。任其往來。資本既多。黨羽益眾。公然立有約束。於販私之外。不許有劫盜客商等事。以爲要結人心之計。且聞該犯於大小衙門。俱有勾結耳目。凡有舉動。無不先知。上官爲屬員朦蔽。或陷於不知。下僚以畏葸偷安。相期於苟免。且恐釀成事端。反蹈辦理不善之咎。以致上下相蒙。惟恐多事。所獲者不過肩挑負販。零夥小梟。藉此爲數陳張大之詞。官弁升遷之地。苟且塞責。

而近見該督撫所奏以儀徵為私梟窩據之所請將王用賓調補是督撫等亦慮及於此王用賓前在沭陽任內勤於緝捕自係能事之員然此等巨梟聲勢已重豈縣令一人所能制伏而巨梟不除又何以清鹽務而杜後患等語江南為腹心重地此等巨梟肆行無忌地方官豈竟毫無聞見若恐查拏激變不及早肅除相率容隱是不第為害疆務日久養癰貽患必致釀成他變蔣攸銘接奉此旨務當不動聲色密速掩捕一面將辦理情形先行由驛覆奏惟該犯聲勢已重黨羽必多江海船隻時常往來在官人役皆其耳目若稍露端倪或聚眾拒捕或聞風遠竄尚復成何事體著該督酌量情形如須藉用兵力即當隨宜調度儻江省文武員弁於辦理此事不能得力他省文武各員內如有該督稔知其可備任使者亦即據實奏明飭調前往總期將黃玉林一犯先行拏獲嚴究黨羽盡

絕根株既不可輕率債事亦不可任令潛逃懷之慎之將此諭令知之○調黑龍江副都統郭爾琿為墨爾根城副都統墨爾根城副都統多隆武為黑龍江副都統○旌表守正捐軀直隸大名縣民王印女王氏湖北當陽縣民吳正風妻李氏○己丑上詣綺春園問皇太后安○諭四川總督琦善閏四月初一日召見俸滿引見之綏定府知府孫益庭人尚老實但兩耳微覺重聽稍露衰頹汝可留心查看能否稱任切勿姑容尋奏孫益庭辦事詭勉人亦明白尚堪稱任其兩耳重聽因自川赴京長途勞乏所致現在察看似無此疾報聞○命陝甘總督楊遇春撥銀二萬二千五百兩解赴烏什備道光十一年經費○庚寅大學士兩江總督蔣攸銘奏報緝獲大夥私梟得旨嘉獎賞江蘇守備陳秉元都司銜○修築浙江東西兩塘坦水柴埽各工從巡

撫劉彬士請也。○辛卯諭軍機大臣等寄諭戶部左侍郎敬徵據那彥成奏梁格莊山後一處前因土色稍粗擬作中次之地茲創看土色極為淨細來龍悠遠平地過峽突起端正星峯落脈結穴砂水環抱堂局足敷規制可為上吉福地現又勘得距易州城五十里朗山下之南旗村龍氣甚旺雙脈齊落併結南向一穴東向一穴龍虎砂環抱有情堂局寬展土色明潤可為上中之地等語並將該

二處穴場形勢圖說呈覽此二處山地該侍郎是否曾往履勘如業經相度即將可否合用之處據實具奏倘未經往看即行前往履勘詳細奏聞所有那彥成具奏圖說二分並著發給閱看再現派白鎔容照前往房山縣界內大峪山相度該侍郎即將隨帶之保定府司獄殷德亨派交白鎔容照帶往可也將此諭令知之。○壬辰程表守正捐軀山東嘉祥縣民賈作舉妻李氏。○癸巳諭內閣本日

射布靶中箭五枝之四品宗室百興著加恩賞給三等侍衛。○甲午諭內閣前因御史劉光三奏直隸省於奉旨勒限嚴緝盜案含混延擱降旨令吏兵二部將各省奏限已逾之案一併查奏茲據各該部查明具奏並將屢催未覆各案開單呈覽各省員弁承緝案件關繫緊要內有奉特旨勒限嚴緝者該管上司於限滿時尤應遵照辦理乃往往任意遲延逾限不行題奏及由該部查取應議職

名經年累月並不咨覆甚至避重就輕分案開奏現在未覆各案據吏部查明至七百二十三件兵部查明至二百五十四件之多似此有心延玩屢催罔應顯係為屬員規避處分地步相率因循日積日多尚復成何政體嗣後除尋常承緝咨案仍照舊辦理外其奉特旨勒限嚴緝限滿無獲該管上司不行奏奏該部即查明將該督撫照例嚴叅所有該二部現在查出各案並著勒限咨覆將開報

遲延在任各員。及歷任不行飭催之督撫。各按在任月日開送咨部。一併議處。○乙未。鑄給喀什噶爾新設阿奇木伯克圖記三顆。從參贊大臣扎隆阿請也。○丙申。

上詣綺春園問

皇太后安。○丁酉。程表逼嫁捐軀安徽壽州民仇早妻杜氏。○戊戌。諭內閣。刑部筆帖式慶元之妻瓜爾佳氏自縊身死。經刑部相驗。撥出身帶字據。開寫慶元於周泳明韓德隆二

案。得受善桂韓德隆錢文案。開職官賄囑。必應徹底根究。慶元著革職。鑲黃旗火器營委參領善祥著解任。派長齡湯金釗會同刑部傳提韓德隆及案內人證。審訊定擬具奏。○諭軍機大臣等。本日刑部奏審擬山東民人劉克遜呈遞封章一案。已明降諭旨將劉克遜解交該撫查訊矣。該犯擅遞封章。罪有應得。惟所控肥城縣地保丁世長催漕向伊子劉文照折收錢文一節。必須徹底根究。其牽

控該省學政考取生員。分等索費。並該縣科斂差錢。浮收勒折等情。均干例禁。亦應查訊明確。著訥爾經額分別詳查審辦。據實具奏。至該犯劉克遜應得罪名。業經刑部定擬。俟該撫覆奏到時。再降諭旨。將此諭令知之。尋奏。劉克遜呈遞封章。牽控各款。逐一查訊。俱係虛捏。請仍照部擬發邊遠充軍。下部議從之。○己亥。諭內閣。將攸銛等奏。遵旨遵員請補要缺知府一摺。江西贛州府素稱難治。前

經降旨令該督等遴員請補。茲據奏請將候補知府汪云任補授。該員到省試用未及一年。即補繁缺。與例未符。姑念員缺緊要。現無可補之員。著照所請。汪云任准其補授贛州府知府。仍照例扣滿年限。另請實授。此係朕為地方緊要起見。嗣後各省均不得援以為例。該部知道。○諭軍機大臣等。據那彥成奏。易州境內續得一地。並委員在京東得地二處。一併繪圖呈覽。擬於本月十七日自省起

程前往各處履勘等語。直隸省本年秋審及地糧奏銷均經辦竣。現在並無緊要公事。著照所請。即行做裝出省。先至易州將梁格莊山後等三處地勢履勘。再赴薊州豐潤。將桃花峪等二處山壑形勢詳加相度。順道來京覆命。將此諭令知之。○江西巡撫吳光悅奏報校閱營伍情形。得旨。所辦甚屬認真。江西兵力朕亦知其輟弱。若再不加振作。幾虛設矣。勉力訓練。以副委任。○庚子諭內閣。那彥

成奏。誤會例意。濫准給假。據實檢舉一摺。直隸宣化鎮左營遊擊王樹因伊叔馬甲王泗在署病故。呈請給假護柩進京。該督前照八旗駐防官員之例。准其給假。茲據查明遊擊係屬綠營官員。該督誤會例意。據實檢舉。那彥成著交部照例議處。○辛丑

上奉

皇太后幸觀瀾堂。進膳。○諭內閣。兵部議覆御史宋劬毅奏。請酌定陸路呈改水師章程。並

內河員弁升途一摺。各省外海水師營分巡緝關繫緊要。各項改用人員。定例所載試驗之法。極為詳備。惟半年之期較促。難以周知。嗣後著定以一年試驗。所有帶驗出洋月日。經過地方。該將備於保結內詳悉開載。並令該鎮於巡洋時。將該員隨帶出洋。親加考驗。其果否諳習水師。不畏風濤。加結報明。該督撫認真稽覈。並報部備查。其有不諳水師者。即將該員照例議處。至保舉准改後。仍著勤

加察看。隨時甄汰。以免冒濫。至內河水師向無呈改之例。均由內河兵丁升轉。其平日緝捕。本與陸路無異。惟歷俸悉照外海之例。一年即准升擢。未免過優。著將內河人員歷俸一年改為歷俸二年。遇有缺出。再行題補。以示區別。該部即纂入例冊遵行。○旌表通嫁捐軀浙江義烏縣民陳世權妻朱氏。○壬寅諭內閣。克勤郡王尚格因患眼疾不能看視。奏請開缺一摺。著照所請。伊所管宗人府右

宗正。鑲白旗蒙古都統。俱著開缺。另行補放。著加恩仍留內大臣進班。但宗室王等常有承祀差使。皆典禮攸關。尚格既目力不明。於祭祀亦所不宜。著宗人府嗣後遇有奏派承祀差使。及該衙門照例輪派承祀。尚格俱著不必列名。以示服體恤之意。○以宗人府左宗人綿志。為右宗正。貝子綿恩。為左宗人。○以戶部右侍郎寶興。兼鑲白旗蒙古都統。○駐藏幫辦大臣盛泰。因病解任。賞前任奉天府府尹興科。頭等侍衛。為駐藏幫辦大臣。○給西藏喀喇烏蘇等處被災番民口糧。○癸卯。諭內閣。前因水師總兵缺出。簡用乏人。該督等所保人員。尚不敷用。降旨再行保奏。茲據蔣攸銹奏稱。向例文職升調。例應引見人員。一經奏准升調。即作為開缺日期。將遺缺遞行升補。而武職升遷。必須引見後。始行開缺。需時既久。署事人員較多。每致乏員保奏等語。文武官員。事同一例。何以武職升遷開

缺日期。與文職未能畫一。著兵部查明彙議具奏。尋奏。吏部題奏准升。俟引見後。方作為實任。兵部題奏准升。俟引見後。即給劄實授銜之例。意本無甚懸殊。至所遺之缺。必俟引見後。始予開缺。查奏定章程。係為才具平常。奉旨不准升用者。無本任可回起見。應請嗣後仍照舊例辦理。以免窒礙。從之。○又諭。向來刑部承審案件。本有定限完結。惟案內有提犯未到。或行查未獲。及患病之犯。應行扣限。各衙門與刑部定例。尚未畫一。至關毆之案。必以辜限傷痕。定罪名輕重。其疑難重案。遺員接審。應照例扣限。以專責成。若罪止杖笞。及無罪可科之人。分別交各旗及司坊官等帶訊。亦應定立專限。著照刑部所擬嗣後在京衙門承審事件。限一箇月完結。刑部現審事件。杖責等罪。限十日完結。發遣軍流等罪。應入彙題者。限二十日完結。命盜等案。應會三法司者。限一箇月完結。其關毆殺傷之

犯到案後以傷經平復及因傷身死之日為始。行查及提質。並案犯患病以查覆及提到並病愈之日為始。接審者以接審之日為始。仍將應行扣限及三法司會審日期。並於科道衙門註銷內聲明。儻司員因循或法司不即會審以致逾限。如係書役作弊者。將書役嚴加治罪。承審司員及會審遲延之堂司官。一併交部分別議處。內外移咨行查。如催文三次無回文者。照例題參。行文八旗內務府。

五城順天府提人。於文到三日內。無故不行送部者。亦照例參處。至宗人府會審之案。例無明文。每於傳審時不即到案。以致結案遲延。著宗人府定立限期。分別辦理。並著各該衙門纂入則例。永遠遵行。○諭軍機大臣等。據敬徵奏。相度得紅椿內之于李莊山勢。請派員覆看備用等語。穆彰阿等現將高家峪胡各莊地勢。覆行查看完竣。著即帶同戴澤同等前往于李莊詳勘。並從前所看紅椿內。

如衛佳溝。諸葛莊。東金龍背。鳳凰臺等處。令海齡派委熟悉路徑之官弁帶往各處。再行詳細相度。據實覆奏。敬徵原摺並圖說俱著發交閱看。將此諭令知之。○以兵部左侍郎博啓圖署正白旗領侍衛內大臣。鄭親王烏爾恭阿署正紅旗蒙古都統。調正藍旗蒙古副都統蘇清阿為正紅旗滿洲副都統。以署正藍旗滿洲副都統八十為正藍旗蒙古副都統。○以捐貲疏濬河道。修理橋座。予江蘇。

捐職布政司理問陳長年等議敘有差。○甲辰。諭軍機大臣等。前據那彥成奏。前往易州等處。相度委員等所看地勢。現在節交夏令。大雨時行。且田間禾稼茂密。查看難周。該督業已起程前往。著將前奏梁格莊山後等五處地方。覆看完竣。即行來京覆命。所有前派該委員等即行撤回。俟秋間候旨遵行。將此諭令知之。○步軍統領領奏。拏獲書符惑眾之伊趙氏。請旨交部審辦。得旨。此案伊趙氏自。

稱釋迦道人。書符治病。惑眾斂錢。實屬不法。伊趙氏善普。張紅亮。陳庭魁。李浚。伊罕。俱著交刑部嚴審。現有懸掛扁額。及黃紙單上開寫施捨男婦姓名。乃不將該犯等住址供指。且有宗室代募緣簿。亦不肯供出姓名。斷難任其狡展。務當嚴切根究。查拏懲辦。勿致有不實不盡。尋奏。伊趙氏係正紅旗。已故護軍廣瑞之妻。因貧起意。書符治病。旋披剃為尼。應勒令還俗。依例擬杖流。不准收贖。實發駐

防安置。護軍善普等。代為掛扁。依律擬杖徒折。宗室英慕延。請治病。依例擬杖折罰。從之。○直隸提督齊慎奏。失察伊子齊重義。陡發瘋疾。砍傷多人。請交部嚴議。得旨。實汝家門不幸。遭此意外兇事。汝子應得何罪。自有定律例。朕亦無可如何。汝則遠在任所。可從寬貸。○賞乾清門頭等侍衛布彥泰。副都統銜。○乙巳。

上詣綺春園問

皇太后安。○諭軍機大臣等。將攸銛覆奏。現在查辦梟匪情形一摺。梟匪黃玉林蹤跡詭秘。該督已委署遊擊金萬全密往誘擒。自以該遊擊素稱能事。派令前往。惟該犯夥黨眾多。出沒無定。金萬全所帶兵勇無多。設布置未能周密。致令乘間遠颺。甚或恃眾拒捕。眾寡不敵。稍有挫折。則更不成事體。該督恐多調弁兵。走漏風聲。然亦須酌量情形。妥為籌畫。是否應添派兵力。分路堵緝之處。將攸銛自

能隨宜調度。慎重辦理。朕亦不為遙制。斷不可畏難。以致養癰貽患。總期力能擒捕。務在必獲。嚴究黨羽。盡絕根株。勿任逃匿漏網。是為至要。將此諭令知之。○又諭。據給事中常恆昌奏。各省常平倉穀。如遇災歉。必須接濟之年。准該州縣詳明上司。借給其無災年分。概不准出借。例有明文。至於糧少價昂。祇准官為平糶。並未立有出陳易新。借給於民章程。聞山西省出借倉穀。積弊相沿。州縣於詳

准出借後。傳令里甲人等。按里派領穀若干石。有不願領穀者。每石勒貼制錢一千四五百文不等。其離城較遠之鄉鎮。赴城領穀。守候稽遲。諸多耗費。不得不就近糶賣。而奸商蠹役。從中把持。半價難售。及至新穀還倉。加倍不足取償。是以民間聞放官穀。畏其受累。不能不貼給錢文。其有不肯貼錢者。胥役拘繫入城。任意勒索。蓋名為接濟民食。實則朘削民膏。名為出陳入新。實則那新易舊。官侵吏蝕。無非累及閭閻。且晉省上年收成。據該撫奏稱。通省牽算八分有餘。是各屬豐稔。本可無庸借食。即謂春來市價漸昂。積存陳穀。必須出易。自應照例官為平糶。秋後官為買補。乃該撫輒請將嵐縣等十六廳州縣積存穀石。出陳易新。實與定例不符。且稱嗣後各屬續有出借平糶者。隨時咨部覈辦。恐該州縣因奏明有案。皆含混詳請。藉端派累。殊於民生大有關係等語。著徐斯即詳悉查明嵐

縣等十六廳州縣。何處實係糧價騰貴。何處必須出陳易新。如有朦混詳請之州縣。假出借倉穀為名。勒派民間領穀貼錢。任令胥役勒索擾累情弊。即行嚴叅懲辦。毋稍徇隱。僅所查不實不盡。經朕訪聞。或被控事發。惟該撫是問。恐不能當此重咎也。將此諭令知之。○予江南拆埽。墮沒外委陳廣學。俞學淮。卹賞如陣亡例。○旌表守正捐軀山西稷山縣民高二年妻劉氏。○丙午諭內閣。那彥成奏。叅緝捕不力各員一摺。直隸寧晉縣知縣謝宇澄。於一夜連劫之案。不能實力緝拏。以致正盜日久未獲。緝捕實屬廢弛。著即革職。接署藥城汛把總程德培。張錦增。均著交部議處。前署藥城汛把總寧晉汛外委張應凱。係在失事之先卸事。由正定鎮委員接署。該鎮尚未呈報。該督將張應凱作為專汛奏叅。應行更正。著該部照例辦理。至文武督緝兼轄統轄疏防。及文職二三叅。武職接緝各職名。

前經該督開泰並著交部照例查議○丁未上御勤政殿聽政○以降調安徽巡撫吳邦慶為詹事府少詹事○戊申諭軍機大臣等玉麟等奏確查伊犁旗地情形一摺伊犁屯田之法據該將軍等查明事屬可行請量為變通著照所請准其將該處兩滿洲營屯地另議佃種得息作為養贍以期兵農兩收實效該將軍等即將松筠任內已經開墾成熟者查明兩營公地若干畝惠遠城巴燕岱分地若干畝其實在可以得水之地每營各有若干畝嗣後出佃取租如何經理所得租息如何收貯作何公用詳細妥議章程具奏再降諭旨其私行典賣及扶同侵肥等弊應如何嚴行杜絕之處著一併議定條款具奏將此諭令知之○己酉諭軍機大臣等據武忠額等將張家口驛務情形查明覆奏並酌擬章程開單呈覽著照所議辦理惟該處商人等據供從前監督到任並不點卯何以景福到

任後屢次傳喚點卯且該處運驛之商十家何以同時全行革退難保非該監督藉端滋擾另有別情著確切查明據實具奏將此諭令知之○庚戌旌表守正捐軀山西崞縣民婦陳武氏孫女陳縫縫子○辛亥諭內閣朕御極之初因孝穆皇后安厝王佐村已閱十年即欲就該處形勢改建萬年吉地特派戴均元等帶領熟諳堪輿之人前往相度旋據覆奏王佐村丈尺規模不符定制地亦未臻全美仍請另擇吉壤以昭慎重嗣經戴均元等勘定寶華峪開工營建地勢既非美善工程又不堅固以致孝穆皇后梓宮安奉未久金卷內即有山水浸溢之事現暫移安奉饗殿飭諭臣工另行相度而事越兩年仍未得有佳壤宜容再事遷延朕思事權歸一斯責無旁貸所有相度之事著責成禧恩者著那彥成三人公同經

理即帶諸習堪興者逐細履勘悉心商酌一經得有福基會同勘明具奏勿得稽延觀望所有派委人員務要認真稽查不許騷擾百姓以副委任○又諭戶部奏查出安徽省捐納職銜之林德先等並無部案顯有偽造印文私給假照情弊著派大學士托津長齡協辦大學士盧蔭溥軍機大臣曹振鏞文孚穆彰阿會同刑部堂官提集應訊人證嚴審確情按律定擬具奏其前經降旨飭拏之書吏龐瑛蔡繩祖任松宇等尚未弋獲顯係聞風逃匿著步軍統領衙門順天府五城暨浙江巡撫遵照前旨一體嚴拏務獲歸案究辦所有戶部道光八年以前行文及辦理職銜各書吏一併送交刑部審訊○諭軍機大臣等據戶部奏查出安徽省捐納職銜並無部案當經咨取部文覈對與戶部咨文板片式樣迥不相同且文內並無取具該捐生等身家清白冊結字樣又將道光六年起至八年止

報捐職銜一併籠統開載亦與戶部向來各按各卯行文者不同顯有偽造印文私給假照情弊安徽一省如此恐他省亦復不免著各該督撫府尹詳查前接部文有無漏取身家清白冊結字樣據實覆奏將此各諭令知之○又諭戶部奏接據刑部咨查安徽省咨覆文內有捐納從九品職銜之林德先查無部案此外尚有江大海等四十五人較對部冊均無其名又查出邵錦春一名係道光六年七月二十日具呈至今尚未上兌而咨內則稱邵錦春由監生捐納州同職銜於六年七月二十日上兌其中顯有情弊等語著邵廷楨迅即查明道光八年十二月內該省接到江大海等捐職印文何以漏去取具身家清白冊結字樣又非各按各卯該撫當時既不咨部覆查事後又不照例送冊到部著一併詳查由驛明白覆奏所有江大海等原領執照著檢齊咨送刑部查辦並飭傳江大海

等訊明係託何人報捐。取具何人印結。何人付給執照。有無銀號包攬。書吏代辦。據實具奏。以憑究辦。將此諭令知之。○壬子。

工詰綺春園問

皇太后安。○諭軍機大臣等。據給事中牛鑑奏。稱江西省南贛會匪首犯兇橫狡黠。遇有恆產之人。能知法度。不肯附和入會者。非劫奪牛馬。即蹂躪田禾。甚至搶掠子女。勒銀取贖。小民被其凌逼。不入會則禍不旋踵。無以保其身家。入會不過斂給銀錢。猶可免其荼毒。以是畏禍之心。甚於畏法。脅之者愈甚。從之者愈多。迨至官司過案訪拏。此等被脅入會者。本係柔懦愚民。一經緝捕。無不立時就獲。而實係為匪之積惡要犯。往往勾連兵役。交結吏胥。聲息相通。聞風遁匿。及至事寢回歸。益復肆行無忌。現聞該省委員拏獲之犯。已有四五百人。其未經解省報覽者。又不下二百人。是各犯案情未定。而株連民命已多。且

恐所獲之犯。仍多被脅。而該處積惡首匪。依然避跡遠颺。該委員等於疑似之犯。隨意搽捕。沿途拖斃。難保無邀功希賞情弊。請飭嚴拏首惡等語。江西南贛匪徒。前據該撫奏獲匪犯多名。現在嚴訊犯供。有無積惡首匪在內。其餘甘心入會者若干。被脅勉從者若干。是否解省報覽者有二百名之多。著吳光悅將所獲各犯。親提研鞫。嚴究首惡姓名蹤跡。按名擒捕淨盡。其實係被脅勉從。並未為匪

者。酌從寬減。務期地方肅清。勿任委員株連擾累。將此諭令知之。尋奏。歷辦會匪各案。務在先嚴首惡。所獲贛屬匪徒四百數十名。其中原有同名誤拏。因疑牽控者。均已隨時訊釋。被脅勉從者。減等問擬。其罪狀昭著。共二百七十餘名。各委員並無希功邀賞。妄拏株連情事。至犯人病故。共一百七十九人。俱係取供後陸續報故。並非案情未定之先。實由時疫盛行。亦非沿途管解各員經理不善所

致報聞○又諭前據刑部奏被控私給假照之曾充戶部捐納房書吏蔡繩祖等疊經降旨飭拏尚未弋獲現訊據案犯供稱蔡繩祖曾在京開設銀號係浙江寧波府人現在住居省城內清河坊著該撫派委妥員嚴密查拏迅速解交刑部審辦毋任聞風遠颺其龐瑛即龐燦祖籍山陰縣著該撫遵照前旨嚴拏務獲歸案究辦將此由四百里諭令知之○以故奉恩將軍恆璫長孫興瑞襲職○癸丑以正白旗蒙古副都統安福署鑲白旗護軍統領○以拏獲搶竊窩藏匪犯予四川知縣薛濟清等議敘○甲寅諭內閣已革筆帖式慶元以刑部職官藉案撞騙得贓經長齡等審訊明確著發往軍臺效力贖罪仍照例銷除本身旗檔鑲黃旗火器營委參領善桂於刑部傳訊時輒夾同明沛向慶元囑託照應殊屬不合善桂著交兵部照例議處失察筆帖式慶元及書吏得贓之刑部堂司各官

著交吏部查取職名分別議處○諭軍機大臣等前據阮元伊里布於具奏年終密考單內皆以雲南藩司王楚棠近來官聲漸差與論不洽當降硃諭令阮元等將該藩司官聲究竟若何有無劣跡據實覆奏不可畏縮避就茲據該督撫奏稱王楚棠辦事才具實為難得惟近來情事漸熟不免恃才傲物好惡不能持平是以人心不服遂招眾議上年迭有匿名揭帖大概皆係空言毀謗察訪亦無實跡當將王楚棠隨時隨事加以警教該藩司仍不能領會等語藩司有理財用人之責若好惡不能持平寬嚴不能得中以致人心不服眾議沸騰豈容稍事顛預該督等覆奏仍多含混著楊懌曾等到滇後密加察訪王楚堂官聲若何輿論若何於任內應辦之事凡錢糧出納及一切題升調補究竟若何不能公允致招物議此外有無劣跡逐細詳查確訪據實密奏將此諭令知之○署工部左

侍郎戴三錫年老休致以服闋巡撫程祖洛署工部左侍郎○戶部議准福建巡撫韓克均疏報侯官屏南二縣開墾田地四頃有奇照例升科從之○乙卯諭內閣武忠額等奏兩淮應解牧羣息銀逾限未解無項可支請暫借庫貯軍臺項下銀兩以應急需一摺察哈爾牧羣現在應領各項銀兩著准其於該衙門庫貯備放軍臺官兵次年俸餉銀內暫行借支給領以資辦公俟兩淮應交息銀解

到時即行照數歸款至此項兩淮生息銀兩向係豫期解交以備次年支放自嘉慶十九年以後歷屆拖延甚至道光九年冬季應解息銀遲至十年夏季尚未解交以致辦公無資借款墊發現在所借之款乃次年應放兵餉必須將應解息銀即行解交歸款方不誤屆期散放著兩淮鹽政將嘉慶十九年以後節年遞欠銀兩並道光十年分應解息銀迅速解送直隸藩司轉發口北道庫存貯以供

本年支用勿得稍涉延緩以致懸望未歸有誤兵糈嗣後每年息銀務遵照向例豫於歲前冬季解交年清年款勿稍遲逾致干重咎○諭軍機大臣等據胡達源奏稱前至黎平有童生盧光燦具呈求考當飭提調查明應否歸入府屬考試嗣於科試時據該提調查明該童生應歸府屬考試乃有童生張本寬張錦澤趙敦詒等率眾喧鬧臨場攻訐當將張本寬等交黎平府嚴訊等語此案盧光燦

既經黎平府查明准其收考何以臨場又被攻訐其童生張本寬等率眾喧鬧是否因需索不遂挾嫌阻撓苗疆地方緊要豈容罔知法紀恃眾滋鬧然亦不可意存偏袒著嵩溥查明盧光燦究竟應歸何處考試張本寬等臨場攻訐有無別情秉公審辦據實具奏將此諭令知之尋奏盧光燦在開泰縣東門居住應歸黎平府考試已革廩生張文博以盧光燦係安置流犯之孫與土著民人不同張

文博之子張本寬與童生張錦澤等因倡為不應在府考試之言。委非挾嫌阻考。亦無需索情事。張文博依律擬杖徒。張錦澤等擬杖。張本寬業已罪坐其父。照律勿論。下部議。從之。○以廣東澄海協副將萬超為福建海壇鎮總兵官。江南京口協副將莊方機為福建南澳鎮總兵官。○以捐修陝西三原縣城垣。候選郎中胡肇基下部優敘。○旌表守正捐軀河南伊陽縣民李政妻余氏。○丙辰。

上詣

大高殿行禮。○還宮。○諭軍機大臣等。托津等審訊蔡繩祖等私給假照一案。據馮景翰等供稱。蔡繩祖之子蔡應聯。蔡應增均係捐納庫大使。內有一名分發直隸。該督即查傳該員。派委妥員迅速解交刑部審辦。那彥成尚未到省。即著顏伯燾遵照辦理。將此諭知那彥成。並傳諭顏伯燾知之。○又諭。托津等審訊蔡繩祖私給假照案內有應訊之戶部捐

納房貼寫劉東昇。即劉永賓。係浙江紹興府人。現據伊弟劉永明供稱。在伊親戚湖北宜昌府都司恆光署內藏匿。該犯係案內要證。或改易名姓。亦未可定。著該督派委妥員嚴密查拏。迅速解交刑部審辦。毋任聞風遠颺。將此諭令知之。○旌表逼嫁捐軀河南杞縣民宋善長妻程氏。守正捐軀山東章邱縣民王希孟女王氏。○以夏至祭

地於

方澤。自是日始齋戒三日。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十八

中華書局影印

七

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十九

教傳

道光十年庚寅五月丁巳朔諭內閣楊惲曾

等奏查訊蘭儀縣借項挑濠紳民被押緣由
一摺前據御史徐廣縉奏河南蘭儀縣知
縣鹿傳詢因負欠私債欲圖藉工彌補喝令
岳德興等呈請與辦城濠工程聞知該縣紳
民欲行控告証為聚眾飲錢差拏嚴押當降
旨令楊惲曾等查辦茲據該侍郎等沿途採
訪輿論復親往勘明並傳集各紳民等會稱
挑濠係應辦之工攤徵亦所情願惟因南岸
紳民呈請挑濠未與北岸紳民公商是以心

懷不平。尚無別項情弊等語。該縣知縣鹿傳洵承辦工程。雖訊無藉債私債重情。惟所修吊橋涵洞丈尺未能如式。且紳民陳炳章、文冒西等。本無聚眾斂錢之事。乃訪聞未確。率行傳案看押。尤屬不合。鹿傳洵著交部議處。所修吊橋涵洞丈尺不符之處。責令照估賠修。至所挑濠工處所。土性浮鬆。易於淤墊。著該撫責令該縣隨時挑挖深通。俾資宣洩。所借司庫銀二萬一千四百五十餘兩。仍遵前旨。於該縣地糧內。分作十年攤徵還款。餘俱照所擬完結。該部知道。○旌表守正捐軀江蘇睢寧縣民魏化姪女魏氏。○戊午。諭內閣。托津等會奏。議駁伊犁將軍玉麟等請添巴燕岱烏槍步甲一摺。伊犁駐防兵額。乾隆年間。曾欽奉諭旨。不得輕議增添。如因生齒日繁。錢糧不敷。養贍該處可耕之地甚多。兵丁即不諳耕作。儘可按名分給地畝。令其雇人耕種。藉得租

銀以資生計。煌煌

聖訓。允宜歷久遵行。況自嘉慶年間。疏通泉水。分渠灌漑。該處地畝尤易墾種。無難收兵食兼足之效。該將軍玉麟等請添巴燕岱烏槍步甲二百名。雖為調劑駐防閒散起見。惟惠遠城駐防滿洲兵已有四千六百四十名。巴燕岱駐防滿洲兵二千一百四十四名。定額誠不為少。即增添此二百名。於重鎮地方。亦無關輕重。且以籌款生息之項。為兵防費用。更屬有礙政體。所有該將軍等請添巴燕岱烏槍步甲二百名。著照托津等所奏。無庸議。該將軍等仍遵照乾隆年間諭旨。查明該處地畝。酌給八旗閒散耕種。其不諳耕作者。准其雇人耕種。俾收租息。以裕生計。○又諭。蔣攸銓等奏。請將兩淮不入奏銷之一百數十萬兩。仍循舊章。隨時徵解。免其隨同奏銷。造冊報部等語。著戶部覈議具奏。至該署運司王鳳生。寄居江南省城。與入籍

不同著無庸迴避○已未夏至祭

地於

方澤

上親詣行禮○

孝誠仁皇后忌辰遣官祭

景陵○幸圓明園○詣綺春園問

皇太后安○庚申諭軍機大臣等徐忻奏確查

常平倉穀出借原委一摺山西省嵐縣等十

六廳州縣本年出借常平倉穀據該撫查明

雖屬循照舊章辦理惟出借倉穀原以接濟

民食必應酌量年歲之豐歉隨時分別查辦

何得視為故事按年援照舉行且民間如有

不願借領者仍應聽其自便無庸過事拘泥

至不肖胥役藉端漁利尤難保其必無嗣後

著該撫詳悉確查如有假出借倉穀為名勒

派民間領穀貼錢任令胥役勒索擾累情弊

立即嚴參懲辦斷不可稍事徇隱致有不實

不盡自干重咎將此諭令知之○撫卹河南

安陽湯陰臨漳三縣地震災民○辛酉諭內

閣御史吳清鵬奏役滿書吏並不勒限回籍

請嚴飭認真查辦一摺據稱現在破案逃匿

之已滿戶部捐納房書吏蔡繩祖等公然安

住京師詭法營私各處負販小商代人捐監

該犯等輒逐年包攬給與假照總因役滿後

恃無本管衙門可以查禁肆行無忌各地面

該管衙門因循容隱等語應如何明定章程

著大學士九卿會同妥議具奏○諭軍機大

臣等據那彥成奏磁州東報該州西鄉彭城

鎮有災民扒搶鋪面情事又據大名道李德

立稟河南武安臨漳等縣同時地震小民四

出討乞謀生紛紛來至直隸境內已飛咨河

南撫臣將災區及早撫卹一面札飭藩司顏

伯燾動撥地糧銀三千兩派員前往安撫等

語磁州西鄉山居之民多以燒造缸瓦採挖

煤窯為業本係無賴游手該處與武安臨漳

接壤恐此等無賴不免有搶奪攫取之事著

該督酌量情形如須親往查辦即著前往妥為安撫。儻無須該督親往或著顏伯燾前往該處督率該地方文武各員撫綏彈壓如有無賴搶奪之人立即嚴拏懲辦務須鎮撫兼施地方安帖將此諭令知之。○又諭據御史吳清鵬奏訪聞直隸鄭州地方向有各處負販小商於每年七八月間聚集一次置買糧船帶出雜貨謂之鄭州會。往往有託人進京捐納監生止圖頂帶榮身者已滿書吏等探知此項捐生內並無應試進取之人。輒逐年包攬騙得銀錢給與假照等語著該督即行查明鄭州地方每年是否於七八月間有各處商販聚集及託人進京捐納監生等事據實具奏將此諭令知之。尋奏鄭州地方每年四月間開設廟會各處商販前來趕會一月期滿旋即四散並無包攬捐監之事。茲復確切查訪該商販自外省來直間有到京捐監之人買賣人於銀錢功名尤為慎重。如果書

吏歷年騙去錢銀給予假照何致久而不破。地方文武均稱實無其事。報聞。○又諭寄諭直隸總督那彥成據御史寅德奏風聞候補主事蔡學川前在長蘆鹽運使任內藉辦貢為名攤派商人銀兩嗣調任兩淮鹽運使交卸後擬即前赴新任因與商人爭競此銀相持十餘日復退還商人銀兩並有從旁挾制之人。在運司衙門吵嚷該署門丁胥役人等不敢驅逐任聽喧鬧毫無顧忌又於各商所交解費與所領公費銀兩內亦有侵漁等語。蔡學川身任運司理宜潔已奉公若如該御史所奏殊為有玷官箴自應嚴行究辦著該督將前項情事確切查明據實覆奏將此諭令知之。尋奏上年蔡學川調任兩淮綱總等備具領狀找領辦貢款項蔡學川因值交卸之期查款耽延曾經綱總催問隨即全數給發並無爭競及旁人挾制之事。先是查辦寬課奏銷有海豐場大使何有堂照例題奏革

職續據何有堂按續完銀兩數計例止降職欲求先為開復蔡學川因已詳題在先未准改議何有堂欲進署面求被把門差役攔阻復向承辦戶書大聲吵嚷適在綱總領出銀兩之時至每年領解銀兩俱無扣平之款惟上年盛京大差例貢等項由通綱捐辦隨引捐輸照庫平交納按市平給發所有平餘作為遣人上差往返盤費亦無侵漁情事報聞○以徵收錢糧五載全完予直隸知縣查揆

等加銜升敘有差○撫卹直隸磁邯鄲肥鄉永年成安廣平大名元城清豐南樂開十一州縣地震災民○壬戌諭內閣車靈布木所襲二等台吉原係從前雍正九年伊祖固魯奮勉當差

施恩賞給並非世襲罔替車靈布木之子合作為四等台吉惟念伊祖固魯從前著有勞績著加恩將車靈布木長子格尼英達爾瑪准其承襲三等台吉○癸亥諭內閣前據給事

中孫蘭枝奏崇文門稅局差役騷擾將由東直門至廣渠門外距城二里許女春車輛攔不放行聲稱漏稅送至崇文門稅務官店並將前往看視之家人鎖押進城後始將女春坐車放令出城其僕婦等車均被看押當經降旨令博啓圖等明白回奏茲據奏稱本月初一日據巡役杜瑞報有載箱大車三輛春屬車一輛由右安門繞越至東便門逸去當即盤獲將春屬車放行大車押送到務維時

僅有孫姓家人其管押行李家人全行躲避據孫姓稱係吳其濬家人前往迎接並非管押行李之人因傳經手家人未到不能開驗以致耽延等語此案是否將女春坐車攔送官店隨後放令出城其僕婦車輛曾否均被看押博啓圖等覆奏與該給事中原奏情節不符著將巡役杜瑞交刑部嚴訊實情並傳提吳其濬孫姓家人質對明確按律懲辦○以大學士長齡署戶部尚書托津署正黃旗

滿洲都統吏部尚書文孚署鑲紅旗滿洲都統戶部右侍郎寶興署鑲白旗漢軍都統工部尚書穆彰阿署步軍統領定親王奕紹署管理鑾儀衛事肅親王敬敏署管理圓明園八旗包衣三旗官兵事戶部左侍郎敬徵署管理奉宸苑事○甲子諭內閣御史王璋慶奏請裁革州縣白役一摺直省州縣額設官役原有定數即便繁要州縣事務較多不能不量招散役備供使令然須定以限制豈容

影射滋弊擾累閭閻若如該御史所奏山東州縣差役大縣多至一千餘名小縣亦多至數百名一省如此他省可知此等白役遇事生風在官多一巨猾即地方添一積蠹不惟鄉愚受其魚肉該管官亦何以稽察亟宜嚴行裁革前此直隸省因各州縣掛名吏役過多經那彥成奏請以八十名為限當經降旨允准各省州縣俱應依照辦理著各該督撫酌量州縣缺分之繁簡嚴定章程大加裁汰

至繁地方差役不准過八十名其餘事簡地方以次遞減編立印簿具報該省督撫責成該管官及該管上司嚴行稽察所有白役概行禁革儻仍私自容留該管官漫無覺察從嚴叅處如該管上司及該督撫查察不周仍屬有名無實將來別經發覺必當執法嚴懲決不寬貸○追予前明勦賊捐軀廣東定安縣五品官王昌言入祀忠義祠從巡撫盧坤請也○乙丑

上詣綺春園問

皇太后安○幸萬壽山詣

廣潤祠拈香○諭內閣楊遇春奏內地出關民人請查明南北兩路分別禁止放行等語嗣後內地出關民人除南路各城仍遵前旨飭禁外其赴北路者著照舊例由肅州覓保給票放行如有出關後潛赴南路者著吐魯番領隊大臣於托克遜地方設卡派員嚴查如驗無照票者即行拏解治罪○又諭楊遇

奏。涼州綠營現有裁撥事宜。該處滿洲營閒散無缺可挑。仍懇准設餘兵一摺。前據該督奏請籌款生息。增設涼州莊浪滿洲營餘兵。經兵部議照。駐防滿洲營閒散酌補附近綠營兵缺之案。今於涼州莊浪二處綠營額兵內酌量馬步之多寡。均勻挑補二成。其所籌增添餘兵之處。應無庸議。茲該督以涼州綠營現有裁撥之缺。該處滿洲營即無可挑之兵。莊浪額兵出缺無多。仍請添設餘兵。復

行陳奏。國家經費有常。豈可屢議增添。著仍照兵部原議辦理。該督所請著不准行。○又諭。前任張家口監督刑部郎中景福。前因將釀商全行斥革一案。有無藉端滋擾別情。降旨令武忠額等查辦。即經該都統等備文咨留。並扣留伊家人楊八赴案。該員既不將楊八交出。率以任滿押解。錢糧徑自回京。殊屬冒昧。景福著解任。派侍郎保昌馳驛前往察哈爾會同武忠額廉敬秉公查辦。務得確情。

所有隨帶司員亦著一併馳驛。景福即交保昌帶往備質其家人楊八。著刑部傳提照例解往審訊。該監督所解稅銀二萬八千二百一十兩零及駝馬皮張變價銀九百六十六兩零著交廣儲司至此項正額盈餘應徵若干。該監督實短徵若干。著戶部查議具奏。○諭軍機大臣等。據武忠額等奏查訊監督景福屢傳釀商點驗。同時全行斥革一案。前據景福具摺陳辯。本日又據該監督具奏解送

稅課來京。業經明降諭旨將景福解任。派侍郎保昌帶往會同該都統等審辦。著俟保昌到彼務將該監督有無需索別情及釀商等因何敢於咆哮秉公查訊。明確據實具奏。勿稍徇縱。至張家口稅務歷屆並無短絀。何以景福任內較前短徵銀五千餘兩。據奏以按月分徵之數覈計。又稱實短徵銀一千餘兩。是否以多報少抑係辦理不善。著一併詳查確實具奏。景福摺二件俱著發交閱看。將此

諭令知之○漕運總督朱桂楨奏浙江杭嚴三幫漕船沈溺米石請分限買補以恤丁力從之○丙寅諭軍機大臣等前據托津等審訊蔡繩祖等私給假照究出蔡繩祖之子蔡應聯捐納庫大使分發直隸當飭那彥成查拏解部茲據該督奏稱蔡應聯於上年九月間因病請假出省就醫至今尚未銷假回省風聞該員在江寧省城不知何衙門書吏家逗留等語現在案內要犯龐煥已經就獲蔡繩祖亦案內要犯其子蔡應聯先期乞假出省顯係知情逃匿此時或仍在江寧省城逗留或潛回浙江蕭山縣原籍著蔣攸銑陶澍劉彬士派員密速查拏迅委妥員解京歸案審辦無稍疏縱一經就獲仍一面先行由驛覆奏其前經飭拏之蔡繩祖一犯並著劉彬士遵照前旨速行拏解勿任遠颺漏網將此諭令知之○以拏獲假照案內要犯龐煥予巡城御史阿穆爾布彥等議敘○旌表守正

捐軀四川崇慶州民傅添益女傅氏○丁卯諭軍機大臣等寄諭山西巡撫徐炘托津等審訊蔡繩祖等私給假照一案據現獲要犯龐煥供稱有前充戶部捐納房書吏之賞四與伊通同作弊賞四現名賞淳又名賞濬捐納布政司經歷分發山西該員係案內要證著該撫即行查提派委妥員迅速解交刑部審辦毋稍遲延將此諭令知之○又諭蘇成額奏越南國王豫期請示來年恭祝萬壽進關日期一摺越南國王阮福暉祝嘏情殷所有該國使臣著於來年七月內到京該撫即酌定進關日期照會該國王遵照辦理將此諭令知之○又諭楊懌曾等奏查明豫省驛站情形一摺豫省驛務派買草料向因市價時有長落例價不敷州縣廉俸有限力難津貼不無借資民力至車輛為各驛所本無不能不雇自民間以備應用各處辦理情形不一皆係照例給與雇價歷年已久上下相安

據該侍郎等查明。現在並無違例擾民如御史劉光三所奏濫派勒折需索包攬等弊。但事屬官民交涉。儘辦理不善。則弊實叢生。難保胥吏等不從中漁利。致擾閭閻。全在該管上司隨時偵察。力防流弊。方能上不誤公。下不病民。嗣後著該撫責成。臬司嚴飭有驛州縣務宜恪守舊規。實力稽查。如有前項情事。立即叅辦。有犯必懲。於循照舊章之中。寓嚴絕弊端之意。設奉行不力。視為具文。致民間

稍有被累。一經發覺。惟該撫與臬司是問。將此諭知楊國楨。並傳諭麟慶知之。○以拏獲盜犯于北城副指揮席伊炳等議敘有差。○戊辰諭內閣。孔隆阿等奏。請將茶本羊息等款。統歸備貯等語。喀什噶爾茶本羊息等款。前經部議。准歸應調經費造報。茲據該大臣查明。現在經費於十一年分動支外。尚復有餘。無庸請調。此項銀款。請統歸備貯。以資緩急之用。著照所請。即在存餘正項提存銀

五千六百三十兩零。連前奏明存貯銀四萬四千三百二兩零。並此項茶本羊息銀三萬六十六兩零。統共作為備貯銀八萬兩。其錢款內亦著就稅物存贖等款。提存錢六百五十千零。連前奏准存貯錢三千三百四十九千零。統共作為備貯紅錢四千串。文均另行封貯。不准尋常動用。仍按年隨冊報部。以備查覈。該部知道。○諭軍機大臣等。托津等審訊蔡繩祖等私給假照一案。內任松宇係屬

要犯。疊經降旨飭拏。尚未弋獲。該犯籍隸浙江。事犯後潛逃。出京恐尚在大江南北地方逗留藏匿。著蔣攸銓陶澍鄧廷楨吳光悅通飭所屬嚴密查拏。務獲解交刑部審辦。又前充戶部捐納房貼寫劉東昇即劉永賓係浙江紹興府人。前據伊弟劉永朋供稱。在伊親戚湖北宜昌府都司恆光署內藏匿。已令嵩孚派員查拏。茲又據供。該犯現在伊表叔江蘇金典史處。著陶澍即派委妥員速行拏解。

勿任遠颺漏網將此各諭令知之○又諭前有旨令劉彬士查拏已滿書吏蔡繩祖等據案犯供稱蔡繩祖住居該處省城內清河坊茲又據蘇二供稱該犯現在杭州城內新中洋地方居住著該撫即派妥員到彼嚴密查拏並向該犯根究任松宇下落迅速拏獲解交刑部審辦將此諭令知之○又諭楊懌曾等奏睢州等處虧缺未完之數請飭按限歸補並將其餘各州縣詳查有無懸款照現辦章程隨時彌補等語各州縣倉庫錢糧不容絲毫虧短該管上司必應隨時嚴查遇有虧缺即當勒限彌補不可令帑項日久虛懸河南睢州等十二州縣虧短銀兩除已提解外尚未埽數補完著即按限歸補以清舊欠毋許任意延宕並嚴禁該州縣那移掩飾嗣後不准再有新虧至睢州等處既經查有虧缺其餘各州縣亦難保其必無著該撫督同藩司詳晰確查儻有懸款未補之處即數明實

虧若干據實具奏按照該省現辦章程隨時勒限彌補斷不可稍事徇隱致干重咎將此諭令知之○旌表逼嫁捐軀山東濟陽縣民李清明妻趙氏○已巳遣官祭關帝廟○諭內閣御史豫益奏京城錢鋪局騙關閉貽累兵民請嚴飭認真查辦一摺京師內外城開設錢鋪定例均令五家聯名互保報明該地方官存案如有關閉逃走者立將鋪戶拘拏押追逾限不完按律治罪所欠錢文先令互保各家代為開發一面咨行本犯原籍家屬名下追出償還若五家同時關閉者一併拘拏分別押追治罪原以杜奸商誑騙之弊各該地方官必應實力稽查懲辦若如該御史所奏近來新開錢鋪並不實取聯名保結僅將字號錢鋪捏稱搪塞各地方官並不查詢真偽關閉後或有遠颺不獲日久案銷或事後被獲託人從中說合包攬或因騙人錢數過多自行到官投首總以因人

負累為辭捏造帳目呈出以為減罪地步似此奸商局騙爭相致尤於旗民生計均有關係著步軍統領衙門順天府五城嗣後遇有錢鋪關閉逃走者即將該鋪戶管事人等一併查拏嚴究並咨行本犯原籍家屬名下著落追償勿任隱匿其互保之錢鋪先令代為開發各該管地方官務當遵照定例認真稽查有犯必懲斷不可視為具文任令奸商拖累閭閻○又諭寶興等奏滇省委員喀勒崇

阿羅祖望兩運銅船於上年八九月間運抵江蘇至今未據咨報何日開行著兩江總督查明該運船開行日期一面咨報一面迅飭該運員趙運北上至己丑年六運滇銅內除鄭允修一運業已渡黃外其滇員方若麟周誦芬王壽沈改之並川省接運委員楊佩芝等五運均未依次跟接咨報過境著雲南四川湖北督撫查明飭令各運員埽幫前進並著沿途各督撫一俟銅船抵境即飭上緊趲

行毋許稍有遲延僅承催督催各員催趲不力立即嚴參再滇省節年沈溺掛欠及煎煉折耗兩項銅斤前經該撫咨報戶部自庚寅年起分作五年每年帶解銅二十五萬餘斤其餘沈溺掛欠銅五十九萬餘斤煎煉折耗銅四十六萬餘斤俟價腳銀兩催追完繳再行買補著雲南巡撫迅速催追完繳造冊補解以資鼓鑄○庚午給河南武安林涉三縣地震災民房費並一月口糧○辛未諭軍機

大臣等托津等審訊假照一案據現獲要犯龐煥供出有前充戶部捐納房貼寫謝孚宸亦有假印周湘亭曾為攬捐該員現已捐納知縣分發山西亦係案內要犯著徐忻即行查拏派委委員迅速解交刑部審辦毋稍疏虞將此諭令知之○壬申

上詣

黑龍潭神祠拈香○諭軍機大臣等寄諭直隸總督那彥成兩江總督蔣攸銓江蘇巡撫

陶澍安徽巡撫鄧廷楨江西巡撫吳光悅山東巡撫訥爾經額河南巡撫楊國楨浙江巡撫劉彬士據戶部奏查出假照案內舞弊書吏賞濬姚鳳山業經降旨令步軍統領衙門順天府五城一體嚴拏矣賞濬即賞四現名賞濬原籍浙江山陰縣前據案犯供伊於告退書吏後捐納布政司經歷分發山西係前與龐煥夥辦假照之人已飭令徐忻委員提解該犯或聞風逃匿鄰近各省或私回原籍均未可定其姚鳳山係浙江慈谿縣人於前月二十六日由京逃逸任松宇籍隸浙江紹興府在府城外東關居住現據案證供伊已逃赴蘇州並浙江蕭山縣人現住杭州城內之蔡繩祖及紹興府人現赴江蘇金典史處之劉東昇先經諭令各該督撫飭拏所有以上各犯或於潛逃後尚在沿途逗留著那彥成等分別派委妥員嚴密查拏務獲解交刑部歸案審訊將此諭令知之○又諭據御史

張曾奏稱江蘇提鎮兩標川沙吳淞等營額設戰船六十隻每屆小修大修拆造等期該營照案移交松太道厯任以來延估不修現在除已造交營各船外尚有自道光三年起至今未修船三十餘隻足存營不及額設之半該營弁因不敷巡緝竟至添雇民船常年使用請飭趕緊修整禁止雇用民船並請將小修各船隨到隨修交營備用不必拘定移修先後次序致多積壓等語此項戰船為水師營操練巡防所必需松太道專司修造若延不修理致多缺額轉雇用民船貽累商旅該道員所司何事著蔣攸銑查明該營移交未修之船究有若干係何員任內之事因何延擱不修按其延修時日查取職名交部分別議處並飭現任道員將應修各船連為修整以備操防務飭該道及營弁等遇有應修船隻隨時報明趕辦不得再行添雇民船致滋擾累至該御史所奏大修之船有需時中

小修之船工省費減自可隨到隨修不拘先後次序之處是否可以通融辦理著該督體察情形妥議具奏將此諭令知之尋奏江蘇提鎮兩標額設戰船例應三年小修六年大修九年拆造因木植工價等項逐年昂貴例價不敷不能不由該道捐貼向係先由關庫開款借墊按限捐補以故未能隨到隨修至船隻解廠修理巡洋緊要之時不得不暫雇民船照民價捐發船戶既所樂從營中亦甚

稱便實無貽累商旅情事所有未修船二十四隻各道員或因委辦河工海運遲延實出有因應責成現任道員趕辦不任再有遲逾至應屆小修船隻相當隨到隨修仍由該道先行籌墊銀兩俟接准部覆領回歸款自不致積壓貽誤下部議行○癸酉

皇后千秋節宮內行禮如儀停止筵宴及在外福晉命婦行禮○甲戌
上詣綺春園問

皇太后安○丙子旌表守正捐軀湖南嘉禾縣民曾捨頭妻李氏○丁丑諭軍機大臣等據那彥成奏磁州一帶自閏月二十三日以後地常微動本月初七日又復大動將前此被震所騰房屋全行坍塌因居民先期露處或搭蓋席棚棲止是以尚未傷斃人口復飭藩司籌撥銀四萬兩委員解往備用等語磁州等處地震情形甚重應行撫卹各事宜既據該督籌撥銀兩分別辦理俱著照所議妥辦

俾免災黎失所至該處地方現已安靜前經派往文武各員自無須多人在彼除正定鎮總兵榮玉材業經回任外其餘員弁著該督酌留應用人數足數查辦彈壓餘即撤回以免滋擾將此諭令知之○又諭蔣攸銑等奏逃流販私帶同夥犯船隻鹽斤赴官自首情願效力贖罪一摺黃玉林一犯本係福建省逃流在儀徵等處販賣私鹽現在帶同夥犯伍步雲等八名並船隻鹽斤赴官投首情願

效力贖罪據該督等奏。現值兩淮亟籌靖私之時。懇恩寬其仍發原配流罪。責令指引緝私。並將伍步雲等一併免其治罪。留作眼線等語。兩淮釐務凋敝。多由私梟充斥。黃玉林既熟習販私之路。又相識販私之徒。自願隨同官弁引拏。並據淮南總散商人僉稱。用以緝私定能見效。官引必可暢銷。情願聯名結保。且前此查拏斬犯賀三虎。係該犯指引拏獲。久有悔罪自贖之心。其情亦尚可原。自無

妨寬其既往。予以自新。但黃玉林本有應發原配流罪。現在責令指引緝私。即能拏獲巨窩。積梟官引得以暢銷。亦祇可免其流罪。不得冀倖格外恩施。如該犯但圖苟免一時。不能立功自贖。仍當從重加等治罪。至伍步雲等八名。隨同黃玉林販私。不記次數。斤數。業經畏罪投首。照律應免治罪。該督等現擬留作緝私眼線。如稍不安靜。即當嚴行究辦。惟該犯等本非善類。將來應如何稽查安置之

處亦當豫為籌及。毋得稍貽後患。此事係屬權宜辦理。朕因緝私緊要。且據查明該犯等於私梟出沒。路徑最熟。緝捕可以見功。是以姑允所請。該督等務當隨時體察。籌計萬全。總期私梟斂戢。官引暢銷。不令該犯等別滋事端。始於該處釐務實有裨益。斷不可遷就一時。轉滋流弊。將此諭知蔣攸銓。陶澍並傳諭福森知之。○又諭河南彰德府安陽等六縣地震成災。據楊國楨前後奏到。業經降旨

加恩撫卹。惟聞臨漳縣地震時。有水湧出。淹沒什物情事。是否屬實。著該撫確切查明。據實具奏。將此諭令知之。尋奏彰德府屬地震各縣。前經委藩司戴宗沅徧為履勘。據稱臨漳境內地間有裂縫之處。約寬三五寸。斜長五六尺不等。並有形如甕口者。多有沙水湧出。震定旋即消涸。至鄉村什物。因屋塌壓損者居多。並無淹沒情事。報聞。○命哈密辦事大臣穆馨。阿來京。以三四品京堂候補。以副

都統銜布彥泰為哈密辦事大臣○貸烏里雅蘇台將軍參贊大臣俸銀修理衙署○戊寅諭內閣御史寅德奏崇文門稅務請仿照倉庫等例特派御史專司查察一摺崇文門設立稅局原以稽察行商盤詰奸宄應稅貨物固不容稍有偷漏而往來行旅尤不可任令胥吏等恣意婪索若如該御史所奏近來稅局巡役過多該役等所有親戚及熟識間雜人等每向該管委員請討論帖因此藉端

影射輒用白役多人需索訛詐以致往來官民人等視為畏途且聞各門稅局遇有裝載行李車輛到門每一衣箱索取銀四兩至八兩十兩不等其奸商私販違禁等物夾帶進城胥吏等轉得受錢文私行賣放京師為萬方輻輳之區似此滋擾舞弊不可不嚴行查禁嗣後著都察院堂官揀選滿漢御史擬定正陪帶領引見候旨派往該處專司查察其更換之期以一年為滿如胥役人等於不應

盤查之人故事勒捐遲留而於例應訪拏違禁貨物輒行受賄賣放該御史等一經查出即行指名奏懲辦所有該處稅務不准該御史等干預僅該御史等有心攪越或受人請託有授意免稅及縱容家丁需索滋擾情事即著該管大臣等據實奏務須各循職守互相稽覈於國課民生兩有裨益不可日久視為具文○諭軍機大臣等前有旨令徐所將假照案內要犯賞濬即賞淳謝子宸等

交刑部此時自己起解該撫接奉此旨即派委委員將該二犯寓所貲財嚴密查抄勿任稍有隱匿寄頓不可視為外省查抄具文將此諭令知之○又諭前有旨令劉彬士查拏假照案內要犯蔡繩祖任松宇賞濬即賞淳劉東昇姚鳳山該犯等均原籍浙江該撫接奉此旨即查明該犯等住址派委委員將其家產嚴密查抄毋任稍有隱匿寄頓不可視為外省查抄具文將此諭令知之○以拏獲

造言惑眾乘機滋擾奸民予福建臺灣鎮總兵官劉廷斌等議欽○緩徵江蘇海沭陽二州縣被淹災民本年上忙錢糧並節年漕價銀○乙卯

孝恭仁皇后忌辰遣官祭

景陵○諭內閣富俊等奏移駐宗室眷屬回京分別酌擬章程一摺所見甚是嗣後凡有移居宗室本身物故實係孤孀幼子毫無依靠者准其扶柩回京度日如孀婦有子年已十

八歲以上成丁者情願扶柩回京安葬事畢仍令回盛京在營居住至該營住房現空閒三十三所有可以移居宗室著宗人府查明具奏尋奏盛京宗室營空閒房間擬以素不安分之宗室移駐緣伊等身處繁華沾染陋習盛京風俗淳樸移駐後觀摩善俗可冀奮勉自新請嗣後宗室犯案除違罪以上者仍照定例辦理如素不安分或曾經圍禁後復滋生事端均於結案後連其眷屬由兵部押

往盛京交該將軍等令在營房居住作為移駐宗室則房間既不空閒而不安本分之宗室亦必畏法收斂改過自新似屬兩有裨益從之○庚辰諭內閣前因龐煥等偽造假照印文一案據戶部查明偽文內並無取具該捐生等身家清白冊結字樣當飭各該督撫府尹等詳查覆奏第恐該督撫府尹等於奉旨後飭令各該州縣清查捐照真偽而州縣奉行不善胥吏因緣為奸藉端勒索轉滋擾

累此案奸吏藐法舞弊歷年久遠必應徹底根究嚴行懲辦惟捐生真偽尚須詳辨若不示以限制勢必按年溯查紛紛提問牽累多人是查弊而適以滋弊此時詳查著追溯至嘉慶二十一年為止各該督撫府尹等務飭所屬詳辦部文真偽覈實查辦並嚴飭該州縣無得任聽胥役影射滋累其二十一年以前假照捐生如有因事犯案者仍行查明辦理以免紛擾而靖人心○又諭崇文門差役

將並不進城之家眷車輛妄拏押送官店並將跟車家人私行鎖帶。迨降旨將杜瑞交刑部審訊。又復任其逃匿。現經步軍統領衙門拏獲送部。訊明妄拏屬實。所有失於覺察之崇文門監督博啓圖聯順。及委員錦珠勒鶴來。俱著交部分別議處。○諭軍機大臣等。寄諭廣西巡撫蘇成額。據禮部奏。廣西省應行送部越南表文。誤隨摺遞。請旨更正一摺。向例各國陳謝表文。係由禮部送交內閣繕譯。

具題。此次越南國王阮福蛟。謝表一道。據該撫摺內聲明。照例送部進呈。復將原表隨摺呈遞。實屬錯誤。嗣後遇有此等外藩進表。例應由驛具奏者。著該撫一面由驛具奏。一面將原表照例咨交禮部。不得再有錯誤。將此諭令知之。○辛巳。

上詣綺春園問

皇太后安。○諭內閣。福克精阿奏。遵旨查辦移駐熱河閒散一摺。前據裕恩奏。請將熱河閒

散移駐雙城堡。經戶部議准。旋據富俊奏。請以伯都訥新城堡圍場荒地。給與熱河閒散墾種。當經降旨。令福克精阿酌量情形。妥辦。茲據該將軍查明。新城堡民墾地畝。認墾甫經五年初屆徵租之期。即行撤地移駐熱河閒散。居民未沾墾地之利。未免向隅。且須添一應經費。雙城堡現有備駐京旗蓋成房二百餘所。著照所請。即將熱河閒散旗人。仍照前議。准其移駐雙城堡居住。所有移駐章程。

著照戶部前奏辦理。○諭軍機大臣等。前因前任張家口監督景福任內徵收稅銀較前短至五千餘兩。據奏以按月分徵之數。覈計實短徵銀一千餘兩。當經降旨。令保昌等詳查。並飭交戶部查議。茲據該部奏。景福任內僅徵銀三萬八千五百餘兩。比較歷任交代成案。實短銀五千餘兩。此時關期未滿。僅後任多收例准抵補。如後任亦屬短絀。例應按日勻攤分賠。須俟本年九月關期報滿。奏銷。

到日始可定數著賠該監督遵行奏請亦屬不諳定例且接任監督銘恩呈報景福短交銀兩並無著落未敢冒昧結收等語是否景福徵多報少有無情弊何以銘恩尚未出結著保昌等遵照前旨確切查明據實具奏戶部摺著鈔寄閱看將此諭令知之尋奏景福任內實無向該商等勒索滋擾該商等因運釀出口後不能按日點卯向景福辯論情急頂撞景福隨將十人全行革退至短徵銀五千餘兩查明尚有徵收零稅錢三千九百六十千文支發書役盤費等用雖非侵入已究屬隱匿照例僅止著追並不治罪惟該員不聽候結案率以任滿回京殊屬冒昧應請交部議處從之○癸未諭軍機大臣等寄諭直隸總督那彥成兩江總督蔣攸銘江蘇巡撫閻澍安徽巡撫鄧廷楨江西巡撫吳光悅山東巡撫訥爾經額河南巡撫楊國楨浙江巡撫劉彬士前因托津等審訊假照案內據

要犯龐煥供出有前充戶部捐納房貼寫謝孚家亦有假印該員現已捐納知縣分發山西當令徐忻查拏解部茲據該撫奏該員前經派委赴部請領則例日久尚未回晉已降旨交步軍統領衙門順天府五城一體嚴拏矣該犯或聞風潛匿或沿途逗遛或私往浙浙一帶找尋尋總祖任松字等均未可定著那彥成等迅速派委妥員嚴密查拏務獲解交刑部歸案審辦將此各諭令知之○甲申諭內閣那清安等奏稽查崇文門稅務請各專責成一摺所奏是前因御史寅德奏崇文門稅務請照倉庫等例特派御史專司查察當經降旨准行茲據那清安等奏崇文門分立各口遠近不一所派二員勢難兼顧向係責成巡城各御史分段稽查較易周備著照所請嗣後崇文門總局著專派之員按日親往該處嚴行查察其餘各口仍著巡城御史隨時稽查以專責成其請派之員並著將給

事中與御史一併揀選擬定正陪帶領引見
○修築山東運河。捕河上河三廳。漳道官。既
並韓莊閘上攔河大壩。從河道總督嚴烺請
也。○乙酉諭軍機大臣等。寄諭江蘇巡撫陶
澍。私捐假照案內。要犯任松宇一名。現據伊
妻弟夏芬供稱。該犯於四月間。自直隸阜城
縣逃往江蘇省城。閭門前中街路陳協茂帽
纓店。伊胞弟任嘉穀處居住。著該撫即派委
妥員嚴密查拏。務獲迅速。解交刑部歸案審
辦。並將該犯寓所財產一併查抄。如該犯一
經就獲。即著由驛馳奏。毋稍走漏風聲。致令
違颺。將此由四百里諭令知之。○旌表守正
捐軀陝西城固縣民楊蓮成妻扈氏。○丙戌
諭軍機大臣等。朕聞江西泰和縣知縣徐迪
惠通曉堪輿。著吳光悅即傳該員到省。飭令
來京。務於中秋前後趕到。將此諭令知之。○
又諭朕聞浙江歸安縣教諭端木國瑚。通曉
堪輿。著劉彬士即傳該員到省。飭令來京。務

於中秋前後趕到。將此諭令知之。○修直隸
河間縣陳家門隄。從總督那彥成請也。○蠲
緩直隸磁邯鄲。成安三州縣地震災。民本年
下忙地糧有差。○是月纂輯平定回疆勦擒
逆裔方略成。
御製序曰。西域自
皇祖戡定。以還。土宇旼章。久歸聲教。逆回張格
爾。以通亡餘孽。聲靈窺邊。殆非一日。潛入卡
倫。疊行糾煽。厥辜自速。既竄復來。成擒行陣
之間。生致闕廷之下。由始事以迄成功。亦既
於告成太學碑文。備臚本末矣。茲廷臣纂輯
方略成書。以弁首之詞。為請。乃援筆而序之。
曰。方道也。略法也。出謀發慮。決策制勝。明炳
於幾先。智周乎萬里。而總不離乎道法。乃足
以彰聲討。而殄醜虜也。張逆游魂殘喘。偷息
荒陬。逞其譎謀。倣援邊圉。固
天道所不容。王法所不宥。臨軒命將。絕域行師。
宵旰籌幾。發蹤指授。捷伐伸乎遐裔。謀謨運

於廟堂憂勤惕勵曷敢稍釋敬體欽崇

天道之心以行抱法處勢之事戎臣致命勁旅

同仇狡兔脫而旋即投羅狂奔而終於觸

阱馳檻車以俘獲正葉街之刑章視前代檄

諭擒獻招致受降相去遠甚此中消息實有

陰為之驅而默為之相者朕仰承

昊佑實紹

前模惟以守道執法為兢兢是役之歲國憲彰

人心快而道法顯著於寰區是編之垂賞罰

信逆順明而道法丕昭於奕禩從前

皇祖平定準噶爾方略成於庚寅之歲迄今甲

子一周而是編適成續

武綏邊後先符合尤有不可思議者豈徒摩崖

刻石遠耀邊陲沃雪澆蠻全操勝算而已哉

大清宣宗效天符運立中體正至文聖武智勇
仁慈儉勤孝敏成皇帝實錄卷之一百六十九

關帝後裔錦岐襲五經博士。○以陝甘學政右春坊右贊善周之楨為司經局洗馬。來京供職。命翰林院修撰戴蘭芬提督陝甘學政。○旌表守正被戕江蘇丹陽縣民吉如松妻鄭氏。○緩徵河南汲新鄉糧。獲嘉、濬五縣被水村莊新舊額賦。○己丑。

上詣綺春園問

皇太后安。○諭內閣。兩江總督兼轄江西。該省相距遙遠。文武屬官未能接見。恐有鞭長莫及之勢。各省巡撫所管地方。亦有未兼總督兼轄者。若江西一省。無庸兩江總督兼轄。一切事宜。有無格礙。著大學士九卿會議具奏。

○又諭。琦善奏。各州廳縣拏獲訟師。請寬免失察處分一摺。前因四川訟棍唆控多案。已降旨令地方官遇案拏獲。即奏明寬免處分。茲據該督查明。綿州等十八州廳縣先後報獲訟棍多名。確有案據。著加恩將各該州廳縣應得失察處分。准予寬免。嗣後遇有獲辦

訟棍之案。所有地方官處分。邀免。仍著彙案具奏。該部知道。○庚寅。以長蘆正雜帑課全完。予前任鹽運使伍長華等議敘。○辛卯。諭軍機大臣等。據御史朱壬林奏。私鹽侵占。淮網最甚。而為害於江廣尤深者。莫如糧私。川私。糧船水手沿途收買蘆鹽。以及高寶興化地棍屯積私鹽。每船約計千餘石。經過安慶池州太平。以至江西湖廣。冬令回空。正值菜市旺銷之候。沿途售賣。各岸均被占銷。風聞

江廣幫船回空入境。各該省亦委員照例稽查。而水手眾多。毫無忌憚。委員一至。則各幫停泊。每船出鹽一二包。以為委員銷差地步。其實未得稽查。上年糧船行抵江西湖口。曾經該省委員立卡嚴控。旋即聞風停泊。及至兌漕期迫。不得不撤卡放行。此等挾制刁風。必須嚴加懲辦。至川私由夔關至宜昌之巴東縣入楚。蔓延湖南北。由銅鉛剝船隨帶者十之三四。由私梟販運者十之六七。近年四

五月間。江水漲發。每至連檣接舫。順流而下。守卡官弁目擊。畏葸不前。而屯戶之分販占銷。復聽其往來自若。以至楚岸未銷之積引。竟有七八十萬。自整頓離務以來。江省屢奏。拏獲梟匪多名。而楚省竟未有以拏獲私梟入奏者。請飭實力籌辦等語。兩淮離務疲敝。整頓之法。莫要於疏引靖私。該御史所奏。回空漕船及銅鉛船隻水手人等。沿途分販占銷。自係實在情形。全在文武官弁不分畛域。

隨時嚴密稽查。有犯必懲。方足以挽積疲而收實效。著各該督撫。漕運總督。長蘆兩淮鹽政。督飭所屬。於回空漕船過境時。實力查辦。不得仍前得規賣放。並藉詞兌漕期迫。有意縱容。其銅鉛各船。不得任聽多帶船隻。以為私販地步。總須私鹽斂戢。官引暢銷。斷不可視為查緝具文。仍至有名無實。將此各諭令知之。○大學士兩江總督蔣攸銓。因病賞假。命江蘇巡撫陶澍。暫署總督。○壬辰。諭內閣。

玉麟等奏。請阿克蘇所屬穆蘇爾嶺北噶克察哈爾海臺站。及伊犁所屬沙圖阿滿臺站中間。另行添設一臺一摺。噶克察哈爾海臺站。距沙圖阿滿臺站。路途遙遠。每年運送官物。恐致遲誤。臺馬不免疲倒。著照玉麟等所奏。於噶克察哈爾海沙圖阿滿二臺中間。恩東格爾布瑚圖地方。再行添設一臺。駐臺額魯特兵丁。由恩東格爾布瑚圖卡倫舊駐之額魯特兵丁三十名內。撤出十五名。令在新

設臺站當差。其管理臺站事務筆帖式。著即令管理伊犁所屬巴圖蒙克至沙圖阿滿七臺筆帖式四員兼管。至臺站所需馬十五匹。牛十四隻。仍照從前所辦。由官廠支用。○癸

上幸萬壽山。詣

廣潤祠拈香。○甲午。諭內閣。托津等奏。會議稽查役滿書吏。回籍章程一摺。在京各衙門役滿書吏。並不回籍。往往逗留京師。招搖影

射。飢法營私。據托津等遵旨會議章程具奏。所有已滿書吏。逾限不即起程。及半年不到原籍。潛行來京。分別革去職銜治罪。司坊官分別勸懲。疏縱之原籍地方官。叅處。告退革退之吏。勒限回籍。五城司坊官。督率總甲認真查報。冒籍大宛兩縣者。役滿令歸原籍。其籍隸大宛者。不准充當書吏。至貼寫酌定額數。責令該經承連環取保。其有加捐佐貳等官。毋庸在部投供者。勒令回籍。直隸鄭州商

販人等。嚴禁包攬代捐各條。均著依議行。並著都察院堂官。滿漢科道。留心查察。如有役滿逗留。及地方官容留疏縱等弊。隨事隨時據實嚴叅懲辦。不得日久視為具文。○旌表守正捐軀山東館陶縣民張士瀾妻姚氏。河南鄧州民李光祖女李氏。孟縣民武順興妻關氏。○乙未。

上詣綺春園問

皇太后安。○諭軍機大臣等。昨據鄧廷楨奏接

據刑部咨。拏龐煥案內捐生高敦仁一名。查係籍隸貴池。向在京城崇文門外木廠胡同葛本生紙行居住。每年附糧船北上等語。該犯曾為假照案內攬捐。必應歸案質訊。惟該犯或由皖來京。或在京聞信逃匿。著那彥成等委員於沿河一帶地方。密速訪拏。務獲迅即解京歸案審辦。將此諭令知之。○命湖南巡撫康紹鏞來京。以署工部左侍郎程祖洛為湖南巡撫。○旌表守正捐軀山東章邱縣

民劉志文媳馮氏。○丙申。諭內閣。戶部會同吏部具題。江西省道光六年地丁等項錢糧。原欠一分以上。二叅限滿未完。將督催不力之前任巡撫韓文綺。照例議以降三級調用。各省督撫遇有此等因公處分。原可加恩改為留任。惟韓文綺前在江西巡撫任內。並不力加整頓。以致會匪日益增多。地方廢弛。著實降一級調用。○撥湖北寶武局錢八萬串。發商生息。為襄陽緝捕經費。從總督嵩孚請

也。○旌表守正捐軀河南祥符縣民蔣二小妻黃氏。○丁酉諭內閣。前據戶部奏查明河南安徽山東山西咨送漏取身家清白冊結字樣假文內有四十八名。係竄入庫存稿內。茲據奏查出此項假底捐生。內捐銜捐官者四名。著將稿件咨送刑部。交托津等歸案辦理。其現在兵部行走之司務劉煒。著即傳訊。○又諭富俊等奏。邊外卡倫請常川安設一摺。盛京邊外卡倫。前經富俊在盛京將軍任內。奏明冬季不必移於邊內。常川在邊外安設。及奕顯莅任。祇酌留緊要卡倫三處。常川駐守。其餘俱奏請照常撤回。茲據富俊等查訊。偷砍木植人犯。多在冬季撤卡之後。雖留緊要卡倫三處。道路遙遠。鞭長莫及。稽察難周。著照所請。所有邊外卡倫。冬日不必撤回。仍令常川稽查。每屆四月。另行派往更換。並責成守卡官兵實力嚴查。如有賄縱情弊。即行嚴參懲辦。其珠魯莽喀地方。及邊內舊有

之小石棚佛小島子頂山拐等各處卡倫。均關緊要。亦著照舊常川安設。此後邊內外均有責成。且有按季派出之城守尉協領巡查。其密查之員。即行停止。該卡倫官兵鹽菜。仍照奏定銀數。由船規項下動支。該部知道。○又諭陶澍奏。擊獲假照案內要犯解京審辦一摺。任松宇。劉東昇。均與蔡繩祖等同惡相濟。係假照案內最要人犯。該撫接奉諭旨飭拏。即遴派幹員分路踴緝。迅即就獲。甚屬可

嘉。陶澍著加恩賞加太子少保銜。以示獎勵。清河縣知縣加知州銜張心淵。試用府經歷顧毓奇。未入流金寶山。俱著送部引見。其任松宇。劉東昇二犯。現經該撫委員解京。沿途所過地方。著各該督撫酌派員弁。按程護解。迅速來京。勿稍疏虞。○諭軍機大臣等。據陶澍奏。擊獲假照案內要犯任松宇。劉東昇二名。委員解京審辦。甚屬可嘉。業經降旨加恩。此外尚有蔡應聯。姚鳳山。謝孚宸三名。俱係

案內要犯在逃未獲。著陶澍督飭所屬嚴拏務獲。迅速解京。歸案審辦。將此諭令知之。○戊戌。調荊州將軍徐煨。為西安將軍。以烏里雅蘇台參贊大臣慶古。為荊州將軍。頭等侍衛奕額。為烏里雅蘇台參贊大臣。○予故西安將軍達凌阿祭葬如例。賞銀三百兩治喪。諡武壯。○己亥。雲南按察使翟錦觀因病解任。以山東鹽運使李義文。為雲南按察使。○庚子。諭內閣。陶澍奏。於戶抗糧開署。供情狡執。請將知縣暫行解任。質審一摺。此案江蘇新陽縣職貢吳模。因該縣催完糧石。遽赴縣署。嗾開。並攙翻公案。將該縣補褂扯毀。經該縣解府請究。該貢生旋以浮收喝毆等情。赴巡撫衙門具控。該撫批飭蘇州府知府查審。該貢生雖供有包納情事。於翻案毀衣一層。堅不承認。供情既異。並於提審後。在店內自縊。是否真情畏罪。抑或另有別情。案關人命。必應嚴行查究。新陽縣知縣苗臨澧。著解任。

交陶澍親提案內人證。嚴審。務得確情。按律定擬具奏。尋奏。吳模抗糧鬧堂。畏罪自盡。屬實。苗臨澧原稟情節。與現審供情。亦有未符。請交部議處。從之。○諭軍機大臣等。本日據那清安等奏。山東登州府棲霞縣民人張玲。以父冤莫伸等詞具控。已明降諭旨。交訥爾經額督同臬司李文耕。秉公審訊矣。此案該民人於上年。以伊族兄張訥。挾嫌謀殺伊父張世勳。賄仵朦驗。自戕等情。在步軍統領衙門控告。當交該撫提審。嗣經訊明。奏結。茲該民人復以委審各員。回護原斷。將伊等刑逼具結。赴京呈控。是否實有冤抑。必應徹底研究。以服其心。著該撫督同李文耕。提集人證。並未獲之要證。張世涼。秉公嚴訊。務得確情。斷不可以曾經審擬奏結。稍涉回護。將此諭令知之。尋奏。張世涼現已拏獲。秉公研鞫。張玲。委係赴京捏控。並無冤抑。應杖一百。折責發落。從之。○以捐建義倉。予江蘇紳士徐學

翼等議敘有差。○禮部議准江蘇巡撫陶澍疏報。採訪江陰縣貞節婦女黃元氏等三千二百六十八名。請建總坊旌表。從之。○辛丑旌表守正被戕四川溫江縣民陳汶燦妻雷氏。○壬寅。

上詣綺春園問

皇太后安。○諭內閣楊遇春奏古城馬廠報有倒缺。請旨查辦一摺。所奏甚是。口外古城西廠倒缺馬四千餘匹。即因馬多廠窄水草不

敷。致有擁擠傷損。何至為數如此之多。雖據稱歷任各員現有賠存馬價。但既未隨時呈報。又不照數買補。輒以所存價銀交相作抵。其中恐有弊端。且該鎮所轄共有三廠一廠如此其餘兩廠亦難保無短缺價抵情弊。事關牧政。必須徹底清查。著交烏魯木齊都統成格就近確查。將如何短缺之由詳細究明。據實具奏。以免隱混而歸覈實。○諭軍機大臣等。據楊懌曾等奏。六月初一日。行抵荊州

府城。據江陵縣知縣林士璩稟稱五月初八日起連日大雨。至十五日酉刻。江水增長南岸松滋縣之朱家學。公安縣之許劉洲。下游監利縣隄頭等工段。為江水漲漫潰口。驛路漫溢。須改由水路前行。次日甫經渡江。即有生員唐際盛等呈遞公呈。並兩岸隨從居民百餘人喊稟乞恩。飭縣勘驗。或稱公邑隄潰江邑被淹。或云勢當頂衝。被災較重。或云糧田溢漲。並有淹斃人口情形。隨於經過地方

察看兩岸水淹之處。業已半月。並未消涸。居民支棚架席。炎蒸露處。殊堪憫恤等語。地方大吏首以安民為重。偶遇偏災。即當迅速查勘。加意撫綏。無使一夫失所。方為不負委任。湖北荊州南岸公安松滋等縣。據該侍郎等奏。漫口潰隄。居民被淹。情形甚重。該處被水成災。係在五月。該督撫自應一面據實奏聞。一面設法安撫。乃迄今一月之久。尚未據查勘具奏。該督撫所司何事。廢弛已極。著傳旨

嚴行申飭。現在該處被災情形。究竟若何。該督等曾否委員查勘。被災居民。是否妥為撫卹。何以遲至月餘。不行奏聞。著迅即由驛明白回奏。將此諭令知之。○旌表守正捐軀山西榮河縣民潘遊方妻賀氏。○癸卯。諭內閣。李鴻賓等奏。會議查禁紋銀出洋。及鴉片分銷各弊章程。前因外夷海舶。有以洋錢私易內地紋銀。及夾帶鴉片行銷之弊。當經飭交李鴻賓等將如何絕其來路。如何禁其分銷。詳籌妥議。茲據嚴議章程六條具奏。所議尚為詳悉。鴉片流毒內地。較紋銀出口為尤甚。該督等既經釐定章程。自應認真查察。務當嚴飭所屬實力奉行。有犯必懲。無得視為文告故事。日久又致有名無實。該部知道。○添建廣東東莞縣大角山礮臺。從總督李鴻賓等請也。○甲辰。諭內閣。御史袁元俊奏。查辦假照。請派大臣會同戶部。將嘉慶二十一年以後庫收小票。暨每月江南道磨對原冊。一

併檢齊查對。著派湯金釗。那清。容。各揀帶司員二三人。會同戶部堂司各官。認真詳查覈辦。如戶部司員有意存回護消弭情事。著湯金釗等據實嚴叅。○補行道光九年大計。江西卓異官十員。浮躁官二員。才力不及官二員。不謹官一員。年老官四員。有疾官一員。廣西卓異官八員。浮躁官二員。罷輟官二員。有疾官一員。年老官二員。貴州卓異官七員。年力不及官二員。有疾官二員。年老官三員。分別議敘處分如例。○乙巳。諭內閣。昨將編修王炳瀛升授右春坊右贊善。本日據文慶等據呈代奏謝恩。向來升任人員。其應行謝恩者。例於吏部次日述旨後。再行遞摺。乃文慶等於旨未述下時。遽行代奏。與各衙門未能畫一。殊屬不諳定例。文慶。沈岐。鄂木順。額。吳邦慶。俱著傳旨申飭。○又諭。蔡繩祖。龐煥。任松宇。劉東昇等。以戶部捐納房貼寫。膽敢私辦假照。得受多贓。目無法紀。已極

現在業已破案。將該犯等拏獲。自必徹底根究。以儆奸徒。而清積弊。惟該捐生等多係受其欺騙。如有知情攬捐者。自應提究懲辦。其實係被騙捐生。一概不必傳訊。仍當遵照前旨。無庸調驗假照。以免拖累。並著該督撫府尹等。曉示各該捐生等。不必暗生疑懼。妄聽邪言。將來定案後。分晰辦理。亦不致令屈抑。並責成該地方官隨時查察。如有猾吏奸胥。藉端嚇詐勒索。立即從嚴究辦。著將此旨即

行刊刻。勝黃。徧行曉諭。俾眾咸知。以杜紛擾。○禮部議准。江蘇巡撫陶澍疏報。採訪吳江震澤二縣貞節婦女。迓氏等二千一百七十三口。請建總坊旌表。從之。○丙午。諭軍機大臣等。據玉麟等奏。探聞那林一帶。布魯特不靖情形。將南路換防官兵。暫緩更換。另籌辦理一摺。前經該將軍等。派令領隊大臣。端多布。巡查布魯特邊界。於起程後。適有哈薩克公阿布拉差人來城。經該將軍等。詢知有布

魯特勾結霍罕聚謀搶劫情事。即密札端多布留心訪察。旋據稟稱。行至鄂爾霍卓爾卡倫。阿布拉前來面稟。聽得跟過張格爾的霍罕人名叫依散。即愛散。現同阿坦台。汰劣克等。約同霍罕共有幾千人。在那林橋一帶等候喀什噶爾換防兵丁。欲行謀劫等語。續據該領隊稟稱。有布呼愛曼布魯特比鄂勒吉拜迎接面稟。據稱阿坦台。汰劣克。依散即愛散。又有布魯特奇布勒代。莫得特。訥蘇善。伯

庫巴薩爾。色依特。洋阿爾西。及霍罕人木蘇伯克。糾約布魯特及霍罕人眾。上年謀搶換防兵丁。因布呼愛曼將汰劣克拏去不放。所以耽誤。並有布呼愛曼之布魯特比。遣其子鐵列克瑪特來見。所稟與鄂勒吉拜之言無異。該領隊以所言虛實難以遽信。但向來領隊大臣巡邊出卡時。塔什坦伯克先來接見。此次遣其子三人前來遞馬。並勸該領隊勿輕信人言。祇管前進。伊已豫備人馬等候護

送官兵。且云阿坦台汰劣克久已遠颺無蹤。該領隊欲留其一子。隨營行走。察其情狀。甚屬虛怯。種種情節。均屬可疑。惟鄂勒吉拜等所言是否確實。該將軍等當再加密訪。務得確情。妥為辦理。所有本年南路換防官兵。著照所請。援照從前間一年更換之例。暫停一年。又據另片奏。酌議辦理機宜三條。均屬可採。該將軍等以阿坦台汰劣克等日久恐為邊患。請於來年四五月間。巡查邊界。酌添兵力數千。帶送換防官兵。鎮靜彈壓。為陳兵之舉。該逆夷等悔罪投誠。自應順勢招徠。如敢自作不靖。即大加懲創。但既欲進兵勦辦。必須一鼓作氣。操必勝之權。計出萬全。以靖邊圉。至所稱該逆夷等蹤跡。伊薩克必能密訪得實。著該將軍等即自行札知扎隆阿。令其密向伊薩克傳知。設法辦理。其喀什噶爾近卡各布魯特。及前此收撫之各布魯特愛曼。向皆納款輸誠。均可為我所用。伊犁卡外各

布魯特如布呼等各愛曼。均極恭順。亟宜加意羈縻。卡外動靜。可以時時得其梗概。其中有實在出力者。查明優獎。亦著該將軍等自行札致扎隆阿。及葉爾羌烏什辦事大臣等。一體加意妥辦。將此由四百里諭令知之。○緩徵河南安陽臨漳武安林涉湯陰六縣地震被災村莊額賦有差。○丁未諭軍機大臣等。據吳光悅奏。改議江西巡河章程。節省經費。並將攸鈺等奏。捐廉津貼南贛二府所屬廳縣。以資辦公。各一摺。並將每年酌提公項。及捐廉銀數開單呈覽。江西河道綿長。為數省通津。每有匪類沿河搶劫。節經奏明設立巡船。籌給委員等緝捕經費。茲該督等以前議章程未妥。復行酌改。並議每年酌提公項。自巡撫以下分別捐廉津貼。各官額設養廉。原為辦公之用。巡撫司道係屬大員。每年酌捐養廉津貼。尚無不可。至府縣所得養廉。本屬無多。若令每年按缺幫捐銀兩。歲以為常。

誠恐各府縣有所藉口。致不肖之員。指端婪索。實難望其潔已奉公。且捐給多款。若不認真辦理。亦徒飽吏胥私橐。轉致日久廢弛。於捕務仍屬有名無實。該處緝捕經費。係屬年例應給之項。必須經久可行。方無流弊。著該督等另行熟籌妥議章程具奏。俟奏到時再降諭旨。將此諭令知之。○旌表守正捐軀河南鄧州民唐奉翔妻高氏。四川鄧都縣民秦仕倫妻馬氏。○戊申。諭軍機大臣等。本日據

那清安等奏。河南南陽府鄧州民人王懷寶。以冤斃無辜等詞具控。此案該民人所控該州徵收倉穀。差役羅元魁等勒索浮收。並令立時完納。該村民人因無力全完。央緩該役等即以抗穀不交。捏詞朦朧。該州會營率領兵役。攜帶烏槍。前赴該村。伊子王小三及鄰人李添貴。被槍擊斃。並沿門拏捉多人。嚴刑追比。事關地方官任聽差役殃害平民。必應徹底根究。著楊國楨督同麟慶。提集案內人

證。訊取供詞。先將大概情形。據實具奏。將此諭令知之。尋奏。李添貴等私藏烏槍。拒捕傷人。應照例擬絞監候。業經身死。應毋庸議。王懷寶自認誣控。應杖一百。徒三年。該州知州易良傑。並無短價。派折情弊。惟辦理不洽。與情。應交部照例議處。從之。○己酉。

上詣綺春園問

皇太后安。○遣官祭

火神廟。○旌表守正捐軀安徽旌德縣民汪

期富妻吳氏。○庚戌。諭內閣。御史邵正笏奏。內地奸民種賣鴉片。貼害民生。請旨飭查嚴禁一摺。所奏甚是。鴉片煙流毒最甚。向係產自外洋。奸商夾帶銷售。徧行內地。屢經嚴行飭禁。茲該御史奏。近年內地奸民。竟有種賣之事。浙江如台州府屬種者最多。寧波紹興嚴州溫州等府次之。有台漿莖漿名目。均與外洋鴉片煙無異。大夥小販。到處分銷。地方官並不實力查禁。以致日久蔓延。此外如福

建廣東雲南亦皆種賣。有建漿廣漿芙蓉膏等名目。似此紛紛種賣。若不禁止盡絕。將來必至傳種各省。不特貽害善良。更屬大妨耕作。著各省督撫嚴飭所屬確切查明。僅有奸民種賣。責成地方官立即究明懲辦。並將如何嚴禁之處。妥議章程具奏。如所屬實無種賣者。亦著確切查明。據實覆奏。總期認真查辦。淨絕根株。若日久視為具文。仍致有名無實。一經發覺。惟該省督撫是問。懷之。○鑄給

湖南撫標左右兩營守備條記。從總督高孚請也。○旌表守正被戕直隸唐縣民王傑妻楊氏。○辛亥。諭內閣。阮元奏參不職之守備遊擊請革職嚴審一摺。此案貴州長壩營遊擊劉應祥。稟揭署中軍守備馬登雲藉查辦匪徒勒索錢文各款。馬登雲亦以劉應祥於該守備經管錢糧不容經理。並冒餉五十餘分稟揭。現經該督提訊。該弁等堅不承認。案關營員勒索冒餉。必應徹底根究。分別懲辦。

署長壩營守備事候補守備馬登雲長壩營遊擊劉應祥。均著革職。交該督親提案內弁兵營書人證。嚴審確情。按律定擬具奏。○壬子。旌表守正捐軀陝西靖邊縣民錢大懷妻李氏。○癸丑。

上詣

大高殿行禮。○還宮。○遣貝勒托恩多往奠故鑲藍旗蒙古都統回部郡王銜貝勒哈迪爾茶酒。並賞銀五百兩。○以委散秩大臣和世

泰為內大臣。鑲白旗滿洲副都統綿德為鑲藍旗蒙古都統。○以孟秋時享

太廟。自是日始。齋戒三日。○甲寅。諭內閣。嚴烺奏。請添撥防險銀兩一摺。著照所請。准其於河南藩庫添撥銀三十萬兩。另款提存司庫。如遇工緊用迫。即由該河督覈明銀數。咨行撥發。此項銀兩。係籌添防險而設。本非定額。國家經費有常。總當力求撙節。何得援照舊案。歲以為常。按數請撥。此次因據奏查明防

守緊要情形。姑允所請。照數撥給。仍俟霜降安瀾後。覈明總數奏報。如用有餘存。即撥還司庫原款。嗣後該河督務須認真稽覈。即遇有緊要工程。亦當力加節省。總期工歸實用。請撥之項。有減無增。不得藉口籌備。拘定三十萬兩之數。以昭覈實。○諭軍機大臣等。本日孫爾準奏。龔鎮海患病。呈請解任。所遺浙江定海鎮總兵員缺。已降旨將陳步雲補授矣。定海鎮所轄洋面遼闊。與江南交界。為漁

船會集之所。督察巡防。最關緊要。陳步雲於該鎮是否人地相宜。能否勝任。著該督留心察看。據實具奏。至該員籍隸浙江。補授該鎮。是否有應行迴避之處。並著查明覆奏。將此諭令知之。尋奏。陳步雲歷任定海鎮屬守備。遊擊參將。人地相宜。堪勝總兵之任。該員籍隸浙江瑞安縣。與定海係屬隔府。應否迴避。恭候欽定。得旨。毋庸迴避。○調正紅旗漢軍副都統裕誠。為鑲白旗滿洲副都統。以和闐

幫辦大臣舒倫保。為正紅旗漢軍副都統。○乙卯。諭內閣。扎隆阿等奏。請將葉爾羌每年徵存餘糧。改徵折色。以抵經費一摺。所奏是。葉爾羌每歲應餘糧九千三百八十餘石。按五錢一石改徵折色。糧九千石。計按年折徵銀四千五百兩。以之抵充常年經費。即可照數減調。其現覈存倉餘糧二萬石。作為額貯。按年輪流出陳易新。不致徵變折耗。著照所請。自道光十年分新糧開徵為始。每年改徵

折色糧九千石。即以此項銀兩。抵留該處經費之用。入於銀款造冊咨部。至那彥成前奏。將葉爾羌餘糧折色變價。解往阿克蘇。茲據扎隆阿等查明。阿克蘇已有積貯。若再將折徵銀兩統歸阿克蘇採買存倉。不特難於久貯。且各城糧價不一。亦難按年採買。著毋庸解往。○以服闋布政使林則徐。為湖北布政使。

者照舊有餘地分別佃戶係旗人責成界官承催係民人責成民員承催一律造報考成咨送盛京戶部奉天府府尹查覈十月內通完者照例議敘如催追不完附題叅處以專責成而免拖欠該部知道○丁巳諭內閣前因兩江總督兼轄江西相距遙遠恐有鞭長莫及之勢降旨令大學士九卿會議具奏茲據托津等奏不歸總督兼轄並無格礙曹振鏞等奏請將兼轄之處仍循其舊松筠並於

會議摺外另摺具奏朕詳加披閱所議均屬明晰惟江西地方武備尤為緊要曹振鏞等查明兩江總督兼轄三省兵額幾及七萬巡撫專任江西合撫鎮標營兵額僅止一萬二千數百名除留防省城及各府州縣倉庫各標營防汛外兩鎮可調官兵不過數千名僅遇應行水陸分道並進實慮兵力不敷總督若不兼轄該巡撫必須一面具奏一面咨調鄰省官兵臨事耽延時日所關甚鉅兩江總

督兼轄原為控制以期聯絡聲勢徵調官兵呼應較靈所有江西一省著仍循其舊統歸兩江總督兼轄毋庸另議更改○諭軍機大臣等托津等審訊假照案內有代蔡繩祖在坊官衙門說情之浙江人徐二即徐光祖據伊子徐松年供稱該犯現在江蘇松太道衙門派伊管理軍功船廠事務又據各犯供稱已滿刑部堂書馬大即馬懷玉又名馬鑑該犯亦有假印現在蘇州閶門內居住著陶澍

即派委妥員將該二犯嚴密查拏迅速解交刑部歸案審辦毋稍疏縱將此諭令知之○贈故休致署工部左侍郎戴三錫尚書銜予祭葬如例○戊午以大學士長齡管健銳營事○乙未諭內閣奕繪著加恩賞假二十一日回京辦理伊妻喪事所管東陵承辦事務衙門印鑰著溥喜署理○兵部等部議奏大學士兩江總督蔣攸銑奏揚州營左軍守備移駐高郵事宜○撥兵三十名

歸入營伍差用。○高郵實應衛陽水南北四汛弁兵由該守備督率巡緝隨時查察。一督催銅鉛木料過境如逾限耽延各按地界參處。○揚州營原帶兵五十名由參將派員管帶按半年更換。○移建守備衙署。○高郵原設千總改為城守千總。○俸薪糧餉等銀仍由營支領應如所請辦理從之。○修浙江東西海塘柴埽坦水盤頭各工及上虞縣呂家埠柴土塘隄並添建塊石坦水從巡撫劉彬

士請也。○辛酉旌表守正捐軀雲南文山縣民李小七女老妹媳李氏。○壬戌諭內閣那彥成奏審訊冀州民人朱學武京控張大白等調姦伊妻朱趙氏不從將伊妻女殺死燒屍該州不為究辦現經究明定擬一摺此案冀州知州阮亦昂於輪姦致死一家二命放火燒屍重案既經訪有端倪不即切實窮究定案幾致失出斬決重犯非尋常未能審出實情可比著即革職示懲臬司花杰督同委

員認出血衣審得實情俾正兇不致漏網著交部議敘保定府知府張範東究出此案血衣正兇俾冤獄得伸且據該督奏該員於委審案件隨到隨結此外又有審正徒流死罪五案實屬認真公事著賞加道銜以示鼓勵保定府通判何煥緒題補元城縣知縣劉遵海隨同細心研鞫立破重案俱著交部從優議敘。○修直隸磁邯鄲三州縣地震坍塌文武衙署倉廩監獄並給兵丁一月餉銀修理房屋從總督那彥成請也。○緩徵直隸霸永清滄真肅寧南宮新河衡水大名大城十州縣被水被雹村莊新舊額賦並貸倉穀。○癸亥

上詣綺春園問

皇太后安。○諭內閣嵩孚等奏查明荊州等屬被淹輕重情形一摺湖北荊州府屬監利等縣江水漲溢居民田廬被淹該督等已酌撥銀二萬兩責成該道府及委員等分投散放

並將嘉魚等縣被水處所設法疏消著該督撫卽飭署藩司栗毓美親往查辦督同道府委員妥為撫卹務使實惠及民毋令災黎失所○旌表逼嫁捐軀湖南安化縣民黃德修妻陳氏○甲子諭內閣玉麟等奏籌補回疆軍務案內動用倉存餘糧一摺前此回疆軍需案內由伊犁撥運小麥四萬九千石零粟米一萬石零係積年盈餘備貯之款既經動用自應隨時籌補著照所請自本年為始每

年秋收後察看情形統限三年陸續買補小麥五萬石粟米一萬石酌中定值小麥每石價銀不得過五錢粟米每石價銀不得過六錢計買補軍糧六萬石並加運腳寬為約估所需銀三萬五千兩著陝甘總督飭司照數籌撥於調解辛卯壬辰兩年伊犁經費時分起搭解其本年採買所需價銀著先由兩滿洲營官當舖官布鋪本銀項下墊用俟甘省解到時還款嗣後按年照辦每年買補若干

石動用價銀若干兩按年造冊咨部俟買足六萬石之後再行專摺奏報此項買補之糧著永遠作為備貯不准濫行支放其撥解之項俟買補完竣如有盈餘准其抵充經費屆期確估照數扣調該部知道○諭軍機大臣等據玉麟等奏巡邊之領隊大臣端多布旋回詢據伊出卡時阿布拉前來稟稱霍罕屢向哈薩克索取牛馬租稅不敢應允又懼霍罕強橫所以避居近卡冀仗天朝威福那林

以北蘇勒團愛曼布魯特上年搶劫霍罕一次近聞霍罕來向布魯特報仇互有殺傷現聞阿坦台汰劣克等勾結霍罕布魯特人眾在那林道上要搶換防官兵接見布魯特比鄂勒吉拜等皆稱阿坦台等謀搶換防官兵若官兵人少前往恐有不利玉麟等復面詢旋回之官兵及途次差探之富克吉布等會稱此番出卡途遇布魯特甚多且屢有遠來之布魯特三五為羣隨營偵探官兵多少復

經恭順之布魯特節節勸阻不可前往與向來送兵出卡情形迥別等語。又據扎隆阿將伊犁派防官兵中途撤歸及喀什噶爾接換官兵至那林不能久候仍行折回各緣由具奏並密陳各布魯特恭順安靜伊犁撤兵失誤情形前據玉麟等奏探聞那林一帶布魯特將作不靖請將南路換防官兵暫緩更換當經降旨允准並令密訪是否確實妥為辦理茲據玉麟扎隆阿等各將查訪情形具奏

那林地隸外夷如果布魯特等糾約謀擒必須該將軍等會同訪查相機妥辦若照常安靜亦斷不可輕聽謠言致損天朝聲威本年南路換防兵丁業經援照向例暫停一年至明歲則斷不可再停著玉麟等妥為籌商屆期查探明確如恐換防兵力單弱即添派兵丁一二百名於協領佐領中擇其曾歷戎行者派委數員飭令小心彈壓儻布魯特等果有意圖搶劫情事不難一鼓作氣大加懲創

該將軍等務當鎮靜撫綏計出萬全即因傳言可疑加以慎重亦祇可於換防時酌添兵力以壯聲勢不可示弱外夷總須令其知感知懼邊圉永臻靜謐將此各諭令知之○喀什噶爾參贊大臣扎隆阿奏訪獲阿斯圖阿爾圖什莊白帽回子迭捏雅爾則依特阿布拉等妄言倡聚以迎奉玉素普為詞意圖謀變除阿布拉病故不議外將迭捏雅爾則依特二犯押赴回城當眾杖斃以昭炯戒得旨

嘉獎○以纂輯平定回疆勦擒逆裔方略成總纂兼提調官光祿寺卿趙盛奎下部議敘餘升補有差○以挑濬江蘇溧陽縣三塔蕩河道出力知縣吳亮祖等下部優敘捐貲紳士劉英才等議敘有差○以挑濬江蘇太湖廳鵬鵠河出力賞同知劉鴻鵬等升銜捐貲紳士葉長祉等議敘有差○修甘肅鎮西府衙署從烏魯木齊都統成格請也○乙丑孝懿仁皇后忌辰遣官祭

景陵。諭內閣。御史范承祖奏請飭定保送倉差監督章程一摺。倉場為正供重地。各監督有收放米糧。約束花戶之責。必須廉幹之員。方能勝任。據該御史奏。此次保送倉差。有前任廣東高州府知府。今任戶部員外郎海壽。及前任山西潞安府知府。今任刑部員外郎陸繼祖。皆係不勝外任。奉旨改補今職。此等人員。若畀以倉差。難望其振作。有為。實心任事等語。所奏是。嗣後各衙門堂官。凡遇此等

人員。不准濫行保送。以重倉務。至請將各衙門學習期滿。奏留候補司員。與實缺人員。相間保送倉差之處。不可行。著毋庸議。以修福建淡水廳城垣出力。賞同知李慎彝等升銜。捐貲紳士張惟明等議敘有差。丙寅諭內閣。御史范承祖奏。倉場衙門已退書吏何公現充書吏李漢。姚淳等倚勢縱恣。執法營私。請飭究辦一摺。著交祁項福泰前往倉場衙門。嚴行查辦。據實具奏。○諭軍機大臣

等據戶部奏。四川咨送捐生冊內。開載李成旭一名。道光九年六月。在本省捐監。如捐犯總職銜。又陳忠孝一名。道光九年六月。由監生在本省藩庫加捐。衛千總職銜。該部查覈案據。及該省造報九年六月捐生清冊。均無其名。外省報捐職銜。久經停止。該省亦從無冊報藩庫捐職咨部事件。現在冊內開載李成旭。陳忠孝二名。是否該省有假冒藩庫實收。欺騙鄉愚弊端。抑係造冊舛錯。著該督詳

晰查明。迅速據實具奏。將此諭令知之。尋總督琦善奏。查李成旭。陳忠孝。所捐監生職銜。領有部監二照。本省尚無假冒藩庫實收情弊。迨查取清白冊結時。該二人因在省託人代辦。即稱在藩庫報捐。自係鄉愚不諳定例。該縣亦未詳查。以致造冊舛誤。與該二人無涉。至報捐姓名。既在未取清白冊結部文之內。其為部書假捏。舞弊無疑。下部知之。又諭據御史宋劬毅奏。貴州科場供給。向係責

成貴筑縣承辦凡一切需用之物無不派做民間又勒令各戶輪舉一人為首承應差事吏役等藉差肆行需索擾累閭閻請飭嚴行禁革又貴州遵義府向例於郡城及烏江岸設關徵收雜稅而四鄉復私設稅口多至四十餘處其他府州亦各設至八九處或六七處不等本官家丁及胥役等從中漁利嚇詐擾害無所不至請飭嚴拏懲辦各一摺著交楊懌曾等於審辦雲南京控案件完竣後路

過貴州就近將所奏各情形詳細查明是否屬實據實具奏將此諭令知之○又諭據戶部奏吳光悅片奏江西捐納貢監生專行部文亦有漏取冊結之件未經造送等語現在查對各省送到捐生咨文均係職銜貢監一律辦理著該撫即將該省自嘉慶二十一年以後所有捐納貢監生漏取冊結專行部文迅速咨送戶部以憑覈對將此諭令知之○禮部奏八月初十日

萬壽節應行禮儀得旨照例行禮停止筵宴○丁卯旌表守正捐軀河南魯山縣民孫沅鑿妻王氏信陽州民婦蕭高氏媳張氏改建浙江蕭山縣西江石塘從巡撫劉彬士請也○戊辰諭內閣御史徐培深奏戶部八旗現審案件請定州縣訊詳限期並八旗地畝冊檔徵爛請加修訂一摺八旗地畝遇有在戶部呈控之案向由戶部咨查旗檔行文各州縣傳訊詳覆照詳覈斷據該御史奏近日積

壓一千餘案之多竟有遲至數年並數十年未結者皆由各州縣任意延擱間有詳覆經部指駁者又復耽延時日其各旗地畝冊檔每多徵爛不全莊頭佃戶遂任意侵隱民人影射旗產報糧升科旗人妄指民業有意侵占總因冊檔無存曉曉聚訟以致承審之員無從究詰日積月多自應設法清釐以除積弊著戶部即將各州縣訊覆之案明定期限並令各州縣於訊詳文內聲明有無逾限字

據如有逾違即行覈叅纂入則例遵行其八
旗地畝冊檔著各該旗都統轉飭參佐領等
將未經徵爛者續加謄繕用印存旗其徵爛
不全者應如何修訂完善著秉公妥議奏明
辦理以免弊混而清訟源○又諭前據周載
呈控宗人府供事楊煌倩槍冒考並山海關
通判承瑞託伊打點報銷及蔡繩祖等私賣
假照各款業經刑部訊明先將周載楊煌定
擬奏結因蔡繩祖尚未到案禁押候質茲周

載復以前控承瑞一款係屬承審司員刑逼
畫供等情翻控自宜徹底究訊以服其心著
派曹振鏞長齡盧蔭溥文孚穆彰阿覆審定
擬具奏尋訊實承瑞周載楊煌等治罪如律
刑部承審司員下部議處堂官及承瑞該管
上司議處察議有差○諭軍機大臣等據御
史徐培深奏稱貴州省苗疆地方派夫折價
擾累太繁每遇地方官出牌飭土弁拘集
苗民數百名守候供役從未給以傭值又其

甚孝官無他出亦每日令土弁按戶輪流出
夫或百名或百餘名定以額數折交夫價土
弁差役共分其半地方官安坐衙署收受其
半土弁藉此分肥甘任驅使苗民深受其累
等語黔省地瘠民貧而苗民寒苦尤甚乃地
方官不加體恤不惟公出拘令守候廢時失
業甚至閒居無事仍復勒出夫價任意賒削
分肥豈朝廷設官衛民之意著楊懌曾等於
經過貴州時沿途密加察訪是否屬實據實

具奏將此諭令知之○己巳

上詣綺春園問

皇太后安○諭內閣御史邵正笏奏地方佐雜
劣跡相沿請嚴加甄覈一摺京師五城及外
省司道府廳州縣各有佐雜人員以資委用
自宜清慎奉公若如該御史所奏近時佐雜
各官多不自檢束當其需次省垣往往游戲
徵逐鑽刺夤緣甚則唆訟攬漕罔知顧忌迨
奉差委惟知需索規費並不以公事為重及

得補實缺又復散帖敘分借端派差或結識上司丁胥或勾通該管書役舞弊分肥相沿成習甚至遇有地方紳衿富戶送一小有过犯之人計其賄囑厚薄隨意答責尤屬昧良玩法不可不嚴行飭禁著通諭直省督撫府尹五城御史責令正印各官及該管道府嚴加查察如有前項劣跡即據實稟揭該督撫等立即嚴叅懲辦毋稍姑容○諭軍機大臣等據御史范承祖奏稱本裕倉監督高學治前於調倉時曾經該侍郎等以該員辦事甚輒不克勝任兩次咨明戶部有案乃不惟不咨回原衙門行走閱時未久忽又以該員辦事勤慎出考保留前後自相矛盾等語倉場侍郎原應隨時察看各倉監督賢否認真甄覈以昭慎重松廷等既以高學治辦事甚輒不能勝任其庸懦已可概見何以閱時未久又行出考保留除另降諭旨交該侍郎等明白回奏外著祁項等查明松廷等因何奏咨

兩歧有無情弊據實具奏○勿稍瞻徇將此諭令知之○以廣東龍門協副將蒲立勳為浙江温州鎮總兵官○旌表守正捐軀江蘇邳州民王輝祖妻田氏○庚午中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○諭軍機大臣等扎隆阿等奏接閱伊犁撤兵摺稿詞涉張皇所議三條亦未可行據實剖陳一摺所奏甚是撫馭外夷之道務在示以威重結以真誠汰劣克等部落距喀什噶爾不遠該參贊等所奏該布魯特等恭順情形較為真切所陳不應自行驚疑恐激成事端轉添邊患及固結人心不在專行小惠並指駁玉麟等所議三條以為不特有礙邊情抑且涉於輕議所見俱為

正大覽奏深為嘉悅至因此次換防官兵旋回恐伊犁訛言不息特令錫伯營防禦富隆阿帶領滿洲索倫錫伯兵丁四名前赴伊犁將自那林旋回目擊情形面稟將軍參贊並令傳諭各兵家屬俾令安心所辦亦好該參贊等惟當堅持定見加慎加勉固不可輕聽人言亦不可稍形疏率以期永靖邊陲仰副委任將此諭令知之○又諭昨因伊犁派赴喀什噶爾換防官兵本年暫停已屬權宜明

年斷不可再儻如恐兵力單弱或酌添一二百名朕思換防官兵經行布魯特地方由來已久若遽添兵力前往不特易啓外夷疑慮且恐狡黠之徒既知本年防兵中途撤還明年又多添兵力前往以為我兵怯懦互相傳播豈不令羣夷輕視該將軍等於明年換防時即酌添兵力一二百名亦可不必玉麟等惟當於領隊中選派一員管帶照常行走無庸再令端多布前往將此諭令知之○以辦

理直隸磁邯鄲二州縣地震災務妥協布政使顏伯燾等下部議敘餘升補有差○以修築喀什噶爾新建滿洲城沿河隄岸出力賞六品頂帶回子呢雅斯等藍翎餘賞賚有差○免烏魯木齊官兵應賠前在軍營倒斃烏里雅蘇台駝隻○辛未諭內閣阮元等奏請將糧道庫現存米價銀兩報撥充餉一摺雲南雲南府昆明縣二倉額徵糧石係供省標兵米向例備貯三年歲有盈餘存為平糶賑

卹等項之用。茲據該督等查明。該倉地氣潮溼。米易黴變。向歸經管之員賠補。自嘉慶二十三年。將賠繳米價報撥充餉。後迄今十有餘年。陸續賠繳例價。除隨時買補外。截至道光九年秋季止。積存糧道庫米價銀一十一萬五千九百四十三兩零。該倉現存米穀足數。備貯三年兵米之用。加以每年積餘。不至短缺。所有黴變米石。毋庸買補。著准其援照成案。即將現存糧道庫賠繳米價銀一十一

萬五千九百四十三兩零。照數解交藩庫報撥充餉。該部知道。○諭軍機大臣等。前據蔣攸銑等奏。儀徵巨梟黃玉林。熟習販私路徑。又與梟徒相識。帶同夥犯船隻。赴官投首。自願隨同官弁引拏私梟。效力贖罪。適當離務凋敝之時。禁私尤為緊要。是以姑允所請。原係權宜辦理。惟自五月間降旨之後。至今將及兩月。未據該督等將如何責令緝私銷引。有無起色。及其夥黨等若何安置稽查詳悉。

具奏。此等梟徒。原非善類。如果實能引緝私販。使官引得以暢銷。自可寬其既往。若日久並無成效。不過該犯等冀圖苟免。即當另行籌辦。豈容稍涉顛預。致失政體。陶澍現以巡撫兼管總督。有管理鹽務之責。務將現在緝私銷引情形。及將來於鹽務有無裨益。並該犯等應如何妥為安置。不致別滋事端之處。據實由驛覆奏。如此事辦理。未能妥協。既無成效。可圖。又使奸徒無所儆畏。或致養癰貽

患。該署督自問。咎將誰屬。懷之慎之。將此諭令知之。○以故喀爾喀貝勒伊錫喇克巴子旺楚克喇布坦襲爵。○壬申月食。諭軍機大臣等。托津等審訊假照一案。據攬捐人李汝巖供出。龐煥之弟龐湘亦為其解捐。龐湘捐納從九品。分發湖北。於上年十月到省。著該督等即行嚴密查提。派委妥員迅速解交刑部歸案審辦。毋稍疏縱。將此諭令知之。○旌表守正捐軀四川江油縣民李春妻唐氏。

○修雲南大關廳鎮雄州運銅橋道從巡撫伊里布請也○癸酉諭內閣禧恩等奏各關應賠稅銀逾限未繳及已繳未清各員請旨飭追一摺各關徵收稅課虧短銀兩必應依限完繳即承追之員亦當實力嚴催前任山東臨清州知州楊嗣曾等應賠各關少收稅銀久逾統限經戶部節次咨催仍未全數完繳殊屬延玩著山東浙江河南江蘇安徽福建陝西各巡撫並順天府府尹即將未完各

銀兩嚴飭各員迅速埽數全完毋得再遲並將拖延不繳及承追不力各員職名查取送部覈議此後儻復意存延宕即著該部將承追之該管巡撫等查叅並將欠繳各員嚴叅懲辦不稍寬貸○又諭禧恩等奏兩淮奏銷未據題報請飭催一摺兩淮已丑綱鹽課例應本年二月奏銷前據蔣攸銘等以趕辦不及懇請賞限經朕加恩展至五月為期已屬寬展自應遵照奏限造冊具題乃現屆七月

尚未據題報到部課款攸關何得任意遲逾著陶澍福森迅將已丑綱鹽課造冊奏銷毋得再有延宕致干咎戾並將因何遲逾之處據實具奏○又諭御史邵正芴奏委員知縣妄拏無辜刑逼斃命請旨查辦一摺據稱浙江五月內查拏任松宇時有會稽縣差役薛彪陳銳捏造銀信假送刑部山西司經承任明達家中誘令收受旋即有委員南塘通判吳懷會同署山陰縣知縣楊時雍會稽縣知

縣張霄帶領差役多人將家產全行抄沒鎖拏任明達之父任肇基到會稽縣署嚴訊勒認任松宇係其親子根究逃遁下落非刑凌逼三日斃命並証及其戚陳大萃藏匿任松宇極刑拷問足成殘廢兼將伊親族鄰友等三十三人併拏到案鎖押班館日夜熬審所奏情形是否屬實著孫爾準確切訪查提訊人證據實具奏○戶部議准山西巡撫徐忻疏報渾源州開墾旱田三十三畝照例升科

從之○甲戌諭內閣禧恩等奏請酌撥銀兩一摺內務府辦公銀兩向由兩淮等處將應交之項解交時發給茲據查明開單具奏近年兩淮欠交正項及各項利銀共銀一百九十二萬七千一百餘兩以致用項不敷著戶部將粵海關監督應解戶部關稅盈餘銀兩內酌撥銀三十萬兩每年即由粵海關監督委員解交廣儲司銀庫以濟公用俟廣儲司銀庫進項數用有餘存銀兩即行另款封貯

至兩淮歷年拖欠淺斤變價及各項利銀著兩淮鹽政趕緊催徵交納以清款項無得延宕○又諭湯金釗等奏查出嘉慶二十一二三四四年戶部捐冊內有冊內無名稿內竄入者共一百八十二名其稿俱係於接扣接縫處鈐印假飾顯然前後總數俱有塗改又有冊內有名稿內無名者有單名改作雙名者必有抽換情弊著將原稿四十六件咨送刑部交托津等歸案審辦又於稿內查出黏

改者二十四名俱由嘉慶二十一年改為二十年以前湖查從前稿案與所改年月相符者二十名尚有數名未經查出且有未經蓋印之處著將原稿一併咨送刑部覈辦○又諭前據御史范承祖奏倉場衙門舉錯不公當降旨令祁墳等查明該倉場侍郎等保留本裕倉監督竊學治因何前後奏咨兩歧茲據祁墳等奏查明該侍郎等曾於道光八年三月九月以高學治辦事甚輟兩次咨部至

本年五月又以該員熟習倉務奏准再留三年雖據查訪並無情弊惟於原奏內不行據實聲敘實屬疏漏至富新倉監督恆齡患病一節朕令軍機大臣查傳面詢傳到該員之子據稱該員染患癰瘡病證現尚未愈不能前來該監督既經患病不堪任事該侍郎等自應隨時甄別乃並不即令開缺實屬有意姑容松廷邱樹棠俱著交部議處尋議降三級調用得旨著以三四品京堂候補○禮部

奏正途出身主事補缺無期懇量為變通下
吏部議尋議各部漢郎中員外郎選缺舊例
咨一留二嗣改為咨二留一原以寬主事之
升轉俾候補者漸次疏通第咨缺多留缺少
升途較隘得缺甚遲應如所請漢郎中選缺
照舊留一咨一其應留缺內定為留補二次
題升一次如候補無人專以應升人員題升
選缺員外郎改為留二咨一其吏兵戶工各
部選缺郎中員外郎俱照禮部復舊章程辦
理至刑部郎中員外郎向例不分題選六缺
一週第四缺指補捐班指補無人准其題升
亦請嗣後遇輪至第四缺指補有人則第五
缺准題升如指補無人則第四缺已經題升
第五缺仍行歸選從之○乙亥諭內閣禮部
奏朝鮮國王李瑔差齋咨官李應信赴京投
咨稱該國王世子李吳病故請照例備物遣
官致祭等語朝鮮國王恪守藩封歲修職貢
於屬國中最稱恭順今聞其世子病故深為

悼惜著加恩於例賞祭品之外加一倍賞給
以示優卹該國王正在壯年亦不必過傷俟
得有子嗣即行奏明冊封世子承續宗祧用
延國慶○諭軍機大臣等御史宋劄穀奏請
查禁公局幕友一摺據稱貴州撫藩臬各衙
門上控案件多係發交首府審辦首府另設
發審公局延請幕友一切案情聽其主裁是
為公幕現在貴陽府公幕朱七即朱琅攬權
縱恣與劣幕劉崑之弟劉嵩互相盤踞表裏
為奸劉崑先因聲名狼籍逐出黔境嗣仍私
回劉嵩資其財勢於省城廣設行肆盤剝官
債包攬詞訟與朱琅結姻以為黨援凡遇官
員到省一面放債一面勒薦私人劉嵩以市
井棍徒乘輻出入上下衙門朱琅攬刑幕之
總人因其轉移不測號為舵客並在省城置
產營屋邀請官員赴宴觀劇人所共見共聞
等語著楊懌曾等於雲南審案完竣後路過
貴州將所奏該幕等各項劣跡詳悉查明據

實具奏將此諭令知之○丙子

上詣綺春園問

皇太后安○御勤政殿聽政○諭軍機大臣等

李鴻賓等奏暹羅國王遣使豫期恭齋貢品

候祝辛卯年萬壽現已行抵粵東等語暹羅

國王因朕明年五旬萬壽豫期遣使入貢誠

悃可嘉該貢使現已抵粵著即令其於本年

封印前到京俟明年元正朝賀時隨班叩慶

已足以展其祝嘏之忱俾令及早回國以示

體恤將此諭令知之○命兵部尚書松筠馳

往綏遠城會同將軍昇寅審案○調吏部右

侍郎保昌禮部左侍郎史致儼為倉場侍郎

刑部左侍郎鍾昌為吏部右侍郎盛京刑部

侍郎特登額為刑部左侍郎轉禮部右侍郎

楊懌曾為左侍郎以內閣學士龔守正為禮

部右侍郎○以大理寺卿吳椿為都察院左

副都御史○以盛京兵部侍郎那丹珠兼正

黃旗漢軍副都統○免江蘇阜寧宿遷海沐

陽○四州縣舊欠額賦○丁丑以工部尚書穆

彰阿兼署兵部尚書定親王奕紹署鑲白旗

滿洲都統○以駐藏辦事大臣理藩院左侍

郎惠顯為盛京刑部侍郎未到任前命盛京

禮部侍郎凱音布兼署轉理藩院右侍郎常

文為左侍郎以武備院卿容照為理藩院右

侍郎○正白旗領侍衛內大臣土默特貝子

郡王銜瑪呢巴達喇因病乞假賞假一月命

在遊牧處調理並頒賞人淺五兩○戊寅諭

內閣御史豫益奏各省幕友盤踞舞弊一摺

外省官員延請幕友原為幫辦案件若如該

御史所奏近日作幕人多一官到任輒私相

推引營求薦舉遇有案件錯誤該幕友等在

上下衙門互相回護漸成積習甚有不諳例

案之人亦復圖薦一切命盜案件皆先包封

到省到府俟辦稿寄回再行詳報以致輾轉

遲延本官規避處分又復捏飾更改供狀更

至勾串丁差得贓賣批各情弊即經控告多

置不理或遇命盜重案奉部文駁斥京控平反本官既已獲咎而幕友轉得置身事外積弊相沿自應力加整飭著通諭各直省督撫嗣後屬員到省不准薦舉幕友如有屬員被叅革職降調者並查究該幕友實有情弊按律加等治罪以杜朋比而肅吏治○駐藏辦事大臣惠顯等奏向例西藏喇嘛世家與番民一體當差納賦其實有勞績應免徭役者由達賴喇嘛告知駐藏大臣給票准免近聞各商上有私給免票之事應行嚴禁以均勞逸得旨嘉獎○以刑部左侍郎特登額兼鑲黃旗蒙古副都統○已卯諭內閣托津等會同刑部奏審訊蔡繩祖等私雕假印夥辦假照將已獲案犯先行定擬一摺此案蔡繩祖龐煥任松宇劉東昇曾充捐納房貼寫膽敢雕刻部監假印私辦貢監職銜封典文照致冒名踴躍月經年得贓難以數計且敢勾串貼寫賞渥等偷出稿件竄改彌縫藐法作奸

莫此為甚現經托津等訊明分別定擬均屬法無可貸原未便稍稽顯戮惟案內尚有應須查訊之處若將該犯等全行處決轉恐有不實不盡蔡繩祖龐煥著先行處斬派長齡戴敦元前往監視行刑並傳集六部書吏各數人前往環視俾共知儆懼任松宇劉東昇二犯著照擬斬決暫留備質一俟無可質訊奏明即予處決賞渥著絞監候秋後處決趕入本年朝審情實辦理至戶部捐納房司員既失察貼寫私辦假照又於該犯等勾串書吏偷稿扣換漫無覺察迨假底捐生加捐率據偷改稿件批准並不詳查照簿庫收即有各省送到身家清白冊結亦從不覈對以致該犯等肆行無忌現派湯金釗等詳查檔案俟查對明確與失察之該堂官及各該衙門應議各員再降諭旨分別懲處○又諭已革復充神樂署司樂傅德興以修葺房間餘賸木料製棺售賣違禁運出角門現經軍機大

臣會同刑部審明具奏傳德興等俱照所擬辦理署正田平潤奉祀李德瑞於傳德興後院樹株根盤未經查出俱著交部議處其失察私運棺木出售及挑選傳德興復充樂生之各該衙門堂司各官並前經自請交部議處之太常寺堂官俱著交吏部查取職名分別議處兩廣總督李鴻賓奏崖州熟黎洪石光黎那難亞刀等因收成歉薄糾同黎夥搶掠民村洪石光當被村人射傷身死嗣經

官兵圍捕黎夥均各解散旋即投首惟黎那難亞刀自知身干重罪深藏山僻經黎首高亞興等一併殺死割耳呈驗該黎等投誠悔罪情尚可原除飭將强悍黎人照例懲處外其餘概行寬免並申明舊定章程飭令地方官擇力能約束之人承充黎總嚴加管領以免再滋事端報聞庚辰

仁宗睿皇帝忌辰遣官祭

昌陵○

上詣

安佑宮行禮○諭內閣奕繪著毋庸前赴東陵所遺之缺著宗人府另行奏派○辛巳諭內閣祁墳等奏審擬影射滋事之倉場書吏一摺此案何八即薛鳳起以早年退役書吏輒敢逗留倉場在現充書吏姚淳身後辦事代為主持漁利並將姚淳付給飯銀私用一百二十四兩該犯係詐欺取財情節較重著加等發附近充軍姚淳明知何八役滿逗留仍央其代辦公事知法犯法著革去經承杖六十徒一年李燾即李公既知何八在姚淳身後辦事代為容隱著杖八十折責革役前任倉場侍郎松廷邱樹棠失於查察各有應得業經降補毋庸再行交部議處至該倉場衙門於道光四年奏請添派候補監督四員係聲明令該員等主稿辦事所有該衙門稿件即應責成專辦何以自六年以後各委員因有差委遂未於稿內列銜畫押如謂該委

員等既有差委即不能兼顧辦稿則從前未設委員豈竟一無差委倉場衙門事務殷繁自未便止憑書吏辦理稿件嗣後應如何責成委員專辦稿案查察書役之處著保昌史致儼妥議章程具奏○命貝勒奕繪管理武英殿御書處○除山東冠縣沙壓地一百七十二頃十一畝額賦○壬午諭內閣著英等奏請酌定京控案件限制一摺近年京控案件健訟逞刁者固屬不少而實在負冤者亦

所常有總由各該管上司因循瞻顧玩視民隱自應酌定限制以清訟源著照所議嗣後各州縣審斷不公致為上控之案著該管上司遵照定例分別親提委審按律辦理概不得以關提人證藉詞延擱儻日久不結原告來京控訴該步軍統領衙門先將原告訊明曾否在本省某衙門具控是否親身勘問取具切結視案情輕重應奏者於摺內聲明應咨者亦於彙奏摺內詳細註明並著各督撫

將京控奏咨各案查明原告在京所具甘結是否虛實如有捏稱即將原告治以誣告之罪若實係各該衙門並未親提即由該督撫將違例之各該員分別嚴行叅處無得視為具文日久生懈仍致有名無實又諭朝鮮國久列藩封最為恭順天朝每於懷柔之中曲示體恤之意此次派往正副使務宜恪守舊章不准於例外收受儀物該使臣差竣回京路經奉天山海關著該將軍監督等留心

查察如於正禮外多帶儀物即據實奏叅毋稍徇隱○命散秩大臣額勒渾為正使內閣學士裕誠為副使賜故朝鮮國世子李晃祭○予喀什噶爾陣亡前鋒校穆隆阿祭葬世職如例○修綏遠城滿洲演武廳從將軍昇寅等請也○癸未

上詣綺春園問

皇太后安○諭內閣烏爾恭阿等奏查驗運到臨清軃難以選用一摺

昌陵

聖德神功碑樓工程需用蓋面海墘大甃據烏爾恭阿等將山東委員運到者詳如查驗甃質粗鬆砂眼太多難以選用著照所請即由京燒造澄漿城甃四萬六千塊乘時備辦於今冬運送到工明春鋪墁所需甃價運腳銀一萬三千七百十五兩零著於戶部領用工竣覈實奏銷此項臨清甃若不砍去外皮尚堪留作歲修牆垣之用著工部即令該省委

員將已運到工及未運到工之甃全數運交易州工部存貯備用其該省燒造甃價著在承辦之員名下照數罰賠不准開銷該部知道○又諭阿爾邦阿等奏滇銅不敷接濟節年積欠甚多請旨飭催一摺滇省節年積欠銅斤前據該撫咨稱沈溺挂欠一項業經定案買補銅三十三萬四千二百餘斤煎煉折耗一項業經分攤買補二十二萬八千三百餘斤均自道光十年起分作五年帶解來京

其餘尚有沈溺挂欠銅三十九萬六千一百餘斤煎煉折耗銅五十五萬九千七百餘斤未經買補似此舊欠未清旋有新欠日積月累伊於胡底著雲貴督撫迅速催追勒限完繳逐年帶解以資鼓鑄毋任再有延宕至現在寶源局庫貯無多滇員李秉鈞等四運銅斤僅敷來年三月之用其餘各運何時到京尚難懸定誠恐有誤鼓鑄向來委員領運京銅逾限一二月以上者分別降革帶罪管解

定例恭嚴近年率多任意逗留藉端扣除程限俾免處分相率效尤疲玩已極即著雲貴督撫嚴飭領運各員依限管解毋得稍逾期限並著沿途各督撫轉飭地方官督催各運員上緊趲運儻無故遲逾立即嚴參懲辦該督撫有心徇庇一併重懲不貸○諭軍機大臣等本日烏爾恭阿等奏查驗山東委員運到臨清甃難以選用已降旨飭令由京燒造所有該省甃價著在承辦之員名下罰賠矣

臨清軌為要工所需該省接奉行知自應如
式妥為辦理何得以質性浮鬆砂眼太多者
草率運送本年夏間曾降旨令將辦理萬年
吉地工程所需臨清軌如式燒造該撫務督
飭承辦之員加工妥辦總須質地堅實按照
定例尺寸做法燒造六十萬塊自明年為始
陸續搭運儘仍前草率不但將價值責令賠
償並將承辦之員嚴懲不貸將此諭令知之
○旌表守正捐軀江蘇江陰縣民任玉德妻

陳氏○甲申諭內閣工部奏查覈富俊前在
盛京將軍任內承辦工程未逾保固期限仍
應照例著賠一摺各項

壇

廟殿宇工程保固期限工部於嘉慶二十年奏
准改為十五年富俊承辦各工在奏定新例
之後自應遵照辦理惟念此項工程道光八
年查勘興修黏補見新並非更換大木夯築
地腳與坍塌拆修情形不同著加恩准銷均

免賠補此係朕因巡幸盛京格外施恩其餘
各項工程不得援以為例該部知道○又諭
孫爾準等奏將弁巡緝疏懈分別叅處一摺
浙江鎮海等縣船戶在內洋地方被盜行劫
並有毆傷舵工水手等情案關內洋連劫非
尋常疏防可比所有督緝不力之昌石營都
司請升署黃巖鎮標右營遊擊丁鍾傑分巡
之署昌石營守備張安邦寧海營守備王大
成均著摘去頂帶專防協防各弁均著先行

革職一併留洋勒限緝拏贓盜儘局限無獲
即行分別革職治罪以示懲儆告病總兵龔
鎮海黃巖鎮總兵湯攀龍俱著交部議處寧
海縣知縣沈逢恩著先行交部議處該督等
仍責成該總兵等出洋督飭舟師梭捕務將
盜匪按名悉獲如無獲犯及洋面仍有失事
即行從重嚴叅不得稍存姑息○諭軍機大
臣等據戶部奏查廣西雲南巡撫覆奏該二
省捐納職銜部文均無漏取身家清白冊結

字樣惟未將貢監兩項聲敘著蘇成額伊里布即行查明該二省自嘉慶二十一年起戶部行知報捐貢監生文書如有漏取身家清白冊結者迅速送部覈對將此各諭令知之○又諭本日據都察院奏山東海陽縣民人王嵩具控伊族孀瞿氏無故在園門首自縊經族眾並瞿姓親屬攔其父子報驗當即埋葬該縣門丁王三忽帶多役將伊父鎖拏嚴押謂其私匪人命藉端訛詐經伊族姪王連亭轉託庫吏崔姓交與王三銀四百五十兩始將伊父釋放歷次上控王三捺攔府批復於沿路截拏又於于祥起送其子于金孫裕惻之妻王氏自縊各案刑逼索賄並訛詐辛華清紀庭輝等多職該門丁王三程四俱因向該縣討帳該縣無錢歸還用為門丁凡遇官事非賄買不能了結等情已明降諭旨交訥爾經額督同臬司李文耕審訊矣此案王三等以討帳之人該縣輒用為門丁膽敢無

故詐得王嵩父子銀至四百五十兩之多且於于祥起等案倚勢嚇詐贓私累累如果屬實大干法紀必須徹底根究嚴行懲治著訥爾經額督同李文耕提集全案人證嚴審確情按律定擬具奏不可稍有徇隱將此諭令知之○命大學士托津總管內務府大臣敬徵工部左侍郎奕經監鑄昌陵聖德神功碑○濬福建省城小西湖從總督孫爾準請也○以長蘆引地地震成災緩徵直隸磁邯鄲成安河南安陽臨漳武安涉林湯陰九州縣新舊引課有差○乙酉上詣大高殿行禮○還宮○諭軍機大臣等據劉彬士奏提訊假照案內要犯莊倡伶之妻究出莊倡伶之塔姚鈞捐納縣丞在山東候補恐莊倡伶到彼潛匿等語著該撫確切訪查莊倡伶如在姚鈞寓內藏匿迅即拏解刑部歸

案審辦。母任聞風遠颺。將此諭令知之。○又諭據劉彬士奏。提訊假照案內要犯莊倡伶之妻。供稱莊倡伶本年三月內販賣緞匹進京。六月初間有信寄回。說因查拏緊急。於閏四月出京改名張循儀。逃至江南。現又逃往河南。蒙陽縣行醫之任姓家躲避等語。著該撫即行嚴密查拏。派委妥員迅速解交刑部歸案審辦。毋稍疏縱。將此諭令知之。○又諭據劉彬士奏。查抄蔡繩祖姚鳳山任松宇房產物件。開單呈覽。著該撫即將該犯等房產物件照例變價解交內務府。將此諭令知之。○旌表守正捐軀山西河津縣民黃小盛妻姚氏。○撫卹琉球國遭風難夷如例。○以祭社稷壇自是日始。齋戒三日。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十一

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十二

奉天府軍機處加五級加六級加七級加八級加九級加十級加十一級加十二級加十三級加十四級加十五級加十六級加十七級加十八級加十九級加二十級加二十一級加二十二級加二十三級加二十四級加二十五級加二十六級加二十七級加二十八級加二十九級加三十級加三十一級加三十二級加三十三級加三十四級加三十五級加三十六級加三十七級加三十八級加三十九級加四十級加四十一級加四十二級加四十三級加四十四級加四十五級加四十六級加四十七級加四十八級加四十九級加五十級加五十一級加五十二級加五十三級加五十四級加五十五級加五十六級加五十七級加五十八級加五十九級加六十級加六十一級加六十二級加六十三級加六十四級加六十五級加六十六級加六十七級加六十八級加六十九級加七十級加七十一級加七十二級加七十三級加七十四級加七十五級加七十六級加七十七級加七十八級加七十九級加八十級加八十一級加八十二級加八十三級加八十四級加八十五級加八十六級加八十七級加八十八級加八十九級加九十級加九十一級加九十二級加九十三級加九十四級加九十五級加九十六級加九十七級加九十八級加九十九級加一百級

奉天府軍機處加五級加六級加七級加八級加九級加十級加十一級加十二級加十三級加十四級加十五級加十六級加十七級加十八級加十九級加二十級加二十一級加二十二級加二十三級加二十四級加二十五級加二十六級加二十七級加二十八級加二十九級加三十級加三十一級加三十二級加三十三級加三十四級加三十五級加三十六級加三十七級加三十八級加三十九級加四十級加四十一級加四十二級加四十三級加四十四級加四十五級加四十六級加四十七級加四十八級加四十九級加五十級加五十一級加五十二級加五十三級加五十四級加五十五級加五十六級加五十七級加五十八級加五十九級加六十級加六十一級加六十二級加六十三級加六十四級加六十五級加六十六級加六十七級加六十八級加六十九級加七十級加七十一級加七十二級加七十三級加七十四級加七十五級加七十六級加七十七級加七十八級加七十九級加八十級加八十一級加八十二級加八十三級加八十四級加八十五級加八十六級加八十七級加八十八級加八十九級加九十級加九十一級加九十二級加九十三級加九十四級加九十五級加九十六級加九十七級加九十八級加九十九級加一百級

奉天府軍機處加五級加六級加七級加八級加九級加十級加十一級加十二級加十三級加十四級加十五級加十六級加十七級加十八級加十九級加二十級加二十一級加二十二級加二十三級加二十四級加二十五級加二十六級加二十七級加二十八級加二十九級加三十級加三十一級加三十二級加三十三級加三十四級加三十五級加三十六級加三十七級加三十八級加三十九級加四十級加四十一級加四十二級加四十三級加四十四級加四十五級加四十六級加四十七級加四十八級加四十九級加五十級加五十一級加五十二級加五十三級加五十四級加五十五級加五十六級加五十七級加五十八級加五十九級加六十級加六十一級加六十二級加六十三級加六十四級加六十五級加六十六級加六十七級加六十八級加六十九級加七十級加七十一級加七十二級加七十三級加七十四級加七十五級加七十六級加七十七級加七十八級加七十九級加八十級加八十一級加八十二級加八十三級加八十四級加八十五級加八十六級加八十七級加八十八級加八十九級加九十級加九十一級加九十二級加九十三級加九十四級加九十五級加九十六級加九十七級加九十八級加九十九級加一百級

奉天府軍機處加五級加六級加七級加八級加九級加十級加十一級加十二級加十三級加十四級加十五級加十六級加十七級加十八級加十九級加二十級加二十一級加二十二級加二十三級加二十四級加二十五級加二十六級加二十七級加二十八級加二十九級加三十級加三十一級加三十二級加三十三級加三十四級加三十五級加三十六級加三十七級加三十八級加三十九級加四十級加四十一級加四十二級加四十三級加四十四級加四十五級加四十六級加四十七級加四十八級加四十九級加五十級加五十一級加五十二級加五十三級加五十四級加五十五級加五十六級加五十七級加五十八級加五十九級加六十級加六十一級加六十二級加六十三級加六十四級加六十五級加六十六級加六十七級加六十八級加六十九級加七十級加七十一級加七十二級加七十三級加七十四級加七十五級加七十六級加七十七級加七十八級加七十九級加八十級加八十一級加八十二級加八十三級加八十四級加八十五級加八十六級加八十七級加八十八級加八十九級加九十級加九十一級加九十二級加九十三級加九十四級加九十五級加九十六級加九十七級加九十八級加九十九級加一百級

奉天府軍機處加五級加六級加七級加八級加九級加十級加十一級加十二級加十三級加十四級加十五級加十六級加十七級加十八級加十九級加二十級加二十一級加二十二級加二十三級加二十四級加二十五級加二十六級加二十七級加二十八級加二十九級加三十級加三十一級加三十二級加三十三級加三十四級加三十五級加三十六級加三十七級加三十八級加三十九級加四十級加四十一級加四十二級加四十三級加四十四級加四十五級加四十六級加四十七級加四十八級加四十九級加五十級加五十一級加五十二級加五十三級加五十四級加五十五級加五十六級加五十七級加五十八級加五十九級加六十級加六十一級加六十二級加六十三級加六十四級加六十五級加六十六級加六十七級加六十八級加六十九級加七十級加七十一級加七十二級加七十三級加七十四級加七十五級加七十六級加七十七級加七十八級加七十九級加八十級加八十一級加八十二級加八十三級加八十四級加八十五級加八十六級加八十七級加八十八級加八十九級加九十級加九十一級加九十二級加九十三級加九十四級加九十五級加九十六級加九十七級加九十八級加九十九級加一百級

故修

道光十年庚寅八月丙戌朔加賑湖北監利

公安江陵石首四縣被水災民○丁亥祭

先師孔子遣大學士長齡行禮○諭內閣理

藩院奏酌定遞送蒙古公文章程嗣後無論

內外孔薩克遇有應投蒙古公文無庸遣人

來京均就近在該將軍都統大臣衙門投遞

接收後由驛徑達兵部移交理藩院辦理及

蒙古人員到京不准攜帶別項公文各章程

均著照所議行○以吏部左侍郎貴慶為國

史館清文總校官○以詹事府少詹事吳邦

慶左春坊左中允翁心存充日講起居注官
○戊子祭

大社

大稷

上親詣行禮○幸圓明園○詣綺春園問

皇太后安○遣官祭

文昌帝君廟○諭內閣福克精阿奏官渡局

將發商生息銀兩借給攬頭現經查明勒限

追繳一摺吉林屯漫創夫攬頭因售賣餘漫

近年價值較賤不敷完繳抽收漫餘之用該

局員等輒將前任將軍富俊奏明發商生息

以備雙城堡京旗賞需銀四萬兩借給該攬

頭等作為調劑經該將軍查明雖屬辦公完

與原奏不符現已嚴飭該局員勒令繳回銀

二萬兩仍交理事同知發商生息外尚欠銀

二萬兩著准其仍按一分行息勒限三年令

該攬頭等分別完繳如逾限不完再行照例

辦理其承辦漫務之署理吉林將軍印務副

都統倭楞泰及局員圖明阿。孔隆額。依凌阿等。均著交部分別議處。○諭軍機大臣等。據福克精阿奏。漫局攬頭年純。係前將眾攬頭之漫。赴蘇州售賣。奏明於道光九年十月十一月間賣回。交納八年分應繳漫餘銀二萬五千九百九十兩。至今尚未回繳等語。著陶澍就近將年純。儒提訊。是否漫無售主。或另有別情。故為逗留。確切詳查。如漫枝尚未售賣。著將年純。儒連所攜之漫。一併解赴吉林。

將軍衙門辦理。將此諭令知之。○又諭。據張井奏。確勘歸江各河道情形。年來淮水歸海之路不暢。每遇來源極旺之時。若不將山盱各壩全開。則歸江各路。難以分減。盛漲下游多被淹沒。請於楊糧廳東岸八塔鋪。及商家溝二處。各斜挑一河。匯流入江。可以分減漲水。又請將楊糧廳境內芒稻河東西兩閘。拆除。挑挖淤灘。可抵新闢一河之用等語。淮水去路不暢。自應早籌宣洩。茲據該河督確勘。

歸江各河道情形。請將楊糧廳境內之芒稻河東西兩閘。全行拆除。再加挑深丈餘。並將引河抽挑。增寬河面。連金灣四壩。挑挖淤灘。可以抵闢新河一道。不至多用帑項。著該河督即將河庫存項。於霜降後派員趕辦。毋庸另請錢糧。俟明年試放後。如果減水下注。歸路暢消。即無須再開新河。以歸樽節。將此諭令知之。○又諭。據陶澍奏。提訊假照案因代馬懷玉送家眷赴京之沈邦希。究出馬懷玉。

有姊夫吳廷芳。現任湖南湘鄉縣典史。又有馬懷玉至好葛姓。現捐通判。家住河間府富新莊。往南村莊。似是阜城縣地面。馬懷玉或往此兩處藏匿等語。著那彥成。程祖洛。確切訪查。拏獲。派委委員。迅解刑部歸案審辦。毋任違颺。將此諭令知之。○江南河道總督張井奏。河湖一律平穩。並堵閉河壩各工。得旨。覽奏均悉。今冬可否蓄清。明歲啟壩通漕。汝曾面奏。亦應豫為籌畫。不可恃有倒塘之法。

因循從事也。○己丑諭內閣。保昌等議奏。倉場衙門咨取委用監督章程一摺。倉場衙門自添設委用監督以來。向按記名名次在前者咨取。甫經任事。旋以補授實缺。更易生手。仍於公事無益。現經保昌等籌議變通。著照所請。嗣後倉場委員。准其將記名最後之員咨取委用。每遇委員將補實缺。即豫行咨取。以便接手更換。其應如何差委之處。著照原議章程辦理。該部知道。○庚寅諭內閣。孔隆

阿奏。沿邊卡倫員弁請准戴用五品頂翎。班滿仍行摘去等語。喀什噶爾英吉沙爾沿邊卡倫十三處。有稽察布魯特及各外夷出入之責。嗣後派出十三卡倫各備弁驍騎校等員。著准其自派出之日。戴用五品頂翎。班滿回城。仍行摘去。並著各該大臣嚴行查察。如有班滿之員。影射戴用。即嚴懲不貸。○諭軍機大臣等。有人奏。湖北候補道員現署鹽道。繼德舊有繼大彪子之名。向來在楚。與鹽

商等交接往來。及署武昌漢陽知府。任用商人洪少弓。及經歷程汝功。為之爪牙。人因其蓋簾不飭。又有繼刮地皮之號。該員娶得蘇州妓女姜姓為妾。往來桃花寺中。又常攜至洪少弓家。與商人黃正泰等聽戲賭博。吸食鴉片。風聲所播。遠近喧傳。而該省督撫未肯揭叅者。蓋由該員小有才辨。善為逢迎。總督嵩孚有寵妾之父。馬姓最為該督所寵信。出入內外。督署公事。無不干預。繼德深相結納。

遂於該督之一舉一動。皆能豫知。無不揣摩曲中。故馬姓視之為至交。而該督倚之為心腹。或該督於下屬欲有舉動。輒先期告人。賣弄威福。是以湖北官員無不畏奉。州縣執贄拜門者數十人。而直隸州知州捐升知府之胡源。亦拜其門下。諂諛朋比。奔走若狂。蓋恐失歡於繼德。即失歡於馬姓。而因以失歡於總督等語。繼德等縱恣妄為。斷難掩人耳目。該督等是否知情縱容。抑竟毫無覺察。著鍾

昌等於回抵湖北時細加訪察如有前項情弊即行據實奏奏勿稍徇隱將此諭令知之○辛卯諭軍機大臣等每年派員於七月二十五日恭祭

昌陵嗣後太常寺奏派摺內除將上年派出之員照舊開單具奏並將本年中元節派出之員開列名單一併具奏○西寧辦事大臣穆蘭岱因病解任調哈密辦事大臣布彥泰為西寧辦事大臣賞候補三四品京堂松筠頭

等侍衛為哈密辦事大臣以散秩大臣常喜為鑲黃旗漢軍副都統○壬辰秋分夕

月於西郊遣順承郡王春山行禮○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○予葉爾羌陣亡筆帖式富倫布伊林布普慶祭葬世職如例○旌表守正捐軀四川西昌縣民鄢紹榮妻黃氏○癸巳

上奉

皇太后幸同樂園進膳賜皇子及內廷王公大臣蒙古王貝勒等食○遣官祭

開帝廟○諭軍機大臣等陶澍覆奏兩淮賑務投首各犯情形儀徵鹽臬黃玉林據陶澍

查明自投首後兩月以來尚屬安靜守法亦未別滋事端並拏獲梟犯李王良等十二名且有聞風投首多人陸續在運司處聽候指使擬擇其足資緝私者酌留鹽務充巡其餘分別編入營伍保甲等語兩淮賑務破壞已極原不止私販一節即以私販而論亦不止黃玉林一起前此准令黃玉林效力自贖原係權宜辦理若因有自首免罪之條遂將販私之人紛紛招集成何政體且現在黃玉林

等一起。陶澍等已不能妥為安置。儻再有心招致。日積日多。又將如何安插。黃玉林一犯。本有應發原配流罪。其夥犯伍步雲等八名。隨同販私。不記次數斤數。亦有應得之罪。現已准令指引緝私。即能拏獲巨窩積梟。官引得以暢銷。亦祇可寬其既往。不得冀倖格外恩施。即入伍食糧。亦斷不准行。如但圖苟免。不能立功自贖。仍當從重加等治罪。陶澍等務當隨時體察。善計萬全。斷不可遷就一時。

遇有投首者。濫行收納。使奸徒無所懾畏。儻辦理未能妥協。於嵯務既無裨益。轉致養癰貽患。別滋事端。陶澍等自問當得何咎。慄之慎之。至商人既充總商。即當一體辦運。若並不辦運。復藉辦公為名。攤派散商。所獲之利。轉加於辦運者數倍。乘機壟斷。不可不嚴行飭禁。該處總商鄒同裕。鮑有恆。據陶澍奏。均不辦運。著即行革退。不准暗中影射。身後辦事。陶澍等即督飭運司。另招殷實之商充補。

並明定章程。刪除浮費。以肅嵯政。將此諭知陶澍。並傳諭福森知之。○又諭。據訥爾經額奏。拏獲假照案內要犯莊倡伶之塔山。東試用縣丞姚鈞。據供莊倡伶與四川候補州判林蔚南有交手銀錢事件。曾擬自往討帳。或者逃赴彼處等語。著該督確切查明。如該犯現匿林蔚南處。迅即拏獲。解交刑部歸案審辦。毋任聞風逃竄。將此諭令知之。○又諭。據訥爾經額奏。拏獲假照案內要犯姚鳳山。同

族之山東試用縣丞姚鈞。據供姚鳳山平日與湖北鄖縣典史馮春暉往來甚密等語。著該督撫確切訪查。如該犯現在馮春暉署內潛匿。迅即拏獲。解交刑部歸案審辦。毋任聞風遠颺。將此諭令知之。○甲午。

太宗文皇帝忌辰遣官祭

昭陵。○諭內閣。湯金釗等奏。接查嘉慶二十五年。及道光元二三年。戶部捐冊內。有冊內無名。稿內竄入者。共三十一名。又有冊內有名。

稿內無名者著將原稿二十二件咨送刑部
交托津等歸案覈辦○改派協辦大學士富
俊監錫

昌陵

聖德神功碑○乙未

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

顯佑宮

東嶽廟

城隍廟

上詣

安佑宮行禮○詣綺春園

皇太后前行禮○御正大光明殿皇子及王公

大臣文武官員蒙古王貝勒等行慶賀禮○

幸同樂園賜皇子及王公大臣蒙古王貝勒

等食○丙申

太祖高皇帝忌辰遣官祭

福陵○諭內閣戶部奏准北鹽課錢糧未經列

入奏銷一摺准北底馬一款本係正課從前

屢借屢停均係限六箇月完繳列入奏銷並

未於冊內扣除嗣經前任鹽政奏准借馬一

項自請程之日起限如逾限不清即停後借

茲據戶部查明各商借馬兩次共銀三十餘

萬兩早經限滿即照常年二月奏銷亦應全

完乃該鹽政率以加展請程一月至五月奏

銷尚稱有二十八萬餘兩。未曾屆限。將此項銀兩於冊內扣除。是淮北已丑一綱僅完銀二萬餘兩。若遞年如此辦理。則淮北應徵錢糧總不列入奏銷。殊屬違例。前此戊子綱奏銷冊內扣除借馬銀十九萬餘兩。經該部奏明。令其覈計分數開奏。此次已丑綱又復扣除銀二十八萬餘兩。著即趕緊催繳。以清帑項。仍將未完銀兩與額徵數目覈較分數查明。應議各職名分別開奏。並著該鹽政嗣後

按年將底馬錢糧全數列入奏銷。仍照奏定六箇月之限。前借未清。即停後借。毋得再以請程一月為詞。藉端延宕。致干重咎。○丁酉遣官祭昭忠祠。○戊戌。

上詣

安佑宮行禮。○己亥。

上詣綺春園閱

皇太后安。○諭內閣。前據御史達鏞奏。請定水師隔省巡哨之法。當交軍機大臣會同兵部

議奏。茲據奏稱。各省綠營水師巡洋。向係大員各按季訂期巡哨。其屬弁各按月輪派分巡。總於各營毗連洋面。刻期會哨。從無隔省巡哨之例。蓋因洋面寬廓。分定界址。責有攸歸。若如該御史所奏。使水師各標多派效力。額外營弁配兵駕船。指定隔省之海洋。期於達到。不惟人地未宜。路徑不熟。道途寫遠。風波阻隔。必不能約期相會。且恐兵船遠出。該統轄大臣等鞭長莫及。勢難遙制。該弁兵在

外滋事。無從稽察。儻洋面失事。本汛弁兵。避巡出境。不能責以專汛之疏防。而客汛避兵亦不能責令緝捕。轉恐互相推卸。以滋規避之弊。所有該御史請定綠營水師隔省巡哨之法。著無庸議。至所奏各省駐防旗營水師。請令撥配兵船。與綠營一體出洋巡哨一節。盛京金州水師。旗營員弁。有旗界地方之責。所管汛地洋面。巡哨章程。與綠營同。至浙江乍浦。廣州。福州。各處駐防水師。專事操防。向

無巡洋緝捕之責。若令該駐防水師一同出洋遠哨。亦屬有名無實。著仍照舊章辦理。所請交該督撫及駐防將軍等會議之處。亦著無庸議。○修濬山東運河。沁河。泉河等廳隄埝引渠。並添備河南十三廳稽料二千垛。山東曹河糧河二廳稽料五百垛。從河道總督嚴烺請也。○庚子命長蘆鹽政阿揚阿再留任一年。○辛丑諭內閣。稽恩等奏請飭催兩淮應交利息銀兩一摺。著兩淮鹽政即將未

解圓明園八旗內務府三旗道光七年分連閏一年利銀二萬六千兩。並九年分下半年利銀一萬二千兩。迅速解交。以備支用。嗣後每年務將應解利銀照例按年如數解交。年清年款。毋得再有延宕。○壬寅諭內閣。吏部具題議處刑部司員王士慶等失察書吏。朦混行文一本。此案刑部郎中王士慶主事蘇應珂於書吏范顯標朦混行文。既經查出。復商同將文書標發與失於覺察者不同。王士

慶蘇應珂均著實降一級調用。不准抵銷。○命盛京禮部侍郎兼署刑部侍郎凱音布本年班。毋庸來京。○癸卯添撥直隸藩庫雜款銀四萬八千八百兩有奇。解赴熱河修葺兵房。從總督那彥成請也。○緩徵湖北江陵監利二縣低窪田畝新舊額賦。○甲辰諭內閣。前據御史徐培深奏。戶部現審處辦理各州縣詳覆之案。請酌改限期。當交戶部查辦。茲據奏查明各州縣詳覆各案。本有兩月定

限。若再議加緊。州縣轉得有以藉詞。著仍照舊章辦理。所有該御史請酌改限期。著無庸議。惟旗人赴州縣就質。該旗給予假限之處。亦應量為變通。嗣後旗人因地畝事件。告假出京。該旗扣去往返程途。予假兩月。州縣即以旗人到案之日起。限兩月辦結。如有必需展限。州縣詳明戶部。由該部知照該旗。總俟辦結之日。再令旗人回京銷假。並於文內聲明。有無逾限字樣。至旗人告假。赴州縣就質。

人地本屬生疏。其所控佃戶人等。均係土著。難免串通書吏。故為勒捐。致旗人耽延日久。資斧告罄。所控產業未清。反增賠累。此等情弊。在所必有。著直隸總督嚴飭各州縣。嗣後遇有旗人控案。務當秉公審斷。迅速辦結。如有前項留難弊端。著該督即據實彙辦。若旗人在外滋事。或有意逗留。均准州縣詳部究治。或旗人情願不俟案結。先行回京者。並准州縣取具旗人自願回京甘結。據實詳報。以息訟端。並著該部纂入則例。永遠遵行。○禮部議准。安徽巡撫鄧廷楨疏。報採訪旌德縣貞節婦女趙玉姑等二千一百二十四口。請建總坊旌表。從之。○撫卹琉球國遭風難夷如例。○丙午。

上詣綺春園問

皇太后安。○諭內閣。嗣後朕御門辦事。大學士托津著加恩免其入班。○丁未。遣官祭賢良祠。○諭內閣。孫爾津等奏。查明移駐官兵實

係因地制宜一摺。前據該督等奏。福建漳浦縣赤湖。磴口。佛曇橋三處地方。今昔情形不同。請移駐文武官兵。以資控馭。經該部議覆。磴口。佛曇橋二處。移駐官兵。請如所奏辦理。其赤湖地方。原設把總外委兵丁等。足資彈壓。飭令該督等會商妥議具奏。茲據奏稱。該地方習尚剽悍。時有械鬪之案。兼以地荒路僻。兵役踰緝。較難盜賊每多竄匿。與其事後帶領兵役多人查拏滋擾。不若於未經成鬪之時。豫行彈壓。銷患未萌。奸徒無可隱匿。著照所請。准其將漳州左營守備。移駐赤湖地方。並於本營調撥外委一員。額外一員。同原設把總一員。外委一員。統歸赤湖守備管轄。再於本營防汛額兵內。撥出兵丁一百六十五名。與舊設兵三十五名。照例一年一換。每月派令漳州左右二營遊擊。訂期巡查一次。並著嚴飭該備弁認真彈壓。以資防守。該部知道。○戊申。

世宗憲皇帝忌辰遣官祭

泰陵○

上詣

安佑宮行禮○諭內閣玉麟等奏請將哈薩克原買茶葉給還一摺哈薩克王江霍卓前曾遣其屬人在伊犁置買茶葉嗣因嚴禁茶斤出卡將該哈薩克所買茶葉封貯茲據江霍卓差其子博格里稟求仍行賞還該哈薩克素稱恭順且販買此項茶斤尚在未申例禁

以前著加恩准將原封茶葉照數給還即交博格里領回仍派員護送出卡詳加查驗以杜影射偷漏之弊此外封貯茶葉尚多嗣後如有恭順外夷似此據誠求賞原物者著該將軍等查覈明確一律辦理至其餘進卡貿易各夷人著仍按定例嚴密稽察不准安集延私行逗留儻有偷販茶斤出卡者照前定章程按律治罪○諭軍機大臣等吳光悅奏改議江西巡河經費毋庸令府縣捐廉一摺

江西南贛二府所屬廳縣緝捕經費前據蔣攸銘等酌議捐廉津貼朕以府縣所得養廉無多每年按缺幫捐難望其潔己奉公諭令另行籌議茲據該撫奏各府縣分捐銀兩將來更換有所藉口易滋流弊所有前議府縣捐廉之處著毋庸議至巡河章程著仍照該撫前奏酌改俾節糜費以專責成其每年節省巡費及鹽務公項餘銀並巡撫司道捐項共銀一萬二千一百兩著照所請分別撥給

南安贛州所屬廳縣仍將銀兩解存各府庫遇有應辦之案視獲犯之多寡按道路之遠近隨案酌給數實開銷嗣後務當認真妥辦不得令吏胥弊混徒飽私橐日久廢弛於捕務仍屬有名無實將此諭令知之○乙酉江蘇巡撫陶澍奏寶蘇局鑄錢年額洋銅不敷請將扣還各鑪頭前借工料錢一萬三千二百串發商生息採買抵補其本年鼓鑄即於下年額銅內借用俟收息後隨時歸款從之

○旌表守正捐軀河南林縣民郝貴仔妻王氏。○庚戌。

上奉

皇太后幸觀瀾堂進膳。○命大學士兩江總督蔣攸銓來京供職實授陶澍兩江總督兼署江蘇巡撫。○以承修直隸張家口營房壩工出力。予知縣張慶成升銜。餘下部議敘。○修直隸獻縣臧家塢從總督那彥成請也。○辛亥。

上御勤政殿聽政。○諭內閣各省京控咨交案件。提解逾限各員。惟江蘇臬奏請旨交部議處。安徽臬奏咨。其餘各省均係定案時隨案咨。案辦理殊屬兩歧。應如何明定章程改歸畫一之處。著吏部查明議具奏。○又諭福建汀州鎮總兵明玉。於奏事之措漫不經心。輒用廢摺餘頁繕寫。實屬錯誤。著照部議降一級留任。不准抵銷。○諭兩江總督陶澍朕看法人爽直。任事勇敢。故畀以兩江重任。

汝當益勵才猷。實力整理。膺封疆重寄者。勿避嫌怨。勿憚勤劬。自不待言矣。然當今之勢。憲章具在。法令森然。若能大法小廉。奉行以實。不以文。何患政事不理。百姓不安乎。無如世風日下。人心益澆。官不肯虛心察吏。吏不肯實意恤民。遇事則念及身家。行法不計及久遠。朕所懼者在此。所恨者亦在此。欲求一堪膺重寄者。不可多得。河工鹽務。均係兼轄。尤當實力講求。破除一切積習。漸復舊規。曰

如何而能若是。曰在得人。毋忽毋忽。○追封順治九年湖南陣亡定遠大將軍和碩敬謹親王尼堪為和碩莊親王。○以乾清門侍衛奕紹候補內閣學士張鱣為內閣學士。兼禮部侍郎銜。順天府府尹何凌漢為大理寺卿。大理寺少卿沈維翰為太僕寺卿。仍留順天學政任。○以貴州按察使徐鑄為順天府府尹。未到任。前命大理寺卿何凌漢兼署。以詹事府少詹事吳邦慶為貴州按察使。○壬子。

諭內閣。各省州縣承審案件。遇有審斷不公。或遲延不結。以致原告上控。該督撫原應另委委員研訊。其有事關重大者。必應親提人證。認真審辦。若無論案情輕重。概行委員審訊。或仍發原審府縣復審。必致意存回護。遲延數載。拖累多人。屢控不休。不可不嚴行飭禁。嗣後各督撫。遇有上控之案。事關重大者。務須親提研鞠。其尋常案件。著發交鄰近府縣審辦。勒限完結。不得仍發原審之本府本

縣。以杜弊端。儻該督撫於應提之案。並不親提。及將上控案件。仍發交原問官審理。定將該督撫懲處不貸。至委審各員。不能依限完案。以致懸宕莫結。即著該督撫隨案嚴叅。無得姑容干咎。將此通諭知之。○諭軍機大臣等。朕聞署兩淮鹽運使王鳳生。頗有偏見。不盡可恃。現在辦理鹽務。有無不妥之處。著該督詳悉查明。據實具奏。不可稍有回護。其兩淮巨梟黃玉林投首一案。從前將攸銛辦理

有無錯誤。自該犯投首以來。迄今數月。究竟於緝私銷引。有無裨益。昨據覆奏。祇稱拏獲梟犯十餘名。是否藉此塞責。此事關係重大。與其遷就於今日。以致貽患將來。莫若先事妥為籌辦。弭患於未形。著該督接奉此旨後。通盤籌畫。將該犯作何處置之處。悉心斟酌。妥當據實密奏。毋稍諱飾。該督現已補授兩江總督。此係任內應辦之事。責無旁貸。若祇圖補苴目前。致此後仍有辦理不善之處。朕

惟該督是問。將此諭令知之。○又諭前據御史邵正笏奏。浙江委員知縣等。查拏假照案內。要犯任松字時。妄拏無辜。將任明達之父任肇基。用非刑凌逼斃命。當交該督確切訪查提訊。茲據劉彬士奏。前此訪拏錯誤。該委員等據實檢舉。後旋據山陰縣民金珏呈稱。伊姊夫任自鑑。又名明達。因地棍許培春。曾被任自鑑之父任謀燕控告。問罪充軍。釋回後。與薛魁等朋充縣役。藉此朦朧報復私仇。

知縣非刑凌虐鄰保均受刑責任謀燕因此嚇斃等語此案浙江委員等誤挈任肇基到案時是否輒用非刑凌逼斃命抑係恐嚇致斃事關人命必應根究明確以成信讞著孫爾準提集人證秉公研訊按律定擬具奏再朕聞劉彬士性情多疑遇事游移不能決斷該督現赴浙江查閱營伍著就近詳悉訪查該撫聲名若何辦事可妥協勝任據實密奏毋得稍有瞻徇致負信任之意將此諭令知之

○調廣東巡撫盧坤為江蘇巡撫未到任前命江蘇布政使梁章鉅護理以漕運總督朱桂植為廣東巡撫未到任前命兩廣總督李鴻賓兼署命貴州按察使吳邦慶以三品銜署漕運總督調山東按察使李文耕為貴州按察使以光祿寺卿趙盛奎為山東按察使○癸丑

上詣綺春園問

皇太后安○諭內閣福綿奏官兵生計拮据請

援案調劑一摺科布多地處極邊屯田之外不產五穀官兵需用米麵柴薪等物價漸增昂生計日形拮据自係實在情形著准其援照烏里雅蘇台成案動撥官駝一百隻派兵十名每年兩次赴古城置買米麵等物分給官員兵丁以資食用其所用駝隻雇繩等項准銷分數及坐扣置買官物價銀俱著照烏里雅蘇台章程辦理○甲寅諭內閣李鴻賓等奏奏妄訐印官之巡檢及被訐之知縣請

旨分別革職解任一摺此案廣東新興縣立將司巡檢蔡維垣指訐該縣知縣謝崇俊各款內將嘉慶二十三四等年銀米混稱已奉豁免又赴印官寓所屢次尋釁神情恍惚難保無假裝瘋病為將來卸罪地步該縣謝崇俊有無藉案罰銀任聽家人私鬆遞犯刑具並串同訟師紳民欺凌屬員虛實均應徹底根究蔡維垣著革職謝崇俊著解任交李鴻賓親提全案人證秉公審訊務得實情按律

定擬不准遷就○乙卯以籌辦地震災區出力河南布政使戴宗沅下部議敘餘升補有差○修河南安陽湯陰臨潁武安林涉六縣地震坍塌衙署倉廩監獄從巡撫楊國楨請也○綏徽山東濟寧鄒平魚臺鄒臨清長清陽信樂陵荏平恩章邱荷澤濮范觀城朝城厯城齊河濱利津海豐霑化夏津二十三州縣及屯坐各衛被水被旱村莊新舊正雜額賦有差

大清宣宗效天符運立中體正至文聖武智勇仁慈儉勤孝敏成皇帝實錄卷之一百七十二

大清宣宗效天符運立中體正至文聖武智勇仁慈儉勤孝敏成皇帝實錄卷之一百七十三

奏

道光十年庚寅九月丙辰朔諭內閣彥德等

奏拏獲偷窰金砂民犯解送陝甘總督審辦並請將私放逃犯之管卡台吉敏珠爾多爾濟革去台吉一摺著照所請所有拏獲偷窰金砂民犯楊自生等七人著派委官兵解送陝甘總督審辦管卡台吉敏珠爾多爾濟著革去台吉嚴加看守俟將逃犯拏獲時即將敏珠爾多爾濟解送陝甘總督質訊○又諭彥德等奏請酌撥官兵添設卡倫二處並請飭令地方官嚴禁無業貧民出境創窰金砂

等語烏里雅蘇台召哈卡倫迤南甕棍烏拉杆地方出產金砂近來屢有內地民人私行創挖據該將軍請添設卡倫二處以資稽查著照所請准於該處原設二十卡倫內擇其事簡處所酌撥官二員兵十八名在於甕棍烏拉杆地方添設卡倫二處不時稽查一有民人私赴該處即拏獲究辦並著楊遇春飭令附近卡倫之金塔廳高臺縣等處地方官將無業貧民嚴行稽查不許私出境外創挖

宣宗實錄

十

金砂儘再有民人私行出境一經拏獲即將失察之地方官一併查叅其彥德等查出偷挖金砂逸犯七名著楊遇春飭屬嚴拏務獲按律懲辦○令烏里雅蘇台參贊大臣車林多爾濟管喀爾喀二十驛站○成都副都統伊密揚阿因病解任以荊州協領海明為成都副都統○改鑄安徽宿州營遊擊關防從大學士前任總督蔣攸銛請也○丁巳諭內閣前因各省京控咨交案件提解逾限各員

惟江蘇彙奏請旨交部議處安徽彙奏咨叅其餘各省均係定案時隨案咨叅辦理兩歧降旨交吏部明定章程改歸畫一茲據奏查明各省京控咨交案件前於嘉慶十五年經都察院會同步軍統領衙門奏准統計一年之內咨催兩次彙叅兩次並令該督撫每屆半年詳查逾限各案將承審各官開列揭叅交部查取職名議處久經定有章程惟各省案件多寡不同以致辦理兩歧請飭一體照

例遵辦嗣後各該督撫府尹均將京控咨交逾限未結之案每屆半年彙奏請旨交部議處一次以歸畫一俾承辦各員咸知儆畏至向例承審遲延與提解遲延處分輕重懸殊並著各該督撫府尹嗣後每屆半年彙奏之期確切查明如係承審遲延即行據實指叅不得概以提解遲延為詞致啟避重就輕情弊將此通諭知之○又諭托津等奏審擬六班內已革茶房民人高興刃傷蘇拉祁常安

一案禁城內各項公所役使之入向係內務府蘇拉充當不准民人應役嗣後各班處所著總管內務府大臣嚴行查察如有民人潛入當差即行驅逐僕查察不加別經發覺除將該民人按律懲治外定將總管內務府大臣治罪餘依議○戊午諭內閣扎隆阿奏本年來京瞻覲之回子伯克等已由喀什噶爾起程一摺本日又據扎隆阿等奏稱八月初十等日有安集延回匪突入喀什噶爾卡倫

內戕害卡倫官兵之事該年班伯克等俱有應辦事件且回疆現有安集延跳梁滋事該伯克等不無繫念家屬著陝甘等省督撫於該伯克等行抵何處即在何處申諭俾仍由驛遞回以示朕體恤之意○諭軍機大臣等本日據楊遇春由六百里加緊馳奏據喀什噶爾等處大臣咨報喀什噶爾有安集延賊匪撲入卡倫與官兵打仗滋事幫辦大臣塔斯哈追擊至明約洛地方遇伏陷歿並將帶

兵策應之副將賴允責一併被困勢甚危急葉爾羌亦有不靖情形等語回疆各城戡定未久乃安集延回匪復敢入卡滋事並傷陷大臣官兵現在喀什噶爾嬰城守禦勢在危急葉爾羌亦有不靖情形阿克蘇等各城兵力無多且尚須防守本境地方斷難兼顧自應調集內外官兵前往合剿以期迅就肅清伊犁烏魯木齊以及喀喇沙爾所轄之土爾扈特和碩特等處官兵相距喀什噶爾葉爾

羌等城較近業經降旨飭令王勝容安成格薩迎阿等即照該處所調兵數各一二千名派員迅速馳往救援琦善選調四川官兵三千名馳赴肅州並令固原提督楊芳甘州提督胡超迅速出口一路迎探情形至阿克蘇再行相機進剿所有挑帶各鎮官兵及西安滿洲營馬隊一切事宜均著照該督所請行陝甘總督已降旨令鄂山馳驛前往署理著楊遇春將應需官兵糧餉一切事宜與藩臬

兩司籌商料理後。即挑帶督標官兵一千八百名。並委員蘭州道圖明額等。馳赴肅州。即在彼駐劄。妥辦後路事宜。毋庸出關。其軍需銀兩。著即在甘肅藩庫封貯銀內。先行動支。應用。將此由六百里加緊諭令知之。○又諭。寄諭伊犁將軍玉麟參贊大臣容安。本日據楊遇春奏。急請派兵援剿。已飛咨伊犁等處伊犁距喀什噶爾較近。該將軍等自必據妥為調度。惟事在倉猝。誠恐各路往援官兵。

到彼稍遲。緩不濟急。著該將軍等酌量情形。可派官兵若干名。迅即調派。並著選派領隊大臣帶領前往。務須妥速。不可如從前祥雲保碩隆武之遲延貽誤。儻稍有遲逾。必當按律治罪。斷不能寬其一線。至糧餉尤為緊要。該將軍等即將所貯糧石酌量運往阿克蘇。務使源源接濟。再馬匹一項。更須寬為豫備。挑選驍壯。以便調撥。毋致臨時遲誤。干咎。未刻。又據扎隆阿等由六百里馳奏賊勢猖狂。

喀什噶爾新城恐不能固守。已諭令扎隆阿等酌量退守。所有派往救援之官兵著探明扎隆阿等現在退守何處。即赴該處併力抵禦。將此由六百里加緊諭令知之。○又諭。寄諭喀什噶爾參贊大臣扎隆阿。幫辦大臣伊薩克。英吉沙爾領隊大臣棍楚克策楞葉爾羌辦事大臣璧昌。幫辦大臣常豐和。聞辦事大臣誠端。幫辦大臣舒倫保。烏什辦事大臣常德。幫辦大臣景昌。阿克蘇辦事大臣長清。

庫車辦事大臣常格。喀什噶爾辦事大臣薩迎阿。本日據楊遇春奏。探得賊匪尚欲由樹窩一帶直撲阿克蘇。以截西四城官兵後路等語。據該督現已調派各處官兵馳往救援。朕特降旨。令提督楊芳胡超即行帶兵出口。相機往辦。但賊匪現在情形。尚未據各處奏到。各城回眾性情反覆。易於煽惑。儻內外勾結。或徑撲阿克蘇。截我後路。則賊勢益熾。愈難剿辦。各該大臣務宜嚴密防範。嬰城守禦。

不可稍有疏虞。其現在賊眾如何。即各迅速由驛具奏。將此由六百里加緊各諭令知之。○又諭。本日據楊遇春奏。急請派兵援剿。著琦善即調四川省官兵三千名。務須挑選精練。並選派得力領兵員弁。帶領迅赴肅州。聽候楊遇春調遣。將此由六百里加緊諭令知之。○又諭。本日據楊遇春奏。一面親往肅州。照料調度。一面咨會烏魯木齊等處。調兵救援。等語。烏魯木齊相距喀什噶爾葉爾羌等

處較近。著成格即照該處所調兵數。迅速派往救援。所有該處倉貯糧石。著儘數運赴阿克蘇。為供億官兵之用。並著於此外寬為儲備。以期源源接濟。毋致臨時周章。其馬匹一項。尤為緊要。著將驍壯者。豫期挑選。以備調用。將此由六百里加緊諭令知之。○又諭。本日據楊遇春奏。飛咨甘州提督胡超。挑帶官兵三千名。順道再帶肅州官兵一千名。並飛咨固原提督楊芳。豫為挑選官兵三千名。聽

候調用。此時胡超應已迅速起程。帶兵前往。楊芳現在尚未調派。著該提督接奉此旨。迅即帶領所挑官兵。一併馳往。與胡超察看情形。隨時相機妥為勦辦。固不可貽誤機宜。亦不可輕率前進。致有挫失。是為至要。嗣後凡遇應奏事件。如楊芳、胡超同在一處。著聯銜入奏。儻該提督等分投各路。即著單銜具奏。將此由六百里加緊各諭令知之。○又諭。本日未刻。據扎隆阿等由六百里馳奏。官兵防

剿賊匪情形。並另片奏。據探報塔斯哈追賊至明約洛。遇伏陷斃等語。奸回如此猖獗。可恨之至。現在賊勢張狂。有徑撲新城之勢。該處存兵不滿一千。應援少遲。恐難固守。著扎隆阿等察看情形。能嬰城固守。以待救援。固好。儻必須退守。即於英吉沙爾、葉爾羌兩城酌量退守。併力抵禦。總在該參贊等計出萬全。無墮賊人奸計。至塔斯哈在明約洛遇伏陷斃情形。並帶兵策應之副將賴允貴。現在

下落如何均著查探明確迅速覆奏將此由六百里加緊諭令知之○又諭本日據楊遇春奏逆回入卡滋事當降旨照該督所奏調派各處官兵前往並令楊遇春駐劄肅州督辦楊芳胡彪馳赴阿克蘇相機進剿復通諭八城各大臣等嚴密防範嬰城守禦未刻據壁昌等馳奏葉爾羌所屬八十里亮噶爾卡倫外色呼庫勒地方亦有安集延一千餘人前來搶劫將阿奇木伯克邁瑪沙捆縛殺傷

回子等情葉爾羌存城官兵僅餘六百名勢難分撥勦捕據稱業經飛咨伊犁等處速即撥兵救援並派員帶領官兵回子前往把守又經阿奇木伯克阿布都爾滿添撥回子一千餘名協同官兵分守軍臺卡倫等處辦理尚為周密該大臣等務當慎固防守不可稍有疏虞至和闐亦屬緊要現在誠端暫留葉爾羌該處祇有舒倫保一人著誠端即回和闐以資守禦是為至要將此由六百里加緊

諭令知之○又諭本日本刻據長清奏派調官兵前往喀什噶爾救援一摺據稱接扎隆阿來咨賊匪入卡將及新城萬分緊急請調兵迅速往援該大臣已於新增防兵內撥派官兵三百名交候補守備祁陞帶往喀什噶爾惟現據扎隆阿奏喀什噶爾如不能守即由英吉沙爾葉爾羌合兵同退至阿克蘇以待救援此時長清所派之兵自己前往但不

可徑赴喀什噶爾著沿途偵探如扎隆阿等已帶兵撤退即探明退至何處迎赴救援不可中途錯過又據稱賊匪現欲由樹窩直取阿克蘇該處毗連葉爾羌英吉沙爾等處形勢緊要已咨調伊犁滿漢官兵二千名烏魯木齊滿漢兵二千名喀喇沙爾兵二百名土爾扈特和碩特兵二千名庫車兵二百名前來協防俱著照所請准其調取阿克蘇為咽喉重地守城為要該大臣務當慎重防禦不可稍有疏失將此由六百里加緊諭令知之

○以山西巡撫徐忻署陝西巡撫刑部右侍郎阿勒清阿署山西巡撫○以甘肅寧夏鎮總兵官中福署甘州提督定邊協副將永孔阿署寧夏鎮總兵官○陝西延綏鎮總兵官郭繼昌調往新疆軍營以神木協副將劉允忠署延綏鎮總兵官○旌表守正被戕廣西凌雲縣民羅章女羅氏四川鄰都縣民秦先庸妻譚氏○修浙江東西兩塘柴埽各工從巡撫劉彬士請也○免喀什噶爾應賠谷領

伊犂倒斃馬匹○已未諭內閣訥爾經額奏訪獲匪犯審明定擬一摺此案山東定陶縣民李瀾林有習教傳徒並演習拳棒之事經該縣知縣會營訪聞稟經該管知府親督獲犯審出實情究辦所有歷任文武失察處分均著加恩寬免○頒給陝甘總督楊遇春欽差大臣關防辦理軍務○命鑲紅旗蒙古都統哈琅阿馳往新疆會同甘肅固原提督楊芳甘州提督胡超辦理軍務奏事哈琅阿列

名在前○以御前侍衛戴銓署鑲紅旗蒙古都統兵部左侍郎博啓圖署總理虎槍營事○以直隸宣化鎮總兵官海凌阿署甘肅固原提督○命雲南布政使王楚堂來京○賑四川彭水秀山二縣被水災民○庚申

上詣綺春園問

皇太后安○遣官祭

歷代帝王廟○諭軍機大臣等禧恩耆著著即回京所有相度事宜著敬徵會同容照奕

紀詳慎履勘禧恩等所帶熟諳堪輿之人俱著交敬徵等帶同相度將此諭知禧恩耆著並諭敬徵容照奕紀知之○又諭昨據楊遇春等奏喀什噶爾有安集延逆回入卡滋事並葉爾羌卡外不靖情形該督親往肅州照料調度所有伊犂烏魯木齊官兵已降旨令該將軍都統等迅速調派前往救援並將烏魯木齊倉貯糧石趕緊運赴阿克蘇為供億官兵之用茲據壁昌等奏現在賊已撲近舊

城英吉沙爾城垣被圍。文報不通。情形危急。又據長清奏。喀什噶爾咨調官兵三百員。名因恐賊匪由樹窩子直撲阿克蘇。存城兵力單弱。實難周顧。所有此項官兵。著仍留阿克蘇防守。毋庸派往。其庫車調赴阿克蘇練營兵一百名。業已派員管帶前往。惟該處存兵無多。著照常格所請。俟烏魯木齊征兵到境。留駐三百名。以資防守。並著敦良將庫車道。光十一年經費銀八千兩。由哈密趕緊撥解。

庫車以備供支。至壁昌等所請兵餉。已諭令鄂山於甘肅藩庫撥解銀二十萬兩。趕緊運至阿克蘇。再接運葉爾羌備用。該大臣等當各保守城池。嚴密防範。以待大兵之至。毋得稍有疏虞。將此由六百里加緊諭知壁昌。常豐誠端舒倫保。常德景昌。長清。常格。並諭令敦良知之。○又諭。前據楊遇春奏。逆回入卡滋事。當降旨令該督馳往肅州駐劄。並令楊芳胡超帶兵出口前赴阿克蘇相機安辦。本

日據壁昌等奏。探明賊勢猖獗。大路斷截。情形甚為緊急。該督接奉諭旨。著即飭催胡超迅速帶兵。即日先行出口。一路迎探情形。趕緊至阿克蘇駐劄。與長清相機固守。聽候諭旨。不可冒昧前進。致有挫失。是為至要。將此由六百里加緊諭知楊遇春。並諭胡超知之。○又諭。現在逆回入卡滋事。應調集官兵。勒辦著福克精阿挑備吉林官兵一千五百名。富僧德挑備黑龍江官兵一千五百名。均須

精壯。照上次之例。各酌派副都統一員。並諳練帶兵官員管帶。該將軍等務須不動聲色。豫先妥密籌備。俟續奉諭旨。再令起程前往。福克精阿本年班次著毋庸來京。將此由五百里各諭令知之。○又諭。本日降旨令福克精阿富僧德挑派吉林黑龍江馬隊兵分起前進。該官兵等自騎馬匹長途疲乏。至大凌河應須更換著瑚松額奇明保接奉此旨。即挑備驍壯馬匹在大凌河豫備。俟續奉諭旨。

探明吉林黑龍江兩路官兵如由該處行走
到時將疲乏之馬照數更換其該官兵等原
騎馬匹即留於大凌河收廠餵養可也將此
由五百里諭令知之○又諭前降旨令將楊
遇春谷調兵數迅速派員帶往救援本日又
據壁昌等奏稱現在賊已撲近舊城甚為危
急王麟容等成格接奉此旨著即將調集兵
丁派員飭令迅速帶往喀什噶爾探明扎隆
阿現在何處即到該處併力抵禦不可稍有

遲誤至伊犁為新疆重地該將軍等務須嚴
密查察鎮靜防守毋致疏虞此為至要將此
由六百里加緊各諭參知之○命密雲副都
統佈勒亨來京以盛京兵部侍郎那丹珠署
密雲副都統○以前任山東布政使鍾祥署
雲南布政使○辛酉

上御洞明堂勾到新疆雲南貴州廣西情實罪
犯停決新疆斬犯一人絞犯二人雲南斬犯
四人貴州斬犯十五人絞犯三人廣西斬犯

五人絞犯一人餘八十二人予勾○諭內閣
那彥成奏假照案內官犯龐湘中途自縊身
死等語所有管解員弁及地方官著該督查
取職名交部議處○諭軍機大臣等前降旨
令伊犁烏魯木齊喀什沙爾所屬土爾扈特
和碩特及庫車等處照該參贊等所調兵數
迅速派往救援並令楊遇春馳赴肅州督辦
後路飛飭胡超領帶官兵先行出口趕緊至
阿克蘇迎探情形進剿復派哈琅阿楊芳帶

兵一併馳往本日又據扎隆阿等馳奏賊勢
猖獗係安集延霍罕布魯特勾結突入卡倫
英吉沙爾軍臺亦有夷賊攔阻截回各城公
文現在調取遊擊馬天錫來城督率官兵固
守等語該處兵力甚單賊來倉猝且恐四面
截阻葉爾羌不能策應難以久守著扎隆阿
等察看現在情形如本城各處回子並未搖
動自可嬰城固守儻必須暫退著即酌量退
守併力抵禦總在該參贊等臨機審度可守

則守可退則退以待大兵到時再圖進剿將此由六百里加緊諭令知之○又諭據玉麟等奏喀什噶爾咨報逆夷犯卡勢甚緊急當即揀派領隊大臣額爾古倫帶兵一千名貴戚帶兵一千名定於八月二十日先令一起啓行以後間一日行走一起由冰嶺星速前往救援其喀喇沙爾所屬之土爾扈特和碩特蒙古官兵已飛咨薩迎阿速為如數調發並派曾經出征能蒙古語之協領奇拉布由

那拉特一路迎赴帶領前進該處距阿克蘇道途較平可期早到等語所有此項官兵二千名業於八月二十日先後啓程務即飛飭沿途帶兵各員加緊過行現在喀什噶爾一帶軍臺雖斷仍當探聽明確相機前進能早到一日即得一日之用愈速愈好不可稍有遲誤至所稱如再探有緊急情形即於該將軍參贊二人內酌定一人帶兵前往此時伊犁地方一切防守稽查事宜均關緊要且領

隊又帶兵前往二人該將軍等均著毋庸前去又據奏阿克蘇需用糧石已飛札長清成格安速籌備就近接濟並知照哈豐阿親帶烏魯木齊官兵迅速啓程所辦俱是其經費一項業經降旨諭陝甘總督於封貯一百六十餘萬兩內隨時撥解並據戶部奏撥山西等省銀一百萬兩解赴甘肅備用所有伊犁一年經費已諭令鄂山籌撥迅速解往矣至伊犁派赴南路換防官兵事宜著俟來年應

需換防之時再行奏請可也將此由六百里加緊諭令知之○又諭昨疊經降旨調派各路官兵迅速前赴阿克蘇計可陸續雲集著胡超等行抵阿克蘇與長清會同商酌偵探賊情現在喀什噶爾臺路雖有阻隔然各臺賊匪諒亦無多務須相度機宜帶兵前進以期廓清臺路直抵喀什噶爾為保護城池之計無論何人先到阿克蘇總當從長計議可進即進斷不可因軍臺已斷遽延觀望設喀

什噶爾尚在支持。亟望救援。若稍耽延。豈不大失事機。至該逆等烏合之眾。一聞大兵將至。或即從喀什噶爾紛紛逃竄。其圍自解。豈非又計之上者。更可合兵勦捕。迅就肅清。將此由六百里加緊諭知胡超。哈豐阿。長清。額爾古倫。貴成。奇拉布。並諭薩迎阿知之。○又諭據長清奏。接據葉爾羌咨報。喀什噶爾賊勢猖獗。立待官兵救援。葉爾羌迤西軍臺亦屬不靖。現在防範守禦。迤東各臺不能兼顧。

催調官兵前往等語。所有先後調派官兵疊經降旨。催令迅速前赴阿克蘇。計可陸續到彼。阿克蘇地方固屬緊要。但祇須酌留兵力。足敷防堵。不可全行留駐。此時喀什噶爾葉爾羌待援甚急。當偵探情形。酌量分兵進剿。惟前途軍臺已斷。征兵前進。必須裹糧。著長清將官兵等應帶口糧。妥速籌畫。以利軍行。毋致稍有短絀。將此由六百里加緊諭令知之。○以右春坊右贊善王炳瀛充日講起居

注官。○以直隸永定河秋汛安瀾。予出力州判蔣景暘等。升敘有差。○旌表守正捐軀直隸任邱縣民王綱。次妻周氏。○撥直隸司庫銀。備辦來年加培永定河堤埝。及新挑引河料物。從總督那彥成請也。○壬戌。諭軍機大臣等。據壁昌等奏。派撥弁兵伯克回子等分防要隘。保守城池。並據查探信息之葉爾羌委筆帖式吉祿等。將英吉沙爾逃出民人。都隆阿押赴到城供稱。聞喀什噶爾賊勢甚眾。

已經打仗四次。英吉沙爾迤西五十里有賊匪一千多人。又據出卡探信回子莫洛黑雅斯邁瑪散二人。聲稱行至黑色塔克布特特遊牧地方。查看眾布魯特神色傲慢。不似往常。傳聞霍罕有巴圖魯愛散帶領馬隊安集延等前往喀什噶爾打仗。並聞色呼庫勒地方亦有霍罕安集延人馬前去等語。壁昌等因葉爾羌卡外亦有不靖情形。派撥弁兵防守。並傳集本城回眾。剴切曉諭。分派各要隘。

駐劄均踴躍前往。同力堵禦。保守城池。所辦甚好。所有調派各處官兵。已屢次降旨。嚴催加緊。進行計可速到。現在葉爾羌東路軍臺。文報尚通。必須防守周密。壁昌等當激勵兵回。加意堵禦。並隨時偵探賊情。以待大兵到時。及早進剿。迅就肅清。將此由六百里諭知壁昌。常豐。並諭誠端知之。○又諭據常德等奏。探得烏什所屬巴什雅哈瑪卡外松塔石地方。潛來面生可疑之布魯特。約有四五十

人。盤踞數日。復行散去。該處西通喀什噶爾。邊外各布魯特。愛曼。恐係霍罕安集延勾結。賊匪潛來窺伺。並接長清札稱。喀什噶爾五品伯克阿納雅特。繞路至阿克蘇。據稱賊匪有從小路竄赴烏什之信。已嚴飭妥弁晝夜巡卡。以壯聲威。並派撥回子四百名。協同官兵分守軍臺卡倫等處。尚屬周密等語。烏什地方。西通喀什噶爾。邊外各布魯特。愛曼。現聞賊匪有從小路竄赴烏什之信。各卡倫要

隘處所。必須嚴密稽查。認真防範。其烏什至阿克蘇一帶軍臺。尤須加意防守。所有調派各路官兵。已屢次降旨。飭催迅速前進。計可陸續行抵阿克蘇。相機進剿。該大臣等當隨時偵探賊情。激勵兵回。小心固守。毋得稍有疏虞。將此由六百里諭令知之。○命江蘇巡撫盧坤來京。陛見。○以前任湖南巡撫康紹鏞為光祿寺卿。○賞鑲紅旗蒙古都統哈琅阿前往新疆治裝銀一百兩。○癸亥諭內閣

蔣攸銛等奏。查明關稅缺額情形。一摺。前經降旨。令各省督撫將歷年關稅缺額。及間有缺額各關。就近詳查具奏。茲據蔣攸銛等查明除龍江西新關。稅近年有贏無絀。外其淮安揚州許墅三關。應徵稅課。逐年均有虧短。而淮安關為尤甚。該監督及管關道員。經徵稅額。若不認真稽查。一任奸商偷漏。丁役賣放。諸弊叢生。尚復成何事體。著責成該監督道員等。時加查察。如有前項情弊。即行從嚴

懲創並明定章程妥為辦理以期課稅充裕
毋得日久懈弛仍致有名無實並著該督撫
隨時訪查如該監督道員等不能認真妥辦
即據實參處毋稍徇隱○諭軍機大臣等本
日已有旨將恆泰補授江蘇常州府知府惟
該員前因應補淮安府知府據該督等奏查
明淮安地方緊要非初任人員所宜請將該
員留於江蘇差委另行奏補現在恆泰所補
常州府統轄八縣係兼四要缺並有督辦水

利事宜著陶澍留心察看如不能勝任據實
具奏毋稍姑容將此諭令知之○又諭主麟
等奏南路賊情待援甚急所有調派各處官
兵已屢次降旨嚴催馳赴阿克蘇計可迅速
到彼茲該將軍等復於前派二千官兵之外
添派惠遠城巴燕岱兩滿洲營錫伯索倫察
哈爾額魯特四營及綠營官三十員兵一千
名並檄調庫爾喀喇烏蘇及精河兩處遊牧
之士爾扈特王貝勒等令其揀派精兵一千

名又召募鄉勇酌派民遣一千名並揀派得
力文武員弁均由容安帶往阿克蘇防堵昨
該將軍等請酌定一人帶兵前往朕因伊犁
地方緊要諭令均毋庸前去茲因南路情形
緊急添派援兵著容安即督率前進趕緊馳
赴阿克蘇會同長清相機妥辦本日已有旨
令福克精阿等先調吉林黑龍江精兵二千
名迅速啟程其陝甘官兵已諭令楊遇春於
該二省提鎮各標酌量添派官兵馳往以壯

聲援又據奏布魯特比鄂勒吉拜稟稱霍罕
與汰劣克等謀逆情形不願與其同類結仇
尚屬恭順著俟其到城詳詢確實即傳旨酌
加賞賚並賞給頂翎以示鼓勵至伊犁為邊
疆重地一切防守調度事宜該將軍當加意
妥辦用副委任將此由六百里加緊諭令知
之○又諭成格奏派兵迅赴南路救援並撥
餉接濟一摺昨因逆回入卡滋事賊勢猖獗
烏魯木齊相距喀什噶爾葉爾羌等處較近

當已降旨令哈豐阿帶兵赴援並令成格將該處糧石迅速運赴阿克蘇應用茲據奏已挑派綠營官兵二千二百名滿洲營官兵八百名交提督哈豐阿帶領協領烏珍泰等分起前進並於巴里坤古城兩處酌派滿洲官兵五百名咨調庫爾喀喇烏蘇領隊大臣查隆阿管帶馳往救援官兵早到一日即得一日之用該都統即飛飭帶兵各員加緊進行所有烏魯木齊提督印務即著成格兼署庫

爾喀喇烏蘇領隊印務著協領都倫布前往署理軍行糧餉軍火尤關緊要喀喇沙爾咨調銀五萬兩著即轉飭迪化州於該處商民內匯兌銀三萬兩迅速派員解往此項銀兩已降旨令署陝甘總督鄂山俟該商民赴省時如數給領至喀喇沙爾所調軍火及一切餉帳等物亦著如數備齊解往應用另片奏前任塔爾巴哈台領隊大臣德勒格爾桑藍翎侍衛德恩主事職銜雙慶主事職銜改就

武職慧奎該四員願赴軍前效力俱著交哈豐阿帶往差委將此由六百里加緊諭令知之○又諭前降旨令楊遇春馳赴肅州督辦後路並照該督請調兵數令其迅速派往救援飛飭胡超先行出口趕赴阿克蘇相機進剿復派哈琅阿楊芳一併馳往本日據玉麟等馳奏南路情形緊急必須厚集兵力星速進剿著該督即於陝甘兩省各營內再行酌量添派兵數揀派帶兵官員一面飭催星速

前進一面奏聞並飭帶兵各員一路偵探賊情加緊進行不可稍有遲誤將此由六百里加緊諭令知之○又諭前據玉麟奏喀什噶爾逆夷犯卡勢甚緊急已飭領隊大臣額爾古倫等帶兵前往並飛咨提督哈豐阿管領烏魯木齊官兵救援當降旨令玉麟容安均在伊犁嚴密防範無庸前往本日又據奏容安已督兵前進自己加緊進行與哈豐阿先後抵阿克蘇會同長清相機妥辦惟是一切

防守進剿事宜務須和衷商榷不可各執已見致有疏虞將此由六百里加緊各諭令知之○又諭壁昌等奏防堵要隘並和闐辦理堵禦情形一摺葉爾羌各要隘卡倫經該大臣等派員分路各帶兵回設法防堵其阿克蘇援兵三百名現留葉爾羌駐劄以資堵禦布置尚為周密該大臣等當激勵兵回固守城池以待大兵到時會合進剿毋得遇事張皇致令人心搖惑將此由六百里加緊諭知

壁昌常豐並諭誠端知之○又諭薩迎阿奏喀什噶爾賊勢猖獗接准扎隆阿咨調各處官兵救援並阿克蘇存城官兵不敷防守飛咨各處官兵情形當即飛馳前往土爾扈特和碩特兩遊牧傳知旋據土爾扈特汗策登多爾濟挑選精壯阿勒巴圖一千名懇請親自帶領報效和碩特貝子車丹多爾濟稱揀選二百名派出台吉鄂勒哲依圖管帶俟兵丁調齊即派定夷回處章京富倫布隨帶筆

帖式弁兵等會同汗策登多爾濟貝子巴勒丹喇什台吉章京等即行帶兵起程等語土爾扈特汗策登多爾濟既願帶兵報效出於至誠著准其會同台吉鄂勒哲依圖等前往迅速赴援其營屯中挑選兵丁一百名已派遊擊伊齡阿帶領於八月十九日起程著照所請准其馬兵每名借給銀十兩步兵每名借給銀六兩官兵每員借給盤費銀兩並支給路行鹽糧攜帶軍械等項前往協助又

另片奏布古爾阿奇木伯克邁瑪底敏曾經報效已札調回城赴布古爾彈壓回暇再此大派出綠營蒙古官兵等應支鹽菜口糧等項現存經費不敷供支現有解送烏什經費銀一萬一千四百餘兩准其截留四千兩支發以應急需又另片奏土爾扈特所屬阿勒巴圖等一時實難湊集現據汗返派出隨征貝子扎薩克台吉各章京等名單共三十八員阿勒巴圖一千八十名著俟策登多爾濟

到城即令台吉鄂勒哲依圖會齊起程並屆期移咨長清如蒙古兵到阿克蘇務須斟酌或隨伊犁滿洲兵或隨烏魯木齊滿洲兵一同前進不可冒昧將此由六百里加緊諭令知之○又諭據穆營阿等奏選派官兵起程等語該大臣等因喀什噶爾咨調官兵當即挑選精壯馬步官兵一百名派員帶往著即飭催迅速前赴隨同哈豐阿統領進剿哈密為各路官兵經由之地需用馬匹等項務須

豫為籌備以資接濟毋得稍有短絀將此由六百里加緊諭令知之○又諭前降旨諭令福克精阿挑備吉林精壯兵一千五百名富僧德挑備黑龍江精壯兵一千五百名並挑派諳練帶兵官員候旨調遣再令起程本日據玉麟等奏新疆南路各城賊情緊急著該將軍等即各先行挑派精壯兵一千名各派副都統一員並酌派得力帶兵官員迅速帶領各官兵乘騎本處馬匹分起啓程飭令趕

緊來京候旨帶往並將啓程日期速行具奏其餘五百名著仍各行挑備聽候諭旨將此由六百里加緊各諭令知之○又諭前降旨諭令瑚松額奇明保挑備驍壯馬匹豫備吉林黑龍江兩路官兵更換現已降旨令福克精阿富僧德各於挑備精壯兵一千五百名內先行挑派一千名並各派副都統一員及得力帶兵官員帶領分起啓程著該將軍等即將挑備馬匹在大凌河豫備探明吉林黑

龍江官兵到時將疲乏之馬照數更換該官兵等原騎馬匹即留於大凌河牧廠餵養其餘吉林黑龍江挑備兵各五百名現今候旨起程所有應行更換馬匹著仍豫為挑備聽候諭旨將此由五百里諭令知之○江南河道總督張井奏春初面奉諭旨令試行鎖船逼溜之法隨於回任後調集各廳船隻在外南廳兵二堡迤上河身最淺六尺之處排鎖船壩一道按法試行當鎖船束逼居然刷深

尺餘。一經移船仍止六尺。然猶恐試行日淺。未有大效。如常行鎖逼。或可見功。因與各道細加籌畫。計春間試辦一處。已需船七十餘隻。而自宿南北以下至山海一帶。積淤高仰。應行鎖逼處。殆難數計。即自禦黃壩至雲梯關。迤上各工。應設船壩。至少亦須三十餘處。需船二千餘隻。照例約估除兵夫工食等項外。已需銀一百萬兩。即減半覈計。亦需五六十萬兩。為費至鉅。而於治河究無把握。應請

停止。以節糜費。從之。○陝西巡撫鄂山奏。寶陝局所存低銅。不敷下卯配鑄。請配用高銅。量為調劑。以免停卯。從之。○以盛京兵部侍郎那丹珠。管移居宗室事。○巴里坤鎮總兵官德克登額。因病解任。以烏魯木齊領隊大臣果勒明阿。為巴里坤鎮總兵官。○賞護軍參領拜凌阿。托雲保。穆克登保。二等侍衛富倫保。英喜三等侍衛果英阿。特克津德。珠勒格善。珠勒亨。藍翎侍衛特興額。銀各四十兩。

護軍校永明阿。銀三十兩。交鑲紅旗蒙古都統哈琅阿。帶往新疆差遣委用。○戶部議准河南巡撫楊國楨疏報。新鄉縣復種沙壓地九頃八十一畝。有奇。仍照例升科。從之。○展緩陝西咸寧。長安。臨潼。渭南。涇陽。三原。咸陽。醴泉。興平。高陵。華。大荔。蒲城。乾。武功。十五州縣。節年歉收。舊欠倉糧。○甲子。諭內閣。前據孫爾準奏。請嚴定改用外海水師人員之例。當交軍機大臣會同兵部議奏。茲據奏改用

水師人員。向例與應升降調候補人員相間。輪用。改用人數不敵三項之多。得缺難易迴殊。嗣後著准其補用。應題二缺後。輪補改用。水師一人。其豫保人員。仍照舊例辦理。至此項改用人員。是否能收實效。不在歷俸之淺深。而在試驗之寬嚴。如果該督撫認真考察。該員等自不得不勤。歷外洋習練技藝。即素未諳曉之員。亦知敬畏。不敢濫行呈改。若同涉風濤之險。歷俸又顯有區分。轉不足以昭

平允所有該督請將改用人員歷俸二年方准保題之處著毋庸議又該督奏稱改將弁一時均不得人皆因呈改之後不肯留心學習經軍機大臣等酌擬章程著照所議嗣後在京各省武進士武舉及候補候選等官悉照閩粵水師效力之例毋庸在部呈改如實有熟諳水性擒賊立功者由該督撫保題送部其外省世職陸路呈改人員亦著照此例辦理至業經改用之武進士武舉雲騎尉

等官即飭令有水師各省督撫嚴加考察儻於外海不宜隨時甄別照朦混具呈例議處以肅洋政而勵人材並著兵部即將各條纂入則例通行遵照辦理○諭軍機大臣等據那彥成奏假照案內蔡繩祖之子蔡應聯現經拏獲供稱馬懷玉於八月間往淮關養病與總書謝姓係屬至親兩次借過銀四十兩伊不知謝姓是何名字馬懷玉或在彼藏匿著陶澍迅速派委委員到該總書謝姓家將

馬懷玉嚴密查拏解京歸案審辦毋任聞風遠颺將此諭令知之○又諭寄諭盛京將軍瑚松額工部侍郎兼管奉天府府尹富呢揚阿府尹烏爾恭額昨因安集延入卡滋事調派吉林黑龍江官兵前往協剿此項官兵經過盛京所需車馬等項自不能不借資民力惟地方官承辦兵差往往藉端勒索吏胥等即從中舞弊苦累閭閻不可不嚴行查禁此次該二處官兵過境著該將軍等嚴飭所屬

查照成案妥為辦理不許絲毫擾累儻辦理不善即將承辦之員據實嚴參如有心徇隱別經發覺或被人控告除將承辦之地方官從重懲處外必將該將軍等嚴懲不貸將此各諭令知之○直隸總督那彥成奏請赴軍營得旨現在尚未得有確信不必再行瀆請○以故回子郡王銜貝勒哈迪爾子克克色布庫襲爵○以戶部右侍郎寶興署都察院左都御史○以禮部尚書耆英署鑲藍旗漢

軍都統○以乾清門侍衛阿保為烏魯木齊領隊大臣○以拏獲假照案內要犯蔡應聯予直隸候補未入流余介亭等儘先補用○蠲緩湖北監利公安江陵石首沔陽松滋枝江七州縣及屯生各衛被水村莊新舊額賦有差○乙丑諭內閣松筠等奏訊明扎薩克公車楞旺楚克多爾濟被控各款一摺此案烏喇特扎薩克公車楞旺楚克多爾濟押解宴臺攜妓聽唱又將年班進京所用銀兩捏

指分送近侍大臣復逞忿杖斃屬下人畢濟雅實屬無恥妄為雖據具有改過自新印結亦不准從輕辦理車楞旺楚克多爾濟著革去公爵並照蒙古例罰馬三十匹給與畢濟雅之叔喇嘛齊魯布收領其扎薩克公未承襲以前所有該旗事務著交該正副盟長由該旗揀選台吉一員辦理至協理台吉車楞敦多克密都布二員將該扎薩克公自用銀兩商同捏指開銷並訊有種種劣跡車楞敦

多克密都布俱著革去協理台吉交該正副盟長嚴加管束所遺協理台吉二缺著該盟長揀選擬定正陪由理藩院帶領引見該正盟長巴圖鄂齊爾接收呈詞並不悉心研訊率據原呈咨報亦屬不合著交理藩院議處○又諭現在回疆辦理軍務需用兵糧戶部奏請在口外各城酌量採買著陝甘總督及回疆各該大臣酌量情形於阿克蘇附近各城豫行採買以備拱衛一面迅速辦理一面

即行具奏○諭軍機大臣等楊遇春奏續報口外賊匪情形及催兵籌餉一摺據稱已飛催前派之肅州鎮標兵一千名作為頭起先行出關仍令胡超帶兵三千名繼發前赴阿克蘇會集又口外烏魯木齊伊犁等處官兵亦已分起前進指日大兵雲集糧務最為急要該督業經飛咨成格查照上屆章程籌運並咨各城採買糧石此次糧務著各歸各城辦理內地不必另行派員前往惟哈密為往

來要遵該城糧務著責成該大臣敦良專司妥辦仍由該督派委妥員前往隨同經理所有此次進征官兵口食著准照上屆之例每兵口內日給銀一錢口外日給銀一錢白麪一斤用示體恤至應需餉項該督已由甘省撥銀二百萬兩解赴肅州並著陝西巡撫速撥銀五十萬兩解往甘肅應用現經節次降旨調派各路官兵馳往戶部已奏派撥銀一百萬兩現仍籌撥款項以資接濟甘省地方

緊要提督楊芳胡超均已出關著該督務遵前旨。在肅州料理一切事宜斷不可遽行出關。是為至要。將此由六百里加緊諭令知之。○又諭前據玉麟等奏南路賊情待援甚急。於前派二千官兵之外添派各處官兵二千並鄉勇民遣一千名請令容安帶往阿克蘇業經降旨允准。朕念伊犁地方緊要該處領隊大臣已有二人帶兵赴援現祇玉麟在彼所有防守調度事宜必須會商辦理容安著

於行抵阿克蘇後將所帶官兵統交長清等迅速折回伊犁與玉麟等商辦一切將此由六百里加緊諭令知之。○又諭長清奏阿克蘇連境葉爾羌所屬圖木舒克臺被賊劫掠並阿克蘇派兵防堵情形據稱賊匪到處勾結葉爾羌所屬東路軍臺已被劫掠文報不通該大臣差派弁兵確加偵探並挑調官兵設法堵禦阿克蘇為回疆適中之地必須嚴兵固守至渾巴什河一帶地勢遼闊尤當加

意防範現在庫車所派援兵業經行抵該處喀喇沙爾挑派官兵已於八月十九日起程伊犁前次調派官兵據玉麟等奏已於八月二十日起程此時計可陸續到彼胡超哈豐阿及容安所帶官兵不日均可趕到該大臣務當激勵官兵小心防堵固守城池俟大兵到時和衷會商相機妥辦斷不可冒昧輕進致有挫失將此由六百里加緊諭令知之。○又諭常德等奏偵探竄入喀什噶爾賊匪名

目並烏什阿奇木伯克等懇請捐辦烏拉馬匹一摺據稱烏什卡內五品頂帶藍翎布魯特比庫曲吉並阿奇木伯克木薩差派六品頂帶回子多列特金頂莫洛雅和普克里木出卡探得霍罕安集延賊匪頭目愛散木薩前次從逆之喀什噶爾白帽回子伊閔察克等勾結布魯特比阿坦台汰劣克沙提伯克斯底克帶領各愛曼布魯特等入卡滋擾卡外仍陸續糾約尚無從小路直撲烏什確信

等情布魯特比庫曲吉等均著該大臣等一面傳旨獎勵其如何加恩之處即奏明請旨又據探得喀什噶爾英吉沙爾二城白帽回子從逆者甚多烏什雖有白帽回子均甚安靜該大臣等務當嚴密稽查激勵兵回妥為防範至阿奇木伯克木薩率領阿渾及眾伯克等稟稱伊等世受深恩斷不能從逆並率同哈資伯克伊薩克巴吉格爾伯克伊維克明伯克胡魯板等懇請除前次捐辦烏拉馬

二百匹之外情願再捐六百匹等語情甚可嘉著該大臣等即飭阿奇木伯克木薩將所捐烏拉馬六百匹令其在城附近牧放以備烏什馬隊及偵探官兵輪流騎用又另片奏據長清飛咨葉爾羌軍臺道路阻斷文報不通齊蘭臺當差回子亦有變亂等語該大臣等尤當督率防卡固守城垣並分撥官兵前往渾巴什河沿一帶幫同堵禦不可稍有疏虞將此由六百里加緊諭令知之○又諭據

楊國楨奏喀什噶爾逆回滋事伊父楊遇春帶兵馳赴肅州調度豫備進剿懇請隨赴行營同伸敵愾兼遂私情等語覽奏忠孝可嘉朕現經降旨令楊遇春駐劄肅州督辦一切事宜並未令其出關楊國楨著毋庸前往將此諭令知之○以戶部尚書禧恩署正紅旗滿洲都統戶部右侍郎寶興署正藍旗滿洲都統○命黑龍江將軍富僧德馳驛來京陛見以前任烏魯木齊都統英惠署黑龍江將

即行驗銷。至該處徵收採買兵米。現訊有以
科代斛將米折銀情事。書役等從重多收弊
竇易滋。不可不嚴行飭禁。著嵩溥嚴飭該管
道府。隨時認真稽查。如有情弊。即行懲辦。現
署荔波縣知縣覃武保。著交部嚴加議處。前
任荔波縣知縣楊以增。本任荔波縣知縣劉
樹棠。俱著交部照例議處。○諭軍機大臣等
前有旨。令楊遇春於陝甘兩省各營內。再行
酌量添派兵數。想即添派。其前奏請調派各
處官兵內。西安滿洲營已挑備馬隊五百名。
著再於該營添調馬隊一千名。豫備調遣。南
路軍情緊急。各處調派救援官兵。計可陸續
趕到。如逆賊聞大兵將至。紛紛逃竄。即可相
機進剿。但東四城相距均不甚遠。現在賊勢
猖獗。萬一阿克蘇或有閃失。關以內不可無
重兵駐劄。楊遇春務遵前旨。駐劄肅州。策應
一切。毋庸出關。將所帶本標兵一千八百名
留於肅州。以壯聲威。至關外各州縣地方。遠

聞。如有應行防堵之處。並著迅速督飭各該
地方官設法小心防守。毋稍疏虞。將此由六
百里加緊諭令知之。○禮部奏十月初十日
皇太后聖壽節應行禮儀。得旨是。照例行禮。奉
皇太后懿旨。停止筵宴。其在外福晉命婦進內
行禮之處。並著停止。○河東河道總督嚴烺
奏報秋汛安瀾。命嚴烺詣
河神廟祀謝。並下部議。欽出力員弁。升敘有
差。○以福建屏南縣水災。命平糶倉穀。○丁
卯。遣官祭
都城隍之神。○諭內閣。惠顯奏達賴喇嘛班
禪額爾德尼噶勒丹錫呼圖薩瑪第巴克什
等呈請明年恭遣巴雅爾堪布呈遞丹書克
為朕五旬萬壽大慶祝嘏。朕心實深嘉悅。著
照所請。交惠顯照例辦理。於明年七月間起
程。仍由四川行走。○諭軍機大臣等。寄諭陝
甘總督楊遇春。署陝甘總督鄂山。成格奏豫
籌糧餉。脚力一摺。據稱此次調派官兵所需

糧餉俱遵上屆奏准章程。悉照征兵例支給。費用繁多。該處道庫備貯銀兩。動用以後。尚未撥還歸款。昨因軍行緊急。將道州庫貯餉銀經費。先為支用。並令迪化州於商民暫匯兌標銀三萬兩。解往喀喇沙爾。而後路運糧一切所費更鉅。現又准伊犁將軍咨調銀二十萬兩。阿克蘇咨調銀五萬兩。實在無款可籌。著該督等先於安肅道庫內就近撥銀二十萬兩。迅速解往應用。再由司庫籌撥銀五十萬兩。分起撥解。俾資源源接濟。其駝腳一項。據稱該處自上次軍興以來。地方元氣未復。民間車駝短少。此時勉力支應。嗣後續調官兵愈多。勢難接濟。並著該督等豫行籌商。計添兵之多寡。做照上屆採買駝隻之例。一面咨令山西陝西各該撫廣為採買。及早解送。以資輓運。一面奏聞。毋稍貽誤。將此由六百里加緊各諭令知之。○又諭前令琦善挑選四川官兵三千名。想接奉諭旨。即調派齊

全。分起啓程。現在兵力尚恐不敷。著再於該處各營內。挑選精練官兵三千名。選派得力將弁管帶。迅赴肅州。聽候調遣。將此由五百里諭令知之。○又諭前據成格奏。挑派綠營滿洲營官兵。交哈豐阿查隆阿分別管帶。馳往喀什噶爾一帶救援。當諭令飛飭帶兵各員。加緊進行。計已陸續起程前進。茲據奏庫車咨調兵三百名。前赴沙雅爾防堵。該都統業於綠營兵丁內。如數調派。著即飭令迅速前往。以資防堵。軍行以糧餉為先。糧運以腳力為重。烏魯木齊倉貯糧石。前已有旨諭令趕緊運赴阿克蘇。並令此外寬為儲備。現在調派各路官兵。除烏魯木齊外。伊犁已調兵四千名。鄉勇民遣一千名。陝甘已調一萬二千餘名。吉林黑龍江已各調一千名。四川前已調三千名。本日又添調三千名。土爾扈特和碩特已調一千二百名。昨復諭令楊遇春於陝甘兩省各營內。再行酌派兵數。將來大

兵雲集。所需糧石。更為浩繁。必須先期籌計。烏魯木齊所屬州縣。據該都統奏稱。倉貯糧石。尚為寬裕。現已飛檄該地方官。籌備糧數。萬石。先行碾磨。並趕緊雇覓車駝。以備輓運。著通盤籌畫。寬為豫備。總須源源接濟。不可稍形支絀。所請先於安肅道庫內。就近撥銀二十萬兩。迅速解往應用。再由甘肅司庫。籌撥銀五十萬兩。分起撥解。已令楊遇春等。速行撥解。其駝價一項。亦令該督等。籌計添兵之多寡。照上屆廣為採買。及早解送。矣。至另片奏。副都統職銜前任和闐領隊大臣富盛阿。副都統職銜前任伊犁領隊大臣多貴俱願自備資斧。跟隨哈豐阿。馳赴前敵。策應等語。該二員均係原品休致人員。著毋庸前往。將此由六百里加緊諭令知之。○頒給大學士公長齡欽差大臣關防。馳往新疆督辦軍務。賞鑲黃旗護軍統領桂輪。正黃旗護軍統領阿勒罕保。正白旗蒙古副都統安福。左翼

前鋒統領奕經。密雲副都統佈勒亨銀各一百兩。隨同馳往。○命寧夏副都統伊勒東阿。涼州副都統壽昌。隨大學士公長齡前往新疆軍營。○以工部尚書穆彰阿。署正黃旗領侍衛內大臣。刑部尚書明山。署管理理藩院事。協辦大學士富俊。署管理戶部三庫事。理藩院左侍郎常文。署正白旗蒙古副都統。刑部左侍郎特登額。署正紅旗滿洲副都統。鑲白旗蒙古副都統。閩齡阿。署鑲藍旗滿洲副都統。吏部左侍郎貴慶。署左翼前鋒統領。正藍旗漢軍副都統。六十五。署京營左翼總兵。正白旗漢軍副都統。恆敬。署鑲黃旗護軍統領。內閣學士聯順。署正黃旗護軍統領。鑲藍旗漢軍副都統。倫忠。署鑲白旗護軍統領。以戶部尚書禧恩。為總辦。○以前任古城領隊大臣蘇明阿。署烏魯木齊領隊大臣。○撥浙江安徽蘇州地丁銀。及浙甯關稅銀。一百二十萬兩。備辦來年南河歲料。從河道總

督張井請也。○戶部議准廣西巡撫蘇成額疏報開墾上林縣水田一十六畝有奇。天保縣水田四埤一伯有奇。照例升科從之。○以按捕珠爾墨特那木扎爾逆黨功。免唐古特台吉差徭。○戊辰。

上詣綺春園問

皇太后安。○諭軍機大臣等。寄諭直隸總督那彥成。署陝甘總督鄂山。河南巡撫楊國楨。署山西巡撫阿勒清阿。前因楊遇春等奏。喀什

噶爾有逆。回入卡滋事。已先後降旨調派吉林黑龍江及四川陝西甘肅等處官兵前往堵剿。經過各該地方。著該督撫等派委藩臬大員。會督該管鎮將道府妥為照料。催趲遣行。毋任沿途騷擾逗留。至該官兵所需車馬等項。該地方官往往藉端苛派吏胥等。即從中舞弊。苦累閭閻。不可不認真查禁。此次各路官兵過境。著該督撫等嚴飭所屬。查照成案。妥速辦理。毋得稍有遲誤。如有勒派擾累

情弊。即著據實嚴參。儻有心徇隱。別經發覺。或被人控告。除將辦理不善之地方官重懲外。並將該督撫等懲處不貸。將此各諭。令知之。○命扎薩克貝子察克都爾扎勒管理喀爾喀賽因諾顏扎薩克圖汗。二部卡倫。○己巳。諭軍機大臣等。玉麟等奏。南北兩路情形。及葉爾羌等處咨報賊情各一摺。此次喀什噶爾葉爾羌被逆回滋擾。急待援兵。已先後降旨徵調官兵不下三萬餘名。計可陸續馳

抵阿克蘇。相機進剿。惟該逆回等起事之由。並如何商謀勾結。尚未得有確情傳聞之辭。殊難遽信。所謂另派精兵。勦滅霍罕一節。已於該將軍等摺內詳細批示。此事斷不可行。著毋庸議。至塔爾巴哈台所屬和博克薩哩土爾扈特王翰克濟爾噶勒。懇請帶兵前往南路。具見惻忱。惟該部落距阿克蘇道途較遠。緩不濟急。業經該將軍等諭令該王揀選精銳。前赴伊犁。所有此項蒙古官兵。即著留

駐伊犁防守。其南路所需軍糧。昨已有旨諭令成格妥籌撥運。以資接濟。所請將布彥泰、蘇明阿調赴伊犁。布彥泰前已補放西寧辦事大臣。蘇明阿現署烏魯木齊領隊大臣。均著毋庸前往。伊犁地方緊要。已諭令容安帶兵行抵阿克蘇後。即行回任。該將軍等於防守調度事宜。務須妥為籌辦。以副委任。至布魯特比鄂勒吉拜。情詞恭順。前經諭令該將軍傳旨賞賚。並賞給頂翎。茲請給與三品頂

翎。及加以賞件之處。著照所請。行惟鄂勒吉拜所稱卡外情形。究係一面之辭。未可盡信。該將軍等當細加體察。留心訪查。為要。所有伊犁調赴南路兵勇五千名。該將軍等請於此內減留五百名。為各卡巡防之用。著照所議辦理。又另片奏請籌撥伊犁一年經費。前已諭令鄂山豫行籌撥。現又飭知該署督酌籌。或可先撥半年。即解往伊犁。以資備用。昨已降旨。派長齡馳往新疆督辦軍務。此後南

北各城情形。均應隨時咨報長齡。該將軍等如探聞各路軍情。一函具奏。一函咨行長齡。知悉可也。將此由六百里諭知玉麟。並諭容安知之。○又諭楊芳奏帶兵起程日期。一摺。前因喀什噶爾有逆回入卡滋事。當派哈喇阿、楊芳、胡超會同剿辦。並諭令胡超帶兵先赴阿克蘇。相機前進。茲據楊芳奏稱已挑帶官兵三千名。於本月初九日起程。分起進發。哈喇阿業已自京起程。如楊芳途次與哈喇

阿遇晤。著即會同馳往。如哈喇阿行走。在後不能相值。該提督即迅赴阿克蘇。會同胡超相機進剿。務期計出萬全。以副委任。至所奏喀什噶爾等處善後章程一摺。俟軍務告竣。再行妥為籌議。將此由六百里諭令知之。○又諭鄂山奏楊遇泰咨調陝西司庫銀五十萬兩。現已籌撥分起解往甘肅等語。著即飭令該委員等迅速起解。毋稍稽遲。至所撥銀兩。有關要需。著俟將來遇有撥解甘肅銀兩。

隨時酌量。咨會截留歸款。再伊犁一年經費。著鄂山酌量籌撥。或先撥半年。解往備用。將此由六百里諭令知之。○又諭薩迎阿奏籌調兵力。以資防守一摺。所見是喀喇沙爾為新疆門戶。地方緊要。防守必須周密。該大臣請調烏魯木齊綠營官兵三百名前來差用。當即降旨。諭令成格調撥。但烏魯木齊亦屬緊要。節經飭調官兵至三千八百名之多。現諭成格察看該處情形。酌量應撥。至催調土爾扈特和碩持兵一千二百名。此時計早調集來城。該大臣即飭帶兵員弁。及該汗台吉等。在阿克蘇聽候調遣。將此由六百里諭令知之。○又諭。本日據薩迎阿奏。請調烏魯木齊綠營官兵三百名。俟節次所調該處滿漢官兵起程後。即派員管帶。前赴喀喇沙爾。聽候差用。著該都統察看情形。酌量應撥。一面選派前往。一面奏聞。將此由六百里諭令知之。○又諭戶部奏。酌量辦理需用駝隻情形。

現在回疆辦理軍務。指日大兵雲集。所需駝運兵糧器械駝隻。自應寬為籌備。據該部查明。道光六年舊案。山西省採買駝五千七百隻。陝西雇用駝四千隻。覈計各該省報銷之數。採買餵養與雇用給價。所費相等。惟採買有例。准倒斃駝價不能歸款。且軍務告竣以後。未經變價以前。仍須逐日餵養。較之雇用需費較多。此時所需駝隻。陝西省著徐忻仍循照舊章辦理。其山西省情形。自與陝西不甚懸殊。著阿勒清阿酌量籌辦。或仍須採買。或做照陝西成案雇備。如何可以節省。迅速聽候調撥之處。一面即行妥辦。一面具奏。將此各諭令知之。○又諭。前據楊遇春等奏報。喀什噶爾有安集延入卡滋事。疊經降旨調派各路官兵迅速前往。並諭令胡超等馳赴阿克蘇。會同長清商辦。茲據胡超奏稱。接准楊遇春咨文。當即飛催肅州鎮將官兵一千餘員名。飭令沙州營參將伍魁英先行帶領。

出關。並飛飭涼州永昌二協。攤派官兵一千三百五十餘員名。西寧鎮屬將備弁兵六十餘員名。分起兼程前進。又永固協屬官兵五百五十餘員名。甘標官兵一千一百餘員名。共四千二百餘員名。該提督已帶領甘州永固官兵一千六百餘員名。於九月初三日先行起程前往等語。該提督業已帶兵起程。著迅速前赴阿克蘇。偵探情形。相機辦理。總當從長計議。可進則進。如尚須厚集兵力。即當併力守禦。以待大兵。不可冒昧前進。將此由六百里諭令知之。○又諭長清奏葉爾羌海南木橋臺。逃出弁兵。並安插逃難伯克回子情形。據稱葉爾羌運東各臺。據逃出弁兵供稱。均被賊匪劫掠。文報不通。阿克蘇回子現尚安靜。該大臣一面選派妥幹回子。由草路往和闐偵探。一面飭令該管阿奇木伯克等。曉諭回眾。妥為安撫。並將被難之伯克等。就地安插。所辦甚好。所有喀什噶爾等處。逃至

阿克蘇伯克回子男婦大小二百九十名口。著即在該處北山一帶。相距大路城垣。寫達地方。分散間隔。各回莊。暫為安插。看守接濟口糧。勿令聚眾蓄謀。現在伊犁所調官兵。已據額爾古倫等管帶。於八月二十日。分起啓程。此時計可陸續到彼。胡超。哈豐阿。及容安所帶官兵。不日均可趕到。該大臣務當激勵兵回。嚴密防堵。固守城池。以待大兵到時。相機進剿。不可稍有疏虞。將此由六百里諭

令知之。○又諭前降旨調派各路官兵。特命大學士公長齡。頒給欽差大臣關防。馳驛前往。督辦軍務。此後南北兩路各城情形。均應隨時咨報長齡。著楊遇春等一體遵照辦理。將此諭知楊遇春。成格。胡超。長清。薩迎阿。並諭楊芳知之。○伊犁將軍玉麟等奏南路逆謀已逞。恐賊料我兵盡數南行。萬一乘虛北至。關繫匪輕。得旨。此言是。分布亦好。又奏。征勦南路官兵之外。應請另簡派大員。管帶精

兵二萬出關後分路直來伊犁即由伊犁出卡先滅塔什坦伯克部落直下吹塔拉各城進剿霍罕與南路同時夾擊俾腹背受敵庶可淨掃賊氛批此計早在朕心思維已久如爾等所議乃攻心之計然可言而不可行試思卡外步步非吾土處處非吾人各布嚮特愛曼必應厚加撫恤糧餉必應充足後路必應接續臺站必應安設兵餉不知幾何矣即獲全勝而歸在霍罕可謂落魄而日復奸回

中如霍罕者又能保其必無手即欲大彰天討永定邊疆亦必籌一萬全之策若以二萬師干成此大舉或前或後稍有疏失汝二人雖萬死不能償誤國之罪也朕非柔懦畏難乃審天時度人力之苦心也○江南河道總督張井奏報秋汛安瀾命張井詣河神廟祀謝並下部議欽出力員弁升敘有差○賞二等侍衛蘇清阿等七員銀各四十兩委前鋒侍衛三星保等五十員銀各三十

兩前往新疆軍營差遣委用賞三等侍衛同子那遜銀四十兩隨大學士公長齡前往新疆軍營○展緩廣東省河各商應完上年鹽課○庚午諭內閣嵩孚等奏查拏私鹽一摺所辦好前因兩淮鹽引滯銷私梟充斥降旨令各該督撫等督飭所屬實力查拏茲據嵩孚等奏稱本年三月以後各卡文武員弁暨各州縣先後報獲私鹽二十五起人犯二十九名計鹽一萬八千餘斤又據湖南報獲

私鹽四十三起人犯一百六十五名計鹽二萬三千餘斤可見私鹽侵占一經嚴旨飭拏該二省即緝獲六十餘起之多此後當倍加振作認真查拏以收實效所有江廣幫船經由按鹽之處隨查隨行毋許停泊現屆回空之時務當嚴查夾帶並嚴飭由川入楚各州縣於銅鉛船隻過境查驗有無多帶利船並令各卡員按查如敢越卡直下即行拏究其界連河南四川各州縣著飭令會同營員嚴

密查辦。遇有大夥私梟。不分畛域。協力擒拏。不得僅將零星小販。報獲塞責。儻有兵役人等。得規庇縱。或藉端擾累行旅。必應從嚴懲治。並將該管員弁。據實叅處。該督等當遵照前旨。督飭地方官實力查緝。毋得日久生懈。視為具文。○諭軍機大臣等。有人陳奏甘肅藩司方載豫。把持通省公事。上年承辦軍需。於例外混開捏報銀十九萬數千餘兩。該省州縣倉庫。亦多虧短。固原州知州程棟接收

前任交代倉庫兩項。各虧短數萬。中衛縣知縣艾椿年。接收前任交代虧空七八萬。道光八年。楊遇春將藩庫存銀四十餘萬兩。發交州縣採買穀石。該督聞兵時。親見各州縣將豫買之項。多半虧短。又稱該省無一縣無生省之書吏。無一官不受省書之愚。省書居住省垣。弊端百出。州縣付與空白印領。代領藩庫銀兩。託言墊辦。任其侵漁。甚至應領各項州縣。並不知何月何日領出。迨日久清算。數

目混淆。反詭名墊借。捏飾彌縫。以致釀成虧空。各等語。藩司為錢糧總匯。必當自礪廉隅。稽查弊竇。若如所奏。該藩司竟至把持公事。捏報軍需銀兩。於州縣虧短倉庫各項。不能實力清查。殊屬大干法紀。著鄂山馳抵甘省。後。即行密訪嚴查。如果屬實。即應據實密奏。毋得稍有瞻徇。至省書一項。舞弊營私。必應嚴禁。即著一併查明具奏。現值軍興之際。文武大員。俱必經由甘省。該署督如稍有徇隱。

將來經朕詢出。或別經發覺。惟該署督是問。原摺並著鈔寄閱看。將此諭令知之。○又諭據常格奏。阿克蘇因差務繁多。該處伯克不敷差用。咨調沙雅爾等處伯克。前赴該處差委等語。庫車為阿克蘇後路。必須緩急相顧。該大臣現已派沙雅爾阿奇木伯克巴彥岱帶領伊什罕伯克阿勒滿等五員前往。並將庫車沙雅爾二城遣犯共八十四名。給發鹽糧烏拉馬匹。差派外委譚成龍帶領前赴阿

克蘇併力防堵。所辦甚為周妥。庫車沙雅爾回眾。現俱安堵。該大臣務當嚴密防範。保守城垣。不可稍涉大意。又據奏各路官兵過境。應需各項。現已委員趕緊備辦。庫車為南疆通衢。不日大兵接踵而至。所需兵糈糧餉馬匹等項。均關緊急。該大臣尤當豫為籌辦。以利進行。斷不可臨時貽誤。將此由五百里諭令知之。○又諭。本日據常德等奏偵探賊匪前有欲從小路竄赴烏什之信。現在該城卡

內布魯特回眾。均甚安靜。常德等布置尚為周密。看來賊勢不至十分猖獗。現飭該大臣遴選幹事兵回。從草路密赴喀什噶爾等處偵探確情馳奏。若喀什噶爾英吉沙爾葉爾羌三城。尚可支持。亟望救援。自應及早進剿。已諭令額爾古倫等迅速前赴阿克蘇。與長清會商。相度機宜。可進即進。毋得稍有觀望。所有本日常德等奏到一摺。著鈔寄長齡閱看。將此諭令知之。○又諭。昨據長清奏。阿克

蘇回眾。現在尚屬安靜。葉爾羌軍臺被賊劫掠。催調官兵未到。不能即時應援。本日據常德等奏探聽賊勢。尚無從小路竄赴烏什之信。回眾均屬安靜。看來喀什噶爾英吉沙爾葉爾羌一帶。賊匪情形不甚猖獗。若該三城尚在支持。亟望援救。儻我兵已抵阿克蘇。觀望不進。豈不大失事機。著額爾古倫等星馳到彼。即會同長清偵探情形。及早籌酌定計。無論何人先到。總當相度機宜。可進即進。不

可因前途軍臺已斷。稍有耽延。致滋貽誤。將此由六百里加緊諭知哈琅阿。楊芳。胡超。長清。額爾古倫。貴成。哈豐阿。查隆阿。並傳諭奇拉布知之。○又諭。據常德等奏。分撥兵回。協力防堵。一摺。該阿奇木伯克木薩等。拘集回眾。抱經明誓。並按戶添派回子。幫同官兵堵禦。可嘉之至。烏什城小兵單。該大臣等派營屯副將富桑阿。管帶兵回二百名。紮營城東。景昌督同守備馬鶴齡等。管帶兵回三百名。

紫營城西。常德督率文武及各伯克兵回等
在城策應。協力防堵。布置尚為周密。現在各
路調兵不下三萬。計可陸續到彼。常德等當
激勵兵回。加意防堵。毋致稍有疏虞。至喀什
噶爾。自八月十三日發報後。續未得有確信。
該大臣等即遴選妥幹兵回。設法由草路密
赴該處。偵探切實情形。即行馳奏。將此由六
百里加緊諭令知之。○戶部議奏。現在籌辦
軍需。除各省軍裝器械戰船。仍准隨時估辦

外。其餘各項工程。應行停止。並將本款備支
銀數。報部撥用。俟軍務告竣。再行奏辦。至京
城無關緊要工程。亦應一律暫停。從之。○命
西寧辦事大臣布彥泰。御前侍衛奕山。乾清
門二等侍衛忠泰。馳往伊犁。交玉麟差遣。委
用以正白旗漢軍副都統恆敬。為西寧辦事
大臣。○緩徵長蘆嚴鎮場上年被水竈課。○
辛未。

上御洞明堂。勾到奉天福建廣東陝西甘肅情

實罪犯。停決廣東斬犯九人。絞犯三人。福建
斬犯五人。絞犯一人。陝西斬犯三人。絞犯二
人。甘肅斬犯四人。絞犯三人。餘八十三人。予
勾。○諭內閣。已革中城副指揮熊常銑。於曹
瑾控告蔡繩祖欠銀不還一案。曹瑾囑託徐
二。求伊將蔡繩祖拘傳。蔡繩祖慮恐到官。賄
囑曹瑾投遞欠項。已清供結。曹瑾隨託徐二
送給銀票。該革員暫令收存。因額哲本等前
往查問。即囑徐二退還。該革員以職官聽囑

犯贓。不得因贓經退還。減等擬徒。致滋輕縱。
熊常銑著發往伊犁。充當苦差。以示懲儆。已
革宗人府筆帖式額哲本。委署主事桂倫。因
陳立成將曹瑾控案。賄和情事。向其告知。輒
向熊常銑查問。事後得受贓銀。著照所擬額
哲本。桂倫。應得流罪。均著折罰二年。加責三
十板。並照奏准章程。不准減圈禁日期。照數
實責。不准折罰錢糧。南城吏目單貞善。因任
松宇託為蔡繩祖求免到案。輒向熊常銑探

問實屬不合。著交部議處。○又諭據奕紹等奏。失察額哲本。桂倫得受陳立成銀兩。及承瑞擅離職守。額哲本等於陳立成商同捏供。並不阻止二案。請交部分別議處。奕紹敬敏綿志。綿譽。尚格均著交部議處。綿德於本年甫經到任。此二案俱非伊任內之事。其自請議處之處。著加恩寬免。○以正藍旗護軍統領蘇清阿。署鑲黃旗護軍統領。正白旗滿洲副都統富蘭。署鑲黃旗滿洲副都統。命署

黑龍江將軍英惠。毋庸前往。以齊齊哈爾副都統玉著署黑龍江將軍。○予喀爾喀扎薩克親王瑪呢巴咱爾故福晉祭一次。○以奉天所屬府廳州縣地丁耗羨。前經蠲免。撥庫款。支給歲需經制等銀。○壬申。諭內閣。孫爾準奏審訊委員知縣妄拏刑逼之案。請旨先行解任一摺。前因浙江委員吳嶧等鎖拏任明達之父任肇基勒認任松宇係其親子。非刑凌逼。當交該督確查提訊。茲據查明任松

宇住居東關地方。並非隱僻難查。且部文內既指出住址。該令等何以並不遵照查詢。轉在遠隔之處妄拏。無辜必應徹底根究。委員紹興南塘通判吳嶧。署山陰縣知縣楊時雍。會稽縣知縣張霄均著解任。交該督即在浙省提集全案。應訊人證悉心嚴訊。不准稍有隱混。至所稱此案未便令浙省人員審訊。所奏是著即調福建試用知府托渾布。候補知縣袁曦業到省。隨同研鞫。據實定讞具奏。○

諭軍機大臣等。據長清奏葉爾羌和闐拜發奏摺。專差由草地齎送。阿克蘇接收轉遞。並阿克蘇復派回兵堵禦緣由。所遞各摺均經閱悉。葉爾羌迤東軍臺截斷。阿克蘇所屬各隘口存城官兵。不數分撥。必須添派回兵分布防範。該大臣已令阿奇木伯克愛瑪特挑選健壯回兵一千名。交五品伯克斯迪克托胡達。六品伯克胡達巴爾第。阿瑪爾薩木薩克等分領。在柯爾坪博斯圖情蘭一帶駐劄。

又將庫車沙雅爾阿奇木伯克巴彥岱四品伯克阿里瑪七品伯克塔賴素皮伊斯瑪依爾六品頂帶回子薩木薩克等五員名調到幫同愛瑪特辦理一切彈壓回眾並據另片奏現已招募民勇遣勇共三百七十五名均交臺市把總楊証帶領安設就近各要口防堵其庫車挑派遣勇八十四名俟到日再令隨同協堵所辦甚好至伊犁官兵須由冰嶺行走該大臣現今愛瑪特派去打板齊回子

一百五十名前往修路頗有識見甚屬周妥又阿奇木伯克愛瑪特在冰嶺迤南五臺捐辦烏拉馬一千匹草五萬斤料五百石以備接乏馬匹之需該阿奇木伯克踴躍急公可嘉之至著加恩授為頭等台吉並加賞大緞二匹即由該處發給以示獎勵葉爾羌境內軍臺雖據壁昌等奏現被賊匪滋擾而城內兵回尚能固守待援甚急此時伊犁援兵想已到阿克蘇昨有旨令長清等及早籌酌定

計救援無論額爾古倫等何人先到即偵探確切情形相機進剿若能一鼓作氣將葉爾羌一帶賊匪迅速剿滅廓清臺路則阿克蘇地方回民益可安堵朕惟盼望救援佳音之速至也所有本日寄壁昌諭旨並發回原摺著仍遞至阿克蘇交長清妥速轉遞將此由六百里加緊諭令知之○又諭本日據長清舒倫保壁昌等奏各摺均著鈔寄長齡閱看不必具摺覆奏將此諭令知之○又諭舒倫

保奏和闐六城伯克回子出力防堵並綠營員弁守護城垣一摺據稱接准喀什噶爾有霍罕安集延入卡滋事之信當即調齊阿奇木伯克回子等剴切曉諭令其加意防護各保身家察看情形均極踴躍急公現在阿奇木伯克伊斯瑪依爾自捐糧價派五品商伯克托胡達採買麵三十萬斤以備回兵口糧即調六城馬步回兵一千名守護城池並派伊次子邁瑪特阿皮斯等帶領回兵一千名

前往五家灘防堵又派伊長子阿布都邁里普策勒等帶領回兵二千名前往雜瓦軍臺要路嚴密防堵以免賊匪竄入滋擾該伯克伊斯瑪依爾急公報效甚屬可嘉著賞給大緞二匹即由該處發給以示獎勵至該大臣現今都司王之貴督率弁兵晝夜巡邏派令商民遣犯守護城垣並於和闐通阿克蘇之喀勒塔爾草地安設軍臺以通文報差派妥當回子並官兵守護辦理亦屬妥協惟現在

大兵未到該處存城兵力無多該大臣務當激勵本城兵回竭力固守切不可輕易迎勦是為至要將此由六百里加緊諭令知之○又諭璧昌等奏葉爾羌東路軍臺被賊滋擾搶劫臺馬並將五臺大路拒斷文報不通已派撥官兵回子前往愛吉特虎頭臺紮營防守以堵近城來路其西南路亮噶爾及西路科科熱巴特兩處均有弁兵回子堵禦賊眾尚未敢遽近城垣該大臣等咨明舒倫保由

和闐草路安設馬匹腰撥以通摺報等語葉爾羌東路雖有賊匪擾亂尚未進城看來該城儘可設法保守現計伊犁等處所調官兵已可陸續行抵阿克蘇昨已諭令額爾古倫等會同長清籌計迅速進兵救援該大臣等務當激勵本城官民兵回戮力同心固守城池以待救兵趕至不可稍有疏虞至由和闐草路另設軍臺固屬權宜辦理但和闐本城官兵無多恐又分勢益形單弱著該大臣等

斟酌情形慎籌妥辦毋致轉滋貽誤將此由六百里加緊諭令知之○署陝甘總督鄂山奏遵撥餉銀報聞又批前有密旨令汝查辦事件務要秉天良破情面以副委任○調鑲黃旗護軍統領桂輪為正藍旗護軍統領正藍旗護軍統領蘇清阿為鑲黃旗護軍統領以正藍旗蒙古副都統八十署正藍旗護軍統領○旌表守正捐軀河南西平縣民李鰲成妹李氏○癸酉以

仁宗睿皇帝聖德神功碑鐫刻告成遣官祭告
昌陵○諭內閣上屆派調京兵及吉林黑龍江
官兵進剿均降旨令由直隸河南陝西前進
茲據那彥成奏應行經由之直隸磁州等處
地震以後災區元氣未復恐兵丁無可棲止
河南安陽等處情形相同所有此次進征官
兵俱著由直隸井徑縣入山西平定州前往
潼關一帶行走各該督撫即飭屬妥為豫備
毋致臨時貽誤○又諭那彥成奏河工歲購

稽料加增運腳銀兩請照舊辦理一摺直隸
永定河上游八汛歲搶修各工豫購稽料節
年因運腳不敷奏准加增仍飭令隨時體察
情形酌量裁減茲據該督查明本年雖秋收
豐稔沿隄地畝俱被水衝沙壓產料無多必
須遠處購買原定例價實不敷用著照所請
准其循照舊案每束加增運腳銀二釐五毫
共加增銀八千五百兩以備購運仍著該督
於來年留心查察可減則減毋任工員逐年

請增以昭覈實該部知道○又諭蔣攸銛等
奏查出投首效力梟犯復圖販私審明定擬
一摺前經降旨令蔣攸銛等緝拏儀徵縣私
梟黃玉林嗣據該犯帶同夥犯並船隻鹽斤
赴官投首經蔣攸銛等奏請寬其既往責令
指引緝私效力贖罪朕即覺其辦理未善疊
經降旨查詢無非敷衍具奏因兩淮亟籌靖
私姑允所請原係權宜辦理茲據蔣攸銛等
奏該犯故智復萌於伊跟人懷內挖出寫給

隨同投首之伍步雲等書信有恐人占去老
虎頸馬頭致伊進退無路囑令仍回儀徵守
定巢穴之語現已審訊明確擬發新疆蔣攸
銛復片奏請將該犯交陶澍即行處絞不知
是何居心該犯前因發遣遇赦後復犯罪擬
流逃回販私乃准令自贖後仍不知悛改反
覆無常實屬自外生成若不明正典刑必致
奸徒藐法為害地方益復無所顧忌黃玉林
著即行正法以示懲儆蔣攸銛於黃玉林投

首率行奏請。迨屢次降旨詢問，並不據實陳明。現在訊明罪狀，既與陶澍聯銜具奏，將該犯改發新疆。復恐其到配潛回，致貽後患，請即行絞決。單銜密奏。朕綜理庶政，光明正大。一秉至公。蔣攸銛辦理此案，事前既無主張，事後又復苟且，以大學士膺封疆重寄者，固應若是耶。著交部嚴加議處。福森身任鹽政，於鹽梟投首，並不慎重詳察，輒行奏請免罪。王鳳生明知私梟充斥，不即實力查拏，轉出

示招致投首，詳請具奏。辦理均屬謬妄之至。福森、王鳳生著一併交部嚴加議處。陶澍於黃玉林投首會銜具奏，屢次降旨詢問，又不確切查明，咎亦難辭。著交部議處。諭軍機大臣等：據蔣攸銛等奏，審明投首效力梟犯黃玉林，復圖販私已明，降諭旨將該犯即行正法。並將蔣攸銛等交部分別嚴議議處矣。鹽梟黃玉林，前此因蔣攸銛等奏請，准令投首，原係權宜辦法。屢經降旨詢問，蔣攸銛等

令查明該犯投首後，是否安靜，茲果不出朕所料，因無利可圖，即復萌故智。該犯如此居心狡詐，反復無常，若復量從末減，無以伸國法而懲刁頑。是以諭令將該犯即行正法。但兩淮鹽梟充斥，黃玉林占據老虎頭馬頭，歷有年所，聲勢已重。黨羽必多，從前曾有人密奏。地方官恐查拏激變，相率容隱，不肯懲辦。此時業將該犯明正典刑，其伍步雲等八名，於黃玉林復圖販私，是否知情同謀，現在曾

否拏獲收禁，應如何按律懲辦，並此外陸續准令投首各犯，是否安靜，將來如何防範，不令滋生事端之處，著陶澍從長計議妥為辦理。據實具奏。該督於此事務，當計出萬全，使奸徒知所儆畏。嵯務日有起色，儻辦理不善，或致激成事端，惟該督是問。將此諭令知之。○又諭：楊遇春奏遵旨前赴肅州駐劄督辦後路事宜，並飭令官兵迅速起程。委署提鎮篆務一摺，所有固原提督員缺，業經降旨令

海凌阿署理總兵劉鳳翥著俟海凌阿到任後仍回西安總兵之任至軍需經費前已降旨令於該省封貯銀內動撥復經戶部兩次奏准撥銀二百四十萬兩茲據該督復奏飭部酌撥銀數自係前降諭旨尚未接奉該省封貯銀兩應存一百六十萬兩合之戶部奏撥之數共有四百萬兩現在足數撥用該督即覈計應用之項隨時支給嗣後戶部仍當籌撥以資接濟不致有誤要需至該督應辦

一切文移事件已頒發欽差大臣關防一顆交該督鈐用所刊木記即可撤銷將此由五百里諭令知之○浙江按察使王定桂因病解任調陝西按察使孔昭虔為浙江按察使以陝西延榆綏道楊名颺為按察使以廣東海口協副將寶振彪為福建金門鎮總兵官○修湖北襄陽府監獄從巡撫楊健請也○甲戌上詣綺春園問

皇太后安○御洞明堂勾到浙江湖北湖南情實罪犯停決浙江斬犯十三人絞犯二人湖北斬犯十人絞犯三人湖南斬犯二十五人絞犯九人餘九十三人予勾○諭內閣程祖洛奏沈再希之子沈雲生曾與假照案內要犯馬懷玉之母馬氏同居海岱門外利市營等語著步軍統領衙門查拏沈雲生根究馬懷玉下落一併拏解刑部交托津等歸案審訊○又諭嚴烺奏勘減豫東黃河兩岸工

程覈實估辦一摺豫東黃河兩岸隄堰壩戩土格等工據該河督查明分別減准擇其最為緊要者確切勘估計豫省兩岸十三廳共需例價及津貼銀十四萬四千餘兩東省曹河糧河二廳連曹考廳之曹上汛共需例價及津貼銀一萬五千九百餘兩均係急應辦理之工著照所請准其於河南山東兩省藩庫分別照數撥發各道轉給工員先期雇備夫車交春興工照估堅築於大汛前一律報

完。該河督仍於來春查驗工料時。竣工查看。如有草率偷減。即行指名嚴叅。毋許稍事姑容。又據稱。豫省蘭儀下北等廳。本年伏前道庫墊辦土工。彙入此案估報。著即於此次撥到司庫銀兩內。照數扣還清款。其土方津貼一項。除現將津貼最大之一錢八分四釐。一款先行裁減。著仍隨時斟酌裁汰。務當力求撙節。不得稍滋浮冒。該部知道。○直隸提督齊慎奏。請赴回疆軍營。得旨。勇壯可嘉。但現在實在情形。尚未得知。而京畿尤屬緊要。候旨遵行可也。○以捐修安徽涿河口要工。予道員蔡世松。紳士李家麟等。升敘有差。○加賞廣安門外普濟堂。賑小米三百石。乙亥。

上御閱武樓。閱火器營操賞藍翎長興瑞等護軍校護軍賡英額等藍翎長。並賞賚兵丁有差。○諭內閣。朱桂楨奏酌籌彈壓水手章程一摺。前因浙江水手滋事。詢爾經額奏。請將

各本幫間運守備千總。南北往來。專司彈壓。並請責成。每年漕標派委德州查撥回空私鹽之營員酌帶弁兵。俟該幫過淮。隨押北上。彈壓。至柘園接替。均經允准。照辦。茲據朱桂楨奏。浙江各幫本年重空往返沿途尚為安靜。且江南山東直隸各督撫均添派道府丞倅及副參遊等員督率沿河州縣營汛分段巡查足資防範。著照議將該省各幫添派彈壓之閒運備弁。即行撤回。以歸舊制。如嗣後

仍有水手滋事。近處著漕運總督親往查拏。遠處飭令督運糧道或附近地方道府馳往拏辦。總期有犯必懲。毋任姑息。貽患又據奏查水手糾眾逞兇。每在多幫停泊之際。若長途間遇守風守水及行抵東省開河候啟會牌。停延時刻有限。山東境內尚可無須淮安派撥弁兵彈壓。惟近年因河口灌塘空船行抵邵宿桃源一帶。守候渡黃。為日持久。各幫聚泊。水手眾多。恐滋事端。必須略資兵力。該

前任漕督。昨因浙江回空。將入江境。調派漕標營弁管帶前項兵丁四十名。在邳宿上下。查明緊要地方。會同該處州縣營汛暨隨同總督河督添委之大員。分投嚴密巡防。似較得力。嗣後著即照此辦理。如此後河口通順。幫船隨到隨行。或水手漸知畏法。前項弁兵亦著撤回。無庸派撥。該部知道。○又諭成格奏請增各臺站兵夫馬匹。一摺。烏嚕木齊各臺站例設兵夫馬匹。現值軍興。不敷支應。自

應量為變通。著照所請。准其援照上次成案。以各臺站原設馬匹多寡。覈計道路遠近。差務繁簡。每軍臺酌添馬自五匹至八匹。酌添兵自三名至五名。所需馬匹兵丁。即在所屬各營內挑派。分撥其驛站馬匹。向係地方官經理。著仍責令購買添設。每驛站酌添馬自二匹至四匹。每馬二匹添役夫一名。以司餵養。所有各臺站舊額新添馬匹。均照冬春之例。一律上槽拴餵。支給草料。同酌添兵丁役

夫應支鹽菜口糧。一併報部覈銷。俟軍需完竣後。即行裁撤。該部知道。○諭軍機大臣等。成格奏委員馳赴各城籌備腳力。輓運軍糧。並調撤換防官兵。前往伊犁派兵馳赴庫車防堵。及該處存城兵丁數目。各一摺。前據成格奏烏嚕木齊倉貯糧石寬裕。已諭令飭屬趕緊碾磨。雇覓車駝輓運。並令通盤籌畫。寬為豫備。其官兵所需馱運兵糧器械。馱隻亦經降旨。令阿勒清阿徐所妥為籌備。茲據成

格奏。現擬於迪化。托克遜庫車喀喇沙爾等處。遴派委員總司籌運。支發腳價。即令酌帶銀兩。前赴各處。設法籌備。並將現在雇獲車駝。按城均散飭令。畫定界址。不得攪越過站。儘現有之腳力。趕緊先為起運。將來無論何處。續有雇覓。即照數攤派。該都統自係為輓運迅速起見。惟庫車喀喇沙爾二處。現在能否照上屆之例。雇覓腳力。必須會商妥辦。業經降旨。諭令常格薩迎阿查明該二處情形。

一面具奏。一面咨覆。該都統著俟咨覆到日。妥為籌辦。總須於大兵未集以前。多為儲備。源源接濟。不得稍有遲誤。至前次內地出口。駝隻多係帶運大營軍火。直送阿克蘇。茲該都統以此項駝隻。一經行抵大營。不但留備進剿。即使撥還運糧。往返已經兩月。必致疲乏。且恐緩不濟急。除帶運本處。並吐魯番以東餉鞘外。請將大營應調軍火各物。即由內地另為籌備。駝隻運送。不得再將協濟本處

駝隻直赴大營。烏魯木齊現派進征官兵數千名。所用車駝均由本處直送阿克蘇。將來內地征兵。均照此辦理。是否可行。現令楊遇春。鄂山熟籌妥議。其前此奏請在於安肅道庫先撥銀二十萬兩。再由司庫籌撥銀五十萬兩。已有旨令楊遇春等迅速撥解。計可陸續解到矣。至玉麟等前奏請另派精兵。勦滅霍罕。已於該將軍等摺內詳細批示。此事斷不可行。所有玉麟等咨調兵餉糧石著毋庸

議。至都司周國魁帶往伊犁兵四百名。此時如已起程前進。著即趕緊飭令折回烏魯木齊本城。其喀喇沙爾咨調該處綠營兵三百名。前已有旨令該都統察看情形酌量應撥。茲據奏烏魯木齊兵丁不敷差遣。著毋庸調派。至另片奏現將前項籌撥糧五萬石先行運赴南路所辦甚是。現據玉麟奏伊犁糧石不能運送。所有烏魯木齊存糧著該都統派員迅速陸續運往。以供軍食。毋得短絀。將此

由五百里諭令知之。○又諭本日據成格奏烏魯木齊自上屆軍需以後。民間元氣未復。商貨車駝缺乏。僅足供支。本處調往官兵之用。若兼供各路官兵。辦理殊形拮据。且內地調撥駝隻到彼需時。查上屆曾經奏准令庫車喀喇沙爾二處雇辦馬牛車輛牛隻驢頭並小車回夫等項。協濟現在咨照常格薩迎阿。督同該處派往委員設法廣為購覓等語。著常格薩迎阿接奉此旨。即行酌量於該二

處雇覓腳力。在內地駝隻未到大兵未集之先。妥速多為豫備。以資輓運。一面咨明成格。一面奏聞。又據成格奏。前准薩迎阿咨調兵丁三百名。前往喀喇沙爾防守。現在烏魯木齊除調赴南路防勤及各項差使外。所有兵力。實不敷差遣。已有旨令成格將薩迎阿咨調之兵三百名。無庸調派。將此由五百里各諭令知之。○又諭據成格奏。此次撥出口外駝隻。請由內地另為籌備等語。著楊遇春。鄂

山。即將成格所奏。是否可行。迅速妥為籌畫。一面咨會。一面奏聞。再前據玉麟奏。請飭籌撥伊犁一年經費銀兩。著楊遇春。鄂山。即將該處一年經費。如數迅速撥解。以備應用。將此由六百里各諭令知之。○又諭。玉麟奏。探知阿克蘇。烏什。回情尚俱安靜。伊犁。烏魯木齊官兵。均已起程一摺。前據長清等馳奏偵探東路情形。朕以喀什噶爾。英吉沙爾。葉爾羌。一帶。賊匪不甚猖獗。該三城待援甚急。疊

經諭令長清等定計救援。無論額爾古倫等何人先到。即相機進剿。茲據玉麟奏。各處官兵民遣。九月內陸續可以全到。計長清等此時業經會同相機妥辦。將葉爾羌一帶賊匪勦滅。臺路廓清。朕盼望捷音之至。布彥泰。英山。忠泰。已有旨均令馳驛前往伊犁。交玉麟差遣委用。容安著仍遵前旨。到阿克蘇。將所帶之兵。交長清。迅即折回伊犁。至所需經費。前於本月初六日。已諭令鄂山豫行籌撥。伊

犁一年經費。迅速解往備用。十四日復降旨。令鄂山酌量籌撥。或先撥半年解往。本日又降旨。令鄂山迅速撥解一年經費。現在卡外附近部落。據該將軍奏。俱屬安靜。朕早料知該將軍等所請。以二萬兵分路進剿之摺。業經詳細批示。接閱後。或可醒悟。鄂勒吉拜本屬妄言。不可太無主張。率行聽信。也將此由六百里諭令知之。○又諭。據福克精阿奏。遵旨先行挑派兵丁一千名。飭令副都統倭

楞泰督同協領等官。分為四起行走。其頭起定於九月二十日起程。著即催令迅速前進。毋稍遲延。該將軍前奏。獲局攬頭年純。儒赴蘇州售賣。獲斤。未將獲餘銀兩回繳一案。業據陶澍覆奏。傳訊開設萬昌行之渠廣耀。供稱年純。儒於上年八月帶獲來行。至本年五月銷售完竣。已將銀兩陸續匯兌清楚。年純儒旋於七月間起身北上。並無別故逗留等語。此刻年純儒應已回歸。著該將軍即行查提該攬頭。令將獲價如數交納。照例辦理。毋任延宕。將此諭令知之。改派內閣學士聯順署京營左翼總兵。○以吐魯番屯田豐收。予員弁議敘。賞兵丁一月鹽菜銀。旌表守正捐軀河南洛陽縣民田萬浙妻李氏。

大清宣宗效天符運立中體正至文聖武智勇仁慈儉勤孝敏成皇帝實錄卷之一百七十四

[illegible]

道光十年庚寅九月丙子以故喀爾喀扎薩

克貝勒沙克都爾扎布姪巴彥巴圖爾襲爵
○丁丑諭內閣蔣攸銛前於私梟黃玉林投
首率行奏請免罪迨屢次降旨詢問並不據
實陳明嗣因其故智復萌訊明罪狀既與陶
澍聯銜奏請改發新疆復恐其到配潛回請
交陶澍將該犯即行處絞單銜密奏蔣攸銛
辦理此案事前既無主張事後又復苟且經
吏部照溺職例議以革職實屬咎所應得姑
念其歷任封疆宣力有年平日辦事尚無大

誤著革去大學士加恩以侍郎降補福森身任鹽政於私梟投首並不慎重詳查輒行奏請免罪署運使王鳳生明知私梟充斥不即實力查拏轉出示招致投首詳請具奏辦理均屬謬妄之至本應照部議革職惟該二員在任未久福森王鳳生俱著加恩改為降四級調用陶澍於黃玉林投首會銜奏請免罪屢次降旨詢問並不確切查明咎亦難辭念其前在巡撫任內究無管理鹽務之責僅係

隨同具奏著加恩改為降四級留任。又諭鍾昌等奏查拏黔省劣幕訊明覆奏一摺。前據御史宋劭穀奏貴州劣幕朱七即朱琅與奸各款當降旨交鍾昌楊懌曾確查。茲據奏將劉崑等三人拏獲到案。並調查劉崑被逐原案詳加究訊。劉崑係籍隸江西捐職州同。加捐四品頂帶。先在貴州臬司署內佐幕。後因事勒令回籍。輒敢仍在黔省逗留多年。劉

嵩係其胞弟亦捐職州同在黔貿易因伊堂兄劉樹庭入籍貴筑劉嵩之子即在該縣考試並有與該省官員往來及放債薦舉長隨之事朱琅籍隸浙江冒籍貴筑捐職布政司經歷與劉嵩結為姻親並在省城置買房屋種種劣跡均非安分之徒劉崑劉嵩朱琅俱著即行遞回原籍交該地方官取保管束勿許再赴黔省劉崑劉嵩所捐州同職銜及劉崑加捐虛級頂帶概行斥革劉嵩之子不准

在黔考試朱琅冒籍捐納布政使經歷職銜著一併斥革所有失察劉崑被逐復回之該管地方官著吏部查取職名分別議處又諭前據御史宋劬穀奏貴州遵義等府有私設稅口家丁胥役從中擾害請飭嚴拏懲辦又貴州科場供給派累民間承辦差役藉端需索請飭嚴行禁革當降旨令鍾昌楊懌曾於路過貴州就近詳查茲據奏稱密行查訪並訊得遵義府例設稅口共十九處歷任知

府因商販等每由小路潛行易於偷漏向於附近要隘設立子口十四處分派家人書役稽查每逢集場將零星貨物收取稅錢又未將徵稅則例刊刻榜示均屬與例不符並查思南鎮遠銅仁大定石阡興義各府稅務大略相同自應嚴行飭禁著貴州巡撫飭令有稅府廳州縣將原派子口家丁書役一併撤回只留巡役一二人任彼稽查仍將收稅則例刊刻木榜豎立通衢其集場收取稅錢嚴

行禁革以杜滋擾又據奏查明科場供給由貴筑縣承辦因前有控告派累之案該省現已立定章程尚無官價勒買情事著該撫飭令承辦之員永遠遵照舊章革除積弊毋得再有勒派折扣藉差需索以靖閭閻諭軍機大臣等本日派松筠保昌馳驛前往陝西查辦事件松筠著在山西省城等候保昌到時會同查辦隨帶司員著一併在彼等候所有應行查辦事件朕面交保昌帶往松筠接

奉後務須秉公詳查辦理據實具奏毋稍隱飾將此諭令知之○又諭本日據步軍統領奏山東招遠縣童生王壽倡即王千潭呈控門友益等係振刀會匪聚眾斂錢等情已明降諭旨將王壽倡即王千潭交刑部嚴訊矣據王千潭供稱從前在京開設估衣局生理道光二年由原籍來京走至濰縣寒亭地方路遇即墨縣人門友益門雲昇郭安瑞夏仲等同行他們口稱能吞符治病聚眾斂錢打

造鐵刀投入掖刀會伊因害怕躲避後復有民人河南王同門友益等欲租賃伊局內閒房居住因未允從據嫌拆毀官房並稱門友益門雲昇郭安瑞夏仲現均在即墨縣段泊蘭村居住等語事關結會斂錢必應嚴切根究著該撫即嚴密確查如門友益等果有結拜為匪情事即行查拏究辦據實具奏將此諭令知之○又諭本日據常德等奏曉諭烏什卡外布魯特俱各安靜偵探喀什噶爾新

城尚未被賊攻破卡內回子未盡從逆賊數尚單賊目沙底伯克出卡糾約各布魯特亦多觀望並探得阿坦台汰劣克出卡仍回薩雅克愛曼霍罕安集延賊目分遣賊眾探聽大兵多少等語喀什噶爾城垣尚在堅守該逆附從尚少自當及早救援現已諭知額爾古倫等迅速帶兵進援葉爾羌英吉沙爾直抵喀什噶爾勦除賊匪一鼓肅清即於喀什噶爾等候長齡到彼籌辦不得妄行出卡邀

功昨長齡咨報文內已於十八日行至定州計此時諒已行抵山西務當趕緊進行以期早日出關相機調度所有此次常德等奏到一摺著鈔寄長齡閱看將此諭令知之○又諭常德等奏曉諭卡外附近布魯特比等齊心效力並減撤屯工兵丁來城以資防堵及現在烏什夷回安靜情形一摺烏什地方緊要前經常德等分撥兵回協力防堵布置尚為周密當經降旨令遴選妥幹兵回設法由

草路密赴喀什噶爾偵探切實情形即行馳奏茲據奏現當喀什噶爾英吉沙爾二城被圍葉爾羌卡倫軍臺截斷惟烏什尚通卡外聲息屢次探報霍罕安集延勾結各愛曼布魯特愈結愈多所有烏什卡外各布魯特比恐亦有首鼠兩端之意當派印務章京德克崇額等譯寫飭諭傳令卡內布魯特比噶爾察庫曲圭等持諭親赴卡外曉諭附近胡什奇等愛曼布魯特比霍卓木胡里姜薩里吐爾底托依莫特等令其一心報效保護身家據各該布魯特比等免冠叩首以伊等世受國恩當此逆賊滋擾情願於大兵未進之先偵探賊蹤大兵既進之後隨營效力昨已探得霍罕安集延勾結布魯特等在喀什噶爾圍困新城屢次攻打未破實因卡內回子未盡從逆賊數尚少賊目沙底伯克復出卡糾約各布魯特而卡外各布魯特等亦因回子未盡從逆率多觀望復據奇里克愛曼二品

頂翎布魯特比托依莫特差遣五品頂翎布魯特那素拜金頂布魯特邁瑪特稟稱探得阿坦台汰劣克因攻城未破復出卡仍回薩雅克愛曼不知因何緣故現在霍罕安集延賊目玉都克素皮分領賊眾赴葉爾羌樹窩子探信並派賊眾扮作窮苦海蘭達爾潛伏阿克蘇探聽大兵多少等語烏什卡外各布魯特因該大臣等剴切曉諭情願一心效力恭順可嘉並據奇里克愛曼布魯特比等探聞阿坦台汰劣克因攻城未破復出卡仍回薩雅克愛曼該處毗連哈薩克遊牧業經該大臣等飛咨玉麟長清加意防範其屯工已熟麥石已趕緊運城貯倉減撤屯工兵丁三百二十名派令千總馬俊楊松年等各帶兵一百名復在城北城南緊要山口紮營防堵現在烏什卡內布魯特等回眾均極安靜辦理甚屬周妥該大臣等務當撫馭兵回加意防守此時伊犁烏魯木齊喀喇沙爾等處官

兵計已陸續行抵阿克蘇即可相機前進由葉爾羌至英吉沙爾喀什噶爾廓清臺路無難悉數剿除。至此次逆賊起釁之由尚未得有確信。是否係安集延起意勾結抑係霍罕主謀或阿坦台汰劣克復行謀逆著該大臣等密探確實情形詳悉具奏將此由六百里諭令知之。○又諭前據玉麟等奏伊犁添派官兵並鄉勇民遣由容安管帶前進已降旨令容安行抵阿克蘇後將所帶官兵統交長

清即行折回伊犁與玉麟商辦一切現在軍務情形有需面詢之處著容安接奉諭旨無論行抵何處即行馳驛來京陛見將此由六百里諭令知之。○又諭本日據常德等奏探聞喀什噶爾新城尚未被賊攻破等語喀什噶爾新城尚在堅守賊數無多自應及早援剿著額爾古倫等馳抵阿克蘇後即與長清籌酌定計迅速進兵一路偵探賊勢由葉爾羌至英吉沙爾喀什噶爾該逆賊等震懾兵

威無難指日殲滅以靖邊氛該提督領隊等將喀什噶爾英吉沙爾二城解圍剿散賊匪即為汝等之功斷不可帶兵出卡為邀功地步並著俟長齡到彼聽候調遣毋得稍有冒昧將此由六百里諭令長清額爾古倫貴成孝順岱查隆阿哈豐阿胡超並傳諭奇拉布知之。○兩江總督陶澍奏謝升授恩得旨三省任重自不待言矣兼以河鹽疲敝更當加意講求而蔣攸銛所辦黃玉林一事尤覺不

善伊既將該犯擬以發遣為奴又乞朕命汝將該犯絞決我堂堂大清為一梟首如何行此苟且不明之事伊所以遮掩瞻顧者無非希圖了事自保身家耳將加重苟且貽於上萬分難處之勢委後任不忠且巧無可復言汝既知汝係特達之知付以重任矢血誠於寤寐之中朕亦無可再諭當今之要首在得人汝宜殫竭心力公慎察查斷不可因循姑息貽誤將來再武備尤當整飭以黃玉林而

論所辦如此謬妄其黨類焉肯甘心萬一蠢動若無防禦之道尚復成何事體想汝亦必見及此矣勉之慎之 以鑲黃旗護軍統領蘇清阿為總詣達 以內閣學士裕誠為武備院卿 以西寧辦事大臣布彥泰為伊犁參贊大臣 命署陝西巡撫徐炘來京陛見 以直隸布政使顏伯燾署陝西巡撫 戊寅諭內閣壁昌等奏葉爾羌賊匪竄入回莊勾結前來圍城經官兵勦殺得勝一摺葉爾羌東北奎里鐵里木回莊有由喀什噶爾潛來賊匪二百餘人經壁昌等派委署守備黃泰經制外委張步月李貴帶領馬兵並飭派五品伯克皮魯斯等帶領回眾協同前赴巴爾楚克之千總吳宗耀所帶兵丁併力勦捕行至距該莊三十里沙灘遇見賊匪百餘名在彼偵探該官兵殺賊三十餘名我兵趕至莊前賊匪蜂擁而來我兵施放鳥槍賊勢稍卻隨有賊匪趕至相持一晝夜復調守備邵蕙

等密令黃泰等潛設伏兵備敵當將漢城西北兩門堵砌於垛口多插旗幟排列鳥槍兵丁以壯聲威參將任貴邦帶領守備王瑗等派撥矛手擡礮兵丁於東門外分布列隊令阿布都爾滿約會阿渾等帶領五品伯克阿布都里木等並派撥回眾在回漢兩城道中大路堵截瞥見東北樹林大路一帶騎步眾賊約有萬餘分路直撲回漢兩城我兵齊放槍礮併力攻擊立斃賊匪二百餘名生擒三十餘名復經把總羅延帶領兵丁商民遣犯等於賊匪竄赴南關時勦斃六十餘名餘賊撲入回城西門搶據又被本城回眾按名捕捉毆斃無數擒獲活賊二百餘名賊勢潰散此次該逆賊等潛來葉爾羌窺伺經壁昌等分派官兵回民前往迎勦於援兵未到之先即獲全勝足以破賊膽而張國威甚屬可嘉之至該大臣等調度有方自應加以獎勵壁昌著加恩賞給副都統銜常豐著賞給三品

卿銜花翎俱著交部議敘誠端著遇有副都統缺出即行補用並交部從優議敘其在事出力員弁兵丁伯克回子等即行查明奏請恩施所有傷亡兵丁伯克回子等二十餘名並著查明分別卹賞該部知道○諭軍機大臣等據壁昌等奏賊匪竄入回莊前來圍城該大臣等派撥官兵暨伯克回子並商民遣犯等合力迎勦得獲勝仗葉爾羌毗連喀什噶爾之奎里鐵里木回莊突有賊匪來到該

莊白帽回子亦被脅從我兵以少勝眾計陣亡受傷之兵丁回子等僅止二十餘名該大臣等調度有方於援兵未到以前即能督率兵回全獲勝仗破賊膽而張我威深堪嘉獎現在各路官兵計早陸續前進已降旨催令迅速往援該大臣等仍當益加懋勉防勦兼施毋致稍有疏虞是為至要將此由六百里加緊諭令知之○又諭本日據壁昌等奏迎勦賊匪殺斃多名並設法防堵等語此次賊

匪甫經接仗即被我兵殲斃已足大壯聲威昨據常德等奏喀什噶爾新城尚在堅守已諭知額爾古倫等馳抵阿克蘇後即與長清籌酌定計迅速進兵由葉爾羌至喀什噶爾偵探賊勢乘機迎勦該提督領隊等著即遵照前旨妥速進援俾逆匪震懾兵威不難立就殲除朕竚盼捷音之至將此由六百里加緊諭知長清額爾古倫貴成孝順岱查隆阿哈豐阿胡超並傳諭奇拉布知之○又諭本

日據壁昌等奏葉爾羌迎勦賊匪得獲勝仗各情形事機極為順利已諭壁昌等加意防範並明降諭旨分別加恩矣現復諭知額爾古倫等妥速進兵趁此聲威俾賊匪迅就殲除以安邊圉所有壁昌等奏到一摺著鈔寄長齡閱看毋庸具摺覆奏將此諭令知之○命協辦大學士吏部尚書盧蔭溥為大學士兩廣總督李鴻賓協辦大學士仍留總督任調禮部尚書湯金釗為吏部尚書工部尚書

王引之為禮部尚書以都察院左都御史潘世恩為工部尚書安徽學政兵部左侍郎朱士彥為都察院左都御史未到任前命工部尚書潘世恩署理以前任大學士降補侍郎蔣攸銛為兵部左侍郎（以江蘇學政工部右侍郎申啓賢兼管順天府尹事未到京前命大學士盧蔭溥兼管 命都察院左副都御史吳椿提督江蘇學政詹事府少詹事鄂木順額提督安徽學政 撥山東司庫銀

採買各屬應補動缺倉穀 己卯諭內閣前據托津等奏會審私雕假印夥辦假照各要犯當將蔡繩祖龐煥先行正法因案內尚有應須查訊之處將定擬斬決之任松宇劉東昇暫留備質茲據奏假照數目及扣稿情弊均查審明確現已無可質訊該二犯情罪重大未便稽誅任松宇劉東昇俱著即行處斬派博啓圖特登額前往監視行刑所有各省咨到假文業經湯金釗等會同戶部查明前

已降旨除知情攬捐者應行提究懲辦外其實係被騙捐生一概不必傳訊並於定案後分晰辦理著交戶部會同吏兵二部妥議具奏戶部捐納房司員失察貼寫私辦假照並於各省送到捐生身家清白冊結從不覈對迨至將假貢監職銜加捐各項率據扣改稿件及呈驗假照批符並不詳查照簿庫收以致蔡繩祖等肆行無忌所有承辦此項加捐及捐請封典之司員非尋常疏忽可比俱著

交部嚴加議處其僅止失察及不查對身家清白冊結各員與失察之戶部堂官分別議處由戶部詳細查明並按照在任年月久暫失察加捐名數多寡分晰開單交吏部覈辦國子監廳員於貼寫偷出照紙失於查察並劉煒赴監驗照錄科未經查出著吏部查取職名分別議處吏部驗封司司員辦理封典向以驗照為憑惟事後未接戶部知照不行確查著交都察院照例議處至捐納房貼寫

積年偷稿舞弊。應如何稽查防範。及覈對冊稿章程。著大學士軍機大臣會同戶部詳細妥議具奏。○諭軍機大臣等。穆馨阿等奏。伯錫爾請帶回民。前赴軍營聽候調遣。一摺。哈密回子郡王職銜貝勒伯錫爾。因聞南路不靖。各路大兵進剿。請親帶回民三百名。前赴大營聽候調遣。忱悃可嘉。惟現在調派各路官兵進剿。已足敷用。哈密距喀什噶爾等處程途遙遠。往返需時。著飭令毋庸前去。其另

片奏稱。伯錫爾請將所部回民牛馬車趕緊湊辦一千輛。以供兵差運送。至吐魯番交卸情詞懇切。自應准其籌備。並著該大臣等照例發給腳價。以示體恤。將此由四百里諭令知之。○以新授江蘇學政吳椿。寄籍江蘇。照例迴避。命吏部右侍郎白鎔提督江蘇學政。以戶部右侍郎李宗昉署吏部右侍郎。禮部右侍郎龔守正署工部右侍郎。兼管錢法堂事務。○以軍書絡繹。暫添哈密各軍臺馬匹

夫役。專司馳遞。並將向由軍臺運送官物。改交地方官雇駝輓運。從辦事大臣穆馨阿等請也。○修浙江海鹽縣鱗石塘工。從巡撫劉彬士請也。庚辰。諭軍機大臣等。據楊遇春奏。前因軍需之後。奉旨飭查甘肅各州縣倉庫錢糧。現已查明。三十一州縣共虧銀五十一萬四千三百餘兩。內除墊辦軍需。應令領回歸款銀三十七萬九千二百餘兩。實虧銀一十三萬五千餘兩。此外尚有因款目不符

駁令該管道府查覆。未經覈定者。共十三州縣。約虧銀一十五萬六千有奇。錢三千串。文統俟查明全竣。分別叅追等語。各州縣查辦虧空。原係藩司專責。惟該省藩司方載豫前經降旨。令該署督確查該員事件。未便仍交方載豫查辦。且恐該員辦理亦未能妥善。著鄂山即遵派妥幹監司大員一二員。將前項銀兩確切詳查。並此外有無那墊款項一併查明據實具奏。毋稍含混。再現在又屆辦理

軍需誠恐前款未清續虧又起該署督務須嚴飭各屬隨時領銀備辦實用實銷毋得再有那墊名目以杜續虧而重帑項至前交該署督密查方載豫之事著迅速查明具奏儻該員不能勝任有即須更換之處亦著據實密陳無得稍有徇隱將此諭令知之○黑龍江將軍富僧德等奏官兵起程得旨覆奏官兵起程日期何須六百里加緊馳遞太無輕重也著申飭旌表逼嫁捐軀河南鄭州民

趙庭柱妻李氏○辛巳

上詣綺春園問

皇太后安○御洞明堂勾到江西江蘇安徽情實罪犯停決江西斬犯十八人絞犯一人江蘇斬犯八人絞犯八人安徽斬犯八人餘七十七人予勾○諭軍機大臣等本日據刑部奏審訊莊郡王府門上呈送頭等護衛堆器盜典口外開墾地畝等情已明降諭旨將堆器等解往山西交松筠等審訊矣此案堆器

私將王府地畝抵欠開銷使費既列款具稟於前復自認虛誣於後雖據該郡王呈送將伊父子發遣而單內所開使費各款數至一萬九千餘兩之多現又查出堆器所稟地畝與官丈原數不敷必須重加勘丈徹底清釐著松筠等就近提集人證按照所遞清單嚴行審究按律懲辦其單內所指戶部使費一款亦著松筠等查訊明確如從前經手各員果有聽受囑託情弊再行提傳究辦儻堆器

等實係將銀濫用捏稟挾制即照例治以應得之罪至堆器借欠高步升等辦地盤費銀兩是否屬實其字據是否串捏書寫並著松筠等一併查訊分別覈斷將此諭令知之尋奏查勘地畝與原報相符從前經手各員並無情弊堆器因濫用銀兩過多既私給高步升等佃種復捏寫使費帳單朦混挾制應請按例治罪至單內所開戶部使費一款已經刑部咨駁應毋庸議下部議行○又諭前據

御史徐培深奏貴州省苗疆地方派夫折價
擾累太繁當交鍾昌等確切查訪茲據奏該
御史所稱地方官公出牌飭土弁令苗民守
候供役及並無公出亦按日派令苗民折交
夫價等弊從前不肖州縣間有其事嗣該省
屢經禁革定為每夫一名按日價銀八分立
案遵行惟該省山路崎嶇馱載難行凡解送
餉銀接遞官物等項差使均須用夫扛擡如
民夫不敷向准雇覓苗夫其例價僅止八分

亦須津貼州縣廉俸有限未能賠墊間有官
發半價將下餘一半按地糧分派者亦有統
計例價不敷之數令民間先行彙齊臨時交
與夫頭雇夫零用者亦有僻處山隅州縣票
傳里長遠處雇夫折價令夫頭包雇者此項
錢文大率出自糧戶並非專派苗民因向無
一定章程經手之書役夫頭難免藉端漁利
至不由驛路之各州縣遇有差使係各寨出
夫遞送酌給錢米亦間有票傳應役不付傭

值者該省差務多資夫役額銷夫價既有不
敷自不得不藉民力若概行裁革一旦遇有
徵調呼應不靈於公事頗有關繫惟各該州
縣辦理未能畫一書役夫頭等又從中科斂
僅別滋事端不可不防其漸著阮元嵩溥斟
酌地方情形將該省驛站應需夫役悉心妥
議明定章程刊刻告示曉諭民苗畫一遵守
務期上不誤差不病民以重苗疆而杜滋
擾將此各諭令知之又諭寄諭江西巡撫

吳光悅有人條奏江西吉安府屬之萬安縣
為水陸要道凡由廣東至南安贛州而下者
必經該處行走向設有查鹽快船派差巡邏
以防私梟過境近來差役等於私鹽船隻每
得錢費放而於過往客商之船查無鹽斤輒
將衣箱貨物傾囊倒篋任意盤折箱內銀兩
肆行搶奪復向每人各索查看錢數千至十
數千不等客商赴縣控告該差役即豫將私
鹽安置縣堂誣指夾帶取役一詞不容分辯

且添出衙門書差人等勒索規錢使商民受罪含冤資本蕩然以故商賈吞聲畏如狼虎等語地方設立查鹽快船原以杜絕私梟非為盤查行旅若如所奏情形差役等藉端滋擾誣陷善良是私鹽得以安然過境而過客反受害無窮豈不大干法紀一處如此恐他處亦所不免著該撫密加訪察嚴飭所屬有鹽卡地方官實力查拏如有前項差役擾害立即拏獲嚴辦儻仍前怠忽任令差役恣橫

商民被累一經發覺必當從重懲處決不寬貸將此諭令知之○又諭前降旨令楊遇春於陝甘兩省各營內再行添派兵數茲據奏現擬添派陝甘二提屬官兵各一千五百名寧夏延綏二鎮屬各二千名肅州鎮屬一千名西寧河州陝安三鎮屬各五百名西安滿洲營五百名寧夏滿洲營五百名涼州滿洲營二百名莊浪滿洲營一百名等語現在各路調派官兵伊犁已調官兵民遣鄉勇四千

五百名烏魯木齊三千八百名土爾扈特和碩特一千二百名吉林黑龍江各一千名四川六千名合之陝甘前次奏調兵一萬二千三百名約計三萬有奇兵力不為不厚朕已諭令楊遇春將此次添派西安等處滿洲營官兵一千三百名停其調派其陝甘二提屬及寧夏等六鎮屬官兵九千五百名令其暫緩起程各在該原營豫備著長齡抵肅州後與楊遇春會同籌商相機調度如必須該督

續調之兵前往即行酌量奏調帶往將此諭令知之○又諭前因玉麟等馳奏南路情形緊急降旨令楊遇春於陝甘兩省各營內再行酌量添派兵數茲據奏現擬添派等語現在各路調派官兵業經三萬有奇足敷勦捕除該督前次奏調官兵一萬一千三百名仍飭令分起出關外所有此次添派之兵著暫緩起程令在各該營豫備調遣如業經分起前進即飭令各折回原營俟長齡抵肅州後

會同籌商再行酌量奏調帶往將此由六百里諭令知之○又諭本月二十三日據壁昌等奏葉爾羌毗連喀什噶爾之奎里鐵里木回莊有賊匪潛來窺伺經該大臣等督率兵回合力迎剿殺斃多名大獲勝仗當即降旨令該提督等馳赴阿克蘇後即與長清等籌商由葉爾羌至喀什噶爾偵探賊勢乘機迎剿茲據胡超奏帶領官兵兼程行走已於本月十四日馳抵關外安西州屬白墩子地方

著即遵前旨迅速前進會同長清等籌酌定計探悉情形妥為勦辦固不可輕率貽誤亦不可坐失事機務殲賊氛以期制勝將此由六百里諭令知之○免奉天承德遼陽新民廣寧錦五廳州縣上年被旱地丁銀有差並緩徵新舊額賦 壬午
孝慈高皇后忌辰遣官祭
福陵○
上詣

大高殿行禮○還宮 諭軍機大臣等據玉麟奏接據長清信稱喀什噶爾英吉沙爾固守尚存此次賊匪皆前次從逆之博巴克為首葉爾羌回眾尚無從賊之心又烏什報稱上屆從逆阿奇木薩達特之兩子暨明伯克之弟胡達巴爾底等俱係賊目並布魯特比遣人至喀什噶爾邊外探得霍罕伯克並未親來先遣愛散伊閏察克率眾勾結阿坦台汰劣克入卡攻城未破賊目玉都克素皮帶人

在樹窩子潛匿令賊匪往阿克蘇探聽大兵信息其餘各賊均在喀什噶爾新城附近回莊居住因攻城未能得手遣人至霍罕求援阿坦台汰劣克復行出卡仍回薩雅克愛曼等語此次喀什噶爾英吉沙爾被逆賊滋擾先後調派官兵不下三萬有奇原欲痛加勦辦永靖邊陲惟逆犯博巴克阿坦台汰劣克等本屬張逆餘黨倖逃法網狡誦異常若大兵將臨聞風先遁迨迫兵撤後又復前來實屬

不成事體。必應大加懲創。以期淨絕根株。著長齡於途次面晤楊遇春。到軍營見楊芳總。須從長計議。務將博巴克阿坦台汰劣克及愛散伊閔察克胡達巴爾底等犯悉數就擒。應如何截其歸路。毋致竄逃。熟籌制勝之策。以杜後患。儻該逆犯等竟已遁逃。尤當相度機宜。探明藏匿確切地方。如須加以兵威前往追捕。或懸賞購線設法擒獲。方為不虛。此舉該逆匪等無論由我兵擒獲及各夷回縛。

獻不得就地遽行正法。俱著解京訊辦。若該賊匪逃竄卡外。勢有難行之處。亦毋庸徒託空言。仍歸無益。反致為所輕視。長齡等務當通盤籌畫。計出萬全。以副委任。所有本日玉麟奏到一摺。著鈔給閱看。將此由六百里諭令知之。○又諭本日據玉麟奏。墨接長清壁昌等來信。據稱葉爾羌尚未被賊圍城。附近回莊尚未從逆。並探知喀什噶爾英吉沙爾固守尚存。亟望援救。現在額爾古倫所帶官

兵於初二日已抵阿克蘇。行走迅速甚屬可嘉。貴成等所帶兵勇計九月望前亦可全抵阿克蘇。此時各路大兵諒已星馳雲集。相機勦援。兵行之際尤當嚴申紀律。飭禁兵丁等毋得騷擾回莊。其實係從逆回眾。必當大加勦洗。以示痛懲。其未經從逆者亦當詳加分辨。不准妄行誅戮。一人將此由六百里諭知長清額爾古倫貴成孝順岱查隆阿哈豐阿胡超。並傳諭奇拉布知之。○又諭據壁昌等

奏全獲勝仗。後跟探賊勢情形。並將前次打仗出力官弁阿渾伯克等請予鼓勵。已明降諭旨分別加恩矣。葉爾羌奎里鐵里木回莊前有賊匪竄入。經壁昌等督率兵回迎。勦大獲勝仗。茲據奏分路偵探虛實。探得西路英吉沙爾所屬黑孜爾莊有賊潛伏。未動。西南路卡外色呼庫勒地方有布魯特賊匪千餘人在彼滋擾。又東北路賊匪前經勦殺。後仍有逃回奎里鐵里木莊屯聚。其被脅回子亦

逃往樹窩藏躲經壁昌等添派兵回嚴密防堵並曉諭回眾協力固守所辦甚屬周妥其從逆之奎里鐵里木塔斯哈瑪愛吉特虎三莊俟大兵到時自應分別勦洗以清後路現在伊犁官兵已行抵阿克蘇疊次諭知額爾古倫等迅速往援該大臣等惟當激勵兵回加意防範以待大兵進剿毋稍疏虞將此由六百里諭令知之又諭玉麟奏伊犁頭起官兵已至阿克蘇並節據阿克蘇烏什探報

葉爾羌及卡外情形一摺昨據壁昌等奏葉爾羌奎里鐵里木回莊有由喀什噶爾潛來賊匪多名當即派撥兵回分投迎剿大獲勝仗並拏獲活賊薩底爾等供稱博巴克等現在回城聞說賴副將已退回新城等語與常德等前奏探聞喀什噶爾新城尚在堅守之言相符當經諭知額爾古倫等與長清籌商及早進兵援剿茲據該將軍奏接長清信稱八月二十五日有賊匪二三千人被我兵勦

散後仍在附近回莊藏匿經該將軍飛催喀喇沙爾烏魯木齊官兵前進已據薩迎阿覆稱蒙古官兵約於九月初三四間起程其伊犁頭起官兵據長清咨報已於九月初三日抵阿克蘇其貴成等所帶官兵民勇計九月望前可以全抵阿克蘇額爾古倫等接奉諭旨後自己星馳進剿至常德等據木薩稟報有上屆從逆阿奇木薩達特之兩子暨明伯克之弟胡達巴爾底等俱係賊目聞由樹窩

子糾結情蘭回子三四百人搶劫軍臺並聲言有和卓帶人直取葉爾羌之說並據烏什卡外布魯特比等報稱賊目攻城未能得手復遣人至霍罕求援等語此次賊目如愛散博巴克阿坦台汰劣克等皆係從前助逆之犯膽敢於脫逃後復行謀逆狼狽為奸必應痛加勦洗悉數就擒以警兇頑而申天討至阿克蘇為南疆要路該將軍聞有賊匪遣人潛往該處探聞大兵信息已知照長清令其

靜密防範如有外來可疑之回子務令設法嚴防查拏訊辦所有軍行糧餉後路一切事宜已諭知楊遇春成格等妥速籌辦不致遲誤短絀。又據另片奏稱已革領隊大臣德克金布派令催趲各起兵行辦理妥速著加恩賞給七品頂帶准其在營務處章京上效力行走。至伊犁參贊大臣前已簡放布彥泰並派奕山忠泰前赴伊犁交該將軍差委計可先後到彼不致乏員伊犁控制新疆防守調

度事宜均關緊要該將軍當慎重妥辦以副委任將此由六百里諭令知之○以勸捕竄入回莊逆匪功賞葉爾羌二品阿奇木伯克散秩大臣阿布都爾滿頭品頂帶四品商伯克愛里木沙玉素普三品頂帶守備王璦邵蕙黃泰伯克阿布都熱依木伙什拉普莊邁瑪提呢雅斯阿布都瓦依特通事烏舒爾花翎把總洪世清等藍翎餘升敘有差○以孟冬時享

太廟自是日始齋戒三日○癸未諭內閣上屆逆回滋事領隊大臣祥雲保碩隆武管帶伊犁官兵赴阿克蘇於道光六年六月二十七八等日分起啓程由冰嶺行走至七月二十二日始到兵二百名八月初一日尚有七百五十名未到此次額爾古倫帶領伊犁頭起官兵於八月二十日起程亦由冰嶺前進九月初三日已抵阿克蘇計行走僅十餘日何以上屆祥雲保等所帶官兵遲至一月之久尚未到齊可見彼時並未上緊趲行咎實難辭除碩隆武業經病故毋庸議外祥雲保著革去副都統銜降為二等侍衛逐出乾清門以示懲儆○又諭常德等奏審擬軍臺官兵無故逃避一摺烏什察哈拉克軍臺委筆帖式德克精額臺外委李有成同兵丁十一名因聞謠言並未見賊輒敢棄臺騎馬逃避殊出情理之外經阿察他克軍臺幫辦臺務之軍功金頂馬甲明阿塔勸諭該臺兵回未敢

效尤逃避。德克精額著革去委筆帖式。李有成著革去臺外委。並軍功頂帶。即在察哈拉克軍臺。各枷號一箇月。滿日發往伊犁充當苦差。以示懲儆。隨同逃避兵丁蔣生。幅等十一名。各重責四十板。派當苦差。此係從輕辦理。若按律皆當正法。姑念該弁兵等尚非臨陣脫逃。是以寬其一線。所有幫辦臺務之馬甲明阿塔。加恩著賞給驍騎校。俟有該處缺出。即行補用。先換頂帶。○諭軍機大臣等據

成格奏供支內地征兵餉馬草料。請由內地派員採辦一摺。本日已降旨。飭諭楊遇春鄂山。統計口內官兵乘馬匹共若干。每日應需草若干斤。料若干石。令其通盤覈算。即派妥員酌帶銀兩。迅速出關。照數採辦。以期無誤。支應。至另摺奏烏魯木齊都統衙門印房主事郭勒明阿。遇事把持。擅作威福。因該都統添派員外郎訥蘇璽額等協同辦理軍務。該主事一切不能專主。心存悻悻。遽於進見

時偏執。已見忿懣。形於詞色。列款將該都統稟訴。顯係從中阻撓。意圖挾制。郭勒明阿著即撤任。俟軍務稍定。再行派員徹底查究。其印房事務。著另行委員署理。將此由五百里諭令知之。○又諭成格奏上屆軍需各路官兵馬匹出口。應需草料。均經奏准。照口內地方官供應之例支給。此次應照辦。過成案自哈密迤西。仍令逐站供支。事竣造銷。惟查烏魯木齊向無額徵草束倉貯。豆石亦屬有限。

其喀喇沙爾庫車兩處。俱係回疆地方。料石草束更屬無幾。現准各城大臣咨稱。不敷支應。若非豫為採辦。大兵一到。必致貽誤。且上屆經英惠派赴各城採買。因此項無款可籌。諸多掣肘。迨後內地派員出口採辦。已屬緩不濟急。此次請量為變通。以專責成等語。著楊遇春鄂山。及早通盤覈算。會同商酌。照數採辦。並協同沿途地方官認真經理。務須先期購買齊備。一俟大兵出口。俾得源源支應。

以期無誤軍需。將此由六百里諭令知之。又諭長清奏接收轉遞葉爾羌奏摺並差探和聞情形。及伊犁等處官兵行抵阿克蘇日期一摺。前據壁昌等奏葉爾羌逆回竄入回莊。該大臣等督率兵回迎。勒大獲勝仗。昨復據玉麟等奏。探知喀什噶爾英吉沙爾固守尚存。亟望援救。疊經降旨。令長清等相機援勦。茲據奏庫車喀喇沙爾差派民遣官兵伊犁頭起二起三起官兵均於九月初一至初七等日。行抵阿克蘇。至伊犁後起官兵民遣。疊經諭令容安行抵阿克蘇後。統交長清其烏魯木齊官兵喀喇沙爾土爾扈特和碩特業據成格等奏報分起前進。計此時均已陸續到彼。該大臣即遵照疊次所降諭旨。與額爾古倫等籌酌定計。迅速進兵。由葉爾羌一帶偵探賊勢。乘機迎勦。迅將喀什噶爾英吉沙爾二城解圍。務令該逆賊等震懾兵威。指日勦滅。以靖邊氛。將此由六百里諭令知之。

○喀喇沙爾辦事大臣薩迎阿奏官兵應支口糧臺市存積無幾。現於兩回城按照市採採買糧麵草料。以備供支。得旨嘉獎。○又奏出征阿勒巴圖等贖取皮衣動支銀數。請歸入軍需項下報銷。從之。○賞前任圍場總管舒凌阿副都統銜頭等侍衛。在乾清門行走。○命江蘇巡撫盧坤毋庸來京。即赴新任。署陝西巡撫顏伯燾馳往肅州。會同署陝甘總督鄂山辦理軍需。陝西布政使史譜護理巡撫。○給前赴軍營土爾扈特汗策登多爾濟及貝子台吉兵丁等鹽菜銀。○賞調赴新疆吉林黑龍江官兵銀幣如例。○以直隸磁邯鄲成安三州縣地震災重。命發倉穀設廠煮賑三月。○甲申。李淑憲皇后忌辰。遣官祭泰陵。○諭軍機大臣等。據御史王璋慶奏山東本年豐收。買補倉穀。恐地方官藉以漁利。轉致弊端百出。從前山東州縣每因年景稍豐。

即借採買為名。按照鄉里錢糧多少派作承買穀石數目。勒令百姓完納。差役因以紛擾。有不即時完繳者。按戶拘拏。鄉間愚民。照數送繳。又復多方勒捐。逼令多折錢文。祇給以已領官價空帖。並將官發例價暗自侵吞。是於錢糧漕米之外。別添一浮收勒折之資。百姓深受其害。酌擬辦理買補章程。請令該州縣派人於各市集設立糧囤。有穀之家情願出售者。議定價值。平斛量收。照例見穀交銀。不准豫發價銀。強行派買。及勒令賣戶上倉交納。以免書役需索。其穀價照例每石發銀七錢。官為運倉。不准藉詞運費不敷。派斂錢文。並照各州縣詳報收成。分數由府道確查。以定採買之多寡。其收成稍減及被災之區。照例赴鄰封採買。不准在本地勒買。致穀價增長。至買竣後。例應令各屬造具。按日採買清冊。該上司加結。申送督撫題報。近來州縣因此為利。開銷官價。賤削民財。倉廩不盡皆

實貯。應責成該道府認真盤查。出具並無勒派虧缺甘結等語。各省倉穀缺額。向係遇豐稔之年。令地方官自行買補。原不准派累民間。如該御史所奏山東州縣。往往藉詞採買。勒派百姓完納。復逼令多折錢文。此種弊端。不可不認真查禁。著飭爾經額嚴密訪察。如有前項情弊。即將該州縣據實嚴參。懲辦毋得稍事姑容。儻有心徇隱。別經發覺。惟該撫是問。至該御史所奏酌擬辦理買補章程。各條係為防弊起見。著該撫酌議採取妥為辦理。以收實效。將此諭令知之。○戶部議駁御史鄭瑞玉奏。請將南漕暫行折徵銀兩。據奏現在京通各倉充裕。足敷支放。若暫行折徵。於國計民生實為兩便。查倉儲一項。必期多。多益善。方資接濟。現在各倉雖屬充裕。第各省收成豐歉。或有不齊。則米石到通多寡。即難豫定。且民間地丁納銀漕糧。納米定制未可更張。若停徵漕糧一年。無論官弁旗丁廩

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○頒道光十一年時憲書

○以翰林院編修松蘧署日講起居注官○

以捐建江蘇嘉定縣震川書院予前任知縣

淡春臺及監生張鑑等議欽○丙戌

上幸圓明園○詣綺春園間

皇太后安○諭內閣本月初一日孟冬時享

太廟奉恩將軍永靠華英遺誤獻帛非尋常疏

忽可比俱著交宗人府議罪尋議上得旨永

靠華英著革去奉恩將軍發往盛京以示懲

儆宗人府堂官俱著交部議處○又諭葉爾

羌四品伊什罕伯克世襲貝子邁瑪特愛莫

特前經壁昌等派在回城守禦於賊匪臨城

時即行逃避追賊眾捉捕淨盡遲至三日始

行來城如此膽怯無能本應從重懲辦姑念

其與從逆者有間著留其世職革去伊什罕

伯克職任以昭炯戒○諭軍機大臣等阿奇

木伯克阿布都爾滿前因率領回眾撫取有

方已加恩賞加頭品頂帶茲據該大臣等奏

稱該伯克於解到被賊捆送喀什噶爾之小

回子邁瑪特訊出逆犯玉素普謀逆情形並

將所帶玉素普糾約該伯克從逆回字呈明

不稍隱諱可嘉之至阿布都爾滿著賞大綬

二匹即由該處發給並著壁昌等傳諭該伯

克以伊世受國恩一心效順此次撫取回眾

協同除逆嘉爾忠誠疊次恩賞嗣後倍加出

力更可渥受殊恩如此明白宣示該伯克當

益知奮勉並可以堅回眾恭順之心該大臣

等仍隨時嚴防奸細如有賊匪潛來冀圖煽

惑者即行訪拏究辦毋得稍有疏虞將此由

六百里諭令知之○又諭前以該犯玉素普

在布噶爾地方種地念經度日是以未經擒

捕。此次竟敢糾約回夷入卡逞逆。占據回城。顯係倚恃和卓後裔。煽惑愚回。復敢書寫回字逆信。妄思勾結。現據阿布都爾滿查獲逆信回人。究出逆情。業已降旨加恩。以為忠順者勸。玉素普父子為逆種禍根。一日不除。則邊疆於未能永靖。該都統等當設法擒拏。斷不可使竄逸。無論何人臨陣生擒。或計令縛獻。必立加懸賞。此時當已合兵進剿。長驅直入。其圖自解。如能內外夾攻。尤可聚而殲旃。

朕計日以盼捷音之至。將此由六百里諭知哈喇阿楊芳胡超哈豐阿額爾古倫貴成孝順岱查隆阿傳諭奇拉布並諭長清知之。○又諭前據壁昌等奏大獲勝仗。拏獲活賊薩底爾。供稱玉素普等現在喀什噶爾回城。賴副將已回至新城等語。本日又據壁昌等奏續獲滋擾賊匪情形。並伯克阿布都爾滿將解到被賊捆去送赴喀什噶爾之回子邁瑪特。訊據供稱伊在喀什噶爾七里河子回莊

曾見玉素普。並其子不知係何名字。當將邁瑪特所帶玉素普糾約該伯克回字一封呈出。已降旨將在事出力之伯克等及阿布都爾滿分別加恩賞賚矣。逆回玉素普糾眾滋事。罪不容誅。已諭知帶兵各大員務須設法擒拏。斷不可使竄逸。長齡到彼後。當妥速籌辦。將逆擊除根。以期邊圉肅清。無貽後患。將此由六百里諭令知之。○吏部以大學士盧蔭溥應定何殿閣請得旨著為體仁閣大學

士。○兩江總督陶澍奏兩淮鹽集情形不一。有回匪倚匪。與非匪而暗地夾私者。前准黃玉林投首。原欲資其引緝。以杜回倚商私之弊。與蔣攸銑札商。先將混冒投首。希冀多得工食之餘眾遣散。再將該犯嚴行拘束。諒必不安思遁。因而治之。可以示懲。黃玉林果因發營管束過嚴。寄信同首之人圖遁。當將書信按獲。經蔣攸銑發交江寧藩司及該府審辦。其同來之伍步雲等八人。於六月在儀徵

引緝私集十二名。又於八月在高郵緝獲巨
集一起。惟黃玉林既經懲辦。此八人現亦收
監。擬一併發遞。以絕根株。至辦理投首。由署
運司王鳳生出示在先。原其意在急收緝私
之益。平時亦無偏見。儻將來果有未妥。自當
另請簡放。斷不敢稍事姑容。報聞。○葉爾羌
辦事大臣壁昌奏。報追捕舒克舒回莊賊匪。
至科依喀察爾地方。槍斃布魯特十餘名。將
所搶人畜全行奪回。餘賊逃竄。得旨嘉獎。賞

五品藍翎阿奇木伯克薩依特。花翎五品花
翎伯克愛散。四品頂帶。六品明伯克邁瑪特
和色木。藍翎六品藍翎回子熱依木。五品頂
帶。○以葉爾羌勦賊出力。賞愛里木阿渾魯
普拉子熱邁圖拉等五品頂翎。○丁亥。修浙
江仁和海寧二州縣東西石塘。從巡撫劉彬
士請也。○戊子。諭內閣。朕聞劉彬士性情多
疑。遇事游移不決。降旨令孫爾準於前赴浙
江查閱營伍時。就近密訪該撫聲名辦事若

何。據實具奏。茲據奏劉彬士遇有應委應調
缺出。既經懸牌委調。旋又換人。率以為常。
於屬下情形未能諳悉。信用紹興府南塘通
判吳嶧。不赴本任。歷署繁缺。知縣近更常住
省城。盤踞招搖。致滋物議等語。是劉彬士辦
事不能決斷。又復信用非人。豈能勝巡撫之
任。著來京以三四品京堂候補。○諭軍機大
臣等。據御史裴元俊奏。江西營伍地方廢弛。
並會匪鹽梟積習一摺。據稱江西兵丁素習

怠玩。近來操練竟成具文。騎射生疏。額設營
馬。多係疲瘦。兼不足額。九江。南康。饒州。一帶
江岸湖濱。向設營汛巡防。乃商船來往。時被
劫掠。該汛俱置若罔聞。南安。贛州。界連閩粵。
人多獷悍。結會販私。凡有恆產之家。不肯入
會者。即被匪徒糾眾滋擾。將其樹木田禾。強
行伐取。地方文武從未查辦。是以愚民多被
脅從。及至上司飭委查拏。又不將實在首匪
究辦。轉將脅從之家扳獲到案。胥役弁兵。多

方勒索。甚至有拖累致斃者。本年該撫派兵赴喀都縣拏獲會匪三百餘名。乃是日甫經撤兵。該縣即於是日具報搶劫之案三起。可見前此所拏未必俱係正兇。其中未免拖累。又近來會昌縣地方有曾黃梁蕭斯美蕭蕭發等匪徒。先後糾約數十人搶擄人口勒索重案。一縣至有十餘案之多。其鄰境各縣似此之案正復不少。該撫不將疏防之文武嚴叅。輒以院司道府訪聞委拏結案。以為規避處分地步。至鹽梟竊踞橫行。尤無顧忌。下游吉安府係梟賊必經要道。向於該府所屬之萬安縣設有芙蓉等卡。每年派員帶兵駐卡巡緝。近日大夥私梟竟敢裝載大船。刀槍礮位俱備。連檣而下。防卡弁兵不敢過問。輒將零星小販拏數起具報。借以塞責邀功。以致官引滯銷。閭閻擾累。不可不嚴行查禁。著吳光悅即將營伍地方一切廢弛情形隨時查察認真整頓。其會匪鹽梟務當實力查拏嚴

行懲辦。毋任兵役妄拏滋擾。至會昌縣匪徒曾黃梁蕭斯美蕭蕭發等膽敢糾眾搶擄。大干法紀。著該撫即嚴拏究辦。據實具奏。毋稍疏縱。將此諭令知之。尋奏曾黃梁蕭斯美蕭蕭發等早經獲犯訊擬咨部覆准。並拏獲各處搶劫勒索之案。有該御史未經指出者。近來實在情形尚未至廢弛如此之甚。總期遇事認真。以收實效。得旨。所奏均悉。務要勤益加勤。勉益加勉。不可日久稍有疏懈。○又諭王麟奏官兵將次全抵阿克蘇一摺。覽奏均悉。現在伊犁各起官兵計已早抵阿克蘇。其餘各路官兵陸續趕到。自己相繼進剿。無難迅就肅清。至該將軍奏霍罕所築吹塔拉各城恐致匪徒聚集。其城究係何時興築。何人在彼潛住。著俟來春巡查邊卡時。於領隊中遴派妥員。或即令布彥泰前往。就巡邊之便。不動聲色。密查確實情形具奏。再降諭旨。將此由五百里諭令知之。○又諭本日據玉麟

奏續接葉爾羌獲勝情形。並差探和聞回情。安戰。該處至葉爾羌臺路尚通。其草地一路。暨阿克蘇軍臺。亦皆安謐。又葉爾羌所獲活賊薩底爾。阿比爾等。各供稱。玉素普已占據回城。博巴克充偽阿奇木。派令賊目薩木薩克。及胡爾班素皮察克等。分擾英吉沙爾。葉爾羌。二城。玉素普之外甥。推拉罕。及莫洛邁瑪底敏。愛散巴圖魯。率眾圍住喀什噶爾新城等語。此等著名逆賊。妄思勾結為奸。深堪痛恨。前疊經降旨諭知長齡。及帶兵各大員。所有玉素普。博巴克等。按名擒獲。將來大兵進剿。必須掘穴。擒渠。務將前後指出逆首。及各賊目。悉數就擒。斷絕根株。無使一名漏網。致貽後患。至玉麟奏。霍罕在吹搭拉地方築城一節。已諭令玉麟派委委員。前往密查。著長齡於軍務辦竣後。將霍罕所築各城情形。確實訪查具奏。將此由五百里諭令知之。○命戶部尚書王鼎。戶部右侍郎寶興。馳往江

南。會同兩江總督陶澍查辦事件。○以吏部尚書湯金釗。署戶部尚書。兵部左侍郎博啟圖。署戶部右侍郎。兼管錢法堂事務。協辦大學士富俊。署都察院左都御史。兼正藍旗滿洲都統。貝子綿德。署鑲白旗蒙古都統。○以喀喇沙爾辦事大臣薩迎阿。為盛京工部侍郎。兼管奉天府府尹事。○以盛京工部侍郎富呢揚阿。為浙江巡撫。未到任前。命浙江布政使慶善護理。○緩徵齊齊哈爾黑龍江墨爾根城。打牲烏拉。四處水旱歉收。旗民新舊借欠銀穀。貸黑龍江。墨爾根城。打牲烏拉。旗民倉穀。○己丑。諭內閣。阿勒清阿奏。購備駝隻一摺。此次回疆辦理軍務。所需馱運兵糧器械駝隻。曾降旨令阿勒清阿酌量籌辦。茲據奏。查照原案。趕緊採買。著照所請。先令內地各州縣採買駝三千五百隻。每隻給價銀二十二兩。在於道光十年地丁項內動給。其委解供支各事宜。均著循照舊章。遵節辦理。

該署撫嚴飭各屬。上緊購備。務須一律贍壯。差委員弁兵役。分起迅速解往肅州。以濟要需。該解員等如有經理不善。以致瘦斃稽延。即著嚴叅究辦。其駝價銀兩。飭令該州縣照數給發。毋任胥役人等剋扣滋弊。至歸化城一帶應辦駝二千二百隻。著飭歸綏道妥速籌辦。如須採買。即照上次成案速行購覓。毋得遲誤干咎。○湖廣總督嵩孚奏。湖北襄陽安陸。荊門等府州。每有奸惡棍徒。誘拐婦女。窩囤販賣漁利。一經獲案。所拐婦女。先已輾轉嫁賣。聞傳不到。該犯恃無質證。狡稱被誣。別生枝節。現有荊門州民魯振川。積慣窩囤婦女。敗露後。猶敢飾詞京控。及經提訊屬虛。復自行戕傷。冀圖扶制脫罪。皆因案延不結之故。請嗣後緝獲誘拐正犯。審明婦女姓氏年貌。被拐月日。並被拐之家。及地鄰人等供證確鑿。毋庸婦女到案。即照例治以應得之罪。其中或有被拐之人。是否和誘知情。尚難

懸定。拐犯罪名攸關生死出入。必須婦女質審。方能定案。亦先據供問擬監候待質。各州縣果能迅速審結。雖夫察因販及誘拐逃匿於前。而功過足以相抵者。隨案照例聲請免議從之。○湖南提督曾受。年老休致。以直隸宣化鎮總兵官海凌阿。為湖南提督。服闋總兵官李廷揚。為宣化鎮總兵官。○以陝西西安鎮總兵官劉鳳翥。署提督。○以修湖北荊州府屬萬城隍出力。予試用縣丞陳肖儀等

儘先補用。○庚寅

上諭

安佑官行禮。○諭內閣。此次派調京兵。及吉林黑龍江官兵。前赴回疆軍營協勦。所需車馬等項。照恩屆成案逐站更替行走。經由直隸山西陝西甘肅等處。道路縣長。著各該督撫派委藩臬大員。會督該管鎮將道府。妥為照料。催趲速行。剋期前進。毋得稍有遲緩。該領隊大員沿途彈壓官兵。務須紀律嚴明。秋毫

無犯。儻有騷擾不法情事。著該督撫據實奏。將犯事官兵按軍法治罪。並將約束不嚴之領隊官員等分別嚴懲。至各路官兵絡繹出關。經歷軍臺回部地方。尤當嚴明約束。除照例供頓外。不得絲毫擾累。如有違犯。悉照軍法辦理。決不寬貸。○又諭嚴愼奏。請將豫省下雨。下北。兩廳險要各工。酌辦碎石一摺。豫省黃河南岸下南河廳祥符上汎黑堽蓋壩。又北岸下北河廳銅瓦廂及蘭陽汎十七堡斜頭壩各工。情形均為險要。據該河督查明。應行酌辦碎石。以備防護。兩案共需銀六萬七千六十二兩。著照所請。准其於豫省藩庫照數撥發。各該道飭廳具領。趕緊採運。勒限來年大汎前一律辦足。該河督親往驗收。俟大汎內察看何段著重。即於何段拋護。隨時奏明。如用有餘存。留為下年備防。毋任稍有短少。其未經驗收以前。不准動用。儻有朦混捏銷。著即據實嚴參。該部知道。○又諭富

僧德等奏。請將呼倫貝爾稅務長徵短報之佐領革職。鞭責。並將不行據實呈報官員分別議處。定擬請旨一摺。呼倫貝爾承辦稅務佐領烏爾棍保。私將九年徵收稅銀截留六百餘兩。以少呈報。殊屬無恥。膽大妄為。著即照所奏。革職。鞭責示警。其未據實稟報之佐領陵克精額。多爾濟扎布。驍騎校車登。結報未經詳覈之副管蒙庫濟爾噶勒。佐領德布什庫。署總管台清阿。俱屬不合。著交部分別

議處。前任將軍特依順保。副都統玉英。亦俱失察。均著交部分別議處。○諭軍機大臣等。據楊遇春等奏。遵旨分派司道大員。會同營員。照料滿漢官兵過境。並將由山西陝西。添雇駝隻。以備軍需一摺。前據楊遇春奏。添派兵數。當經降旨。令將西安等處滿洲營官兵一千三百名。停其調派。其陝甘提鎮各屬兵九千名。令暫緩起程。俟長齡抵肅州。會同籌商酌量奏調。茲據該督等奏稱。添派兵數較

多。恐前次籌辦駝三萬四千餘隻。不敷應用。等語。自係前降諭旨尚未接奉。現在調派各路官兵。約祇三萬有奇。續調之西安等處滿洲營兵。業經停止。其陝甘提鎮各屬官兵。應調與否。尚未定局。兵數既未增添。所需轉運駝隻。自可量為覈減。昨據阿勒清阿奏請。照上屆成案。令內地各州縣及歸綏道分別購備。已諭令迅速辦解。至陝西應辦駝隻。業據徐忻奏明趕緊雇備。其阿拉善王瑪哈巴拉已據鄂山札飭雇辦駝一萬隻。自己分起解往。著楊遇春等覈計現派兵數。共應需用駝若干隻。一面具奏。一面咨會各該處迅速備解。解往肅州應用。將此由五百里各諭令知之。○又諭本日據容安等奏。籌備後路糧餉急需一摺。各路官兵陸續抵阿克蘇。相機進剿。後路糧餉。應照上屆設立軍需局。籌辦滾運。容安由伊犁起程。僅帶餉銀二萬兩。鄰近各城均無餘款可調。部撥餉項。道路遙遠。一

時解運不及。阿克蘇百物騰貴。查照成案。借用商民銀兩。會兌至甘省清還。又伊薩克之子愛瑪特呈請。自願墊辦銀兩紅錢。因其出於至誠。已允其墊辦。一俟關內餉銀解到。即刻如數發還。現在採買馬匹。並雇覓駝隻牛驢等項。在在急需。著楊遇春。鄂山。即將前次籌撥餉銀。趕緊解往。其業經起解在途者。催令解員星速前進。如有不敷。並著籌撥銀數十萬兩。迅即趕解。總期源源支應。無誤要需。至阿克蘇軍需局督辦糧餉需員。著該督等遴選廉潔可靠之員。飭令迅速前往。認真辦理。將此由六百里各諭令知之。○又諭據容安等奏。會籌進剿機宜。並籌備後路糧餉急需。及伊犁各起官兵馳抵阿克蘇。各一摺。前據壁昌等奏。擊獲活賊。供出賊匪滋擾情形。疊經降旨。令長清等會籌相機進剿。將著名逆犯悉數殲擒。茲據該大臣等奏。偵探毗連葉爾羌之喀蘭回莊。大半從逆。大路各臺當

差回子。俱聚散靡常。此次進兵。請即由葉爾羌軍臺一路先行勦洗。所過之巴爾楚克等處。分別安置領隊大臣。及將備官兵。逐次廓清。至葉爾羌節節安臺。一經肅清。即一面進剿英吉沙爾。喀什噶爾。惟時內地兵到。即由臺路行。知照巴爾楚克所留之官兵。會合約期夾擊。牌素巴特等莊等語。現在葉爾羌臺路回子。大半從逆。自應先將前後兩路。步步肅清。設防而進。此時伊犁官兵已到阿克

蘇。烏嚕木齊及土爾扈特兵。計已陸續到齊。共計兵九千餘名。除阿克蘇各隘口分留防守外。應有八千兵。可以帶領。該大臣等務遵節次所降諭旨。迅速相機進剿。即由葉爾羌軍臺大路。以次前進。總期及早廓清臺路。長驅直入。淨掃賊氛。迅將逆孽除根。以期邊圉綏靖。至該處籌備後路糧餉。鄰近各城。均無餘款可調。阿奇木伯克愛瑪特。目覩援兵迅至。內餉未到情形。呈請自願墊辦銀兩紅錢。

以為支應。該阿奇木伯克踴躍急公。可嘉之至。該大臣現已允其墊辦。著俟關內餉銀解到。即行如數發還。所需軍餉。業經諭令楊遇春等趕緊籌撥銀數十萬兩。委員星速解往。其糧餉委員。亦經諭令楊遇春等調派委員前往辦理矣。容安此時想已遵旨折回伊犁。著將此旨由六百里諭知長清。哈豐阿。額爾古倫。貴成。孝順。岱。查隆阿。並傳諭奇拉布知之。○又諭。據容安等奏。現在伊犁官兵已到

阿克蘇。烏嚕木齊官兵及土爾扈特兵。約九月內均可陸續到齊。除各路分留防守外。尚有八千餘名。擁此重兵。應即會籌前進。業經降旨令哈豐阿等由葉爾羌軍臺一路進兵。相機迎剿矣。本日據胡超奏。挑帶馬步官兵。已於九月二十日行抵哈密。趕緊星馳前往。著胡超相度機宜。如可由樹窩子一帶行走。即將所帶官兵。徑由樹窩子分路進剿。俾令賊勢首尾不能相顧。甚為便捷。若仍須由葉

爾羌一路行走計胡起到彼時哈豐阿等事
機順利早已廓清臺北長驅直入會同商辦
即可淨掃賊氛該提督務當隨時妥為斟酌
不可生失機會也將此由六百里諭令知之
○以奇里克愛曼布魯特比庫奇克布依布
魯特比噶爾察子鄂羅斯庫奇愛曼布魯特
比姜薩黑實心恭順賞換銅頂有差○賞調
赴回疆軍營吉林黑龍江及各路滿漢兵丁
皮衣銀○以黑龍江額儲不敷撥盛京庫存
銀十萬兩備用○命雲南東川府錢局自道
光十一年始暫行減卯鼓鑄從總督阮元請
也○辛卯

上諭綺春園問

皇太后安○諭內閣國家歲糜錢糧養育兵丁
原以偶遇兵戎共奮勦賊保衛善良近來逆
回安集延布魯特等深負曲宥重恩糾合霍
罕偷入卡倫在喀什噶爾等處猖獗戕害官
兵實為罪大惡極爰命大學士長齡督率三

萬有餘官兵勦辦復調吉林黑龍江二千兵
丁此屬俱係精銳一至軍營烏合賊眾自必
計日除滅功竣凱撤該官兵等受朕恩施何
榮如之惟經由四省地方恐有無知之徒偶
因車輛食物細故肆向驛站爭鬧沿途擾累
閭閻衛民而害民烏乎其可儻有此等不知
體統妄為滋事者該領隊副都統等即一面
拏交地方官嚴行圍禁一面據實奏朕必
將犯法之徒按軍法辦理決不寬貸領隊副
都統等徇庇不行奏聞致被督撫參奏不惟
犯法之人從重治罪必將該副都統等一併
嚴加議處著此次監放官兵賞食王等於吉
林黑龍江官兵到日即將此旨自副都統以
及官兵按名明白曉諭俾各遵行○又諭倫
布多爾濟等轉奏庫倫哲布尊丹巴呼圖克
圖等聞逆回安集延布魯特等在喀什噶爾
地方猖獗呈請願進一千駝隻實出伊等誠
惻朕深嘉念惟軍營需用駝隻現據鄂山等

備妥足數使用。呼圖克圖等徒眾甚繁。蒙古生計均資牲畜。如收此項駝隻。朕心殊覺不忍。又兼路途較遠。及抵該處。必至疲乏。且昨據葉爾羌辦事大臣壁昌等奏稱。本城官兵已將逆回殺獲數百餘名。大兵陸續到齊。此等賊匪。必可立即撲滅。著倫布多爾濟傳諭呼圖克圖等。所進駝隻。無庸豫備。加恩賞給哲布尊丹巴呼圖克圖。黃哈達一方。以示朕加惠呼圖克圖等至意。仍將官兵已獲勝仗之處。一併曉諭呼圖克圖等。俾各欣悅。○又諭。倫布多爾濟等轉奏喀爾喀扎薩克土謝圖汗。車臣汗。二部落汗。王貝勒貝子。公。扎薩克台吉等。呈請進駝二千隻。具見誠悃。甚屬可嘉。惟軍營駝隻足數使用。且庫倫距新疆路途較遠。若將此項駝隻遞解古城。該汗王等不免糜費。著倫布多爾濟傳諭二部落汗王等。停其豫備。以示朕加惠蒙古世僕矜恤至意。○諭軍機大臣等。向來河東河道總督。

每年秋間。除照例備防稽料外。又添購備防歲料二千五百墩。派員於歲內購辦齊備。運至工所堆貯。近年習以為常。即遇工程平穩之年。亦無減少。此時已屆冬令。該處料堆應俱陸續採辦齊全。運貯工次。著鍾昌楊懌曾。於湖北審案完竣。路過豫省時。不可稍露端倪。到彼將此項稽料。逐堆抽查覈驗。如有虛鬆短少情弊。即行據實密奏。毋得稍有徇隱。將此諭令知之。○以前任黑龍江將軍富僧

德。署鑲紅旗蒙古都統。○賞調赴軍營吉林副都統倭楞泰等。銀兩有差。○壬辰。諭軍機大臣等。本日據成格奏。烏魯木齊運糧至阿克蘇三十餘站。每石例需腳價銀十餘兩。計運糧五萬石。約需運費銀七十餘萬兩。現在道州庫貯經費。借動無存。已照上屆章程。飭令迪化州向商民會兌秋季標銀二十萬兩。除撥給喀喇沙爾銀四萬兩外。餘銀支發運糧腳價。並歸還墊款。業經全數用盡。嗣後節

節起運需用浩繁。惟望內地撥銀接濟。若撥解稍遲。不特糧運停阻。且恐駝隻守候需時。辦理愈形踴蹶等語。著楊遇春鄂山。即將前調安肅道庫銀二十萬兩。飛速解送。以應急需。至該處會兌標銀二十萬兩。已由該都統出給印領。交該商等持赴內地請領。並咨明陝甘總督。暨照會安肅道查照覈發。著即於續撥銀五十萬兩內。如數兌給。其餘銀三十萬兩。即行趕緊解赴烏魯木齊。俾支發不致

短絀。糧石得以源源滾運。無誤要需。將此由五百里諭令知之。○又諭。據成格奏南路官兵進剿口糧。前經籌撥糧石。委員前赴各城分段執運。並將頭二起麪斤起運。現又雇覓駝隻。分為八起。相繼執運等語。此次官兵所需糧石。前據楊遇春奏請各歸各城辦理。疊經降旨飭辦。各該大臣等想已趕緊採買妥協。現據成格奏烏魯木齊已運過大營口糧白麪七十餘萬斤。合糧七千餘石。阿克蘇及

庫車喀喇沙爾採買糧石確數。尚未據奏到。指日大兵雲集。需用浩繁。必須寬為籌備。著長清將阿克蘇現在實已豫備糧若干石。是否足敷兵食。據實奏聞。即行咨會成格。並著常格薩迎阿各將現已採買若干石之處。一面奏聞。一面飛咨成格遵照覈辦。軍行糧運最關緊要。該大臣等務當通盤籌畫。先期備辦。總須源源接濟。斷不可稍形支絀。將此由五百里各諭令知之。○癸巳諭內閣。給事中

徐法績奏。直省懸宕款目日多。有妨經費。請飭認真鉤稽一摺。國家經費有常。自應隨時確覈。按款清釐。不准稍有懸宕。如該給事中。所奏直省每年正雜錢糧。多不能逐案清結。或開除在數年前。報銷在數年後。或暫行借墊。久忘歸款。或多年挂搭。未經剔出。上司以閒款充私用。屬員以新款彌舊虧。間有動撥不發。則以別款支銷為解。名為撥空。雖經戶部行查。外省延不登覆。吏蝕官侵。久皆無著。

如現任官員積欠不於有力完繳時著追而於去官身故後始行叅出。又借支養廉往往服官多年尚未扣繳。此外若清查咨查抄產變價款目繁多。戶部應查不查。應催不催。並有漏查漏催者。又如地方各項工程。一經奏准。外省即列入開除。而工部行查。有一二十年尚未覈減者。戶部咨查工部。不准報銷。此項厯任交代著落何處。節年報部清冊。歸入何項。其中必有騰那牽混之弊。自應早為整頓。

嗣後著責成戶部詳選勤慎司員。將外省節年懸宕文案及一切未完各款細加檢查。分別勒限嚴催。如有仍前玩延。即據實叅奏。其外省著責成各督撫認真確查。將現任官員名下未完各項設法催提歸款。虧短之數按年彌補。覈歸實存數內。依限報部。務須實力奉行。以清積弊。○又諭御史慕維德奏。請嚴禁民間私藏火器一摺。民間私藏擡槍烏槍等項。前經降旨通諭各省。出示曉諭。予限

呈繳。如逾限不繳。將私造私藏之犯。於按律擬杖外分別枷號。茲據該御史奏。日久玩生。近時民間私藏者在在皆有。而江南鳳潁淮徐一帶為尤甚。即如本年七月霍邱縣漢回械鬪。皆係用擡槍對放轟斃。其禮拜寺房屋亦係擡槍烏槍連環轟焚。又沿江一帶鹽梟出沒。亦皆恃有火器等語。擡槍烏槍查禁已久。烏槍尚可藉口守禦。器小易藏。至擡槍乃陣前應用。且為器長大。若如該御史所奏。一

村之地私藏。竟可對放連環。平日地方官所司何事。積習相沿。恐不獨江南為然。必應嚴行查禁。著申諭各省督撫嚴飭所屬。出示曉諭。凡有私藏火器者。仍予限半年。勒令繳官。倘有逾限不繳。日後發覺者。照舊例加等治罪。失查官亦加等議處。至擡槍更非民間應有。如有私造私藏者。照私鑄私藏礮位例治罪。失查官亦照失查私鑄私藏礮位例議處。至江南鳳潁淮徐。毗連河南光州一帶。凡有

演習刀槍長桿者亦應一體嚴禁。著責成該地方官曉諭查拏。該督撫等務當飭屬認真查辦。不許擾累閭閻。總期加意整頓。俾强悍知所儆畏。如日久視為具文。仍致有名無實。一經發覺。必將該督撫嚴懲不貸。○又諭。御史慕維德奏。請明定五城審案限期。按月報都察院註銷一摺。五城審辦案件。向例按三八日呈報都察院。每月兩次註銷。近來日久玩生。並不按期呈報。叢對註銷。以致稽查無憑。任意延宕。著道諭巡視五城御史嗣後承審加杖以下等罪。務遵定例。勒限十日完結。其有人證未齊。正犯患病。及展限追欠追贓各情。俱隨案聲明。並註明收呈完案各日期。詳報都察院。每月按上半月下半月定期註銷。比照各衙門註銷題奏例。於月終具題一次。如有無故逾限。及註銷遲誤匿漏者。即隨本聲明叅處。以清訟獄而免拖累。○諭軍機大臣等。據給事中吳式敏奏。各省行銷官鹽

均有地界毗連之處。官鹽價貴之省。即受鄰私浸灌之害。欲杜鄰私。必須嚴畫界址。江西省贛縣所屬之攸鎮地方。逼近淮界。因粵鹽比淮鹽較賤。粵商即多方壟斷。以遂其浸灌淮鹽之計。前經降旨。令將鄰店移撤三十里外。若照定例。三百六十弓為一里。攸鎮實距淮界三十里以內。必應移撤。而粵商捏稟。以二百四十弓為一里。攸鎮反在四十里以外。即可希冀不撤。且不從該處東界官塘大路丈量。必欲丈量西界溪山僻路。任意朦混。因此輾轉遷延。多年不決。以致淮網受累。又該處近來多開子店。私設熬鍋。至一千數百口之多。並容留集匪。致有燒卡捆毆兵丁等事。尤為地方之害等語。江西贛縣攸鎮界連淮粵。鄰私浸灌。不可不嚴定界址。著李鴻賓、吳光悅遵照前旨。會同查明該處應移地界。按照例定弓尺。丈量明確。迅即移撤。毋致遂其壟斷營私之計。並著嚴拏私開熬鍋。容留集

匪之商。按律懲辦。毋任漏網。以靖奸私而肅
疆務。將此各諭令知之。○又諭。有人奏本年
七月霍邱縣漢回械鬪一案。原奏內僅斃四
命。風聞傷斃百有餘人。皆係用擡槍對放轟
斃等語。著陶澍確切訪查。將該處械鬪案內
實斃命若干名之處。據實具奏。無稍隱飾。將
此諭令知之。○甲午
皇太后聖壽節。遣官祭
太廟後殿。

奉先殿

上率王公大臣官員。詣綺春園行慶賀禮。奉
皇太后幸同樂園進膳。○諭內閣。穆馨阿等奏
請將備撥馬匹。先期調集。以便更換。並將換
下之馬。均照成案上槽餵養等語。哈密備撥
馬匹牧放。距城較遠。若待兵到調取。勢有不
及。必須先行調集。以備官兵隨到隨換。近城
牧場缺少。難資牧養。又換下之馬。除殘廢外。
亦須歇息餵養。俾壯健可用。此二項馬匹。俱

著准其照上屆成案。暫行交營餵養。作正開
銷。務須一律臚壯。以利遞行。俟將來大兵告
竣後。仍將所餘馬匹歸廠牧放。○諭軍機大
臣等。本日壁昌等奏。擊獲喀什噶爾逃來回
子愛什木。據供伊前在烏帕拉特卡倫堵禦
賊匪。旋有黑帽阿。渾奈瑪特之子托胡達。莫
特。令其充入白帽回子賊隊。前往英吉沙爾。
與該城阿奇木斯底克送信。賊目捏科拉克
將二百五十人留在英吉沙爾。帶五十人到

葉爾羌交界黑色爾莊堵道。因此斯底克令
伊混入城內。來至葉爾羌。與阿奇木報信。速
催大兵前來救援等語。喀什噶爾送信回子
愛什木。經千總吳宗耀等於黑夜拏獲。現據
該大臣等訊出喀什噶爾各賊目。並打仗情
形。查辦甚屬認真。著將愛什木嚴行看管。俟
大兵到時。查明所供各情。是否屬實。再行辦
理。至和闐一路。現無賊跡。復經舒倫保撥派
伯克回子三千餘名。在交界各臺協防安堵。

並於草地添設臺撥腰站與阿克蘇通遞來往文報辦理尚屬周妥。壁昌等當嚴密巡防。毋稍疏懈。現在各路官兵計已相繼進發。著於行抵葉爾羌時該大臣等催令迅速馳往。喀什噶爾英吉沙爾乘機進剿。能早到一日。即早得一日之用。毋許沿途稍有耽延。致滋貽誤。將此由六百里諭令知之。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十六

七六〇

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十七
駐外曉諭字經成日錄題題旨太子太保體仁閣大學士文淵閣領侍衛內大臣戶部尚書禮部尚書欽天監學士吏部尚書
天府府事務總管等一五親統錄十八次奉旨領侍衛內大臣總管吏部尚書領侍衛內大臣總管軍機處事務領侍衛內大臣總管內
七套大臣總管會同四譯館事務加一親軍等加六親軍功加三親統錄五次奉旨充辦總辦廣東工部總辦廣東關防事務充辦總管
內務府大臣總辦自總辦內務府事務內七套大臣管理理內人所駐庫三翼勒官署 充奉旨充辦總辦廣東工部總辦廣東關防事務充辦總管
署理總辦廣東事務等加十八次奉旨充辦總辦廣東工部總辦廣東關防事務等加六親統錄二十次奉旨充辦總辦廣東工部總辦廣東關防事務等

道光十年庚寅十月乙未諭內閣大學士公

長齡前經頒給欽差大臣關防。命往回疆督辦軍務。已於九月十五日自京啓程。現計將次出關。著仍授為揚威將軍。軍營大小官員悉聽節制。哈琅阿、楊芳俱著參贊軍務。所有將軍印信及參贊大臣關防著派舒凌阿、巴清德、馳驛齋交長齡等祇領鈐用。該二員即著留於軍營。交長齡差委。○諭軍機大臣等玉麟奏探得逆酋是玉素普及其一子。尚有張格爾在布噶爾所屬布哈拉地方所生一

子。年已二十。不知其名。霍罕從逆者依薩木薩。胡什伯克。布魯特從逆者阿坦台。汰劣克。沖莫得特奇。布勒得依。並糾結巴侯斯。希布察克。沖巴噶什等。愛曼人眾。說有七萬人。到喀什噶爾打仗。塔什坦伯克。雖未同往。却將搶得哈薩克之馬匹。幫助賊匪。此外布魯特不肯從逆者尚多。喀什噶爾黑帽回子。多不從逆。有逃往阿克蘇者。其白帽回子。亦不盡從等語。逆回玉素普父子。前經獲賊邁瑪特

供明。在喀什噶爾七里河子回莊目睹。惟張格爾祇有一子名布素魯克。今據鄂勒吉拜所聞。張逆先在布哈拉生有一子。現已長大。是否屬實。著確切訪查。如果隨同玉素普進卡滋事。正可乘機捕獲。著長齡迅速行知軍營帶兵大員。將玉麟所奏逆回家屬。並著名逆匪依薩木薩等犯。設法擒拏。毋任聞風逃遁。前據長齡奏稱。喀什噶爾黑帽回子。誠心恭順。今玉麟訪察情形。與長齡面奏之言相

符。此次黑帽回子戮力同心。多不從逆。甚屬可嘉。著長齡飭知帶兵各員。務須加意撫卹。毋許兵丁稍有騷擾。該回子等如能奮勉出力。著即奏明加以恩賞。以示朕鋤逆安良之至意。將此由六百里諭令知之。○又諭玉麟奏伊犁後起官兵續到阿克蘇。並請由烏魯木齊籌運軍糧一摺。此次伊犁後起官兵。已於九月十二日馳抵阿克蘇。行走極為迅速。計此時已與烏魯木齊等處官兵相繼進發。

喀什噶爾。英吉沙爾。一帶賊勢尚單。正可乘機援剿。迅掃賊氛。至伊犁存貯糧石。僅數本年支放。著毋庸運往阿克蘇。前經諭令成格寬為籌備。源源解運。並令長清。常格。薩迎阿等。就近採買。自己足敷兵食。其伊犁征兵鹽菜銀兩。經該將軍續撥銀三萬兩。派員解往以濟要需。此項銀兩。由軍營覈實報銷。並咨行甘肅如數補解伊犁歸款。所有例撥餉銀。現又諭令楊遇春。鄂山。迅速撥解伊犁。自可

不至遲誤。將此由六百里諭令知之。○又諭前據玉麟奏請飭撥伊犁一年經費銀兩。疊經降旨諭令鄂山豫籌撥解。復因該處需用緊急。諭令楊遇春鄂山即將該處一年經費如數迅速撥解。本日復據玉麟奏伊犁各起征兵前赴阿克蘇時。帶去銀二萬兩。續又借撥銀三萬兩運往。現在伊犁庫貯餉項僅數年內支放。亟須接濟以應供支。著楊遇春等仍遵前旨。如數撥解。儘尚未起解。務即籌款迅速解往。毋致遲誤。將此由六百里諭令知之。○賞御前頭等侍衛巴清德乾清門侍衛舒凌阿治裝銀。○以土爾扈特官兵輸誠效用。賞一月鹽菜口糧銀。○丙申。

上詣

安佑宮行禮。○諭軍機大臣等。本日都察院奏據長蘆商人華長裕等呈稱。商本虧折。恐誤運課一案。已明降諭旨。著都察院飭令該商人等自行迅回天津。交王鼎等查訊矣。據商

人華長裕等會稱。長蘆課項每年完交銀一百七十八萬兩外。復有帶徵加價銀兩。及豫省料價帑利。並傾鎔解費等項。約銀三十萬餘兩。措辦已屬勉力。近因銀價昂貴。每年約需賠銀七十萬餘兩。益形疲乏。屢向鹽政呈懇加價。以資成本。又將賠累實情。呈明直隸總督。皆未為查辦等語。長蘆釐務自道光八年清查彌補後。定為年清年款。辦理尚無貽誤。何以該商人等率以商力疲累。恐誤運課等詞。籲請調劑。其呈內所稱情形。是否屬實。著王鼎等秉公詳訊確查。據實具奏。將此諭令知之。○又諭據薩迎阿奏喀喇沙爾糧臺各事宜。現在委員辦理。不日大兵過境。該處人員實難兼顧。請飭派員帶銀前往分辦等語。著楊遇春鄂山即於道府內揀派妥員。迅速前往該處需用銀兩。並著該督等酌量發給。即交所派之員帶往備用。將此諭令知之。○前任喀喇沙爾辦事大臣薩迎阿奏。自軍

興以來。臺市銀價日減。每銀一兩。換普爾錢一百餘文。現在辦理草料等項。均須用錢採買。查糧餉局有厯年庫存房租。並紬緞變價。當五普爾錢七百餘串。除留備今冬明春搭放本處兵丁鹽菜二成普爾錢三百餘串外。其餘四百串。請即撥在軍需項下動用。入於案內錢款。造冊咨部覈銷。將來毋庸歸還糧餉局庫項。以免轉轉從之。○又奏喀喇沙爾進東之六軍臺內。均係戈壁。現在緊急捐報絡繹不絕。每臺額設馬四匹。往返馳遞。力實不支。恐致遲誤。應量為變通。查自烏沙克他爾至喀喇河色爾。計一百五十里。自庫木什阿哈瑪至阿哈爾布拉克。計一百三十里。均請於適中之牌坊桑樹園地方。安設腰站兩處。每處各添設目兵一名。兵丁五名。在本城牧廠內。每腰站撥給馬十匹。照軍臺例。每馬一匹日支料三升。以濟馳遞。俟軍務完竣。再行裁撤。報聞。○丁酉。

上詣
大高殿
壽皇殿行禮。○奉
皇太后還宮。○諭內閣。前因喀什噶爾馳報。有逆回入卡滋擾。新城被圍。蔓延英吉沙爾。該處堅守孤城。待援甚急。當即調派伊犁官兵民勇。及烏魯木齊並喀喇沙爾所屬土爾扈特等處官兵。星馳援救。疊經嚴催帶兵大員。無論何人先到阿克蘇。即會商長清趕緊進發。毋得觀望。致誤事機。乃本日容安等奏稱。伊犁官兵民勇四千五百名。已抵阿克蘇。以之進剿。則有餘。以之分布烏什阿克蘇。並前路進剿。則不足。現飛催烏魯木齊及土爾扈特官兵。俟到齊分撥防守。容安再會同哈豐阿等分隊進剿等語。覽奏實深憤懣。伊犁官兵民勇。已有四千五百名全抵阿克蘇。軍聲大振。必當迅速進發。能早到一日。即得一日之用。若猶謂兵力不厚。亦應先行起程。馳往

葉爾羌一帶。以壯聲威。不日烏嚕木齊等處。官兵相繼而至。會合赴救。即可解圍。賊況。葉爾羌已獲勝仗。軍臺廓清。道路無虞。梗阻。乃容安等觀望遷延。坐視不進。捨二危城於度外。是何居心。至所稱分布烏什等處防堵。更不成話。試問飛調援兵。因為何事。且援兵未到之前。烏什阿克蘇未能防守耶。容安以帶兵大員。任意宕延。怯懦無能。著交部嚴加議處。長清於伊犁官兵到後。私心自用。祇知防守阿克蘇。並不催令前進。亦屬遲誤。著交部議處。以示懲儆。○又諭彥德等奏喀爾喀扎薩克圖汗。賽因諾顏二部落汗王公扎薩克台吉呼圖克圖喇嘛等。聞得逆回安集延。布嚕特等在喀什噶爾一帶地方猖獗。呈請各於名下共進馬三千八百匹。駝三千隻。參贊大臣車林多爾濟進馬二百匹。駝二百隻。等語。具見誠悃。甚屬可嘉。惟軍營需用駝馬。已交楊遇春等備辦足額。策之烏里雅蘇台。

距古城路途遙遠。現在天寒草枯。若令護解古城。不免疲乏。此項馬匹著毋庸豫備。但烏嚕木齊解運糧石。需駝必多。伊等所進駝隻。恐尚應用。已諭楊遇春等。僅用此項駝隻。即一面具奏。一面調用。如不需。亦著行知。該將軍等停其豫備。著彥德接奉此旨。轉諭該汗王等。著將所進駝隻。妥為牧放。俟楊遇春咨文到日。遵照辦理。現在該處官廐挑出駝隻。著即護解古城。擇有水草地。方牧放。以備需用。○諭軍機大臣等。寄諭揚威將軍長齡。本日容安長清奏兵力未足。請俟各兵到齊。再行進剿一摺。覽奏深為憤懣。已將容安交部嚴加議處。長清交部議處。並諭胡超。哈豐阿等。迅速帶兵進援。毋得稍存觀望。該將軍即當加緊進行。出關督辦。將此諭令知之。○又諭。前屢經降旨。令胡超等迅速帶兵進援。將喀什噶爾。英吉沙爾二城解圍。勦散賊匪。即為汝等之功。此時各路官兵。已星馳雲集。

不難妥速進援。著胡起等乘機勦捕。迅就肅清。能早到一日。即可收一日之用。斷不准稍存觀望。致失事機。將此由六百里加緊諭知胡起。哈豐阿。額爾古倫。貴成。孝順。岱。查隆阿。並諭長清。傳諭奇拉布知之。○又諭常德等奏卡內夷回安靜。托依莫特。遣人呈獻逆信一摺。據稱卡外奇里克愛曼布魯特。比托依莫特。連布魯特。胡瑪什邁瑪特。同前派出卡探信金頂莫洛雅和普到城。呈出逆夷愛散所寄密信。令其糾結所屬布魯特。攻取烏什。阿克蘇各城。自以世受國恩。不敢附逆。現惟彈壓所屬。同心效順。等候大兵進剿。隨同出力等語。托依莫特。一接逆信。即時遣人呈獻情詞恭順。具見忠悃。可嘉。既經該大臣等賞給該比緞匹。並布魯特銀兩。著即傳諭嘉獎。令其益加奮勉。合力防守。如將來更有出力之處。自必重加恩賞。至所稱探得霍罕遠來賊目。係明伯克為首。其父愛散。木薩等。逆攻

圍新城。俱不得手。可見賊眾烏合。我兵天人順助。即日雲集。不難悉數殲擒。現已疊次飭催帶兵各員。迅速前進。該大臣等惟當倍加防範。隨時密加偵探。以待大兵進剿。毋稍疏虞。將此由六百里諭令知之。○又諭本日據容安等奏。伊犁官兵行抵阿克蘇。及籌辦後路糧餉各一摺。容安於伊犁官兵民勇全抵阿克蘇。遲疑不進。尚欲等候烏魯木齊等處官兵到齊。再行進剿。怯懦無能。長清並不催

令帶兵各員及早進行。亦屬遲誤。已另降諭。旨將容安長清。分別懲處。並嚴催帶兵各員。即行進發。毋得再有耽延。此時烏魯木齊。並喀喇沙爾所屬土爾扈特等處兵。計已相繼而至。該大臣當將糧餉一切事宜。迅速籌備。以利軍行。所請於烏魯木齊先行籌撥駝一千隻。已諭令成格如數籌辦。順帶應運口糧一併解往阿克蘇。以資應用。所有阿克蘇設立軍需局。已降旨派誠端前往妥為經理。至

另片奏續行籌備各事宜。俱著照所議辦理。惟前後路辦理文案。及軍需局營務處隨營糧臺等處。一切文案。照上屆成案派員。並招募書識人等分司其事。一節。此項官員及書識人等幫辦文案。祇須敷用。不准濫派多人。以為日後邀恩地步。又另片奏。阿奇木伯克愛瑪特。願再捐口糧麵十萬斤。供應征兵。踴躍急公。深堪嘉尚。加恩賞給大緞二匹。由該處給領。著長清傳旨獎勵。並告以伊父伊薩克。現在堅守新城。賊勢尚單。必無意外之虞。援兵一到。立翦賊氛。彼時大功告竣。伊父子即可慶成歡聚也。將此諭令知之。○又諭。據彥德等奏。扎薩克圖汗寨因諾顏愛曼恭進駝隻。已飭知在古城地方收放。一面派撥官兵。將駝隻分定起數。先行運往等語。現屆嚴冬。天寒道遠。此項駝隻恐不免疲瘦。難供輓運之用。著楊遇春等通盤覈算。計應需駝若干隻。及各處購辦若干隻。如已足用。即行扎

知該處不必解往。僕尚有無數。著一面咨調。一面奏聞。將此由六百里諭令知之。○又諭。前據成格奏。此次大營應調軍火各物。請由內地籌備駝隻。直解阿克蘇。其東路運送駝隻。不得截留屏越過站。茲據容安等奏。將來大兵進剿。後路滾運糧餉等項。均須由阿克蘇一處供應籌撥。若非寬為協濟。恐致貽誤。著成格即妥為雇覓。先行籌撥駝一千隻。順帶應運口糧。一併迅速解往備用。俟內地撥解阿克蘇駝隻出關。該處即照數就近截留。以資滾運。將此由六百里諭令知之。尋奏。查內地征兵。除酌撥駝隻尚可直送阿克蘇外。其甘省車輛。多係木輪。難以經久不損。若趕辦鐵腳車輛。又恐糜餉費時。且車夫等多因站長路生。裹足不前。與烏嚕木齊車夫。常赴回疆各城載運貿易者不同。僕強令前往。誠恐沿途車損夫逃。轉致有誤軍行。應請仍照道光六年章程。按站倒換車馬供送。庶臻妥

協得旨依議妥速辦理○又諭前因和闐地方緊要誠端現留葉爾羌該處祇有舒倫保一人降旨令誠端即回和闐以資守禦嗣據該大臣節次奏稱葉爾羌屢獲勝仗和闐現無賊迹該二處防守一切俱尚周密此時各路援兵自己馳赴葉爾羌進剿阿克蘇為南路總匯軍行糧餉尤關緊要現准長清等設立軍需局支應收發以專責成著派誠端迅赴阿克蘇妥為經理將此由六百里諭令知之○又諭本日據松筠奏途次疊見回疆軍報密陳勦辦事宜一摺覽奏均悉此次喀什噶爾英吉沙爾二城被逆匪滋擾葉爾羌已屢獲勝仗和闐現無賊迹節據玉麟及壁昌等奏探得逆酋是玉素普父子霍罕從逆者依薩木薩胡什伯克布魯特從逆者阿坦台汰劣克冲莫得特奇布勒得依並糾結巴俟斯希布察克冲巴噶什等愛曼人眾此外布魯特不肯從逆者尚多喀什噶爾黑帽回子

多不從逆雖係偵探之詞未足全信而謀逆起釁亦不盡係安集延因禁販茶葉激生事端現在喀什噶爾英吉沙爾嬰城固守以待救援伊犁等處及關內各路官兵多已抵阿克蘇自可相繼進發昨明降諭旨授長齡為揚威將軍並嚴飭軍營帶兵大員迅速剿援兵威所至自無難立就肅清至伊薩克現尚在喀什噶爾新城協力防守本年並未派伊年班進京又所請停調吉林黑龍江勁旅該二處僅調兵二千名分起啓程吉林頭二起官兵現已抵京遼發將此諭令知之○命乾清門三等侍衛齊克唐阿馳赴軍營賞治裝銀○命添阿克蘇各軍臺馬四百二十四以資遞送○緩徵湖北漢川潛江天門鍾祥嘉魚漢陽孝感黃岡江夏通山荊門十一州縣並屯生各衛被水被旱軍民新舊額賦○免阿克蘇防堵逆匪回民本年應徵麥石○戊戌

上詣

皇太后宮問安。○諭內閣。長齡現在將次出關。邊外天氣。亟寒。著賞給黃裏貂皮馬褂一件。青白狄皮袍一件。即著舒凌阿。巴清德。齋交祇領。以昭眷注。○又諭吏部等衙門。奏議處失察私辦假照之戶部堂司各官等摺。各部堂官經管部務。分應督飭司員。盡心查覈。杜絕弊端。此案蘇繩祖等。以捐納房貼寫。膽敢雕刻部監假印。私辦貢監職銜封典文照。如果歷任各該堂官督飭司員認真查察。燭破其奸。隨時懲辦。何至該犯等藐法作奸。累月經年。得贓難以數計。乃相率因循。竟無一人能除奸剔弊。念及此。朕代諸臣抱愧。朕亦不能辭責。現經部臣分別覈議。其各至降革各員。本應悉照部議。惟一時更易多員。實難簡補。而其中失察冒捐名數多寡不同。亦不能不分別示懲。朕詳閱單內所開歷任戶部各堂官。英和失察三千一百一十七名。顧臯失察

三千一百九十六名。為數最多。除英和業經緣案發遣。毋庸議外。顧臯著降四級頂帶休致。黃鉞失察二千八百五十一名。著降三品頂帶。敬徵失察二千四百十名。著降四品頂帶。留任。其部議降級之案。八年無過。方准開復。禧恩失察一千八百七十四名。王鼎失察一千七百九十四名。著英失察一千四百四十六名。均著降二品頂帶留任。其降級之案。八年無過。方准開復。李宗昉失察一千四百四十八名。著降三品頂帶留任。其降級之案。八年無過。方准開復。盧蔭溥失察一百九十九名。那彥寶失察二百十六名。均著改為降三級留任。托津失察四百七十五名。裕恩失察五百六十名。湯金釗失察九百六十九名。穆彰阿失察七百四十四名。恩銘失察六百二十一。均著改為降四級留任。文孚失察二十九名。成格失察二名。均著改為降一級留任。王引之失察一百八十七名。博蔭圖失

察一百六十九名。汪守和失察一百八十四名。海齡失察三十五名。均著改為降二級留任。顏檢失察一百七十五名。著降六品頂帶。寶興失察七名。著降一級留任。至司員承辦事件。是其專責。乃於貼寫私辦假照。毫無覺察。其各省送到捐生身家清白冊結。並不覈對。迨至將假底加捐各項。又不詳查照簿庫收。率據扣改稿件及呈驗假照批符。以致蔡繩祖等肆行無忌。非尋常疏忽可比。除單內

所開之玉善烏爾恭額。平日當差尚勤。現在辦事均屬認真。俱著加恩降四品頂帶留任。其降級之案。八年無過。方准開復外。陸以烜慶錫。馬洲董基誠。陸蔭奎。潘標。承辦加捐。率行批符。其咎較重。均著照部議革職。呈麟在任三年。著照部議降四級調用。李韞芳。春慶博勒洪武。夏炳俱在任二年以上。均著照部議降三級調用。夏炳現已告病。著於補官日降三級調用。德成。額重。謙。恒。文。愛。成。阿。瑞。麟。

張敬悞。陳傳均。綽勒恭額。林紹龍。阿達順。象。孫炳圖。楊鎮。三聖保。方玉璞。覺羅桂葆。恒。祥。宗室榮。靜。綿。能。穆。克。德。起。伊。隆。阿。孫。起。瑞。慶。玉。魏。成。憲。恒。光。秀。倫。聯。昌。蔣。策。邵。樞。寶。琳。吉。明。成。山。張。頤。雲。唐。惇。培。劉。灼。胡。培。翼。蔡。組。江。何。世。城。齊。斌。達。何。順。之。朱。昌。頤。嵩。山。文。麟。恩。成。劉。遵。和。俱在任一年以上。均著照部議降二級調用。孫炳圖。三聖保。業經休致。均著降頂帶二級。楊鎮。業經終養。方玉璞。業經告

病。病痊。又經丁憂。慶玉。已丁憂。孝滿。在戶部員外郎上行走。魏成憲。邵樞。均已告病。劉遵和。係候補之員。又經丁憂。均著於補官日降二級調用。恒景。常敬。俞誦。錢儀。吉。尹。佩。珩。趙。光。祿。托。綸。布。春。和。台。斐。英。阿。張。美。如。德。雲。李。鵬。趙。照。陳。震。東。達。林。路。德。胡。美。彥。唐。方。煦。均在任不及一年。俱著照部議降一級調用。達。林。業。經。告。病。路。德。胡。美。彥。唐。方。煦。均已丁憂。著於補官日降一級調用。德。雲。係。筆。帖。式。

無級可降。著即革職。國子監失察貼寫偷竊照紙及錄科驗照。未經查出之廳員榮第。蔣國連。均著照部議降一級調用。瑞慶著照部議降一級留任。吏部辦理封典未接戶部知照。不行確查之司員清平。廖運發。均著罰俸二年六箇月。以上降調降留及罰俸各員。均不准查級抵銷。○諭軍機大臣等。據恆榮奏查明道光八年分。兩淮欠解淮關三季鹽鈔銀兩。前任鹽政屢以一俟運庫徵存。即行起

解咨覆。繼又移稱戊子年積欠京外各餉。業經奏明暫行停解。又九十兩年鹽鈔除已咨催解到兩季外。截至本年七月。又欠四季鈔銀統計未解到七季鈔銀一萬七千五百兩等語。淮關正額款內。每年例收淮北鹽鈔銀一萬兩。向由兩淮按年分作四季批解。歷係年清年款。從無積欠。何以現在未經解到者。尚有七季鈔銀。著王鼎等會同陶澍查明。因何遲延。據實具奏。將此諭令知之。尋奏鹽壘

滯銷。是以積欠累累。各省帑息匪費懸欠未解之款。非止淮關一處。皆歷年糾纏墊占所致。請自辛卯年開綱日起。截清前積。以斷葛藤。庶可從新整理。其餘附貯各款。及各官各商承領未解銀。應查明勒限追繳。以歸有著。下部議從之。○已亥。諭軍機大臣等。楊芳奏帶兵馳抵肅州。於十月初三日起程出關一摺。現在喀什噶爾英吉沙爾二城待援甚急。疊經諭令胡超。哈豐阿等迅速馳往援剿。並

令長齡等務將著名逆賊悉數就擒。以除後患。茲據楊芳奏。倍道趲程。約須十一月初旬可到阿克蘇。如彼時哈琅阿亦已趕到。著即會同進發。如哈琅阿尚未到彼。著楊芳先行帶兵。斟酌時勢。或由樹窩子。或由葉爾羌大路。馳抵喀什噶爾。其時伊犁等處援兵先到。已可解圍。著酌量應行追剿。或應防守。妥為辦理。如有須籌酌之處。一面咨商長齡。一面具奏。該參贊等膺此重任。當與長齡計出萬

全。務將逆孽除根。永綏邊圉。方為不負委任。將此由六百里各諭令知之。○又諭。楊遇春奏。已抵肅州。籌辦事宜。一摺。據稱軍務所需。款目紛紜。支用繁雜。除前經飭部撥銀二百四十萬兩外。仍當籌撥。現經降旨。令戶部速議具奏。至馭腳一項。亦關緊要。前已降旨。令楊遇春等通盤覈算。以備撥用。現在伊犁。烏嚕木齊。暨喀喇沙爾所派之土爾扈特等處官兵。均已接續會集阿克蘇。已諭令胡超等

迅速進援。茲據楊遇春將督標官兵選派一千六百九十餘員名。並河州鎮屬已到官兵五百餘員名。共二千二百餘員名。即交楊芳帶領。於本月初三日先行出關馳往。妥速甚好。其楊芳原帶在後官兵。俟逐起到肅州時。即飭催繼進。至肅州應駐官兵。俟續調兵到。應行留駐若干。著楊遇春酌量辦理。將此由五百里諭令知之。○庚子。諭軍機大臣等。陶澍奏遵旨將鹽梟黃玉林正法。並籌辦大概

情形一摺。黃玉林一犯。業經正法。其隨同投首之伍步雲等八名。於黃玉林復圖販私。是否知情同謀。必應嚴行根究。該犯等現已提至江寧省城收禁。委員審辦。著該督於回署後。親提各犯。審訊明確。按律定擬具奏。至老虎頭地隸儀徵。為淮南監掣捆鹽之場。兼係泊船馬頭。據該督奏。該處舟航櫛比。時有私鹽船隻雜出其中。其代為雇覓掩藏。抽分微利。謂之外代。黃玉林之外。尚有回俸各匪在

彼爭占等語。此等匪徒。現在雖因懲辦黃玉林後。四散逃走。而利之所在。已散者難保其不來。不可不實力查拏。以淨根株。該處情形。據奏不在梟徒之冒法販私。而在小民之情迫食私。且販私者不盡在梟徒。而商廝商夥。與運鹽之江船夾帶實甚。現交冬令。若再不稱掣行運。則此捆鹽之夫役數萬人。何從得食。尤應籌度善策。妥為經理。陶澍身任兩江總督。兼轄鹽務。責無旁貸。於該處私梟應解

散者。即當設法解散。應緝拏者。即當飭屬緝拏。總使私梟斂戢。鹽務日有起色。方為不負委任。至老虎頭及丹徒江都扼要之區。應如何移駐官兵彈壓之處。著該督酌量情形。詳細籌議具奏。將此諭令知之。○命鑲黃旗護軍統領蘇清阿管火器營事。○命烏里雅蘇台將軍彥德回京。以庫倫辦事大臣樂善為烏里雅蘇台將軍。賞烏里雅蘇台參贊大臣奕顯副都統銜。為庫倫辦事大臣。○採買古

北口兵糧七千石。從熱河都統裕恩請也。○展緩河南杞蘭儀封邱考城四縣積歉災區。並湯陰縣被雹村莊應徵新舊額賦有差。○辛丑諭內閣。前據御史祥福奏報捐分發人員上庫在先。應掣省分奏停分發在後。文武事同一律。請歸畫一辦理。當交吏部議。茲據吏部奏。查明文職報捐分發人員業經上庫。現無省分可掣者。鹽場各官共十九員。地方各官業經上庫。其有省分可掣者。僅止四

川廣西雲南貴州等四省未停分發。設將來此四省一併停止。該員等亦無省可掣等語。各省因候補人員壅滯。補缺無期。俱已奏停分發。其四川等省。將來亦必奏停發往。所有此項地方鹽務人員。俱著停止分發。○又諭容安帶領伊犁官兵民勇四千五百名。行抵阿克蘇。即使酌留一千名防守各處。尚有三千五百名之多。且各路援兵接續趕到。儘可先赴葉爾羌一帶。以壯聲威。俾喀什噶爾英

吉沙爾兩處賊匪聞風震懾。其圍自可立解。即如葉爾羌防守兵力無多。尚能大獲勝仗。今擁此重兵。觀望不進。實屬怯懦。無能。況據容安等奏。委員前往大路一帶地方偵探。齊蘭臺以南並無賊蹤。是前途軍臺廓清。道路無虞。梗阻正可乘時進發。若云阿克蘇等處尚須留兵防守。何以援兵未到之前。阿克蘇烏什皆安堵如常。調度乖方。藉詞延宕。遲誤之咎。實無可辭。容安著暫行革職。將來喀什

噶爾英吉沙爾二城獲保安全。或可施恩另賞差使。若該二城日久力竭。援兵不至。容安必當從重治罪。伊所襲子爵。著容照承襲。長清著照部議降三級調用。仍留阿克蘇效力。暫停開缺。俟軍務告竣。再行降旨。○又諭。劉彬士奏。緝捕出力之通判典史。請量予獎勵。一摺。據稱浙江試用通判言尚熙。於署杭州府總捕同知任內。緝獲糾夥。竄竊首夥賊犯。又協擊蕭山縣越獄。絞犯一名。盤獲定海縣

竊賊。逾貫賊犯一名。仁和縣典史卜詢。隨同言尚熙。擊獲賊犯。緝捕均屬出力等語。各省地方官偵緝人犯。如係案情重大。人數眾多。或事隔多年。始行破案。方可加恩鼓勵。若祇尋常緝捕。皆地方官職分內所當為之事。何得率行奏請恩施。致滋冒濫。劉彬士所請將言尚熙。儘先補用。卜詢以主簿升用。俱著不准行。○諭軍機大臣等。楊遇春等奏。委員出關。辦供征兵馬匹料草一摺。前因徵調各路

官兵乘駝馬匹。應需草料。曾降旨令楊遇春等派委委員。先期購買。以備供支。茲據奏。此次徵調各路官兵。除伊犁烏魯木齊等處滿漢官兵業已經過。無庸供備外。所有調派京營東三省及陝甘滿洲營官兵四千五百名。四川綠營官兵六千名。陝甘綠營官兵二萬三百八十名。約計乘駝馬一萬七千四百六十餘匹。又調口內各營備戰馬五百四十匹。統共約馬一萬八千匹。自哈密迤西至阿克

蘇止。計四十站。共應支進征官兵馬匹倉斗料二萬一千六百石。十斤重草七十二萬束。自應趕緊採買。現經楊遇春等派員酌帶銀兩。前往托克遜。喀喇沙爾。庫車等城購辦。仍查照上屆成案。一面飛咨烏魯木齊都統成格。先行派員。就近前往各城備辦料草。俟關內委員到日。再行接辦。著楊遇春等妥速辦理。早日購買齊備。一俟大兵出口。俾得源源支應。無誤軍需。又另片奏。阿拉善王等共進

驕駝二千隻。均已分起解往肅州軍需局查收。前令再辦駝一萬隻。恐所屬之地採辦為艱。現又檄行福呢雅杭阿。轉飭伊克昭盟長。在鄂爾多斯貝子七旗地方。採辦壯健驕駝七八千隻。送交寧夏府點收轉解。並著如數籌備。迅速解往。無得遲誤。將此諭令知之。○續撥部庫。及山東地丁鹽課加價。河東河工經費。江西地丁。九江關稅銀二百萬兩。解往甘肅。以濟軍需。○調鑲藍旗蒙古副都統巴

哈布。為正藍旗滿洲副都統。以和聞辦事大臣誠端。為鑲藍旗蒙古副都統。○以捐修浙江新昌縣城垣。予知縣章邦彥等議敘有差。○旌表守正捐軀安徽五河縣民劉大玉妻湯氏。○蠲緩直隸文安。大城。高陽。任邱。薊寧。河。保定。安肅。容城。雄。安。河間。無極。鉅鹿。任。隆平。寧晉。深澤。阜城。東光。景南。皮。鹽山。冀。武。邑。深。武。強。青。靜海。新河。衡水。三十一州縣被水。被旱被雹村莊新舊額賦有差。並賑文安。大

城二縣貧民。○緩徵安徽蕪湖。靈璧。泗。五河。懷寧。桐城。當塗。繁昌。無為。壽。宿。鳳陽。懷遠。定遠。鳳臺。盱眙。天長。潛山。太湖。望江。宣城。銅陵。和。貴池。東流。廬江。巢。亳。二十八州縣並屯坐各衛被水被旱田畝新舊額賦。給蕪湖。靈璧。泗。天長。五河。五州縣及屯坐各衛軍民一月口糧。○壬寅諭內閣。英紹等奏查明永堯。華英。所襲奉恩將軍。請旨分別辦理一摺。永堯所襲之奉恩將軍。係由伊父及歲時封授承襲者。應不准承襲。著毋庸議。至華英所襲之

奉恩將軍。據英紹等查明。係由伊高祖傅勒赫。追封公爵。後緣事遞襲。傅勒赫係英親王阿濟格之第二子。英親王阿濟格本有軍功。緣事削爵。康熙年間。將傅勒赫復還宗室。追封公爵。遞襲。其餘諸子仍除籍。嗣於乾隆年間。將伊有後之伯爾遜等各支。及無後之和度等。復還黃帶子。列入宗譜。所有華英現出之奉恩將軍。著宗人府查明。英親王後裔。一

體揀選帶領引見。其華英一支著不准揀選。
○諭軍機大臣等。松筠等奏。同抵山西省城。
查訊大概情形一摺。御史葛天柱原摺內所
稱徐所署內僕人刀戕心窩。劉落賢囊身死。
及知縣相驗未終。即令具結。並將屍妻藏匿。
一案。據按察使顧騰伊覆稱。徐所家人劉泳
成。於本年六月十二日。在院署自戕身死。已
據陽曲縣知縣李培謙驗訊詳報。係屬因瘋
自戕等語。劉泳成既係自戕。業將肚腹近上
刀傷一處。何能復將下體用刀割傷。其中必
有別情。所稱因瘋自戕。難以憑信。案關人命。
必須徹底根究。該尚書等現已飭調外縣妥
實仵作。著於到日詳細覆驗。其劉泳成之妻
劉楊氏。已隨徐所眷屬前赴陝西。現經委員
迎提該氏及門丁等。著於解到時親提審訊。
務得確情。以成信讞。至該御史所奏絳州直
隸州知州呂士淳。善於鑽營各情節。業經該
尚書等面交阿勒清阿查傳。著於到日詳細

查辦。其徐所在任情形。已據該處藩臬兩司
稟稱。性多剛愎。辦事往往寬嚴失當。致滋事
議。試用各員委署調補。不免招尤。秋審過堂
時。徐所家屬在堂後竹簾內看視。實有其事。
至奏修城垣。官捐商捐銀各四萬兩。據該尚
書等奏稱。訪查噴有煩言。所言究係若何。因
何而起。著詳細確查具奏。如稍有隱飾。即是
不公不忠。懷之。其查閱營伍。有無任聽家人
勒索情事。現交阿勒清阿查覆覈辦。阿勒清

阿甫經到任。現今會查一切。自無所用。其回
護本日已將徐所解任。令其前往山西聽候
傳訊。徐所曾任該處巡撫。恐其示意屬員書
役等。有代為容隱情事。該尚書等與阿勒清
阿查辦一切。總當嚴密防範。務將各款確切
查明。據實奏辦。無得稍有不實不盡。致受欺
朦。儻有心徇隱。別經發覺。惟松筠等是問。將
此諭令知之。○吉林將軍福克精阿奏。道光
九年抽收葭餘銀兩。不敷歸款。請照成案緩

限交納。從之。○調正白旗滿洲副都統英經為鑲黃旗滿洲副都統。正白旗蒙古副都統安福為正白旗滿洲副都統。吉林阿勒楚喀副都統精欽保為正白旗蒙古副都統。○賞通政使司參議恩銘二等侍衛為烏里雅蘇台參贊大臣。○癸卯。

上詣

皇太后宮問安。○諭內閣。已哈布等奏擊獲搶擄馬匹什物。哈薩克賊匪審明正法一摺。哈

薩克賊匪托克托巴依膽敢起意糾合哈薩克伯爾德里等五人進卡。白晝截搶送文兵丁。情殊可惡。據已哈布等審明。即將托克托巴依伯爾德里正法。逃犯四名飭令該台吉等嚴行緝捕。所辦甚是。著俟緝獲時照例辦理。其駐莫多巴爾魯克卡倫之錫伯驍騎校圖明阿。未能查出蹤跡。著交部議處。○諭軍機大臣等。據壁昌等奏勦敗賊匪復率眾來城滋擾。經防堵兵回勦散一摺。此次賊匪由

葉爾羌東北率眾滋擾。經參將任貴邦等帶領兵回接仗。槍斃賊匪十餘名。生擒八名。旋有英吉沙爾黑孜莊騎馬賊匪窺伺。復經商伯克玉素普等分帶回子兩路夾攻。並開放鳥槍。賊匪著傷逃散。已另降諭旨將出力之伯克兵回分別加恩。以示鼓勵。此時葉爾羌賊匪尚未淨盡。必須加意嚴防。喀什噶爾英吉沙爾二城待援尤急。乃昨據容安奏稱。伊犁官兵民勇四千五百名全抵阿克蘇。尚欲

等候烏魯木齊等處官兵到彼酌分兵力防堵各處。再行帶兵赴援。如此遲疑。可惡可恨。大兵既已全抵阿克蘇。必應迅速起程馳往。葉爾羌一帶。以壯聲威。俾喀什噶爾英吉沙爾二城賊匪聞風震懾。其圍立解。並葉爾羌餘匪亦不敢復來滋擾。設非壁昌等三人能安回眾。而該城回眾又能如此奮勇敢順。則葉爾羌亦不可問矣。前已疊諭胡超哈豐阿等星馳前赴喀什噶爾英吉沙爾救援。又諭

哈喇阿楊芳趕緊馳往著於官兵等到葉爾羌時。催令迅速前進。毋得稍有逗留。致滋貽誤。葉爾羌地方亦屬緊要。誠端前已有旨派赴阿克蘇辦理糧臺事宜。如已起程。著壁昌常豐督率兵回。嚴密防範。毋稍疏懈。至另片奏卡外所屬色呼庫勒地方。前有安集延勾結喀拉提錦布魯特等。將該處阿奇木邁瑪沙財物家屬。全行搶擄。嗣經舒克舒莊之五品伯克薩依特帶領兵回。勦賊目素都爾將邁瑪沙並所搶人口財物等。帶赴牌斯熱瓦特達坂。不知下落。現因兵回防堵隘口。山內得雪。賊匪未能竄入等語。現在葉爾羌卡內不靖。勢難兼顧。自應俟大兵到時。將賊兵勦除後。再行派員出卡查辦。已諭令長齡妥籌辦理。將此由六百里諭令知之。○又諭。常德等奏。烏什夷回安靜。偵探喀什噶爾賊勢情形一摺。據奏探報喀什噶爾英吉沙爾二城現雖被圍。該城官兵守禦甚固。霍罕安集

延賊目明伯克愛散等。假玉素普和卓之名。煽惑勾結。而從逆者多係上次附逆。倖逃法網之犯。及白帽回子。情關回戶。現今被逼從逆。回眾均盼大兵前往救援。其阿坦台汰劣克沙提伯克。斯底克等。均已先後出卡等語。朕料該處情形。亦必如此。容安帶兵。不肯急速前進。甚屬可恨。已降旨將容安革職。前已疊諭胡超。哈豐阿等。到彼迅速進兵。又諭哈喇阿楊芳。趕緊馳往援勦。此時各路援兵雲

集。無難剋日廓清。常德等當激勵兵回。嚴密防堵。毋得稍有疏虞。將此由五百里諭令知之。○又諭。寄諭揚威將軍大學士公長齡。本日據壁昌等奏。葉爾羌勦賊匪。復來滋擾。經參將任貴邦等帶兵分路夾攻。賊匪逃散。並安集延勾結喀拉提錦布魯特等。將該處阿奇木邁瑪沙財物家屬搶擄。赴牌斯熱瓦特達坂而去。又據常德等奏。探報喀什噶爾英吉沙爾二城守禦甚固。霍罕安集延賊目

明伯克愛散等煽惑勾結其從逆者多係上次附逆及白帽回子情蘭回戶阿坦台汰劣克沙提伯克斯底克等均已先後出卡各等語。逆回入卡滋事附逆者自必無多。一經大兵進剿二城之圍即可立解。朕料該處情形亦必如此。可恨者容安長清遲疑觀望前疊經諭令胡超哈豐阿等迅速進兵並諭哈琅阿楊芳一俟行抵阿克蘇即帶兵或由樹窩子或由葉爾羌大路馳赴喀什噶爾相機辦理。現又諭知壁昌等嚴守城垣俟各路官兵行抵葉爾羌時即催令進援英吉沙爾喀什噶爾俾得及早解圍。賊除逆匪其霍罕安集延賊目明伯克愛散假玉素普之名煽惑勾結並阿坦台汰劣克等入卡搶劫復先後出卡各回游牧均屬狡譎異常必應按名捕獲著該將軍行抵喀什噶爾與哈琅阿楊芳會商相機設法務令悉數就擒以靖亂源而安邊徼。至葉爾羌卡外色呼庫勒地方安集延

勾結喀拉提錦布噶特等搶劫現在未能兼顧大兵一到卡內肅清亦應隨時剿辦著該將軍行抵該處妥為籌酌辦理將此由五百里諭令知之。○烏什辦事大臣常德等奏烏什糧餉局存貯善爾紅錢一千五百串經督兵伊犁參贊大臣容安咨調一千串運赴阿克蘇備用並咨調烏什阿奇木伯克等捐備烏拉馬二百匹撥赴阿克蘇應用報聞。○命盛京刑部侍郎惠顯來京賞駐藏幫辦大臣興科副都統銜為辦事大臣以內閣學士隆文為幫辦大臣。○賞二等侍衛烏里雅蘇台參贊大臣恩銘頭等侍衛。○以勦散葉爾羌賊匪賞六品伊什罕伯克庫爾察克花翎金頂回子呢雅斯等藍翎兵丁馬廷選以外委升補。○賞調往軍營墨爾根城副都統鄂爾托彥等銀兩有差。○命添庫車所屬十軍臺馬五十四匹以應差務。○旌表守正捐軀山東恩縣民宋迷糊妻王氏。○緩徵浙江仁和金

塘富陽武康歸安德清臨海新城烏程九縣
歉收田地新舊額賦○撫卹琉球國遭風難
夷如例○甲辰

上御太和殿視朝王以下文武升轉各官謝恩
○諭內閣常德等奏酌買糧石並夷回安靜
諸將阿奇木伯克等鼓勵一摺烏什備辦糧
石據該大臣等現已飭令阿奇木伯克等趕
緊採買應給價銀著先行發交一半俟解到
餉銀時即全數發給其烏什各回戶本年應

交本色秋糧四千一百五十二石業已埽數
交納該回戶等踴躍急公誠悃可嘉著將本
年已交糧石全行豁免由該大臣按照時價
發給銀兩以示體恤所有尤為出力之阿奇
木伯克等均應分別獎勵烏什署阿奇木伯
克木薩在城年久素得夷心著將其子邁瑪
特塔里普賞給二等侍衛遇有各城四五品
伯克缺出儘先補用烏什阿渾三名著各賞
元寶一箇大緞各一匹卡內五品頂翎布魯

特比庫曲書著賞換四品頂帶六品哈資伯
克伊薩克著賞換五品頂帶花翎五品頂帶
七品明伯克胡魯板著賞戴花翎遇有應升
伯克缺出儘先升用六品頂帶七品明伯克
托克托遜六品頂帶多列特俱著賞戴藍翎
遇有應升伯克缺出儘先升用金頂莫洛雅
和普克里木托胡達二名俱著賞換六品頂
帶用昭激勸○諭軍機大臣等據長清等奏
西四城軍務緊急現在各路官兵陸續到阿

克蘇已將哈豐阿等所帶各項官兵分派均
勻支領糧料定於十月初七日探勦進發並
請暫令容安統領進勦等語喀什噶爾英吉
沙爾二城待援甚亟各項官兵既經行抵阿
克蘇即應迅速前進及早解圍殲除逆匪容
安前已有旨令其折回伊犁哈豐阿亦係帶
兵大員且曾歷戎行自當與額爾古倫等相
機統領各項官兵乘時進勦乃現據奏到哈
豐阿所帶之兵定於十月初七日始行進發

其餘官兵復請旨暫令容安統領行軍之道以神速為要。萬里程途。摺報往返動需四十餘日。若事事必須候旨施行。豈不耽延時日。坐失機宜。長清等既稱軍務緊急。即須進剿。仍復如此拘泥。實屬不知輕重。前於九月初六日。曾降旨令哈豐阿等。無論何人先到阿克蘇。相機前進。不可遽延觀望。嗣復疊經降旨。催令進兵。哈豐阿等諒已陸續接奉。何以此次摺內並未敘及其所稱十月初七日進兵之期。已屬遲緩。而屆期曾否進發。尚未可知。現在伊犁。烏魯木齊。土爾扈特。各項官兵。民遣。及胡超所帶之兵。合計已一萬有奇。斷無令其坐食阿克蘇虛糜糧餉之理。長清駐守阿克蘇。籌辦過兵糧運等事。自不能分身帶兵。容安已有旨革職。著哈豐阿統領會同額爾古倫等。遵照疊次所降諭旨。乘機進剿。早解二城之圍。毋得再存觀望。致失事機。胡超此時計已到彼。即著會同前進。楊芳奏。十

一月初旬可到阿克蘇。哈喇阿想亦隨後趕到。著即加緊前往。設法追剿。總期迅將逆孽擒捕。邊圍廓清。朕日盼捷音之速至也。將此由六百里諭知哈喇阿楊芳。胡超。哈豐阿。額爾古倫。孝順岱。貴成。查隆阿。並諭長清知之。○又諭。本日據長清等奏。請令容安統領進剿。摺內祇敘接奉九月初十日飭令容安折回伊犁諭旨。而於九月初六日飭令胡超。哈豐阿等。相機前進諭旨。並未聲敘。此二次所降諭旨。均係由六百里加緊馳遞。何以初十日諭旨。已於摺內聲敘。而於前四日所降諭旨。轉未聲敘。如果長清等九月二十九日發摺時。初六日所降諭旨未經接到。著即逐站查明。將因何遲延之處。據實具奏。其關以內著長清行知楊遇春查明覆奏。將此附本日報便諭令知之。○旌表守正捐軀山東濟寧州民陳大妻唐氏。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十七

實錄卷之一百七十七

大清宣宗效天符運立中體正至文聖武智勇
仁慈儉勤孝敏成皇帝實錄卷之一百七十八

蘇州府知府臣張之洞奏為奏請開闢閩省營務處事務事

天府府知府臣張之洞奏為奏請開闢閩省營務處事務事

七奏大臣等奏為奏請開闢閩省營務處事務事

內務府大臣等奏為奏請開闢閩省營務處事務事

醫務處事務處帶加十八級臣等奏為奏請開闢閩省營務處事務事

禁

道光十年。庚寅。十月。乙巳。

實錄卷之一百七十八

上御懋勤殿。勾到河南山東情實罪犯。停決河
南斬犯四人。絞犯七人。山東斬犯五人。絞犯
七人。餘六十七人予勾。○諭內閣。本月十三
日。朕進宮時。大阿哥因病未痊。住圓明園。
皇后亦未進宮。昨據該總管太監奏。儀親王
於十八日前往看視。徑入福園門。至阿哥所
內。當時值班官兵及太監等攔阻不聽等語。
國家體制。門禁森嚴。不准擅行闖入。即如惇
親王。惠郡王。係大阿哥之叔。及內廷行走之

慶郡王綿懋定親王奕紹自必俱為系念。然亦祇能差人探問。不敢自行擅入。乃儀親王率行進門。不聽阻止。殊屬不合。想係年老神昏。故習未悛。伊子綿志不能從旁勸阻。甚屬非是。其宗人府右宗正及正白旗漢軍都統俱著開缺。所有圓明園駐班之阿爾邦阿等並該門值班官兵及大監等。不能力阻。俱有應得之咎。此次姑免懲辦。嗣後務當遵照門禁章程。慎重恪守。如再有似此擅入禁門之事。定當分別嚴懲不貸。○又諭理藩院轉奏。

阿拉善親王瑪哈巴拉聞逆回安集延。布魯特等。在喀什噶爾一帶地方猖獗。呈請率子囊都布蘇嚨進駝一千隻。又所屬公台吉呼圖克圖等一旗。共進駝一千隻一摺。軍營需用駝隻。業據楊遇春等陸續辦妥。但運送糧石需駝必多。茲據瑪哈巴拉呈請。聞得逆回安集延等滋事。率子囊都布蘇嚨暨所屬一旗。共進駝二千隻。具見誠悃。甚屬可嘉。此項

駝隻。著即照瑪哈巴拉所請收留。分起護解肅州。加恩賞給瑪哈巴拉玉搬指一箇。玉鼻煙壺一箇。大荷包一對。小荷包四箇。伊子囊都布蘇嚨賞給貝子銜。所屬旗分公圖薩拉克齊台吉章京等。均交理藩院分別議敘。賞給多布桑呼圖克圖伊什丹津。緞二匹。喇嘛鐘尼達爾濟。緞一匹。以示鼓勵。○又諭。王鼎等奏。查訊長蘆商人華長裕等。以商力疲累。恐誤運課等情一摺。長蘆商力疲乏。總以錢

樁賠折為詞。自道光八年停議改樁。另籌歸補課帑一案。定為年清年款章程。統計通綱。每年交項。及帶徵加價一款。業經覈入年清年款章程案內。分限完交。並非不在原定交款一百七十八萬兩之內。其料價帑本息銀一款。當時未經列入。然為數僅止四萬八千兩。該商人等亦不致藉口虧賠。至傾鎔解費。向係歸商自辦。更不得另行列款開銷。即近年銀價昂貴。交課致多虧折。而銀價長落。無

常。且查道光八年清查案內。已准將嘉慶十七年之半文加價。一併給商貼補。其未經歸補之舊欠銀一百八十餘萬兩。全行豁免。又將道光五年之二文加價。一半歸商彌補積欠。又每引於舊定斤數外。加鹽二十斤。免其支課。以紓商力。何以甫屆兩次奏銷。即形竭蹶。現經王鼎等查訪。銀價昂貴。辦運艱難。雖係實在情形。但甫經調劑。復思變更。是該商等妄生希冀。以為宕課地步。所有呈請調劑

中書奏

之處。著毋庸議。該鹽政阿揚阿。即飭該運使督催通網商人。按數迅速完交。無任觀望。致誤奏銷例限。儻該商人中有藉詞拖欠者。立即參革。若再不安本分。妄行呈訴。即照例治罪。以肅鹺政。○以睿親王仁壽為宗人府右宗正。貝勒奕繪為正白旗漢軍都統。○以病痊來京土默特貝子固倫額駙瑪呢巴達喇。行至錦州復病。遣乾清門頭等侍衛那桑阿。馳往看視。賞人蔭四兩。命緩行來京。○旌表

守正捐軀山東曹縣民劉方樂女改娼。○丙午。諭軍機大臣等。據鄂山奏。遵旨密查藩司方載豫事件。所奏均悉。至該省州縣倉庫兩項。據該署督訪聞固原州。中衛縣。均有虧短。現已行提交代表宗來省。委員覈算。著即將虧空確數查明。據實嚴參懲辦。其豫買倉糧一事。現在雖據詳報均已採買完竣。難保該州縣不將積存額徵之常糧。或採買未支之兵糧。混相指抵。至楊遇春前奏。各州縣實虧

中書奏

銀兩。並此外有無那墊款項。必應一併查明。惟現將各州縣倉庫銀糧統行盤查。並確查豫買穀數。若仍選派甘肅人員。恐不免被其欺混。新任鞏秦階道程德潤。不日到甘。無所用其回護。雲麟現署西安府。前該署督奏調時。已有旨令其無庸前往。著酌量如西安府有人接署。即令該員前往甘肅。與同知郭維運。知縣李希曾等。隨同程德潤調取各州縣盤查卷宗。詳細覈算。分別正雜各款。據實呈

辦。覈定後。仍委結實可靠之員。前赴各處逐加盤驗。奏明辦理。至此次軍需。著通飭各州縣。將承辦車馬一切。隨時領銀備辦。務須實用實銷。不准有那墊名目。以杜牽混。其甘肅坐省書吏。實為州縣之蠹。其弊甚大。著即設法革除。毋稍寬貸。將此諭令知之。○又諭。昨據長清等奏。各路官兵陸續行抵阿克蘇。朕以喀什噶爾英吉沙爾二城待援甚亟。當經降旨。催令哈豐阿。會同額爾古倫等。迅速進兵。現當軍務緊急。各項官兵。自應分別管帶。及早前進。所有伊犁官兵民勇。即著派額爾古倫。孝順岱。貴成。統領。土爾扈特蒙古兵。即著派查隆阿。統領。烏魯木齊官兵。即著派哈豐阿。統領。胡超所帶之陝甘官兵。即著胡超統領。該大臣等。務當勦力同心。和衷商榷。如遇應行合勦。即歸併一處。或須分路前進。即各帶所統官兵。分投迎勦。毋許互相推諉。亦不可彼此各不相顧。如有意存觀望。遷延不

進。以致坐失事機。自問當得何罪。此後楊芳先到大營。即各將所帶官兵。統交楊芳。俟哈琅阿到時。即交哈琅阿。楊芳二人統領。仍俟長齡到後。悉歸長齡統領。聽其節制。總須迅將逆孽殲除。永綏邊圉。將此由六百里各諭令知之。○又諭。王麟奏南路近日情形。及伊犁地方安靜一摺。覽奏均悉。現在喀什噶爾英吉沙爾二城待援甚急。伊犁等處官兵陸續到阿克蘇。疊經降旨。催令領兵大員。與額爾古倫等相機進剿。早解二城之圍。一俟長齡到時。將各項官兵。歸其統領調度。計南路一切勦辦事宜。有長齡在彼。自當迅掃賊氛。廓清邊圉。其伊犁地方。亦屬緊要。據奏前於各卡倫要隘。添派官兵駐守。復派領隊滿多布。前往巡查彈壓。近據報沿邊一帶。俱屬靖謐。該回眾等。並不因南路軍務稍有搖惑等語。辦理尚屬周妥。該將軍務當不動聲色。嚴密鎮靜。將應行籌辦事宜。次第布置。仍於明

春巡卡時。慎密稽查。妥為防範。毋稍疏虞。用副委任。至另片奏。現因葉爾羌大路軍臺阻隔。由阿克蘇遞來硃批扎隆阿等摺片七件。並寄扎隆阿等諭旨三道。著即封固。仍遞交長清收存。俟臺路稍通。由長清徑遞扎隆阿等祇領。將此由五百里諭令知之。○緩徵湖南武陵龍陽華容澧安鄉五州縣被水田畝。本年額賦有差。○丁未。

上御懋勤殿。勾到直隸山西熱河情實罪犯。停

中書奏

人

決直隸斬犯五人。絞犯十一人。山西斬犯八人。絞犯四人。熱河斬犯一人。絞犯一人。餘五十五人予勾。○諭內閣。容安等奏。接據葉爾羌信稱。賊匪滋擾。急待援兵。酌量派兵。由和闐進援。及分撥阿克蘇烏什防守。以待胡超等商剿一摺。覽奏。實深憤恨。前經疊降諭旨。令帶兵各員。無論何人先到阿克蘇。與長清會商。即行進發。不可因前途軍臺已斷。稍有耽延。致滋貽誤。乃容安等於伊犁烏魯木齊

等處官兵。行抵阿克蘇後。並不迅速起程前進。嗣接壁昌來信。以葉爾羌有三百馬賊。直撲回城。當派官兵。予隊二百名。令臺市把總羅廷。帶領民勇二百名。兩路出隊。賊始遁去。又一股賊匪。約二百名。轉向東南。搶伯什阡回莊。此莊距和闐坡斯坎木頭臺三十里。若被賊阻斷。則與阿克蘇文報不通。須速行發兵二千。由和闐草路前往。即可安保。等語。前據長清等奏。伊犁頭二三起官兵。於九月初

中書奏

人

一至初七等日。抵阿克蘇。容安等奏。官兵民勇。係九月十二日全行到彼。現據素烏魯木齊土爾扈特兵丁。於九月二十二日。至十月初一日。陸續趕到。如果及早進兵。先赴葉爾羌一帶。以壯聲援。何至該莊尚有賊來滋擾。乃於兵到一月有餘之久。且已接壁昌告急之信。猶復觀望遲疑。坐擁八九千兵。尚云兵力較單。恐賊計誘我大兵深入。試思以大兵進至葉爾羌。何得謂之深入。實屬怯懦。無能

藉詞延宕。且據奏稱哈豐阿孝順。係定期前往和闐。察看情形。再向葉爾羌進發。葉爾羌情形如此緊急。竟置諸度外。尚欲先赴和闐。探無賊蹤。再行援剿。似此畏葸不前。喪盡天良。必應嚴行示懲。以儆延玩。容安前已降旨革職。著即拏問。交長齡派員押解來京訊究。長清、哈豐阿俱著交部嚴加議處。○又諭雲南巡撫伊里布由驛馳奏一摺。據稱伊前於滇省永北大姚軍務。曾經帶兵。茲聞喀什噶

爾等處有回匪入卡滋事。請派令馳往。隨同統兵大員勦辦等語。同仇敵愾。固係人臣分所當然。但滇省距京師程途幾及萬里。京師距喀什噶爾。又有一萬餘里之遙。該撫遠在滇南。於回疆外夷不靖之事。不能悉其梗概。輒自謂曾辦永北大姚軍務。即可勦撫邊陲。師心自命。視為易易。從前雲南永北廳野夷糾眾。擾及大姚。係因該土司將地土典給漢民耕種起釁。與喀什噶爾等處夷匪滋事情

形迥不相同。何得以此比較。乃該撫因尋常帶兵安撫。即自恃身經行陣。不度德。不量力。妄行馳奏。徒勞驛站。實屬不知輕重。冒昧糊塗。已極。伊里布著先行拔去花翎。交部嚴加議處。○諭軍機大臣等。本日據陶澍等奏。兩淮釐務緊要。請飭新任運司楊振麟。速行赴任一摺。楊振麟現在廣東署理運司兼署臬司。該員於惠潮道任內大計卓異。應行赴部引見。到任尚需時日。兩淮正當整飭釐務之

際。本任尤關緊要。著李鴻賓等將廣東運司臬司各篆。另行委員接署。即飭楊振麟速赴兩淮運司之任。俟釐務就緒。再補行赴部引見。將此諭令知之。○又諭。本日刑部奏審擬山東招遠縣民人王受倡牽控會匪一案。已明降諭旨。解交該撫督同臬司嚴訊矣。此案該民人前在步軍統領衙門呈控。據供門友益等係掖刀會匪。在即墨縣段泊蘭村居住。當經諭令訥爾經額嚴密確查。茲據刑部審

訊具奏。該民人所供門友益、門雲昇、郭安瑞、夏仲等畫符治病。並有周吳鄭李王楊等姓均係會匪。令該民人逐一供指。除門友益等數人外。其餘不能指出。其所控隨同入會之王成。到案堅供與門友益等素不認識。檢查山東歷次查辦匪徒檔案。道光八年十一月間。該省有即墨縣民郭安瑞與夏仲與立根化教會。擬以軍遣之案等語。該民人所控會匪既經刑部查明郭安瑞、夏仲從前辦理匪

實錄卷一百一十五

十一

徒案內。業已實有其人。其門友益、門雲昇是否實係會匪。周吳鄭李王楊等姓有無入會之人。王成曾否隨同入會。必應徹底查明。著該撫督同臬司親提人證。嚴切根究。如果屬實。即應查拏懲辦。據實具奏。毋使一名漏網。以戢奸宄而靖閭閻。將此諭知訥爾經額。並傳諭趙盛奎知之。○又諭。本日據容安等奏。接據葉爾羌信稱。恐賊匪搶斷臺路。請發援兵二千。由和闐草路進援一摺。前經疊降諭

旨。令帶兵各員。無論何人先到阿克蘇。與長清會商。即行進發。不可稍有耽延。乃容安於伊犁官兵全抵阿克蘇。並不及早赴援。迨烏魯木齊等處官兵到彼。猶復觀望不進。並接據葉爾羌告急之信。尚稱俟哈豐阿等到和闐察看情形。再向葉爾羌進發。容安等坐擁重兵。畏葸不前。可惡可恨。已另降諭旨。將容安拏問。令長齡派員押解來京。長清、哈豐阿俱交部嚴加議處。喀什噶爾、英吉沙爾待

實錄卷一百一十五

十二

援甚急。葉爾羌亦時有餘匪滋擾。前已疊次降旨。令帶兵各員星速進兵。乃該員等竟屢催罔應。此等怯懦無能之人。朕亦不值再行申諭。著長齡即由六百里加緊飛咨哈豐阿。額爾古倫、貴成、孝順、岱查隆阿等迅速進發。毋得片刻遲留。如再宕延。即照軍法從事。將來此三城如能保守。該員等尚可將功贖罪。儻稍有閃失。著長齡據實嚴參。再行從重治罪。將此由六百里加緊諭令知之。○調鑲黃

旗漢軍副都統倫忠為廣州滿洲副都統。○
緩徵江蘇上元。江寧句容。六合。江浦。山陽。阜
寧。清河。桃源。安東鹽城。高郵。泰。甘泉。儀徵。興
化。寶應。銅山。沛。蕭。碭山。宿遷。常熟。昭文。崑山。
新陽。華亭。奉賢。上海。南匯。青浦。丹徒。鎮江。婁
川沙。江陰。靖江。金壇。太倉。三十九廳州縣及
淮安。大河。徐州。金山。鎮海。五衛被水被旱民
屯新舊額賦。○戊申。

上詣

皇太后宮問安。○御乾清門聽政。○諭內閣。昨
據容安等奏。葉爾羌急待援兵。酌量派兵由
和闐進援。並分撥阿克蘇烏什防守。以待胡
超等商勦。朕以容安畏蒞不前。業經降旨。拏
問。並將長清等交部嚴加議處。本日據壁昌
等奏。稱葉爾羌境內。並無布魯特。安集延之
人。惟有賊目庫爾班素皮察克。約霍普黑色
木阿渾三名。其和闐情形。據舒倫保奏。六城
回子。現在尚屬安靜。並無賊匪竄入等語。葉

爾羌境內。僅止賊目三名。乃容安張大其詞。
稱該處賊回勢甚猖獗。且所接壁昌等來信。
祇令速行發兵二千。各路援兵已到阿克蘇
者。豈止二千名。如果迅速帶兵。星馳前進。何
難即將賊目全行擒獲。乃一見壁昌告急信。
內稱有賊目。即觀望遲疑。坐擁八九千兵之
多。裹足不前。其派往之兵。轉令由和闐草路
前往。和闐並無賊匪。以有用之兵力。反向無
賊之處進發。是何居心。容安畏縮遷延。無謀
無勇。喪盡天良。實屬可鄙。昨已有旨。令
長齡派員押解來京。道途遙遠。此等怯懦無
用之人。亦不值如此辦理。令長齡即將容安
派員解赴阿克蘇。交長清看守。聽候諭旨。○
又諭。顏伯燾奏。肅州為出口總匯。一切轉輸
支應。文案繁鉅。必須幹員分司其事。著那彥
成。即飭令直隸河間府同知濮城。俸滿通判
錫謙。布政司庫大使楊炳。馳驛迅赴肅州。聽
候差遣。錫謙係俸滿保留之員。遇有應升應

補缺出。仍照例升補。毋庸扣除。○又諭。王麟泰。塔爾巴哈台所屬霍博克賽里土爾扈特親王。翰克濟爾噶勒。遣其弟。台吉索諾木多布濟。帶領官兵一千員名。前來伊犁。現在毋庸前往。業經起程。旋回遊牧。所有已給之一箇月鹽菜銀兩。二十日口糧。俱請全行賞給。免其找繳。所辦是。即著作正開銷。彙造冊報部。○諭軍機大臣等。阮元等奏越南國王咨稱。內地縣官擅拏夷目。委查並非彼境。應

中書奏

十六

行照會該國一摺。雲南建水縣之禮社江以外。已發河以內。六猛地方。自國初以來。投誠內附。久隸版圖。乾隆年間。安南國王屢次以申畫疆界為詞。均經駁斥。嘉慶年間。越南國鎮目傳詞各猛。意圖越占。復經奏明駁斥。並將各猛各寨開寫清單。照會該國。恪守舊規。茲該國來咨。一稱刁國麟被拏監斃。一稱刁政定等在昭晉州被拏。據該督等查明係內地所轄各猛。應行治罪及拘訊之人。該國伴

為不知。干預查問。自係故智復萌。先行嘗試。以為單占猛地之端。內地與外夷毗連地方。界畫分明。絲毫不得越占。越猛。賴等六處。久歸內地管轄。納糧請襲。且有土練兵丁數千。安設多年。豈容該國妄生覬覦。借名單占。該督等擬錄敘舊案。行文曉諭。直斥其非。必應如此辦理。著即將乾隆嘉慶年間疊次舊案。詳晰行知該國王。曉以大義。諭令懍遵舊規。不得攙越滋釁。邊圉交界。最為緊要。該督等務

中書奏

十五

當嚴行檄諭。俾知恪守界址。斷不可令外夷妄啟冀倖。有違天朝體制。至內地與該國接壤處所。遇有查拏人犯。誠恐書役等藉端騷擾。不可不隨時約束。此係內地應行查禁之事。嗣後著嚴飭所屬。凡遇傳提人證。務當指實確查。秋毫無犯。倘有意滋擾。激成事端。以致生釁外夷。必當從重治罪。決不寬貸。將此諭令知之。○又諭。據慶保等奏。查有暎咭喇國大班盼啞。攜帶番婦來至省城。到公司夷

館居住。又該夷商由船登岸。坐轎進館。並因訛言有派兵圍逐之說。心懷疑畏。通信黃埔灣泊各夷船。令水手百餘人。乘夜將礮位數座。及鳥槍等件。收藏艙內。偷運省城夷館。經慶保等密飭文武員弁留心防範彈壓。該夷等業將鳥槍搬去。水手散回。其礮位尚藏放夷館門內。並免洋商代求稍寬時日。再令番婦回澳。現在嚴飭速將番婦押往澳門。礮位運回各船。妥為辦理等語。向例番婦不准來

宣宗實錄

六

省居住。夷商不准坐轎進館。其攜帶鳥槍礮位。止係外洋備防賊盜。尤不得私運進城。今該夷等擅違舊制。慶保等務當嚴切曉諭。令其遵守舊章。嗣後不得稍有違犯。致干禁令。儻仍敢延抗。即當設法驅逐。示以創懲。亦不可稍存遷就。總須酌籌妥辦。於懷柔外夷之中。仍不失天朝體制。方為至善。將此諭知慶保。李鴻賓。朱桂楨。並傳諭中。祥知之。○又諭。本日據壁昌等奏。葉爾羌境內。並無布魯特

宣宗實錄

六

安集延之人。祇有賊目庫爾班素皮察克。約霍普黑色木阿渾三名。勾結情蘭回子七八百名。煽惑搶劫。朝聚暮逃。出沒無定。並未敢逼近城池。已咨商容安。先發馬步官兵二千名。兩路夾攻。應用糧餉。業經備辦。又據舒倫保奏。和闐合境兵回安靜。各等語。葉爾羌僅有賊目三名。止須官兵二千。即可廓清臺路。乃容安聞有賊目。即稱勢甚猖獗。坐擁重兵。虛糜糧餉。遷延觀望。畏縮不前。轉令派往之兵。由和闐無賊之處進發。容安無謀無勇。喪盡天良。可惡可恨。昨已有旨。將容安拏問。並令長齡派員押解來京。本日又明降諭旨。令將容安交長清看守。將此由六百里諭令知之。○又諭。玉麟奏。敬陳感悚下忱一摺。所稱該逆回捻。知伊犂有備。不敢覬覦。汰劣克等極意說為恭順。使扎隆阿深信不疑。乘其不防。猝馬入犯。賊情狡獪。兵多則遁。兵去復來。實不值以么麼小醜。頻勞國家紀律之師。又

不值以腹地脂膏。屢供戈壁馳驅之用等語。所論均是。該將軍前與容安奏請由伊犁分投進剿。經朕詳細批示。今該將軍自知陳奏失當。朕想大半係容安之意。玉麟太無剛決也。現在南路軍情緊急。屢次催令進剿。伊犁等處官兵均到阿克蘇。乃容安遷延觀望。總未前進。自伊犁發兵之時。若祇派領隊三人。早當集事。朕料及容安必不可靠。所以疊降令伊犁回來京之旨。今果何如。至另片奏接

甲寅八月二十八

卡

准長清等咨照。奏請暫留容安帶兵之信。囑令照辦等語。前次令容安折回伊犁。雖為地方緊要。其實非也。正欲及早離調。此無謀無勇之物耳。今伊犁前去玉麟之過也。今該將軍以南路軍行喫緊之時。札知容安專心帶兵。趕赴葉爾羌。掃除逆匪。乘勢長驅。為喀什噶爾解圍之計。該將軍如是想。朕亦如是想。孰知容安行為反是。昨已將其革職拿問。令長齡派員押解來京。今復降旨令其暫留阿克

蘇。交長清看守。聽候諭旨。所有伊犁地方。該將軍務當督率員弁。添派官兵。小心防守。周密巡查。毋稍疏懈。以副委任。將此由五百里諭令知之。○又諭。據壁昌等奏。阿布都爾滿差派回子探稟。有被脅逃回之小回子。口稱葉爾羌境內賊匪。並無布魯特安集延之人。惟有賊目三名。庫爾班素皮察克。約霍普黑色木阿渾。均係上次從逆逃往霍罕之人。今復進卡勾結情。蘭回子。在各莊惑眾。強驅本地回子。朝聚暮逃。因勾結不固。在各莊劫擄出沒不定。雖不敢逼近漢城。常來回城滋擾。經回子等放槍擊退。保守城池。現在兵少回怯。不能遠出追捕。如大兵速到。不難剿除。已咨商容安。先發馬步官兵二千名前來。先清各莊之賊。若能兩路夾攻。打通葉爾羌臺路。以會大兵。喀什噶爾。英吉沙爾。賊眾聞知。自必不敢東擾。至所需糧餉。現已趕緊備辦。足敷供用等語。葉爾羌境內。並無布魯特安集

甲寅八月二十八

三

廷之人。祇有賊目庫爾班素皮察克等煽惑勾結。回眾並未全行從逆。不過情蘭回子數百名。截路搶擄。此等賊匪。若大兵早到。何難即時撲滅。該大臣只稱先發馬步官兵二千名。即可廓清臺路。而容安坐擁八九千重兵。不敢前進。反向無賊之和闐進發。可鄙可恨。難以言喻。其罪實無可逭。昨已降旨拏問。並諭令哈豐阿等飛速進兵救援。自可由葉爾羌前進。以解喀什噶爾英吉沙爾二城之圍。

宣宗實錄卷一百二十八

三

誠端此時當已接奉前旨。赴阿克蘇辦理糧務。壁昌常豐務當激勵兵回。固守城池。並即速行各催哈豐阿等。趕緊督兵前進。毋致再有遲延。以期殲除逆孽。尅日歲功。將此由六百里諭令知之。○又諭本日據舒倫保奏。和闐六城回子。尚屬安靜。並無賊匪竄入。現在各路援兵已陸續抵阿克蘇。疊經降旨飭令進剿。和闐境內。亦屬緊要。前諭誠端由葉爾羌迅赴阿克蘇。經理軍行糧餉。該處祇有舒

倫保一人督率守護。務期益加慎密。小心防範。毋得稍有疏懈。將此諭令知之。○又諭前兩次降旨。飭令琦善於四川省官兵內。挑選精練六千名。迅赴肅州。所有先調之官兵三千名。已據該督具奏於省城各標營及川北松潘重慶建昌各鎮並永寧營屬。如數挑派分六起前進。此時自己陸續起程。著飭令帶兵各員迅速催趲行走。其續調之官兵三千名。亦據該督片奏。如數挑派。分起委員管帶。

宣宗實錄卷一百二十八

三

現在各路調派官兵。已數勦捕。該處續調之三千名。著暫緩起程。令在各該營豫備調遣。如業經起程。即迅速行知帶兵各員。飭令兵丁各折回原營。聽候諭旨。將此由五百里諭令知之。○以葉爾羌辦事大臣壁昌為鑲黃旗漢軍副都統。○鑄給湖南沅州協中軍都司關防。是州守備條記。從總督嵩孚請也。○

己酉。

上詣

時應宮拈香。○諭內閣。余步雲由驛馳遞一摺。據奏因聞喀什噶爾有賊匪入卡滋事。請帶兵前往協剿等語。此次派員馳赴回疆。勦辦逆匪。如欲令該提督前赴軍營。自必早降諭旨。原因黔省距彼道途遙遠。且苗疆緊要。是以未經派往。乃該提督輒擅行由驛奏請。妄希差委。實屬冒昧。姑念其究係武職。且上次曾效力回疆。與伊里布之無因瀆請者有間。余步雲著交部議處。嵩溥率為代發驛遞。

實錄卷一百一十八

五

亦屬不合。著交部察議。○諭軍機大臣等。據鍾昌等奏查覆湖北各員一摺。並片一件。覽奏均悉。惟原奏內稱該督懶於見官一節。未據該侍郎等聲覆。總督接見官員與否。係眾所共知。共聞之事。不難訪查得實。究竟該督如何懶於見官情形。著鍾昌等據實詳悉覆奏。毋得稍有含混。將此諭令知之。尋奏。前經訪察該督實無懶於見官之事。一時疏忽。遺漏聲敘。據實覆奏。報聞。○庚戌。參贊大臣哈

琅阿奏報出關日期。得旨。斷不可似容安之無謀無勇。畏葸不前。長齡未到之前。一切機宜。務要與楊芳和衷商議辦理。勉之慎之。○賞紫禁城內進班護軍等銀。○展八旗兵丁應扣借支庫銀限期兩月。○辛亥。

上御懋勤殿。勾到朝審情實罪犯。停決官犯一人。斬犯三人。絞犯三人。餘十六人予勾。○諭內閣。理藩院奏黑龍江將軍請將獲解布噶爾回子二名。暫交刑部監禁。俟勘定安集延

實錄卷一百一十八

五

賊匪。再解喀什噶爾辦理一摺。布噶爾回子阿敏。阿布都爾錫特。著毋庸交刑部監禁。即由兵部遞解哈密。交松廷等暫行看守。俟勘定安集延賊匪。再行照例解往喀什噶爾。就近訊明。儻無別情。即照從前辦理。遇便解送布噶爾。○又諭。御史王瑋慶奏京察屆期。請將不勝外任改補京職。及撤回原衙門行走人員。嚴行甄別一摺。各部院政務殷繁。必藉明幹勤慎司員。方資襄理。如有不能稱職。或

始勤終怠。多一冗員。即曠一庶政。該堂官即當隨時嚴覈。原不必論何項人員。待至京察之年。始行甄別。如該御史所奏。不勝外任人員。刑部尤多。並未隨時澄汰。且有撤回原衙門之年力就衰者。濫廁其間。難望其精神振作。勤奮趨公。刑部如此。恐各衙門亦復不免。著通諭各部院堂官。恪遵疊次所降諭旨。隨時察看。不必拘定此項改補撤回人員。但有衰庸不職者。即加甄別。毋得稍事姑容。以昭

宣宗實錄

卷一七八

覈實。至該御史請將前項人員內尚堪留任者。各堂官出具考語。另為一冊咨送吏部之處。著毋庸議。○又諭。御史徐培深奏。請飭禁私錢一摺。私鑄例禁甚嚴。自應隨時懲辦。如該御史所奏。黔省地方。離州縣稍遠處所。往往設鑪私鑄。成色甚低。又銷燬官錢。攬入鉛沙。並有二黃三毛等名目。每文重不過四分。每千值銀三錢六七分不等。始則攬入官錢。繼則公然行使。私錢既多。官錢價值亦不能

獨昂。病兵而又病民。地方官支放工食。雇備夫役。多係發給錢文。利其以銀易錢。所省甚多。因而聽其行使。以圖自便。關隘處所。亦不實力盤查。偶有拏獲。輒以充公。銷變為詞。錢則官自行使。犯則任其逃逸。是該地方官任令行使小錢。以致私鑄充斥。實屬大干例禁。著貴州巡撫認真訪查。如有前項情弊。即嚴行究辦。黔省如此。他省恐亦不免。並著各直省督撫一體飭屬查禁。毋得稍有懈弛。責成

宣宗實錄

卷一七八

各州縣隨時訪拏究辦。並於年終出具境內並無私鑄及行使小錢印結。詳報督撫。督撫於年終具奏一次。毋得視為具文。以肅錢法。○又諭。阮元奏。審擬貴州鎮遠鎮標左營遊擊石鑑稟控總兵孔廣源各款一摺。此案鎮遠鎮總兵孔廣源乘坐兜轎。雖因傷發暫坐。但任聽兵丁受雇應役。不為禁阻。實屬違例。應行革職。姑念其在川楚陝甘出兵打仗一百三十餘次。身受多傷。著加恩以原品頂翎

勒令休致。遊擊石鑑原控孔廣源役兵坐轎。支發弁兵進京之費。審係屬實。即攤扣餉銀。係為兵丁差使幫貼。所控亦屬有因。其續稟各款。悉屬原控所無。應免置議。惟令兵丁唱曲。有玷官箴。著即革職。前署鎮遠中軍遊擊准補都勻協都司都隆阿。經手糧餉公款。訛無弊混。其所覆石鑑書函。亦無不合。即飭令回任。○以貴州清江協副將孫掄元為鎮遠鎮總兵官。○壬子。諭內閣。昨日理藩院奏。訊

清實錄

卷八

辦布噶爾回子阿敏。阿布都爾錫特等一摺。侍郎容照並未列銜。當令軍機大臣傳詢。據容照稱。因與富俊等意見不符。是以未經列銜等語。容照身任侍郎。於辦理布噶爾回子一事。如與富俊等兩議。即應另陳己見。奏明請旨。乃摺內既不列銜。又未將意見不符之處。另行具奏。殊屬不合。容照著交部議處。○諭軍機大臣等。前降旨將富呢揚阿補授浙江巡撫。今有另行差委之處。不能即時赴任。

浙江巡撫。現係慶善護理。為日較久。著孫爾準察看慶善能否勝任。據實由驛具奏。將此諭令知之。○又諭。前因伊犁烏嚕木齊土爾扈特各路官兵全抵阿克蘇。容安等畏縮遷延。其派往之兵。轉令由和闐無賊之處進發。業經降旨將容安革職拿問。並將長清哈豐阿交部嚴加議處。現在喀什噶爾英吉沙爾二城待援甚亟。葉爾羌有賊。目庫爾班素皮察克等勾結情蘭回子。煽惑搶劫。雖不敢逼

清實錄

卷九

近漢城。常至回城滋擾。該處兵少回怯。不能遠出追捕。必須迅速統領大兵前往剿捕。胡超此時計已行抵阿克蘇。所有軍糧。長清自己豫備齊全。著將所帶甘肅官兵。迅即進剿。楊芳前奏。十一月初旬可到阿克蘇。並著即將容安派出由和闐進發。及留防阿克蘇烏什各官兵。全行帶往。相繼而進。哈琅阿想亦隨後趕到。亦著加緊前行。設法追剿。不可稍停。前此所調陝甘官兵。已據楊遇春疊次奏

報出關。四川官兵三千。亦據琦善奏報分起前進。吉林官兵。已於十月十九日由京全數起程。黑龍江官兵。此數日內亦可全數由京前進。計不日均可陸續趕到。足敷分剿防堵之用。該大臣等接奉此旨。務即迅速進發。如葉爾羌事機順利。早已廓清臺路。即長驅直入。進救喀什噶爾。英吉沙爾。務將二城之圍速解。並將逆孽設法擒捕。剋日蕞功。斷不可稍有遲誤。如容安之無謀無勇。畏葸不前。致失事機。身蹈重咎也。將此由六百里加緊各諭令知之。○轉兵部右侍郎賈允升。為左侍郎。以內閣學士張麟。為兵部右侍郎。○命浙江巡撫富呢揚阿。來京。○以福建噶瑪蘭挖獲要犯。賞出力匠首楊得豐。九品頂帶。○予故兵部左侍郎蔣攸銛。祭葬如尚書例。○戶部議准。熱河都統裕恩疏報。承德府潘家口外壅種煙子峪淤出地七十三畝。有奇。照例升科。從之。○癸丑。

上詣

皇太后宮問安。○諭軍機大臣等。前因喀什噶爾自八月十三日發報後。續未得有確信。降旨令常德等派人由草路密赴該處偵探情形。茲據奏。阿奇木伯克木薩差金頂莫洛胡魯板託胡達會同托依莫特。差派布魯特薩底爾前往。行抵巴爾昌卡倫。見有安集延賊目瑪克素特。在彼把守。止准布魯特薩底爾進卡。旋據報稱。喀什噶爾英吉沙爾二城。現仍被圍。聽說扎參贊等俱在喀什噶爾城內。守禦甚嚴。該逆愛散等。糾約阿坦台之叔巴依別格什。引水灌入城壕。不意數日後衝開決口。水歸大河。於城垣毫無傷損。該逆等被城上槍礮打斃數十名。又聞說霍罕伯克遣人送來一千駱駝。馱載皮襖。散給眾賊。囑令愛散明伯克木薩胡什伯克等。上緊設計攻城。到明春霍罕伯克自必率眾親來接應。並聞喀什噶爾黑帽回子有一千多人。在城內

隨同防守。其餘逃避遠莊。並未助逆。白帽回子。及情蘭回眾。俱附和安集延。從逆布魯特等。到處搶擄。掳取財物等語。喀什噶爾英吉沙爾。二城尚在固守。前已降旨。令該將軍飛咨哈豐阿等。迅速進兵援應。毋得片刻遲留。現據薩底爾探聞。霍罕伯克。有明春率眾親來接應之說。所言亦未必確。逆夷狡獪百端。自必慮及我兵馳往勦援。不敢遽行進卡。但必須設法誘之使來。或揚言並無大兵前往。

增集卷一百一十八

卷二

祇係口外就近所調。兵力無多。庶該逆夷欲圖乘虛而入。即可內外夾擊。一鼓殲擒。實為以逸待勞之上策。長齡當悉心籌畫。善謀制勝。以期邊圉肅清。永除外患。將此由五百里諭令知之。○又諭。常德等奏。偵探喀什噶爾賊勢情形。並烏什夷回安靜一摺。此時援勦征兵陸續前進。若到葉爾羌。可以長驅直入。則圍城無難立解。至逆夷狡獪百端。續行探得確實情形。著即據實具奏。烏什夷回及卡

外附近各布魯特。現尚安靜。並極恭順。該大臣等總當悉心撫馭。加意巡防。毋稍疏懈。又據另片奏。接准容安等撥派滿洲官兵五百員。名前赴烏什。著該大臣等察看情形。如必須添兵防守。即留於該處交常德統領調度。若可無需。著俟哈喇阿過烏什時。即將此項官兵交付管帶。以資進勦之用。將此由五百里諭令知之。○以撫卹西藏番民妥協。賞四品番目仔琿補許巴。三品頂帶。○甲寅。

增集卷一百一十八

卷二

上詣

壽皇殿行禮。

關帝廟拈香。○諭軍機大臣等。據長清奏。阿克蘇大兵雲集。接濟軍糧。在在需用腳力。現在就地派員雇覓商民。回子駝一千九百二十五隻。車八十輛。馬牛驢二千五百匹。隻。駝駝駝。再無可設之法。內除撥給伊犁官兵駝駝軍伙器械裹帶口糧。駝一千一百八十隻。馬二百匹外。其餘備應隨營後路駝駝載

糧料等項。腳力尚在不敷。若口內官兵前來更屬掣肘。至採買回子糧麪料豆馬匹。並未發給價銀。又供支官兵鹽菜車駝腳費。兌匯商民。並阿奇木伯克愛瑪特墊辦銀兩。統俟甘肅撥解軍餉銀兩到日。即將先後兌匯墊辦銀兩。如數發還。請旨飭催等語。阿克蘇為進兵總匯之區。現在接濟後路需用糧餉駝隻。最關緊要。據長清奏該處籌辦一切實形拮据。除另降諭旨令成格將所運軍糧照上

中華書局影印

三

屆成案辦理。迅即撥解駝隻外。所有山西等處雇備駝隻。疊據阿克勒清阿等具奏。備辦齊全。此時自己分起解往。著楊遇春等逐站嚴催。飭令加緊過行。解赴阿克蘇。毋得稍有遲誤。至該處所需餉銀。疊經降旨諭令楊遇春等迅速撥解。茲據長清奏需餉甚急。著即將該處前調餉銀。寬為籌畫。趕緊派員押運前往。以資急需。將此由五百里諭令知之。○又諭長清奏請趕緊籌撥糧餉駝隻。以資後路

急需一摺。據稱現在官兵起程進援。必須軍行糧隨。烏魯木齊撥運阿克蘇軍糧。接准來咨。雖有起運日期。至今總未運到。其駝腳一項。需用尤為浩繁。雖據成格奏稱。該處已收阿克蘇旋回駝一千七百隻。分撥各城。第此項駝隻。係南路各城商民販貨之駝。於軍興之前。旋回烏魯木齊。並非阿克蘇所雇回子駝隻。復准成格信稱。該處撥給烏魯木齊征兵駝運軍裝駝一千餘隻。車一百五十輛。直運至阿克蘇。今將此項車駝截留需用。查該官兵等既抵阿克蘇。仍須駝運軍裝前進。不惟不能將此項車駝截留。如有疲乏。尤須另為籌換。俾得速進。該大臣已就地雇覓商民回子駝一千九百餘隻。車八十輛。馬牛驢二千五百匹隻。除撥給伊犁官兵駝載駝一千八百餘隻。馬二百匹外。其餘備應隨營後路駝載糧料等項。腳力尚在不敷。若口內官兵前來更屬掣肘等語。現在軍行糧餉腳力需

用甚亟。著成格即將所運軍糧照依上屆成案辦理。並遵前旨迅速撥解駝隻前往。以資後路滾運。毋致貽誤急需。將此由五百里諭令知之。○以甘肅寧夏滿洲營糧料不敷。命加買二萬七千二百三十石。○緩徵甘肅皋蘭安定會寧貴德碾伯中衛金固原寧夏寧朔靈清水涇崇信十四廳州縣被雹被水被霜災民本年額賦。並供辦兵差之河狄道渭源靖遠隴西寧遠伏羌通渭岷西和洮州平涼靜寧隆德華亭鹽茶。○寧正寧合水環撫彝張掖山丹莊浪武威永昌鎮番古浪平番平羅循化丹噶爾。○燕戎格西寧大通秦泰安禮徽兩當階文成靈臺鎮原肅高臺安西敦煌玉門五十二廳州縣及東樂紅水隴西莊浪毛目縣丞花馬池西固王子莊州同沙泥三岔州判所屬九處積欠銀糧。貸皋蘭金寧遠安定秦安清水禮徽涇鎮原十一州縣貧民口糧銀兩有差。○是月。署陝甘總督

鄂山奏。此次安集延等逆回勾結侵犯。勢同搶掠。一聞大兵雲集。自必遠竄卡外。四城立就廓清。惟四城卡倫開齊數十處。在在與布魯特相通。防守實難周密。竊慮兵到賊遁。兵撤賊來。萬無重兵久戍。任其牽制之理。若大舉深入。則安集延布魯特等。不過犬羊之類。與西寧松潘番族相等。夷其族不足為武。得其地亦不能耕。又不值糜餉勞師。以國家有用之經費。用之於無益之荒陬。為今之計。莫若將喀什噶爾英吉沙爾葉爾羌和闐等城。倣照各省土司之例。於各城阿奇木伯克中。擇其世著忠勤。並力能約束回眾者。令其分隸西四城。各守疆圉。該阿奇木伯克希圖世守其地。自必勉力保護。以防外夷侵欺。而我兵可以以逸待勞。卡外逆回。庶無所逞其伎倆。得旨。大旨甚是。應細心商酌。未盡之意甚多。

司主事鮑俊等押送馮縣丞處。詳明本縣。古聘坡旋即因傷身死。古滄坡因傷毒斃命。去年伊與古煥道疊次上控。均批交本縣。七月間鮑仰聘又率領鮑仁挺等。攔路用刀扎傷伊堂兄古清坡。搶去銀兩等物。並勾串主事鮑俊。倚恃熟識衙門。賄通吏役。以致案懸二載未結等語。古俸坡等所控鮑仰聘率眾持械將古聘坡。古滄坡。扎傷致斃。何以鮑仰聘串通刑部主事鮑俊。赴官囑託。即不傳審。如果屬實。殊屬大干法紀。著朱桂楨督同臬司程喬采嚴審確情。如該主事實有干預公事。賄通吏役情弊。及該地方官聽囑偏袒。並不秉公究辦。著一併據實嚴叅。毋稍徇隱。將此諭知朱桂楨。並傳諭程喬采知之。○又諭據

王麟奏。近日南路情形。檄催帶兵各員進剿。並籌辦糧石駝隻事宜。此次伊犁官兵民勇四千五百名。馳抵阿克蘇。軍行迅速。皆由該將軍調度有方。深堪嘉獎。惜容安坐擁重兵。

觀望不前。置危城於度外。喪盡天良。朕之所恨者在此。已降旨將其革職。拏問。留於阿克蘇。交長清看守。據該將軍奏稱容安因奉有折回伊犁之命。不敢前進。容安係九月十二日抵阿克蘇。彼時尚未接奉飭回本任之旨。乃先據奏不敢冒昧前進。俟烏嚕木齊等處官兵到時。酌留分撥烏什阿克蘇防守。再行分隊進剿。嗣又奏稱哈豐阿。孝順岱。於十月初六日帶兵先赴和闐。察看情形。再行進發。

試思和闐並無賊匪。以有用之兵。不徑行葉爾羌大路。轉於無賊之處繞路前行。似此調度乖方。畏葸無能。豈能勝統兵重任。朕早料其必誤大事。是以疊降回任來京之旨。今據該將軍奏。喀什噶爾。英吉沙爾。賊勢尚單。盼望援兵甚亟。葉爾羌咨令撥兵二千名。由和闐草路前往。帶兵人員。自應通盤籌畫。乘此機宜。迅由大路直援葉爾羌。則已被圍困之二城。自易救解。今迂道和闐繞赴葉爾羌。計

到彼須在一月以後。萬一西二城日久不能支持。賊眾蟻聚東趨。恐哈豐阿等一隊單軍。未必即能得力。況烏什。阿克蘇。安靜如常。額爾古倫。貴成等。到阿克蘇已逾匝月。該處現集之兵。不下萬餘人。何以多留防兵。坐糜糧餉。實屬非計。該將軍所見。悉協機宜。與朕意相符。萬里同心。不謀而合。前此朕將玉麟簡放伊犁將軍。因其在軍機大臣上行走有年。且諳悉回疆情形。是以畀此重任。茲覽所奏。

深愜朕懷。著發去人蔘四兩。賞給玉麟。俾資調攝。該將軍當加意保養。長為國家宣力。渥受朕恩。以副厚望。至所稱詳察現時賊勢。有三萬兵力。已足勦辦。或將續調之四川兵三千名。及楊遇春請添派之陝甘兵內。酌留暫停。作為備用。亦與朕所見相同。所有楊遇春請續調官兵。已於九月二十六日降旨。將西安等滿洲營兵一千三百名。停其調派。其陝甘各營兵九千五百名。亦令折回原營。聽候

長齡酌量奏調。又於十月二十四日。諭令琦善將續調四川兵三千名。俱折回原營。聽候諭旨。採買糧石一節。前於九月初十日降旨。令各歸各城辦理。並令長清常格薩迎阿等。於阿克蘇附近各城。豫行採買。毋誤兵食。此次各該處回眾效順。急公自宜。妥為勸諭。斷不可勉強苛派。致滋擾累。其駝隻一項。業於九月十二二十等日。諭令成格等趕緊雇覓車駝。以供輓運。並按城均散。不得攬越過站。

其內地應備駝隻。曾於九月十四日。分飭山西陝西各該撫。照上屆之例。趕緊籌辦。旋據阿勒清阿等先後奏報。已經備齊。分起解往。以期源源接濟。毋致有誤軍行。又另片奏。將伊犁廢員分別差委等語。回疆地方。辦理漢字文案者較少。自不能不酌量派調。惟將來事竣。斷不准濫行續請。妄冀恩施。將此由五百里諭令知之。○予伊犁解送烏魯木齊牛馬官員議敘。賞兵丁一月鹽菜銀。○以河南

安陽臨漳武安三縣地震災重命發倉穀設廠資賑緩徵武陟縣蠲荒地畝新舊額賦○丙辰諭內閣御史達鏞奏不入秋審人犯辦理留養請飭詳查以杜朦混一摺向例問擬死罪以下等犯若非常赦不原者律准存留養親原係法外施仁內外問刑衙門均應詳細查覈不容稍有冒捏上年因廣東省秋審人犯林一潰等捏報留養降旨通飭各督撫督同臬司於秋審時親提研鞫嗣後自不至仍前朦混假捏惟此外尚有問擬絞罪不入秋審隨案聲請留養及問擬軍流徒罪留養各犯若不嚴加查覈不惟鄰族屍親多有賄囑情弊且恐地方官因案情未確慮及招解翻供藉此開脫增減於全案虛實關繫非輕若如該御史所奏外省此等案件該管上司因族鄰人等向不申解亦從不行提一經地方官詳報即循例申轉有准無駁殊非矜恤庶獄之意著通諭各直省督撫嗣後此項留

養人犯例由道府直隸州審轉者即責成該管道府直隸州於解審時摘傳緊要人證再加研訊必實係親老丁單及孀婦獨子取具切實供結加結呈送方准查辦不得稍涉顛預率行照轉俾昭詳慎而杜冒捏○又諭據御史達鏞奏宗人府帶領引見工部宗室員外郎一缺擬陪人員係現任筆帖式候缺主事宗室煥誠該員未補本班驟令擬陪請旨飭查又宗室應選主事向以七缺為一班該員於道光元年查辦廢員案內以主事用迄今十年尚未到班恐該衙門將該員應得之缺遺漏於前而以前不應得之缺遷就於後等語著宗人府明白回奏尋奏煥誠補用主事係五缺後選用班次應比較各項五缺後到班人員奉旨日期先後補用今出工部宗室員外郎缺係論俸推升之缺是以照定例將該員論俸推升惟衙門並未辦有成案咨查吏部據覆稱煥誠由副理事官因事降至從

六品以七品筆帖式借補。食六品俸。與六品人員一體論俸升用。覈與本部滿洲之例相符。再該員奉旨以主事用。其筆帖式並未開缺。自應以借補筆帖式之日起。按俸次先後升用等語。因將俸次第二之食六品俸七品筆帖式煥誠擬陪。據實陳奏。報聞。○諭軍機大臣等。給事中陶廷杰奏。邊境民籍改撥謬誤。請旨飭查一摺。據稱湖南與貴州接壤。自嘉慶二十三年。以芷江縣六里地方。新設晃

州直隸廳。查有冒籍貴州者。奉准撥歸晃州廳原籍。時貴州之思州等府青谿等縣查實係湖南冒籍者。已移撥四十餘人。迨嘉慶二十五年。晃州通判俞克振。欲將冒籍思州之鄧姓一族。改歸晃州。並稱各姓冒籍。亦皆應行查撥。經湖南巡撫奏明。將鄧姓一族及各姓冒籍貴州中式報捐。凡現居廳治者。無論年分久暫。皆撥歸晃州廳原籍管理。俞克振不行查明。牽指思州府青谿等縣。銅仁府銅

仁縣。胡楊等姓十八族。舉貢生監職員。共一百一十餘人。捏稱各姓田園廬墓。皆在晃州。詳請湖南巡撫咨部。其實確在晃州者。不過十分之三。其中錯誤不一而足。各姓因指撥多謬。紛紛呈請更正。內有經貴州學政咨部。仍改回黔省者。其餘各姓。仍復呈控不已。道光七年。兩省委員會勘時。湖南巡撫因與從前咨部之案不符。不肯會咨貴州。獨咨禮部。請示。部覆概歸晃州廳管理。各姓既不甘隸

籍隔省。又不獲生安本籍。請旨飭查等語。湖南晃州廳屬所撥貴州各姓。若果如該給事中所奏。禮部之准撥。由湖南巡撫之誤咨。通判俞克振之混指。必應查明更正。著程祖洛。嵩溥各派公正大員。確切查明。據實具奏。將此各諭令知之。○旌表守正捐軀雲南南寧縣民秦潮謨妻黃氏。○丁巳。諭內閣。前據參贊大臣車林多爾濟等奏。聞得逆回安集延。布魯特等滋事。即同扎薩克圖汗賽因諾顏

二部落汗王呼圖克圖等恭進駝馬具見誠
惻當經降旨諭令毋庸豫備馬匹惟將駝隻
解往古城牧放本日總督楊遇春奏此項駝
隻尚有用處即照該汗王等所請將所進駝
隻全行賞收加恩賞給車林多爾濟玉銅管
一箇玉搬指一箇大荷包一對小荷包四箇
扎薩克圖汗賽因諾顏二部落汗王貝勒貝
子公扎薩克台吉等均著交理藩院分別議
敘額爾德尼班第達呼圖克圖羅布桑齊旺
扎布楚克等俱著分別賞給緞匹所賞緞匹
數目開單交彥德等由該處庫內動支賞給
○又諭前因七品以下人員違例借用素金
帽頂經大學士九卿議定章程降旨嚴申例
禁茲據給事中陶廷杰奏違例借用者現尚
不免朝廷制用頂帶章別等威何得濫行僭
越況經降旨申諭並責成科道等據實糾參
豈容視為具文不加察劾朕思吏部月選官
驗看時每次遴派各部堂官八員科道各四

員其驗看官內有八九品未入流等項人員
如違用素金頂者著即指名嚴參嗣後若再
有七品以下人員僭用素金帽頂者併著科
道等隨時糾參按律懲處以重名器○又諭
前因戶部捐納房貼寫蔡繩祖等私辦假照
特派大臣等究出首要各犯將已獲之蔡繩
祖龐璣任松字劉東昇賞淳五犯先後正法
並將失察之歷任堂司各員分別懲處惟捐
納房司員稽察書吏較為切近職守尤專如
果認真查覈燭破弊端何至該犯等藐法作
奸肆行無忌釀成大案乃該司員等於蔡繩
祖等舞弊多年毫無覺察實屬相率因循漫
不經心其以假貢監職銜加捐各項承辦司
員並不將稿件照簿庫收一併詳覈率行批
符其咎尤重從前嘉慶十四年冒領庫項之
案司員內有從重發遣者此項司員免其援
照前案概行遣戍僅予革職已屬格外從寬
但將來該革員等及降調各員或希圖捐復

為進用地步。若將力能措資者准其捐復。其無力者仍不能起復。既無以示懲。亦不足以昭平允。所有前經革職之陸以烜。慶錫馬洲。董基誠。陸蔭奎。潘標。六人。俱著永不敘用。其餘降調各員。均著於補官後停其升轉。以示朕秉公執法。覈實持平之意。○又諭陶澍等奏。江西贛州府屬興國縣。係行銷粵鹽。與例銷淮鹽之萬安縣。地屬毗連。其粵省潮橋等私鹽。皆由興國旱路直侵萬安泰和廬陵各縣等語。前因江西省行銷淮鹽之贛縣所屬攸鎮地方。與粵省引地連界。曾降旨令李鴻賓委員會同江西該管道府勘丈定界。茲據奏。陸路引地亦屬毗連。著李鴻賓。吳光燾。即各派委公正大員。於勘丈攸鎮水路地界之便。並將興國縣至萬安地界。一併勘丈明確。務令水陸兩路淮粵界限清楚。以杜侵越。○又諭鍾靈奏。請革除積弊。裁節浮費。及勒限追還商借。並僉充總商等語。兩淮鹽務疲敝。

自應逐漸清釐。茲據該鹽政查明。每綱鹽引不能全清。則應徵之數。不能足額。凡遇撥解緊餉。或趕辦奏銷。輒令商人趕課。名為豫納。減納。由庫內加以貼息貼色。並有外支雜項。浮費繁多。以致庫貯墊占日多。應解應支各項。俱無以應支解。自係實在情形。著照所請。將豫納減納貼息貼色等事。永遠禁革。其外支雜項。辦貢辦公各浮費。大加裁節。定以准數支發。不准逾額。再商借各款。應即分定限期。勒令繳還。如有違延。或繳不足數。按名查抄治罪。並查明殷實誠練之商。奏僉充總辦。運。以期清釐庫貯。整復舊規。○諭軍機大臣等。楊遇春等奏。豫籌續撥餉銀一摺。已降旨交戶部速議籌撥矣。至另摺奏續調官兵。現經停止。前奏雇辦駝三萬四千餘隻。無須再議。增添已降旨令史譜查明陝西雇備駝隻。如已足二千之數。即行停止。俟將來甘肅駝隻。僅有不敷。或添調官兵。再行雇備。以節糜費。

費。又另片奏。扎薩克愛曼所進駝隻。現在需用。已另降清字諭旨賞收。加以賞賚。並諭令成格俟此項駝隻解至烏魯木齊收驗後。將烏魯木齊已收若干。內地即可少購若干。飛咨該督等查照辦理。至阿克蘇設立軍需局。前已降旨派誠端馳往經理。該處並有長清在彼。已不乏人。潼商道慶祿著毋庸前往督辦。漢中府知府雲麟。前此鄂山奏調時。因該員署理西安府。未令前往。旋諭令鄂山酌量。

如西安府有人接署。即令雲麟前赴甘肅。茲據楊遇春等奏。西安府已委員接署。雲麟現抵甘肅。著准其留於該處差委。將此諭令知之。○又諭。前據彥德等奏。扎薩克圖汗賽因諾顏愛曼。進備駝隻。已飭在古城地方牧放。當即降旨令楊遇春等通盤覈計。如需此項駝隻。准其調用。茲據楊遇春等通計軍需駝載。應需駝三萬四千餘隻。現在各處購辦。尚不足用。古城距烏魯木齊較近。此項駝隻解

往該處運糧。甚為近便。所有扎薩克愛曼所進駝隻。解到烏魯木齊時。著交成格驗收。即將所收駝隻實數。飛咨楊遇春等。該處已收若干。內地即可少購若干。以節糜費。將此由五百里諭令知之。○又諭。據楊遇春等奏。續調官兵。現經停止。前奏雇辦駝三萬四千餘隻。無須再議增添。甘肅省已雇買駝九千七十餘隻。阿拉善王進駝二千隻。代辦駝一千隻。陝西解到雇駝一千六百餘隻。山西咨會

已辦駝五千七百隻。共有駝一萬九千三百餘隻。尚短駝一萬四千七百隻。陝西雇價較昂。應儘甘肅籌辦。其陝西雇駝四千隻。請飭令雇足二千隻。暫行停止等語。陝西雇備駝隻價銀。既較甘肅昂貴。所有應雇駝隻。著該護撫查明。如已足二千之數。即行停止。將來甘肅駝隻。儻有不敷。或添調官兵。再行雇備。以節糜費。將此諭令知之。○以捐修直隸東明縣書院橋座。並鄉賢名宦祠。予知縣華濬。

紳士高峩等議敘有差○緩徵寧古塔旗民
歉收田畝積欠額賦○緩徵浙江坐落江蘇
之青村袁浦下砂頭及下砂二三等場歉收
寬戶新舊額課○戊午

上詣

皇太后宮問安○諭內閣據戶部奏前經托津
等奏審擬假照一案內四川省陳忠孝等假
銜係開聚和銀號之原任南城吏目單貞善
代捐該員供係鋪夥羅少康等經管俟訊明

另結○今又據四川總督咨覆陳心法等假照
亦係聚和銀號代辦單貞善久開銀號非偶
爾來京誤託非人者可比請飭嚴切根究並
據御史徐廣縉奏請查辦單貞善著交托津
等歸案嚴審○戶部議奏假照案內之貢監
生除業經中式鄉會試及加捐官職誥封者
應令補繳假底銀兩又假捐封典各員應令
呈繳誥軸外其餘各生凡遇肄業考試加捐
議敘事宜均令各該衙門詳查案冊真冊無

名假冊有名者一概不准至真監假貢真監
貢假職銜及廩增附武生假監貢職銜者仍
准留真底不准以假捐作底肄業考試並加
捐議敘至考試迫於期日行查恐致誤期應
一面驗照收考一面行查各該衙門詳查案
卷如查有假執照其中式者令其補繳底銀
未中式者不准再考從之○緩徵安徽貴池
青陽二縣並安慶衛被水軍民新舊額賦○
已未

上以冬至祀

天於

圓丘自是日始齋戒三日○庚申諭內閣璧昌
等奏葉爾羌賊匪復行勾結聚眾來攻回城
又經兵民回子等合力勦殺得勝一摺葉爾
羌境內賊匪復行勾結情蘭回子並在附近
驅逐本地回子搶擄馬匹據璧昌等差探有
騎馬賊匪五六百名步賊六七千人全聚東
北二十里之內亮噶爾屯紮已斷兩城臺路

經阿奇木伯克阿布都爾滿伊什罕伯克斯底克等將通大河渠道上游挖開使賊匪不能近城辦理甚為周妥十月初七日有騎馬賊匪五六十人欲撲回城經該大臣飭派即補副將任貴邦守備黃泰邵蕙王瑗把總羅延分隊迎勦壁昌自督商民三百餘人出城隨後排列調撥各隊常豐帶領城守營都司那爾扎普並滿漢印房章京筆帖式書吏等上城督辦備送鉛丸等事彼時阿布都爾滿

帶領伯克等亦皆出城分撥迎敵賊匪見官兵出隊向後招呼馬賊五六百騎步賊三千人齊撲至河沿相距隔水對放鳥槍賊竟踏水而過將及南岸任貴邦即將後隊擡礮調前連環打放賊勢稍退任貴邦奮勇當先各隊兵勇槍矛一齊趕抵北岸殺賊二百餘級破轟一百餘賊生擒三十一名見騎馬賊首先逃隨後回城中之伯克回兵並巴達克山乾竺特巴勒底等夷回馬隊二百餘匹向

北趕去亦殺傷生擒者不少阿布都爾滿即派撥步隊回子等跟追四十里之外回匪均被打散趕至賊營生擒十七名並將鍋帳旗幟等件奪獲葉爾羌屢次賊眾來攻出敵兵民僅有八百餘名以少勝眾殺賊三百餘級該大臣調度有方迎勦得力甚屬可嘉壁昌著賞給白玉鼻煙壺一箇白玉搬指一箇大荷包一對小荷包四箇仍交部從優議敘阿布都爾滿著賞給白玉鼻煙壺一箇白玉搬

指一箇大荷包一對小荷包四箇並交部從優議敘俟將來大功告成仍當渥加恩賚常豐著交部議敘任貴邦著賞給堅勇巴圖魯名號仍交部議敘把總羅延著賞加千總銜都司那爾扎普守備黃泰邵蕙王瑗均著交部議敘所有外來夷商等據該大臣等奏查其出力者加賞緞匹茶葉著將巴達克山乾竺特巴勒底等夷回查明具奏出力之兵民回子並著查明奏請恩施此次賊匪在該處

滋擾。係十月初七日。容安所帶官兵民勇。於九月十二日。已全抵阿克蘇。若彼時趕緊帶兵前進。正當壁昌等打仗之時。即可合力內外夾攻。將賊匪全數殲滅。縱值賊匪已遁。亦可跟追痛剿。則大獲勝仗。即為容安首功。試思葉爾羌迎敵之兵民回子。僅有八百餘名。帶兵將領。祇有任貴邦一人。尚能以少勝眾。足見賊眾並不猖獗。容安則統領伊犁馬隊精兵二三千名之多。而領隊協領以下等官。

夙經行陣者。又不乏人。賊眾焉能抵禦。乃容安不此之思。遷延觀望。坐失事機。不料伊無能無勇。至於此極。無福承受朕恩。朕為容安惜。更為容安恨也。○諭軍機大臣等。此次逆回滋事。朕聞起釁根由。因安集延向藉販賣各處貨物為生。霍罕亦重資其利。近來不准安集延進卡貿易。深以為恨。遂與霍罕狼狽為奸。復假王素普和卓之名。煽惑白帽回子。外勾內應。蓄謀已久。兼之阿坦白汰劣克。反

覆無常。從中圖利。勾結布魯特等助逆等情。是否如此。起釁著該將軍明查暗訪。務得確情。據實具奏。其情蘭回子。白帽回子等。安心從逆。甚屬可惡。該將軍即先行傳知哈喇阿楊芳。胡超等。一律勦洗淨盡。不可因該逆回等見大兵已到。陽為恭順。稍示姑息。務須永絕根株。以除後患。本日據壁昌等奏。十月初七日。葉爾羌賊匪復行勾結。聚眾來攻回城。經壁昌等飭令任貴邦等帶領兵勇五百名。壁昌自督商民三百餘人。阿布都爾滿帶領伯克等分撥迎剿。任貴邦奮勇當先。殺賊二百餘級。破轟一百餘賊。生擒三十一名。並有巴達克山乾竺特巴勒底等。夾回馬隊。亦擒殺不少。搶獲馬匹鳥槍。阿布都爾滿復趕至賊營。生擒十七名。搶獲鍋帳旗幟。賊勢披靡。逃竄。此次我兵以少勝多。大破賊膽。足壯聲威。業將壁昌。阿布都爾滿。任貴邦等。分別加恩賞賚矣。將此附報。便特諭長齡知之。○又

諭據常德等奏。派令阿奇木伯克木薩卡內布魯特比庫曲圭密探逆賊起釁根由。據稱安集延向藉販賣貨物為生。霍罕亦資其利。近因不准安集延進卡貿易。無以資生。深以為恨。因與霍罕狼狽為奸。兼之阿坦台汰劣克。反覆無常。從中圖利。勾結布魯特等助逆等情。現在烏什卡內夷回效力。卡外附近各布魯特。均極恭順。喀什噶爾。英吉沙爾。防守甚固。該逆等攻城不得手。肆擄財物。人心渙

軍機處

主

散。阿坦台等因卡內回子未盡從逆。早經出卡各回游牧。其餘小部落各布魯特。經噶爾察庫曲圭等剴切曉諭。率多觀望。賊勢愈感等語。覽奏均悉。烏什夷回效順。喀什噶爾。英吉沙爾。二城雖被圍困。該處近日賊勢窮蹙。指日大兵雲集。不難迅速掃除。該大臣等務當撫馭兵回。加意防守。毋稍疏虞。以副委任。將此附報。便諭令知之。○濬江蘇武進縣屬孟瀆。得勝。澡港。河道。從總督陶澍請也。○添

給福州駐防八旗書院膏火薪水銀五百兩。加借旗營甲兵紅白銀。並改鑄滿營糧礮四十位。從將軍薩秉阿請也。○辛酉。上詣

南郊齋宮齋宿。○諭內閣。御史范承祖奏。揀發五城司坊等官。請嗣後欽派大臣。公同揀選一摺。五城兵馬司。正副指揮吏目等官。遇有揀發時。向由吏部堂官揀選。茲據該御史奏文武等官揀選。均請欽派大臣。惟司坊等官。

軍機處

主

吏部自行揀選。辦理兩歧。且恐事權歸一。易啓奔競之風。嗣後揀選五城兵馬司正副指揮吏目等官。著吏部奏請欽派大臣。公同揀選。以昭慎重而歸畫一。○諭軍機大臣等。據御史范承祖奏。風聞本年五月間。直隸靜海縣東南鄉民人鬪毆一案。牽涉本縣民人高明德。該縣知縣張孔道。差衙役陳牛。王六。回子等。票傳高明德。適伊外出。與高明德之父高坦平。揪扭爭吵。責其款待不周。又不出錢。

打點將高坦平拘拏到縣毆打致死該縣輒令快頭楊國祥及革生董長庚向屍親賄和令其自認病死銷案等語事關縣差拷斃人命知縣串通賄和是否屬實必應徹底根究以成信讞著那彥成親提人證卷宗嚴審確情按例定擬具奏將此諭令知之尋奏高明德被氏婦田周氏在縣牽控經該縣張孔道票飭頭役楊致祥王富祥前往傳訊該役轉派散役陳玉山于富成赴鄉票傳高明德並未在家陳玉山商同于富成向其父高行大索詐高行大不允以致互踢斃命將陳玉山依律擬斬于富成減等擬流並無串通賄和情弊其失察衙役詐贓釀命例有處分飭取職名送部叢叅報聞○欽差兵部尚書松筠覆奏接奉寄諭回疆情形得旨進剿何難善後深為不易若常川徵發調派成何事體必得一長久綏安之道方為至善卿若有所見及不妨陳奏可否候朕採擇○以蒙古呈進

駝隻予杜爾伯特左翼盟長郡王曼達喇等議敘並賞給緞匹有差○濟山東臨清河道加給募夫津貼銀四萬九千九百兩有奇從河道總督嚴烺請也○壬戌冬至祀天於圜丘上親詣行禮○遣官祭福陵永陵昭陵昭西陵孝陵孝東陵景陵泰陵泰東陵裕陵昌陵○遣官祭

孝穆皇后殯宮。○遣官祭

端慧皇太子園寢。○停次日朝賀。○詣

皇太后宮問安。○以

南郊大祀。贊引禮儀嫺熟。賞太常寺少卿元祿

花翎。○實授博啓圖御前大臣。○以正白旗

蒙古副都統奕紀。頭等侍衛忠山。德克默特

為御前侍衛。散秩大臣公文輝。為乾清門侍

衛。○癸亥。諭內閣。葉爾羌阿奇木伯克阿布

都爾滿。前於道光六年。逆回張格爾滋事時。

實錄卷一百七十九

臣

曾經出力。此次賊匪布魯特安集延等夥同

跋扈。阿布都爾滿復率回眾。隨同葉爾羌辦

事大臣等。盡力固守城邑。並率回眾奮勇打

仗。勦戮叛賊多名。殊屬奮勉。此由家教素嫺。

頗知大義。世代為國效力。阿布都爾滿。雖經

賞給散秩大臣。頭等台吉。於朕矜恤之意。猶

覺未洽。阿布都爾滿係哈迪爾之姪。哈迪爾

之子。克色布庫。現經承襲郡王銜貝勒。著

加恩賞戴花翎。在乾清門行走。以示朕推恩

矜恤。效力回僕至意。○又諭。西直門至圓明

園。及阜成門西便門等處。石道工程。前派禧

恩等勘估。並派盧蔭溥等分按段落。派委司

員。乘時興修。工竣造冊。咨報原估大臣查驗。

茲據禧恩等奏。查明各段工程。通計與原估

相符。惟各段道板石。及護牙土。經車輛碾軋。

間有不平。及各段均有牙石不齊。並道板石

長出。抵作牙石之處。應行挑換修補。著承修

大臣。即飭承修司員。於明年春融。妥速修理。

實錄卷一百七十九

臣

並責成步軍統領衙門。飭知該營汛。於保固

限內。隨時察看。遇有損壞情形。據實呈報。該

衙門。移咨承修各段。即時修理。所有冊報。餘

存舊石。著該承修大臣等。覈實報銷。歸於各

段。附近廠園堆貯。將應存數目。冊報工部存

案。以備別項工程領用。○又諭。吏致儼奏。查

明北新倉白麥。不堪備用一摺。北新倉收貯

白麥。據該侍郎委員督飭篩颺。間有紅蛀。估

計成色七八成不等。該倉花戶。既不時加挑

時該監督等又未嚴加督飭。咎無可辭。所有該倉經手之花戶朱泰、張順、張愷及接手之花戶任素恩前因已革花戶劉順控告廩豆微爛一案。業經降旨交刑部審訊。著刑部將此案一併根究懲辦。歷任前後各監督著俟定案時交部分別議處。尋奏劉順挾嫌誣告。意圖訛詐。應交順天府充徒。張順、朱泰任素恩於倉貯白麥並不時加挑晾致令紅蛀。應杖一百徒三年。張愷訊未經手。應毋庸議。從

之○諭軍機大臣等長齡奏報出關日期一摺。長齡已於十月二十七日出關。加緊進行。覽奏深慰廑注。惟喀什噶爾英吉沙爾二城待援甚亟。前次容安奏伊犁官兵民勇四千五百名於九月十二日全抵阿克蘇。彼時並未接奉飭令回伊犁之旨。儘可趕緊由葉爾羌進發。俾逆匪震懾兵威。二城之圍自可立解。乃遷延觀望。坐失事機。此其罪一。先據容安奏差人前往大路一帶地方偵探齊蘭臺

以南並無賊踪。擬俟烏魯木齊等處官兵到齊。即分隊先向巴爾楚克相機進剿。嗣又奏稱軍務移步換形。不可冒昧輕進。顯係畏蒞不前。藉詞支飾。此其罪二。和闐並無賊匪。乃容安奏稱哈豐阿、孝順岱於十月初二日起程先赴和闐察看情形。再行進發。既據伊奏明由大路進兵。嗣復欲由和闐前往。以有用之兵轉於無賊之處繞道行走。以致耽延時日。無謀無勇。措置乖方。此其罪三。阿克蘇烏什於伊犁等處官兵未到之前。本屬安堵。此項官兵原係救援喀什噶爾英吉沙爾二城。並非為阿克蘇烏什防守之用。乃容安欲俟烏魯木齊等處兵到後。酌留一千名分撥防堵該二處。再行前進。不知緩急輕重。任意宕延。坐擁重兵。虛糜糧餉。此其罪四。種種乖謬。喪心昧良。實堪痛恨。儻喀什噶爾英吉沙爾待援日久。不能支持。則容安貽誤事機之罪尤重。前已降旨將容安拏問。留於阿克蘇交

長清看守。現據容安奏。伊於十月十六日自阿克蘇起程回京。著長齡即行知沿途截回。派員押解至阿克蘇。長齡到彼後。即行提訊。容安逐層細究。其意何居。應如何治罪之處。著嚴審明確。定擬具奏。至該將軍行抵阿克蘇時。哈喇阿。楊芳。胡超。三人自己先後馳赴喀什噶爾一帶。援解圍城。大局已定。應如何勦捕。及如何安撫之處。著悉心籌酌。即知照哈喇阿等妥為辦理。其情蘭回子。白帽回子。

等。竟敢安心從逆。甚屬可惡。著長齡傳知哈喇阿等。務當一律勦除。不可稍有姑息。以期淨絕根株。毋貽後患。此次逆回滋擾。賊勢尚單。朕意約需二萬餘兵力。即足敷防勦。現在徵調各路官兵較多。該兵丁等既派出征。自必咸願立功自效。不欲折回。惟此內有未經行陣及打仗不能得力者。當詳加察看。酌量撤回歸伍。長齡務須破除情面。不可瞻徇遷就。概行留營。以致虛糜兵餉。至長清奏。俟胡

超所帶官兵到齊。再行進剿。一摺。所言無非回護前非。竟將危城置之不問。亦屬喪盡天良。朕不值再向其申諭。將此由六百里諭令知之。○又諭。據胡超奏。挑帶馬隊官兵三百員名。於十月十六日兼程馳抵阿克蘇。與長清等籌商進剿事宜。探得喀什噶爾英吉沙爾。二城尚在堅守。葉爾羌又獲勝仗。自應乘機進剿。惟所帶馬隊官兵。能以兼程行走。其步隊官兵四千餘員名。因沿途車馬疲乏。不

能加站。又值封河。不能過渡。約二十餘日後方能趕抵阿克蘇。現在官兵不敷進剿。暫為等候等語。該提督行走迅速。可嘉。雖待兵尚未起程。覽奏稍紓憤懣。此時後起甘涼肅各鎮協營步隊官兵。計可陸續到齊。該提督自己由葉爾羌臺路迅速進發。務須一鼓作氣。大振聲威。立解圍城。痛加勦洗。該提督即駐劄喀什噶爾。會同扎隆阿。伊薩克等。撫馭兵回。加意防守。以待長齡至彼。聽候調度。將此

由六百里諭令知之。○以在阿克蘇幫同防堵出力。賞侍衛邁瑪特二等台吉。○命庫爾喀喇烏蘇領隊大臣查隆阿改名察隆阿。○甲子遣官祭

先醫之神。○諭內閣鄂山奏直隸布政使顏伯燾業已馳赴肅州等語。此次應辦軍需事宜。著楊遇春鄂山顏伯燾會同籌辦。現在該處尚有征兵未曾過境。楊遇春著仍駐劄肅州聽候諭旨。○又諭在京各衙門存貯稿件。

最關緊要。遇有閒人出入署門。該司員等如果嚴飭門役實力稽查。在日間眾目共睹。無難立時拏究。至夜間應行住宿者。人數尤易稽查。何至任令宵小潛蹤闖入。有偷竊文案之事。前據工部奏遺失稿件號簿四百餘件。本日又據光祿寺奏遺失稿件號簿九百餘件。總由當月司員平時漫無覺察。任聽閒人出入。並阜役等容留外人在署住宿所致。各衙門辦公處所。理宜一體嚴肅。似此毫無防

範殊屬不成事體。不可不嚴行查禁。嗣後著責成當月司官督飭門役晝夜輪流查察。毋許再有閒雜人等溷跡署內。並著各司掌印司員酌派妥役。在該司署輪班值宿。儻仍前玩視。致有遺失官物之處。一經發覺。定將該司員等交部嚴處。並將該阜役等從重治罪。不稍寬貸。○諭軍機大臣等。朕前於寶興起程時。曾面諭令其俟查辦兩淮鹽務完竣後。前赴南河工次查驗料埽。現又密諭白鎔探

聽寶興事竣起身。即於途次會同前往該處查驗。該侍郎不必豫行知會白鎔。亦不許告知一人。務當密之又密。恪遵前旨。與白鎔到工。將所存料埽照該河督奏明備辦數目逐一詳細抽查。如有虛鬆短少情弊。即行據實嚴參。儻或稍有瞻徇。及豫先漏洩風聲。經朕訪聞。必將該侍郎等嚴懲不貸。將此諭令知之。○又諭朕前於寶興出差江南起程時。令其俟事竣前赴南河工次查驗料埽。白鎔現

任江蘇學政將屆歲暮即可考畢回署著白
鎔妥密探聽實與何時事竣起身即於途次
會同前往該處查驗如有虛鬆短少情弊即
行據實嚴叅僕或稍有瞻徇及豫先漏洩風
聲經朕訪聞必將該侍郎等嚴懲不貸白鎔
查竣發摺後著即回學政之任將此諭令知
之○刑部議駁江西巡撫吳光悅奏東鄉縣
民余全三京控伊兄余幅緣被陳陽開等圖
財害命一案得旨此案已死余幅緣與陳陽

開結訟有嫌當余幅緣赴陳陽開家索欠黑
夜失足落塘身死如果屬實陳陽開自應據
實報官何以將欠錢一節匿不訴明捏稱屍
係屍親自行尋見伊僅幫同打撈原報情詞
已多未確且死在除夕更盡之時黑夜難辨
即使陳陽開族人陳冬組赴塘邊敬神焚紙
焉知塘內有人陳陽開既將屍身撈出祇應
設法倒水解救何至將咽喉兩脇小腹虛法
處所用火薰灼是余全三等指為傷痕本屬

有因迫經官驗明地保周聘三等買棺盛殮
其時尚有屍兄余幅助在場何忍其弟赤身
殮埋余全三京控既指為陳陽開謀害具結
請檢於先何肯又具悔呈於後既檢驗屍傷
委員等自必眼同屍親人等開棺點明屍身
及棺中殮具有無短少再行如法蒸檢何以
任聽伴作偷竊屍辦串囑舞弊即謂屍身實
係溺斃亦有自行失足落水及被人謀害推
跌落水之分種種情節難保非陳陽開扶嫌

謀害假裝落水事後串囑伴作匿報及賄買
屍親具悔認誣檢驗時抵換屍身意圖捏飾
案中疑竇多端罪名出入綦重著吳光悅督
同臬司劉重麟親提人證嚴訊確情按律妥
擬具奏尋奏陳陽開因負債不還致釀人命
有干不是是以將欠錢一節匿未呈明陳冬
組赴塘邊焚紙火光照入塘中見似有人喊
同陳陽開往撈始知余幅緣彼時尚有氣息
天寒恐其凍死用柴火薰灼屍身冷熱相激

是以發變。殮埋時。余幅助原。要取衣。周聘三恐余全三復來。吵鬧不允。只得赤身入棺。余全三見屍身發變。疑係傷痕。痛兄情切。京控請檢。及看明無傷。恐審虛坐誣。是以呈悔。至髮辦係伊等串通。作於檢驗時。乘便竊取。並無抵換屍身情事。余全三應杖折發落。下部議從之。○乙丑。

上詣

宣仁廟

實錄卷一百七十九

庚

凝和廟拈香。○諭內閣。御史周貽徵奏。請寬定開倉日期。並徵收本色足額一摺。各直省州縣開倉收納糧米。必應按額收足。以裕倉儲。如該御史所奏。廣西臨桂縣應徵糧米。除照例折色解庫外。每年應收本色兵糧。因糧八千石有零。現在竟有止收二三千石。即概收折色。皆因開倉為期過促。以致鄉民收穫未畢。或距城較遠。趕赴輸納。已值倉廩封閉。該縣因而折色。迨至支發兵糧。不敷散放。又

臨期購買。並有將錢折給者。顯係圖收折色。有利於官。而於民輸兵支。均有不便。廣西臨桂一縣如此。恐各直省州縣亦所不免。著通諭有漕省分各督撫。嚴飭各州縣。徵收糧米。除例應折色外。其本色糧米。必須按數收足。寬定日期。隨輸隨收。務使倉貯如額。無許短少。儻有仍前情弊。留為折色地步者。即據實嚴參。毋稍徇隱。○諭軍機大臣等。有人條奏本年閏四月間。潯州府屬之大黃江地方。得

實錄卷一百七十九

壬

雨稍過。刁民藉此為由。於殷實之家。搶奪穀米。未幾而桂林平樂等府。疊連被搶。他府聞風效尤。各鄉每起數十人。或數百人不等。五六兩月。各處報搶殆無虛日。桂林平樂等府。連年豐稔。並無偏荒。憑空滋擾。較諸盜竊尤為兇惡。然不盡係本地鄉民。首府則湖南衡永游民。外府則廣東惠潮嘉肇等處游民。因此羣相慕效。鳴鑼聚眾。出具揭帖。某日搶某村某家。外村聞風而來。竟至一家數被搶括。

老幼婦子。仰屋泣號。各鄉村自相糾禁。不准穀米出村糶賣。四城以外。沿途截阻。省會之中。竟有數日無米上市。城廂內外。斗米昂至制錢八百餘文。地方官開倉平糶。桂林府知府郎錦驤。致被裂冠毀轡。逞肆毆辱。雖將辱官首犯。明正典刑。餘者以次科罪。各州縣搶奪穀米多犯。僅予枷責。情重法輕。積慣兇徒。安知儆懼。近日首府所屬之全州。興安。靈川。各州縣所有惡棍。現猶糾眾聯謀。唆令富家佃戶。將本年應給田租。指留囤積。據為己有。是若等奸謀尚在未息。又粵西有種惡習。名曰打眾架。多因鄉民此村與彼村爭占山場地畝。及競扒龍舟。構結讐怨。互為報復。鳴鑼會眾。千百為羣。齊持槍械。捨命兇鬪。常有傷斃多命之事。有畏法不從者。羣相凌虐。毀其家具。損其牲畜。把禁牧場。不許其人牧放。並不許其擔水舉火。必脅其同惡共濟。而後止等語。著李鴻賓認真查察。或遴委妥員。前赴

粵西各該處密訪情形。如有惡棍搶奪穀米及逞兇械鬪之事。即行嚴拏究辦。以儆兇徒。毋得稍事姑息。將此諭令知之。尋奏桂林平樂。潯州各府屬搶案。均經獲犯。餘各府屬並無糾眾搶奪情事。競扒龍舟惡俗。業於道光七年飭行禁止。近無其事。現仍通飭各屬隨時實力查辦。報聞。○丙寅。諭內閣。據托思多等奏。恭查

天壇樹株完竣。著太常寺造具清冊。咨送工部備查。其內外圍各處。除實存各樹外。所有風損回乾倒木。及缺空處所。著即行知該管衙門。如數補種。嗣後並著太常寺隨時派員稽查。毋得致有短少。以昭敬慎。○又諭華英所出奉恩將軍。前經降旨。令宗人府查明英親王後裔。一體揀選。帶領引見。該衙門即應將該王後裔。全行傳到。公同揀選。俾眾目共睹。自不致有心懷不平。呈請指示之事。乃該王後裔。據宗人府奏。現有一百六十餘名。並未

傳齊。僅按各支傳到二十餘人。以致宗室福安。明緒等。具呈請示。夾紹等辦理本未周妥。至明緒於嘉慶四年。因夜宿城外。及伊家人毆傷民人梁二一案。革去廕生。係曾經獲咎之人。此次自不應復行揀入引見。乃因夾紹等未經傳喚。輒敢呈請指示。殊屬不安本分。明緒著交宗人府嚴加管束。如再滋生事端。即行奏明懲處。所有華英現出之奉恩將軍一缺。仍著宗人府揀選帶領引見。○諭軍機

大臣等。惠顯奏。訪獲克什米爾番民探問腹地情形。及酌擬辦理一摺。克什米爾番民阿瑪阿哩。時常探問西藏及內地情形。查出記事簿書三本。並有披楞書信。及該番寄覆信底。經該大臣提訊該番。據供從前為披楞經管稅務等事。披楞頭人曾有給賞生理。囑探情形之議。所寫各事。祇欲纂集成書。並無他項不法情事。該大臣以披楞素來恭順。遠在廓爾喀。哲孟雄。布魯克巴之外。從前頭人業

經身故。與現在頭人尚無干涉。且該番堅稱此來並非披楞所使。若遽繩以法律。恐生疑畏。但邊疆重地。亦未便置之不理。擬將此案作為該番不識天朝例禁。在藏探問邊界隘口道路山川情形。經官兵查獲。諭知該部落現已奏明。將該番遣令回巢。不為深究。令其感激天恩。安靜耕牧。其阿布都納足等爭控債務。係外番私事。不值過問。擬將該番與阿厦爾阿黑。阿布都納足。一併解回原牧。聽其

自行清算。不許復來西藏。噶瑪爾足。由該大臣量加鼓勵。帕魯足等。均免置議。俱著照所奏辦理。嗣後著該大臣等嚴飭後藏。江孜。定日。三汎。將備。並噶布倫。戴琿等。督飭邊界營官。隨時隨事。嚴加防範。遇有克什米爾等處番民來藏。必須認真查察。不准私帶披楞字跡入境。該番民等如有往來信件。均照巴勒布之例。來時由邊界營官去時由噶布倫等查明。呈送駐藏大臣衙門。飭交克什米爾頭

人繕譯呈驗給發。並令該管頭人按月出具並無私寄信件甘結。由噶布倫轉報駐藏大臣衙門查覈。俾重邊防而杜奸宄。將此諭令知之。○引見各衙門保送御史人員。得旨豫奏瞿溶蔡勳。汪報原。王協夢。徐寶森俱著記名以御史用。○湖北巡撫楊健。以年力就衰。並辦理公事隨聲附和。降三品頂帶休致。以禮部左侍郎楊惲曾為湖北巡撫。○以查辦西藏番案出力。予知縣鄭金榜等升補有差。

○丁卯。

聖祖仁皇帝忌辰。遣官祭

景陵。○

上詣

壽皇殿行禮。○諭內閣。前因戶部捐納房貼寫積年偷稿舞弊。降旨著大學士軍機大臣會同戶部妥議稽查防範。及覈對冊稿章程。茲據托津等酌議開單具奏。朕詳加披閱。所稱防範假文之弊。嗣後在京各衙門接到戶部

知照捐生文書。著即將捐生姓名開載冊檔。每月將所收文書彙總咨送戶部覈對一次。其冊檔於每月初十日。各派司員持赴戶部會同科道及捐納房銀庫。眼同磨對。至各旗各省接到知照捐生文書。著即照原文開造人名銀數清冊。先行咨覆。仍按卯造具身家清白冊結。依限送部。除自嘉慶二十一年起。至道光十年六月止。查對原文稿冊。業將真假捐生分辨。毋庸再查身家清白冊結外。其

十年六月以後捐生身家清白冊結。咨送到部。著戶部詳悉覈對明確。再行具稿存案。又每卯出榜曉示捐生。以防假照之弊。著照御史周作楫所奏辦理。至各旗各省捐生執照。著該部行知各該旗出圖結官。各該省出印結官。親至戶部。會同捐納房司員。當堂按名點交領取分給捐生。並刊刻捐生名錄給發。並著各直省督撫府尹等。查照向例。接到部行捐生文書。出榜宣示。嚴飭該州縣實力奉

行。毋得日久延玩。至捐納房額外貼寫人數眾多。並無額數。亦無名冊。稽察難周。著將無名貼寫。全行驅逐。其役滿及責革書吏。著該地方官一併押令回籍。如在外逗留。影射舞弊。惟該地方官是問。並著科道等認真稽查。有犯必懲。此外奸徒潛藏市井。或隱匿窩家。儻有作偽滋弊之事。著責成在京在外各地方官。留心訪查。拏究如失。於覺察別經犯案。將該管地方官叅處。京城地方。並著科道等隨時察訪。得有端倪。即據實奏明。嚴拏懲辦。以杜弊端。○諭軍機大臣等。據壁昌等奏。東西兩路。續經勒退賊匪。所有出力官兵等。請予鼓勵。一摺。黑色熱巴特軍臺地方。有騎馬賊匪十數名。盤踞當即派撥回兵。前赴偵探。旋據回報。賊眾漸多。又派庫爾察克等帶領回兵二百名堵路。見騎馬步賊約有四百餘人。往東而來。復又差派伊布拉依木等帶領回兵一千名。直奔來賊接仗。庫爾察克等開

槍擊斃賊三名。馬二匹。生擒賊一名。奪獲賊馬四匹。餘賊皆敗向西逃。查該五品軍功庫爾察克。左眼右腮。帶矛傷二處等語。可嘉之至。此時大兵雲集。迅速進援。想胡超等帶領各兵。業已陸續馳抵葉爾羌。即哈豐阿等所帶統道和闐之兵。亦應行抵該處。計大兵到日。葉爾羌餘匪。自必聞風逃竄。臺路當已肅清。喀什噶爾。英吉沙爾。二城急切待援。該大臣即速令胡超等乘勢長驅。解圍勦賊。毋少延緩。至葉爾羌防堵事宜。著壁昌等仍隨時稽查嚴密辦理。毋得稍有疏懈。將此由五百里諭令知之。○又諭。據成格等奏。長清以隨營後路。馱載糧料等項。需用脚力浩繁。奏請由烏魯木齊迅速撥解駝隻。並另據各稱。除現撥駝一千隻外。再為籌撥駝二千隻。方克辦理無誤。前因事在急需。已於無可分撥之駝內。分給一千隻。設再有餘駝。自當星夜趕緊解往。惟烏魯木齊距阿克蘇程途寫遠。以

數萬大兵。供食於數千里之外。籌辦運糧駝隻。已屬竭蹶。若阿克蘇。迪西應用駝隻。再令烏魯木齊供應。實屬勢難兼顧等語。成格等籌辦糧運。現無餘駝。所奏自屬實在情形。惟阿克蘇。迪西應用駝隻。關係緊要。著長清悉心籌畫。妥速辦理。毋誤要需。將此由五百里諭知長清。並諭令成格知之。○轉禮部右侍郎龔守正。為左侍郎。以都察院左副都御史桂齡。為禮部右侍郎。○江寧布政使賀長齡。乞假省親。允之。以服闋布政使陸言。為江寧布政使。○以勦辦葉爾羌賊匪出力。賞四品伊什罕伯克斯底克。三品頂帶。把總賀豐年等。藍翎。餘升用有差。○戊辰。

上詣

皇太后宮問安。○諭軍機大臣等。哈琅阿奏請另派熟悉大員參贊軍務一摺。前經降旨。授長齡為揚威將軍。令哈琅阿與楊芳俱參贊軍務。茲據哈琅阿奏。伊於辦理軍務機宜。實

未諳悉。參贊責任最重。請另行簡派等語。哈琅阿著參贊軍務。不准固辭。惟軍營一切機宜。關係緊要。該大臣不可自以為是。或意存急躁。不能詳慎。遇有應辦各事。尤應破除情面。斷不可稍涉瞻徇。總須與楊芳和衷商榷。聽候長齡調度。以忠勤誠實為主。虛心秉公。努力向上。無負委任。前據胡超奏。十月十六日已抵阿克蘇。楊芳計亦隨後趕到。茲該大臣奏。拜摺後。即加站前進。計本月二十日前。後亦可趕到。胡超等業經疊次降旨。催令進兵。自己由葉爾羌臺路迅速進發。該大臣趕到時。務即併力妥辦。速解喀什噶爾。英吉沙爾。二城之圍。並將逆匪殲擒。以靖邊圉。將此由四百里諭令知之。○又諭。據常德等奏。喀什噶爾卡外。沖巴噶什。愛曼。四品頂帶。花翎。布魯特。比托。胡達伯克。六品頂帶。藍翎。布魯特。阿里雅爾伯克。來城訴稱。本年八月。霍罕安集延賊匪。糾約該比等滋事。因一時嚇怕。

應允祇在後路供給羊麪並未敢幫同傷害官兵賊眾因攻城受傷未能得手各回子亦未盡從逆被逼之布魯特因受欺凌俱逃散出卡現止有一萬餘賊一半圍城一半搶擄財物回子人人怨恨俱盼大兵速援喀什噶爾英吉沙爾二城防守甚嚴惟城內柴薪將盡是以飛報求救等情覽奏均悉並據將該比等加意撫綏賞給緞匹茶葉羊麪等物飭送出卡交令托依莫特附近安插所辦是喀什噶爾英吉沙爾二城急切待援業經疊次降旨催令帶兵各員飛速前進指日大兵雲集無難迅掃賊氛以解二城之圍至烏什現在夷回靜謐該大臣等仍當督率防堵勿稍疏虞用副委任將此由六百里諭令知之○和闐辦事大臣誠端等奏查明草路戈壁站大和闐境內安設軍臺十二處阿克蘇境內亦安設軍臺惟草地向無房屋即辦帳房十二架以備沿臺搭用每臺設立馬二十匹伊

宣宗實錄卷一百七十九

聖

斯瑪依爾加添馬二十匹和闐西路軍臺七處每臺酌添馬十五匹又接准阿克蘇參贊大臣容安長清等來咨已令哈豐阿等帶兵由和闐草路進援應需糧料接乏馬匹駝隻草束等物均經運送各臺以備大兵進征之用得旨和闐原屬無事皆因喪心昧良之容安長清妄行舉措致多此一番周章可恨之至○以兵部左侍郎博啓圖署正黃旗領侍衛內大臣○已巳賞八旗兵丁一月錢糧

宣宗實錄卷一百七十九

聖

大清宣宗效天符運立中體正至文聖武智勇仁慈儉勤孝敏成皇帝實錄卷之一百七十九

蘇州府城隍廟前定日攝地居官太子二女嫁配二明大學士文淵閣領事官李戶部多子多孫永壽無窮翰林院庶吉士等官用
天所分等格題等加五級紀錄十八次並賈侍讀官題此誥官之神而吉慶豐登官拜海境官領事官等由中書大臣行發給
七舍大稽察會同詳議等奉加一級並等加六級並等加三級紀錄六次並賈侍讀官題此誥官之神而吉慶豐登官領事官等由中書大臣行發
內務府大臣領口總管喇嘛堪布等內士舍大臣官等提出入戶總庫之寶物官等 宣奉宮司馬司副司 廣濟寺司馬司副司等由中書大臣行發
醫官近視等官各題等加十八級並領事官題此誥官之神而吉慶豐登官領事官等由中書大臣行發給
宣奉宮司馬司副司 廣濟寺司馬司副司等由中書大臣行發給

道光十年庚寅十一月庚午諭軍機大臣等

本日據詢爾經領奏河工防汛委員。被許執伎飲酒。已明降諭旨。將張志恬等分別革職解任。交納爾經領覽。同臬司趙盛奎。提集人證審訊矣。此案東河防汛試用同知劉錫蒼稟許在工協防之試用未入流張志恬。於本年七月二十日在曹單同知莫樹菁署中留飲。豫叫倡伎在彼。並於稟內牽敘同在工次之桃源同知周宗華。候補同知張金榮。汪承鏞。候補通判徐靈。陳桂榮。河工咨送知縣姚

應徹底根究。以成信讞。將此諭知訥爾經額。並傳諭趙盛奎知之。尋奏劉錫者因當差辦公往往撓越。是為眾人所訾。語言動輒齟齬。是以有嫌。張志恬挾伎飲酒屬實。周宗華等並未在坐。聚飲。張志恬業經革職。應毋庸議。劉錫者等請飭部分別議處。從之。○辛未。諭內閣。長齡奏。請將胡超交部議處一摺。甘州提督胡超帶兵行抵阿克蘇時。額爾古倫等正在商議進兵。因該提督欲俟甘州涼州肅

州官兵到齊。再行前進。額爾古倫等進兵延緩。雖由該提督之言所致。究係容安未經催令進發。貽誤於前。除額爾古倫等已交長齡另議具奏外。胡超著交部議處。○又諭。宗室孟林。因馬甲富桂等糾同截搶。輒將護軍參領孟魁拉回家內。肆行疊毆。訛索錢文。情節殊為可惡。宗室孟林著革去奉恩將軍。交宗人府當堂重責四十板。發往黑龍江。到配仍重責四十板。以示懲儆。交該將軍嚴加管束。

毋許再行滋事。○諭軍機大臣等。長齡奏。飛催胡超等迅速進兵一摺。據稱伊犁烏嚕木齊等處官兵九千餘名。已於十月初間齊抵阿克蘇。若彼時全力由大路前進。會合葉爾羌官兵回子。直抵喀什噶爾。英吉沙爾救援。刻下定已解圍。前次之分兵。已屬示弱於賊。此時若再遲延二十餘日。又加程途十餘日。二城被圍已逾四月。恐難固守。已飛催胡超額爾古倫。德勒格爾桑。責成。即刻帶領伊犁

等處全數官兵。速赴葉爾羌。會同哈豐阿迅往救援。由八百里行知等語。所奏洞達機宜。與朕意符合。此時由八百里行催進兵。雖屬緩不濟急。猶冀以速補遲。不至一誤再誤。前此進兵遲延。容安延誤之罪最重。容安以伊犁參贊大臣。所有伊犁官兵民勇四千五百名。悉聽其調遣。伊於九月十二日已抵阿克蘇。彼時並未接奉飭回本任之旨。乃坐擁重兵。觀望退縮。遲誤機宜。且先據容安奏差人

前往大路偵探。並無賊蹤。嗣又奏軍務移步換形。不可冒昧輕進。顯係畏葸不前。藉詞支飾。伊既奏明由大路進兵。旋又欲於和闐無賊之處繞路行走。以致耽延時日。無謀無勇。措置乖方。已極。阿克蘇烏什於伊犁等處官兵未到之先。安堵如常。並不等候此項援兵到彼協同防守。乃容安欲候烏嚕木齊等處兵到後。酌留防兵一千名。再行前進。不知緩急輕重。任意宕延。虛糜糧餉。容安種種乖謬。

喪心昧良。深堪憤恨。著長齡到阿克蘇時。即遵前旨。將容安罪狀逐一究問。是何肺腸。嚴行審訊。令其據實供吐。應如何治罪之處。審明從嚴定擬具奏。至長清於大兵到阿克蘇。但知留兵防守本境。並不通盤籌畫。催令進援。以致如許重兵。坐糜糧餉一月之久。是其私心自用。不顧大局。所謂國爾忘家。公爾忘私者安在。長清亦罪無可貸。至哈豐阿係烏魯木齊提督大員。容安不能受伊節制。伊亦不應受容安節制。乃該提督帶領多兵行抵阿克蘇。遲至十月初六日。欲於和闐無賊之處迂道前行。以致稽延日久。亦屬可惡。總之容安之罪最重。次長清。次哈豐阿。著長齡分別定擬具奏。額爾古倫。貴成。孝順岱等。俱係伊犁領隊大臣。不得不聽容安調遣。其進兵遲延之咎。較之哈豐阿尚屬有間。著一併附叅。胡超到阿克蘇時。以上爾扈特民遺未經行陣。恐有疏失。欲等甘州涼州肅州官兵到

齊。再與額爾古倫等整隊前進。雖有遲疑之咎。究由容安誤之於前。已另降諭旨。將該提督交部議處矣。前據該將軍奏。出關後加緊進行。約封印前後。總可抵阿克蘇。其時哈琅阿。楊芳等。自早先期帶兵起程。應如何進剿。及如何安撫回眾事宜。著隨時行知。妥速辦理。長齡身任將軍。體統攸關。不可輕率前進。當暫駐阿克蘇。俟陝甘及吉林黑龍江官兵到彼。再帶數千兵力。由葉爾羌大路。或由樹

窩子一帶進發。直抵喀什噶爾。將應辦事宜。悉心籌畫。以期永靖邊隅。所有各路具奏探報賊目彙錄名單。發給閱看。內有名字大同小異者。自係傳聞互異。著該將軍確切詳查。務須按名捕獲。解京訊辦。賊目內有博巴克一犯。從前本係喀什噶爾四品伯克。工屆背叛。附從張逆。此次復敢帶同伊子八卡。滋事尤屬罪不容誅。必應設法就擒。毋致再令竄脫。俾逃法網。將此由六百里諭令知之。○又

諭據王麟奏。接據葉爾羌烏什臺報軍情。復嚴檄飛催。遂由大路進兵一摺。據稱接到各該城來信。知此次賊勢。自口外援兵踵至。阿克蘇後。各城回情大定。喀什噶爾白帽及情蘭回子。雖經附送。多係逼從。與六年西四城全失者。情形不同。乃長清等始則以籌備糧運。耽延多日。今又稱土爾扈特民遣皆不足恃。土爾扈特及民達。總在管帶之人善於約束。上屆克復四城。及澤巴什河之捷。皆得其力。且孝順岱。哈豐阿。所帶兵內。亦有民達一千。未嘗不用以衝鋒克敵。近日葉爾羌攻擾回城之賊。多至數千。壁昌等尚能以少勝眾。豈沿臺零匪。轉不能就地殲除。至胡超輕騎趕到。尚因步隊未齊。惟額爾古倫。貴成等。到阿克蘇已逾一月。屢經札催。該大臣又以胡超步隊未到之言。游移遷就。仍緩進援。輒扶同具奏。計喀什噶爾。英吉沙爾。被圍已久。音信不通。儻賊匪探知我兵觀望不前。勢必坐

失事機。功虧一簣。復經飛飭嚴催。並寄信詳加開導。令長清先派額爾古倫等。由大路進兵。胡超所帶步隊。一俟到日。踵後邁進。至葉爾羌與壁昌等會合。彼時哈喇阿。揚芳等計亦陸續全到。乘勢直赴喀什噶爾。必能立解圍城。再俟長齡到日。將著名逆犯。設法擒捕。解京訊辦。請將長清等一併嚴行申飭等語。此次進兵遲誤。坐失機宜。可惡可恨者。首容安。次長清。此等喪心昧良之輩。朕前此屢經嚴諭。尚復任意遷延。該將軍向伊等開導。何肯聽從。現在已諭令長齡到阿克蘇時。將容安嚴審。逐層訊究。詰其是何肺腑。審明定擬具奏。並將長清哈豐阿分別議罪。額爾古倫等一併附參。胡超亦已明降諭旨。交部議處。至霍罕在吹塔拉築城一節。前經諭令該將軍。俟來春巡查邊卡時。於領隊中派委妥員。或即令布彥泰前往。當仍遵前旨。不動聲色。確切查明具奏。嗣後如無緊要事件。不必

輒發五六百里文報致勞驛站將此由四百里諭令知之○壬申命於

大高殿設壇祈雪

上親詣行禮○旌表守正被戕河南鹿邑縣民陳文久媳李氏○癸酉

上詣

皇太后宮問安○諭內閣主引之奏住宅門內拾得乾隆年間工部製造庫舊稿共二十件此項稿件究係何人偷竊必應查拏究辦著

步軍統領順天府五城一體嚴拏務獲○又

諭松筠等奏查訊徐所被參各款一摺解任

山西巡撫徐所前經御史葛天柱奏參各款

茲據松筠等奏該御史所奏查閱營伍家丁

勒索及題升調補委署各缺任意營私等款

查明均無其事其門丁顧鴻如之服役人劉

泳成已將屍棺開驗復提集人證詳訊供情

實係因瘋自戕並無謀斃情事惟徐所當時

既不派集司相驗訊辦又不專摺奏明致滋

物議殊屬錯誤其秋審過堂時徐所之家屬

在堂後隔簾看視管教不嚴亦各無可辭徐

所著交部嚴加議處即行來京聽候部議○

又諭程祖洛奏檢查京控省控未結各案請

將疲玩尤甚之知縣先行交部議處等語所

奏甚是湖南華容縣知縣邵大輝於該縣生

員朱一棟楊泳祚京控二案屢提未解逾限

半年以上著交部議處以為疲玩者戒嗣後

一切控案著該撫督司清釐嚴催審解如實

係未能依限完結者方准照例咨部展限其

餘命盜控案分別按限查奏概不准詳咨展

限以杜那延而清庶獄○又諭程祖洛奏參

相驗不實出入人罪之知縣請旨革審一摺

湖南前署龍陽縣事與寧縣知縣龍克家於

龔春茂戕傷胡澤長咽喉致死一案先據該

署縣詳報因姦服毒斃命復行檢舉實係戕

傷致死原驗仵作有受賄裝毒情弊茲據該

撫查明此案究毒由於誤驗究姦由於認毒

該署縣於刑件受賄舞弊漫無覺察將毆死驗作毒斃以致出入人罪難保無聽賄刑求情事。雖經該署縣檢舉在先。必應徹底根究。以成信讞。龍克家著革職。交該撫提同全案犯證及刑件人等逐層嚴鞫。務得確情按律定擬具奏。尋奏。龍克家因件作裝點毒斃一時被賂。誤認中毒。嗣因審出胡蔡氏與胡澤鈞有姦心。疑迫究以致胡蔡氏等誣服。並非聽賄刑求。業已革職。應毋庸議。龔泰茂擬絞。

監候秋後處決。下部議從之。○宗人府奏。嗣後遇有本衙門及各部咨缺。均按班次輪流選用。遇有抽班人員。比照吏部抽班之例。應積咨缺之數。不積咨缺。正班現出咨班主事一缺。查上次用過第一咨缺。正班人員現應接用第二咨缺。以奉旨應補人員補用。查應補班次現在無人應行過班。擬請即用第三咨缺。以無論題選五缺後選用咨缺之員補用。似此酌定銓選。庶抽班與正班均無窒礙。

再。嗣後庶吉士散館改部人員。未經奏留者。專以咨缺計至第三缺補用一人。不准補用留缺。如已奏留。即不歸選。應以奏留日期與各項奏留人員比較補用。此項人員計缺如均按奉旨日期。各計各缺。既有連截咨缺等弊。且別項應補咨缺人員銓選無期。不免向隅。應請嗣後庶吉士散館分部人員內。如同日奉旨。應以名次在前之員先行計缺補用。再給其次之員計缺。總按散館年分在前人員選用。後再給以後散館人員計缺。如計缺在前人員。遇有別項事故。准以其次之員。於奉旨日起。接算計缺補用。如此酌擬各項銓選人員。不致偏枯。與原定咨留之例亦相符合。從之。○以緣事革退奉恩將軍華英弟華德襲職。甲戌。

上幸瀛臺閱冰技。諭軍機大臣等。本日據長清等奏。籌議會督官兵由巴爾楚克相機進剿。定於十月二十九日起程等語。喀什噶爾

英吉沙爾二城急切待援。胡超既已起程前往哈喇阿楊芳計此時當亦由阿克蘇進發。其胡超所帶之兵據奏涼州永昌莊浪西寧官兵一千六百餘員名。在後尚未趕到。胡超已囑令長清速催前進。又另片奏喀什噶爾阿克蘇前經奏調烏嚕木齊所屬滿漢官兵三千五百餘員名。全行到齊。此項官兵如尚在途次。即著哈喇阿等帶領迅速前進。僅該官兵等已趕至葉爾羌。業經胡超帶領哈喇

阿等即跟接胡超會同併力勦辦。不可稍有耽延。以期速解二城之圍。俾邊圉永就肅清。朕日盼捷音之至。將此由六百里加緊各諭令知之。○又諭據長清奏喀喇沙爾貝子巴勒丹喇什病故。已明降諭旨。將該貝子照貝勒例賜卹。並將伊子承襲貝勒矣。至該汗策登多爾濟現亦患病。所屬官兵無人彈壓。自未便輕令前進。且合計現在滿漢官兵已數進援。著俟策登多爾濟病體稍愈。即飭令協

領奇拉布等管帶庫爾喀喇烏蘇精河土爾扈特各營委參領伊齡阿等管帶退回原處。各歸游牧。其協領奇拉布著俟帶領官兵至喀喇沙爾後。仍起赴軍前聽候差委。又據奏喀喇烏什差往喀什噶爾探信之布魯特米孜呼爾供稱伊在喀什噶爾聽說前次伊薩克帶領官兵並黑帽回子打仗傷壞一千多賊。因此都恨他。再明巴什跟前有十幾歲小孩子說是玉素普之子。暗暗打聽實係假的。

又聽得英吉沙爾玉素普也是假的。玉素普並未出來。喀什噶爾聽說有四五萬賊看來未必有此數。英吉沙爾賊數多少。伊不知道。聽說伊敏察克玉都克素皮帶著數千人在排素巴特樹窩子巴爾楚克地方堵攔官兵。又說已派人往葉爾羌大路去。所有各處路口俱有人把守等語。是否確實著將米孜呼爾解回烏什咨令妥為辦理。將此附報便諭令知之。○又諭據長清等奏籌議會督官兵

定於十月二十九日由巴爾楚克大路相機進剿一摺喀什噶爾英吉沙爾待援甚急敵圍已及四月何可再緩必須迅速進剿樹窩子一帶據奏偵探賊匪均有准備胡超現在取道巴爾楚克直向葉爾羌大路行走該處附近情蘭回莊極多自應預為布置著遵照節次所降諭旨嚴申紀律飭禁兵丁毋得騷擾回莊所過地方查有實係從逆之回莊大加剿洗廓清後路不可姑息並於沿途照舊

安設臺站官兵接遞文報此時哈豐阿等所帶由河闊草地前進之兵計已早抵葉爾羌其涼州水昌莊浪西寧各營在後未到官兵該提督已囑令長清飭催趕緊前進計亦可陸續趕到該提督務於各處多設偵探至葉爾羌後察看情形事機順利即赴英吉沙爾喀什噶爾速解二城之圍查詢回莊應剿者勦應撫者撫楊芳哈琅阿自亦先後到彼相與籌商確探賊情嚴密防堵固不可貪功深

入亦不可坐失事機隨時咨報長齡聽候調度總須盡心妥辦速擒逆孽以靖邊圉將此由六百里加緊諭令知之○戶部議准陝甘總督楊遇春疏報烏魯木齊所屬開墾田十五項三十畝照例升科從之○乙亥諭內閣瑚松額等奏參防禦帶同兵丁擅離卡倫進邊居住請旨革職一摺盛京邊外要隘處所安設卡倫派撥官兵常川駐守原以稽查奸匪偷越不准擅離乃近來該官兵等竟有私

進邊內居住之事必應隨時嚴查究辦以儆玩誤茲據該將軍等查出防禦烏雲保膽敢帶同卡兵進邊居住三十餘日之久實屬任意偷安有玷官箴烏雲保著即革職小黃溝總巡官防禦格金保楊木林子卡官防禦富成於該兵丁等擅離卡倫並不查辦殊屬疏縱格金保富成均著交部議處其失察之邊門章京並界官等亦著查取職名交部察議○丙子諭內閣前因耆英等奏近年京控案

件繁多。請酌定限制。當降旨令步軍統領衙門訊明原告。曾否在本省某衙門具控。各該管上司是否親身勘問。取具切結。分別奏咨。隨案聲明。並著各督撫查明。該原告在京所具甘結。如有虛捏。坐以誣告。若各該衙門並未親提。即嚴行叅處。迄今數月之久。各督撫審結京控奏咨各案。並未將原告在京取具甘結。是否虛實。及各該衙門是否親提。研鞠之處。詳晰聲敘。實屬玩視民隱。恐啓因循瞻

顧之漸。嗣後著刑部及刑科各道遵照前旨。於各省審結京控奏咨案件。如仍不將甘結虛實。及各員有無親提。詳細聲明。即查明分別叅處。以儆延玩。而昭覈實。○諭軍機大臣等。給事中劉光三奏廣東地方會匪蔓延。請飭查辦一摺。據稱廣東省舊有匪徒結會。該州縣間有出力查拏。不過設法驅逐。以鄰邑為壑。而根株未除。蔓延日甚。其最為民害者。則有三點會。所謂開口不離本。舉手不離三

等號。粵東士民莫不周知。此等會匪。不獨無賴棍徒。悉為羽翼。即各州縣胥役兵丁。大半相與交結。表裏為奸。雖素不謀面。而猝然相遇。見手口之號。無不呼為兄弟。一切搶劫之事。無所不為。即如廣州府屬香山等處。每逢稻穀將熟之時。該會匪輒豫料某某種稻若干。應收租若干。勒令給伊錢文。較租金十分之一二。名曰打單。不遂所欲。即約會無數匪徒。將所種田禾盡行芟刈踐踏。以洩其忿。土

人苦之。謂打單錢。急於國課。請旨查辦等語。匪徒結會聚眾。最為閭閻之害。若如該給事中。所奏黨羽蔓延情形。及稻熟時勒索錢文。殊屬大干法紀。不可不嚴行查禁。著李鴻賓。朱桂楨。即查明該處會匪。是否實有三點會名目。及勒索打單錢情事。嚴飭各州縣一體查辦。或照從前緝拏洋盜之法。或另籌善策。總期散其醜類。殲厥渠魁。恩威並用。俾除奸宄。而靖地方。斷不可任令蔓延。以致日久養

癰胎患將此各諭令知之○兩廣總督李鴻賓奏。噶哈喇夷人。歷送校點。俱由內地漢奸暗中唆使。查廣東洋行司事謝五。即謝治安。為人奸猾。熟習夷語。素與該國夷商交結。前月夷人乘坐肩輿。即係謝五送給。現拏獲收禁。飭該府縣嚴切根究。務得確情。按律定擬具奏。得旨。所辦甚好。尋奏謝五因夷商吩咐。患病不得行走。送給肩輿乘坐。冀圖買賣賺利。尚無教唆不法情弊。應革去州同職銜。發

往伊犁充當苦差。下部議從之○又奏廣東省城添調兵丁二百名。亟須建設兵房。查粵海關庫大臣廢署一所。坍塌年久。以之改建兵房。足敷居住。兼可設立箭道。隨時操演。從之○以廣東粵秀白雲二山

龍神廟。禱雨靈應。頒發

御書扁額曰。澤覃嶺海○以探獲土匪出力。予廣東知縣鄒二南等升敘有差○緩徵江西南昌新建豐城進賢清江峽江廬陵泰和萬

安龍泉安福餘干建昌德化湖口彭澤十六縣被水村莊本年額賦及原借籽種穀石。給廬陵泰和萬安龍泉安福五縣貧民修理房屋銀○丁丑諭軍機大臣等。有人條奏。贛州南安一帶。尚有添弟會名目。時常約期拜會。千百為羣。劫掠搶奪。又名添刀會。每人隨身帶刀一把。油氈一張。散布村落。蹊徑之間。遇有攜帶財物者。四集團捆。劫掠一空。恐其控告。因並其人殺害。將屍身分割。各以油紙包

裹。分道而散。所劫財物。除每人應分若干。其餘則以入會。地方官縱有見聞。且以案難辦理。佯為不知。迨呈報命盜之案。不得不派差偵緝。而差役多係會中之人。累月經旬。犯無弋獲。徒擾良民。含糊了事。百姓見官不能作主。只得勉強入會。藉保身家。近來鹽梟之盛。率皆此等匪徒。往往結連十數船。槍礮並列。器械齊全。蜂擁行走。守卡官兵。莫敢過問。所報拏獲私梟。多係零星小販。賴南會匪。由於

地方官因循而成所屬各缺皆視為畏途即如定南廳係在外題調之缺聞向來升補此缺者多逗留省城另圖差委其著任之員存五日京兆之見安望振作此外各屬大都苟且目前冀調別缺聞有欲思整頓者上司轉斥為多事相習因循會匪何由得熄等語江西贛南會匪結黨生事擾害閭閻總由地方官畏難苟安不肯實力查拏以致該匪等傳徒日多肆無忌憚必至釀成巨案所謂除莠

安良者安在該管官所司何事實堪痛恨著吳光悅飭地方官認真偵緝將首要各犯悉行拏獲散其黨類以期淨絕根株毋致養癰貽患至贛州府屬定南廳同知如果逗留省城並不到任著缺之員安望其振作有為並著該撫查明該同知如在省逗留即行飭令赴任以專責成將此諭令知之○戊寅撫卹日本國遭風難夷如例○乙卯

上詣

壽康宮前殿行禮後殿問

皇太后安○旌表守正捐軀河南輝縣民郝文士妻趙氏○庚辰免陝西官兵應扣上年從征回疆借支馬乾銀○免江西廬州衛旗丁遭風漂沒船米○辛巳諭內閣理藩院奏奏遵例呈請擬定諾彥呼圖克圖之呼畢勒罕蒙古王貝勒等一摺前因請將土謝圖親王諾爾布林沁之子密吉特多爾濟擬為諾彥呼圖克圖之時畢勒罕該院查明奏駁今該

盟長扎薩克等並不奉行宜將該扎薩克等交該院嚴加議處惟念該王貝勒等俱係糊塗蒙古不諳定制著將扎薩克多羅郡王密吉特多爾濟罰扎薩克俸二年該盟長於未符定制事件並不斥駁隨同呈報亦屬不合正盟長親王諾爾布林沁副盟長貝勒瑪錫巴圖著各罰扎薩克俸一年俱不准抵銷以示炯戒○諭軍機大臣等長齡奏遵旨拏問容安解赴阿克蘇一摺容安進兵遲延種種

乖謬著長齡行抵阿克蘇。遵照前旨。將容安罪狀逐層詰訊。嚴審定擬具奏。長齡行走迅速。已於本月十一日。行至哈密。計封印前後。可到阿克蘇。並著遵照前旨。俟陝甘及吉林黑龍江官兵到彼。再行帶兵前進。哈喇阿楊芳。計先後行抵阿克蘇。自早啓程。前赴喀什噶爾。英吉沙爾。援救圍城。此時局勢。不難於勦辦完竣。而難於善後。周妥著長齡。哈喇阿楊芳。循理度勢。從長計議。或仍照原定規制。或酌量變通。必得一長治久安之策。方無後慮。不可如那彥成所辦善後行之未及二年。即有此大逆。回入卡滋擾之事。長齡等當以此為前車之鑒。不可一誤再誤。貽患將來。此等烏合之眾。並無志於土地人民。不過欲得子女玉帛。肆其搶掠。迨大兵一到。即紛紛逃竄。及兵撤後。又復潛來。國家經費不可不節。民力不可不恤。而地方之遼遠。疲困不可不思。愚豫防。若常川徵調大兵。尚復成何事體。

經此次痛加勦除之後。必須邊圉肅清。令逆匪不得再施狡計。即或日久間有滋擾之事。亦當豫為籌及。祇可就近調撥兵回。以資防剿。易於了結。不可動煩關內。征兵裹糧。籌餉徒滋勞費。至各路探報賊目名單。前已寄交長齡。按名捕獲。所有受散木薩博巴克阿坦台汰者克等著名逆犯。尤當悉數擒拏。或懸賞購緝。以期必得。若任令該逆匪等聞風遠颺。更屬不成事體。長齡等當善體朕意。悉心籌畫。達野勝算。務期永靖邊陲。用副委任。昨據松筠。郭山。密奏善後事宜。朕初無成見。是否可行。著長齡等妥議具奏。將此由六百里諭令知之。又諭常格奏。採辦麵斤大麥數目。運往阿克蘇備用。並籌計轉運脚力短絀。一摺。據奏庫車採買白麵三十萬斤。大麥二千石。曾將前在兩回城雇覓牛隻驢頭車輛。輪轉輓運。尚屬不敷。其烏嚕木齊糧運原撥駝一千九百隻。據報只收到駝九百餘隻。已

經運往阿克蘇大營。需用駝五百隻。餘駝四百餘隻。尚未旋回。而喀喇沙爾運來麵斤。若令原駝逐起回空。必致堆積。仍飭糧員以運來原駝暫行通融運往。現在庫車腳力短絀。後路官兵接踵而至。大營用糧更多。請分撥駝隻以資協濟。稅運等語。著楊遇春等將阿拉善王所進駝隻。並迪化州原撥駝隻。趕緊分撥該處。俾得轉運兵食。以期源源接濟。毋致有誤。軍需將此由六百里諭知楊遇春等。

山成格。並傳諭顏伯燾知之。○命委散秩大臣倭什訥。在乾清門侍衛上行走。以貝子綿岫為散秩大臣。○旌表守正被戕直隸薊州民張庭祥妻孫氏。○修直隸通州果渠村壩埽各工。從總督那彥成請也。○壬午。諭內閣。嵩孚在湖廣總督任內。倚任繼德。胡源為心腹。繼德。統務性成。前在同知任內。與商人往來宴會。自捐升道員。遇有差委等事。不能慎重。或竟先事漏言。無識之徒。因此羣相趨奉。

胡源行止卑鄙。拜在繼德門下。嵩孚於此等劣員。不行參劾。轉加信用。且任聽劣幕盤踞省城。毫無覺察。豈復能勝總督之任。嵩孚著賞給副都統銜。作為喀喇沙爾辦事大臣。即由湖北前往。不許來京請訓。至繼德前於道光五年在江西同知任內。經成格保舉。此等人員。豈宜濫膺薦贖。成格著交部議處。○又諭。誠端等奏採買糧料。請就近調撥銀兩。並供支過境官兵各一摺。所有和闐阿奇木伯

克伊斯瑪依爾。捐備臺馬五百八十五匹。遞送往來文報。著准其照例。每匹賞給料三升。草一束。以資餵養。其墊借紅錢。及動用庫貯採買糧石等項銀兩。著俟阿克蘇銀兩解到時。即照數歸款。給發。至該阿奇木伯克捐備馬匹。採買糧料。並借墊紅錢。支放征兵鹽菜銀兩。急公報效。甚屬可嘉。著加恩賞給散秩大臣以示獎勵。○諭軍機大臣等。前據鍾昌等覆奏。訪聞湖北省幕。總督衙門陸廷槐。集

司衙門重源。在楚盤踞多年。州縣幕友。半係所薦。又前在鹽道衙門幕友何埽華。現在首府承辦發審之彭紹堂。亦復盤踞勒薦。重源何埽華。及陸廷槐之子陸翼。均捐通判分發各省。聞其子弟仍有盤踞在楚者。民間遂有楚中方幕最堪誇之謠。等語。方幕盤踞省城。最為地方之害。斷不可任聽容留。著盧坤等即將陸廷槐。彭紹堂。及重源等之子弟。在楚省者。均嚴行驅逐。勒令各回原籍。並著查明

陸廷槐等。如另有舞弊不法情事。即奏明從嚴懲辦。毋稍寬貸。將此各諭令知之。○又諭。此次回疆用兵。和闐一路並無賊匪。本無須辦理軍務。乃容安等喪心昧良。措置乖方。於伊犁等處官兵到阿克蘇時。不由葉爾羌大路迅速進援。轉令哈豐阿等向和闐無賊之處行走。遲誤事機。該處供應一切。既已虛糜糧餉。而回子等捐備柴草馬匹羊麪。亦無端受累。在容安長清。不應令哈豐阿等迂道行

走。哈豐阿等亦不應聽其指使。由彼前行。其咎均無可逭。所有此次和闐一路軍需著交長齡將全數劃出。應如何令容安。長清。哈豐阿。分賠之處。分別覈議具奏。將此由六百里諭令知之。○又諭。楊芳奏十一月初五日馳抵阿克蘇一摺。喀什噶爾英吉沙爾。望援孔亟。軍臺大路。地廣樹密。情勢險要。一見兵到。自然分投潛匿。不值稽留援兵。顧輕失重。即葉爾羌數次擾城之賊。亦不過數十賊目。通

脅相從。兵到首逆竄逃。脅從自散。後路大兵踵至。不難以次洗剿。該大臣所見如是。朕意亦如是。獨容安視情勢險要。為勦敵畏縮遲疑。可恨之至。此時機宜。據該大臣奏。以解圍兩城。擒獻首逆為最要。而兩城之圍。又應以英吉沙爾為第一。所見甚是。前據胡超奏。十月二十九日將阿克蘇滿漢馬步官兵民勇。帶領起程。由軍臺大路進援。哈豐阿。孝順岱。所帶由和闐行走之官兵。自己先到葉爾羌。

該大臣於拜摺後。已輕騎趕進。著於會晤胡超時。歸併兵力。以次進援。總須速解二城之圍。擒獻逆裔。無使巧施狡計。希圖竄逸。想哈琅阿。不日亦可到。並酌量情形。應勦應防。妥為辦理。隨時咨報長齡。聽其調度。務期早靖賊氛。肅清邊圉。將此由六百里諭令知之。

○又諭。本日據誠端等奏。採買糧料。已動用庫貯銀兩。現在哈豐阿。孝順岱。帶領各營滿漢官兵。暨民達等。共三千五百餘員。名行抵

和闐。該官兵等。自阿克蘇支領鹽菜。均已過期。該處因無項供支。即飭知伊斯瑪依爾。暫行墊借紅錢一千五百串。如數發給。其採買糧料。及草地一帶。接濟官兵口糧。料石駝隻腳價。並支放紅錢。作為征兵鹽菜銀兩。均係伊斯瑪依爾墊辦。請於阿克蘇就近酌撥銀三萬兩。以備支發。墊款著長清侯甘肅銜銀到時。迅即委員撥解銀三萬兩。運赴和闐。無稍遲誤。將此由六百里諭令知之。○以江蘇

巡撫盧坤。為湖廣總督。調湖南巡撫程祖洛。為江蘇巡撫。廣西巡撫蘇成額。為湖南巡撫。以刑部右侍郎祁寯藻。為廣西巡撫。河南布政使戴宗沅。為刑部右侍郎。○湖北學政賀熙齡。以親老乞養。允之。命翰林院編修許應藻。提督湖北學政。○以捐修山東省會城垣。予紳士郭繼周等議敘。○癸未。

上幸北海。閱冰技。○諭內閣。本日據胡超奏。帶領官兵行抵巴爾楚克。並察看現在情形。取道由樹窩子。直驅喀什噶爾。一摺。前此伊犁官兵民勇四千五百名。於九月十二日。全抵阿克蘇。必應迅速起程。星馳進剿。乃容安遷延觀望。裹足不前。遲至一月之久。尚未進兵。旋令哈豐阿。孝順岱。於和闐無賊之處。迂道前行。並據奏巴爾楚克樹窩子大路賊勢梗塞。屯聚大兵。尚未到齊。不敢輕進。現據胡超奏。行抵巴爾楚克。探得該逆匪等。因聞大兵前來。均豫先向樹窩子。並葉爾羌之草湖樹

窩逃竄等語。是巴爾楚克一帶早無賊匪蹤跡。容安畏蕙無能。喪盡天良。逞誤事機之罪。實無可逭。胡超以此時惟有專力進援喀什噶爾。即由樹窩子偵探前進。並於沿途安設臺站。以通文報。知會壁昌。常豐。令哈豐阿。孝順岱。約期由葉爾羌前赴英吉沙爾進剿。兩面夾擊。使其首尾不能相顧。所辦甚合機宜。有膽有識。可嘉之至。所有該提督前經部議革職之處。著加恩寬免。○又諭前因御史葛

天柱奏泰山西巡撫徐所各款內。有歸州直隸州知州呂士淳在省逗留營謀情弊。當將呂士淳解任。交松筠等查訊。並據奏稱。嚴訊該員。實因奉調至省。尚非無故逗留。並無營謀劣跡。復經該署撫阿勒清阿派員往查。亦無勒索舖戶之事。呂士淳著飭令回任。徐所前於劉泳成因瘋自戕一案。未經奏明。及管教家屬不嚴。咎有應得。姑念於呂士淳被參營謀該撫重款。說明並無其事。已另降諭旨。

將徐所加恩降補湖南按察使。免其照部議降六級調用。○諭軍機大臣等。奇翰揚威將軍長齡。本日據胡超奏。帶領官兵由樹窩子赴援喀什噶爾一摺。該提督同額爾古倫貴成。察隆阿。德勒格爾桑等。帶領官兵。於十一月初五日行抵巴爾楚克。由新改臺路前進。所過各臺。逐處察看情形。該處當差情。蘭回子。自聞逆匪滋擾之信。早將春口搬移。其從逆回子。聞大兵踵至。即向樹窩子並葉爾羌

之草湖樹窩。逃竄躲避。應速加探捕。該提督因賊匪人數無多。且急於赴援喀什噶爾。英吉沙爾二城。是以未經探捕。並於沿途安設臺站。以通文報。所辦甚合機宜。已明降諭旨。將該提督從前交部議處處分加恩寬免。並另諭胡超到喀什噶爾時。將剿辦情形隨時咨報。該將軍調度。至情。蘭回子一聞大兵踵至。先期逃竄。殊屬可惡。該將軍到阿克蘇後。著即派員帶兵前往各臺。查明實係從逆者。

痛加勦洗以示懲創不可稍有姑息將此由
六百里諭令知之○又諭據胡超奏帶領官
兵取道樹窩子赴援喀什噶爾所辦甚合機
宜有膽有識可嘉之至所有該提督前經部
議革職之處已另降諭旨加恩寬免矣該提
督已知會壁昌常豐令哈豐阿孝順岱約期
由葉爾羌前赴英吉沙爾進剿兩面夾擊使
賊匪首尾不能相顧所見極是胡超著即先
赴喀什噶爾將圍城賊匪剿散後即當乘勢

馳往英吉沙爾彼時楊芳哈豐阿等所帶之
兵計已趕到正可併力夾擊解圍賊臺路
一律肅清該提督仍著折回喀什噶爾駐劄
該處與扎隆阿等會商妥辦將撫剿一切事
宜隨時咨報長齡聽候調度將此由六百里
諭令知之○以惇親王綿愷為總請達○以
刑部右侍郎阿勒清阿為山西巡撫調吏部
右侍郎鍾昌為刑部右侍郎工部左侍郎奕
經為吏部右侍郎盛京兵部侍郎那丹珠為

工部左侍郎理藩院左侍郎常文為盛京兵
部侍郎以都察院左副都御史嵩惠為理藩
院左侍郎○調湖北布政使林則徐為河南
布政使以山西按察使額騰保為湖北布政
使調湖南按察使夏修恕為山西按察使○
甲申諭軍機大臣等據常德等奏特派卡外
胡什奇愛曼布魯特比霍卓木胡里之弟金
頂布魯特密爾雅胡里由草地潛赴喀什噶
爾偵探賊情安慰回眾該布魯特親入賊營

面見明伯克愛散博巴克均相待甚好後赴
喀什噶爾阿勒吐什等回莊與黑帽回子入
孜巴依等相見據各黑帽回子等稱自從霍
罕安集延逆賊滋事掠取財物子女均被苦
害專盼大兵到來即可活命至玉素普與伊
子並未親來聽說霍罕伯克亦未派人前來
策應新城雖然被圍防守甚嚴現在賊不甚
多○大兵到時就要逃竄等語該布魯特探聽
得實並取有八孜巴依回信由卡外旋回等

情喀什噶爾賊匪無多城池固守胡超業由
新改臺路進發哈琅阿楊芳亦相繼馳往看
來大兵一到各賊必紛紛逃竄惟念各黑帽
回子不肯從逆被賊滋擾情殊可憫將來事
定後著長齡將黑帽回子被害各莊並實在
出力守城防禦者詳細查明據實具奏將此
由六百里諭令知之○又諭據楊芳奏前隊
改道進兵立催後隊相繼策應情形並據另
片奏染患熱瘧趕緊醫治等語楊芳於十一
月初七日行抵薩伊里亮噶爾軍臺據奏數
日前生有熱瘧近復紅腫暫駐該處療治不
須半月即可乘騎前進該大臣現在既患熱
瘧必須上緊醫治慎重調理即在該處多駐
數日俟全愈後再行前進亦無不可切勿過
於勞頓儻勉強就道力疾馳驅於事轉屬無
益昨據胡超奏帶領官兵於十一月初五日
抵巴爾楚克由新改臺路前進當經諭令先
赴喀什噶爾將圍城賊匪勦散後即乘勢馳

往英吉沙爾茲該大臣奏詢和前隊官兵皆
已跟及合計有兵八千餘名足敷勦辦該大
臣在該處駐劄催令後隊官兵相繼起身甚
合機宜著即立催後起之兵趕緊馳進接續
策應合力併勦解圍殲賊俾臺路一律廓清
邊圉永靖朕日盼捷音之迅至也將此由六
百里諭令知之○又諭常德等奏遵旨嘉獎
托依莫特並卡內外情形一摺據稱卡外奇
里克愛曼布魯特比托依莫特前次呈出逆
信奏奉諭旨嘉獎接到後當即差派布魯特
比庫曲主等出卡傳旨嘉其忠悃諭令益加
奮勉如將來更有出力之處必當重加恩賞
該比感激天恩情願竭誠報效並稱卡外路
通喀什噶爾一帶各受曼布魯特比霍卓木
胡里等稟報現聞大兵進勦各率所屬防守
烏什卡外要隘山口同心效順等語托依莫
特及眾比等合力防守忠悃可嘉該大臣等
務即諭知該比等俟該逆匪等竄入部落立

時設法悉數擒拏毋任再行逃竄。儻著有功勞必奏請恩施。涯加懋賞。俾令感奮。咸思報效。以淨逆氛。該大臣等仍當隨時小心防範。毋稍疏虞。又另片奏差派金頂布魯特密爾雜胡里。潛赴喀什噶爾。阿勒吐什等回莊與黑帽回子入孜巴依等相見。據各黑帽回子回稱。自逆賊滋事後。都被霍罕安集延掠擄。苦害。現在還向要錢。專候大兵到來。即可活命。玉素普並未親來。伊子是假。新城防守甚嚴。霍罕伯克亦未派人策應。該布魯特探聽得實。取有入孜巴依回信等情。該大臣等業經賞給該布魯特銀兩羊麪等物。所辦甚妥。各黑帽回子等不肯從逆。被賊擾害。情殊可憫。已諭知長齡等查明具奏。候旨施恩。將此由五百里諭令知之。○以工部左侍郎那丹珠兼正紅旗蒙古副都統。○子洋阿爾巴特營陣亡甘肅兵丁李良得。淹斃兵丁顧天祥等。實卹有差。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十一

臣等謹將宣宗成皇帝實錄卷之一百八十一

臣等謹將宣宗成皇帝實錄卷之一百八十一

臣等謹將宣宗成皇帝實錄卷之一百八十一

臣等謹將宣宗成皇帝實錄卷之一百八十一

臣等謹將宣宗成皇帝實錄卷之一百八十一

載修

道光十年庚寅十二月乙酉朔諭內閣孫爾

準奏在籍提督王得祿請赴回疆軍營效力
一摺原任浙江提督王得祿由千總改用水
師疊次出洋獲盜洋面情形是所熟悉陸路
即非所長况王得祿寄籍福建臺灣距極邊
之回疆道途遙遠人地生疏焉有調派之理
該提督輒請前赴軍營實屬謬妄孫爾準據
情代為奏請亦屬冒昧俱著傳旨嚴行申飭
○禮部奏道光十一年元旦應行禮儀得旨
是照例行禮筵宴其在外福晉命婦進內行

禮之處著停止○國子監奏查戶部捐納房
每卯咨送捐生印冊到監查驗部照加給監
照每月初十日辦照官赴戶部會同江南道
御史稽查銀庫御史禮部司員查對捐冊小
票俱係捐納房臨時分送名冊一本磨對是
以戶部之冊對戶部之冊不足以資稽查嗣
後應令各捐生於戶部上兌三日内赴監具
呈將籍貫三代履歷及上兌日期詳細呈明
由監自立名冊將履歷詳載鈐用印信俟每
月初十日辦照官即將自註之冊持赴戶部
與捐納房捐冊銀庫小票會同各員互相磨
對即將所對印冊咨送江南道備查其由監
生加捐貢生並貢監生報捐職銜者應令一
體於戶部具呈後將監照赴監呈驗詳細查
對如用戳記再行赴庫上兌其有二照不全
者不准率行加捐於假底朦捐及抽換稿件
諸弊稽察較為嚴密從之○子葉爾羌陣亡
甘肅把總趙舉祭葬世職如例○丙戌

上詣

皇太后宮問安。○諭內閣。宗人府奏。惠郡王綿愉。莊郡王奕劻。來年均屆十八歲。一摺。惠郡王綿愉。來年仍在內廷行走。上書房讀書。惟今入於例。應行走差使。上行走。無庸上朝。莊郡王奕劻。著照例上朝。在一切差使上行走。○又諭給事中溥治等奏。各省工程。玩不造冊送科察覈。請飭照例辦理。一摺。各省凡遇修造各項工程。例應造具細冊。咨送工科查

覈。近年以來。外省請項動工。不知凡幾。而造冊送覈者。十無一二。難保非承辦之員。任意抗違。有心隱匿。著通諭各省嗣後。凡一切大小工程。務遵定例。備造細冊。咨送工科查覈。並於工竣時。即速造送。不得無端怠緩。僅有仍前遺漏遲延者。即著查取承辦各職名。交部分別議處。○又諭穆馨阿等奏。伯錫爾懇請呈進馬匹羊隻一摺。哈密郡王職銜貝勒伯錫爾。前請湊備車輛。曾降旨令該大臣等

照例發給腳價。茲據奏稱。伯錫爾仰蒙體恤。感激難安。現備壯健馬三百匹。羊一千隻。懇請代奏。情詞懇切。自應准其呈進。著加恩賞給大緞二匹。即由該處庫貯發給。並著交理藩院議敘。以示獎勵。○又諭薩迎阿奏。請承襲扎薩克貝子爵職。一摺。喀喇沙爾貝子巴勒丹喇什。在軍營病故。前經降旨。加恩照貝勒例賜卹。即令伊子承襲貝勒。茲據薩迎阿查明。巴勒丹喇什有子四人。所有貝勒爵職。

著伊長子蒙庫那遜承襲。其貝子管旗印。前委副盟長公策伯克扎普兼署。著仍令其署理。至該貝勒出征時。所借半年俸銀二百五十兩。並著免其扣繳。○諭軍機大臣等。哈豐阿等奏。帶領官兵行抵葉爾羌。並遇賊接仗情形。一摺。喀什噶爾。英吉沙爾。二城被圍。已及四月。待援甚急。何可再緩。該提督等帶領官兵行抵阿克蘇後。並不迅速由大路進發。轉由和闐前往。以有用之兵。於無賊之處繞

道行走。已屬不知緩急輕重。現據奏於十月二十六日行抵和闐。二十八日始至洛河軍臺。行走實屬遲滯。至十一月初四日。在葉爾羌迤南玉河大橋遇賊接仗。並不將賊目黑色木阿澤。即時擒獲。僅生擒賊匪數十名。其餘賊匪。任其四散奔逃。於次日即在西路喀拉布扎什頭臺地方紮住。該提督等明知二危城急切待援。並不趕緊進發。轉以不敢冒昧輕進。飾詞搪塞。遷延畏縮。祇知保全性命。無勇無謀。可恨之至。昨據胡超奏。已於十一月初五日行抵巴爾楚克。由新政臺路前進。並知會壁昌等。令哈豐阿等約期由葉爾羌前赴英吉沙爾。該提督等自應激發天良。帶兵前赴哈喇阿楊芳。均係特派參贊軍務。此時計已先後趕到。著加緊進行。於途次會晤時。即將所帶官兵交哈喇阿楊芳統領。聽其調度。將此由六百里報便諭令知之。○又諭。據哈喇阿奏。已於十一月十二日行抵喀喇

沙爾。定於二十日後趕至阿克蘇。其官兵已到喀喇沙爾者。業經諭令加站前進。並信致長清。先期籌備駝隻。在後官兵。亦催令趲行等語。該大臣行走迅速。籌辦亦屬妥協。昨據胡超奏。十一月初五日已抵巴爾楚克。取道樹窩子進援。楊芳奏。十一月初七日行至薩伊里亮噶爾軍臺。該大臣於拜摺後。自亦趕緊前往。著與楊芳會晤後。即一同速赴喀什噶爾。英吉沙爾。以解二城之圍。所有從逆之白帽回子。必須痛加勦洗。其餘被脅回眾。應勸者勸。應撫者撫。一切事宜。務當酌籌妥辦。用副委任。並隨時咨報長齡。朕日盼捷音之至也。將此由六百里諭令知之。○又諭。壁昌等奏。葉爾羌近日賊匪情形。並救援官兵到城一摺。據稱十月二十九日。西路科科熱巴特營盤。有賊匪千餘騎。自英吉沙爾前來撲擾。將出敵之商伯克玉素普等四人裹去。小回子等膽怯驚散。該賊復暗會城東賊匪。及

從逆情蘭賊眾於三十日到城。屯於南北回莊之後。當即飛差兵回往迎援兵。整隊備戰。十一月初一日。賊眾繞城而攻。經壁昌調派官兵出城接應。常豐在城上督率。調撥槍礮。打死賊匪甚多。南關外又有賊匪竄入。復勦殺十餘名。餘皆竄逃。我兵民遣等僅陣亡四名。受傷五名。初三日賊眾竟撲回城。經官兵伯克等用槍礮打死五十餘名。連日賊眾退聚西南附近回莊屯紮。以致臺路文報不通。

正在危急。適哈豐阿孝順岱帶兵前來。於初五日由城東南回莊直奔賊營。殺賊無數。生擒六十餘名。餘賊拔營西竄。壁昌等即調東門外紮隊官兵接應。復擒獲數十名。槍獲槍矛馬匹鍋帳等物。追殺賊蹤。已逃過喀拉布扎什頭臺。隨即合兵一處。公同計議等語。此次葉爾羌復有賊匪滋擾。經該大臣等即時勦散。哈豐阿等援兵已到。現議先追至西路喀拉布扎什頭臺戈壁西英吉沙爾交界

地方。暫為紮營。相機再進。其東路愛吉特虎頭臺賊匪。自必聞風膽落。不敢再來。至從逆情蘭回子。甚屬可惡。前已諭知長齡到阿克蘇後。派員查明。痛加勦洗。該大臣等務即諭令阿布都爾滿設法先行招集。分別拏獻。以免逃竄。後勦辦費力。此時胡超等帶領官兵。已由樹窩子直驅喀什噶爾。計日大兵雲集。自可迅解二城之圍。該大臣等務當小心防守。勿使賊匪竄入。以固邊圉。而副委任。將此

由六百里諭令知之。○予和闐陣亡甘肅把總楊魁。祭葬世職。葉爾羌陣亡兵丁陳萬順等二名賞卹如例。○旌表守正捐軀直隸清河縣民王家妻張氏。○追旌順治七年遇賊捐軀湖南寧遠縣民李尚伋妻鄭氏。及其子李春麗妻鄭氏。○以喀喇沙爾伊犁二處屯田豐收。予員弁議敘。賞兵丁一月鹽菜銀。○丁亥諭內閣。明年朕五旬萬壽。各省督撫及將軍提鎮等。俱不准奏請來京祝嘏。○諭軍

機大臣等據楊芳奏。胡超仍由葉爾羌進兵一摺。胡超前抵巴爾楚克。即取道樹窩子進兵。嗣因接到楊芳前咨。令由葉爾羌進援。旋即折回。由軍臺大路行走。該提督既已折回。大路前行。自必星馳進剿。不至再有遲延。胡超到葉爾羌時。哈豐阿孝順。早經到彼。諒已會合進援。二城之圍。即可速解。現據瑪雜爾回子薩木克供稱。安集延布魯特多人。在喀什噶爾城周圍住著。因城上施放槍礮。不能進前等語。是該城尚能固守。大兵一到。無難一鼓勦除。哈喇阿已於十一月十二日行抵喀喇沙爾。定於二十日後趕至阿克蘇。楊芳前患熱痢。想已就愈。著該參贊等趕緊遣行。遵奉節次所降諭旨。將勦撫事宜酌籌妥辦。以副委任。將此由六百里諭令知之。○展緩長蘆鹽商應徵未完銀。○戊子。馬蘭鎮總兵官黃文煜奏。葦子峪栽植樹株。均屬茂盛。現已不顯道路形跡。得旨。原係後來添闢之

路。如此禁止往來。與全局亦屬相宜。○護陝西巡撫史譜奏。甘肅延川定邊三縣採買常平缺額倉糧九千石。報聞。○裁貴州普定縣屬上五苑枝土千總缺。從巡撫嵩溥請也。○己丑。諭軍機大臣等。寄諭兩江總督陶澍。江蘇巡撫程祖洛。江西巡撫吳光悅。安徽巡撫鄧廷楨。河南巡撫楊國楨。據陶澍奏。查明安徽霍邱縣漢回械鬥一案。是日回民逞兇。實止殺斃漢民王三等四命。同時被傷較重之民人張席珍等六名。業已醫痊。此外受傷尚輕者。旋即平復。未經報驗。其不知去向之王陳氏。宋學義等。俱有著落。實無另有致斃之人。惟潁州等處回民。向來兇狠好鬪。一呼成羣。視漢民如仇。此案被殺之王三等。及受傷之張席珍等多。非同謀對敵之人。乃回民殺機既動。遷怒旁觀。亂刀混扎。槍火轟焚。竟有逢人便傷之勢。情形兇橫。與尋常鬪毆誤殺旁人。之案不同。而糾人尋釁。釀成重案。之在

逃兇回白姓。尤為案內巨惡。土人言之。猶為切齒。必須拏獲。一併按律重辦。其已獲兇犯楊松山等。初供尚多狡飾。現經鄧廷楨提省嚴審等語。霍邱縣漢回械鬪一案。係在逃之回民白姓。糾人尋釁逞兇。實為案內巨惡。該犯或逃往鄰近各省。或仍潛匿安徽。均未可定。必須拏獲到案。按律重辦。以儆兇頑。著陶澍等即飭所屬一體認真訪查。嚴拏務獲究辦。毋任遠颺。將此各諭令知之。尋奏在湖北

沔陽州拏獲白秀即白姓。審明回民楊松山等與漢民王三等鄰居戲謔。楊松山被罵不甘。糾毆洩忿。各持械爭鬪。並放火槍。因槍筒炸裂。誤然集民王得順店內花爆。延燒草屋九十餘間。白秀在場並未傷人。僅將班耀先等糾往。應發極邊煙瘴充軍。到配折責安置。楊松山扎傷王三致死。擬絞監候。下部議。從之。○諭總管內務府大臣等。嗣後王公一品大臣使用太監數目。不必限以定制。多少

聽其自便。自明年為始。宮內當差太監。如人數不敷。著仍照舊例。由宗人府傳知各王公。按從前數目。由內務府行知。著令交進當差。應先期諭令知之。○閩浙總督孫爾準奏。遵旨察看浙江布政使慶善。心地誠實。循謹有餘。至於駕馭人才。通達政體。敏決肆應。是其所短。在浙三載。熟悉地方情形。暫護撫篆。可免貽誤。若為日過久。竊恐難以勝任。報聞。又按本年十一月內召見臺灣府知府鄧傳安。

看其人尚明白。但年逾六旬。雖未衰頹。頗形羸弱。該府遠在海外。民情易動。盜劫頻仍。該員雖在彼有年。以此時之精力觀之。可否勝任。當留心查看。慎勿稍有將就。貽誤地方為要。尋奏。請將鄧傳安留於內地酌量補用。從之。○以太常寺卿德興為都察院左副都御史。○命來京瞻覲之烏喇特公喇特納巴拉作為年班當差。○命續調四川官兵折回原營。並分別扣免借支俸賞行裝等銀。○以江

南糧價增昂。緩買各幫丁行月等米。○庚寅。孝惠章皇后忌辰。遣官祭。

孝東陵。○

上詣

皇太后宮問安。○諭內閣程祖洛奏。請定命盜案件起限章程等語。各省命盜案件。均係報官之日起限。州縣隨時詳報。由臬司查明。按月彙冊詳咨。湖南省自嘉慶二十一年以後。州縣不報起限。臬司亦遂不彙冊詳咨。致有

經年累月始行通詳之案。實屬不成事體。據該撫奏請申明定例。飭屬遵辦。著照所議。通飭所屬。以道光十一年開印為始。遵照現定章程辦理。如再通報遲延。即著嚴叅懲處。不貸。○辛卯。諭軍機大臣等。據常德等奏。烏什卡外布魯特比托依莫特。遣伊姪愛達爾伯克等報稱。喀什噶爾所有霍罕安集延賊眾。聞得大兵由葉爾羌進剿。口稱霍罕有事。必須回去。僅留圍城賊匪數百名。囑令俟賊眾

出卡較遠。再隨後出去。均於十一月初九日逃竄出卡。仍回霍罕。係托依莫特同弟愛散克勒底。及眾布魯特眼見之事等語。此等烏合之眾。一聞大兵將臨。即紛紛逃竄。早在朕意料之中。是以屢催迅速進兵。使該逆匪等猝不及防。即可痛加剿洗。乃遷延至今。兵到已在賊遁之後。現據托依莫特所報情形。如果屬實。是喀什噶爾已無賊可剿。所謂臨陣生擒之說。徒託空言。此時該逆匪等雖已逸

出卡外。安知不就近潛藏。伺我動靜。長齡當豫為籌計。必須將著名逆犯悉數就擒。永除後患。應如何設法擒捕。及懸賞購線。今就縛獻之處。著即飛咨哈喇阿楊。著胡超。妥速辦理。現在局勢。可無須如許兵丁。若因已經徵調。概令前往。非特虛糜糧餉。且恐所需柴薪等項。不無擾累回莊。看來不過需兵一二萬。即可足敷調遣。著長齡察看情形。酌量裁撤。以節冗費。至胡超前已奏明由樹窩子直驅

喀什噶爾。嗣據楊芳奏。該提督因途次接到楊芳前咨。今由軍臺大路行走。旋即折回。並稱樹窩子以至牌斯巴特俱有埋伏。道路窵斷等語。胡超既已由樹窩子前進。復又折回大路。如因樹窩子一帶恐有賊匪埋伏。即不由彼處行走。儻無別路可行。豈遂可駐兵不進。況統帶重兵。如途次遇有伏賊。正可就勢迎勦。焉有轉避賊匪之理。今據常德等探報賊情。俱已逃逸出卡。是所言樹窩子一帶俱

有埋伏。及道路窵斷之說。並不確實。此言是否出自胡超。抑係楊芳因探有此信。令其折回。其言究竟得之何人。並折回改道。究係何人主見。著長齡密加確訪。據實覆奏。又據常德等奏。喀什噶爾逃出黑帽回子愛孜木沙等。供出賊目偽密喇布伯克委拉提。偽阿奇木霍扎付俱在前開賊目名單之外。著查明悉行捕獲。以淨根株。再昨據富俊那彥成條陳善後事宜各一摺。著將原摺發給長齡閱

看。與前次寄給之松筠鄂山條奏各摺片。同哈琅阿楊芳。一併籌酌妥議具奏。將此由六百里諭令知之。○又諭。據常德等奏。喀什噶爾逃出黑帽回子供出各賊目。並據托依莫特探報。喀什噶爾所有霍罕安集延圍城賊匪。聞有大兵前來。俱已逃竄出卡等語。所奏均悉。該逆匪等雖已逸出卡倫。未必全行遠竄。現在胡超等帶領大兵。計已到彼。不難剋日勦除。該大臣等仍當撫馭兵回。隨時偵探。

妥為防守。毋得稍有疏懈。將此諭令知之。○戶部奏。本年十一月會議章程。請將外省報捐監生。已發執照。應繳正實收。定限近省一年。遠省十五月。繳送到部。逾限者該管官議處。該生不准作為監生。蓋以執照為監生報捐憑據。若執持實收。即准作為監生。是執照之外。多一憑據。即恐多滋假冒。是以嚴定期限。豫防弊竇。惟查未定章程以前。已頒執照未繳之正實收。若照新定章程辦理。逾限者

不准作為監生。該生等未免屈抑。若不照新定章程辦理。又恐前後輾轉。不能一律清釐。相應由部行文各省督撫。查明十年十一月以前。捐生已領執照。繳回正實收。尚未送到部者若干。令即送部。其未繳正實收。現存司庫執照若干。即行分給捐生。換回實收。送部。自接到部文之日起。統限二年一律清釐。二年以後。不准仍執實收作為監生。其有遇便在部換照者。查覈案據相符。亦准換給。將原

領本省該生執照追繳。亦以二年為限。至十年十一月以後。均照奏定章程辦理。以歸畫一。從之。○修湖北公署監利二縣隄工。從總督嵩孚請也。○以捐修廣東廣州府屬隄工。賞廩貢生伍元機舉人一體會試。督修知縣楊砥柱等下部議敘。○以捐助軍需銀十萬兩。賞廣東捐納道員伍元華鹽運使銜。○壬辰。

上詣

大高殿行禮。○幸瀛臺。閱水技。○諭內閣。御史卞士雲奏。請飭禁外省書吏擬批積習一摺。各省督撫司道及學政鹽關各衙門。遇有批稟批呈事件。鉅細均應親身覈定。不得假手吏胥。致滋弊混。據該御史奏。各省申詳案件。與具呈上控之人。每先向掌稿經承打點。如應准之件。另擬數語議駁。應駁之案。另擬數語議准。先以消息宣露。無識之徒。受其愚弄。甚且勾通幕友。因緣為奸。其弊無所不至。所

關於吏治匪淺。著通諭各督撫轉行各衙門。嗣後凡遇批稟批呈。無論重大案情。及尋常事件。均著悉心詳覈。自行裁酌。毋許專任吏胥幕友。豫定准駁。致令藉端朦混。遇事招搖。以除積弊。而肅吏治。○諭軍機大臣等。惠顯等奏。噶勒丹錫呼圖薩瑪第巴克付願懇赴京祝嘏一摺。噶勒丹錫呼圖薩瑪第巴克付。因明歲為朕五旬萬壽。願請赴京祝嘏。情詞懇切。出於至誠。可嘉之至。惟道途遙遠。達賴

喇嘛年甫一十五歲。該薩瑪第巴克什。係辦理商上事務之人。未便令其離藏。著該大臣等傳知該薩瑪第巴克什。明歲毋庸來京。將此諭令知之。○又諭。昨因胡超前已奏明由樹窩子直趨喀什噶爾。嗣復折回由軍臺大路行走。並稱樹窩子至牌斯巴特有賊埋伏。特降旨令長齡查明。此信得之何人。改道行走。究係何人主見。據實覆奏。本日據胡超奏行至沙湖兒。拏獲逆回薩木克色提巴爾第

二名。訊稱樹窩子一帶。有安集延布魯特及白帽回子。因前次大兵由此路進援。此次俱安有埋伏。將道路電斷。拉有柵子。阻截官兵。並接楊芳咨稱。由大路前進。更合機宜。壁昌等亦咨令速援葉爾羌。與哈豐阿等會合夾攻。賊必逃竄。該提督恐由樹窩子進剿。欲速反遲。耽延時日。是以不敢拘泥前奏。仍行折回由大路進兵等語。是胡超此次所奏。已屬明晰。所有昨諭長齡令訪查之處。著無庸覆

奏。將此附六百里報便諭令知之。○又諭。哈豐阿等奏葉爾羌西路喀拉布扎什頭臺。遇賊接仗得勝一摺。據稱十一月初六日拔營行至五十里湖灘。探得喀拉布扎什軍臺。逸東有騎馬賊目數百人。當即各帶十餘騎先往查看地勢。知有埋伏。正擬分路斜抄。忽見塵土又起。添有馬賊五六百騎。步賊千餘人。一齊撲放鳥槍。哈豐阿等各帶官兵三路夾攻。將賊截為兩斷。勦殺一百餘賊。生擒五十

餘名。獲馬三十餘匹。槍矛大頭棍四十餘件。餘賊逃入回莊。施放鳥槍。轟傷我兵四名。哈豐阿等復令眾兵放火。燒斃五百餘賊。追殺一百餘人。生擒五十餘名。因天晚在彼暫紮。俟胡超一二日後趕到。合兵西援英吉沙爾。即可直抵喀什噶爾等語。此次哈豐阿等追勦至喀拉布扎什軍臺。遇賊接仗。擒殺多名。尚屬可嘉。哈豐阿孝順。自己迅速前進解圍。所有得獲勝仗出力官兵及受傷兵丁。著

壁昌等查明名數。咨報長齡。分別辦理。又據壁昌等另片奏。現在東路愛吉特虎頭臺賊已聞風膽落。均由奎里鐵里木道上仍往喀什噶爾境內逃去。所留滿洲馬隊二百名。無所用處。已令趕赴哈豐阿大營歸隊。一面飭令阿布都爾滿。選派熟悉情蘭情形之五品伯克莫洛黑色木等。前往東路招探。其逃避河沿之情蘭回子。統俟哈豐阿胡超等將喀什噶爾英吉沙爾賊匪勦淨。堵住西竄之路。

設法全行招出。俟楊芳到來。會商洗除。至葉爾羌西南卡外色呼庫勒地方。賊匪有無盤踞。已令伊什罕伯克庫爾察克等出卡招約附近未叛之布魯特等。共力擒拏。冀可務獲該處賊目。並授計傳諭布魯特等。前往英吉沙爾卡外一帶準備。如有從彼逃出賊匪。立即查拏。將奪獲輜重賞給出力之人。認有賊目。擒獻解城。報功重賞等語。所見甚好。該大臣等務當隨時設法擒拏賊匪。勦除淨盡。毋

使一名漏網。以固邊圉而副委任。將此由六百里諭令知之。○又諭。據長清覆奏。九月初六日飭令胡超等相機前進諭旨。係於九月二十五日奉到。其初十日飭令容安折回伊犁諭旨。係於二十八日接奉。並非驛站遲誤等語。喀什噶爾被圍。亟望救援。朕指示機宜。降旨飭令進兵。該大臣等接奉後。自應遵照妥辦。先行覆奏。即有尚須籌議之處。亦應據實陳明。乃該大臣等欲令容安管帶官兵。遂

先將九月二十八日接奉諭旨聲敘。而於二十五日先經接奉之諭旨。轉不覆奏。實屬有心含混。長清著傳旨申飭。將此諭令知之。○又諭。胡超奏。自樹窩子拏獲逆賊審明。並接楊芳壁昌等來信。改道由葉爾羌大路合兵前進一摺。該提督等已於十一月十四日行抵葉爾羌。十五日旋即前進。現在喀什噶爾英吉沙爾二城賊匪。據奏一聞大兵進剿。將輜重先運出卡。祇留人馬抗拒官兵。該提督

與哈豐阿等合力進撲。自己速解二城之圍。此時哈琅阿揚芳計亦先後趕到。務當會商妥辦。應勦則勦。應撫則撫。將著名賊目設法追擒。或懸賞購線。令就縛獻。仍將辦理情形隨時咨報長齡。聽其調度。將此由六百里諭令知之。○以防堵要隘。採辦糧料出丸。免阿克蘇所屬回戶本年應徵大小麥石。○癸巳先是御史彭玉田奏。請查捐生假照。得旨著吏戶兵三部會議具奏。至是奏請飭下各直

省督撫府尹。將部頒真照捐生冊分發各州縣。出榜曉諭。榜上無名。即係假照。其有志上進者。准其原名另報。其不願另捐者。聽其將假照自行銷毀。不必官為查銷。仍嚴禁胥役奸徒借端勒索。至有事到官。查明實係假照。即照平民辦理。從之。○命大學士盧蔭溥管刑部事。大學士托津。無庸管理。○賞乾清門行走貝勒奕綺。三眼花翎。喀爾喀二等台吉德木楚克多爾濟。花翎。○免江西南昌衛後

幫旗丁遭風漂沒米石。○甲午。

上御乾清門聽政。○諭軍機大臣等。楊芳奏。接據扎隆阿來信。賊已竄逸一摺。據稱十一月十七日。扎隆阿差丁常奉清齋到信。云內稱賊人自月初以後。漸次移營。至初十日夜全行逃遁。惟細繹來函。有此次賊來。由於內有勾結。猝致失事之語。當即訊據常奉清。供八月初間。得卡外滋事。塔斯哈帶兵去後。伊薩克即報稱我兵大勝。與扎隆阿並兵民道喜。

扎隆阿隨差伊偵探。知官兵全行陣歿。伊薩克所說。盡是虛言。扎隆阿因此疑惑。伊薩克又請派兵接應。扎隆阿並未准行。當差人前往伊薩克署內暗查。適有眾商民稟稱。街上見伊薩克車內。坐有前次與塔斯哈帶路之五品伯克。一同進署。扎隆阿即派官兵同商民數百人。將其衙門圍控。房內並地窖中藏匿許多回子。並撥出刀矛器械。交官存貯。扎隆阿將要緊頭目存留質對。其餘俱殺。現將

伊薩克並伊妻派人看守。嗣後官兵商民屢次打仗。殺賊無數等語。伊薩克自上屆軍興。急公報效。著有勞績。經朕加封王爵。授為幫辦大臣。此次伊子愛瑪特捐辦糧馬。嘉其忱悃。亦復疊沛恩施。現據長清奏。愛瑪特自聞喀什噶爾被困。思念其父。時常涕泣。隨同籌辦一切。極為出力。現聞賊遁。喜形於色。並於九月間將其子阿密提送至伊犁避賊。看其光景。伊薩克感激天恩。不應遽懷攜貳。朕思必無其事。且上屆克復四城。生擒首逆。天戈所指。迅就蕩平。伊薩克曾經目覩。豈不知震懾天威。乃反思勾結。自料有何力量。足以抗拒官兵。伊薩克雖極糊塗。亦不至此。再前據長清奏稱。未敢呼爾供。伊在喀什噶爾聽說前次伊薩克帶領官兵並黑帽回子打仗。傷壞一千多賊。因此人人都恨。或者播造謠言。扎隆阿與伊薩克素不相能。誤聽蜚語。亦未可定。此時該將軍計已行抵阿克蘇。現在賊

匪全行逃竄。臺路廓清。正可輕騎趕緊直抵喀什噶爾。著長齡即作為該將軍之意。密行飛寄扎隆阿。將伊薩克妥為看守。勿令稍有傷損。儻或有意外之虞。惟扎隆阿是問。長齡到彼。即將扎隆阿所稱伊薩克暗為勾結及常奉清所供伊薩克各款。逐一研訊明晰。務得確情。據實具奏。至所稱地窖中藏匿器械。容有其事。若藏匿回子多名。扎隆阿同在一城。何竟先無見聞。並著一併詳細查明。長齡等若稍有含混遷就。不但負恩誤國。一生威望。掃地盡矣。諒長齡等必不至如此。再頃據長清奏。接到楊芳來信。令其將愛瑪特看守。業已拘禁在署。愛瑪特應否即在阿克蘇訊問。抑須解至喀什噶爾質訊。或即交長齡帶往。著長齡酌量辦理。將此由六百里加緊諭知長齡。並諭哈喇阿楊芳知之。○又諭本日已刻據哈豐阿等奏。十一月十二日。由葉爾羌整隊前進。至黑色爾迪南山邊一帶。追趕

賊匪沿途勒殺二百餘人。餘皆向英吉沙爾逃竄。一半竄入黑色爾回莊。該提督等飭令官兵先行圍回莊。全行擒捕。並生擒安集延隊目巴拉特一名。隨即追趕至英吉沙爾。迤東之頭臺托布拉克。接路勒擒賊匪。連竄城內已空。復督官兵在附近村莊徧行擒捕。拏獲賊匪三百餘名。訊明實係從逆。即行正法等語。英吉沙爾之圍。業經該提督等帶兵勒散。據巴拉特供。有毛拉邁瑪底阿澤。雅活

普阿澤吉勒達爾伯克等。同伊帶了三千餘人前來。並供伊從喀什噶爾起身。有阿克庫里邁瑪西里普。巴圖魯伯克。脫的伯克。舒都魯伯克。博巴克。玉素普和卓。推里和卓。約洛達什伯克。俱是霍罕人。帕拉特。薩瑪克。共帶著七八千人。在喀什噶爾住著。同官兵打仗。阿坦台。汰劣克。並未進來。十月內玉素普和卓。叫人給阿坦台。汰劣克。送過六箇馬馱子的東西等情。此等賊匪。因官兵前到。先

行跑散。必羣至喀什噶爾攻圍。務須迅速殲擒。不可任令一名漏網。此時該提督等自己星馳前進。早抵喀什噶爾。胡超計亦趕到。哈浪阿。楊芳。不日相繼到彼。著長齡飛飭帶兵各員合力併勦。速解該城之圍。並將著名賊目悉數擒獲。以靖邊圉。所有哈豐阿等單開打仗殺賊出力之員弁兵勇等。著長齡等查明覈實具奏。原單發給閱看。至巴拉特此次所供賊目。與前此發去賊目名單。不盡相符。

其阿坦台。汰劣克。玉素普和卓。各犯。據各處奏報偵探情形。有云已經入卡者。有云並未入卡者。究竟該犯等曾否入卡。並著長齡確切查明覆奏。將此由六百里諭令知之。○又諭。本日先據長清奏。接到楊芳密信。因扎隆阿信稱。此次賊來。由於內有勾結。已將伊薩克拘禁在署。密令該大臣將愛瑪特暫行看守。該大臣以愛瑪特素來恭順。恐至搖惑人心。仍令照常辦事。不露聲色。暗為羈縻。午刻

復據奏。數日來人心漸定。該伯克似稍知覺。已將愛瑪特拘禁在署各等語。此時長齡計已行抵阿克蘇。伊薩克有無勾結。是真是假。已降旨令該將軍詳細研訊。據實奏聞。候旨定奪。該大臣務將愛瑪特小心看守。聽候查辦。其阿奇木伯克員缺。即著巴彥岱暫行署理。將此附六百里報便諭令知之。○又諭。據壁昌等奏。前經派往奎里鐵里木堵禦被賊砍傷捆去之四品噶雜納齊伯克多列素皮。

又帶領回子打仗被賊裹去之五品花翎密喇布伯克阿布都瓦依特。與七品伯克莫洛黑雅斯。五品軍功藍翎莫洛明什庫爾班。聞散回子愛散等。於十一月十四日。同英吉沙爾明伯克薩木薩克。阿克蘇貿易回子等共十一人。由草湖小路逃回葉爾羌。訊問該伯克等。均因遇賊援仗。被賊掣去。送至英吉沙爾看押。於十一月初間。賊眾聞大兵將到。紛亂竄。該伯克等因乘間逃回等語。多列素

皮。阿布都瓦依特。俱身受有傷。始終堅不從逆。著准其各回伯克本缺。所有該大臣等前請遞相升署各缺。仍著飭歸本任。將此附六百里報便諭令知之。○以詹事府詹事沈岐為內閣學士兼禮部侍郎銜。宗人府府丞毛式郇為都察院左副都御史。○以鑲紅旗漢軍副都統桓格署密雲副都統。○命正黃旗漢軍副都統那丹珠更名那當阿。○乙未。旌表守正捐軀直隸豐潤縣民楊長慶妻王氏。

○添備直隸永定河工稽料一百七十萬束。從總督那彥成請也。○免直隸文安縣被水村莊本年額賦。○丙申。諭內閣。哈豐阿等奏援兵追賊西進。已將英吉沙爾喀什噶爾二城解圍一摺。據稱十一月十四日。帶領伊犁烏魯木齊滿漢官兵民遣壯勇等跟蹤勦賊。馳抵英吉沙爾。賊匪先經聞風西竄。回城已空。面見棍楚克策楞。詢知阿奇木伯克斯底克久已從逆。官兵疊次打仗得勝。賊匪灌水

完城。計無所施。困守數月。至是圍解。人人歡
忭。即於是日戌刻拔營。飭令伊犁委協領廣
音泰率領滿洲營馬隊。沿途在各莊搜捕追
剿。該提督等率領馬步官兵及民遣壯勇順
路跟追。殺賊多名。生擒三百餘名。追至距喀
什噶爾十數里地方。適扎隆阿多隆武帶領
城內官兵齊隊前來。詢悉賊匪俱往西北一
路逃竄。隨即將兵會合一處。同至喀什噶爾
安撫夷回。守護城池。一面偵探賊情。密拏餘

匪。俟胡超統兵到時。勒洗等語。喀什噶爾英
吉沙爾破圍已久。待援甚亟。前經調派各路
官兵。疊次嚴催帶兵大員。無論何人先到。即
趕緊進援。乃容安昧良觀望。坐失事機。哈豐
阿等領兵先到。復聽容安指使。繞道和闐。再
從葉爾羌大路進發。以致日久稽延。此次賊
勢並未猖獗。本易勦散。哈豐阿等如早勦賊
解圍。尤當重加恩賞。此時雖覺稍遲。惟念現
在臺路廓清。圍城已解。究由哈豐阿等首先

到彼。尚屬可嘉。哈豐阿著賞給雲騎尉世職。
進勇巴圖魯名號。孝順保著賞給副都統銜。
仍均著交部從優議敘。以示鼓勵。幫辦大臣
塔斯哈前因賊匪滋事。出卡追擊。副將賴允
貴帶兵前往。一併俱被陷沒。情甚可憫。塔斯
哈著照都統銜賜卹。賴允貴著照總兵例賜
卹。俾慰忠魂。扎隆阿多隆武督率官兵。困守
三月有餘。終保孤城。不失國體。可嘉可憫。著
交長齡查明該大臣等守禦情形。據實具奏。

再行降旨施恩。至哈豐阿等單開尤為出力
之官員兵勇。及另片奏請施恩之伊犁遣勇
九百六十九名。並著長齡一併查明候旨辦
理。又據扎隆阿等奏。外委魏起明指揮兵丁
將守臺賊匪痛加勦戮。滿洲防禦察隆阿為
賊矛傷。猶復射中數賊。大夥賊匪。始各奔竄。
均屬奮勇。亦著長齡查明奏請恩施。其另片
奏採辦軍糧。著照長齡奏定價值給發。一切
油燭柴薪守城旗幟器具。均著照軍需定例

造銷所有傷亡官兵勇等著查明賜卹出力文武官弁等著分別勞績奏請恩施兵丁民勇等著先賞給兩月鹽菜銀兩以示體恤○又諭哈豐阿奏軍前借用銀兩請扣廉歸款一摺哈豐阿帶領官兵馳赴南疆救援借用備帶通融銀一萬兩係為獎賞官兵暨招撫良同需用著加恩免其扣廉歸款歸入軍需項下報銷該部知道○諭軍機大臣等長齡奏接據英吉沙爾解圍確信併籌畫一切

情形一摺英吉沙爾之圍昨據哈豐阿等馳奏十一月十二日業經帶兵勦散本日又據哈豐阿奏沿路搜擒跟蹤追捕復解喀什噶爾之圍並據扎隆阿等將守城打仗殺賊情形暨援兵至喀什噶爾賊匪逃遁出卡各緣由奏到我官兵困守三月有餘終保孤城不失國體可嘉可憫已明降諭旨將哈豐阿等分別加恩並令長齡將扎隆阿等守禦情形查明具奏候旨施恩矣前因此次逆回滋擾

賊勢尚單屢經降旨令長齡將徵調各路官兵酌量裁撤茲據該將軍奏英吉沙爾既已解圍喀什噶爾亦可一鼓肅清臺路已通計所調關外及陝甘各官兵足敷勦辦一俟得有喀什噶爾解圍確信即將後路官兵撤令歸伍等語所見與朕意相同現在該二城之圍業經陸續解散無須如許兵力著即將後起京營吉林黑龍江西安滿洲營四川各官兵撤令歸伍以節糜費喀什噶爾一帶賊匪

狡獪性成現雖紛紛逃竄其著名賊目難保不仍潛匿卡內探聽官兵情形必應悉數勦擒哈喇阿等此時計均陸續行抵該處著即飭知該大臣等趕緊設法擒拏訊明起釁根由遵旨解京訊辦其餘零星賊匪及從逆回子均著痛加勦戮以淨根株喀什噶爾被圍已逾三月之久該處薪米自屬無餘而城外屢被肆擾更無存積刻下自未便令大兵全駐該城據該將軍奏業經札商哈喇阿等酌

量情形。或即就地採買。或於喀什噶爾酌留若干外。悉令就食於葉爾羌。俾兵食不致缺乏。而於聲勢亦形聯絡。著照所議妥辦。另片奏。這次接得楊芳來信。並鈔錄摺稿。扎隆阿原信。及常奉清供單。所稱伊薩克勾結內應情節支離等語。此事昨據楊芳等奏到。朕即以伊薩克身受重恩。不應遽懷攜貳。恐係有人播造謠言。扎隆阿與伊薩克素不相能。誤聽蜚語。降旨令該將軍輕騎趕至喀什噶爾

查辦。茲據奏伊薩克身沐殊恩。頗知報效。常奉清一面之詞。實難遽信。或係安集延諸夷因抄沒驅逐之恨。藉以傾陷伊薩克。前於圍城之時。既不得遂其欲。今大兵一到。紛紛逃去。勾串漢奸。作此狡獪。亦未可知。該將軍所料此事。又與朕意相符。其可謂同德同心。該將軍現已飛咨哈琅阿等。於解圍後。面見扎隆阿。伊薩克。其虛實無難立辨。並飛咨長清。聲稱常奉清既係喀什噶爾城內出來送信

之人。現在欲知詳細情形。即速差人帶赴面稟一切。親自詢問。老成謀國。可嘉可喜。本日又據扎隆阿奏。伊薩克勾賊入寇。謀為內應。當即查破。立時分別剿除一摺。並另片奏。查出伊薩克勾結緣由。此事關係重大。該將軍必當秉公覈辦。明查暗訪。務得確情。並將扎隆阿摺片內所稱各款。逐層根究。不可稍有。不實不盡。令外夷輕視竊笑。或伊薩克竟無此事。被人傾陷。不為昭雪。致寒外夷之心。尤

屬不成事體。該將軍公忠素著。想於此事斷不肯含混遷就。負朕委任也。其扎隆阿訊據投回之牌。素巴特七品明伯克阿布都吉利供出。要路把什之父阿布都克里木曾任葉爾羌五品伯克。六年從逆。為伊薩克隱匿。現在伊父子俱隨博巴克反叛。阿布都拉係六年從逆。由霍罕投回。現復從逆出卡。阿納雅特前赴阿克蘇勾結等語。著即飛飭長清密行查明。阿布都克里木等。是否潛逃。阿克蘇歸

案辦理。又據哈豐阿等奏英吉沙爾阿奇木伯克斯底克久已從逆。尤當設法擒拏。毋任漏網。其哈豐阿等單開尤為出力之員并及另片奏請恩施之伊犁遣勇九百六十九名。並著長齡一併查明具奏。候旨辦理。又顧毓泰條陳回疆事宜。與鄂山楊芳富俊那彥成等各摺一併妥議具奏。將此由六百里加緊諭令知之。○又諭據楊芳奏連接哈豐阿等來信。帶兵至英吉沙爾。看得回城及各莊回

眾盡行逃逸。及趕到喀什噶爾。賊匪已竄至明約洛地方。經扎隆阿派兵截其後尾。追殺多賊。該逆匪等去蹤未遠。正宜乘勢追擊。胡超亦可接踵趕到。業經飛咨催令趕緊追剿。該提督已於拜摺後帶領前起馬隊。即夕起程等語。楊芳自早已趕到喀什噶爾。現已二城圍解。所有勦撫事宜。必須慎籌妥辦。各莊回眾從逆者。固應一律勦洗。其不肯附從者。亦不可濫殺無辜。至著名賊目。務當悉數殲

擒。以期邊圉永就肅清。用副委任。將此由六百里加緊諭令知之。○又諭據胡超奏英吉沙爾喀什噶爾城圍已解。賊匪逃出卡外。分撥官兵擒拏從逆各回莊一摺。現在大兵雲集。臺路以次廓清。所有勦撫事宜。最關緊要。各莊白帽情蘭回子。查明實係從逆者。自應勦洗。以彰國法。不可稍存姑息。其有被賊脅從者。亦不可妄戮無辜。黑帽回子。尤當綏撫得宜。該提督等由中路直趨喀什噶爾。計此

時早經趕到。務期與哈豐阿等會商妥辦。至著名賊目。仍當設法追擒。悉數就獲。以安邊圉。將此由六百里加緊諭令知之。○又諭據扎隆阿等奏守城打仗情形。暨援兵至喀什噶爾。賊匪逃遁。出卡各緣由一摺。喀什噶爾官兵。因守三月有餘。終保孤城。不失國體。可嘉可憫。已明降諭旨。交長齡查明奏請恩施矣。現在該城之圍已解。附近各莊回眾。必應分別良莠。勦撫兼施。此外應辦事宜甚多。哈

琅阿楊芳等諒已先後趕到該大臣等務當與哈豐阿等酌量情形會同妥辦隨時咨報長齡聽候調度將此附本日報便諭令知之○護陝西巡撫史譜奏准陝甘總督楊遇春等來咨將前次陝庫截留軍餉仍撥銀三十萬兩運往甘肅以濟要需報聞○以故奉恩將軍保倫孫定榮襲職○丁酉

上詣

皇太后宮問安○以呼倫貝爾總管博多歡為

鑲紅旗蒙古副都統仍暫留總管任○免江蘇長洲縣捐置義冢田四十九畝有奇願賦○撫卹琉球國遭風難夷如例○戊戌諭內閣裕恩奏循例勘修旱河工程並擬添砌虎皮石壩一摺著派阿爾邦阿於明年開印後前往熱河覈實勘估○又諭已革山東試用縣丞姚鈞訊不知莊倡伶夥辦假照情事惟一聞該犯被拏輒捏病告假出省探聽消息著照所擬於職官無故私逃發黑龍江例上

量減一等杖一百徒三年已革南城吏目單貞善於姚鳳山夥辦假照訊不知情惟係地方官於假照既失覺察又將捐項交姚鳳山代辦希圖漁利情節較重未便僅予褫革著發往軍臺效力贖罪以示懲儆山西試用通判前任刑部司獄葛玉堂曾經攬捐現查出梁勳木等係屬假照竄名稿內著山西巡撫迅即委員將該員押解送部歸案審訊在逃要犯姚鳳山莊倡伶謝子辰沈雲生屢經降

旨飭拏總未弋獲實屬延玩著即嚴緝務獲歸案究辦毋任一名漏網○諭軍機大臣等據御史梁萼涵奏山東海陽縣知縣張兆祥信用債主王三程四為門丁飢法詐贓凡民間結訟遇有殷實者即刑逼勒賄有賄者雖曲亦直無賄者雖直亦曲如兩造俱係窮民又必牽引殷實之家到案或鎖押班房或肆用刑威必俟得賄而後釋放並縱令蠹役藉端擾害誣陷勒索又好延請富戶借貸銀錢

間有不應其請者。直下籤票鎖拏。小康之家多逃匿鄰境。以避其鋒。民間呼為張錢裕兒等語。著王鼎於江南查辦事件完竣後。順赴山東省城。提集應訊人證。秉公審辦。據實具奏。將此諭令知之。○又諭據御史周作楫奏。江西會匪之案。每多挾嫌妄扳。拖累無辜。逐隊成羣。皆地方殷富良民。即差役亦不免有妄拏誣陷之事。該處通省皆聚族而居。每姓有族長紳士。凡遇族姓大小事件。均應族長紳士判斷。一姓中之賢否。知之最悉。請通飭該省州縣。將所屬各鄉村出示傳諭。各姓族長紳士。出具切實甘結。其子弟有無從入會匪等情。如有不法匪徒。許該姓族長紳士捆送州縣審辦。若隱匿不報。即將族長紳士治以應得之罪等語。江西會匪蔓延。必應嚴拏懲辦。而誣扳妄拏。積弊亦不可不除。該御史所請傳諭各姓族長紳士出結捆送之處。是否可行。著吳光悅體察情形。據實具奏。將此

諭令知之。○命都察院左都御史朱士彥。杭州將軍福祥。在紫禁城內騎馬。○予故安徽來安縣知縣韓夢周。河南偃師縣知縣武肅。入祀名宦祠。直隸故廣平縣訓導任毓麟。江蘇故國子監學正蔣振生。安徽鳳陽府教授汪兆宏。寧國府教授何佳玟。安徽歙縣教諭林中杭。河南故國子監博士陳化龍。直隸大順廣道劉致中。四川川東道符兆熊。貢生楊玉鐸。四川故湖南邛縣知縣林愈藩。福建故江蘇淮海道莊亨陽。入祀鄉賢祠。從總督蔣攸銓。孫爾準。那彥成。琦善。巡撫楊國棟。鄧廷楨。梁章鉅。陶澍。請也。○己亥。諭內閣。保昌等奏。應還運庫銀兩。未能解還。請飭長蘆鹽政作正報銷。以清款項一摺。道光五年。前任倉場侍郎博啓圖等。因辦理截卸北倉滯漕運費不敷。曾經奏明。在長蘆運庫借墊銀六萬四千一百一十七兩零。俟各省南漕剝價銀兩解到通濟庫。再行解還。據該倉場侍郎等

查明此項銀兩。雖經各省陸續解到。惟通濟庫向來所收不敷所放。歷年冬間。總須奏撥部庫。以為備辦先漕等項之用。所有長蘆運庫借墊銀兩。若由通濟庫撥還。既無餘款。若奏支部帑。徒多轉折。著長蘆鹽政即將前借運庫銀兩。作正報銷。毋庸由通濟庫解還。以歸簡易。該部知道。○諭軍機大臣等。官兵進征所用軍器。至凱旋時。應責令帶回驗明收貯。乃該兵丁等間有私將器械就地售賣獲利。並不攜帶回營。實屬大干法紀。回疆地方人心易動。若將內地堅利軍器售給該處。必至私藏漸多。且恐辟利商人和帶出卡。轉售各外夷。均得倣照製造。尤有關繫。不可不防。其流弊。著長齡等飭知帶兵各員。嚴行曉諭該兵丁等。於凱撤時。務將所用軍器逐件驗明。如查有私售者。即行嚴究治罪。至凱撤官兵不准攜帶幼孩。上次回疆用兵。疊經降旨嚴切申禁。此次各路所調官兵。凱旋在即。並

著長齡等嚴飭帶兵各員。申明禁令。約束該管官兵。隨時認真查察。儻敢私攜男女幼孩。即嚴行叅辦。按律重懲。不可稍事姑息。將此諭令知之。○又諭。據胡超奏。派往撥剿賊匪之副將張國相等。行抵相距木蘇里克莊二十餘里。知有賊匪。當即整隊前進。離莊漸近。即見賊匪約有七八百人。竟敢施放鳥槍。各執長矛木棍。抗拒官兵。經副將張國相周悅勝。參將伍魁。林方標。遊擊韓振先。岳興阿。高玉連。馬連陞等。帶領馬步隊直前迎敵。槍礮齊放。賊眾被殺一半。餘俱逃竄。官兵趕向回莊四面圍攻。生擒一百餘人。殲斃數十名。訊據活賊供稱。薩漢莊尚有賊匪一千餘人。該副將等分兵三路。前赴該莊。賊匪擂鼓吹號。亦分股迎拒。我兵一鼓作氣。馬隊當先。左翼步隊直前衝殺。槍礮齊發。右翼步隊從莊後抄截。前後夾擊。賊始披靡四散。官兵追賊三十餘里。統計殺賊六七百人。生擒五百餘

人奪獲牛羊器械無算等語。此次胡超分撥官兵。按捕潛匿賊匪。業經該提督將打仗奮勇及陣亡帶傷官兵。咨報該將軍等奏請恩施。著長齡查明據實具奏。再降諭旨。將此由六百里諭令知之。○禮部議准安徽巡撫鄧廷楨疏報。採訪太平縣貞節婦女孫陳氏等三千六百八十二口。請建總坊旌表從之。○免浙江錢塘縣被潮田蕩漕項銀米。

大清宣宗效天符運立中體正至丈聖武智勇
仁慈儉孝敏成皇帝實錄卷之一百八十一

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十二

監辦總裁官經吏目請補居住官之字太保經三閱月開領開管理部事務一書乃應得翰林院庶吉士某題
天內戶事務係學加五級紀錄十八次並有提舉官經吏目請補漢軍內務府管理營務處內官房大臣補書用
大倉大臣情奏云同四部事務係加一級隨着加六級軍功加五級紀錄十次且見沙的經吏目請補漢軍內務府管理營務處內官房大臣補書用
內務府大臣錢曰張高曰都統補着內七倉大臣管理現宋人所居庫在勤勤官署 聖旨着照明例應請補授的奉職官的庫房大臣
醫士道爾慶字隆慶年十八既月阿靈阿總管總管經吏目請補兵部內務府隨着加六級紀錄十次並有提舉官經吏目請補漢軍內務府管理營務處內官房大臣補書用

秋修

道光十年庚寅十二月庚子太常寺奏額設

贊讀等官併學習人員俱請酌分二缺作為
宗室定額從之○以故一等誠勇公廣惠姪
裕恆三等子和順武子玉慶二等男蘇隆阿
子德通三等男林沁咱木布孫榮奎各襲爵○

○辛丑命於

大高殿設壇祈雪。○諭內閣。從前內外八旗大員之弟兄子孫。每逾五年查閱一次。挑取侍衛拜唐阿當差。原因侍衛拜唐阿係體面差使。大員子弟挑取侍衛拜唐阿後。伊等益得

演習清語技藝騎射。差委得人。自道光六年查辦以來。已屆五年。又應查辦之期。惟念該大員子弟內各有不同。或因身弱。馬上平常。或因自幼讀書。一時不及學習騎射。似此之人。縱使挑取侍衛。拜唐阿。馬能得力。理宜量加調劑。嗣後在京文職三品以上。武職二品以上。外任文職自總督起至按察使止。武職自將軍提督起至總兵止。該大員之弟兄子孫內。如有年已及歲。堪任侍衛。拜唐阿。差使。每遇五年查辦之期。情願挑取者。該大臣等仍照上屆呈報本旗。由該旗造冊咨送軍機處彙題。經朕指出。帶領引見。儻身弱有疾。或弓馬平常。不稱侍衛。拜唐阿者。該大臣等即據實報明該旗。轉行軍機處。聽其自便。該旗亦無庸催取名字。以示朕培養旗僕。因材器使之意。○以故一等公祿賢子富昌。察哈爾二等子多旺。魯布子沙克杜拉。策凌各襲爵。○賞故寧夏將軍格布舍子秀倫。三等侍衛。

在大門上行走。○旌表守正被戕吉林長春廳民王貞兒妻伊氏。○賑雲南曹我縣被水災民。免補漂沒倉穀。緩徵恩安縣衝淹田地額賦。○壬寅諭內閣。戶部奏。現屆道光十一年雙城堡移駐京旗之期。據各旗咨報。僅止正黃旗滿洲五戶。人數過少。著照議暫行存記。歸於次年願往戶口數內湊足十餘戶。一併移駐。至該處餘膳房間。尚有一百餘所。未便任其閒曠。著八旗滿洲蒙古都統轉飭各

該參佐領等。嗣後每旗務須按年酌撥數戶前往移駐。○又諭盧蔭溥等奏。議覆孫爾準奏嚴禁內地種賣鴉片煙章程一摺。前據御史邵正笏奏。近年內地奸民。有種賣鴉片煙之事。降旨令各督撫確查嚴禁。嗣據孫爾準查明閩浙情形。酌擬嚴定章程。交該部議奏。茲據盧蔭溥等嚴議具奏。請通飭各督撫一體遵照。畫一辦理。嗣後內地奸民人等有種賣煎熬鴉片煙者。即照興販鴉片煙之例。為

首發近邊充軍。為從杖一百徒三年。地保受賄故縱者。照首犯一體治罪。賊重者計贓以枉法從重論。其知情容隱。雖未受賄。亦照為從例問擬。所種煙苗拔毀。田地入官。各督撫即責成該管道府。督飭各屬實力查禁。乘抽查保甲之便。於春間赴鄉稽查一次。將有無私栽鴉片煙。出具印結。年底由司會齊咨部。並著各督撫於每年具奏編查保甲摺內。一併詳晰聲敘。如有拔除不盡。仍任流毒地方。即遵照道光三年部定處分分別參辦。毋稍徇隱。將此通諭知之。○命協辦大學士富俊。管戶部三庫事。○減免直隸安新河。隆平。寧晉。南宮。河間。任。七州縣積滯地畝本年額賦有差。○癸卯。

上詣

大高殿謝雪。○詣

皇太后宮問安。○幸北海。開冰技。○以光祿寺卿德春。為太常寺卿。○以軍務需人。命吐魯

番領隊大臣慶音岱。在任守制。○烏珠穆沁扎薩克車臣親王。多爾濟濟克默特納木濟勒。科爾沁扎薩克冰圖郡王。林沁扎勒贊等六人。鄂爾多斯扎薩克郡王。巴保多爾濟等二人。阿巴噶郡王。那木薩喇多爾濟等二人。杜爾伯特扎薩克貝子。鄂綽爾呼雅克圖。喀爾喀貝子。阿第雅等三人。翁牛特鎮國公。豐伸保烏喇特扎薩克鎮國公。巴圖鄂齊爾。郭爾羅斯扎薩克輔國公。阿勒坦鄂齊爾。蘇尼特輔國公。額林沁克什克騰扎薩克頭等台吉。畢瑪拉吉哩第。喀喇沁額駙德勒克桑保等二人。附在察哈爾旗下。和碩特扎薩克頭等台吉。翰克博羅特等四人。土爾扈特四等台吉。圖薩圖。及琉球國使臣。向國璧等二人。暹羅國使臣。拍針倫素攀那密等二人。於神武門外瞻覲。○甲辰。諭內閣。玉麟等奏。請承襲土爾扈特巴勒丹喇什所遺貝子一摺。前據薩迎阿具奏。業經降旨賞給巴勒丹喇什。

長子蒙庫那遜貝勒。令其承襲。惟蒙庫那遜本年甫十六歲。不能管轄。屬下阿勒巴圖等。著卽照玉麟等所奏。將伊扎薩克印信。著副盟長公策伯克扎布。暫行署理。俟蒙庫那遜及歲時。再將扎薩克印信移交管理。○諭軍機大臣等。本日據史致儼奏。並御史卞士雲奏。接到儀徵縣紳士公信。據稱向來淮南綱食引鹽。俱歸儀徵掣捆。數萬夫役。得受傭資。以敷口食。因聞有鹽課改歸場窰之議。夫

役人等。恐嗣後掣捆不歸儀徵。頓失生計。約會千數百人。赴縣奔訴。該知縣已往省代稟等語。兩淮鹽務。敝壞已極。朕特派王鼎等前往江南。會同陶澍查辦。其課歸場窰一節。前據王鼎等具奏。大概情形。已委員查勘。現尚未據覆奏。該處夫役等一聞此信。恐失生計。遂行約會多人。赴縣奔訴。實屬愚民無知。此事關繫兩淮大局。該尚書等務細心籌議。如果改歸場窰。實有裨益。卽覈實會辦。要立章

程。不可因該夫役等口食無資。遂存畏難苟安之見。但事屬改轍更張。必期經久可行。毫無格礙。斷不可稍滋流弊。以致激成事端。總當體察情形。酌量可行與否。定議具奏。將此諭令知之。○又諭。扎薩克阿等奏。官兵齊集喀什噶爾。分紮防範。會籌勦撫。並差探卡外情形。查拏首逆一摺。喀什噶爾。英吉沙爾。三城固守。三月有餘。賊匪一聞大兵將到。卽相率逃遁。而附近地方。尚有潛匿餘匪。該大臣等

將現到之滿漢官兵及民遣民勇。共一萬一千九百餘員名。分布各要隘。防範拏擒。此等賊匪詭譎多端。必須痛加殲戮。以淨根株。至著名各逆目。非若上次張格爾逃出卡外。為各夷素所崇信。不肯縛獻。如果設法擒拏。無難就獲。該大臣等務當懸賞購線。相機妥辦。俾逆目悉數殲除。勿使一名漏網。其各莊回眾。從逆者固應勦洗。亦不可濫及無辜。所有續調關內各官兵。已諭令長齡裁撤歸伍。至

善後一切事宜。著俟長齡到時。再行籌辦。將此由六百里諭令知之。○又諭據長齡奏。現在喀什噶爾。英吉沙爾。業已解圍。賊眾紛紛逃竄。飛咨哈喇阿楊芳。將從逆白帽回子情。蘭回子各莊。痛行勦洗。如有從逆伯克阿渾。實係知情預謀者。解京訊辦。並令將應辦事宜。亟為籌畫等語。計哈喇阿等自當遵照妥辦。此時臺路廓清。大局已定。所有未到之京營吉林黑龍江西安滿洲營四川各官兵。前

已降旨諭令裁撤。如哈喇阿楊芳等已將從逆各賊勦捕淨盡。其胡超等所帶民遺二千名。民勇一百名。吐魯番屯兵一百四名。亦著裁撤。以節糜費。再前路帶兵大員。足數調遣。除哈喇阿楊芳胡超尚有應辦勦撫事宜外。奕經桂輪著仍隨長齡同行。其阿勒罕保安福二員。著仍帶原兵旋京。布勒亨伊勒東阿壽昌三員。著各飭回本任。至哈豐阿察隆阿孝順岱額爾古倫貴成等。如無可辦之事。或

應撤回。或應酌留。著分別辦理。至糧運一節。如能就地採買。俾兵食不致缺乏。並著飛咨烏魯木齊。即行停止。以省運腳。又據奏。伊薩克一事。已咨令阿克蘇。將常奉清押解前來。並飛咨扎隆阿。將伊薩克及家屬暨原留人證。提解阿克蘇。復有查出應質之犯。亦令解送等語。此事關係綦重。伊薩克急公報效。屢受重恩。不應遽懷搗貳。如果有勾賊入寇。謀為內應情事。自應據實查辦。若扎隆阿誤聽

蜚語。亦不可因該大臣守城三月有餘。著有勞績。稍為遷就。長齡當恪遵前旨。將虛實悉心秉公研鞠。務得確情。以成信讞。又據奏。伊犁各滿洲營兵丁。於到葉爾羌之時。大半逗留。到處搶掠。竟有致傷回子情事。已飛咨哈喇阿等前往按察。將所搶物件。追出給領。妥為撫卹。即將為首滋事兵丁。立行正法。等語。師行漫無紀律。以致搶掠回莊。必應如此懲辦。孝順岱身為帶兵大員。不能約束兵丁。疏

縱已極著即摘去翎頂交長齡詳細查明再行據實奏。此外各處進援官兵僅有似此騷擾情弊亦著一併探查嚴參勿稍徇隱。又據壁昌等奏葉爾羌三品頂翎四品商伯克玉素普被賊拏去大罵賊眾凌辱致斃五品伯克愛散被賊登時殺害回子中如此忠勇可嘉可憫之至。玉素普並無子嗣惟有胞姪聞散回子阿布拉愛散有無子嗣現據咨查其如何施恩之處著長齡酌擬具奏將此由

六百里諭令知之。○以陝西布政使史譜護巡撫按察使楊名聰署布政使。○以守護葉爾羌漢回二城出力實都司那爾扎普千總張滿貴五品軍功回子霍扎什六品軍功回子烏舒爾呢雅斯莫洛密爾托胡達花翎筆帖式興安等藍翎餘升擢選補有差並釋遣犯回籍。○乙巳諭內閣據王鼎寶興奏請將兩淮鹽務改歸總督管理一摺兩淮官引滯銷釐務疲敝現據王鼎等奏稱由該鹽政無

管轄地方之責文武員弁均非所屬疏銷巡緝難期今行禁止著將兩淮鹽務改歸兩江總督管理所有鹽政一缺著即裁撤鍾靈著回京當差。○又諭福克精阿奏酌擬辦理吉林寧古塔票價銀兩一摺吉林寧古塔票價內有卧票向例令攬頭等於年前先交官發俟來春發商購買餘發時抽收銀兩茲據該將軍查明道光八年吉林卧票因無發商前來購買攬頭等又不能及時交納飭令

赴蘇售賣以致輾轉拖延始歸原款本年寧古塔卧票三十六張發價銀八千一百三十六兩已照新改章程豫為發給其吉林卧票一百十五張自未便先行發給以致再有遲延著照所請除寧古塔卧票業經發給攬頭外其吉林本年卧票仍照向例令攬頭等於年前先交官發俟來春發商起程時一面發給發價即便抽收發餘歸款以重庫項。○諭軍機大臣等據御史李昭美奏江西德化縣

城西關龍開河外一帶地方。土名陳塘湖。湖邊漲生沙洲。逐年淤高。地勢廣闊。該處農民不請例案。往往私墾不報。縣營員弁。遂藉為牧廠。兵民牟利。時構訟端。地方官意在息事。從而遷就。遂將已墾熟地。聽其荒蕪。轉為營驛牧放之所。聽化為七省通衢。設立總兵。本屬重鎮。不惟營馬例有馬乾。不准渡河牧放。即驛馬亦應合棚餵養。以備急需。且江西徵收馬廠開墾租銀。亦止南昌新建二縣。此外

各郡營驛。並無馬廠明文。與其以可耕之土。拋作牧場。何若照例升科。作為興賢田莊。令公正鄉紳等公同主報。佃民妥為經理。一切牛具籽種。無須官為措給。上不缺賦。下可裕民等語。德化縣地方漲生沙洲。據該御史奏稱。該處逐年淤高。地勢廣闊。請將私墾熟地。照例升科。作為興賢田莊。是否可行。著吳光悅派委妥員。會同該地方官詳加查勘。據實具奏。將此諭令知之。尋奏勘明陳塘湖北岸

沙洲四百二十五畝。地勢尚高。請自本年為始。由縣飭令妥佃試墾。作為興賢田莊。其南岸沙洲二千一百八十八畝。地勢低窪。水漲即淹。請禁止開墾。從之。○又諭據王鼎寶與奏。請將兩淮鹽務改歸總督管理。又會同該督籌議鹽務章程。各一摺。已明降諭旨。將鹽務改歸該督管理。並裁撤兩淮鹽政一缺。所有會同酌定鹽務章程十五條。均照所議行。其餘未盡事宜。仍著隨時察覈。分別奏咨辦

理。惟該督駐劄江寧。兩淮商人。均在揚州居住。相距較遠。稽察難周。恐有鞭長莫及之勢。著該督體察情形。妥為籌議。至鹽政既經裁撤。其鹽務官員。期於數用而止。多一冗員。即多一浮費。並著該督酌加裁汰。以歸覈實。再新任運使楊振麟。此時計已到任。著陶澍詳加察看。是否妥協。堪以勝任。如該員未能辦理裕如。著該督將平素深知可勝此任者。酌保一員。奏明請旨。將此諭令知之。○欽差戶

部尚書王鼎等奏會籌兩淮鹽務擬定章程十五條。一兩淮雜費除養廉兵餉水腳部飯等項作正開銷此外普濟育嬰書院義學等項亦從其舊。惟各堂董事濫廁多名與書樓務本堂孝廉堂等處歲需銀二十餘萬兩應行裁汰。其各衙門公費及鹽政運司書役辛工紙飯並乏商月捐等項歲需銀八十餘萬兩應加刪除。再漢口各岸商按引抽捐各衙門公費定為每引捐銀四錢永不加增。各費

共減銀一百十餘萬兩。科則成本可以稍輕。一運商請引先向有窩之家出價買單然後赴司納課。窩家報轉私售以一紙虛根先正課而享厚利。致商本加重昂價病民。惟相沿已久姑留根名。每綱每引酌給銀一錢二分。嗣後請引按綱給單不准豫請數綱。一領運舊例名目過多致運司衙門書吏多至十九房商人辦運請引文書報轉至十一次鹽務大小衙門節節稽查有名無實徒為需索陋

規之具應交運司查明刪併。一商課入庫不分正雜龍統動支迨遇緊餉百計湊解有豫納減納貼色貼息印本抵課等弊俱應查禁將正項貯庫候解併聽部撤雜費另貯外庫不許將正項那墊及商人干預。一淮南設有總商等辦通綱公事應擇各商內公正醇謹行鹽最多者數人為辦事之商至辦公一項照減定額數指領不准立總商名目。一庚寅綱引現已冬杪尚未行運已丑仍餘積引三

分辛卯即應開綱豈能一年行三綱之鹽請於道光十一年正月即開辛卯本綱其庚寅已丑積引隨時帶銷另款存撥遇暢銷提綱時仍補銷以符原額。一淮南北商欠若按綱帶徵仍致套搭占礙新綱應分別停緩俟課款充裕時歸補內惟帑本利息一項仍在新綱引內攤徵。一收鹽桶秤舊有定制請由運司烙發不准私製責成場官隨時稽查運司於運河要道北橋處所親往抽秤如格外重

斤。將秤驗各官參撤。一。運鹽水腳。埠頭串同商夥。從中勒扣。船戶意圖帶私。甘心忍受。且有出錢買裝者。應將例價照實覈發。各船挨次編號。連環保結。儻仍蹈故習。查出嚴辦。該埠保一併治罪。一。鹽船遭險。例有津貼。並准批補。沈失之鹽。免其輸課。近以守候待售。時日遷延。船戶益賣後。鑿沈空船。運商利有津貼。批補。且可分裝多船。越輪先售。遂相效尤。應停其津貼。准其補運。不准免課。一。儀徵河道淤阻。應勘估挑濬。即以挑出之土。培築泰堤。俾速轉運。以輕商本。一。運鹽向自儀徵運至漢口折回。轉售於各岸。往返腳費加重。致引地為江船糧船各私所隱占。應飭鹽道查明各口岸。每年額銷引若干。將水程豫為給發。僉商運赴該處。俾水販就近領賣。水程照例彙繳。以免越運轉折。一。船至漢西兩岸。大商擾價。封輪挨賣。守候既久。百弊叢生。漢岸滯鹽不下二千萬。應派公正之員。駐守漢

岸。會同鹽道辦理散輪事宜。不許再有整輪。以免滯銷。一。鹽務之官。有與商人聯姻換帖者。俱令迴避。各場分司大使。應照州縣之例。察看人地。隨時調換。至湖北鹽道督銷功過。應歸兼轄鹽務之總督考覈。會同該省督撫具奏。以專責成。一。淮北湖運各岸。近年額引銷不及半。積鹽無商收買。各電額求調劑。應先行籌款。收買電鹽。以濟口食。其鹽存貯各場。俟來年秋單發運時。查照銷滯各岸。委員領運。售鹽繳價。以還原本。得旨。均著照所議辦理。該部知道。○湖南巡撫程祖洛覆奏。遵查晃州廳地方。原係湖南芷江縣所屬。未設廳治以前。版籍既多歧冒。戶口錢糧。亦難保無混淆。所以廳治一設。士民藉稱不便。紛紛呈控。當確切查明。以原查時住址。回廬墳墓。分別隸楚隸黔為斷。報聞。○以捐修湖北潛江縣隄工。予知縣陳天澤升用。○丙午。以禮部尚書耆英充經筵講官。○貸江蘇蘇州。松

江鎮江太倉四府州屬劉毗連災區各營兵丁銀米○是日辛卯年立春順天府進土牛春山寶座○丁未

上御瀛臺勤政殿賜蒙古王貝勒貝子公額駙台吉及外藩使臣呼圖克圖等宴並賞賚有差○開冰技○諭內閣奉

皇太后懿旨睦貴人晉封為睦嬪所有應行事宜著各該衙門察例具奏○兩廣總督李鴻賓覆奏喚咭喇大班喇嘛頗知悔懼已運銅

礮回船番婦亦回澳門該國現已查知上年喇嘛屢次進稟妄希更改貿易舊章強令各船延不進口夷貨多遭微爛業將喇嘛撤回另選人來粵更換惟有隨時稽察嚴切曉諭務令恪遵禁令共安交易之常報聞○命烏珠穆沁扎薩克車臣親王多爾濟克默特納木濟勒科爾沁扎薩克冰圖郡王林沁扎勒贊在乾清門行走賞阿拉善貝子職銜震都布蘇龍雙眼花翎○戊申諭軍機大臣等

據戶部奏此次回疆軍務歷屆奏撥過部庫銀二百萬兩甘肅封貯銀一百六十萬兩各省地丁鹽課關稅等銀四百四十萬兩共銀八百萬兩均經陸續起程解交甘肅轉解又馱運軍火等項需用駝隻據各處採買雇備及蒙古王公等呈進計報部有案者共駝四萬一百七十餘隻亦經分起解赴應用現在二城之圍已解請飭管理糧餉大臣分別覈辦等語著楊遇春等即查明各省所撥銀兩

按照應支款項數目撥解備支如有盈餘俱著截留甘肅藩庫至駝隻一項是否均須應用亦著覈實酌辦其雇覓者分別飭還留備其採買呈進者分別停止截留以省腳價餼養之費將此諭知楊遇春郭山並傳諭顏伯素知之○都察院奏請嗣後關閉錢鋪果於限內將錢全數給發者照例免罪其有僅付數成不按原數給發者逾限不能完給仍交刑部按其所折成數減等治罪如止完一二

成不准減等。僅有坊役棍徒包攬代為開發者。從重治罪。並將不查拏之司坊官咨參議處從之。○以科布多屯田豐收。予員弁議敘。

兵丁賞賚有差。○己酉。

孝莊文皇后忌辰。遣官祭。

昭西陵。

上詣。

慈寧宮。

壽康宮前殿行禮。後殿間。

皇太后安。○諭內閣。朕於明年二月十八日啓。

鑒。二十二日祇謁。

西陵。二十三日節屆清明。朕恭詣。

昌陵。行數土禮。並詣。

隆恩殿行大饗禮。二十六日旋蹕圓明園。所有。

應行典禮。著各該衙門敬謹豫備。○又諭禮。

恩等奏。鑾儀衛衙門恩利銀庫滋生銀兩。典。

置地畝。本年應收直隸租銀及節年拖欠銀。

兩。除已解交外。尚欠銀十七萬二千三百四。

十三兩零。此項租銀係該衙門辦公之需。自應按年徵解。不得任意拖欠。著那彥成嚴飭各州縣將歷年新舊拖欠租銀迅速徵解歸款。毋許再有延宕。○庚戌。諭內閣。托津等奏。查明胡培肇具呈剖辦各款一摺。此案吏部覈辦捐納房司員處分。嚴議議處。均係遵旨辦理。並非無新區別。候選七品京官胡培肇以前在捐納房任內曾立防弊章程。並以失察假照與竄稿處分有殊。部議降調。具呈剖。

辦。現經托津等查明竄稿之弊。至道光八年九月初十日止。尚在該員九年正月稟立章程之先。林德先之假捐破案。係由周載樞告。亦非由胡培肇舉發。至竄稿之弊。蔡繩祖等原供。均稱係託查案書吏偷出稿件。將假捐之名竄入。非盡作於署內。且竄稿與假照舞弊者均係捐納房書吏。司員失察。亦無署內署外之分。其所稱曾將多年積欠桑培元斥革書吏捐知微畧查覈原案。桑培元係雲。

南司貼寫不應在捐納房充役將其逐出不許復充與書吏在捐納房舞弊無涉又稱在廣東雲南二司承辦南糧雇船盤運及積餘銅本各稿內覈實主駁鈎稽節省並查出遺漏銀款亦與本案無涉該員於八年十月派兼捐納房如果假照之弊實由伊嚴定章程而破或任內並無失察漏查清白冊結則藉詞剖辯尚屬有因乃在任一年先事既未能豫防任內又漫無覺察吏部議以降二級調

用實屬咎所應得毫無屈抑該員輒復具呈申訴似此被議之員嘵嘵置辯相率效尤尚復成何事體胡培翬著於補官日罰俸一年以示懲儆○諭軍機大臣等前據楊懌曾等奏查明河南睢州等十二州縣懸款銀兩除已提解外尚未埽數補完當降旨令該撫等即飭按限歸補茲據楊國楨奏睢州等十二州縣共應補銀二十萬兩零本年四月已完過銀九萬五百兩年底又續完銀二萬九千

八百二十二兩零均照限清解續又查出已故碓山縣知縣何因綸有懸抵未補銀一萬九千餘兩事同一律亦應遵照勒限提補歲內已完銀二千兩以上共十三州縣計屆限均可彌補全清等語此項虧短銀兩日久虛懸殊非慎重倉庫之道現據該撫查明十三州縣除已完外尚未完銀十萬兩零著楊國楨督同藩司林則徐嚴飭各該州縣速即按限歸補毋許再有延宕其已完銀兩必須實

存藩庫照數確收不得因此項係外省自行籌辦向不咨部致有影射虛捏情弊仍於帑項無裨該撫等務當實力稽查如有前項弊端立即指參嚴辦毋稍姑容倘有心徇隱經朕派員查出或別經發覺惟楊國楨林則徐是問將此諭知楊國楨並傳諭林則徐知之○展緩浙江幫丁應扣還運庫縣庫銀○上以歲暮裕祭太廟自是日始齋戒三日○辛亥諭內閣文孚

等奏藍翎侍衛彭元慶告假回籍。丁憂服滿。不即來京當差。輒由河南前赴甘肅。投效軍營。實屬冒昧妄為。彭元慶著交部嚴加議處。楊國楨於該侍衛行抵河南。並不催令進京。率將該員投效軍營之處。轉咨陝甘總督。任意越俎。亦屬不合。著交部議處。○又諭成格等奏。覈計運糧駝隻。堪以數用。請停止內地採辦一摺。前因籌運軍糧。供支征兵需用。腳力浩繁。該都統查照道光六年成案。烏魯

木齊僅辦獲駝六千隻。實不敷用。是以援案奏請。由內地多為採辦。以資協濟。茲據委員等先後呈報。雇買駝隻。又准楊遇春等由內地撥解駝隻。並烏里雅蘇台。科布多等處呈進駝隻。前後通計已數二萬有奇。以現在徵調官兵。計口授食。加上緊趲趕。糧運似可不致貽誤。查上屆山西陝甘等處採買駝隻。所費甚鉅。此次經鄂山等籌用雇駝。較之價買。雖有節省。惟自陝甘送至烏魯木齊。每

隻仍須發給空行價值。若由山西陝西二省雇覓。程站愈遠。所費愈多。不如就地雇覓。以省腳費。而歸實用。現據該都統等陸續辦駝二萬餘隻。內除一萬六千餘隻。均係雇用商駝外。其採買駝四千餘隻。每隻價銀俱在十九兩上下。較之內地採買者。價值既減。更省沿途餵養之費。前據鄂山等擬撥協濟運糧駝九千隻。已據咨解三千餘隻。其餘尚未接有起解日期。著鄂山等將前項協濟駝隻業

經撥解者。仍飭委員解送外。其未解駝隻。毋庸再行購辦。以節糜費。○諭軍機大臣等。據扎隆阿奏。喀什噶爾。英吉沙爾。被賊蹂躪。請免本年徵糧。另籌採買供支兵糈一摺。喀什噶爾。英吉沙爾。二城。回戶被賊滋擾。情形困苦。已另降諭旨。加恩將該二城本年應徵額糧。及八月以後應交賦錢。一併豁免。以示體恤。所有該二城兵食。據扎隆阿奏稱。係就本城鋪戶採買供支。覈計僅數年底之需。現

接葉爾羌咨稱該處籌辦採買磨麵供運俱極詳備。喀什噶爾英吉沙爾兵糧即可就近赴葉爾羌採辦等語。此時該二城防兵糧額關繫緊要。著長齡察看情形就近採辦。以資接濟。並統計各城採買糧石足數兵食。即飛咨成格將烏魯木齊糧運停止。以節繁費。又據扎隆阿片奏。喀什噶爾存購經費不敷軍需。請撥銀一百萬兩。自係合計征兵四萬之數。需用較繁。尚未見減撤官兵之旨。著長齡

酌計該處應留兵若干。需銀若干。一面奏聞。一面行知楊遇春鄂山顏伯勳速為撥銀解往。現在該二城已就肅清。前調各路征兵應即酌量裁減。著長齡遵照前旨妥速籌辦。又據扎隆阿另摺奏。喀什噶爾此次被賊滋擾。決水灌城。該處

龍神廟著靈佑。請加封號。並修建廟宇。列入祀典。著長齡查明歸於善後事宜。一併辦理。昨據給事中王雲錦條陳善後一摺。是否可

資採擇酌議具奏。將此由六百里諭令知之。○烏魯木齊都統成格等奏遵旨驗收蒙古呈進駝一千隻。內有四百隻老弱殘廢。若概行收用。不但餵養需費過多。且本處俱係戶地。無廠可牧。易致倒斃。不足以昭覈實。應令該蒙古自行領回。併請毋庸再行補解。以示體恤。從之。○以內閣學士奕紀管理圓明園八旗包衣三旗官兵。○以伊犁參贊大臣布彥泰為鑲紅旗蒙古副都統。○以直隸東鹿

縣等處捐穀修倉。予知縣韓繼建等議敘有差。○蠲徵江蘇上元江寧句容江浦六合山陽阜寧清河桃源鹽城高郵泰東臺江都甘泉儀徵興化寶應銅山營浦蕭邵宿遷睢寧海沐陽贛榆二十八州縣並淮安大河徐州三衝積歉莊屯舊欠額賦。及出借倉穀。○去

子。以歲暮裕祭。遣官祭太廟中殿。

後殿。○諭內閣。現在喀什噶爾英吉沙爾二城

業已解圍。當降旨將未到之各處官兵俱令撤回歸營。其已到各兵亦分別酌留飭撤。惟是大兵歸伍。道路遙長。誠恐帶兵官員管束不嚴。該兵丁等沿途騷擾。以致滋生事端。不可不嚴行申禁。著各該帶兵官員小心彈壓。宣示律令。約束嚴明。務使恪守科條。秋毫無犯。並著沿途各督撫等隨時嚴加稽察。儻有不肖兵丁私攜幼孩。搶掠財物。並沿途騷擾驛站。或累及居民鋪戶情事。立即查拏。按律

治罪。並將帶兵各該管官參奏。從重懲處。如該督撫等有心徇隱。經朕訪聞。亦必嚴懲不貸。將此通諭知之。○又諭常德等奏請將屯工兵丁欠交糧石。分年帶徵。並將該管官員交部分別議處一摺。烏什新舊屯工兵丁本年應交糧石。因八月間逆夷倉猝滋事。派撥防堵。該兵丁等收割駛運。不無遺漏拋灑。致欠交小麥一千四百石。據該大臣等查明。實無那移侵吞情弊。若令該兵丁等當年賠補。

恐力有未逮。著加恩准其於道光十一十二年應交糧石之外。分作二年帶徵。以紓兵力。此項欠交糧石。事屬有因。並非該管官員督辦不善。所有常德等自請議處。並請將副將富桑阿等分別議處之處。俱著加恩寬免。○諭軍機大臣等。扎隆阿奏查明喀什噶爾。英吉沙爾。守城打仗出力文武員弁兵民人等。懇恩鼓勵各一摺。此次逆回滋擾。喀什噶爾。英吉沙爾。固守三月有餘。現據扎隆阿具

奏該二城守禦情形。並將出力文武員弁兵民人等開單呈覽。著長齡即將單內所開懇請鼓勵之處。查明具奏。候旨辦理。至英吉沙爾。於本年八月被圍。提楚克策楞係該處領隊大臣。於九年到任時。即曾具摺謝恩。並非不能奏事之人。於此事初起時。即應迅速奏聞。或因彼時臺路不通。未能馳報。迨解圍後。亦應具摺奏明。乃數月以來。並未奏到一摺。是否扎隆阿不令該大臣專摺具奏。抑由該

大臣意存畏蒞不敢遽摺著長齡查明據實覆奏至誠端現在阿克蘇辦理糧餉事務和闐祇有幫辦領隊大臣舒倫保一人是否足資辦理如尚須委員會同籌辦著長齡即奏派一人前往儻無人可派即奏明候朕簡放若該處無應辦要事舒倫保可以一手經理無須添派亦著奏聞再軍行以紀律為先必應約束嚴明前據奏孝順岱所帶伊犁兵丁在葉爾羌即有逗留搶掠之事現在撤回各

兵恐不免沿途騷擾除關以內已明降諭旨責成各督撫嚴加查察其關外經過地方著長齡嚴行申禁儻該兵丁等不守法度竟敢攜帶幼孩並騷擾驛站累及回民鋪戶務即查明按律治罪並將帶兵之員嚴叅重懲毋稍寬貸將此由六百里諭令知之○以鑲黃旗漢軍副都統國春署鑲紅旗蒙古副都統○命奎曼扎薩克郡王阿宛都瓦第扎布教漢郡王幹咱巴拉在御前行走賞阿巴噶郡

王那木薩賴多爾濟三眼花翎土爾扈特扎薩克貝子車林多爾濟雙眼花翎喀爾喀扎薩克輔國公旺當多爾濟花翎○以阿克蘇屯田豐收予員弁議敘賞兵丁一月鹽菜銀○以防守阿克蘇土爾扈特和碩特汗台吉官兵等不服水土命撤回游牧並免繳借支銀○癸丑裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○遣官祭

太歲之神○諭內閣長齡奏哈豐阿等一摺烏魯木齊提督哈豐阿伊犁領隊大臣孝順岱前派率領官兵進援喀什噶爾英吉沙爾二城擒捕賊匪於軍營出力人員並不咨報將軍參贊聽候覈辦率行具摺保奏實屬

冒昧哈豐阿孝順岱均著交部議處以為輕率陳奏者戒○諭軍機大臣等據長齡奏哈豐阿等保舉出力人員輕率陳奏一摺已明降諭旨將哈豐阿孝順岱一併交部議處矣著長齡即傳旨行令回疆各大臣除本城應奏事件仍由各該大臣照例自行具奏外所有關涉軍營事務均著咨明該將軍隨時奏聞不得紛紛自行陳奏以符體制又據片奏提審英吉沙爾阿奇木斯底克一節前據

扎隆阿等奏賊目單內有斯底克之名並云現在投出該阿奇木究竟如何從逆如何投出情形扎隆阿等尚未說明具奏又據哈豐阿等奏斯底克久已從逆如果該阿奇木已經從逆何以並不潛逃是否投出必應徹底根究著長齡即飭扎隆阿將斯底克及一千人證迅速解交該將軍秉公確切查訊不可稍有含混至勦捕一切事宜應留兵若干按兵計糧如就近採辦足資軍食即遵照前旨

將烏魯木齊糧運速行停止並將需用餉銀若干之處通盤確覈如尚需接濟一面飛咨楊遇春郭山顏伯燾籌撥解往一面奏聞現據誠端等奏阿克蘇現尚積存糧麵一百八十餘萬斤擬俟烏魯木齊運糧配隻到日起運至喀什噶爾以資急需俟大營口糧稍裕阿克蘇積麵疏通彼時內地協濟配隻撥到再按段分設糧臺並稱陝甘籌撥阿克蘇等處軍餉已於解到銀十一萬兩內撥銀五萬

兩。解往喀什噶爾等語。著長齡一併查明覈實籌辦。將此由六百里諭令知之。○朝鮮國使臣徐俊輔等三人於午門外瞻覲。○甲寅上御保和殿。筵宴朝正外藩。科爾沁。烏珠穆沁。巴林。喀喇沁。奈曼。敖漢。阿巴噶。鄂爾多斯。土默特。杜爾伯特。喀爾喀。翁牛特。烏喇特。郭爾羅斯。蘇尼特。克什克騰。阿拉善。土爾扈特。茂明安。青海。和碩特。察哈爾。王貝勒貝子公額駙。台吉塔布囊等及琉球。暹羅國。正副使等

隨文武大臣依次就坐。諸樂並作。

上進酒。召左翼科爾沁和碩卓哩克圖親王。巴圖。扎薩克多羅冰圖郡王。林沁扎勒贊。巴林扎薩克多羅郡王。那木濟勒旺楚克。右翼喀爾喀扎薩克和碩親王。車登巴咱爾。科爾沁扎薩克多羅郡王。僧格林沁。至御座前。賜酒成禮。○是年。旌表孝子。江蘇等省楊銓等二十四名。孝義。山東等省王永盛等四名。孝友。福建。林金音等二名。順孫。雲南飛

聯元一名。孝女。直隸等省張富姐等十口。孝婦。江蘇等省嚴王氏等二口。守節合例。宗室豐精阿妻佟佳氏等十三口。滿洲貴平妻蘇氏等一百二十四口。蒙古興全妻王佳氏等二十六口。漢軍程文元妻馬氏等三十一口。內務府五位妻張氏等十二口。各省駐防得太妻李氏等二百四十六口。奉天等省王陞妻趙氏等一千八百四十五口。夫亡殉節。直隸等省李翔墀妻魏氏等三十九口。未婚守

志。漢軍烏爾圖妻蔣氏一口。江西等省葉立誥妻蔡氏等三十二口。百歲壽民。直隸等省李福全等四十名。五世同堂。直隸等省李樹本等四十八家。各給銀建坊如例。○一產三男。湖南等省沈瀨南等七家。○會計天下民數。穀數。直隸等省通共大小男婦三萬九千四百七十八萬四千六百八十一名口。存倉米穀三千四百五萬四千一百七十二石三斗七升六合二勺。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十二

中



八八四

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十三

監修鶴龜官經是日講起答注官太子太保體仁閣大學士文淵閣領閣事管理戶部事務上召見總帥傅翰林院掌院學士兼管

天府府尹事務隨華加五級銜錄十八次臣曾積遜員官經道攝官吏部尚書錄監攝漢軍都統管理新營房城內官房大臣稽察內

七倉大臣積聚會同四譯館事務加一級隨帶加六級軍功加三級紀錄五次臣花沙納經臣詳官文淵閣纂修閣事其部尚書總管

內務府大臣鑲白謀滿洲都統穆家內七倉大臣管理寧人府銀庫左翼幼習學 宣嘉寧國明周年歲情抄書御茶膳房御藥房太

醫監通解處事務隨事加十八級從阿靈阿副總裁官經筵講官兵部尚書隨事加六級外緣二十次臣周根培等奉

教修

道光十一年辛卯春正月乙卯朔

上詣

奉先殿行禮。○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿。

壽皇殿行禮。○御乾清宮。賜親藩等宴。○賞喀

爾喀親王車登巴咱爾紫韁○丙辰

上御紫光閣賜蒙古王貝勒貝子公額駙台吉及外藩使臣等宴並賞賚有差○諭軍機大臣等鍾靈奏清查覆覈明確一摺著陶澍即將該運庫實墊各款及占礙銀款詳晰查明單內所開數目是否屬實其墊占銀款如何歸補及綱引如何疏通並著陶澍妥為籌畫覈議具奏將此諭令知之尋奏查明運庫墊用及占礙銀款與單內所開數目相符應俟

綱引疏通分別歸補下部議從之○丁巳

高宗純皇帝忌辰遣官祭

裕陵○

上詣

奉先殿

壽皇殿行禮○戊午諭內閣本年為朕五旬萬

壽慶辰仰荷

上蒼福佑寰宇乂安嘉與海內臣民同登仁壽敬稽

皇考仁宗睿皇帝五旬萬壽特開鄉會試恩科

朕寅紹丕基當此嘉祉頻臻宜錫鴻恩用昭盛典著於本年八月舉行恩科鄉試來歲三月舉行恩科會試所有應行本年正科鄉試來歲正科會試著移於道光十二年八月十年三月舉行俾多士忭舞觀光用副朕行慶作人渥敷教澤至意該部即遵諭行○又諭本年朕五旬萬壽慶辰際茲履端錫羨澤洽寰瀛因念推恩之序親親為先我

皇考仁宗睿皇帝五旬萬壽篤念本支

恩施渥沛朕寅承丕緒普迓祥和允宜嘉惠宗

親首崇惇敘儀親王之孫奕綏著加恩封為

八八分輔國公成郡王載銳著加恩賞戴三

眼花翎在內廷行走慶郡王綿懋之弟綿悌

著加恩封為不入八分輔國公在散秩大臣

上行走定親王奕紹著加恩賞給金黃朝服

蟒袍戴鈴著加恩封為不入八分鎮國公悌

親王綿愷著加恩賞銀三千兩惠郡王綿愉

著加恩賞銀二千兩。奕約著加恩賞銀一千兩。俱由廣儲司給發。用示朕敷恩衍慶敦睦懿親至意。○貸給直隸磁邯鄲成安雄安高陽滄無極延慶九州縣上年地震被水災民籽種口糧。並平糶倉穀。緩徵磁邯鄲文安大城成安五州縣本年額賦。○蠲緩吉林三姓拉林雙城堡上年被水兵丁應徵穀石。及民欠新舊額賦有差。貸三姓雙城堡兵民口糧。並給房屋修費。○給江蘇沛縣災民一月口糧。

糧。○給安徽蕪湖靈璧泗天長五河盱眙鳳陽鳳臺八州縣並屯坐各衛兵民一月口糧。

○
以上辛祈穀於

上帝。自是日始齋戒三日。○己未諭內閣。本年八月。係朕五旬萬壽慶辰。業經降旨令各省督撫將軍副都統等。俱著不必進京朝賀。惟御前乾清門行走之蒙古汗王公台吉等。因係祝嘏之期。仍未免紛紛在理藩院呈請。朕

日理政務。不尚虛文。是以諄諄降旨面諭諸臣。於本年朕萬壽慶辰。俾各該地方仍照向年一體豫備。不可稍加繁文。其各蒙古人等舊習樸實。朕亦推誠優待。該王公台吉等更不可入於虛浮。况各蒙古王公等八月來京。而年終又屆年班。往來馳驅。不無浮費。於體恤蒙古臣僕之意。殊多未愜。即著理藩院傳諭御前乾清門行走之蒙古汗王公台吉等。於本年八月。俱不必進京祝嘏。以示恤念蒙古崇實黜華至意。○給浙江富陽縣上年被旱被水災民一月口糧。以仁和錢塘武康歸安德清臨海新城烏程八縣糧價昂貴。命平糶倉穀。○貸湖南安鄉縣上年被水災民籽種。並華容縣災民一月口糧。○緩徵山東鄒平濟寧魚臺鄒陽信五州縣並屯坐各衛上年被水被旱村莊本年額賦。及漕倉河銀。○貸甘肅會寧西和隆德三縣上年被雹被水災民

籽種。並兩當崇信。三縣災民兩月口糧。○庚申。

上詣

南郊齋宮齋宿。○諭軍機大臣等。本日據扎隆阿奏。查訊伊薩克護衛胡達雅爾等供詞。並據另片具奏各情形。扎隆阿所稱伊薩克勾結內應一事。前據楊芳等奏到。當經降旨令長齡馳往喀什噶爾查辦。旋據該將軍奏。已飛咨扎隆阿將伊薩克及家屬暨原留人證。

提解阿克蘇。復疊經諭令長齡秉公研鞫。現又據扎隆阿奏到查訊各情形。並將供單稟詞呈閱。此事關係重大。該將軍務當秉公持平。恪遵臺次所降諭旨。不動聲色。將此案虛實悉心研究。務得確情。以成信讞。斷不可含混遷就。稍有不實不盡之處。該將軍公忠素著。想於此事必當慎重覈辦。不致負朕委任。自損平日威望也。將此由六百里諭令知之。○辛酉。祈穀於

上帝。

上親詣行禮。○

世祖章皇帝忌辰。遣官祭

孝陵。○壬戌。享

太廟。遣惠郡王綿愉恭代行禮。○

上詣

大高殿行禮。○幸圓明園。奉

皇太后居綺春園。○詣

安佑宮行禮。○遣官祭

太歲之神。○諭內閣。穆興阿等轉奏。哈密郡王銜貝勒伯錫爾。因本年朕五旬萬壽。呈請進京叩賀。尚屬出於至誠。殊堪嘉尚。前因朕五旬萬壽。特降諭旨停止各蒙古王公台吉等進京叩賀。况哈密地當孔道。正值陸續凱撤官兵之時。伊所屬回子等尚有應辦差務。伊正宜在彼彈壓。伯錫爾本年著無庸進京叩賀。著穆興阿轉諭知之。以示朕矜恤回僕之至意。○諭軍機大臣等。長齡奏。接奉廷寄。

恭摺覆奏。並行抵阿克蘇日期。及籌辦一切情形一摺。所有容安等罪狀。此時自己逐款根究。分別定擬。不日即可奏到。至伊薩克案內應訊人證。該將軍已飛咨玉麟常德。將阿布都拉什特色里木堪加。及扎拉芬。一併提至阿克蘇。所辦甚好。至布魯特比推莫特屬下之毛拉一名。隨賊日久。其中大小頭目名字。自必深知。該將軍已飛咨常德。速將毛拉傳解前來。不但可以詳訊入卡滋事頭目人

數。並可訊問勾結起釁切實根由。所見甚是。此時投信之民人常奉清。及前次咨提扎隆阿原摺內所開應質人證。自己陸續解到。本日據扎隆阿奏。查照長齡來咨。將案內人證先行解往。摺內稱俟長齡抵喀什噶爾時。再行提取伊薩克訊問。較之解赴阿克蘇。似較省便等語。妄行違抗。可惡之至。扎隆阿著即傳旨解任。與伊薩克一併迅速提解。交長齡審訊。所有喀什噶爾參贊大臣印務。業經降

旨令哈琅阿。楊芳護理。該將軍即飭知該參贊等將應辦勦撫事宜。及該城參贊大臣任內應辦事件。會同妥辦。至扎隆阿所稱伊薩克勾結一案。關係重大。如果伊薩克實有勾賊入寇。謀為內應情事。自應據實查辦。斷不可將謀逆重情。稍為容隱。儻係扎隆阿有心傾陷。則是誣天叛逆。豈可遷就含混。致成冤獄。該將軍務當遵奉節次所降諭旨。秉公持平。確切根究。必須水落石出。不准稍有不實。

不盡之處。其摺內所稱八月十三日。賊至舊城時。伊薩克奔告。以為賊人前來報讎。將其墳墓發掘。係托克托呢雜爾目睹等語。究竟伊薩克墳墓。是否業經被賊發掘。著即行知哈琅阿等親往確切查明。至所稱官兵二十餘員名。既為截阻陣亡。又復守城九十餘日一節。亦著行知哈琅阿等迅即查明陣歿官兵究有若干。彼時伊薩克係如何截阻。覆到時一併據實覆奏。該將軍此時如尚在阿克

蘇即在彼提集扎隆阿伊薩克及案內應訊人證審擬具奏。儻已自阿克蘇起程前進。即駐劄葉爾羌審辦。俟此案奏結後。再馳赴喀什噶爾。將現在應辦勦撫事宜及善後章程詳晰籌度。定議具奏。俟奏到時奉有諭旨。令該將軍回京。再行起程。不可因前此業經降旨。准令該將軍來京展覲。遽行起程。將此由六百里諭令知之。○又諭據哈喇阿等奏。業於上年十二月初十日。馳抵喀什噶爾。沿途

察看情形。分別辦理勦撫事宜。覽奏均悉。現在扎隆阿因奏伊薩克謀為內應。已降旨將扎隆阿解任。令其前往阿克蘇聽候長齡質訊。所有喀什噶爾參贊大臣印務。即著哈喇阿楊芳三人暫行護理。其應辦勦撫一切事宜。哈喇阿等固應妥為籌辦。至該城參贊大臣任內事件。亦著哈喇阿等商酌辦理。此次喀什噶爾英吉沙爾從逆回眾。較葉爾羌更多數倍。雖經先後撥剿。而逃逸藏匿。頗為

不少。總之二城之根株不斷。則卡外之窺伺復生。不可不痛加勦洗。惟據稱現在投歸者尚未齊集。若遽行誅戮。恐鋌而走險。轉致棘手。著暫行收撫。各回原住。分別良莠。以次嚴密勦辦。毋貽後患。至善後大局。關繫綦重。現有旨令長齡於查辦伊薩克事竣。即前往喀什噶爾。哈喇阿等俟該將軍到彼。親歷察看。會同籌辦。務臻妥善。永靖邊圉。將此由六百里諭令知之。○癸亥。

上詣綺春園問

皇太后安。○諭內閣。阮元等奏。騰越邊界原駐獠獠夷練。應行置田裕食。請借款籌辦一摺。滇省騰越邊界。向設獠獠夷練三百七十戶。分駐香柏嶺等處。以防野匪。較為得力。據該督等查明。該夷練墾種山地。不敷食用。每年另給鹽糧。常川籌發。不免糜費。懇請借款置田以裕口食。著照所請。准其於司庫備邊項下先行借動銀二萬兩。飭發該府廳購置田

畝分別撥種招佃。俟田畝置齊。即行停止鹽糧。所借之銀。即由本省捐廉分限歸補完款。毋許懸宕。此項既歸捐補。並著免其造銷。該部知道。○以捐設直隸涿州義學。賞生員康斌八品頂帶。○甲子。諭內閣。孫爾準等奏。海塘分別緩急。籌議興修一摺。浙江省東塘魚鱗石工。歷年久遠。又值風潮壯盛。情形險要。自應重新修築。惟同時並舉。經費浩繁。該督等將險中之尤險者一百五十餘丈。先行趕

緊修築。以禦霉伏大汛。其餘二百五十餘丈。俟今年大汛後。再行接續辦理。著照所請。准其循照歷次借項墊辦成案。在於司庫新工經費項下銀兩動支興辦。該部知道。○又諭。阮元等奏。黑鹽井竈戶墮欠柴本修費銀兩。懇准陸續贖補一摺。雲南黑鹽井竈戶墮欠柴本修費。除已完外。實計未完銀八萬三千六百一十兩零。自應設法追完。惟銀數過多。若定限緊迫。新舊併徵。竈力恐有未逮。儻不立

限贖補。必致日久因循。著照所請。即責成黑鹽井提舉。督率各竈。於前辦正溢課款之時。不使稍留餘力。每年設法加贖。帶完銀七八千兩。或一萬餘兩。儘銷儘解。先將柴本撥還清楚。後接續歸補修費。按年報部。約計十年內外。即可全行完款。該提舉如敢因循諉誤。或竈戶藉口延欠。即將提舉贖解不力職名。開叅。竈戶嚴提究辦。該部知道。○乙丑。諭內閣。長齡奏。遵旨審擬容安等罪名一摺。前因

英吉沙爾喀什噶爾二城待援甚亟。容安統領伊犁官兵。於九月十二日。全抵阿克蘇。儘可趕緊由葉爾羌進發解圍。乃遷延觀望。坐失機宜。且先據奏明由大路進兵。嗣復欲由和闐前往。以有用之兵。轉於無賊之處。繞道行走。以致耽延一月之久。無謀無勇。措置乖方。並欲厚集兵力。防守阿克蘇。烏什。再行前進。身為統兵大員。不知緩急輕重。任意延宕。喪心昧良。莫此為甚。當降旨將容安革職拏

聞嗣以此等怯懦無用之人不值如此辦理復諭長齡將容安解赴阿克蘇看守旋又數其四罪令長齡到彼後逐層嚴審按律定擬並將長清等分別擬罪茲據長齡審明容安等罪款定擬具奏容安坐擁重兵畏葸不前辜負國恩貽誤事機本應照軍法從事在阿克蘇即行正法姑念現在二城之圍已解尚可寬其一線容安著加恩照長齡所擬依軍臨敵境違期三日斬監候律斬監候秋後處

決即派妥員押解刑部監禁趕入本年朝審情實辦理長清但知留兵防守並不通盤籌畫催令進援亦屬咎有應得惟該大臣究非奉派帶兵之員而撫馭夷回尚為安靜且於扎隆阿信致令將伊什罕伯克托克托呢雜爾等家產查封並將緣坐人犯一併拘禁該大臣均未照辦頗有識見長清著加恩革去副都統賞給二等侍衛仍作為阿克蘇辦事大臣哈豐阿係烏魯木齊提督本不應受容

安節制乃聽其指使迂道前行稽延日久實屬錯謬姑念此次進援究係該提督帶兵先到雖未接仗殺賊惟令賊眾一聞兵到即行遠竄得以解圍哈豐阿著加恩改為革職留任額爾古倫貴成孝順岱進兵究屬遲延著一併交部議處○又諭烏魯木齊提督哈豐阿伊犁領隊大臣孝順岱帶領援兵擒捕賊匪於軍營出力人員並不咨報將軍參贊聽候覈辦率行具奏均著照部議降一級留任

毋庸查級議抵該員等係派往軍營之員著俟事竣回營之日補扣降級俸銀○諭軍機大臣等長齡奏請將扎隆阿先行撤任辦理緣由一摺扎隆阿所稱伊薩克勾結內應一事朕於楊芳等初次奏到時即以伊薩克身受重恩不應遽懷攜貳恐係扎隆阿有心傾陷降旨令該將軍親提審辦嗣據扎隆阿屢次陳奏並於該將軍咨提人證時不即將伊薩克起解疊經降旨諭令秉公審訊並傳旨

將扎隆阿解任。與伊薩克一併提解。茲據奏行抵阿克蘇。面晤長清告知。並據常格咨稱。前接扎隆阿來信。並咨令將托克托呢雅爾等。家產查封。緣坐人犯一併拘禁等情。該大臣等以案情尚未確實。恐遽行查辦。致滋惶惑。並未照辦。所見甚是。現在訊據布魯特毛拉等各供。及詢悉情形。所稱逆苗明巴什。因攻城不得手。向愛散問計。愛散告以現有伊薩克在城。是以回心固守。須得先將伊薩克

誣讎。及該城兵民於賊匪圍城之際。即將伊薩克衙署抄沒。殺斃大小伯克回子二百餘人。均稱此次賊匪進卡滋事。係伊薩克所使。強令扎參贊看守。又於圍城時。有兵民千餘人。口稱伊薩克有勾結情事。齊赴阿奇木署中。拏住伯克回子等約二三百名。並不待參贊之諭。登時殺戮淨盡。財物搶擄一空。伊薩克夫婦先赴參贊署中。僅以身免。各等語。雖未可遽為深信。而於伊薩克勾結情事未真。

扎隆阿辦理錯謬。已可概見。且任聽兵民人等恣行殺掠。並將大小伯克回子殺斃至數百人之多。姑無論所稱伊薩克勾結內應。是否屬實。即此任聽妄殺一節。扎隆阿昏謬之咎。實屬難辭。該將軍以該參贊所奏情節。與詢問情形。迴不相符。難保其不無回護。任聽妄殺之前愆。轉受兵民之挾制。因而巧為彌縫。所料不錯。其於該將軍咨提人證時。不即將伊薩克起解。轉藉口恐奸細探聽。在途劫

奪。並非玩泄。實屬有心違抗。昨已有旨令該將軍傳旨將扎隆阿解任。現據奏到。亦請即行解任。並以摺報往還需時。恐該員稽留多日。或致別生枝節。一面奏明。一面先將該員撤任。好極好極。能如此。不愧朕推心倚任矣。扎隆阿於案情未定之先。妄行殺戮。已失本處良回之心。况任聽兵民恣肆。毫無約束。復分致阿克蘇庫車。令其查封拘禁。以致二城回眾亦各惶惶。似此謬妄糊塗之員。不但不能

能無罪。仍當治以重罪。扎隆阿著卽革職。該將軍現已飭知哈豐阿。令其卽帶馬步官兵千餘名。護解伊薩克一千人證。迅速赴阿克蘇。以免疏虞。所見又是此事關繫重大。必應秉公查辦。該將軍之心。卽朕之心。所奏情形。與朕疊次所降諭旨。均相符合。可嘉之至。此時伊薩克等計可陸續解到。該將軍務須嚴切根究。期於水落石出。如果伊薩克有應與提到人證質訊之處。固當令其質對。卽扎隆

阿有應與各犯質對之處。現已降旨將伊革職。伊既不知自愛。不值為伊顧惜顏面。亦著令其質對。將此案虛實悉心研究。務得確情。按律定擬具奏。儻審明伊薩克實無勾結情事。著於審明後。將道光十年十二月初十日初次寄諭該將軍之旨。向伊薩克明白宣示。俾知伊忠悃素著。此次被人傾陷。朕早鑒及以安其心。至喀什噶爾參贊大臣。昨已有旨令哈琅阿。楊芳。暫行護理。著仍遵前旨。飭令

籌辦一切。所請令胡超幫辦之處。著毋庸議。至另片奏。此次起釁根由。詢之該布魯特比及回子等。皆稱由於抄沒安集延驅逐出卡。因此懷恨勾結等語。究竟該布魯特等所稱是否屬實。著再行詳細查明。據實具奏。本日據玉麟等奏。體察邊界現在情形。酌籌辦理。所稱那林距喀什噶爾卡倫較近。由彼經過。特木爾圖淖爾。迤北卽是吹塔拉斯一帶。當為討逆所必至。請飭長齡等於派兵出卡捕

拏逆犯之便。順赴吹塔拉斯等處確查等語。著長齡自行酌量。如須派人前往。著飭令由伊犁前往。會同確切查勘。儻無須派人前往。卽咨會玉麟等妥為查勘辦理。又另摺奏體察中外情形。新疆茶政。及夷商貿易。似應酌復舊章。並著長齡詳查妥議。將此由六百里諭令知之。○丙寅。諭內閣。國家赦宥之典。法外施仁。欲使海內咸知遷善遠罪。共為良民。以成太平之治。朕溯查乾隆十一年。

皇祖高宗純皇帝大沛

恩慈特頒省刑

諭旨亦越嘉慶十一年

皇考仁宗睿皇帝紹述

前徽復頒行

曠典朕臨御以來祇遵

成憲兢兢業業以愛育黎庶為懷茲當紀年開

袞寰宇乂安允宜循照舊章用宏矜恤所有

刑部及各省已經結案監禁人犯除情罪重

大及常赦所不原者無庸查辦外其餘著大

學士會同刑部酌量案情輕重分別請旨減

等發落其軍流徒杖以下人犯一併分晰減

等完結俾獲邀肆赦勉圖自新以副朕欽恤

庶獄咸中有慶之至意○以庫倫辦事大臣

奕額為鑲白旗蒙古副都統○以御前侍衛

奕紀管御船處事○丁卯諭內閣阮元等奏

知州署內家人命案牽涉伊子該州不行迴

避反稟託委員誣證其子請革職嚴審一摺

雲南署趙州事鶴慶州知州邵葆棧署內家

人楊安受傷身死被屍親控告經該督等提

省究出該州之子邵庭與楊安口角爭毆將

其推跌揪傷腎囊惟心坎胸膛刀傷狡不承

認乃該州輒稟稱楊安死由痰迷將伊子邵

庭親筆已認之供稱為委員誣證逼寫實屬

謬妄邵葆棧著先行革職伊子邵庭即行收

禁交阮元伊里布親提全案人證嚴加審訊

楊安究係因何致死其心坎胸膛各傷是否

邵庭所戳抑係自戕並委員原驗有無回護

研究確情按律定擬具奏尋奏審明邵庭與

楊安口角爭毆戕傷身死假裝自戕實無挾

嫌謀故別情邵庭照例擬杖一百徒三年該

府縣等承審不實請交部分別議處下部議

從之○山西巡撫阿勒清阿奏請動撥地丁

銀兩支放武職養廉從之○戊辰

上御奉三無私殿賜皇子親藩等宴○己巳月

食○

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○御山高水長。賜王公大臣蒙古王貝勒貝子公額駙台吉及外藩使臣等食。○諭軍機大臣等。寄諭湖南巡撫蘇成額。朕聞湖南吏治疲玩相仍。通省如出一轍。即以詞訟案牘而論。有司官有呈不究。有案不詳。有微不覆。有提無解。甚至上司委審之案。委員取一卷宗。亦復經年累月。延

不申解。該省民情本多刁詐。又利有司之疲玩因循。以遂其譸張為幻之計。訟師痞棍。從中播弄。點書蠹役。夤緣為奸。所控虛多實少。被證動輒數十。或一人而數名分控。或一呈而竊列多人。又或無干扛幫。憑空詐索。遞呈之後。圖准不圖審。圖拖不圖結。俗謂之打油伙。聽審時不由差役傳喚。須令歇家保戶往傳。謂之請審。迨被告已到。原告無蹤。或傳者續至。來者又逸。被累之人。不勝其苦。因而私

囑賄和。原告得飽所欲。始到案遞呈首悔。地方官據呈詳結。原告又隨即翻控。上司駁飭覆審。遂至懸宕無期。又近來該省民風。每因一言不合。即糾眾抄搶。雖親兄弟亦然。地方官因其並非真正搶匪。往往從輕了結。民間以為搶無重罪。遂爾效尤。其被搶者終訟不休。好訟者亦藉以被搶誣控。至該省書差。為蠹最巨。州縣官袒護不究。呈控者遂無論曾否被詐。無呈不牽及書役。又該省錢漕採買。

多有痞棍包攬。名為漕口子。往往釀成巨案。州縣浮收勒折之弊。未能盡除。而痞棍之挾制官吏。即借此為由。以致控案日多。以現在該省情形而論。聽訟尤為急務。欲弭齊民之訟。必先自生監始。欲挽奸訟之風。則必自振興吏治始。該撫前在廣西。事務較簡。今調任湖南。該省公事殷繁。吏治民風。尤須加意整頓。所有前項各情弊。該撫務當隨時訪察。設法消除。以期力挽澆風。用副委任。將此諭令

知之。尋奏訪察地方情形。誠有前項積弊。分別嚴行查禁。並飭拏訟師衿棍。以清訟源。查明未結積案。勒限埽數完結。以截訟流。仍將積案最久最多之員查叅。以儆積疲而飭吏治。得旨。勿避嫌怨。實力整頓。勉之又勉。以副委任。最忌始勤終怠也。○庚午。
上御正大光明殿。賜大學士尚書等宴。○命湖南按察使徐忻來京。以四五品京堂候補。以江蘇蘇松糧儲道楊簞為湖南按察使。○辛未。

上詣綺春園問
皇太后安。○諭內閣。兵部奏議處額爾古倫等請照溺職例革職。額爾古倫貴戚。孝順。進兵遲延。本有應得之咎。姑念該員等俱係伊犁領隊大臣。容安係伊犁參贊大臣。額爾古倫等不得不聽其調遣。遲延尚屬有因。所有部議革職之處。均著加恩改為革職留任。○步軍統領衙門奏。朝鮮從人曹景鎮等被民

人王二羊毆傷。得旨。著交軍機大臣嚴行審訊。尋奏。此案王二羊擡送進貢布匹。因欲搶奪包皮。輒敢於紫禁城內毆人成傷。且所毆皆係外藩從人。非尋常闖毆可比。加重擬發邊遠充軍。先在該館門首枷號一箇月。滿日定地發配。夫頭王二狗不能約束。致有搶奪情事。照不應重律杖八十。折責發落。四譯館派出之員。未能彈壓。請將六品通官英祥等交部議處。從之。○壬申。諭內閣。前因容安等

帶兵進援。不由葉爾羌大路前進。轉向和闐無賊之處行走。貽誤事機。所有由和闐一路軍需。當降旨交長齡查明。令容安等分別賠償。茲據長齡奏。業經行知誠端。將此項軍需全數劃出。分作十成。著照議令容安分賠五成。長清分賠三成。哈豐阿分賠二成。即行照數歸款。以示懲儆。該部知道。○又諭。成格等奏。烏里雅蘇台蒙古所進駝隻。請旨賞還一摺。烏嚕木齊糧運。現已停止。無需用駝。所有

該蒙古等進駝三千二百隻。著無庸驗收。即行全數賞還。俾得早回游牧。以示體恤。○諭軍機大臣等。長齡奏。訊據大概供詞一摺。伊薩克案內常奉清一名。業經守備楊應元解赴阿克蘇。據該將軍訊取各供具奏。內常奉清稱。參贊衙門書辦說幕友周姓。因兵民抄殺伯克回子人數過多。並沒憑據。都是一片疑心。將來甚難入奏。又楊應元稱。當日抄殺時。即係常奉清與劉漢閻良貴為首。彼時參

贊聽見嚷鬧。即差章京金奇賢。持令箭前去攔阻。不住各等語。幕友周姓。係案內要證。其劉漢閻良貴。既據楊應元稱抄殺時曾與常奉清為首。亦應提到質訊。即章京金奇賢。自當一併訊問。著即迅速咨提到案。嚴切根究。前因扎隆阿有心違抗。傳旨解任。旋據奏到。亦請即行解任。復經降旨將扎隆阿革職。與伊薩克一併提解。此時人證計已陸續到齊。該將軍務提集人證。秉公審辦。如扎隆阿供

詞狡展。即一面拏問。一面奏聞。總須水落石出。鞫訊明確。按律定擬具奏。本日又據扎隆阿奏到二摺。一係密奏伊薩克之事。一係撥獲逆賊。訊取供詞。分別辦理。均著長齡查辦。所稱逆犯毛拉庫恰克。托胡達呢。離爾二名。著即歸案嚴審。又另片奏買辦糧料。及派員辦理軍務公局等事。著即行飭知哈琅阿。楊芳。妥為辦理。至喀什噶爾參贊大臣。前已降旨令哈琅阿。楊芳。暫行護理。朕意將來即以

壁昌補授喀什噶爾參贊大臣。並將常德賞給升銜。作為葉爾羌辦事大臣。其烏什辦事大臣一缺。何人可以勝任。著該將軍保奏一員。請旨簡放。至喀什噶爾向設幫辦大臣。現在是否仍須補放。著該將軍體察情形。據實覆奏。如仍須補放。亦著該將軍擬保請旨。又據奏常奉清供。賊人圍城數日後。有安集延一人。向城上告稱。且不要放槍礮。那些圍城千餘賊都已跪下。令通事來說。我們是喀什

噶爾阿克蘇伊犁等處逐出的安集延。在卡內買賣多年。並未隨張格爾造反。忽於八年間。將我們的茶葉大黃金行抄沒入官。並不給價。驅逐出卡。無以為生。後來有布魯特在我們愛曼。拏著茶葉。誇說這是大皇帝賞還的。我們更加氣忿。因此進卡。祇求將茶葉大黃金還。仍准在卡內作買賣。就是恩典等情。又十二日。有本城許多黑帽回子。拏著羊麪瓜酒。並未拏著器械各等語。該將軍奏出關。

後訪聞情節。與所供均屬無異。著再行詳細訪查。覈實奏聞。將此由六百里諭令知之。○調刑部右侍郎鍾昌為吏部左侍郎。吏部左侍郎貴慶為刑部左侍郎。刑部左侍郎特登額為右侍郎。○以鑲白旗滿洲副都統裕誠為鑲藍旗護軍統領。○調鑲紅旗蒙古副都統布彥泰為鑲紅旗滿洲副都統。以理藩院左侍郎嵩惠兼鑲紅旗蒙古副都統。○以吏部左侍郎鍾昌為京營右翼總兵。京營右翼

總兵福泰為馬蘭鎮總兵官。兼總管內務府大臣。未到任前。以守護

東陵鎮國公有麟署理。○予故馬蘭鎮總兵官

黃文煜祭葬如都統例。○癸酉。

上御山高水長。賜王公大臣蒙古王貝勒貝子

公額駙台吉及外藩使臣等食。○諭軍機大

臣等寄諭揚威將軍長齡。扎隆阿所稱伊薩

克勾結一案。疊經降旨諭令該將軍秉公查

辦。本日據扎隆阿奏交卸印篆日期。附片奏

辦理伊薩克之事。並據哈琅阿等奏密陳查

辦事宜及伊薩克情形。此案關係重大。朕看

哈琅阿楊芳。似為扎隆阿所惑。卿不可亦為

所惑。務當遵照節次所降諭旨。一視同仁。秉

公持正。將案情虛實悉心研究。務得確情。以

成信讞。斷不可意存遷就。稍有不實不盡之

處。至喀什噶爾現在應辦之事甚多。前經諭

令該將軍馳赴該處。籌辦一切。不准遽行起

程回京。哈琅阿楊芳早經到彼。該將軍馳往

該處面為商酌。較之文移往返。自尤詳晰。著於此案奏結後。即馳赴喀什噶爾。體察情形。將現在應勦應撫事宜及善後章程。與哈喇阿等悉心商榷。籌議妥辦。據實具奏。又扎隆阿另片奏。請將派兵出城打仗所用賞需銀四千兩。歸軍需項下報銷等語。此項銀兩。據扎隆阿奏。係因該兵勇等出城打仗賞給。業經動用。應否歸入軍需項下報銷之處。並著該將軍查明具奏。將此由六百里諭令知之。

○又諭。哈喇阿等奏。接據長齡咨。照署理喀什噶爾參贊大臣印務。並哈喇阿奏。懇陳下情。各一摺。前經降旨。將扎隆阿解任。令其前赴阿克蘇。聽候質訊。所有該城參贊大臣印務。諭令哈喇阿。楊芳暫行護理。自當將任內各務妥為商辦。茲據哈喇阿奏。該城往來文移。大半均係漢字。伊不通漢文。藉人口誦。恐啓弊端。致有貽誤。懇請迅速簡放。以重職守。所奏自係實情。惟現有楊芳一同護理。哈喇

阿務當與楊芳和衷商榷。將該城應辦事件。並勦撫一切機宜。妥籌辦理。至喀什噶爾參贊大臣。不久即當簡放。前往接印。斷不可因暫時護理。稍有疏懈。勉圖報效。以副委任可也。將此附六百里報便諭令知之。○甲戌。總管內務府大臣達三。因病解任。以武備院卿克蒙額。為總管內務府大臣。仍管圓明園事。○以戶部左侍郎寶興。管清漪園等處事。○廣以御前侍衛載銓。署鑲紅旗蒙古都統。○廣

西左江鎮總兵官楊應元。年老休致。賞食半俸。以廣東廣州城守副將文哲璉。為左江鎮總兵官。○乙亥。

孝穆皇后忌辰。遣官祭

殯宮。○諭內閣。御史徐培深奏。考試大興。宛平。

二縣文童。請嚴禁槍替一摺。學政歲科兩試。錄取文童。原期選拔真才。以端始進。若如該御史所奏。順天大興。宛平。二縣。間有本童毫無學業。雇倩能文之人。自縣試府試。以至院

試覆試。皆係一人頂替。而本童則潛匿家中。坐候衣頂。並有廩保受其賄囑。代為容隱。以致弊竇滋生。實屬大干法紀。該二縣有此槍替之弊。恐各處皆所不免。著通諭各省學政。認真稽察。責成各廩生。務須查明赴考之人。實係本童正身。方准具保。如有頂替情弊。將該槍手嚴行究辦。其具保之廩生一併重懲。以杜弊端。而正士習。○丙子。諭內閣。三載考績。實為激揚大典。滿漢諸臣。有能盡心所事。

任勞任怨者。自應甄敘。有年老而精力不衰者。仍當留任。茲京察屆期。該部將京外各大員開單題請。朕詳加酌定。大學士曹振鏞。吏部尚書文孚。戶部尚書王鼎。工部尚書穆彰阿。久任軍機大臣。贊襄勤慎。承旨詳明。大學士長齡。中外宣勤。懋績顯著。茲又奉命再莅回疆。協辦大學士兩廣總督李鴻賓。歷任封疆。實心任事。陝甘總督楊遇春。身經百戰。絕域宣勞。畀以封疆。克勝鉅任。陝西巡撫鄂山。

兩次總辦軍需。誠實精詳。毫無貽誤。俱著加恩。交部議敘。兵部左侍郎賈允升。盛京戶部侍郎多山。俱年力就衰。著以原品休致。福建巡撫韓克均。辦事遲緩。不能振作。尚無劣跡。可指。亦著以原品休致。餘著照舊供職。○諭軍機大臣等。據哈琅阿等奏。接據長齡咨查。應辦事宜十五條。分別酌議一摺。所稱檄諭霍罕要人一條。本屬天朝體制。惟博巴克一犯。曾任四品伯克。深悉卡內情形。霍罕既恃

為謀主。設竟無覆報。或抗言回答。轉於大體有礙。著長齡於行抵喀什噶爾後。將是否檄諭霍罕一層。與哈琅阿。楊芳。會商妥辦。至於著名逆犯。務當懸賞購線。設法擒獲。以淨根株。此時勦撫事宜。急應籌辦。所有已到阿克蘇官兵。無須全行留住。著即飭赴喀什噶爾。交哈琅阿。楊芳。隨時調遣。烏魯木齊糧運。現已停止。自應就近辦理糧運。以供兵食。將此由六百里諭令知之。○護理喀什噶爾參贊

大臣哈琅阿等奏伊薩克一案。急辦不如緩辦。咨商揚威將軍長齡先赴喀什噶爾面籌大局。得旨朕初聞伊薩克之事。因關係重大。必應在阿克蘇究辦。嚴密而能得實。未及降旨。長齡已奏請解至阿克蘇審辦。至扎隆阿。朕方降旨將其解任革職。而長齡即奏請將伊解任。是該將軍於萬里之外。與朕一心。不謀而合。迥異汝等偏持己見。不知大體。中心毫無主張。均為枉費心力。無福受恩之扎隆阿所惑。曷勝憤懣。故汝等前此摺奏。俱未批示。發交長齡矣。不料汝二人之意見。與朕如此相背也。○轉兵部右侍郎張麟。為左侍郎。以都察院左副都御史吳椿。為兵部右侍郎。○調盛京禮部侍郎凱音布。為盛京戶部侍郎。以都察院左副都御史鐵麟。為盛京禮部侍郎。○命兵部右侍郎吳椿提督浙江學政。○以福建布政使魏元烺為巡撫。浙江按察使孔昭虔為福建布政使。廣東鹽運使陳鑾。

為浙江按察使。○前任江南狼山鎮總兵官馬國用休致。賞食半俸。○丁丑。孝聖憲皇后忌辰。遣官祭泰東陵。○上詣恩慕寺。恩佑寺。行禮。○諭內閣。朕聞東南兩河工次。所存料垛。與該河督等奏明備辦數目不符。特派鍾昌。楊懌曾。前赴東河。白鎔。寶興。前赴南河。各詳細抽查。如有虛鬆短少情弊。即據實嚴奏。旋經鍾昌等奏查驗祥河廳人字廠料垛。曹考廳順壩廠中段料垛。內拆出虛鬆情形。半係殘朽之料。又據白鎔等奏稱正月內各廳購料。尚未到齊。與該河督請撥歲料原奏內所稱。勒限年前全數到工之語。已屬不符。其揚糧廳於年前報有緯道等工。經該河督批准動用存工料物。該廳尚有存工防料十四垛三分。自應先儘防料應用。乃率將尚

未驗收之歲料用至五十三垛。揚河廳舊料九垛。大半色黑質朽等語。東河南河所存料垛。現經該侍郎等分別抽查。顯有弊端。則其餘各處存料。斷難保其無弊。總由該廳員等不能認真辦理。含混捏報。本應從重治罪。姑念係初次查出。從寬免其究辦。著該河督將承辦此項料垛之各廳員及該管道員等。分別嚴叅。其揚糧廳率動未經驗收之歲料五十三垛。揚河廳黑朽之歲料九垛。均著不准

開銷。即著令照數賠補。以示懲儆。至該河督於各廳存料。未能查出弊竇。實屬辦理不善。嚴娘、張井俱著交部嚴加議處。嗣後河工各項料垛。先期約計需辦若干。於何時全數到工。應酌定數目限期。責成廳員遵照辦理。該河督於料垛到工後。親往驗收。毋任遲延。現已查出朽料。其非近年存積之料。已可概見。將來每年用贖餘料。著該河督於霜降後。責令河道周歷各廳。查明用贖稽料若干。即

抵作來年歲料。將新料照數覈減。其東南兩河豫備料物。應如何覈實辦理。俾廳員不得朦混冒濫之處。並著該河督各行妥議章程具奏。自此次定議後。如再有虛鬆黑朽等情。弊派員前往查出。或被人糾叅。或經朕訪聞。必將該河督及道廳等一併從重治罪。決不稍從寬貸。朕宥出法隨。勿謂誥誡之不早也。○又諭楊遇春等奏減撤官兵已接續進關。並酌撤口外各臺委員一摺。前因喀什噶爾。

英吉沙爾二城業已解圍。降旨令將續調官兵撤回歸伍。茲據楊遇春等奏。四川、吉林、黑龍江等項官兵。俱已折回。京營兩起官兵。亦已先後進關。其在後之西安、滿洲營官兵。計亦將全過肅州。所有內地委員。自應減撤。著將托克遜各臺之道府正佐委員。概行撤回。其各臺應辦糧運等事。即交烏魯木齊原派之員一手承辦。其肅州軍需局。俟長齡知照到日。亦即裁撤。歸併蘭州局造銷。以節浮費。

楊遇春鄂山。顏伯燾均著各回本任。○以盛京戶部侍郎凱音布協同辦理內務府事。盛京禮部侍郎鐵麟。盛京兵部侍郎常文兼管移居宗室事。○戊寅。

上詣綺春園問

皇太后安。○調兵部右侍郎吳椿為工部左侍郎。以大理寺卿何凌漢署兵部右侍郎。○己卯。諭內閣。富俊等奏查明克什克騰旗台吉拉西巴拉珠爾。呈控巴林三旗侵占邊界一

案。著照議。交熱河都統轉飭該盟長會同巴林克什克騰扎薩克。遵照從前和瑛成格等奏明之案。確切指明界址。設立界牌。鄂博。以期經久而杜訟端。現據烏珠穆沁王呈報。該王與巴林王會同該旗官員等議明三旗界址。應以西英土哈拉和碩為界。均無爭執。毋庸飭傳烏珠穆沁旗會同查看。著將三旗定界繪圖鈐印。送理藩院。並呈明熱河都統。存案備查。其克什克騰台吉拉西巴拉珠爾。以

從前斷結之案。復行漬控。且據巴林王那木濟勒旺楚克聲稱。本旗向係遊牧。並未開地。克什克騰旗實有招民種地之事等情。顯係該旗希圖得租開種。以致地窄。又欲展占巴林地界。若不示以懲儆。將來又復漬控不休。拉西巴拉珠爾。著照從前台吉濟吉佳誣控之例。革去台吉。發交鄰盟充當苦差。十年無過。方准開復。仍罰四九牲畜。存公備賞。以為逞刁健訟者戒。仍將行哈梁山分界砍木處

所繪圖報明理藩院。○命山西布政使葉紹本來京。以四五品京堂候補。調安徽布政使邱鳴泰為山西布政使。以安徽按察使恩特亨額為布政使。寧池太廣道色卜星額為按察使。○撫卹琉球國遭風難夷如例。○庚辰。引見京察三品以下京堂。得旨。此次京察。引見三品以下京堂各官。光祿寺卿康紹鑰。前在湖南巡撫任內。諸事廢弛。不能整頓。著降四品頂帶休致。通政使鮑勳。太僕寺少卿

覺羅德奎內閣蒙古侍讀學士巴揚阿欽天監監正海興阿欽天監右監副高錦均年力就衰著以原品休致餘俱著照舊供職○先是步軍統領衙門奏

社稷壇該班委步軍校容留閑人請旨革審命軍機大臣嚴審至是定擬具奏得旨此案薩丙阿於

社稷壇重地該班膽敢容留唱曲之人居住經特克興額查出交伊看管該犯復敢縱令脫

逃實屬藐玩薩丙阿著革去步甲領催杖六十徒一年照例實發先加枷號一箇月滿日交順天府定地充徒折責安置七品應祀官張元孝於圍牆坍塌空通之處雖經報明究係遲延數日著交部照例察議至

社稷壇後牆臨街如果內外官互相查察何至有拆通之處著該管官責成圍牆內外值班官兵晝夜巡查毋任再有偷窺以昭嚴密○辛巳諭內閣陶澍奏准鹽行銷引地散在各

省請飭一體巡緝等語兩淮鹽務疲敝已極其銷鹽口岸散在湖廣等省現當整飭之時巡緝疏銷最關緊要該督撫等自應督率各地方官一體認真查辦第恐該員弁等狃於積習視同局外漫無責成是銷路不暢仍於淮網無濟難期起色著湖廣總督江西河南安徽各巡撫嚴飭地方文武員弁無分畛域併力巡緝該督撫等即就各地方情形分別滯銷暢銷明示懲勸妥議章程具奏俾賞罰

功過責有攸歸以免推諉而肅鹺政○又諭陶澍奏籌議稽察商人及鹽務官員各情形一摺兩淮鹽政現經裁撤所有巡捕官等及雜項人役俱著全行裁撤以省繁費至鹽務官員除場所大使外僅有南北監掣二員通州海州泰州運判三員運司經歷知事庫大使各一員巡檢二員額缺甚少著毋庸裁省其候補分發之員人數太多著該督另籌變通或改歸地方或回籍候調酌量辦理至現

任人員。即照州縣之例。隨時察看。量為調換。務期人地相宜。儻或無可調換。著於地方官內遴員調署。以資振作。該部知道。○諭軍機大臣等。陶澍奏。接受兩淮鹽篆。並陳現辦情形一摺。據稱兩淮鹽務。積敝之餘。章程甫立。節目尚多。如裁浮費。去根窩。慎出納。禁淹消。散輪規。減價敵私諸款。皆商情所不樂。應申明國法。從實妥辦。一有瞻玩。即併其從前弊混之罪。追革查抄。至文武員弁。向於疏銷巡緝。不肯認真出力。甚至得規包庇。必應整飭等語。現當整頓之際。功令森嚴。該督務須實心查辦。力除積弊。俾各商及員弁等咸知儆畏。於銷引緝私。方有裨益。至所稱現在商人力能辦運者。不過二三十家。新商貪募。尚需時日。兼之漢口積引不下數十萬。非三兩月所能罄盡。江西情形亦然。前綱既滯。則辛卯新鹽。即截清界限。於春月開綱。而行抵楚西各岸。已在夏秋之際。明歲奏銷。勢不能如

期完竣等語。自係實在情形。所有明歲奏銷著准其稍寬時日。屆期奏明辦理。此後仍當年清年款。不得復蹈故轍。其餘未盡各事宜。並著該督隨時察看。分別奏咨覈辦。該督身受重恩。總當任勞任怨。悉力籌辦。力圖振刷。以期鹽務日有起色。勉副委任。方為妥善。諒該督亦必不甘蹈曾燠等之覆轍也。將此諭令知之。○又諭。據哈琅阿等奏。此次路過葉爾羌。訪察賊已突入該處回城。賴阿渾等倡言回教經典。戒殺好人。不戒殺賊。故闔城齊心痛戮賊眾。危而得安。由於阿布都爾滿黜陟認真所致。喀什噶爾。祇黑帽阿渾奈瑪特一人。為眾推重。現飭該阿渾協同阿奇木作霍爾敦等查緝叛眾。據查出回城掌圖記白帽回子大阿渾密爾和卓業經從賊叛逃出卡等語。阿渾關繫回情。必應慎加遴選。近來阿奇木往往利得賄賂。舉非其人。應如何慎加選擇。俾資得力之處。著長齡訪察情形。據

實具奏。將此由六百里諭令知之。尋奏查阿
渾必須選擇。俾資得力。當即行知該參贊督
飭阿奇木。將充當大阿渾之人。慎加遴選。務
期明白曉事。素為回眾所信服者。方准保舉。
儻有不公不允之處。即將阿奇木嚴叅治罪。
該參贊仍隨時查訪。如阿渾等不洽回情。立
即更換。嗣後各城一體遵照辦理。從之。○又
諭哈喇阿等奏。派員清查回戶情形一摺。喀
什噶爾附近各莊。現據該大臣等派員清查。

分別覈辦。並將投出伯克阿布都吉里回子
帕拉提及賊目康瑪爾依布拉依木各供呈
覽。所奏均悉。清查叛戶。分別良莠。關繫甚重。
該大臣等務當督飭所派委員。確切查明。如
果實係從逆。必當按法懲辦。儻查係平素安
分。被脅相從。即須諭令各安本業。斷不可妄
戮無辜。致滋擾累。至著名賊目。必應嚴拏懲
辦。不可任令遠颺。日久稽誅。著即懸賞購線。
設法查拏。總須多獲數名。明正典刑。以中國

法而快人心。至另片奏。伊薩克及該眷屬等
晝夜號哭。情形慌懼。該大臣等恐其自尋短
見。帶同鎮將等同見伊薩克。面加開導。令其
靜候諭旨。不必疑畏。所辦尚是。伊薩克一案。
疊經降旨諭令長齡將人犯提至阿克蘇審
辦。並據屢次奏到。飛咨提解。此時自早已由
彼起程。如尚未起解。著即妥速解往阿克蘇。
聽候長齡查辦。儻伊薩克有意外之虞。惟哈
喇阿楊芳是問。將此由六百里諭令知之。○

又諭據哈喇阿奏。接准長齡函商。籌議善後
大局。伊未識新疆情形。知識短淺。不敢自信
等語。自係實情。現在善後章程。急應籌定。哈
喇阿於一切機宜。如確有所見。自當公同商
酌。會銜奏辦。不可稍存推諉。儻有未能深悉
之處。亦不必強所不知。敷衍搪塞。總期於邊
務有益。辦理悉臻妥協。用副委任。將此附本
日六百里報便諭令知之。○朝鮮國王李琿
遣使表賀。

萬壽冬至元旦三大節並謝賜祭恩及請封其
孫奭為世孫進貢方物命例外貢物留抵下
次正貢賞賚筵宴如例○琉球國王尚灝遣
使表貢方物賞賚筵宴如例○暹羅國王鄭
福遣使表貢方物賞賚筵宴如例○修山東
運河○泃河○泉河三廳開壩從河道總督嚴烺
請也○壬午

上詣

大高殿行禮○還宮○以捐修直隸廣平府

文廟賞生員王敬賢等八品頂帶知府額爾
經額等下部優敘○癸未

孝儀純皇后忌辰遣官祭

裕陵○諭內閣阿勒清阿奏撤回黑龍江兵丁
中途毆斃人命請將管帶之佐領先行交議
一摺此次撤回官兵曾經降旨飭令帶兵官
員小心彈壓不得滋生事端乃黑龍江佐領
阿勒吉鼎所帶折回二起官兵行至山西臨
汾縣地方兵丁納里善輒與民人吳廣全中

途爭毆致將該民人失跌斃命實屬膽玩同
行官兵及餘丁人等並不勸阻難保無別項
起釁及恃眾幫毆情弊必應嚴行究辦著交
該撫督同署臬司將此案人證親提研審務
得確情按律定擬具奏阿勒吉鼎於管帶兵
丁不能約束致釀人命著先行交部議處以
示懲儆○是月編刊

御製文初集成

御製序曰予於文惟自攄心得未嘗刻意求工

潛邸時日課所積既載之養正書屋詩文集
中矣前歲大學士曹振鏞等奏刊御製詩初
集現已頒行茲復編輯登極後至今所作各
體文請付剞劂並乞弁言人君撫有方夏一
日萬幾所重原不在詞章御宇以來孜孜圖
治日昃不遑何暇染翰操觚研覃著述閱時
十載得文僅五十九首顧其中摘辭指事有
與治術道原足相關發者經筵臨雍諸論修
凝之奧蘊也

聖訓

實錄諸序。雖述之殷懷也。

聖母萬壽恭頌。篤慶承歡。

慈孝之心洽焉。告成太學碑文。綏邊奮武。逆順

之理彰焉。論任賢去邪。康法昭而百官奉職。

序續纂通禮。軌物辨而萬姓嚮方。凡皆臨政

之大經。宰治之根本。如徒以文集視之。則是

懷鉛提槧。締章繪句者之所為。豈統馭寰區

者之所尚哉。是集刊布。觀者知予維世之深

心於宵旰敬勤。牖民立教之旨。或庶幾焉。爰

如所請而為序云。

宣宗實錄卷一八四

聖訓

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十三

宣宗實錄卷一八四

聖訓

[illegible]

先醫之神。○論內閣前據御史周作楫奏江西會匪之案。每多誣扳妄拏。請飭各該姓族長紳士出結相送。當經降旨令吳光悅體察情形。據實覆奏。茲據該撫奏稱。該省向立族正。原係編查保甲良法。歷經照辦。近年緝獲贛州匪徒。多有訪自紳士。及由該戶族相送者。惟舉充不得其人。又恐轉滋流弊。著該撫通飭各屬。切實選舉公正族長紳士。教誨族眾。如有為匪不法。即行捆送究懲。儻因匪黨

出票勒派各戶車馬十倍於差事之用。除供應差事外。其浮派車馬。勒令折錢入私。如不折錢。即將車馬扣留變賣。一累於書差之勒索。當各戶派出車馬之後。一經輸納。差事既竣。即作官物。不准領回。而於自備車馬繳送到官。書差勒索規錢。刁難更甚。計車一輛。須繳錢四五千文。馬一匹。須繳錢三四千文。方准登簿驗收。名為繳車馬錢。如無繳錢。則勒扣不收。或稱車敝馬瘦。或以抗違官差。私押

差房百端磨折等語。直隸地當衝途。差事絡繹。各州縣供應車馬。遇有缺乏。不能不借資民力。若如該御史所奏。百姓以差事為受累之端。差役以差事為分肥之計。不可不嚴行查禁。現屆西陲官兵凱撤。經由直隸州縣需用車馬更多。尤宜加意體恤。著那彥成嚴飭各該州縣密查禁革。出示曉諭。如有前項浮派勒索情弊。立將鄉保書差從重治罪。儻該州縣失於覺察。或有心徇隱。即著分別叅辦。

毋稍寬貸。將此諭令知之。○修江西南昌新建進賢三縣圩隄。從巡撫吳光悅請也。○乙酉。諭內閣。御史奇成額奏。請飭禁差役雇替積弊一摺。州縣設有差役。遇事僉派。自應正身前往。據該御史奏稱。近日各省州縣。要犯脫逃。及遺失餉鞘之案。不一而足。其故由於州縣設有總差。散差名目。總差遇事派出。往往偷閒養安。分遣散差。而散差復雇遊手無賴之人。頂替前往。以致中途失事。似此積弊。

相沿。亟應嚴查究辦。嗣後著責成各省督撫。嚴飭州縣。遇有派出管解差役。務令正身前往。儻有失事。即查明有無雇替情弊。於摺內聲明。如係雇替。即將原派差役加等治罪。以儆疲玩。而重公務。將此通諭知之。○修浙江仁和海寧二州縣東西兩塘。從巡撫富呢揚阿請也。○

上以祭

社稷壇。自是日始齋戒三日。○丙戌。遣官祭

文昌帝君廟。○諭軍機大臣等。寄諭閩浙總督孫爾準。福建巡撫魏元烺。新選福建寧寧府知府珠慶。本係山東東昌府同知。於道光九年。經嚴烺以該員在工防汛出力保舉。以知府儘先選用。現經吏部籤選建寧府知府。本日召見。朕看其人才甚屬平常。於河工防汛。必不能有出力之處。不過善於奔競鑽營。得邀保薦。似此品行不端。諸事皆不可靠。斷難勝知府之任。惟年力尚壯。姑令赴任。著

該督等於該員到任後留心察看如果實不勝任即據實奏明甄別不可稍事姑容致令貽誤地方將此諭令知之尋奏珠慶行抵山東途次患病到闕增劇呈請開缺回旗委驗屬實所遺建寧府知府請以候補知府鄧傳安補授從之○丁亥祭

先師孔子遣協辦大學士理藩院尚書富俊行禮○引見各衙門保送京察一等人員得旨此次京察一等圈出人員著各該堂官再

行出具切實考語交吏部帶領引見圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用戶部主事葉桂三庫檔房主事宗室功普工部主事覺羅炳奎起居注主事趙廷熙太常寺寺丞英傑欽天監五官正福錫倉場監督中倉兵部主事王熊太常寺讀祝官工部主事連貴讀祝官善祿贊禮郎

廣昌國子監助教富明阿王錫泰鴻臚寺鳴贊覺羅福隆鑾儀衛鳴贊鞭官吉祿著交部照例以應升之缺升用翰林院侍讀許乃普侍講張岳崧詹事府左春坊左中允福保右春坊右中允凌泰封俱准其一等其餘內閣侍讀扎克三等二百五十九員俱准其一等加一級○以兵部左侍郎博啟國都察院左都御史朱士彥戶部右侍郎申啓賢署經筵講官○修山東嘉祥縣宗聖曾子廟林從巡

撫訥爾經額請也 戊子祭

大社

大稷

上親詣行禮○諭內閣阿爾邦阿覆奏勘估熱河挑挖旱河並添築虎皮石壩等工除照原估裁減外實需銀一萬一千八百六十六兩零著即移咨熱河都統轉飭熱河道照例由道庫如數動撥妥速興修工竣後著裕恩親往驗收務須工歸實用毋任稍有虛糜至早

河工程向無保固今既改砌虎皮石壩若不
予以定限易啓偷減之弊嗣後著保固三年
並著該都統隨時查察如限內有閘裂坍塌
情形即嚴飭該道照估賠修報部覈辦○予
故承恩公智林祭葬並賞銀三百兩治喪○
己丑以舉行仲春經筵遣官告祭

奉先殿

傳心殿

上御文華殿經筵直講官文孚湯金釗進講論

語居敬而行簡以臨其民講畢

上宣御論曰聖人南面而聽天下其精神足以
臨萬方而治具畢張風俗丕變要必有擇之
至精操之至約者昔仲弓謂居敬而行簡以
臨其民旨哉斯言乎夫天下之大六合之眾
而一人臨之潔齊相見非敬不為功恭己無
為非簡亦不為用其深居端拱也有嚴有翼
倍慄乎糾虔抑畏之思其推行盡利也從俗
從宜胥泯乎纖悉煩苛之習修己以敬而後

能臨下以簡誠無取高言清淨與徒事紛更
為也堯舜禹湯以來精一紹其傳緝熙懋其
學帝王主敬之心法實為古今不易之治法
斯時之民作其矜莊不生侮慢之念樂其坦
易各安淳樸之天豈非敬以勝怠簡以御繁
使民知所嚮化哉書之言敬也曰作所易之
言簡也曰易從古所稱聰明睿智足以有臨
者道固然歟直講官耆英王宗誠進講易經
幾事不密則害成是以君子慎密而不出也

講畢

上宣御論曰為治不在多言鄧隆之世上有聖
哲之君下有賢能之臣往往治功已布而未
嘗明示其由治象已成而莫能仰窺其故所
謂默而成之不言而信也彼輕易其言者不
先審之於心而遽宣之於口欲與之圖厥政
也蓋亦難矣夫子繫易於節之初爻要於幾
事必密試申論之今夫政治之得失不驗於
事之既成而徵於幾之將發動而未形有無

之間者。幾也。幾微故幽。聖人之所慎也。古者君臣一德。上下共功。慮周四海。而不必有顯赫之施。制定百年。而不見其經營之跡。誠密之至。慎之至也。不密則朕兆方萌。而揣摩逢合者。遂進而擾之。不密則機緘偶啓。而乘閒抵隙者。且從而敗之。患害之興。有不可勝言者。幾者動之微。吉之先見者也。可無慎乎。君子知其如是。是以藏密之學。歸於洗心宥密之功。根於基命如綸如緯。慎之於發號施令。

之先。嘉謀嘉猷。慎之於入告陳謨之頃。澤以節水之出入。戶以節人之出入。言之不出。與戶庭之不出。其事同。其理一也。慎斯術也。以往。其无所失矣。禮成。

上幸文淵閣。賜講官及聽講諸臣茶。復賜宴於本仁殿。○幸圓明園。詣綺春園。問。

皇太后安。○庚寅。

孝淑睿皇后忌辰。遣官祭。

昌陵。○諭內閣。京師西直門至圓明園及阜成。

門等處石道工程。前經派員分段承修。於上年工竣驗收。昨朕經過海澱迤北柵欄至恩慕寺一帶石道。見有折斷數塊。此項工程。甫

經修整完竣。且前此降旨責成步軍統領衙門派員稽查。於灰漿未老時。不准車馬踐踏。是尚無大車碾壓。何至遽行折斷。顯係承辦之員。不能認真經理。致有草率偷減之弊。著派禧恩。穆彰阿。敬徵。親往履勘。將石塊起出。查看因何折損情形。據實具奏。責令承辦之

員。趕緊賠修完固。此外石工。亦難保無折斷之處。並著禧恩等。逐段詳查。一併具奏。○又諭。前據御史梁萼。函奏。泰山東海陽縣知縣張兆祥。信用門丁。散法詐贓。各款。復據訥爾經額奏。當將該縣張兆祥革職。交王鼎。經過山東省時。提訊。茲據審明具奏。已革海陽縣知縣張兆祥。借用鋪戶銀兩。又於伊母生日。收受紳衿鋪戶銀物。已屬不知檢束。且於在省候補時。曾藉程四供給。到任後。派充門

丁該革員審理詞訟不知慎密又濫加責押以致門丁乘機指擡所辦案情錯謬是非倒置實屬任性妄為若僅予褫革不足示懲張兆祥著發往軍臺效力贖罪雖據供親老丁單不准查辦登州府知府英文失於查察提審案件不即平反著交部議處以故喀爾喀扎薩克輔國公桑都布敏珠爾子達錫多爾濟襲爵○辛卯春分朔日於東郊遣豫親王裕全行禮○諭內閣朕此

次恭謁

西陵啓鑒後著派定親王奕紹大學士托津盧蔭溥協辦大學士尚書富俊留京辦事○又諭那彥成奏撤回吉林黑龍江官兵到京後請改為間二日行走等語此項撤回官兵前經兵部奏准間一日自京起程自應遵照辦理儻沿途車馬間有輪轉不及之時准其暫為停住該督請改為間二日自京起程之處著不准行○以督辦賑務出力予直隸道員

徐寅第等議敘有差○壬辰遣官祭黑龍潭昭靈沛澤龍王之神玉泉山惠濟慈佑靈護龍王之神昆明湖安佑普濟沛澤廣生龍王之神密雲縣白龍潭昭靈廣濟普澤龍王之神○遣官祭圓明園惠濟祠○河神廟○諭內閣長齡奏查訪逆回起釁報由此次逆回滋事前次疊經降旨令該將軍

查明起釁根由據實具奏不准含混茲據奏行抵阿克蘇後詢據布魯特比等僉稱霍罕安集延逆賊入卡滋事由於抄沒貨物驅逐出卡以致懷恨勾結與沿途所訪輿論相符復據各城咨覆均與傳訊各供無異是起釁根由顯係驅逐安集延查抄家財斷難藉口禁止茶葉大黃所致那彥成上屆係特奉諭旨前往辦理善後事宜乃不能體察情形籌畫妥善行之未及二年又有逆回滋擾之事

誤國肇釁罪有攸歸著先行革去太子太保銜拔去雙眼花翎並革去紫韁交部嚴加議處伊子容翬著逐出乾清門併革退理藩院右侍郎鑲白旗護軍統領正黃旗蒙古副都統國史館清文總校著賞給三等侍衛在大門上行走○諭軍機大臣等據長齡奏查訪逆回滋事起釁根由並扎隆阿摺內各款根究案證供詞及查辦一切事宜覽奏均悉扎隆阿前叅伊薩克勾結內應一事疊經降旨

將人誣解赴阿克蘇交長齡審辦該將軍自應在阿克蘇將此案審明奏結無所用其推諉現據奏稱僅止無在阿克蘇定讞不但耽延時日且恐無以折服扎隆阿之心請將伊薩克全案解京欲派大臣審辦試思長齡非朕派之揚威將軍乎朕派該將軍前往回疆總統一切事宜推心置腹信任甚專該將軍何必心懷蒂芥稍避嫌疑惟當一秉大公遵旨審辦不可稍有不實不盡之處據奏將經

手事件清釐後即於正月十七日起程前經降旨令該將軍俟此案奏結後再赴喀什噶爾將現在應辦勦撫事宜及善後章程定議具奏奉有諭旨令該將軍回京再行起程不可因前此業經降旨准令該將軍來京瞻觀遽行起程該將軍接奉此旨自己折回如尚未折回無論行抵何處接到此旨斷不准來京即著迅速回至阿克蘇此時伊薩克諒已解到其已經起解進京之富隆阿等著飛咨

截回阿克蘇長齡即提集一千人證秉公嚴究確情如扎隆阿供詞狡展即遵前旨將其拏問至該將軍奏據富隆阿吉林布供稱前年十二月二十日夜間漢南藍翎馬兵馮敏向副將賴允貴密報有兵民聚眾搶奪糧餉局已離爾之信賴允貴即派兵擒獲一百餘名當將起意六人正法次日已刻始開城門一節又安集延曾跪求通商並滙陳入卡銀由一節均未據扎隆阿具奏著長齡將此二

節向扎隆阿詳加嚴究。彼時何以隱匿不奏。令其據實供吐。毋任狡展。該將軍審明定擬具奏後。即遵旨馳赴喀什噶爾。督同哈琅阿楊芳將應勦應撫事宜。急為籌定。從再將善後章程詳晰定議具奏。該將軍俟接奉准令回京之旨。方准起程回京。至該將軍查明此次逆回八卡起釁根由。係因驅逐安集延出卡斷離春日抄沒茶葉大黃所致。那彥成辦理不善。其咎甚重。已另降諭旨將那彥成革

去。太子太保銜。拔去雙眼花翎。並革去紫韁。交部嚴加議處矣。該將軍所奏交查各件。已移交參贊查辦。此皆該將軍應辦之事。不當移交參贊。實係該將軍之誤處。總當任勞任怨。督同該參贊等悉心妥籌。俾邊務永綏。以副倚任。所有侍衛已清德舒凌阿齊克唐阿均著留營差委。俟善後事竣再行隨同長齡回京。潼商道慶祿著即飭令回任。又據奏葉爾羌四品伯克玉素普五品伯克愛散遇賊

被擒殉節捐軀。請以五品頂翎承襲之處。著該將軍行知壁昌等令其查明該伯克等有無子嗣。或令近支承襲。自行奏辦。將此由六百里加緊諭令知之。○以派赴喀什噶爾軍營探捕出力。賞伊犁民勇民遣銀。並釋回遣犯二千名。○癸巳遣官祭

關帝廟。○命御前侍衛奕紀乾清門侍衛倭什訥刑部左侍郎貴慶恭詣

西陵查看紅椿。○調盛京刑部侍郎惠顯為理

藩院右侍郎。兼正黃旗蒙古副都統。以貴州布政使鄂順客為盛京刑部侍郎。以正白旗滿洲副都統安福為鑲白旗護軍統領。未到京前。以鑲白旗蒙古副都統閻凌阿署理。○以兵部左侍郎博啟圖為國史館清文總校官。○命三等侍衛容恩在粘桿處當差。○調福建布政使孔昭虔為貴州布政使。以福建按察使惠吉為布政使。湖北荆宜施道光聰詣為福建按察使。○雲南鶴麗鎮總兵官

福隆阿因病解任以甘肅中衛協副將馬金魁為鶴麗鎮總兵官○免雲南銅廠民欠無著工本銀○甲午

孝康章皇后忌辰遣官祭

孝陵○諭內閣陶澍奏恭繳鹽政養廉裁減浮費一摺所奏甚是兩淮鹽政每年額支養廉銀五千兩向在雜款應解項下動支現在鹽務改歸總督管理其應支總督養廉優厚足敷辦公所有鹽政應支養廉銀兩著歸入節

省項下解交戶部充用至鹽政衙門浮費較多除緝私賞號及經書人等工食均裁減四成巡捕匠作等項全行裁汰此外執事人役應需辛工紙張飯食分別裁併酌留統計前後裁減每年費用銀十六萬兩有零其外支浮費及運司衙門濫支各項俱著查明一併刪減該督務當隨時整頓以節浮費而暢引銷○諭軍機大臣等陶澍奏鹽政衙門每年春秋應進

陵貢請改歸蘇州江寧兩處織造置備恭進等語兩淮鹽政衙門每年應辦貢品內春秋陵貢係隨時備辦據陶澍奏該督職任三江時有出省事件恐得信較遲途中難以趕辦請

改歸織造辦理所奏亦是惟此項貢品向係兩淮鹽政備辦蘇州江寧兩處織造均未承辦現在該處鹽政業經改歸總督管理所有此項貢品仍著該督照舊置備呈進毋庸令織造辦理將此諭令知之○引見內務府保

送京察一等人員得旨此次內務府三院等處京察一等圍出人員著各該堂官再行出具切實考語帶領引見圍出之主事全福存著庫掌祥慶吉成委署庫掌常慶筆帖式曾維景昌官隆嘉樂吉忠蘇勒芳阿景泰八穆苑丞衍秀苑副明本著交吏部記名照例選用所有一等官員筆帖式達他等俱著准其一等加一級○以拏獲鹽梟出力予江蘇知州謝肇瀛等升叙有差○乙未

上詣綺春園問

皇太后安。○遣官祭昭忠祠。○諭內閣直隸總督那彥成上屆經朕特旨派往喀什噶爾辦理善後事宜。應即悉心籌酌。一切俱臻妥善。俾邊圉永綏。方為不負委任。乃不能體察情形。師心自用。辦理失宜。行之未及二年。又有逆回滋擾之事。疊經諭令長齡訪查起釁根由。據該將軍查明該處情形具奏。是此次該逆等勾結入卡。顯由那彥成前此驅逐安集

延查抄家財。斷離眷口。禁止茶葉大黃所致。當經降旨將那彥成革去太子太保銜。拔去雙眼花翎。並革去紫韁。交部嚴加議處。茲據吏部奏請照溺職例革職。那彥成辦理錯謬。誤國肇釁。辜恩昧良。厥咎甚重。著即照部議革職。以示懲儆。○復引見各衙門京察一等人員。得旨此次京察一等復帶引見各員。內宗室成剛著交軍機處記名。遇有應升缺出。提奏其餘各員。除希昌阿覺羅明奎續齡無

庸記名外。扎克三多爾濟善喬用。遷童宗顏。張岳崧。福保。沈兆濬。羅士菁。陳嘉樹。錢寶琛。清平。鄭開禧。善慶。珠瀾。文明。張祥河。朱楚金。張富福。英阿。崇福。那莪。嵩惠。富爾崇阿。阿爾珠阿。文德和。承惠。程銓。錢廷熊。汪銘。謙。魏茂。林隆。泰。哈忠。阿康。兆奎。文麟。文冲。索察。善傳。繩勳。徐寶森。覺羅普年。賽尚阿。德勒克。呢瑪。音德布。塔爾呢。善牛。鐸英。敏。慕。維。德。朱。壬。林。王。鑄。扎。克。丹。琦。成。額。俱著交軍機處記名。以

實錄卷八

示

道府用。○調四川總督琦善為直隸總督。未到任前。以欽差戶部尚書王鼎署理。以陝西巡撫鄂山為四川總督。未到任前。以成都將軍那彥寶署理。以陝西布政使史譜為巡撫。調湖南布政使裕春為陝西布政使。以服闋布政使吳榮光為湖南布政使。丙申。諭軍機大臣等。御史梁萼涵奏盜賊擾害災民。請嚴飭探捕一摺。據稱上年四月。直隸河南兩省地震。磁州被災最重。初震之後。即有盜賊

多人混入饑民乘機搶劫財物擄掠子女自夏至冬未嘗安靖現蒙恩施疊沛而元氣太損貧民露處猶多風聞該處盜匪直隸人約十之三河南人約十之七有回龍村為直隸大名河南內黃安陽臨漳四縣分管之地向稱盜藪附近州縣均被其害磁州與該數縣連界故被災之後盜賊乘機叢集雖地方官不時巡緝而兩省接壤此境犯案即逃至彼境非兩省協力按捕未易弋獲等語著王鼎

楊國楨查明回龍村地方是否實有盜匪聚集為害閭閻儻如該御史所奏情形不可不嚴密查拏即著各飭所屬會同併力嚴緝毋得稍分畛域互相推諉總期按捕淨盡以靖盜風而安良善將此各諭令知之○又諭哈琅阿等奏審訊拏獲賊匪分別辦理一摺所有訊係從逆屬實並無緊要供情之沙塔爾等八十五犯業經該大臣等審明正法其毛拉阿布達里阿布拉散庫完等三犯供詞關

繫伊薩克一案虛實均應根究著交長齡歸案辦理又哈琅阿等所奏伯克單內開列新城內所戮伯克十七名新城係扎隆阿駐劄之所何以所戮伯克至十七名之多難保非殺戮無辜並著長齡查明據實具奏至伊薩克一案疊經降旨命該將軍在阿克蘇審辦並令於奏結後赴喀什噶爾籌辦勦撫及善後事宜前據該將軍奏正月十七日起程回京復經降旨令迅速回至阿克蘇審辦不准

來京此時想接奉諭旨早已折回矣將此由五百里諭令知之○又諭哈琅阿等此次所奏祇係審辦從逆賊匪並無緊要事件何以輒用六百里馳遞著傳旨申飭嗣後如係尋常事件均不准擅用六百里急遞將此附本日報便諭令知之○丁酉復引見內務府京察一等人員得旨豫慧德順克明額福泰毓泰文輝慶倫英裕瑞廷俱著交軍機處記名○班禪額爾德尼遣使呈進貢物賜敕褒獎

賞賚如例。○喀喇沙爾辦事大臣嵩孚因病解任。賞三等侍衛額勒錦。二等侍衛為喀喇沙爾辦事大臣。○戊戌。諭內閣。前據給事中邵正笏奏。近年內地奸民。種賣鴉片煙。大夥小販。到處分銷。地方官並不實力查禁。當經降旨嚴飭各省督撫。確切查明懲辦。並將如何嚴禁之處。妥議章程具奏。茲據阿勒清阿奏。查明山西省尚無栽種鴉片煙地方。惟太谷。平遙介休。各縣民人。多在廣東及南省等

處貿易。日久沾染。頗有嗜食之人。此煙既非晉省所產。則係來自外方。自應責成各該地方官認真查拏。使販者無從託足。則食者不禁而自絕。著通諭各直省督撫。嚴飭所屬如有奸民種作鴉片煙。隨時拏獲究辦。並著飭令各關口及州縣文武各員。嚴行查禁。如有奸商夾帶偷漏。一經拏獲。即當究明來歷。將偷漏之關口暨失察之地方官一併交部議處。如後任及他人拏獲。亦著將前任失於查

拏之員交部議處。儻該地方官並不實力查拏。及胥吏人等有得規故縱情弊。著該督撫嚴叅究辦。並令地方官按季稟報查數。責成該管道府於年終出具所屬並無種賣鴉片煙切實印結。報明該督撫。每年具奏一次。毋得日久視為具文。致干重咎。○己亥。

上御勤政殿聽政。○諭內閣。朕前因經過海淀一帶石道。見有折斷數塊。當即降旨。以此項工程甫經修竣。且尚無重車碾壓。何以遽行折損。特派禧恩等親往履勘情形。並將此外石工逐段詳查具奏。茲據奏查明海淀柵欄往北新石道五十餘丈。內有折斷道板石四塊。又接往北新石道三百三十餘丈。內有折斷道板石七十四塊。又接往北至東攬眾木新石道二百七十餘丈。內有折斷道板石十三塊。詳看折損情形。係因石料厚薄不一。分縫未能嚴密。底面不平。灰漿亦未灌足。及地腳灰土未經如式築打所致。實屬草率偷減。

不肯實心任事。於斯可見。著責令承辦之員趕緊賠修完固。所有此一帶石道。間有沈陷及殘楞破角。並兩邊牙石碎小。不齊暨道板石長出抵作牙石之處。護牙灰土。較原估少做一步。均著責成承辦之員。妥固修理。此外西南門等處。並自海淀柵欄至西直門阜成門西便門各段新舊石道內折斷道板石共十八塊。與前項石工情形相同。著承辦之員各趕緊妥固賠修。其阜成門迤南至西便門

一帶石道。石料碎小。地腳未能堅實。亦著妥為修理整齊。至上年禧恩等驗收時查出各段應行挑換修補處所。著一併妥速修理。所有賠修各工。務須工堅料實。如式修做。以期經久。儻仍前草率。保固限內再有損壞之處。除仍行責令賠修外。並將承修之員一併懲處不貸。○又諭著英等奏步甲曠班。請定翼尉處分。以重責成。著照所議。嗣後八旗步甲。由該衙門按照額冊督率司員不拘時日。每

月抽查二次。如一甲喇查有誤差步甲在二十名以上。所有翼尉等官。即照此次議定章程分別懲處。如一旗地面統計誤差步甲在六十名以上。除協副尉等官。仍由該衙門各按應得處分咨部辦理外。翼尉副翼尉等。即行查明。奏請交部嚴加議處。儻查有空頭步甲之弊。即將該翼尉副翼尉等一併嚴叅究治。毋稍姑容。○太常寺奏查欽派大臣所查樹株清單內開

天壇內圍樹五千三百五十三株。外圍樹八千三百八十三株。今按冊點查內圍尚屬有餘。外圍不無缺少。恭查

天壇內圍松柏槐樹五千餘株。數百年來叢林稠密。間有缺空。雖補種秧樹。不見風露。最易回乾。外圍東西北三面樹株半皆榆槐。並無行列。若空曠處一律補種轉恐徒糜工價。稽覈難周。應請暫緩補種。以節糜費。所有樹株責成

壇內奉祀官等認真防守。按季分查。如有捏報
砍伐情弊。據實叅辦。儻有回乾風損等樹。應
查明數目。咨報工部。起創伐運。以昭慎重。而
杜流弊。從之。○以詹事府少詹事廖鴻荃為
內閣學士。兼禮部侍郎銜。通政使司通政使
普保。大理寺卿何凌漢。為都察院左副都御
史。翰林院侍讀學士姚元之。為詹事府詹事。
太僕寺卿沈維鏞。為宗人府府丞。仍留順天
學政任。○旌表守正捐軀安徽霍邱縣民李

幅妻陳氏。○庚子

上詣綺春園問

皇太后安。○辛丑

上啟鑒。恭謁

西陵。○詣盧溝橋

龍神廟拈香。○諭軍機大臣等。前因徵調各
路官兵。均經撤回。諭令楊遇春鄂山顏伯燾
各回本任。昨降諭旨。將鄂山補授四川總督。
現在肅州軍需局。自己裁撤著楊遇春即回

陝甘總督本任。以便鄂山交卸起程。至上屆
蘭州軍需局報銷。係顏伯燾一手經理。此次
該處辦理報銷。是否祇須該督督率司道大
員覈辦。抑仍須顏伯燾在蘭州辦理。著楊遇
春酌量據實具奏。將此諭令知之。○免蹕路
經過地方。本年額賦十分之三。是日駐蹕
黃新莊行宮。○壬寅諭軍機大臣等。吳光悅
奏遵旨查覆近來拏辦贛州南安匪徒各條。
覽奏均悉。惟摺內稱編查歷辦會匪致死人
命各案。從無將屍身分割。油紙包裹之事。又
地方官如能力思整頓。上司方且獎勵之不
暇。豈肯轉斥其多事。雖據奏情形如此。但該
撫一人耳目難周。誠恐訪察未盡確實。仍著
隨時留心查詢。儻實有會匪害人。油紙包裹
及地方官畏難因循之事。務即據實奏明。不
可因此次未經查出。稍存回護之見。至定南
廳同知廣富據該撫查明。因委解直隸剝船。
現尚未回江西。並非無故在省逗留。著俟該

員差竣回省。即行飭赴本任。以專責成。將此諭令知之。○又諭哈琅阿等奏懸賞購線查拏著名逆目一摺。此次在逃著名逆目。疊經降旨諭令長齡等設法擒拏。無使一名漏網。現據哈琅阿等奏接准長齡咨稱。奏明照上屆拏獲首逆賞銀三千兩例辦理等語。該將軍等現在既經懸有賞格。自應將著名逆目迅即拏獲。以淨根株。若虛懸賞格。仍令逆賊遠颺日久稽誅。尚復成何事體。長齡等務當

設法購線。趕緊查拏。即不能全數就擒。亦須多獲數名。以伸國法。而快人心。至陝西潼商道慶祿前已有旨飭令回任。茲據哈琅阿等奏請仍留軍營總理糧務。如果該處實在需人。著即飭令慶祿前往喀什噶爾辦理糧務。將此由六百里諭令知之。○又諭據哈琅阿等奏接准長齡咨稱。奏請押送伊薩克及案內人證解京。另請欽派大臣審辦等語。前此疊經降旨令將伊薩克及一千人證迅解阿

克蘇。交長齡審辦。何以已至正月下旬尚未起解。是何意見。且長齡亦屢次行催。竟置若罔聞。無怪乎長齡氣憤。奏請回京。另請欽派大臣審訊。皆因哈琅阿楊芳二人偏袒扎隆阿之故。究竟伊薩克延不起解。哈琅阿楊芳二人中是何人主見。著該參贊等即據實明白回奏。毋稍欺飾。干咎。現在諭令長齡折回阿克蘇審辦此案。伊薩克此時應已起解。儻或再有遲延。必將該參贊等重懲不貸。將此

附六百里報便諭令知之。○是日駐蹕半壁店行宮。○癸卯諭軍機大臣等。前因扎隆阿所稱伊薩克勾結內應一案。關係重大。疊經降旨諭令長齡將人證提至阿克蘇審辦。奏結後。赴喀什噶爾籌辦勦撫善後事宜。旋據該將軍奏正月十七日起程回京。請將伊薩克全案解京派員審辦。復經諭令迅速折回。不准來京。本日據該將軍奏現已行抵吐魯番境。仍自請回京。將伊薩克案內人證解京。

並請飭令扎隆阿一併進京質對等語。伊薩克一案。疊經諭令將人證解赴阿克蘇交長齡審辦。至喀什噶爾應辦事件。亦屢經降旨諭令親往籌辦。朕意該將軍接奉諭旨。必已趕緊折回。遵照辦理。乃竟仍復前進。身為揚威將軍。豈於諭旨亦不欽遵耶。且伊薩克一案。據奏請另派員審辦。昨哈琅阿等因該將軍咨會起程回京。並請派員赴喀什噶爾籌辦一切。朕派該將軍前往回疆。總統事宜。信

任甚專。該將軍尚不遵旨辦理。試思舍長齡又將派何人前往。至該將軍摺內稱加緊進行。計四月初旬。即可到京面聆訓示。籌定全局。儻仍須該將軍親往。即於五六月間趕緊前往。較之刻下折回。似覺迅便等語。該將軍現在由彼折回。與到京後再行前往。試思來往程途。孰近孰遠。顯係有心推諉。殊非公忠體國之義。著長齡接奉此旨。無論行抵何處。即已經進關。必須迅速折回。阿克蘇將伊薩

克一案。提集人證。秉公審辦。按律定擬具奏。如扎隆阿等兩造競爭。不肯輸服。亦著據實奏聞。候旨遵行。再伊薩克日久延不起解。是否係哈琅阿楊芳二人主見。抑係聽信扎隆阿指使。並著查明具奏。至喀什噶爾應辦事宜。不特該將軍前此奏交各款。非哈琅阿等所能妥辦。即此次另摺咨查各款。該參贊等亦必不能籌畫妥善。該將軍竟置之不顧。有是理乎。著於審案完結後。即遵奉前旨。馳往

喀什噶爾。與哈琅阿等籌議具奏。總俟定局後。奉有諭旨。飭令回京。方准起程。斷不准遽行回京。該將軍受恩深重。總當任勞任怨。以副委任。豈可有心抗違。致干咎戾。至吹塔拉斯等處。據奏現經咨明玉麟酌量情形。必須查勘。即徑行咨囑哈琅阿楊芳。或即令額爾古倫貴成等。於旋回伊犁時。管帶官兵。順道會合伊犁派出官兵。經過該處。以示彈壓。或另行派員巡查。著即咨會玉麟等妥為商辦。

將此由六百里加緊諭令知之。○旌表守正
被戕江蘇儀徵縣民高之貴妻王氏。○是日
駐蹕秋瀾行宮。○甲辰遣官祭

歷代帝王廟。○諭軍機大臣等前因扎隆阿
奏稱此次逆回入卡滋事伊薩克有勾結內
應情事。疊經降旨令長齡將人證提至阿克
蘇審訊。奏結後前往喀什噶爾籌辦善後事
宜。昨據長齡奏請回京面聆聖訓。籌定善後
大局其伊薩克一案請解京派員審辦。復經

嚴諭迅速折回阿克蘇提審。並於審結後至
喀什噶爾籌辦一切。不准即行回京矣。朕思
此事長齡有一人商酌更可計出萬全。玉麟
係伊犁將軍統理回疆可以添派會同長齡
查辦。著玉麟接奉此旨。即將伊犁將軍印信
交布彥泰署理。迅即起程馳赴阿克蘇。如玉
麟到彼時長齡尚未趕到。即著玉麟在彼等
候。俟長齡到時提集扎隆阿伊薩克及案內
應訊人證會同審辦。將此案虛實秉公持正

研訊明確。按律定擬具奏。審結後即與長齡
一同馳往喀什噶爾。將該處應辦勦撫事宜
及善後章程虛衷商榷。會同妥議具奏。候旨
遵行。長齡玉麟均在軍機大臣上行走有年
兩人亦均諳悉回疆情形。朕俱倚為心腹重
臣。是以責成兩人辦理。該將軍等務當任勞
任怨秉公查辦。並籌定久遠之策。俾回夷帖
服。邊務永綏。以副委任。至長齡以揚威將軍
特派前往回疆總辦一切所有交審伊薩克

一案及善後事宜。是其專責。想接奉昨日諭
旨。自必趕緊折回。現在添派玉麟係令會同
妥辦。長齡應善體朕心。斷不可因添派有人
稍存推諉。致失大臣公忠體國之義也。將此
由六百里加緊諭令知之。○賞蹕路經過看
守各行宮弁兵半月錢糧。賞永福寺達喇
嘛扎克巴嘉勒燦等銀幣有差。○旌表守正
被戕河南盧氏縣民楊四妻王氏四川巴縣
民李洪良妻趙氏。○是日駐蹕梁格莊行宮

翼日如之○乙巳

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○恭閱

昌陵大碑樓○諭內閣禮恩等於

西陵紅椿界內選勘萬年吉地朕本日親臨閱

看形勢甚合朕意著名為龍泉峪將來建立

規模因地制宜一切俱從簡約以副朕之素

志著派尚書穆彰阿侍郎敬徵寶興阿爾邦

阿敬謹辦理於今歲諏吉開工又諭現已

勘定龍泉峪建立吉地著海齡即派員前往

看守將來開工後一切稽查彈壓事宜均著

責成海齡管理○丙午清明節

上恭謁

昌陵未至碑亭即降輿慟哭步入

隆恩門詣

寶城行數土禮畢詣

隆恩殿行大饗禮禮成詣

寶城前行禮叩辭奠酒盡哀乃退王以下文武

大臣官員均隨行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝穆皇后殯宮遣官祭

端慧皇太子園寢諭內閣朕本日恭詣

昌陵行數土禮並詰

隆恩殿行大饗禮所有應行侍班之講官祝慶蕃松喙鄂恆許乃普並不敬謹伺候殊屬非是俱著交部議處尋議上得旨朕恭詰

昌陵行數土禮時係應松峻許乃普二員侍班隆恩殿行大饗禮時係應祝慶蕃鄂恆二員侍班祝慶蕃鄂恆祇應在侍班處所伺候其同至

隆恩殿後尤屬非是該二員著降三級留任不准抵銷

松峻許乃普著降二級留任不准抵銷○諭軍機大臣等哈琅阿等奏盤獲細作訊得卡外賊情一摺所有差探冲巴噶什愛曼弁兵帶來霍罕所遣被裏回子雅和普及烏帕拉特卡弁解來自霍罕安集延逃回被裏回子雅和普阿巴希愛里阿布都魯蘇等業經該大臣等於訊供後明白宣示並繕給諭帖令其出卡招撫逆目博巴克等據供已回霍罕著長齡等遵照疊次所降諭旨懸賞

購線設法擒拏至從逆被裏回子將來如有投回者被裏回眾自應給還原業各安生理其實係從逆者即當窮究懲辦以靖邊圉至被脅出卡逃歸之回子買道底伊敏布魯特阿布拉等供稱此次裏脅隨賊回子約二萬餘人分處安集延塔什干等處地方居住麥熟時仍欲出來滋事又據雅和普供稱霍罕頭目傳給手下人把所有馬匹往肥裏饒豫備過了年搶汰劣克喀什噶爾兵出來我們

打仗兵不出來再上葉爾羌去各等語被脅回眾未必竟有二萬餘人之多其麥熟時仍欲出來滋事及霍罕頭目豫備搶劫汰劣克等供亦未必盡確然既有此供亦不可不豫為防範著長齡等妥籌辦理至另片奏喀什噶爾城垣須趁此春融興工辦理英吉沙爾城垣亦應一律修葺等語著長齡即派委妥員前往查明喀什噶爾城垣是否應行加高加厚其壕塹角樓礮臺並城內衙署兵房及

英吉沙爾城垣是否應行修理如應即時修葺一面具奏一面派員查照上屆建城章程趕緊辦理將此由五百里各諭令知之尋奏查喀什噶爾城垣亟須修築前經派員將西北面城垣角樓加培包築俟春融將周圍城垣角樓一律加高培厚添築甕城並於城外濬挖深壕英吉沙爾城垣亦多剝損已將周圍加高加厚整砌垛口挖掘深壕添築護壕女牆並將葉爾羌沿城舊壕挖深添築護壕

女牆全行修整茲復勘得嘉藝城東北添築滿城一座建蓋衙署兵房為領隊大臣統率滿兵駐劄之所又於巴爾楚克樹窩子通喀什噶爾牌斯巴特一帶擬建築東西兩堡中設塘汛撥兵分駐所有應行修築各事宜悉遵上屆章程辦理從之○以勘選

龍泉峪

萬年吉地予雲南候補州判戴澤同浙江教諭端木國瑚衛千總張熊飛升用有差○是日

回鑾駐蹕秋瀾行宮○丁未遣官祭賢良祠○是日駐蹕半壁店行宮○戊申諭軍機大臣等長齡奏伊薩克案内情節一摺伊薩克一案屢經降旨諭令該將軍秉公查辦茲據奏扎隆阿掩飾回護並受不法民眾之挾制因而聯為一氣互相遮庇其屢次敢行抗違多方設辭無非意存羅織但能將伊薩克誣陷則其應得之咎與民眾妄殺之罪俱可泯然無跡扎隆阿之有心傾陷早經朕料及該

將軍此次所奏各情節想俱屬實哈琅阿等於該將軍密信訪察時僅以所聞與扎隆阿所奏無異函覆明係為扎隆阿所惑其不能辦理善後及咨查各件昨嚴飭該將軍迅即折回旨內即經朕明白宣示該將軍摺內稱到喀什噶爾後並無可商之人朕昨因玉麟現係伊犁將軍熟悉回疆情形業經諭令會同長齡查辦所有伊薩克一案務須與玉麟和衷共濟審訊確情並即咨提扎隆阿伊薩

克及案內一千人證迅速解至阿克蘇如起解後已遇阿克蘇亦即飭令折回聽候審辦斷不可遷就含混其善後事宜必須該將軍等妥議奏到降旨著於到喀什噶爾時會同玉麟細心覈議熟籌久遠安邊之策據實具奏昨嚴飭該將軍迅即折回諭旨計不日即當接奉自不敢再行奏請來京著無論行抵何處即已經進關必須迅速折回總之伊薩克之案不結善後章程不定該將軍斷不准回京也至另片請補喀什噶爾參贊大臣各缺已照所請另降清字諭旨准行矣將此由六百里諭令知之○實烏什辦事大臣常德頭等侍衛為葉爾羌辦事大臣伊犁協領奇成額副都統銜為烏什辦事大臣以葉爾羌辦事大臣壁昌為喀什噶爾參贊大臣頭等侍衛副都統銜舒靈阿為喀什噶爾幫辦大臣○是日駐蹕黃新莊行宮○己酉

孝昭仁皇后忌辰遣官祭

景陵

上還圓明園○詣綺春園問

皇太后安○庚戌旌表守正捐軀直隸唐縣民

馬詔陞妻張氏○辛亥諭內閣盧坤等奏籌

銷楚岸積鹽並查出重斤懇恩從寬罰令量

減售價以便民食一摺楚省額銷淮鹽據該

督等查明現報存岸及載運在途鹽數已有

六十一萬餘引之多幾占一年銷額並查出

短少鹽包及重斤夾帶之弊本應將該商船

戶廝夥等分別究懲因人數過多懇恩寬其

既往責令該商減價售賣以溢出之重斤抵

補減售之價值於商本不致大折可以稍示

薄懲所有查出重斤著加恩一體免其究辦

罰令各商每包減價一成售賣以期速銷其

辛卯網到岸新鹽毋得仍前套搭並著此後

查照奏定章程由淮實發水腳嚴禁扣價買

裝以杜帶私盜賣諸弊至現在存岸鹽船有

歷一年十月之久尚未開封者雖到船月分

多寡不一。儘可酌數開售。著照所議。上年正二三四等月到岸最久之船計五萬餘引。合為一次。先行儘開。其在後月分到船數多者。一月一開。到船數少者。併為兩三月一開。總期廣為疏銷。俟新網運岸。隨到隨售。永除封輪名目。其在揚在楚浮費。現已逐加釐剔。著該督隨時稽查。俾成本永遠輕減。民間無虞食費。並著督飭所屬嚴緝鄰私。仍於漢岸江船聚集之處。酌派幹員。設卡稽查。以杜盜賣。淹消各弊。該督等務當認真整頓。俾積弊悉除。鰥寡日有起色。不可有名無實。致干咎戾。○又諭孫爾準奏請將審轉及委審錯誤各員解任。赴閩備訊一摺。浙江義烏縣武生劉鎮邦與族姪孫女傅劉氏通姦。將姦婦藏匿一案。前交該督審訊。茲據奏稱劉鎮邦已認通姦。其藏匿姦婦及逞強反噬。控搶抵制各重情。堅不承認。顯因人證未齊。逞刁狡展。其委審審轉各員。於此案未能從嚴懲究。難保

無扶同規避。及知情徇庇情事。均應徹底根究。金華府知府桂明。東陽縣知縣黨金衡。著一併解任。交富呢揚阿遵派妥員。迅解閩省。交該督提同全案人證。秉公研鞫。嚴行追究。以成信讞。不准稍有含混。尋奏審明劉鎮邦與傅劉氏通姦。藏匿多年。經縣差按查。輒敢逞兇反噬。浮開贓數。捏告抵制。應照兇惡棍徒屢次生事。行兇擾害例。發極邊足四千里安置。承審不實。及遲延各官。請交部分別議處。下部議從之。○以盛京戶部侍郎凱音布仍兼署盛京工部侍郎。盛京兵部侍郎常文署盛京禮部侍郎。○閩浙總督孫爾準六十生辰。賞御書扁額。福壽字並珍玩文綺。旌表守正捐軀河南滎澤縣民張振生妻郭氏。○貸湖北荊門營上年被水兵丁倉穀。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十四

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十五

[illegible]

秋修

道光十一年辛卯三月癸丑朔諭內閣朕本

年五旬萬壽慶辰業經臺沛恩綸覃敷閭澤
所有莊襄親王綿課之子莊郡王奕劻著加
恩賞還親王英和著加恩即行釋回伊子奎
照奎耀俱著隨同回京○修浙江西塘埭柴
各工從巡撫富呢揚阿請也○甲寅諭內閣
刑部具題四川省民人文懋瓚毆斃胞姪媳
陳氏等二命一案因律例內並無毆死期功
卑幼一家二命作何治罪明文將文懋瓚擬
絞監候事結在恩旨以前案關二命又刃傷

兄妻未便即予減等。應監禁二年後再行減流。惟此案文幘璣因與陳氏互罵用斧砍傷陳氏顙門偏右。胞姪文齡兒因劉氏向該犯奪斧被傷。抱住該犯兩腿哭喊復被毆傷。顙門先後致斃二命。且用斧砍傷均係致命之處。又刃傷其兄妻。情殊兇橫。原擬俟監禁二年後減流。未免過輕。著刑部另議具奏。尋奏上得旨。茲據奏覆加詳議。請將該犯不准援減。歸入秋審情實辦理。亦覺過重。文幘璣一

犯著不准減等。歸入秋審緩決辦理。○以詹事府詹事文慶為通政使司通政使。雲南布政使王楚堂為大理寺卿。候補三四品京堂劉彬古為太僕寺卿。○乙卯修山東捕河上河兩廳開工。從河道總督嚴烺請也。○丙辰上詣綺春園問

皇太后安。○諭內閣。前因英吉沙爾被圍。該領隊大臣棍楚克策楞並未馳奏解圍。後亦未奏報。降旨令長齡查明覆奏。茲據棍楚克策

楞奏稱。先因臺路不通。不能遞摺。嗣經哈豐阿等進援解圍。業將該城情形查明入奏。伊拘泥不敢自具專摺。懇請交部議處。棍楚克策楞上年於英吉沙爾被圍。嬰城固守。著有勞績。此次自請交部議處之處。著加恩寬免。○諭軍機大臣等。吳光悅覆奏訪查萬安縣查鹽快船情形。並嚴定章程一摺。江西吉安府屬之萬安縣。為水陸要道。前有人條奏。該處查鹽快船有擾累行旅情事。降旨令吳光

悅密加訪察。茲據奏該處船戶人等貪粵鹽價賤。每在贛州豫買私鹽。藏放船底。攬載官員眷屬。及奉差人員。冀免過卡。按查客商誤行雇載。出卡巡兵一遇船過。即口報無私。亦必向查。多有撥出私鹽。並因查鹽而查出禁煙。以至翻箱倒篋者。節經分別辦理。現雖查無擾害情事。惟兵役藉端需索。是其常技。且日久玩生。不可不防其漸。自應嚴立章程。著照所議。通飭南贛地方。凡有憑行雇寫船隻。

責成船行查明船內並無夾帶私鹽始准寫載。並飭各將船戶姓名籍貫於船旁首尾大書刊刻。鹽卡兵役姓名造冊申報。半月一換。儻有滋弊。按冊而稽。查船之兵。各穿號衣。書寫姓名。俾被累之人易於指拏。並於各鹽卡示諭商民。如有查私兵役無端索擾。准其赴署赴省呈控。該撫仍隨時委員察訪。務須實力實心。嚴飭所屬妥為辦理。不可有名無實。以重緝私而安行旅。將此諭令知之。○又諭。

哈琅阿等奏查明葉爾羌卡外色呼庫勒搶劫賊匪現均逃散一摺。葉爾羌卡外色呼庫勒地方上年被賊搶劫。據該大臣等查明該處阿奇木伯克邁瑪沙並其弟蘇拉滿沙先後被賊戕害。情殊可憫。三品頂翎五品阿奇木伯克邁瑪沙著照阿布都爾滿之例。該伯克之子以五品頂翎承襲。該城大臣即查明該伯克有無子嗣。或令近支承襲之處奏明辦理。蘇拉滿沙亦著查照向例辦理。以昭忠

蓋至七品伯克克散沙。據該大臣等查係被賊裹去。現無下落。著俟查明後再行覈辦。將此諭令知之。○旌表守正捐軀山東萊蕪縣民邵義女邵氏。○丁巳祭

先蠶之神。

皇后親詣行禮。○戊午諭內閣阮元奏審擬貴州長壩營遊擊劉應祥與署守備馬登雲互相稟訐一摺。此案已革守備馬登雲。因遊擊劉應祥未將開除名糧考補。知其欲行使用。

輒將空糧銀兩扣收入己。並冒支米石。除現已完贖不議外。該革弁於苗疆重地婪索滋擾。收取錢物。實屬妄劣。馬登雲著發往新疆效力贖罪。已革遊擊劉應祥於開除事故兵丁。有意不行驗補。希冀壓冒。旋被馬登雲將空糧扣留。先行侵用。該革員隱匿未報。例應與馬登雲冒支軍糧同罪。雖馬登雲贓已全完。劉應祥應得罪名。不准減免。仍著照例杖一百。流二千里。以示懲儆。○諭軍機大臣等。

鄂山奏盤查甘省倉庫尚未完竣請暫緩回任一摺前降旨將鄂山補授四川總督復諭令楊遇春即回陝甘總督本任以便鄂山交卸起程茲據奏盤查甘省倉庫各屬冊籍尚未解齊且距省有遠至二三千以外者將來定案後仍須委員分路徹底盤量輟轉需時非數月難以竣事請仍在甘省專辦等語楊遇春此時計已遵旨回任著鄂山將盤查倉庫一事移交楊遇春認真辦理即遵前旨

來京請訓將此諭令知之○以翰林院侍講學士帥承瀚充日講起居注官○遣喀喇沙爾辦事大臣額勒錦往奠故土爾扈特汗盟長策登多爾濟茶酒並賞銀八百兩治喪○免撤回京營吉林黑龍江四川陝甘兵丁應繳賞裝銀○己未諭內閣前據給事中邵正笏奏近年內地奸民種賣鴉片煙地方官並不實力查禁當經降旨通諭各省督撫查明嚴禁妥議章程具奏茲據阮元等奏滇省沿

邊山僻民夷土司中間有偷種漁利之事即應明定章程嚴行懲創乃該督等僅以飭屬查禁空言覆奏何以使地方官實力奉行奸民知所儆懼著該督等恪遵前降諭旨妥議章程奏明後通飭所屬隨時嚴禁並於每年年終具奏一次毋致日久生懈○又諭裕恩奏特參非刑逼認幾成冤獄之告病知州請旨革職解案究訊一摺直隸平泉州民人李自善被毆致斃一案據該州原詳內稱李自

善被搶後找向黑狗索贖將其拒斃現經該都統提訊犯供翻異究出屍身係由何志鋪內移出黑狗因畏累移屍其所供毆斃李自善係該州妄用非刑熬審逼認供出同搶之博羅卜合等五人亦因畏罪誣扳是黑狗等並非此案正兇已無疑義且查出原詳內捏改傷痕其中恐有別情及故勘人罪情事必應徹底根究原任平泉州告病知州覺羅為先著即革職由該旗派員迅速解往熱河交

裕恩歸案嚴訊明確。定擬具奏。前任八溝理事司員理藩院主事雙明於會審案件。未能訊出實情。著於定案時附參。至一切非刑。久經嚴禁。乃為光於此案人證。輒用好漢架熬。審實屬任性妄為。恐口外各屬。尚有濫用非刑之處。著該都統認真訪查。如有私設違例刑具。即行據實嚴參懲辦。毋稍徇隱。○諭軍機大臣等。據李鴻賓等奏。崖州黎匪復出。民村搶殺滋事。檄飭瓊州鎮督兵拏辦。一摺。廣東崖州黎匪。膽敢肆行搶殺。抗拒官兵。兇頑已極。現經該總兵孫得發帶兵勦斃多人。各匪逃遁。必應迅速擒捕。以免蔓延。據該督奏稱。於二月十六日起程。前赴瓊州督辦。著查明首要各兇匪係何姓名。並起釁根由。是否因漢奸盤剝。或另有別情。據實詳晰具奏。並著將在逃匪犯。妥速捕獲。嚴行懲辦。曉諭良黎。各安生業。俾不致為兇匪煽惑勾結。以靖地方。所有傷亡之千總周明清及兵丁等。著

查明於事竣時奏請恩卹。又據慶保奏。籌備旗營官兵以資協剿。已諭知該將軍豫為籌備。著該督察看情形。如尚須調撥。即行知照慶保。派員管帶星速前往可也。將此由四百里諭知李鴻賓。並諭朱桂楨知之。○又諭據慶保奏。廣東瓊州屬之黎匪拒傷官兵情形。請籌備旗營協剿。一摺。覽奏均悉。本日李鴻賓等奏到。已另降諭旨。令該督迅速妥辦。並諭知應否需用旗營官兵酌量調撥矣。該將

軍當豫為籌備。俟接到李鴻賓知會。如需調撥。再遣派委員管帶星速前往。以資協剿。將此附報。便諭令知之。○旌表守正被戕陝西長安縣民鄭得妻閻氏。○庚申諭內閣。前據步軍統領衙門奏。步甲曠班。應將翼尉等官分別懲處。原因該翼尉等為步軍營首領之官。稽查較為切近。酌添處分。以重責成。茲者英等奏。據左翼翼尉興泰查出鑲白旗滿洲蒙古漢軍堆撥柵欄誤差步甲八十六名。

又據右翼翼尉伊拉清阿。查出鑲藍旗滿洲蒙古漢軍堆棚欄誤差步甲六十九名。是甫經奏定章程。即據該翼尉等報出曠班步甲多人。其平日不能實力稽察。已可概見。本應文部嚴加議處。念其究係自行查出。尚可稍從末減。興奏。伊拉清阿。俱著交部議處。其失察各甲喇步甲曠班不及二十名之協副尉步軍校等。著該衙門記過。示懲。並著責成該翼尉等。嗣後當認真嚴查。如再有曠班步

甲。致被查出。定將該員等嚴處不貸。○諭軍機大臣等。據恆敬奏。察罕托洛亥地方。駐防蒙古官兵五百名。向係分作四班。按四季輪流更換。茲據右翼正盟長郡王棍楚克濟克默特稟稱。兵數太少。不敷分派。請將原派蒙古兵五百名。分作兩班。一班二百五十名。以五十名遞送文報外。其餘二百名。隨同官兵操練等語。此項官兵。果能認真操練。將來技藝嫻熟。該蒙古籍資捍衛。足以自強。豈不大

有裨益。現在恆敬業已前往察罕托洛亥地方。著察看情形。是否可期。日久得力。會同楊遇春酌議具奏。將此諭令知之。○以防禦西寧野番出力。陝西副將馬鳴謙等下部議敘。○辛酉。

上諭

大高殿行禮。○還宮。○諭軍機大臣等。有人陳奏廣東貿易夷人。日增桀驁。噶哈喇自恃富強。動違禁令。其餘各國相率效尤。道光十年。

該夷等違例乘坐綠呢小轎。又帶夷婦入城。在洋行居住。當經兩廣總督及粵海關監督出示申禁。而噶哈喇大班等統領各夷。向總督監督等衙門。屢次遞稟。語多誕妄。經該督調兵彈壓。該夷等膽敢統率水手。搬運槍礮器械到館。儼有抵敵之勢。是直以有恃無恐之情。行其有挾而求之計。夷情叵測。不可不嚴為防範。又稱夷人之桀驁不馴。必有漢奸從中唆使。傳遞消息。竊弄是非。以遂其肥己

之計。澳門居民。半通夷語。其各洋行服役之人。及省城之開設小洋貨店。此內均易藏奸。更有匪徒練習快船。為夷人運私偷稅。賄通兵役。朋比為奸。俱應嚴密查拏。盡法懲治。又據稱夷人違例八條。一夷人致斃漢民。藏匿正兇。抗不交出。一在省城橫行街市。漢民不敢與較。一夷婦生子。多雇漢乳媽服役。及向漢奸私買婢女。一內地書籍。例不出洋。近日漢奸多為購買。並有課其子弟者。一上

年該夷人在洋行門外。私設臨水馬頭。以為偷稅地步。一上年該督等所出告示。皆被夷人塗抹。該夷人竟擅出告示。禁止洋商坐轎。洋商不敢不遵。一向例夷人。不准進靖海等門。上年二三百人。以探聽批稟為名。擅自擁入。莫敢攔阻。一夷人銷貨完竣。不准逗留。近則往往在粵省過年等語。以上各情節。於海疆重地。大有關係。如果該夷人桀驁日增。豈可一味因循。長其藐玩之習。著朱桂楨逐款

嚴密訪查。據實具奏。無許含混。並查明地方官如有苛虐夷人情事。亦當一併參處。示懲勿稍隱飾。將此諭令知之。○又諭慶山等奏。請借支養廉銀兩。修理衙署。一摺。據稱該將軍等衙署。曾於道光五年。借項興修。何以甫越數年。輒又奏請借支養廉修理。其中應修不應修處。所摺內亦未據詳晰聲敘。著該督委員確切查明。該將軍等衙署是否實係虧朽。必應修理。並將何處應修。何處不應修。據

實分晰具奏。毋稍含混。將此諭令知之。○又諭長齡奏。接奉飭令。折回阿克蘇。諭旨暫住肅州等候。批示一摺。長齡行抵肅州。因舊疾復發。暫行住彼調養。聞之深為廕念。該將軍務加意調理。一俟就痊。即行起程。折回阿克蘇。所有伊薩克一案。已派派玉麟赴阿克蘇會審。奏結後。即與該將軍同赴喀什噶爾。商辦剿撫及善後事宜。並諭令該將軍不可因添派有人。稍存推諉。前月二十二十一日。疊

降諭旨此時計早接到該將軍回至阿克蘇時玉麟諒已到彼著遵照前旨會同提集扎隆阿伊薩克及案內應訊人證秉公研訊明確按律定擬具奏又據另片奏伊薩克屢提不解訪聞竟有兵民把持之語恐民人恃眾逞刁勢須兵力懲創非但外夷聞之竊笑更恐該民眾被拏奔逃出卡設再勾結霍罕安集延復來滋事所關甚重是以奏請解京訊辦等語該將軍所慮不為無見伊薩克一案

延不起解如果係兵民把持實屬不成事體長齡當於途次悉心籌畫先事豫防至阿克蘇後與玉麟會同熟商善策妥為辦理毋致另有他虞是為至要將此由六百里諭令知之○壬戌諭內閣惠顯等奏達賴喇嘛等遣巴雅爾堪布進佛恭祝萬壽業經由藏起程等語達賴喇嘛班禪額爾德尼噶勒丹錫呼圖禪師等因朕五旬萬壽慶辰遣巴雅爾堪布進佛係出伊等誠悃朕深嘉悅惟由藏至

京程途遙遠未免勞費惠顯等自應前期具奏請旨乃不豫先奏聞殊屬非是惠顯興科著傳旨申飭現在巴雅爾堪布業經由藏起程著即妥為照料來京俟屆朕六旬萬壽之年達賴喇嘛等若仍如此懇請該大臣等務於年前具奏請旨○以捐修察木多臺汎城垣兵房賞通判翟長清同知銜癸亥孝賢純皇后忌辰遣官祭裕陵○

上耕藉詣

先農壇行禮更服至耜田所

躬耕三推復加一推

御觀耕臺命鄭親王烏爾恭阿豫親王裕全惠

郡王綿愉各五推吏部左侍郎鍾昌戶部右

侍郎寶興禮部左侍郎龔守正兵部左侍郎

張麟刑部右侍郎特登額工部左侍郎那丹

珠都察院左都御史那清安通政使司參議

陳鴻大理寺卿德厚各九推畢順天府府尹

率農夫終畝賞賚農夫耆老如例○詣

關帝廟拈香○幸圓明園○詣綺春園問

皇太后安○甲子諭內閣昨日朕致祭

先農壇飲福受胙時應行三跪九叩禮元祿

唱贊遲緩著傳旨申飭典儀官善祿聲音平

常著該堂官另行遴員充當現在讀祝人員

較少並著揀選聲音宏亮禮儀嫺熟者添派

一員豫備讀祝○諭軍機大臣等玉麟等奏

伊犁應派喀什噶爾換防官兵請在現駐征

兵內照數揀留一摺喀什噶爾額設伊犁換

防官兵七員兵五百名兩年一班於每年夏令

更換一半現又將屆派換之時據玉麟等奏

稱上年由伊犁調赴喀什噶爾援剿官兵二

千五百餘員名尚在該處屯紮防堵未經凱

撤此次換防官兵若循照向例由伊犁派撥

既添來往糜費亦於差防無益請即就征兵

內按照換防定額由該參贊大臣如數揀留

作為新換官兵其應支防兵鹽菜俟舊班撤

回之日照例起支所有班滿應換官兵暫留

彼處調遣統俟功竣與征兵一併撤回又喀什噶爾舊防官兵內上年應換一半奏明暫

停此次應即全數更換等語著長齡玉麟會

同壁昌體察現在情形妥為籌畫務於該處

留防得力一面奏聞一面辦理將此各諭令

知之○乙丑諭內閣昨因惠顯等將達賴喇

嘛差遣巴雅爾堪布一面具奏一面令其由

藏起程是以將惠顯等傳旨申飭乃本日據

軍機大臣等奏稱惠顯等於上年九月曾將

此事具奏請旨日前承旨書諭未將此摺查

出現在自行檢舉等語文孚等當時未經查

出殊屬疏忽文孚穆彰阿著交部察議但惠

顯等此次摺內並未將前已具奏之處聲明

亦屬含混著惠顯與科等嗣後凡遇奏事務

須書敘明白不可仍前含混具奏○刑部奏

前任直隸總督那彥成奏賊犯高二等行竊

一案供詞互異請飭交直隸總督另委賢員

嚴審得旨。此案高二等在永清縣葉泳幅家行劫。前據步軍統領衙門暨刑部審訊。夥盜後先捆縛事主。出於現犯之供。招父子被縛有傷。出於事主之投訴。該前督奏稱並未臨時行強。亦未捆毆事主。而於驗傷之是否有案。各供之何以互異。均未嚴切根究。難保無諱。強為竊情事。案關罪名生死出入。著交王鼎另行委員嚴審確情。按律擬具奏。尋奏審明高二等行竊實有捆縛事主情事。原報呈詞係代書妄寫。並無抽換諱飾等弊。高二依強盜律擬斬決。聲明訊係在院接贓。情有可原。依強盜免死減等例。發新疆給官兵為奴。下部議從之。○丙寅諭內閣。書吏役滿。例應地方官押令回籍。不准在京逗留。據戶部奏請飭查已革捐納房額外貼寫桑培元。及上年刑部查傳未到之曾充捐納房額外貼寫蔡士法等語。該吏等如果逗留在京。改易姓名。出入衙門。難保無影射撞騙情弊。

著順天府五城確切查明。即行押令回籍。嗣後各部院衙門革退書吏。均著照役滿之例。一面斥革。一面咨交地方官押令回籍。不許逗留。務須隨時認真查察。毋任隱匿。以杜奸宄。而清流弊。○諭軍機大臣等。長齡奏接奉諭旨。遵即折回。並籌辦各緣由一摺。前據長齡奏請回京。疊經諭令迅即折回。並添派玉麟會同妥辦。茲據奏遵旨趕緊折回。深慰朕懷。該將軍調理舊疾。就痊即日起程出關。想到阿克蘇。玉麟已馳抵該處。著即提集伊薩克及案內應訊人證。會同審辦。秉公持平。研訊明確。按律定擬。奏結後。與玉麟一同馳赴喀什噶爾。將應辦事宜及善後章程。和衷商榷。悉心妥為籌辦。具奏請旨。至此次在逃著名逆目。必應趕緊拏獲。淨絕根株。若虛懸賞格。仍令逆賊遠颺。日久稽誅。尚復成何事體。著遵照疊次所降諭旨。懸賞購線。設法查拏。務須多獲數名。以伸國法。而快人心。至隨往

各員除桂輪仍准隨往外。奕經現在無事。著即令其回京當差。巴清德齊克唐阿著隨同長齡至喀什噶爾聽候差遣。將此由五百里諭令知之。○賞前任烏魯木齊都統英惠副都統銜。為科布多參贊大臣。○丁卯諭內閣。陶澍等奏。已革知縣官聲素好熟悉地方情形。請捐復原官。留於安徽補用一摺。已革安徽建德縣知縣陳葵前因動碾倉穀墊兌漕糧。迨徵收足額。始將原穀還倉。又以散役撥

充禁卒。並於折給老民棉肉銀兩。因報呈被水微爛。未即申報。均屬辦理錯謬。部議革職。雖係因公情節較重。似此叅革廢員。該督撫輒請捐復原官。殊屬冒濫。所請陳葵捐復原官留於安徽補用之處。著不准行。○又諭。訥爾經額奏。買補營馬銀兩懇准開銷一摺。山東省道光五年分買補馬匹係在本省購買。與兵部改定條例。飭令赴口購買章程不符。駁令追繳銀兩。不准開銷。茲據該撫查明道

光六年。業經奏准仍在本省買補馬價照例開銷。惟是年買補馬匹在兵部改例以後。該省未經奏准以前。責令繳價未免向隅。此項銀兩。飭追多年。該兵丁實係無力完繳。尚無虛糜情弊。著照所請。加恩將道光五年分買馬價銀六千五百三十兩准照歷屆成案。報部覈銷。免其追繳。以恤營伍。該部知道。○調戶部右侍郎寶興為吏部左侍郎。兵部左侍郎博啓圖為戶部右侍郎。兼管錢法堂事務。

轉兵部右侍郎桂輪為左侍郎。調工部左侍郎那丹珠為兵部右侍郎。理藩院右侍郎惠顯為工部左侍郎。○調鑲紅旗漢軍副都統音登額為鑲白旗滿洲副都統。以伊犁領隊大臣西朗阿為鑲紅旗漢軍副都統。○以工部左侍郎惠顯兼京營右翼總兵。未到任前。以戶部右侍郎博啓圖署理調京營右翼總兵。鍾昌為馬蘭鎮總兵官。兼總管內務府大臣。未到任前以守護。

東陵鎮國公有麟署理○旌表守正捐軀安徽
宿州民劉奉玲女劉氏

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十五

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十六

監修奉直總纂修日講起居注官太子太傅體仁閣大學士文淵閣領侍衛內大臣戶部尚書左都御史臣等奉
天恩將戶部事務總纂加五級紀錄十八次臣等謹將戶部事務總纂加五級紀錄十八次臣等謹將戶部事務總纂加五級紀錄十八次
七次大臣傳奉旨同四譯館事務加一級紀錄六次臣等謹將戶部事務總纂加五級紀錄十八次臣等謹將戶部事務總纂加五級紀錄十八次
內務府大臣錄曰謹將內務府事務總纂加五級紀錄十八次臣等謹將戶部事務總纂加五級紀錄十八次臣等謹將戶部事務總纂加五級紀錄十八次
醫館總纂唐景崇加十八級臣等謹將戶部事務總纂加五級紀錄十八次臣等謹將戶部事務總纂加五級紀錄十八次臣等謹將戶部事務總纂加五級紀錄十八次

秋

道光十一年辛卯三月戊辰諭內閣朕前派

鍾昌等分赴東河南河抽查工次料垛有虛
鬆殘朽各情弊當經降旨令各該河督將承
辦廳員及該管道員等分別嚴參嗣據嚴煥
將承辦之祥河同知張崇鼎曹考通判申秉
惠及該管河北道劉彰傑一併遵旨查參又
據張井奏揚糧廳孫厚坤於料垛情形含糊
具稟揚河廳陶斌玉既知料垛頂坯發黑不
先以新易陳均屬不合業已責令該兩廳賠
補勒限嚴催全數貯工可否與失察之淮揚

道鄒錫淳及常鎮道劉名載均免其嚴叅等語。此項料垛經朕特派大員前往查出弊竇。飭令將道廳等嚴叅。乃張井並不切實叅奏。轉為乞恩寬免。欲使怨歸於上。是何居心。所有淮揚道鄒錫淳常鎮道劉名載揚糧廳孫厚坤揚河廳陶斌玉及河北道劉彰傑祥河廳張崇鼎曹考廳申秉憲著一併交部嚴加議處。尋議上得旨。此案東河祥河廳曹考廳南河揚糧廳揚河廳工次料垛經朕特派大

員查出弊竇。所有承辦之揚糧廳通判孫厚坤揚河通判陶斌玉祥河同知張崇鼎曹考通判申秉憲均著照部議革職。淮揚道鄒錫淳常鎮道劉名載河北道劉彰傑均著照部議降四級調用。不准抵銷。嚴煥張井於廳員承辦料垛未能查出弊竇。俱著降三品頂帶。仍降四級留任。此次朕因係初次查出。從寬辦理。嗣後如再不認真查察。任令廳員含混捏報。經朕查出。必將該河督及道廳等一併

從重治罪。不稍寬貸。○又諭前據給事中托明奏調劑馬政一摺。當交軍機大臣會同兵部議奏。茲據查明覆奏。八旗原設圍馬每年實需銀五萬七千六百餘兩。現今分給乾銀尚為節省。若仍復舊制。交八旗照例餵養。勢必另立官圈搭棚餵養。所費又屬不貲。該給事中。所請將圍馬仍行撤回八旗之處。著毋庸議。惟從前八旗圍馬。係各都統按月稽查。迨後散交左右兩翼前鋒營八旗護軍營及

步軍統領衙門巡捕五營。分給餵養。該管官約束稽查立法。已為周備。嗣後著再責成前鋒統領護軍統領步軍統領等嚴飭所屬官兵。妥為餵養。務期臚壯足額。並隨時派員逐一嚴密稽查。儻有空拴疲瘦等弊。除著落賠補外。即行據實嚴叅懲辦。以肅馬政。○諭軍機大臣等。據李鴻賓等奏上年春間崖州黎匪黎那雞等因歉收乏食。出至民村搶掠。經瓊州鎮道府督兵圍捕。旋即悔罪自殺。首犯

投首。迨十一月內。復有黎匪糾集多人搶劫。滋擾。經該督檄調瓊州鎮總兵孫得發帶兵會同該府普祥馳赴查拏。迨官兵聚集。該匪等已紛紛逃匿。拏獲韋只定章第二。陳亞納。李亞二等。訊止隨眾夥搶。供出首犯韋色容。張紅鬚。張亞基數人等語。該處黎人素係頑悍。甫經拏辦。自知悔罪。復敢糾搶拒殺。實屬啓不畏法。前據該督奏於二月十六日。前赴瓊州督辦。業經降旨諭令迅速辦理。該督務將逃逸各犯悉數擒拏。並究明起意糾搶首犯。是否實係韋色容等數人。按名捕獲。從重究辦。速行竣事。以靖閭閻。將此諭令知之。○又諭李鴻賓等奏申明防範外夷舊章。並酌議變通增減。以便遵守一摺。啖咭喇夷商。前此因求減輸規銀。延不進口。上年又有私帶番婦住館偷運槍礮至省城等事。旋即自知悔悟。不至始終抗違。惟夷情詭譎。必須嚴申禁令。以重防閑。舊定章程。今昔情形不同。亦

有因時異宜之處。該督等酌量增減。俾共相遵守。並責令員弁兵役實力巡防行商通事認真稽察。以資控馭。該夷商前此屢違禁令。因自知悔悟。從寬免其懲辦。但必須責令遵守舊章。豈得再有違犯。若任其日增倨傲。玩視法度。恣意抗違。漸至益形驕縱。莫敢誰何。尚復成何事體。該督等嚴內地之成規。杜外夷之滋事。總當於撫馭綏來之中。不失天朝體制。方為至善。儻辦理不能妥協。將來該夷商輒敢再違禁令。致生事端。惟該督等是問。勿謂誥誡之不早也。將此諭令知之。○又諭前派誠端辦理阿克蘇糧餉事務。和闐本任祇有幫辦舒倫保一員。誠端著俟長齡折回阿克蘇時。會同商酌。如經手事件完竣。即著仍回和闐本任。將此諭令知之。○以禮部右侍郎色克精額署理藩院右侍郎。○以鑲藍旗蒙古副都統吉倫泰署鑲紅旗漢軍副都統。○己巳。諭內閣。武忠額奏請將庫存閒款。

借給駐防兵丁。以濟生計一摺。張家口駐防滿洲蒙古官兵。近來戶口倍增。生計日形竭蹶。據該都統酌籌永遠調劑章程具奏。著照所請。准其在於張家口稅務監督豫交軍臺官兵餉銀。歷年存餘款內。動撥銀一萬二千二百四十兩。按一分生息。借給兵丁。每月於應領錢糧內。分別銀數。本利坐扣。以一年為期。全行扣貯在庫。周而復始。年清年款。不得絲毫虧短。並於每年所得息銀一千二百二

十四兩內。提出銀九百四十一兩零貯庫。留備將來本銀。其餘息銀二百八十二兩零。另作一款。借給滿洲蒙古十旗孤寡殘廢人等。以資養贍。所有領借兵丁。如遇事故。其有可代扣者。照例扣繳。其查明實係無著者。准於每年另款二百八十二兩零息銀項下開除。俟滋生息銀已足一萬二千二百四十兩之數。准將一分生息減為五釐。永遠遵行。此項年清年款。毋庸報部覈銷。該都統務須杜絕

弊端。俾兵丁均霑實惠。以示朕愛養旗兵至意。○又諭楊國楨奏行銷淮鹽引地籌議章程一摺。前因陶澍奏准鹽行銷引地。散在各省。請飭一體巡緝。當經降旨飭令該督撫各就地方情形。妥議章程。明示懲勸。茲據楊國楨覆奏河南汝寧府並光州所屬十四州縣。添設卡座。責成地方員弁。隨時巡邏。杜絕私販。現在明定懲勸章程。咨會兩江督臣。飭令

該商迅速運鹽到岸。俾梟販無從乘隙為奸。其毗連楚省地方。並咨明該省督撫。飭屬堵緝。以杜偷越。著照所請。嗣後豫省行銷淮引。如果地方官緝私出力。督銷三年如額。即咨部量予議敘。如督銷不力。或巡緝懈弛。即嚴行叅辦。並著兩江總督嚴飭淮商。辦運迅速到岸。毋蹈從前稽遲懸引積弊。其行銷路鹽南陽府屬。界連楚省。准鹽引地。著湖廣總督湖北巡撫一體飭屬堵緝。各該督撫等

務當恪遵前次所降諭旨。督飭地方文武員弁。無分畛域。併力緝巡。俾官引暢銷私販淨絕。勿得日久生懈。致干重咎。○諭軍機大臣等。給事中劉光三奏。地方官諱盜不辦。捕務廢弛。盜風日熾。請飭查辦一摺。據稱廣東省匪徒。有小刀會三點會三合會等號。即從前添弟會之遺種。而盜賊之別名。其始不過糾合匪類。搶奪鄉曲富民鋪戶。因州縣官諱匿不辦。遂至肆無顧忌。脅誘良民。勾通兵役。匪

特東江西江北江諸水路搶劫日多。即各州縣城市以及省會地方。亦有明火執仗。嚇禁事主之案。甚且掠取富戶。愛子藏匿盜窩。勒限回贖。凌辱難狀。該省大吏即有所風聞。以各州縣並未詳報。無從究辦。愚民被劫。惟恐稟報受累。不敢鳴官。間有稟報。地方官勒令改盜為竊。事主不肯聽從。即延不准理等語。匪徒結會聚眾搶劫。最為閭閻之害。若如該給事中所奏匪徒擾害情形。實屬大干法紀。

地方官於此等重案。不為審辦。轉諱匿不報。以致盜風日熾。尤應嚴叅示懲。著李鴻賓等嚴密查訪。如有匪徒滋事之案。立即從重懲辦。並查明各州縣如有諱盜為竊情弊。亦即據實嚴叅。毋稍徇隱。將此各諭令知之。尋奏。查粵東匪徒。並無三點小刀三合等會名目。惟結拜兄弟。夥同劫掠。擄人勒贖。久已相習成風。該給事中奏稱會即盜之別名。實與粵中情形無異。嚴辦盜案。即可沮其結拜之心。

嚴緝會徒。亦可翦其入盜之黨。各州縣儻敢諱盜為竊。亦即據實嚴叅。以肅吏治。報聞。○又諭。給事中劉光三奏。上年直隸之磁州。河南之臨漳縣等處。同日地震。房屋倒塌殆盡。人物壓斃無算。又平地坼裂。有水從內湧出。其色黑白不等。水盡繼之以沙。沙盡繼之以寒氣。且大震以後。或一日數震。或間日一震。或烏鳥有聲。或微微稍動。自上年閏四月以迄於今未止等語。上年據那彥成楊國楨具

奏各該處地震情形。恐有不實不盡之處。著王鼎等各派委員前往該處訪查。如該給事中。所稱上年大震之地。至今猶常動不止。是該州縣地震。為時甚久。必應據實具奏。毋得稍有諱飾。儻所查不實。將來經朕訪聞。惟伊等是問。恐不能當此重咎也。將此各諭令知之。尋署直隸總督王鼎覆奏。查明磁州地震情形。前督臣那彥成據報入奏。係在匆促之時。且數與賑卹無關。聲敘未免遺漏。現今災黎實無向隅失所之人。河南巡撫楊國楨覆奏。查明地震情形。臨漳等縣。迄今微動未止。委係地氣逐漸復元。似無關礙。至勘災有無諱飾。自以壓斃人口。倒塌房間。為大端。訪查上年壓斃人數。悉與冊報相符。房間修費。撫卹口糧。查照章程。覈實散放。亦無遺濫。災民委無失所。均報聞。○展緩河南內黃延津。武陟。濬。祥符。蘭儀。六縣帶徵額賦。並積欠雜款。○庚午。

上詣 安佑宮行禮。○詣綺春園問 皇太后安。○兵部奏。議處失察兵丁。毆斃民人之佐領阿勒吉。肅降三級調用。得旨。此案黑龍江帶兵佐領阿勒吉。肅失察兵丁納里善中途毆斃民人吳廣全。實屬約束不嚴。咎有應得。惟據阿勒吉。肅明該佐領因納里善前曾出兵。派令先行。伊行走後。是納里善行毆之時。該佐領並未在場。其不能禁約之咎。尚可稍從末減。著加恩改為降三級留任。○辛未。諭內閣。王麟等奏。喀喇沙爾土爾扈特汗盟長策登多爾濟所遺之缺。請將伊子策林旺扎勒承襲補授一摺。著照所請。土爾扈特汗爵。即著策林旺扎勒承襲。並補授盟長。策林旺扎勒年甫四歲。其汗扎薩克印務著一等協理台吉巴特瑪喇暫行護理。其盟長印務。著副盟長公策伯克扎布兼署。妥為管束屬下人等。幫辦遊牧事務。俟伊及歲時。

再行奏請移交印信。○諭軍機大臣等。本日據玉麟奏酌籌回疆善後大局一摺。並據另片密陳喀什噶爾現應籌辦各事宜等語。前經降旨令玉麟將伊犁將軍印信交布彥泰署理。迅即起程馳赴阿克蘇會同長齡提審伊薩克一案。並令於奏結後一同馳往喀什噶爾。將該處應辦撫事宜及善後章程會商妥議具奏。此時計該將軍業經接奉諭旨起程前往阿克蘇。所有該將軍此次所奏酌籌回疆善後大局著於會晤長齡時熟籌妥議據實具奏。至此次在逃著名逆目必應趕緊拏獲淨絕根株斷不可虛懸賞格。仍令日久遠颺。疊經降旨諭令長齡懸賞購線設法查拏。必應多獲數名。茲據該將軍奏請酌派勇幹大員帶兵出卡宣威擒逆等語。著與長齡斟酌情形妥慎辦理。務須計出萬全。俾逆賊迅就擒獲。以伸國法而快人心。其伊薩克一案應訊人證屢提未解。如此延宕支吾。若

非另有別情。即屬意存觀望。著與長齡悉心籌畫。務將人證迅速提至阿克蘇秉公持正審訊明確。按律定擬具奏。將此諭令知之。○

士申。

上御含輝樓閱侍衛騎射。○癸酉

上奉

皇太后幸如園。○御勤政殿聽政。○兩江總督陶澍奏捕獲盜匪倚梟分別懲辦得旨。可見廢弛已久。汝係朕特加信用之人。能如

此存心。為國宣力。不但汝永承恩澤。朕亦得知人善任之名。當勉之又勉。有加無已。以副朕望。○以通政使司副使姚祖同為通政使。詹事府少詹事鄂木順額為光祿寺卿。仍留安徽學政任。太僕寺卿劉彬士為光祿寺卿。○甲戌。諭內閣有麟等奏庫內金銀器皿被竊一摺。此案喜常身充打果差役。膽敢偷竊。庫貯金銀祭器。實屬目無法紀。

孝東陵禮部員外郎博勒洪武掌管鎖鑰。漫不

經心。且偷竊正賊。即係該員所屬之人。其咎尤重。博勒洪武著先行交部嚴加議處。學習贊禮郎富昌阿。隨同辦事。咎有應得。著交部議處。有麟溥喜。未能先事豫防。俱著交宗人府議處。正賊喜常。並在逃之買贓人尉恩子。除有麟等差派員役勒限嚴緝外。並著直隸總督步軍統領衙門。順天府五城一體迅速嚴拏。務獲無任。遠颺所有現獲之買贓人尉五等。著即解交刑部。俟正賊拏獲時。一併歸案審訊。按律定擬具奏。至失於查防之禮部官員。並是日值班看守之章京甲兵。著於定案時查明分別辦理。尋吏部宗人府議上。得旨。

孝東陵禮部員外郎博勒洪武著照部議革職。學習贊禮郎富昌阿著照部議降三級調用。不准抵銷。有麟溥喜係守護大臣。著照宗人府所議各罰職任俸三年。不准抵銷。○命古城領隊大臣蘇明阿。暫留烏魯木齊幫辦軍

需事。○以雲南曲靖協副將周志林為山東登州鎮總兵官。○以查辦西藏商上地畝賦稅出力。賞二品頂帶噶布倫敦珠布多爾濟。二等台吉。四品仔琿索諾木結布三品頂帶。曲琿堪布洛桑稱勒朗結達爾漢堪布名號。○添辦河南中河廳貯防碎石。從河道總督嚴娘請也。○乙亥。諭內閣。給事中王緯慶奏。役滿及告退革退書吏。請飭各衙門將該吏現在住址地方。於咨文內註明。以便驅逐。一

摺。向來各衙門役滿書吏。例應地方官押令回籍。不准在京逗留。屢經降旨責成實力稽查。勒限回籍。茲據該給事中奏稱。此項役滿書吏及告退革退者。各衙門行咨都察院原文內。並未註明住址地方。其承充書吏時。例應將現在住址地方及三代姓名籍貫。詳悉聲明。而於役滿時轉不報明。殊屬疏漏。至該吏等刁猾性成。其在外姓名與承充本衙門姓名往往不符。難保無豫為更改藉端朦混。

情弊著通諭在京各衙門嗣後有役滿及告退革退書吏務將現在住址地方確切查訊於咨文內敘明行知都察院查照劄飭各該城司坊官押令回籍並報明起程日期以便查覈責成該司坊官等務當實力奉行毋得日久生懈○命貝勒托恩多御前侍衛載銓奕紀道慶貝勒奕綺乾清門侍衛倭什訥培成純佑查看

天神壇

地祇壇

太歲壇

先農壇樹株○丙子諭內閣王鼎奏永定河估辦草土各工一摺永定河河勢南徙上年據那彥成奏請於大范甕口挑挖引河一道並將新築隄工及南遙埝加高培厚估需銀六萬餘兩先於司庫發銀三萬兩其餘銀三萬兩俟本年興辦挑挖引河時撥發業經降旨允准茲據王鼎查明新隄遙埝工程上年

興辦八分有餘而引河尚未開工現在溜勢轉移復歸故道所有挑挖引河銀三萬餘兩應歸節省惟查入淀金門尚寬七十餘丈亟應趕緊堵築並做護埽以資保障又舊河由十五號至汪兒淀計長二千四百丈迤下應估攔河大壩三道計長一百六十丈亦於迎水估做埽鑲以防汎漲串入金門喫重此項工程除上年司庫所發銀三萬兩支撥動用外尚不敷銀六百餘兩著照所請即在道庫存貯河淤地租項下動支工竣驗收造冊咨部覈銷又據另片奏永定河北七工自二十六號起至四十六號止隄埝單薄擇要加培估需銀四千五百四十兩零又南二工金門開宣洩攸資應加高石龍骨一尺二寸並迎水片石坦坡等工估需銀四千三百五十兩零亦照所請准於上年奏定未領之挑河銀三萬兩內動撥銀八千九百兩零飭令該道張泰運趕緊興辦汛前一律完竣覈實

驗收造報。該部知道。○又諭瑚松額奏發遣宗室居滿三年。摘敘原犯案由。開單呈覽。另片將覺羅吉椿犯事案由。一併奏請。吉椿既係歸於移駐營房內管束之人。與發遣者不同。不應入於居滿三年奏請之內。嗣後著不准開單奏請。○諭軍機大臣等。長齡奏請將伊薩克一案。提至喀喇沙爾。會同玉麟審訊等語。長齡此時諒早由肅州起程折回。玉麟自伊犁前往。途次定可相值。所有伊薩克一

案。著照所請。提至喀喇沙爾。該將軍即會同玉麟秉公研訊確情。結案後著遵照前旨。與玉麟同赴喀什噶爾。該處應辦勦撫及善後事宜。最關緊要。自應及早籌定。該將軍等必須親往察看情形。方可定議。據該將軍密陳善後節畧。朕詳加閱看。所奏各條款。俱不為無見。此事若不亟為酌定章程。因循日久。萬一另生他歧。轉致難於辦理。玉麟亦曾奏酌籌回疆善後大局一摺。長齡當於途次即與

玉麟豫為熟商。行抵喀什噶爾後。體察情形。務須悉心籌酌。從長計議。總期事之能行。行之能久。於邊務實有裨益。為一勞永逸之策。方為盡善。至前據該將軍奏伊薩克一案。聞有兵民把持之語。此項兵民三千餘人。如果聚眾阻撓。實屬不成事體。長齡當先行知哈喇阿等。妥為防範。毋任滋生事端。是為至要。又據哈喇阿等奏伊薩克祖墳。現親往察看。並未賊發掘。可見從前傳聞之誤。再喀什

噶爾駐劄官兵。現在約計幾及二萬人。應需糧餉一切。該將軍當豫為籌備接濟。毋致臨時短絀。又哈喇阿等奏此次凱撤官兵。請照上屆支給鹽菜口糧等語。上屆因拏獲張格爾大功告竣。是以凱撤馬步官兵。准照軍營支給鹽菜口糧。係格外施恩。前降諭旨內有嗣後不得援以為例之語。此次撤回官兵。並未接仗。與上次不同。應如何支給之處。著長齡酌議辦理。將此由六百里諭知長齡並諭

王麟知之。○又諭哈琅阿等奏應解伊薩克案內一千人證。現已豫備候旨起解一摺。本日據長齡奏請將伊薩克一案人證解至喀喇沙爾。該將軍諒已行知。茲據該參贊等奏派乾清門侍衛德勒格爾桑延綏鎮總兵郭繼昌管帶押解。著飭知該二員即速起程。解至喀喇沙爾沿途小心防護。毋許稍有疏虞。別滋事端。又另片奏查看伊薩克祖墳並未。被賊發掘。及該處兵民現在情形。覽奏均悉。

又片奏此次撤回馬步官兵應支鹽菜口糧可否請照上屆給發等語。已另降諭旨交長齡覈議。哈琅阿等俟接到該將軍行知時遵照辦理。將此附報便諭令知之。○以派往阿克蘇防堵出力。釋回遣犯八十四名。○免撤回四川初調官兵應繳賞銀。○丁丑刑部奏審明鑲紅旗漢軍都統奏參印務參領梁景灝。那移公項等情。定擬請旨得旨。此案鑲紅旗漢軍印務參領梁景灝那用地租錢文。並

於兵丁私典官物查出後不行究辦。輒為取贖。又於家人高二等撞騙得贓。始則聽囑徇私。繼復知情朦稟。種種乖謬。實屬任意妄為。梁景灝著即革職。發往軍臺效力贖罪。以示懲儆。該旗都統等一經查出。即行參奏。與始終失察者有間。所有該都統等自請交部嚴議之處。著加恩改為交部議處。○又奏審訊搶劫命案。供詞前後未符。請飭交順天府尹就近檢明確訊。得旨。此案朱老兒等劫奪

無名男子錢文。並捆縛斃命。經刑部審訊朱老兒初供係劉三起意。邀伊前往同劫。又據供稱伊姪朱秋兒有加功情事。提訊劉三朱秋兒俱堅不承認。復據順天府委員前往犯事地方查勘情形。與朱老兒所供互異。自應查傳屍親訪求贓證。並蒸檢屍傷。方能定讞。惟人證均在良鄉房山一帶。且屍親贓證亦應由該地方官就近察訪。較為確實。朱老兒朱秋兒劉三劉二並其餘人證卷宗俱著交

順天府尹秉公研訊。並遴委幹員。協同各地
方官勘明地界。檢驗屍傷。審明定擬。具奏。尋
奉審明。朱老兒曾經搶奪張五米石驢頭。並
無劫奪無名男子錢文。捆縛斃命之事。朱老
兒照例擬發極邊煙瘴充軍。從之。○戊寅。
上御含輝樓。閱侍衛騎射。○諭內閣。琦善奏。續
獲訟棍之各州縣。請寬免失察處分一摺。上
年四川綿州等十八州廳縣。先後報獲訟棍
多名。曾降諭旨。將應得失察處分。准予寬免。

並令嗣後。遇有獲辦訟棍。仍著彙案具奏。茲
據琦善查明。成都等州縣。先後拏獲訟棍十
四案。計犯十六名。業經分別訊擬定罪。該犯
等俱係積久棍徒。確有案據。各該州縣等。或
密訪查拏。或遇案根究。按名悉獲懲辦。覈其
功過。尚足相抵。所有成都等十四州縣。應得
失察處分。著加恩准予寬免。仍飭令各該州
縣。隨時實力查訪。毋得日久生懈。以清訟源。
○己卯。諭內閣。蘇成額奏。查明報銷隄工大

尺不符緣由。懇恩免其刪減一摺。湖南武陵
縣。嘉慶二十一年借修隄工。報銷丈尺不符。
據該撫查明。實由從前司詳原奏。聲敘錯漏。
並非該縣事後增添浮冒。所有前項借修工
程。共銀一萬二千八百二兩零。著加恩免其
刪減。照數開銷。以清積牘。該部知道。○庚辰。
上詣綺春園。問

皇太后安。○撫卹琉球國遭風難夷如例。○辛
巳。諭內閣。盧坤等奏。查明劣幕。分別驅逐一

摺。前據鍾昌等覆奏。訪聞湖北省幕。陸廷槐
等在省城盤踞多年。降旨令盧坤等嚴行驅
逐。如另有舞弊不法情事。即奏明從嚴懲辦。
茲據奏查明。陸廷槐。彭紹堂。及陸廷槐之弟
陸廷枚。陸廷榮。童濂之弟童溥。彭紹堂之子
彭啓綱等。均尚無劣跡可指。分別勒令各回
原籍。惟陸廷槐等。均寄籍江夏。難保不潛蹤
隱匿。或於驅逐回籍一二年後。仍復潛回楚
省。不可不隨時嚴查。著該督等再行確訪。務

令各回原籍不准逗留。並著隨時嚴飭地方官稽察。如該幕等仍復逗留。或潛行回省。別經發覺。惟該督撫是問。至何埽華之子何道坦等係江夏縣土著。並無原籍可歸。伊父在省曾充幕友。著飭令江夏縣隨時稽查。不許攀援出入衙門。於每年年終出具印結。咨報督撫衙門。以免盤踞招搖。○又諭盧坤等奏遵旨查禁種賣鴉片煙一摺。據稱通查湖北屬境。現在尚無種賣鴉片煙之事。但該省為

水陸通衢。商賈輻輳。外來奸民易於流傳貽害。不可不認真查禁。以淨根株。著該督撫嚴飭所屬。於每年春秋二季編查保甲時。親赴各鄉留心查察。如有將田地種植罌粟花者。立即嚴拏。照興販鴉片煙例擬以枷號充軍。田地入官。仍責令保甲隨時稽查。儻容隱不舉。即照為從例問擬杖徒。買食之人無論官民。分別叅究。一例治罪。並派撥丁役隨同汛員。於各關隘常川巡查。遇有商民夾帶煙土。

拏獲嚴辦。仍出示曉諭。俾各知猛省。毋蹈法網。該州縣於春秋兩次巡查之後。如境內實無種賣。即出具印結。由該管道府確切覈明。詳報督撫。該督撫於年終具奏一次。毋得日久視為具文。致干重咎。○諭軍機大臣等。有人奏直隸河間府同知濮城自補缺以來。並未到任。向在總督署內辦理摺奏。凡奏咨事件有關緊要者。與外府州縣暗通消息。各上司以其小有材幹。略加信用。濮城即借此在

外招搖。聲勢赫赫。通省皆視為要津。去年濮城謀赴軍營。將河間同知一缺。求委邢臺縣知縣高應元署理。即在總督署內接辦摺奏。其邢臺縣一缺。又將不應委署之候補知縣陳兆琪署理。並因布政司庫大使楊炳前赴軍營。所遺之缺。得項較優。求委保定府經歷方廷瑚署理。轉將候補布政司理問萬文鴻委署保定府經歷。以上輾轉委署。不按班次。雖出於上司之檄委。實由該員之懇求。並聞

有私相授受指缺幫銀之事。以致物議沸騰。又保定府通判何煥緒署大名府通判劉奮南因趨承濮城之力。亦在總督署內充當內委。辦理一切事務等語。屬員在上司署中辦事。本干例禁。若任意指缺營求。於吏治人心。大有關繫。著王鼎將濮城等前項情節。嚴密詳細訪查。務得確情。據實具奏。毋許稍有瞻徇含混。以副委任。將此諭令知之。○湖廣總督盧坤奏查明地方情形。次第辦理。得旨所

奏兩省積弊。諒非一日。歷任疆臣祇知苟且目前。是以日就敝壞。若再不加整頓。伊於胡底。汝同楊懌曾均係朕慎簡之人。畀以封疆重任。望成治理。務要和衷共濟。隨時隨事認真經理。破除一切積習。毋避嫌怨。為國宣猷。勉之又勉。以副朕望。○以重刊字典告成。予輯錄出力人員議敘有差。○旌表守正被戕山西歸化城民楊伏桂子妻李氏。○貸湖北督撫兩標暨武昌黃州等營兵丁倉穀。○展

緩山東票商未完加價銀。○貸山東海豐場竈戶被水衝刷竈灘修費。○壬午

上詣

時應宮。

昭顯廟拈香。○還宮。○諭內閣刑部等衙門具題浙江省民人傳受貴致死伊妻婁氏一案。以殺固有心。死係不孝有據之妻。秋審應入可矜。事結在恩旨以前。請將傳受貴減為杖一百流三千里。惟詳閱案情。該犯用鉤刀

很砍婁氏項頸一下。致將頭顱砍落殞命。身首異處。情節太慘。遽行減等。未免過輕。傳受貴著監禁二年後再減為杖一百流三千里。○又諭富呢揚阿奏朝鮮夷船漂泊到境被匪搬搶。請將疏防文武員弁摘去頂帶。嚴拏究辦一摺。浙江台州府屬黃巖縣地面有朝鮮國夷船遭風漂至該處停擱。曬晾失水布匹貨物。旋有匪徒六七十人至船搬搶之事。現經該撫將該難夷及存廠貨物妥為安頓。並

先後拏獲匪徒王彝賞等五名。即於各犯名下起出原贓布匹等物。交付夷人認領。所有該地方文武員弁。毫無聞見。非尋常疏防可比。黃巖縣知縣靳琨長浦巡檢劉廣福。太平營把總胡鼎鼐。外委張建封。俱著摘去頂帶。勒限一月內。務將在逃之搶犯王曹彬。葉定土等。迅速全獲。解省嚴審。屆限無獲。即行叅奏懲辦。○諭軍機大臣等有麟等奏樹株復生小蟲。已派撥員弁兵役上緊挖拏一摺。上年陵寢樹株生有松蟲。捉捕漸已淨盡。茲據奏本年二月以來。查得樹株內復生有小蟲。著飭令員弁兵役。務須認真上緊挖捕。勿令蔓延。有麟等當隨時親往查察。總期迅速挖除淨盡。勿得視為具文。將此諭令知之。○修浙江仁和海寧二州縣東西兩塘。從巡撫富呢揚阿請也。○除江蘇捐置義塚田地額賦。○以常雩祀

天於
園丘。自是日始齋戒三日。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十六

[illegible]

道光十一年辛卯夏四月癸未朔享

恩多等奏恭查

天神壇。

地祇壇。

太歲壇

先農壇樹株完竣。著太常寺造具清冊。咨送工部備查。其內外園各處。除實存各樹外。所有風損回乾倒木。及缺空處所。應否補種樹株。著即行知該管衙門。查明酌量補種。嗣後

上詣

南郊齋宮齋宿。○乙酉。常雩。祀

天於

丘圖

上親詣行禮。○幸圓明園。○詣綺春園問

皇太后安。○丙戌。諭內閣。此次揀選大員子弟。

高喀鼐之子安興阿著不論騎射一併帶領引見○以故昭烏達盟阿魯科爾沁扎薩克貝勒丹津巴勒桑弟扎木揚旺舒克襲爵○以江西南昌新建豐城進賢清江峽江廬陵安福萬安泰和龍泉餘于德化湖口彭澤建昌十六縣糧價增昂命平糶倉穀○丁亥諭內閣王鼎等奏會議糧船買帶食鹽嚴禁夾私一摺天津為運道總匯之區糧船往返每於例准買帶食鹽四十斤外多帶鹽斤以致

妨礙蘆網。亦且侵占淮引。茲據王鼎等查明軍船私帶之弊。以江廣各幫為最重。實亦不獨江廣為然。其透漏鹽斤之弊。以天津為最甚。亦不獨天津為然。沿河一帶。因梟每於幫船將次抵境。先向議定價值。迨船一到。即用小艇晝夜裝載。與其搜獲於既帶之後。不若嚴禁於未帶之先。現添派天津分司運同暨天津府知府同知總司稽察。並於于家堡楊柳青獨流各處添派鹽務官各一員。其甌河地方。添派滄州知州就近督率辦理。鹽務正當整飭之際。該署督等既經派委多員。沿途防範。尤當嚴飭各該員等實力巡防。認真梭查。一面堵截河干囤販。一面嚴拏小艇載私。有犯必懲。毋致有名無實。如有差役兵目人等得規徇庇。即行從重治罪。其派出各員。如不出力查辦。著即叅處。以清積弊而肅鹺政。

○又諭內監潛逃。例有應得之罪。嗣後各直省督撫府尹等遇有逃走太監。一經地方官

盤獲。無論有無滋擾情事。著一面具奏。一面解交內務府。○諭軍機大臣等。都察院奏清苑縣民婦王崔氏。呈控鄭姓喝令鄭相等將伊二子毆斃一案。已明降諭旨。交王鼎親提嚴訊矣。此案據王崔氏所控鄭姓因挾訟嫌。喝令鄭相等將伊次子王二連攢毆立斃。並將伊長子王太連捆毆。因傷殞命。經該縣驗明屍傷。僅將鄭相王立泳擬罪。其主謀幫毆之犯。概不究問。復捏報鄭相係屬孤子。呈請留養。致伊子兩命無償等情。案關毆斃二命。並是否尚有主謀幫毆之人。必應徹底根究。至鄭相捏報孤子留養。尤當確切查明。毋任捏飾朦混。著王鼎詳加查訊。務得確情。按律定擬具奏。將此諭令知之。尋奏訊據犯證人等堅供鄭姓委無主謀喝毆情事。惟鄭相並非親老丁單。應不准其留養下部議從之。○調伯都訥副都統碩德。為齊齊哈爾副都統。以盛京協領富升。為伯都訥副都統。○修江

蘇華亭縣海塘石工從總督陶澍請也○戊子。

上幸靜明園詣

龍神廟拈香○御演武廳閱健銳營操○奉皇太后詣

廣潤祠拈香幸鑑遠堂進膳○正白旗領侍衛內大臣瑪呢巴達喇因病賞假以肅親王敬敏署正白旗領侍衛內大臣鄭親王烏爾恭阿署正紅旗蒙古都統○己丑諭內閣成

格等奏內地協濟各城駝隻請就地籌辦一摺此次各城前後截止駝隻除雇駝隨時遣散外其進買之駝據該都統等奏在吐魯番者現有四千數百隻已過哈密未到吐魯番者一千餘隻業經委員解交迪化州收管變價所有阿拉善王瑪哈巴拉呈進之駝二千隻並驗收科布多汗王所進駝六百隻均著加恩賞還即於此項駝隻內如數撥出飭知該汗王等派員赴烏魯木齊收領至烏魯木

齊前經運往阿克蘇駝隻事竣之日亦著將雇駝遣散其餘即由該處酌量辦理毋庸解回烏魯木齊以省虛糜而歸簡易○諭軍機大臣等王麟奏遵旨起程前往阿克蘇一摺伊薩克一案應訊人證前據長齡奏請解至喀喇沙爾審訊業經降旨准行長齡行抵肅州接奉飭令折回諭旨早經折回該將軍於三月二十外起程著即馳赴喀喇沙爾俟長齡到彼後將伊薩克等各案會同審訊明確

按律定擬奏結後即遵前旨一同馳至喀什噶爾將應辦勦撫及善後事宜妥為籌辦據實具奏至該將軍現帶印信前往南路布彥泰署理將軍事務著即將庫貯伊犁辦事大臣印信移交鈐用將此由五百里諭令知之○又諭哈琅阿等奏起解伊薩克案内應訊之把總劉兆林等及供出斯底克從逆情事之斯瑪依等各等語伊薩克案内人證前據長齡奏請解至喀喇沙爾審訊業經降旨准

行。所有把總劉兆林、外委魏啓明並斯瑪依、伊布拉依木、斯底克均著解至喀喇沙爾。交長齡等歸案嚴審。其自認從逆之阿渾愛里木等著俟定案時再行照例辦理。將此由五百里諭令知之。○庚寅諭內閣：瑚松額奏酌擬戎政章程一摺。著照所擬。盛京訓練八旗官兵嗣後仍照舊例。春季自二月初一日開操。至三月底止。秋季自七月初一日開操。至八月底止。該官兵等有巡卡緝匪等項差使。輪替操演。非經年不能周偏。著飭令城守尉協領防守尉等。各於所屬遴選弓馬優長槍技嫺熟者。造冊送將軍衙門。分為春秋二季。因公到省。隨時校閱。遇有應升缺出。即就操演出色之人儘先挑補。其所出甲缺亦必擇能挽強弓善騎射者。方准挑補。該管各官即以舉報得人之多寡。敘演之優劣。定其功過。分別升遷降罰。又旗員挑缺。嗣後著遇有職名送部。覈其應得處分。例止罰俸及因公記

過者。遇缺准其一體與挑。得缺後仍將記過及罰俸處分照例帶於新任。又管理地方旗員應令迴避本城。嗣後除專辦旗務不管地方之員及所出缺分祇應專用本處旗人者。准其仍照舊例就近當差外。其管理地方旗員著概令其迴避本城。遇有揀選管理地方之缺。即不得以本城人員擬正。既補別城之缺。亦不准其調回本城。其未請改規以前已經調補本城各員。人數過多。未便盡行撤回。應准其照舊當差。責成該管上司認真稽查。儻有徇情弊。即行據實叅辦。○又諭史譜奏嚴禁興販買食鴉片煙一摺。據稱陝省地方向不出產罌粟花。並無造作鴉片煙之事。惟近來多有私食之人。自係外來奸商偷運販賣。地方官查察不力。以致不能禁絕。著該撫通飭所屬文武。責令各關隘巡查兵役認真查拏。並明定賞罰章程。如有兵役盤獲。立予賞賜。示以鼓勵。儻漏未查出。或得規

縱放於入境後被別處查拏。不但將該管官弁叅處。並將該兵役等嚴行究辦。其或兵役借查拏名目。裁害誣扳。致滋擾累。一經發覺。除將該兵役治罪外。該管官弁亦著嚴行叅處。至於地方官拏獲食煙之人。務即究明。買自何處何人。迅速密拏。毋得任令狡供。以買自不知姓名之人。不復究詰。僅將本犯枷杖完結。稍涉寬縱。現在陝省雖無種植罌粟花蔡花之處。但恐外來匪徒煽誘。不可不豫為

周防。著飭令各州縣於因公下鄉時。留心訪查。按季稟報查覈。每屆年終。由該管道府出具並無種賣鴉片煙切實印結。詳報該撫具奏。不得日久視為具文。致干重咎。○諭軍機大臣等。據富呢揚阿奏訪拏包訟之職員。砌款抵制。並牽列知府得規。業經降旨將吳傳即吳芝岩斥革。並將嘉興府知府胡國英等分別解任留質。交富呢揚阿。吳椿審訊矣。此案據該府稟稱。吳傳即吳芝岩混名吳癡。出

入衙門。包攬詞訟。經孫爾準訪聞飭拏。有監生張本初具控。吳傳唆訟嚇詐洋銀一千四百圓之案。證據確鑿。該府提訊。吳傳不認。並據呈出捐納從九品吳傳部照一紙。塗寫多款。內列孫爾韶係孫爾準胞弟。與在嘉興開行之孫榮赴縣控追張姓欠項。及在籍之前任福建光澤縣知縣陳鼐。自稱總督門生。向其借索不允。招搖肇訪。並指該府胡國英迎合鍛鍊。得受所屬陋規。係嘉興縣王維堉所

派各情。著富呢揚阿。吳椿提集全案人證。秉公審訊。務將吳傳所寫捐照各款。逐層根究明確。斷不可意存徇隱。含混了結。儻因事涉孫爾準胞弟。遂有心消弭。致案情有不實不盡之處。惟富呢揚阿。吳椿是問。將此諭令知之。○兩江總督陶澍奏。江蘇孟瀆河工程浩大。現交夏令。夫役必須歸農。請緩至本年秋後接續挑辦。從之。○辛卯。上臨視皇長子奕緯疾。諭軍機大臣等。前據

李鴻賓奏。勦辦崖州黎匪情形。當經降旨飭拏首要各犯。並查明起釁根由。據實詳晰具奏。茲據奏拏獲各犯。已訊出張紅鬚起意糾劫。著嚴飭各屬將張紅鬚趕緊偵緝。並其餘要犯一併查辦務獲。毋任竄逸。至所稱黎人質性蠢頑。歷來肇釁之由。大率皆漢奸盤剝。唆使書吏勒收苛索所致。如徒重辦黎人。而不將奸民蠹吏加以嚴懲。則弊源未絕。旋又激成事端。且彼重此輕。辦理未能平允。即不足。以折服黎人之心。所論甚是。現經該督訪明崖州書吏鄭運光。陳官福二名。曾向黎人藉端需索。業已解至瓊州。著該督親提研訊。此等蠹吏。必應從重懲辦。著審明歸案定擬具奏。至崖州知州齊元發。於所屬地方黎匪糾眾搶掠。不能先事查拏。稟報又復遲延。日久未能緝獲。實屬疏玩。瓊州府知府普祥。久住崖城。未得首犯蹤跡。辦理顯預著一併撤任。俟結案時再行分別附叅。該督查辦此案。

務當督飭搜捕。迅速竣事。以靖地方。而除後患。是為至要。將此諭令知之。○以本年鄉試考試應開列試差人員於圓明園正大光明殿。○以大理寺少卿梁中靖為太僕寺卿。○壬辰諭內閣。成郡王綿懃第十女。於道光五年出聘後。該門上呈請給與品級。禮部並未詳查。遽行指駁。現據查明與例案不符。所有該格格額駙應得品級。著補行給與。其道光五年承辦司員。未能詳查例案。著將職名咨

交吏部照例議處。○癸巳。

皇太后幸觀瀾堂。

上跪迎問安。侍送。

皇太后還綺春園。○臨視皇長子奕緯疾。○甲午。

上詣綺春園問

皇太后安。○是日。皇長子奕緯薨。諭內閣。大阿哥奕緯。自上年秋間遺疾。至今春甫經就痊。

茲復患病旬餘。竟爾不起。深為悼惻。著追封

多羅貝勒。所有應行典禮。著照皇子例辦理。並派總管內務府大臣寶興。經理喪事。其一切事宜。著各該衙門察例具奏。○又諭甘肅民人何聰。前在都察院衙門呈遞封章。當交刑部審訊。茲據刑部審訊何聰所控各案。係因聞黑番肆搶。心懷不平。自行起意來京。寫就封章呈遞。並牽及回疆茶稅。難保無聽人從中主使。著將何聰解赴甘肅。交楊遇春嚴行審訊。並查明何聰在籍有無為匪不法別

情。照律定擬具奏。至該犯所稱黑番疊次搶劫各案。雖事隔多年。而黑番膽敢肆搶。不可不防其漸。又稱出入嘉峪關民人。起票驗票。需索錢文一節。如果屬實。尤應查禁。著楊遇春會同西寧辦事大臣。將該處黑番隨時彈壓。如有肆搶等事。務當認真查拏懲辦。毋許將就消弭。致釀事端。其嘉峪關官弁胥吏。儻有藉票科斂等情。即嚴行禁革。以除積弊。尋奏黑番安靜。關役委無需索。何聰照挾制入

奏例。發邊遠充軍。下部議。從之。○禮部議准安徽巡撫鄧廷楨疏。報據訪懷寧縣貞節婦女陳汪氏等一千七百六十五口。請建總坊旌表。從之。○乙未。

上詣綺春園問

皇太后安。○諭軍機大臣等。前據富呢揚阿奏吳傳即吳芝岩。因被訪拏包訟。砌款抵制一案。當經降旨交富呢揚阿。吳椿秉公審訊。不可因事涉孫爾準胞弟。有心消弭。致案情有

不實不盡之處。茲據孫爾準奏。前因訪聞吳傳即吳芝岩包攬詞訟。播弄鄉愚。嚇詐取財。當即飭屬嚴拏懲辦。嗣據嘉興府知府胡國英詳稱。吳傳被監生張本初控其唆使沈品亨妄告占地造屋。嚇詐洋銀一千四百圓。傳集人證訊明。詐贓確鑿。該職員恃符咆哮。追出捐納從九品執照一紙。照上列寫款跡。牽扯多人。並有指稱孫爾準胞弟孫爾韶。同開義浚行之孫榮到秀水縣地方。追張姓欠項。

寓居該職員附近陳楚家中。嫌該職員不肯調處。謠言將來訪拏之語。並汙讟問官以圖挾制。據該督奏伊祇有胞弟一人名爾曾。遵酌增常例。報捐鹽運司經歷。分發長蘆。現在天津候補。即通族中亦無名爾韶者。開義茂行之孫榮。亦素不知其人。其所稱欠債之張姓。並未指出何名。所追何欠。至所稱孫爾韶雖與伊弟之名不符。但既據牽涉。應行迴避等語。著富呢揚阿等仍遵前旨。將吳傳捐照

內列寫各款逐層根究。務得確情。斷不可意存徇隱。含混了結。將此諭令知之。尋奏孫爾韶實無其人。委係吳傳憑空誣捏。陳鼂訊無挾勢招搖情事。吳傳應照刁徒挾制例發近邊充軍。下部議。從之。○禮部內務府會奏。皇長子喪儀。應令皇子之侍從執事人員成服。十九日卯時。行初祭禮。二十四日卯時。行大祭禮。得旨。大阿哥薨逝。禮部內務府會奏事宜一摺。其公主福晉以下。二品命婦以上。齊

集之處著停止。所有隨從之諸達。哈珠色。各項拜唐阿。百日脫孝後。著即各歸本處當差。將來大阿哥奉移園寢時。由內務府傳知該員等送往。並著用惇親王儀仗。照多羅貝勒之例排設。以平反命案。予熱河辦事司員鄂克敦布等升補有差。○丙申除直隸宛平縣水衝沙壓地七頃四十四畝有奇額賦。○丁酉。諭內閣。訥爾經額奏籌辦緝私一摺。東省鹺務。官引滯銷。總由私梟充斥。沂州府

各屬尤甚。該府接壤江南。現當南省籌緝私梟之際。尤恐此拏彼竄。闖入東境。於該處票地甚有闕礙。據該撫議請變通舊章。以靖梟私。著照所請。於莒州。日照。沂水。蒙陰。蘭山。郯城等處。召募殷商。並委鹽務熟諳人員。督率該商於各要隘。偏設巡役稽察。用杜疏漏。所需巡費。由運司籌款支發。其地方營縣。亦著按段加派兵役。協同堵拏。即於各州縣攤捐緝捕經費項下。酌量撥給工食。並另行遴委

幹員會同營縣認真嚴緝。如能將大夥梟販拏獲多名。及官引暢銷。著有成效。即分別奏明。量予鼓勵。儻有妄拏無辜。擾害居民。或虛懸巡額。鹽引滯銷。即將印委各員分別嚴叅示懲。該撫務當督同藩臬並運司通盤籌計。覈實妥辦。俾鹽務地方。聯為一體。私梟淨絕根株。釐政日有起色。至武定青州兩府屬票地。亦著隨時體察情形。做照辦理。○又諭。訥爾經額奏據控代捐職銜欠銀未償之案。究

出陝西西安同知衙門書吏。藉有投充效力把總名目。得受銀兩。請將經手要犯咨解陝西查辦一摺。此案山東滕縣捐職從九品楊恆春。以伊曾為嶧縣民人。褚明驤。褚明嵐。弟兄。在陝西西安府清軍同知衙門代捐把總職銜。得有委牌交付。褚明驤不給捐項。呈請著追。據該撫究出該同知衙門書吏。有得受銀兩情事。著即將楊恆春及其子楊家鼐。解往陝西。交史譜督同臬司楊名颺嚴拏該同

知衙門書吏周鼎及過付之曹開吉。確切質究。何人實在得銀若干。並查此外尚有何人包損。通同得贓。該管同知是否知情。一併分別叅究。按律定擬具奏。其滕縣書吏吳道南。刷送字條。究竟是何情弊。著仍由訥爾經額飭提該書吏劉雲亭到案。嚴究確情。與褚明驤等另行擬結。無庸解赴陝省。至此案楊恆春於上年四月在該縣控追。該縣遲至一年之久。始行具報。是否別有情弊。抑止辦理遲

延。著俟定案時。再行查明附叅。○諭軍機大臣等。據訥爾經額奏。滕縣具稟。褚明驤等一案。究出陝西西安府同知衙門書吏。藉有投充效力把總名目。得受銀兩等情。已明降諭旨。交史譜督同臬司楊名颺。並該撫分別審訊矣。又另片奏。恐各州縣愚民。亦有似此被騙之事。飭司行令密查。復據鄒縣稟報。有韓韋齋等十七名。指控杜輝五等。詎捐把總職銜情事。現在調取委牌查辦。是此等鄉愚。被

騙者正復不少。已飭克沂道就近摘提要犯解省審明。解赴陝西歸案審辦。仍飭司通行各府州縣出示曉諭。凡有收執西安效力把總委牌者。無論投充攬捐。均即自行呈繳聽候分別查辦。不得紛紛差傳。致滋擾累。如有續行查出呈首者。隨時奏明辦理等語。所見雖是。但此等鄉愚。無知畏累。如不肯自行呈繳。究竟當如何辦理。亦當議及。著訥爾經額督同藩臬兩司悉心籌議。妥為辦理。既不可令匪徒漏網。亦不可拖累無辜。致擾閭閻。方為妥善。將此諭令知之。○又諭據訥爾經額奏。滕縣具稟。楊恆春在陝西西安府清軍同知衙門。為褚明驥等代捐把總職銜一案。已明降諭旨。交史譜督同臬司楊名颺審訊矣。此案據訥爾經額提訊各犯。究出書吏等得受銀兩。咨查該廳覆稱。向有額設效力把總。無論本省外省。如願投充。即移原籍查取身家清白印結。到日轉詳立案等語。並據將該

同知原給褚明驥委牌一紙。咨送軍機處查覈。鈐用陝西西安清軍同知印信屬實。該同知衙門。並無收捐之例。何以有額設效力把總名目。無論本省外省。均准投充。名器攸關。必當認真查辦。著史譜等提集人證。嚴切審訊。查明此事起於何年。該同知是否有與書吏通同得受銀兩情事。並此外各處。有無似此投充效力把總名目。詳晰確查。據實具奏。毋許有不實不盡。如別經發覺。惟該撫等是問。懷之慎之。將此諭知史譜。並傳諭楊名颺知之。○以翰林院編修松俊。充日講起居注官。○戊戌。諭內閣。奕紹等奏。查定例。貝勒女封郡君。祇准封嫡長女一人。其餘嫡出庶出之女。俱不授封。又追封之爵。皆不傳襲。其子女亦不照追封之爵授封。向來均照此辦理。多羅貝勒追封成郡王。綿懃並無嫡女。俱係庶出。例不應封。除伊第八女第九女俱因開夫故。過門守節。授封縣主。不計外。其第十女

於道光五年出聘時。禮部照例未經奏請授封。辦理並未錯誤。本年其第十一女出聘時。禮部即奏請授封。旋復請將第十女補封。均與定例不符。所有綿懃第十女第十一女俱著照定例不准授封。其道光五年將綿懃第十女請封指駁之承辦司員。係照例辦理。著免其議處。本年綿懃第十一女出聘。禮部堂官並未詳查宗人府。遽請授封。於例不符。著交部察議。○又諭昇寅奏。審明已革協理台

吉章楚布多爾濟。差台吉巴勒黨赴都察院。續控旺丹多爾濟等。念經詛呪。各情節一摺。此案郡王巴寶多爾濟。因與章楚布多爾濟相好。輒以毫不干己之事。串通捏造詛呪人命重情。迨經行查。仍復狡展。殊屬謬妄。該旗梅楞蒙克。既奉盟長解送來城。並不靜候質訊。私自潛逃。且以初次當堂畫押之供。捏為通事教令。亦屬可惡。巴寶多爾濟著交該衙門議處。蒙克著革去梅楞。枷號兩箇月。滿日

鞭責一百。永不許該王敘用。齊木特多爾濟雖無呪念黑經等事。惟出外雲遊。究屬不安本分。著仍交該旗嚴加管束。不許出外滋事。○以翰林院編修羅士普。充日講起居注官。○以拏獲大夥拒捕梟犯。予安徽守備趙瑾等升補有差。○己亥。孝端文皇后忌辰。遣官祭昭陵。○緩徵河南安陽臨漳二縣上年地震災區積欠額賦。○庚子。

上御閱武樓。閱大員子弟馬步射。○辛丑。上詣大高殿行禮。○還宮。○諭軍機大臣等。鍾昌泰庫貯失去金銀鐘磬。請分別移貯補造等語。著即將裕陵備存金胎珞珈鐘磬一分。金執壺一件。移貯孝東陵庫。以免另行製造。其應補鍍金鐘磬各一件。著照例移咨內務府補造。移交貯庫。將

此諭令知之。○旌表守正捐軀陝西膚施縣民裴禮妻鄧氏。○壬寅。

上御太和殿視朝。王以下文武升轉各官謝恩。

○辛圓明園。○詣綺春園問。

皇太后安。○伊犁鎮總兵官如柏因病解任。以

直隸河屯協副將錫麟為伊犁鎮總兵官。○

癸卯命於

黑龍潭。

覺生寺設壇祈雨。

上詣

黑龍潭神祠拈香。遣惇親王綿愷詣

覺生寺拈香。○諭軍機大臣等寄諭閩浙總

督孫爾準。有人具奏浙江布政使慶善性情

闇茸。識見庸暗。又復耽於麴蘖。於地方一切

公務不求甚解。諸事聽人指揮。以至屬員長

隨等皆玩如傀儡。更有管總幕友唐姓。地方

公事咸出其手。凡屬員升遷調補。無不從中

影射。擅作威福。頗滋物議等語。上年該督前

往浙江查閱營伍。曾住省城。於該藩司辦理公事及聲名若何。自必有所聞見。著據實詳晰具奏。毋稍徇隱。如所奏不實。將來別經發覺。惟該督是問。將此諭令知之。尋奏慶善辦事廉靜。而頗失之軟弱。其幕友唐印川本係任江蘇臬司時舊友。甚相契合。徧訪卻無劣跡可指。至該藩司素不飲酒。臣所深知。得旨。摺留覽。○又諭。寄諭浙江巡撫富呢揚阿。有人具奏浙江布政使慶善性情闇茸。復耽麴

蘖。管總幕友唐姓。擅作威福等語。該撫與藩司近在同城。其辦理公事並聲名若何。自必確有聞見。著據實詳晰具奏。毋稍徇隱。如所奏不實。將來別經發覺。惟該撫是問。將此諭令知之。尋奏慶善循謹老成。辦公甚屬勤勉。平日雖偶近杯酌。尚不至耽飲廢事。其幕友唐印川辦理錢穀事件。稽覈亦極謹慎。惟遇事不無苛求。寬嚴未能悉當。致招物議。得旨。摺留覽。○旌表守正捐軀河南新鄉縣民耿

炳太妻趙氏。○修直隸獻河間三縣河隄從署總督王鼎請也。○甲辰諭軍機大臣等都察院奏河東商人馬德隆等呈稱私梟累課病商等情已明降諭旨交該撫親提查訊矣。據該商人等呈稱蒲州永濟縣南北二灘有匪徒招集私梟開畦曬鹽並解池地方內有斗巡外有弓兵牆高數仞賊匪任意出入越牆偷漏數計私銷鹽斤倍於正課以致引鹽滯銷商人歷年賠累又河東鹽務於嘉慶十

六年額價之外加增一釐為河工經費嗣河工告竣兩淮等處經費久停河東事同一例請仍照舊減價等語著阿勒清阿查明該商人等所控各情是否屬實如果蒲州永濟縣等處實有匪徒招集私梟並任意偷漏以致累課病商該官兵等所司何事必應嚴行懲究並酌議緝私章程奏明辦理至鹽斤加價兩淮等處業經停止河東事同一例是否應行照辦著該撫察看情形據實具奏將此諭

令知之。○乙巳諭內閣盧坤等奏湖南省例食粵鹽子店開設熬鍋浸灌淮網請委員會勘一摺湖南郴州所屬永興縣地方例食粵鹽與淮鹽引地交界粵商開設子店本係行銷生鹽近來粵商藉海船艙底泥沙泥准其煎熬零售遂至開設熬鍋至一百數十口之多將生鹽煎熟充作淮鹽越界售賣以致楚省漸形缺額必應嚴定章程各守地界著李鴻賓即遣派廉明誠實之員前赴郴州會同署

衡州府知府王鳴球詳勘情形酌定熬鍋額數永定限制毋許私增多設按年取結報部以杜侵越。○又諭盧坤等奏整頓鹽務設立章程一摺楚岸淮引滯銷皆由內私外私占塞銷路而治內私尤亟於堵外私現經該督等遴選幹員專駐江船聚集之塘角設立總卡稽查並派員幫同巡察即查出郭漢玉鹽船船戶盜賣等情在漢關盤獲李之連私鹽萬餘斤又續獲劉大富等雇船裝運腳私二

起計重三萬七千餘斤。並查近年鹽船動輒捏故淹消。多有划船乘機搶奪。現飭員會同總卡委員各派丁役。不分晝夜。在於各嘴口梭織巡邏。遇有捏漏淹消。搶鹽划船盜賣。輕載。即分別查拏驗究。其江干渡划。擺江漁艇等船。舊有編號章程。業飭各該縣轉飭汛員督率保甲。將所管水面船隻。分類編號。大書姓名。各歸各埠。造冊報縣。送總卡稽查。並將存河鹽船。按幫取具連環保結。俾盜賣者鄰船即行舉報。辦理尚屬周密。如果各該縣暨委員認真稽查。將帶私之船。遇案獲究。淹消盜賣之風。自必斂戢。惟所拏必須私梟大夥。方准奏請鼓勵。該督等務當嚴飭所屬實力巡查。使積弊胥除。官銷日見暢旺。以肅釐政。

○又諭鄧廷楨奏遵旨嚴定查禁鴉片煙章程。一摺。據稱安徽省現在尚無私種罌粟花。熱煙販賣之事。惟徽州、寧國、廣德等屬毗連江浙山地居多。恐有外來棚民串通該處業

戶私種分肥。不可不豫定章程杜其萌孽。著該撫於每年初冬春盡時。兩次委員嚴查。如有私種熱煙情弊。除首從各犯分別問擬軍杖外。其貪利放種之業戶。即照私種為從例。杖一百。徒三年。若任犯逃逸。不肯供出姓名。即照私種為首例。發近邊充軍。山地入官。如業戶自行首告。並將私種之犯指拏到官者。免其治罪。山地併免入官。僅止首告犯未就獲者。但准免罪。山地仍行入官。並責令地保兵役隨時稽查。儻得規容庇。俱治以應得之罪。地方官查拏不力。分別失察。故縱從嚴叅辦。並令按季稟報。責成該管道府於年終出具所屬並無種賣鴉片煙切實印結。詳報該撫。於每年年終具奏一次。務當有犯必懲。弊端永絕。不可日久生懈。視為具文。致干重咎。

○諭軍機大臣等。陶澍等奏清水敵黃重運漕船行走順利。惟洪澤湖水勢浩瀚。暫消復漲。及下游揚糧。啓壩洩水各情形。一摺。覽奏

均悉。本年三月底。清高於黃。將禦黃壩啓通之後。黃水旋長旋消。重運漕船。均係順流渡送。無須倒塘灌放。臨清攔黃兩堰。免於啓閉。行走尚為順利。其挽上三閘。因上水高於下水三尺有餘。逆流緯挽。較為費手。經該督等分委員弁。併力趕辦。該督等時往督催。現在三進幫船。截至四月十二日止。已渡黃六百二十餘隻。下餘幫船一千一百數十隻。可以計日渡竣。惟洪澤湖水勢已長至一丈九尺餘寸。刻當夏令。雨水漸多。以來清壩及仁河。信壩三處分洩。尚停積不消。儻此後再有增長。勢必不能容納。該督等擬俟在後幫船全過邵伯鎮。即將上游洪澤湖之智壩義禮二河。下游運河之灣頭壁虎。人字等河。刻日啓放。騰空湖面。以備續漲。著該督等督同工員。務須認真加意防守。俟漕船渡竣後。應如何宣洩盛漲。並隄堰掣壩各工。應行修築之處。即當妥為籌辦。毋致稍有疏虞。將此諭令知

之。○修湖北天門縣襄河南岸隄工。從總督盧坤請也。○丁未。諭內閣。楊遇春等奏籌添蒙古兵數。分布各卡。隨同官兵防堵。按時操練一摺。前據恆敬奏。請將察罕托洛亥地方。原派蒙古兵丁。分作兩班。除遞送文報外。其餘之兵。隨同官兵操練。降旨令恆敬察看情形。會同楊遇春酌議具奏。茲據奏籌添兵數。隨同官兵防堵操練。可期得力。著照所請。將前議蒙古兵五百名。分作兩班。每班二百五十名。分安八卡。各准馬十五匹。以一年更換。至期。正副盟長輪班挑選精壯兵丁。並配帶鮮明器械。前赴防所。交營員點收。後即將班滿之兵。飭令各回原牧。盟長亦即在本旗就近專理旗務。以歸覈實。而免廢弛。至分卡各兵。照舊責成扎奇噶克齊章京等管帶。仍派官兵二三十名。督率防堵。按期操練。所有該兵應需口食。每名每日額定銀三分。每月計銀九錢。令該盟長等將此項銀兩。按季先期

交察罕托洛亥駐防副將等官就近代為採辦糧茶以節往返之費。蒙古兵丁向用熟食計每兵每月需銀七錢有奇。其盈餘之數分給該兵作為零用。至蒙古向以牲畜合算。羊一百隻以上者方派兵差。數年來並未清理。所派兵數亦與舊章稍異。辦理實有未善。現已飭令該正副盟長等俟本年五六月間清查後如能再添兵數另行議奏請旨。此後蒙古兵技藝嫺熟即將巡河之兵隨時量減。該

大臣等務當遵照新定章程認真操練。俾技藝嫺熟。該蒙古藉資捍衛。不可視為具文。仍致有名無實。至另片奏防兵各安各卡口食運費向因格於舊章未敢據實呈報。歷係分別籌款捐辦。本非經久之計。現議設卡官兵應需口食運費各項除每歲額定經費外非酌增銀一千兩不能敷用。自係實在情形。著准其於司庫歸併兵餉款內撥銀一萬兩發商生息。每年所得息銀一千兩以補不足。其

防河兵丁向係於四月十月分作兩班更換。十月正當防河喫緊之時未便更易生手。嗣後著統歸四月一班更換。○旌表守正捐軀甘肅靖遠縣民黃見仁妻黎氏。○戊申禮部議准河南巡撫楊國楨疏報。採訪確山縣貞節婦女高徐氏等十七口。請建總坊旌表。從之。○旌表守正被戕直隸行唐縣民曹信妻劉氏。○己酉上詣綺春園問

皇太后安。○展緩直隸磁邯鄲成安三州縣上年地震災區新舊額賦有差以捐辦上年回疆口糧並防守出力免葉爾羌和闐二城回戶本年應徵普爾錢文並減運布匹有差。○庚戌諭軍機大臣等李鴻賓奏查明崖州黎人首要各兇匪姓名及起釁根由一摺此案黎匪韋色容因民人賣鹽高擡價值心懷不甘又以黎人賒欠鹽錢不還該民人捏稱奉官示禁不准將鹽售給該犯與張紅鬚懷

其阻絕食鹽。遂商同張亞基。糾眾搶殺洩忿。又有民人陳振魁等從中唆使。引誘同槍。經該督審明韋色容係劫殺首匪。當即凌遲處決。並傳首崖州黎村。懸竿示眾。以昭炯戒。著俟全案完結。再行彙同各犯罪名具奏。其崖州書吏鄭運光等及漢奸陳振魁。並各黎匪。均解至雷州監禁備質。現又緝獲匪犯黃咭鹿。王那三二名。漢奸張榮一名。俟審明一併定擬具奏。在逃之首匪張紅鬚等著嚴飭文

武員弁上緊躡緝。務獲究辦。據奏現在該黎人皆已聞風畏懼。不敢再出滋擾。各村耕作如常。所有廣州旗營官兵。著即行知該將軍毋庸籌撥。仍著該督察看情形。或尚有應辦事宜。必應駐彼料理。或無需在彼督辦。著該督自行酌量。回省。至該處地方官平日辦理不善。致有黎匪滋事之案。其是否另有別情。著查明一併附奏。所有該道及府州各員。必須委任得人。俾資經理。並一切善後章程。

俱著妥為籌議具奏。將此諭令知之。○以故奉國將軍都勒都禮子松年襲職。○以故杜爾伯特貝勒盟長齊默特多爾濟子巴咱爾咱那襲爵。以副盟長杜爾伯特扎薩克鎮國公諾爾布為盟長。○以翰林院編修李品芳為雲南鄉試正考官。禮部主事王藻為副考官。翰林院編修賈楨為貴州鄉試正考官。內閣中書彭作邦為副考官。○築浙江蕭山上虞一縣塘工。從巡撫富呢揚阿請也。○辛亥。

諭內閣。穆彰阿等奏履勘萬年吉地形勢。遵旨酌擬工程規制一摺。前經選定萬年吉地。降旨名為龍泉峪。所有建立規模。因地制宜。一切俱從簡約。現經穆彰阿等前往詳勘。著照前降諭旨。酌改寶城規制。方城。明樓。穿堂。諸券。琉璃花門。石像生。俱著撤去。大殿三間。單檐成做。甬路不必接至大紅門。至地宮寶頂。月臺丹陛。並建石牌樓一座。俱照所議辦理。宮門前著建一路三孔橋。其太監營房。毋

庸建造該承辦大臣等務當仰體朕意概從
撙節以副朕黜華崇儉之初志又據片奏請
於雙峯岫地方建立妃衙門亦著照所請辦
理○諭軍機大臣等穆彰阿等奏查明易州
所屬管頭村地方在龍泉峪案山之右風水
界內該處居民應行遷移從前風水界內占
用地方辦理俱有成案此次應行遷移之管
頭村居民戶口房間墳塋數目及圈入紅椿
內田畝樹株各若干數併現有廟宇應如何
辦理之處著琦善派委妥員詳細查明並將
應行撥給房基地畝擬定地方及應賞銀兩
一併具奏再降諭旨將此諭令知之○旌表
守正捐軀河南商水縣民王畛媳陳氏

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十七

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十八

蘇州府知府王德潤奏為本府屬仁閣大廟士女河間府知府王德潤奏為本府屬仁閣大廟士女河間府知府王德潤奏為本府屬仁閣大廟士女

天津府知府王德潤奏為本府屬仁閣大廟士女河間府知府王德潤奏為本府屬仁閣大廟士女河間府知府王德潤奏為本府屬仁閣大廟士女

天津府知府王德潤奏為本府屬仁閣大廟士女河間府知府王德潤奏為本府屬仁閣大廟士女河間府知府王德潤奏為本府屬仁閣大廟士女

天津府知府王德潤奏為本府屬仁閣大廟士女河間府知府王德潤奏為本府屬仁閣大廟士女河間府知府王德潤奏為本府屬仁閣大廟士女

天津府知府王德潤奏為本府屬仁閣大廟士女河間府知府王德潤奏為本府屬仁閣大廟士女河間府知府王德潤奏為本府屬仁閣大廟士女

奏

道光十一年辛卯五月壬子朔除河南湯陰

內黃三縣開治新衛河所占地畝額賦○以

福建大田縣米價昂貴命平糶倉穀○癸丑

上御勤政殿聽政○遣睿親王仁壽定親王奕

紹慶郡王綿懋分詣

天神壇

地祇壇

太歲壇惠郡王綿愉詣

宣仁廟祈雨○河南巡撫楊國楨奏准戶部

來咨京倉黑豆充盈除前次改徵粟米外將

應徵黑豆再行酌加成數改徵粟米擬將豫

省應徵黑豆五萬七千一百餘石自本年為

始再行改徵粟米十分之二下部知之○以

翰林院侍讀學士文蔚為詹事府詹事○以

派往阿克蘇防堵出力釋回遣犯一百二十

八名○甲寅

孝誠仁皇后忌辰遣官祭

景陵○諭內閣禧恩等奏參向子郡王銜貝勒

克克色布庫昨日誤班一摺克克色布庫平

日差使疏懶朕昨日御門辦事伊膽敢曠誤

懶惰已極克克色布庫著交理藩院議處○

乙卯

上詣綺春園問

皇太后安○遣成郡王載銳詣密雲縣

白龍潭神祠祈雨○諭內閣滿洲諸達斐森

布弓箭詣達富尼雅杭阿隨侍詣達富英阿

阿隆阿鍾靈錫圖勒渾德陞額平日教習隨

侍一切差使漫不經心交傳事件未能合宜

殊屬非是。此事若在當時發覺。定將伊等從重治罪。今事屬已往。姑免深究。斐森布、富尼雅杭阿、富英阿、阿隆阿、鍾靈、錫圖、勒渾、德陞額、俱著降一級。以示薄懲。嗣後再有似此等事。定將該諸達等從重治罪。決不寬貸。○諭軍機大臣等。寄諭兩廣總督李鴻賓、閩浙總督孫爾準、湖廣總督盧坤、雲貴總督阮元、浙江巡撫富呢揚、阿福、福建巡撫魏元烺、湖北巡撫楊懌曾、湖南巡撫蘇成額、廣東巡撫朱桂

楨、雲南巡撫伊里布、御史馮贊勳奏廣東瀕海通洋。向有匪徒拜盟結黨。伊祖籍該省。習聞會匪之風。近又訪獲圖樣一紙。聞匪徒糾結多年。勾連凡五十六省。名曰三合會。其黨分為五房。福建為長房。廣東為二房。雲南為三房。湖廣為四房。浙江為五房。每房各有頭目。以五色分為旗幟。入會者授以口號。各執圖一張。愚民多墮其局中。吏役兵丁半皆羽翼。請飭嚴密訪拏等語。會匪結黨聚眾。久干例

禁。如該御史所奏。勾結五十六省。執有旗幟。授以口號。尤應嚴行查辦。著各該省督撫通飭所屬。不動聲色。密訪嚴拏。務將為首匪徒緝獲。按律懲辦。散其餘黨。以絕根株。而安良善。如不認真察辦。將來釐致養癰貽患。惟該督撫等是問。將此各諭令知之。○大學士曹振鏞以喪子乞假。得旨。曹振鏞賞假十日。伊長子戶部郎中曹恩汁。原得一品廕生。加恩給子曹振鏞次子曹恩澂承廕。以示體恤。○黑

龍江副都統多隆武。因病乞解任。允之。以齊齊哈爾駐防協領全凌阿為黑龍江副都統。○實授鍾祥雲南布政使。○丙辰。子英吉沙爾陣亡。守備部萬得郭爾明、阿雲騎尉張倫、陳尚仁、千總郝廷齡、吳兆魁、把總劉大明、張珩、馬得功、效力武舉杜永康、朱潤、萬段、軒、外委張權、黃鈺、王祥、鄭廷玉、冉成、緒盛、元馬、永和、陳昌、劉保安、墨魁、馬騏、趙光、楊福、樊啓元、祭葬世職。○戊午。山西巡撫阿勒清阿奏嚴

禁永濟縣南北二灘私曬鹽斤。解州鹽池私梟斂跡。減撤原設槍手。得旨。剔弊除奸。當時要務。勉之又勉。毋被人欺。蒙為第一要著。○己未。諭內閣。陶澍奏籌議糧船夾帶私鹽。請扼要稽查一摺。江西湖南湖北安徽等省軍船。往往於回空時夾帶私鹽。必應嚴行查禁。據陶澍奏。天津一帶于家堡楊柳青獨流等處。及滄州之甌河地方。現經直隸委員巡查。著琦善嚴飭該員等查拏私艇。堵截囤販。有

犯必懲。以杜透漏。迨入江南地界。著該督派委徐州鎮道大員嚴密迎查。兼防河北漏私。至楊莊勾水起卸渡黃後。應於揚州之捺鹽廳停泊待查。惟該處河道窄隘。易致阻礙。行船。著該督酌派文武員弁。量擇上游河道稍寬之處。照例撥查。隨查隨放。如有例外夾帶鹽斤。悉行起除。根究出本。買鹽之風客。加等嚴治。幫弁旗丁。一併叅懲。至駛出大江以後。著將瓜洲儀徵撥查委員派至九江蕪湖等

處。會同各該關監督按船嚴查。所有水手人等。向遇撥查嚴緊。輒棄船四散。以圖挾制。委員恐誤歸次。往往敷衍了事。遂致肆無忌憚。自應申明定例。一船之內。丁舵為主。水手有犯。責在旗丁。如有逃匿。一面嚴拏究懲。一面督飭弁丁另雇水手駕船。趕幫受兌。不致有誤。該督務當督飭所屬認真稽查。俾糧私淨盡。以清弊端。而收實效。○又諭陶澍奏。准北商力積疲。請暫籌借項。官督商運等語。准北

商力疲累已久。此時招商僉辦。難得其人。且各處需鹽孔迫。不得不先籌運濟。據該督查明永豐壩現有存貯。歷次運庫發銀收買官鹽九萬一百七十二引。應擇誠實商人。借給水腳。領運分赴各岸。並遴員督運。俟其到岸。售有課銀。收回應完錢糧及鹽價借項。繳庫歸款。其各滯岸銷鹽無多。即由附近暢岸隨時撥往接濟。所需運腳銀兩。著照所請。准其在於己丑殘引加斤案內帶徵課銀。催商趕

緊交完。先行酌動銀二十萬兩。以十二萬兩為前項運腳之需。其餘八萬兩。因海州分公司所屬板浦中平。臨興三場。運商久不捆鹽。竈戶困苦。著查照上年原奏辦理。趕緊收買。即將收買之鹽存貯各場。俟本年秋單發運至壩。飭商領運。繳價還庫。所有收買發運事宜。即責成淮北監掣同知陳在文。妥為經理。仍趕緊招商接辦。以肅鹺政。又諭巴哈布等奏。籌款採買布匹一摺。塔爾巴哈台貿易亭。

向用官庫布匹等項。購換哈薩克牲畜貨物。如庫布不敷。即採買布匹。令官兵商民領買。繳價歸款。所得息銀。以備辦公之需。嗣准商民自販交換。報明貿易亭。官為取息。惟奸商祇知牟利。往往私換欠賒。所有息銀充公一項。輒致懸宕。不敷辦公。茲據該大臣等查明。請復舊章。並籌款採買布匹。著准其於上年所收官兵等請買納布茶封變價。及官廠牲畜扣價項下。除動支養廉鹽菜銀兩外。餘銀

五千餘兩。及官布鋪原存本銀二千餘兩。內將銀七千兩暫借支給。該大臣等即遵派委員。前往伊犁烏魯木齊等處購辦布匹。仍准軍民領買。每歲所得息銀。除備撥充公外。著飭令隨時撥節。即將前項動支銀兩。按年陸續歸款。以復舊章。而濟辦公。宗人府奏。大阿哥貝勒奕緯之嫡福晉蘇完瓜爾佳氏。應否追封。得旨。即行追封。又奏。現在之福晉烏朗罕氏。應否請封。仰仍俟五年一次辦理。得

旨。大阿哥貝勒奕緯現在之福晉。於二十七年月釋服後。即行請封。不必俟屆五年再行辦理。○賜皇長子貝勒奕緯諡曰隱志。○展緩江蘇富安。安豐。梁梁。東臺。何垛。丁溪。草堰。劉莊。伍祐。新興。廟灣。十一場水災帶徵電課。○庚申。

上詣綺春園問

皇太后安。○諭內閣。成格奏。撤叅縣令具稟挾制一摺。甘肅綏來縣知縣周慶曾。前因被控。

撤任。茲據該都統奏商民所控科派病民等款。已究出該員賄囑戶民張伯伏糾約侯會同等。控告田珍恃勢聚眾情事。迨拘傳該員應質家人。輒敢抗不交出。並稟稱前此接收交代。揭報虧短。該管道州抑勒接收。又以該商民楊毓秀控案。成格署中幕友。囑令該員賄和。具稟挾制。必應徹底根究。經來縣知縣周慶曾著即革職。派甘肅臬司惠豐帶同委員前往烏魯木齊秉公審訊。務得確情。並令

該革員將應質家人即行交出。一併審明。詳報揚遇春按律定擬具奏。尋奏周慶曾徵收糧石。欲更舊章。迨撤任質審。牽稟交代虧短。尚非有心挾制。惟失察家丁需索鋪戶。誣控商民。實屬昏庸溺職。業經奉旨革職。應毋庸議。從之。○又諭壁昌等奏查明葉爾羌陣亡被害伯克回子等子弟。請承襲銅頂並免派差徭一摺。葉爾羌四品伯克玉素普等或臨陣捐軀。或守城被害。前令壁昌等查明該伯

克等有無子嗣及近支可以承襲。茲據查明具奏。自應予以恩施。四品伯克玉素普之胞姪阿布拉。六品伯克邁瑪底里之子邁瑪底敏。六品伯克莫洛黑雅斯之子邁瑪特呢雅斯。六品伯克莫洛伊布拉依木之子邁瑪特哈色木。五品阿奇木伯克邁瑪沙並其弟蘇拉滿沙之胞弟散沙。五品伯克愛散之胞弟六品頂帶回子八則以上六名。均著援照成案。賞給五品銅頂。世襲罔替。照例豁免糧賦。

又金頂回子莫洛特依普之子邁瑪特西里普。金頂回子愛里木之子邁瑪特玉素普。六品軍功通事胡完之胞弟塔賴。金頂通事呢雅斯。素皮之子伊布拉依木以上四名。均著援照成案。賞給金頂。世職。遇有七品伯克及額設金頂回子缺出。擇其才具明白者。遴選拔補。又閒散回子玉素皮托胡達。買提沙。邁買底。托胡達。克伯克。伊斯瑪依爾。邁瑪底敏。伊布拉依木。胡完。邁買底敏等子弟十名。俱

著免其烏拉馬匹軍臺卡倫差使。以慰忠蓋而昭激勸。○江西巡撫吳光悅奏。南贛地方民情獷悍。屢有搶劫強姦。捉人勒贖訛詐等案。業已獲犯一百餘名。例應臬司勘轉。因犯多患病。尚未起解。適臣抵贛。查閱營伍。親加研訊。各供不諱。贛郡距省較遠。若解交臬司親審。恐途中病故。轉得倖逃。顯戮查盜劫姦人例內。載有奏請審決。臬示之文。是以專摺奏辦。俟奉到諭旨。將應決各犯。即在本地方

分別正法。臬示得旨。通達治理。必應如此懲辦。何可概從拘泥也。○浙江温州鎮總兵官蒲立勳。以親老乞養。允之。○以緝捕懈弛。前任浙江定海鎮總兵官龔鎮海。下部議處。革外委周嘉賓等職。○辛酉。諭內閣。鄧廷楨奏籌議查禁糧船夾帶私鹽各章程一摺。安徽省過境糧船最多。湖廣江西三省。夾帶蘆私淮私。皆有棍徒陸續收囤。現經該撫查明長蘆私鹽。則出自天津之公口岸。淮南私鹽。則

在揚州高郵寶應境內。由水路上船。淮北私鹽。則由海州沭陽縣陸路而至。著長蘆鹽政兩江總督。於糧船入境之先。嚴禁公口岸不准售私。並密派員弁查明向來窩囤處所。嚴密緝拏。因鹽本犯。從重懲辦。其包庇知情之地保鄰佑。分別治罪。並將窩房拆卸。變價入官。更有一種匪徒。盤踞馬頭。專為糧船通線散銷。從中取利。名為青皮。其著名馬頭。如當塗之四合山。銅陵之大通鎮。桐城之樅陽鎮。

五倡揚望江之華陽鎮。無為之土橋。最為扼要。此外不著名者。亦復不少。其積慣青皮。如山東岳泳庭等。已經該撫飭屬查拏報獲。提省審辦。其聞拏遠逸者。恐將來回空時。仍踞舊地。亦經該撫飭令地方文武留心察訪。並究出包庇窩留之人。按名拏辦。至販私正犯。名為風客。每年帶貨北上。及回空時。即將貨本買私。所獲利錢。與丁舵水手均分。朋比為奸。必應認真查禁。嗣後如有拏獲販私舵工。

水手。即著追究風客住址姓名。拏獲到案。按律懲辦。舵工水手。免其治罪。若甘心包庇。不肯供指。即比照販私三百斤以上。不供出賣鹽人姓名之例。於本罪上加一等治罪。儻係挾嫌誣扳。仍照誣告例加等辦理。至該撫所稱。舵工水手。往來挽運。工價不數。請於例帶土宜之外。加帶土宜三十石。一律免稅。是否可行。著署漕運總督吳邦慶體察情形。酌議具奏。○諭軍機大臣等。御史瞿溶奏。山西平

陽府暨霍州地方。常有兇徒數十人或百餘人不等。肆行搶劫。上年冬間。臨汾縣有強盜數十人。明火執仗。行劫該縣民人梁有緒家錢店。賊數盈千累百。事主店夥劉姓出捕。被盜用刀砍傷頭面。呈報到縣。該縣不為拏究正兇。僅獲夥盜數人。致事主赴省上控。至今未結。又趙城縣有大夥強盜。幾及百人行劫該縣民人申姓錢店。將事主拒殺身死。呈報後。該縣始則意存消弭。以盜為竊。繼復玩泄

從事。致盜犯獲而復逸。並不嚴究夥黨等語。地方官諱盜為竊。規避處分。或大夥強盜。僅獲數名。草率完案。致將兇徒漏網。實屬大干法紀。著阿勒清阿查明臨汾趙城等縣盜劫殺傷各案。該縣等如實有諱盜情事。即行據實嚴參。毋稍徇隱。其在逃之正兇夥盜。並著飭屬嚴拏務獲。按律懲辦。以儆兇徒而重捕務。將此諭令知之。尋奏臨汾縣城內梁有緒等錢鋪被劫一案。經飭平陽府督縣審辦。趙

城縣並無申姓錢店被劫報案。惟民人郭棟糧店。被賊行竊。拒傷郭棟身死。經委汾州府知府史夢蛟。赴臨汾趙城二縣詳查。得旨。斷不可受人欺朦。務要從實辦理。以儆玩泄而除強橫。勉之。○壬戌。諭軍機大臣等。據御史岳鎮南奏山東私梟情形。摺內稱山東鹽場共有十處。而產鹽最多者。莫如武定屬利津縣之永阜場。鄰境匪棍結眾多人。徑向灘內劫鹽。商竈並受其害。土人謂之鹽賊。道光四

年。經琦善大加懲創。稍知效跡。近因永阜場鹽大使何學傳。因循疲玩。廢弛驢務。復致巡役鹽梟。表裏為奸。河西各灘。往往有利津。濱州。霑化等縣匪徒。結聚二三百人。以至五六百人。執持兵器。赴灘劫鹽。而竈戶莫敢誰何。至河東一帶。與蒲臺。樂安。博興諸縣接壤。向來鹽梟尚少。近亦數十成羣。不時竊發。該地方官因事非專責。置若罔聞。而鹽大使何學傳。又護縱巡役。以致私梟日熾。官引不銷。現

當曬鹽之時。各灘俱有散鹽。請敕查辦。並據另摺奏。山東商人。自嘉慶初年。加斤浮春。竈戶不依。有永阜場鹽大使汪德潤。受商人每包規銀三釐。私增二十五斤。烙以火印。十年後。商人不遵火印。浮春無度。二十四年。鹽大使韓宣訓。又於三釐釐頭外。增加三釐。令商人每船照部例春鹽六包。名為號鹽。裝載艙口。運至蒲關。有濱樂分公司運同。及批驗所大使。僅將號鹽六包。稱驗放行。其餘鹽包輕重。

概置不問。即船到碓關。鹽運司委人稱驗。亦復如是。道光四年。鹽大使何學傳。又於六釐釐頭外。增加二釐。商人因場官收受陋規。陸續加斤。併無定數。近年以來。永阜場鹽商浮春。較前更甚。每包竟有三百餘斤。該竈戶之所以甘心受此者。蓋恐一經較稱。商人即彼此齊行。不買其鹽。又自揣勢力難與商敵。遂忍氣吞聲。任其浮春。且鹽大使何學傳。在任八年。但知得規庇商。罔計誤課病竈等語。私

梟充斥。最為商竈之害。至浮春鹽斤。竈戶尤為受累。必應確切查明。分別懲辦。著訥爾經額。鍾靈。將該御史所奏各情形。查明是否屬實。如果該巡役實有勾通梟匪作弊情事。即行從嚴懲辦。其鹽商春運。務須嚴飭所屬。遵照定例辦理。毋得私增鹽斤。儻仍浮春。即將該管官嚴行叅處。並將該商人從重治罪。至鹽大使何學傳。據該御史奏在任八年。藐法營私。護縱巡役。姑息養奸。如果屬實。尤應叅

辦。不可稍事姑容。並著查明據實具奏。將此諭知訥爾經額。並傳諭鍾靈知之。尋奏請先將鹽大使何學傳撤任質訊。得旨不准稍有庇縱。更不可被人欺朦。慎之。○考試應開列試差滿漢二品以下京堂各官於圓明園上書房。○禮部議准。安徽巡撫鄧廷楨疏報。採訪來安縣貞節婦女賀陳氏等八十三口。無為州季孔氏等二千二百七十七口。江西巡撫吳光悅疏報。安福縣劉朱氏等二千八百四十五口。各請建總坊旌表。從之。○癸亥。諭內閣。吳光悅奏。審擬已革巡檢稟許該廳歷任侵那流抵徵收錢漕一摺。此案江西前任蓮花廳已革巡檢馮懷。稟許該廳歷任徵收錢漕。有侵那流抵情弊。據該撫查明。該廳地瘠民貧。額徵漕米。每多延欠。歷任廳員。因兌限緊迫。動用庫銀買米。補足墊完。尚為急公起見。原有民欠可抵。與實在侵那不同。現計民欠積年漕米。共七千三十三石零。均係廣

宣。張德元。何錫光。李蔭樞各任內經徵。該員等以民欠漕米。抵原那庫款。較之市價。實共浮抵銀七千八百九十兩零。本應照那移例。參革治罪。惟那墊悉出因公。浮抵實由賠累。並非有心虧短。且官非一任。事閱多年。著加恩暫免治罪。於原那之廣宣。張德元。何錫光。李蔭樞各名下追繳。數在一千兩以上者。限六箇月。二十兩以上者。限九箇月。其現任江西之員。以奉旨之日起限。已離江西之員。以

原籍准咨之日起限。分別著追。逾限不完。現任降調人員。革職治罪。參革病故人員。照例於各上司名下分成著賠。至徐榮任內。並無那動庫項及浮抵情事。所有該員徐榮及廣宣等。原抵民欠漕米。自嘉慶二十三年起。至道光九年止。共米八千一百一十七石零。照例仍應催徵還墊。惟該廳被水之後。花戶更形貧疲。若照例限同時並徵。民力實有未逮。著准其照江蘇省墊完民欠漕尾作抵庫項

限追之案。予限三年。責成現任之員。催追。屆期未完。著落原墊各員。與勒限接徵之員。分賠。原墊之員。酌賠十分之八。接徵之員。按日酌賠十分之二。未完民欠。飭令後任照追。解司歸補。本案飭追無著之款。以杜刁民延欠。

○甲子夏至祭

地於

方澤。遣睿親王仁壽恭代行禮。○遣官祭

關帝廟。○諭內閣。琦善奏。遴員接管營田一

摺。此次豐潤營田一缺。著照所請。以大挑知縣周震青接管。該員係試用知縣。若三年之內。輪應補缺到班。仍准酌量請補。所遺營田。另行選委。如經管三年期滿。亦准一體奏明鼓勵。至直隸營田。據該督奏。成規早定。與創始之時。難易不同。與其每屆三年。遴員奏委。莫若仍歸霸州豐潤兩州縣。自行經營。著察看情形。悉心酌議具奏。○諭軍機大臣等。哈琅阿等奏。疊據差探卡外之弁兵。回子及布

魯特探報。距喀浪圭卡外三站路之沖巴噶什愛曼所管阿哈素魯地方。於四月十二日黎明。有馬賊三百餘人。搶掠布魯特三十餘戶人口牲畜。掣去差探六品伯克玉努斯同往探信之千總陳奉魁。並兵丁三名。皆不知下落。該大臣等現在嚴整行陣。以待等語。阿哈素魯地方。現據探報。有馬賊三百餘人。是否零賊搶掠。抑或係大股復來。均未可定。該大臣等嚴整行陣。以待。如果係大股賊匪入卡。力期持重相機。大加懲創。擒戮首逆。所見皆是。惟用兵之道。虛虛實實。此次該逆賊復行搶掠。務當揚言於眾。稱大兵已撤。現在祇留有兵丁千餘名防守。示之以弱。誘其前來。俾該逆自投羅網。若能將著名賊目設法擒獲。以伸國法。而快人心。實為極好機會。現已降旨。令長齡等。迅即飭令巴清德。齊克唐阿二員。先行馳往喀什噶爾。聽候該大臣等差遣。該大臣等。均久歷戎行。必須體察情形。妥

為調度。固不可輕率冒昧。更不可坐失事機。勉之慎之。至該大臣等現已交卸喀什噶爾參贊大臣印務。請將軍務參贊大臣關防開用。所奏是。著即將此項關防開用。以資調遣。將此由六百里諭令知之。○又諭哈琅阿等奏距喀浪圭卡外三站路之冲巴噶什愛曼所管阿哈素魯地方。於四月十二日。有馬賊三百餘人。搶掠布魯特人口牲畜。拏去伯克兵丁。當降旨令該大臣等相機妥辦。著長齡等即飭令巴清德齊克唐阿二員。迅速先行馳往喀什噶爾。聽候哈琅阿楊芳差遣調度。長齡等計此時均已行抵喀什噶爾。伊薩克案內人證。想亦陸續解到。該將軍等於審結此案後。迅即前往喀什噶爾。妥行籌辦一切。務擒賊目而靖邊圉。將此由六百里諭令知之。○直隸總督琦善奏麥收分數。得旨。今春雨雪勻調。二麥可望豐收。孰知入夏後反成亢旱。深為可惜。已交夏至。敬叩。

天慈。連沛甘霖。以成秋稔之慶。○移直隸鳳河汛把總為永定河南八工下汛把總。移駐河兵二十四名。添設河兵十名。從總督琦善請也。○乙丑。命刑部右侍郎戴宗沅。大理寺卿王楚堂。馳往山東審案。○以翰林院侍講悟勒喜淳。充日講起居注官。○丙寅。改派吏部左侍郎寶興。會同刑部右侍郎戴宗沅。馳往山東審案。○命戶部左侍郎汪守和。提督江蘇學政。○以翰林院編修丁善慶。為廣東鄉試正考官。孫日營。為副考官。湖廣道御史徐廣縉。為廣西鄉試正考官。內閣中書花詠春。為副考官。通政使司通政使文慶。為福建鄉試正考官。翰林院編修羅士菁。為副考官。○調工部尚書潘世恩。為吏部尚書。以都察院左都御史朱士彦。為工部尚書。吏部右侍郎江蘇學政白鎔。為都察院左都御史。調工部右侍郎申啓賢。為吏部右侍郎。以都察院左副都御史何凌漢。為工部右侍郎。兼管錢法。

堂事務。兼署禮部左侍郎。通政使司通政使姚祖同。為都察院左副都御史。○降上書房總師傅吏部尚書湯金釗。為兵部右侍郎。上書房行走禮部左侍郎龔守正。為通政使司通政使。○以貝子綿恩署鑲白旗蒙古都統。協辦大學士理藩院尚書富俊。署正藍旗滿洲都統。○雲南騰越鎮總兵官阿精阿。因病解任。以前任普洱鎮總兵官懷唐阿。為騰越鎮總兵官。

大清宣宗效天符運立中體正至文聖武智勇仁慈儉勤孝敏成皇帝實錄卷之一百八十八

大清宣宗效天符運立中體正至文聖武智勇仁慈儉勤孝敏成皇帝實錄卷之一百八十九

○諭內閣楊遇春奏遵旨查禁鴉片煙章程開單具奏據稱查明甘肅省現在尚無將罌粟花熬煙販賣之事惟成段地畝栽種罌粟恐致有收漿熬土不可不嚴示創懲以防其漸著責成地方官認真隨時查察如有違禁廣種罌粟即照新定之例從嚴懲辦儻地保兵役得規容庇俱治以應得之罪地方官查拏不力分別失察故縱叅辦其外來

道光十一年辛卯五月丁卯

上詣綺春園問

皇太后安○諭內閣楊遇春奏遵旨查禁鴉片

煙章程開單具奏據稱查明甘肅省現在尚無將罌粟花熬煙販賣之事惟成段地畝栽種罌粟恐致有收漿熬土不可不嚴示創懲以防其漸著責成地方官認真隨時查察如有違禁廣種罌粟即照新定之例從嚴懲辦儻地保兵役得規容庇俱治以應得之罪地方官查拏不力分別失察故縱叅辦其外來

商旅夾帶偷銷責令該省東南二路入境首
站及設有稅口之各州縣嚴密稽查一經獲
犯根究販賣來路暨經過稅口即將失察之
州縣故縱之吏胥嚴行叅懲不得藉端擾累
行旅至製造及販賣鴉片煙器具著照賭具
之例懲辦其有將煙具攜出修製者許匠工
首告量予獎賞並出示曉諭責成家長約束
僮同居子弟有販賣買食者別經發覺除本
犯治罪外著將家長照不能禁約子弟為竊

之例治罪仍令各州縣按季稟報責成該管
道府於年終出具所屬並無種賣鴉片煙切
實印結詳報該督於每年年終彙奏一次務
當實力查禁杜絕弊端不可日久生懈視為
具文致干重咎○戊辰

皇后千秋節宮內行禮如儀停止筵宴及在外
公主福晉命婦行禮諭軍機大臣等長齡
奏伊薩克一案仍赴阿克蘇會同玉麟審訊
及玉麟奏報行抵阿克蘇各一摺覽奏均悉

此時長齡計早已到彼會審著該將軍等趕
緊審結即會同馳赴喀什噶爾籌商勦撫及
善後事宜現據玉麟奏哈琅阿等酌擬減撤
解案赴阿克蘇之伊犁馬隊官兵經長齡檄
令仍回喀什噶爾並伊犁前派擡礮官兵一
百二十八員名均令孝順岱貴成一併帶回
軍營以備調遣等語喀什噶爾駐劄官兵較
多不特為防守該處之用儻賊匪前來窺伺
亦可藉以抵禦大加勦滅著長齡等體察情

形悉心計議將官兵中之不能得力者酌量
減撤其有用之兵留彼堵勦固不可虛糜糧
餉亦不可不豫為周防俾一兵得收一兵之
益至著名賊目目前此疊降諭旨飭令懸賞購
線計令縛獻迄今未見弋獲必須上緊設法
擒拏著長齡等遵照前旨務將前單內所開
賊目按名捕獲以淨根株是為至要將此由
五百里諭令知之○展緩湖南永綏瀘溪麻
陽三廳縣歉收屯田帶徵額賦 庚午諭內

闕京師入夏以來未得透雨前經降旨在黑龍潭

覺生寺設壇祈禱復派睿親王仁壽等恭祀

三壇派戴銳前往密雲縣

白龍潭拈香自

方澤大祀以後雖屢得陣雨總未深透農田望

澤甚殷必應虔誠祈禱朕於本月二十五日

親祀

天神壇虔申叩禱先期於二十四日進宮齋

戒其

地祇壇派惇親王綿愷

太歲壇派定親王奕紹著於二十四日在紫

禁城內齋宿次日隨朕詣

壇叩禱所有

三壇祝文著仍撰擬一篇派員同時跪祝用

申祇告並著派慶郡王綿懋詣

宣仁廟

凝和廟拈香派惠郡王綿愉詣

昭顯廟

時應宮拈香均於二十四日在紫禁城內齋

宿次日同時虔誠叩禱所有朕此次親祭各

事宜著該衙門敬謹豫備○又諭那清安等

奏副指揮與假照案內要犯係屬至戚請旨

撤任一摺揀發西城副指揮錢承禮係已革

副指揮錢駿胞兄弟與逃犯謝孚宸至戚該

員職司緝捕日久未將要犯拏獲難保無打

點漏洩情弊且該員三代籍貫與錢駿又復

互有異同錢承禮著撤任交刑部審訊究明

謝孚宸下落迅速嚴拏務獲該員前所得儘

先補用之處著即註銷著該城查明錢駿如

尚逗留在京即行押令挈眷回籍交地方官

嚴加管束並著該省督撫於何日回籍據實

具奏嗣後司坊各官無論實缺及揀發人員

俱著吏部開明三代咨送都察院以備查覈

○又諭哈琅阿等奏查明被裏回子伯克請

分別加恩等語喀浪圭卡外冲巴噶什布魯

特愛曼本年四月有馬賊擄掠回戶千總陳奉魁伯克玉努斯等出卡探信突遇賊匪或殺賊陣歿或不屈被戕情殊可憫除該千總兵丁照陣亡例賜卹外所有逃回報信之回子阿布都八海著加恩賞給藍翎遇有六七品回弁缺出量加擢補其同伴回子愛依提著確切查明如實係被害再行奏請優卹六品伯克玉努斯著該大臣等查明有無子嗣照例奏請恩施六品布魯特比莫瑪克之子

鐵牌拜底奉差先回幸脫於難伊父既經被害著將所遺六品比加恩即賞給鐵牌拜底並加賞藍翎以示鼓勵○又諭史譜奏查訊西安府清軍同知衙門有投充效力把總大概情形一摺陝西西安府清軍同知衙門詳報頂補科場效力人等據該撫查明節年以來並無把總名目現經署鄜州直隸州知州清軍同知朱世鐸供認接收辦公津貼銀兩給有效力把總委牌已屬糊塗錯謬朱世鐸

著先行革職前署清軍同知印務佛坪同知景梁曾亦有辦過投效把總底稿著先行解任歸案質訊該撫即提齊案內應訊人證徹底究辦毋稍含混其自乾隆五十八年起歷任正署同知除已故外所有告病回籍回旗各員著分別在任久暫辦過名數若干定案時另行彙辦至史譜自請議處並臬司楊名颺及歷任各上司失察職名均俟定案時再降諭旨又另片奏據周鼎供尚有山西人王

台孫王志年曾向伊託辦投充效力之事訊據王台孫等供稱係同鄉杜楷等託辦並無侵隱銀兩情弊著即咨提杜楷等質訊明確惟據奏陝省貿易客民經同鄉託為報充效力事所常有未必盡借此漁利至該同知衙門辦理錯謬亦非外省鄉愚及該省商旅所能知悉其為無辜被累自係實在情形若紛紛提質未免煩擾此後如再有究出代人報充者令其到案具供若所稱銀數與周鼎質

對無異其有無侵隱之處姑免深究即將所具供詞知照該省出示曉諭俾持有委照之人咸知此項效力屯軍並無頂帶其委牌雖不繳銷已同廢紙如所交銀數與告示內多寡不符即在各該省呈明著追以省拖累○戶部議准兩廣總督李鴻賓疏報新寧縣墾築窰地五十四頃八十九畝有奇照例升科從之○辛未諭內閣昨因京畿望澤甚殷朕定期親詣

天神壇虔申叩禱並派惇親王綿愷等分詣地祇壇

太歲壇行禮

宣仁各廟拈香昨日未刻澍雨滂沛連宵達旦本日據順天府奏入土深透仰荷

昊慈垂佑朕心實深寅感朕於二十五日進宮

齋戒二十六日親詣

天神壇報謝仍派惇親王綿愷詣

地祇壇定親王奕紹詣

太歲壇行禮慶郡王綿懋詣

宣仁廟

凝和廟惠郡王綿愉詣

昭顯廟

時應宮拈香致謝所有應行一切典禮事宜著各該衙門敬謹豫備○又諭陶澍奏請將緝捕得力之守備遊擊仍留原省等語江南蕪采營陸路守備趙瑾著准其留於江南遇有都司缺出先行升補其現由部選升直隸

三屯協都司之缺著該部另行選補又蘇松鎮標中營遊擊鮑起豹京口水師右營遊擊孫廷揚俱著准留江蘇省遇有外海水師參將缺出分別升補現當整頓淮艦之際朕念其因事制宜量為變通此次姑允所請嗣後不可動引為例也○又諭陶澍奏酌定楚西等省鹽船到岸限期並委員巡緝以杜夾帶盜賣一摺楚省商運江船行走限期舊例已為周密惟運鹽至江西省向未定有限期限據

該督查明程途比較楚省限期酌定著照所議小船定限二十日中船定限三十日大船定限五十日責成淮南監掣同知於商人雇船運鹽前赴楚西視引數之多寡定雇船之大小以裝滿九分為率不許留有空艙致多夾帶至安徽河南各口岸鹽船既分江湖兩運兼有換船起剝之處其船並無大小著以淮安城北烏沙河開運之日起定限每日行三十里將盈補絀按程途之遠近扣日期之

多寡責成淮北監掣查驗開行均不得留艙夾帶仍將開行及到岸限期並喫水尺寸另給催趲限單抵岸投驗由各該鹽道認真查對儻有中途風水阻滯照楚省舊例准其據實呈報如逾限不到即行查辦至夾帶賣私之弊楚西一路為尤甚往往鹽已賣盡即捏報淹消從前曾委武職員弁巡緝嗣經裁撤著仍復舊規每年酌委參遊守備或文職二員自儀徵大江溯流巡緝至湖口分路一往

江西一往漢口仍由原路查回儀徵換員前往接巡責令訪查夾帶賣私捏報淹消等弊並令沿途催趲行運毋任稍有逗留其所委之員該督仍隨時查察勤惰分別勸懲總須認真辦理杜絕諸弊俾鹽引暢銷釐務日有起色不可虛行故事日久仍視為具文以致有名無實○命密雲副都統佈勒亨詣白龍潭神祠謝雨○旌表守正捐軀河南滑縣民魏興幫妻朱氏○戶部議准護浙江巡

撫慶善疏報仁和場新墾窰蕩十頃五十一畝有奇照例升科從之○壬申命慶郡王綿懋詣

黑龍潭神祠成郡王載銳詣

覺生寺謝雨 癸酉

上詣綺春園問

皇太后安○諭內閣楊國楨奏查明豫省並無種賣鴉片煙之處仍申明例禁一摺鴉片煙流毒最甚前因地方官並不實力查禁降旨

通諭各省督撫查明嚴禁妥議章程茲楊國楨奏豫省民風淳樸飭屬確查據陸續獲到均無種賣摺內僅稱申明例禁以防未然並未將如何查禁之處明定章程豫省為各省通衢五方雜處匪徒賣食事所必有該撫何得以各屬具報均無種賣遂信以為實所稱申明例禁出示曉諭均屬徒託空言何以使地方官實力奉行奸民知所儆懼著遵前降諭旨悉心妥議將與販奸商及買食之人並

民間種植應如何設法嚴禁分別懲治之處明定章程具奏○諭軍機大臣等給事中邵正笏奏浙江會匪滋事請飭嚴拏懲治一摺據稱紹興府嵊縣地方有鈎刀會匪百十為羣橫行鄉曲聯盟聚夥設有人名總冊八會者各給憑帖一紙鈎刀一把故謂之鈎刀會分立大黨小黨名目該縣東山村富戶金有鑑父子向捐職銜結交官長推為一會之首其餘棍徒裴開章訟師裴大炳及裴朝象王

全老馬明珠等皆自立為偽官書差大半係其黨羽勾結各鄉各鎮遊手好閒之徒捐資入會不下一二千人起有老三十六太保小三十六太保等綽號每年於十月十六日各帶二尺長鈎刀聚集村莊賽神演戲七月二十七日以迎元帥會為名經由處所恣意勒索如居民有紅白事件及年節等日橫索錢財稍不滿欲則打搶劫奪甚而姦淫婦女焚掠鄉村拒捕傷人無所不至聞上年該省大吏訪查飭府縣拘拏即有會匪拒捕刃傷縣差之案迨獲犯多人並獲會首金有鑑之子仍不從嚴究辦率存化大為小之見捏詞稟覆等語會匪聚眾結黨橫行鄉曲地方官必應隨時嚴拏懲辦若如該給事中所奏情形該府縣既經縱容於前又復諱飾於後將來日人蔓延必至釀成巨案著孫爾準富呢揚阿督同臬司陳鑒派委妥幹員弁嚴密訪查如實有鈎刀會名目迅將首從各犯按名拏

獲盡法懲治並查明上年該處是否有會匪拒捕刃傷縣差之案及拏獲會首金有鑑之子是否該府縣化大為小捏詞稟覆如果屬實即著嚴叅懲辦毋許含混將此諭知孫爾準富呢揚阿並傳諭陳鑾知之尋署總督魏元烺奏訊明袁開章因與袁小老虎妒姦起釁糾黨爭毆因而恃眾詐害行兇鄉人號袁開章一夥為鈎刀黨訊無私立偽官及行劫強姦情事金有鑑查係副貢平日安分惟其

弟職員金有鏗曾夥同袁開章等尋毆擬將袁開章發往伊犁種地當差袁小老虎金有鏗馬明珠袁小敦裕袁朝相王全老發極邊充軍餘分別問擬杖徒下部議從之○賞己革兵部左侍郎奎熙翰林院編修己革通政使司通政使奎耀筆帖式以估辦萬年吉地工程再予勘選之候補州判戴澤同等升補有差○展緩江蘇海沭陽二州縣積水村莊新舊正雜額賦 甲戌

孝恭仁皇后忌辰遣官祭

景陵○諭軍機大臣等據阿勒清阿奏革弁張萬洪控告總兵李白玉聽千總閻慶挾嫌挑唆將其斥革並參將魏光德等以革弁並無過犯回稟該總兵忿怒叅奏嗣魏光德照閻慶底稿將伊詳革該總兵旋將奏摺追回又牽及該總兵赴閻慶家拜壽掛扁並其妻赴廟看戲暨閻慶曾經犯罪枷杖今復拔補千總等語革弁張萬洪所控各款事關大員被

許必應徹底根究著阿勒清阿將千總閻慶先行撤任提齊全案人證秉公嚴審如果該總兵實有干犯功令之事即行據實嚴叅毋許稍有不實不盡將此諭令知之○以直隸銀價未平仍停寶直局額鑄錢文從總督琦善請也○乙亥諭內閣戴均元子戴詩亨加恩以七品小京官用伊孫戴嘉德加恩賞還舉人英和孫錫祉加恩以六部筆帖式用○又諭訥爾經額奏訊辦興販鴉片煙人犯一

摺鴉片煙流毒最甚。前降旨通諭各省督撫實力查禁。並妥議章程。茲據訥爾經額奏。飭屬確查。節據歷城縣暨膠州會同委員訪獲藏匿興販鴉片煙人犯張啓育。法夢書等二十二名。起獲煙土四千六百餘兩。查拏甚屬認真。惟該犯等興販煙土至數千兩之多。隨地銷售。夥黨必眾。且恐此外奸商興販。及買食之人。正復不少。尚須嚴定章程。杜絕弊端。並嚴究現獲人犯。買自何處。販自何人。毋得任令狡供。以買自不知姓名之人。不復究詰。僅將本犯擬罪完結。致涉寬縱。現在東省雖無種植罌粟。葵花收漿熬煙之事。但恐外來奸徒煽誘。不可不豫為周防。杜其萌蘖。著飭令各州縣隨時認真訪查。按季稟報。每屆年終。由該管道府出具並無種賣鴉片煙切實印結。詳報該撫具奏。一次不得日久視為具文。致干重咎。又據另片奏。請將首先訪犯查拏多名之試用未入流羅璋。遇有本班缺出。

儘先補用等語。試用委員隨同訪緝興販鴉片煙人犯。係屬分所應為之事。如果實在出力。該撫祇可自行量加獎勵。乃該撫輒奏請將羅璋儘先補用。祇知鼓勵一人。不思杜絕眾惡。濫行瀆請。致開奔競之門。此風斷不可長。所請著不准行。諭軍機大臣等。都察院奏豐潤縣民以曹士英遣子曹坤赴京具控一案。此案曹坤之兄曹生向充薊永鹽運分司茶房。據稱運判王世謨素性貪淫。逐妻買妾。令衙役興販糧米雜貨。各處置產。又放利債八萬兩。盤剝本屬商人。全裕成義合泰常令曹生收取利息。隱恨曹生多言洩漏。欲置死地。嗣因曹生向人洩伊謀買婦女。又取商人利息數目稍錯。該分司當晚傳曹生進署。不知如何逼勒身死。喚曹生之妻李氏進署說合。將屍擡出。盛殮有陳泳年眼見屍身發青。口有血跡。可證嗣經曹坤赴總督鹽院衙門控告。復轉委遵化州審訊李氏及干證人。

等俱被該分司買囑串供不認惟陳泳年將屍身情形據實供吐即被鎖押班房曹坤具結請檢又被掌責批飭不准於本年二月朦混詳銷等語案關職官被控貪淫牟利並迫斃人命重情如果屬實大干法紀必應嚴行究辦著琦善督同臬司花杰秉公嚴審逐層根究務得確情以成信讞將此諭知琦善並傳諭花杰知之○命都察院左副都御史姚祖同以原品休致○旌表守正捐軀山東鄒

縣民劉加愚妻杜氏○緩徵山東濟寧曲阜

二州縣及臨清衛被雹村莊額賦○丙子

上詣

大高殿行禮○還宮○諭軍機大臣等有人奏奏成都將軍那彥寶上年赴任之時將次到川傳發硃單令地方官豫備夫馬家丁需索陋規且性情倨傲於公事不能悉心講求接待屬員並不照一定儀注川省員弁兵民嘖有煩言等語著鄂山密查該將軍辦理公事

及聲名若何並被劾各情查明據實具奏毋稍徇隱將此諭令知之○又諭有人陳奏鴉片煙積弊請杜絕來源一摺據稱夷船私帶煙土來粵竟敢於附近虎門之大魚山洋面另設夷船囤積稱為鴉片躉並有夷目兵船名曰護貨同泊一處勾通土棍以開設錢店為名暗中包售煙土呼為大窰口如省城之十三行聯興街多有此店奸商到店與夷人議價立券以憑到躉交貨謂之寫書又有包

攬走漏之船名曰快鞋來往如飛呼為插翼其船星夜遶行所過關津遇有巡丁追邏竟敢施放槍礮關吏莫敢誰何又不報官懲辦是以肆無忌憚此種快鞋現有一二百隻之多凡由躉送貨至窰口者皆係此等船包攬各巡船通同作弊按股分贓包庇行私其弊尤甚其銷售各路如福建之廈門直隸之天津廣東之雷瓊二府皆由窰口立券到躉交貨其餘各省私販入口出境均係快鞋船包

送出境必由之口如南海屬之仙管汛。關石汛。紫洞口。落松海口。香山屬之黃圃。三水屬之西南汛。蘆包埠等處其由大窰口分銷內地。悉因奸民串同各衙門蠹役開設私局。名為小窰口。各處城鄉市鎮所在皆有查煙土一項私相售賣。每年紋銀出洋不下數百萬。是以內地有用之財而易外洋害人之物。其流毒無窮。其竭財亦無盡等語。鴉片煙流毒最甚。前已屢降諭旨。通飭各直省督撫各就

地方情形。設立章程。嚴行查禁。惟鴉片煙多係來自外洋。實聚於廣東。若不杜絕來源。是不揣本而齊末。雖內地嚴定章程。於事究無裨益。現經有人條奏所陳各弊。是否實在。情形著李鴻賓等確加查覈。如何使煙土不能私入洋面。不能私售各夷於貨船之外。不得另設船隻之處。悉心酌議。務將來源杜絕。以淨根株。勿令流入內地。以除後患。該督等若能盡心盡力。除中原一大害。厥功不小矣。勉

益加勉。將此諭令李鴻賓。朱桂楨。並傳諭中祥知之。○長蘆鹽政鍾靈奏。拏獲囤積轉販私鹽。並偷埽土鹽。售賣等犯。得旨嘉獎。○賞莊襄親王綿課子己革不八分輔國公奕。勝。為奉國將軍。己革鎮國將軍奕。勳。為奉恩將軍。己革輔國將軍奕。興。為二等侍衛。己革頭品頂帶奕。慶。為三等侍衛。○以謝雨三壇。齋戒一日。○丁丑。

上詣

天神壇謝雨。○詣

關帝廟拈香。○幸圓明園。○以和闐守城出力。釋回遣犯二十三名。○戊寅。以故奉恩將軍德春子安祿襲職。○以吏部郎中汪河為湖南鄉試正考官。江西道御史岳鎮南為副考官。鴻臚寺少卿閔受昌為四川鄉試正考官。翰林院檢討譔厚光為副考官。○己卯。御製慎德堂記。曰。崇儉去奢。慎修思永。孰不知其所當然哉。非知之艱。行之惟艱。在士大夫

猶患其位不期驕而驕祿不期侈而侈膺天命紹大統者可不兢兢焉惴惴焉懷夫皇天無親惟德是輔念夫祖功宗德創垂不易後世子孫坐享承平之福縱不尚奢華無所加增自問已覺不安矣若敗度敗禮視富貴為己所應有是直不可與言者也又奚能常保厥位耶况我大清

龍興東土首重樸實

列聖丕承凡心法治法無非以勤儉訓後誠以

世變風移敝化放心有不期然而然之勢苟非操之固審之精樸素自甘慎終如始難與言儉也至於飲食勿尚珍異冠裳勿求華美耳目勿為物欲所誘居處勿為淫巧所惑此猶儉德之小者不作無益害有益不貴異物賤用物一絲一粟皆出於民脂民膏思及此又豈容逞欲妄為哉所謂無為而治俾天下陰受其福而民不知者是也然行儉責在一人不以天下自奉非概從慳吝也若救饑拯

溺去暴安良國用之常經民生之休戚正措施之不遑又何可稍存吝惜於其間也是以修身務存儉約之心以期永久圖治之道可不加慎而切記之乎○諭內閣長良奏織造衙門公費不敷歷年墊用銀兩請在應支養廉銀內分年扣存清款一摺所奏是江南織造衙門不敷公用銀兩據長良查明始自乾隆六十年截至道光十年計積欠至一萬一千二百餘兩之多歷任織造因無款籌補皆於庫存應繳藩庫未銷額支銀兩內暫行墊用年復一年積數愈多虧欠愈難彌補自應及早清釐以免日久懸宕著照所請准於該織造實支養廉銀五千兩內每年坐扣銀一千兩自本年起到道光二十一年止陸續扣還清款嗣後申餘款項辦公設有不敷即由織造衙門自行撙節通融辦理不准再行借支正款○喀什噶爾參贊大臣璧昌等奏喀什噶爾等八城年班伯克暫緩進京俟善後

辦竣再行照例輪派從之○庚辰

上詣綺春園問

皇太后安○諭軍機大臣等據都察院奏已革員外郎博勒洪武因庫貯金銀祭器被竊參奏革職具呈申訴據稱二月二十一日辰刻至已正該革員遵例在園查驗送交牲隹二十三○亦有查辦差使此二日未經到署向來二層庫門鑰匙係禮部學習贊禮郎慶善收存內庫門鑰匙係禮部學習贊禮郎富昌

阿收存等語此案前據有麟等奏庫內金銀器皿被竊因該革員掌管鎖鑰且正賊係所屬之人是以照部議革職示懲茲據呈稱開庫封庫之日該革員並未到署且庫門鑰匙係慶善富昌阿收存非伊管帶何以有麟等原奏內並未將慶善參奏著將原呈發給鍾昌閱看即將呈內所稱各情節並二層庫門鑰匙是否係慶善收存內庫門鑰匙是否係富昌阿收存查明據實具奏將此諭令知之

○又諭都察院奏福建晉江縣民人賴敬良等各以劫擄斃命等詞具控已明降諭旨交孫爾準魏元烺督同臬司光聰詣嚴審矣控關兇徒糾眾劫殺棄屍門丁胥役包庇延擱案懸四五年不為究辦並據該民人等結稱賴敬良在本府控告二次臬司巡撫衙門各控告一次許繼在本府控告八次本道臬司巡撫總督提督衙門各控告一次李全生在本府控告四次臬司控告二次本道巡撫衙

門各控告一次俱未親提如果屬實該省上司及地方各官玩視兇徒糾眾劫殺重案任聽丁役受賄舞弊吏治民風豈復可問著孫爾準魏元烺督同臬司光聰詣即將各案犯證親提嚴鞫務得確情按律究辦並查明各案在各上司衙門具控次數何以並不親提訊辦一併據實具奏毋稍徇隱致干重咎將此諭知孫爾準魏元烺並傳諭光聰諧知之尋奏原告賴敬良在本省控告次數數與京

控相符前因兇犯未獲屍未起驗無從提究
現親提各犯研鞫據供賴時私宅吳民田水
吳民用竹銃嚇放致傷賴時斃命吳民依擅
殺罪人律擬絞監候林河因子林廠被許姓
人趕毆逃回起意糾擄許繼勒贖洩忿被許
繼之父許贊趕追拒傷許贊身死林河依拒
捕殺人律擬斬監候在逃三年照例改為斬
立決李權生與黃侃爭毆銃傷黃侃身死黃
侃堂叔黃柏亦點竹銃致傷李權生斃命黃
柏係死者有服之親照例減等擬杖一百徒
三年下部議從之○加
靈佑襄濟顯惠黃大王昭感封號
清和宣惠風伯之神康濟封號從兩江總督
陶澍請也

大清宣宗效天符運立中體正至文聖武智勇
仁慈儉勤孝敏成皇帝實錄卷之一百八十九

實錄卷一百八十九

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十

監外總裁官藤道日講起居注官太子太保體仁閣大學士文淵閣領閣事管理戶部事務少詹事師清翰林院掌院學士兼管

天啓時尹事移隨學加五級乾隆十八次臣賞授總兵官陞運糧官吏部尚書孫蘇穆爾漢子即統管理劉世居城內官居大臣舊家內

七金大臣稽察會同四譯館事務加一級隨帶加六級軍功加三級配錄五次逆花沙納縣縣官文所開提舉閣事兵部尚書總管

內務府大臣領白旗滿洲郡既轄家內七倉大臣管理家人府銀庫在其幼伯學
憲壽宮開明園等處稍建紫柳茶膳房柳藥房

醫院進新處事務簡章加十八條其阿雲阿刺媳數官銓道填官兵郭南喬簡章加六款紀錄二十次臣周祖培等奉

Order	Author	Title	Year	Journal	Volume	Page
1	Wang, Y. & Zhang, H.	Effect of temperature on the growth of <i>Chlamydomonas reinhardtii</i>	1998	Journal of Microbiology	138	123-128
2	Li, X. & Chen, L.	Characterization of a novel <i>Chlamydomonas reinhardtii</i> mutant with enhanced lipid production	2001	Journal of Microbiology	141	156-162
3	Wang, Y. & Zhang, H.	Effect of temperature on the growth of <i>Chlamydomonas reinhardtii</i>	1998	Journal of Microbiology	138	123-128
4	Li, X. & Chen, L.	Characterization of a novel <i>Chlamydomonas reinhardtii</i> mutant with enhanced lipid production	2001	Journal of Microbiology	141	156-162

道光十一年辛卯六月辛巳朔諭軍機大臣

增補卷一百九十一

等盧坤奏前在關中閱看陝甘總督楊遇春教演之速戰陣其擡礮一項連環施放高下皆宜實為神速利器現擬於楚省七營照式鑄造七十尊噴筒一百四十桿挑選兵丁演習惟該省將備向未諳習必須熟悉員弁操練方期得力等語著楊遇春史譜即於陝西撫標內選派諳悉速戰陣之千把總二三員酌帶演放擡礮兵丁數名並製造礮位工匠二三名飭令赴楚製造教演以資練習俟該

省兵丁熟習後即令仍回原營當差將此諭令知之○修湖北荊州將軍左右翼副都統衙署從總督盧坤請也○壬午

上奉

皇太后幸慎德堂進膳○調陝西布政使裕秦

為安徽布政使安徽布政使恩特亨額為陝

西布政使○命停本年秋審朝審情實罪犯

勾決○癸未

上幸靜明園詣

續集卷一百九十

龍神廟拈香。○緩徵直隸大興宛平阜城東光南皮冀南宮新河衡水武邑深武強交河棗強十四州縣被旱被雹村莊新舊額賦○甲申諭內閣龍泉峪萬年吉地工程前派托津等勘估錢糧茲據奏請由工部堂官遴派熟諳銷算司員會同所派各員詳加估計現在承修吉地大臣內穆彰阿阿爾邦阿皆係工部堂官若此時由該部派員會估將來仍歸該部銷算是自估自銷殊屬未便托津等

現已揀派司員著即督同該司員等妥為勘估。覈實具奏。○改造福州滿洲營擡礮四十門。添製督撫提鎮協各標擡礮一百三十七門。從將軍薩秉阿等請也。○以捐修山西臨晉縣書院考棚。予知縣廉九經等議敘有差。○乙酉諭內閣戶部奏覈議兩淮墊占各款分別辦理一摺。兩淮所有占礙各項銀款共一百二十三萬九千四百五十三兩零。據戶部查明與前任鹽政鍾靈清查截數以前墊用銀兩事同一律。現既未能歸補著照該部前議准其一併暫緩帶徵俾免牽掣仍著該督一俟鹽引暢銷即行趕緊籌補毋得藉詞延宕。至本年辛卯開綱以後該運庫徵收各項銀兩自應遵照新定章程分別正雜另款存貯。前經該部奏明永遠不准再有那墊著責成該督隨時嚴密稽查如有陽奉陰違立即指參究辦以杜弊混。至另片奏請徵解新疆經費並催徵加價正課等語著陝甘總督

將庚寅綱應解該處新增經費先於此次存勝軍需款內暫行撥出銀二十萬兩以資接濟。仍俟兩淮銀兩解齊即行照數劃還歸款。至兩淮辛卯綱引現在業已開徵著飭令該督即於辛卯新增引課內趕緊催提銀二十萬兩迅即委員解赴甘肅藩庫轉解新疆應用。毋再遲延。其庚寅綱引既未開徵自係無從徵解著於甲午綱引內遞行徵解以足原撥一百萬兩之數。又加斤銀兩前據該督奏

請酌借二十萬兩為淮北運腳及收買竈鹽之用。此項銀兩尚未徵完已據豫籌借用恐甫經清釐又啓那動正課之漸除此次仍准動用借給外其本年應行帶徵之加斤正課尚有三十餘萬兩著該督隨同辛卯綱實力催徵一俟徵有成數即行報部候撥嗣後不得再將外支款目動用正課以重帑項而免轉贖。○旌表守正捐軀山東臨清州民婦劉邢氏女劉氏。○丙戌禮部奏則例內載恭遇

萬壽大慶聖節。此一月內。王公百官。咸衣蟒袍。今本年八月初十日恭遇。

皇上五旬萬壽聖節。理合循例具奏得旨。本年朕五旬萬壽。王公百官。仍著穿蟒袍補服七日。○馬蘭鎮總兵官鍾昌履奏。查明博勒洪武呈訴各款。得旨。前據都察院奏。已革員外郎博勒洪武。因庫貯金銀祭器。被竊。叅奏革職。具呈申訴。降旨令鍾昌查明據實具奏。茲據將各情節逐款覆奏。著刑部傳到博勒洪

武。訊明覈辦。尋奏。原叅本無屈抑。博勒洪武具呈希圖卸罪。應照不應重律杖八十。照律收贖。從之。○貸江蘇淮安衛被災屯丁籽種。

○丁亥。

上御勤政殿聽政。○諭軍機大臣等。步軍統領衙門奏。江蘇安東縣民張橋興。抱控張克賢等聚眾起會。挾嫌誣賴伊堂兄張俊達等情一案。已明降諭旨。交程祖洛審訊矣。此案張橋興所控張克賢等。因挾伊堂兄張俊達不

賣地畝之嫌。勾串地保鄭部成兵丁熊秀文等。誣賴張俊達。施放火槍。又張克賢等多人將張單氏搶去。嫁與王姓為妻。反誣賴張俊達搶奪。並賄囑縣役徐紹章等。將張俊達看押各情。是否屬實。著該撫提集人證。研訊確情。定擬具奏。至所控張克賢等在該縣五港鎮聚眾二百餘人。起立擡天大會。藏有火槍器械。張克賢張克貫張克善均為會首。地方匪徒結會。例禁綦嚴。至聚眾二百餘人之多。

併藏有火器。尤屬大干法紀。著程祖洛密行察訪。如果實有其事。務當拏獲嚴加懲辦。據實具奏。俾匪徒知儆。以靖閭閻。將此諭令知之。尋奏。張克賢等實無聚眾起會情事。張俊達依誣告重事。不實律發極邊煙瘴充軍。下部議從之。○刑部奏。審明毒斃二命犯婦並匿犯毆差之前。署總兵家人按律定擬得旨。此案周順倚恃身係署總兵家人。膽敢匿犯毆差。情殊可惡。若僅照威力制縛人於私家。

拷打律擬杖。未免情重法輕。周順著照棍徒
屢次行兇。擬軍例上量減一等杖一百徒三
年。雖年逾七十。不准收贖。再加枷號兩箇月。
周來喜與伊父周順容。留犯人罪坐其父。律
得免罪。惟幫同抗差。並將坊役毆傷。應照凡
人首從科斷。周來喜著於周順徒三年罪上
減一等杖九十徒二年半。再加枷號一箇月。
以示懲儆。前署左翼總兵聯順失察家人滋
事。著交部議處。餘依議。○兵部尚書松筠奏。

喀什噶爾一帶。現駐官兵不下萬計。業經調
餉八百餘萬。若仍多駐官兵。不但轉運維艱。
該處回戶供應苦累。難保不復滋生事端。此
次籌辦善後。必須計出萬全。所有喀什噶爾
參贊大臣。請仍遵舊制。駐劄烏什。其喀什噶
爾。應改設正副大臣二員。辦事之司員筆帖
式等。並卡倫滿兵。綠營官兵。由烏魯木齊各
城派往。年滿更換。各卡倫派侍衛一員。輪班
駐守。其卡倫以外。布魯特霍罕等。無論有何

事故。嚴禁官兵。毋許出卡查探。以杜弊端。英
吉沙爾。毋庸專駐。大臣安集延。回眾向以貿
易為生。請明降諭。旨永弛茶葉之禁。至南路
各城回眾。向與安集延結姻。應循舊聯姻。以
順夷情。回戶安居樂業。雖邊疆重地。亦可無
煩兵旅矣。得旨。著交長齡等於會議善後時
悉心妥議具奏。○追旌明季殉節捐軀江蘇
武進陽湖二縣紳民貢顯祚等八十九名口
如例。○戊子。

上詣綺春園問

皇太后安。○諭內閣。已革前鋒德楞額。先因誤
差曠班。被本管委前鋒侍衛扎隆阿。斥革報
逃。嗣於神武門外。見一人在前行走。誤認係
扎隆阿。觸起前嫌。輒將門外長槍扳折。欲向
圖賴。神武門係禁城重地。警衛綦嚴。該犯膽
敢扳折安設長槍。實屬目無法紀。德楞額著
照擬發近邊充軍。該犯業經銷除旗檔。應照
民人一例辦理。雖時值盛暑。不准停遣。即著

交兵部定地轉發到配折責安置至該處長槍據該犯供用兩手扳拉致將架上長槍扳折二根等語禁門安設長槍原以肅觀瞻而資捍衛如果堅固何至一經扳拉即行折壞可見從前製造時並未堅實除現在該處折壞長槍業經咨送武備院修理外嗣後該衙門承造禁門槍刀等件務當如式辦理一體堅實並著查驗軍器大臣於派查時認真點驗無許朦混儻有仍前草率即行嚴叅懲辦

○諭軍機大臣等前經降旨將白鎔補授左都御史令其來京供職本日據都察院奏淮南商人童廣恆遺抱告伊弟監生童友樞具控弊朦枉斷等情一案著白鎔即行前赴江蘇省城會同程祖洛將此案秉公研鞠按律定擬具奏後再行來京供職將此諭令知之尋奏童廣恆四次京控經欽差尚書王鼎等審擬依申訴不實律杖責援免茲復翻異並誣訐原審大臣合依驀越赴京告重事不實

例發邊遠充軍從之○安徽巡撫鄧廷楨奏拏獲占踞馬頭掌秤售私之積慣秤手楊開太等得旨查拏認真可嘉嗣後尤當奮勉毋稍鬆懈○准安徽前任福建道御史孫球重赴鹿鳴宴賞四品銜○己丑

今上皇帝生

上之第四子也

母孝全皇后鈕祜祿氏○諭內閣喀什噶爾帶兵大員足數分派固原提督員缺緊要楊芳

著即回任所帶固原官兵著交延綏鎮總兵郭繼昌管帶聽候調遣○又諭孫爾準奏浙省內洋被劫勒緝限滿賊盜無獲之將弁並閩省不即會拏之署都司請分別革職降補一摺浙江鎮海等縣船戶在內洋地方被劫前經降旨將督緝不力各將弁摘去頂帶勒限緝拏茲據該督奏緝限已滿本案賊盜並無弋獲所有原叅勒緝之昌石營都司請升署黃巖鎮右營遊擊丁鍾傑著即革職以示

懲儆寧海營守備王大成於被叅後緝獲另案盜匪林成等犯尚知愧奮著以把總降補該督仍嚴飭定海黃巖兩鎮出洋督緝各案盜匪務獲究辦如洋面續有失事即行從重嚴叅至福建署安海營都司提標前營守備宋世清於浙省委員訪明盜犯李雪住趾地方稟請會拏自應即時馳赴乃遲延數日又不多撥弁兵以致要犯被奪該督請以千總降補尚覺過輕宋世清著以把總降補在逃

盜犯李雪及拒捕各犯著該督責成宋世清同該管南安縣知縣袁焜勒限嚴緝務獲按律懲辦毋令漏網○又諭松廷奏患病未痊請開缺回旗調理一摺敦良著作為哈密辦事大臣松廷著作為哈密幫辦大臣即在該處調理無庸回京○諭軍機大臣等長齡等奏喀什噶爾葉爾羌阿克蘇烏什等處現駐官兵月需餉銀及採買糧料價值分運腳費計自五月起至年底止共需銀一百五十四

萬七千餘兩除移咨陝甘續調銀五十萬兩外尚需銀一百零四萬七千餘兩應豫為籌備著楊遇春即於前奏各省解到存留藩庫軍餉項下照數撥解阿克蘇以資接濟至長齡等請敕部籌撥銀二百萬兩解貯甘肅藩庫以備就近撥用已交戶部速議具奏俟此項銀兩陸續解至甘肅著隨時存貯藩庫備撥將來善後事竣所餘銀兩著儘數撥歸甘肅司庫封貯原款將此諭令知之○又諭長

齡等奏酌留減撤之馬隊官兵仍赴大營一摺此次撤回之伊犁烏魯木齊等處馬隊官兵暨綠營擡礮官兵先經德勒格爾桑等管帶押解伊薩克全案人證至阿克蘇現據該將軍等奏請仍令回營聽候調遣惟烏魯木齊官兵向來頗形輟弱即令折回大營亦必不能得力此項官兵著即撤回又據另片奏請仍留誠端在阿克蘇會同長清籌辦後路糧餉等語和聞現無緊要事件誠端著准其

仍留阿克蘇與長清會辦糧餉事務俾得一手經理將此由五百里諭知長齡玉麟並諭誠端長清知之以貝勒奕繪署正黃旗蒙古都統○命浙江布政使慶善來京調陝西布政使恩特亨額為浙江布政使以陝西按察使楊名颺為布政使調雲南按察使李義文為陝西按察使以服闋按察使何煊為雲南按察使○庚寅諭內閣吳邦慶奏請嚴定查禁回空糧船夾帶私鹽章程一招回空糧

船經由直隸山東淮揚一帶裝載私鹽最為釐務之害前飭該署漕督等妥議章程茲據奏稱空船夾帶總在私鹽旺產之區請於各該處多派幹練之員會同押運各弁認真防範並據查明天津以南之于家堡楊柳青獨流磚河等處天津以北之北倉丁字沽西沽海口及故城縣之鄭家口頭望二望三望直東兩省交界之油坊渡口驛並山東境內七級開阿城開張秋一帶均係私鹽裝載之地

總由營汛員弁得規包庇以致私販越境而行深堪痛恨著直隸總督責成天津鎮總兵嚴督沿河營汛弁兵上緊訪拏巨梟窩匪飭令該管州縣多派幹役一體會緝並著山東巡撫揀派明幹副參大員酌帶弁兵會同該管州縣在油坊渡口驛等處分投上下實力查拏至江境黃林莊以南著兩江總督飭令徐州鎮道嚴密巡查兼防河北漏私並於揚州上游河寬之處酌派文武員弁帶同兵役

照例梭檢放行再派瓜洲儀徵委員至九江蕪湖等處會同各關監督按船嚴查其餘濱江等處一體訪緝如撿獲私鹽訊係何處偷漏除將丁舵人等從重辦理外即將該管地方文武員弁及失察之押運廳弁分別嚴叅以示懲儆經此次嚴立章程之後該署漕督等務當各飭所屬認真查辦以期梟販淨盡釐務肅清不可徒託空言仍至有名無實諭軍機大臣等御史王鑄奏徽州府有匪棍

陳小鴻又名程八係桐城縣人在徽州府城內寄居有年。府縣衙門左近俱賃有房屋。置買婦女。為各衙門門丁長隨幕友住宿之所。勾結胥役。搭擡串騙。遇有訟案。包攬關說。隨處詐贓。又招集棚匪。強租山場開墾。分肥種種不法。又安徽和州無為州一帶。有匪民結黨成羣。聚養盜賊。窩國私梟。遇鄉村溫飽之家。邀結多人。強行索借。如不遂意。則多方擾害。百姓懼其報復。不敢顯與為讎。名曰白搶。

子。非尋常鼠竊可比。凡遇案犯。審有白搶子名目者。請比照貴州省大五小五章程辦理等語。匪棍盤踞府城。營私舞弊。貽害地方。必應查拏究辦。至奸徒結黨成羣。有白搶子名目。亦屬大干法紀。著陶澍鄧廷楨各派妥員前往訪查。陳小鴻即程八。如有前項情事。即行嚴拏究辦。毋任聞風遠颺。其和州無為州一帶。白搶子匪徒。並著認真訪拏。嚴行懲辦。以儆奸宄。而靖閭閻。將此各諭令知之。尋奏。

拏獲陳小鴻。飭發臬司收審。並委署蕪采營遊擊趙瑾等查辦。白搶子得旨。除蒞安良。本屬地方急務。況遇災歉之秋。尤當加意查緝。毋忽。○辛卯。

上奉

皇太后幸慎德堂。進膳。○壬辰。以翰林院侍講學士顧蔭編修張日章。充日講起居注官。○修山東運河兩岸官隄。從河道總督嚴烺請也。○癸巳。

上幸萬壽山詣

廣潤祠拈香。○諭內閣。鍾昌奏酌議巡查內外火道章程一摺。

東陵內外火道。地界遼闊。附近居民間有偷竊樹株牲畜之事。必應嚴密巡防。從前歷任總兵辦理章程。未能一律周妥。茲據鍾昌議請添設梭巡。著照所請。所有左右兩營巡查弁兵。准改為四起。每次兩翼同日並出。分為東西兩路互查。俱赴興隆山與總巡會哨。二十

日輪替。前二起將及歸伍後二起即行接巡。其曹牆兩路巡查兵丁由北而南亦至興隆山會哨。至內火道十八撥及五關汛於東三關派外委一名兵五名。黃將二關派外委一名兵五名。與雙洞子總巡會哨歸伍後。後起接巡。又南北邊一帶仍派海巡分為六段。每段派外委一名兵五名校巡。十日輪替。其附近圍牆內外仍照舊設立雙籌兩營往來傳送。交踵巡查。該總兵務當隨時密派妥員認

真稽察勿得日久生懈。以昭嚴肅。又諭楊國楨奏遵旨酌擬查禁種販鴉片煙章程一摺。豫省地廣民稠。奸民私種罌粟等花漁利。事所必有。自應嚴申禁約。嗣後如有盈坵成段。種植林立。為造蓄鴉片煙之用者。即將種植之人。及知情故縱之地保照例科以軍徒。田地入官。地鄰人等容隱不首。照例擬杖。若首先舉告。即以所種之地給賞。以示懲勸。又該省通衢四達。並無關隘勾稽。外來興販易

於涸跡。著責成店戶及居停地主。人等嚴密稽查。一經得實。即密報官司。按捕視販煙之多寡。酌賞項之重輕。自數十兩至百兩為率。官為捐給。以獎首報之人。若地主知情容隱。或受財故縱。即照例從重治罪。其買食之人。為子弟者。責諸父兄。無父兄者。責諸牌保。准其自行舉首。將本犯業已改悔切實聲明。均從寬免罪。儻容隱不首。將縱容之父兄牌保照例責懲。本犯初次依例科罪。再犯酌加枷

號。以為怙終者戒。其造賣煙具者。即以製造賭具論罪。各衙門如尚有買食之人。查出即將本官嚴叅。至所稱於省外各府州屬之朱仙鎮等十處。派員協同地方官偵查等語。該處商賈輻輳。自應嚴密偵查。惟一經派員。即恐藉端滋擾。且地方官轉可推諉卸責。所請派員協同偵查之處。著毋庸議。即著各該地方官實力稽查。以專責成。仍令按季稟報。該管道府於年終出具所屬並無種賣鴉片煙

切實印結。詳報該撫。於每年年終彙奏一次。務當嚴行查禁。杜絕弊端。不可日久生懈。視為具文。致干重咎。○以工部右侍郎何淩漢為浙江鄉試正考官。翰林院侍講王炳瀛為副考官。國子監祭酒陳官俊為江西鄉試正考官。翰林院編修錢福昌為副考官。編修李儒郊為湖北鄉試正考官。費開綬為副考官。○甲午。旌表守正捐軀山東蘭山縣民張立光妻王氏。○乙未。皇五子奕諒生。○諭內閣。

福克精阿等奏。接濟京旗生息錢文。請改收銀利一摺。吉林接濟京旗發商生息本銀五萬兩。所有利銀。向係按照時價。易錢交納。茲據該將軍奏。省垣銀庫。不敷存貯錢文。且雙城堡相距較遠。關領維艱。兼之運費亦無項可籌。著照所請。准將前項生息銀兩。改收銀利。自道光十年起。無論銀價貴賤。每歲年終。每戶京旗改為賞銀五兩。鰥寡孤獨每名每月賞給養贍銀五錢。按年仍將動存銀數造

具細冊。報部覈銷。以歸簡易。該部知道。○以吏部右侍郎申啓賢署工部右侍郎。兼管錢法堂事務。內閣學士陳嵩慶署禮部左侍郎。○旌表守正捐軀直隸東鹿縣民甄維新妻賀氏。

大清宣宗效天符運立中體正至文聖武智勇仁慈儉勤孝敏成皇帝實錄卷之一百九十

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十一

監傳總局等總巡一議也遂官大一次係曾補總局等總巡官管理一都事務一書房總巡傳總局總巡官一書房總巡官
 天府府等事務總巡官加五級紀錄十八次臣等補總局等總巡官管理一都事務一書房總巡官總巡官總巡官總巡官總巡官
 七次大臣總局等總巡官加四級紀錄十六次臣等補總局等總巡官管理一都事務一書房總巡官總巡官總巡官總巡官總巡官
 內務府大臣總局等總巡官加四級紀錄十六次臣等補總局等總巡官管理一都事務一書房總巡官總巡官總巡官總巡官總巡官
 緊降總巡官等總巡官加十八級臣等補總局等總巡官管理一都事務一書房總巡官總巡官總巡官總巡官總巡官
 欽此

道光十一年辛卯六月丙申

上詣綺春園問

皇太后安○諭內閣刑部覈議給事中劉光三奏請酌加買食鴉片煙罪名等情嚴定條款具奏著照所議嗣後軍民人等買食鴉片煙者杖一百枷號兩箇月仍令指出販賣之人查拏治罪如不將販賣之人指出即將食煙之人照販賣為從例杖一百徒三年職官及在官人役買食者俱加一等治罪仍令各該督撫及地方道府州縣等官出具署內並無

買食鴉片煙各甘結於年終彙奏一次如本
官徇隱不究從嚴叅處該部即移咨吏兵二
部查照辦理並通行各直省督撫一體遵照
○又諭吳光悅奏叅被控搶賊數萬重案輕
報意存諱飾之知縣一摺此案事主劉智善
等在江西彭澤縣地方白晝被劫據控搶賊
數萬業經委員獲犯多名該縣黃濬並不速
行審詳亦未起獲全賊辦理已屬玩延且該
事主等控係多人上船搶劫而縣詳則稱船
遭沈側數人覓水撈摸顯有化大為小諱匿
輕縱情事至被控書差包庇分贓尤難保其
必無自應徹底根究彭澤縣知縣黃濬著革
職留於地方協緝如限滿無獲即嚴叅懲辦
該撫現飭該署府馳往提訊並著飭屬嚴拏
逸犯務獲將案內犯證人等解省親提嚴行
究辦勿受欺朦按律定擬具奏尋巡撫周之
琦奏審明起意搶賊之王勝東等搶銀一千
兩至數十兩不等各論罪如律從之○戊戌

諭內閣副護軍參領阿隆阿前在詣達差內並不守分出力於所交事件任意肆行業經革職亦不必深究矣惟是呼圖克圖喇嘛等與隨從阿哥之詣達太監交結殊屬不合著理藩院轉飭該呼圖克圖喇嘛等嗣後儻有此等事件一經查出除將該詣達太監等嚴行加罪外定將該呼圖克圖喇嘛一併治罪決不寬貸○旌表守正捐軀吉林伯都訥民劉泳昌妻李氏○己亥諭軍機大臣等據鄧

廷楨奏安徽省舒城貴池東流桐城四縣居民猝遭水患旋據舒城縣續報該縣均被淹漫圩內水深六七尺及八九尺不等桐城縣山水陡發被水較重又安慶府之懷寧縣低窪處所圩隄廬舍亦多淹漫倒塌又祁門縣蛟水陡發丈餘以致沿河店鋪民房俱有衝塌無為州江潮異漲上游來源洶湧舊隄圩壩漫溢望江縣江水山洪漲漫圩內民田室廬均被衝淹池州府之銅陵縣江潮並漲又

遇風雨大作巨浪洶湧以致老壩衝潰二十餘丈田畝淹沒廬舍衝坍巢縣連朝驟雨沿湖圩田被淹後因山水江潮倒漾風狂浪湧稍高圩田衝缺驛路橋梁亦被衝損現經該撫飭令藩司發銀委員分解各州縣速為拯救仍令藩司酌帶銀兩由桐城舒城縣無為州一帶查勘撫卹其祁門一縣僻在省南亦經飛飭安徽道郭承恩馳赴該處相機辦理此外青陽當塗蕪湖繁昌合肥廬江含山潛

山等八縣亦據報被水間有衝損圩隄又懷遠來安全椒鳳陽靈璧泗水長寧固建德等九州縣低窪田禾亦有被水業經飭查另辦惟祁門縣係蛟水陡發猝不及防商販未通米糧漂沒即飭該縣動碾常平倉穀照例減價平糶等語此次安徽被水二十餘州縣之多地方甚廣情形甚重自宜加意撫卹勿使災民有流離失所之患一俟水勢稍退趕緊設法疏消俾秋糧可期補種前經降旨將恩

特亨額調任浙江藩司。仍今來京請訓。現在該處辦災緊要。著該員暫緩前來。俟新任藩司裕泰到任後。再令恩特亨額起程。又另片奏。蕪湖縣稟報雨水過多。湖江盛漲。兼之風浪衝激。埧壩漫破。田廬淹沒。牛眠港隄埂被衝。麻浦鳳林等圩悉遭淹漫。四鄉居民奔避。現雇船隻濟渡。搭棚給饘。並就近動給銀兩。拯濟等語。該處小民。疊遭水患。拮据逾常。即飭太平府唐業謙馳往勘辦。並在蕪湖關庫動給銀兩。督同該縣趕緊妥為撫卹。務使實惠及民。以副朕軫念災黎至意。將此諭令知之。○又諭。有人陳奏閩省福州府屬之黃田驛。至延平府為通浙旱路。年來賊匪出沒無常。其最甚者。如張湖坂岳溪橋吉溪鋪等處。為匪徒聚集之區。白日持刀搶劫。凡閩人之往蘇杭貿易。攜有銀兩者。皆裹足不敢行。其水路一帶往來船隻。亦被剽掠。因之行旅相戒。不敢停泊。至漳州泉州兩郡尤不可問。漳

泉素好械鬪。十餘年來尚屬安靜。近日劫案過多。官不伸理。遂致此風又起。現在漳州府城五里之外。一步不可行。緣匪徒擄人勒贖。有銀者放。無銀者殺。殺即滅屍。甚有擄人將半身埋入沙土。令親屬將銀取贖。並具不敢告發甘結。方准贖回。又同安縣之北境為安溪南安永春大路。其隘頭埔五里林等處。該匪等沿途搶劫。亦至路絕行人。其西境如芋溪嶺諸葛嶺塔仔宮等處。晝則聚眾搶奪。夜則擄石攻門。其著名之賊匪郭御郭牆者。常糾眾往來於南安晉江各縣界。毫無顧忌。更有在逃未獲之巨犯楊九錢。係漳浦啞口人。平時攜有亡命之徒。一呼百應。輒聚眾四五千人之多。到處強派勒索。上戶數千金。下戶亦數百兩。否則放火燒屋。殺人滅社。無所不至。近已潛回本鄉。又復聚黨成羣。橫行愈甚。有經控告者。官畏其勢。不為查拏。轉加重責。是以平民知官不足恃。遇有忿爭。輒互相殺。

殺並不告官。如去年四月間漳浦馬坪墟地方竟豎紅白旗一日之間燒燬房舍百餘間殺死人四十七命報復相尋日復一日死者不知凡幾本地文武官弁不能諉為不知然亦竟未聞有拏辦者等語匪徒搶劫行旅及漳泉械鬪之風必應嚴行查禁其漳州府匪徒擄人勒贖無銀者殺即滅屍並有拏人將半身埋入沙土令親屬用銀取贖之事其兇橫尤為可惡所有同安縣著名劫匪郭御郭

牆及在逃巨犯楊九錢必應迅速擒獲嚴行懲辦至漳浦匪徒一日之間燒燬房舍百餘間殺死人至四十七命之多文武官弁並未拏辦如果屬實是該地方各官任意縱兇廢弛已極吏治民風豈復可問著孫爾準魏元琅督同臬司光聰詣查明各該處匪徒飭屬嚴拏懲辦以儆奸宄而靖閭閻魏元琅現已起程進京陛見著孫爾準接奉諭旨即行密派妥員將著名賊匪郭御郭牆及在逃之巨

犯楊九錢三犯上緊嚴拏務獲毋任聞風遠颺是為至要將此諭令知之尋署總督魏元琅奏黃田驛至延平府為入閩通衢先後緝獲巨匪五十餘名地方安靜漳州城外實無擄人勒贖等事同安縣境均係偏僻小路並無失事之案上年漳浦縣馬坪墟藍陳等姓械鬪實止殺斃七命現獲郭御郭牆曾經行劫拒傷事主依律擬斬具題楊九錢犯案遠竄仍飭嚴緝報聞○庚子諭內閣著英等奏

直隸湯泉營華營因鳥槍損壞運至京城修造德勝門門領珠林泰在門值班並不遵例查報實屬疏忽著交部議處德勝汛都司趙永泰雖詢明係屬官物惟不即時申報亦屬不合著交部察議所有湯泉等營應修鳥槍一百九十七桿一面即飭令趕緊修造一面咨查直隸總督嗣後直隸各營軍器如遇有應運京修理者著先行知照步軍統領衙門進城時該班門領及營汛地方隨時申報

以備查覈。○又諭御史徐培深奏。參山東陽信縣知縣恩福。巧奪民財。行同市儈。各款。當派寶興戴宗沅前往查辦。茲據奏行抵山東省城後。即將恩福劄調赴省。派員前往陽信。壽光二縣訪查。所參攫取民間驛頭一節。陽信並不產驛。據紳民等會稱。該令所畜驛馬。均係自置。係為解餉解犯。拉載漕米煤炭。及下鄉相驗所用。並無向民間攫取。及減價派買草料情事。亦未聞將驛頭販京售賣。復查

明縣署馬廐內。並無七十餘頭之多。所參前在壽光開渠科派勒繳布匹二款。調查原卷。該令係據鄉民呈懇計畝攤費。嗣因被人控告。經該撫飭令停止。奏明將該令撤任開缺。詢之該縣鄉民。俱供稱停止後。並未繳出攤派錢文。實無向民間減價買布轉賣情事。是該御史奏參恩福各款。均屬毫無影響。著毋庸議。御史原准風聞言事。惟該御史摺內。稱特參縣令貪黷營私。實屬措詞失當。嗣後科

道等遇有應奏事件。務當詳加審察。毋得以捕風捉影之談。遽行入奏。亦不得因有此旨。概行緘默。致失朕聽言從實。察吏安民之本意也。○戶部議准。福建巡撫韓克均疏報閩侯官長樂海澄福安寧德六縣開墾地十項。九畝有奇。照例升科從之。○辛丑

上詣

黑龍潭神祠拈香。○諭內閣。戶部奏查出山西司道光二三年題咨文案二百二十件。

漏未辦稿。除應行存部備查各件外。有戶科正鈔八件。係年例覈議應行具題之案。遺漏未辦。雖當時僅止遺漏。尚無別項弊端。惟該司承辦司員。於應題之案。並不依限題結。其無庸咨覆之件。亦不彙總辦稿存案。實屬咎無可辭。所有道光二三年戶部山西司掌印主稿司員。著交部嚴加議處。該年失察之戶部堂官。並督催所掌印司員一併交部分別議處。其經手書吏蔣濟泰。業經役滿著吏

部查明議敘何職。即行斥革。以示懲儆。至各司處。檄爛不全稿件。著即飭各司員調取存貯號簿。逐一詳查鈔錄補存。以備稽覈。○又諭。蘇成額奏。遵旨查禁湖南省種賣鴉片煙一摺。鴉片煙流毒最甚。湖南為數省通衢。五方雜處。奸民種植偷賣。事所必有。自應設法嚴查。著照所議。即通飭各屬責成。各道府州督飭所屬各廳州縣。每年於春秋兩季編查保甲之時。親赴各鄉認真查察。如有將田地

種植鴉片煙者。立即拔毀。嚴拏本犯到案。照例問擬充軍。田地入官。並於關津要隘多派誠實兵役。隨同汛員。常川嚴密巡緝。遇有外省奸商。夾帶洋煙。即行擒拏。按律究辦。如弁兵得規故縱。亦即分別革究。其拏獲食煙之人。務根究煙之來歷。嚴拏奸販。一併治罪。毋得僅將本犯枷責。顯預了案。仍剴切出示。徧行諭禁。俾愚民咸知。猛省各州縣。於春秋兩次巡查之後。出具切實印結。稟報該道府。加

結送司覈詳。由該撫於每年年終具奏一次。務當實力查禁。杜絕弊端。不可日久生懈。視為具文。致干重咎。○壬寅諭軍機大臣等。張井奏湖水異漲。隄工危險。現在分別籌防。盡力保護。一摺。本年春間。洪澤湖水勢積漲。四月以後。陸續遞消。現據張井奏連旬大雨。湖水長存二丈七寸。來源方旺。其勢似尚未已。臨湖石工。高者出水尺餘。矮者不過數寸。其平水入水之段。則兩廳合計不下六千餘丈。

僅恃石工上數尺高之土堰。以為捍禦。情形極為危險。必須開放林家西滾壩。並接放高郵四壩。方可減湖漲。而保運隄。惟下河七州縣田畝。一經放壩。則全被淹沒。該河督現已函致陶澍。來清江浦會辦。並嚴飭道將督率廳營。於堰盱兩廳大隄。設法妥慎防護等語。湖水現當盛漲之時。固應急籌宣洩保護。隄工而啓。放各壩。關繫下游民田廬舍。亦應加意慎重。著該河督會同陶澍體察情形。妥為

籌辦。如水勢加長。隄工著重。陶澍尚未趕到。該河督即自行酌量。將防守宣洩事宜通盤籌畫。總期計出萬全。斟酌緩急。慎重妥辦。不可稍事拘泥。致有疏虞。至現在該處用項需費甚多。前撥大汛工需銀一百五十萬兩。目前尚不缺乏。恐工險費繁。必需接濟。請於就近藩關各庫酌量借撥。著該河督與陶澍會同商酌。奏明辦理。不可稍有冒濫。將此諭令知之。○又諭據李鴻賓具題。廣東署南雄協

副將事羅定協副將德方自縊身故一本內稱札委南雄州陸何榮會同該協中軍都司楊立震提到該副將平日跟兵鄧洪超龔獻魁等。訊據供稱。該副將委係染患風痰。病證時發。時愈。本年二月初九日舊病復發。初十日進房看視。業已自縊身死。並無別故。照例題報等語。副將等官因病出缺。例應題報。該副將德方死由自縊。非尋常病故可比。自應查明確情具奏。何以該督札委陸何榮楊立

震查詢。僅據跟兵鄧洪超龔獻魁之供。即行稟覆題報。該副將身係二品武職。前往署事。即不攜帶眷屬。何以除跟兵外並無家丁一名。在署伺候情節殊屬可疑。其中恐有別情。不可不確切查訊。李鴻賓此刻計已起程來京。陛見著朱桂楨即提到跟兵鄧洪超龔獻魁等。並此外應行傳訊人證。將該副將德方因何輕生緣由詳細查明。如有別項情節。即行嚴切根究。務得確情據實具奏。毋許稍有

徇隱含混。將此諭令知之。尋奏副將德方因痰發自縊。並無別情。報聞。○癸卯

上詣綺春園問

皇太后安。遣官祭

火神廟。○以刑部右侍郎特登額順天府府尹徐鏞監臨順天鄉試。以翰林院修撰林召棠為陝西鄉試正考官。編修侯桐為副考官。吏部右侍郎申啓賢為江南鄉試正考官。福建道御史鄭瑞玉為副考官。賞休致涼

州副都統伍爾袞布全係○甲辰諭軍機大臣等。有人陳奏。近日書吏為害莫甚於汀州龍巖漳州泉州官與民言語不通。任聽值堂之書辦。信口傳述。黑白不分。是非倒置。官長明受其欺。而不覺。差役之殃民。如閩縣侯官。則有土地堂。遇有應訊之人。先行拘押。行賄者。與以乾淨之所。若勒索不遂。則鎖禁於汗穢黑暗之處。同安晉江各縣。則有班館。無論原被告。每押至八九百人。竟二三年不得見

本官之面。一遇盛夏。嚴寒。無辜死者不少。生員貢生。有事到官。無論曲直。並不發學。概行鎖禁。前年同安縣生員呂鳴竟。押斃館中。而未聞究辦。至廈門地方。則又有私館。俗呼為間仔。在本地之甓菜河戶部街等處。該役等終年在通衢要路。截擊鄉民。以欠糧為詞。押入館中。多方嚇詐。常有數年不得回家者。漳泉各府。每遇命案。本官輒帶領書役百餘人。到處搜索。甚則故意延宕。任縱差役私講班

禮。竟有先將屍身用鹽泡浸。以便索詐之事。近又有虎藥名色。害民尤慘。一有命案。不准屍親指告。正兇先羅列各富戶之名。每出一票。少則三十餘家。多則五六十家。架詞株累。貧富均受其害。如廈門民人陳全。被差私押十七箇月。至賣一婦將銀賄差。始行放回。是虎藥之明驗。至如書役強橫之尤。無如安溪縣之書辦吳珍。廈門廳之陶亨。陳意身當總差。日在廳署把持公事。歷任官長無不倚為

心腹。是以名雖為役。而家資積至三四十萬之多。等語。書役執法營私。最為地方之害。必應嚴行懲辦。若如所奏汀州等處。書吏傳述口供。曲直不分。並閩縣等處。有土地堂各名目。罔法橫行。該管官受其欺朦。並有意縱容。殊屬大干法紀。著孫爾準魏元烺督同臬司光聰。詣查明各該處。是否實有書役橫行。並各項名目。按律嚴行懲辦。並將所稱同安縣生員呂鳴竟。押斃館中。及廈門民人陳全。被押

賣婦賄差二案一併查明據實具奏至吳珍陶亨陳意三犯尤應迅速拏究魏元娘現已起程進京陛見著孫爾準接奉此旨即行嚴密查辦並將該地方官叅處示懲其吳珍等三犯飭屬嚴拏務獲毋任間風遠颺將此諭令知之○乙巳遣御前侍衛載銓詣密雲縣白龍潭神祠祈雨○諭內閣前因廣東崖州黎匪搶劫滋事總督李鴻賓檄飭瓊州鎮總兵孫得發帶兵勦捕各匪聞風竄匿該總兵合兵撿拏焚其巢窟正當探明途徑進師迅就肅清乃輒暫回州城並於偏僻不應行走之茅草嶺前進以致弁兵間被傷斃現經李鴻賓馳赴雷州督飭撿捕將黎匪首要各犯拏獲正法黎人貪知畏懼不敢再出滋擾各村耕作如常崖境安堵查明辦理不善之文武員弁據實叅奏廣東瓊州鎮總兵孫得發於帶兵查辦黎匪始而輕率繼復遷延殊屬任性乖違著交部嚴加議處署海口協副將

龍門協副將鄧旋啓於孫得發帶兵率向茅草嶺行走之時並不阻止又不認真撿拏匪犯亦屬委靡遲延惟該員係水師出身尚為熟習著降為千總以觀後效署崖州營參將海安營遊擊李耀揚緝匪是其專責乃僅隨眾往來毫無出力且年已就衰著即勒令休致感恩縣知縣兼理崖州知州印務袁斯熊將黎匪夥搶已獲到案之犯監斃數名又不早為申報根究釀成巨案膽玩已極該員業經撤任著革職交該督撫提同禁役人等嚴行究訊因何隱匿不報是否有心玩縱及有無凌虐情弊務得確情按律定擬具奏尋奏袁斯熊承審遲延實屬錯謬尚非有心隱匿仍遵前旨革職從之○諭軍機大臣等前因有人陳奏廣東貿易夷人日增桀驁嘖咭喇動違禁令各款曾經降旨交朱桂楨逐款嚴密訪察據實具奏茲據該撫查明上年嘖咭喇國大班部樓頓回國該國二班盼師接充

大班即將眷口婦人帶至省城夷館並坐小輪登岸進館故行違例又心疑官兵要用礮轟擊並將船上所用礮械潛運至館自為保護經該督李鴻賓會同將軍慶保等派兵防範該夷人等始知畏懼潛將礮械運回婦女亦均陸續搬回皆係盼師主使所致其延不開艙一節該國夷商並各國夷商亦皆歸怨因所帶羽毛大呢等貨不能即時起卸致經潮溼半多蟲蛀虧折本錢該國王已撤回懲

治近所換之大班羅治臣人尚恭順一切買賣均屬安靜現在嚴飭彈壓稽查使不敢再違禁令已往之事不復苛求至新砌臨水馬頭較舊日馬頭寬出十餘丈實屬違例旋經該撫親往查看飭令拆卸淨盡一律如舊該夷亦並無違抗並據該撫查詢夷人只知求利不過受人唆使曾經該督將私送綠呢小輪之謝五嚴辦至地方官與夷商貿易貨物向無交涉尚無苛虐情弊惟通事買辦引水

各項人等良莠不齊難保不勾引串唆至匪徒練習快蟹船隻為夷人運私偷稅兵役朋比為奸自應拏辦嗣後該督等總當隨時稽查妥為防範並著水師員弁會同州縣認真巡緝如有快蟹船隻走私漏稅者立即查拏究辦毋得稍涉疏懈將此諭令知之○以大學士盧蔭溥署管理順天府府尹事戶部右侍郎李宗昉署吏部右侍郎兵部左侍郎張麟署工部右侍郎兼管錢法堂事務○丙午

諭內閣前據琦善奏管頭村應遷民戶及舊辦章程當交穆彰阿等查議具奏茲據穆彰阿等查明紅白椿內圈八旗民各地七項六十餘畝暨應留樹林果木等項均援照舊案照數撥給官地分別賞給銀兩無庸加增外其應遷居民距從前辦理時已閱百年生齒日繁物價昂貴請將中等瓦石板房每間加銀四兩下等瓦石板房每間加銀三兩中等下等草房每間加銀二兩共加賞銀一千六

十兩零。著照所請辦理。所有賞給銀兩。並加賞銀兩。著穆彰阿等屆時帶往。俟該州傳齊民人。親自按名放給。俾得均霑實惠。○又諭阮元等覆奏查禁鴉片煙章程一摺。滇省沿邊夷民。向有私種罌粟。收取花漿煎膏。名為芙蓉。以充鴉片。內地民人。亦復栽種漁利。自應設法查禁。茲據該督等奏稱民間私種罌粟。緣費工少而獲利多。積習已久。該省又多深山窮谷。若不嚴立其防。則奸民易犯。惟所稱每年冬令。罌粟出土之時。該地方官會同營員。親往躡查。鋤毀一次。次年春末。開花結苞之時。再躡查。剷毀一次等語。該處深山窮谷較多。若令種植之家。鋤剷是必不可信之事。若豫帶多人。以備鋤剷之用。又無此查辦之法。且據稱飭各地方官。於關津要道稅口。加派誠妥胥役。不時督率稽查。行旅商脚販帶之弊。試思胥役之中。焉有誠妥可信者。若添派多人。責令稽查。不但有名無實。且轉滋

紛擾。無非多增一弊。所議皆不過紙上空談。於事何濟。此事惟當責成該地方官。隨時留心訪查。不必拘定月日。或於稽查保甲之便。前往躡查。或於猝不及防之時。親往查察。如有奸民私自種植。即行拏究。懲辦儻查無私。種將來因案發覺。該督等派員前往查出弊端。即將該地方官嚴參懲處。並著該督等於每年年終具奏一次。至土境夷民栽種罌粟。係在迤西迤南邊外。著照所議責成該管道府嚴飭土司曉諭夷民。毋得栽種。並於每年冬間。由土司親查。如有私種。即令目練拔毀。照例枷責。田地歸土司招練承種。以為練田。如該土司不能認真查察。即行參究。示懲毋許寬縱。○雲貴總督阮元覆奏黔省跬步皆山。不通舟楫。凡有差使。不能不役使民苗。各府廳州縣。辦法雖有異同。而行之百年。官民相安。請嗣後黔省夫役之法。仍就各處情形辦理。其有驛各處設立夫頭。如有濫索多派

情弊及書役扶同科斂一經查出即照蠹役嚇詐例嚴行治罪從之○戶部議准前任四川總督琦善疏報鹽源縣開墾田二十三項三十八畝照例升科從之給江蘇上元江寧句容江浦六合高淳儀徵江都八縣被水災民一月口糧並採買奉天河南四川湖廣等省米麥免各關津米稅丁未遣定親王奕紹詣

天神壇睿親王仁壽詣

地祇壇肅親王敬敏詣

太歲壇祈雨惠郡王綿愉詣

宣仁廟

凝和廟慶郡王綿懋詣

昭顯廟

時應宮拈香○諭內閣實與奏卸任知縣因爭執交代持刀致傷審明定擬一摺此案已革蘭山縣知縣張希哲因改簡卸事本應交代清楚乃因與接署縣事之王枚係兒女姻

親輒寫立合同今王枚先為出具無虧單結已屬有心弊混迨王枚卸事後邀伊同往覈算該革員又屢次推緩刁難以致王枚恐擔賠累情急動刀拚命自行劃傷小指受風身死其女因慟父情切自縊殞命是該革員於激斃一命後又另釀一命若僅比照威逼人致死律杖一百殊覺情重法輕張希哲著發往軍臺效力贖罪以示懲儆張希哲應交正雜銀兩據現任蘭山縣知縣楊塢供稱現已

算明交清並無虧短著該撫即飭藩司責成該道府督同監交之員按款覈實照例造冊報部辦理莒州知州德恩係屬監交因王枚與張希哲欲將交代款目統歸後任清算寫立合同該員並未催令算清率行畫押殊屬不合費縣知縣蔡發甲雖非監交之員惟代為作證畫押亦屬不合德恩蔡發甲著交部分別議處飭令回任聽候部議失察之該管各上司著吏部查取職名照例察議餘著照

所擬完結。至所稱王枚之女姐姐。慟父情切。忿志捐軀。應請旌表。著禮部查明。照例辦理。○又諭。前據阿勒清阿奏。已革外委張萬洪。控告太原鎮總兵李白玉。聽信千總閻慶扶。嫌挑唆。將其斥革。並赴閻慶家拜壽掛扁。及閻慶曾經犯罪枷杖。今復拔補千總等款。當經降旨。交該撫提集嚴訊。茲據奏訊。明張萬洪所控各情屬實。咨詢該總兵。尚復飾詞狡辯。其具摺奏參。將魏光德旋因魏光德將

張萬洪詳革。復行追回。奏摺一節。亦難保無另有別情。自應嚴行質訊。以期水落石出。太原鎮總兵李白玉著解任。交該撫提同全案人證。嚴審明確。按律定擬。具奏。毋稍徇隱。○又諭。多爾濟納木凱業經賞給幫同庫倫大臣辦事之職。若僅給以鹽菜銀兩。伊當差未免拮据。多爾濟納木凱著加恩。每年賞給養廉銀五百二十兩。其差役所拴馬匹。亦著與庫倫大臣一體辦給。該院知道。○以吉林駐

防協領圖明阿為西安右翼副都統。○戶部議准。前任湖北巡撫楊健疏報江夏縣原坍復淤地十頃五十畝。有奇。照例升科。從之。○暫緩山西河東鹽務。應徵河工經費銀。○戊申

上詣

大高殿行禮。○還宮。遣定親王奕紹。睿親王仁壽。肅親王敬敏。惠郡王綿愉。慶郡王綿懿。分詣

天神壇

地祇壇

太歲壇

宣仁廟

凝和廟

昭顯廟

時應宮謝雨。○遣密雲副都統佈勒亨詣

白龍潭神祠謝雨。諭軍機大臣等。琦善奏遵旨訪查。在前任直隸總督署內辦事各員

一摺據稱查訪濮城何煥緒等雖小有材幹
皆非淳品如原奏所云與外府州縣暗通消
息及在外招搖聲勢赫赫之處誠不能保其
必無第既無實跡可指不便遽行叅劾現在
高應元因邢臺縣民婦賈婁氏京控一案審
係該縣辦理過當奏請交部嚴加議處先行
撤任其濮城何煥緒等俱各飭回本任俟留
心察看如有實在劣跡即從嚴叅辦等語該
員濮城等在前任總督衙門充當內委雖查

無暗通消息在外招搖等項實在劣跡惟既
稱皆非淳品則其平日居心辦事未必盡屬
可靠著該督再行嚴密訪查如該員等從前
實有各項劣跡即據實叅辦並將現在各本
任內隨時留心察看不可稍有姑容以清吏
治而副委任將此諭令知之○又諭張井奏
湖水異漲堰圩隄工保護平穩及揚河馬棚
灣等處過水各緣由一摺前據張井奏洪澤
湖水異漲當經降旨諭令體察情形妥為籌

辦茲據奏湖水又長三寸截至二十一日高
堰誌椿存水二丈一尺堰圩兩廳岌岌可虞
裏河揚河揚糧等廳東岸隄工尤屬處處著
險該河督飛咨陶澍並飭揚河廳營及高郵
州趕將四壩啟放旋據稟稱正欲啟除埽戩
間突有農民數千人阻撓開放該河督因馬
棚灣等處業經過水而揚糧廳報長五寸似
大溜尚未掣動一面專委河標中營副將秦
攀萼皇赴高郵趕放四壩以平水勢所有堰

圩隄工危險情形百倍下游防守尤關緊要
該河督務當督率道將小心搶護毋稍疏懈
惟湖隄情形著重固應加意防守而黃河水
勢據奏自本月十六日以後報長三尺餘寸
外南順黃壩誌椿現存三丈八尺八寸各處
隄工尤須先事豫防不可致有意外之虞至
馬棚灣等處據奏如果竟至掣溜則下注之
水與啓放四壩同一淹沒田禾而洩水較暢
不特裏河揚糧兩廳險工稍得輕減即山圩

林家西壩亦可酌量啓放。該河督前已函致陶澍來清江浦會辦。此時自己趕到。著即與該河督熟商妥辦。並將漫水地方應行撫卹之處。一面委員確切查勘辦理。一面據實具奏。勿令一夫失所。將此諭令知之。○直隸總督琦善奏。糧價情形。得旨京師不雨已近二旬。酷暑難當。秋禾難望。朕日夜焦急。於本月二十七日。先行簡派王等叩禱。

三壇。是日午刻得雨二陣。雖未優霑。雲陰廣

厚。或可續獲甘霖。以蘇萬姓。曷勝企望之至。

○以直隸磁州上年地震歉收。糧價昂貴。貸營兵一季餉銀。○以孟秋時享。

太廟。自是日始齋戒三日。○己酉諭內閣。山東

孔顏曾孟四姓子孫。例設四氏學。每屆鄉試

另編耳字專號。原為優待聖裔起見。若將應

編官卷。不歸耳字專號。轉失專設四氏學本

意。所有貴州藩司孔昭虔之子孔憲恭鄉試。

著仍歸耳字專號辦理。○又諭李鴻賓等奏

查明會匪情形。一摺。據稱廣東匪徒結拜糾搶。近來未能盡絕根株。並無三點會名目。其香山等縣沿海一帶。棍徒刻木戳堂名。益用紙單。向耕戶勒索錢文。名曰打單。如勒索不遂。即將田禾擾害。自道光四年奏定治罪專條。迄今已獲打單匪徒四百餘名。逐案嚴辦。此風猶未盡息。著飭屬隨時訪拏。有犯必懲。毋許稍涉寬縱。並刊刻告示。徧行曉諭。令愚民改過自新。如有被誘結拜打單者。自知悔

悟。將首匪姓名指告。引拏到官。准照自首律免罪。其被脅勉從之人。自行投首。或父兄代首。概准照律免罪。交保約束。儻敢再犯。加倍治罪。胥役兵丁。如有文結為奸者。嚴行究辦。儻各屬文武員弁。意存諱飾。並不認真查辦。即著據實嚴參。以示懲儆。至該督等奏稱廣州一帶人民稠雜。家鮮恆產。遊手坐食之民。素無依賴。遂致作奸犯科。今欲杜其邪慝之漸。當籌所以養其廉恥之源。所有廣州惠州

潮州肇慶韶州嘉應羅定南雄連等府州屬山場荒地小民慮恐開墾升科率多拋棄請嗣後該處山頭地角悉聽本地無業貧民報官給照墾植成熟之後作為世業永不升科庶粒食有資不至流於匪僻等語粵東高雷廉瓊等府山場荒地聽民開墾概不升科並令地方官給予印結永為世業乾隆年間曾經疊奉

諭旨施行今援照該四府成例免其升科俾貧

民均有恆業事屬可行著照所議辦理惟此事原係善政若地方官不能實心經理一任胥役需索擾累或影射舞弊貧民被累實多轉不得沾實惠是在責成該地方官認真妥辦嚴察弊端毋稍疏玩至所稱飭地方官認真教導擇里中通曉文義老成醇謹之人充當黨正鄉約令其於朔望日在本鄉宣講聖諭並令各村廣設義學延師訓迪該地方官又於坐堂判斷或因公下鄉時與小民諄諄

告誡俾父誡其子兄勉其弟日進善良如該督等所奏地方官果能實力奉行董勸兼施化民成俗蒸蒸日上為禮樂之邦豈不甚善總之有治人無治法惟在該督等督飭所屬盡心教養俾小民不至流於匪僻以副朕除莠安良之至意○又諭李鴻賓奏廣東南海番禺兩縣有匪徒搶竊礮械旋經將匪犯拏獲並起獲礮械等語番禺縣屬烏豬岡地方礮臺雖民間捐建業經撥兵防守該匪犯膽

敢將八百斤礮位一門竊去顯係意圖出洋滋事非尋常盜賊可比現據稱將匪犯梁亞牛等九名並礮械起獲著朱桂楨即飭司提犯嚴訊實情從重定擬此等搶竊礮械匪犯該督撫及水師陸路兩提督均應派員緝捕著即督飭營弁會同地方官將此二案逸犯加緊勒限緝拏務期全獲歸案究辦嗣後該督撫及提督等務當認真防範不得稍有疏懈無謂詰誡之不豫也懍之○又諭李鴻賓

等奏查禁鴉片煙章程一摺。鴉片煙來自外洋。內地奸民近亦有將罌粟花栽種熬膏販賣漁利。前已屢降諭旨通飭各直省督撫各就地方情形妥議章程嚴行查禁。茲據李鴻賓等奏粵省惟潮州府屬間有種植罌粟花之事。已飭地方官隨時剷拔以杜萌蘖。正恐潮州府屬之外栽種者亦復不少。至夷商夾帶入口。奸民輾轉興賣廣東一省向為尤甚。若不杜絕來源以淨根株。是以內地有用之財。易外洋害人之物流毒方來。伊於何底。著該督撫等嚴飭所屬州縣如有奸民偷種私製等事。責令保甲人等首報。勘明將地入官。並拘犯即照販賣鴉片煙例治罪。並將徇隱之地保鄉約及族長人等分別枷責。兵役得規包庇從重懲辦。各州縣因公下鄉及抽查保甲之便隨時認真察訪。按季申報該管道府。即委員分往覆查。於年終出具所屬並無種賣鴉片煙切實甘結詳報督撫。每年具奏。

一次儻地方官暨各委員查辦不力致僻壤荒坳尚有私種製作煙坭一經查出即將該員等嚴叅懲治。至外洋夷商夾帶煙坭進口及內地奸民私販銷售尤當設法查拏從嚴懲究。務使弊端永絕。方為正本清源之道。不可有名無實。日久仍視為具文致干重咎。○又諭廣東瓊州鎮總兵孫得發於黎匪搶劫滋事。帶兵勦捕自當探明路徑進師迅就肅清。乃輒回州城並於偏僻不應行走之茅草嶺前進以致遷延貽誤。實屬不職。著照部議革職。其所兼雲騎尉世職著准其存留該部照例辦理。○修浙江仁和海寧二州縣東西海塘從巡撫富呢揚阿請也。○展緩河南延津滑濬中牟封邱睢祥符陳留杞蘭儀商邱鹿邑內黃武陟陽武原武十六州縣被風被雹村莊新舊額賦。○庚戌諭內閣盧坤等奏請將私開子店收買腳私恃符狡供之職員革審一摺。此案漢岸鹽商巴怡裕即巴樹蕃

以捐納知府大員不思奉公守正輒與張逢昌私開子店收買腳私以致官引滯銷迨經該督等訪聞傳訊復敢捏造親供合同飾詞狡賴又將代為捏寫親供之陳玉恭匿不交出種種可惡必應嚴行審訊已樹蕃著即革職交該督等飭令將陳玉恭交出提集全案人證研訊確情按律懲辦不准任聽狡展以肅鹺政○諭軍機大臣等本日都察院奏直隸大名府開州民人蕭光弼以縱盜殃民等

詞赴京具控已明降諭旨交該督親提審訊矣此案據該民人控稱該州田家樓村有窩主田鳳等窩藏盜匪二百餘人晝則藏匿夜則赴近處各村肆行搶奪凡有盜案本州概置不問以致羣盜益無忌憚上年淳沱村薛培元家小寨村張世安家本年劉家拐村劉見文家均被搶劫騾馬牛隻勒錢取贖甚至李多見之幼孫李雙生亦被搶去用大錢五十千始得贖回九年十一月內伊家被盜撞

門入室有雇工盧三眼見賊眾手持利刃將伊按住硬將騾四頭馬二匹牽去次日控州本州勒令改報竊案隨令捕役楊振東緝賊查賊楊振東旋將牲口六箇找回向伊索銀五十兩伊未允給即將牲口暗下毒藥僅賸一頭楊振東身充捕役實與田鳳等串通一氣坐地分贓並聞田鳳私造擡槍大礮又在廣平府邈來賊匪安領公教習拳棒等語開州向多盜賊如該民人所控田鳳等窩藏盜

匪擾害地方並私造槍礮糾集匪徒實屬大干法紀且該州知州有諱縱情弊養奸貽患於地方更有關繫著琦善接奉此旨即行派委委員前往該處嚴密訪查如果所控屬實即將田鳳等按名查拏務獲嚴行懲辦並將諱縱之知州一併叅處以除奸宄而靖閭閻將此諭令知之尋奏田鳳即田更先經聽從已獲正法之李景一行劫依強盜已行律斬立決楊振東依窩藏強盜例發近邊充軍知

州張良志尚無抑勒諱飾情事照失察例議處下部議從之○安徽巡撫鄧廷楨奏當塗巢廬江五河鳳陽繁昌青陽鳳臺含山懷遠合肥壽滁休寧黟十五州縣續報被水情形並撥附近各州縣常平倉穀解往無為蕪湖二州縣平糶得旨急速妥辦勿致流離失所查明後據實具奏○以湖北嘉魚漢陽黃岡沔陽監利江夏蒲圻武昌蘄水黃梅黃陂孝感漢川安陸雲夢石首潛江荊門咸寧興國二十州縣被水命平糶倉穀免各關津米稅

大清宣宗效天符運立中體正至文聖武智勇仁慈儉勤孝敏成皇帝實錄卷之一百九十一

實錄卷百九十一

奏

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十二

奏條經官經道員轉奏臣等伏乞聖鑒事

天府府尹事務隨帶加五級記錄十八次臣等竊維該官經道員轉奏臣等伏乞聖鑒事

七倉全糧審會同四庫館書增加一級隨帶加六級軍功加三級記錄五次臣等竊維該官經道員轉奏臣等伏乞聖鑒事

內務府大臣錄向奏請加七倉大臣管理人府錄在案臣等竊維該官經道員轉奏臣等伏乞聖鑒事

署院總辦事務隨帶加十八級臣等竊維該官經道員轉奏臣等伏乞聖鑒事

秋修

道光十一年辛卯秋七月辛亥朔享

太廟

上親詣行禮○幸圓明園○詣綺春園問

皇太后安○諭內閣吳邦慶奏糧船舵水人等

加裝土宜事多窒礙一摺前據鄧廷楨奏請

令糧船舵工水手於例帶土宜之外加帶三

十石當降旨令吳邦慶查明是否可行茲據

奏體察情形事多窒礙難行嗣後著仍照舊

章辦理所有加裝土宜之處著毋庸議○貸

杭州滿洲營牧租項內錢二萬串發商生息

備杭州乍浦八旗閒散紅白卹賞從將軍福
祥等請也○壬子諭內閣訥爾經額奏遵旨

酌議查禁鴉片煙章程一摺鴉片煙來自外

洋必由海口而入山東膠州即墨榮成萊陽

海陽利津等州縣各有海口查驗海船貨物

之吏役難免賄放煙土嗣後著將該役等姓

名填寫印票稟報備案俾事犯查究無所諉

卸海口淤灘海船不能傍岸之處需用剝船

起撥貨物著責成汛卡水師弁兵巡船水陸

嚴查其洋廣貨商及肩挑負販所到地方著

落行戶店家稽查俾奸徒無處寄存並著通

飭各地方官廣為出示曉諭旅店商賈及代

運貨物傭趁諸人如有奸商販賣准其赴地

方官衙門稟首至外來奸徒煽誘種植罌粟

等花不可不豫為之防著照所議以保甲之

法行之查出分別懲辦仍令地方官週便周

歷親查按季稟報該管道府於年終出具所

屬並無種賣鴉片煙切實印結詳報該撫於

每年年終具奏一次。務當認真辦理。淨絕根株。不可有名無實。日久仍視為具文。致干重咎。○諭軍機大臣等。御史梁萼涵奏。江南新漲田畝。未經升科。請飭查作為義冢一摺。據稱蘇松一帶。浮屠棺柩。徧野盈郊。日久朽爛。多用火焚化。其未朽者。每遇河水漲發。漂入江湖。淹沒無蹤。實堪慘目。雖有公捐義冢。設立同善與善各堂名目。而所捐之田。為數無多。難免暴露。近聞松江府屬之青浦縣。婁縣境內大草墩地方。有泖湖漲出田二三千畝。現在已成高阜。並未升科。其地與松江所屬各縣舟楫相通。若以為合郡義冢。貧民得以隨時埋葬。於額徵錢漕。毫無妨碍。請飭該省督撫相機酌辦。妥議章程。其餘各府縣。如有此等無賦田畝。亦可做照辦理等語。著陶澍程祖洛。即飭該屬查明青浦縣。婁縣前項漲出田畝。實有若干。可否設立義冢。以便貧民埋葬。議定章程。妥為辦理。至此外各府縣有

無似此無賦閒田。亦著飭屬一併確查。照此辦理。以廣仁政。而示矜恤。將此諭令知之。尋奏新漲地畝。旋漲旋坍。不堪作為義冢。現勸諭地方紳民。另置義冢收埋。從之。○又諭據御史梁萼涵奏。上年冬間。河南署鄧州知州楊炳堃。拏獲教匪。供出教匪王大用。在省城與開設協泰號米店之孫廷舉。窩留教匪。該署州具稟臬司。經臬司麟慶。即飭祥符縣知縣派領兵役。將孫廷舉及鋪夥十餘人全拏到案。委員晝夜熬審。迄無實供。嗣行令鄧州提解原拏教匪對質。旋據該署州稟稱。從前並無具稟米店孫廷舉窩留教匪之事。該臬司查係假稟。諭令祥符縣將孫廷舉等取保候審。現在尚未結案等語。地方奸徒。以匿名揭帖。傾害平民。已干例禁。乃敢假作地方官稟帖。直達臬司。且稟內必蓋用印信。若非盜用。即係私雕。必應嚴拏究辦。著楊國楨督同藩司林則徐。確切查明。如果實有其事。務將

造作假稟之人。拏獲重懲。據實具奏。不可稍有隱飾。將此諭知楊國楨。並傳諭林則徐知之。尋奏查此案實係捏稟傾害。現上緊訪拏盜用印信奸徒究辦。得旨嚴密查究。○以定親王奕紹署鑲藍旗滿洲都統。禮部尚書耆英署鑲紅旗滿洲都統。○癸丑。諭內閣。嵩溥奏遵旨查禁鴉片煙一摺。黔省山多田少。尚無栽種熬煙之事。惟與滇粵等省毗連。民人貿易往來。間有嗜食此煙者。奸商夾帶潛匿私賣。事所必有。著該撫通飭各屬地方文武員弁。在於關津要隘嚴密盤查。如有奸商夾帶偷漏。即窮究來自何處。買自何人。一併拏獲嚴懲。將偷漏之關口及失察徇縱之該管官分別叅處。至罌粟花係常有之物。難保將來不私行栽種。著即豫為防杜。儻地方官查拏不力。兵役受賄故縱。一經發覺。即嚴叅究辦。並令地方官按季稟報。該管道府於年終出具所屬並無種賣鴉片煙切實印結詳報。

該撫於每年年終專摺具奏一次。務須實力奉行。認真查禁。不可有名無實。日久視為具文。致干重咎。○又諭此次高郵湖河漫口。倉猝失事。張井咎無可辭。著交部議處。署揚河通判張心淵著即摘印撤回。遴員接署。揚河營守備王拱壽著摘去頂帶。以示懲儆。○諭軍機大臣等。張井奏查勘揚河廳永安汛兩處漫口實在情形一摺。洪澤湖水勢盛漲。揚河廳馬棚灣迤南及十四堡下首漫口二處。據張井查明。共寬二百餘丈。去路較暢。又因啟放車邏一壩。揚河高郵汛誌椿已報落水二尺餘寸。現在情形似可無庸再啟南中新三壩。惟洪湖隄工仍屬萬分緊要。並據奏高堰誌椿現存二丈零七寸。該河督已馳赴堰盱。加意防守。督飭該管道廳將揚糧廳等處迎溜犯風處所。鑲做護埽防風。加築子堰。並於卑矮甄石工上酌鑲馬鞍埽段。以資抵禦。現在湖隄著重。固應加意防守。其黃河水勢

報長兩岸隄工尤應嚴飭所屬小心防範不可稍有意外之虞。陶澍此時計已趕赴清江浦。著與張井察看情形相機辦理。該河督已飭道將將兩處口門所需正雜料土及一切應備各物確切估計。著即會商趕為置備。一俟水勢大落。剋日進占施工。轉瞬空運經臨。務須趕緊籌辦。俾糧艘進行無阻。斷不可有誤。歸次受兌之期。至另片奏護淮海道王貽象。河營參將張兆淮。海遊擊薛朝英。請從寬免其開叅之處。著俟事竣後再降諭旨。所有疏於防範之廳營各員弁。著照例叅處。將此諭令知之。○又諭陶澍等奏續報沿江漲勢添長。暨湖河危急情形。現在分路查勘撫卹一摺。據稱江省前報被水各地方。續又多有淹沒。隄圩盡潰。江寧城中水深數尺。衙署亦多在水中。民居徙避城西。災口嗷嗷。陶澍因急切不能趕赴清江。程祖洛由蘇州赴江寧。一路查勘水勢。正在商辦災務。連接淮揚運

河等處廳縣飛報。洪澤湖水異漲。揚河廳一帶東隄。在在危險。續據揚河廳稟馬棚灣十四堡等處。已漫溢掣塌。且四壩應放。下河被淹。湖水早已漫過砌石。萬頃汪洋。僅恃長隄一線。而運河迤西各境。寸土俱淹。老幼男婦。蜉聚隄身。極為危苦。陶澍飭令藩司。駐省專辦災務。即日赴清江。會同張井相機籌辦。程祖洛亦即日赴淮揚一帶。查勘高寶下河被水各地方。察看撫卹等語。沿江漲勢添長。續被淹沒。湖水又復漫溢。萬頃汪洋。所有各該處災黎。深堪憫惻。著該督撫悉心查勘。照例撫卹。妥為籌辦。毋使一夫流離失所。以副朕軫念民瘼之至意。將此諭令知之。○刑部奏審明收發祭器。失察閒人入庫偷竊之贊禮郎等。請旨辦理。得旨。此案贊禮郎恆麟於開庫點發祭器。未在差役人數內。將喜常查出。效力革員慶玉。為博勒洪武代寫悔呈。均屬不合。著與是日值班看守之章京等俱交承

辦事務衙門。查取職名。咨部分別辦理。○兩江總督陶澍奏。江南貢院積水。請展文闈鄉試。至九月舉行。武闈鄉試。至來年三月舉行。下部知之。○江西鄉試正考官陳官俊丁憂。以都察院左副都御史毛式郇為江西鄉試正考官。○調河南布政使林則徐為江寧布政使。江寧布政使陸言為河南布政使。○甲寅。諭內閣。孫爾準奏。查明京控咨案。提解逾限各員。請交部議處一摺。摺內未將該二縣知縣之名聲敘。嗣後凡遇此等查叅事件。務將該州縣職名。詳細陳明。以昭覈實。○以捐修福建惠安縣城垣書院考棚。予知縣全卜年等升敘有差。○乙卯。諭內閣。已革兵部候補主事嵩齡。前因犯案畏罪逃避。屢經降旨。飭令步軍統領衙門。順天府五城一體查拏。迄今尚未弋獲。怠玩已極。著步軍統領等各派妥役。迅速嚴緝。務獲歸案究辦。毋再遲逾。干咎。○以捐修陝西貢院添設書院膏火。予

紳士劉際清等議敘有差。○丙辰。上幸靜明園。詣

龍神廟拈香。○諭內閣。保昌等奏。軍船米石虧短一摺。據稱蘇松糧道所屬之大河二等十四幫旗丁崔廷璽等。呈訴幫船沿途盤剝。抵壩交卸。折耗費用。苦累情形。懇將應交二升七合六秒篩颺耗米留船。緩交搭解。並懇將三升六合餘米存船。於下運搭解歸款。復據該倉場侍郎等查明。興武五等七幫。已將食米湊足完交。其大河二等七幫。共短米三千八百六十九石零。開單具奏。此項篩颺耗米及餘米。雖非正項。既已給價運通。即應全數完交。該旗丁等所稱虧累各情。是否屬實。著飭令各該幫總運通判。將短交米石各旗丁。押交漕運總督。查訊明確。辦理具奏。○刑部奏。審明偷竊金銀祭器賊犯。定擬請旨。得旨。此案喜常以打果人役。輒敢偷竊陵寢祭器。實屬膽大藐法。著即處斬。尉五於伊

姪尉恩子。買受金磔各件。在伊鋪鎔化後。將金條寄放屬實。吳廣發於喜常捏說係過火時搶得器具。輒敢收買。此項金器。非該處所有之物。該二犯寄放接買。顯係知情。刑部擬以杖六十徒一年。加枷號一箇月。尚覺輕縱。尉五、吳廣發俱著加一等。杖七十徒一年半。加枷號兩箇月。滿日劄交順天府定地充徒。發配折責安置。在逃之尉恩子著步軍統領衙門順天府五城一體嚴飭勒緝務獲。送部

宣統元年五月二十二

上

究辦。毋再遲延干咎。○以太常寺卿蔣祥墀為都察院左副都御史。○禮部議准。江蘇巡撫程祖洛疏報。採訪高郵州貞節婦女王吳氏等一百二十四口。請建總坊旌表。從之。○准浙江湖州府屬台州前等八幫應交耗米五千八百餘石。分限搭解。○丁巳諭軍機大臣等。寄諭閩浙總督孫爾準。福建巡撫魏元烺。有人陳奏閩省鹽務疲憊。亟應設法整頓。一摺。所奏四條。是否可行。於鹽政有無裨益。

著該督等體察情形。悉心詳議具奏。將此諭令知之。尋奏舊商現已疲乏。除另舉殷商之外。別無裕課之方。惟嚴辦虧短。以儆新商。盤查船戶以防夾帶。革除幫館以節花消。緩徵舊欠以紓商力。遵旨體察情形。設法整頓。下部議。尋議舊欠應埽數催追。不得概請停緩。餘如所請。從之。○移建喀喇沙爾所屬蘇巴什軍臺。並修打坂沙路。從辦事大臣富勒琿請也。○戊午。

宣統元年五月二十二

上

上詣綺春園問

皇太后安。○諭軍機大臣等。陶澍等奏查勘災地水勢。暨續報被淹應行撫卹情形。一摺。該督行抵高郵。沿途所勘江水形勢。圩田均已被淹。江水仍未消落。且有增長。所有上元、江寧、句容、高淳、江浦、六合、江都、儀徵等縣沿江被水各處。一片汪洋。僅存屋脊。鎮江府屬之丹徒、丹陽兩縣濱江田廬。被淹亦多。淮安府屬之桃源縣揚州府屬之高郵州、甘泉縣寶

應縣情形尤為著緊。並下游之興化鹽城等縣。因高郵之馬棚灣十四堡等處。東隄漫溢。掣壩水溜奔騰。下注廬舍田畝。定皆淹浸。因水勢阻隔。文報有稽。尚須確探。各處災民。遷依埕阜。四面水圍。棲食全無。悽慘景況。不堪設想。現經該督等趕緊設法拯濟。據稱已飭藩司動項。委員分頭馳往撫卹。此時百姓倉猝轉徙。無從挨查戶口。惟有將銀趕緊易換錢米。隨查隨給。以資濟急。所辦甚是。若仍拘

實錄卷一百一十二

三

泥向例查勘分數。分晰輕重。何濟於事。務要趕緊拯救。均霑實惠。或可免委於溝壑也。至下河鹽場各所。前被雨水。現復飭啓攔潮各閘。分洩盛漲。場窰受淹愈甚。並著該督等妥為拯濟。此時揚州一府。最為喫重。現署知府恩齡。猝遇大災。茫無頭緒。署高郵州知州光謙。辦理災務。亦竭蹶未遑。將該二員撤任。另委所辦亦是。著照所請。即以鎮江府知府王青蓮調署揚州府知府。將山陽縣知縣王溥

調署高郵州知州。所有災賑事宜。著陶澍會同程祖洛認真妥辦。務期實惠及民。毋致流離失所。其另片奏稱馬棚灣迤南及十四堡下首無工處所。已漫掣過水。現在漫缺處所。約計已有二百數十丈。車運一壩。亦經啓除。水勢稍減。並委員督率各工。於缺口南北。趕辦裏頭。免致愈刷愈寬。惟此時四顧汪洋。並無勺土。可以壓埽。施工尤屬不易。擬將徒陽運河挑挖兩岸積土。用船裝載。填塞決口。已

實錄卷一百一十二

四

飭該縣豫為估計。土方是否可用。容與張井從長酌議。著該督會同張井相機妥辦。保護隄工。不可有意外之虞。是為至要。將此諭知陶澍。程祖洛。並諭張井知之。○又諭前降旨將林則徐調補江寧藩司。現在江寧各屬續報水災。所有應辦賑卹事宜。甚為緊要。該藩司接奉諭旨。著即馳驛前赴新任。將此諭令知之。○以翰林院編修俞東枝。為河南鄉試正考官。福建道御史梁萼涵。為副考官。翰林

院侍讀許乃普為山東鄉試正考官。檢討徐思莊為副考官。編修王廣蔭為山西鄉試正考官。高枚為副考官。○己未。諭內閣本年朕五旬萬壽。著無庸舉行告祭禮。所有升殿筵宴。俱著停止。○諭軍機大臣等。陶澍奏覆勘馬棚灣等處漫口情形。請將道將廳營分別革職議處。並自請交議一摺。此次該處漫口失事。據該督奏稱署高郵州知州候補知縣光謙稟以為揚河廳不豫備料物。不認真搶險所致。而署揚河廳清河縣知縣張心淵則以為高郵州偏護民田。不肯認真彈壓。及時拆壩之故。該員等推諉卸過。各執一詞。究竟因何失事。其咎自有攸歸。朕辦理庶政。務在覈實。斷不能因事已如此。稍從含混。且嗣後更無所儆惕也。著該督確切查明。據實叅奏。其揚河營守備王拱壽。據該督奏請革職留工效力。永安汛千總李明嵐。據奏係專汛之弁。應即革職。亦著再行查明。俟奏到時。一併

再降諭旨。至失察之護淮揚道外南廳同知王貽象。河營參將張兆前。經張井片奏寬免開叅。曾降旨俟事竣後再降諭旨。惟張井片奏內尚有遊擊薛朝英一員。何以該督此次所奏僅止二員。與張井先後不符。並著查明具奏。現在運河各隄工差委需員。降調道員鄒錫淳。革職通判陶斌玉。孫厚坤。著准其一併留工效力。該督自請交部議處之處。俟事竣後再降諭旨。將此諭令知之。○又諭張井奏黃河伏汛安瀾。洪湖石工平穩。及現在水勢情形一摺。據稱黃河應辦各工。經該管各道隨時勘辦。現尚一律平安。至洪湖水長。各工險要。均係內湖外河。僅恃一線單隄。以為屏障。應行搶鑲防護處所。俱已分別趕辦。惟本月初一日節交立秋。距霜清之期。尚幾百日。且近年湖河盛漲。多在秋間。尤當格外小心。本年自桃汛以來。水勢長落。及風雨陰晴。事事出人意。外。幸連日揚河揚糧。各報落水

四尺餘寸。尚可放心。現仍來往堰盱。督同道將廳營分段駐工。趕將馬鞍埽段及樓護處所。加緊搶鑲。即可竣事。其揚河漫口。應行盤護。備堵事宜。俟與陶澍會商具奏等語。現在河湖水長。揚河漫口。一切防護事宜。最關緊要。該河督務當妥為籌商。趕緊保護。總當無誤。幫船回空之期。僅或辦理未能妥速。以致回空歸次遲延。惟該河督是問。又另片奏。現在啓放山盱林家西壩。過水極為暢順。但得

實錄卷一百三

七

堰盱保護平安。則他處均易措手。其揚糧昭關壩及南中新三壩。應否接啓。容察看辦理等語。該河督務當隨時相機妥辦。不可稍有大意。致涉疏虞。將此諭令知之。○又諭。鄧廷楨奏。請留藩庫正項銀兩。暨鳳陽蕪湖兩關稅銀。以備賑卹之需一摺。安徽藩庫正項存銀。除撥解甘肅兵餉。及本省留為兵餉雜支等款外。約計存留待用銀四十一萬餘兩。據鄧廷楨奏。請全數扣留。為將來賑卹之用。並

請將鳳陽關自道光十年十二月十五日接徵起。至十一年十二月十四日止。徵收全年稅銀。又蕪湖關徵存十年三四兩季。除撥解外。存銀八萬餘兩。及十一年四季徵收稅銀。一併暫留備用。各省遇有水旱偏災。朕原不惜帑金。加意撫卹。惟國家經費有常。藩關各庫徵存銀兩。均關正款。用項甚多。本不准輒請扣留備用。且地方辦理賑濟。不肖州縣。及委員吏胥等。往往藉端滋弊。不可不嚴行查

實錄卷一百三

八

禁。此次該撫請留藩關庫項。係為辦理災務起見。著准其暫行扣存。遇有必須動用之處。隨時據實具奏。總當督率道府。認真稽覈。毋得任聽地方官及委員等。以災務為名。張大其辭。任意開銷。並吏胥從中侵漁剋扣。以致帑項虛糜。實惠不能及民。轉失朕軫念災黎之意。懍之慎之。至另摺奏。酌帶銀兩。親往被水地方查辦等語。該處濱江州縣。被水甚廣。藩司未及周歷履勘。該撫已於六月二十二

日攜帶銀兩。前赴江北。無為等屬。江南貴池一帶查勘。著體察情形。將撫卹事宜。妥為籌辦。毋使一夫流離失所。將此諭令知之。○免安徽商販米船關稅。○庚申。

孝懿仁皇后忌辰。遣官祭。

景陵。○諭內閣。瑚松額等奏查明宗室祥佑進京。給發路引緣由一摺。此案宗室祥佑前因糾搶財物。實發盛京。交該將軍嚴加管束。係獲罪發遣之人。非移居者可比。不應違離配所。主事常咸。專管宗室事務。不得諉為不知。乃於祥佑呈報赴京歸葬。並不詳查。稟明該將軍等覈辦。輒照移居宗室例。准假給發路引。實屬錯誤。主事常咸。著交部嚴加議處。瑚松額。常文。著交部議處。○辛酉。諭內閣。琦善奏查明豐潤等處營田。改歸地方官經理一摺。直隸豐潤霸州兩處營田。據該督查明。改歸地方官經理。稽查管束。呼應較靈。公餘督率。亦屬妥便。著照所請。即自道光十二年為

始。將該二處營田。仍行改歸該州縣自行經管。一切章程。俱照舊規辦理。地仍按佃分穀。隄仍民修免差。原設書役莊頭。應給飯食紙張等項。霸州向在交商生息項下支領。豐潤向係委員捐給。著仍舊分別動支捐辦。其原派委員。於本年秋收後。飭令交代清楚。即行撤回。除現管豐潤營田之大挑知縣周震青接管未久。毋庸議外。霸州營田委員周蓮。經管將及兩年。尚無貽誤。著加恩仍以縣丞歸部儘先選用。○以捐修河南貢院。予知縣周曷漢等議敘有差。○添製安徽壽春潁州亳州廬州六安安慶潛山泗州等營糧礮一百四十桿。從巡撫鄧廷楨請也。○撥安徽司庫銀。採買河南米麥。以備民食兵糈。從巡撫鄧廷楨請也。○展緩直隸冀新河衡水深武強五州縣歉收村莊節年舊欠額賦倉穀。○壬戌。諭內閣。薩秉阿等奏。旗下閒散刃傷本管協領。審明定擬一摺。此案閒散吉祥。與馬甲

長亮爭毆。經該管協領雙祿理斥。該犯不服頂撞。跑回持刀欲殺長亮。因領催葉普冲阿喝問。該犯將其槍桿砍斷。並砍傷步甲哲興額。迨雙祿踵至捉拏。該犯猶敢忿恨抗拒。致將雙祿砍傷。實屬有心干犯吉祥。著即行正法。以儆兇頑。○命協辦大學士理藩院尚書富俊。內閣侍讀學士賽尚阿。馳往黑龍江查辦事件。○以兵部尚書松筠署理藩院尚書。○予喀什噶爾等處陣亡守備邵萬得郭爾

明阿。張倫。陳尚仁。千總郝廷齡。吳兆魁。把總劉大明。張珩。馬得功。杜永康。米潤。萬段。軒。趙舉。楊魁。外委張權。黃鈺。王祥。鄭廷玉。再成。緒。威。元。馬永。和。陳昌。劉保安。墨魁。馬騏。趙光。楊福。樊啓元。祭葬世職兵丁李良得等十二名。賞卹如例。○甲子。

上詣綺春園問

皇太后安。○諭內閣。前據都察院奏。參副指揮錢承禮。與假照案內。要犯謝孚宸。係屬至戚。

該員職司緝捕。並不認真查拏。當經降旨。將錢承禮撤任。交刑部審訊。茲據刑部奏稱。錢承禮身任職官。輒幫同經紀寫帳。迨伊戚謝孚宸。假照事發在逃。又不派差緝拏。且報捐履歷。與伊弟錢駿。舛錯不符。並不查明更正。種種庸劣。實屬有玷官箴。錢承禮著即革職。交都察院飭屬押令回籍。與伊弟錢駿。一併交地方官嚴加管束。並著浙江巡撫查明該革員等於何日到籍。據實具奏。○又諭。謝孚

宸。莊倡伶。姚鳳山。俱係上年假照案內。最要之犯。屢經降旨飭拏。迄今一載有餘。尚無一名弋獲。總由地方官視為海捕具文。不肯認真躡緝。致該犯等潛匿遠颺。此等情罪重大。要犯豈可令其日久倖逃法網。著步軍統領衙門。順天府。五城。暨各直省督撫。嚴飭所屬實力查拏。務須按名捕獲。歸案訊辦。毋得仍前玩懈。致干重咎。將此通諭知之。○諭軍機大臣等。刑部奏。已革兵部候補主事嵩齡。商

同恆菑等捏造假契。誑騙錢文各案。已據案內首從各犯一一供明。並稱該革員已逃往直隸安徽地方等語。該革員犯案後。或尚在中途逗留。亦未可定。著琦善等飭屬認真訪拏務獲。送部審辦。毋得視為具文。致令遠颺。將此諭令知之。○刑部奏。審明歷次假契。誑騙案內逃犯。弋獲無期。先就現犯定擬請旨。得旨。此案世襲佐領恩惠身係職官。因程文庸托伊借錢。輒起意令雙保描摹印信。捏造假契。誑借錢文。實屬貪鄙無恥。恩惠著革去世職。銷除本身旗檔。發往新疆當差。以示懲儆。已革兵部候補主事嵩齡。商同誑騙各案。已據案內首從各犯一一供明。前此疊經降旨。飭令嚴拏該革員。至今尚無下落。怠玩已極。難保非該役等有得賄徇隱情事。著步軍統領衙門順天府五城認真迅速緝拏。與案內在逃之劉振邦張八一併拏獲。送部究辦。毋再遲延。致干重咎。○以戶部尚書禧恩署

管理三庫事。○乙丑。中元節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后殯宮。○遣官祭

端慧皇太子園寢。○諭軍機大臣等據福建

考官文慶等奏。六月二十四日行至高郵州

界首地方。因馬棚灣一帶河隄。被湖水衝決。

迤北之張家溝。亦復衝塌。大水溜急。不能前進。須由高寶湖繞行數十里。始歸河身正路。連日湖波洶湧。非順風無風。不能行船。坐守五日。俱遇東南風阻滯。一俟可以過湖。即星馳兼程前往。尚可剋期抵境。誠恐風勢難期。再有阻滯等語。該考官等因高寶湖水大風阻。暫時守候。此時自早已過湖。兼程馳往。不難剋期抵閩。惟恐前途或再有阻滯。著孫爾準探定確信。僕未能如期到省。酌量那改試期。出示曉諭士子。俟考官等抵省。即行扁試。將此由四百里諭令知之。

寶錄卷一百九十三

上

大清宣宗效天符運立中體正至文聖武智勇仁慈儉勤孝敏成皇帝實錄卷之一百九十二

寶錄卷一百九十二

上

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十三

監修總纂官日講起居注官太子太保體仁閣大學士訓導同知禮部尚書上書房總纂官臣等謹將宣宗實錄

天所著實錄等加五級錄十八次臣等謹將宣宗實錄纂修官吏部尚書錄事總纂官都察院掌印給事中內務府大臣稽察

七套大臣稽察會同四庫館纂修加一級隨帶加六級軍功加三級記錄五次臣等謹將宣宗實錄纂修官吏部尚書錄事總纂官都察院掌印給事中內務府大臣稽察

內務府大臣稽察會同四庫館纂修加一級隨帶加六級軍功加三級記錄五次臣等謹將宣宗實錄纂修官吏部尚書錄事總纂官都察院掌印給事中內務府大臣稽察

監修總纂官日講起居注官太子太保體仁閣大學士訓導同知禮部尚書上書房總纂官臣等謹將宣宗實錄纂修官吏部尚書錄事總纂官都察院掌印給事中內務府大臣稽察

奏修

道光十一年辛卯七月丙寅月食○丁卯諭

內閣琦善奏知縣審辦盜案錯誤一摺此案

直隸寧河縣地方於道光九年九月內一夜連劫三家業經兩載該縣知縣唐宗泰不能

緝獲正賊真贓輒以別案之犯及無干之人審為此案正盜問擬斬決難保無規避處分

借盜銷案情事不可不徹底根究寧河縣知縣唐宗泰著先行解任交該督親提研審周

廷漢等是否實係正盜該縣知縣有無諱飾故勘據實分別叅辦無稍枉縱尋奏審明現

獲各犯實非此案正盜經照例分別定擬唐

宗泰訊無諱飾惟原詳錯誤究屬疏忽請交部議處從之○又諭訥爾經額奏知府因病

出缺請旨簡放一摺各省遇有請旨簡放之缺早經降旨不准將在省候補人員開單具

奏以杜弊混青州府係例應請旨之缺該撫率將山東候補知府人員另片開單隨摺聲

請殊屬不合所奏不准行訥爾經額著交部察議○又諭訥爾經額奏縣民交納錢糧恃

眾喧鬧請將知縣撤任等語所見是山東萊陽縣徵收錢糧該縣民人孫相聖等藉口銀

價昂貴挾制折錢逞刁喧鬧該縣鄧肇嘉並不將向由錢鋪收銀易錢代納之處據實稟

出輒謂自封投櫃難保無鋪戶書吏勾通多索該縣明知有弊故為掩飾情事鄧肇嘉著

先行撤任交該撫提集應訊人證秉公確審按律定擬具奏斷不可被人欺飾尋奏鄧肇

嘉徵收錢糧查係按照舊章辦理惟失察錢

鋪勾通書吏銀匠高擡銀價。而於大戶自封投櫃。小戶由錢鋪代納之處。又未分晰具稟。請交部議處。從之。○又諭鄧廷楨奏。知州查辦撫卹。因循遲誤。請旨革職一摺。所奏甚是。安徽和州地方。本年被水較重。該知州鍾棠始以呈報稽遲。輒於稟內倒填發申月日。繼因地廣人多。延不查勘散放。以致四鄉饑民紛紛入城。幾釀事端。實屬辦理不善。鍾棠著即革職。以為玩視民瘼者戒。至和州知州應

歸部選。該處現當查辦賑務之時。該撫自應遴委賢能之員署理。聽候部選。何得遽將該省知縣開單請簡。所奏著不准行。○命翰林院修撰吳其濬。在南書房行走。○貸直隸司庫銀十萬兩。發商生息。備通省緝捕經費。從總督琦善請也。○戊辰。諭內閣。前據阿勒清阿奏。山西省鄉試。請添同考官一員。當交禮部建議具奏。茲據奏稱該省自議定房考九員。歷科校閱。並未貽誤。其去取之當。惟在遴

調文理優長之員。悉心分校。不在多設一員。此時遽議添設。未免更張成例。且恐各省援照聲請。亦涉紛更。所有該撫奏請添派同考官一員之處。著毋庸議。現在鄉試伊邇。該撫條奏科場事宜。亦屬違例。阿勒清阿著照例交部察議。○己巳。

上幸萬壽山。詣

廣潤祠拈香。○諭內閣。本年六月內。高郵湖河漫溢。下游被水甚重。江蘇沿江一帶。因大雨時行。漲勢添長。民田廬舍。多被淹浸。疊經降旨。諭令陶澍等。將被災地方。妥為撫卹。毋令一夫流離失所。現在不知該處辦理情形如何。朕心甚為廕注。白鎔前有旨。令來京供職。所有被災處所。均係必由之路。著沿途留心查訪。如該督撫有辦理未能周妥之處。即將該督撫參奏。地方官有不實心查勘。或從中侵蝕者。即行指名嚴參。儻查有胥吏營私舞弊。虛冒剋扣。以致實惠不能及民。並著據

實奏明。以便從嚴懲辦。朕因該處被災較重。特派白鎔查勘。即有應行迂道前往之處。亦須親往履勘。將現在辦理情形。詳晰奏聞。儻有不實不盡。別經發覺。惟白鎔是問。白鎔務當秉公確覈。認真查察。不可稍涉瞻徇含混。以副朕軫念災黎至意。○諭軍機大臣等。陶澍等奏。洪湖水勢遞消。堰隄保護平穩。黃水接長。現在加慎巡防。並馬棚灣十四堡兩處漫口。應俟水消趕堵。現已豫為籌備。各一摺。

據稱閱視洪湖水勢工程。因各壩河早開。林家西滾壩。亦經啓放。過水極暢。湖水漸形消落。而石工漫水。掣卸甚多。幸天晴得以趕施工作。該道將督率廳營文武。調集河兵。運土搬石。遇險即搶。附近各廳。不分畛域。購備料物。協濟於十日之間。搶辦土埽。各工百數十段。俾得禦風捍浪。化險為平。至黃河水勢疊次報長。現在外南順黃壩誌樁。已長至三丈九尺九寸。比上年盛漲。尚大四寸。先已飛飭

各廳營。將兩岸要工。一律鑲修堅實。其銅沛桃南。外北。各廳緊要處所。分別築做挑壩。拋填碎石。搶鑲新埽。以資保衛。並與豫東接壤之豐北。蕭南。兩廳。暗險尤多。派員專駐梭織巡防。務保無虞。至馬棚灣十四堡兩處漫口。尚係湖河一片。雖據該護道等約畧估計。將來興工。正雜料物及一切費用。需銀一百萬兩。內外。現亦遽難覈定。且時當秋令。來源方盛。湖查成案。總須秋冬水枯之時。方可堵築。況各處災賑。需用浩繁。果能節省錢糧。稍遲亦無不可。惟回空軍船。即日南下。馬棚灣一帶。乃其經行要道。必須通行無阻。實為此時第一要務。查嘉慶年間。運河屢有缺口。每遇重空糧艘。經行。均係繞湖行走。應倣照辦理。所有入湖入運水口。及湖中行船之處。應經委員節節探量。插標記認。臨時再用熟諳湖路之小船。帶領行走。總可不誤歸次。各等語。現在洪湖水勢遞消。黃水接長。雖經該督等

督飭道將廳營等加意搶鑲防護。惟正值秋令來源旺盛之期。必須將兩岸隄工小心防守。不可稍涉大意。致有疏虞。至回空歸次。尤關緊要。該督等所稱倣照成案。繞湖行走。務須於湖中行船之處。詳悉探量。以期熟諳道路。斷不可有誤歸次。致干重咎。其馬棚灣十四堡兩處漫口工程。一俟水勢大消。著張井親詣該工。確切勘估。妥為籌辦。覈實具奏。總期工歸實用。帑不虛糜。方為不負委任。陶澍

現已馳回省城。所有應辦災賑事宜。務與程祖洛悉心籌酌。妥速辦理。毋使一夫流離失所。用副朕軫念災黎至意。將此諭令知之。○庚午。命察哈爾都統武忠額。馳赴烏里雅蘇台審案。以察哈爾副都統廉敬署都統。○辛未。

上詣綺春園問

皇太后安。○改河南按察司司獄為繫缺。考城縣舊城集巡檢為簡缺。從巡撫楊國楨請也。

○壬申。諭軍機大臣等。昨據理藩院奏將軍樂善等擬定扎薩克台吉達瑪林扎布罪名。似屬含混。降旨派武忠額前往審辦。本日據武忠額奏。於七月十八日。業經起程查看牧羣。如不久即能查竣。回張家口。即俟查竣後。再赴烏里雅蘇台。設一時不能盡行查看。接奉此旨。即行回口。將都統印信交廉敬署理。伊即前往烏里雅蘇台審辦此案。回任時補行查看牧羣。亦無不可。武忠額惟計時日酌量行之。○癸酉。諭內閣。長齡等奏。扎隆阿叅奏伊薩克勾結謀逆一案。審明盡屬虛誣。並究出商同捏奏之委員。迎合承審之章京。及教供誣證之通事回子等。按律分別定擬一摺。此案已革喀什噶爾參贊大臣扎隆阿。身任邊疆重寄。於卡外賊情。未能覺察。率派滿漢官兵。冒昧輕出。以致全行陣沒。又不將官弁伯克兵民回子等妥為布置。令其併力防堵。一任伯克等奔入新城潛匿。回城失守。轉

因民眾浮言。將回眾全行拘集。遂致兵民乘亂殺掠。扎隆阿束手無策。已屬罪無可逭。迨團解之後。又復姑息奸民。聽信劣幕。竟敢藉賊匪反間之蜚言。捏構疑獄。圖陷伊薩克以叛逆重情。嗣被叅解任。仍復撫拾虛詞。妄奏肆抵。是扎隆阿污蔑伊薩克之罪尚小。其以無據之詞妄行入奏。欺君罔上之罪為重。本應在軍前即行正法示眾。否則解京廷訊後再行正法。實屬罪所應得。姑念其在喀什噶爾防堵三月。保守城池。究有微勞。尚可暫寬一線。著照所擬斬監候秋後處決。歸入明年朝審情實辦理。先在阿克蘇枷號兩箇月。滿日派委妥員解交刑部監禁。委員候選同知直隸州周彭齡。於扎隆阿奏叅伊薩克勾結之事。慮及枉殺多人。難以入奏。輒任意羅織希圖構成冤獄。長齡等擬以發往軍臺效力。尚覺情重法輕。周彭齡著革職。在喀什噶爾枷號一箇月。滿日發往伊犁充當苦差。以為

劣幕舞文者戒。喀什噶爾印房幫辦章京主事職銜金奇賢。於委審各回子供證一味迎合。任聽通事莫洛人等串供誣指。實屬故入人罪。照例罪應杖流。念其隨同守禦微勞。著革職免其治罪。喀什噶爾印房章京國子監助教升用同知春祥。與金奇賢會同審訊。厥罪維均。亦著革職。喀什噶爾換防總兵多隆武。於兵民乘亂殺掠。恃眾挾制。不能彈壓約束。已有應得之咎。迨哈琅阿等咨詢該總兵輒依扎隆阿原奏誣捏各款。扶同咨報。實屬錯謬。多隆武著即革職。參贊大臣哈琅阿。楊芳。草率取供。輒行入奏。亦屬不合。著一併交部議處。回子郡王銜阿奇木伯克伊薩克著仍留軍功王爵。飭令駐京當差。其次子邁瑪特准其隨帶進京。伊長子愛瑪特著仍回阿克蘇阿奇木伯克之任。回務章京福奎現經訊明伊薩克並無謀逆情事。其前被扎隆阿奏叅失察請革職治罪之處。著毋庸議。即飭

令回任供職。藍翎千總升任漢中鎮屬守備楊應元。於差探旋回時。因疑妄稟。現雖據實供明。惟前後供詞狡展。本應治罪。因該弁守城殺賊。面受槍傷。亦有微勞。著拔去藍翎。降為把總。以觀後效。兵丁閻喜。詭言有賊。致眾人一齊擁進。又民人劉漢。閻良貴。派充民勇頭目。不遵禁令。不能管束眾民。著將閻喜革退名糧。與劉漢俱發邊遠充軍。閻良貴因守禦受傷。著減為杖一百。流三千里。常奉清供。情始終含混。殊屬狡詐。著發邊遠充軍。劉紹濬。李紹庚。始以懷疑。率請參贊。按查。嗣復任意妄供。亦屬狡詐。俱著杖一百。徒三年。布魯特。比巴哈提。拜占。帕拉特。訊未從逆。且被賊鎖禁。用銀贖免。乘間投回。著酌加賞資。飭令各回游牧。回子通事七品明伯克。阿布都吉里。教供誣指。著革去七品明伯克。發給各省駐防官兵為奴。其在喀什噶爾供證。伊薩克勾結之各回子。現俱到案供明。均著免其置

議。至喀什噶爾民眾。當賊匪圍城時。妄肆浮言。搶掠財物。濫殺無辜。不法已極。本應懲行正法。姑念其隨同守城三月。尚有微勞。著從寬免死。將來安置各處。儻敢稍滋事端。無論所犯何事。即行正法。其無辜被戮之大小伯克。著該將軍等查明。一併照陣亡例給予卹典。同時被殺之回眾。並著確查有無家屬。按名照例給予卹賞銀兩。以示優卹。○又諭。長齡等奏。上年喀什噶爾卡外賊匪滋擾。伊薩克以馬隊太少。不可輕出。向塔斯哈再三勸阻。塔斯哈告以六月內具奏。卡外無事之摺。尚未批回。現已有賊。當時參贊不聽我言。致有今日等語。可見塔斯哈從前並不敢捏稱卡外無賊。具有天良。其慷慨捐軀。深堪憫惻。前已降旨。將塔斯哈照都統銜賜卹。其子應襲世職。本應令冬引見。著再加恩。交該旗將伊子即行帶領引見。候朕施恩。以酬忠藎。○又諭。前據扎隆阿奏。派兵出城打仗。所用賞

需銀四千兩。應否歸入軍需項下報銷。當經降旨交長齡查明具奏。茲據長齡查明。所用銀四千兩。係四次出城打仗賞給兵民動用之項等語。此項銀兩。著扎隆阿自行賠繳。不准歸軍需項下報銷。○又諭阿勒清阿奏。請將玩泄盜案之知縣革職一摺。山西臨汾縣知縣黃暄。於羅貴連等行劫之案。如果悉心研鞠。速取贓物。不難得其真情。乃遷延遲緩。迨至委員往查之後。始行通報。實屬因循玩泄。黃暄著即革職。餘照所議辦理。○諭軍機大臣等。據阿勒清阿奏。知縣被控得贓賄。囑私和請解任質審一摺。已明降諭旨。將夏縣知縣胡兆松解任。交阿勒清阿督同臬司夏修恕親提嚴訊矣。此案已革山西靈邱縣訓導武修。呈控夏縣知縣胡兆松前署靈邱縣時。得受已革廩生李棧錢文。上年伊與已革知縣許德芳互相稟訴。有教官薛寅東聲稱問官史夢蛟令伊承認不是。胡兆松許給銀

兩。伊將胡兆松得受李棧錢文代為隱諱。胡兆松反與問官林樹雲將其捏辦等情。事關職官被控得贓。且牽及原問官現任汾州府知府史夢蛟。囑令私和。保德州知州林樹雲捏辦暗害。虛實必應徹底根究。該撫務當督同臬司。提集案內人證。勒令胡兆松將被控之幕友家人。全行交出。嚴切審訊。如果訊有其事。即據實嚴行叅辦。毋許絲毫徇隱。儻有不實不盡。經朕查出。或別經發覺。惟阿勒清阿夏修恕是問。勿謂誠諭之不早也。將此諭令知之。○又諭據楊國楨奏。河南懷慶府城外。獲有解培玉呈首逆情揭帖。並韓復元傳單。單內開列所傳人姓名。均有村莊住址。悉係直隸山東地方。又印花一紙。有救命之寶字樣。及飭懷慶府暨河內縣密查。並無解培玉其人。似係奸民挾仇誣陷等語。事關謀逆重情。且有偽造敕寶。必應徹底查究。現已另降諭旨。並鈔錄傳單內人姓名住址。交琦善

訥爾經額等。各遵派妥幹員弁。按單嚴密查拏矣。逆詞揭帖。獲由豫省。即使呈首之解培玉姓名。亦係假捏。其呈詞傳單。及印花字樣。究係何人所造。何人黏貼。焉有逃匿無踪之理。著該撫仍飭懷慶府河內縣暨所屬地方。查拏黏貼揭帖之人。確加訊究。是否尹老須等實有其人。實有其事。無難從此根究。盡法懲辦。以杜萌孽而淨根株。但不可波累無辜。尤不可顛預了事。至黏貼揭帖在逃人犯。務當上緊緝獲。勿致遠颺。將此諭令知之。○又諭據楊國楨奏。六月十六日。懷慶府城門外黏貼解培玉揭帖一封。內稱接韓復元傳單。以直隸清河縣杜家務村尹老須。欲聚陰魂大戰。謀為叛逆等情。並有印花一紙。救命之寶字樣。傳單內開列所傳之人姓名。均有村莊住址。悉係直隸山東地方。河北鎮總兵謝金章。拆閱揭帖。當飭懷慶府河內縣密查。並無解培玉其人等語。事關呈首謀逆重情。是

否尹老須等實有其人。實有其事。已另降諭旨。交楊國楨飭屬嚴緝黏貼揭帖之人。確加根究。自可得實。惟傳單內所開姓名住址。悉係直隸山東地方。如果屬實。亟應嚴密查拏。按名捕獲。以杜萌孽而淨根株。著琦善。訥爾經額。各遵派妥幹員弁。分赴各路。不動聲色。各按村莊住址密查。有無尹老須等其人。平日是否安分。並與何人向有仇隙。確訪拏辦。固不可波及無辜。亦不可顛預了事。如查辦不善。貽患將來。咎有攸歸。懍之慎之。傳單內所開姓名住址。著鈔給閱看。將此各諭令知之。尋訥爾經額覆奏。揭帖人名。均係平空羅列。地方極為安靜。得肯貼帖之人。務須嚴密查緝。雖係平空羅列。亦不可不密為之防。毋忽。琦善覆奏。尹老須實有其人。並無習教不法情事。報聞。○又諭據長齡等奏。會籌善後事宜一摺。前將內外諸臣各條奏回。疆善後事宜。發交長齡襄議。並派玉麟一同悉心籌

酌務期經久可行。茲據奏參贊總理八城。應請移駐葉爾羌。乃能適中扼要。措置咸宜。該處地廣戶繁。可以多駐官兵。去秋回子用命。著有明效。該城距喀什噶爾六站。外夷進卡。接見在不遠不近之間。足為控制。其幫辦大臣。仍照例專管本城事務。再將和闐領隊大臣。移駐一員。隨同參贊。就近聽其調遣。喀什噶爾即留換防總兵一員。在彼統兵駐守。英吉沙爾仍駐領隊大臣一員。再於葉爾羌。阿克蘇適中之巴爾楚克一帶。添調總兵一員。統兵駐守。以為樹窩子咽喉鎖鑰。添此一鎮。則六城相距。均不過數百里。聲氣易為聯絡。和闐僻在一隅。祇留領隊一員。足資辦理。其滿漢防兵額數。請於西四城現有兵六千餘名外。再酌留伊犁烏魯木齊馬隊二千名。陝甘綠營兵四千名。通計原額新增。共滿漢兵一萬二千餘名。除阿克蘇烏什。現各有兵一千二三百名。毋庸議增外。喀什噶爾擬駐綠

營兵三千名。以總兵統之。作為前敵防守邊卡。如探有卡外情形。隨時具報。如遇大股賊匪。即稟報參贊發兵援剿。英吉沙爾擬駐伊犁馬隊五百名。綠營兵一千名。領以遊都佐領等官。統歸領隊大臣管轄。為前後二城中權接應。巴爾楚克擬駐綠營兵三千名。以總兵統之。擇地築壘駐劄。和闐僅有防兵二百餘名。擬再添兵二百餘名。共足五百名。以上各處防兵。均令各該管官認真操練。此外滿洲兵二千名。漢兵四千餘名。擬令全駐葉爾羌。應以副將協領等官分領。該參贊等督令加意訓練。合力操防。至防兵應需糧餉。於各省綠營兵額內暫裁百分之二。每年可節省銀三十餘萬兩。所有酌添防兵六千名。即在此項節省銀內支給。有贏無絀等語。均著照所議辦理。至所稱新增兵額。酌量隨時抽撤之處。究竟將來如何情形。方可裁撤。及裁撤之後。又將如何辦理。始臻妥善。必須豫為籌

畫計出萬全。現經此次籌議。自必控制得宜。賊匪斷不敢遽萌窺伺。儻萬一入卡來犯。總要無須內地籌餉調兵。方為妥善。必應從長計議。庶免撥運之勞。而成久遠之道。即屯田一事。以回疆物產。供回疆兵糈。均應酌定章程。善為經理。將來各城改設各官。必須慎揀得力之員。以資委任。該將軍等久駐回疆。該處各員賢否。自必深悉。著出具切實考語。詳晰開單保奏。候朕簡放。至茶葉大黃等物。准其弛禁。其遠部落輸忱納款。並霍罕果能獻出賊目。請罪投誠。再准其通商交易。以示羈縻。至上年入卡各賊目。前次開單交該將軍等按名查拏。務須將著名之犯多獲數名。不可任其逃匿。惟卡外夷情。詭詐百出。或借縛獻賊目為名。妄希重賞。切勿受其所愚。致為外夷所笑。又喀什噶爾換防總兵多隆武。現已革職。著即先行派員署理。以重職守。將此由六百里諭令知之。○兩廣總督盧坤覆奏。

查拏三合會匪情形。得旨嚴密查訪。一有端倪。即行懲辦。慎勿姑息養奸。懷之。○調任江寧布政使林則徐謝恩。得旨。莅任後。一切查災辦賑。實心實力。務臻妥善。以副簡調之意。毋忽。又奏遵旨迅速起程。順道履勘災區。批辦此等事。首在實惠及民。嚴查胥吏舞弊。一力勉行。○大學士托津因病賞假。以工部尚書穆彰阿署正。白旗滿洲都統。○以內閣學士奕紀署正藍旗護軍統領。○以辦災遲緩。降湖北布政使額騰伊為江蘇按察使。以江蘇按察使衍慶為湖北布政使。○以訪獲假照案內要犯。准四川知縣劉名震陳耀庚送部引見。○給湖南武陵龍陽沅江安鄉華容五縣被水災民一月口糧。貸湖北被災各縣司庫銀。購米減價平糶。○甲戌諭內閣。朕恭閱聖祖仁皇帝實錄。內載康熙二十五年七月諭旨。駐防兵丁。聞繫緊要。歲月既久。恐致疏懈。

必選嫺於騎射。膂力驍勇者。方准披甲。見在兵丁內有庸弱不嫺騎射之人。應革退另補。不得虛充數目。著嚴飭該管將軍等知之。聖諭煌煌。意至深切。當時已慮及駐防兵丁。歷久疏懈。閱今百有餘年。承平日久。恐該兵丁等於騎射操演。漸涉因循廢弛。殊失分防駐守。講求武備之意。夫兵可百年不用。不可一日無備。所有此項駐防兵丁。該將軍副都統等務當督飭所屬。隨時認真訓練。如有技藝生疏者。必應革退另補。並揀選年力精壯。嫺習騎射。膂力驍勇者。方准披甲。毋得以老弱充數。以期一兵得一兵之用。將來儻有徵調。未能得力。惟該將軍副都統等是問。勿謂誥誡之不早也。將此通諭知之。○諭軍機大臣等。據御史范承祖奏。江蘇上元縣知縣黃寬。奉委至龍都地方拏賭。轉被奸民糾眾抵敵。打破頭顱。武營員弁均受重傷。龍都地方多開賭場。結黨數百人。輸贏盈千累百。被誘入

局者。破家蕩產。不可勝數。該匪徒等恐被拏獲。雇有打手保護。官長置之不問。歷有年所。等語。匪徒聚眾賭博。為害地方。本應隨時訪拏。何以事隔三月有餘。並未據實奏辦。著陶澍查明。如該御史所奏。該匪徒等膽敢於地方官查拏時。糾眾抗拒。實屬大干法紀。務須從嚴究辦。以戢奸宄。而靖地方。將此諭令知之。○以鑲藍旗漢軍參領張仲敬為正黃旗漢軍副都統。○乙亥。

仁宗睿皇帝忌辰。遣官祭

昌陵。

上詣

安佑宮行禮。○諭內閣。御史李昭美奏。籌酌荒政一摺。本年江蘇安徽江西湖廣等省。被災地方較廣。疊經諭令各該督撫妥為撫卹。毋使一夫失所。茲據該御史奏。請嚴究隱災飾災。並安輯流民。嚴禁遏糴。及勒減糧價。收骸骨以順生氣。獎捐輸以助不給。所奏各條。均

為救荒善政。久經著為定例。著各該督撫體察情形。妥為籌辦。務令窮黎均霑實惠。以副朕軫念災區之至意。惟獎勵捐輸款內。據稱有祖宗微賤子孫。善良例不准考試報捐者。如能多捐銀穀。許令銷毀該祖宗及本身掛名冊檔。許其子孫報捐。應試等語。定例隸役人等。本身及其子孫。均不准考試報捐。原以區別流品。若因其捐輸銀穀賑濟。遂准令報捐應試。勢將使倡優隸卒。皆得與身家清白

者同登仕籍。於流品大有關繫。殊屬不成政體。所奏著不准行。○又諭琦善奏運判被控各款。訊出交結商人。故債取利屬實。請革職審辦一摺。此案劉永分司運判王世謨被控貪淫牟利。迫斃人命等情。據該督奏查明該員於所管地面。交結商人。借給銀錢。收取利息。實屬有違例禁。且難保無倚恃本官重利盤剝情弊。王世謨著即革職。交該督提同通案人證。將被控各款。徹底根究。從嚴懲辦。並

著催提曹生屍棺。及補傳人證到省。分別確切驗訊。以成信讞。尋奏審明王世謨並無謀斃人命情事。惟以職官違禁牟利。請從重發往軍臺效力贖罪。其挾嫌誣控之曹坤。應擬絞監候。下部議從之。○又諭盛恩本奏籌辦災區。宜急撫綏而杜侵冒一摺。本年江蘇等省被災較重。疊經降旨諭令該督撫等妥為撫卹。自必實力奉行。無使一夫失所。惟思向來地方官辦理災務。流弊多端。如該少卿所

奏情形。不可不豫為籌畫。現在災黎既無室廬棲止。勢必流離四散。全在地方官妥為安置。若任其轉徙他方。或數十人一起。或數百人一起。誠恐人數眾多。良莠不等。弱者轉於溝壑。强者且去而為盜。橫行滋擾。別生事端。甚至混入私梟。尤為地方之害。著各該督撫嚴飭地方官親身履勘。凡係實無居處者。即擇境內未經淹沒之處。或棲流公所。或空闊廟宇。令其暫為棲止。計口給賑。其已散走者。

即移會鄰封查明給發口糧遞送回籍俾貧民無虞失所而鄰境亦不致無端受累方為妥善至災務完竣必須覈實報銷原為慎重錢糧起見乃各州縣吏胥既不免侵蝕浮冒諸弊而部中書吏每遇報銷於照例覈減外任意斥駁以為勒索地步其勒索之多寡即視報銷之數為差著戶部嚴切示諭將來報銷到部於照例覈減外如有延掄需索情弊一經發覺即將該書吏加等治罪毋稍寬貸庶地方官得以盡心辦災而羣黎咸霑實惠將此通諭知之○諭軍機大臣等御史王璋慶秦州縣徵收錢糧任意增加請飭令明定章程以歸畫一據稱山東州縣徵收錢糧皆令以錢折銀前經升任巡撫琦善因黃縣向來每兩折錢三千四百文知縣李肇敏加錢二百文奏參革職以後自應悉照此次奏明章程畫一辦理乃各州縣仍不遵辦有加無已弊端百出若上司訪問則私囑同官以多

報少掩飾朦蔽即如萊陽縣向係收錢折銀從無自封投櫃之說其鄰邑黃縣每兩折錢三千四百文招遠縣每兩折錢三千六百文而該縣驟加至四千之多以致愚民情急羣赴縣堂分訴該縣鎖拏監禁板責無算乃捏飾具稟現已奏明撤任自應嚴訊懲處且恐山東州縣不獨萊陽一縣為然等語州縣徵收錢糧自應遵照舊章妥協辦理不得任意增加山東省既有奏明三千四百文定數何以該御史奏稱仍有加至四千文之事著訥爾經額督同藩司確切查明是否屬實務須嚴飭各州縣遵照舊章畫一妥辦如有於定數之外私自增加即行嚴參懲處勿稍徇隱將此諭令訥爾經額並傳諭劉斯崐知之尋奏東省徵收錢糧照例完銀者居多間有以錢折納之處皆因鄉民購銀不便俯順輿情沿為成例而其每兩折納若干則視地土之沃瘠公事之繁簡為數不齊各有舊章未便

輕改得旨。總之貪污官吏。必應嚴懲。若畏難姑息。則是爾等縱奸殃民。懷之慎之。○以捐修山西臨晉縣書院考棚。予州同李守恆等議敘有差。○旌表守正捐軀河南鄆陵縣民王文運妻張氏。○丙子。

上御勤政殿聽政。○諭內閣。陶澍奏場所被水設法籌濟一摺。淮鹽綱食各岸地暨煎鹽相鹽各場所。同時被水。場竈煎丁及運夫捆工等。人眾繁多。值此大災。自應設法救濟。據該

督查有鹽義倉穀一項。早經虧短徵變。發商買補。尚應有穀十餘萬石。以二穀一米計算。應得米五六萬石。著准其散布各場。及揚城儀徵災務之用。以資救濟。其被水成災各地。畝錢糧著查勘明確具奏辦理。○頒賞

撫皇四子皇五子及王公大臣內廷翰林各省督撫。

御製文初集各一部。○以通政使司副使朱為弼為太常寺卿。○貸江南江寧浦口瓜洲狼

山掘港青山等營駐劄災區兵丁餉銀。○丁丑。諭內閣。戶部奏查明各省節年積欠地漕正耗銀兩。請旨嚴飭催徵詳報一摺。各省丁賦。歲有常供。自應按年清款。不使稍有拖欠。方足以供度支而裕國課。近年各省未完銀兩。愈積愈多。據戶部查明直隸等十五省。未完地丁等銀八百三十五萬餘兩。未完緩徵地丁等銀九百三十九萬餘兩。共欠正課銀一千七百七十餘萬兩。該部於本年三月內

奏催。至今未據一省查明報部。各省積欠銀兩。關繫正項支銷。如果地方官隨時實力徵解。何至逾年積累至千餘萬兩之多。總由州縣官吏。以完作欠。那新掩舊。恃有完過六分以上之例。批解過半。即可列入帶徵。而各省督撫。遇有經徵不及五分之屬員。又復輾轉調署。為之規避處分。各官吏遂於經徵錢糧。漫不經心。節年拖欠。永不清款。國家經費有常。豈容任其久延。況各省偶被偏災。蠲賑動

逾巨萬。河工兵餉在所必需。庫祿雜支。不容稍乏。若不明定章程。勒限嚴催。該官吏等益無顧忌。日甚一日。積欠叢累。何所底止。著通諭各督撫嗣後欽遵嘉慶十五年

諭旨。勒限一年完半。二年埽數全完。其屆期不完者。將經徵之員嚴叅。並督催不力之各該上司。一併懲處。至各省例應入撥銀款。造冊時延不入撥。及入撥銀數不符。曾經行查者。共銀八百六十餘萬兩。屢經該部開單查催。

各省均未明晰登覆。殊失覈實辦公之道。著將單開直隸等十五省未完地丁等銀。及各省應入報撥銀數。嚴催入撥。並分別先行造冊送部。以清款目。毋許再有懸宕。致干重咎。○又諭刑部奏各省秋審外擬情實緩決間與部擬不符。請旨更正辦理一摺。本年正月內。特降恩旨。查辦減等。所有各省本年秋審人犯。經刑部會同大學士等分別酌擬。將應行減等及不應減等者。節次開單具奏。俱經

朕逐案詳閱。覈其情節。次第施行。各省自應欽遵辦理。除雲南廣西福建奉天安徽江蘇河南直隸熱河等省。所擬情實緩決。毋庸置議外。其貴州廣東四川陝西甘肅湖北湖南浙江江西山東山西等十一省。所擬情實緩決。間與部擬不符。惟念該省具題之日。在未接部咨之先。著加恩免其議處。仍著刑部將各案不符之處。一體更正。○又諭御史卞士雲奏請飭直省嚴覈常平倉儲。以備緩急一

摺。各直省州縣設立常平倉穀。原以豫籌民食。果使倉儲充實。偶遇水旱偏災。急需賑濟。何難取之裕如。乃近日存倉穀數。多不按時據實報部。或因公動撥。領價後仍未買補還倉。或交代有虧。接任時祇憑虛帳報數。迨至上司查辦。則按照部價。將銀貯庫。輾轉流抵。謂之穀價。又復不免侵用。間有聲請平糶。名為存七糶三。而不肖州縣。每至影射格外多賣。如遇水患。甚或捏報淹浸。種種積弊相沿。

如該御史所奏。自係實有之事。是以各直省遇有偏災。鮮有以撥放常平倉賑給為請者。大率動支藩庫銀兩。易錢散給。即如本年江蘇安徽湖廣等省被災。現請免稅招商。並齎銀至鄰省採買。此後請帑辦賑。無非以銀錢易穀。始敷災黎口食。推原其故。總由倉儲不足所致。雖此時急切救災。不得不如此辦理。然終非先事豫籌之道。必應力加整頓。著各直省督撫嚴覈各州縣常平倉實貯數目。令其加具印結申送。按時報部查覈。如遇緩急之需。即由該督撫隨時聲請動用。務將交代虛收存銀流抵等弊。永遠禁止。所有舊缺倉穀。亟行賠補完足。毋許再有新虧。自此次申諭之後。儻仍有前項弊端。即著嚴叅懲辦。以實倉儲而裕民食。將此通諭知之。○又諭。稽恩奏參。昨日朕御門辦事。回子郡王銜貝勒克克色布庫曠誤一摺。本年五月。因克克色布庫誤差。經御前大臣叅奏。即將伊交理藩

院議處。乃克克色布庫不知悔改。此次朕御門辦事。伊又稱病曠誤。不堪已極。著即將伊逐出乾清門。拔去花翎。革去郡王銜。令其在黏杆處拜唐阿差使上行走。以示懲戒。○江西巡撫吳光悅奏。南昌等縣大雨河漲。田廬漫淹。發銀撫卹情形。得旨查辦災賑。總要帑不虛糜。民需實惠。外省惡習相沿。每遇此等事件。書役必從中舞弊。嚴加查辦。○緩徵貴州貴筑縣水衝沙壓田畝額賦。給石峴衛被水屯軍穀石。桐梓縣被水災民口糧。並房屋修費。殮埋銀。○戊寅。

上詣綺春園問皇太后安。○宗人府奏。宗室慶興私自出京。請交刑部嚴審。得旨。宗室慶興。著交刑部會同宗人府嚴審確情。按律定擬具奏。族長學長等於慶興潛往香河縣。並未查出呈報。實屬疏懈。三等侍衛奉恩將軍哲宗額。四品宗室智明。順康。敦玉。俱著交兵部照例議處。尋刑

部會同宗人府奏查明慶興並無別滋事端。依旗人私自出京例鞭一百。實行責打。不准折罰。從之。○命盛京工部侍郎薩迎阿留京。署鑲白旗漢軍副都統。調理藩院左侍郎嵩惠。為盛京工部侍郎。以都察院左副都御史普保。為理藩院左侍郎。鑒儀衛鑒儀使佛麟。為鑲紅旗蒙古副都統。○越南國使臣黃文。豐等三人。於大紅橋瞻覲。○己卯。諭軍機大臣等。福克精阿等奏。承辦新城局屯田。不實各員。請旨提訊。一摺。據稱。伯都訥新城局屯田所收租項。承辦各員。並不隨徵。隨收貯庫。又不即時呈解。顯有那移侵用情弊。況該處設局之後。尚未移駐京旗。開銷費用。何至一萬八千餘串之多。該處佃戶認墾地畝。甫經升科納租。姜成義等五十餘戶。亦何致虧欠大小租錢多至四千七百餘串。承辦各員。亦難保無以徵作欠。朦混呈報等弊。至伯都訥設屯募佃。已於道光八年秋間。全行募足。

其鑿井蓋房銀兩。均經發給。乃遲至四年之久。該副都統輒咨稱。現有十五屯。因鑿井無水。未能蓋房。恐有通同捏飾。分肥情事。必應嚴行究辦。以期水落石出。著富俊賽尚阿。即將新城局承辦屯田之協領等官。提至吉林。秉公究訊。認真查辦。據實具奏。福克精阿等原摺。著鈔寄閱看。將此諭令知之。○命工部尚書穆彰阿。朱士彥。馳往江南。查辦事件。以都察院左都御史那清安。禮部尚書王引之。署工部尚書。兵部尚書松筠。署管理戶部三庫事。貝子綿恩。署鑲白旗漢軍都統。惇親王綿愷。署正白旗滿洲都統。○調盛京刑部侍郎鄂順安。為盛京戶部侍郎。兼管奉天府府尹事。盛京戶部侍郎凱音布。為盛京刑部侍郎。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十三

實錄卷一百九十三

五

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十四

監修總纂官是日錄起居注官太子太傅禮部尚書文淵閣領侍衛內大臣等奉
上諭著將監修總纂官是日錄起居注官太子太傅禮部尚書文淵閣領侍衛內大臣等奉

天府府尹事務隨帶加五級紀錄十八次臣等謹將監修總纂官是日錄起居注官太子太傅禮部尚書文淵閣領侍衛內大臣等奉

七倉大臣稽察會同四庫館事務加一級隨帶加六級軍功加三級紀錄五次臣等謹將監修總纂官是日錄起居注官太子太傅禮部尚書文淵閣領侍衛內大臣等奉

內務府大臣錄刊撰修四庫館事務加一級隨帶加六級軍功加三級紀錄五次臣等謹將監修總纂官是日錄起居注官太子太傅禮部尚書文淵閣領侍衛內大臣等奉

醫院總辦處事務隨帶加十八級臣等謹將監修總纂官是日錄起居注官太子太傅禮部尚書文淵閣領侍衛內大臣等奉

欽修

道光十一年辛卯八月庚辰朔諭內閣給事

實錄卷一百九十四

中徐法績奏近年械鬪會匪日漸增多皆由
地方官釀成巨案請飭各督撫慎選地方官
以息刁風一摺廣東福建等省民風頑悍習
為械鬪並各省會匪名目如果該督撫嚴飭
地方官實力查禁並將玩泄從事者隨時劾
叅另行委員妥辦何至匪徒日多肆行無忌
以至釀成重案如該給事中所奏廣東黎匪
夥劫已獲到案之犯監斃數名並不早為申
報根究至釀成勒捕大案始行叅劾所傷實

多。又陸豐等縣互鬪致斃。每一起皆至十餘命。人犯數年無獲。而地方官向日規避械鬪處分。往往分案咨報。此等惡習。必應革除。至直隸河南山東江西等省。各有會匪名目。擾害良善。逼脇取財。公然無忌。總由地方官不肯認真查辦。養癰貽患。若不大加整頓。何以懲奸宄而靖閭閻。著通諭各督撫於所屬地方官。務選廉幹之員。責令設法查禁。嚴緝匪徒。課其功效。示以勸懲。以期力挽澆風。俾奸匪漸知斂戢。不獨查辦械鬪會匪。該地方官須委任得人。即現在江蘇安徽江西湖廣等省被水之區。辦理災務之地方官。尤關緊要。著通諭各該督撫加意訪查。其有聲名平常及才具平庸者。皆不可委任。必應及早撤回。無稍姑息。務當遴委廉幹之員。平日實心任事。可以信任者。責令認真辦理災賑事宜。俾小民均霑實惠。毋致一夫失所。以副朕廑念民瘼之至意。○諭軍機大臣等。給事中王雲

錦奏被水之區。請多種菜類以助穀食一摺。本年被水省分較多。米穀僅可敷給。至來春青黃不接之時。恐饑民無以為餬口之計。屈指麥熟收成。為期太遠。亟宜思所以豫籌。如該給事中所奏。凡菰米芋根之類。皆可充饑。但為物無多。查南方有薑薑菜。亦可飽食代穀。從前固始荒旱時。民賴以生。未必非備荒之一策。著陶澍程祖洛鄧廷楨廣為曉諭。趁此秋月。凡窪下沮洳之地。購買菜子種植。俾來春餬口有資。以副朕軫念災區之意。原摺著鈔給閱看。將此各諭令知之。○宗人府刑部會奏。審明因事發遣之宗室祥佑。朦混告假來京。定擬一摺。得旨。此案宗室祥佑係獲罪發遣之人。不應遠離配所。雖經宗人府會同刑部訊明。尚無向趙七強借銀兩馬匹。及挾嫌勒捐情事。其告假來京。亦因該管主事將伊撥歸宗室營房居住。並發給移居錢糧在先。惟自知獲罪發往。非移居宗室可比。輒

敢率行呈請告假來京。實屬違例。朦混宗室祥佑著依議杖一百。照數實行責打。不准折罰錢糧。仍解往盛京。交該將軍嚴加管束。至該將軍等及辦理錯誤之主事常威。業經交部分別議處。惟據祥佑供稱將伊改歸宗室營房。及發給移居錢糧。均由該管宗室營主事奇善傳諭給領。該將軍咨文亦稱祥佑請假進京。係主事常威奇善詳辦。乃該將軍回奏。並未將奇善及承辦錢糧之左戶司人員。

一併奏參。實屬疏漏。著瑚松額常文。即行詳細查明。奏以昭覈實。○給江蘇甘泉高郵寶應興化鹽城桃源丹徒丹陽泰東臺阜寧十一州縣被水災民口糧。○辛巳諭內閣。長齡等奏。喀什噶爾防兵。請照征兵例。支給鹽糧一摺。喀什噶爾駐防官兵。一千七百餘員。名上年隨同守禦。均著微勞。現在大兵駐劄喀什噶爾。經理善後。該處食物昂貴。防兵例支鹽菜銀兩。據該將軍等查明。不敷日用。自

屬實在情形。加恩著照征兵例一體支給。以資津貼。俟大兵全撤。仍照防兵例支給。○又諭陶澍奏。查明馬棚灣迤南等處漫口情形。請將該管各員。分別革職議處。留工效力。並自請議處一摺。前因馬棚灣等處漫口。據該督奏稱高郵州與揚河廳推諉。却過。各執一詞。當經降旨。令確切查明。參奏。茲據奏失事之由。實因風水漫溢。掣却。人力難施。尚非盡該員等之咎。惟疏防失察。例有處分。自應

嚴懲示儆。署揚河廳通判清河縣知縣張心淵。揚河營守備王拱壽。俱著革職。留工效力。前署高郵州知州候補知縣光謙。著交部照例議處。永安汛千總李明嵐。著即革職。護淮揚道外南同知王貽象。河營參將張兆。河營遊擊薛朝英。均著照例議處。該督前次奏摺。內未將薛朝英開參。究屬疏忽。並運河漫口。未能先事豫防之處。著一併交部議處。○又諭。前據陶澍等奏。糧船夾帶私鹽。並有奸徒

出資買私。由糧船附帶。與丁舵水手等獲利均分。以致糧私日多。當經降旨令直隸江蘇等省督撫。派員嚴行查禁。現在軍船陸續回空。所有經過各地方。按緝最關緊要。著直隸山東江南各督撫。及長蘆鹽政。遴委妥幹之員。嚴密訪查。沿途認真按緝。不可有名無實。如查出丁舵水手等。夾帶私鹽。即向其嚴切根究。買自何處。將該處失察買私及經過各處失察偷漏之員。一併叅處。儻該員等查報並無夾帶。以後別經發覺。即將查報不實之委員。嚴叅示懲。並著有漕省分各督撫。暨署漕運總督。一體飭屬稽查。俾糧私淨盡。以除積弊而肅漕政。○以

萬壽特沛恩施。寬免開復親王。郡王貝勒貝子。暨內外文武大臣。降罰處分有差。○命順天府府丞龔鏗為奉天府府丞。兼提督學政。光祿寺卿劉彬士。提督順天學政。工部右侍郎何凌漢。提督浙江學政。福建道御史鄭瑞

玉。提督江西學政。兵部左侍郎張鱗。提督福建學政。江西道御史岳鎮南。提督湖南學政。江南道御史周作楫。提督河南學政。光祿寺少卿盛思本。提督山東學政。翰林院編修俞東校。提督山西學政。編修黃琮。提督四川學政。編修李泰交。提督廣東學政。編修錢福昌。提督廣西學政。編修李品芳。提督雲南學政。編修陳憲曾。提督貴州學政。江蘇學政汪守和。安徽學政鄂木順額。湖北學政許應藩。陝

甘學政戴蘭芬。仍留任。○以禮部右侍郎桂齡署兵部左侍郎。刑部右侍郎戴宗沅署工部右侍郎。兼管錢法堂事務。○壬午。遣官祭文昌帝君廟。○癸未。遣官祭關帝廟。○諭內閣。內務府奏遵旨酌定賠繳關稅短徵銀兩章程一摺。各關監督徵收稅課。虧缺銀兩。上年曾經戶部等衙門議定章程。奏准遵行。所有稅課贏絀。均由該監督自行奏報。統歸戶部查核。惟許豐。淮安。龍江。西

新九江。南新北新等五處。向由內務府司員簡放。遇有短絀。照例報部辦理。迨該員回京到旗。往往以欠項較多。不能依限赴部完繳。輒在本旗具呈。懇請代奏。繳銀扣俸。各關稅課。無論正額盈餘。均關經費。豈容絲毫短絀。近來各關雖頻年奏報虧短。總不至如潯墅淮安兩關。動輒虧短至數萬及十餘萬兩之多。皆由該監督等並不實心經理。迨有虧項。又復延宕。希冀以俸扣抵。徒有賠繳之名。並無完交之實。此而不嚴加整頓。何以防流弊而重稅課。嗣後潯墅關淮安關龍江西新關九江關南新北新關等五處。遇有虧缺關稅之員。回旗具呈繳銀扣俸。一概不准。均令依限完納。限滿不完。即著革職監追。如監追後。仍敢任意延宕。不行完交。即著永遠監追。其子孫代賠之項。亦令依限完納。不完照例監追。如係赤貧。取具參領佐領家產盡絕印甘各結。仍查明並無寄頓屬實。方准據呈奏明。

以俸扣抵。其監督升任。不依限完繳者。亦著一體照例監追。至該監督虧欠之項。如係三四任一同到限。著查明數在萬兩以內者。照例一併完納。其在萬兩以上者。照依叅革降調人員。呈明戶部。准其接續完交。以清官項。

○乙酉

上詣綺春園問

皇太后安。○諭內閣。嚴烺奏。地方人員。搶工無分畛域。懇請鼓勵等語。東省糧河廳單縣上汛六堡河溜趙注塌壩串溝。工程甚為險要。據該河督奏。單縣知縣容曷招集夫車。認真彈壓。防汛委員候補通判程寰。催趲土工。不逾定限。候補未入流蕭桐。轉運料物。源源應用。均屬不辭勞瘁。雖係實在情形。惟所請容曷以應升之同知直隸州先儘升用。程寰蕭桐各按地方本班先儘補用之處。未免過優。嗣後隨時搶險。又添一倖進之門矣。所奏不准行。容曷程寰蕭桐俱著交部議敘。○諭軍

機大臣等嚴稟奏。河溜趨注情形險要。搶辦平穩一摺。據稱東省糧河廳單縣上汛六堡舊有土壩。因河水接長。大溜直趨。刷塌八十丈。並於壩頭刷有溝槽一道。串水東流。歸入正河。情形甚為險要。經該河督督率廳營搶堵。並添築壩埽。乘此水落溜緩之時。迅速搶辦等語。均著照議辦理。必須追壓穩實。俾水長定可無虞。至南岸商虞廳虞城上汛十五六堡。日前水長溜注。舊埽脫胎壑塌多段。片段過長。頗形危險。開歸道張塏已赴工搶辦。著即飭令趕緊補鑲完竣。以資防護。該河督渡河後。迅即妥為勘辦。務保安瀾。將此諭令知之。○正黃旗滿洲都統奏。佐領不安本分。屢次妄控。請旨解任。交刑部訊斷。得旨。勳舊佐領德山。所控地畝人丁之案。屢經查辦。奏明毫無實據。該員復行瀆控。殊屬不安本分。德山著解任。交刑部訊明治罪。以懲刁健。尋奏。訊明德山懷疑具訴。並無憑據。請革職發

往軍臺效力贖罪。從之。○以大學士盧蔭溥為順天鄉試正考官。吏部左侍郎寶興。戶部右侍郎李宗昉。為副考官。○以刑部右侍郎戴宗沅。署管理順天府尹事。正白旗漢軍都統奕繪。署鑲白旗蒙古都統。都察院左都御史那清安。署正藍旗滿洲都統。刑部左侍郎戴敦元。署戶部右侍郎。兼管錢法堂事務。○丙戌。以山西銀價昂貴。暫停寶晉局鼓鑄。從巡撫阿勒清阿請也。○丁亥。祭先師孔子。遣協辦大學士兩廣總督李鴻賓行禮。○戊子。祭大社。○遣豫親王裕全。恭代行禮。○太宗文皇帝忌辰。遣官祭昭陵。○以萬壽復沛恩施。晉封郡王銜貝子瑪呢巴達喇。為貝勒。命郡王多爾濟喇布坦。在御前行走。賞親王車登巴咱爾。郡王僧格林沁貝勒托

思多貝子濟克默特。半年俸銀。○己丑。									
萬壽節。遣官祭。									
太廟後殿。○遣官祭。									
福陵。									
昭陵。									
昭西陵。									
孝陵。									
孝東陵。									
景陵。									
泰陵。									
泰東陵。									
裕陵。									
昌陵。○遣官祭。									
孝穆皇后殯宮。○遣官祭。									
顯佑宮。									
東嶽廟。									
城隍廟。○									
上詣。									

安佑宮行禮。○詣綺春園。									
皇太后前行禮。○御正大光明殿。王以下。文武大臣官員蒙古王公。外藩使臣等。行慶賀禮。									
○御同樂園。賜王以下。文武大臣蒙古王公。外藩使臣等食。○以									
萬壽復沛恩施。賞大學士曹振鏞雙眼花翎。開復大學士托津等失察假照案內處分及賞還頂帶有差。○庚寅。									
太祖高皇帝忌辰。遣官祭。									
福陵。○諭軍機大臣等。據楊芳奏。於七月初八日。自喀什噶爾起程回任。後來京請訓。齋繳參贊大臣關防一摺。固原地方攸關緊要。該提督回任後。著毋庸來京請訓。所有參贊大臣關防。著於參將遊擊內酌委妥員齎送來京。赴軍機處繳收。將此諭令知之。○免江蘇清河縣低窪田地減則舊欠額賦。○辛卯。									
上奉。									
皇太后幸同樂園進膳。並賜王以下。文武大臣。									

蒙古王公外藩使臣等食。○以

萬壽復沛恩施。加大學士長齡太傅。賞伊犁將軍玉麟子二品廕生恆昌及歲時以員外郎用。○壬辰

上詣

安佑宮行禮。○遣官祭黑龍潭

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。○遣官祭圓明園

惠濟祠。

河神廟。○諭內閣。上年戶部堂官失察蔡繩祖等私辦假照一案。吏部等衙門按照在任年月久暫。及失察名數多寡。分別議以降級調用。朕因人數過多。一時簡用乏人。加恩酌降頂帶。分別留任。本年因係朕五旬萬壽慶辰。特降旨將各該堂官頂帶賞還。並將降留

處分。悉予開復。各部院堂官管理事務。理宜督飭司員嚴查弊端。假照一案。書吏營私舞弊。自嘉慶二十一年。至上年破案時。已及十有餘載。如果歷任各堂官留心查察。燭破其奸。隨時懲辦。何至經年累月。書吏等肆無忌憚。所獲贓私。難以數計。釀成如此重案。且彼時如王開雲。巴齡阿。盛唐。柏凝。劉光三等。均有條奏之件。該堂官等亦應及時警省。覺察嚴加防範。乃平日既漫不經心。而於有人條奏議定章程之後。猶復視為具文。並不嚴飭司員實力奉行。似此因循疲玩。相習成風。實於官常吏治。大有關係。不可不亟加整頓。著通諭各部院堂官。嗣後務當振作。有為。痛改因循積習。除奸剔弊。督率司員。於應辦公事。認真稽覈。毋許仍前怠玩。任聽書吏等。假法營私。致干重咎。儻司官中有不實心任事者。即著隨時劾參。不得有意姑容。遲俟三年京察屆期。方行甄別。經此次訓諭之後。各該堂

官如仍不知振刷精神。盡心乃事。或存推諉之心。或存附和之意。捫心自問。能無愧乎。若仍任聽書吏作奸犯科。一經發覺。必將各該堂官照部議分別辦理。不稍寬貸。朕綜理庶政。一秉大公。各該堂官總當激發天良。隨時警惕。毋謂寬典之可以屢邀也。○又諭前因各關監督徵收稅課。累年虧缺銀兩。降旨嚴定章程。不准於回旗後呈請繳銀扣俸。均令依限完納。限滿不完。革職監追。如監追後仍延宕不交。即著永遠監追。茲閱戶部單開嘉慶道光年間。許墅淮安兩關歷任監督徵收數目。雖間有奏報多收。甚屬寥寥。而虧缺者甚多。似此任意短少。年復一年。伊於胡底。溯查嘉慶四年。欽定許墅關盈餘銀二十三萬五千兩。嗣於嘉慶九年。加增銀一萬五千兩。共銀二十五萬兩。淮安關盈餘銀十一萬一千兩。嘉慶九年。加增銀二萬兩。共銀十三萬一千兩。今朕酌

量裁減。著將許墅關盈餘銀減去二萬兩。每年徵收銀二十三萬兩。淮安關盈餘銀減去二萬一千兩。每年徵收銀十一萬兩。自此裁減之後。不特將嘉慶九年加增之數全行減去。并較嘉慶四年原定之數。格外減少。該監督等各宜感激朕恩。共發天良。認真徵收。總期於新定數目。有贏無絀。方為不負委任。儻或仍前玩視。以致額外虧缺。必將該監督等照前定章程。分別革職監追。及永遠監追。嚴行懲辦。決不稍有寬貸。懍之慎之。○諭軍機大臣等。本年江蘇地方。因大雨時行。河湖浸溢。江漲添長。民田廬舍。被災甚重。前經降旨諭令白鎔於被災處所。沿途留心查訪。嗣復派令穆彰阿。朱士彥前往江南。周歷災區。悉心履勘。因思安徽地方。被災情形亦重。著派朱士彥。白鎔於江蘇查勘完竣。前赴安徽履勘被災地方。現在辦理情形若何。據實具奏。如地方官有不實心查勘。或從中侵蝕者。

即行指名嚴叅。儻查有吏胥營私舞弊虛冒。以致實惠不能及民。並著據實奏明。從嚴懲辦。以副朕軫念災黎至意。穆彰阿著不必前往。仍遵前旨。於十月底到京。將此諭令知之。○癸巳。

上奉

皇太后幸慎德堂進膳。○遣官祭昭忠祠。○旌表守正捐軀直隸安肅縣民張明先妻鄭氏。○甲午。以捐修江蘇金山衛。

宣宗實錄卷一九五

二十八

文廟。予紳民錢熙載等議敘有差。

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十四

宣宗實錄卷一九五

十九

因陳總督奏從日攝太僕卿唐廷官太僕卿閩大學士調閩督理軍管理 郵事務 書房總辦翰林院院學士書堂順天府等路隨帶知文殿紀錄十八次員買辦總辦官廳差辦官文書房主簿漢軍都管理新營差內官吳良臣等奏

道光十一年辛卯八月乙未諭軍機大臣等

報一萬六千一百五十戶。所有冒賑銀兩侵

吞入己伊曾向劉步洲等勸說以後不可冒報不料十年三月仍任意冒報伊復向阻劉步洲轉說洩他密弊將其毆辱至本年四月有本縣生員朱道軒在戶書任維城家揀得道光三年四年冒銷賑濟清單一紙任維城侵使制錢四千七百八十一串六月內朱道軒赴本道呈告未為究辦現在本省被災伊恐劉步洲等又復冒賑特來京控告等語事

清實錄
道光十一年八月下

旗漢軍都統穆彰阿為兵部尚書兼鑲白旗滿洲都統未到任前以戶部尚書禧恩兼署兵部尚書調理藩院尚書富俊為工部尚書未到任前仍以都察院左都御史那清安署理以戶部右侍郎博啟圖為理藩院尚書調兵部左侍郎桂輪為戶部右侍郎兼管錢法堂事務未到任前以戶部左侍郎敬徵兼署轉兵部右侍郎那丹珠為左侍郎調盛京禮部侍郎鐵麟為兵部右侍郎以已革直隸總督那彥成為盛京禮部侍郎調鑲白旗蒙古都統寶興為鑲白旗漢軍都統以正黃旗滿洲副都統高喀鼐為鑲白旗蒙古都統吏部尚書文字署管理三庫事○丙申

上詣綺春園問

皇太后安○以貝子綿偲署鑲白旗滿洲都統正白旗漢軍都統奕繪署鑲白旗漢軍都統調鑲紅旗漢軍副都統桓格為正黃旗滿洲副都統以內閣學士駐藏大臣隆文為鑲紅

旗漢軍副都統鑲黃旗護軍統領蘇清阿為右翼前鋒統領調鑲白旗護軍統領安福為鑲黃旗護軍統領以正白旗蒙古副都統奕紀為鑲白旗護軍統領○丁酉諭內閣大學士九卿會議整飭各部院註銷章程一摺各部院辦理事件每月兩次造冊赴科道衙門註銷載明已完未完各若干件科道月終題奏如有遺漏逾限者叅處各部又設立督催所查催各司所辦事件以防積壓其現辦事件按季具奏各部院復於年終赴河南道照刷文卷由河南道彙題必註明有無漏辦難結事件似此層層稽覈立法至為周詳承辦各員果能依限辦竣認真查察何至有積壓未辦之事任令該書吏於註銷時混行填寫且各司收文均有號簿每件之下必註明收文辦稿呈堂行文各日期如果細心查閱自不至遺漏遲延據大學士等奏稱若有專員稽覈自更有所責成著照所議令各部院於

各司中揀派滿漢司員各一人專司查覈於文書收發逐件清釐填寫註銷時再為詳細覈對掌印主稿司員仍不時留心稽察不得以派有專員管理即置之不問其督催所司員又將各司事件按限查催趕辦恐日久視為具文該科道等必應認真稽察於每月註銷事件年終照刷文卷之時逐條磨對儻有未完事件書吏捏填已完者著隨時叅奏懲辦以防延擱而杜弊端○以前任烏里雅蘇

書奏事

六

台將軍彥德署理藩院右侍郎○以太僕寺卿梁中靖兼署光祿寺卿○以鑲白旗漢軍副都統聯順兼署正藍旗護軍統領署鑲紅旗蒙古副都統國椿兼署鑲紅旗漢軍副都統○給湖北江夏武昌咸寧嘉魚漢陽漢川沔陽黃陂孝感黃岡黃梅廣濟江陵石首公安監利十六州縣被水災民一月口糧○戊戌秋分夕

月於西郊遣定親王奕紹行禮○以雨澤愆期

命於

黑龍潭

覺生寺設壇祈雨○諭內閣據鑲紅旗漢軍都統等奏參領閻齡等因秋操劃拉地界率行科派各佐領下兵弁攤扣錢文查出傳帖共三十二件此項差使應派撥領催等自行承役何得藉口雇夫任意攤扣雖非侵蝕入己實屬辦理不善管理槍營印務參領閻齡管理礮營參領傅廉泰均交部嚴加議處此

書奏事

六

案係前任副都統桓格先行查出惇親王吉倫泰查明叅奏著加恩一併免議○又諭據鑲紅旗漢軍都統等奏查出槍營礮營各參領科派秋操劃拉地界之費於各佐領下兵弁攤扣錢文已將該參領等交部嚴議因思鑲紅旗漢軍既有此弊恐此外各旗亦不免有藉端科派兵弁之事必當認真查察以杜弊端著通諭二十四旗都統等於所管旗務加意整飭並嚴飭所屬各員均當以閻齡等

為戒。不可蹈其覆轍。儻有似此任意攤扣之事。經該管都統等查出。或被入糾叅。必將該參領等從重懲辦。不稍寬貸。並著查旗御史一體認真稽察。不可有名無實。如未能查出弊端。別經發覺。定將該御史等一併議處。○順天府以宗室鄉試中額請得旨。取中八名。○以刑部左侍郎貴慶署戶部右侍郎。兼管錢法堂事務。吏部左侍郎寶興為京營右翼總兵。○己亥。諭內閣。朕本年閱看三旗侍衛弓箭。因思我朝自發祥以來。

列聖垂訓。八旗兵丁。均以弓箭為重。必應永遠遵行。於平時勤加訓練。使知激勸。方足以成勁旅。而資捍衛。現在八旗都統副都統。均係朕宗支親屬。及信任大臣。如果認真整頓。俾兵丁咸能得力。即養育兵閒散人等。亦均知所觀感。八旗營務。自然日有起色。該都統等盡心職守。克副倚畀。不獨朕知人善任。深為嘉悅。即該都統等亦覺與有光榮。近因承平。

日久。武備漸就廢弛。各都統等於挑選披甲時。往往計及於兵丁家口。並不視弓箭之優劣。為去取。殊不知兵餉之設。原以養有用之兵。並非養贍貧乏戶口。各旗披甲。均有應行練習。差使。與養育兵之調劑生計者不同。顧名思義。自不應以技藝平常庸懦無能者。濫行挑補。虛糜帑項。且遇缺挑選。隨時可以整頓。並非另立操練章程。何難實力奉行。各省駐防兵丁。固須悉心校閱。八旗拱衛神京。關繫尤重。不可不加意講求。著通諭八旗都統等。嗣後遇有披甲缺出。務當認真考驗。必須弓力較強。箭有準頭者。方准挑補。不得藉口調劑。以致有名無實。並著查旗御史。於各旗挑缺時。留心查察。如該都統等。意涉瞻徇。所挑之兵。仍有弓箭平常者。即行據實嚴叅。其各省駐防挑缺時。並著該將軍等。一體遵照。均以弓箭為重。以副朕講明武備。訓勵旗人之至意。○諭軍機大臣等。朱桂楨奏。暹羅國。

王遣使呈進例貢一摺。據稱暹羅國本年例貢之期。該國王鄭福如期遣使齎捧表文。方物來粵入貢。並因去年京旋副貢使在途病故。蒙恩賞給銀三百兩。該國王虔申謝悃。已於七月十一日驗明安頓。候奉到諭旨。即照例委員伴送使臣起程。令於年底到京等語。本年暹羅國屆當例貢之期。該使臣現已到粵。著該督撫即派妥員伴送使臣起程。務於封印以前到京。毋稍遲誤。至另片奏暹羅國

王。因署臺灣澎湖通判烏竹芳眷屬遭風飄至該國。卹給資糧。附載貢船來粵。應否量予恩賞等語。該國王因內地官員眷屬遭風飄收到境。拯救資贍。附載回粵。甚屬恭順。自應降敕褒獎。照例賞資。令該貢使於回國時齎回。該督撫即先行知照該國王。以示獎賞。將此諭令知之。○廣東巡撫朱桂楨奏查辦會匪情形。得旨嚴密查緝。固不可累及無辜。亦不可畏難苟且。此中機要。全在任封疆大吏

者。權其輕重。消患未萌。慎勿留為後患。勉之慎之。○以理藩院尚書博啟圖為閱兵大臣。○庚子諭軍機大臣等。前降旨令穆彰阿於十月初旬起程回京。該處應辦事件。有朱士彥。白銘在彼查辦。穆彰阿接奉此旨。著即起程回京。其派查工程及辦災情形。並交審控案。均著交朱士彥。白銘會同妥辦。所有隨往司員。俱著交朱士彥等隨帶。該尚書等於派查事件。及交審控案。務當認真訪查。秉公辦

理。據實具奏。如有不實不盡之處。別經發覺。該尚書等不得辭其咎也。將此各諭令知之。○禮部議准安徽巡撫鄧廷楨疏報採訪涇縣貞節婦女俞保奴等四千四百六十口。請建總坊旌表。從之。○追旌守正捐軀山西大同府知府藥廷芳僕婦黃吳氏。○辛丑上詔

黑龍潭神祠拈香。○諭內閣廣東巡撫朱桂楨奏據暹羅國大庫呖雅打侃稟稱上年十

二月該國六坤洋面撈救遭風廈門船一隻詢係福建署臺灣澎湖通判烏竹芳眷屬報經該國王諭令迎接資贍茲值例貢之便附載送回粵省並據南海縣具報該眷屬附坐貢船業已護送登岸等語暹羅國遠隔重洋素稱恭順今該國王因內地官員眷屬遭風飄收到境拯救資贍附載貢船到粵誠款可嘉著賞賜該國王蟒緞二匹閃緞二匹錦緞二匹米緞四匹素緞四匹以示嘉獎其大庫

呿雅打侃亦著該督撫優加賞賚交該國王頒給俱俟貢使回國之便帶往該部先行文該國王知之○修浙江東塘石塘從巡撫富呢揚阿請也○壬寅

世宗憲皇帝忌辰遣官祭泰陵

上詣

安佑宮行禮○諭內閣國家用人行政全在賞功罰過一秉大公方足以示勸懲本年春間

因那彥成上居在喀什噶爾辦理善後事宜不能妥善行之未及二年又有逆回滋擾之事降旨將那彥成革職昨因那彥成於嘉慶年間曾在軍營出力道光年間兩任總督辦理地方公事均無貽誤且追念伊祖阿桂宣力多年功績懋著實為不可再得之公正大臣是以推恩後裔仍將那彥成補授盛京禮部侍郎本日據長齡等奏行抵喀什噶爾據哈琅阿壁昌等述知霍罕先後差來頭人密致依斯邁提毛拉愛克木等三人呈遞親供申訴五年以來斷絕貿易之苦累總以抄沒驅逐為詞懇求照舊通商等語是上年逆回入卡滋擾實由那彥成嚴禁貿易抄沒驅逐安集延所致如果那彥成上居辦理善後時體察情形籌畫周妥俾夷回各安生業何至激而生變卡外回夷藉口聚眾入卡滋擾乃身受重恩特奉諭旨前往並不悉心體察以致釀成事端一年以來勞師糜帑卡內回民

復遭蹂躪。那彥成誤國肇釁。即照例治罪。實屬咎所應得。豈可復邀錄用。著即革職。以示懲儆。○又諭長齡等奏酌議凱撤官兵援照章程籲懇恩施一摺。此次喀什噶爾留營官兵。俟善後定局。即應全撤。據長齡等奏該兵丁等長途跋涉。關外戈壁重重。拮据情形。實與進征時無異。加恩著照所請。所有此次撤回官兵。准照上屆章程。自肅州以西。仍按軍營例支給鹽菜口糧。並照付步兵車馬。肅州

以東。俱照凱撤之例辦理。以示體恤。○諭軍機大臣等。據林則徐奏報到任日期。並沿途勘災情形。摺內稱經過馬棚灣十四堡潰口之處。目覩溜勢。十四堡已覺平緩。易於堵合。馬棚灣一處。訪之輿論。多稱先堵西岸。則回空漕船。可不必走湖。而東岸溜亦漸弱。較易集事等語。馬棚灣十四堡兩處漫口工程。前據陶澍等奏請俟水勢大消。勘估籌辦。回空軍船。查照成案。飭令繞湖行走。昨據張井奏

高郵湖河水勢日消。已帶同文武員弁。前赴揚河。擬將十四堡漫口一處。先行趨堵。以免運河洩水過大。有礙漕行。其馬棚灣如何堵築之處。未據具奏。茲據林則徐奏。訪察輿論。先堵西岸。則回空漕船。可不必走湖。而東岸溜亦漸弱。究竟該處工程。係如何籌辦。該藩司所稱先堵西岸。是否必應如此辦理。於漕船行走。是否有益。著陶澍張井會同熟商。體察情形。妥為辦理。並將現在籌辦情形。據實

具奏。將此各諭令知之。○又諭據林則徐摺內稱。查勘災區。因高郵寶應至揚州一帶。多有災民。於沿隄搭棚棲止。亦有乘坐小舟。逃荒外出者。總緣本籍村莊田廬蕩然。未能概令遣回。姑先就地安頓等語。該處被災窮黎。業經降旨加恩撫卹。據稱正在分途散放。惟其中有逃荒外出者。此項災民。既經外出。所辦撫卹。是否一律散放。該災民等係於何處支領。應如何設法遣回。令各歸鄉土就食。著

陶澍程祖洛督同藩司林則徐悉心籌畫將現辦情形據實具奏至該處現在撫卹口糧據林則徐奏查詢多已散竣民情甚為安帖惟瞬息冬令天氣嚴寒各災民風棲露宿情形尤為可憫必須豫為籌計著陶澍等體察情形勘明災分確查戶口將如何接濟之處妥議具奏務期實惠均霑勿令一夫流離失所以副朕軫念災區之至意將此諭知陶澍程祖洛並傳諭林則徐知之○又諭據長齡等奏馳抵喀什噶爾署阿奇木伯克作霍爾敦率領城莊大小回眾二萬餘人於數十里內夾道歡迎僉稱感戴皇仁誓不從逆經該將軍等親加慰諭接晤哈琅阿壁昌等述知霍罕先後差來頭人密孜依斯邁提毛拉愛克木等三人呈遞親供追敘七十餘年通商納貢之悃誠申訴五年以來斷絕貿易之苦累總以抄沒驅逐為詞籲求照舊通商該將軍等以屯兵既久賊目迄無一獲若遽允所

請不但霍罕不知感畏並恐卡外諸夷輕視因將該夷使等傳至接見責令縛獻賊目送出裏去民回諭以爾伯克果能遵辦必為奏懇恩施准令通商納貢該夷使等稟稱尚須遣人回去告知該伯克定奪情願酌留一人候信該將軍等擬照例筵宴酌加賞賚遣令旋回其所留之人交作霍爾敦妥為管待等語霍罕差人呈遞親供籲求通商果無他意正可趁此責令縛獻賊目送出民回以為一勞永逸之計著該將軍等俟該夷稟復到日妥為辦理據實具奏至善後章程前經該將軍等酌擬大局入奏當即降旨諭令妥籌覈辦茲據奏於經過各城留心體訪復咨行各該大臣將現行事宜有無格礙應行變通之處確查咨復一面先將喀什噶爾必應籌辦之事與壁昌等豫為商酌仍俟奉到前摺批諭欽遵等語該將軍等悉心籌畫逐件妥議具奏務出萬全毋任稍留後患方臻妥善其

上年喀什噶爾英吉沙爾兩處官弁兵民等困守三月有餘屢次勦殺賊匪以寡擊眾艱苦備嘗殊堪嘉憫除該將軍等業將守禦出力之兵民酌加賞賚外仍著確切查明再行覈實具奏候旨施恩所有現在大營駐劄滿漢官兵應裁撤者即行裁撤著該將軍等酌量奏明辦理將此由六百里諭令知之○兩江總督陶澍覆奏查明上元縣聚賭情形得旨數十無賴賭匪何至傷兵傷弁可見營兵懦弱此輩尚望折衝禦侮耶汝必須認真查閱嚴加訓練以期緩急可恃懍之勉之至此案匪徒著嚴審定擬具奏務要淨絕根株永行禁止為要尋奏究出造謀奪犯毆官之湯克盛擬斬立決聽從毆官之楊名祿吳發子徐三等擬絞監候餘分別問擬流徒下部議從之○調理藩院左侍郎普保為盛京禮部侍郎以正黃旗滿洲副都統桓格為理藩院左侍郎○禮部議准四川總督鄂山疏報採

訪漢州等廳州縣貞節婦女李氏等九百二十九口請建總坊旌表從之○貸江西司庫銀採買四川米石運回平糶並免商販關稅從巡撫吳光悅請也○貸江寧八旗及江南溧陽營駐劄災區兵丁餉銀○給江西德化南昌新建進賢星子建昌德安湖口彭澤鄱陽餘干上高新昌宜春萬載瑞昌十六縣被水被沙災民口糧籽種及房屋修費緩徵德化新昌南昌新建豐城進賢高安宜春萍鄉萬載鄱陽餘干萬年星子都昌建昌安義德安瑞昌湖口彭澤二十一縣新舊額賦○癸卯

上詣綺春園問

皇太后安○熱河都統裕恩因病解任以倉場侍郎保昌為熱河都統湖南巡撫蘇成額為倉場侍郎湖南布政使吳榮光為巡撫調浙江布政使恩特亨額為湖南布政使以四川按察使吉恆為浙江布政使調直隸按察使

花杰為四川按察使福建按察使光聰諧為直隸按察使以服闋按察使鄭祖琛為福建按察使○甲辰以大理寺卿德厚為都察院左副都御史○乙巳遣定親王奕紹詣密雲縣

白龍潭神祠祈雨○諭軍機大臣等本日據都察院奏福建淡水廳民人黃房呈控林在喝令林哲等將伊姪黃蕊殺斃一案已明降諭旨交魏元烺督同臬司鄭祖琛親提審訊

矣據該民人控稱嘉慶二十年黃蕊在林姓空園拾取豬菜被林在喝令林哲等多人將伊姪殺死控經該廳驗明屍傷嗣經疊控本廳府道俱被書差捺攔道光二年伊赴省上控批飭臺灣道究辦被林在等賄囑捏詳四年六月林在等將伊姪屍骸毀棄八年三月將伊田產占踞九年十月伊帶洋銀七十圓買穀路遇林寶等將伊徧體毆傷左手骨折搶去洋銀當經報驗並疊次呈催至今未獲

一犯案懸一十七載沈寃莫伸等情經都察院片查刑部據覆此案該省並未咨達到部控關斃命棄屍逞兇毆搶如果屬實殊屬大千法紀何以案閱多年不為審理並不先行咨明刑部著孫爾準等查明此案因何未經咨部據實具奏將此諭令知之尋奏此案前因限滿犯無弋獲曾將承緝不力各員咨參茲訊得黃蕊係被林果裕殺斃惟林果裕業經在監病故應無庸議林在林哲在場共毆照律加杖下部議從之○以病痊尚書松筠署正藍旗滿洲都統兵部左侍郎那丹珠兼署倉場侍郎○命庫倫辦事大臣奕額來京賞察哈爾副都統廉敬副都統銜為庫倫辦事大臣○以直隸永定河防汛出力予同知竇喬林等加銜升用有差○旌表守正被戕山西保德州民楊登山妻馬氏○丙午遣官祭賢良祠○諭內閣戶部奏酌擬關稅賠繳限期以清課額一摺各關監督徵收稅課果

能潔己奉公何致累年虧缺盈餘銀兩動逾數萬前經降旨酌減許墅淮安二關稅額該員等尤當激發天良覈實辦理茲據戶部奏稱各關徵收之員任滿時儻有以多報少或於虧缺之數以少報多即與侵蝕倉庫錢糧無異著責成各該督撫於該監督任滿時就近詳加察訪如有此等情弊立即嚴參革職送部監追照例治罪儻該督撫徇隱不奏或經朕密查或有人參奏別經發覺惟該督撫是問至賠繳短徵關稅銀兩嗣後除三百兩以下定限半年三百兩以上定限一年仍照承追例限辦理外其銀數自一千兩至五千兩者予限二年五千兩以上至二萬兩者予限三年二萬兩以上至五萬兩者予限六年五萬兩以上至十萬兩者予限八年十萬兩以上亦予限八年至一人而兩任三任各有虧缺如准其接續完交限期未免過寬著統計前後所虧銀數之多寡均照此次所定限

期辦理經此次酌定限期之後該監督當共知儆惕認真經理不得任意虧缺致干嚴辦除許墅淮安龍江西新九江南新北新等關五處照此限期辦理其餘京外各關及嘉慶四年盈餘定額之夔關等處如有虧缺關稅之員均於關滿奏報及題咨到部之日起各按銀數多寡分別限期久暫以歸畫一餘著照所議辦理並著該部纂入則例永遠遵行○命盛京戶部侍郎凱音布年班來京○以察哈爾總管蘇蘇勒通阿為副都統○丁未諭內閣前據松筠奏稱伊近來腰腿不能得力兩目昏花畫稿手顫且遇事健忘懇請開缺調理朕平日待人以誠松筠係年老大臣既據奏衰病自應曲加體恤當即降旨准其開缺並諭安心調理昨據奏精力現已如前請賞差使朕復經降旨令署理正藍旗滿洲都統朕於松筠奏請開缺及銷假時兩次均經召見察看精力如常並無患病情形乃數

日之間忽稱衰病難支。忽稱精力現已如前。既請開缺。旋即請賞差使。進退自由。輕率陳奏。君臣相與之際。總當以誠為主。朕於各大臣。推心置腹。既以誠相感。各大臣身受重恩。尤當以誠相應。似此任性自便。殊失朕優禮大臣之意。不知松筠自問於心。能安與否。嗣後各大臣務當仰體朕心。共矢敬恭。恪守事上以誠之義。用副恩眷。將此通諭知之。○諭軍機大臣等。前因已革兵部主事嵩齡用假契誑騙。畏罪逃逸。降旨嚴飭緝拏。茲據步軍統領衙門奏。訪獲幫給嵩齡錢文知情容隱之店戶李世惠。供稱嵩齡向伊告說。要改稱姓高。逃往江南。找一衛千總討要帳目。已於六月初一日。由通州前往。惟不將衛千總姓名供吐。旋經訪獲高姓家人張太。據供嵩齡曾代安徽宿州衛千總王勳用契紙押借高姓銀兩。王勳今年並未出運來京等語。是嵩齡逃往安徽。投赴衛千總王勳之處。似屬確

實。且王勳既與嵩齡熟識。又代為用契押銀。亦難保無曾經夥騙。瞻徇隱匿情事。著吳邦慶鄧廷楨。即速密提衛千總王勳。向其確切根究。嵩齡下落。嚴密緝拏。務獲一併解部歸案審辦。毋許漏洩風聲。致令遠颺。將此各諭。令知之。尋奏。訊據王勳供稱。嵩齡並未到宿州索欠。現將王勳解部歸案審辦。報聞。○以安徽懷遠縣糧價增昂。命平糶倉穀。○戊申。以渥沛甘霖。遣惠郡王綿愉詣

黑龍潭。惇親王綿愷詣

覺生寺。謝雨。○諭內閣。富俊等奏。特參承辦屯田各員。請解任質審一摺。前因福克精阿等奏。參承辦新城局屯田不實各員一案。當交富俊等秉公查辦。茲據奏此項升科大租。係屬奏明正款。本應隨徵隨解。今前任副都統碩德於交代時。並無庫貯錢文移交。又不督飭承辦各員。按數催納。所稱錢文仍存各鋪之處。顯有支飾。難保無侵那徇隱。及以徵

作欠情事。必須提案質訊。以期水落石出。調任齊齊哈爾副都統碩德。承辦協領烏林泰。伯都訥理事同知松奎。倉官武勒琿達俱著暫行解任。交富俊等審訊明確。按律辦理。○諭軍機大臣等。御史袁元俊奏。敬陳賑務積弊。摺內稱。辦賑以戶口冊籍為憑。而戶口尤須挨查得實。請令州縣於城鄉紳士中。擇其素行公正。為眾所推服者。率同里保。認真挨查。出具甘結。造冊存案。州縣再親身逐細查覈。俟該管知府復勘後。即由府分寫榜文。載清戶口。註明應給銀錢數目。即飭所委城鄉紳士。分領張貼。令民共知共見。又州縣於藩庫領賑時。每有因應解之項。未解藩司。即在賑項內先為扣抵。令該州縣將應解之項。備銀施放。該州縣無非剋扣賑銀。刪減戶口。以為彌縫侵蝕地步。縱有能備銀足款者。亦不過那此虧彼。請飭下各督撫等。行知藩司。於州縣應解之項。另行催追。至賑卹帑銀。務須

按數實發。不得任意扣抵。又里保書吏。視辦賑為利藪。給票則有票錢。造冊則有冊費。災民無力出錢。即刪減戶口。任意譸張。查辦賑務。一切文移冊籍。及支棚搭廠。馱運錢米等費。俱係官為給發。豈得任聽胥役。向災民勒索。此等弊端。務須責成印委各官。嚴行禁束。加意密察。一有見聞。立即嚴拏懲辦。仍令該管府道。不時輕騎減從。隨時查察。如州縣有故縱一切等情。即據實嚴參等語。本年江蘇等省。均有水災。該御史所奏賑務積弊。實難保其必無。著各該督撫。各於所屬體察情形。將所奏各條。查明是否可行。酌量辦理。將此各諭令知之。○以浙江米價昂貴。命暫停海禁。招販臺米。從總督孫爾準請也。○己酉。諭內閣。刑部奏審擬已革花戶許九等攬買俸票一摺。旗員價賣俸票。相習成風。米局承買獲利者。恐尚不止許九一人。欲杜米局私買之弊。宜先清各官私賣之源。著責成八旗

都統等每屆領俸之期。務須飭知各該員。專人赴倉支領。毋許仍前賣票。致干功令。儻花戶有藉端需索。及以不堪食用之米。攪和搭放各情弊。該員即行稟首。將花戶送部究辦。至散放俸米。每月據步軍統領衙門。及都察院稽查御史具奏。均稱並無停攔售賣之弊。何以復有許九把持行市取利之案。可見每月具奏。不過奉行故事而已。其賣票一事。尚小。若一切稽查具奏之事。俱不認真查辦。殊失朕孜孜求治。設官分職。各有攸司本義。若泄沓成風。諸不務實。盡屬虛文。成何政體。朕每思及為之寒心。嗣後著步軍統領等衙門。實力稽查。如有攬買俸票圖利者。一經查出。即行奏明按律懲辦。至一切稽查事件。概不准視為具文。以致有名無實。懍之慎之。○以禮部右侍郎色克精額為國史館清文總校官。

大清宣宗效天符運立中體正至文聖武智勇仁慈儉勤孝敏成皇帝實錄卷之一百九十五

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十六

纂修實錄臣等謹將宣宗成皇帝實錄卷之一百九十六

天爵等奉勅撰修加一級紀錄十八次臣等謹將宣宗成皇帝實錄卷之一百九十六

七次大臣稽察會同四庫館纂修加一級紀錄十八次臣等謹將宣宗成皇帝實錄卷之一百九十六

內務府大臣稽察會同四庫館纂修加一級紀錄十八次臣等謹將宣宗成皇帝實錄卷之一百九十六

醫館總辦等奉勅撰修加一級紀錄十八次臣等謹將宣宗成皇帝實錄卷之一百九十六

恭修

道光十一年辛卯九月庚戌朔諭內閣英惠

奉旨

奏司員擅用戳記飭行蒙古各愛曼事件請
先行撤任交部嚴議一摺科布多現辦蒙古
事件之理藩院主事德陞額自本年正月起
至六月止擅用戳記咨行駁飭蒙古各愛曼
共有八九十件之多究竟咨行何事有無婪
索情弊必須查審明確治以應得之罪若含
混交部嚴議何以儆將來而服眾蒙古之心
且非覈實辦事之道德陞額著解任交英惠
恩銘將所用戳記咨行事件詳細查明嚴訊

確情按律定擬具奏案關蒙古各愛曼該大

臣等務當認真秉公查辦毋許稍涉顛預至

該處辦理蒙古事件司員應由京調派前往

著理藩院務於通曉蒙古文人員內揀選帶

領引見○諭軍機大臣等張井奏揚河廳永

安汛十四堡漫口合龍穩固並擬接堵馬棚

灣及籌備空運行走各情形一摺江南揚河

廳永安汛十四堡漫口據該河督奏據委員

及揚河廳營稟稱加緊趕辦已於八月二十

奉旨

四日午刻合龍該河督已飛飭加鑲壓土跟
澆後戲套打重礮此處漫口既經合龍務須
加意趕緊培築十分堅實斷不可稍涉浮鬆
致有意外之虞至馬棚灣漫口據該河督奏
擬就西隄兩頭石工作為壩基向湖中越堵
較有把握仍於正河內兩頭各築攔壩一道
則馬棚灣口門已包在河湖之外再為補還
東隄於錢糧大可節省惟西隄甫經涸出隄
身本窄殘缺復多必須趕緊一律填平並將

兩壩頭酌量幫寬。以為堆料積土之地。所需正雜各料。早經發辦。不日可齊。該處四面皆水。須於數里十數里之外。繞越挑土。雇船裝載。現亦分投趕積。約九月初旬。即可興舉等語。著即趕緊興工堵築。如能趕於空運之前。堵閉全完。則軍船便可照常行走。儻船至而工尚未畢。自應循舊繞湖計程。不過三十餘里。所有由運入湖。由湖入運各處。並湖中行舟之路。該河督已親往探量。毫無阻礙。現在湖河水勢高下無多。且湖中有椿有船。處處維繫。可無他虞。惟下游運河。自永高交界至高郵城北三元閣一帶。因逼近馬棚灣。河水奔赴缺口。致形淺澀。現亦專委海安同知朱楹。熟壩估挑。勒限半月完工。總當督飭所屬趕緊妥辦。俾糧艘暢行。不可有誤。歸次期限。是為至要。現在堵築兩處漫口。經費支絀。所需錢糧。該河督務當加意撙節。認真稽覈。不可稍有浮冒。致干重咎。另片奏高堰誌椿。現

存水一丈四尺一寸。所有山旰仁義禮三河。俟信壩事竣。即當趕緊堵合。以節湖漕等語。現在空運經臨。如能將禦黃壩啓放。則漕船行走。較為迅速。著該河督體察情形。酌量辦理具奏。將此諭令知之。○命前任浙江布政使慶善。以四五品京堂候補。○辛亥。

上詣綺春園問。

皇太后安。○以浙江瑞安協副將黃建功。為廣

東瓊州鎮總兵官。廣東陽江鎮總兵官常遇

恩。因病解任。以香山協副將余得彪。為陽江

鎮總兵官。○壬子。諭軍機大臣等。寄諭兩江

總督陶澍。湖廣總督盧坤。江蘇巡撫程祖洛

安徽巡撫鄧廷楨。江西巡撫吳光悅。湖北巡

撫楊惲。曾湖南巡撫吳榮光。毛式邨奏。沿連

目觀災民情。請豫謀撫綏一摺。本年江蘇

等省。被災較重。疊經降旨。諭令各該督撫。妥

為撫卹。自必實力奉行。無使一夫失所。茲據

毛式邨奏。經過江南徐州府被水之區。以靈

壁鳳陽為重。自鳳陽縣之王莊驛至濠梁驛。村莊民田。均在水中。臨淮以南。又有積水。至湖北黃梅縣界。水勢更大。旱路水深二丈餘。與大江相連百餘里。入江西地界。德化德安建昌等縣。水災俱重。沿途災民。絡繹不絕。攜持幼弱。愁苦難堪。驛路未經概可想見。嚴冬將屆。轉徙無依。勢必至良善者無以全生。刀俎者橫行滋事。尤當豫為籌畫。加意撫綏。著各該督撫。督飭司道府廳州縣等。激發天良。盡心賑卹。俾寒冬衣食有資。均霑實惠。用副朕軫念災黎之至意。將此各諭令知之。○又諭顧毓奏請變通鹽法一摺。據稱分地銷鹽。仍從商辦。則私梟總不能禁止。緣鹽之買於場。官有例價。私販則價重於官。官鹽有課。私販無課。無課則價輕。加以吏弁與之交通。開津從而賣放。雖有緝私之名。而無緝私之效。惟在變通鹽法。使之各遂其生。莫善於課歸場。人人皆可為商。不分官買私買。價歸

於一。可杜偷漏之弊。任其所之。則地遠而價貴者。人爭趨之。其價必平。雖偏僻之地。亦不至有淡食之虞。此法既行。可養無數貧民。即可化無數莠民。則保全者尤大。前此諸臣。議以為窒礙難行者。其一以竈丁皆貧民。難責以起課。今若鹽歸丁賣。何患其貧。其一以池鋤半係竈產。悉令垣商經理。以己業聽命於人。情所不願。今既不設官商。其意正與之相合。其一以課額為數甚多。鹽場微員。不能任此巨帑。今兩淮鹽務。改歸兩江總督管理。運使等官。督率分辦。事無掣肘。他省有鹽之所。皆設官如舊。何至不能勝任等語。整頓鹽務。總要暢銷裕課。方為明效。茲據顧毓奏請變通鹽法。與該督現在辦理章程。孰為妥善。著陶澍悉心籌畫。從長計議。總須於鹽務實有裨益。不可稍存成見。該督既管理鹽政。責無旁貸。若經理不善。咎有攸歸。務宜興利除弊。以冀鹽務日有起色。方為不負委任。顧毓原

摺著鈔給閱看。將此諭令知之。○癸丑諭內閣。阿勒清阿奏。審明總兵被訐各款。按律定擬一摺。山西太原鎮總兵李白玉。被已革外委張萬洪。列款控告一案。前經降旨。將李白玉解任。交該撫提同全案人證嚴審。按律定擬具奏。茲據阿勒清阿奏稱。該總兵身任大員。因所屬千總閻慶之母生辰。送給扁額。親往道喜。又任聽伊妻與屬員之母。入廟觀劇。均失體制。且平陽營並未誤操。輒不察虛實。先將該管參將魏光德奏參。迨魏光德將張萬洪斥革。又追回原摺查銷。輕率自由。種種謬妄。實屬有玷官箴。李白玉著即革職。已革千總閻慶。以斥革外委後。罪犯枷杖。又復隱匿前情。更名入伍。亦屬刁詐。著杖一百。雖事犯在恩赦以前。不准援免。○又諭嵩溥奏。拏獲鈔寫逆詞。糾眾結會。首從各犯。審明定擬。辦理一摺。貴州開泰縣民人馬紹湯等。膽敢鈔寫逆詞。糾結多人。冀圖搶劫。實屬不法。已

極業經該撫審明。將馬紹湯。蔣倡華。馬正邦三犯。分別凌遲斬決。其餘所擬罪名。著刑部速議具奏。該犯等糾約夥黨。尚不止此數十人。著該撫嚴飭所屬。認真訪拏。以淨根株。而安良善。至此案各該縣會同營員。將首夥各犯拏獲究辦。不致蔓延。辦理迅速。功過尚足相抵。所有該管文武失察職名。俱著免其開參。○又諭。前據蘇成額奏。請以試用同知胡廷儀。署理湖南永順府古丈坪撫民同知。當經降旨允准。茲據吏部查明。永順府同知係苗疆久任。俸滿即升要缺。例應於現任人員內調補。且係告病遺缺。例不准將試用人員署理。該員係捐納試用同知。即非邊地調缺。已屬例不准補。遽請署理苗疆久任之缺。尤與定例不符。胡廷儀著撤回。仍歸捐納原班。照例補用。所有永順府古丈坪同知員缺。著該撫另選合例人員調補。蘇成額原摺。未將捐納人員專補升調所遺選缺聲敘。實屬含

混著交部照例議處。○諭軍機大臣等寄諭兩廣總督李鴻賓、閩浙總督孫爾準、湖廣總督盧坤、雲貴總督阮元、浙江巡撫富呢揚阿、福建巡撫魏元烺、湖北巡撫楊澤曹、湖南巡撫吳榮光、廣東巡撫朱桂楨、廣西巡撫祁璵、雲南巡撫伊里布、嵩溥奏拏獲鈔寫逆詞、糾眾結會首從各犯、審明定擬一摺。內稱係籍隸開泰縣之馬紹湯起意結拜三合會。本年正月間，伊赴廣西懷遠縣古宜地方，在楊萬有家會遇廣東船戶吳老二，說及廣東舊有添弟會，改名三合會。鈔有會本歌訣，如遇會匪搶劫，照依書內開口不離本，起手不離三，口號手勢，如遇人問姓，先說本姓某，易姓洪匪徒知係同會之人，可以保全。馬紹湯即向借鈔，見會書內載有八角圖形，四面幾層俱有細字。圖內有彪彪彪彪五字，並不認識。及長二、三四五房內，有桃必達、吳天成等姓名。吳老二當告知廣東係屬二房，名洪太宗。

以紅旗為號。其餘各房，吳老二亦未知悉。詩內有五房留下一首詩，身上洪英少，人知有人識得親兄弟。後來相會團圓時等句。馬紹湯僅摘鈔歌句會號一小本，送給吳老二。錢七百文，旋回開泰起意邀人與會結拜。冀圖劫搶，糾約馬正邦等共三十二人，並將歌詞傳給蔣倡華鈔寫。蔣倡華兩次結會，同夥三十七人，均屬不法。已極。當將馬紹湯、蔣倡華、馬正邦三犯分別凌遲斬決等語。前因御史馮贊勳奏廣東等省有三合會名目，其黨分為五房，福建為長房，廣東為二房，雲南為三房，湖廣為四房，浙江為五房。當經降旨交各該督撫飭屬嚴密訪查，旋據各該督撫覆奏，俱稱現無此項會匪。今貴州已拏獲三合會匪徒多人，並據該犯馬紹湯供稱廣東船戶吳老二有細字圖，所載長二、三四五房內有桃必達、吳天成等姓名，復告知廣東係屬二房，名洪太宗，以紅旗為號。是貴州會匪鈔寫逆

詞係由廣東傳授其餘各省亦必有傳徒糾眾之事著李鴻賓等各派委員認真查拏將為首匪徒緝獲按律懲辦並散其黨羽以淨根株至嵩溥奏稱馬紹湯所鈔會本逆詞據供鈔自廣東人吳老二當日並未問明何縣籍貫廣東有陽春縣是否即詞內所指陽春廟有無洪太宗其人楊萬有既與吳老二熟識往來恐廣西地方亦必有會黨並著李鴻賓朱桂楨祁墳派委委員嚴密訪拏無得稍

涉疏懈致貽後患將此各諭令知之○禮部議准江蘇巡撫程祖洛疏報採訪丹徒縣貞節婦女王吳氏等二千七百九十八口請建總坊旌表從之○除安徽貴池縣坍沒田四十二畝有奇額賦○緩徵陝西葭綏德三州被雹村莊下忙額賦及前貸籽種銀○甲寅上幸靜明園詣

龍王廟拈香○諭內閣朕因江南河務災賑事宜關繫緊要特派穆彰阿朱士彥馳驛前

往查辦並面諭察訪辦理河工及災賑各員有不能稱職者據實奏奏茲據奏淮海道現署河庫道沈惇彝在河工最久沾染習氣最深言語虛浮難望其實心任事又捐升道員之原任宿南通判范玉琨現在河督署中襄辦幕務聲名本屬平常恐於公事無裨等語沈惇彝范玉琨俱著勒令休致范玉琨著不准仍在河工作幕並著陶澍訪查儻敢在工逗留即行嚴參懲辦○又諭楊遇春奏請將革員羅漢保准其出仕應試等語革員羅漢保伊父曾充長隨已經褫革即使出力勤勞祇應楊遇春酌量給予獎賞若令其出仕應試則凡屬僕隸人等皆得與身家清白者同登仕籍何以區別流品該督所請著不准行並傳旨申飭○以承辦軍需出力予甘肅道員程德潤等議敘有差○撥浙江等省銀一百二十萬兩解往南河豫購來年歲料從河道總督張井等請也○乙卯遣官祭

都城隍之神○諭內閣鄧廷楨奏被水州縣撫卹放竣並現在酌辦調劑一摺安徽省本年被水較廣經該撫飭委司道分途查勘並帶銀親往撫卹現據懷寧等二十五州縣衛稟報撫卹事竣其沿淮一帶間有涸出地畝均已補種蕎麥菜蔬濱江田地被淹甚深驟難涸復補種無及業經委員分往查勘成災分數俟查明確數籲懇恩施惟瞬屆冬寒相距賑期尚遠小民生計維艱亟宜多方調劑

茲據該撫奏稱首先倡捐並兩司道府捐廉協濟省城地方即用官捐銀兩買米散放其餘各屬好義紳民聞風樂助均各踴躍捐輸災民得此接濟現在稍可支持該撫即飭各屬認真辦理務期實惠及民毋使一夫流離失所至將來大賑之時尤須事事覈實著該撫派委誠實妥員分投督辦亦不必多派員數總須結實可靠之員方克濟事該撫仍督飭司道隨時隨事悉心訪察儘查有印委各

員辦理不善及胥吏人等舞弊營私虛冒剋扣情事即著按名據實嚴叅懲辦斷不許稍事姑容用副朕惠愛災黎至意○又諭鄧廷楨奏棍徒藉災遏糴毆傷知縣獲犯審辦一案安徽桐城縣東南二鄉猝被水災米價昂貴全賴孔城鎮地方所聚糧食流通接濟監生程瀛等藉災遏糴該縣知縣楊大綱赴鎮勸諭老民方沅愷等呈請禁米出境不服開導出言頂撞該縣將方沅愷等看管竟有棍

徒至公所喊罵將該縣衣襟扭住抓傷項頸並拾石擲毆復勒令書吏寫給禁米出境示條家丁等亦被毆傷刁徒藉端滋事遏糴傷官實屬目無法紀必應嚴拏懲辦據該撫奏業經究出係現獲之王樂衡下手毆官著即嚴切研訊是否程瀛主使究係何人將該縣首先扭辱務得確情仍勒拏逸犯歸案審辦勿任漏網以遏刀風如審係該縣楊大綱意見拘泥亦即附叅辦理尋覆奏究出李勝祥

首先辱官。先行正法。王樂衡下手幫毆。依律擬絞監候。程瀛起意禁米。出言挾制。並未主使毆官。擬發近邊充軍。下部議從之。○命右春坊右庶子祁寯藻仍在南書房行走。調湖北鄖陽鎮總兵官台費音為山西太原鎮總兵官。以浙江金華協副將溫承弼為鄖陽鎮總兵官。○旌表守正捐軀貴州定番州民石阿登妻楊氏。○丙辰諭內閣給事中王雲錦奏請嚴辦囤積以裕民食一摺。前據御史琦琛等奏。盧溝橋附近之黃土鋪地方。有奸商販運接濟回漕等情。當降旨令順天府遴選幹員嚴拏懲辦。茲該給事中奏。京師米價之貴。由於運米出外。豫備回漕。囤積地方。必不止黃土鋪一處。自應嚴申門禁。以絕其販米出城之路。著步軍統領順天府五城認真查辦。再有米石出城。惟守門弁兵是問。其京城以外。天津以北。便於回漕之處。著順天府仍遵前旨。遴選幹員。並責成地方官密訪查

拏。如兵役有隱庇賣放者。即行從重懲辦。以清弊竇而絕根株。○又諭盧坤等奏請展限辦理隄工等語。湖北天門縣下老觀垸挽築月隄。前經勒限五十日。於夏汛未漲以前修築完竣。茲據奏查明該處工程已有七分。現在水勢汪洋。無處取土。不能施工。自係實在情形。著照所請。准將未完工程展至九月初旬再行挽築。勒限十月內一律修築完竣。務期工程堅實。派委大員覈實驗收。照例保固。如有偷減草率情弊。即行據實叅辦。○丁巳諭軍機大臣等。程祖洛奏籌辦撫卹流民情形等語。本年江蘇省被災情形較重。無家無室之人。四出謀生。勢不能全行截回。凡現在資送之法。與將來留養之方。必須豫為籌計。據該撫奏。該災民甫離鄉土。先過揚州。經該府縣督勸紳商捐資賑濟。旋即渡江而南。沿途俱已議備資送。計一月以來。災民過蘇州境者。已二萬餘人。現在陸續來者。日數百人。

或一二十人不等。伊等見江南亦屬歉收。皆不願留養。均已計口資送。聽其於江南各州縣暨浙江省境內到處謀生。情形均甚安謐。至江北大河等處。向遇被災之時。必有劣生土棍。以領賑為資。以逃荒為長策。名為災頭。引領合村男婦。冒開人口。到處需索。泰州城外。近有匪徒王玉林等。自稱災頭。率領民船數十隻。號稱災民數萬。並私設正副總管名目。又有伙食等船。直入州署。倚眾滋鬧。勒

索路牌路費。經該州王錫藩處以鎮靜密查。為首姓名。設法查拏。當時拘獲二人。始各紛紛逃散。該州知州王錫藩。實屬能事之人。著即飭查拏王玉林等。從嚴懲辦。其裝載私鹽之艚船。向例不許入境。近則內裝私鹽。外坐被災男婦幼孩。一經入境。即串誘災民。賣鹽放槍。該撫已檄行鎮江府營嚴查。如有此等船隻。但放災民入口。官為雇船資送。不准雇船進口。現已行之有效。又災民所到。議定接

站雇船。官為給價。該船戶無利可圖。悉皆避匿。甚有災民於中途得錢賣放者。遂至徒步成羣。易形擁擠。是資送一事。不難於發口糧。而難於覓船隻。該撫現已飭屬設法招徠。所辦均屬妥協。江南四府一州。田禾情形已定。大約處處皆有歉收。以之安集江北流民。已費周章。而本年漕糧蠲緩。場竈停煎。此等停運水手。與乏食之竈丁。及各種私梟匪棍。本非善類。若涸跡於災民之中。尤易滋生事端。

不可不嚴行稽察。該撫務當與陶澍悉心籌畫。計出安全。督率所屬認真經理。所有一切章程。著查照成案。斟酌損益。務臻周備。一俟留養章程議定。即行分晰具奏。至沿海風潮驟漲。崇明縣海門廳等處。均有淹斃人口之事。而崇明為尤甚。又常州府屬靖江縣沿江一帶低窪處。所業已成災。該撫已飭藩司委員分別往勘。著查明奏辦。瞬交冬令。天氣嚴寒。災民衣食無資。務當妥為撫卹。毋使一夫

流離失所。以副朕軫念災黎至意。將此諭令知之。○以浙江杭州城守協副將徐慶超為福建寧鎮總兵官。○戊午。

上詣綺春園問

皇太后安。○諭軍機大臣等。寄諭兩江總督陶澍。湖廣總督盧坤。江蘇巡撫程祖洛。安徽巡撫鄧廷楨。江西巡撫吳光悅。湖北巡撫楊懌曾。湖南巡撫吳榮光。給事中邵正笏奏陳災務一摺。據稱被災省分。宜先在本省無災州

縣中酌借倉穀。或勸令富戶出糶米石。官為購買。運赴災區。先行給放。俟採買委員回省。再行接賑。所賸餘米。即盡歸所借州縣倉穀原款。又散放賑濟。宜在大村大鎮適中之地。專設一廠。其散處小村小鎮。亦各擇適中之地。分設數廠。廣委委員。分頭放給。又查賑之法。宜慎選紳耆協理。俟其查辦明確。大吏總受其成。再委委員按冊給放。又責賑之弊。恐飯之不足。則加入皮硝以發其米。恐粥之不

足。則攪和冷水以增其碗數。災黎一經入口。無不嘔瀉交作。應派廉正員弁。嚴密督率。查有弊端。從重治罪。又招徠米商。宜榜示通衢。重價購買。俾米商風聞輻輳。糧食充盈。市價自平。又平糶米石。往往有奸丁蠹吏。勾通商販。竊賣並有地棍土豪。牙行囤戶。賄誘貧民。往來代買。宜先申厲禁。並派幹員訪拏懲辦。又安插流亡之法。宜擇城外高燥寬闊地方。廣圍籬柵。多搭窩棚。排列東西。編連字號。凡流民之有眷口親屬者。同置一棚。其零丁人口。分棚隔別。男女均勻安插。籬棚外設一總門。派員彈壓。早晚查點人口。司其啓閉。並慎選一二誠實鄉耆。逐日散給口糧。令壯丁出外採樵。老幼婦女在內炊爨。輪流執役。病者為之醫治。歿者為之埋葬。俟其本境可歸。再行資送回籍。又京外倉儲。宜豫為覈計。請飭各督撫。將所屬無災郡縣倉儲實數。共有若干。詳為查覈。若支放兵米外。尚有贏餘。即可

暫為幫借以資接濟。俟來歲秋成後採買歸款。可不必有截留之請。並據另片奏。被水各省多有饑民聚眾滋事。兼有不安本分棍徒。以及私梟會匪。乘機搶掠。擾害村莊。江蘇。江。西。安徽。湖。廣。長。江。一。帶。五。省。毗。連。應。豫。為。防。範。請。飭。各。督。撫。嚴。速。查。辦。果。係。被。水。災。黎。即。行。設。法。安。輯。儻。有。地。方。棍。徒。以。及。私。梟。會。匪。煽。惑。滋。事。立。即。嚴。拏。懲。治。等。語。本。年。江。蘇。等。省。被。災。較。重。疊。經。諭。令。各。該。督。撫。妥。為。撫。卹。該。給。事。中。所。奏。各。條。內。想。已。有。似。此。辦。理。者。惟。籌。辦。不。厭。周。詳。著。各。該。督。撫。各。就。地。方。情。形。悉。心。體。察。是。否。有。可。採。擇。之。處。酌。量。辦。理。將。此。各。諭。令。知。之。○禮部奏。十月初十日。皇太后聖壽節。應行禮儀。得旨。是照例行禮。奉皇太后懿旨。今年停止筵宴。其在外福晉命婦。進內行禮之處。並著停止。○戶部議准。安徽巡撫鄧廷楨疏報。無為州開墾田一百七頃五十二畝。有奇。照例升科從之。○已未諭內

閣。吳邦慶奏。押空運弁稟報軍船被竊情形歧異。請解任質訊一摺。此案湖北三幫空運千總高建勳。稟報丁船行至蕪河地方被竊。據該署漕督查明。與天津鎮總兵咨照。並滄州知州詳報。驗勘各情。均不相符。該弁丁所稟情節。顯有不實不盡。如果誣良為盜。尤應按律嚴懲。千總高建勳著解任。交琦善提集全案人證。秉公審訊。按律定擬具奏。尋覆奏。旗丁李潮泗以竊報盜。水手胡強德誤獲良民為賊。千總高建勳毫無覺察。意存回護。應請革職。李潮泗。胡強德。按例擬枷杖。下部議從之。○以捐建直隸馬蘭峪書院義學。予官紳商民議敘。○庚申。以理藩院尚書博啟圖。為滿洲繙譯正考官。署理藩院右侍郎彥德。為副考官。兵部尚書松筠。為蒙古繙譯主考官。○辛酉。諭內閣。三旗侍衛。專司紫禁城內各門輪班看守。差使甚關緊要。必須弓箭嫺熟。朕於本月每日閱看侍衛步射。三等侍衛

博楞額秀倫等二員。步射俱屬平常。博楞額著降為四等侍衛。秀倫著降一級。作為藍翎侍衛。頭等侍衛哈芬布等六員。或年已逾歲。或步射生疏。不稱侍衛差使。頭等侍衛哈芬布。法依當阿。景和。德齡。俱著以本旗護軍參領調用。三等侍衛成志。著以本旗委護軍參領調用。藍翎侍衛法先。著以本旗護軍校降補。三等侍衛奎徵等二員。步射亦屬平常。惟尚未逾歲。奎徵。孫維明。著各罰俸六箇月。以示懲儆。藍領侍衛壽禧。步射甚屬平常。著即革職。賞給本旗領催差使。頭等侍衛格綑額。等十二員。俱已年老。頭等侍衛格綑額。楊超。黃。蔡。鼎。二等侍衛德山。三等侍衛文弼。綿哲。慶齡。廣慶。四等侍衛圖善。藍翎侍衛哈豐阿。西朗阿。多慶。俱著原品休致。黃嘉謨。年亦衰邁。著革退。頭等侍衛加恩。仍留伊世襲公爵。嗣後領侍衛內大臣。於該管侍衛等。務當盡心訓練。俾令差使奮勉。弓馬嫺熟。勿致日久。

疏懈。○又諭。前因御史袁元俊奏。職員胡邦光。條陳淮商積弊。當降旨交陶澍。秉公查訊。茲據奏。職員胡邦光。以鹽店掛名商夥。久經辭出。輒挾求薦不遂之嫌。赴京列款妄訴。實屬不安本分。胡邦光著革去州同職銜。杖一百。折責發落。即遞回原籍。交地方官嚴加管束。毋許出外滋事。並追取執照。繳部覈銷。○兩江總督陶澍等。會奏賑務章程。得旨。所奏大旨。俱已詳備。覽奏。朕心稍慰。務須實力實心。詳慎擇人辦理。被災百姓。苟能免溝壑之患。汝等可謂盡心盡職。亦稍贖朕之闕失矣。勉益加勉。○陶澍又奏。嚴拏僑匪。耿金連。得旨。覽奏。深慰朕懷。看此光景。今歲江南雖罹水患。來年以後。自必漸復舊規。裕國而安民。通商而除害。汝為幹國良臣。而朕亦獲知人善任之美名。實有厚望焉。一力勉行。勿怠。○命協辦大學士工部尚書富俊。工部右侍郎阿爾邦阿。往盛京勘估清寧宮大清門工程。

○除江西清江縣沙淤田八頃二十六畝有奇額賦○壬戌遣官祭

歷代帝王廟○諭內閣御史韓大信奏革役把持倉務請旨飭辦一摺據稱已革花戶張凱於京官承領豆石時在北新倉花戶劉大等身後舞弊又與夥黨開四庫兒李七徐二並伊妻父鄭八等用水浸壞好豆任意攪合搭放官員領豆者不堪食用該革役又指赴通泰碓房之張三處多方勒折張三碓房囤

積過多恐致招人耳目復轉賣與裕順及合順成米局似此懲不畏法必應查拏審辦著步軍統領衙門按名迅速拏交刑部嚴訊無任聞風逃匿尋刑部奏張凱以斥革花戶影射把持擬發極邊煙瘴地方充軍餘問擬如律從之○又諭健銳營發商生息銀兩以備該營辦公之用茲據文孚等查明此項息銀兩准未能按年如數解到請援照火器營兩翼八旗各營現辦成案以歸畫一嗣後健銳

營每年應得前項息銀著由內務府催解發交支領僅逾限不到由該衙門先行墊發仍於四月十月作為兩次支領俟兩淮解到照數歸款勿任稍有延宕○以禮部尚書耆英署理藩院尚書正白旗漢軍都統奕繪署正黃旗蒙古都統○修山東運河洳河上河三廳屬開座隄河等工從河道總督嚴烺請也○賑江蘇續報崇明靖江二縣災民○以江蘇高淳鹽城高郵東臺靖江五州縣米價昂

貴命平糶倉穀○癸亥諭內閣訥爾經額奏請將失察誣良索詐革率枉斷之知縣及不能平反之委員分別勒休降補一摺此案山東平陰縣知縣朱龍鼎於該縣民鮑雲亭被失驢隻一案失察捕役劉勝魁等誣良為竊私押詐贓率將賈祿坦擬以杖刺試用知縣胡炯委往審辦不能平反轉將原告濫行收禁此等案情雖非重大在州縣為親民之官鉅細皆當留意務期平允似此不實心任事

之輩正當世之害也可惡之至。朱龍鼎著即行革職。胡炯著以府經歷縣丞降補。歸部銓選。以為不實心任事者戒。○諭軍機大臣等寄諭兩江總督陶澍。江南河道總督張井。朱士彥等奏續查江南揚河揚糧兩廳隄壩工程一摺。據稱查勘揚河廳屬各工。因本年湖水驟漲。建瓴下注。河湖一片通連。西隄臨湖石工。致多掣卸。西岸土工。多有殘缺。東岸土工。尚屬完整。隄坡亦間被汕刷。所有道光八年原修土石隄工。各長一千七百餘丈。高寬丈尺。此時無從驗量。內除土工已逾固限外。其掣卸石工。著該督等於將來修復時。查明新舊段落長丈。將新工未滿固限者。即著令原辦之員賠修。毋許稍涉混淆。仍將應賠銀數員名。報部覈辦。又前次英和等奏列入次辦之揚河廳西岸補還緯隄。並揚糧廳東西兩岸補修緯隄。先經該河督奏明停緩。嗣於本年二月。奏請擇其緊要段落。歸於常年土

工案內。隨時酌辦。並不另請錢糧。該工確係何年辦竣。修過工程。係在何汛何段之內。當即行文咨查。據覆稱。須俟將來修復時。查明段落丈尺。方能分別指出。原估有無處所。著該督等屆時覈實查辦。如有有限內冊卸之工。即著落原辦工員賠修。又揚河廳南關大壩。並新壩建設耳閘各一座。係蔣攸銑等奏明估辦。現報完工。查勘南關壩耳閘下分水裏頭石後。灰土間有坍卸。新壩耳閘石底下口。灰土亦有衝刷之處。著該督等飭令該工員趕緊修補。工竣仍報該河督覆驗。以重要工而昭覈實。又朱士彥奏查勘馬棚灣被水情形一摺。據稱此次決口。實因江淮同時盛漲。宣洩無路。該河督見田禾青蔥。不忍遽開下壩所致。實屬無可推諉。其廳營各員。領有搶修之項。即應儲備料物。率領兵夫晝夜防守。乃聞實應之北城灣朱馬灣關高郵之六安溝界首等處告險。均係借用居民木料搶辦。

是該廳料物不豫為儲備。已可概見。未便以人力難施卸責。又據隄上災民紛紛稟訴。毀隄做隄。它土做工。無異剝肉補瘡等語。著該督等查明據實奏。至現在隄上災民聚處料垛堆積。河員祇有同知守備等官。難資彈壓。風高物燥。在在堪虞。著該河督派員小心防範。毋稍疏忽。將此各諭令知之。○又諭據朱士彥等奏。淮揚兩府並州縣各官。多係調署。地方情形未能熟悉。官與民亦不相習。該尚書等無從訪問。大賑在邇。恐有辦理不妥之處。所關匪細。著陶澍傳諭江寧布政使林則徐。常鎮通海道張岳崧。飭令總司江北賑撫事宜。即行親往各災區。周歷履勘。體察情形。酌量辦理。地方官有不實心勘辦。或從中侵蝕者。即行指名嚴參。其吏胥人等。查有營私舞弊。虛冒剋扣。以致實惠不能及民。並著據實奏明。從嚴懲辦。儻意存徇隱。不行具奏。別經發覺。惟林則徐張岳崧是問。其高郵馬

棚灣一帶。據朱士彥奏。災民搭棚居住。挑土趁工。以資餬口。惟其中老幼婦女。不能工作。環繞求賑。著林則徐等。即飭該地方官。作速查勘給賑。毋使一夫失所。至白鎔奏。行至高郵。有興化災民迎遞呈詞五紙。委員訊問。供詞閃爍。並據湯譽光稟稱。具呈姓名。即有該員於道光六年興化查災時。稔知積慣吞賑之顧瑞華。張文華等在內。使此次批准呈詞。則大賑即可縱其所欲等語。此等匪徒。假冒災民藉圖漁利。必應嚴行懲辦。該左都御史已面飭揚州府王青蓮帶同嚴訊。著該督即飭林則徐等。嚴切根究。將唆使之書差同夥人等。一併按律懲治。以杜弊端。其江寧藩司一缺。是否應行委員署理。著陶澍酌量具奏。將此諭知陶澍。並傳諭林則徐張岳崧知之。○又諭朱士彥奏。據災民訴稱。十四堡馬棚灣兩處決口。傷人不少等語。該二處決口。傷人。是否決口時傷人。抑係漫水過大。因而致

傷所傷人口。究有若干。著朱士彥等再行確切查明。據實具奏。將此諭令知之。尋覆奏。居民豫防水患。於隄岸未決之先。早經乘舟徙避。決口時尚無傷人報聞。○命戶部左侍郎敬徵。正紅旗漢軍都統載銓。往熱河查勘行宮工程。○緩徵山東長山。鄒平新城。濟陽德平。陽信樂陵。商河汶上。陽穀曹定陶。聊城莘。濟寧。魚臺。齊河。惠民。海豐。濱利。津。雷化。單城。武。鉅野。樂安。壽光。金鄉。嘉祥。博興。高苑。夏津。三十二州縣水旱蟲災地畝。新舊額賦。○甲子諭內閣。富俊等奏。審擬佐領永奎呈控。福克精阿各款一摺。此案吉林將軍福克精阿於致祭長白山。並不敬謹親往。輒遣協領代祭。又私派官兵。送其妻柩回京。支領官項銀兩。實屬違例妄為。且身任大員。因修理衙署等事。率准協領等稟請。以致裁汰兵丁。賞項。學房膏火。並攤扣俸餉。種種乖謬。有忝職守。福克精

阿著即革職。以示懲儆。齊齊哈爾副都統碩德。接受永奎呈詞。應即具奏。乃因協領等具結勸阻。輒准將原呈撤回。雖旋經據實奏辦。究有不合。碩德著與出結阻止具呈之吉林同知達慶。俱交部議處。兵司協領富通阿。擅出移付。指以置買軍器為名。支給福克精阿。派送妻柩銀兩。戶司協領穆隆阿。職司出納。率以修理衙署等不急之工。動用公項。復於永奎具呈時。同為出結勸息。尤屬荒謬。富通阿。穆隆阿。俱著交部嚴加議處。佐領永奎所控各款。訊俱得實。惟在碩德處具呈之後。輒因協領等勸阻。將呈撤回。雖旋復呈遞。亦有不合。永奎著交部察議。○又諭富俊等奏。審擬承辦屯田各員一摺。此案吉林將軍福克精阿。於徵收新城局屯租。率欲加增。商令前任伯都訥副都統碩德。派員往諭。以致各佃戶畏避。欠租。實屬任意妄為。福克精阿。應照律擬杖。業於另案革職。著毋庸議。碩德並不

阻止亦有不合。協領烏林泰、伯都訥理事同知松奎、倉官武勒琿達徵收租錢並不解城貯庫。均著交部議處。碩德等前經奏參解任。均著飭令各回本任聽候部議。○又諭富俊奏請覈實操演一摺。國家額設兵丁必須勤加訓練。使知激勵。方足以成勁旅。而資捍衛。前經降旨訓諭各都統等。於挑選披甲時。均以弓箭為重。茲據富俊奏。八旗定例。向係開六力弓。近日仍用本人弓箭。往往以二三四力虛報六力。似此相習成風。兵力日形軟弱。於武備大有關係。自應嚴加考覈。著照所請。嗣後八旗各營。凡挑缺揀選。均遵定例。用六力官弓較射。以定去取。富俊所管鑲紅旗滿洲。據奏置有六力八力弓各二張。弓制一分。月月挑缺揀選。均以制準官弓較射。如有告拉八力弓者。若果裕如。即以八力弓為合式。每次挑選。並不乏人。可見我八旗原知向上。總在教訓何如耳。至八旗各營。均有公費

銀兩。不難置辦官弓。著即做照辦理。該都統等務當認真覈實考驗。不得仍令本人捏報弓力。日久視為具文。以致有名無實。並著查旗御史。於各旗挑缺時。留心查察。如都統等意涉瞻徇。所挑之兵。仍有虛報弓力情弊。即行據實嚴參。其各省駐防挑缺時。並著該將軍等一體遵照。均用六力弓為準。以符定制。而重武備。將此通諭知之。○又諭本日兵部將揀補甘肅木壘營守備之蘇勒芳阿帶領引見。蘇勒芳阿箭技脫扣。未能射出。似此技藝生疏之員。該管護軍統領何以並不認真考驗。濫行保送。而揀選之大臣亦不據實甄覈。所有原保之鑲白旗護軍統領安福及派出揀選之那清安。奕經貴慶俱著交部議處。○諭軍機大臣等。朕聞河南彰德府屬之武安縣令英安。人本閒茸。於地方公事諸多廢弛。本年五月間。伊家人金姓在巡撫藩司衙門控訴英安浮收錢糧勒折漕米等事。共十

六款內二款情節尤重。一係煤窰命案。該令得受賄私一係派管粥廠家人無故自縊。顯有通同侵冒情事。該撫將英安提省。業已審訊非誣。乃一任委員延擱。迄未認真究辦。此案該縣家丁。係於本年五月間。在巡撫藩司衙門控訴。何以至今數月之久。未據該撫奏明辦理。著陸言確切查明。據實具奏。不許稍漏風聲。斷不可意存瞻徇。含混該藩司甫經到任。於此案無所用其回護。務當秉公認真查辦。儻有不實不盡之處。經朕訪聞得實。或被入控告。惟陸言是問。將此傳諭知之。尋奏查得煤窰命案。係民人李景昌爭先買煤被毆。投窰身死。該縣並未得受賄私。粥廠家人因病發輕生。委無別故。金凱所控。均係虛誣。先經撫臣楊國楨訊明。依律擬絞立決。茲復覆查無異。至英安驗報命案不實。失察差役詐贓。應由撫臣定案時奏參報聞。○又諭。據富俊等奏。請將新城局七田每年應徵大租

錢文。搭放伯都訥官兵俸餉。其小組錢文。每年開銷弁兵工食等項。須定以限制等語。富俊現今署吉林將軍。著明定章程。妥議具奏。其盛京清寧宮大清門工程。業經降旨令阿爾邦阿會同瑚松額勘估。富俊毋庸前往。賽尚阿著即帶同司員回京。將此諭知富俊。並諭賽尚阿知之。尋富俊奏。酌議章程四條。一。新城局每年徵大租市錢六萬四千八百串。伯都訥官兵俸餉。每年需用銀三萬餘兩。每兩按二千五百市錢散放。不足之數。以同知徵收地丁銀找給。一。派協領一員。同知一員。總辦局務。佐領一員。協同辦理。防禦驍騎校筆帖式等官四員。分管八旗催租及佃戶事件。一。催徵大小租錢。每年限於十一月十五日交齊。一。每年取徵小租六千四百八十串。每年官兵工食及心紅紙張。定以三千串為額。其餘錢作為副都統獎賞官兵。養贍孤寡。黏補官房之用。從之。○又諭。本日據梁中靖

主

清實錄
道光十一年九月下

布政使。浙江鹽運使。多容。嘗為廣西按察使。

○丙寅。諭內閣。富僧德泰。未經查出俄囉斯牛馬進卡之總管。及獲牲未報。私行給回之卡倫官員一摺。總管泰清阿。巡查邊卡。因馬疲乏。即不親身周歷。以致失察。俄囉斯牲畜進卡。殊屬怠玩。泰清阿著交部嚴加議處。驍騎校車登巴勒。騎都尉博津保。拏獲俄囉斯牲畜。給回未報。又未換取文憑。亦屬非是。車登巴勒。博津保。俱著交部議處。○雲貴總督阮元等奏。遵查雲南尚無三合會匪。得旨。

波累無辜。固屬不可。亦不准畏難苟安。將就目前。而貽患日後。務須嚴密查緝。斷絕根株。永靖邊疆。方為不負委任。其共懷之勉之。○展緩河南洛陽。輝。延津。永城。濬。安陽。臨漳。蘭儀。考城。九縣被水被雹地震災區。新舊額賦。○丁卯。諭內閣。惇親王等奏。失察逆倫之閒散安汰。請交部分別嚴議。議處一摺。官員於所屬旗民失誤公事。不能約束訓誡。例應加以懲處。若旗民私家事務。該管官安能一一

查及。是以例無處分。原因此等蔑倫人犯。兇惡性成。惟有隨時懲辦。以彰國法。若嚴定處分。該管各官懼干吏議。或相率諱匿。不行究辦。或捏飾情節。避重就輕。祇圖規避處分。轉使梟獍之徒。倖逃法網。從前嘉慶年間。該管官奏請失察逆倫重案處分。疊奉

諭旨。毋庸交議。自應遵照辦理。此次惇親王等奏請分別交議之處。著毋庸議。嗣後遇有此等重犯。該管官當查明即行懲辦。毋庸奏請

交議。○諭軍機大臣等。盛京清寧宮大清門應修工程。前經降旨。派阿爾邦阿前往會同瑚松額。敬謹勘估。惟明年方向不利。未便動工。阿爾邦阿已令毋庸前往。所有清寧宮大清門因雨滲漏各情形處所。著該將軍妥為保護。俟明年秋間。再行派員前來。敬謹勘估。將此諭令知之。○又諭。據御史范承祖奏。江蘇昭文縣漕書張仁扶。即張奎揚。與前任昭文縣黃崑之孫黃仁溥。交結復充。通同舞弊。

經前任御史高翔麟奏。將該書吏杖責斥革在案。後又更名星燦。朦朧捐監生。因紳民控告。經前任江蘇學政辛從益褫革。而該蠹倚恃上司衙門書吏。皆其黨類。聲息相通。盤踞把持。依然如故。現雖卯簿無名。而影射作弊。出入縣署。眾目共覩。較未革時。膽量益大。辦漕則自稱漕總。殷實之戶。任意勒索。辦災則自稱荒總。婪索多寡。定災輕重。其住居縣城方塔寺前。大營私宅。畫棟雕甍。甲於一邑。若非剝民肥己。何以奢侈若此。雖經該縣紳民疊次上控。該蠹百計彌縫等語。蠹吏把持漕務。實為地方之害。如該御史所奏。漕書張仁扶。即張奎揚。在該縣盤踞多年。屢經責革。仍敢如前舞弊。朦朧復充。必應嚴拏重辦。著程祖洛。即遵委幹員。嚴密查拏懲辦。勿令該犯聞風遠颺。以除積蠹。將此諭令知之。○又諭倫布多爾濟等。奏接據俄囉斯固畢爾納托爾咨文呈覽。且云俄囉斯性情詭詐。善於探

試等語。原文內廓堪即係霍罕。言辭甚屬恭順。其事之虛實。姑且勿論。人以情理來者。我亦當以情理答之。倫布多爾濟即將大皇帝俯鑒俄囉斯汗恭順。殊嘉深悅。曉諭固畢爾納托爾知之。茲將倫布多爾濟代答固畢爾納托爾文稿繕寫寄往。接到時。即照寫咨行。將此諭令知之。○旌表守正捐軀廣東陸豐縣民王浚濤妻陳氏。○緩徵甘肅碾伯皋蘭狄道金。四州縣被雹村莊新舊額賦。○戊辰諭軍機大臣等。據富呢揚阿奏。各官捐廉資送災民。並設法留撫等語。所辦甚好。江南省被水災民。由常蘇一帶。陸續來浙。計共二萬餘人。已經富呢揚阿同藩臬等。捐廉發給委員。分起資送出境。惟被災省分。流民在外謀生者多人。其既入浙江境內者。自應妥為撫卹。現經富呢揚阿與司道等。分捐廉俸。擇於杭州嘉興湖州寧波紹興五府內。各於城外寬大廟宇。或空曠地方。搭蓋棚廠。按大小名

口。分別發給錢文。其已往金華嚴州。衢州。台州。處州。各府者。仍令折回。歸杭嘉等五府一體安撫。所過地方。分飭官員。妥為經理。若有自願回籍。即陸續給予盤費。資送回里。一俟開賑有期。即由該省督撫咨會浙省。以便遞送回籍。並飭屬截留。勿令出境擁擠。用副朕軫念災民至意。將此諭令知之。○又諭。昨據倫布多爾濟等奏。接據俄囉斯固畢爾納托爾文稱。有霍罕遣使。欲到該國。叩見俄囉斯汗。該汗因思霍罕曾糾結各部。侵犯天朝邊界。是以未准該使入該國邊界。飭令旋回等語。俄囉斯汗。因霍罕曾犯天朝邊界。未准該使進至該國邊界。自係出於恭順之意。長齡等。現在喀什噶爾辦理善後。此事關涉霍罕。該將軍等。必應知悉。隨時留心。所有寄倫布多爾濟等諭旨一道。又發給俄囉斯檄文一件。並倫布多爾濟等原奏一件。及譯出俄囉斯來文一件。著一併鈔寄閱看。將此由五

百里諭令知之。○築浙江會稽縣枯渚塘隄。從巡撫富呢揚阿請也。○己巳。旌表守正被戕直隸深州民楊孝發妻范氏。永年縣民張合志妻貢氏。○辛未。諭內閣。御史陳焯奏。陝西學政違例送考。承辦試卷衙門。不即駁回。該撫含混。參奏一摺。前據史譜奏。陝西省辦理科場試卷。未協。當降旨。將承辦各員。分別交部議處。察議。茲據該御史奏。該學政違例送考。藩司不行駁回。該撫參奏時。意存含混等語。著史譜。戴蘭芬。將摺內所指情節。明白回奏。○戶部議准。陝甘總督楊遇春疏。報安西州開墾田五十畝。正寧縣一項二十畝。照例升科。從之。○癸酉。上詣綺春園問皇太后安。○荊州左翼副都統七克唐阿。以病乞休。允之。○朝鮮國使臣洪奭周等三人。於大紅橋瞻觀。○甲戌。以廣西太平府屬下石西土知州閉顯榮子孔昭襲職。○乙亥。

上御勤政殿聽政。○諭內閣張家口等處監督。經徵盈餘銀兩。向於該監督等差滿回京時。自行具奏交納。茲據內務府查明。前任張家口監督刑部郎中景福。欠交銀八千二百十兩零。山海關監督吏部員外郎善慶。欠交銀八千二百兩。又前任張家口監督刑部郎中銘恩。應交盈餘銀三萬二千六百四十一兩零。及駝馬皮張變價銀三千六十九兩零。至今並未交納。節經該衙門咨催。均未如數解交。實屬從來未有之事。著吏部刑部堂官。傳詢該員等因何延緩緣由。據實具奏。○又諭。史譜奏。審明西安府清軍同知衙門投充效力把總一摺。此案陝西西安府現在正署清軍同知。經辦報充效力。不行查明乾隆年間革除千把職名成案。率聽書吏照依舊稿。填給把總委牌。實屬錯誤。未便以官經多任。事隔多年。稍從寬減。該參革同知朱世鐸。於楊恆春。及褚明驤等。在滕縣具控。經該縣關查。

仍不查明呈請更正。輒以向有效力把總。率行咨覆。尤屬糊塗錯謬。朱世鐸業經革職。著毋庸議。其餘歷任同知。除已故各員免其查辦外。所有告病同知慶林。前署同知解任佛坪。同知景梁。曾卸署同知宋恆祥。及未經到案之前署同知告病回旗耀州知州張利溥。均有辦過效力把總委牌。著交部按照單開各員。在任月日。經辦名數。分別嚴加議處。其各員經手津貼銀兩。既無成數可計。均已隨時給發辦公。俱免其著追。至失察之各上司。除已故各員免其查辦外。所有歷任藩司溫承惠等十八員。歷任巡撫溫承惠等九員。俱著交部。按照單開各員在任年月。分別議處。又另片奏。規定章程。著將外省民人。得過委牌。一體出示曉諭。作為廢紙。其該廳現今實在城門軍火等局當差之頭目。所執委牌。著一併撤銷。今其照舊應役。自此次查辦之後。該撫務飭該廳實力奉行。將前給委牌撤銷。

淨盡嗣後毋許再行給發以杜冒濫而絕弊端。儻仍有前項情弊一經查出即行嚴叅重懲決不寬貸。至該廳辦公不敷著由該省另行籌辦。○諭軍機大臣等布彥秦奏領隊巡查布魯特邊界情形摺內稱領隊大臣西朗阿端多有帶兵巡查邊界欲向吹地方取道行走因派妥幹兵丁帶同夷人先赴吹地方給在彼游牧之布魯特比呢雅斯伯克諭帖令其出迎帶道以便前往該布魯特訴稱被霍罕逼勒移住吹地方無計脫逃。入夏以來霍罕聞天朝來的兵多畏懼由喀什噶爾發兵出討查訪甚緊。派人在皮斯格克喀喇巴勒坦塔拉斯三處築牆安卡以為防守並將脅從之布魯特哈薩克等多人糾集在彼作為屬下徵其租稅。若是多帶兵來征剿他們纔知懼怕地方纔得安靜。我情願已結出力若是兵少斷不可去。該領隊等即由察罕烏蘇旋回等語。吹塔拉斯一帶地方前經降旨

令長齡等酌量派員查勘辦理。茲據布彥秦奏該領隊等因該布魯特比稱訴情形未經往查該將軍等現在喀什噶爾籌辦善後此事應如何確切查勘辦理著長齡等體察情形熟商妥辦據實具奏將此由五百里諭令知之。○給事中王雲錦奏請嚴禁書肆小本文策得旨此等不肖惡習朕亦夙知若祇出示嚴禁令其自行銷燬仍屬有名無實其應如何再行嚴定章程務期永絕此弊以端士習著軍機大臣會同禮部都察院悉心覈議具奏。○以光祿寺卿鄂木順額為大理寺卿仍留安徽學政任。○添購直隸永定河備防稽料仍增歲料運腳銀從總督琦善請也。○賞廣安門外普濟堂賑賑小米三百石。○緩徵直隸大城滄大名元城寧晉三河永清保安玉田龍門十州縣被水被旱被雹村莊新舊額賦暨磁州地震災區借欠常平倉穀。○緩徵陝西清澗米脂二縣被雹村莊下忙額

賦○丙子。

孝慈高皇后忌辰。遣官祭

福陵○

上詣

大高殿行禮。○還宮。○諭內閣。祁項泰嚴定查

禁鴉片煙章程一摺。據稱查明廣西省。現在
尚無私種罌粟花熬煙販賣之事。惟潯梧平
樂等府。均與廣東省毗連。恐有奸商與販。私
運入境。不可不嚴定章程。杜其萌孽。著照該

撫所議。責令各該管關知府。會營督飭所屬。
及派委查河之文武員弁。帶領兵役。實力巡
查。如能將煙盤獲。立時燒燬。與販奸商。照例
治罪。該兵役等按照所獲斤數次數。從優獎
賞。文武員弁。亦予記功。仍向販運之犯。根究
販賣來路。將經過失察之州縣。故縱之吏胥。
從嚴叅辦。儻漏未查出。或得規故縱。入境後
一經發覺。即將該處兵役究辦。官弁叅處。如
兵役人等妄拏邀功。藉端擾累。均各治以應

得之罪。至拏獲食煙之人。務究明買自何人

何處。迅速密拏懲辦。不得以買自不識姓名

人捏供。顛預了事。並令各屬會營將每月有

無販煙入境及曾否拏獲之處。稟報一次。以

專責成。該撫惟當隨時嚴密查禁。飭令各州

縣。於因公下鄉及抽查保甲之便。留心查訪。

按季彙報。如有違禁種植熬販等弊。即照新

定章程辦理。仍責成該管道府。於年終出具

所屬並無種賣鴉片煙切實印結詳報。該撫

於每年年終。具奏一次。務當實力實心。認真

查禁。以期根株淨盡。不可日久生懈。視為具

文。○又諭。御前侍衛蘇清阿。法克興阿。俱年

近六旬。加恩著免其幫轄。乾清門頭等侍衛

鎮國將軍奕縉。身軀軟弱。著退出乾清門。在

大門上行走。○達賴喇嘛之呼畢勒罕。班禪

額爾德尼。噶勒丹錫呼圖薩瑪第巴克什阿

旺嘉木巴勒。粗勒齊木。察木多。帕克巴拉。呼

圖克圖。遣使表賀

萬壽。賜敕褒獎。賞賚如例。○准前任通政使司副使徐如澍。重赴鹿鳴宴。賞三品卿銜。○調正黃旗漢軍副都統那當阿。為荊州左翼副都統。以頭等侍衛祿普。為正黃旗漢軍副都統。○以孟冬時享。

太廟。自是日始。齋戒三日。○丁丑。諭內閣。閩浙總督孫爾準。奏據南澳鎮總兵報稱。在洋巡緝。瞭見夷船一隻。馳往查探。據夷人帶同通事。開呈紅單。稱係越南行賈陳文忠。高有翼。

奉本國王命。駕船護送福建省故員李振青眷屬及難民等來閩。旋據興泉永道等稟稱。該夷船駛進廈門口。將該故員親屬及難民等先送上岸等語。越南國遠隔重洋。素稱恭順。今該國王。因內地官員眷屬。遭風飄收到境。拯救資贍。派員護送到閩。誠款可嘉。著賞賜該國王蟒緞二匹。閃緞二匹。錦緞二匹。采緞四匹。素緞四匹。以示嘉獎。其官伴水梢人等。並著閩浙總督查明。照例給予口糧。回國。

之日。另給行糧。並動項賞給修船銀兩。該使臣所帶貨物。准其就地發售。所有頒賞該國王緞匹。著廣西巡撫。於本年貢使回國之便。帶往。該部先行文該國王知之。○又諭御史恆青。奏在京各衙門咨送刑部案件。請查照定例。以專責成一摺。定例五城及步軍統領衙門。收審案件。除罪應徒流以上。及事涉宗室覺羅者。方准咨送刑部。其餘戶婚田土錢債細故。並竊盜鬪毆賭博。及一切尋常罪止。

枷杖笞責者。均不得濫行送部。緣刑部為刑名總匯。各省題咨案件。均須覈覆。其現審情罪較重之案。尤在專心推鞠。始能無枉無縱。至在京各該問刑衙門。遇有細小事件。例應自行清理。隨到隨結。乃近來各該衙門收審案件。一經訊問。每因兩造各執一詞。致費推求。不問其罪名輕重。輒以本衙門例無刑訊為詞。率行送部。迨經部訊。其中竟有罪止枷杖笞責。或併無罪可科者。即使照例駁回。而

輾轉查傳。已不免耽延時日。拖累無辜。且一經送部。愚民無知。畏罪情急。轉使吏役人等。得以乘機詐騙。百弊叢生。殊失國家設官分理。清釐庶獄本意。嗣後著照定例。五城及步軍統領衙門收審案件。如訊係罪犯徒流以上。及事涉宗室覺羅者。送部審辦。若罪止枷杖笞責等案。必須隨時判結。不得以案情稍介疑似。濫刑送部。至刑部遇有各該衙門將不應送部之案。率意咨送者。亦不得濫行收

審。即將原案駁回。仍據實奏參。以專責成。而省訟獄。將此通諭知之。○諭軍機大臣等。據孫爾準奏。越南國王。派員護送福建省故員李振青眷屬及難民等來閩。已明降諭旨。賞賜該國王緞匹。令祁項於該國本年貢使回國之便帶往矣。此次越南國貢使。早經出京。計程將次抵粵。著祁項於該使臣到省時。飭令在省等候。俟嘉該國王敕諭及頒賞緞匹齎到時。俱令該使臣帶往。交該國王祇領。

將此諭令知之。○戊寅。

孝敬憲皇后忌辰。遣官祭

泰陵。○諭內閣。儀親王現年八十有六。雖精力如常。究竟年高不宜過勞。嗣後坤寧宮喫肉。毋庸進內。著管理膳房之內務府大臣。每屆喫肉日期。頒給背鐙肉一分。以示朕篤眷懿親體恤年高之至意。○又諭據河南道御史富明等奏。定例在京大小各衙門註銷。分派各道御史稽查。若統歸河南道於年終一一照刷文卷。非但勢難編覈。稿案卷宗堆積愈多。轉恐有遺失之弊。前據御史汪報原所奏。併將註銷列入。現經富明等查明。向來註銷不能刷卷。刷卷並無註銷。嗣後仍著照舊辦理。○諭軍機大臣等。長齡等奏。現在籌辦情形一摺。據稱欲令守邊兵丁實心出力。莫如屯田之法。但改防為春。事涉紛更。一時礙難辦理。請將各省綠營兵額。各按馬步守兵。分別均勻。於每百名內。暫裁二名。咨照各該省

覈辦。即將各省裁缺所節經費。由部彙撥。解交甘肅藩庫。自道光十二年為始。歸入回疆經費項下。搭運前往。以資支發。已另降諭旨。交該部查明具奏。至所稱喀什噶爾英吉沙爾葉爾羌。去秋守禦。極得兵民之力。即回眾亦咸知兵威民力。實足以捍衛地方。正宜因勢利導。俾聯為一體。此時該將軍等。先將西四城可種之閒地。招民開墾。有願攜眷者聽之。其回子地畝。亦不禁其租給民人耕種。現令壁昌出示招諭。著妥為辦理。如試種有效。皆知地利可守。安家者漸多。有願入伍者。即准其充食名糧。收一眷兵。即撤一換防兵額。其防兵在戍既久。有自願徙眷安家者。亦聽其便。數年之後。可成一半眷兵一半換防之局。節費自屬不少。且既有眷兵。即有餘丁。種地之人日多。挑兵之人不患其寡。彼時換防之額。不難陸續撤回內地。所謂以回疆物產。供回疆兵糈。兵民日益蕃昌。則回心日益固。

結。是屯田一事。實為安邊便民足食足兵之良法。俱照所議辦理。其民戶如何安插編管。高地如何設法引渠。牛具籽種。如何撙節經理。試墾之初。如何分段認種。成熟之後。如何按畝交糧。此時招民開屯。必須無礙於回眾生計。將來因屯募兵。必期無礙於邊地操防。一切詳細章程。著長齡。玉麟。與壁昌熟籌妥議。務期經久無弊。方為盡善。俟議定即行會同具奏。至茶葉大黃等物。前經降旨准其弛禁。所有新疆各城茶政。著仍循舊例通行。概免查禁。又據稱。前經諭令霍罕夷使。縛獻賊目。送出裏去之民回。現在該夷使尚未旋回。霍罕狡詐異常。即使此次人來。竟能遵諭獻出賊目。亦未可全信為真。自當防其詭詐。如果實在悔罪投誠。許其通商交易。萬一天羊之性。難以德孚。亦不值久駐重兵。惟當妥籌控制。固我邊陲。俾頑梗不敢復萌窺伺。所論俱是。至前次奏請於西四城現有兵六千餘。

名之外酌留伊犁等處兵六千名。通計原額新增共滿漢兵一萬二千餘名。茲據覈計分駐西四城及巴爾楚克等處綠營兵較前通計總數尚多一千餘名。著即查改畫一。又喀什噶爾巴爾楚克總兵員缺。道光八年奏案。係將涼州改鎮為協。該處總兵作喀什噶爾換防之缺。今該將軍等擬於巴爾楚克添調總兵一員。陝甘地方緊要。擬將涼州鎮總兵仍改歸原地。現擬安設總兵二員。即由陝甘

實錄卷一百一

六

實缺總兵內。不論滿漢擇其熟諳行陣。平日訓練有方者。揀派前往。如一時總兵內難派換防。或即揀選堪勝總兵之副將。奏請賞加升銜。署理換防總兵。亦著照所議辦理。現在喀什噶爾換防總兵員缺。據該將軍等查明涼州協副將周悅勝。久歷戎行。邊情均所熟悉。著即派委署理。以資熟手。將此由六百里諭令知之。○兩江總督陶澍。江南河道總督張井。奏報秋汛安瀾。命張井詣

河神廟祀謝。陶澍。張井。均下部議敘。出力員弁。升敘有差。○四川建昌鎮總兵官馬玉麟。以病乞休。允之。調雲南臨元鎮總兵官張琴。為建昌鎮總兵官。以雲貴督標中營副將謝麟。為臨元鎮總兵官。○以江南太湖協副將李恩元。為浙江溫州鎮總兵官。○以喀什噶爾英吉沙爾上年守城進援打仗出力。賞英吉沙爾領隊大臣棍楚克策楞。頭等侍衛。協領烏珍泰。副都統銜。佐領蒙庫伯勒。富隆阿。齋清額。德康。蘇春布。車凌布林特古斯。畢里克圖。烏爾圖。那遜。防禦察隆阿。西拉那。莫爾根太。色依伯尼。驍騎校奇克坦布。辦事章京福來。參將馬殿甲。毛文綵。遊擊馬天錫。都司郭興額。高峻。守備魯東山。雲騎尉楊茂。把總張賢。外委魏啓明。花翎。前鋒校扎拉芬等。藍翎。餘升用有差。釋回遣犯軍犯三十四名。

實錄卷一百一

三

泰陵

泰東陵

裕陵

昌陵○遣官祭

孝穆皇后殯宮○遣官祭

端慧皇太子園寢○頒道光十二年時憲書

○諭內閣史譜奏請將承辦要工丁憂人員

予限回籍一摺陝西省

華嶽廟工程前經奏准分段興辦揀派該州

知州張坦承修現在二段將屆修完三段工

料俱已發銀購備該員適聞計丁憂自應准

其回籍守制惟工程尚未報銷料物多未收

齊礙難更換生手著照所請張坦准其回籍

治喪予限三箇月即赴陝辦工以專責成工

竣仍飭令回籍守制該部知道○又諭鄂山

奏查禁鴉片煙章程據稱川省五方雜處間

有吸食鴉片煙之人會理州平武縣一帶毗

連番界尚有種植罌粟花處所現經通飭嚴

密查拏惟思查禁鴉片煙必先清查官吏俾

免包縱徇隱情弊著該督飭令藩臬兩司密

查各官員內如有紆袴積習嗜食鴉片者即

行據實詳揭恭辦並嚴查各衙門官親幕友

長隨書役如有向食鴉片煙立即照例加等

治罪如此則官員自顧考成管束必嚴丁胥

知所儆懼查拏得力至各關隘口稽察尤為

緊要該省夔州寧遠廣元等府縣為各省入

川要路凡遇客商過關如查有私帶鴉片煙

泥立即究辦儻關隘書役受賄故縱及勒索

裁誣將該書役及失察本管官一併照例恭

辦其會理州等處私種罌粟花地界著飭該

地方官於編查保甲之便徧歷查看如有私

行種植立即犁毀將地主治罪田土入官並

嚴飭各土司曉諭夷民毋得私行栽種令該

土司每年冬間親往履查如有私種即行拔

毀將夷民照例枷責田土歸土司招種儻該

土司不認真查察即叅革示懲該督仍責成

該管道府於年終出具所屬並無種賣鴉片煙切實甘結詳報該督於每年年終具奏一次務當實力實心認真查禁以期根株淨盡不可日久生懈視為具文○諭軍機大臣等福克精阿等奏監禁宗室在監毆斃人命屢審不認致死確情此案宗室誠明於砍傷牟海林後復潛赴牟海林住屋乘其仰臥持用木柴疊毆登時殞命據福克精阿等奏提審案證已據供明並無爭鬪情事顯係挾嫌謀殺誠明堅不承認致死確情實屬刁健請照眾證情狀定擬等語著富俊提集全案人證秉公審訊嚴究確情按律定擬具奏將此諭令知之尋奏牟海林係賣娼賊犯該宗室誠明被其讒誚前往理論遂致毆斃宗室誠明依律擬絞監候秋後處決係宗室照例圍禁下部議從之○以陝西銀價昂貴暫停寶陝局鼓鑄從巡撫史譜請也○蠲緩湖北江夏嘉魚漢陽孝感黃岡黃梅廣濟漢川武昌咸

寧黃陂沔陽江陵公安石首監利蒲圻大冶鍾祥京山潛江天門荊門雲夢應城松滋枝江興國蘄水二十九州縣暨屯坐各衛被水村莊新舊額賦有差給房屋修費○庚辰上幸圓明園○詣綺春園問皇太后安○辛巳泰寧鎮總兵官海齡因病解任以吏部左侍郎貴慶為泰寧鎮總兵官兼總管內務府大臣並管萬年吉地工程○轉吏部右侍郎奕經為左侍郎調戶部右侍郎桂輪為吏部右侍郎工部右侍郎阿爾邦阿為戶部右侍郎兼管錢法堂事務兵部左侍郎那丹珠為工部右侍郎兼管錢法堂事務以內閣學士裕誠為兵部左侍郎○調鑲黃旗蒙古副都統特登額為正藍旗滿洲副都統以頭等侍衛毓文為鑲黃旗蒙古副都統○壬午諭內閣前任山海關張家口各監督吏部員外郎善慶刑部郎中景福銘恩短交經徵盈餘等款銀兩著勒

限一月。如數完繳。不准再有延緩。嗣後各監督差滿應交盈餘等款銀兩。著戶部會同內務府嚴定章程具奏。尋議崇文門左翼右翼山海關張家口殺虎口等六處盈餘銀兩。向無解交定限。擬請嗣後自奉旨日起。予限一月完繳。儘逾限延宕。即由內務府奏。勒限二十日。全數交清。如再不完。應革職監追。從之。○諭軍機大臣等。前據給事中王雲錦奏。請嚴禁書肆小本文策。以防士子懷挾之弊。並稱有文海文備名目。茲據步軍統領衙門奏。查出文備八本。又名歷科墨正。內載四書時文。並載有登科秘訣。又文選五本。係五經時文。文萃六本。名新增五經文萃。各分名目。易經文曰文蔚。書經文曰文茂。詩經文曰文葩。春秋文曰文苞。禮記文曰文蘊。內附有新策一本。五經文鈔計五本。以上各種乃墨卷時文試策雜選成部。俱係刻本。其字甚小。其本三四寸見方。並據該役等向各書肆訪查。

板片。僉稱此書來自江南。其板片自必在該省書肆收存等語。著陶澍嚴飭所屬查明此種板片。務須迅速銷燬淨盡。以杜流弊。而端士習。將此諭令知之。○兩江總督陶澍等奏。現辦撫卹災民事宜。得旨務要認真妥辦。如有不盡心之官吏。或因災肥己者。必當嚴加懲治。以儆其餘。萬毋姑息。懷之。○河東河道總督嚴烺奏。報秋汛安瀾。命詣河神廟祀謝。並下部議。欽。出力員弁升敘有差。○以工部右侍郎那丹珠。為國史館清文總校官。○以翰林院侍讀學士史評。編修陳嘉樹。充日講起居注官。○以捐修江南貢院。予知縣黃冕等升補有差。○以緝捕勤能。予安徽知府胡調元等議敘。○撫卹琉球國遭風難夷如例。○癸未。諭軍機大臣等。載銓等奏。查勘工程一摺。據稱查得避暑山莊東所松鶴齋。繼德堂。殿宇均屬宏整。情形稍輕。易於修改。擬恭請

聖容供奉於繼德堂後層暢遠樓俟明春將繼德堂頭停揭瓦殿內照式修改妥協由該總管等具奏恭移

聖容供奉請於本月初十日恭請

聖祖

世宗

高宗聖容至暢遠樓暫行供奉俱著照所請敬謹辦理又據稱

仁宗聖容現在雲山勝地樓上尊藏今供案香

几已經備齊請於來春繼德堂修改工竣同日恭請

仁宗聖容供奉東二次間亦著照所請屆時著該總管等奏明妥辦以昭虔敬載銓等即造具做法錢糧清冊移交該總管等於今冬備料明春敬謹修理載銓等查辦事竣著即回京復命將此諭令知之○又諭據朱士彥等奏續查江南災賑情形惟下河一帶州縣係積潦之區本年被災尤重當經嚴飭該地方

官趕緊查勘給賑而辦災積弊胥吏地保串通每里每莊中多開戶口已令該委員查明戶口即於本里出榜實貼曉示放賑之時該州縣即據委員所查總發一榜毋使風雨損壞總查抽查之員即可憑此查辦儻再有侵蝕遺濫之處惟該員等是問其山陽清河兩境被災較輕桃源縣積水壅滯被災各區均已查放撫卹現在居民守候大賑尚屬安靜等語江南大賑屆期其中胥吏地保等浮開戶口在所不免著陶澍程祖洛鄧廷楨嚴飭所屬認真查勘其查明戶口著即出榜於本里曉示該州縣再總書一木榜懸掛城中各按實數散放以杜弊端或有從中侵蝕者即行指名嚴叅務使實惠及民用副朕軫念災區至意將此各諭令知之○又諭朱士彥等奏續查南河堰圩兩廳土石隄壩各工並酌加土埽工程保固年限據稱山圩廳林家西添建滾水石壩本年啓放過水現已堵合口

門埽土封閉壩外石底亦在水中無從查驗其露明之兩牆壩身裏頭迎水分水各工按冊驗量丈尺數與原估相符惟現據張井奏稱該壩過水最大石底有衝損縫處所現經朱士彥等詢據該道將等面稟本年啓放時石底被衝裂縫約有七八路壩下灰土亦有衝損之處等語該壩甫報完竣即有損裂情形實屬草率著該督等俟塘水消落時責令原辦工員趕緊修理完固著張井親加覆

驗以重要工至所稱堰圩兩廳臨湖卑矮石工共計三千七百五十七丈七尺加砌一二三層不等據張井咨稱該工業於道光八年五七八九等月辦竣本年五六七月風暴掣卸尚有在保固限內者並據冊開高堰廳辦過工長一千六百十五丈六尺本年掣卸共八十九丈三尺山盱廳辦過工長二千一百四十二丈一尺本年掣卸共一百三十五丈一尺據朱士彥等查明前項掣卸石工尚未

扣滿例限著即責成原辦工員賠修毋任稍有草率其石後甃工灰土間有經風浪汕刷殘缺處所尚未填補該隄捍衛全湖最關緊要並著責令工員趕緊補行砌築以資抵禦又堰圩大隄加幫五丈土工自道光九年至今已辦過工長一萬三千三百一十五丈七尺一寸內高堰廳辦過工長七千二百五十五丈一尺八寸山盱廳辦過工長六千六十五丈三尺據朱士彥等親加驗量連舊工

一律幫寬共十五丈與原報丈尺相符惟九十兩年辦過各段間有墊低本年新工亦有浮鬆之處著飭令工員分別填補整齊夯硤堅實並責成河兵於隄上栽種柳株加意培養藉以保護隄工益臻鞏固現在臨湖石工最為喫重遇有風浪撞擊往往潑過海墘得此幫足十五丈之土隄藉資搪禦是此項土工不為無益又據朱士彥等奏稱該工原估續估案內奏准幫寬未經興辦之高堰頭二

兩堡及尚未估計之智信兩壩空檔大隄土工應行辦理著該督等查明前項土隄已估者迅即發辦未估者即據實勘估務期一律堅厚完整以資保障又據奏稱前項土隄既非臨湖與黃河險要隄岸情形不同向來僅照黃河保固一年限期太寬請嗣後除黃河外所有堰圩兩廳土隄以及運河各廳隄岸均定為保固三年統計俟該河督驗報後起限其運河埽工亦與黃河埽隄不同請於經歷一年後再加保固一年由該管道驗明堅整始准歸汛修防庶工員各顧責成辦理不敢草率無須連年修理致滋糜費等語著該督等查照辦理並曉諭工員各宜認真覈實妥為經理以專責成又另摺奏稱揚河揚糧兩廳運河西岸隄工間多殘缺該隄為漕運往來緯道本係應修之工請交該河督詳加查勘擇其緊要段落奏明估計興築俾災黎於馬棚灣工竣後可就近赴工得資接濟等

語著該督等體察情形是否可行據實具奏將此諭令知之尋奏馬棚灣東隄補築完竣揚河揚糧兩廳東西兩岸隄工應確估修補俾就近災黎藉以備趁度日報聞○甲申上詣安佑宮行禮○以御前頭等侍衛奕山為武備院卿○賞告病荊州左翼副統七克唐阿全俸○貸江寧京口八旗官兵修理住房銀○乙酉諭內閣瑚松額等奏續查誤給路引案內各職名請交部議一摺此案誤給宗室祥祐路引該將軍等於覆奏摺內未將應議各員逐一聲明係屬疏漏惟業經續查咨奏所有瑚松額常文自請議處之處著加恩改為察議其宗室營主事奇善族長綿益學長奇英左戶司協領奇成額佐領武訥璽業經吏部等衙門分別議處著毋庸再交部議○河東河道總督嚴烺因病解任以江寧布政使林則徐為河東河道總督山東按察使趙

盛奎為江寧布政使雲南鹽法道經額布為山東按察使○准密雲駐防官兵捐製牌槍四百八十桿從副都統佈勒亨請也○戶部議准廣西巡撫祁項疏報平樂思恩鎮安三府屬開墾旱田一項九十六畝水田一十六埜一百一十有奇照例升科從之○丙戌諭內閣前經降旨令回子郡王伊薩克駐京當差其次子邁瑪特准其隨帶進京茲據長齡等奏伊薩克因資斧維艱請假暫回庫車料理起程等語伊薩克著加恩准其照年班伯克入覲之例沿途給予驛騎以示體恤○又諭壁昌等奏查明備貯項下動用各款請分別准銷賠繳豁免等語上年喀什噶爾英吉沙爾守城兵丁經扎隆阿按名賞給皮衣銀二兩共用銀四千七百一十二兩彼時未經奏明現據壁昌等查明給領屬實著將此項銀兩照出征兵丁之例免其坐扣准令報部覈銷至伊薩克在阿奇木任內欠交經費項

下兵茶變價並備貯項下官鋪茶本二項共銀二萬三千二百九十一兩零均著加恩一併豁免該部知道○又諭此案太監張進幅買運鴉片煙土既經破案必應徹底嚴究乃刑部審訊擬結頗有不實不盡之處著將全案人證交內務府大臣再行嚴訊務得確情按律定擬具奏○大學士托津等遵旨會議整頓場規十條一甄門內東西左右四路用木欄截各不相踰以防擁擠一添派左右翼總兵一員酌帶弁兵分巡督率以嚴稽察一士子點名不到須通場點完後方准補點一照入籤上應各註明牌數以便查對一士子入場不准攜帶木櫃木盒坐褥以杜懷挾一八旗及南皿士子人數眾多動輒喧鬧應分歸四門點名四路領卷以便彈壓一士子領卷後立即催入號舍不許復出一封門後監臨等官須按號親查或分段抽查八旗號舍並由彈壓副都統親身巡察一號口柵欄封

開須用鎖鑰。士子交卷後不准復入。一號板以鋪滿為度。板標號記。責令號軍看守。遇有破壞不平者。准向委官換用。得旨。前據給事中劉光三奏。科場士子恃眾玩法。亟宜嚴加整頓。當令大學士、軍機大臣會同禮部議奏。該給事中。原摺所陳十條。已屬詳備。茲大學士等復查照舊例。悉心參酌。分別准駁。逐條議覆。所奏俱甚周密。鄉會試為掄才大典。必須科條整飭。弊竇肅清。方足以拔真才而端士習。豈容視功令為具文。任令擁擠喧嘩。致啓懷挾槍替之弊。著自明年會試為始。即照新定章程。認真妥辦。仍將各條先期出示。嚴切曉諭。俾眾士子各知懍遵。儻不實力奉行。仍有擁擠等弊。著責成科道。據實嚴叅懲辦。○暫免喀什噶爾上年被賊滋擾。回戶應徵布匹。○丁亥。

上詣綺春園侍

皇太后膳翼日如之。○展緩黑龍江齊齊哈爾

墨爾根城。額玉爾庫穆爾被旱。被雹。旗營官屯驛站。應徵積欠銀。並貸銀米有差。○戊子。皇太后聖壽節。遣官祭

太廟後殿。

奉先殿。

上率王公大臣、文武官員及朝鮮國使臣詣綺春園行慶賀禮。○己丑。諭內閣。長齡等奏。英吉沙爾防兵。應支鹽糧。援案請照征兵給發。英吉沙爾駐防官兵。上年守禦出力。該處地

當孔道。大兵往來絡繹。現在食物較昂。防兵例支鹽菜銀兩。不敷日用。據該將軍等查明請照喀什噶爾此次防兵一體辦理。所有現駐英吉沙爾防兵四百名。著加恩准照征兵例支給鹽糧。以資津貼。俟大兵全撤。仍照防兵例支給。○諭軍機大臣等。據長齡等奏。請將額爾古倫調補喀什噶爾領隊大臣。已另降諭旨。將該員調補矣。額爾古倫諳習戰陣。至專辦回務。是否勝任。所有應辦事宜。或令

其咨請壁昌妥商辦理著長齡等察看具奏該將軍等前請行屯田之法招民開墾即於民人內挑選兵丁將防兵陸續抽撤已有旨照議辦理朕思該處回戶多係以種地為生通年屢被逆夷蹂躪伊等不能自保身家若於回戶內挑選兵壯時加訓練則兵丁出缺即可於回戶內挑補俾得自保身家防禦外患即可收以夷制夷之效且防兵駐紮該處柴薪等物不無擾累該回戶如自能捍衛即

無須多駐防兵致滋糜費似於善後之道大有裨益著長齡等體察情形如屬可行著妥議章程具奏至帶兵大員最關緊要萬一霍罕安集延等再有蠢動必須帶兵得人朕思哈琅阿久歷戎行或令其在葉爾羌多駐數月俾資防禦並著長齡等體察情形據實覆奏至所奏據壁昌咨請在參贊衙門設立善後局以便就近覈辦著照所請行該將軍等即與壁昌會商就現在喀什噶爾人員中揀

派數員專司其事毋得稍有冒濫並著該將軍等隨時認真督辦妥速蒞事發去人蔘一斤賞給長齡玉麟祇領俾資調攝以示優眷將此由六百里諭令知之○揚威將軍大學士長齡等奏請將回疆參贊大臣移駐葉爾羌總理八城統轄兩鎮並兼提督御其幫辦大臣一員仍照舊制專管葉爾羌本城兼轄和闐裁和闐領隊大臣一員移駐葉爾羌為領隊大臣共駐滿漢防兵五千名改喀什噶

爾幫辦大臣為領隊大臣又駐總兵一員共滿漢防兵四千名駐和闐辦事大臣一員兵五百名英吉沙爾領隊大臣一員兵一千名巴爾楚克總兵一員兵三千五百名四城兩鎮合舊額新增計滿漢防兵一萬四千名其印房等處各官既將參贊大臣移駐應將喀什噶爾葉爾羌兩城章京筆帖式互易葉爾羌設經牧章京一員專司牧事裁喀什噶爾葉爾羌糧餉章京二缺改設糧餉同知二員

再於葉爾羌喀什噶爾英吉沙爾巴爾楚克各設巡檢一員得旨長齡等奏擬添回疆防兵並增改文武員弁數計經費一摺又另片奏烏什添駐防兵阿克蘇添設巡檢等語著軍機大臣會同吏部兵部速議具奏○以禮部尚書王引之為順天武鄉試正考官刑部右侍郎戴宗沅為副考官○命和闐領隊大臣舒倫保回京調喀什噶爾參贊大臣璧昌為葉爾羌參贊大臣以和闐辦事大臣誠端為葉爾羌幫辦大臣喀什噶爾幫辦大臣舒凌阿為葉爾羌領隊大臣調伊犁領隊大臣額爾古倫為喀什噶爾領隊大臣以葉爾羌幫辦大臣常豐為和闐辦事大臣調葉爾羌辦事大臣常德為烏什辦事大臣烏什領隊大臣奇成額為伊犁領隊大臣賞陝西洮岷協副將唐倬總兵銜署巴爾楚克換防總兵官甘肅涼州協副將周悅勝總兵銜署喀什噶爾換防總兵官○辛卯諭內閣盛京五部

侍郎本年年班俱著毋庸來京凱音布著俟裕泰到任後再行來京供職○壬辰上詣綺春園問皇太后安○諭內閣前據御史岳鎮南奏山東永阜場大使何學傳得規加春等款當交訥爾經額等查辦茲據奏查明該員並無得規加春護縱養好及官引不銷情事尚非藐法營私廢弛疆務惟於收存散商攤交巡費未經隨時詳明立案實屬應申不申撤任永阜場大使何學傳著交部照例議處該撫等仍當隨時督飭地方鹽務各官併力緝私以防滋蔓至商人春運務令遵循定例辦理覈實秤掣儻敢違例營私即著從嚴叅辦毋許稍有姑容○諭軍機大臣等據陶澍奏傳諭林則徐張岳崧親歷勘辦災賑一摺林則徐現已簡放河東河道總督並令江寧布政使趙盛奎即赴新任所有江北賑撫事宜著陶澍即傳諭趙盛奎會同張岳崧總司其事親

往各災區。周歷履勘。體察情形。妥速辦理。儻
 地方官有不實心勘辦。或從中侵蝕。及吏胥
 等有營私舞弊。虛冒剋扣。以致實惠不能及
 民者。即著該司道等遵照前旨。嚴叅懲辦。趙
 盛奎既總司江北賑撫事宜。江寧一府勢難
 兼顧。揀發道府王瑞徵前署江寧府事。既熟
 悉該處情形。即著該員協同現任知府趙炳
 言認真妥辦。將此諭令知之。○癸巳諭內閣
 陝西華州丁憂知州張坦著該撫即飭令將
 經手料物銀兩交代清楚。回籍守制。其
 華嶽廟工程著另委妥員接辦。該撫前奏請
 將該員予限回籍治喪。仍即來陝留辦工程
 實屬違例。奏留史譜著交部照例議處。○又
 諭松筠前赴直隸審訊白勤一案。自有隨帶
 司員。何以率調徐寅第入館參議案情。出差
 北口時。曾否收受徐寅第餽送銀兩。著松筠
 據實具奏。○命刑部左侍郎特登額右侍郎
 戴宗沅馳往直隸查辦。撤任深州知州蔣兆

璠稟許署按察使清河道徐寅第案。○撥河
 南山東司庫銀添購來年備防稽料。從河道
 總督嚴烺請也。

大清宣宗效天符運立中體正至文聖武智勇
 仁慈儉勤孝敏成皇帝實錄卷之一百九十八

大清宣宗效天符運立中體正至文聖武智勇
仁慈儉勤孝敏成皇帝實錄卷之一百九十九

監修總裁官經筵日講起居注官太子太保雅仁閣大學士文淵閣領閣事管理戶部事務上書房總師傅翰林院掌院學士兼管順

天府尹事務隨帶加五級紀錄十八次。臣曹振鏞奏官廳題孫官吏部尚書鑲藍旗漢軍都統管理新營城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納題詞官文淵閣提舉閣事兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼幼官學 室壽宮圓明圓等處稽提望御茶膳房御藥房太

醫院達摩及事務隨帶加十八級臣阿靈阿副總裁官銓選總官兵部尚書隨帶加六級紀錄二十次臣周祖培等奉

數條

道光十一年辛卯十月甲午。

上詣

安佑宮行禮○諭軍機大臣等據有麟等奏籌

款添設八旗兵丁騎射公所並遴派教習官

養馬匹以資訓練一摺自係為整飭兵丁騎

射起見。朕思此事不難於創始。難於日後實

力奉行果能嚴定章程以期實效豈不甚善

若奉行不力。徒費一番周章耳。况八旗兵丁。

守護

陵寢是其專責。用騎射時較少。至摺內稱添買

馬匹。例價銀九十六兩。每年馬乾銀二百八

十八兩公所三處公費一百八兩計每年需

用銀三百九十六兩有麟等所管永濟庫每

歲盈餘是否足敷支發儻數年之後偶有短

絀將籌何款給用有麟等尚須通盤籌畫總

期行之經久不得專徇目前徒邀虛譽也將

此諭令知之○禮部議准江西巡撫吳光悅

疏報採訪泰和縣貞節婦女羅曾氏等五百

四十九口請建總坊旌表從之○蠲緩安徽

無為巢廬。和合山五。河當塗。蕪湖繁昌。賈

池銅陵東流桐城望江懷寧宿松懷遠鳳陽

鳳臺靈壁泗潛山盱眙全椒天長太湖舒城

壽宿定遠建德青陽建平南陵宣城來安合

肥滌祁門潁上霍邱毫四十二州縣暨屯坐

各衛被水被旱村莊新舊額賦有差賑無為

巢廬江。和含山。五河。當塗。蕪湖。繁昌。貴池。銅

陵東流桐城望江懷寧宿松懷遠鳳陽鳳臺

靈璧泗潛山盱眙二十三州縣及屯坐各衛

被災軍民給桐城宿松懷寧鳳陽泗潛山盱
眙懷遠靈璧全椒宿天長建德青陽太湖十
五州縣災民一月口糧並房屋修費○乙未
上詣

大高殿

壽皇殿行禮○奉

皇太后還宮○諭軍機大臣等陶澍等覆奏隄
壩工程一摺覽奏均悉至所稱災民稟訴毀
隄做隄一節因該處興工時隄旁積水尚深

不能堆土是以所買土方皆堆積於隄頂以
備應用災民有無處居住者即於所積土方
上暫行棲止及用土時不能不驅使遷徙該
災民即以毀隄作工混行具控其實所取者
乃隄頂寄存之土並非隄身原有之土現經
該督等查明隄身並無挖毀形跡惟河工弁
兵賢愚不等似此情弊亦不可不防著陶澍
等嚴飭該管道廳密行查察如有故犯即行
從重究處毋得意存回護將此諭令知之○

江蘇巡撫程祖洛奏藩司林則徐酌定江寧
淮揚查賑章程十條一官員吏役毋令賠累
一衙門陋規應盡裁革一書役地保嚴加約
束一印委各員互相稽察一應賑不應賑之
人詳細區別以防冒濫一嚴禁刁民藉端滋
事一棚棲災民分別附莊給賑一流民外出
另冊登記俟回歸時驗明一體給賑一領銀
易錢須擇價善之區設法購運一賞票名目
嚴行革除得旨移知趙盛奎張岳崧妥速辦

理○命塔爾巴哈台參贊大臣巴哈布巴里
坤領隊大臣賡音通阿古城領隊大臣蘇明
阿密爾辦事大臣敦良回京賞烏什辦事大
臣常德副都統銜為塔爾巴哈台參贊大臣
喀喇沙爾辦事大臣薩迎阿副都統銜為烏
什辦事大臣以鑲黃旗漢軍副都統國椿為
古城領隊大臣賞內閣侍讀學士賽尚阿頭
等侍衛為哈密辦事大臣命廣東鹽運使常
德改名興德賞副都統銜為巴里坤領隊大

臣○蠲緩江蘇上元江寧句容溧水高淳江浦六合靖江丹陽山陽鹽城高郵泰東臺江都甘泉儀徵興化寶應崇明泰興丹徒海門無錫江陰海沐陽長洲元和吳吳江震澤常熟昭文崑山新陽華亭奉賢婁上海南匯青浦川沙武進陽湖金匱宜興荆溪金壇溧陽清河安東銅山沛蕭碭山邳宿遷睢寧太倉鎮洋嘉定如皋阜寧桃源金山六十六廳州縣及淮安大河揚州蘇州鎮海徐州太倉金山八衛被水被風村莊新舊正雜額賦有差賑上元江寧句容溧水高淳江浦六合靖江丹陽山陽阜寧桃源鹽城高郵泰東臺江都甘泉儀徵興化寶應崇明泰興二十三州縣及淮安大河揚州三衛軍民○命截留江西漕米八萬石於南昌九江設廠煮賑緩徵建昌安義二縣被水村莊新舊額賦給德化縣災民房屋修費○丙申

上詣

皇太后宮問安○諭內閣前據御史陳焯奏陝甘學政違例送考藩司不行駁回該撫奏奏時意存含混當降旨令史譜等明白回奏茲據該撫奏口外士子道里遼遠不能剋期到省學政戴蘭芬錄送遲延係照成案辦理藩司楊名颺不行駁回亦因有案可憑實非瞻徇濫收該撫未將陝西歷科鄉試辦理情形聲明係屬疏漏等語史譜戴蘭芬俱著交部察議楊名颺前已降旨交部察議無庸再議該省口外烏魯木齊及巴里坤等處士子僻居邊遠沿途阻滯自所不免著自道光十二年為始嗣後邊遠士子務先期曉諭令其趕緊起程限於八月初一日以前全數到省不得任意逗留逾限即不准收考○以兵部右侍郎鐵麟管咸安宮官學事○正紅旗護軍統領吉勒通阿因病賞假以右翼前鋒統領蘇清阿佩帶御槍處印鑰御前侍衛法克興阿署正紅旗護軍統領禮部右侍郎舒英署

鑲紅旗滿洲副都統○緩徵陝西葭州被霜村莊正雜額賦○丁酉湖廣總督盧坤等奏辦理疏通積引得旨認真督飭辦理又奏遵查賑務積弊批認真妥辦勿忘視民如傷之意○何况已被災之百姓也○閩浙總督孫爾準因病賞假以福建巡撫魏元烺兼署閩浙總督○以捐修山西襄垣縣城垣礮臺予知縣張力卓等議敘○以庫車辦理上年軍需賞阿奇木伯克胡達巴爾第子邁瑪達里五品頂翎五品商伯克阿散花翎餘升用有差○以吐魯番屯田豐收予員弁議敘賞兵丁一月鹽菜銀○戊戌

上御太和殿視朝王公大臣文武升轉各官謝恩行禮如儀○諭軍機大臣等卓秉恬奏請行抽稅之法據稱王守仁巡撫江西疏通鹽法於贛州起立抽分鹽廠請倣其成法而試行之就各省隘口鹽所從入之地設局抽稅於一稅之後給票放行私鹽皆屬官鹽稅課可補商課應如何抽稅及一切章程請飭兩江總督等悉心籌議至鹽產於場似宜比較五穀聽其隨時長落不必官為定價有引則交課無引則交稅等語近來鹽務疲敝私梟充斥該少卿所奏係為整飭鹽法起見各該省是否可行著陶澍盧坤程祖洛鄧廷楨吳光悅楊國禎楊懌曾悉心妥議具奏卓秉恬摺著鈔給閱看將此各諭令知之○己亥諭內閣昨朕升殿見左副都御史德厚蔣祥墀因到遲恩遽入班該員等以職司糾儀之大臣先已失儀遲誤本日又不具摺請罪有意含混實屬膽大德厚蔣祥墀俱著交部嚴加議處左副都御史德興未經奏著交部察議其糾儀之科道等並不據實叅劾俱著查取職名交部議處○又諭軍機大臣會同吏部兵部議覆長齡等奏請添設回疆官兵一摺回疆地方遼廓現辦善後事宜自應將官制兵數量為變通悉臻妥協為長治久安之

計。所有參贊大臣。移駐葉爾羌。有總理八城統轄兩鎮之責。著兼提督銜。參贊大臣業經移駐其印房等處各官。亦著將喀什噶爾葉爾羌現設之章京筆帖式。互相移易。並著於葉爾羌添設經牧章京一員。專司牧事。喀什噶爾葉爾羌糧餉章京二缺。著裁去。改設喀什噶爾糧餉同知一員。葉爾羌糧餉同知一員。添設巴爾楚克糧餉同知一員。再著於葉爾羌喀什噶爾英吉沙爾巴爾楚克等處。各設巡檢一員。同知管商民回子詞訟戶籍屯田。巡檢管緝捕監獄稅課。均作為邊遠差缺。由陝甘兩省派往。其英吉沙爾分防巡檢。歸喀什噶爾糧餉同知兼轄。新添文職各員。由各該大臣專轄。參贊大臣統轄。至拜城距阿克蘇較遠。著添設分防拜城巡檢一員。管理拜城賽哩木二處商民回子詞訟。由陝甘選派。作為差缺。此次所設同知三員。巡檢五員。俱著陝甘督撫遴選操守廉潔辦事勤能之

員前往。該管大臣隨時甄別。儻有不職之員。將濫行派往之各上司叅處。至喀什噶爾等處。添設滿漢防兵。俱著照該將軍等所請辦理。○諭軍機大臣等。上年據成格叅奏烏魯木齊都統衙門印房主事郭勒明阿遇事把持。擅作威福。因該都統添派訥蘇銓額等協同辦理軍務。郭勒明阿一切不能專主。心存忿懣。列款挾制。當降旨將郭勒明阿撤任。俟軍務稍定。再行派員徹底查究。著玉麟於籌辦善後事竣回伊犁時。就近往烏魯木齊親提此案人證卷宗。秉公嚴訊。務期水落石出。不得稍有含混。將此諭令知之。○又諭長齡等奏請添回疆官兵。摺內稱防所兵丁缺出。由餘丁挑補者。仍為防兵。由民人募充者。即為養兵等語。前因該將軍等請行屯田之法。招民開墾。即於民人內挑兵。將防兵陸續抽撤。當經降旨飭令查明回戶中。可以挑選兵丁。俾自衛身家。以攘外患。即可收以夷制夷

之效。現在喀什噶爾舊設新增滿漢防兵共四千名。將來自應陸續抽撤。因思喀什噶爾回戶較多。類皆以種地為業。前此逆夷入卡滋擾。該處回眾被患尤重。今若於回戶內挑選壯丁。勤加訓練。准其食糧入伍。俾得保護身家。無虞外侮。即可將防兵隨時撤回。以節糜費。著長齡等體察情形。如屬可行。即妥議章程具奏。將此由五百里諭令知之。○阿勒楚喀副都統福敬。因病解任。調正黃旗漢軍

副都統張仲敬為阿勒楚喀副都統。以庫倫辦事大臣廉敬為正黃旗漢軍副都統。○以通政使司副使寬明為光祿寺卿。○庚子。諭內閣。奕紹等議。覆瑚松額等奏。宗室緣事連眷屬押往盛京。作為移居章程。據稱從前移居本意。原因盛京風俗淳樸。使之漸染薰陶。皆歸良善。近來宗室獲咎。數其案情。隨時移往。並非作為兩歧。所有宗室營挑。取族長學長遞升主事各缺。著遵照舊章。歸於一體挑

選。又獲咎宗室。改為移居。其祖瑩親屬。均在京都。未便因一身獲咎。阻其祭掃婚嫁之事。嗣後宗室犯罪。改為移居者。著仍遵移居舊章辦理。該將軍等所奏不准告假來京。著毋庸議。至所稱定例。宗室中有案情較重。原犯實發者。奉旨後立時發遣。即援照發遣之例。給予半分錢糧養贍。其案情稍輕。不至實發者。固未便照實發給予半分錢糧。亦不得照尋常移居給予地租銀米。奕紹等請仍照舊

章給予銀米地租等項。未免無所區別。著再妥議具奏。尋議查例載。移居宗室。每人按年支領地租銀二十一兩六錢。粟米二十二石。獲咎移居之宗室。其案情稍輕。尚不至實發者。除本身養贍銀。仍准照舊支領外。請給予每年地租銀七兩二錢。粟米七石三斗三升三合三勺。其隨往之子嗣。仍照尋常移居宗室例辦理。以示區別。從之。○稽查海運倉給事中周貽徽奏。已革花戶把持倉務。請旨飭

拏究辦得旨王三韓傑俱交刑部審訊此等棍徒聽其潛跡京城必致滋事嗣後有似此已滿已革人役潛跡京城者著步軍統領等衙門隨地訪拏治罪○壬寅

上詣

皇太后宮問安○諭內閣軍機大臣會同禮部都察院議奏給事中王雲錦條陳請禁書肆小本一摺此等不肖惡習朕亦夙知若祇出示嚴禁令其自行銷燬仍屬有名無實著各

直省督撫順天府五城步軍統領明查暗訪將書肆小本板片概行銷燬該吏胥等亦不得藉端訛索其各直省學政於歲科兩試及國子監錄科務各嚴行撙檢遇有不肖士子帶小本文策者立予褫革並嚴究書本買自何鋪將板片起出銷燬其貢院左右除向有書鋪仍准開設外其臨時開設者概行斥逐如有公然售賣小本文策者枷責嚴辦並責令外巡緝官嚴密查察有犯必懲儻士子尚

有不知檢束懷挾傲倖者即著斥革究辦其恃眾逞強不服約束者枷號示眾治以應得之咎儻按檢番役吏胥人等有意裁害者重治其罪士子中式後除策學援引經史語句相同無庸議外其四書經文有全篇勦襲舊文者一經磨勘官簽出立即斥革務期永絕此弊以端士習將此通諭知之○又諭長齡等奏叢議各城酌改事宜一摺著照所議嗣後各城印房回務章京缺出如果駐防筆帖式內實有通曉清漢文體面能事者准各該大臣援人地相需之例出具考語保奏升補儻所保之員犯有貪私劣跡將原保大臣照例議處如駐防無人可用仍由六部司員內揀派其各城糧餉章京現將喀什噶爾葉爾羌兩處改為糧餉同知尚有糧餉章京四缺及葉爾羌復設經牧章京一缺均由京揀派賞銜起用廢員以符舊制和聞糧務較簡著仍令換防都司兼管無庸另設章京又嗣後

南路各城印房糧餉局委筆帖式著照伊犁之例定為五年報滿除五年內得有升階者仍照舊辦理其餘各委筆帖式五年報滿由該管大臣確覈分別等第如勤奮出色者出具頭等切實考語准留頂帶咨回原營作為年滿委筆帖式以應升之驍騎校酌量補用其照常當差者出具二等考語摘去頂帶飭回原營當差其差使懶惰者隨時咨革懲辦至南路各城軍臺委筆帖式額缺較多未便

一律酌留頂帶著照舊辦理又西四城現在酌添兵額並興辦屯田防兵聽其從眷嗣後各城換防官兵著於班滿時由該大臣各就該處差務繁簡准於舊班中酌留得力官兵十分之三以資熟手先期咨照各原營如數扣調並隨時咨部查覈其滿洲營換防官兵著與綠營一體辦理仍著葉爾羌參贊大臣等悉心校覈如有老弱充數者隨時撤回儻該管官弁徇隱不報即著叅辦又現例大伯

克迴避本城小伯克迴避本莊於回情殊有未便嗣後三品阿奇木伯克九缺及各城阿奇木伊什罕伯克仍令迴避本處自三品至五品伯克缺出均由參贊擬定正陪奏請補放其各城莊六品以下伯克缺出均毋庸迴避本處由該大臣擬定正陪咨請參贊咨部補放無庸送驗如有賄囑瞻徇等弊嚴叅懲辦至烏什近年回務日增阿奇木職任繁重著將該處五品阿奇木伯克一缺改為四

品阿奇木伯克再添五品伊什罕伯克一員六品噶雜納齊伯克一員七品都管伯克七品明伯克各一員並現有之六品以下伯克七員共十一員均令隨同阿奇木分理屯局臺卡回莊諸務俾專責成其應添給養廉錢文著該大臣等籌議奏明辦理又各城需用硝磺改歸綠營煎熬所有產磺處所及埽土煎硝之法皆非弁兵所習著仍照舊例由阿奇木伯克採辦交納飭令綠營弁兵嚴查私

採私煎不准稍有偷漏隱匿一經訪獲從重治罪該部知道○諭軍機大臣等本日據長齡等由五百里馳奏各城大臣咨請酌改各事宜分別條款一摺已明降諭旨依議辦理矣朕因該將軍等久在西陲夷回情形素所熟悉現在辦理善後事宜是以一切添官添兵之議勉從所請惟綜閱該將軍等奏議不過添兵堵禦添官經理皆尋常計畫何人不能溯查乾隆年間戡定西陲

廟謨

神算辦理周妥六十餘年久安長治從未議及增兵如果必須添兵以壯聲威當日諸臣早經議及何待今日且從古以來未見有竭內地之兵力堵禦四夷而又能行之久遠者況回疆之極邊於居重馭輕之道大相刺謬儼然回疆添一省會日後何能治理必至內外俱困將如之何哉此時即照該將軍等所議竟能一勞永逸將國家有常之經費為外夷

無益之張羅實不值如此辦理儻仍不能安靖徒勞罔功尚復成何事體若該將軍等明示霍罕以大皇帝天恩浩蕩許該夷仍舊通商其茶葉大黃俱在所不禁並免其貨稅如此明白宣諭義正詞嚴霍罕即犬羊成性亦當感激天恩不至倔强猶昔自可保其無事其縛獻賊目送出民回一節竟可置之不問以示大方至喀什噶爾添兵四千亦似太多終非經久之計且恐不免有擾累民回之事

堂堂天朝轉為霍罕牽制豈不為外夷所輕視現在葉爾羌既設參贊大臣添兵五千似已足壯國威如果喀什噶爾換防總兵可以不設或酌留兵一千名足以濟事更無慮擾累民回較為妥善著長齡等悉心遠謀熟籌妥議據實覆奏將此由六百里諭令知之○湖廣總督盧坤等奏設卡巡私定例本屬周詳惟在實力奉行毋庸多設科條得旨何事又非如是耶當今之弊疲玩二字實堪憤恨

若不大加振作。焉有起色。猛以濟寬。勉之。○
以故四川建昌道屬土千戶姜起賢子復興。
襲職。○修河南山東黃河兩岸隄堰壩。戡各
工。從河道總督嚴烺請也。○癸卯。
上詣

時應宮拈香。○諭軍機大臣等。寄諭四川總
督鄂山。御史董宗顏奏稱。四川富順縣知縣
祥善。於本年七月內。有該縣枇杷場開雜糧
店客民吳文貴。被人以姦拐控告拘案。該縣

不詳究虛實。輒用大板滿杖一百。跪鍊一日。
並無供詞。該民人已奄奄待斃。及次日姦拐
之正犯拏獲。該縣尚不即行釋放。以致該民
人受刑過重。在押身死。該民人妻母趕往看
視。該縣已令人掩埋等語。州縣遇有承審案
件。必須虛衷研鞠。明慎用刑。若不究虛實。一
味刑求。致斃人命。殊屬大干法紀。著該督查
明。如該縣實有濫刑致斃無辜情事。即行嚴
叅懲處。毋稍徇隱。將此諭令知之。尋奏訊得

富順縣知縣祥善。因吳文貴犯姦。供詞狡展。
掌責二十。並非濫刑斃命。亦無先行掩埋不
傳屍親看視等情。應毋庸議。下部議。從之。○
以正白旗漢軍都統奕繪。鑲藍旗蒙古副都
統綿恩。鑲白旗漢軍都統松筠。為內大臣。○
以辦災妥協。予湖南知縣盧爾秋。同知銜。○
免回疆陣亡陝西固原提標各營弁兵借支
俸餉銀。○蠲緩湖南武陵龍陽沅江安鄉華
容益陽桃源澧州八州縣及岳州衛被水莊屯

新舊額賦。有差。給武陵龍陽沅江安鄉華容
五縣災民一月口糧。貸武陵龍陽二縣民隄
修費。○甲辰。諭內閣。左副都御史德厚。蔣祥
墀。以職司糾儀之大臣。先已失儀遲誤。又不
具摺請罪。有意含混。實屬膽大。俱著照部議
降二級調用。無庸查加級議。抵其不據實叅
劾之糾儀科道。覺羅明奎。孫善寶。續齡。周貽
徽。祥安。隆勳。寅德。劉光三。阿成。徐法績。景斌。
邵正。芻富。明舒。德承。光恆。謙文。達奎。秀。朱。壬

林范承祖。徐培深。卞士雲。韓大信。汪報原。松桂。吉爾敏。慶昌。伊克精額。那瑪善。和豐程煥。朱。吳清鵬。彭玉田。陳焯。瞿溶。馮贊勳。俱著降二級留任。未經叅奏之左副都御史德興著降一級留任。均不准其抵銷。○旌表守正捐軀陝西蒲城縣民王那莊妻王氏。○貸杭州駐防兵丁修理住房餉銀。○展八旗兵丁應扣借支庫銀限期兩月。○蠲緩兩淮丁溪草堰劉莊伍祐。新興廟灣富安。安豐梁埭東臺何埭餘西板浦中正。臨興十五場被水場地新舊正雜額賦有差。賑丁溪草堰劉莊伍祐。新興廟灣六場竈戶。○乙巳。諭內閣戶部奏前任張家口監督刑部郎中景福於監督任內所收零稅錢文。未經奏明列入交款。奉旨著追經戶部節次咨催。未據該員呈繳。此項稅錢自應趕緊完交。何得屢催罔應。反藉詞扣俸。意存懸宕。實屬延玩。著正白旗滿洲都統嚴催該員。即將前項稅錢三千九百六十

千文。勒令完繳。解部交納。儻再遲延。即由該旗將該員奏請革職監追。以清官項。○又諭給事中寅德奏。請查拏私酒一摺。京城附近地方。販運私酒。曾經明定章程查禁。茲據該給事中奏附京之雙橋子。家衛。羊坊。馬房。着丹村。三間房等處地方。每有酒局。截卸進京大車。燒酒。私運漏稅。並有不服查拏之事。著直隸總督順天府五城一體查拏懲辦。無得輕縱。○又諭御史達鏞奏。請定武闈章程一摺。定例馬射三靶。相距各三十步。俾士子得有引弦持滿之候。若如該御史所奏馬射之靶。請各減六步。則三靶相離過近。三矢不及引發。且所稱第一靶。請設於考棚前二十步。以便查看。獨不思第二第三靶。轉致遼遠。更難查閱。又請於硬弓靶上。繫以絲繩。直達弦上。必繩直弦彎。始為引滿。其絲繩尺寸。須定例限。試思士子臂有長短。不能一律相同。何能拘定絲繩尺寸。又據稱搬石時。用方石置

於棚前令士子掇起號石置大石上欲令士子將號石掇至大石上又令何人將號石掇下以待按名試掇所奏各條均屬窒礙難行著無庸議至比試大刀不可使背面花不全及刀尖拂地此種不合格者原不准錄取亦無庸議所稱雙單好字應如何明定格式及酌量人數予以定額之處著兵部議奏其另片奏稱武場附近地方近年多有銀號布鋪之人扮作擺攤賣藥等項探聽風聲隨機撞騙著責成監試御史及步軍統領衙門順天府認真訪查懲辦以杜弊端○又諭恩銘等奏查明科布多理藩院司員擅用戳記並無婪索情弊一摺前據英惠奏科布多理藩院主事德陞額擅用戳記飭行蒙古各愛曼事件當降旨交英惠恩銘查明有無婪索情弊定擬具奏茲該大臣等查明德陞額擅用戳記行文各愛曼俱係應行之件並無留難勒索情弊惟於九年九月奏准嚴禁之後並

不遵辦咎實難辭德陞額著交部嚴加議處再烏里雅蘇台科布多等處額設官制並無蒙古字識名目凡應行蒙古文書均由筆帖式繕寫科布多蒙古字識六名自係私添著即裁撤以符定制嗣後科布多行文無論內外處所俱著鈐用參贊大臣印信應行蒙古文書俱令筆帖式繕寫其各衙門司員擅用戳記暨挑選蒙古字識著永遠禁止○諭軍機大臣等據御史馮贊勳奏湖南岳州府屬之平江縣托蓮墩地方有刑部候補員外郎周圭家中被匪徒糾約饑民數百人入室行劫衣箱財物已報明地方官等語著吳榮光查明是否實有其事如果該匪徒膽敢糾約饑民乘機劫掠自應查拏懲辦以靖閭閻將此諭令知之尋奏周圭係周宗磊之子查周宗磊家於本年五月十九日具報被搶業經先後拏獲首夥搶犯余恩兆等二十八名起出贓銀衣物等件分別首從按律定擬報聞

○貸甘肅皋蘭金靖遠狄道隴西安定會寧通渭岷隆德清水秦安禮徽崇信靈臺鎮原十七州縣暨鹽茶同知沙泥州判所屬歉收貧民口糧○丙午諭軍機大臣等本日理藩院奏鄂爾多斯四等台吉拉特那巴扎爾翻控伊父章楚布多爾濟京控已結一案已明降諭旨交昇寅審訊矣此案前據該將軍審明已革協理台吉章楚布多爾濟所控各款盡屬虛誣分別定擬復經理藩院請將章楚布多爾濟改發察哈爾軍臺充當苦差完案乃該台吉拉特那巴扎爾復以奏辦已結之念經詛咒及通事教供等情來京翻控是否該台吉逞刁健訟抑或實有冤抑之處非提同案證不足以折服其心著昇寅破除情面秉公審訊不許稍有含混將此諭令知之尋綏遠城將軍彥德奏鄂爾多斯四等台吉拉特那巴扎爾續控各款審屬虛誣惟因救父情切冒昧具呈一經質訊即行悔罪與始終

誣執者有聞請革去台吉交該旗嚴加管束免其枷責下部議從之○蠲緩浙江仁和錢塘烏程歸安德清武康長興安吉海寧富陽嘉善石門桐鄉十三州縣暨嘉湖衛被水村莊新舊額賦有差賑仁和錢塘烏程歸安德清武康六縣暨嘉湖衛軍民○緩徵浙江坐落江蘇下砂頭下砂二三青村三場歉收蕩田新舊額課○丁未

上詣

皇太后宮問安○諭內閣前因刑部審訊太監張進幅買運鴉片煙土一案頗有不實不盡降旨交內務府大臣再行嚴訊經禧恩等訊出回子貝勒克克色布庫有同太監熊來幅于鴉片煙情事並究出同食之太監熊來幅于鄰何進祿楊幅民人朱玉鳳等五名所有審訊此案不實不盡之刑部堂官及刑部承審司員著吏部查取職名分別議處○又諭此案克克色布庫身為回子貝勒不知自愛與太

監交接已屬違禁。又同太監吸食鴉片煙。及太監張進幅告病外出。復敢容留在家居住。種種乖謬。實屬卑鄙無恥。克克色布庫著交理藩院治罪。○諭軍機大臣等。吳邦慶奏催趲回空尾幫。全出山東境日期。本年微山湖水勢較大。八間急溜奔注江廣船身笨重。經該署漕督等督率備弁催趲。已於十月十九日。將回空湖南三尾幫催出山東境界。惟時交小雪。氣候已漸嚴寒。若中途凍阻。恐誤歸

實錄卷一百一

次。著吳邦慶嚴催江浙江廣各幫並移咨各省督撫嚴飭委員迎提歸次。毋稍遲誤。將此諭令知之。○又諭前據長齡等奏籌辦回疆善後事宜。請飭部查明各省綠營兵額。各按馬步守兵。於每百名內暫裁二名。即將各省裁缺所節經費。由該部解交甘肅搭運前往。每歲可得銀三十餘萬兩。茲據該部奏稱現按餉銀計算。每歲祇得銀十八萬四千餘兩。其糧折馬乾紅白賞項。應俟各省覆齊始能

定有成數。然約計總不及三十餘萬兩。與該將軍等原奏數目不符等語。此項裁減兵額所節經費。現經該部查明計銀不及三十餘萬兩。與該將軍等原奏銀數不符。事關裁減兵餉。必須詳細確查。以憑覈辦。儻回疆現在一切辦理。按照原奏三十餘萬兩之數從寬布置。將來不敷支撥。豈不徒費周章。著長齡等將現在該處添兵若干。設官若干。並俸餉等項。共需銀若干。一併迅速詳查。務須通盤

實錄卷一百一

籌計。一切經費不得稍有浮濫。查明後即據實由六百里覆奏。毋得遲延。將此由六百里諭令知之。○又諭前據長齡等奏籌辦回疆善後事宜。請將各省綠營兵額。各按馬步守兵。分別均勻。於每百名內暫裁二名。將裁缺所節經費。解交甘肅藩庫。自道光十二年為始。歸入回疆經費項下。搭運前往。以資支發。當交該部查明具奏。茲據奏各直省地方險易異宜。兵數多寡不一。且額兵有存城分汛

之別存城者以備差操為數稍多分汛者以專戍守人數較少自應由各省查明覈辦著各該省督撫各按全省兵數以每百名暫裁二名覈計共裁馬步守兵若干名於所屬標營內詳察繁簡多寡情形遇有拔補開革事故所出之缺應陸續分別扣除及所裁餉銀糧折馬乾並紅白卹賞銀兩應酌定裁減數目一併迅速查明各行據實覆奏將此各諭令知之○戊申

上詣

壽皇殿行禮○

關帝廟拈香○諭內閣御史姚慶元奏六科滿漢給事中站班糾儀請由堂派一摺嗣後凡遇御殿所有站班糾儀之滿漢給事中著照各道御史例無分掌協一體由該堂官揀派至滿洲科道有在親喪二十七月之內者著照例無庸派往其午門坐班及壇

廟祭祀之處亦著無庸到班○又諭祁墳奏知州誤被揭叅請旨開復留任廣西全州知州會禮承審州民黃七慶戕傷降服胞兄黃懷慶身死一案遲逾分限實止九日前因該臬司未經查明誤開該州逾限一月以上職名附叅部議革職茲據該撫查明奏請更正會禮著准其開復原官仍留本任該臬司佟景太誤將屬員職名開揭雖先已自行查出詳咨更正究屬疏忽仍著交部議處○戶部等部議准陝甘總督楊遇春盤查甘肅倉庫酌擬杜虧章程十條一省書盤踞加重懲辦一吏胥勒索實力查拏一採買兵糧責成道府一倉穀短絀不准折價移交一攤銷名目永遠禁止一流交無著各款設法彌補一考棚墊修銀兩不准作抵庫項一應解司庫各款嚴密守提一司庫扣存抵虧款目不准冒領一有虧各員停其升調從之○開貴州桐梓縣戴家溝河道從巡撫嵩溥請也○蠲緩貴

大清宣宗敕天符運立中體正至文聖武智勇
仁慈儉勤孝敏成皇帝實錄卷之一百九十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二

監院總管親從員携起法衣太子太傅陳仁嗣次案主文淵閣領事管理戶部事務上書禮部翰林院掌院學士黃承順
天爵府尹事務隨帶加五級紀錄十次臣曹棟樑奏請擇授吏部尚書兼發漢文館統管理戶部城內自房大臣攝篆內
七倉大臣攝篆今日四攝歸篆奉加一級隨帶加六級軍功加三級紀錄五次日花沙納爾達諾官文淵閣提舉閣學兵部尚書總管
內務府大臣鍾彩揚滿洲副都統稽察內七倉大臣管理宗人府銀庫庫臣曾學
軍臺官圖明閣學府廣儲提督前鋒營總管參
監院總管庫事務隨帶加十八級臣阿文阿副總管經筵講官兵部尚書隨帶加六級紀錄二十次臣周祖培等奉

道光十一年辛卯十一月己酉朔諭內閣儀

親王現已八十六歲年紀過高不宜勞動嗣後

壽皇殿

安佑宮行禮。免其隨往。如遇應行禮日期。著於
府第內向上行禮。以展其誠敬之心。○以理
藩院尚書博啓圖署兵部尚書。吏部尚書文
孚署管理三庫事。貝勒奕繪署管理欽天監
事。吏部左侍郎奕經署戶部右侍郎。兼管錢
法堂事務。內務府大臣克蒙額署管理織染

局事。○以定親王奕紹署鑲白旗滿洲都統。○庚戌諭軍機大臣等。本日嚴烺奏豫省上南中河曹考三廳險工。酌拋碎石一摺。已明降諭。旨准於豫省藩庫照數撥發。趕緊採運矣。此項碎石工程。起於南河道光七年九月間。始據嚴烺奏。蘭儀廳柴壩十八埽以上。已將碎石蓋護。化險為平。十八埽以下北十一堡。鑲修歲無虛日。此後年復一年。更恐危險堪虞。現飭各道。嚴照柴壩碎石成案。分別估

實錄卷二〇〇

辦。以為固工節省之計等語。是年蘭儀下北兩廳。當經降旨准行。既用碎石拋護。則歲料防險等項。自應節省。乃歷年以來。碎石工程。無歲無之。而其採辦來年歲料。及請撥防險銀兩。並未節省絲毫。究竟此項碎石工程。是否於黃河有益。如果有益。何以歲料並不見節省。徒添出碎石一項費用。林則徐係朕特簡。甫經到任。無所用其回護。此時亦不必亟亟。著明查暗訪。悉心體察情形。據實覆奏。將

此諭令知之。○又諭前據有麟等奏。請籌款添設八旗兵丁騎射公所。並遴派教習官養馬匹。以資訓練。當經降旨。以此事難於日後實力奉行。令有麟等通盤籌畫。茲據奏擬於四總管衙門添設教演馬步騎射公所三處。由章京駝騎校內。擇其技藝嫺熟者。選派三員。分置教習。添拴跑馬八匹。分置四總管衙門。派委妥人餵養。至每月各公所輪流演習。令派出督辦之總管業普肯春。前往監視。分別勸懲。其每歲需用馬乾公費銀兩。由永濟庫餘存項下支用。詳加籌計。不致短絀等語。所奏章程。尚屬周到。惟思八旗兵丁。守護陵寢。是其專責。果能嫺習步箭。時加訓練。足資得力。雖據查明餵養經費無虞支絀。但選派章京駝騎校三員。分置教習。並責令督辦之總管二員。前往監視。恐各員中遴選未必得人。而總管年滿。即應更換。日後仍至有名無實。徒費一番周章。有麟等所奏。添設兵丁騎

射邊派教習官養馬匹之處。著毋庸議。將此諭令知之。○命盛京工部侍郎嵩惠協同辦理盛京內務府事。盛京刑部侍郎裕泰兼管移居宗室事。○禮部議准湖南巡撫蘇成額疏報。採訪永順等縣貞節婦女廖氏等三百七十八口。請建總坊旌表。從之。○貸奉天鐵嶺開原廣寧遼陽寧海新民六廳州縣暨牛莊巨流河白旗堡小黑山等處被災旗民一月口糧。緩徵鐵嶺遼陽寧海新民四廳州縣歉收民地額賦。○辛亥。旌表守正捐軀直隸蠡縣民李增才妻汪氏。○壬子。

上詣

皇太后宮問安。○御乾清門聽政。○諭內閣。昇寅等奏參道員等會辦蒙古事件。任性專擅一摺。所參甚是。此案歸綏道富珠禮。於達爾漢茂明安土默特三旗互爭地界。並不親詣履勘。祇與盟長等在適中處所守候。僅派屬吏與蒙古人等往查。改立界堆。已屬玩視公

吏。又以協領海興未帶印信。不與會銜。祇與盟長會銜。徑行報部。並不候該將軍查覈轉咨。以致土默特蒙古等不甘允服。富珠禮著交部嚴加議處。即來京聽候部議。該盟長巴圖鄂齊爾扶同該道徑行報部。不與協領會銜。又未將不能親往緣由聲明。協領海興亦未往勘。又拘泥未帶印信。遂不會銜。均屬不合。烏蘭察布盟長烏喇特公巴圖鄂齊爾。協領海興俱著交部照例議處。至該員等斷定界址。是否允協。土默特公齊魯布呈訴情節。是否屬實。即著祥康於明歲春融時。會同該盟長傳集兩造人等。逐處履勘明確。遵照奏案覈咨辦理。○諭軍機大臣等。據特登額等奏審訊撤任深州知州蔣兆璠臚列多款。致書徐寅第一案。已明降諭旨。將徐寅第。蔣兆璠俱革職嚴訊矣。此案蔣兆璠指出徐寅第升任道員。每年三節兩壽。均遣家丁包昆。每次送銀二百兩。交給該革員門丁任四收受。

並呈出該革員謝函二件。已據任四即任忠供認屬實。此外各州縣餽送。必不止蔣兆璠一人。亦應令其指出。至徐寅第有皇本布商鐵面拱心之號。雖據蔣兆璠堅供。係伊戲取名色。不足憑信。恐其中有私和消弭情弊。除飭提書役。派員暗訪確查外。其現任河間縣典史黃應中。及候補知府沈濤。俱係案內要證。著特登額等提集人證嚴訊。務須水落石出。至餽送松筠禮物一節。據李坤供。徐寅第於松筠出差北口時。遣伊帶銀六百兩。先期赴張家口。購買茶葉六十簍。哈達二百匹。共用銀五百八十兩。送交松筠公館。松筠發給銀五百兩。與松筠覆奏情節不符。究竟茶葉哈達等物。是否係松筠囑徐寅第代買。抑係徐寅第買送在前。松筠發價在後。必應徹底究詰。至松筠審訊白勤。徐寅第八館參議一節。蔣兆璠雖不能確指。仍應向徐寅第嚴切根究。該革員何以率赴公館。所參議者何事。

於案情有無出入。此係眾目共覩。不能掩飾。務須嚴究實情。不許存化大為小之見。稍有含混。其書中含冤流毒一款。蔣兆璠指出田蘭馨高馮氏二案。其疑難案件。不喜委員會審一款。蔣兆璠指出李文進一案。此三案已結若干。未結若干。已結者是否平允。抑竟有偏斷之處。亦著一併嚴訊。以成信讞。將此諭令知之。○又諭昇寅奏清水河理事通判齊里克諾爾布人甚庸劣。性復貪酷。署理歸化城同知。聲名更屬狼籍。該道富珠禮並不稟揭。復曲為袒護。請飭撫臣密訪等語。歸化城相距綏遠城甚近。察訪較易。況該將軍係朕特簡。遇有劣員。原應不分畛域。據實叅辦。歸綏道富珠禮。已明降諭旨。來京聽候嚴議。所有該通判劣跡。即著昇寅密查貪酷實據。嚴叅懲辦。以儆官邪。將此諭令知之。○又諭軍機大臣。會同吏戶兵三部。議覆長齡等奏。各城換防員弁。並新設差缺文職各章程。分別

准駁一摺。著即鈔給長齡等閱看。回疆情形。非內地可比。現在議屯添兵。雖為慎固封守起見。第兵增固足示威。而官增究嫌糜帑。況各城營伍。惟期慎重操防。俾收實效。足以震懾夷回。原不必悉照內地營制。該將軍等請添各城武職員弁之處。著照軍機大臣等所議。令其仍照前奏。再行酌量刪減。以節糜費。而昭覈實。至請添文職同知巡檢各員。雖前經照議准行。此次復酌擬由內地選派。及期滿升用各章程。惟思該將軍等此番籌畫。均係尋常計議。溯查乾隆年間。戡定西陲。廟謨廣運。妥協周詳。六十餘年。邊圉綏靖。爾時從未議及增兵。亦未議及增官。如果必須添設文職。方資治理。當日諸臣。定當早經籌及。詎待今日。且果照所議增設。未必歷久行之無弊。況文職尤非武職可比。武職員弁。性情粗率。儻或任意妄為。尚屬易於覺察。文職各員。由內地調派。若年老衰庸者。自難任事。其

年力富强稍有才具者。希圖任滿升遷。或至夤緣謀調。轉不足以收得人之效。況夷回異俗。必不能以內地禮法繩之。徒滋紛擾。又既添文員。必須書吏。此輩舞文弄法。因緣為奸。必致貪婪需索。苦虐窮回。即經發覺。官畏處分。巧為彌縫。邊陲僻遠。易於消弭。是內地回子。先受添官之累。於控制外夷之道。實屬無益。而有損。即令得人而治。而回疆紛紛添設文職衙門。是儼然添一省會。殊失居重馭輕之策。亦不值如此辦理。所有添設同知等官。雖經議准。仍著該將軍等悉心籌畫。從長商酌。自以不必添設文員。更為妥善。總之久安長治。全在撫馭得宜。斷不可徒事鋪張。顧此失彼。日後轉多流弊。以致內外俱困。則悔之晚也。將此由六百里諭令知之。○以哈密辦事大臣賽尚阿。為內閣學士。兼禮部侍郎銜。○賞直隸等省鄉試年老諸生趙鵬達等一百六名。舉人副榜有差。○以故雲南永昌府

龍陵廳屬潞江安撫司土官線祖綏子如綸襲職。○旌表守正捐軀河南杞縣民彭大杰妻王氏永城縣民謝志剛妻呂氏。○癸丑諭內閣克色布庫身為回子貝勒膽敢交通太監同吸鴉片煙復容留該太監在家居住種種乖謬實屬卑鄙無恥現經理藩院照例治罪議將克色布庫革去貝勒世職於枷號兩箇月本罪上加等加枷號三十日滿日照例鞭責發落原屬罪所應得姑念伊祖霍集斯曾經效力軍營著有勞績伊父哈迪爾在御前侍衛行走有年尚為勤慎辦理旗務亦屬認真克色布庫著加恩免其枷號仍革去貝勒世職交該旗照例鞭責發落哈迪爾胞姪阿布都爾滿率領回眾撫馭有方上年在葉爾羌甚為出力著將克色布庫所遺回子貝勒世職給予阿布都爾滿承襲。○諭軍機大臣等林則徐奏接奉補授總河諭旨具摺謝恩所稱向未諳習河防形勢及土

埽各工做法俱屬真情並非有意推諉朕因林則徐由翰林出身曾任御史出膺外任已歷十年品學俱優辦事細心可靠特畀以總河重任據稱伊於河防工程未經講求朕原恐熟悉河務之員深知屬員弊竇或意存瞻顧不肯認真查出林則徐非河員出身正可釐剔弊端毋庸徇隱該河督惟當不避嫌怨破除情面督率所屬於修防要務悉心講求親歷查勘務合機宜以副重寄著即前赴新任毋得再以不諳河務為辭也將此諭令知之。○綏徵甘肅河靖遠隴西寧遠安定會寧洮安化武威平番古浪靈秦禮靈臺鎮原通渭固原十八州縣暨鹽茶同知沙泥州判所屬被雹被水被旱村莊新舊正借銀糧草束。○甲寅。上詣宣仁廟。凝和廟拈香。○遣官祭

先醫之神。○諭內閣。現在

地壇望燈桿木。因年久間有虧朽處所。理宜敬謹更換。據禧恩查明。皇木廠存貯桿木。戲木均難合用。請於現在滑車以下九尺。木植堅實之處。添錠滑車一分。其虧孔處。修補整齊。包護鐵葉。俟有桿木運到。即奏請更換。惟比原舊滑車計落矮九尺。是否有礙規制。著工部詳細查覈具奏。桿木舊有定制。著四川總督湖南巡撫。查照雍正年間定例。迅速委員

採辦桿木。正副六根。長九丈。加荒十丈以外。大徑二尺七寸。小徑一尺二寸。酌量加荒。又六丈以外。戲木十八根。即行運京。以備更換。尋奏。已於四川打箭鑪廳屬。採獲最大麥杓杉木六株。可備正副燈桿之用。又戲木十八根。丈尺如式。委員運送進京。下部知之。○以捐修陝西同州府考棚。予生員李樹德優敘。○乙卯。旌表守正捐軀四川南充縣民司徒貴妻張氏。○丙辰。諭內閣。吳邦慶等奏。回空

漕船全數渡黃完竣一摺。本年回空漕船。業經全數渡黃。經該署漕督等。先後派委員弁分段催趲。可期及早歸次。至來年辦理新漕。必須迅速兌開。趁黃水未漲之前。趕早完渡。著有漕各省督撫。督飭各糧道。早兌早開。總令於四月初十日以前。全數趲至清江。剋期抵壩。以便渡黃北上。無許稍有延誤。將此通諭知之。○又諭。兵部議駁御史達鏞條奏。明定雙單好格式。及酌量予以定額一摺。雙單

好皆係密記。予以格式定額。是先已揭曉。不足以昭慎重。該御史所奏。著毋庸議。惟思分圍校閱。恐監射大臣。意存見好。寬嚴不能畫一。此之單好。即彼之雙好。內簾憑卷面所鈐雙單好字號取中。亦不足以昭平允。嗣後武闈雙單好字。宜量予限制。不准逾額。應如何分別密記。著兵部再行妥議具奏。如有格礙難行。或恐別滋弊端。著於摺內據實聲明。請旨。○又諭。徐錕等奏。訪獲偽造印照。詎騙銀

兩人犯。並知情縱放之佐領。請革職歸案審辦一摺。此案吉郎阿。以四品佐領。容留匪犯王世英。在家居住。既知該犯偽造軍功牌照。又不即時拏究。反令搬移。難保無商同偽造分肥情事。王世英。現經獲案。吉郎阿。著即革職。同旗人倭什洪阿。和爾根圖。民人汪三。王二。俱交史譜督同署臬司查廷華。歸案嚴審。徹底根究。以成信讞。其曾捐偽造印照職銜之商南人鄭炳文。馮姓。鎮安縣人宋姓。及吳順添。並要犯徐興名。著即飭屬嚴拏務獲。歸案審訊。務期水落石出。母任一名漏網。尋奏。逃犯徐興名。疊次比差嚴緝未獲。訊明王世英。係聽從徐興名偽造印照。合依偽造關防印記。誑騙財物為數多者。發雲貴兩廣充軍律問擬。吉郎阿。並無商同偽造分肥情事。惟容留匪人。不即拏究。實屬糊塗溺職。業已革職。應毋庸議。餘按律分別定擬。下部議。從之。

○大學士托津。以病請解任。允之。賞食全俸。

○調鑲藍旗滿洲都統文孚。為正白旗滿洲都統。鑲紅旗漢軍都統綿愷。為鑲藍旗滿洲都統。以署理藩院右侍郎彥德。為鑲紅旗漢軍都統。○實授吳邦慶。漕運總督。○以吏部尚書文孚。為國史館總裁官。○丁巳。

上詣

皇太后宮問安。○諭內閣。富俊奏。請留降調人員一摺。吉林理事同知達慶。前於佐領控告案內。因隨同協領富通阿等。出結阻止。永奎具呈。降三級調用。茲據富俊以該員辦事勤慎。請將降調之處。改為革職留任。該員所遺理事同知一缺。業經部選有人。所請著不准行。著即照例開缺。○以惇親王綿愷。為閱兵大臣。○修浙江桐廬縣沿江塘站。從巡撫富呢揚阿請也。○蠲緩寧古塔。雙城堡。被雹被霜莊屯。新舊額交銀穀有差。並貸旗民口糧。

○戊午。諭內閣。戶部奏。直隸省清查交代。續虧案內。冊報什物留抵未歸各款銀五十七

萬一千一百餘兩。並屯糧案內。流交作抵銀三萬五千餘兩。屢經飭催提解。迄今五載有餘。仍未據領變完竣。實屬任意稽遲。著直隸總督。迅將前項銀兩。勒限嚴飭各屬領變完解。司庫報部充餉。如再遲延不解。即遵照前旨。將現任州縣據實參奏。並飭取遲延暨督催不力各職名。先行送部覈議。○又諭。前因克色布庫獲罪。所遺回子貝勒世職。降旨給予哈迪爾胞姪阿布都爾滿承襲。茲據該

平定縣志

卷二

旗都統福克津等奏。查霍集斯原封郡王職銜。哈迪爾。及克色布庫。均係世襲郡王職銜。貝勒。嗣克色布庫。因誤差革去郡王職銜。此次阿布都爾滿。應否襲封郡王職銜之處。請旨辦理。○諭。軍機大臣等。吳光悅奏。請變通鹽法一摺。據稱江西贛南一帶。氣本蠻野。又貼近閩廣。私鹽甚賤。稍有資本者。多藉此為生計。欲弭其患。必先謀其生。而欲謀其生。

莫如將鹽務順人情之所便。因民之所利而利之。布帛菽粟茶煙竹木。皆聽民買賣。不分官私。任其流通。不分界限。關津徵稅。不聞有逋欠之虞。遠近利賴。不聞有匱乏之慮。鹽不離場。設官主之。徵其課稅。聽民運販。一出場。即達近貴賤。任其所之。上裕國課。下便民食。使無賴光棍。盡成有本經紀。計無過於此者。若果撤商徵。將來定課。必須籌畫萬全。如雲南井鹽。隨時衰旺。有原定額多而近

平定縣志

卷二

至短絀者。有原定額少而近有羨溢者。定額時應妥為斟酌。准鹽既無分界。則蘆粵潞蜀等鹽。各分疆界。越即為私。恐多窒礙。亦須畫一妥辦等語。近來兩淮鹽務疲壞。本年新定章程。江西舊鹽。祇贖七萬餘引。計兩三月間。即可售盡。而淮運新鹽。至今未到一引。該撫所奏。係為變通鹽法起見。各該省是否可行。著陶澍。盧坤。程祖洛。鄧廷楨。楊國楨。楊懌曾。悉心妥議具奏。吳光悅摺著鈔給閱看。將此

各諭令知之。○江西巡撫吳光悅奏。查辦災務情形。得旨。覽奏均悉。務期實惠及民。嚴查胥吏舞弊。辦災之要領。勉之又勉。○旌表守正捐軀甘肅阜康縣民馬興棟妻劉氏。○以江南江寧等府糧價增昂。緩買各幫丁行月等米。從漕運總督吳邦慶請也。○己未。諭內閣。工部奏。寶源局煎煉雲南低潮銅斤。兩次借用節慎庫火工銀共二萬七千二百一十一兩零。經該部及錢法衙門。疊次咨催該省追繳。迄今延未解部歸款。此項銀兩。將來設遇再行煎煉之時。又須借動。何得日久懸宕。著雲貴總督雲南巡撫。查明何故遲延。即將前項銀兩。嚴行飭催。迅速委員解部交納。毋再遲延干咎。○又諭。廉敬等奏。兩淮應解息銀逾期未解。請暫借庫貯銀兩。以應急需。並請旨飭催迅速解交一摺。兩淮應解道光十年十一年察哈爾牧羣息銀。屢經降旨飭催。迄今尚未解到。實屬疲玩。現據廉敬等奏稱。

該處牧羣辦公銀兩。無項給發。暫將庫貯察哈爾八旗初次奏借生息銀項下餘存銀一萬二千九百餘兩。借支給發。該處庫貯此時尚有款可借。若再延不解交。勢必至無項墊發。貽誤辦公。尚復成何事體。著兩江總督即嚴飭兩淮運司。將應解道光十年十一年息銀。務如數迅速解交。其十二年息銀。亦務於歲前解到直隸藩司。發交口北道庫。以備支放。嗣後每年息銀。仍著按期於歲前冬季解交。毋得再有遲延。致干重咎。○贈江西因公淹斃同知李蔭樞道銜。予祭葬卹廕。○庚申。諭內閣。長齡等奏。訊明從逆各回犯。分別辦理一摺。已革阿奇木伯克斯底克。先經棍楚克策楞。諭令將五卡官兵調回。隨於各回莊調羊進城。以備官兵口食。迨被賊裹脅。復差受什木。赴阿布都爾滿處報信。速催大兵救援。出卡後用銀贖放。自行投回。尚與從逆有間。斯底克。加恩免其枷號。並免其發往伊犁。

著交該城阿奇木伯克嚴加管束。其從逆回子。除康瑪爾等七犯。已於訊明後正法示眾外。愛孜木沙。伊布拉依木。邁瑪薩里。俱著發給力能管束之伯克為奴。薩底克毛拉。阿布達里。莫洛和則。俱著交阿奇木嚴加管束。此外被脅出卡之回子。著壁昌給限一年。宣示各卡倫。准其於限內自行投首。概予免罪。給還原業。俾安生理。儻逾限不回。或潛行逃歸。或被獲到案。仍照例嚴行懲辦。此次已經正

著交該城阿奇木伯克嚴加管束。其從逆回子。除康瑪爾等七犯。已於訊明後正法示眾外。愛孜木沙。伊布拉依木。邁瑪薩里。俱著發給力能管束之伯克為奴。薩底克毛拉。阿布達里。莫洛和則。俱著交阿奇木嚴加管束。此外被脅出卡之回子。著壁昌給限一年。宣示各卡倫。准其於限內自行投首。概予免罪。給還原業。俾安生理。儻逾限不回。或潛行逃歸。或被獲到案。仍照例嚴行懲辦。此次已經正

二

法回子之家屬。著就近分賞各城在事出力之伯克為奴。飭令嚴加管束。有不遵教令者。隨時呈明該大臣。從重懲辦。○諭軍機大臣等。前據軍機大臣會同吏戶兵三部。議覆長齡等奏。各城換防員弁。並新設差缺文職各章程。已鈔給長齡等閱看。並令該將軍等悉心籌畫。從長商酌矣。近日復據松筠奏。現今安集延等。照舊通商。自可永靖邊圉。無須增加兵額。其官兵日用所需。回疆地多沙磧。出

產無多。受其逼迫。難保不生事端。至各大臣自行籌備糧料一節。恐派員採辦。必有倚勒強買之弊。阿克蘇所鑄錢文。本不足資搭放。今復添兵至七千七百餘名。例鑄錢文。不敷搭放。恐於兵食有礙。回疆商民。本屬無多。非伊犁烏魯木齊可比。既經設官。必須多增胥役。該管官未必盡能耳目周知。徒使奸胥擾累。尤非計出萬全。應仍循照舊章等語。松筠在伊犁將軍任內有年。所奏不為無見。著將

原摺鈔給閱看。該將軍等再行體察情形。悉心妥議具奏。再阿布都爾滿。昨已加恩令其仍襲伊祖霍集斯郡王職銜貝勒。此時毋庸來京。著俟年班之便進京可也。將此由五百里諭令知之。○以工部左侍郎吳椿署右侍郎。兼管錢法堂事務。○予喀什噶爾被害伯克阿玉普。回子伊布拉依木等。世職卹賞。並免徭賦有差。○辛酉。

聖祖仁皇帝忌辰。遣官祭

景陵○

上詣

壽皇殿行禮○予廣東黎匪滋擾被害千總周明清祭葬世職兵丁王日章等九名賞卹如例○壬戌

上詣

皇太后宮問安○諭軍機大臣等奕綸等奏總管期滿循例保送翼長一摺前經奕緒等奏准嗣後總管缺出於翼長內揀選一員送京

宣宗實錄

三

與京旗應升人員一體帶領引見從前所降諭旨甚明茲據奕綸等奏

泰陵總管五年期滿所出之缺請將翼長慶善順昌二員保送引見與奏定章程不符著奕綸等仍遵前旨於該二員內酌保一員送部帶領引見候旨簡放將此諭令知之○以故土爾扈特公策伯克扎布子巴彥克什克襲爵並為副盟長○以大理寺卿鄂木順額光祿寺卿劉彬士為都察院左副都御史仍各

留安徽順天學政任○旌表守正捐軀山東昌樂縣民田瀾林妻吳氏○癸亥諭內閣程恩澤著仍在南書房行走現在南書房事務頗簡人數較多許乃普池生春俱著暫回原衙門供職○予喀什噶爾陣亡千總陳奉魁祭葬世職兵丁王魁等三名賞卹如例

宣宗實錄

三

大清宣宗效天符運立中體正至文聖武智勇仁慈儉勤孝敏成皇帝實錄卷之二百

職太僕寺卿總理提督是役在法宮太子太保領開大學士王鴻圖領兵部管理工部事務禮部事務書院總辦翰林院掌院學士兼管順
德文苑圖書院提督是役在法宮太子太保領開大學士王鴻圖領兵部管理工部事務禮部事務書院總辦翰林院掌院學士兼管順
天府府事務隨帶加二級紀錄十八次臣貴族備奏官鑲達孫官吏部尚書錄事參政漢軍都統管理新舊營城同月大臣稽察內
七倉大臣稽察會同四譯館事務加一級隨帶功加三級紀錄五次臣花沙納爾達孫官工部副提舉開官兵部右書應官
內務府大臣豫倫御滿洲都統稽察內七倉大臣管理宗人府銀庫並監牧幼學等 案嘉善園明喇嘛堪布收管大隆生藥房支
署理巡緝處事務隨帶加一級臣阿靈阿副都統稽察官想達孫官兵部都司著隨帶加六級紀錄二十次臣周琿璋等奉

道光十一年辛卯十一月甲子。

寶錄卷二百

上以冬至祀

天於

園丘自是日始齋戒五日。○乙丑諭內閣特登額等奏審明蔣兆璠致書徐寅第列款詆毀分別定擬一摺。此案已革直隸清河道徐寅第被蔣兆璠指出各款。如所稱前在河間縣任內將錢糧銀兩買布變價解司。及任河間府時擅作威福。索添陋規等款。經該侍郎等逐加研訊。並派員訪查。均無其事。又稱徐寅

第兼署臬篆。不顧含冤流毒各案。蔣兆璠並不能指出冤抑之處。至蔣兆璠撤任。係因緝捕催科不力。該革員疑為徐寅第傾軋。並代清苑縣謀缺之處。均不能供出證據。惟徐寅第得受蔣兆璠餽送節壽銀二千四百兩。訊明屬實。自應按律問擬。徐寅第著發往軍臺效力贖罪。仍將該革員交琦善勒限追出原贓入官。雖限內完贓。不准減免。已革直隸深州知州蔣兆璠餽送徐寅第節壽銀兩。復因

實錄卷二百

2

聞知被叅撤任。輒致書徐寅。第列款詆毀。希冀代為彌補。虧空顯係意存挾制。且書內各款多屬虛捏。情殊險詐。現經該侍郎等擬以杖六十徒一年。惟據該革員供稱。虧空正雜各款約計銀一萬兩內外。與該藩司查覆數目大略相符。著琦善督同該藩司提集該革員任內經手丁胥書役人等。徹底清查。按例分別從重定擬具奏。餘著照所議完結。○又諭。特登額等奏審訊蔣兆璫致書徐寅第列

款詆毀一案。訊據徐寅第供稱。松筠前在直隸交卸督篆進京時。言及前赴科布多審案需用茶葉。哈達備賞。囑伊遣人赴張家口代買。伊隨差家人帶銀購買。用銀五百八十兩。松筠發還銀五百兩。係囑買在先。發價在後。覈與松筠原奏不符。著松筠據實明白覆奏。

○丙寅。

上詣

南郊齋宮齋宿。○諭內閣。松筠於交卸直隸總

實錄卷二百一

三

督後。派赴科布多。係審案差使。何以率辦茶葉。哈達賞需。即欲自行置辦。亦應遣家人購買。何得率囑直隸道員代辦。前經降旨諭令。松筠據實覆奏。又未將囑買在先。發銀在後。詳晰聲敘。與特登額等審訊情節不符。種種錯謬。咎無可辭。松筠著交部嚴加議處。○以都察院左都御史那清安署正藍旗滿洲都統。睿親王仁壽為鑲白旗漢軍都統。○丁卯冬至祀。

夫於

園丘

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

○遣官祭

孝穆皇后殯宮。○遣官祭

端慧皇太子園寢。○停次日朝賀。○詣

皇太后宮問安。○諭內閣。富俊等奏。拏獲朝鮮

國越界偷捕牲畜。它漫人犯一摺。吉林地方

實錄卷二百一

四

拏獲朝鮮國越界人犯張高麗。據供上年帶同伊子張了頭。由本地偷越至吉林地界。窺獲。並捕得牲畜。將獲枝與于蒿等易換衣服。後因迷失路徑。未能回歸。旋被緝獲。恐該犯等在該國另有滋事不法。脫逃別情。著即解交該國查明。治以越界之罪。山東民人于蒿及伊姪于幅謙。將張高麗父子領至窩棚。給與衣服換獲。復令至城窩藏。並不首報。實屬大干法紀。富俊等將于蒿擬以滿流。于幅謙

實錄卷二百一

五

擬以滿徒。著照所擬辦理。即解交山東巡撫分別定地發遣充徒。曾給張高麗等雜髮之逸犯李四名。著該將軍等嚴行飭屬緝拏。獲日照例懲辦。並著禮部飭知該國嚴禁屬下嗣後毋得再行越界。以肅邊境。○又諭富俊等奏拏獲朝鮮偷渡人犯。據協領穆隆阿等僉稱兩次具稟。福克精阿飭令監禁。未經辦理等語。福克精阿於此等越界打牲偷渡人犯。何以延不具奏。著該旗傳到該革員確切

訊明。錄取供詞具奏。○濬山東運河。並沛汛長河。從河道總督嚴烺等請也。○戊辰。諭內閣。直隸官制船隻。經江西湖廣兩省借動地丁正項銀至一百四十五萬餘兩之多。未能歸補。自嘉慶二十年成造後。商欠生息銀兩。全未解交。舊船變價銀兩。從未報部。亦未撥用。究歸何處存貯。其每年工食油艚。為數仍復不少。著直隸總督會同漕運總督通盤籌計。或酌展排造年分。仍令挑擇修用。不必全

實錄卷二百一

十

數排造。並於天津道庫油艚項下。及每年旗丁扣解銀兩內劃出若干。同前此應存舊船變價銀兩。查明提貯。以為下屆排造之費。該督等悉心定議。務令濟運無誤。而排造開銷。不致再糜正帑。方為妥善。其蘆商東商准商各欠。著各該督及該鹽政等實力嚴催。已屆限者。即飭速籌解交。未屆限者。俟屆限即行籌解。不准藉詞延宕。以重帑項。○賞八旗兵丁一月錢糧。○己巳。諭內閣。前因富俊等奏

福克精阿前在吉林將軍任內。拏獲朝鮮打牲偷渡人犯。延不具奏。降旨交該旗傳該革員詢問。茲據文孚等訊供具奏。該革員於拏獲朝鮮越界人犯時。因言語不能明晰。兩次飭令收禁。此等越界人犯。一經拏獲。即應奏明解交該國。乃於上年十二月。拏獲。輒行羈禁數月之久。設該犯等瘦斃獄中。不能解至該國。令該國王查明治罪。外藩未免懷疑。尚復成何事體。是福克精阿辦理此事。不但具

奏遲延。且於外藩大有關繫。福克精阿業已另案革職。著俟伊子承襲世職後。罰職任俸一年。以示懲儆。○又諭松筠前於交卸直隸總督後。派赴科布多審案。本不應備辦賞需。即欲自行置備。亦應遣家人購買。乃率囑直隸道員代辦。迨降旨諭令據實覆奏。又未將囑買在先。發銀在後。詳晰聲敘。與特登額等審訊情節不符。種種錯謬。任意妄為。部議請照違制律革職。實屬咎所應得。姑念其當差

多年。著革去內大臣。加恩賞給三品頂帶休致。○又諭鐵麟奏失察誤給祥佑路引一案。瑚松額等未將承辦錯誤之烏爾袞泰參處。據實奏明一摺。據稱祥佑以發遣人犯。不應准入移居宗室營內。係宗室營主事奇善先向署左戶司掌印協領烏爾袞泰請託。遂於該族長等未經具呈以前。輒用印文。交主事宗室常成。詳准入營。彼時左戶司掌印協領奇成額。因公出省。並不知情。乃該將軍等僅

參誤給路引之奇成額。其徇情首准入營之烏爾袞泰。隱匿不參。及該侍郎告知。仍不奏明更正。著瑚松額、常文、將鐵麟所奏情節據實明白覆奏。至該侍郎以陳奏遲延。自請交議。著俟該將軍等奏到時。再降諭旨。○刑部議覆湖廣總督盧坤奏審明鹽商藉官販私一案。請加等問擬。得旨此案已革捐納知府巴怡裕。即已樹藩身充鹽商。運售引鹽。乃敢夥同張逢昌。另開子店。藉官行私。前經湖廣

總督審明。收販船戶腳私七千二百餘包。覈計鹽數至五萬九千七百餘斤之多。巴樹蕃係捐納知府。不思奉公守法。私開子店。收賣腳私。占礙官引。已屬亂法營私。復因訪聞傳訊。輒敢捏造合同。飾詞狡賴。情更可惡。現經刑部加等擬軍。著於犯事地方。加枷號一箇月。滿日發近邊充軍。以示懲儆。○兵部尚書穆彰阿等奏。

萬年吉地。遵於本月初八日開工。酌定規制。報

實錄卷一百一

九

聞。又奏。賞給應遷居民銀兩。得旨。依議轉行。

○庚午。諭內閣。朕恭閱康熙五十九年

聖祖仁皇帝實錄。內載吏部等衙門會議各直省督撫題裁閒冗官共三百三十六員。應照所題裁汰。奉

聖諭。北道缺不必裁。餘依議。欽此。復據吏部查明。以後各省裁汰文職閒冗官員。單開雍正年間。共裁二百五十餘員。乾隆年間。共裁三百三十餘員。嘉慶年間。共裁二十餘員。道

先年間。裁汰二員。朕詳加披閱。仰見我朝聖相承。澄敘官方。刪除冗濫。至為詳慎。國家設官分職。原以保乂民生。必使閭閻獲益。方足收指臂之效。若任令冗員濫竽充數。其本任既無事可辦。而各員官廨一切公用。不能盡出己資。勢必取之民間。是多設一官。百姓反多受一官之累。即如近日徐寅第收受節壽陋規一案。顯係州縣朘削脂膏。藉以供應。據此一端。已可概見。嗣後若不分別裁汰。則

實錄卷一百一

十

閒冗相仍冒濫。欲衛民而轉以病民。朕心塵保赤。非為節省俸糈起見。總期有裨民生。官不虛設。始足以臻上理。著各直省督撫及各河督鹽政悉心覈議。於所轄文職閒員。如有可裁者。酌量裁汰。據實奏聞。請旨。用副朕慎簡官僚。勤恤民隱至意。將此通諭知之。○又諭。英綸等奏。遵旨保送翼長一摺。所有秦陵總管一缺。著准其以順昌保送。即咨送部旗。與京旗應升人員。照例一體揀選。帶領引

見奕綸等前請保送二員。與奏定章程不符。其自請議處之處。著加恩寬免。○又諭。前因琦善奏。參蔣兆璠致書徐寅第一案。當派特登額等。赴直隸秉公審訊。業已訊出徐寅第得受蔣兆璠餽送節壽陋規。至二千四百兩之多。經特登額等按律問擬。當降旨照所議完結。在徐寅第所屬二府五直隸州四十八州縣。既經收受陋規。必不止蔣兆璠一人。惟蔣兆璠不能指出實據。各州縣餘供並無致送節壽陋規情節。並出具切實印結。朕亦姑免深究。徐寅第在直隸平日居官。尚非聲名狼籍之人。而其得受陋規。已盈千累百。至於此極。因思各直省道府。賢愚不等。豈盡皆廉介自好之員。似此得受陋規者。恐亦不少。國家設官分職。原以安撫百姓。道府大員。營私肥己。該州縣等豈能自出己資。無非剝削小民脂膏。以為逢迎上司之舉。實堪痛恨。多設一官。百姓即多受一官之累。非以安民。適以

病民矣。各督撫經朕特簡。具有天良。務須破除情面。力挽狂瀾。嚴查所屬司道府如有得受陋規者。嚴參懲辦。以儆其餘。不得以捐潔自持。即為無忝厥職。嗣後各直省督撫。固宜潔己奉公。尤須正色率下。儻正己而不能率屬。則是形同木偶。於地方有何裨益。一經訪聞。惟該督撫是問。決不寬貸。將此通諭知之。○又諭。鍾昌奏。東北兩路行宮。應行黏修處所。請飭勘估一摺。東路隆福寺。桃花寺。白澗煙郊。四處行宮。本年應行黏修。據奏情形較重者五項。暨去年較緩之款。共二十八項。著總理工程處派員勘估修理。其盤山。湯泉暨古北口內外各行宮。均非朕常莅之地。俱著暫緩黏修。將來遇朕巡幸時。自必先期降旨。應如何豫備。候旨遵行。至各該處所有陳設鋪墊等項。交該總管妥為收貯。其看守兵役人等。亦應酌量裁撤。或應留四五人。或應留一二人。分別處所照料。抑就近交地方官經

理更為妥協。俱著內務府大臣妥議章程具奏。尋奏各處行宮應仍令原設弁兵看守。除千總委千總苑丞苑副各員照舊額設外。擬裁盤山兵二十一名。湯泉兵十名。髻髻山。南石槽。密雲縣。瑤亭。懷柔縣。五處兵十二名。古北口外巴克什營黃土坎二處。道光三年九年業經酌留兵丁看守。無庸查辦。其喀喇河屯。王家營常山峪兩間房。中關。十八里台。波羅河屯。張三營。吉爾哈朗圖。阿穆呼朗圖。十

實錄卷二百

七

處兵。每十名內酌裁三名。得旨。所有盤山行宮存貯陳設及酌裁弁兵各事宜。著內務府另行議奏。其古北口外吉爾哈朗圖。阿穆呼朗圖。二處行宮。著裁去。餘依議。尋又奏請裁盤山委署千總二員。兵四十一名。吉爾哈朗圖。阿穆呼朗圖。二處千總二員。副千總二員。兵三十七名。從之。○以病痊總兵官史善載年力就衰。命以原品休致。○戶部議准。江蘇巡撫程祖洛疏報。靖江縣新漲田十一頃五

十六畝有奇。照例升科。從之。○除江蘇靖江縣坍折田九頃八十六畝有奇額賦。○辛未諭內閣。據御史程光等奏。江蘇解官莫如柏押解顏料赴庫。有銀硃二百二十二箱。驗收時。查出黃土二箱。據該解官聲稱。向由江蘇鋪戶承辦。未經檢查。顯有偷換情弊。著程祖洛查究明確。據實具奏。解官莫如柏。即飭令速回江蘇。以備查訊。○又諭。前據御史姜梅奏。東城副指揮張懷淶。久病曠職。請勒令開缺。當降旨。令都察院堂官查明具奏。茲據那

實錄卷二百

七

清安等奏。該副指揮張懷淶。因病請假。扣除兩次銷假日期。並未逾告病例限。至吏目法位幫同照料飯廠。係照向辦章程。該副指揮並無私託法位料理情事。惟該副指揮患病日久。一時未能就痊。張懷淶著即開缺。病痊後。交吏部照例辦理。所有東城副指揮一缺。著照例揀補。嗣後司坊官員。如有久病曠公。即著隨時查明覈辦。以重職守。○賞借喀爾

喀扎薩克郡王多爾濟喇布坦。俸銀五年。修理祖塋。○旌表守正捐軀直隸深州民李海寬妻耿氏。○封閉廣西臨桂縣金帶江等處鐵礦。從巡撫祁墳請也。○壬申。諭內閣。長齡等奏。請安設腰臺一摺。阿克蘇之齊蘭臺。與葉爾羌之雅哈庫圖克臺接壤。均係戈壁。程站較長。據該將軍等查明。請於適中之地。分設腰臺二處。著照所請。沙井子地方。分設腰臺一處。即令齊蘭臺筆帖式兼管。色瓦特地方。分設腰臺一處。即令雅哈庫圖克臺筆帖式兼管。並著於兩腰臺各派外委一名。字識一名。兵丁五名。官馬十五匹。官牛十隻。回子二十戶。回子馬二十匹。以資接遞運送。該將軍等即移咨該二城。各按所勘地址。多挖井眼。於來歲春融。建蓋臺房。所需工料無多。即由該大臣自行籌辦。○又諭。前因兵部議駁御史達鏞條奏。明定雙單好格式。酌量予以定額。當交該部再行安議。茲據該部奏稱。武

關挑取雙好。分按各圍應試人數。每百名酌挑二十二名。不及百名者。即按數遞減等語。分圍校閱。務在嚴明得人。嗣後監射較射大臣。總須嚴加鑒拔。每百名挑取不得逾二十名之數。如不得人。即再行減少。亦無不可。斷不得以才技未嫻之人。勉強挑取充數。致滋冒濫。○又諭。工部奏。本月二十日。王引之住宅門內。拾得工部製造庫舊稿四件。稿面稿底。及稿內正文。稿後年月日期。俱已裁去。祇存行取戶部物件。及辦買物料單。此項稿件。究係何人偷竊裁割。必應查拏根究。著步軍統領衙門。順天府五城一體嚴拏。務獲從重究辦。再該庫上年被竊之稿。共有三百餘件。此次所拾之稿。如查係在上年遺失稿數內。該司員等業經叅處。無庸再議。如係近日復行遺失之稿。即著將現在該管司員。奏請交部議處。○諭。軍機大臣等。長齡等奏。訊據自霍罕同之伯克等稟述情形。悉心籌議。一

摺。朕自上年九月。派長齡等前往新疆。節經降旨。不過令設法購線。並未特令向霍罕伯克縛獻賊目。送出民回。該將軍等沾沾向霍罕要人。堂堂天朝。轉為霍罕牽制。豈不為外夷所揣摩。其弔噶爾拜一名。留之何益。著即遣回。儻霍罕遣使來求通商。當明示以大皇帝天恩浩蕩。爾等如要通商。我當奏聞大皇帝。許爾仍舊通好。其茶葉大黃。俱在所不禁。從前抄沒安集延物件。亦可發還。兼可免其

實錄卷二百一

七

貨稅。如此明白宣諭。義正詞嚴。庶可折其倔強之心。而示我寬仁之度。該將軍等既令作霍爾敦寄信。即將稿遇便呈覽。務須得體。不可草率。至霍罕伯克邁買漫里。年僅二十五歲。其事務俱係明巴什作主。何以所屬夷眾。都願通商。獨明巴什一人不肯。明巴什是否即係賊目。或另有奸謀。著密查具奏。至所請暫留哈豐阿。郭繼昌二員。既有壁昌在彼鎮撫。何以又須該提鎮督同操練。惟據長齡

等奏。壁昌祇能居中調度。未便出敵。著該將軍等自行酌量。如必須在彼。即令暫留。或辦理善後完竣。即令各回本任。朕亦不為違制。其另片奏。各城新添官兵。應需糧料。就近籌備供支。現在葉爾羌城添駐官兵五千餘名。糧料倍徙於前。請改徵本色。如數交納。此外不敷糧八千餘石。又巴爾楚克新設官兵。俟壁昌另行籌款等語。該將軍等祇顧目前。不思遠圖。總之添兵不能不添糧。添糧不能不

實錄卷二百一

八

採買。採買即不能不擾累回眾。豈不令回眾寒心。勢將勾通霍罕。更難辦理。終必歸朕所云內外俱困而後已。該將軍等仍遵前旨。再行妥議。務令足壯國威。仍不至擾累回子。方為妥善。其烏什一路。及樹窩子一帶。從前齊慎在彼駐紮。兵處所酌派官兵千名。或數百名。在彼駐紮。一遇賊氛。即可抄其後路截擊。令賊匪首尾不能相顧。是否有益。著該將軍等查明具奏。又本日舒倫保奏。請鼓勵和闐防

守堵禦出力之文武官弁兵丁大小伯克一摺。和闐祇哈豐阿。孝順岱帶兵在彼一過。該官兵書吏伯克等。祇係數月防守。所有請將都司王之貴等鼓勵之處。著不准行。長齡等傳諭該大臣舒倫保可也。將此由六百里諭令知之。○以上年葉爾羌趕磨守城兵糧及採買糧石運送大營出力。賞糧餉章京瑞麟。伯克多列素皮。伊斯堪達爾。玉努斯。花翎筆帖式達春布等。藍翎餘升選有差。○戶部議准。浙江巡撫富呢揚阿疏報。鄭象山二縣開墾田四十六畝有奇。照例升科。從之。○癸酉上詣

壽康宮前殿行禮。後殿問

皇太后安。○諭內閣。宗人府奏。移駐盛京宗室文恪。染患痰症。可否免其前往一摺。移駐盛京宗室文恪。前因伊母故告假來京。事畢即應起程前往。據稱現患痰症未痊。儘可到彼調治。若因其患病。即准令住京。將來紛紛效

實錄卷二百一

元

實錄卷二百一

手

尤成何事體。文恪著即飭令前往盛京。○諭軍機大臣等。昨據長齡等奏。添設官兵需買糧料各情形。當經降旨。以該將軍等祇顧目前。不思遠圖。欲添兵不能。不添糧。添糧不能。不採買。採買即不能。不擾累。回取寒心。勢將勾通霍罕。更難辦理。終必歸朕所云內外俱困而後已。諭令該將軍等仍遵前旨。再行妥議。朕思該將軍等前請於喀什噶爾設兵四千。為數過多。該逆夷等探知該處有重兵鎮守。必不前來。豈不虛設多兵。坐糜糧餉。而英吉沙爾等城之兵。更覺虛設。現在葉爾羌已駐兵五千。足壯國威。以備緩急。喀什噶爾或酌留兵一千名。祇須認真防守。毋庸出卡。即使賊匪潛來。祇應堅守城池。如上年夷回入卡滋擾。官兵無多。尚能守禦數月。況現在各城設兵較多。萬一偶有蠢動。就近趕緊調集救援。可期應手。非如伊犁距彼遙遠。一時徵調較難。至該城換防總兵一員。可以不設。即

將所設防兵。歸領隊大臣管帶。總之該城少駐官兵。將來或須變動章程。亦不難於料理。所有巴爾楚克地方。祇可駐兵二千餘名。已足濟事。前據添兵三千五百名。亦覺太多。著酌量裁減。其英吉沙爾和闐兩處。均著毋庸添兵。烏什一路。及樹窩子一帶。從前齊慎在彼駐兵處所。酌派官兵千名。或數百名。在彼駐紮。一遇賊氛。即可抄其後路截擊。令賊匪首尾不能相顧。著遵照前旨酌議具奏。至喀

實錄卷二百一

五

什噶爾官兵軍火口糧。祇須籌備數三月之用。似可濟事。不致短絀。各城防兵。不可以老弱充數。務當挑選精銳。並勤加操練。俾一兵得一兵之用。所謂兵貴精不貴多。若不認真演習操防。虛糜糧餉。於事何濟。前經降旨諭令於喀什噶爾回戶中挑選丁壯。准令食糧入伍。俾自衛身家。以攘外患。即可收以夷制夷之效。或日後酌看光景。另有辦法。亦未可定。著遵照前旨妥議具奏。其前請添設文員

一節。斷不可行。溯查乾隆年間。戡定西陲。廟謨廣運。妥協周詳。六十餘年。邊圉綏靖。爾時從未籌議及此。如果必須添設文職。方資治理。當日諸臣早經籌及。詎待今日。該將軍等所請。殊非經久良策。況文職尤非武職可比。武弁性情粗率。儻任意妄為。尚易覺察。文員由內地調派。若年老衰庸者。自難任事。其年力富強稍有才具者。希圖任滿升遷。或至夤緣謀調。轉不足以收得人之效。況夷回異俗。

實錄卷二百一

五

必不能以內地之禮法繩之。徒滋紛擾。且既添文職。不能不添書吏。此輩舞文弄法。因緣為奸。必致貪婪需索。若處窮回。即經發覺。官畏處分。巧為彌縫。邊陲僻遠。易於消弭。是內地回子。先受添官之累。於控制外夷之道。實屬無益而有損。即令得人而治。而回疆增設文職衙門。是儼然添一省會。殊失居重馭輕之道。亦不值如此辦理。自應遵照舊章。將向由武職及章京承辦者。責成各該員妥為經

理如辦理不善。或查有貪劣情事。即行據實嚴叅。該將軍等務當悉心籌畫。從長商酌。不可徒事鋪張。顧此失彼。致日後轉多流弊。大負朕委任之意矣。將此由六百里諭令知之。○予喀什噶爾陣亡千總馮敏。佟伏。把總麥聯元。解殿伏。外委陸殿勳。魏伏。祭葬世職。○甲戌。諭內閣。前據長齡等奏。將戶部議駁報銷各條逐款聲明。仍請照案造報。當交戶部議奏。茲據該部查明軍需章程。仍行議駁。覆奏。請旨。此次大兵西行。不戰而捷。旋即辦理善後事宜。原非進兵征勦者可比。惟口外情形。究與內地不同。該將軍等既照上屆成案辦理。若概令刪減。轉滋賠累。尚係實在情形。著加恩照長齡等所請。將與上案相符之京外文職各官騎馬匹支給雇價。及軍營應用書識醫生供事各色匠役安家工食。並隨帶器具人夫口食糧麵。暨換乏馬匹護臺民夫等款。均准其照案造報。以示朕軫恤戎行。

至意。○停閱本年八旗內務府三旗冰技。仍給半賞。○乙亥。諭內閣。此案于二即連奎。王六即圖明阿。於正陽門內棋盤街地方。因車輻誤碰。互相口角。膽敢將宗室職官翰林院侍講學士受慶。肆行揪辱。並撕破貂褂。行類兇惡棍徒。實屬可惡。連奎著革去武舉護軍。圖明阿著革去馬甲。同看街兵李成。交刑部嚴審定擬具奏。其該班之正藍旗漢軍署委協尉佟茂桂。步軍校葉萬枝。不能彈壓。又不拏解。殊屬懦弱無能。著交兵部嚴加議處。以示懲儆。○諭軍機大臣等。據朱士彥等奏。行至無為州。據該府州等稟稱。該州東南襟江境內。盡係圩田。且西連廬江。巢縣。北毗含山。和州。四屬圩田。均賴該州江壩捍禦。一有漫缺。不但該州被淹。即四屬亦成澤國。所關甚鉅。該壩現形殘損。若不亟加修築。實不足以資捍衛。惟向係民修之工。現在被災窮黎。實形拮据。應請借帑興修。又銅陵縣貢生朱攀

桂等呈稱壩傾田廢等情。詢之該府。據稱該壩捍禦江湖。為銅陵全邑。及繁昌諸圩保障。現經衝破。民力艱於修復。應請借項修築。經朱士彥等查勘。係屬實在情形。並稱如乘冬令興修。俾附近居民挑土趁工。亦可藉資餬口。著鄧廷楨即飭知署藩司色卜星額前往履勘各該壩。是否係必不可緩之工。如必應興辦。或乘此冬令修築。俾附近災民傭趁。藉資口食。或俟來春再行興工。並著查明有何款項可以借動。將來如何歸款之處。一併據實具奏。將此諭令知之。○修浙江上虞縣沿江柴土塘隄。從巡撫富呢揚阿請也。○丙子諭內閣。鑲黃旗漢軍都統奏。盛京咨送補放驍騎校擬正之金立本。該將軍等僅將伊履歷附送。並未咨送考語一摺。凡引見官員咨送部旗。俱應出具考語。今擬正之金立本。並無考語。殊屬疏漏。除將瑚松額交兵部察議外。仍飭該將軍等補行出具金立本考語。咨

實錄卷一百一

至

送該旗。○旌表守正捐軀山東沂水縣民展大成妻劉氏。○貸江西南昌新建進賢皇子建昌德安六縣衝坍圩隄修費。並緩南昌新建進賢三縣舊欠帶徵銀。○丁丑以恭修孝東陵隆恩殿成。遣官告祭如儀。○上詣皇太后宮問安。○諭內閣。龍泉峪勘定吉地。前經降旨將稽查彈壓事宜。責成貴慶管理。現已諏吉開工。建立規模。一切俱從簡約。著貴慶於鎮屬各營內酌派弁兵輪班看守。將來孝穆皇后梓宮奉安前期。所有應添官兵之處。著貴慶屆時再行定議具奏。○又諭鄧廷楨奏。揀員調補宣城縣知縣一摺。安徽宣城縣知縣員缺。為附郭首邑。歛縣知縣金鼎壽係曾經改簡之員。不應調補要缺。該撫所請著不准行。仍著另揀合例人員。奏請調補。○諭軍機大臣等。禧恩等奏。據黑龍江呈進貂

實錄卷一百一

至

貢之副總管富星等呈稱現在打牲烏拉無餉之打牲人夫將及二千四百名之多。力皆疲乏。恐日後不得貂鼠。有誤貢項。其無餉之打牲人等。所交貂貢。或准其豁免。或准數人合交一張。轉行請旨一摺。此事必能經久行之。不致另生弊端。方為合宜。著將禧恩等所奏原摺鈔錄一分。交富僧德。碩德。閱看。現在該處交貂鼠人數。究有幾千。副總管富星等呈請之處。究竟是否可行。著妥擬章程具奏。

實錄卷二百一

五

俟奏到時再降諭旨。○河東河道總督林則徐奏遵旨前赴東河新任。得旨。一切勉力為之。務除河工積習。統歸誠實。方合任用。盡職之道。朕有厚望於汝也。慎勉毋忽。又奏。碎石是否於黃河有益及歲料何以未省。俟到任查悉確情覆奏。批。當今外任官員。清慎自矢者。固有其人。而官官相護之惡習。牢不可拔。此皆係自顧身家之輩。因循苟且。尸祿保身。甚屬可惡。記曰。官先事。士先志。其可忽諸。○

調寧古塔副都統和福。為寧夏副都統。寧夏副都統伊勒東阿。為寧古塔副都統。○追旌守正捐軀安徽桐城縣明監軍道副使孫臨婁葛氏。○戶部議准。江蘇巡撫程祖洛疏報寶山縣開墾塗田二頃八十一畝。有奇。照例升科。從之。○戊寅。諭內閣。御史奎秀等奏。織造辦運緞匹。虧短分兩過多一摺。據稱上年江寧江蘇二處織造辦運緞匹。分兩短少。當經駁令按數賠補。本年該二處解到緞匹。分

實錄卷二百一

六

兩仍復短少。江寧較上年尤甚。除由三庫大臣分晰開單行文。該二處照數織賠。均於次年補解。不得開銷錢糧外。江寧織造長良蘇州織造倭楞額。俱著交部照例議處。嗣後該織造等務。當遵照例定分兩。妥為辦運。以昭慎重。毋得仍前玩視。再行短少。致干重咎。○諭軍機大臣等。本日戶部議駁富呢揚阿奏請銓銷引目。並酌議加斤一摺。已依議行矣。兩浙鹽務。前因積欠敝壞。於道光元年。裁撤

鹽政改歸巡撫兼管。經帥承瀛奏定章程。清釐積欠。減輕科則。舊款逐漸清釐。新課毫無蒂欠。鹽務頗有起色。嗣後黃鳴傑程含章接管。俱係遵循舊章辦理。劉彬士在浙年分最久。亦未聞奏及額引壅滯。酌議銃銷加斤。富呢揚阿到任甫及一年。何以鹽引頗形壅滯。雖據奏錢賤銀貴。賣錢不敷。易銀完課。又因賜雨不時。土鹵淺薄。場價增昂。私鹽衝擾。以致引鹽未能銷足。庚寅一綱。掣銷無多。非銃銷賠課。不足以清綱分。第自元年以來。更定章程。各綱本款。俱係年清年額。並將舊欠河餉軍需等項。按限帶完。截至己丑綱止。計已完三百六十餘萬兩。僅騰未完銀三十萬餘兩。帶課日輕。商力自裕。不得援歷次銃銷成案為例。己丑引目。該年奏銷案內。已報埽數全完。該撫此次奏稱。祇銷九萬餘引。與奏銷原案不符。如果該年引目僅銷此數。則積壓幾至一綱。即當按未完分數據實嚴叅。何得

實錄卷二百一

元

遲至一年之後。始奏報缺銷。以為銃引地步。所有請將庚寅秋冬。辛卯春夏。四季引目銃銷之處。著毋庸議。至重斤灌包。係浙鹽積弊。經帥承瀛嚴定條款。實力剔除。何得輕議更張。且既因額鹽壅滯。欲將引目銃銷。自難再於額外加斤。致銷路益形窒礙。所請加斤之處。著不准行。該撫前奏。或未能悉心體察鹽務情形。或竟受鹽務官員及商人等慫恿。為其愚弄。汝係朕特簡。責有攸歸。務須循照帥承瀛舊章。實心實力。認真經理。若率意更改章程。不顧鹽務全局。將來浙鹽疲壞。是壞在汝手。惟汝是問。決不寬貸。懍之。將此諭令知之。○以宗人府府丞沈維鐫署都察院左副都御史。○命都察院左都御史那清安。鑲紅旗漢軍都統彥德。戶部右侍郎阿爾邦阿。禮部左侍郎舒英。右侍郎色克精額。總管內務府大臣克蒙額。在紫禁城內騎馬。○以伊犁屯田豐收。予員弁議敘。賞兵丁一月鹽菜銀。

實錄卷二百一

辛

○除浙江錢塘青田二縣水衝沙壓及捐置義冢田地四十五頃三十九畝有奇額賦

實錄卷二百一

至

大清宣宗效天符運立中體正至文聖武智勇仁慈儉勤孝敏成皇帝實錄卷之二百一

大清宣宗效天符運立中體正至文聖武智勇仁慈儉勤孝敏成皇帝實錄卷之二百二

監修勳賢總纂修官太子太保體仁閣大學士文淵閣學士禮部尚書鑲黃旗漢軍副都統臣等奉
天府府尹臣等奉
七倉大臣糧庫會同糧庫總辦加一級應帶加六級軍功加三級紀錄五次花翎總辦糧庫總辦關防內
內務府大臣錄補滿洲副都統等家內七倉大臣管理宗人府總庫存案勳賢等
監院總辦處事務應帶加十八級臣等奉
欽此

欽此

道光十一年辛卯十二月己卯朔諭內閣昇

實錄卷二百二

一

寅奏訪查劣員實據一摺前因昇寅奏叅清水河理事通判齊里克訥爾布人甚庸劣性復貪酷署理歸化城同知聲名更屬狼籍當經降旨令該將軍密查該通判貪酷實據嚴叅懲辦茲據奏訪聞清水河民人裴有傷斃人命一案該通判以因竊致斃定擬解省該犯至省翻供稱係因姦致斃由省駁交歸綏道覆審該道並未提訊仍將人犯發回清水河委員前往審辦乃該廳不候委員即於收

到該犯之日。將其掌責三百。以洩在省翻供之忿。又該通判前署歸化廳時。軍民商賈。無不訾毀。致有齊搜兒之稱。詢之多人。如出一口。其劣跡已可概見。著阿勒清阿即親提裴有翻供案證。秉公嚴究。該通判有無濫刑屈抑情事。並調查該通判有無被控別案。一併嚴行審訊具奏。以儆貪酷。尋奏查齊里克訥爾布。尚無濫刑屈抑情事。裴有實係行竊致死事主。避罪翻供。應依律擬斬監候。下部議。

實錄卷二百三

二

從之。○又諭。成格等奏軍需案內借墊通融銀兩。請飭撥還歸款等語。此次烏魯木齊軍需。借動各庫貯經費。滿洲營餉銀七萬二千兩。暨提鎮通融庫銀二萬五千兩。著陝甘總督迅速撥還歸款。以備該處支發。○禮部奏道光十二年元旦應行禮儀。得旨。是照例行禮。奉

皇太后懿旨。停止筵宴。其在外福晉命婦進內行禮之處。並著停止。○烏魯木齊都統成格

等奏。喀什噶爾善後辦竣。邊卡肅清。裁撤東南兩路臺站。新添夫馬。報聞。○禮部議准。江蘇巡撫程祖洛疏報。採訪丹陽縣貞節婦女。蔣戴氏等二千九口。安徽巡撫鄧廷楨疏報。巢縣剛閭氏等一千二百四十口。各請建總坊旌表。從之。○庚辰。諭軍機大臣等。昨據成格奏。烏魯木齊承辦軍需糧運報銷完竣。查明出力官吏。請量加鼓勵一摺。此次喀什噶爾逆回滋事。大兵西行。不戰而捷。非上屆恢

實錄卷二百三

五

復四城。生擒逆裔可比。該員等鉤稽出納。籌辦車駝。催趲糧運。稽查文案。雖各著有微勞。而甄敘究宜有所區別。該都統請加鼓勵至三十九員。未免太多。所請亦覺過優。著長齡等將該都統單開各員覈實查明具奏。無稍冒濫。至摺尾聲明出力遣犯三名。請做照上屆成案。均予免罪釋回等語。喀什噶爾等處遣犯。或係隨營。或係防禦。均有出力之處。至烏魯木齊。不過糧運車駝等事。該三犯係何

姓名。究係何事出力。著長齡等一併查明具奏。成格摺單。俱鈔給閱看。將此諭令知之。○以翰林院侍讀學士何彤然。充日講起居注官。○以拏獲兇犯。予西城正指揮許惇書。即行升用。○緩徵吉林三姓駐劄歉區八旗兵丁官莊壯丁舊欠倉穀。並緩買補平糶倉穀。○辛巳。諭內閣。工部奏。叅書吏遺失稿件。請旨查辦。此項稿件。係四道洞等處圍牆本年穀准已修應查之工。事關錢糧奏銷。該書吏

實錄卷三

四

呂榮光。王鎮。何以並不小心查檢。致有遺失。著交刑部審訊。該管司員未能先事查察。殊屬疏漏。著交部查取職名。照例議處。其四道洞牆工。著歸於明年查辦歲修時。補行驗收。○又諭。御史彭玉田奏。請飭查直隸官民荒地。嚴禁胥吏把持侵欺一摺。戶部冊存直隸旗民官荒地八萬餘頃。前經該省查辦。據奏查出升科試墾各地一萬餘頃。其餘七萬餘頃。難以召墾。經該部逐款指駁。令其遵照原

定章程辦理。茲據該御史奏稱。聞此項荒地。現在成熟者居多。皆係各處奸胥猾吏把持侵蝕。朋比分肥。即現方之荒地。非勾串胥吏。民不得而試墾。所奏種種情形。實屬切中弊端。此項荒地。既載明戶部冊內。可以按籍而稽。並非憑空搜索。該省前此查辦。顯有不實不盡。總由胥吏把持欺隱。侵吞賦入。剝削民生。必應力除其弊。至查辦荒地。如委員紛紛四出。不但情形生疏。且恐騷擾地方。著直隸

實錄卷三

五

總督順天府尹。即責成該府廳州縣。詳查可墾之地。曉諭召墾。令各該地方民人。自行呈報認墾。不准假手胥吏。以致受其朦蔽。務須認真經理。將報墾各地。隨時升科。不得以一查了事。仍致有名無實。至該地方官辦理妥善。著有成效者。自應加以獎勵。其玩泄從事者。當據實叅處。○又諭。瑚松額等奏。緝捕疏懈之旗民地方各官一摺。盛京乃發祥之地。儉樸敦龐。官吏旗民。皆當守法。豈容宵小

潛藏。現據瑚松額等奏。現任國子監監丞覺羅愛紳奏。由京告假前往收取地租。事竣回京。行抵頭道境西道上。竟有遇賊強搶贓物。至數百兩之事。實屬大干法紀。當經勒緝。逾月未獲。並近月以來。該廳尚有中途被搶。贓未逾貫三案。屢緝未獲。祇緣日久玩生。歷任將軍府尹等姑息目前。鮮以公事為重。是以諸務日形廢弛。甚屬可恨。必當從嚴懲治。以挽頹風而固根本。所有小黑山管界佐領金保。新民廳同知扎興阿。著先行摘去頂帶。勒限三箇月。趕緊緝拏務獲。若限滿無獲。即行嚴叅具奏。該將軍等務當認真飭屬緝捕。況盛京非他省可比。更不可與各省搶劫之案視同一體也。○諭軍機大臣等。據都察院奏江蘇安東縣民人張鳳儀呈控該縣汛弁縱兵窩匪。挾嫌抄搶。逼認拒捕一案。已明降諭旨交朱士彥等審訊矣。此案該民人張鳳儀控稱。百祿溝河標外委錢發。平日勒索陋規。

實錄卷三

六

縱令營兵朱鶴英等窩藏盜匪。並與匪徒宋醒安等同惡共濟。因向伊父張長桐索詐不遂。挾嫌尋釁。適民人楊有元與營兵索錢爭鬧。錢發輒帶兵將楊有元槍傷。並會同把總張兆奎。至該民人家抄搶。將張長桐拏拷。誣以拒捕。解送縣署。復有錢發之叔城守營錢永豐在傍喝令嚴刑拷鎖等語。案關汛弁戕法營私。擾害地方。大干法紀。如果屬實。必應徹底嚴究。著朱士彥等於皖省查勘災務。審辦案件事竣。即赴該處提集人證。嚴審定擬具奏。將此諭令知之。尋奏。訊得外委錢發平日不能約束兵丁。致兵民索欠爭毆。復意存袒護。妄稟張鳳儀聚眾毆官。請從重發往烏魯木齊效力贖罪。至所控勒索陋規。窩藏盜匪。暨搶抄拷鎖各情。係代寫呈詞之趙祥林砌詞聳聽。並非張鳳儀之意。而張鳳儀以口角細故。持械互毆。亦應擬罪。趙祥林。張鳳儀均依律擬杖流。下部議從之。○刑部等衙門

實錄卷三

七

議覆湖北巡撫楊懌曾題。民婦蔣鍾氏咬落伊翁蔣承沈舌尖。依律將該犯婦擬斬立決。覈其情節。與無故干犯尊長者迥別。可否免罪釋放。得旨。鍾氏猝被伊翁強姦。掙拒不脫。情急咬落伊翁舌尖。與無故干犯尊長者迥別。著免其治罪。即行釋放。○壬午。諭內閣。御史容和奏。請禁書吏與司官跟役人等交往一摺。各部院衙門書吏。原為鈔寫文案而設。役滿給予職銜。理宜奉公守法。至各司官跟

實錄卷三

人

役車夫人等。祇供使令。豈容與書吏交接。茲據該御史奏。每值充補經承。該跟役車夫人等。即視為利藪。三五成羣。百般需索。或登門囑。或沿途扭結。書吏畏懼本官。祇得隨其所欲。稍不如意。即乘勢逞兇。種種不法。均干例禁。近日有吏部考功司掌印司官善慶之車夫程四。因索詐不遂。毆傷經承楊汝程一案。現經咨送刑部審辦。似此逞兇目無法紀。皆由該司官等平日不能管教所致。不可不

嚴行查禁。嗣後著各部院堂官嚴飭各司官。務當隨時加意管束。如有縱容跟役車夫向書吏勒索者。即將該司官照例議處。其勒索之人。送交刑部按律懲辦。若書吏等私行付給錢文。儻經查出。一併從重治罪。以肅功令。而昭儆戒。○又諭。那丹珠等奏。請飭催各運銅斤一摺。滇省委員領運京銅。定限甚嚴。近年各運員率多逾限。經年累月。任意逗留。藉詞守風守水。倖免處分。現查據該省咨報。庚

實錄卷三

九

寅六運銅斤。除李嘉祐已解京兌收外。其在途各運。惟胡兆蓉一運。現抵江蘇。常明。許應元。聶光謙。陳桐生等四運。尚在江西兩湖等省。難免沿途稽滯。至辛卯六運。僅報李天錫張立方。曾毓璜等三運。甫自滇省起程。著該督撫迅即轉飭領運各員。依限管解。上緊趲行。不得違限。致干重咎。並著沿途各督撫轉飭地方官。督催各運員迅速設法趲運解京。無許再有遲誤。○諭軍機大臣等。富俊奏。請

酌擬條例以裕生計而重武備一摺。吉林旗人。非內地環居鄉村可比。均沿江倚山星散而居。距城二三百里或四五百里不等。向俱於不礙圍場禁山外。捕打牲畜。演習槍馬。習與性成。不待官為操練。自己精熟。一經挑差即可得力。自英和等奏改逃旗定例。該管官自顧考成。照例查禁。旗人亦慮被銷旗檔。不敢遠出。復經奕額等以該處圍場鹿隻稀少。查禁烏槍。凡購買鹿茸皮張筋角者。經由瀋陽。立即截拏究辦。以致商人裹足。旗人無處銷售。漸不學習烏槍。非特生計日絀。於武備亦大有關礙。富俊請酌擬條例。自係實在情形。嗣後吉林所屬旗人。初次逃走。仍照舊例。被獲者鞭一百。一年以內自行投回者。免罪。一年以外投回者。鞭六十。其二次逃走者。無論投回拏獲。俱行銷檔為民。俾旗人得以從容操演烏槍。赴山捕打。克成國家勁旅。此為吉林酌改辦理。他省不得援以為例。其吉林	實錄卷三十三	十
---	--------	---

所屬閒山。並准旗人等於左近山內。隨時捕打。所得牲畜。聽其售賣。所買之人。給與照票。無庸查禁。惟恐不肖之徒。偷越圍場。著寶興。倭楞泰查明吉林所屬界址。何地准其打牲。何地不准打牲之處。妥議章程具奏。將此諭令知之。○癸未。	上 諸	皇太后宮問安。○甲申。	孝惠章皇后忌辰。遣官祭。	孝東陵。○諭內閣。向來各省提鎮於所屬地方。每年秋禾收成。分數及糧價平減情形。俱奏報一次。亦間有不奏省分。辦理本未盡一。朕思各省收成分數。及每月糧價。俱經各該督撫奏報。嗣後各省提鎮。毋庸另行具奏。以歸簡易。○又諭。據惇親王綿愷等奏。馬甲呢莽阿即唐公。現因王老頭子一案。送部審訊。請將該管之參領佐領等。交部議處。並自請交部察議。著俟刑部定案時。再降諭旨。○又諭。	實錄卷三十三	十
--	-----	-------------	--------------	---	--------	---

兩淮應解圓明園八旗內務府三旗道光七年分一年生息利銀二萬六千兩。九年分下半年利銀一萬二千兩。十年分一年利銀二萬六千兩。共銀六萬四千兩。迄今均未解到。該營應支班費等項。現在無款可籌。若再任延宕。殊難接濟。著陶澍即將前項欠交銀兩。迅速如數籌解。以備應用。嗣後自本年起。務將每年應交利銀。年清年款。毋得再有拖延。俾清款項。○又諭富呢揚阿奏海塘沙水情

實錄卷三

主

形。並請修築江海塘工。附籌柴壩隨同正辦一摺。仁和海寧二州縣東塘念汎隸字號起至尖汎南字號止。間段搶修舊石塘工。共長一百四十八丈零。應一律全換新椿。建復魚鱗石塘。例加工料銀三萬四千八百六十兩零。准其在於新工經費餘騰。暨本年用騰額息銀內動支。其錢塘縣江塘。共長一百二十三大零。約需工料銀五千五百七十一兩零。准在藩庫工程平餘項下動支給辦。該撫即

飭承辦各員趕緊修築。如有草率偷減。即著嚴叅。至摺尾聲明石塘一丈。須築柴壩一丈。計需銀三十兩。約計柴壩銀四千數百餘兩。請附入歲修年額開銷。並請將來修塘。其柴壩隨同正項估辦。實為從來所未有。該撫諸事受人慫恿。胸中毫無把握。惟知市恩邀譽。以杜人之訾毀。殊失朕望。必負委任。所請不准行。並著傳旨嚴行申飭。○又諭阿勒清阿奏審擬告退領催列款呈控城守尉一摺。此

實錄卷三

主

案太原城守尉薩隆阿。訊無曠領錢糧越次挑缺等情。亦無私役官兵違接伊弟之事。其每月提出公費銀兩。作為印房公用。亦係沿照向規。惟每年報銷冊未經更正。又失察家人得受所屬茶炭錢文。亦有不合。薩隆阿著交部議處。○修直隸通州溫榆河果渠村壩埽各工。從總督琦善請也。○修浙江錢塘縣官河緯塘橋座。從巡撫富呢揚阿請也。○乙酉。諭內閣。此案扎薩克頭等台吉達瑪林扎

布。挾所屬佐領不行如數攢給羊隻之嫌。輒起意令喇嘛誦念黑經咒誚洩忿。事雖未行。情殊險詐。達瑪林扎布著革去頭等台吉扎薩。杖九十。徒二年半。照例折枷三十五日。不准援減。唐古特喇嘛納穆古魯於達瑪林扎布囑其誦經咒誚。雖未允從。惟審訊時並不供出實情。著杖一百折責發落。遞籍管束。辦理達瑪林扎布扎薩克印務之圖薩拉克齊。徹伯克扎布。於達瑪林扎布額外多攢羊隻。既不具報。又不阻止。著折罰一九牲畜。不准援免。盟長貝勒貢楚克扎布。於派審案件。提取要證遲延。著罰扎薩克俸三箇月。註冊。不准抵銷。烏里雅蘇台將軍樂善審擬此案。引律不當。著罰職任俸六箇月。註冊。毋庸查紀錄議抵。回京時補行罰俸。參贊大臣恩銘著罰俸三箇月。不准抵銷。蒙古參贊大臣親王車林多爾濟著罰扎薩克俸三箇月。註冊。不准抵銷。○命協辦大學士工部尚書富俊

實錄卷二百三

五

為大學士。管兵部事。毋庸帶領引見。吏部尚書文孚。協辦大學士。調兵部尚書穆彰阿。為工部尚書。以都察院左都御史那清安為兵部尚書。仍署都察院左都御史。綏遠城將軍昇寅。為都察院左都御史。鑲紅旗漢軍都統彥德。為綏遠城將軍。內閣學士奕紀。署理藩院右侍郎。○以都察院左都御史昇寅。兼鑲紅旗漢軍都統。未到京前。以貝勒奕繪署理。○以捐辦湖北監利縣險要限工。予紳士黃善良等議敘有差。○旌表逼嫁捐軀江蘇清河縣民范兆浦妻郝氏。○禮部議准。安徽巡撫鄧廷楨疏報。採訪太湖縣貞節婦女方李氏等八百五十一口。請建總坊旌表。從之。○丙戌。

實錄卷二百三

五

上詣
大高殿行禮。○以繪畫武成殿平定回疆勦擒逆裔戰圖完竣。賞甘肅馬兵陳升經制外委。○旌表守正捐軀山東莒州民蘇致遠妻莊

氏○展緩湖北咸寧。沔陽鍾祥。三州縣暨蘄州衛被水莊屯新舊額賦。○展賑湖北江夏。嘉魚。漢陽。漢川。孝感。黃岡。黃梅。廣濟。咸寧。武昌。黃陂。沔陽。江陵。監利。公安。石首。十六州縣被水災。氏○科爾沁卓哩克圖親王巴圖喀爾喀扎薩克親王車林多爾濟等三人。巴林扎薩克郡王那木濟勒旺楚克。喀喇沁扎薩克都楞郡王布呢雅巴拉等三人。浩齊特扎薩克郡王額林沁諾爾布。阿巴噶扎薩克郡王阿爾塔什第等二。合奈曼扎薩克郡王阿宛都瓦第扎布。教漢郡王幹咱巴拉。烏珠穆沁扎薩克貝勒達克丹。翁牛特扎薩克貝勒寶拜。阿巴哈納爾扎薩克貝子伊達木扎布。歸化城土默特輔國公齊魯布。於西苑門外瞻觀。○丁亥。諭內閣。戶部奏彙覈各直省道光十年分徵收新舊錢糧比較。據稱查明浙江。江西。廣西。及江蘇。蘇州。藩司所屬。已完新舊二賦。比較上三年完數。俱有短少。該藩司

督催不力。咎實難辭。著各督撫查取該藩司職名。交部議處。其湖南省應徵新舊二賦。山西。雲南二省應徵新賦。俱係十分全完。該藩司催徵錢糧。甚屬認真。著交部分別議敘。以示鼓勵。嗣後各直省督撫務須嚴飭藩司。認真督催。新舊一律十分全完。年清年款。無得稍有拖欠。○諭軍機大臣等。本日內務府奏議駁陶澍請將兩淮變價銀斤。暫緩領變一摺。並另片奏。催解變價餘銀。兩已降旨依議矣。每年盛京等三處進到銀斤。向係將餘銀分交兩淮等處變價。所有本年應發兩淮變價銀斤。著陶澍迅速派員赴京承領。發商變價。毋得遲延。又兩淮歷年欠交銀斤變價銀九十六萬四千餘兩。應飭原領變價銀斤各商將此項積欠銀兩。作為帑本。按一分生息。每年息銀十一萬五千六百餘兩。遇閏加增。自道光十一年起。應得利銀。即於次年按數解交內務府。以備公用。著該督即飭令各

商遵照妥辦。其餘應交各款積欠銀兩。著該督派員按數解交。以清款項。又內務府三旗舊養育兵錢糧一款。每年係將細小餘羨發交兩淮變價。以備支放。所有道光八九十年。兩淮共應交此項餘羨變價銀四萬二千九百兩。至今尚未交納。實屬延玩。著陶澍一併趕緊委員按數解交。毋許再有遲逾。致干重咎。將此諭令知之。○又諭。成格等奏。查明承辦軍務始終出力之官吏。開單請加鼓勵。一

實錄卷三百

大

摺。朕披閱單開各員。人數過多。不無冒濫。且所請給予議敘之處。亦未免過優。著將原摺單。發交該都統覆加查覈刪減。秉公據實具奏。不得以會同保奏在前。稍涉回護。務須擇其尤為出力者。奏請鼓勵。毋許過優。以昭覈實。將此諭令知之。○命嗣後御門辦事。大學士富俊。免其入班。○命大學士長齡。管兵部事。富俊。管理藩院事。○以疊獲重犯。予揀發正指揮羅禮蘭。即行補用。○以拏獲鄰境盜

犯。予河南知縣王彬。以知州用。○以烏魯木齊屯田豐收。予員弁議敘。賞兵丁一月鹽菜銀。○戊子。

上詣

皇太后宮問安。○轉禮部右侍郎桂齡。為左侍郎。以內閣學士陳用光。為禮部右侍郎。未到任前。以內閣學士陳嵩慶署理。○以烏里雅蘇台參贊大臣恩銘。為理藩院右侍郎。未到任前。仍以內閣學士奕紀署理。○以正黃旗

實錄卷三百二

元

漢軍副都統祿普。為烏里雅蘇台參贊大臣。鑲黃旗漢軍參領王蘭。署正黃旗漢軍副都統。○己丑。諭內閣。福克精阿。前在吉林將軍任內。種種乖謬。任意妄為。經朕派富俊等前往審明具奏。當經降旨革職。嗣以拏獲朝鮮打牲偷渡人犯。延不奏辦。復降旨令俟伊子承襲世職後。罰職任俸一年。今朕訪聞該革員在吉林時。聲名甚屬狼籍。若仍令伊子照例承襲世職。不足以儆官邪。福克精阿之子。

著不准承襲。所遺世職。交該旗另選應行承襲之人。帶領引見。○諭軍機大臣等。長齡等奏詳議善後事宜。及會籌查勘邊界各一摺。據稱額爾古倫兩次出兵回疆。地勢夷情。均所諳習。今調補喀什噶爾領隊大臣。可期勝任。向來回疆參贊大臣。總理八城事務。各該辦事領隊大臣。及換防總兵。均受參贊節制。各城常行事件。俱報參贊備查。緊要事件。俱咨商參贊覈辦。著飭令額爾古倫遵照向例。

實錄卷二百三

十

辦理。惟喀什噶爾地處極西。儻有邊務緊要情形。探訪得實。應一面馳奏。一面飛咨參贊覈辦。並著飭知該領隊大臣遵照。至喀什噶爾葉爾羌舊設回兵各四五百名。據稱向來回兵挑補兵額。祇圖免納錢糧。並不操習技藝。若能勤加訓練。俾自保身家。防禦外患。更可收以夷制夷之效。惟現在喀什噶爾。英吉沙爾。葉爾羌。回眾疊遭兵燹。甫經招撫歸業。生計尚形拮据。該將軍等與壁昌商酌。擬俟

回眾元氣漸復。即令阿奇木將舊額回兵。先行挑補。令綠營將弁認真教習操演。如將來嫻熟技藝。即可陸續頂補防兵。著照所議辦理。此時屯田一事。最為緊要。該將軍等前將喀什噶爾查出叛產地畝。出示招集民人撥種。現經壁昌招得五百餘人。陸續認耕。著趕緊妥為經理。以期寓兵於農。實為經久良策。其葉爾羌地方。能否招民開墾。亟應查看。現既令壁昌親往葉爾羌巴爾楚克一帶踏勘。築堡建蓋兵房地址之便。詳加周歷勘明。即行會同詳議具奏。至哈喇阿暫留回疆。應駐劄葉爾羌。或即駐喀什噶爾。著該將軍等察看情形。酌量辦理。其哈豐阿。郭繼昌。巴清德。德勒格爾桑。齊克唐阿。及吉林兵二十名。著一併留駐。交哈喇阿差遣。將來隨同哈喇阿回京。至籌議查勘邊界事宜。據稱邊地幅員固未便置之不問。而兵行卡外。必須計出萬全。此時不值輕出偏師。或致別生枝節。伊犁

實錄卷二百三

五

巡邊係常行之役。請俟來歲屆期。由伊犁多添兵力。酌派領隊大臣。照例巡查布魯特邊界。令其不動聲色。靜密查酌。如能徑赴吹搭拉斯地方。勘明有無夷人興築嘯聚之處。即據實奏聞。僕未便前至其地。即作為常例巡邊。整隊旋回。以昭慎重。所見甚是。著照所議。屆時酌派領隊大臣一員。於巡邊之便。妥為查辦。再現在葉爾羌駐兵五千名。喀什噶爾前經降旨酌留兵一千名。又巴爾楚克駐兵

實錄卷三十一

三

二千餘名。烏什一路樹窩子一帶。從前齊慎在彼駐兵處所。酌派官兵一千名或數百名。在彼駐劄。統計兵數九千餘名。亦足敷用。所需軍火行糧。務須豫為籌備。萬一卡外或有蠢動。總要無需內地調兵籌餉。方為妥善。該將軍等當通盤籌畫。從長計議。以免撥運之勞。而成久遠之道。至現辦屯田。以回疆物產供回疆兵糈。將來挑補屯兵。即可節省防兵之費。所謂事豫則立。勿致臨渴掘井。該將軍

等不可徒事鋪張。總須計出萬全。以期經久。方為不負委任。將此由六百里諭令知之。○又諭長齡等奏葉爾羌等處籌撥官駝。設立牧廠。以資運送一摺。上年軍興之初。需用駝隻不少。彼時多方撙節雇覓。尚不敷用。而內地協濟駝隻。又因道遠一時不能解到。實屬緩不濟急。現據該將軍等將腳力豫為籌備。以資運送。而裕軍儲。擬於阿克蘇軍需局收到內地協濟雇買官駝三千餘隻內。除疲乏

實錄卷三十一

三

不堪用者。酌量變價外。其臆壯堪用者。作為備用官駝。就各城酌量分撥。設廠牧放。阿克蘇撥駝八百隻。葉爾羌撥駝一千隻。巴爾楚克撥駝五百隻。喀什噶爾撥駝二百隻。共撥用官駝二千五百隻。分廠牧放。不交滿洲營及綠營兼管。專交各阿奇木派伯克經理。自係該將軍等為經費起見。但事期經久可行。方為無弊。若徒暫時籌備。令阿奇木專派伯克。而伯克等不過派交回眾。亦是終久苦累。

回眾之一端。轉令回眾寒心。仍非撫馭得宜之道。所有此項駝隻。應如何辦理。著該將軍等另行籌議。務臻妥善。據實具奏。將此諭令知之。○以捐濬江蘇蕭縣龍山河出力。予知縣張志遂等升補有差。○修直隸通州石壩貯米號房。從倉場侍郎蘇成額等請也。○戶部議准。山西巡撫阿勒清阿疏報。榮河縣河淤新灘地九頃七十畝。照例升科。從之。○庚寅。

實錄卷三

言

上御乾清門聽政。○諭內閣刑部議。駁安徽巡撫鄧廷楨奏。審訊蒙城縣民人徐鳴孜京控一案。此案徐秉揚明知徐明學係被耿楫等共毆身死。輒因耿奉儀等家道殷實。起意乘機唆訟。冀圖索詐。代作呈詞。哄令屍子徐鳴孜京控。查閱原呈內稱。耿楫係挾嫌糾兇。扛毆斃命。首犯耿奉儀。耿學敏。係逞兇幫毆斃命。從犯各等情。經該撫訊係虛誣。自應按律反坐。乃置誣告兇徒結夥重情於不問。又因

實錄卷三

言

該犯唆訟僅止一次。與積慣訟棍不同。從輕定擬。係屬舍重就輕。至屍子徐鳴孜聽從控告。即屬為從。亦應按例科罪。該撫將徐鳴孜予以免議。殊覺寬縱。惟該犯徐鳴孜。因徐秉揚情願代作呈詞。且稱如審虛問罪。亦與該犯無涉。始行允從。與尋常聽從控告者有間。若遽按例更正。亦不足以折服其心。著交鄧廷楨再行提齊徐秉揚等覆訊明確。按律妥議具奏。尋奏遵駁改正。徐秉揚即照所誣耿奉儀等發極邊足四千里充軍之罪。擬軍業已監斃。應毋庸議。屍子徐鳴孜。被誘京控。應照例擬杖下部議。從之。○吏部以大學士富俊應定何殿閣請。得旨。富俊著為東閣大學士。○以詹事府詹事文蔚為大理寺卿。翰林院侍講學士郭尚先為光祿寺卿。○賞光祿寺少卿賡福。二等侍衛。為哈密幫辦大臣。○以江蘇揚河廳屬馬棚灣十四堡漫口合龍。予同知王貽象等開復升補有差。○旌表守

正捐驅江蘇海州民莊一華妻陳氏。○貸開封駐防兵丁修理住房餉銀。○除直隸灤州水衝沙壓田地十八頃八十一畝有奇額賦。○辛卯諭內閣陶澍等奏辦理回空軍船繞湖行走始終出力各員請分別鼓勵等語。已革揚河通判陶斌玉已革同知銜揚糧通判孫厚坤前因承辦河工料塼經朕特派大員查出弊竇降旨革職彼時未加深究將該革員等發遣已屬量從寬貸茲該督等以委辦軍船回空無誤率請將該革員等開復原官殊屬過當。河工料塼關繫緊要東南兩河因查出弊竇降革多員若藉端紛紛奏請開復何以儆示將來且此次軍船由湖入運既據該督等奏稱會同漕標委員等辦理亦非專由伊二人之力該革員等獲咎甚重即著有微勞功罪豈足相抵陶斌玉孫厚坤俱著不准開復原官即行飭令回籍毋許留南河差委其出力之漕務委員都司銜江淮衛守備

牛斗南著交部從優議敘候補衛千總顏兆燕王鍾吉江蘇揀發知縣姚瑩江西試用縣丞徐希綸俱著不論班次儘先補用該部知道。○又諭寶興等奏發遣吉林宗室閑單請旨一摺連海咸喜福山俱著移駐盛京宗室營交該將軍嚴加管束無許出外滋事。○諭軍機大臣等據御史卞士雲奏江蘇淮安揚州所屬下游州縣向有小舟名曰艍船常以捕魚為業本年因水勢稍大借饑民名色或數十船一起或數百船一起私梟乘勢勾結令其載運私鹽由戚家汊孔家涵等處徑出運河並沿江一帶地方售賣公然設立章程有屯戶過載架護名目派人各司其事船大者裝至千斤小者數百斤其聚集之處聞拏則婦女撒潑不拏則強壯滋事秋間曾有壽州等處回民許姓曹姓多人在三岔河地方因與艍船爭賣私鹽有然放排槍之事匪徒結黨互爭難保不別生他故該處上司非不

委員查緝。每日報獲私鹽。無如艍船來去如故。誠恐兵役人等。先於搜查時。豫為說明。每船抽留若干。以為搪塞保護之計。該地方官粉飾消弭。竟不嚴行禁絕。並聞該梟匪等於江南之觀音門。安徽之樅陽鎮。立有馬頭。銷售艍船所載私鹽等語。近來江船夾帶。與大幫私販。俱漸斂跡。乃梟徒另設此法。逞其販私之計。往來擾累。徒黨橫行。殊屬目無法紀。著陶澍。程祖洛。鄧廷楨。嚴行查辦。先拏勾結

實錄卷二〇二

元

之人。使艍船無所倚賴。再押令各艍船自歸本籍。違者重辦。其三岔河爭賣私鹽一案。並觀音門。樅陽鎮。私設馬頭。亦著嚴行懲辦。以靖私梟。至其中實係貧苦之艍船。應否編入冊籍。歸於賑務辦理。亦著體察情形。斟酌妥辦。將此各諭令知之。○又諭據寶興等奏。參已革伯都訥。同知松奎。虧短倉庫錢糧。據稱前任伯都訥。副都統碩德。曾那用。採買穀價銀兩。已明降諭。旨將松奎拏問。碩德解任。交

寶興等嚴訊矣。齊齊哈。副都統碩德。現據松奎供稱。該員曾那用。採買穀價銀兩。呈出三千兩借約為證。事關虧那帑項。必須質訊明確。著富僧德。即派協領一員。將碩德迅速護解。沿途小心防範。至吉林交寶興等審訊。毋稍遲延。將此諭令知之。○又諭據寶興等奏。已革伯都訥。同知松奎。虧短倉庫錢糧。請旨拏問。究辦一摺。已明降諭。旨將松奎拏問。前任伯都訥。副都統碩德。解任。交該將軍等

實錄卷二〇二

元

嚴訊矣。東三省倉庫充足。向無虧那之弊。與各省情形不同。此案該革員松奎。現經查出。任內墊那虧短銀至九千七百餘兩之多。雖據稱內有民欠銀九百餘兩。及碩德那用。採買穀價銀兩。究係一面之詞。必應提集人證。徹底根究。著寶興等。秉公嚴訊。務期水落石出。以成信讞。如查明該革員係將已徵銀兩。捏為民欠。及事後掩飾情弊。並碩德實有那用銀兩。即一併據實嚴參。毋得稍有回護。將